

আল-বিদায়া ওয়ান নিহায়া

ইসলামের ইতিহাস : আদি-অন্ত

নবম খন্ড

আল-বিদায়া ওয়ান নিহায়া

(ইসলামের ইতিহাস : আদি-অন্ত)

নবম খণ্ড

মূল

আবুল ফিদা হাফিজ ইবন কাসীর আদ-দামেশ্কী (র)

মূল কিতাব পরিমার্জন ও সম্পাদনায়

- ড. আহমদ আবু মুলহিম
- ড. আলী নজীব আতারী
- প্রফেসর ফুয়াদ সাইয়িদ
- প্রফেসর মাহদী নাসিরউদ্দীন
- প্রফেসর আলী আবদুস সাতির

সম্পাদনা পরিষদ কর্তৃক সম্পাদিত



ইসলামিক ফাউন্ডেশন বাংলাদেশ

আল-বিদায়া ওয়ান নিহায়া (নবম খণ্ড)
মূল : আবুল ফিদা হাফিজ ইবন কাসীর আদ-দামেশকী (র)
পৃষ্ঠা সংখ্যা : ৫৬০
সম্পাদনা পরিষদ কর্তৃক সম্পাদিত
এন্ট্রিপ্রেস : ইসলামিক ফাউন্ডেশন বাংলাদেশ কর্তৃক সংরক্ষিত।
ইফাবা অনুবাদ ও সংকলন প্রকাশনা : ৩০৫
ইফাবা প্রকাশনা : ২৩৬০
ইফাবা প্রস্থাগার : ২৯৭.০৯
ISBN : 984-06-1037-2

প্রকাশকাল
মে ২০০৫
রবিউস সালি ১৪২৬
জ্যৈষ্ঠ ১৪১২
মহাপরিচালক : এ. জেড. এম. শামসুল আলম
প্রকাশক
শেখ মুহাম্মদ আবদুর রহীম
পরিচালক : অনুবাদ ও সংকলন বিভাগ
ইসলামিক ফাউন্ডেশন বাংলাদেশ
আগারগাঁও, শেরেবাংলা নগর, ঢাকা-১২০৭
ফোন : ৯১৩৩৩৯৪
কম্পিউটার কম্পোজ
নিউ হাইটেক কম্পিউটার
জি, পি, ক-৩৮, মহাখালী, ঢাকা
প্রকরিতার : মাওলানা হাসান রহমতী

মুদ্রণ ও বাঁধাই
মেসার্স আল-আমিন প্রেস এণ্ড পাবলিকেশন
৮৫, শরৎগুপ্ত রোড, নারিন্দা, ঢাকা।
মূল্য : ৩০০ (তিনিশত) টাকা মাত্র।

AL-BIDAYA WAN NIHAYA (Islamic History : First to Last) [9th volume] :
Written by Abul Fidaa Hafiz Ibn Kasir ad-Dameshki (Rh) in Arabic and
translated into Bangla by Maulana Sayed Muhammad Emdaduddin,
Maulana Muhammad Abu Taher, Maulana Muhammad Habibur Rahman
Nadavi and Maulana Muhammad Mahiuddin and published by Director,
Translation and Compilation Dept., Islamic Foundation Bangladesh,
Agargaon, Sher-e-Bangla Nagar, Dhaka-1207.

May 2005

Web Site : www.islamicfoundation-bd.org

E-mail : info@islamicfoundation-bd.org

Price : Tk 300.00; US Dollar 12.00

সূচিপত্র

শিরোনাম	পৃষ্ঠা
হিজরী ৭৪ সন	১৩
৭৪ হিজরী সনে যাদের ওফাত হয়	১৫
রাফি' ইবন খাদীজ (রা)	১৫
আবু সাউদ খুদরী (রা)	১৫
আবদুল্লাহ ইবন উমার (রা)	১৬
উবায়দ ইবন উমায়ার	১৯
আবু জুহায়ফা (রা)	১৯
সালমা ইবন আকওয়া'	১৯
মালিক ইবন আবু আমির (রা)	২০
আবু আবদুর রহমান সুলামী	২০
আবু মা'রদ আল আসাদী	২০
বিশর ইবন মারওয়ান	২০
৭৫ হিজরী সন	২১
৭৫ হিজরী সনে নেতৃস্থানীয় যারা ইন্তিকাল করেন	২৭
আবু ছালাবা খুশানী (রা)	২৮
আসওয়াদ ইবন ইয়ায়ীদ	২৯
হামরান ইবন আবান (র)	২৯
৭৬ হিজরী সন	৩০
৭৬ হিজরী সনে ওফাতপ্রাণ বিশিষ্ট ব্যক্তিবর্গ	৩৪
আবু উছমান আন নাহদী	৩৪
সাল্লাহ ইবন আশীর আদাবী (র)	৩৪
মুহায়র ইবন কায়স বালাবী (রা)	৩৭
মুনফির ইবন জাক্রদ (র)	৩৭
৭৭ হিজরী সন	৩৭
৭৮ হিজরী সন	৪৪
৭৮ সনে ওফাতপ্রাণ বিশিষ্ট ব্যক্তিবর্গ	৪৫
জাবির ইবন আবদুল্লাহ ইবন আমর (রা)	৪৫
শুরায়হ ইবন হারিছ (র)	৪৫
আবদুল্লাহ ইবন গানাম (র)	৫২
জনাদ ইবন উমাইয়া আযদী (র)	৫২
আলা ইবন যিয়াদ বসরী	৫২
সুরাকা ইবন মিরদাস আযদী	৫৩
নাবিগা আল-জাদী ও অন্যান্যরা	৫৪
৭৯ হিজরী সন	৫৪

	পৃষ্ঠা
শিরোনাম	৬১
৭৯ হিজরী সনে যাঁদের ওফাত হয়	৬১
৮০ হিজরী সন	৬১
৮০ হিজরী সনে ওফাতপ্রাণ বিশিষ্ট ব্যক্তিবর্গ	৬৩
হ্যরত উমার (রা)-এর আযাদকৃত দাস আসলাম (র)	৬৩
জুবায়র ইবন নুফায়র (রা)	৬৪
আবদুল্লাহ ইবন জাফর ইবন আবু তালিব (রা)	৬৪
আবু ইদরীস খাওলানী (র)	৬৬
মা'বাদ আল জুহানী কাদরী	৬৬
৮১ হিজরী সন	৬৭
ইবনুল আশআছের বিদ্রোহ	৬৭
এই হিজরী সনে যাঁদের ওফাত হয়	৭১
বুজায়র ইবন ওয়ারকা সারীয়ী	৭১
আবদুল্লাহ ইবন শান্দাদ ইবনুল হাদ	৭২
মুহাম্মদ ইবন আলী ইবন আবু তালিব (রা)	৭২
৮২ হিজরী সন	৭৬
জামাজিম মঠের যুদ্ধ	৭৭
এই হিজরী সনে যাঁদের ওফাত হয়	৮০
সেলাগতি মুহাম্মদ	৮০
আসমা ইবন খারিজাহ ফাযারী কৃষী	৮১
মুসীরা ইবন মুহাম্মদ	৮১
হারিছ ইবন আবদুল্লাহ (র)	৮১
মুহাম্মদ ইবন উসামা ইবন যায়দ ইবন হারিছা (র)	৮১
আবদুল্লাহ ইবন আবু তালহা ইবন আবু আসওয়াদ (র)	৮২
আবদুল্লাহ ইবন কাব ইবন মালিক (র)	৮২
অক্ষমন ইবন ওয়াহব (রা)	৮২
জামীল ইবন আবদুল্লাহ (র)	৮২
উমার ইবন উবায়দুল্লাহ (র)	৮৬
কুমারল ইবন যিয়াদ (র)	৮৭
যাদান আবু আমর আল কিন্দী (র)	৮৮
বিরু ইবন হ্বায়শ (র)	৮৮
ছেট উচ্চ দারদা' (র)	৮৯
৮৩ হিজরী সন	৮৯
ওয়াসিত নগরী প্রতিষ্ঠা	৯৫
৮৩ হিজরী সনে যাঁদের ওয়াত হয়	৯৫
আবদুর রহমান ইবন জুহায়রা (র)	৯৫
তারিক ইবন শিহাব (রা)	৯৫
উবায়দুল্লাহ ইবন আদী (রা)	৯৫

শিরোনাম	পৃষ্ঠা
তারিক ইবন শিহাব (রা)	৯৬
উবাইদুল্লাহ ইবন আদী (রা)	৯৭
৮৪ হিজরীর আগমন	৯৮
আয়ুব ইবন আল-কেরীয়া	৯৮
রাওহ ইবন যাথা' আল-জুয়ামী	৯৯
আয়ুব ইবন আল-কিরিয়াহ	১০১
রাওহ ইবন যাথা'	১০১
৮৫ হিজরীর আগমন	১০২
আবদুল আয়ীয ইবন মারওয়ান	১০৫
আবদুল মালিকের আপন ছেলে ওয়ালীদ ও তাঁর পরে সুলাইমানের জন্য বাইয়াত গ্রহণ	১০৯
৮৬ হিজরীর আগমন	১১১
উমায়া খলিফাদের জনক আবদুল মালিক ইবন মারওয়ান	১১২
আরতাত ইবন মুফার	১২৩
মুতাররাফ ইবন আবদুল্লাহ ইবন আশ-শিখীর	১২৪
দামেশকের জামি মসজিদের নির্মাতা আল ওয়ালীদ ইবন আবদুল মালিক ইবন মারওয়ানের খিলাফত	১২৫
৮৭ হিজরীর প্রারম্ভ	১২৬
উত্বা ইবন আবদ আস-সুলামী (রা)	১২৯
আল-মিকদাম ইবন মাদীকারব (রা)	১২৯
আবু উমামাতুল বাহিলী	১৩০
কাবীলা ইবন যুওয়ায়ব (রা)	১৩০
উরওয়া ইবনুল মুগীরা ইবন শ'বাহ	১৩০
কায়ী শুরায়হ ইবন আল-হারিস ইবন কায়স	১৩০
৮৮ হিজরীর প্রারম্ভ	১৩০
আবদুল্লাহ ইবন বুসর ইবন আবু বুসর আল-মাসানী (র)	১৩৩
আবদুল্লাহ ইবন আবু আওফা (রা)	১৩৩
হিশাম ইবন ইসমাইল	১৩৩
উমায়র ইবন হাকীম	১৩৩
৮৯ হিজরীর আগমন	১৩৩
৯০ হিজরীর আগমন	১৩৫
চিকিৎসক ইয়াতায়ুক	১৩৯
খালিদ ইবন ইয়ায়ীদ ইবন মুয়াবীয়া	১৩৯
আবদুল্লাহ ইবন আয-যুবায়র	১৪০
৯১ হিজরীর প্রারম্ভ	১৪০
সাহল ইবন সাদ আস-সাঈদী (রা)	১৪৩
৯২ হিজরীর আগমন	১৪৮
তুওয়ায়স আল-মুগনী	১৪৫
৯৩ হিজরীর প্রারম্ভ	১৪৫
সমরকন্দ বিজয	১৪৬

শিরোনাম	পৃষ্ঠা
উমর ইবন আবদুল্লাহ ইবন আবু রাবীআ	১৫৭
বিলাল ইবন আবুদ দারদা	১৫৭
বিশর ইবন সাঈদ	১৫৭
যুরায়াহ ইবন আওফা	১৫৮
খুবায়ব ইবন আবদুল্লাহ	১৫৮
হাফস ইবন আসিম	১৫৮
সাঈদ ইবন আবদুর রহমান	১৫৮
ফারওয়াহ ইবন মুজাহিদ	১৫৮
আবু শাছা জাবির ইবন যায়দ	১৫৮
৯৪ হিজরীর আগমন	১৬১
সাঈদ ইবন জুবাইর (র)-এর হত্যাকাণ্ড	১৬২
যেসব ব্যক্তিত্ব এ বছর ইনতিকাল করেন	১৬৪
সাঈদ ইবন জুবায়র	১৬৪
সাঈদ ইবনুল মুসায়িব	১৬৬
তালুক ইবন হাবীব আল-আনায়ী	১৬৯
উরওয়াহ ইবনুয যুবায়র ইবনুল আওয়াম	১৭০
আলী ইবনুল হসায়ন (র)	১৭৩
আবু বকর ইবন আবদুর রহমান ইবন আল-হারিস	১৯১
৯৫ হিজরীর আগমন	১৯৩
হাজাজ ইবন ইউসুফ আছ-ছাকাফী-এর জীবনী ও তার ওফাত	১৯৩
পরিচ্ছেদ	২০১
যে সব হিতসাধনকারী কথাবার্তা এবং দৃঃসাহসিক পদক্ষেপ তার থেকে বর্ণিত রয়েছে....	২১০
ইব্রাহীম ইবন ইয়ায়ীদ আন-নাথ্স	২২৮
আল-হাসান ইবন মুহাম্মদ ইবন আল-হানাফীয়া	২২৮
হুমায়ন ইবন আবদুর রহমান ইবন আওফ আয-যুহরী	২২৮
মুতাব্রাফ ইবন আবদুল্লাহ ইবন আশ-শিখীর	২২৮
৯৬ হিজরীর প্রারম্ভ	২২৯
দামেশকের জামি' মসজিদ সংস্করণে যেসব হাদীস সম্মানিত ব্যক্তিবর্গ থেকে	
বর্ণিত তার একটি সংক্ষিপ্ত বর্ণনা	২৪৭
ইয়াহ-ইয়া ইবন যাকারিয়া (আ)-এর মাথা সংক্রান্ত আলোচনা	২৫১
মসজিদের দরজায় স্থাপিত ঘড়িসমূহের আলোচনা	২৫৪
জামি' উমাৰীতে কিৱাআতে সা'বআর সূচনা	২৫৫
পরিচ্ছেদ	২৫৬
জামি' দামেশকের নির্মাতা ওয়ালীদ ইবন আবদুল মালিকের জীবন চরিত এবং	
এ বছরে তার ওফাতের আলোচনা	২৫৭
আবদুল্লাহ ইবন উমর ইবন উহমান	২৬৫
সুলায়মান ইবন আবদুর মালিকের বিলাফত	২৬৫

শিরোনাম	পৃষ্ঠা
কৃতায়ৰা ইব্ন মুসলিমের হত্যাকাণ্ড	২৬৬
৯৭ হিজরীর সূচনা	২৭১
হাসান ইব্ন হাসান ইব্ন আলী ইব্ন আবু তালিব	২৭২
মুসা ইব্ন নুসায়র আবু আবদুর রহমান আল লাখমী	২৭৩
৯৮ হিজরীর সূচনা	২৭৭
আবদুল্লাহ ইব্ন আবদুল্লাহ ইব্ন উতবা	২৮১
৯৯ হিজরীর সূচনা	২৮১
উমর ইব্ন আবদুল আয়ীয়-এর খিলাফত	২৯২
হাসান ইব্ন মুহাম্মাদ আল হানাফিয়াহ	২৯৪
আবদুল্লাহ ইব্ন মুহাইরী ইব্ন জুনাদ ইব্ন উবাইদ	২৯৪
মাহমুদ ইব্ন লাবীদ ইব্ন উক্বা	২৯৫
নাফি' ইব্ন জুবায়র ইব্ন মুত্তাম	২৯৫
কুরায়ব ইব্ন মুসলিম	২৯৫
মুহাম্মাদ ইব্ন জুবায়ব ইব্ন মুত্তাম	২৯৬
মুসলিম ইব্ন ইয়াসার	২৯৬
হানাশ ইব্ন আমর আস্সান আনী	২৯৬
খরিজা ইব্ন যায়দ	২৯৭
হিজরী শততম বর্ষ	২৯৭
বানু আববাসের খিলাফতের প্রচারণার সূচনা	৩০০
সালিম ইব্ন আবুল জাদ আলআশজাঈ	৩০১
আবু উমামা সাহল ইব্ন হানীফ	৩০১
আবুয় যাহিরিয়াহ হৃদায়র ইব্ন কুরায়ব আল হিসাসী	৩০২
আবৃত্ত-তুফায়ল আমির ইব্ন ওয়াছিলাহ	৩০২
আবু উহমান আন নাহদী	৩০৩
১০১ হিজরীর সূচনা	৩০৪
খলীফা উমর ইব্ন আবদুল আয়ীয়ের জীবনী	৩০৫
পরিচ্ছেদ	৩১০
পরিচ্ছেদ	৩২৯
পরিচ্ছেদ	৩৩০
তার মৃত্যুর কারণ সম্পর্কিত আলোচনা	৩৩২
পরিচ্ছেদ	৩৩৭
ইয়ায়ীদ ইব্ন আবদুল মালিকের খিলাফত	৩৪৮
১০২ হিজরীর সূচনা	৩৫০
ইরাক ও খোরাসানের প্রশাসকরণে মাসলামাহ	৩৫৩
যাহ্হাক ইব্ন মুয়াহিম আল-হিলালী	৩৫৪
আবুল মুতাওয়াক্তিল আন্নাজী	৩৫৫
১০৩ হিজরীর সূচনা	৩৫৫
ইয়ায়ীদ ইব্ন আবু মুসলিম	৩৫৫

শিরোনাম	পঠা
মুজাহিদ ইবন জুবাইর আল-মাক্কী	৩৫৫
পরিচ্ছেদ	৩৫৬
মুসআব ইবন সা'দ ইবন আবু ওয়াক্কাস	৩৬৪
১০৮ হিজরীর সূচনা	৩৬৪
খালিদ ইবন সাদান আল কিলাউ	৩৬৬
আমির ইবন সা'দ ইবন আবু ওয়াক্কাস আল-লায়ছ	৩৬৬
আমির ইবন শারাহীল আশ-শা'বী	৩৬৭
আবু বুরদা ইবন আবু মুসা আল-আশআরী	৩৬৭
আবু কিলাবা আল-জারমী	৩৬৮
১০৫ হিজরীর সূচনা	৩৬৮
হিশাম ইবন আবদুল মালিক ইবন মারওয়ানের খিলাফত	৩৭২
আবান ইবন উছমান ইবন আফফান	৩৭২
১০৬ হিজরীর সূচনা	৩৭৩
১০৭ হিজরীর সূচনা	৩৮৭
সুলায়মান ইবন ইয়াসার	৩৮৭
ইকরিমাহ	৩৮৮
আল কাসিম ইবন মুহাম্মদ ইবন আবু বাকর সিদ্দীক (রা)	৩৯৭
প্রসিদ্ধ কবি আয়্যা প্রেমিক কুছায়ির	৩৯৭
১০৮ হিজরীর সূচনা	৪০৯
বাকর ইবন আবদুল্লাহ আলমুয়ানী আল বসরী	৪০৯
মুহাম্মদ ইবন কা'ব আল কুরায়ী	৪১০
১০৯ হিজরীর সূচনা	৪১৮
১১০ হিজরীর বিবরণ	৪১৮
কবি জারীর	৪১৫
কবি ফারায়দাক	৪২৪
হাসান ইবন আবুল হাসান (র)	৪২৬
ইবন সীরীন (র)	৪২৭
পরিচ্ছেদ	৪২৮
হাসান	৪২৯
মুহাম্মদ ইবন সীরীন (র)	৪৩৮
ওয়াহব ইবন মুনাবিহ আল-ইয়ামানী (র)	৪৪১
পরিচ্ছেদ	৪৪১
সুলায়মান ইবন সা'দ	৪৮০
উম্মুল হ্যায়ল	৪৮০
আইশা বিন্ত তালহা ইবন আবদুল্লাহ আত-তামীরী	৪৮০
আবদুল্লাহ ইবন সাঈদ ইবন জুবায়র	৪৮০
আবদুর রহমান ইবন আবান	৪৮১
১১১ হিজরী সন	৪৮১
১১২ হিজরী সন	৪৮১
এ বছর মৃত্যুবরণকারী বিশিষ্ট ব্যক্তিবর্গ রাজা ইবন হাইওয়াহ	৪৮২

শিরোনাম	পৃষ্ঠা
শাহুর ইব্ন হাওশাব আল-আশ'আরী আল-হিম্সী	৪৮৩
১১৩ হিজরী সন	৪৮৩
আল-আমীর আবদুল ওহহাব ইব্ন বখত	৪৮৩
মাকহুল আশ-শামী	৪৮৪
১১৪ হিজরী সন	৪৮৫
'আতা ইব্ন আবী রাবাহ	৪৮৫
অনুচ্ছেদ	৪৮৬
১১৫ হিজরী সন	৪৯১
আবূ জা'ফর আল-বাকির	৪৯১
পরিচ্ছেদ	৪৯২
১১৬ হিজরী সন	৪৯৭
১১৭ হিজরী সন	৪৯৭
কাতাদা ইব্ন দিআমা আস-সাদূসী	৪৯৮
অনুচ্ছেদ	৪৯৯
ইবন উমর (রা)-এর গোলাম নাফি' (র)	৫০৭
যুরাইয়া আশ-শাইব	৫০৮
১১৮ হিজরী সন	৫০৯
আলী ইব্ন আবদুল্লাহ ইব্ন আববাস (রা)	৫০৯
১১৯ হিজরী সন	৫১১
১২০ হিজরী সন	৫১৫
১২১ হিজরী সন	৫১৮
যায়দ ইব্ন আলী ইবনুল হসায়ন ইব্ন আলী ইব্ন আবু তালিব (রা)	৫২০
মাসলামাহ ইব্ন আবদুল মালিক	৫২০
নুমায়র ইব্ন কায়স	৫২২
১২২ হিজরী সন	৫২২
আবদুল্লাহ আবু ইয়াহুইয়া, যিনি বাতাল নামে পরিচিত	৫২৫
ইয়াস আয-যাকী	৫২৯
১২৩ হিজরী সন	৫৩৭
১২৪ হিজরী সন	৫৩৮
আল-কাসিম ইব্ন আবু বায়য়া	৫৩৯
যুহরী (র)	৫৩৯
বিলাল ইব্ন সা'দ	৫৫১
জা'দ ইব্ন দিরহাম	৫৫৪
১২৫ হিজরী সন	৫৫৬
হিশাম ইব্ন আবদুল মালিক (র)-এর মৃত্যু ও তাঁর জীবন চরিত	৫৫৭

মহাপরিচালকের কথা

‘আল-বিদায়া ওয়ান-নিহায়া’ প্রখ্যাত মুফাস্সির ও ইতিহাসবেত্তা আল্লামা ইব্ন কাসীর (র) প্রণীত একটি সুবৃহৎ ইতিহাস গ্রন্থ। এই গ্রন্থে সৃষ্টির শুরু তথা আরশ-কুরসী, নভোমঙ্গল-ভূমঙ্গল প্রভৃতি এবং সৃষ্টির শেষ তথা হাশর-নশর, কিয়ামত, জান্নাত-জাহান্নাম প্রভৃতি সম্বন্ধে আলোচনা করা হয়েছে। এই বৃহৎ গ্রন্থটি মোট ১৪ খণ্ডে সমাপ্ত হয়েছে।

এই বৃহৎ মূল গ্রন্থটি মোট ১৪ খণ্ডে সমাপ্ত হয়েছে। এই গ্রন্থে অন্তর্ভুক্ত বিষয়গুলো তিন ভাগে ভাগ করা হয়েছে। প্রথম ভাগে আরশ-কুরসী, ভূমঙ্গল-নভোমঙ্গল এতদুভয়ের অন্তর্বর্তী ঘটনাবলী তথা ফেরেশতা, জিন, শয়তান, আদম (আ)-এর সৃষ্টি, যুগে যুগে আবির্ভূত নবী-রাসূলগণের ঘটনা, বনী ইসরাইল, ইসলামপূর্ব যুগের ঘটনাবলী এবং মুহাম্মদ (সা)-এর জীবন-চরিত আলোচনা করা হয়েছে।

দ্বিতীয় ভাগে রাসূলুল্লাহ (সা)-এর ওফাতকাল থেকে ৭৬৮ হিজরী সাল পর্যন্ত সুনীর্ধকালের বিভিন্ন ঘটনা এবং মনীষীদের জীবনী আলোচিত হয়েছে। তৃতীয় ভাগে রয়েছে ফিতনা-ফাসাদ, যুদ্ধ-বিপ্লব, কিয়ামতের আলামত, হাশর-নশর, জান্নাত ও জাহান্নামের বিবরণ ইত্যাদি।

লেখক তাঁর এই গ্রন্থের প্রতিটি আলোচনা পরিত্ব কুরআন, হাদীস, সাহাবাগণের বর্ণনা, তাবিউন ও অন্যান্য মনীষীর উক্তি দ্বারা সমন্ব করেছেন। ইব্ন হাজার আসকালানী (র), ইবনুল ইমাদ, আল-হামলী (র) প্রমুখ ইতিহাসবিদ এই গ্রন্থের ভূয়সী প্রশংসন করেছেন। বদরুল্লাদীন আইনী (র) এবং ইব্ন হাজার আসকালানী (র) গ্রন্থটির সার-সংক্ষেপ রচনা করেছেন। বিজজনদের মতে, এ গ্রন্থের লেখক ইব্ন কাসীর (র) ইমাম তাবারী, ইবনুল আসীর, মাসউদী ও ইব্ন খালদুনের ন্যায় উচ্চস্তরের ভাষাবিদ, সাহিত্যিক ও ইতিহাসবেত্তা ছিলেন।

বিখ্যাত এ গ্রন্থটির বাংলা অনুবাদের ৯ম খণ্ড পাঠকের হাতে তুলে দিতে পেরে আমরা আল্লাহ তা'আলার শুকরিয়া আদায় করছি। গ্রন্থখনির অনুবাদক ও সম্পাদকমঙ্গলীকে আন্তরিক মুবারকবাদ জানাচ্ছি। অনুবাদ ও সংকলন বিভাগের সকল কর্মকর্তা ও কর্মচারী এবং গ্রন্থটির প্রকাশনার ক্ষেত্রে অন্য যাঁরা সাহায্য-সহযোগিতা করেছেন, তাঁদের সবাইকে মুবারকবাদ জানাচ্ছি।

পরম করুণাময় আল্লাহ তা'আলা আমাদের এ শ্রম কবুল করুন। আমীন!

এ. জেড. এম. শামসুল আলম
মহাপরিচালক
ইসলামিক ফাউন্ডেশন বাংলাদেশ

প্রকাশকের কথা

প্রথম মানব-মানবী হয়েরত আদম ও হাওয়া (আ) থেকে মানব সভ্যতার শুভ সূচনা হয়েছে। হয়েরত আদম (আ) ছিলেন মানব জাতির আদি পিতা এবং সর্বপ্রথম নবী। আল্লাহ্ তা'আলা মানুষ সৃষ্টির পর তাঁর বিধি-বিধান আবিষ্যায়ে কিরামের মাধ্যমেই মানব জাতির কাছে পৌঁছিয়েছেন। নবী-রাসূলগণ সহীফা অথবা কিতাব নিয়ে এসেছেন। মানব ইতিহাসের বিভিন্ন ঘটনা, আবিষ্যায়ে কিরামের আগমন ও তাঁদের কর্মবহুল জীবন সম্পর্কে পবিত্র কুরআন ও হাদীসে বিশদভাবে বর্ণিত হয়েছে। তাই ইসলামের নির্ভুল ইতিহাস জানার জন্য কুরআন হাদীসই হলো মৌলিক উপাদান। আজ বিজ্ঞানের চরম উৎকর্ষের যুগেও কুরআন-হাদীসের তত্ত্ব ও তথ্য প্রশ়াতীতভাবে প্রমাণিত।

আল্লামা ইব্ন কাসীর (র) কর্তৃক আরবী ভাষায় খ্রিচিত 'আল-বিদায়া ওয়ান নিহায়া' গ্রন্থে আল্লাহ্ তা'আলার বিশাল সৃষ্টি জগতসমূহের সৃষ্টিতত্ত্ব ও রহস্য, মানব সৃষ্টিতত্ত্ব এবং আবিষ্যায়ে-কিরামের সুবিস্তৃত ইতিহাস বর্ণনা করা হয়েছে। ১৪ খণ্ডে সমাপ্ত এই বৃহৎ গ্রন্থটি অত্যন্ত নির্ভরযোগ্য ও জনপ্রিয় একটি ইতিহাস গ্রন্থ।

ইসলামের ইতিহাস চর্চাকারীদের জন্য গ্রন্থটি দিক-নির্দেশক হিসেবে বিবেচিত হয়ে আসছে। গ্রন্থটির শুরুত্তের প্রতি লক্ষ্য রেখে ইসলামিক ফাউন্ডেশন বাংলাদেশ সবগুলো খণ্ড অনুবাদের উদ্যোগ গ্রহণ করেছে। এটি ৯ম খণ্ড। বাংলা ভাষাভাষী পাঠকদের সুবিধার্থে 'আল-বিদায়া ওয়ান-নিহায়া'র বাংলা নামকরণ করা হয়েছে 'ইসলামের ইতিহাস : আদি-অন্ত।'

গ্রন্থটি অনুবাদ করেছেন মাওলানা সৈয়দ মুহাম্মদ এমদাদউদ্দীন, মাওলানা মুহাম্মদ আবু তাহের, মাওলানা মুহাম্মদ হাবীবুর রহমান নদজী ও মাওলানা মুহাম্মদ মুহিউদ্দীন। আর সম্পাদনা করেছেন অধ্যাপক আবদুল মান্নান ও মাওলানা মুহাম্মদ ফরীদুদ্দীন আত্তার এবং প্রক্রিয়াজ্ঞান করেছেন মাওলানা হাসান রহমতী। গ্রন্থটির অনুবাদ ও সম্পাদনার সাথে সম্পৃক্ত সবার প্রতি রইল আমাদের আন্তরিক মুবারকবাদ।

অনুদিত গ্রন্থটির ৯ম খণ্ড প্রকাশ করতে পেরে আমরা মহান আল্লাহ্ তা'আলার শুকরিয়া আদায় করছি। অপরাপর খণ্ডগুলোও প্রকাশের কার্যক্রম অব্যাহত রয়েছে। আমরা গ্রন্থটি নির্ভুল মুদ্রণের চেষ্টা করেছি, তবুও গ্রন্থটি প্রকাশ করতে গিয়ে হয়তো কোথাও ভুল-ক্রতি থাকতে পারে। সচেতন পাঠকবৃন্দের নিকট কোন ভুল-ক্রতি ধরা পড়লে তা আমাদেরকে জানানোর জন্য অনুরোধ রইল।

আমরা আশা করি গ্রন্থটি পাঠক মহলে সমাদৃত হবে। আল্লাহ্ তা'আলা আমাদের প্রচেষ্টা করুন। আমীন!

শেখ মুহাম্মদ আবদুর রহীম
পরিচালক
অনুবাদ ও সংকলন বিভাগ
ইসলামিক ফাউন্ডেশন বাংলাদেশ

অনুবাদকমণ্ডলী

- মাওলানা সৈয়দ মুহাম্মদ এমদাদউদ্দীন
- মাওলানা মুহাম্মদ আবু তাহের
- মাওলানা মুহাম্মদ হাবীবুর রহমান নদভী
- মাওলানা মুহাম্মদ মুহিউদ্দীন

সম্পাদকমণ্ডলী

- অধ্যাপক আবদুল মান্নান
- মাওলানা মুহাম্মদ ফরীদুদ্দীন আত্তার



بِسْمِ اللّٰهِ الرَّحْمٰنِ الرَّحِيْمِ

দয়াময়, পরম দয়ালু আল্লাহর নামে

হিজরী ৭৪ সন

এই সনে খলীফা আবদুল মালিক ইবন মারওয়ান পবিত্র মদীনার শাসনকর্তার পদ থেকে তারিক ইবন আমরকে বরখাস্ত করেন। হাজ্জাজ ইবন ইউসুফকে তার দায়িত্বের অতিরিক্ত হিসেবে পবিত্র মদীনার শাসনকর্তার দায়িত্ব প্রদান করে। হাজ্জাজ মদীনা শরীফ আগমন করে এবং সেখানে কয়েক মাস অবস্থান করে। তারপর উমরা সম্পাদনের উদ্দেশ্যে মক্কা শরীফ গমন করে। সফর র্মাসে মদীনায় ফিরে আসে এবং তিন মাস মদীনা শরীফ অবস্থান করে। এ যাত্রায় সে বানু সালামা অঞ্চলে একটি মসজিদ নির্মাণ করে। এখনও সেটি হাজ্জাজের মসজিদ নামে পরিচিত। কথিত আছে যে, এ যাত্রায় হাজ্জাজ প্রখ্যাত সাহাবী হ্যরত জাবির (রা) ও সাহল ইবন সাদ (রা)-কে কটুকথা শোনায় ও তিরকার করে এই বলে যে, কেন তাঁরা হ্যরত উছমান (রা)-কে সহযোগিতা করেননি? সে তাঁদের দুজনকে কদর্যভাবে বকারকি করে। শাসনকর্তা হাজ্জাজ ইয়ামানের বিচারক পদে আবু ইদরীস খাওলানীকে নিয়োগ দেয়। আল্লাহই তালিমেন।

ইবন জারীর বলেন, এই সনে হাজ্জাজ হ্যরত আবদুল্লাহ ইবন যুবায়র (রা) কর্তৃক নির্মিত পবিত্র কা'বাগুহের সম্প্রসারিত প্রাচীর ভেঙ্গে ফেলে এবং সেটিকে পূর্বের অবস্থানে ফিরিয়ে নেয়। হাজ্জাজ সম্পূর্ণ কা'বাগুহ ভাসেনি। বরং সিরীয় প্রাচীর নামে পরিচিত উত্তর দিকের দেয়ালটি ভেঙ্গেছিল। সে হিজ্র বা হাতীমকে মূল গৃহ থেকে বের করে মূল ভবনের সীমানায় দেয়াল তুলে দেয়। আর অতিরিক্ত পাথরগুলো কা'বার ভেতরে ঢুকিয়ে দেয়।

অন্য তিনটি দেয়াল সে অক্ষত ও পূর্বাবস্থায় রেখে দিয়েছিল। এজন্যে পূর্ব ও পশ্চিম দেয়াল ভূমির সাথে মিলানো দেখা যায়। তবে পশ্চিম দিকের দেয়াল পুরোপুরি বক্ষ করে দেয়। সেখানে কোন দরযা রাখেনি। আর পূর্ব দিকের প্রাচীরে একটি উঁচু ধাপ তৈরী করে দেয় যেমনটি জাহেলী যুগে ছিল।

বস্তুত কা'বাগুহ সম্পর্কে হ্যরত আইশা (রা) রাসূলুল্লাহ (সা) থেকে যে হাদীসটি বর্ণনা করেছিলেন, সেটি সম্পর্কে হ্যরত আবদুল্লাহ ইবন যুবায়র অবহিত ছিলেন; কিন্তু হাজ্জাজ এবং আবদুল মালিকের কেহই অবহিত ছিলেন না। আবদুল্লাহ ইবন যুবায়র (রা)-এর খালা উস্মান মু'মিনীন হ্যরত আইশা (রা) রাসূলুল্লাহ (সা)-এর বরাত দিয়ে ইবন যুবায়রকে জানিয়েছিলেন যে, রাসূলুল্লাহ (সা) তাঁকে (আইশাকে) বলেছিলেন :
 لَوْلَا أَنَّ قَوْمَكَ حَدَّيْتُ عَهْدَهُمْ
 بِكُفْرٍ لَنَقْضَتُ الْكَعْبَةَ وَأَدْخَلْتُ فِيهَا الْحِجْرَ وَجَعَلْتُ لَهَا بَابًا شَرْقِيًّا وَبَابًا غَرْبِيًّا
 تোমার সম্প্রদায় কুফরী যুগের কাছাকাছি না হলে (মাত্র আল্লাদিন

আগে কুফরী ত্যাগ করেছে, নইলে) আমি নিজে এই কা'বাগ্হ ভেঙে পুনঃনির্মাণ করতাম। হাতীমকে মূল ভবনের অন্তর্ভুক্ত করে দিতাম। কা'বাগ্হের দুটো দরযা করতাম। একটি পূর্ব দিকে একটি পশ্চিম দিকে এবং দরযা দুটোকে ভূমির সমতলে স্থাপন করতাম। কারণ, কা'বা সংক্ষারের সময় তোমার সম্প্রদায়ের লোকদের আর্থিক অবস্থা ভাল ছিল না। কা'বা সংক্ষারের জন্যে সঞ্চিত অর্থের পরিমাণ ছিল চাহিদার তুলনায় কম। তাই তারা গৃহটি ইবরাহীম (আ)-এর সময়ের নির্ধারিত ভিটের উপর স্থাপন করতে পারেন। হাতীমকে কা'বার অন্তর্ভুক্ত করতে সক্ষম হয়নি, আর তারা দরযা দুটো উচু করে দিয়েছিল যাতে তাদের ইচ্ছার বাইরে কেউ ভেতরে প্রবেশ করতে না পারে। বরং তারা যাকে চাইবে তাকে প্রবেশ করতে দিবে এবং যাকে চাইবে প্রবেশ করতে দিবে না। পরবর্তীতে হ্যরত আবদুল্লাহ ইব্ন যুবায়র (রা) যখন খলীফা হলেন, তখন তিনি রাসূলুল্লাহ (সা)-এর হাদীস মুতাবিক পবিত্র কা'বাগ্হের সংক্ষাৰ করেছিলেন। কিন্তু এই সনে হাজ্জাজ সংক্ষারকৃত অবস্থা পরিবর্তন করে পূর্বাবস্থায় নিয়ে যায়। রাসূলুল্লাহ (সা)-এর এই হাদীস অবগত হবার পর খলীফা আবদুল মালিক বলেছিলেন যে, ভাবতে আমার ভাল লাগে যে, যদি ইব্ন যুবায়র (রা)-কে এবং তাঁর সংক্ষারকে বহাল রেখে দিতাম, তবে কতই না ভাল হতো!

এই সনে মুহাম্মাব ইব্ন আবু সুফরাকে আয়ারিকাদের বিরুদ্ধে যুদ্ধের সেনাপতি নিযুক্ত করা হয়। খলীফা আবদুল মালিক তাঁর ভাই বিশ্র ইব্ন মারওয়ানকে নির্দেশ দিয়েছিলেন বসরা ও কুফার সৈন্য সমৰয়ে বাহিনী গঠন করে মুহাম্মাবের সেনাপতিত্বে খারজীদের বিরুদ্ধে অভিযান পরিচালনার জন্যে। মুহাম্মাবের প্রতি বিশ্রের মনে বিদ্রোহ ছিল। কিন্তু খলীফার নির্দেশ পেয়ে তা না মেনে তার উপায় ছিল না। ফলে সে অনিষ্ট সন্দেশ মুহাম্মাবকে সেনাপতি নিযুক্ত করে অভিযান প্রেরণ করল। কিন্তু গোপনে কুফার শাসনকর্তা আবদুল্লাহ ইব্ন মিখনাফকে পরামর্শ দিল যে, মুহাম্মাবের কোন মত ও উপদেশ যেন তিনি গ্রহণ না করেন।

মুহাম্মাব এগিয়ে গেলেন। বসরার সেনাদল নিয়ে তিনি রামছুরমুয় অঞ্চলে গিয়ে পৌছলেন। সেখানে তিনি দশদিন অবস্থান করতে না করতেই তাঁর নিকট বিশ্র বিন মারওয়ানের মৃত্যু সংবাদ পৌছে যায়। বিশ্রের মৃত্যু হয় বসরাতে। সেখানে তার স্থলাভিষিক্ত হয় খালিদ ইব্ন আবদুল্লাহ।

বিশ্রের মৃত্যু সংবাদ পেয়ে কতক সৈনিক পিছ টান দেয়। তারা অভিযান ছেড়ে বসরার দিকে ফিরে যায়। সেনাপতি মুহাম্মাব তাদেরকে ফিরিয়ে আনার জন্যে লোক পাঠান। শাসনকর্তা খালিদ ইব্ন আবদুল্লাহ পলায়নকারীদেরকে লিখে পাঠান যে, সেনাপতির নিকট ফিরে না গেলে তাদেরকে কঠোর শাস্তি দেয়া হবে। তিনি তাদেরকে খলীফার রোষানলে পড়ার হুমকি ও প্রদান করেন। তারা কুফা গিয়ে অভিযানে যোগ দেয়ার বিষয়ে আমর ইব্ন হুরায়ছের সাথে পরামর্শ করে। তিনি তাদেরকে লিখিলেন, “তোমরা তোমাদের সেনাপতিকে ছেড়ে এসেছ এবং বিদ্রোহ ও অবাধ্যতার তালিকায় নাম লিখিয়েছ। এখন তোমাদের জন্যে না আছে কোন অনুমতি আর না আছে কোন নেতা ও নিরাপত্তা।”

এই উত্তর পেয়ে তারা নিজ নিজ সওয়ারীতে আরোহণ করে শহরের বিভিন্ন স্থানে পালিয়ে যায় এবং লুকিয়ে লুকিয়ে জীবন যাপন করতে থাকে। এক পর্যায়ে বিশ্রের পদে শাসনকর্তা নিযুক্ত হয়ে ইরাক আগমন করে হাজ্জাজ ইব্ন ইউসুফ। হাজ্জাজের কর্মতৎপরতার বিবরণ পরে আসবে।

বাংলায় ইসলামিক বই ডাউনলোড করতে ভিজিট করুনঃ [ইসলামি বই ডট ওয়ার্ড্রেস ডট কম।](http://www.QuraneAlo.com)

এই সনে খলীফা আবদুল মালিক বুকায়র ইব্ন বিশাহ তামীমীকে খোরাসানের শাসনকর্তা পদ থেকে অপসারণ করেন। তার স্থলে উমাইয়া ইব্ন আবদুল্লাহ ইব্ন খালিদ ইব্ন উসায়দ কুরাশীকে নিয়োগ করেন। যাতে তার নেতৃত্বে সকল নাগরিক ঐক্যবদ্ধ হয়। কারণ, আবদুল্লাহ ইব্ন খুয়ায়মার পর খোরাসানে ভীষণ বিপর্যয় ও বিশৃঙ্খলা সৃষ্টি হয়েছিল।

উমাইয়া ইব্ন আবদুল্লাহ শাসনকর্তার দায়িত্ব গ্রহণ করেন। তিনি বুকায়র ইব্ন বিশাহকে পুলিশ প্রধানের পদে নিয়োগের প্রস্তাব দেন। বুকায়র তা প্রত্যাখ্যান করেন। বুকায়র তুখারিস্তানের শাসনকর্তার পদ চায়। কিন্তু সেখানে গিয়ে সে আনুগত্য প্রত্যাহার করে নিতে পারে এই আশংকা প্রকাশ করায় তিনি বুকায়রকে নিজের নিকটই রেখে দেন।

ইব্ন জারীর বলেন, এই বছর হজ্জের নেতৃত্ব দিয়েছে হাজাজ ইব্ন ইউসুফ। সে তখন একই সাথে মক্কা, মদীনা, ইয়ামান ও ইয়ামামার শাসনকর্তা পদে অধিষ্ঠিত ছিল। ইব্ন জারীর এও বলেছেন যে, খলীফা আবদুল মালিক এই সনে উমরাহ পালন করেন। অবশ্য এই বর্ণনার বিশুদ্ধতা সম্পর্কে আমি জ্ঞাত নই।

৭৪ হিজরী সনে যাঁদের ওফাত হয়

রাফি' ইব্ন খাদীজ (রা)

তিনি হলেন রাফি' ইব্ন খাদীজ ইব্ন রাফি' আনসারী। একজন উচ্চ পর্যায়ের সাহাবী। উচ্চ বা পরবর্তী যুদ্ধসমূহে তিনি অংশ নিয়েছেন। হ্যরত আলী (রা)-এর পক্ষে তিনি সিফ্ফীনের যুদ্ধে অংশ নিয়েছেন। কৃষক ও চাষীদেরকে তিনি সাহায্য করতেন। ৮৬ বছর বয়সে তাঁর ওফাত হয়। অবিচ্ছিন্ন সনদযুক্ত ৭৮টি হাদীস তিনি বর্ণনা করেছেন। তাঁর হাদীসগুলো উন্নত পর্যায়ের। উচ্চ যুদ্ধে একটি তীর তাঁর কঠমূলে বিন্দ হয়। রাসূলুল্লাহ (সা) তখন তাঁকে ইখতিয়ার দিয়েছিলেন যে, তিনি চাইলে ওই তীর বের করে নিতে পারেন আর চাইলে ক্ষতিহন্তে তুলা গুঁজে দিয়ে ওটা সেখানে রেখে দিতে পারেন। 'যাতে কিয়ামতের দিন আমি তোমার পক্ষে সাক্ষী হব'। তিনি দ্বিতীয় প্রস্তাব গ্রহণ করলেন। এই সনে অর্থাৎ ৭৪ হিজরী সনে তাঁর ক্ষতিহন্তে রক্তক্ষরণ শুরু হয় এবং তিনি ইন্তিকাল করেন। আল্লাহ তাঁর প্রতি সদয় হোন।

আবু সাঈদ খুদরী (রা)

৭৪ সনে যাঁদের ওফাত হয়, তাঁদের অন্যতম হলেন হ্যরত আবু সাঈদ খুদরী (রা)। তিনি হলেন সাঁদ ইব্ন মালিক ইব্ন সিনান আনসারী, খায়রাজী, উচ্চ পর্যায়ের সাহাবী। তিনি অন্যতম ফিকহবিদ সাহাবী। অল্পবয়স্ক ছিলেন বলে উচ্চ যুদ্ধে অংশ নিতে পারেননি। জীবনের প্রথম যুদ্ধে অংশ নেন খন্দকে। রাসূলুল্লাহ (সা)-এর সাথী হয়ে তিনি ১২টি যুদ্ধে অংশ নেন। তিনি রাসূলুল্লাহ (সা) থেকে এবং সাহাবীদের থেকে বহু হাদীস বর্ণনা করেছেন। বহু সাহাবী ও তাবিদি তাঁর থেকে হাদীস বর্ণনা করেছেন। তিনি একজন উচ্চ মর্যাদাসম্পন্ন, শ্রদ্ধাভাজন এবং জ্ঞানসমৃদ্ধ সাহাবী ছিলেন।

ওয়াকিদী প্রমুখ ঐতিহাসিকগণ বলেছেন যে, ৭৪ সনে তাঁর ওফাত হয়। কেউ কেউ বলেছেন, তারও দশ বছর পূর্বে অর্থাৎ ৬৪ হিজরী সনে তাঁর ওফাত হয়।

তাবারানী বলেন, মিকদাম..... আবু সাঈদ খুদরী (রা) থেকে বর্ণিত যে, তিনি বলেছেন, 'আমি বললাম, ইয়া রাসূলুল্লাহ! কোন্ প্রকারের মানুষ কঠিন থেকে কঠিন বিপদের সম্মুখীন

হয়?" রাসূলুল্লাহ (সা) বললেন, "নাৰীগণ"। আমি বললাম, "এৱপৰ?" তিনি বললেন, এৱপৰ নেক্কার তথা সৎকর্মশীল ব্যক্তিবৰ্গ। তারা কেউ কেউ এতো অভাব ও দারিদ্র্যের মুখোমুখি হন যে, সম্পদ বলতে সতৰ ঢাকার জামা-কাপড় ব্যতীত তাদের কিছুই থাকে না। তাদের কেউ কেউ উকুনের উপদ্রবের মুখোমুখি হয়। উকুন ঘরে ঘরে পড়ে। তারা সুখে থাকলে যত আনন্দিত হয়, বিপদের সম্মুখীন হলে তার চাইতে অধিক আনন্দিত হয়।

কুতায়বা ইবন সাঈদ বলেন, লায়ছ ইবন সাঈদ আবু সাঈদ খুদরী (রা) থেকে বর্ণনা করেন যে, তিনি বলেছেন : একদিন তাঁর পরিবারের লোকজন তাদের অভাব-অন্টনের কথা তাঁকে জানায়। তাদের জন্যে রাসূলুল্লাহ (সা)-এর নিকট আর্থিক সাহায্য চাওয়ার উদ্দেশ্যে তিনি বের হলেন। তিনি গিয়ে দেখলেন, রাসূলুল্লাহ (সা) মিহরে ভাষণ দিচ্ছেন। তিনি বলছেন :

أَيُّهَا النَّاسُ قَدْ أَنْتُمْ أَنْتَفْنُوا مِنَ الْمَسْأَلَةِ فَإِنَّمَا مَنْ يَسْتَغْفِرُ يُعْفَعُ
اللَّهُ وَمَنْ يَسْتَغْفِرُ يُغْنِهُ اللَّهُ - وَالَّذِي نَفْسُ مُحَمَّدٍ بِيَدِهِ مَارِزَقَ اللَّهُ عَبْدًا مِنْ
رِزْقٍ أَوْسَعُ لَهُ مِنَ الصَّبَرِ وَلَئِنْ أَبْيَثْمُ إِلَّا أَنْ تَسْأَلُونِي لَا عَطَيْتُكُمْ مَا وَجَدْتُ -

"হে লোক সকল! ভিক্ষা চাওয়া ও সাহায্য প্রার্থনা করা থেকে বিৱৰত থাকার সময় অসেছে। যে নিজেকে ভিক্ষাবৃত্তি থেকে পৰিত্র রাখবে মহান আল্লাহ তাকে তা থেকে পৰিত্র থাকার ব্যবস্থা করে দিবেন। যে ব্যক্তি নিজেকে পৱন্মুখাপেক্ষিতা থেকে মুক্ত রাখতে চায় আল্লাহ তাকে মুক্ত রাখবেন। মুহাম্মাদের (সা) প্রাণ যে সন্তার হাতে তাঁর কসম! সবৰ ও ধৈর্য অপেক্ষা অধিক স্বাক্ষর্যময় কোন দান মহান আল্লাহ কাউকে দেননি। অবশ্য এৱপৰও তোমরা আমার নিকট হাত পাতলৈ আমি তোমাদেরকে সাহায্য কৰিব আমি যা পাই তা থেকে।" তাবারানী আভা" ইবন ইয়াসার সূত্রে হ্যৱত আবু সাঈদ খুদরী (রা) থেকে অনুৰূপ বর্ণনা করেছেন।

আবদুল্লাহ ইবন উমার (রা)

তিনি হ্যৱত আবদুল্লাহ ইবন উমার ইবন খাতাব কুরায়শী আদাবী (রা)। তাঁর উপনাম আবু আবদুর রহমান। তিনি মুক্তি এবং মাদানী। সাবালক হবার পূৰ্বেই পিতা হ্যৱত উমার (রা)-এর সাথে তিনি ইসলাম গ্ৰহণ কৰেন। পিতা-পুত্ৰ দু'জনেই এক সাথে মদীনায় হিজৱত কৰেন। তখন তাঁর বয়স দশ বছৰ। উভদ যুদ্ধের দিবসে অগ্রাঞ্চিত হওয়ায় যুদ্ধে অংশগ্রহণের অনুমতি পাননি, তবে খন্দকের যুদ্ধে অংশগ্রহণের অনুমতি পেয়েছিলেন। তখন তাঁর বয়স ২৫ বছৰ। পৱৰ্বতী যুদ্ধগুলোতে তিনি নিয়মিত অংশগ্রহণ কৰেছেন। উশুল মুমিনীন হ্যৱত হাফসা (রা)-এর তিনি সহোদৰ ভাই। তাঁদের উত্তরের মাতা হলেন উচ্ছমান ইবন মায়উনের বোন হ্যৱত যায়নাব বিন্ত মায়উন (রা)।

হ্যৱত আবদুল্লাহ (রা) একজন মধ্যম আকারের গাঢ় বাদামী বৰ্ণের ব্যক্তিত্বসম্পন্ন পুরুষ ছিলেন। তাঁর মাথায় ছিল দু' কাঁধ পৰ্যন্ত ঝুলানো বাবৰী চুল। তিনি হষ্টপুষ্ট স্বাস্থ্যের অধিকারী ছিলেন। হলুদ রংয়ের খিয়াব লাগাতেন। গৌফ কেটে ফেলতেন। প্রতি ওয়াক্ত নামায়ের জন্যে উঘু কৱতেন। চোখের ভেতৱে পানি প্ৰবেশ কৱাতেন। তৃতীয় খলীফা হ্যৱত উচ্ছমান (রা) তাঁকে বিচারক পদে নিয়োগ দিতে চেয়েছিলেন। তিনি তাতে রায়ী হননি। তাঁর পিতা হ্যৱত উমার (রা) তাঁকে অনুৰূপ পদে নিযুক্ত কৱার ইচ্ছা কৱেছিলেন, কিন্তু তিনি তাতে সম্মত হননি। ইয়ারুমুক, কাদেসিয়া, জালুলাসহ এই সব যুদ্ধের মধ্যবৰ্তী সময়ে অনুষ্ঠিত সকল পারসিক বিৱৰণী যুদ্ধে তিনি অংশ নেন। মিসৰ বিজয় যুদ্ধেও তিনি সক্রিয় অংশগ্রহণ কৱেছিলেন।

মিসরে তিনি একটি বাড়ী তৈরী করেছিলেন। পরবর্তীতে তিনি বসরা নগরীতে আসেন এবং পারস্য যুদ্ধে অংশ নেন। তিনি একাধিকবার মাদায়েন আগমন করেন। রাসূলুল্লাহ (সা) যখন ইন্তিকাল করেন, তখন ইব্ন উমার (রা)-এর বয়স ছিল ২২ বছর।

তাঁর ব্যক্তিগত কোন পসন্দের সম্পদ থাকলে তা আল্লাহর পথে সাদকা করে দিতেন। তাঁর ক্রীতদাসগণ তাঁর এই বদান্যতার কথা জানত। তাই তাদের কেউ কেউ দীর্ঘক্ষণ যাবত মসজিদে অবস্থান করত। ইব্ন উমার (রা) তা দেখে তার প্রতি খুশী হতেন এবং তাকে মুক্ত করে দিতেন। তাঁকে বলা হলো যে, ওরা তো আপনার সাথে প্রতারণা করে। উন্নরে তিনি বললেন, যে আল্লাহর নামে আমার সাথে প্রতারণা করে আমি তার জন্য প্রতারিত হই।

তাঁর একটি ক্রীতদাসী ছিল। তিনি তাকে খুব ভাল বাসতেন। এক পর্যায়ে তিনি তাকে মুক্ত করে দিলেন এবং তাঁর মুক্ত করা ক্রীতদাস নাফি' এর সাথে তাকে বিয়ে দিয়ে দিলেন। প্রসঙ্গত তিনি বললেন, মহান আল্লাহ্ বলেছেন- **(لَنْ تَنَالُوا الْبَرَّ حَتَّىٰ تُنْفِقُوا مِمَّاً)** (তোমরা যা ভালবাস তা হতে ব্যয় না করা পর্যন্ত তোমরা কখনো পুণ্যলাভ করবে না। -আলে ইমরান ৩: ৯২)।

একবার তিনি একটি উট ক্রয় করেছিলেন, সেটিতে আরোহণ করার পর সেটি তাঁর খুব পসন্দ হয়েছিল। তিনি তাঁর খাদিমকে ডেকে বললেন, হে নাফি'! এটি সাদকার উটগুলোর সাথে যুক্ত করে দাও।

তাঁর ক্রীতদাস নাফি'কে কেনার জন্যে হযরত ইব্ন জা'ফর ১০ হাজার দিরহাম মূল্য দিতে চেয়েছিলেন। তিনি বললেন, আমি যদি তার চাইতে উন্নত কিছু করি? বস্তুত এই নাফি' কে আমি মহান আল্লাহর সন্তুষ্টির জন্যে মুক্ত করে দিলাম। সে এখন থেকে স্বাধীন।

একবার তিনি চল্লিশ হাজার দিরহাম দিয়ে একটি দাস ক্রয় করেছিলেন। এরপর সেটিকে মুক্ত করে দেন। দাসটি বলল, মালিক! আপনি তো আমাকে স্বাধীন করে দিলেন এখন এমন কিছু দান করুন যা অবলম্বন করে আমি বেঁচে থাকতে পারি। তিনি তাকে চল্লিশ হাজার দিরহাম দান করে দিলেন।

হযরত আবদুল্লাহ ইব্ন উমার (রা) একবার পাঁচটি দাস ক্রয় করেছিলেন। তিনি নামাযে দাঁড়ালেন। তারাও তাঁর পেছনে নামাযে দাঁড়াল। তিনি ওদেরকে বললেন, কার জন্যে নামায আদায় করেছ? তারা বলল, আল্লাহর জন্যে। হযরত ইব্ন উমার (রা) বললেন, তোমরা যাঁর জন্যে নামায আদায় করেছ, তাঁর খাতিরে তোমরা মুক্ত! তিনি ওদেরকে মুক্তি দিলেন। মোদ্দা কথা, তিনি যখন মারা যান, তখন তাঁর মুক্ত করা দাসের সংখ্যা হাজারে পৌছে গিয়েছিল।

কোন কোন সময় তিনি এক বৈঠকে ৩০টি পর্যন্ত দাস মুক্ত করেছেন। কোন কোন সময় এক বৈঠকে দান করেছেন ত্রিশ হাজার দিরহাম। এমন অবস্থাও কেটেছে তাঁর, দিনের পর দিন কেটেছে, মাস কেটেছে কিন্তু কোন ইয়াতীম শিশু সাথে না নিয়ে গোশত আহার করেননি।

আমীর মু'আবিয়া (রা) যখন ইয়ায়ীদের বায়আতের ব্যাপারে মনস্থ করলেন, তখন তিনি ইব্ন উমার (রা)-এর জন্যে এক লক্ষ দিরহাম হাদিয়া প্রেরণ করেন। এক বছর অতিবাহিত হতে না হতে ওই বিশাল অর্থের সবই শেষ হয়ে যায়। তিনি বলতেন যে, আমি কারো নিকট কিছু চাই না। কিন্তু মহান আল্লাহ্ জীবিকা রূপে আমাকে যা দেন তা আমি প্রত্যাখ্যান করিনা।

মুসলমানদের রাজনৈতিক ফিতনা ও বিপর্যয়ের সময়ে যখন যিনি শাসনকর্তা হয়েছেন তাঁদের সবার প্রতি তিনি অনুগত্য প্রকাশ করেছেন। সবার ইকতিদায় নামায আদায় করেছেন এবং সবার নিকট যাকাত পরিশোধ করেছেন। হজের নিয়ম-কানুন সম্পর্কে তিনি সবার চাইতে

বেশী অভিজ্ঞ ছিলেন। বিদায় হজ্জে রাসূলুল্লাহ (সা) যেখানে যেখানে নামায আদায় করেছিলেন, তিনি হজ্জের সময় সে সকল স্থানে নামায আদায় করতেন। এমনকি বিদায় হজ্জে রাসূলুল্লাহ (সা) একটি বৃক্ষের ছায়ায় যাত্রা বিরতি করেছিলেন এবং অবস্থান করেছিলেন। ইব্ন উমার (রা) ওই বৃক্ষের নীচে যেতেন, সেটির গোড়ায় পানি দিতেন। কোন দিন ইশার জামাআত ছুটে গেলে ওই রাতে সারারাত জেগে ইবাদত করতেন। নিয়মিত রাতের অধিকাংশ সময় ইবাদতে কাটাতেন। বলা হয় যে, ইব্ন উমার (রা) যখন ইন্তিকাল করেন, তখন তিনি তাঁর পিতার ন্যায় মর্যাদার অধিকারী হয়েই ইন্তিকাল করেন। যখন তাঁর মৃত্যু হয়, তখন জীবিতদের মধ্যে তিনি সর্বশ্রেষ্ঠ ব্যক্তিতুল্য পরিগত হয়েছিলেন। একাধারে ঘাট বছর পর্যন্ত তিনি দেশ-বিদেশের সকল লোকের সমস্যা সমাধানে ফাতওয়া দিয়ে গিয়েছেন। রাসূলুল্লাহ (সা)-এর উদ্ভৃতি দিয়ে তিনি বহু হাদীস বর্ণনা করেছেন। তিনি হ্যরত আবু বাকর সিন্দীক (র), উমার (রা), উচ্চমান (রা), সাঈদ (রা), ইব্ন মাসউদ (রা), হাফসা (রা), আইশা (রা) ও অন্যদের থেকে হাদীস বর্ণনা করেছেন। তাঁর থেকে হাদীস বর্ণনা করেছেন তাঁর পুত্র হাম্যা, বিলাল, যায়দ, সালিম, আবদুল্লাহ, উবায়দুল্লাহ, উমার, তাঁর পিতার মুক্ত করা ক্রীতদাস আসলাম, আনাস ইব্ন সীরীন, হাসান, সাঈদ ইব্ন জুবায়র, সাঈদ ইব্ন মুসায়্যাব, তাউস, উরওয়া, আতা, ইকরিমা, মুজাহিদ, ইব্ন সীরীন, যুহরী এবং তাঁর ক্রীতদাস নাফি'সহ বহু লোক।

সহীহ হাদীস গ্রন্থে উদ্ভৃত আছে যে, হাফসা (রা) থেকে বর্ণিত আছে, রাসূলুল্লাহ (সা) বলেছেন : "إِنَّ عَبْدَ اللَّهِ رَجُلٌ صَالِحٌ لَوْكَانَ يَقُومُ الْلَّيْلَ" ('নিশ্চয়ই আবদুল্লাহ একজন ভাল মানুষ। সে যদি রাতে ইবাদত করত, তাহলে আরো ভাল হত!)। এরপর থেকে তিনি রাত জেগে ইবাদত করতেন।

হ্যরত ইব্ন মাসউদ (রা) বলেন, কুরায়শ বৎশে সর্বাধিক আস্তসংযোগী ও দুনিয়াবিমুখ যুবক হলেন ইব্ন উমার (রা)। হ্যরত জাবির (রা) বলেন, আমাদের মধ্যে যে-ই পার্থিব সুযোগ পেয়েছে, সে দুনিয়ার প্রতি আকৃষ্ট হয়েছে আর দুনিয়াও তার প্রতি আকৃষ্ট হয়েছে। একমাত্র ইব্ন উমার (রা) তার ব্যতিক্রম। আর যে-ই দুনিয়ার সুযোগ ভোগ করেছে আল্লাহর নিকট তার মর্যাদাহাস পেয়েছে, যদিও মহান আল্লাহর তার প্রতি মহানুভবতা দেখিয়েছেন।

সাঈদ ইব্ন মুসায়্যাব বলেন, যেদিন ইব্ন উমার (রা)-এর ইন্তিকাল হয়, সেদিন আল্লাহর সাক্ষাতে যেতে তাঁর চাইতে অধিক আগ্রহী কেউ ছিল না। এ আগ্রহ ছিল আল্লাহর সন্তুষ্টি বিধানে তাঁর নেক আমলের বদৌলতে।

যুহরী বলেন, হ্যরত আবদুল্লাহ ইব্ন উমার (রা) তাঁর রায় ও সিদ্ধান্ত ঘোষণায় সত্যচূর্ণু হতেন না। কারণ, রাসূলুল্লাহ (সা)-এর ওফাতের পর তিনি ৬০ বছর জীবিত ছিলেন। অন্যদিকে রাসূলুল্লাহ (সা)-এর এবং তাঁর সাহাবীদের কোন বিষয় তাঁর অজানা ছিল না।

ইমাম মালিক বলেন, ইব্ন উমার (রা) ৮৬ বছর হায়াত পেয়েছিলেন। তার মধ্যে ৬০ বছর তিনি ইসলামী দুনিয়ায় ফাতওয়া প্রদান করেছেন। দেশ-বিদেশের বিভিন্ন স্থান থেকে প্রতিনিধি দল তাঁর নিকট আগমন করত। ওয়াকিদী প্রমুখ একদল আলিম বলেছেন, ৭৪ হিজরী সনে হ্যরত আবদুল্লাহ ইব্ন উমার (রা)-এর ইন্তিকাল হয়। যুবায়র ইব্ন বাক্কার ও অন্যান্যরা বলেছেন যে, তাঁর ওফাত হয়েছে ৭৩ সনে। আল্লাহই ভাল জানেন।

উবায়দ ইব্ন উমায়র

৭৪ সনে শৈশস্ত্রানীয় যাঁরা ইনতিকাল করেন তাঁদের একজন হলেন উবায়দ ইব্ন উমায়র ইব্ন কাতাদা ইব্ন সাদ ইব্ন আমির ইব্ন খানদা' ইব্ন লায়ছ লায়ছী খানদাঙ্গ। তাঁর উপনাম আবু আসিম মক্কী। তিনি মক্কার বিচারক রূপে দায়িত্ব পালন করেছিলেন।

মুসলিম ইব্ন হাজ্জাজ বলেন যে, রাসূলুল্লাহ 'সা)-এর জীবন্দশায় উবায়দের জন্ম হয়, কেউ কেউ বলেন যে, তিনি রাসূলুল্লাহ 'সা)-কে স্বচক্ষে দেখেছেন। তাঁর পিতা উমায়র (রা) থেকে তিনি হাদীস বর্ণনা করেছেন। উমায়র (রা) রাসূলুল্লাহ 'সা)-এর সাহাবী ছিলেন। হযরত উমায়র (রা), আলী (রা), আবু হুরায়রা (রা), ইব্ন আব্বাস (রা), ইব্ন উমার (রা), উম্মু সালামা (রা) এবং অন্যান্যদের বরাতেও উবায়দ হাদীস বর্ণনা করেছেন। তাবিস্তদের একটি দল এবং অন্যান্যরা তাঁর থেকে হাদীস বর্ণনা করেছেন।

ইব্ন মাস্তিন, আবু যুরআসহ অনেকে তাঁকে আস্ত্রভাজন হাদীস বর্ণনাকারীরূপে আখ্যায়িত করেছেন। হযরত আবদুল্লাহ ইব্ন উমার (রা) তাঁর মজলিসে বসতেন এবং কাঁদতেন। উবায়দ ইব্ন উমায়রের উপদেশমূলক কথাবার্তা তাঁর ভাল লাগত। উবায়দ একজন সুবক্তা ছিলেন। আল্লাহর ভয়ে তিনি কাঁদতেন, খুব কাঁদতেন, তাঁর চোখের পানিতে পাথরকুঠি ভিজে যেত।

মাহদী ইব্ন মায়মুন গায়লান ইব্ন জারীর সূত্রে বলেন যে, উবায়দ ইব্ন উমায়র যখন কারো সাথে ভ্রাতৃসম্পর্ক গড়তেন, তখন তাকে নিয়ে কিবলামুখী দাঁড়াতেন এবং বলতেন, হে আল্লাহ! আপনার নবী যা এনেছেন তার বরকতে আমাদেরকে সৌভাগ্যবান করে দিন। মুহাম্মদ (সা)-কে আমাদের ইমানের সাক্ষী বানিয়ে দিন। আপনি তো বিলম্ব ব্যক্তিত পূর্বেই আমাদের জন্যে কল্যাণ নির্ধারিত করে দিয়েছেন। আমাদের অস্তরে যেন কাঠিন্য না থাকে। আমরা যেন অস্ত্য কথা না বলি, যে বিষয়ে আমাদের জ্ঞান নেই, সে বিষয়ে পাল্টা প্রশ্ন না করি।

ইমাম বুখারী (র) ইব্ন জুরায়জ সূত্রে বর্ণনা করেছেন যে, হযরত ইব্ন উমার (রা)-এর পূর্বে উবায়দ ইব্ন উমায়রের ওফাত হয়।

আবু জুহায়ফা (রা)

৭৪ সনে যাঁদের ওফাত হয় তাঁদের একজন হলেন হযরত আবু জুহায়ফা। ওয়াবে ইব্ন আবদুল্লাহ সাওয়াই (রা)। তিনি সাহাবী ছিলেন স্বচক্ষে রাসূলুল্লাহ 'সা)-কে দেখেছিলেন। রাসূলুল্লাহ 'সা)-এর ইনতিকালের সময় আবু জুহায়ফা (রা) নাবালক ছিলেন। এতদ্সন্ত্রেও তিনি রাসূলুল্লাহ 'সা) থেকে একাধিক হাদীস বর্ণনা করেছেন। হযরত আলী (রা) এবং বারা' ইব্ন আয়ীব (রা) থেকেও তিনি হাদীস বর্ণনা করেছেন। ইসমাইল ইব্ন আবু খালিদ, হাকাম, সালামা ইব্ন কুহায়ল, শা'বী এবং আবু ইসহাক সুবায়স্তেসহ অনেক তাবিস তাঁর থেকে হাদীস বর্ণনা করেছেন। তিনি কৃষ্ণ অবস্থান করতেন, সেখানে একটি বসতবাটি তৈরী করেছিলেন। এই ৭৪ সনে তাঁর ওফাত হয়। কেউ কেউ বলেন যে, ৯৪ হিজরী সনে তাঁর ওফাত হয়। আল্লাহই ভাল জানেন। তিনি হযরত আলী (রা)-এর দেহরক্ষী ছিলেন। হযরত আলী (রা)-এর বৃত্তবা দেয়ার সময় আবু জুহায়ফা (রা) তাঁর মিশ্রের নীচে দাঁড়িয়ে থাকতেন।

সালামা ইব্ন আকওয়া'

তিনি হলেন সালামা ইব্ন আকওয়া' ইব্ন আমর ইব্ন সিনান আনসারী। হৃদায়বিয়ার সম্মিলিত ঘটনায় বৃক্ষ-তলায় যাঁরা রাসূলুল্লাহ 'সা)-এর হাতে জিহাদের বায়আত করেছিলেন হযরত সালামা (রা) তাঁদের একজন। সাহাবীদের মধ্যে তিনি অশ্ব চালনায় খ্যাতি অর্জন

করেন। তিনি অন্যতম আলিম ও বিজ্ঞ সাহাবী ছিলেন। মদীনা তাইয়িবায় তিনি ফাতাওয়া
প্রদান করতেন। রাসূলুল্লাহ (সা)-এর সময়ে এবং তাঁর পরে জিহাদের ময়দানে সালামা
(রা)-এর বহু সাফল্য-কীর্তিকর্মের ইতিহাস রয়েছে। মদীনা মুনাওয়ারায় তাঁর ওফাত হয়।
তখন তাঁর বয়স ছিল ৭০-এর অধিক।

মালিক ইবন আবু আমির (রা)

৭৪ সনে যাঁদের ওফাত হয় তাঁদের একজন হলেন মালিক ইবন আবু আমির আল-
আসবাহী আল-মাদানী; তিনি ইমাম মালিকের (র) দাদা, একদল সাহাবী ও অন্যান্যদের থেকে
তিনি হাদীস বর্ণনা করেছেন। তিনি ছিলেন একজন সশ্঵ানিত ও জ্ঞানী ব্যক্তি। তাঁর ওফাত হয়
মদীনায়।

আবু আবদুর রহমান সুলামী

আবু আবদুর রহমান সুলামী ছিলেন কৃফাবাসীদের কুরআন শিক্ষাদানকারী ব্যক্তি। তাঁর
নাম আবদুল্লাহ, পিতার নাম হাবীব। তৃতীয় খলীফা হ্যরত উসমান ইবন আফফান (রা) এবং
হ্যরত আবদুল্লাহ ইবন মাসউদের (রা) নিকট তিনি কুরআন তিলাওয়াত অনুশীলন করেছেন।
অন্যান্য সাহাবীদের (রা) থেকেও তিনি কুরআন পাঠ শুনেছেন। হ্যরত উছমান (রা)-এর
খিলাফতকাল থেকে হাজারের শাসনকর্তারূপে দায়িত্ব পালন কাল পর্যন্ত তিনি কৃফার
লোকদেরকে কুরআন পাঠ শিক্ষা দিয়েছেন। আসিম ইবন আবু নাজুদসহ বহু লোক তাঁর নিকট
থেকে কুরআন পাঠে বিশেষ দীক্ষা নিয়েছেন, কৃফাতে তাঁর ওফাত হয়।

আবু মা'রিদ আল আসাদী

৭৪ হিজরাতে যাঁদের ইন্তিকাল হয় তাঁদের একজন হলেন আবু মা'রিদ আল আসাদী।
তাঁর নাম মুগীরা ইবন আবদুল্লাহ কূফী। রাসূলুল্লাহ (সা)-এর জীবন্দশায় তাঁর জন্ম হয়।
পরিণত বয়সে খলীফা আবদুল মালিক ইবন মারওয়ানের দরবারে তিনি উপস্থিত হয়েছিলেন
এবং তাঁর প্রশংসা করেছিলেন কবিতার মাধ্যমে। তিনি একজন ভাল কবি ছিলেন। তাঁর কতক
উচ্চ মানের কবিতা রয়েছে। তিনি 'আকতাশি' নামে পরিচিত ছিলেন। তাঁর চেহারা ছিল
রক্তিম, চুল ছিল ঘন ও অধিক। এই সনে কৃফাতে তাঁর ইন্তিকাল হয়, তিনি প্রায় ৮০ বছর
আবু পেয়েছিলেন।

বিশ্র ইবন মারওয়ান

এই সনে যাঁদের ইন্তিকাল হয় শীর্ষস্থানীয় তেমন ব্যক্তিদের মধ্যে একজন হলেন বিশ্র ইবন
মারওয়ান উমাবী। তিনি খলীফা আবদুল মালিক ইবন মারওয়ানের ভাই। আপন ভাই
আবদুল মালিকের পক্ষে তিনি ইরাকে শাসনকর্তার পদে দায়িত্ব পালন করেছিলেন। দামেক্ষে
উকবা আল-লুবাবের পাশে তাঁর একটি বাড়ি ছিল। শাসনকর্তা বিশ্র একজন সদালাপী ও
দানশীল ব্যক্তি ছিলেন। তাকে 'হাজীর' অঞ্চলে দিয়ার-ই-মারওয়ানের প্রতিষ্ঠাতা বলা হয়।
মারজ রাহিত যুক্ত তিনি খালিদ ইবন হসায়ন কিলাবীকে হত্যা করেন। তিনি তাঁর দরবারের
প্রবেশাধার বক্ষ করতেন না। তাতে পর্দা ও ঝুলাতেন না, তিনি বলতেন যে, পর্দা করার কথা
মহিলাদের পুরুষের নয়, তিনি-সদা হাস্যমুখ ব্যক্তি ছিলেন। এক একটি কবিতার জন্যে হাজার
হাজার দিরহাম পুরস্কার প্রদান করবেন। কবি ফারায়দাক এবং কবি আখতাল তাঁর প্রশংসায়
কবিতা রচনা করেছেন।

أَسْتُوْى عَلَى الْعَرْشِ - এরপর মহান আল্লাহ্ আরশে সমাসীন হয়েছেন আয়াতের অর্থ হিসেবে জাহমিয়া সম্পদায় বলে যে, আল্লাহ্ আরশের উপর কর্তৃত স্থাপন করেছেন। তারা কবি আখতালের কবিতার আলোকে এই অর্থ গ্রহণ করে। কবি আখতাল বলেছিল-

قَدْ أَسْتُوْى بِشْرٍ عَلَى الْعَرْقِ - مِنْ غِيرِ سَيْفٍ وَدَمٍ تُهْرَاقِ

‘বিশর ইরাকের উপর কর্তৃত প্রতিষ্ঠা করেছিলেন কোন তরবারি ব্যবহার এবং রক্তপাত ছাড়া।’

বস্তুতঃ এই কবিতায় জাহমিয়াদের পক্ষে কোন প্রমাণ নেই। সুতরাং তাদের বক্তব্যও দলীল-প্রমাণহীন এবং বাতিল। সেটি বাতিলের পক্ষে বহু যুক্তি রয়েছে। কবি আখতাল ছিল খৃষ্ট ধর্মাবলম্বী ব্যক্তি।

শাসনকর্তা-বিশর ইব্ন মারওয়ানের মৃত্যুর ঘটনা ছিল এই যে, তাঁর চোখে ক্ষত হয়েছিল। গোড়া থেকে ওই চক্ষু কেটে ফেলে দেয়ার জন্য তাকে পরামর্শ দেয়া হয়েছিল। তাতে তিনি ভয় পেয়ে গেলেন। কিন্তু চোখের ঘা বৃক্ষি হতে হতে ঘাড়ে গিয়ে পৌছল। এরপর পৌছল পেটে। এরপর তাতে তাঁর মৃত্যু ঘটে। মৃত্যু শয্যায় শায়িত হয়ে তিনি কাঁদছিলেন আর বলছিলেন, “আহ! আমি যদি শাসনকর্তা না হয়ে কোন আরব বেদুইনের বকরী চারণকারী রাখাল হতাম, তাও ভাল হতো।”

তাঁর এই মন্তব্য আবু হাযিম কিংবা সাঈদ ইব্ন মুসায়্যাবকে জানানো হল। তখন তিনি বললেন, “সকল প্রশংসা মহান আল্লাহ্ যিনি ওদেরকে মৃত্যুকালে আমাদের দিকে ধাবিত করেছেন আমাদেরকে ওদের দিকে ধাবিত করেননি। ওদের জীবনে আমাদের জন্যে শিক্ষা ও উপদেশ রয়েছে।

হাসান বলেছেন, আমি বিশরের নিকট গিয়েছিলাম। তখন তিনি তাঁর খাটে গড়াগড়ি দিচ্ছিলেন। ছটফট করছিলেন। এরপর খাট ছেড়ে ঘরের আঙিনায় গিয়ে পড়লেন। চিকিৎসকেরা তাঁর চারপাশে ছিল। এই ৭৪ সনে তিনি বসরাতে ইন্তিকাল করেন। বসরায় ইন্তিকাল করেছেন এমন শাসনকর্তাদের মধ্যে তিনিই প্রথম। বিশরের মৃত্যু সংবাদ শুনে খলীফা আবদুল মালিক খুবই দুঃখ পান। তিনি কবিদের তাঁর শোকগাথা রচনা ও আবৃত্তির নির্দেশ দেন। মহান আল্লাহই ভাল জানেন।

৭৫ হিজরী সন

এই সনে মুহাম্মদ ইব্ন মারওয়ান রোমানদের বিরুদ্ধে যুদ্ধ পরিচালনা করেন। মুহাম্মদ ইব্ন মারওয়ান হলেন খলীফা আবদুল মালিকের ভাই এবং মারওয়ান আল হিমার-এর পিতা। রোমানগণ মারআশ থেকে বের হবার পর তিনি তাদের বিরুদ্ধে যুদ্ধ করেন। এই সনে খলীফা আবদুল মালিক ইয়াহ্যা ইব্ন আবু আ'সকে মদীনার শাসনকর্তা নিয়েগ করেন। ইয়াহ্যা হলেন তাঁর চাচা, হাজ্জাজকে মদীনার শাসনকর্তার পদ থেকে অপসারিত করে ইরাক, বসরা, কুফা এবং আশেপাশের অন্যান্য অঞ্চলের শাসনকর্তার পদে নিয়োগ দেয়া হয়। বিশর ইব্ন মারওয়ানের মৃত্যুর পর এ রদ-বদল ঘটে। এ সময়ে খলীফা আবদুল মালিক অনুধাবন করলেন যে, শক্তি, শৌর্য, সাহস, নিষ্ঠুরতার অধিকারী হাজ্জাজ ব্যতীত অন্য কেউ ইরাকের বিশ্ব-খল জনগণকে শৃঙ্খলাবদ্ধ করতে পারবে না। তাই তিনি মদীনায় অবস্থানকারী হাজ্জাজকে ইরাকের শাসনকর্তা নিয়োগ করে চিঠি প্রেরণ করলেন। মাত্র ১২ জন অশ্বারোহী সাথী নিয়ে হাজ্জাজ মদীনা থেকে ইরাকের উদ্দেশ্যে যাত্রা করে।

জনগণের অজ্ঞাতসারে সে কৃফায় প্রবেশ করে। কৃফা নগরীর কাছাকাছি এক স্থানে তারা অবস্থান নেয়। সে গোসল করল। খিয়াব লাগাল। নিজের পোশাক পরিধান করল। গলায় তরবারি ঝুলাল। পাগড়ীর মাথা ঝুলিয়ে দিল দু'কাঁধের মাঝখানে। এরপর গিয়ে প্রশাসনিক ভবনে প্রবেশ করল। সেদিন ছিল জুমাআবার, মুয়ায়্যিন জুমাআর প্রথম আযান দিল। সবার অজ্ঞাতে হাজ্জাজ মসজিদে গিয়ে মিস্বরে উঠে বসল। দীর্ঘক্ষণ কোন কথা বলল না। সকলে তীক্ষ্ণ দৃষ্টিতে তাঁর দিকে তাকিয়ে রইল। সবাই হাঁটু গেড়ে বসল তাঁকে কংকর মারার জন্যে। সবার হাতে পাথর কণিকা। ইতোপূর্বেকার শাসনকর্তাকে তারা কংকর মেরে তাড়িয়ে দিয়েছিল।

হাজ্জাজ মিস্বরে উঠে দীর্ঘক্ষণ চুপ মেরে রইল, কোন কথা বলল না। তাতে সকলে স্তুতি হয়ে গেল। এবং তার বক্তব্য শোনার জন্যে আগ্রহী হয়ে উঠল। অতঃপর সর্বপ্রথম সে বলে উঠল, ওহে ইরাকী জনগণ! বিদ্রোহী ও মুনাফিক জনতা! বদ চরিত্রের লোকসমাজ! আল্লাহর কসম! তোমাদের এখানে আসার আগেই তোমাদের অবস্থান ও কার্যকলাপ আমাকে ভাবিয়ে তুলেছিল। আমি আল্লাহর নিকট দু'আ করেছিলাম— আমার হাতে যেন তিনি তোমাদেরকে শায়েস্তা করার সুযোগ করে দেন। শুনে নাও, তোমাদেরকে শিক্ষা দেয়ার জন্যে আমার হাতে যে চাবুক ছিল গতরাতে সেটি হাত থেকে পড়ে গিয়েছে। এখন সেস্থানে এসেছে এই তরবারি। সে তাঁর তরবারির দিকে ইঙ্গিত করল। এরপর বলল, আল্লাহর কসম, তোমাদের বড়দের জন্য আমি ছোটদেরকে পাকড়াও করব। দাসদের জন্য স্বাধীনদেরকে পাকড়াও করব। এরপর আমি তোমাদেরকে কামারের লোহা পেটানোর মত পিটাব, বাবুর্চির মণ মাথার ন্যায় দলিল-মথিত করে পিয়ে ফেলব। তার বক্তব্য শুনে সবার হাত থেকে কংকরগুলো খসে পড়তে শুরু করে। কেউ কেউ বলেছেন যে, শাসনকর্তা হাজ্জাজ কৃফায় প্রবেশ করে রমযান মাসে যুহরের সময়ে। সে তখন মসজিদে আগমন করে। মিস্বরে উঠে। তার মাথায় লাল পাগড়ী বাঁধা ছিল। পাগড়ীর মাথায় ঢাকা ছিল তার মুখমণ্ডল। সে নির্দেশ দিল, সবাইকে আমার নিকট উপস্থিত কর। জনসাধারণ তাকে ও তার সাথীদেরকে খারেজী সম্প্রদায়ের লোক বলে ভেবেছিল। তারা তাদের উপর হামলা চালানোর ইচ্ছা করেছিল। লোকজন একত্রিত হবার পর সে দাঁড়ালো এবং মুখের পর্দা সরিয়ে দিল। আর বলল—

أَنَا أَبْنَ جَلَّ وَطَلَاعَ السَّمَاءِ - مَتَّ أَصْنُعُ الْعِمَامَةَ تَعْرِفُونِي

‘আমি প্রভাত আলো। আমার সম্মুখের বড় দাঁত গজিয়েছে। আমি অভিজ্ঞ। পাগড়ী ঝুললেই তোমরা আমাকে চিনতে পারবে।’

এরপর সে বললো, আল্লাহর কসম! আমি প্রত্যেকটি বিষয়কে তার উপযুক্ত মাধ্যম দিয়েই উত্তোলন করি। জুতার জোড়ার মাপের মত সমান সমানভাবে ব্যবস্থা নিই। রশি অনুযায়ী গাঁইট বাঁধি। আমি দেখতে পাই যে, তোমাদের মধ্যে কতগুলো মাথা পেকে গেছে। ওগুলো কেটে ফেলার সময় হয়ে গিয়েছে। আমি দেখতে পাই তোমাদের মধ্যে কতক লোকের রক্ত দাঢ়ি ও পাগড়ীর মধ্যে থাইথাই করছে। আমি পায়ের নলার কাপড় খুলে ফেলেছি, এখন তা উন্মুক্ত। এরপর সে নিম্নের কবিতা আবৃত্তি করলো।

هُذَا أَوَانُ الشَّدِّ فَاقْسِنْدِي زِيمْ - قَدْ لَفَهَا اللَّيْلَ بِسْوَاقِ حُطَمْ

‘এখন বেঁধে নেয়ার সময়। আমি এখন গোশতগুলো প্যাকেট করে নিব। নিষ্ঠুর রাখাল রাতভর যে গোশতগুলোকে সাজিয়ে রেখেছে।’

لَسْتُ بِرَاعِي الْأَبْلِ وَلَا غَنِمٌ - وَلَا بِجَزَارٍ عَلَى ظَهْرٍ وَضَمْ

‘মূলতঃ আমি উটের রাখাল নই। বকরীরও নই, আমি কাঠের গুঁড়িতে রেখে গোশত কাটার কসাইও নই।’

قَدْ لَفَّهَا اللَّيلُ بِعَصْلَبِيْ - أَرْوَعَ خَرَاجٍ مِنْ الدَّوْيِ

‘আমার পক্ষ থেকে জনেক শক্তিশালী এবং অনুগত ব্যক্তি ওই গোশতগুলো কেটে সাজিয়েছে। ওই ব্যক্তি একরোখা, গেঁড়া, বনবাসী।’

مُهَاجِرٌ لَيْسَ بِأَعْرَابِيْ

‘সে দেশত্যাগী, গ্রাম্য বেদুঈন নয়।’

এরপর সে বললো, আল্লাহর কসম! হে ইরাকী জনগণ! আমি সাধারণ তীরন্দায় নই। আমি খালি কলসী বাজাই না- প্রতারিত ও ভীত হই না। আমি বয়সে পাকা হয়েছি। জীবন-অভিজ্ঞতায় সমৃদ্ধ হয়েছি। খলীফা আবদুল মালিক তাঁর তীরের ঝুঁড়ি ঝেড়ে সবগুলো তীর সমৃথে রেখেছিলেন। তারপর একটা একটা করে সবগুলো পরীক্ষা করেছেন। আমাকে পেয়েছেন তীক্ষ্ণধার ও মযুরুত তীর। তারপর তিনি আমাকে তোমাদের নিকট পাঠিয়েছেন।

তোমরা যতবেশী ফিতনার-ময়দানে বিচরণ করবে, বিভুষির পথে চলবে, গোমরাহীর নীতি অবলম্বন করবে আল্লাহর কসম আমি ততই তোমাদেরকে লাঠির ছাল খোলার ন্যায় চামড়া খুলব। সালামা বৃক্ষের পাতা পেশার ন্যায় পিষে নেব। অবাধ্য উটের ন্যায় পেটাব। আল্লাহর কসম! আমি যে প্রতিশ্রূতি দিই তা পূরণ করি। যা তৈরী করি তা ভালভাবেই তৈরী করি। সুতরাং ওই বিচ্ছিন্নতা, দলবাজি এবং অপ্রীতিকর কথাবার্তা ছেড়ে দাও। আল্লাহর কসম! তোমরা অবশ্যই সরল ও সোজা পথে চলবে নতুবা আমি তোমাদের শরীরে শরীরে এমন ক্ষত ও জখম সৃষ্টি করে দিব যে, তার যন্ত্রণায় তোমরা অন্যসব কথা ভুলে যাবে।

এরপর সে বললো, বিশের ইব্ন মারওয়ানের মৃত্যুর পর সেনাপতি মুহাম্মাবের দল ত্যাগ করে যাবা এসেছে আজ থেকে তিন দিন পর যদি আমি তাদের কাউকে ওই দলের বাহিরে পাই অবশ্যই আমি তার রক্ত প্রবাহিত করে দেব- খুন করে ফেলব এবং তার ধন-সম্পদ বাজেয়াও করব। এতটুকু বলে সে মিস্ত্র থেকে নেমে গেলো এবং প্রাসাদে ফিরে এলো।

কেউ কেউ বলেন যে, শাসনকর্তা হাজ্জাজ মিস্ত্রের আরোহণ করার পর এবং লোকজন সমবেত হবার পর দীর্ঘক্ষণ চুপচাপ বসে রাইলো। জনেক শ্রোতা মুহাম্মদ ইব্ন উমায়ের এক পর্যায়ে পাথরকুচি হাতে তুলে নিল। হাজ্জাজের গায়ে সেগুলো নিক্ষেপ করার ইচ্ছা ছিল তার। সে বলেছিল, আল্লাহ এই লোককে অপমানিত করুন, কত মন্দ লোক সে।

হাজ্জাজ যখন দাঢ়ালো আর তার ওই পিলে চমকানো কড়া বক্তব্য রাখল তখন ভয়ের চোটে মুহাম্মদ ইব্ন উমায়ের হাত থেকে পাথরকুচিগুলো আপনা-আপনি খসে পড়ে গেল অথচ সে টেরই পায়নি। হাজ্জাজের বক্তব্যের ধার, বিশুদ্ধতা ও জ্ঞের দেখে সে সন্তুষ্ট হয়ে যায়।

কেউ কেউ বলেছেন যে, হাজ্জাজ তার বক্তব্যে বলেছিল, সবার মুখ্যঙ্গল বিশ্রী হোক। মহান আল্লাহ পবিত্র কুরআনে একটি উদাহরণ দিয়ে বলেছেন :

ضَرَبَ اللَّهُ مَثَلًا قَرِيْبَةً كَانَتْ أَمْنَةً مُطْمَئِنَةً يَأْتِيهَا رِزْقُهَا رَغَدًا مِنْ كُلِّ مَكَانٍ
فَكَفَرَتْ بِاَنْعُمَ اللَّهِ فَازَّاقَهَا اللَّهُ لِبَاسَ الْجُوعِ وَالْخُوفِ بِمَا كَانُوا يَصْنَعُونَ -

আল্লাহ দৃষ্টান্ত দিচ্ছেন এক জনপদের যা ছিল নিরাপদ ও নিশ্চিন্ত, যেখানে আসত সবদিক হতে সেটির প্রচুর জীবনোপকরণ। অতঃপর সেটি আল্লাহর অনুগ্রহ অঙ্গীকার করল, ফলে তারা যা করত তার জন্যে আল্লাহ তাদেরকে আস্থাদ গ্রহণ করালেন ক্ষুধা ও ভীতির আচ্ছাদনের। (নাহল-১৬ : ১১২)। বস্তুতঃ তোমরা হলে সেই জাতি ও সম্প্রদায়। অবিলম্বে তোমরা ঠিক হয়ে যাও, সরল পথের পথিক হও। আল্লাহর কসম! আমি তোমাদেরকে এমন শাস্তি ভোগ করার যে, তোমরা ছিন্নভিন্ন-ছত্রভঙ্গ হয়ে যাবে। সালামা বৃক্ষের রস নিংড়ানোর মত আমি তোমাদেরকে পিষে ফেলব যে, তোমরা অনুগত হবে।

আমি আল্লাহর কসম করে বলছি তোমরা ইনসাফ ও ন্যায়নীতির পথে অগ্রসর হবে। ফিতনা ও বিশৃঙ্খলার পথ পরিহার করবে। কেউ কেউ আমাকে তোমাদের অবস্থা জানিয়েছে বটে। তোমাদের এই অবস্থা কেন? ব্যাপার কি? অবশ্যই তোমরা এসব ছেড়ে দিবে, না হয় তরবারির আঘাতে আমি তোমাদের দেহকে টুকরো টুকরো করে ফেলব। তোমাদের স্তীগণ হবে বিধবা। ছেলেমেয়েরা ইয়াতীম হয়ে যাবে। তখন তোমরা ঝজু হয়ে চলবে, বাঁকা ও বিদ্রোহের পথ ছেড়ে আসবে। এটি শাসনকর্তা হাজ্জাজের একটি সুনীর্ঘ, উন্নত, কঠোর ও নির্দয় বক্তব্যের অংশ। ওই বক্তব্যে কোন প্রুক্ষকার ও কল্যাণের ওয়াদা ছিল না। বক্তৃতার পর তৃতীয় দিনে সে বাজারের দিকে শ্লোগান ও তাকবীরধর্মি শুনলেন। সে ঘর থেকে বেরিয়ে এসে মিষ্টিরে বসল। এবং বলল, ওহে ইরাকী জনগণ! ওহে বিদ্রোহী ও মুনাফিকগণ! ওহে বদমা'শ জনগণ! আমি তো বাজারে তাকবীরধর্মি শুনেছি। ওই তাকবীর উৎসাহব্যঞ্জক তাকবীর নয়। বরং শংকা ও ভয় উদ্বেককারী তাকবীর। প্রচণ্ড বড় শুরু হয়েছে। তার নীচে দুমড়ে-মুচড়ে পড়ছে বৃক্ষরাজি। ওহে ছোট লোকের বাচ্চারা! লাঠি প্রহার খাওয়া গোলামেরা, দাসী ও বিধবাদের পুত্রগণ! তোমাদের প্রত্যেকে নিজ নিজ অপরাধের জন্যে অনুত্পন্ন হতে পারনা? নিজ নিজ রক্ত ও খুন নিরাপদ রাখতে পারনা? নিজের দাঁড়ানোর স্থান দেখে নিতে পারনা?

আমি আল্লাহর কসম করে বলছি, আমি তোমাদের উপর এমন আঘাত হানব যে, সেটি বর্তমান লোকদের জন্যে হবে কঠিন শাস্তি আর পরবর্তী প্রজন্মের জন্যে হবে শিক্ষণীয়।

এ বক্তব্য শুনে উমায়র ইব্ন হানী তামীমী হানযালী উঠে দাঁড়ালো। সে বলল, মহান আল্লাহ শাসনকর্তার ভাল করুন। আমি সেনাপতি মুহাম্মাদের সেনাদলের অন্তর্ভুক্ত ছিলাম, আমি একজন দুর্বল বুড়ো মানুষ। এই আমার পুত্র, সে আমার চাইতে জোয়ান।

হাজ্জাজ বলল, তুমি কে? সে বলল, আমি উমায়র ইব্ন দাবী তামীমী। হাজ্জাজ বলল, আমার গত দিনের বক্তব্য কি তুমি শুনেছ? সে বলল, হাঁ, শুনেছি। হাজ্জাজ বলল, তুমি হয়রত উচ্চমান ইব্ন আফ্ফানের বিরুদ্ধে যুদ্ধ করেছিলে তাই না? সে বলল, হাঁ, তাই। হাজ্জাজ বলল, তুমি তা করতে গেলে কেন? সে বলল, তিনি আমার বাবাকে বন্দী করে রেখেছিলেন। আমার বাবা ছিলেন বুড়ো মানুষ। হাজ্জাজ বলল, তোমার বাবা কি এই কবিতাটি বলেনি?

هَمَّتْ وَلَمْ أَفْعُلْ وَكَدْتُ وَلَيْتَنِي - فَعَلْتُ وَلَيْتَ الْبُكَاءَ حَلَّا

আমি তাঁর উপর (হয়রত উচ্চমানের উপর) আক্রমণের সিদ্ধান্ত নিয়েছিলাম। কিন্তু আক্রমণ করিনি। যদি করতাম তো ভালই হত। যদি তার স্ত্রীদেরকে ক্রন্দনকারণী বানাতে পারতাম, তাহলে বেশ ভাল হতো।

এরপর হাজ্জাজ বলল, আমি অবশ্যই মনে করছি যে, তোমাকে হত্যা করলে মিসরীয়দের কল্যাণ হবে। এরপর নিরাপত্তা প্রহরীকে ডেকে বলল, ওকে শেষ করে দাও। এক লোক তার

দিকে এগিয়ে গেল এবং তার ঘাঢ়ে তরবারির কোপ মারল এবং তার মালামাল ছিনিয়ে নিল। তারপর হাজ্জাজ তাঁর ঘোষককে বলল, জনসমক্ষে এ কথা ঘোষণা করে দাও যে, উমায়র ইব্ন দাবী শাসনকর্তার ঘোষণা শোনার পরও তিনদিন পর্যন্ত মূল সেনাদলের সাথে যোগ দেয়নি। বিধায় তাকে হত্যার আদেশ দেয়া হয়েছে। এবং তাকে হত্যা করা হয়েছে।

ঘোষণা শুনে সবাই পড়ি কি মরি অবস্থায় দলে দলে মুহাম্মাবের দিকে দৌড়াতে শুরু করে। নদী অতিক্রমকালে সেতুর উপর প্রচণ্ড ভিড় জমে যায়। একই সময়ে ৪০০০ লোক ওই সেতু পার হয় এবং মুহাম্মাবের নিকট গিয়ে পৌছে। ইউনিট প্রধানগণও প্রত্যাবর্তনকারী দলে ছিল। সেখানে পৌছার পর তারা মুহাম্মাবের নিকট থেকে সেখানে পৌছেছে মর্মে সনদ সংগ্রহ করে। মুহাম্মাব তখন বলেছিলেন, এবার ইরাকে একজন মরদের মত মরদ এসেছে বটে। এবার শক্র পক্ষের বিরুদ্ধে লড়াই হবে। শক্র বিনাশ হবে। এক বর্ণনায় এসেছে যে, হাজ্জাজ বৃদ্ধ উমায়র ইব্ন দাবীকে চিনতেন না। আম্বামা ইব্ন সাঈদ তাকে ডেকে বলেছিল, শাসনকর্তা! এই যে, বুড়ো লোকটি দেখতে পাচ্ছেন, হয়রত উহমান (রা) নিহত হবার পর সে তাঁর পিত্র মুখে চড় মেরেছিল। তখনই হাজ্জাজ তাকে হত্যা করার আদেশ দেয়।

শাসনকর্তা হাজ্জাজ তাঁর পক্ষ থেকে হাকাম ইব্ন আইয়ুব ছাকাফীকে বসরার শাসনকর্তা নিয়োগ করল। তাকে খালিদ ইব্ন আবদুল্লাহ-এর বিরুদ্ধে আক্রমণ পরিচালনার জন্যে নির্দেশ দিল। শুরায়হকে কৃফার বিচারক পদে বহাল রাখল। এরপর হাজ্জাজ নিজে বসরার উদ্দেশ্যে যাত্রা করে। কৃফায় তার প্রতিনিধি রেখে যায় আবু ইয়া‘ফুরকে। বসরার বিচারক পদে নিয়োগ দেয় যুরায়াহ ইব্ন আবু আওফাকে। পরে সে কৃফায় ফিরে আসে। এই বৎসর হজ্জ পরিচালনা করেন খলীফা আবদুল মালিক ইব্ন মারওয়ান। তাঁর চাচা ইয়াহ্যা মদীনা শরীফের শাসনকর্তা পদে বহাল রাখেন। খোরাসানের শাসনকর্তা পদে বহাল থাকেন উমায়া ইব্ন আবদুল্লাহ।

এই সনে বসরার জনগণ হাজ্জাজের বিরুদ্ধে প্রচণ্ড আন্দোলন গড়ে তোলে। কারণ, উমায়র ইব্ন দাবীকে হত্যার পর হাজ্জাজ কৃফা থেকে বসরা গমন করে। তখন সে বসরার জনগণের সম্মুখে বক্তৃতা দিতে উঠে। কৃফার জনগণের সম্মুখে সে যেমন আক্রমণাত্মক, কঠিন, কঠোর ও নির্দয় বক্তব্য রেখেছিল বসরাতেও সে রকম বক্তৃতা দিল। এরপর বানু ইয়াশকার গোত্রের এক ব্যক্তিকে ধরে এনে বলা হলো, এ ব্যক্তি সরকারের নির্দেশ অমান্যকারী। সে বলল, আমি অসুস্থ। মহান আল্লাহ আমাকে অক্ষম বাঁচিয়েছেন। পূর্ববর্তী শাসক বিশ্র ইব্ন মারওয়ানও আমার অক্ষমতা মঙ্গল করেছেন। এই যে, আমার ভাতা, আমি বায়তুল মাল তথা সরকারী কোষাগারে ফেরত দিলাম। হাজ্জাজ তার বক্তব্য গ্রহণ করল না, তাকে হত্যার নির্দেশ দিল। তাকে হত্যা করা হল। এ ঘটনায় উপস্থিত জনগণ বেসামাল ও ভীত-সন্ত্রস্ত হয়ে পড়ল। তারা বসরা ছেড়ে বাইরে চলে গেল। তারা জমায়েত হল, রামহরমুয় সেতুর নিকট। তখন তাদের নেতৃত্বে এল আবদুল্লাহ ইব্ন জারদ। ওদেরকে শায়েস্তা করার জন্যে হাজ্জাজ নিজে অভিযানে বের হল। সাথে তার অনেক সৈন্য সামগ্র্য। এটি হলো শা’বান মাসের ঘটনা, সেখানে উভয় পক্ষে প্রচণ্ড যুদ্ধ সংঘটিত হয়। যুদ্ধে বিরোধী পক্ষের অন্যান্য নেতাদের সাথে প্রধান নেতা আবদুল্লাহ ইব্ন জারদ নিহত হয়, হাজ্জাজের নির্দেশে ওদের মাথা কেটে রামহরমুয় সেতুর উপর ঝুলিয়ে রাখা হয়, এরপর সেগুলো মুহাম্মাবের নিকট পাঠানো হয়, এতে মুহাম্মাবের শক্তি ও সাহস বৃদ্ধি পায় এবং খারিজী নেতাদের মনেবল ভেঙ্গে পড়ে। তারা দুর্বল হয়ে যায়, হাজ্জাজ সংবাদ পাঠায় মুহাম্মাব ও আবদুর রহমান ইব্ন মিখনাকের নিকট তারা যেন আয়ারিকা সম্প্রদায়ের বিরুদ্ধে যুদ্ধ শুরু করে। নিজ নিজ সৈন্যবাহিনী নিয়ে তারা আয়ারিকী খারিজীদের

বিরুদ্ধে যুদ্ধ পরিচালনা করে। এবং স্বল্প যুদ্ধে সহজে ওদেরকে রামছরমুয়ের আস্তানা থেকে বহিষ্কার করে দেয়। ওরা পালিয়ে পারস্যরাজ শাপুরের দেশ কায়রুন চলে যায়। মুসলিম সরকারী বাহিনী তাদেরকে পিছু ধাওয়া করে। রামাযানের শেষ ভাগে উভয় পক্ষ পুনরায় মুখোমুখি হয়।

রাতের বেলা খারিজিগণ মুহাম্মাবের অবস্থান পর্যবেক্ষণ করে। তারা দেখতে পায় যে, মুহাম্মাব তাঁর সেনা ক্যাম্পের চারিদিকে পরিখা খনন করে নিরাপত্তার ব্যবস্থা করেছেন। এরপর খারিজীগণ আবদুর রহমান ইব্ন মিখনাফের সেনা ছাউনী দেখতে আসে। তারা দেখতে পায় যে, আবদুর রহমান নিরাপত্তা-কোন ব্যবস্থা-ই নেননি। কোন প্রকারের নিরাপত্তার ব্যবস্থা গ্রহণ ব্যতীত তার সৈন্যরা রাত্রিযাপন করছে। অবশ্য সেনাপতি মুহাম্মাব আবদুর রহমানকে পরিখা খনন করে নিরাপত্তা বৃহৎ তৈরী করার নির্দেশ দিয়েছিলেন। তিনি তা করেননি। তারপর উভয় পক্ষের সৈন্যরা রাতের মধ্যেই যুদ্ধে লিঙ্গ হয়। খারিজীরা সরকারী সেনাপতি আবদুর রহমানকে হত্যা করে। সাথে তার বেশ কিছু সৈন্যকে হত্যা করে, ওদেরকে চরমভাবে পরাজিত করে। বলা হয় যে, খারিজী ও সরকারী বাহিনীর এই যুদ্ধ সংঘটিত হয় রামাযান মাসের ১০ তারিখ বুধবারে। প্রচও সংঘর্ষ হয় উভয় পক্ষের মধ্যে। ইতিপূর্বে খারিজীগণ কখনো এত বড় যুদ্ধ করতে পারেনি।

এবার খারিজীগণ মুহাম্মাবের সৈনিকদের উপর হামলা চালায়। তারা তাঁকে তাঁর সেনা ছাউনীতে নিয়ে ঠেকিয়েছিল। ইতোপূর্বে সেনাপতি আবদুর রহমান অশ্বারোহী দলের পর অশ্বারোহী দল পাঠিয়ে মুহাম্মাবকে সাহায্য করেছিলেন। তিনি সেনাদলের পর সেনাদল পাঠিয়েছিল। আসরের পর খারিজীগণ আবদুর রহমানের সেনাদলের উপর আক্রমণ চালায়। রাত পর্যন্ত যুদ্ধ হয়, রাতের মধ্যে আবদুর রহমান নিহত হন, তার সাথে থাকা সেনাবাহিনীর অনেক লোক তখন নিহত হয়।

তোরবেলা মুহাম্মাব উপস্থিত হলেন। আবদুর রহমানের জানায় শেষ করে তাকে দাফন করলেন। এবং হাজ্জাজের নিকট তাঁর মৃত্যু সংবাদ পাঠালেন। ওই শোক সংবাদ হাজ্জাজ পাঠাল খলীফা আবদুল মালিক ইব্ন মারওয়ানের নিকট। আবদুল মালিক মিনায় উপস্থিত লোকজনের নিকট সেনাপতি আবদুর রহমান ইব্ন মিখনাফের মৃত্যু সংবাদ প্রচার করেন। শাসনকর্তা হাজ্জাজ নিহত আবদুর রহমানের পদে আস্তাব ইব্ন ওয়ারকাকে সেনাপতি নিযুক্ত করে। তাকে নির্দেশ প্রদান করে যেন মুহাম্মাবের কথা মেনে চলে। কিন্তু নবনিযুক্ত সেনাপতি আস্তাব মুহাম্মাবের নির্দেশ মানতে রায়ী ছিল না। কিন্তু হাজ্জাজের নির্দেশ অমান্য করারও তার উপায় ছিল না। তাই অনিচ্ছা সত্ত্বেও সে মুহাম্মাবের সাথে মিলিত হবার জন্যে যাত্রা করে। সেখানে সে প্রকাশ্যে মুহাম্মাবের নির্দেশ পালন করেছিল বটে; কিন্তু অনেক ক্ষেত্রে তার বিরোধিতা করছিল। এক পর্যায়ে উভয়ে তর্কে লিঙ্গ হয়। উভয়ের মাঝে উত্তপ্ত বাক্য বিনিময় হয়। মুহাম্মাব আস্তাবকে আঘাত করতে উদ্যত হন। লোকজন উভয়কে নিরৃত করে থামিয়ে দেয়। আস্তাব হাজ্জাজকে চিঠি লিখে মুহাম্মাবের বিরুদ্ধে অভিযোগ জানায়। হাজ্জাজ তাকে ওই পদে ইস্তফা দিয়ে তার নিকট ফিরে আসতে বলে। তারপর মুহাম্মাব ওই পদে নিজ পুত্র হাবীব ইব্ন মুহাম্মাবকে নিয়োগ করেন।

এই সনে দাউদ ইব্ন নু'মান মায়নী বসরার শহরতলিতে বিদ্রোহী হয়ে উঠে। হাজ্জাজ তাকে দমন করার জন্যে একদল সেনাবাহিনী প্রেরণ করে। তাদের হাতে দাউদ ইব্ন নু'মান নিহত হয়।

ইব্ন জারীর বলেন যে, এই সনে ইমরুল কায়েস গোত্রের সালিহ ইব্ন মুসারাহ একটি আন্দোলন গড়ে তোলে। সে সুফারিয়্যাহ (খারিজীদের একটি শাখা) মতবাদের অনুসারী ছিল। কারো কারো মতে সে ছিল সুফারিয়্যাহ মতবাদের গোড়া পতনকারী। ঘটনা ছিল এই যে, এই ৭৫ সনে সে হজ্জ করতে গিয়েছিল। শাবীব ইব্ন ইয়ায়ীদ, বাতীন এবং এই পর্যায়ের খারিজী নেতৃত্বন্ত তার সাথে ছিল। ঘটনাক্রমে ওই বৎসর খলীফা আবদুল মালিক হজ্জ করতে গিয়েছিলেন। খারিজী নেতা শাবীব খলীফাকে হত্যা করার পরিকল্পনা করেছিল। কিন্তু তা সম্ভব হয়নি। হজ্জ থেকে ফিরে আসার পর খলীফা এই সংবাদ জানতে পারেন। ফলে ওই দলের লোকদেরকে ধরে আনার জন্যে খলীফা শাসনকর্তা হাজাজকে নির্দেশ দেন। আলোচ্য সালিহ ইব্ন মুসারাহ বারবার কৃফা যেত এবং সেখানে অবস্থান করত। তার একদল অনুসারী ছিল। তারা তার মজলিসে বসত। তার বুয়ুর্গীতে বিশ্বাস করত। এদের অধিকাংশ ছিল দারা ও মুসেলের অধিবাসী। সালিহ ওদেরকে কুরআন শিক্ষা দিত। ওয়ায় নসীহত করত। তার গায়ের রং ছিল হলুদ। সে প্রচুর ইবাদত বদ্দেগী করত। ওয়ায় করার সময় সে আল্লাহর প্রশংসা-গুণগান ও রাসূলুল্লাহ (সা)-এর প্রতি দরদ শরীফ পাঠ করে ওয়ায় শুরু করত। ওয়ায়ের মধ্যে সে দুনিয়ার প্রতি নির্লাভ থাকা, আখিরাতের প্রতি আগ্রহী হওয়া, মৃত্যুর কথা বেশী বেশী শ্বরণ করা ইত্যাদি বিষয়ের আলোচনা করত। সে হ্যরত আবু বকর (রা) ও উমর (রা)-এর প্রতি আল্লাহর রহমত কামনা করত। তাঁদের সুনাম সুকীর্তি বর্ণনা করত। এরপর হ্যরত উচ্ছমান (রা)-এর বিষয় আলোচনায় আনত এবং তাঁকে গালমন্দ করত। তাঁর হত্যাকারী পাপাচারী ঘাতকেরা তাঁকে যে সব দোষে অভিযুক্ত করেছিল ওইসব তথ্যকথিত দোষগুলো সে উল্লেখ করত। এরপর তা তার সাথীদেরকে খারিজীদের দলভুক্ত হয়ে খারিজী আন্দোলনে শরীক হয়ে সৎকর্মের আদেশ ও মন্দ কর্মে নিষেধ করতে বেরিয়ে পড়ার জন্যে উদ্ধৃত করত। লোক সমাজে প্রচলিত রসূম রেওয়াজের প্রতি ঘৃণাবোধ সৃষ্টিতে সে তার অনুসারীদেরকে কাজে লাগাত। সে তাদেরকে এই লক্ষ্য বাস্তবায়নে হেলায় মৃত্যুবরণ করতে দীক্ষা দিত। সে দুনিয়ার বিরুপ সমালোচনা করত। পার্থিব বিষয়গুলোকে নিতান্ত তুচ্ছ ও গৌণ বিবেচনা করত। হতে হতে একদল লোক তার মতবাদে বিশ্বাসী হয়ে উঠে। এক পর্যায়ে তার সতীর্থ শাবীব নিজ অনুসারীদেরকে নিয়ে তাকে সরকারের বিরুদ্ধে বিদ্রোহ ঘোষণার আহ্বান জানান। এরপর সালিহের নিকট শাবীব নিজে এসে উপস্থিত হন। সালিহ তখন “দারা” অঞ্চলে অবস্থান করছিল। আলাপ আলোচনার পর উভয়ে একমত হল যে, আগামী বছর ৭৬ সনের সফর মাসের শুরুর দিকে তারা মাঠ পর্যায়ে বিদ্রোহ ও আন্দোলন শুরু করবে। এই যাত্রায় শাবীবের সাথে তার ভাই মুসাদ, মুজাল্লাল এবং ফয়ল ইব্ন আমির সালিহের নিকট উপস্থিত হয়েছিল। দারায় সালিহের নিকট তখন প্রায় ১২০ জনের মত নেতৃস্থানীয় খারিজী লোকের সমাবেশ ঘটেছিল। একদিন তারা শাসনকর্তা মুহাম্মদ ইব্ন মারওয়ানের অশ্বগুলোর উপর আক্রমণ করে। তারা অশ্বগুলোকে ছিনিয়ে নেয় এবং সেগুলো নিয়ে পালিয়ে যায়। এরপর তারা কী কী ঘটিনা ঘটিয়েছিল “৭৬” সনের ঘটনাবলী প্রসঙ্গে আমরা তা আলোচনা করব ইনশাআল্লাহ।

৭৫ হিজরী সনে নেতৃস্থানীয় যাঁরা ইন্তিকাল করেন

আবু মুসহির ও আবু উবায়দ এর অভিমত অনুসারে এই সনে যাঁরা ইন্তিকাল করেন তাঁদের অন্যতম হলেন হ্যরত ইরবাদ ইব্ন সারিয়া। তিনি আবু নাজীহ সুলামী উপনামেও পরিচিত। তিনি একজন বিশিষ্ট সাহাবী। তিনি হিমস নগরীতে বসবাস করতেন। ইসলামের

প্রথম যুগেই তিনি ইসলাম গ্রহণ করেন। তাঁর সাথে ইসলামে দীক্ষিত হয়েছিলেন হ্যরত আমর ইবন আব্দাসাহ (রা)। তিনি তখন অবস্থান করেছিলেন মক্কার আল-সুফ্ফা নামক স্থানে।

وَلَا عَلَى الدِّينِ إِذَا مَا آتُوكَ لِتَحْمِلُهُمْ قُلْتَ لَا أَجِدُ مَا أَحْمِلُكُمْ عَلَيْهِ تَوَلُّا
وَأَعْيُنُهُمْ تَفِيضُ مِنَ الدَّمْعِ حَزَنًا أَلَا يَجِدُوا مَا يُنْفِقُونَ

“ওদেরও কোন অপরাধ নেই যারা আপনার নিকট বাহনের জন্যে আসার পর আপনি বলেছিলেন ‘তোমাদের জন্যে কোন বাহন আমি পাছি না।’ ওরা অর্থ ব্যয়ে অসামর্থজনিত দুঃখে অশ্র বিগলিত নেত্রে ফিরে গেল।” (তাওবা- ৯ : ১২)।

এই আয়াতে ক্রন্দনকারী যাদের কথা উল্লেখ করা হয়েছে হ্যরত ইরবাদ ইবন সারিয়া তাঁদের অন্যতম ছিলেন। ইতোপূর্বে আমরা এই প্রসঙ্গে সাশ্রম নয়নে ফিরে যাওয়া ক্রন্দনকারীদের নাম উল্লেখ করেছি। তাঁরা ছিলেন মোট ৯ জন। হ্যরত ইরবাদ ইবন সারিয়া একটি গুরুত্বপূর্ণ হাদীসের বর্ণনাকারী। সেটি হল :

خَطَبَنَا رَسُولُ اللَّهِ صَلَّى اللَّهُ عَلَيْهِ وَسَلَّمَ خُطْبَةً وَجِلَتْ مِنْهَا الْقُلُوبُ وَزَرَفَتْ
مِنْهَا الْعَيْنُونُ ...

একদা রাসূলুল্লাহ (সা) আমাদের উদ্দেশ্যে একটি ভাষণ দিলেন। তাতে সকলের মন ভয়ে প্রকশিত ও শিহরিত হয়ে উঠল, চক্ষুগুলো থেকে ঘৰ ঘৰে অশ্র ঘৰে পড়ল ...)। ইমাম আহমদ (র) এবং সুনান সংকলনকারিগণ হাদীসটি উন্নত করেছেন। ইমাম তিরমিয়ী এবং অন্যরা এটি বিশুদ্ধ হাদীস বলে মন্তব্য করেছেন। হ্যরত ইরবাদ ইবন সারিয়া এও বর্ণনা করেছেন যে, আন্ন নবী চল্লিল্লাহু চল্লিল্লাহু কান চল্লিল্লাহু উল্লিল্লাহু মান্দিম তল্লিল্লাহু আন্ন নবী চল্লিল্লাহু কান চল্লিল্লাহু উল্লিল্লাহু মান্দিম তল্লিল্লাহু রাসূলুল্লাহ (সা) প্রথম কাতারের জন্য তিনবার এবং দ্বিতীয় কাতারের জন্য একবার দু'আ করতেন।

ইরবাদ ইবন সারিয়া বৃক্ষ হয়ে গিয়েছিলেন। তিনি চাইতেন যে, মহান আল্লাহ যেন তাঁকে দুনিয়া থেকে তুলে নেন। তিনি এই দু'আ করতেন **اللَّهُمَّ كَبِرَتْ سَنَّى وَهَنَّ عَظِيمٌ فَاقْبِضْنِي إِلَيْكَ** হে আল্লাহ! আমার বয়স বেশী হয়ে গিয়েছে। আমি বার্ধক্যে পৌছে গিয়েছি। আমাকে আপনার নিকট তুলে নিন। তিনি বহু হাদীস বর্ণনা করেছেন।

আবু ছালাবা খুশানী (রা)

৭৫ সনে যাঁরা ইন্তিকাল করেন তাঁদের একজন হলেন হ্যরত আবু ছালাবা খুশানী (রা)। তিনি হুদায়বিয়ার সন্ধির প্রাক্কালে অনুষ্ঠিত বায়আত-ই রিয়ওয়ানে উপস্থিত ছিলেন না। তিনি হুনায়নের যুক্তে অংশ নিয়েছিলেন। যারা পশ্চিম দামেকে বসতি স্থাপন করেছিলেন। তিনি ছিলেন তাঁদের একজন। কেউ বলেছেন যে, তিনি পূর্ব দামেশকের বিলাত অঞ্চলে বসতি স্থাপন করেছিলেন। আল্লাহই ভাল জানেন।

তাঁর নাম এবং তাঁর পিতার নাম সম্পর্কে বিভিন্ন মত রয়েছে। প্রসিদ্ধ অভিমত এই যে, তাঁর নাম জারছুম ইবন নাশির। রাসূলুল্লাহ (সা) থেকে এবং অনেক সাহাবী থেকে তিনি হাদীস

বর্ণনা করেছেন। অনেক তাবিঙ্গি তাঁর থেকে হাদীস বর্ণনা করেছেন। তাঁর থেকে হাদীস বর্ণনাকারী তাবিঙ্গদের মধ্যে আছেন সাইদ ইব্ন মুসায়াব (র), মাকহুল শামী (রা), আবু ঈদরীস খাওলানী (র), আবু কিলাবাহ্ জুরমী (র) প্রমুখ। তিনি কা'ব আল-আহবার (রা)-এর মজলিসে বেশী বেশী থাকতেন। প্রতি রাতে তিনি ঘর থেকে বের হয়ে আকাশে তাকাতেন। নভোজগত সম্পর্কে চিন্তা-ভাবনা করতেন। এরপর ঘরে গিয়ে আল্লাহর উদ্দেশ্যে সিজদাবন্ত হতেন। তিনি প্রায়ই বলতেন যে, আমি আশা করছি যে, তোমাদেরকে যেমন দম আটকে মরতে দেখি মহান আল্লাহ্ আমাকে সেভাবে দম বন্ধ করে মৃত্যু দিবেন না।

একরাতে তিনি নামায আদায় করছিলেন। সিজদায় থাকা অবস্থায় মহান আল্লাহ্ তাঁকে মৃত্যু দেন। ওই মুহূর্তে তাঁর কন্যা স্বপ্ন দেখেন যে তাঁর বাবা যেন মারা গিয়েছেন। ভীত সন্ত্রস্ত হয়ে তিনি ঘূর্ম থেকে জেগে উঠেন। তাঁর মাতাকে জিজ্ঞেস করেন যে, বাবা কোথায়? মাতা বললেন, তিনি তাঁর জায়নামাযে আছেন। মেয়ে বাবাকে ডাক দেয়। কিন্তু পিতা কোন উত্তর দেননি। মেয়ে তাঁর নিকট উপস্থিত হয়ে তাঁকে নাড়া দেয়। তিনি একদিকে পড়ে যান। তখন দেখা যায় যে, তিনি মারা গিয়েছেন। আল্লাহ্ তাঁর প্রতি দয়া করুন।

আবু উবায়দা, মুহাম্মদ ইব্ন সা'দ, খলীফা এবং অন্য অনেকে বলেছেন যে, ৭৫ সনে হ্যরত ইরবাদ ইব্ন সারিয়া ইনতিকাল করেন। অন্যরা বলেছেন যে, তাঁর ওফাত হয় আমীর মুআবিয়ার (রা) শাসন কালের প্রথম দিকে। আল্লাহই ভাল জানেন।

আসওয়াদ ইব্ন ইয়ায়ীদ

এই সনে যাঁদের ওফাত হয় তাঁদের একজন হলেন আসওয়াদ ইব্ন ইয়ায়ীদ। তিনি হ্যরত ইব্ন মাসউদ (রা)-এর সহচর ছিলেন। তাঁর পরিচয় হল আসওয়াদ ইব্ন ইয়ায়ীদ নাখঙ্গ (র)। তিনি উচ্চ পর্যায়ের তাবিঙ্গি ছিলেন। কৃফাবাসীদের মধ্যে তিনি একজন অতি বৃদ্ধ লোক ছিলেন। তিনি সবাদিন রোয়া রাখতেন। অধিক রোয়া রাখার ফলে তাঁর দু'চোখ নষ্ট হয়ে যায়। হজ্জ ও উমরা মিলিয়ে সর্বমোট ৮০ বার তিনি মুক্তি মদীনায় যান। হজ্জ ও উমরা উপলক্ষে তিনি ইহরাম করতেন কৃফা থেকে। ৭৫ সনে তাঁর ইনতিকাল হয়। রোয়া রাখতে রাখতে তাঁর শরীর হলুদ ও সবুজ রংয়ের হয়ে গিয়েছিল।

মৃত্যুর মুখোমুখি হবার পর তিনি কেঁদে উঠলেন। তাকে বলা হল যে, এত অস্ত্রিতার কারণ কি? উত্তরে তিনি বললেন যে, আমি অস্ত্রি হব না কেন? অস্ত্রি হবার জন্যে আমার চাইতে অধিক যোগ্য আর কে আছে? আল্লাহর কসম! আমি যদি জানতে পারতাম যে, মহান আল্লাহ্ আমার জন্যে ক্ষমা মঞ্জুর করেছেন তাহলে আমার কৃতকর্মের জন্যে লজ্জিত ও অনুতপ্ত হয়ে আমি মাটিতে মিশে যেতাম। মানুষের প্রতি মানুষের দোষগুটি ও অপরাধ তো সামান্য থাকে। সেটি ক্ষমা করে দিলে দোষী ব্যক্তি চিরদিন ক্ষমাকারীর প্রতি লজ্জাবন্ত থাকে।

হামরান ইব্ন আবান (র)

৭৫ সনে যাঁদের মৃত্যু হয় তাঁদের একজন হলেন হামরান ইব্ন আবান। তিনি হ্যরত উছমান ইব্ন আফফান (রা)-এর মুক্ত দাস ছিলেন। আয়নুত তামর যুদ্ধে বন্দী হওয়ার প্রেক্ষিতে তিনি দাসত্বের শৃংখলে আবদ্ধ হয়েছিলেন। হ্যরত উছমান (রা) তাঁকে খরিদ করেছিলেন। তিনি হ্যরত উছমানের (রা) গৃহের প্রবেশ দ্বারে থাকতেন এবং কারো ভেতরে যাবার প্রয়োজন হলে ভেতর থেকে অনুমতি নিয়ে আসতেন। এই ৭৫ সনে তাঁর ওফাত হয়। আল্লাহই ভাল জানেন।

৭৬ হিজরী সন

এই সনের প্রথম দিকে সফর মাসের শুরুতে এক বুধবার রাতে খারিজীদের এক সমাবেশ অনুষ্ঠিত হয়। সুফারিয়াহ সম্প্রদায়ের প্রধান সালিহ ইবন মুসাররাহ এবং খারিজী সম্প্রদায়ের বিশিষ্ট বীর ও সাহসী ব্যক্তি শাবীর ওই সমাবেশে উপস্থিত ছিল। প্রথমে বক্তৃতা দিল সালিহ ইবন মুসাররাহ। উপস্থিত জনতাকে সে আল্লাহর তাকওয়া বা খোদাভীতি অর্জনের নির্দেশ দিল। তারপর জিহাদে অংশ নিতে উদ্বৃদ্ধ করল। সে এই আদেশ ও জারী করল যে, প্রথমে নিজেদের দলে অন্তর্ভুক্ত হবার আহ্বান জানানো ছাড়া কারো বিরুদ্ধে যুদ্ধ করা যাবে না।

এরপর তারা জায়িরা অঞ্চলের প্রশাসক মুহাম্মদ ইবন মারওয়ালের পশ্চাপালের উপর হামলা চালায় এবং পশ্চালে লুট করে নিয়ে আসে। তারা “দারা” অঞ্চলে ১৩ দিন অবস্থান করে। দারা নসীবীন এবং সানজারের নাগরিকরা নিরাপত্তার জন্য দুর্গে আশ্রয় নেয়। জায়িরার শাসনকর্তা মুহাম্মদ ইবন মারওয়ান আদী ইবন আদী ইবন উমায়রাহ-এর নেতৃত্বে পাঁচশত অশ্বারোহী বিশিষ্ট এক সেনা ব্রিগেড প্রেরণ করেন ওদেরকে মুকাবিলা করার জন্যে। পরে ওদের সাহায্যার্থে অভিযান আরো ৫০০ জন সৈন্য পাঠালেন। আদী ১০০০ সৈন্যের বহর নিয়ে হারান থেকে ওদের মুকাবিলার উদ্দেশ্যে যাত্রা করে। মনে হচ্ছিল তারা যেন দেখে শুনে মৃত্যুর দিকে অগ্রসর হচ্ছিল। কারণ, খারিজীদের শক্তি সাহস এবং যুদ্ধ অভিজ্ঞতা তাদের জানা ছিল। তারা খারিজীদের মুখোমুখি হল। উভয় পক্ষে প্রচণ্ড সংঘর্ষ হল। খারিজীগণ তাদেরকে শোচনীয়ভাবে পরাজিত করে এবং তাদের রসদপত্র সরঞ্জামাদি ও অস্ত্রশস্ত্র দখল করে নেয়। পরাজিত বাহিনী ফিরে যায় মুহাম্মদ ইবন মারওয়ানের নিকট, পরাজয়ের সংবাদে মুহাম্মদ ইবন মারওয়ান ভীষণভাবে ক্ষুঁক হন। এবার তিনি হারিছ ইবন জাউনার নেতৃত্বে ১৫০০ এবং খালিদ ইবন হুরর-এর নেতৃত্বে খারিজীদের বিরুদ্ধে ১৫০০ সৈন্য প্রেরণ করেন। উভয় সেনাপতিকে বলে দেওয়া হয় যে, আগে যেজন শক্ত পক্ষের নিকট পৌছতে পারবে সে সম্মিলিত বাহিনীর সেনাপতিত্ব লাভ করবে। ৩০০০ সৈন্যের এই বহর শক্তির সঙ্কানে অগ্রসর হল। খারিজীগণ সংখ্যায় ছিল মাত্র ১২০ জন। সরকারী বাহিনী আমেদ পৌছার পর ৬০ জন অনুসারী নিয়ে সালিহ এগিয়ে গেল খালিদ ইবন হুররকে মুকাবিলা করার জন্যে। আর অবশিষ্ট অনুসারীদেরকে নিয়ে শাবীর এগিয়ে গেল হারিছ ইবন জাউনাকে মুকাবিলা করার জন্যে।

উভয় পক্ষে প্রচণ্ড যুদ্ধ হল। দিন গড়িয়ে রাত এসে গেল। সন্ধ্যা বেলা উভয় পক্ষ যুদ্ধ বিরতি মেনে নিল। ইতোমধ্যে খারিজীদের প্রায় ৭০ জন এবং উমাইয়া বাহিনীর প্রায় ৩০ জন যোদ্ধা নিহত হয়ে গিয়েছে। রাতের অন্ধকারে খারিজীগণ ওই অঞ্চল ছেড়ে পালিয়ে যায়। তারা মুসেলের পথে দাসকারাহ অতিক্রম করে যায়। তাদের পেছনে হাজাজ হারিছ ইবন উমায়রাহ এর নেতৃত্বে ৩০০০ সৈন্যের একটি বাহিনী প্রেরণ করে। সেনাদল এগিয়ে যায়। মুসেল পৌছে এরা খারিজীদের সাক্ষাত পায়। তখন খারিজী নেতা সালিহের সাথে মাত্র ৯০ জন অনুসারী ছিল। উভয় পক্ষ মুখোমুখি হল। সালিহ তার সৈন্যদেরকে তিনটি অশ্বারোহী দলে বিভক্ত করল। একদলের নেতৃত্বে সে নিজে থাকল। তার ডান দিকের দলের নেতৃত্বে শাবীর এবং বাম পার্শ্বের দলের নেতৃত্বে রাখল সুওয়ায়দ ইবন সুলায়মানকে। হারিছ ইবন উমায়রাহ তাদের উপর আক্রমণ করল। তার ডান বাহুতে নেতৃত্ব দিচ্ছিল। আবু রাওয়া শাকিরী এবং বাম বাহুতে নেতৃত্ব দিচ্ছিল যুবায়র ইবন আরওয়াহ তামীমী। সংখ্যায় কম হলেও খারিজীগণ পরম ধৈর্যের সাথে আক্রমণ প্রতি আক্রমণ করছিল। এক পর্যায়ে সুওয়ায়দ ইবন সুলায়মান নিহত হয়। এরপর নিহত হয় খারিজী দল নেতা সালিহ ইবন মুসাররাহ। শাবীর তার ঘোড়ার পিঠ থেকে

পড়ে যায়। তার অনুসারীরা তার নিকট এসে পড়ে। তারা তাকে উঠিয়ে তাদের একটি নিরাপত্তা দুর্গে নিয়ে যায়। তারা তখনো ৭০ জন অবশিষ্ট ছিল।

উমায়া সেনাপতি হারিছ ইব্ন উমায়রা ও তার সাথীরা খারিজীদের চারিদিক থেকে ঘিরে ফেলে। হারিছ তার সাথীদেরকে নির্দেশ দেয় ওই দুর্ঘের দরযায় আগুন ধরিয়ে দিতে। তারা দুর্গে আগুন ধরিয়ে দেয়। এবং নিজেরা ওখান থেকে নিজেদের ক্যাম্পে সরে আসে। তারা অপেক্ষায় থাকে কখন দরযা পুড়বে আর খারিজীরা সেখান থেকে বেরিয়ে আসবে তখন তারা ওদেরকে পাকড়াও করবে। সরকারী বাহিনী সেনা ছাউনিতে এসে বিশ্রাম নিছিল হঠাৎ খারিজীগণ জুলন্ত দুর্গের দরযা অতিক্রম করে বের হয়ে আসে এবং রাতের অন্ধকারে সরকারী বাহিনীর ছাউনীতে আক্রমণ চালায়। বহু সৈন্যকে তারা হত্যা করে। সরকারী সেনাদল অতর্কিত হামলায় কিংকর্তব্যবিমৃঢ় হয়ে পড়ে। এবং দ্রুত মাদায়ন পালিয়ে যায়। শাবীব ও তার অনুসারীরা সেনা ছাউনিতে থাকা সকল অন্তর্শন্ত্র ও মালপত্র দখল করে নেয়। হারিছের সেনাদল ছিল শাবীবের হাতে পরাজিত প্রথম সেনাদল। ইতোপূর্বে শাবীর অন্য কোন সেনাদলকে পরাজিত করতে পারেনি। এই সনের জুমাদাল আখিরাহ মাসের ১৩ দিন অবশিষ্ট থাকতে এক মঙ্গলবারে সালিহ ইব্ন মুসাররাহ নিহত হয়।

এই সনে খারিজী নেতা শাবীব কৃফা প্রবেশ করে। তার স্ত্রী গাযালা তার সাথে ছিল। সালিহ ইব্ন মুসাররাহ নিহত হবার পর শাবীবকে ঘিরে অনেক কর্মকাণ্ড সংঘটিত হয়। সেগুলো বিস্তারিত উল্লেখ করলে অনেক দীর্ঘ হয়ে যাবে। এ সময়ে খারিজীরা শাবীবের নিকট জমায়েত হয় তার হাতে বাধ্যাত্মক করে। হাজ্জাজ শাবীবকে হত্যা করার জন্যে অন্য একটি সেনা অভিযান প্রেরণ করে। শাবীব ওই সেনাদলের বিরুদ্ধে যুদ্ধ চালিয়ে যায়। একবার সে ওদের নিকট পরাজিত হয়। পুনরায় সে ওদেরকে পরাজিত করে। এরপর সে মাদায়নের উদ্দেশ্যে যাত্রা করে। সে মাদায়ন অতিক্রম করে যায়। তবু সে সরকারী বাহিনীর কারো খৌজ পায়নি। সে আরো সম্মুখে অগ্রসর হয়। কালুয়া অঞ্চলে হাজ্জাজের কতক পশ্চ খাদ্য তার নজরে পড়ে। সে ওগুলো লুট করে নেয়। তার সিদ্ধান্ত ছিল যে, সে মাদায়ন এসে রাত্রি যাপন করবে। কিন্তু গোপনে সংবাদ পেয়ে মাদায়ন অবস্থানকারী সকল সরকারী সৈন্য মাদায়ন ছেড়ে কৃফা পালিয়ে যায়। ওদের পরাজিত সেনা সদস্যগণ হাজ্জাজের দরবারে পৌছার পর সে শাবীবের বিরুদ্ধে যুদ্ধ করার জন্যে ৪০০০ সৈন্যের একটি সেনাদল প্রেরণ করে। তারা মাদায়ন এসে শাবীবকে ঝুঁজতে থাকে। শাবীব তাদের সম্মুখে অল্প অল্প পথ অতিক্রম করে এগিয়ে যায়। সে ওদেরকে দেখায় যে, সে ওদেরকে খুব ভয় করছে। তারপর সুযোগ বুঝে সে সরকারী বাহিনীর সম্মুখ ভাগের উপর আচমকা আক্রমণ করে এবং তাদেরকে পরাজিত করে অন্তর্শন্ত্র ও মালামাল দখল করে নেয়। যে কেউ তার সামনে এলে তা তাকে পরাজিত করে ফেলে।

শাবীবের বিরুদ্ধে হাজ্জাজ প্রচুর শক্তি নিয়োগ করে। তাকে পরাজিত করার জন্যে সৈন্যদল ও অন্তর্শন্ত্রের যোগান দেয়। শাবীব এসবের কিছুই পরোয়া করে না। তার সাথে তখন মাত্র ১৬০ জন অশ্বারোহী সৈন্য। এটি এক অবাক ব্যাপারও বটে।

এবার শাবীব অন্য পথে যাত্রা করল। সে কৃফা অভিযুক্ত রওয়ানা দিল। কৃফা অবরোধ করা ছিল তার লক্ষ্য। তাকে প্রতিরোধ করার জন্যে সরকারী বাহিনী এগিয়ে গেল। শাবীব নিজে এই সংবাদ জানতে পারে। কিন্তু তাতে সে কোনো পরোয়া করে না। বর তার ভয়ে সরকারী সৈন্যগণ সন্তুষ্ট ও শংকিত থাকে। তার ভয়ে সরকারী বাহিনী প্রথমে কৃফা নংগরীতে

প্রবেশ করে শাবীবের হাত থেকে আঘাতক্ষার জন্যে শহরে প্রবেশ করে দুর্গে আশ্রয় নেয়ার চেষ্টা করে। তাদেরকে ও এটা জানানো হল যে, সুওয়ায়দ ইব্ন আবদুর রহমান তাদের পেছনে রয়েছে। এবং সে তাদের কাছাকাছি পৌছে গিয়েছে।

শাবীব মাদায়নে অবতরণ করল। তার মধ্যে ভয়-ভীতির কোন চিহ্ন নেই। সে তার জন্যে আয়েশী খাবার তৈরীর নির্দেশ দিল। যেন রান্না করা ও ভাজা উভয় প্রকারের খাবার থাকে। তাকে বলা হল যে, সরকারী সৈন্য তো এসে পড়েছে। নিজের প্রাণ বাঁচান। ওইসব কথায় সে কর্ণপাত করেনি। সে ওই কথার কোন গুরুত্বই দেয়নি। সে বরং তার বাবুর্চি রূপে কর্মরত স্থানীয় নেতাকে বলেছিল ভাল করে রান্না কর, ঠিক ঠাক মত পাকাও। তবে তাড়াতাড়ি খাবার নিয়ে আস। ভালভাবে রান্না হবার পর সে আবার খায়। তারপর পরিপূর্ণভাবে উৎসুক করে এবং দীর্ঘক্ষণ যাবত ধীরস্থির ও শান্তির সাথে সাথীদের নিয়ে নামায আদায় করে। এরপর তার যুদ্ধ পোশাক পরিধান করে। দুটো তরবারি গলায় ঝুলিয়ে নেয়, লোহার একটি হাতুড়ি হাতে নেয়। এরপর বলল, আমার খচরটা নিয়ে এস। সে খচরে সওয়ার হল। তার ভাই মুসাদ তাকে বলল, খচর ছেড়ে ঘোড়ার পিঠে চড়ুন। সে বলল না, প্রত্যেক বিষয় তার পরিগতির অপেক্ষায় থাকে। সে খচরের পিঠেই চড়ল। এরপর যে এলাকায় সে ছিল সেটির দরয়া খুলল। সে তখন সদস্তে বলেছিল, আমি আবু মুদিল্লাহ 'আল্লাহর আইন ছাড়া কোন আইন নেই।' এগিয়ে গিয়ে সে তার সন্তুষ্ট শক্রদলের সেনাপতির নিকট পৌছে এবং লোহার হাতুড়ির আঘাতে তাকে হত্যা করে। ওই সেনাপতির নাম ছিল সাইদ ইব্ন মুজলিদ। এরপর সে অন্য একটি বড় সেনা ইউনিটের উপর আঘাত হানে। ওই ইউনিটের সেনাপতিকে হত্যা করে। ফলে অন্যান্য সৈন্যগণ ছত্রঙ্গ হয়ে পালিয়ে যায়। তারা কৃফার অভ্যন্তরে গিয়ে আশ্রয় নেয়। শাবীব ও কৃফা প্রবেশ করে। ফোরাত নদীর তীরের পথ ধরে। সেখানে বহু লোককে সে হত্যা করে। তার ভয়ে শাসনকর্তা হাজাজ কৃফা ছেড়ে বসরায় পালিয়ে যায়। উরওয়া ইব্ন মুগীরা ইব্ন শু'বাহকে সে তার পক্ষে কৃফার শাসনকর্তা নিয়োগ করে যায়। কৃফা প্রবেশের লক্ষ্যে অহসরমান শাবীব কৃফা নগরীর খুব কাছাকাছি এসে পৌছে। স্থানীয় প্রধানগণ শাসনকর্তা উরওয়াকে এই সংবাদ অবহিত করে। তিনি সংবাদটি হাজাজকে জানান। হাজাজ দ্রুত বসরা ছেড়ে কৃফার পথে যাত্রা করে। এদিকে শাবীবও খুব দ্রুত কৃফা নগরীতে প্রবেশ করছিল। হাজাজ শাবীবের আগে নগরীতে প্রবেশ করে। সে নগরীতে প্রবেশ করে আসরের সময়। শাবীব মারবাদ (মেলাস্তলে) গিয়ে পৌছে মাগরিবের সময়। শেষ রাতে সে কৃফা নগরীতে ঢুকে পড়ে। এব শাসক ভবনের সম্মুখে গিয়ে পৌছে। হাতে থাকা লোহার হাতুড়ি দ্বারা সে শাসক ভবনের দরযায় আঘাত করে। তাতে দরযায় আঘাতের চিহ্ন সৃষ্টি হয়। পরবর্তী সময়েও সেটি দৃষ্টিগোচর হয়। বলা হত যে, এই চিহ্ন হল শাবীবের হাতুড়ি পেটানোর চিহ্ন। এরপর সে নগরীর রাজপথে চলতে থাকে। উদ্দেশ্য লড়াই স্থলে উপস্থিত হওয়া। ইতোমধ্যে কৃফা নগরীর নেতৃস্থানীয় অনেক ঝেকেকে সে হত্যা করে। নিহতদের মধ্যে উল্লেখযোগ্য হলেন লায়ছ ইব্ন আবু সুলায়মের পিতা আবু সুলায়ম, আদী ইব্ন আমর, আয়হার ইব্ন আবদুল্লাহ আমিরী, প্রমুখ। এই যাত্রায় শাবীবের সাথে তার স্ত্রী গায়লাহও ছিল। গায়লাহ নিজেও খুব সাহসী মহিলা ছিল। শাবীব গিয়ে কৃফার জামে মসজিদে প্রবেশ করে। সে মিস্বরে আরোহণ করে এবং মারওয়ান বংশীয় লোকদের দুর্নাম ও সমালোচনা করতে থাকে।

হাজাজ জনসাধারণকে ডেকে ডেকে বলেছিল, ওহে মহান আল্লাহর অশ্বারোহী দল। তোমরা অশ্বপৃষ্ঠে চড়ে তাড়াতাড়ি আস। শাবীব মসজিদ থেকে বের হয়ে যুদ্ধ ক্ষেত্রের দিকে

যাত্রা করে। তাকে মুকাবিলা করার জন্যে হাজ্জাজ ছয় হাজার লড়াকু সৈন্যের এক বিশাল বাহিনী প্রেরণ করে। ওরা শাবীবের পেছনে পেছনে যেতে থাকে। শাবীব তখনও বেপরোয়া। ঘুমে চুলু চুলু অবস্থায় সে হেলেদুলে সমুখে অগ্রসর হচ্ছিল। তন্দুর ঘোরে তার মাথা এদিকে সেদিকে নুয়ে পড়ছিল। এরই মধ্যে সে একাধিকবার সরকারী সৈন্যের উপর আচমকা আক্রমণ চালিয়েছে এবং ওদের অনেক লোককে হত্যা করেছে। এই পর্যায়ে হাজ্জাজের বহু সৈন্য নিহত হয়। তাদের বহু সেনাপতিও নিহত হয়। নিহতদের মধ্যে সেনাপতি রাইদাহ ইবন কুদামাহও ছিল। শাবীব নিজে তাকে হত্যা করে। সে ছিল মুখতারের চাচাত ভাই। রাইদার স্তুলে হাজ্জাজ আবদুর রহমান ইবন আশআছকে সেনাপতি নিয়োগ করে এবং শাবীবের বিরুদ্ধে যুদ্ধ করার জন্যে পাঠায়। তিনি শাবীবের বিরুদ্ধে যুদ্ধ না করে ফিরে আসেন। তারপর হাজ্জাজ তার পরিবর্তে উহুমান ইবন কুতুন হারিছীকে সেনাপতি নিয়োগ করে পাঠায়। বৎসরের শেষ ভাগে সে শাবীবের বিরুদ্ধে যুদ্ধে অংশ নেয়। যুদ্ধে সে নিহত হয়। তার সেনা ইউনিটের প্রায় ছয়শত সৈন্যও নিহত হয়। তারপর অবশিষ্ট সৈন্যগণ যুদ্ধ ময়দান ত্যাগ করে পালিয়ে যায়। এই যুদ্ধে যারা নিহত হয় তাদের মধ্যে উল্লেখযোগ্য হল আকীল ইবন শান্দাদ সালূলী, খালিদ ইবন নাহীক এবং আসওয়াদ ইবন রাবীআ। ইতোমধ্যে শাবীব অপ্রতিরোধ্য শক্তিমান রূপে পরিগণিত হয়। খলীফা আবদুল মালিকসহ হাজ্জাজ ও অন্যান্য শাসনকর্তাগণ তার ভয়ে কম্পমান হয়ে উঠেন। তার সম্পর্কে খলীফা আবদুল মালিকের মনে ভীষণ ভয় সৃষ্টি হয়। তাকে প্রতিরোধ করার জন্যে খলীফ নিজে বসরীয় সৈনিকদের এক বিশাল বাহিনী প্রেরণ করেন। পরবর্তী বছর অর্থাৎ ৭৭ সনে ওই সেনাবহর শাবীবের মুখোমুখি হয়। তখনে শাবীবের সাথে মাত্র কয়েকজন অনুসারী যোদ্ধা। তাতেই জনগণের মধ্যে আস সৃষ্টি হয়ে গিয়েছিল। এভাবেই চলছিল সরকারী বাহিনী ও খালিফী বাহিনীর মধ্যে ঘাত-প্রতিঘাত ও দন্দ-সংঘাত। এই পরিক্রমায় নতুন বছর ৭৭ সনের আগমন ঘটে।

ইবন জারীর বলেন, এই সনে খলীফা আবদুল মালিক দিরহাম ও দীনারে অর্থাৎ রৌপ্য ও স্বর্ণ মুদ্রায় বিশেষ ছাপ বা চিহ্ন অঙ্কিত করেন। ইসলামী আমলে তিনিই সর্বপ্রথম এই কাজটি করেন। আল আহকামুস সুলতানিয়াহ এন্টে আল মাওয়ারদী বলেছেন যে, ইসলামী আমলে কে সর্বপ্রথম রাষ্ট্রীয় মুদ্রায় আরবী ছাপ ও নকশা অংকন করেছিলেন তা নিয়ে একাধিক অভিযোগ রয়েছে। সাইদ ইবন মুসায়াব (র) বলেছেন যে, খলীফা আবদুল মালিক-ই সর্বপ্রথম রাষ্ট্রীয় মুদ্রায় আরবী লিখা ও ছাপ অংকন করেন। তখন মুদ্রা হিসেবে রোমান ও পারসিক মুদ্রাই প্রচলিত ছিল।

আবৃত্য যিনাদ বলেন যে, ৭৪ সনে খলীফা আবদুল মালিক মুদ্রায় বিশেষ ছাপ ও নকশা অংকিত করেন। মাদাইনী বলেন যে, এই কাজসম্পন্ন করা হয়েছে ৭৫ সনে। ৭৬ সনে এটি সমগ্র রাষ্ট্রে কার্যকর হয়। বর্ণিত আছে যে, তিনি মুদ্রার এক পিঠে **الصَّمْدَ الْبَلْهَ** (আল্লাহ এক) এবং অপর পৃষ্ঠে **الصَّمْدَ الْبَلْهَ** (আল্লাহ কারো মুখাপেক্ষী নন) অংকন করেছিলেন।

ইয়াহ্যা ইবন নু'মান গিফারী তার বাবার সূত্রে বলেছেন যে, সর্বপ্রথম মুদ্রায় নকশা অংকন করেন হযরত মুস'আর ইবন যুবায়র (রা)। তিনি তাঁর ভাই আবদুল্লাহ ইবন যুবায়র (রা)-এর নির্দেশে তা করেন। তিনি এটা করেছিলেন ৭০ সনে। পারসিক দিরহামের উপর তিনি এটা করেছিলেন। ওই মুদ্রার একপিঠে অংকন করেছিলেন **الْمَلِكُ** (আল-মালিক) আর অপর পিঠে অংকন করেছিলেন **رَبِّ** (আল্লাহ)। পরবর্তীতে হাজ্জাজ তাতে পরিবর্তন সাধন করে। সে মুদ্রার

এক পিঠে নিজের নাম অংকন করে। এরপর ইয়ায়ীদ ইব্ন আবদুল মালিকের শাসনামলে ইউসুফ ইব্ন হুবায়রা মুদ্রা তৈরীতে উৎকর্ষ সাধন করেন। এরপর হিশামের শাসনামলে খালিদ ইব্ন আবদুল্লাহ কাসারী মুদ্রার সাথে ও ডিজাইনে আরো উন্নত ব্যবস্থা গ্রহণ করেন। এরপর ইউসুফ ইব্ন উমার সর্বাধিক উন্নত পদ্ধতিতে মুদ্রায় উৎকর্ষ সাধন করেন। এজন আববাসী খলীফা মানসূর হুবায়ারিয়াহ খালিদিয়ে এবং ইউসুফিয়াহ মুদ্রা ব্যৱtীত অন্য মুদ্রা গ্রহণ করতেন না।

উল্লেখ্য যে, সে যুগে মুসলিম রাষ্ট্রসমূহে বিভিন্ন প্রকারের মুদ্রার প্রচলন ছিল। যেমন বালিয়া দিরহাম এটির মূল্যমান ছিল ৮ দানিক। তাবারিয়া দিরহাম এটির মূল্যমান ছিল ১ দানিক। হ্যরত উমার (রা) বালিয়া এবং তাবারিয়া দিরহামকে একত্রিত করে পরে দুভাগে ভাগ করে এক দিরহামের মূল্যমান নির্ধারণ করেছেন। ফলে এক দিরহাম-ই-শারঙ্গ হল $\frac{1}{2} + \frac{5}{2} = \frac{6}{2}$ মিছকাল। গ্রিতাহিসিকগণ বলেন যে, মিছকালের ওয়ন পরিবর্তিত হয় না। জাহেলী যুগেও হয়নি ইসলামী যুগেও পরিবর্তন হয়নি। অবশ্য এই মন্তব্য সন্দেহমুক্ত নয়। আল্লাহই ভাল জানেন।

এই সনে মারওয়ান ইব্ন মুহাম্মদ ইব্ন মারওয়ান ইব্ন হাকামের জন্য হয়; তিনি মারওয়ান মাল হিমার নামে পরিচিত। তিনি ছিলেন উমাইয়া বংশের শেষ খলীফা। তার নিকট থেকেই আববাসীগণ খিলাফত ছিনিয়ে নেন। এই সনে মদীনার শাসনকর্তা আবান ইব্ন উছমান ইব্ন আফফান (রা) হজ্জ পরিচালনা করেন। এই সনে ইরাকের শাসনকর্তা পদে নিয়োজিত ছিল হাজ্জাজ। খোরাসানে উমাইয়া ইব্ন আবদুল্লাহ। আল্লাহই ভাল জানেন।

৭৬ হিজরী সনে ওফাতপ্রাণ বিশিষ্ট ব্যক্তিবর্গ

আবু উছমান আন নাহদী

৭৬ সনে ওফাতপ্রাণ বিশিষ্ট ব্যক্তিবর্গের একজন হলেন আবু উছমান আন নাহদী (রা)। তাঁর নাম আবদুর রহমান ইব্ন মাল্ল। রাসূলুল্লাহ (সা)-এর জীবদ্ধায় তিনি ইসলাম গ্রহণ করেন। জালুলা, কাদেসিয়া, তুসতর, নিহাদওয়ান্দ, আয়রবায়জান ও অন্যান্য যুদ্ধে তিনি অংশ নেন। তিনি খুব ইবাদতগুর্যার লোক ছিলেন। দুনিয়া বিরাগী, জ্ঞান বিশারদ ও সংযমী ছিলেন আবু উছমান। তিনি দীনের বেলায় রোয়া রাখতেন এবং রাতের বেলায় ইবাদতে কাটাতেন। তিনি ১৩০ বছর বয়সে কৃফায় ইন্তিকাল করেন।

সাল্লাহ ইব্ন আশীম আদাবী (র)

তিনি বসরার অধিবাসী, বিশিষ্ট তাবিদ্দের একজন ছিলেন। তিনি ছিলেন সম্মানিত পরহেয়গার, দুনিয়া বিমুখ ও ইবাদতকারী মানুষ। তাঁর উপনাম আবু সাহবা। খুব নামায়ি ছিলেন তিনি। নামায পড়তে পড়তে ক্লান্ত হয়ে যেতেন। তারপর বিছানায় আসতেন হামাগুড়ি দিয়ে। তাঁর বহু গৌরবজনক কীর্তি রয়েছে। যুব সম্প্রদায়কে হাসি-তামাশায় মগ্ন দেখে তিনি বলতেন, তোমরা বল দেখি এমন কতক লোক যারা বহু দূরে যাবার লক্ষ্যে সফরে বেরিয়েছে। তারপর তারা দিনভর ভুল পথে চলেছে আর রাতভর ঘুমিয়ে কাটিয়েছে, তাহলে কেমন করে তারা মনিয়ে মকসুদে পৌছবে? একদিন তিনি একথা বলার পর জনৈক যুবক বলল, ওহে আয়ার সাথীরা, উনি তো আমাদের কথা বলেছেন। আমরা দিনভর খেলাধুলায় কাটাচ্ছি আর রাতের বেলা ঘুমিয়ে কাটাচ্ছি। সেদিন থেকে ওই যুবক সাল্লাহ এর সঙ্গ অবলম্বন করে এবং তাঁর সাথে ইবাদতে নিয়োজিত হয়। মত্ত্য পর্যন্ত যুবকটি তাঁর সঙ্গ ছাড়েন।

একদিন এক যুবক তাঁর পাশ দিয়ে যাচ্ছিল। সে তার লুঙ্গি পরিধান করেছিল পায়ের গিরার নীচে। তার সাথিগণ এই গহিত কাজের জন্যে যুবকটিকে গালি-গালাজ ও মন্দ বলতে চেয়েছিল। তিনি বললেন থাক, আমি তাকে দেখব, তোমরা কিছু করোনা। এরপর তিনি যুবকটিকে ডাকলেন এবং বললেন, ভাতিজা! তোমার নিকট আমার একটু প্রয়োজন আছে। সে বলল, আমার নিকট কী প্রয়োজন আপনার? তিনি বললেন, তুমি কি তোমার লুঙ্গিটি একটু উপরে উঠিয়ে নিবে? সে বলল, হ্যাঁ, অবশ্যই কত ভাল আপনার দৃষ্টি। কত ভাল আপনার চোখ। এরপর সে তার লুঙ্গি উপরে উঠিয়ে নেয়। সাল্লাহ্ (র) তাঁর সাথীদেরকে বললেন তোমরা যা করতে চেয়েছিলে তার চাইতে এটি অনেক ভাল হল তো! তোমরা যদি ওকে গালি দিতে সেও তোমাদেরকে গালি দিত।

এই প্রসঙ্গে জা'ফর ইব্ন যায়দ বলেন যে, আমরা এক যুদ্ধে বের হয়েছিলাম। সেনা দলে হ্যরত সাল্লাহ্ ইব্ন আশীমও ছিলেন। ইশার সময় সবাই যাত্রা বিরতি করল। বাহন থামিয়ে নেমে পড়ল। আমি মনে মনে বললাম যে, আজ রাতে আমি সাল্লাহ্ (র)-এর আমল ও কর্ম গভীরভাবে দেখব। আমি দেখলাম হ্যরত সাল্লাহ্ (র) এক ঝোপের মধ্যে প্রবেশ করলেন। আমি তাঁর পেছনে পেছনে গেলাম। তিনি নামাযে দাঁড়ালেন। একটি সিংহ এল। সেটি তাঁর খুব কাছাকাছি পৌছে গেল। আমি একটি গাছে উঠে গেলাম। আমি দেখতে পাচ্ছিলাম যে, সিংহটি এদিক সেদিক তাকাচ্ছিল আর গর্জন করছিল। হ্যরত সাল্লাহ্ রীতিমত সিজদায় গেলেন। আমি মনে মনে বললাম, এবার তাঁকে ছিঁড়ে ফেড়ে শেষ করে দিবে। তিনি সিজদা থেকে উঠলেন। বসলেন, তারপর সালাম ফিরালেন। এরপর বললেন, ওহে হিংস্র পণ্ড! আমাকে হত্যা করা সম্পর্কিত যদি কোন নির্দেশ থাকে তবে তা করে নাও। নতুবা তোমার জীবিকার সন্ধানে-অন্যত্র চলে যাও। সিংহ চলে গেল। সিংহ যাচ্ছিল গর্জন করতে করতে যে, তার গর্জনে পর্বত কেঁপে কেঁপে উঠছিল। ভোরবেলা তিনি বসলেন। এমন সুন্দর ভাষায় মহান আল্লাহর প্রশংসা করলেন যে, আমি তেমন ভাষা কোনদিন শুনিনি। এরপর বললেন, ইয়া আল্লাহ! আমি আপনার নিকট নিবেদন পেশ করছি যে, আপনি আমাকে জাহানাম থেকে মুক্তি দিবেন। আমার মত লোক কি জান্নাত প্রার্থনা করার সাহস দেখাতে পারে?

এরপর তিনি সেনাদলের নিকট ফিরে গেলেন, তিনি এমন ভাব দেখালেন যে, তিনি রাতভর আরামে শুয়ে ঘুমিয়ে কাটিয়েছেন। আর এদিকে রাত জাগার ও ঘুম নষ্ট হওয়ার কারণে আমার যা করুণ অবস্থা। তা আল্লাহই জানেন।

বর্ণনাকারী আরো বলেন যে, পিঠে মালপত্র নিয়ে হ্যরত সাল্লাহ্ (র)-এর সওয়ারী হারিয়ে গিয়েছিল। তিনি দু'আ করে বললেন, হে আল্লাহ! আমি নিবেদন পেশ করছি যে, আপনি আমার খচের মালপত্রসহ ফিরিয়ে দিবেন। অবিলম্বে খচের ফিরে এল এবং তা সম্মুখে দাঁড়িয়ে গেল।

বর্ণনাকারী জা'ফর ইব্ন যায়দ বলেন, তারপর আমরা শক্রপক্ষের মুখোমুখি হলাম। হ্যরত সাল্লাহ্ (র) এবং হিশাম ইব্ন আমির শক্রপক্ষের উপর হামলা করলেন। আমরা ওদের প্রচুর ক্ষতি সাধন করলাম। আমাদের পক্ষে তাঁরা দুজন ওদেরকে আক্রমণে আক্রমণে নাস্তানাবুদ করে ফেললেন। ওরা বলল, হায় আরবের মাত্র দুজন লোক আমাদের এই দশা করে ছেড়েছে, ওদের সবাই যদি যুদ্ধে নামে তাহলে আমাদের কী অবস্থা হবে! বরং মুসলমানেরা যা চায় তা ওদেরকে দিয়ে দাও। ওদের সিদ্ধান্ত মেনে নাও।

হ্যরত সাল্লাহু (র) বললেন, এক যুদ্ধে আমি ভীষণভাবে ক্ষুধার্ত হয়ে পড়ি। আমি তখন হাঁটছিলাম আর আল্লাহর নিকট মিনতি করে খাদ্য প্রার্থনা করছিলাম। হঠাৎ আমার পেছনে খাদ্য রাখার শব্দ পেলাম। আমি পেছনে তাকালাম। দেখলাম একটি সাদা রূমাল তার মধ্যে তাজা খেজুর ভর্তি একটি ঝাঁকা। আমি ওই ঝাঁকা থেকে খেলাম। আমি তৃপ্ত হলাম। তখন প্রায় সন্ধ্যা। আমি জনৈক ইয়াহুনী যাজকের গৃহে উঠলাম। এই ঘটনা তাকে জানালাম। সে আমার নিকট ওই তাজা খেজুর থেতে চাইল। আমি তাকে খাওয়ালাম। অনেক দিন পর আমি ওই যাজকের গৃহে উপস্থিত হই। সেখানে দেখতে পাই কতক সুন্দর সুন্দর খেজুর গাছ। সে বলল, এই খেজুর গাছ, এগুলো ওই তাজা খেজুরের বিচি থেকে ভাজানো যে খেজুর আপনি আমাকে থেতে দিয়েছিলেন। সাল্লাহু (র) ওই সাদা রূমাল তাঁর স্ত্রীর নিকট নিয়ে এসেছিলেন। তাঁর স্ত্রী ওই রূমাল লোকজনকে দেখাতেন।

তার স্ত্রী মু'আয়াহকে যখন তাঁর নিকট হাদিয়া রূপে প্রেরণ করা হয়, তাঁর ভাতিজা তাঁকে গোসলখানায় পাঠায়। তারপর তাঁকে সুসজ্জিত ও সুশোভিত এক বাসর গৃহে পাঠায়। সেখানে তিনি নামায পড়তে শুরু করেন। মু'আয়াহ ও তাঁর সাথে নামায পড়তে শুরু করে। দুজনেই নামায পড়তেছিলেন। এভাবেই রাত কেটে গিয়ে ভোর হয়। তাঁর ভাতিজা বলেন, আমি তোরে তাঁর নিকট উপস্থিত হই। আমি তাঁকে বলি চাচা আমি তো আপনার চাচাত বোনকে আজ রাতে আপনার নিকট হাদিয়া রূপে পাঠাই। আর আপনি সারা রাত তাকে ছেড়ে নামায আদায় করলেন? সাল্লাহু (র) বললেন, তুমি তো প্রথমে দিনের প্রথম ভাগে একটি গৃহে চুকিয়েছ। সেটি দ্বারা তুমি আমাকে জাহানামের কথা স্মরণ করিয়ে দিয়েছ। আর দিনের শেষ বেলায় তুমি আমাকে একটি গৃহে প্রবেশ করিয়েছ। সেটি দ্বারা তুমি আমাকে জানাতের কথা স্মরণ করিয়ে দিয়েছ। তারপর ওই দুটোর অর্থাৎ জাহানাত আর জাহানামের ফিকর ও চিন্তা ভাবনায় মগ্ন থাকতে থাকতে ভোর হয়ে যায়। যে গৃহ তাঁকে জাহানামের কথা স্মরণ করিয়ে দিয়েছে সেটি হল গোসলখানা। আর যে গৃহ তাঁকে জাহানাতের কথা স্মরণ করিয়ে দিয়েছে সেটি হল বাসর গৃহ।

এক ব্যক্তি হ্যরত সাল্লাহু (র)-কে বলেছিল যে, আমার জন্যে দু'আ করুন। সাল্লাহু (র) বললেন, 'মহান আল্লাহ চিরস্থায়ী বিষয়গুলোর প্রতি তোমার আগ্রহ সৃষ্টি করে দিন এবং অস্থায়ী বিষয়গুলোর প্রতি তোমার অনাসক্তি সৃষ্টি করে দেন। আল্লাহ তোমাকে সেই ইয়াকীন ও বিশ্বাস দিন যার মাধ্যমে শুধু তাঁরই প্রতি আকর্ষণ সৃষ্টি হয় এবং যে ইয়াকীনের মাধ্যমে দীনী বিষয়ে তাঁরই প্রতি প্রত্যাবর্তন হয়।'

অন্য একটি ঘটনা। সাল্লাহু (র) একটি যুদ্ধে অংশ নিয়েছিলেন। ওই যুদ্ধে তাঁর সাথে তাঁর পুত্রও ছিল। পুত্রকে তিনি বললেন, বৎস! তুমি এগিয়ে যাও, লড়াই কর। আমি তোমার মাধ্যমে ছাওয়াবের আশা করি, সে এগিয়ে গেল। যুদ্ধ করল। এবং এক পর্যায়ে সে নিহত হল। এরপর সাল্লাহু এগিয়ে গেলেন। তিনি নিজে যুদ্ধ করলেন। এবং এক পর্যায়ে তিনি নিজেও শহীদ হলেন। এই প্রেক্ষিতে শোক প্রকাশ ও সাম্মনা দেয়ার জন্যে মহিলাগণ তাঁর স্ত্রী মু'আয়াহ আদাবিয়্যার নিকট উপস্থিত হয়। তাঁর স্ত্রী বললেন, আপনারা যদি আমাকে ধন্যবাদ জানাতে এসে থাকেন তবে আপনাদের প্রতি সাদর সম্মান। আর যদি আপনারা আমার প্রতি শোক প্রকাশ ও সমবেদনা জানাতে আসেন তবে তার দরকার নেই আপনারা ফিরে যান। ইতিহাস খ্যাত এই বুর্যুর্গ ব্যক্তি এবং তাঁর পুত্র এই ৭৬ সনে পারস্যের এক যুদ্ধে নিহত হন।

যুহায়র ইব্ন কায়স বালাবী (রা)

৭৬ সনে ওফাতপ্রাণদের একজন হলেন যুহায়র ইব্ন কায়স বালাবী (রা)। তিনি মিসর বিজয়ে অংশ নিয়েছিলেন এবং সেখানে বসতি স্থাপন করেছিলেন। তিনি রাস্তাল্লাহ (সা)-এর সাহচর্য পেয়েছিলেন। আফ্রিকার (লিবিয়ার) শহর বারকা তে রোমানগণ তাঁকে হত্যা করে। মিসরের শাসনকর্তা আবদুল আয়ীয় ইব্ন মারওয়ানের নিকট সংবাদ আসে যে, রোমানগণ বারকা অঞ্চলে অবস্থান নিয়েছে। শাসনকর্তা আবদুল আয়ীয় যুহায়রা (রা)-কে ওদের বিরুদ্ধে অভিযান পরিচালনা করতে নির্দেশ দিলেন। যুহায়র (রা) অংসর হলেন। তাঁর সাথে মাত্র ৪০ জন সৈনিক। তিনি সেখানে রোমানদের অবস্থানরত পেলেন। তাঁর মূল সেনাদল যুদ্ধক্ষেত্রে পৌছার পূর্ব পর্যন্ত তিনি যুদ্ধ থেকে বিরত থাকতে চেয়েছিলেন। কিন্তু তাঁর সাথিগণ পীড়াপীড়ি করে বলল, আপনি বরং আমাদেরকে সাথে নিয়ে ওদের উপর আক্রমণ করুন। তারা আক্রমণ করলেন। পরিণামে তারা সকলেই নিহত হলেন।

মুনয়ির ইব্ন জারাদ (র)

মুনয়ির ইব্ন জারাদ এই ৭৬ সনে ইনতিকাল করেন। তিনি এক সময় সরকারী কোষাগার বা বায়তুল মালের তত্ত্বাবধায়ক ছিলেন। প্রতিনিধি দলের সদস্য হয়ে তিনি আমীর মুআবিয়া (রা)-এর দরবারে গিয়েছিলেন।

৭৭ হিজরী সন

এই সনে শাসনকর্তা হাজাজ কূফার নাগরিকদের সমবর্যে একটি বিশাল যোদ্ধা দল গঠন করে। এই দলে সৈন্য সংখ্যা ছিল ৪০,০০০। পরবর্তীতে তার সাথে আরো ১০,০০০ হাজাজ সৈন্য যোগ করে। ফলে সৈন্য সংখ্যা পঞ্চাশ হাজারে উন্নীত হয়। আন্তাব ইব্ন ওয়ারাকা সেনাপতি নিযুক্ত হন। শাবীবকে খুঁজে বের করে পাকড়াও করতে তাঁকে নির্দেশ দেয়া হয়। তাকে হত্যা করার দৃঢ় সংকল্প নিয়ে এগিয়ে যেতে বলা হয়। হাজাজ এও বলে দেয় যে, ইতোপূর্বে পরাজয় বরণ ও পালিয়ে গিয়ে যে অপকর্ম করেছে এবার যেন তার পুনরাবৃত্তি না হয়। তখন শাবীবের সাথে ছিল মাত্র ১০০০ অনুসারী। শাবীবের নিকট হাজাজের বিশাল সেনাবহর এগিয়ে আসার সংবাদ আসে। তাতে সে মোটেও বিচলিত হয়নি। সে তার অনুসারীদের উদ্দেশ্যে ভাষণ দিতে দাঁড়ায়। সে তাদেরক ওয়ায়-নসীহত করে, উপদেশ দেয়। এবং যুদ্ধের সময় ধৈর্য ধারণ ও শক্রুর উপর কুশলী আক্রমণ পরিচালনায় উৎসাহ প্রদান করে। এরপর অনুসারীদেরকে সাথে নিয়ে শাবীব আন্তাব ইব্ন ওয়ারাকা-এর উদ্দেশ্যে অংসর হন। দিনের শেষ বেলায় সূর্যাস্তের সময় উভয় পক্ষ মুখোমুখি হয়। শাবীব তাঁর মুআবিয়িন সালাম ইব্ন ইয়াসারকে মাগরিবের আয়ান দিতে বলে। সে আয়ান দেয়। সাথীদেরকে নিয়ে শাবীব ধীরস্তিভাবে পূর্ণাঙ্গ ঝুকু সিজদা করে মাগরিবের নামায আদায় করল। আন্তাব তার সৈনিকদের সারিবদ্ধ করলেন। শাবীব মাগরিবের নামায শেষে নিরুদ্ধিগ্রস্থ বসে থাকল। অপেক্ষায় থাকল চাঁদ উঠার। চাঁদ উঠল আকাশে। চারিদিকে আলোকয় হয়ে পড়ল। এরপর সে তার ডান দিকের সৈন্য এবং বাম দিকের সৈন্যদের প্রতি দৃষ্টি দিল এবং সেগুলোকে বিন্যস্ত করল। তারপর আন্তাবের পতাকাবাহী সৈন্যদের উপর আক্রমণ চালায়। শাবীব বলছিল “আমি হলাম অবৃ মুদ্দিল্লাহ্ আল্লাহ্ ব্যক্তিত কারো কোন ফায়সালা চলবে না।” শাবীব ওদের উপর আক্রমণ করল। ওদের সেনাপতি কাবীসা ইব্ন ওয়ালিকসহ অনেক সেনাপতিকে সে হত্যা করল। এরপর হামলা চালাল ওদের সেনাদলের ডান এবং বাম ইউনিটের উপর। উভয় বাহুর

সৈনিকদেরকে আক্রমণে আক্রমণে ছ্রিভঙ্গ করে ফেলল, এরপর মূল দলের উপর হামলা চালাল। অবিরাম হামলা চালিয়ে ওদের প্রধান সেনাপতি আন্তাব ইব্ন ওয়ারকা এবং তার সাথে যুহরা ইব্ন জাওনাহকে হত্যা করল। এরপর বাকী সৈন্যরা পালাতে শুরু করে। সেনাপতি আন্তাবের লাশ ফেলেই তারা পালাতে থাকে। ঘোড়ার পায়ের তলায় পিষ্ট হয় আন্তাবের মরদেহ। যুদ্ধে আরো নিহত হয় আস্মার ইব্ন ইয়ায়ীদ কালবী।

এরপর শাবীব তার অনুসারীদেরকে বলল, তোমরা কোন পলাতক শক্তির পেছনে তাড়া করো না। তোর হতে না হতে হাজ্জাজের সৈন্যরা পালিয়ে কৃফা চলে যায়। বিরোধী পক্ষের সেনা ক্যাম্প দখল করার পর খারিজী নেতা শাবীব অবশিষ্ট লোকদের থেকে তার নিজের নেতৃত্বের প্রতি বায়আত ও অঙ্গীকার নিয়ে নেয়। সে তাদেরকে বলে কোন্ সময়ের দিকে তোমরা পালিয়ে যাচ্ছে? এরপর তো শক্তি শিবিরে থাকা মালামাল ও রসদপত্র সে নিজ আয়তে নিয়ে আসে।

এ পর্যায়ে সে তার ভাই মুসাদকে ডেকে নিয়ে আসে মাদাইন থেকে। এরপর শাবীব কৃফার উদ্দেশ্যে যাত্রা করে। এদিকে সুফয়ান ইব্ন আববাদ কালবী এবং হাজ্জাজের সৈন্য সহকারে শাসনকর্তা হাজ্জাজের নিকট উপস্থিত হয়। এদেরকে পেয়ে কৃফাবাসীদের সাহায্য নেয়া থেকে হাজ্জাজ মৃত্যু হল। হাজ্জাজ উপস্থিত সৈন্যদের প্রতি বক্তৃতা দিতে শুরু করে। সে আল্লাহ'র প্রশংসন করে এবং তাঁর শুণগান করে। তারপর বলে, হে কৃফাবাসিগণ! তোমাদের সাহায্য যে ব্যক্তি ইজ্জত পাওয়ার আশা করে মহান আল্লাহ' তাকে ইজ্জত দিবেন না। তোমাদের মাধ্যমে যে সাহায্য লাভ করতে চায় প্রকৃতপক্ষে সে কোন সাহায্য পাবে না। আমাদের আশপাশ থেকে তোমরা বেরিয়ে যাও। আমাদের সাথী হয়ে কোন শক্তির বিরুদ্ধে লড়াইতে তোমরা অংশ নিবে না। তোমরা হীরা প্রদেশে চলে যাও। সেখানে গিয়ে ইয়াহুদী নাসারাদের সাথে বসবাস কর। যারা আমাদের রাজ কর্মচারী এবং যারা নিহত সেনাপতি আন্তাবের সাথে যুদ্ধে অংশ নেয়নি শুধুমাত্র তারাই আমাদের সাথী হয়ে যুদ্ধে যাবে।

এবার হাজ্জাজ নিজে শাবীবের বিরুদ্ধে যুদ্ধ পরিচালনার সিদ্ধান্ত নেয়। শাবীব সম্মুখে অগ্রসর হয়ে আল-সুরাত গিয়ে পৌছে। হাজ্জাজ তার সাথী সিরীয় সৈন্য ও অন্যান্যদেরকে নিয়ে অভিযানে বের হয়। উভয় পক্ষ মুখোমুখি হয়। হাজ্জাজ শাবীবকে দেখতে পায় যে, সে মাত্র ছয়শত অনুসারী নিয়ে অবস্থান করছে। হাজ্জাজ সিরীয়দের উদ্দেশ্যে ভাষণ দিয়ে বলে, ওহে সিরীয় জনগণ! তোমরা সন্তাগতভাবে আনুগত্যশীল, ধৈর্যশীল ও আস্তাভাজন লোক। ওই নাপাক ও অপবিত্র শক্তিপক্ষ যেন তোমাদের হক নষ্ট করতে না পারে। তোমরা দৃষ্টি অবনত রাখবে এবং অশ্পপ্ত মযবুতভাবে বসবে। বর্ণার মাথা উঁচিয়ে সম্মুখে এগিয়ে যাবে। তারা তাই করল।

খারিজী নেতা শাবীব ও প্রস্তুত। তার অনুসারীদেরকে সে তিনভাগে বিভক্ত করে। এক অংশ তার সাথে। এক অংশ সুওয়ায়দ ইব্ন সুলায়মের নেতৃত্বে এবং এক অংশ মুজাল্লাল ইব্ন ওয়াইলের নেতৃত্বে বিন্যাস করে, শাবীব নির্দেশ দিল সুওয়ায়দকে সে যেন শক্তিপক্ষের উপর হামলা চালায়। সে হামলা চালায় হাজ্জাজ বাহিনীর উপর। ওরা ধৈর্য অবলম্বন করে। পাল্টা হামলা চালায়নি। সুওয়ায়দ ওদের খুব কাছে পৌছে যায়। এবার তারা একযোগে পাল্টা আক্রমণ করে সুওয়ায়দের উপর। সে পরাজিত হয়। হাজ্জাজ তার সৈন্যদেরকে ডেকে বলে, ওহে অনুগত বাহিনী, এভাবে তোমরা যুদ্ধ চালিয়ে যাও। এবার হাজ্জাজের নির্দেশে তার বসার আসনটি সম্মুখে এগিয়ে নেয়া হয়।

এরপর শাবীর মুজাল্লালকে নির্দেশ দেয় হাজ্জাজ বাহিনীর উপর হামলা করার জন্যে। সে হামলা করল। ওরা ধৈর্য ধরে থাকল। হাজ্জাজ তার আসন আরো এগিয়ে নিল। এরপর শাবীর নিজে তার বাহিনী নিয়ে হাজ্জাজ বাহিনীর উপর হামলা চালায়। ওরা ধৈর্য ধারণ করে থাকে। খারিজী বাহিনী ওদের বর্ণার নাগালের মধ্যে এসে যাবার পর হাজ্জাজ বাহিনী একযোগে খারিজীদের উপর আক্রমণ করে। দীর্ঘক্ষণ উভয় পক্ষে যুদ্ধ হয়। সিরীয় বাহিনী শাবীবের উপর আক্রমণ করে তাকে বর্ণার আঘাত করে এবং তাকে তার সাথীদের নিকট ঠেলে নেয়। সিরীয় বাহিনীর ধৈর্য ও দৃঢ়তা দেখে শাবীব তার সেনাপতি সুওয়ায়দকে ডেকে বলে, তোমার অশ্বারোহী বাহিনী নিয়ে এই শক্ত দলের উপর হামলা চালাও। আশা করি তুমি ওদেরকে এখান থেকে সরিয়ে দিতে পারবে। তুমি পেছনের দিক থেকে এসে হাজ্জাজের উপর আক্রমণ কর। আর আমি সম্মুখ থেকে তার উপর আক্রমণ করব। সুওয়ায়দ হামলা করল। কিন্তু কোন লাভ হল না। কারণ, সচেতন হাজ্জাজ পূর্ব থেকেই তার পেছনে একটি বাহিনী নিয়োজিত রেখেছিল যেন খারিজীগণ পেছন থেকে তার উপর আক্রমণ করতে না পারে। তিনশত অশ্বারোহীর ওই দলের নেতৃত্বে ছিলেন ওরওয়া ইব্ন মুগীরা ইব্ন শু'বাহ। বস্তুত হাজ্জাজ ছিল দক্ষ ও অভিজ্ঞ সমরবিদ। শাবীব যখনই তার অনুসারীদেরকে হামলা চালানোর নির্দেশ দেয় তখনই হাজ্জাজ বুঝে নেয় যে, তারা পেছনের দিক থেকে হামলা চালাতে পারে। হাজ্জাজ তার সাথীদেরকে বলে, ওহে ধৈর্যশীল ও আনুগত্যশীল জনতা! এই প্রচণ্ড আক্রমণের মুখে ধৈর্য ধারণ করে থাক। আসমান-যমীনের মালিকের কসম! বিজয়ের চাহিতে মূল্যবান কিছু নেই। ওরা সওয়ারীর উপর উপড় হয়ে পড়ল। সকল সাথী নিয়ে শাবীব ওদের উপর আক্রমণ চালায়। শাবীব বাহিনী হাজ্জাজ বাহিনীর খুবই কাছাকাছি আসার পর হাজ্জাজ তার সকল সৈন্যকে ডেকে সম্মিলিত আক্রমণের নির্দেশ দেয়। তারা শাবীব বাহিনীর উপর সম্মিলিত আক্রমণ চালায়। তারা শাবীব বাহিনীর উপর তীব্র আক্রমণ চালায়। একের পর এক আক্রমণে ওদেরকে জর্জরিত করে তোলে। তারা শাবীব বাহিনীর বিরুদ্ধে একের পর এক জয়লাভ করতে থাকে। এক পর্যায়ে তারা শাবীব ও তার সাথীদেরকে পেছনের দিকে সরিয়ে দিতে সক্ষম হয়। এই সময়ে শাবীব তার অনুসারীদেরকে বলল, ভূমিতে নেমে পড়, ভূমিতে নেমে পড়, হে আল্লাহর ওলিগণ তোমরা সওয়ারী থেকে নেমে যাও। সে সওয়ারী ছেড়ে মাটিতে নেমে গেল। তার সাথীরাও নীচে নেমে গেল। হাজ্জাজ তার বাহিনীকে ডেকে বলল, ওহে সিরিয়াবাসীগণ! ওহে আনুগত্যশীল সম্পন্দায় এই তো মাত্র প্রথম সাহায্য। যাঁর হাতে আমার প্রাণ তাঁর কসম! এটি প্রথম সাহায্য মাত্র। সে ওখানে একটি মসজিদের উপর উঠে যায়। উভয় পক্ষের যুদ্ধবিঘাত দেখতে থাকে। শাবীবের সাথে তখন মাত্র বিশ (২০) জন অনুসারী। অন্ত হিসেবে তাদের নিকট রয়েছে শুধু তীর ও বর্ণ। সারাদিন উভয় পক্ষে চরম যুদ্ধ চলে। এ এক অভূতপূর্ব যুদ্ধ। উভয় পক্ষের সকলেই প্রতিপক্ষের শক্তি ও দৃঢ়তার স্বীকৃতি দিয়েছে। হাজ্জাজ তার বসার স্থান থেকে উভয় পক্ষের দিকে তাকিয়ে তাকিয়ে দেখেছিল। খালিদ ইব্ন আভাব হাজ্জাজের নিকট অনুমতি চেয়েছিল শাবীবের পেছন দিক থেকে গিয়ে আক্রমণ করার জন্যে। হাজ্জাজ অনুমতি দিয়েছিল। সে চার হাজার সৈন্যসহ এগিয়ে যায়। এরপর খারিজীদের পেছনের দিক থেকে খালিদ ইব্ন আভাব তাদের উপর হামলা করে। সে শাবীবের ভাই মুসাদকে এবং শাবীবের স্ত্রী গায়ালাকে হত্যা করে। ফারওয়া ইব্ন দিকাক কালবী নামে এক লোক গায়ালাকে খুন করে কেলে। ইতোমধ্যে হাজ্জাজ বাহিনীর আক্রমণে শাবীবের সৈন্যদের মধ্যে বিচ্ছিন্ন ভাব দেখা দেয়। তারা ছত্রভঙ্গ হয়ে যায়। এতে হাজ্জাজ এবং তার সাথীরা খুশী হয়। তারা আনন্দে আকর্ষীর ধৰনি দিয়ে উঠে।

শাবীব ও তার সাথিগণ প্রত্যেকে এক একটি ঘোড়ায় চড়ে অন্যত্র চলে যায়। হাজ্জাজ তার লোকদেরকে ওদের পেছনে ধাওয়া করার জন্যে নির্দেশ দিয়েছিল। তারা আক্রমণ চালায়। এবং ওদেরকে পরাজিত করে দেয়। শাবীব নিরাপত্তা রক্ষী রূপে সবার পেছনে পেছনে যাচ্ছিল। তারা এগিয়ে যাচ্ছিল। হাজ্জাজের লোকেরা তাদের পেছনে ধাওয়া করে। শাবীব তখনে তার ঘোড়ার পিঠে। তন্দ্রালু তন্দ্রালু ভাব। ঘুমের ঘোরে তার মাথা নুয়ে নুয়ে পড়ছিল। হাজ্জাজের সৈন্য শাবীবের খুব কাছাকাছি পৌছে যায়। তার জন্মেক অনুসারী তাকে এই পরিস্থিতিতে ঘুমাতে নিষেধ করল। কিন্তু সে কারো কথায় কান দেয়নি। তন্দ্রালু হয়েই এগছিল। দীর্ঘক্ষণ এভাবে চলার পর হাজ্জাজ তার সাথীদের একথা বলে ফিরিয়ে আনে যে, ওকে যেতে দাও জাহান্নামের আগনে পুড়ে মরুক। তুরপর তারা তাকে ছেড়ে দিয়ে ফিরে আসে।

এরপর হাজ্জাজ কৃফায় প্রবেশ করে। জনসাধারণের উদ্দেশ্যে এক ভাষণ দেয়। ভাষণে সে বলে, ইতোপূর্বে কোন সময়ে শাবীবকে পরাজিত করা যায়নি। এবার প্রথম সে পরাজিত হল। এরপর শাবীবও কৃফাতে প্রবেশ করে। তাকে প্রতিরোধের জন্যে হাজ্জাজের একটি বাহিনী অগ্রসর হয়। বুধবারে উভয় পক্ষে যুদ্ধ শুরু হয়। জুমুআ দিবস পর্যন্ত যুদ্ধ অব্যাহত থাকে। এই যুদ্ধে হাজ্জাজ বাহিনীর সেনাপতি ছিল হারিছ ইব্ন মুআবিয়া ছাকাফী। তার সাথে ছিল ১০০০ অশ্বারোহী সৈনিক। খারিজী নেতা শাবীব হারিছ ইব্ন মুআবিয়ার উপর হামলা করে। সে হারিছ ও তার সাথী সেনাদলকে ছত্রভঙ্গ করে দেয়, ওদের অনেক লোককে সে হত্যা করে। সরকারী বাহিনী পালিয়ে গিয়ে কৃফা নগরীর ভেতরে আশ্রয় নেয়। তারা রাজপথ ও গলিপথগুলোতে প্রতিরক্ষার ব্যবস্থা করে। এ সময়ে হাজ্জাজের মুক্ত করা ক্রীতদাস আবু ওয়ারদ একদল সৈনিক নিয়ে শাবীবের মুকাবিলা করার জন্যে উপস্থিত হয়, সে লড়াই করে এবং নিহত হয়। তার সাথিগণ পালিয়ে কৃফা চলে যায়। এবার অন্য এক সেনাপতি আসে শাবীবের বিরুদ্ধে যুদ্ধ করার জন্যে। সেও পরাজিত হয়। এবার শাবীব তার সাথীদেরকে নিয়ে “আস সাওয়াদ” অঞ্চলের দিকে যাত্রা করে। ওই অঞ্চলে হাজ্জাজের নিয়ন্ত্রণ কর্মকর্তার সাথে তাদের সাক্ষাত হয়। তারা তাকে হত্যা করে, এরপর শাবীব তার অনুসারীদের উদ্দেশ্যে একটি ভাষণ দান করে, সে বলল, তোমরা কি আবিরাত বাদ দিয়ে দুনিয়া নিয়ে ব্যস্ত হয়ে পড়েছ? এরপর ধন-সম্পদ ও মালপত্র যা সাথে ছিল সবগুলো ফোরাত নদীতে ফেলে দেয়। এরপর সে অনুসারীদেরকে নিয়ে এগিয়ে যায়, এ যাত্রায় সে বহু শহর-নগর জয় করে। তাকে প্রতিরোধের জন্যে যে-ই এগিয়ে এসেছে তাকেই সে হত্যা করেছে। এরপর নগর প্রশাসক তার নিকট উপস্থিত হয়, সে বলল, ওহে শাবীব! আস আমি তোমার সাথে দ্বন্দ্যবৃক্ষে অবতীর্ণ হই আর তুমি আমার সাথে দ্বন্দ্যবৃক্ষে অবতীর্ণ হও। এই প্রশাসক মূলতঃ শাবীবের বন্ধু ছিল। শাবীব তাকে বলল, আমি তোমাকে খুন করতে চাইনা। প্রশাসক বলল, আমি তো তোমাকে খুন করতে চাই। সুতরাং তোমার আত্মবিশ্বাস এবং ইতোপূর্বেকার বিজয়গুলো তোমাকে যেন প্রতারিত না করে। এ কথা বলেই প্রশাসক ব্যক্তিটি শাবীবের উপর আক্রমণ করে। শাবীব পাল্টা আক্রমণে তার মাথায় সজোরে আঘাত করে। তাতে তার মাথা থেতলে যায়, হাত্তি, মগজ আর গোশত মিশে একাকার হয়ে যায়। এরপর শাবীব তার দাফন কাফনের ব্যবস্থা করে।

এরপর হাজ্জাজ শাবীবকে ধরে আনার জন্যে তার সেনাবাহিনীর পেছনে বহু টাকা-পয়সা ও অর্থ-কড়ি ব্যয় করে। কিন্তু তারা তাকে ধরে আনতে পারেনি, সক্ষম হয়নি তার নাগাল পেতে। অবশেষে হাজ্জাজ বাহিনীর কোন প্রক্রিয়ায় নয় আর শাবীবের নিজেরও কোন ক্রিয়ায় নয়; বরং তাকদীর সূত্রে মহান আল্লাহ এই ৭৭ সনে শাবীবের মৃত্যু ঘটান।

শাবীবের মৃত্যু সম্পর্কে ইব্ন কালবী বলেন, তার ঘটনা ছিল এই : হাজ্জাজ তার নিযুক্ত বসরার শাসনকর্তা হাকাম ইব্ন আইয়ুব ইব্ন হাকাম ইব্ন আবু আকীলকে শাবীবের বিরুদ্ধে অভিযান পরিচালনার জন্যে নির্দেশ দিয়েছিল। বসরার শাসনকর্তা হাকাম ইব্ন আইয়ুব ছিল হাজ্জাজের জামাত। হাজ্জাজ তাকে শাবীবের মুকাবিলার জন্যে ৪০০০ সৈন্য প্রস্তুত রাখতে নির্দেশ দিয়েছিল। এরা সুফয়ান ইব্ন আবরাদের নেতৃত্বাধীনে কাজ করবে। শাসনকর্তা হাকাম ইব্ন আইয়ুব তাই করে। তারা শাবীবের খোঁজে অভিযানে বের হয়। ইব্ন আবরাদের সাথে বহু সিরীয় সৈন্য ছিল। বসরার সৈন্যগণ গিয়ে মিলিত হয় ইব্ন আবরাদের নেতৃত্বাধীন সিরীয় সৈন্যদের সাথে। উভয় দলের সৈন্য মিলে এক বিশাল সেনাদলে পরিণত হয়। তারা শাবীবের খোঁজে অভিযানে বের হয়। তাকে তার খুঁজে পেল। খারিজী ও সরকারী বাহিনীর মধ্যে তুমুল যুদ্ধ হয়। উভয় পক্ষ ধৈর্যের সাথে অবিচল থাকল। এরপর হাজ্জাজ বাহিনী খারিজীদের উপর একটি সম্মিলিত ও প্রচণ্ড আক্রমণ পরিচালনা করল। খারিজীগণ সংখ্যায় কম ছিল বটে। হামলা ঠেকাতে না পেরে তারা সামনের দিকে পালিয়ে গেল। ওখানে একটি সেতুর উপর গিয়ে থামতে তারা বাধ্য হয়। প্রায় একশত অনুসারী নিয়ে শাবীব ওখানে অবস্থান নেয়। সুফয়ান ইব্ন আবরাদ শাবীবের সাথে এঁটে উঠেছিল না। সেতুর নিকট পুনরায় ভীষণ যুদ্ধ হয়। দিনভর চলে সেই যুদ্ধ। শাবীবও তার সাথিগণ সরকারী বাহিনীকে ওখান থেকে পেছনে তাড়িয়ে দেয়। ইব্ন আবরাদ তার সৈনিকদেরকে একযোগে তীর নিক্ষেপের নির্দেশ দেয়। নিক্ষিণ্ঠ তীরের মুকাবিলা করতে অপারগ হয়ে খারিজীগণ সেখান থেকে পালিয়ে যায়। এরপর তারা পাল্টা আক্রমণ চালায় সরকারী বাহিনীর উপর। এই আক্রমণে তারা আবরাদ বাহিনীর ৩০ জন সৈনিক হত্যা করে। ইতোমধ্যে গভীর অঙ্ককার নিয়ে রাত নেমে আসে। উভয়পক্ষ যুদ্ধ বিরতি পালন করে। উভয়পক্ষ প্রতিপক্ষের উপর আরো প্রচণ্ড হামলা করার উদ্দেশ্য নিয়ে রাত কাটায়। ভোরবেলা খারিজী নেতা শাবীব তার সাথিদেরকে নিয়ে সেতু পার হতে যায়। শাবীব সেতুর উপর ছিল তার ঘোড়ার পিঠে। তার সম্মুখে ছিল একটি মাদী ঘোড়া। হঠাৎ তার ঘোড়াটি সম্মুখস্থ মাদী ঘোড়ার গায়ের উপর উঠে যায়। শাবীব তখনো সেতুর উপর। উদ্বেজিত ঘোড়ার এক পা পড়ে যায় নৌকার এক পাশে। ঘোড়া পড়ে যায় পানিতে। সাথে শাবীবও। হাবুচুরু খাওয়া অবস্থায় শাবীব বলে, এটাতো “এ জন্যে যে, মহান আল্লাহ তাঁর সিদ্ধান্ত বাস্তবায়ন করবেনই।” এরপর সে পানিতে ডুবে যায়। আবার মাথা উঠায় এবং বলে “এটি পরাক্রমশালী সর্বজ্ঞ স্বষ্টির সিদ্ধান্ত।” অতঃপর সে পানিতে ডুবে মারা যায়। নেতা শাবীব পানিতে পড়ে গিয়েছে এটা নিশ্চিত হবার পর তার অনুসারী খারিজীগণ ‘আল্লাহ আকবার’ ধ্বনি দেয় এবং সকলে বিক্ষিণ্ণ ও ছত্রভঙ্গ হয়ে বিভিন্ন শহরে পালিয়ে যায়।

হাজ্জাজ বাহিনীর প্রধান এগিয়ে আসে। সে শাবীবের মরদেহ পানি থেকে উত্তোলন করে। তখনো তার দেহে যুদ্ধ বর্ম। সেনাপতির নির্দেশে শাবীবের বক্ষ চিরে ফেলা হয়। বের করে আনা হয় তার হৃৎপিণ্ড। দেখা গেল সেটি ময়বুত ও শক্ত একটি গোলক। যেন কঠিন পাথর। সেটিকে তারা মাটিতে আছাড় মারছিল আর সেটি লাফিয়ে মানুষের মাথা সমান উপরে উঠেছিল।

কেউ কেউ বলেছেন যে, শাবীবের অনুসারীদের মধ্যে কেউ কেউ তার প্রতি বিদ্যেভাবাপন্ন ছিল। কারণ, শাবীবের দ্বারা তাদের জাতিগোত্রদের ক্ষতি হয়েছিল। শাবীব বাহিনীর পেছনের দিকে থাকার সময় এক পর্যায়ে তারা নিজেদের মধ্যে পরামর্শ করে। তারা সিদ্ধান্ত নিয়ে বলে, শাবীব সেতুতে উঠলে আমরা তাকেসহ সেতুর খুঁটি কেটে দিব। বস্তুত তারা তাই করে। সেতু ভেঙে পড়ে নৌকার উপর। তার ঘোড়া লাফিয়ে উঠে এবং সে পানিতে ডুবে মারা যায়।

তারা চীৎকার দিয়ে বলেছিল, আমীরুল মু'মিনীন পানিতে ডুবে গিয়েছেন, ওদের ঘোষণা শুনে হাজ্জাজের সৈনিকেরা বুঝতে পারে যে, শাবীব পানিতে ডুবে মারা গিয়েছে। তারা এগিয়ে আসে এবং তার মরদেহ উদ্ধার করে।

শাবীবের মৃত্যু সংবাদ পৌছে তার মায়ের নিকট। সংবাদ যারা নিয়ে গিয়েছিল তাদেরকে সে বলেছিল, হাঁ তোমরা ঠিকই বলেছ যে, সে মারা গিয়েছে। আমি তাকে গর্ভধারণ কালে স্বপ্নে দেখেছিলাম। তার মধ্য থেকে একটি অগ্নিস্ফুলিঙ্গ বের হয়েছে। তখনই আমি বুঝে নিয়েছি যে, অগ্নিশিখা পানি ছাড়া নেভানো যায় না। পানি ব্যতীত অন্য কিছু এটি নিভাতে পারবে না। তার মাতা ছিল একজন ক্রীতদাসী। তার নাম জাহবারা। সে রূপবতী, অন্যতম শ্রেষ্ঠ সাহসী ও বীরাঙ্গনা ছিল। পুত্র শাবীবের সাথে যুদ্ধক্ষেত্রে উপস্থিত হয়ে সে শক্তির বিরুদ্ধে যুদ্ধ করত। ইব্ন খালিকান বলেছেন যে, শাবীবের মাতা এই যুদ্ধেই মারা গিয়েছিল। তাই যুদ্ধে শাবীবের শ্রী গায়ালাও নিহত হয়। সেও প্রচণ্ড শক্তিমতী ও সাহসী মহিলা ছিল। সে যুদ্ধ করত প্রচণ্ড দক্ষতার সাথে। পুরুষ বীর যোদ্ধারা তার মুকাবিলায় হেরে যেত। শাবীবের পত্নী গায়ালাকে শাসনকর্তা হাজ্জাজ নিজে ভীষণ ভয় করত। এ প্রসঙ্গে জনৈক কবি বলেছেন-

أَسْدُ عَلَىٰ وَفِي الْحُرُوبِ نَعَامَةُ * فَتَخَاءُ تَنَفَّرُ مِنْ صَفِيرِ الصَّافِرِ

শাসনকর্তা হাজ্জাজ আমাদের নিকট আসে সিংহ হয়ে। যুদ্ধে সে কোমল দেহের উটপাথীর ছানা। হইসেলের শব্দ শুনে সে দূরে পালিয়ে যায়।

هَلَّا بَرَزَتِ إِلَىٰ غَزَالَةِ فِي الْوَغَا * بَلْ كَانَ قَلْبُكَ فِي جَنَّا حِ طَائِرٍ

কেন আপনি যুদ্ধক্ষেত্রে গায়ালা-এর বিরুদ্ধে যুদ্ধ করতে গেলেন না? বরং আপনার অন্তর হলো পক্ষী শাবকের 'দু' বাহুর মধ্যথানে। আপনার অন্তর পাখীর অন্তরের ন্যায় ভয়ার্ত-সন্ত্রস্ত ও দুর্বল।

বর্ণনাকারী বলেন, খারিজী নেতা শাবীব ইব্ন ইয়ায়ীদ নিজেকে খলীফা বলে দাবী করেছিল এবং আপনি বলয়ে আমীরুল মু'মিনীন নামে তাকে ডাকা হত। মহান আল্লাহু যেভাবে তাকে স্তুতি করে দিয়েছেন যদি তা না করতেন তাহলে কালে সে সর্বজন স্বীকৃত খলীফা হয়ে যেত বটে। কেউই তাকে প্রতিরোধ করতে পারত না। বস্তুত মহান আল্লাহু হাজ্জাজের মাধ্যমে তাকে থামিয়ে দিয়েছেন। খলীফা আবদুল মালিকের নির্দেশে সিরীয় সেনা-অভিযান প্রেরণ করায় এই ফল হয়েছে।

শাবীবের ঘোড়া এখন তাকে দুজায়ল^১ নদীর পানিতে ফেলে দিয়েছিল। তখন একলোক তাকে বলেছিল' ওহে আমীরুল মু'মিনীন খলীফা! আপনি কি ডুবে যাচ্ছেন? উত্তরে শাবীব বলেছিল। 'এতো পরাক্রমশালী-মহাজ্ঞানী আল্লাহুর সিদ্ধান্ত তাকদীর।' এরপর তাকে পানি থেকে উদ্ধার করে হাজ্জাজের নিকট নেয়া হল। তার নির্দেশে বুক চিরে তার হৃৎপিণ্ড বের করা হল। দেখা গেল সেটি পাথরের ন্যায় শক্ত। শাবীব ছিল দীর্ঘায়ী গৌরবর্ণের মানুষ। তার জন্ম তারিখ ২৬ হিজরী সনের ১০ই ফিলহাজ ঈদুল আযহার দিবস। শাবীবের মৃত্যুর সময়ে তার এক অনুসারীকে বন্দী করা হয়েছিল। তাকে উপস্থিত করা হয়েছিল খলীফা আবদুল মালিকের নিকট। আবদুল মালিক তাকে বলেছিলেন, তুমি কি এই কবিতার রচয়িতা?

فَإِنْ يَكُونْ مِنْكُمْ كَانَ مَرْوَانَ وَابْنَهُ * وَعَمْرُو مِنْكُمْ هَاشِمٌ وَحَبِيبٌ

তোমাদের মধ্যে যদি মারওয়ান, তার পুত্র, আমর, হাশিম ও হাবীব থেকে থাকে।

১. আহওয়ায়ের একটি নদী।

فَمَنِّا حُصَيْنُ وَبَطْرِينُ وَقَعْنَبُ * وَمَنِّا أَمِيرُ الْمُؤْمِنِينَ شَبَابُ

তাহলে আমাদের মধ্যে রয়েছেন হসায়ন, বাতীন, কা'নাব এবং আমাদের মধ্যে আছেন আমীরুল মু'মিনীন শাবীব।

খলীফা আবদুল মালিকের প্রশ্নের উত্তরে লোকটি বলল, কবিতা আমি বলেছি বটে তবে শেষাংশে বলেছিলাম - وَمَنِّا يَا أَمِيرُ الْمُؤْمِنِينَ شَبَابُ হৈ আমীরুল মু'মিনীন! আমাদের মধ্যে শাবীবও রয়েছে'। তার এই চাতুর্ঘণ্ড ওয়র পেশে খলীফা মুঞ্ছ হলেন এবং তাকে ছেড়ে দিলেন। আল্লাহহই ভাল জানেন।

এই ৭৭ সনে উমাইয়া সেনাপতি মুহাম্মদ ইব্ন আবু সুফরাহ এবং আয়ারিকা সম্প্রদায়ভুক্ত খারিজীদের মধ্যে বহু যুদ্ধ সংঘটিত হয়। এই পর্যায়ে খারিজীদের নেতা ছিল কাতারী ইব্ন ফুজাআহ। কাতারী নিজেও দুঃসাহসী ও বীর অশ্঵ারোহী ছিল। এই সনে কাতারীর অনুসারিগণ ছত্রঙ্গ হয়ে যায় এবং বিভিন্ন দিকে পালিয়ে যায়। কিন্তু কাতারী নিজে কোথায় হারিয়ে গিয়েছে তার কোন হাদিস পাওয়া যায়নি। কারণ; সে সবার নিকট থেকে বিচ্ছিন্ন হয়ে পড়েছিল। অবশ্য উমাইয়া বাহিনী এবং কাতারী বাহিনীর মধ্যে বহু যুদ্ধ সংঘটিত হয়েছিল যা উল্লেখ করতে বিশাল ফিরিত্ব দরকার। ইব্ন জারীর তাঁর ইতিহাসগ্রন্থে এসবের বিশদ আলোচনা করেছেন।

ইব্ন জারীর বলেন, এই সনে খোরাসানের শাসনকর্তা বুকায়ব ইব্ন বিশাহ সেখানকার অপর প্রশাসক উমাইয়া ইব্ন আবদুল্লাহ ইব্ন খালিদের বিরুদ্ধে বিদ্রোহ ঘোষণা করে। বুকায়ব বিশ্বাসঘাতকতা করে জনসাধারণকে উমাইয়ার বিরুদ্ধে ক্ষেপিয়ে তোলে এবং তাকে হত্যা করে। বুকায়ব ও উমাইয়ার মধ্যে ইতিপূর্বে বহু যুদ্ধ-বিশ্বাস অনুষ্ঠিত হয়েছিল। ইব্ন জারীর তাঁর ইতিহাসগ্রন্থে তা বিস্তারিত আলোচনা করেছেন।

এই হিজরীতে খারিজী নেতা শাবীব ইয়ায়ীদের মৃত্যু হয়; ইতোপূর্বে আমরা তা আলোচনা করেছি। শাবীব ছিল একজন দূরদর্শী, সাহসী ও অন্যতম তেজস্বী পুরুষ। সাহাবা-ই-কিরাম (রা)-এরপর শাবীব, আশতার, তাঁর পুত্র ইব্রাহীম, মুসআব ইব্ন যুবায়র, তাঁর ভাই আবদুল্লাহ ইব্ন যুবায়র, কাতারী ইব্ন ফুজা'আ প্রমুখ ব্যক্তিবর্গ ছাড়া তেমন তেজস্বী পুরুষ খুব একটা দেখা যায়নি, আল্লাহহই ভাল জানেন।

এই সনে আরও যে সব বিশিষ্ট ব্যক্তিবর্গ ইন্তিকাল করেন তাঁদের একজন হলেন কাছীর ইব্ন সালত ইব্ন মাদীকারাব আল কিনদী। তিনি একজন বয়োবৃন্দ ব্যক্তি ছিলেন। তাঁর সম্প্রদায়ের সকলে তাঁকে মান্য করত। মদীনা শরীফে “আল মুসান্নাহ” এলাকায় তাঁর একটি বড় বাড়ী ছিল। কেউ কেউ বলেছেন যে, তিনি খলীফা আবদুল মালিকের যোগাযোগ দণ্ডেরের লিপিকার ছিলেন, তিনি সিরিয়াতে ইন্তিকাল করেন।

মুহাম্মদ ইব্ন মুসা ইব্ন তালহা ইব্ন উবায়দুল্লাহ এই ৭৭ সনে ইন্তিকাল করেন। খলীফা আবদুল মালিক ছিলেন তাঁর ভগ্নিপতি। খলীফা আবদুল মালিক তাঁকে সিজিত্তানের শাসনকর্তা নিয়োগ করেছিলেন। তিনি কর্মসূলে যাবার উদ্দেশ্যে যাত্রা করলেন। তাঁকে জানানো হল যে, পথে আপনাকে খারিজী নেতা শাবীবের মুখোমুখি হতে হবে। কেউই শাবীবকে পরাজিত করতে পারেনি। বরং সে সবাইকে পরাজিত করেছে। সুতরাং পূর্ণ প্রস্তুতি নিয়ে অগ্রসর হোন। আপনি হয়ত তাকে পরাপ্ত করতে পারবেন। যদি তাই হয় তাহলে আপনি হবেন চিরস্মরণীয় বিজয়ী ব্যক্তিত্ব। পথিমধ্যে শাবীব তাঁর মুখোমুখি হয়। উভয় পক্ষের মধ্যে যুদ্ধ হয়। এক পর্যায়ে শাবীব তাঁকে হত্যা করল। কেউ কেউ অন্য মন্তব্যও করেছেন। আল্লাহহই ভাল জানেন।

৭৭ সনে যাঁরা ইন্তিকাল করেন ইয়ায ইব্ন গানাম আশআরী (রা) তাঁদের একজন। তিনি ইয়ারমুকের যুদ্ধে উপস্থিত ছিলেন। তিনি বহু সাহাবী থেকে হাদীস বর্ণনা করেছেন। বসরাতে তাঁর ওফাত হয়।

মুতারিক ইব্ন আবদুল্লাহ (রা) ৭৭ সনে ইন্তিকাল করেছেন। তাঁরা কয়েক ভাই ছিলেন। উরওয়া, মুতারিফ এবং হাময়া (র)। উমাইয়াদের প্রতি তাঁদের আকর্ষণ ও আন্তরিকতা ছিল। তাই হাজাজ ইব্ন ইউসুফ তাঁদেরকে বিভিন্ন প্রদেশে শাসনকর্তারপে নিয়োগ দেয়। এই সৃতে উরওয়া নিযুক্ত হন কুফার কর্মকর্তা। মুতারিফ মাদাইনের এবং হাময়া হামদানের প্রশাসক নিযুক্ত হন।

৭৮ হিজরী সন

এই সনে মুসলমানগণ একটি বিরাট যুদ্ধে অংশ নেয়। ওই যুদ্ধ ছিল রোমানদের বিরুদ্ধে। এই যুদ্ধে মুসলমানগণ ইরকিলিয়াহ জয় করে। যুদ্ধ শেষে প্রত্যাবর্তনের পথে তারা প্রবল বৃষ্টি, তুষারপাত ও শৈত্য প্রবাহের শিকার হয়। তাতে বহু লোক অসুস্থ হয়ে পড়ে।

এই সনে খলীফা আবদুল মালিক মুসা ইব্ন নুসায়ার-কে আফ্রিকার দেশগুলো জয় করার জন্যে দায়িত্ব দেন। তিনি সৈন্য সামগ্র নিয়ে তানজাহ এর উদ্দেশ্যে যাত্রা করেন। সম্মুখ বাহিনীর নেতৃত্বে ছিলেন তারিক। তারা ওইসব অঞ্চলের রাজা বাদশাদের বিরুদ্ধে যুদ্ধ করেন এবং ওদেরকে হত্যা করেন। ওদের কাউকে কাউকে নাক কেটে দেশান্তরী করা হয়, এই সনে খলীফা আবদুল মালিক খোরাসানের শাসনকর্তার পদ থেকে উমাইয়া ইব্ন আবদুল্লাহকে বরখাস্ত করে খোরাসান এবং সিজিস্তান দুটোকে হাজাজের শাসনাধীনে ন্যস্ত করেন। এদিকে খারিজী নেতা শাবীব ইব্ন ইয়ায়ীদের বামেলা থেকে মুক্ত হবার পর শাসনকর্তা হাজাজ কৃষ্ণ ছেড়ে বসরার উদ্দেশ্যে যাত্রা করে। মুগীরা ইব্ন আবদুল্লাহ ইব্ন আমির হাদরামীকে কুফার শাসনকর্তা নিয়োগ করে হাজাজ বসরায় গিয়ে পৌছে। সেনাপতি মুহাম্মাদ তার সাথে সাক্ষাত করেন। তিনিও আয়ারিকা সম্প্রদায়কে পরাজিত করে এসেছিলেন। হাজাজ তার সেনাপতি মুহাম্মাদকে নিজের সাথে সিংহাসনে বসতে দেয়। তার সৈনিকদের মধ্যে যারা আহত তাঁদেরকে ডেকে আনে। মুহাম্মাদ যে সৈনিকের সুনাম করেন হাজাজ তাকে প্রচুর পূরক্ষার প্রদান করে। এরপর হাজাজ সেনাপতি মুহাম্মাদকে সিজিস্তানের শাসনকর্তা নিয়োগ করে। আর আবদুল্লাহ ইব্ন আবু বকরাহকে খোরাসানের শাসনকর্তার পদ প্রদান করে। কিন্তু অবিলম্বে সাক্ষাতকার শেষ হবার পূর্বেই উভয়ের কর্মক্ষেত্রে পরিবর্তন করে দেয়। মুহাম্মাদকে দেয় খোরাসান। শাসনের দায়িত্ব আর আবদুল্লাহকে প্রদান করে সিজিস্তানের শাসনকর্তা। কেউ কেউ বলেছেন যে, মুহাম্মাদের পরামর্শে হাজাজ এই রদবদল করে। আবার কেউ বলেছেন যে, হাজাজ তৎকালীন পুলিশ প্রধান আবদুর রহমান ইব্ন উবায়দ ইব্ন তারিক আবশামীর পরামর্শ চেয়েছিল। সে হাজাজকে একপ পরামর্শ দিয়েছিল। হাজাজ তার পরামর্শ গ্রহণ করে এই রদবদল করে এবং মুহাম্মাদকে লক্ষ দিরহাম পরিশোধের নির্দেশ দেয়। কারণ, তিনি এই সিদ্ধান্তে প্রশ়্ন তুলেছিলেন।

আবু মাশার বলেন এই সনে ওয়ালীদ ইব্ন আবদুল মালিক হজ্জ পরিচালনা করেন। এসময়ে মদীনা শরীফের শাসনকর্তা ছিলেন আবান ইব্ন উচ্চমান। ইরাক, খোরাসান ও সিজিস্তানসহ ওই অঞ্চলের সকল রাজ্যের প্রশাসক ছিল হাজাজ ইব্ন ইউসুফ। তার পাশে খোরাসানের দায়িত্বে ছিলেন মুহাম্মাদ ইব্ন আবু সুফরাহ, সিজিস্তানে আবদুল্লাহ ইব্ন আবু বকরাহ ছাকাফী। কুফার বিচারক পদে ছিলেন শুরায়হ, বাসরার বিচারক পদে মুসা ইব্ন আনাস ইব্ন মালিক আনসারী (রা)।

৭৮ সনে ওফাতপ্রাণ বিশিষ্ট ব্যক্তিবর্গ

জাবির ইবন আবদুল্লাহ ইবন আমর (রা)

৭৮ হিজরী সনে যারা ইন্তিকাল করেন তাদের অন্যতম হলেন জাবির ইবন আবদুল্লাহ (রা)। তাঁর উপনাম আবু আবদুল্লাহ আনসারী সূলামী, তিনি রাসূলুল্লাহ (সা)-এর সাথে সাথে থাকতেন। তিনি বহু হাদীস বর্ণনা করেছেন। তিনি আকবার শপথ অনুষ্ঠানে উপস্থিত ছিলেন। বদরের যুদ্ধে যেতে চেয়েছিলেন। কিন্তু পরিবারিক কারণে তাঁর পিতা তাঁকে যুদ্ধে যেতে বারণ করেন। তাঁর পিতা নিজে যুদ্ধে গিয়েছিলেন। পিতা যুদ্ধে যাবার কালে হ্যরত জাবির (রা)-কে তাঁর ভাই-বোনদেরকে দেখাশোনা করার জন্যে বাড়ী রেখে গিয়েছিলেন। তারা ভাইবোন মিলে নয়জন ছিলেন। কেউ কেউ বলেছেন যে, মৃত্যুর পূর্বে হ্যরত জাবির (রা)-এর দৃষ্টি শক্তি লোপ পেয়েছিল।

হ্যরত জবিরের (রা) ওফাত হয় মদীনায়। তখন তাঁর বয়স ৯৪ বছর। তাঁর বরাতে প্রায় ১৫৪০টি হাদীস বর্ণিত হয়েছে।

শুরায়হ ইবন হারিছ (র)

৭৮ সনে যাঁদের ওফাত হয় তাঁদের একজন হলেন শুরায়হ ইবন হারিছ ইবন কায়স, আবু উমাইয়া কিন্দী, তিনি কূফার কার্যী ও বিচারক ছিলেন। হ্যরত উমার (রা), উচ্চমান ও আলী (রা)-এর শাসনামলে তিনি বিচারক পদে অধিষ্ঠিত ছিলেন। এক পর্যায়ে হ্যরত আলী (রা) তাঁকে বিচারকের পদ থেকে অব্যাহতি দেন। এরপর আমীর মুআবিয়া (রা)-এর শাসনামলে তাঁকে পুনরায় বিচারক পদে নিয়োগ দেয়া হয়, সেই থেকে এই সনে মৃত্যুর সময় পর্যন্ত তিনি বিচারকের পদে কাজ করে গিয়েছেন। বিচারকের দায়িত্ব পালনের প্রেক্ষিতে তিনি মাসিক একশত দিরহাম করে ভাতা পেতেন। কেউ বলেছেন ৫০০ (পাঁচশত) দিরহাম।

তাঁর এই নিয়ম ছিল যে, বিচার কার্যের জন্যে বের হবার সময় তিনি একথা বলতেন যে, অন্যায়কারী অবিলম্বে জানতে পারবে সে ক্ষতিগ্রস্তের কী পরিমাণ হক নষ্ট করেছে। কেউ কেউ বলেছেন যে, বিচারকের ঐংলাসে বসার সময় তিনি এই আয়াত তিলাওয়াত করতেন- دَأَوْدُ اَنَا جَعْلَنِكَ خَلِيفَةً فِي الْأَرْضِ فَاحْكُمْ بَيْنَ النَّاسِ بِالْحَقِّ وَلَا تَتَبَعِ الْهَوْى
‘হে দাউদ! আমি তোমাকে পৃথিবীতে প্রতিনিধি করেছি। অতএব তুমি লোকদের মধ্যে সুবিচার কর, এবং খেয়াল খুশীর অনুসরণ করো না।’ (সাদ ৩৮ : ২৬)।

তিনি প্রায়ই বলতেন যে, যালিম ও অন্যায়চারী ব্যক্তি শাস্তির আপেক্ষায় থাকে আর মায়লূম ও নির্যাতিত ব্যক্তি সাহায্যের প্রতীক্ষায় থাকে। বলা হয়ে থাকে যে, তিনি প্রায় ৭০ বছর বিচারকের দায়িত্ব পালন করেছেন, কেউ কেউ বলেন যে, মৃত্যুর এক বছর পূর্বে তিনি বিচারকের পদ থেকে ইস্তফা দিয়েছিলেন, আল্লাহই ভাল জানেন।

তাঁর পূর্ব পুরুষ ছিল ইয়ামানে বসবাসকারী পারসিক জাতিভুক্ত। রাসূলুল্লাহ (সা)-এর ইন্তিকালের পর শুরায়হ (র) মদীনা শরীফে আগমন করেন। তাঁর ওফাত হয় কৃতাতে। তখন তাঁর বয়স ১০৮ বছর।

তাবারানী উল্লেখ করেছেন যে, আলী ইবন আবদুল আয়ায়- ইবরাহীম তায়মী থেকে বর্ণনা করেন যে, তিনি বলেছেন, বিচারপতি শুরায়হ প্রায়ই বলতেন, যালিম ও অন্যায়চারী অবিলম্বে

জানতে পারবে মাযলুমের কী পরিমাণ হক তারা নষ্ট করেছে। যালিম ও অন্যায়কারী ব্যক্তি শাস্তি ভোগের অপেক্ষায় থাকে আর মাযলুম ও নির্যাতিত ব্যক্তি সাহায্যপ্রাপ্তির অপেক্ষায় থাকে। ইমাম আহমদ (র) এই হাদীস উদ্ধৃত করেছেন ইসমাইল ইব্ন উলাইয়াহ ইব্রাহীম সুত্রে।

আ'মাশ (র) বলেন, একদিন বিচারপতি শুরায়হ পায়ে ব্যথা অনুভব করলেন, তারপর পায়ে মধু মালিশ করলেন এবং রোদে বসে থাকলেন। তাঁর অসুস্থতার ঝোঁজ খবর নিতে তাঁর শুভাকাংখিগণ তাঁর নিকট উপস্থিত হয়, তারা বলল, কেমন লাগছে আপনার? তিনি বললেন, ভাল লাগছে। তারা বলল, পা-টা ডাঙ্কারকে দেখাননি? তিনি বললেন, হাঁ দেখিয়েছি তো, তারা বলল, ডাঙ্কার কী বললেন? তিনি বললেন, ভাল হয়ে যাবার প্রতিশ্রূতি দিয়েছেন। অন্য বর্ণনায় আছে যে, তাঁর বৃক্ষাঞ্জলে ফোঁড়া উঠেছিল। তাঁর সুহৃদরা বলল, ডাঙ্কারকে আঙুলটি দেখাননি? তিনি বললেন, যিনি ডাঙ্কার তিনিই তো এই ফোঁড়া সৃষ্টি করেছেন।

ইমাম আওয়াঙ্গি (র) বলেন, আবদাহ ইব্ন আবু লুবাবাহ বলেছেন যে, হযরত আবদুল্লাহ ইব্ন যুবায়র (রা)-এর খলীফা পদে আসীন হওয়া বিষয়ক বিশ্বাস বিদ্যমান ছিল ৯ (নয়) বছর। এ বিষয়ে বিচারক শুরায়হ কাউকে জিজ্ঞেসও করতেন না আর কেউ তাঁকে এ বিষয়ে কিছু বলতওনা। এই কথাটি ইব্ন ছাওবান আবদাহ সুত্রে শাবীর মাধ্যমে শুরায়হ থেকে উদ্ধৃত করেছেন। তিনি বলেছেন যে, ওই ফিতনার সময় আমি সে সম্পর্কে কিছুই জিজ্ঞেস করিনি। এক ব্যক্তি বলল, আমি যদি আপনার মত হতাম তাহলে কবে মরে যেতাম তার কোন পরোয়াই করতাম না। শুরায়হ বললেন, তবে আমার মনের অবস্থা কেমন ছিল তা আপনি বুঝবেন কী করে?

শাকীক ইব্ন সালামাহ শুরায়হ থেকে উদ্ধৃত করেছেন যে, ফিতনার মেয়াদকালে আমি এ বিষয়ে কিছু জানতে চাইনি। আমাকে কিছু জানানোও হয়নি। আর আমি কোন মুসলমানের প্রতি কিংবা কোন অমুসলিমের প্রতি এক দিরহাম কিংবা এক দীনার পরিমাণ অন্যায়-অবিচার করিনি। প্রসঙ্গক্রমে আবু ওয়াইল বললেন, আমি যদি আপনার মত হতাম তাহলে আমি মৃত্যুবরণকেই পদচন্দ করতাম। এবং তাতে করে তাঁর অন্তরে স্থান করে নিতাম। শুরায়হ বললেন, তাহলে এইখানে কী অবস্থা তা কেমন করে জানবেন? অপর বর্ণনায় 'তাহলে আমার মনের অবস্থা কেমন ছিল তা কী করে জানবেন? পরিস্থিতি তো এমন ছিল যে, দু যুবক পরস্পর সংঘর্ষে লিঙ্গ হয়েছে তাদের প্রত্যেকেই আমার নিকট অন্যজনের চাইতে অধিক প্রিয়।

বিচারপতি শুরায়হ একদিন দেখলেন যে, কতক লোক খেলাধুলা করছে। তিনি তাদেরকে বললেন, ব্যাপার কি তোমরা খেলায় মন হয়েছ কেন? তারা বলল, এখন তো আমরা কাজ কর্ম সেরে মুক্ত হয়েছি। তিনি বললেন, ঝামেলামুক্ত লোকের কাজ তো এটা নয়। (বরং ঝামেলামুক্ত লোকের কাজ হলো আল্লাহর ইবাদতে নিয়োজিত হওয়া)। সিওয়ার ইব্ন আবদুল্লাহ আল আম্বরী যথাক্রমে আলা ইব্ন জারীর আল আম্বরী আবু আবদুল্লাহ সালিম থেকে বর্ণনা করেন। তিনি বলেছেন, একদিন আমি বিচারপতি শুরায়হ-এর নিকট উপস্থিত হলাম। তখন একজন লোক তাঁর নিকট এগিয়ে গেল। লোকটি তাঁকে বলল, 'আপনি কোথায় আছেন?' শুরায়হ বললেন, তোমার ও দেয়ালের মধ্যখানে আছি। লোকটি বলল, আমি একজন সিরিয়ার নাগরিক। তিনি বললেন, তা তো দূরে বহুদূরে। লোকটি বলল, আমি একজন মহিলাকে বিয়ে করেছি। তিনি বললেন, শুভ বিবাহ, একমত্য এবং সন্তান-সন্ততিতে ভরে উঠুক তোমার সংসার। লোকটি বলল, আমি তার জন্যে একটি ঘর দেয়ার শর্ত করেছি। শুরায়হ বললেন, শর্ত

পূরণ করা অধিকার। সে বলল, আমাদের মাঝে ফায়সালা করে দিন। তিনি বললেন, ফায়সালা করেই তো দিলাম।

সুফয়ান বললেন, কেউ একজন শুরায়হকে প্রশ্ন করেছিল যে, আপনি কীভাবে এই জ্ঞান অর্জন করলেন? তিনি উত্তরে বললেন, জ্ঞানীয় ব্যক্তিদের সাথে জ্ঞান বিনিময়ের মাধ্যমে। আমি তাঁদের থেকে জ্ঞান আহরণ করি আবার আমার অর্জিত জ্ঞান ওদেরকে সরবরাহ করি।

উচ্ছমান ইব্ন আবু শায়বাহ হৃবায়রাহ থেকে বর্ণনা করেন যে, তিনি হ্যরত আলী (রা)-কে বলতে শুনেছেন, হে লোক সকল! তোমাদের ফিকহ বিষয় বিশেষজ্ঞগণ যেন আমার নিকট আসে। আমরা ওদের নিকট থেকে কিছু জেনে নিব আর ওরাও আমার নিকট জিজ্ঞেস করবে, আমার থেকে জেনে নিবে। এই ঘোষণার পরের দিন সকালে আমরা হ্যরত আলী (রা)-এর দরবারে উপস্থিত হলাম। গিয়ে দেখি তাঁর গৃহ প্রাঙ্গণ লোকে ভরপুর। তিনি তাদেরকে জিজ্ঞেস করছিলেন যে, এটা কি? ওটা কেমন? ওরাও তাঁকে জিজ্ঞেস করছিল, এটা কি? ওটা কি? তিনি তাদেরকে উত্তর দিচ্ছিলেন, তারাও হ্যরত আলীর (রা) জিজ্ঞাসার জবাব দিচ্ছিল। এভাবে চলছিল। বেলা বেড়ে যাবার পর দুপুর হয়ে যাবার পর লোকজন তার কাছ থেকে সরে যায়। শুরায়হ যাননি। তিনি হাটু গেড়ে বসেছিলেন। যে বিষয়েই তাঁকে জিজ্ঞেস করা হচ্ছিল। তিনি তার উত্তর দিচ্ছিলেন। বর্ণনাকারী বললেন, আমি শুনেছি হ্যরত আলী (রা) বলছিলেন, ‘হে শুরায়হ! উঠুন, আপনি আরবের সুদক্ষ বিচারপতি’ একদিন দুজন মহিলা এসে শুরায়হ-এর নিকট উপস্থিত হয়। একজন হলো একটি বাচ্চার মা অপরজন হলো শিশুটির দাদী। তাদের দু’জনেই শিশুটির লালন পালনের দাবীদার। প্রত্যেকেই দাবী করে যে, সে শিশুটির লালন-পালনের বৈধ অধিকারী। এ প্রসঙ্গে দাদী তার যুক্তি উপস্থাপন করে বলে :

أَبَا أُمِيَّةَ أَتَيْتَكَ وَأَنْتَ الْمُسْتَعْانُ بِهِ * أَتَكَ جَدَّةً أَبْنِي وَأُمَّةً وَكُنْتَنَا تَفْدِيهِ

“ওহে আবু উমাইয়া আমরা আপনার দরবারে এসেছি। এ বিষয়ে আপনিই আশ্রয়স্থল। একটি শিশুর মাতা এবং দাদী আপনার নিকট এসেছে। তাদের প্রত্যেকেই চায় নিঃস্বার্থভাবে শিশুটির লালন-পালন করতে।”

فَلَوْ كُنْتَ تَأْيِمْتَ لَمَّا نَازَ عَنْكِ فِيهِ * تَزَوَّجْتَ فَهَاتِيهِ وَلَا يَدْهَبُ بِكَ الْقِبْهِ

“তুমি যদি বিধবা থেকে যেতে শিশুর লালন-পালনের জন্যে আমি কোন দাবীই তুলতাম না। কিন্তু তুমি তো অন্যত্র বিয়ে করেছ। সুতরাং বাচ্চা আমাকে দিয়ে দাও। শিশু তোমার সাথে যাবে না। ওকে ছেড়ে দাও।”

أَلَا أَيُّهَا الْقَاضِيِّ * فَهَذِهِ قِصَّتِي فِيهِ

“ওহে বিচারপতি এ প্রসঙ্গে এটাই আমার বক্তব্য।”

শিশুটির মাতা বলল-

أَلَا أَيُّهَا الْقَاضِيِّ قَدْ قَالْتَ لَكَ الْجَدَّةُ * قَوْلًا فَسْتَمْعُ مِنِّي وَلَا تَطْرُدْنِي رَدًا

“ওহে কায়ি বিচারক, দাদী তো তার বক্তব্য পেশ করেছে। এবার আমার বক্তব্য শুনুন। আমাকে শূন্য হাতে তাড়িয়ে দিবেন না।”

تَعَزَّى النَّفْسُ عَنِ ابْنِي * وَكَبِدِي حَمَلتْ كَبْدَةً

‘আমার পুত্র হয়ে গেল পিতৃহীন। তাতে আমার মনে জুলে উঠল গভীর যন্ত্রণা।’

فَلِمَّا صَارَ فِي حَجْرِي * يَتِيمًا مُفْرَدًا وَحْدَهُ

সে আমার কোলে এসে পড়ল, আমার দায়িত্বে এসে পড়ল ইয়াতীম, একক ও অসহায় হয়ে-

تَزَوَّجْتُ رَجَاءَ الْمَخَيْرِ * مَنْ يَكْفِينِيْ فَقَدَهُ قَدَهُ

তখন আমি সদুদেশ্য নিয়ে বিয়ে করেছি। এমন এক ব্যক্তিকে যে আমাকে এবং আমার পুত্রকে নিঃশেষ ও ধ্রংস হবার পথ থেকে রক্ষা করবে।

وَمَنْ يُظْهِرُ لِيْ الْوَدَّ * وَمَنْ يَحْسِنُ لِيْ رَفَدَهُ

আমি বিয়ে করেছি এমন এক লোককে যে আমার প্রতি ভালবাসা নিষেদন করে এবং যে আমাকে ভালভাবে ভরণ-পোষণ ও সাহায্য-সহযোগিতা করে।

উভয়পক্ষের বক্তব্য শেষে বিচারক শুরায়হ বললেন :

قَدْ سَمِعَ الْقَاضِيْ مَا قُلْتُمَا ثُمَّ قَضَى * وَعَلَى الْقَاضِيْ جَهْدٌ إِنْ غَفَلَ .

বিচারক তোমাদের দু'জনের কথা শুনেছেন। তারপর রায় দিবেন। কোন বক্তব্য গ্রহণ গাফিল ও উদাসীন থাকলে সেজন্যে বিচারক দায়ী থাকবেন।

قَالَ لِلْجَادَةِ بِيْنِيْ بِالصَّبَبِيِّ * وَخَذِيْ ابْنَكِ مِنْ ذَاتِ الْعِلْلَ

বিচারক শুরায়হ দাদীকে বললেন, আপনার নাতি নিয়ে আপনি চলে যান। ওই দরিদ্র ও দৃশ্যমান মাতা থেকে শিশুটিকে নিয়ে নিন।

إِنَّهَا لَوْ صَبَرَتْ كَانَ لَهَا * قَبْلَ نَعْوِيْ مَابَتَغَيْهُ لِلْبَدْلِ

ওই মাতা যদি ধৈর্যধারণ করত এবং অন্যত্র বিয়ে না করত, তাহলে দাদী ছাড়া বাচ্চাটি তারই নিকট থেকে যেত।

অতঃপর বিচারপতি শুরায়হ শিশুটি দাদীর হিফায়তে থাকবে বলে রায় দিয়ে দিলেন।

আবদুর রায়কাক মা'মার ইব্ন আওন শুরায়হ থেকে বর্ণনা করেন যে, তিনি জনৈক ব্যক্তির শীকারোক্তির প্রেক্ষিতে তার বিপক্ষে রায় প্রদান করলেন। তখন লোকটি বলল, হে আবু উমাইয়া! আপনি তো দলীল-প্রমাণ ছাড়া আমার বিরুদ্ধে রায় প্রদান করলেন। উন্নরে শুরায়হ বললেন, তোমার খালার ভাগ্নে আমাকে বিষয়টি জানিয়েছে এবং সেই ভিত্তিতে আমি রায় প্রদান করেছি। আলী ইব্ন জাদ বলেছেন মাসউদী আমাকে জানিয়েছেন আবু হুসায়ন থেকে। তিনি বলেছেন, শুরায়হকে জিজেস করা হয়েছিল এমন এক বকরী সম্পর্কে যে বকরী মাছি খেয়ে থাকে। উন্নরে তিনি বলেছিলেন, তাতো ভালই বিনে পয়সার ঘাস আর মজার দুধ।

ইমাম আহমদ বলেছেন, ইয়াহ্যা ইব্ন সাইদ থেকে বর্ণনা করেন যে, তিনি বলেছেন, আমার পিতা বলেছেন যে, শুরায়হ-এর পরিবারে যদি কোন বিড়াল মারা যেত তবে সেটিকে তিনি তাঁর বাড়ীর মাঝখানে ফেলে রাখতেন। কারণ, বাড়ীর মাঝখানে ছাড়া বড় রাস্তার সাথে 'সংযোগ সাধনকারী কোন নালা ছিল না। জনসাধারণের যাতে কষ্ট না হয় তাই তিনি এমনটি করতেন। অর্থাৎ মৃত বিড়ালটি তাঁর বাড়ীর মাঝখানে ফেলতেন। যাতে বড় রাস্তায় চলাচলকারী মুসলমানগণ এটির দুর্গম্বে কষ্ট না পায়। তাঁর ঘরের ছান্দ থেকে পানি পড়ার নালা ছিল তাঁর বাড়ীর মাঝখানে।

রিয়াশী বলেছেন, এক লোক বিচারপতি শুরায়হকে বলেছিল আপনি তো খুব দৃঢ়জনক অবস্থায় আছেন। উন্নরে শুরায়হ বললেন, আমি দেখছি আপনি এমন লোক, নিজের প্রতি আল্লাহ'র দেয়া নিআমত দেখতে পাননা; কিন্তু অন্যকে দেয়া আল্লাহ'র নিআমত ঠিকই দেখতে পান।

তাবারানী বলেন, আহমদ ইব্ন ইয়াহ্যা আবদুর রহমান ইব্ন আবদুল্লাহ ইব্ন যিয়াদ ইব্ন সাম'আন থেকে বর্ণনা করেন যে, তিনি বলেছেন, বিচারপতি শুরায়হ তাঁর এক ভাইকে লিখেছিলেন। ওই ভাই কিন্তু প্রেগ রোগের ভয়ে অন্যত্র চলে গিয়েছিল। তিনি লিখলেন, বস্তুতঃ তুমি যে স্থানে রয়েছে সে স্থান এবং তুমি যেস্থান থেকে পালিয়ে গিয়েছে সে স্থান সবইতো সেই মহান সভার দৃষ্টির অঙ্গর্গত। যিনি যাকে ধরতে চান কেউ তাকে অক্ষম করতে পারে না। কেউ পালিয়ে গিয়ে তাঁর হাত থেকে বাঁচতে পারে না। তুমি যে স্থান ছেড়ে এসেছ সেখানে তো মৃত্যুর নির্দিষ্ট সময় আসার আগে কারো মৃত্যু ঘটেনি এবং ওই স্থানে যুগ পরিক্রমা কারো উপর যুলুম করেনি। বরং তুমি এবং ওরা সবাই একই বিছানায় অবস্থান করছ। মহা শক্তিমান মা'বুদের পক্ষ থেকে পাকড়াও করার সময় খুবই নিকটে।

আবু বকর ইব্ন আবু শায়বাহ বলেছেন, আলী ইব্ন মুসহির শুরায়হ থেকে বর্ণনা করেন যে, হ্যরত উমার (রা) তাঁকে লিখেছিলেন, “আল্লাহ'র কিতাবে বর্ণিত কোন বিধান বাস্তবায়নের পরিবেশ সৃষ্টি হলে আপনি ওই বিধানের আলোকেই রায় প্রদান করবেন। আল্লাহ'র কিতাবে নেই এমন কোন বিধানের আশায় কিতাবের এই বিধান পরিত্যাগ করবেন না। আপনি রাসূলুল্লাহ (সা)-এর সুন্নতের আলোকে রায় দেয়ার সম্ভবনা খুঁজে দেখুন। সুন্নাত ও হাদীসের মধ্যে ফায়সালা খুঁজে পেলে তাই ঘোষণা করুন। যদি এমন সমস্যার সম্মুখীন হন যার ফায়সালা সরাসরি কুরআন ও সুন্নাতে পাওয়া যাচ্ছে না, তাহলে ইজমা তথা মুসলমানদের ঐক্যত্ব প্রতিষ্ঠিত বিষয়ে ফায়সালা খুঁজে দেখুন এবং সেই অনুযায়ী রায় ঘোষণা করুন। অন্য বর্ণনায় আছে যে, এমতাবস্থায় সৃৎকর্মশীল ব্যক্তিবর্গ কী ফায়সালা দিয়েছেন তা খুঁজে দেখুন এবং সেই মুত্তবিক রায় ঘোষণা করুন। আর যদি সেখানেও ফায়সালা না থাকে তবে আপনার ইখতিয়ার। আপনি চাইলে নিজ বিবেচনায় ফায়সালা দিবেন অথবা তা থেকে বিরত থাকবেন। তবে এ পরিস্থিতিতে ফায়সালা প্রদানে বিরত থাকাই আমি ভাল মনে করি। আসুসালামু আলাইকুম।”

শুরায়হ বলেন, আমি হ্যরত আলী (রা)-এর সাথে একবার কৃফার বাজারে উপস্থিত ছিলাম। তিনি জনেক নসীহতকারীর নিকট গিয়ে দাঁড়ালেন। ওই নসীহতকারীকে ডেকে বললেন, তুমি এখন উপদেশ খঘরাত করছ অথচ আমরা এখনো রাসূলুল্লাহ (সা)-এর তিরোধানের সময়ের কাছাকাছি সময়ে রয়েছি? আমি তোমাকে কিছু কথা জিজ্ঞেস করব। তুমি উন্নর দিলে আমি আর জিজ্ঞেস করব না। উন্নর দিতে না পারলে আমি তোমাকে শাস্তি দিব। ওই ব্যক্তি বলল, আমীরুল মু'মিনীন! আপনি তবে জিজ্ঞেস করুন যা আপনি জিজ্ঞেস করতে চান। হ্যরত আলী (রা) বললেন, ঈমানের ম্যবৃতি এবং ঈমানের বিচ্যুতি কিসে হয়? লোকটি বলল, সংযম ও পরহেয়গারী দ্বারা ঈমান ম্যবৃত ও দৃঢ় হয় আর লোভ-লালসার ফলে ঈমানের বিচ্যুতি ও বিছেদ ঘটে। হ্যরত আলী (রা) বললেন, হাঁ তাই বটে, তুমি তোমার উপদেশ দিয়ে যাও। কেউ কেউ বলেছেন যে, ওই উপদেশ দানকারী ব্যক্তিটি ছিলেন নাওফ আল বুকালী।

এক ব্যক্তি কাষী শুরায়হকে বলেছিল, আপনি অন্যের প্রতি আগত নি'আমতগুলোর কথা আলোচনা করেন আর নিজের প্রতি আগত নি'আমতগুলোর কথা ভুলে যান তার কারণ কি ? উভয়ের শুরায়হ বললেন, বস্তুতঃ তোমার মধ্যে আমি যে নি'আমতগুলো দেখি তাতে আমার ঈর্ষা হয়, আল্লাহ'র পক্ষ থেকে আমি যেনে ওই নি'আমত পাই তা কামনা করি। লোকটি বলল, তাতে আল্লাহ'র তোমার কল্যাণ করবেন না আর আমার কোন ক্ষতি করবেন না। জারীর (র) শায়বানী সূত্রে শা'বী থেকে বর্ণনা করেন যে, তিনি বলেছেন, একবার হ্যরত উমার (রা) একলোক থেকে একটি ঘোড়া কিনেছিলেন এই শর্তে যে, তিনি ঘোড়াটি যাচাই করে দেখবেন। তিনি ঘোড়াটি নিলেন এবং সেটি নিয়ে যাত্রা করলেন। এক পর্যায়ে ঘোড়াটি খোড়া হয়ে যায়। তিনি ঘোড়ার মালিককে বললেন, তোমার ঘোড়া তুমি নিয়ে যাও। লোকটি বলল, না, আমি এটি নিব না। হ্যরত উমার (রা) বললেন, তাহলে একজন বিচারক নির্ধারণ কর যিনি আমাদের এই বিষয়টির ফায়সালা করে দিবেন। লোকটি বলল, হাঁ, তাই হোক, কাষী শুরায়হ আমাদের মাঝে বিচার করে দিবেন। হ্যরত উমার (রা) বললেন, কোন শুরায়হ ? লোকটি বলল, ইরাকী নাগরিক শুরায়হ।

বর্ণনাকারী বলেন, অতঃপর হ্যরত উমার (রা) এবং ঘোড়ার মালিক দু'জনে কাষী শুরায়হ-এর নিকট গেলেন। দু'জনেই ঘটনার বৃত্তান্ত জানালেন। বিচারক শুরায়হ বললেন, আমীরুল মু'মিনীন! আপনি ঘোড়াটি যেভাবে নিয়েছেন সেইভাবে তা ফেরত দিন নতুবা আপনি যেটি ক্রয় করেছেন। মূল্য পরিশোধ করে সেটি নিয়ে যান। রায় শুনে আমীরুল মু'মিনীন হ্যরত উমার (রা) বললেন, এছাড়া কি বিচার হয় ? এবং আপনি কৃফায় চলে যান। ওখানে বিচারক পদে যোগদান করুন। আমি আপনাকে কৃফার বিচারকের পদে নিয়োগ দান করলাম, এই দিনেই হ্যরত উমার (রা) কাষী শুরায়হের বুদ্ধিমত্তা ও দূরদর্শিতা সম্পর্কে প্রথম অবগত হয়েছিলেন।

হিশাম ইব্ন মুহাম্মদ কালবী বলেছেন, সাদ ইব্ন ওয়াকাসের জনৈক পুত্র বলেছেন যে, শুরায়হ (রা)-এর একটি পুত্র ছিল। সে কুকুরগুলো জড়ো করত এবং সেগুলোর মধ্যে ঝগড়া বাধিয়ে দিত। সেগুলোকে পরম্পরারের প্রতি ক্ষেপিয়ে তুলত। অতঃপর শুরায়হ কাগজ-কলম এনে ওই ছেলের শিক্ষককে লিখলেন-

تَرَكَ الصَّلَاةَ لِأَكْلُبِ يَسْعَى بِهَا * طَلْبَ الْهِرَاشِ مَعَ الْفُوَادِ الرِّجْسِ

আমার এই পুত্র ধন, নামায তরক করেছে। কুকুরের পেছনে লেগেছে। সেগুলোর মধ্যে ঝগড়া ও যুদ্ধ বাধানোর জন্যে। অন্যান্য দুষ্ট ছেলেদের দলে ভিড়ে সে এমনটি করেছে।

فَإِذَا أَئَكَ فَعَقْهَ بِمِلَامَةٍ * وَعَظْهَ مِنْ عَظَةِ الْأَدْبِيبِ الْأَكْبَيْسِ

সে যখন আপনার নিকট উপস্থিত হবে, তখন একটু গালমন্দ ও কটুকথা বলে তাকে ছেড়ে দিবেন এবং বিচক্ষণ শিক্ষকের ন্যায় তাকে উপদেশ দিবেন।

فَإِذَا هَمَمْتَ بِضَرْبِهِ فَبَدْرَةٌ * فَإِذَا ضَرَبْتَ بِهَا ثَلَاثًا فَاحْبَسِ

আপনি যদি ওকে প্রহার করতে চান, তাহলে প্রহার করবেন চাবুক দিয়ে। আর তিনি ঘাঁড়ের পর প্রহার বন্ধ করে দিবেন। আর আঘাত করবেন না।

وَاعْلَمْ بِأَنَّكَ مَا أَتَيْتَ فَنَفْسَهُ * مَعَ مَا تَجْرَعْتَ أَعْزُ الْأَنْفُسُ

জেনে রাখুন, আপনি যা করেছেন এবং আমার মধ্যে তার প্রতি যে ক্ষোভ সৃষ্টি হয়েছে উভয়ের ফলক্রতিতে সে খুব ভাল মানুষে পরিণত হবে।

ওরায়হ বর্ণনা করেছেন হযরত উমার (রা) থেকে, তিনি হযরত আইশা (রা) থেকে যে, **إِنَّ الَّذِينَ فَرَقُوا دِينَهُمْ وَكَانُوا شَيْعَةً !** (যারা দীন সম্পর্কে নানা মতের সৃষ্টি করেছে এবং বিভিন্ন দলে বিভক্ত হয়েছে। আমন্ত্রণ ৬ : ১৫৯) এই আয়াতে সে সব লোকদের কথা বলা হয়েছে যারা বিদ্যাতপ্তী, প্রবৃত্তির অনুসরণকারী এবং যারা এই উপরের মধ্যে গোমরাহ ও পথভঙ্গ। প্রত্যেক পাপাচারীর জন্যে তাওরা আছে- তাওরা কবুল হবে কিন্তু বিদ্যাতী ও প্রবৃত্তির অনুসরণকারীর জন্যে কোন তাওরা নেই। ওদের সাথে আমার কোন সম্পর্ক নেই। আমার সাথে ওদের কোন সম্পর্ক নেই। এই হাদীসটি দুর্বল, একক বর্ণনাকারী বর্ণিত। মুহাম্মদ ইব্ন মুসাফিফা এটি বাকিয়া সূত্রে শু'বাহ থেকে কিংবা অন্য কারো থেকে আর তিনি মুজলিদ সূত্রে শা'বী থেকে বর্ণনা করেছেন। বাকিয়া ইব্ন ওয়ালীদ একা এটি বর্ণনা করেছেন। হাদীসের সনদে ঝটিও রয়েছে বটে।

মুহাম্মদ ইব্ন কাব কুরায়ী উমার ইব্ন খাতাব (রা) থেকে বর্ণনা করেন যে, তিনি **أَنَّكُمْ سَتَفِرُ بِلْوَنَ حَتَّىٰ تَصِيرُوا فِي حُثَّالَةٍ مِّنْ** - তোমাদেরকে চালুনীতে ঢেলে নেয়া হবে। **النَّاسُ قُدْ مَزَجْتُ عَهُودُهُمْ وَخَرِبْتَ أَمَانَتُهُمْ** ভাল থেকে মন্দ মানুষগুলোকে পৃথক করা হবে। এক পর্যায়ে তোমরা পুষ্টিহীন লোকগুলোর মধ্যে শুধু থাকবে। নেক আমলবিহীন লোকগুলোর মধ্যে থাকবে। যে, তাদের অঙ্গীকার প্রতিশ্রূতি ভেঙ্গে পড়বে এবং আমানতদারী ও বিশ্বস্তা বিপর্যস্ত হঁকে পড়বে। তখন একজন বলে উঠল, ইয়া রাসূলল্লাহ (সা)! তখন আমাদের কী অবস্থা হবে? তিনি বললেন- **تَعْمَلُونَ بِمَا تَعْرِفُونَ وَتَنْتَرِكُونَ مَا تُنْكِرُونَ وَتَقُولُونَ أَحَدٌ أَحَدٌ أَنْصَرْنَا عَلَىٰ مَنْ طَلَمَنَا** তুর্ফুন ও তন্ত্রকুন্ড মানুকুন ও তক্ষুন আহ আহ অন্সুরনা উলি মন তলমনা- তখন তোমাদের জন্য জরুরী হবে যে, যে বিশ্বাসগুলোকে তোমরা ভাল বলে জানবে সেগুলো বাস্তবায়ন করবে। যেগুলো মন্দ বলে জানবে সেগুলো বর্জন করবে এবং তোমরা বলতে থাকবে- একক আল্লাহ! একক আল্লাহ! আমাদের সাহায্য করুন মুলিমদের বিকল্পে। আমাদেরকে রক্ষা করুন সীমালংঘনকারীদের হাত থেকে।

হাসান ইব্ন সুফিয়ান ওরায়হ থেকে বর্ণনা করেন যে, তিনি বলেছেন, বদরী সীহাবীগণ আমার নিকট বর্ণনা করেছেন, তাঁদের মধ্যে হযরত উমারও ছিলেন, তাঁরা বললেন যে, **مَا مِنْ شَيْءٍ يَدْعُ لَذَّةَ الدُّنْيَا وَلَهُوَا وَيَسْتَقْبِلُ بِشَبَابٍ** - যে সিদ্ধীকের ছাওয়াব দান করবেন। এরপর তিনি বললেন যে, হে মহান আল্লাহ! যুবকদেরকে ডেকে ডেকে বলেন, ওহে যুবক! যে আমার সন্তুষ্টি বিধানের জন্যে নিজের কৃপবৃত্তি ও মন্দ চাহিদা পরিত্যাগ করে, যে যুবক তার যৌবন আমার জন্যে ব্যয় করে, তুমি আমার নিকট আমার কতক ফেরেশতাদের ন্যায় হয়ে থাকবে। এটি গারীব বা একক বর্ণনা।

আবু দাউদ বলেছেন যে, সাদাকাহ কায়স ইব্ন যায়দ থেকে অথবা যায়দ ইব্ন কায়স থেকে বর্ণনা করেন যে, তিনি মিসরীদের বিচারক ওরায়হ থেকে বর্ণনা করেন যে, তিনি আবদুর রহমান ইব্ন আবু বকর সিদ্ধীক থেকে বর্ণনা করেছেন, রাসূলল্লাহ (সা) বলেছেন-

**إِنَّ اللَّهَ تَعَالَى يَدْعُ صَاحِبَ الدِّينِ يَوْمَ الْقِيَامَةِ فَيَقُولُ يَا بَنْ أَمَّ فِيمْ
أَضَعْتَ حُقُوقَ النَّاسِ فِيمْ أَذْهَبْتَ أَحْوَالَهُمْ فَيَقُولُ يَا رَبِّ لَمْ أَفْسِدْهُ وَلَكِنْ أَصَبَّتْ**

إِمَّا غَرْقًا وَإِمَّا حَرْقًا فَيَقُولُ اللَّهُ سُبْحَنَهُ أَنَا أَحَقُّ مَنْ قَضَى عَنْكَ الْيَوْمَ فَتَرْدِجْ
حَسَنَاتَهُ عَلَى سَيِّئَاتِهِ فَيُؤْمِرُ بِهِ إِلَى الْجَنَّةِ

‘কিয়ামতের দিন মহান আল্লাহু খণ্ডস্ত ব্যক্তিকে ডেকে আনবেন। তারপর বলবেন, কেন তুমি মানুষের হক নষ্ট করেছ? কেন তুমি ওদের মালামাল নিয়ে গিয়েছ? সে বলবে, ইয়া রাব! আমি ইচ্ছাকৃতভাবে তা নষ্ট করিনি। জাহাজ ডুবি- নোকা ডুবিতে আমার সম্পদ নষ্ট হয়েছে কিংবা আগুনে পুড়ে নষ্ট হয়েছে। তখন মহান আল্লাহু বলবেন, তবে আমি আজ তোমার পক্ষে খণ শোধ করে দিব। এরপর ওই ব্যক্তির পাপাচারের তুলনায় পুণ্য ভারী হবে, নেক আমলের ওয়ন বেশী হবে এবং তাকে জান্নাতে পাঠানোর নির্দেশ দেয়া হবে।’ এটি হল আবু দাউদের ভাষ্য। ইয়ায়ীদ ইবন হারুন এটি সাদাকা থেকে যা বর্ণনা করেছেন তাতে আছে যে, এরপর মহান আল্লাহু কি একটা বস্তু আনয়নের নির্দেশ দিবেন। সেটি তার পাল্লায় রাখা হবে এবং তাতে তার নেকীর পাল্লা ভারী হয়ে যাবে।

আল্লামা তাবারানী এটি উক্ত করেছেন আবু নুআয়ম সূত্রে সাদাকা থেকে। আল্লামা তাবারানী এটি হাফস ইবন উমার এবং আহমদ ইবন দাউদ মক্কী থেকেও বর্ণনা করেছেন। তাঁরা দুজনে বলেছেন যে, মুসলিম ইবন ইবরাহীম এই হাদীস সাদাকা সূত্রে আমাদের নিকট বর্ণনা করেছেন। মহান আল্লাহই ভাল জানেন।

আবদুল্লাহ ইবন গানাম (র)

এই সনে যে সব বিশিষ্ট ব্যক্তির ইন্তিকাল হয় তাঁদের একজন হলেন আবদুল্লাহ ইবন গানাম আশআরী। তিনি ফিলিস্তিনে বসবাস করতেন। একাধিক সাহাবী থেকে তিনি হাদীস বর্ণনা করেছেন। কেউ কেউ বলেন যে, তিনি সাহাবী ছিলেন। হ্যরত উমার (রা) তাঁকে সিরিয়া পাঠিয়েছিলেন জনসাধারণকে দীন শিক্ষা দেবার জন্যে। তিনি সৎ ও পুণ্যবান মানুষদের একজন ছিলেন।

জুনাদা ইবন উমাইয়া আযদী (র)

৭৮ সনে যাঁদের ওফাত হয় তাঁদের একজন হলেন জুনাদা ইবন উমাইয়া আযদী। তিনি মিসর বিজয় অভিযানে অংশ নিয়েছিলেন। মুআবিয়ার (র) আমলে নৌযুদ্ধে তিনি সেনাপতির দায়িত্ব পালন করেছিলেন। বীরত্ব ও কল্যাণমূলক কাজে তাঁর প্রসিদ্ধি ছিল। প্রায় ৮০ বছর বয়সে এই সনে তিনি সিরিয়াতে ইন্তিকাল করেন।

আলা ইবন যিয়াদ বসরী

এই সনে যাঁদের ওফাত হয় তাঁদের একজন হলেন আলা ইবন যিয়াদ বসরী। তিনি বসরার অধিবাসী ছিলেন। তিনি সৎ ও পুণ্যবান মানুষ ছিলেন। তাঁর মধ্যে পরম খোদাভীতি ও তাকওয়া ছিল। তিনি প্রায়ই নিজ গৃহে একাকী সময় কাটাতেন। লোকজনের সাথে খুব একটা মিশতেন না। খুব বেশী কাঁদতেন। কেঁদে কেঁদে তিনি অক্ষ হয়ে যান। তার অনেক সুকীর্তি ও গৌরবজনক ঘটনা রয়েছে। ৭৮ সনে বসরাতে তিনি ইন্তিকাল করেন।

আমি বলি আলা ইবন যিয়াদের কান্নার মাত্রা প্রচুর বেড়ে গেল সেদিন থেকে যেদিন এক ব্যক্তি তাঁকে জান্নাতী বলে স্বপ্নে দেখল। সিরিয়ার অধিবাসী এক লোক তাঁকে স্বপ্নে দেখে যে, তিনি জান্নাতের অধিবাসী হয়ে আছেন। এই সংবাদ শোনার পর আলা ইবন যিয়াদ তাকে

বললেন, ভাই! আপনি আমার সম্পর্কে ভাল স্বপ্ন দেখেছেন তাই আল্লাহ্ আপনাকে ভাল বিনিময় দান করুন। আর আমি, আপনার স্বপ্ন তো আমাকে এত অস্ত্রির করে তুলেছে যে, আমি এখন না দিনে শান্তি পাই না রাতে। এরপর থেকে দিনের পর দিন কেটে যেত তিনি কিছু মুখে দিতেন না, উপোসী থাকতেন। আর কাঁদতেন। শুধুই কাঁদতেন। এতে করেই তিনি মৃত্যুর নিকটবর্তী হয়ে গিয়েছিলেন। নামায পড়তেন তো পড়তেনই বিরামহীন। এ অবস্থায় তাঁর ভাই হ্যরত হাসান বসরী (র)-এর নিকট এলেন এবং বললেন, আমার ভাইকে প্রাণে রক্ষা করুন তিনি তো মারা যাবেন। তাঁর সম্পর্কে এক লোক স্বপ্ন দেখেছে যে, “তিনি জান্নাতের অধিবাসী” একথা শোনার পর থেকে তিনি শুধু রোহা রাখছিল। খাওয়া দাওয়া করছেন না। শুধুই ইবাদত করছেন, ঘুমুচ্ছেন না। দিনে রাতে শুধুই কাঁদছেন।

হ্যরত হাসান বসরী আলা-এর বাড়ীতে এলেন। তাঁর দরযায় টোকা দিলেন। তিনি দরয়া খুললেন না। হ্যরত হাসান বসরী (র) বললেন, দরয়া খুলুন, আমি হাসান। তাঁর কষ্ট শুনে আলা (র) দরয়া খুললেন। হ্যরত হাসান (র) বললেন, ভাই আপনি কি জান্নাতের পাবার জন্যে ব্যতিব্যস্ত হয়ে পড়েছেন? হায়, মু'মিনের জন্যে জান্নাতের কী চিন্তা! মু'মিনের জন্যে আল্লাহর নিকট এমন পূরক্ষার রয়েছে যা জান্নাতের চাইতে শতগুণে উত্তম। আপনি কি এখন আঘাত্যার সিদ্ধান্ত নিয়েছেন? হ্যরত হাসান (র) এভাবে তাঁকে অনবরত বুঝাতে লাগলেন। অবশ্যে তিনি খাদ্য ও পানীয় গ্রহণ করলেন। এবং ইতোপূর্বে ইবাদতে যে অবস্থানে ছিলেন তার চাইতে সামান্য কমিয়ে আনলেন।

ইবন আবু দুনয়া আলা (র)-এর বরাতে উল্লেখ করেছেন যে, একদিন তিনি স্বপ্নে দেখলেন যে, জনেক আগস্তুক তাঁর নিকট এসেছে। সে তাঁর মাথার চুল ধরে বলল, বাহা ধন! উঠ, আল্লাহর যিকির কর। তাহলে মহান আল্লাহ্ তোমার কথা আলোচনা করবেন। এই চেতনা ও মনোভাব তাঁর মধ্যে সর্বদা বিরাজমান ছিল। এক পর্যায়ে তাঁর মৃত্যু হল।

কেউ কেউ বলেছেন, তাঁর এক সাথী স্বপ্নে দেখেছিল যে, প্রতিদিন বহলোক মিলে যে আমল করে, তার সম্পরিমাণ নেক আমল একা আলা (র)-এর পক্ষ থেকে মহান আল্লাহর দ্রবারে পৌছে।

আলা (র) বলেছেন, আমরা তো নিজেরা নিজেদেরকে জাহানামে নিক্ষেপ করি। মহান আল্লাহ্ যদি আমাদেরকে সেখান থেকে বের করতে চান তবে তিনি বের করবেন। নাহলে শুটাই আমাদের বাসস্থান। আলা (র) বলেছেন, জনেক লোক ছিল মানুষকে দেখানোর জন্যে সে নেক আমল করত। ক্ষণে ক্ষণে জামা কাপড় পরে আল্লাহ্ তাকে ইখলাস, নিষ্ঠা ও পূর্ণ বিশ্বাস দান করলেন। তাকে সেই জন্যে নেক দু'আ করতে শুরু করল। তাঁর সততার বিষয়টি আল্লাহর উপর ন্যস্ত করল এবং সেই জন্যে নেক দু'আ করতে শুরু করল।

সুরাকা ইবন মিরদাস আয়দী

৭৮ সনে যাঁদের মৃত্যু হয় তাঁদের একজন হলেন সুরাকা ইবন মিরদাস আয়দী। তিনি একজন স্পষ্টভাষী কবি ছিলেন। তিনি হাজারের নিম্না করেছিলেন। তাই হাজার তাঁকে সিরিয়ায় দেশান্তরিত করে। সেখানে তাঁর ওফাত হয়।

নাবিগা আল-জা'দী ও অন্যান্যরা

এই সনে যাদের শুভ্য হয় তাঁদের একজন হলেন নাবিগা আলজা'দী। তিনি একজন প্রসিদ্ধ কবি ছিলেন। ৭৮ হিজরীতে বিশিষ্ট ব্যক্তিদের মধ্যে আরো যারা ইন্তিকাল করেন তাঁরা হলেন— সাইব ইব্ন ইয়ায়ীদ কিন্দী, সুফয়ান ইব্ন সালামা আসাদী, মুআবিয়া ইব্ন কুররাহ বসরী এবং যিরর ইব্ন হুবায়শ প্রমুখ (র)।

৭৯ হিজরী সন

এই সনে সিরিয়াতে মহামারীর পেগ রোগের আবির্ভাব ঘটে। এই রোগে প্রায় সকল সিরীয় নাগরিক শেষ হয়ে যাবার উপক্রম হয়েছিল। রোগাক্রান্ত হয়ে দুর্বল হয়ে পড়ায় এবং শুধু অল্প কয়েকজন লোক বেঁচে থাকায় এই সনে কোন সিরীয় নাগরিক কোন্যন্দের অংশ নেয়নি। রোমানদের একটি বিশাল বাহিনী যুদ্ধ করার উদ্দেশ্যে ইন্তাকিয়া অঞ্চলে এসে পৌছেছিল। ইন্তাকিয়ায় বহু লোককে তারা হতাহত করে। তারা জানত যে, রোগে আক্রান্ত হয়ে এরা দুর্বল হয়ে পড়েছে এবং যুদ্ধে অক্ষম হয়ে গিয়েছে।

এই সনে উবায়দুল্লাহ ইব্ন আবু বাকরা তুরস্ক অধিপতি রাতবীলের বিরুদ্ধে যুদ্ধ পরিচালনা করেন। তিনি তুর্কী নগরগুলোর ব্যাপক ক্ষতিসাধন করেন। এরপর তুর্কিগণ বার্ষিক নির্দিষ্ট হারে কর পরিশোধের শর্তে সক্ষি সম্পাদন করে।

এই সনে খ্লীফা আবদুল মালিক ভগুনবী হারিছ ইব্ন সাঈদ মুতানাবীকে হত্যা করেন। তার নাম ছিল হারিছ ইব্ন আবদুর রহমান ইব্ন সাঈদ দামেকী। সে ছিল আবু জালাস আবদারীর ত্রীতদাস। কেউ বলেছেন, হাকাম ইব্ন মারওয়ানের ত্রীতদাস, মূলতঃ সে ছিল জাওলা অঞ্চলের লোক। সে দামেকে এসে বসতি স্থাপন করেছিল। সেখানে থাকা অবস্থায় সে খুবই ইবাদত বন্দেগী করত। দুনিয়া বিমুখ-সংসার বিবাগী হয়ে পরহেয়গারী দেখাত। এক পর্যায়ে সে চক্রান্তে জড়িয়ে পড়ে এবং প্রতারণার আশ্রয় নেয়। মুরতাদ হয়ে যায়, আল্লাহর কিছু আয়াতের অর্থ বিকৃত করে ছেড়ে দেয়। সফলকাম ঈমানদারদের দল পরিত্যাগ করে। শয়তানের অনুসরণ করতঃ গোমরাহ ও পথভ্রষ্টদের দলভুক্ত হয়। শয়তান তার ঘাড়ে আঘাত করতে থাকে এবং তার দুনিয়া ও আখিরাত নষ্ট করে দেয়। তাকে লাঞ্ছিত-লজ্জিত ও দুর্ভাগ্য করে ছাড়ে। আমরা আল্লাহকে অধীন, আল্লাহই আমাদের জন্যে যথেষ্ট। মহান আল্লাহর দেয়া শক্তি ও সামর্থ্য ব্যতীত কোন শক্তি সামর্থ্য নেই। আবু বকর ইব্ন আবু খায়ছামাহ আবদুল ওয়াহাবী আবদুর রহমান ইব্ন হাসসান থেকে বর্ণনা করেন যে, তিনি বলেছেন, ভগুনবী মিথ্যাচারী-হারিছ ছিল দামেশকের অধিবাসী। সে আবু জালাসের ত্রীতদাস ছিল। জাওলাহ অঞ্চলে তার পিতা বসবাস করত। একপর্যায়ে সে ইবলীসের খপ্পরে পড়ে। মূলতঃ সে একজন ইবাদতকারী মুস্তাকী পরহেয়গার লোক ছিল। সোনালী জুবু পরিধান করলেও তার মধ্যে তাকওয়া ও পরহেয়গারীর চিহ্ন ফুটে উঠে। সে যখন মহান আল্লাহর প্রশংসা শুরু করত তখন শ্রোতাদের মনে হত যে, মহান আল্লাহর এত সুন্দর প্রশংসা-ভাষ্য তারা জীবনে কোনদিন শুনেনি। তার ভাষা ছিল খুবই সুন্দরও শ্রতিমূরু।

এক পর্যায়ে জাওলা অঞ্চলে অবস্থানকারী তার পিতাকে সে লিখল যে, বাবা, আপনি তাড়াতাড়ি আমার নিকট এসে পড়ুন। কারণ, আমি এমন কিছু দেখতে পাই যাতে আমি আশংকা করছি যে, শয়তান আমার পিছু নিয়েছে। বর্ণনাকারী বলেন, তারপর তার পিতা তার গোমরাহীর উপর আরো গোমরাহী বৃদ্ধি করে দেয়। তার পিতা তাকে লিখে পাঠাল যে, বৎস!

তোমাকে যা আদেশ করা হচ্ছে শুধু সেগুলো পালন কর। কারণ, আল্লাহ্ তা'আলা বলেছেন : 'هَلْ أُنِّيَّكُمْ عَلَى مَنْ تَنَزَّلُ الشَّيَاطِينُ تَنَزَّلُ عَلَى كُلِّ أَفَّاكِ' তোমাদেরকে কি আমি জানাব কার উপর শয়তানগণ অবর্তীর্ণ হয় ? ওরাতো অবর্তীর্ণ হয় প্রত্যেক ঘোর মিথ্যাবাদী ও পাপীর নিকট' (শুআরা : ২৬ ২২১,২২২)। তুমি তো মিথ্যাবাদীও নও পাপাচারীও নও। সুতরাং তোমাকে যা আদেশ করা হয় তা তুমি পালন করে যেও। এরপর থেকে সে মসজিদের মুসল্লীদের নিকট আসত। প্রত্যেকের সাথে ব্যক্তিগত আলাপ করত। এবং তার পক্ষে ও অনুকূলে কিছু দেখলে তা পালনের জন্যে লোকজন থেকে অঙ্গীকার নিত। আর বিপক্ষে কিছু দেখলে সেটি গোপন করে রাখার অঙ্গীকার নিত।

বর্ণনাকারী বলেন, সে লোকজনকে অন্তৃত ও আশ্চর্যজনক কিছু বিষয় দেখাত। সে মসজিদে স্থাপিত মর্মর পাথরের নিকট আসত। নিজ হাতে সেটির মধ্যে ছিদ্র করত। তারপর ওই পাথর উচ্চস্বরে ও সুন্দরভাবে তাসবীহ পাঠ করত। এত সুন্দরভাবে পাঠ করত যে, উপস্থিত জনগণের মধ্যে গুঞ্জন-গুঞ্জরণ সৃষ্টি হত।

আমি (গ্রন্থকারী) আমাদের শায়খ আল্লামা আবু আকবাস ইব্ন তায়মিয়া (র)-কে বলতে শুনেছি যে, ওই মিথ্যাচারী ভগু মসজিদের গম্বুজে স্থাপিত মর্মর পাথরের নিকট এসে সেটিতে ছিদ্র করত আর সেটি তখন তাসবীহ পাঠ শুরু করত। ওই ভঙ্গতো ধর্মহীন যিন্দীক ছিল।

ইব্ন আবু খায়ছামা তাঁর বর্ণনায় বলেছেন যে, ওই ভগু হারিছ তাঁদেরকে গ্রীষ্মকালে শীতকালীন ফলমূল এনে থেতে দিত। আর শীতকালে এনে দিত গ্রীষ্মকালের ফলমূল। সে তাদেরকে বলত, চল, আমার সাথে বাইরে আস আমি তোমাদেরকে ফেরেশতা দেখাব। সে ওদেরকে নিয়ে “আল-মারাক” বালি স্তুপের নিকট যেত এবং তাদেরকে দেখাত অশ্঵ারোহী কতক পুরুষ লোক। তার এই তেলেসমাতি দেখে বহু লোক তার ভক্ত ও অনুসারীতে পরিণত হয়। মসজিদে মসজিদে তার এই অলোকিকভূত কথা ছড়িয়ে পড়ে। তার ভক্ত ও অনুসারীর সংখ্যা বাঢ়তে থাকে। যেতে যেতে কাসিম ইব্ন মখুয়ামারা এর নিকট তার সংবাদ পৌছে। সে নিজে কাসিমের নিকট যায়, তার কর্মকাণ্ডের কথা তার নিকট পেশ করে এবং প্রতিশ্রূতি নেয় যে, এটি যদি তাঁর পদস্থ হয় তাহলে তিনি এটি গ্রহণ করবেন, আর যদি এসব কাসিমের অপসন্দ হয় তবে সেটি তিনি গোপন রাখবেন। হারিছ বলেছিল, আমি নবী। কাসিম বললেন, হে আল্লাহর দুশমন, তুই তো মিথ্যাবাদী তুই নবী নস। অন্য বর্ণনায় এসেছে যে, কাসিম তাকে বলেছিলেন তুই বরং ওইসব মিথ্যাবাদী দাঙ্গালদের একজন। যাদের কথা রাসূলুল্লাহ্ (সা) বলে গিয়েছেন। রাসূলুল্লাহ্ (সা) বলেছেন : **إِنَّ السَّاعَةَ لَا تَقُومُ حَتَّى يَخْرُجَ ثَلَاثُونَ دَجَالُونَ** (ততক্ষণ পর্যন্ত কিয়ামত অনুষ্ঠিত হবেনা যতক্ষণ পর্যন্ত ৩০ জন মিথ্যাবাদী দাঙ্গাল বের না হবে। ওদের প্রত্যেকেই দাবী করবে যে সে নবী)। ওহে পাপিষ্ঠ তুই তো ওই ত্রিশজনের একজন। তোর সাথে কোন অঙ্গীকার-প্রতিশ্রূতি ও সমরোতা নেই।

কাসিম সেখান থেকে বেরিয়ে গেলেন। তিনি গেলেন আবু ইদরীসের নিকট। আবু ইদরীস তখন দামেশকের কাষী। হারিছের বিষয়টি তিনি আবু ইদরীসকে জানালেন। আবু ইদরীস বললেন, আমরা তো তাকে চিনি। এরপর আবু ইদরীস বিষয়টি খলীফা আবদুল মালিককে অবহিত করলেন।

অন্য বর্ণনায় এসেছে যে, মাকতুল এবং আবদুল্লাহ্ ইব্ন আবু যাইদা হারিছের নিকট গিয়েছিলেন। সে তাঁদেরকে তার নবুওয়াত মেনে নেয়ার আহ্বান জানায়। তাঁরা তাকে

মিথ্যাবাদী আখ্যায়িত করেন এবং তার দাবী প্রত্যাখ্যান করেন। এরপর তাঁরা দুজনেই খলীফা আবদুল মালিক ইব্ন মারওয়ানের নিকট গমন করেন এবং হারিছের ভণ্ডামীর কথা তাঁকে জানান। খলীফা আবদুল মালিক অবিলম্বে তাকে খলীফার দরবারে উপস্থিত হবার নির্দেশ জারি করেন।

হারিছ পালিয়ে যায়। গোপনে সে বায়তুল মুকাদ্দাস এলাকায় চলে যায় এবং গোপনে মানুষকে তার মতাদর্শের দিকে আহ্বান করতে থাকে। কিন্তু খলীফা তার বিষয়টিকে অত্যন্ত গুরুতর বলে বিবেচনা করেন এবং নিজে নাসিরিয়াহ নগরীর দিকে যাত্রা করেন। তিনি সেখানে গিয়ে অবস্থান নেন। নাসিরিয়াহ অঞ্চলের এক লোক খলীফার সাথে সাক্ষাত করে। লোকটি হারিছের নিকট যাতায়াত করত। হারিছ তখন বায়তুল মুকাদ্দাস এলাকায় অবস্থান করছিল। খলীফা প্রতারক হারিছের অবস্থান জানতে চান। লোকটি হারিছের অবস্থান সম্পর্কে খলীফাকে অবহিত করে। সে খলীফাকে অনুরোধ করে তার সাথে একদল তুর্কী সৈন্য পাঠাতে, যাতে ওদেরকে নিয়ে সে হারিছকে ঘিরে ফেলতে পারে এবং ধরে আনতে পারে। তিনি তার সাথে একদল সৈন্য পাঠালেন। এবং বায়তুল মুকাদ্দাসের উপ-প্রশাসককে নির্দেশ দিলেন এই লোকটির আনুগত্য করতে এবং তার কথামত কাজ করতে। লোকটি তার সাথী সৈন্যদেরকে নিয়ে বায়তুল মুকাদ্দাসের নাসিরিয়াহ অঞ্চলে গিয়ে পৌছিল। বায়তুল মুকাদ্দাস এলাকার প্রশাসক তার খিদমতে হায়ির হল। লোকটি তাকে যত পারা যায় মোমবাতি সংগ্রহ করার জন্যে নির্দেশ দিল এবং সংশ্লিষ্ট সকল ব্যক্তির হাতে একটি করে মোমবাতি প্রদান করার জন্যে, সে সকলকে নির্দেশ দিল যে, তার ইঙ্গিত পাওয়া মাত্র সকলে যেন রাতের অন্ধকারে সড়ক ও গলিপথে সর্বত্র মোমবাতি জুলিয়ে নেয়। যাতে হারিছ কোন প্রকারেই লুকিয়ে থাকতে না পারে।

নাসিরিয়াহ-এর লোকটি নিজে হারিছের আন্তর্নায় প্রবেশ করল। প্রহরীকে বলল, আমি নবীর সাথে দেখা করার অনুমতি চাই। প্রহরী বলল, এত রাতে অনুমতি দেয়া যাবে না। ভোর হলে দেখা যাবে। তখন নাসিরীয় লোকটি চীৎকার দিয়ে বলল, সকলে মোমবাতি জুলাও। অবিলম্বে সকলে মোমবাতি জুলিয়ে দিল। এখন চারিদিকে আলো আর আলো। রাত যেন দিনে পরিণত হল। নাসিরীয় লোকটি হারিছকে পাকড়াও করতে গেল, সে একটি গর্তে লুকিয়ে গেল তার সাঙ্গ পাঞ্জরা বলতে লাগল, হায় এই দুর্মিখেরা আল্লাহর নবীকে পাকড়াও করতে চায়। তাঁকে তো আসমানে ভুলে নেয়া হয়েছে। নাসিরীয় লোকটি মাটির গর্তে হাত ঢুকিয়ে দিল। সে হাতে হারিছের জামা-কাপড়ের নাগাল পেল। সে প্রচণ্ড শক্তিতে জামা ধরে টান দিল। টেনে হারিছকে বের করে আনল। সে সাথী তুর্কী সৈনিকদেরকে বলল, এবার তোমরা একে বন্দী কর। তারা তাকে শিকলে বেঁধে ফেলল। কথিত আছে যে, তার গলায় আটকানো শিকল একাধিকবার গলা থেকে খসে পড়ে গিয়েছিল। তারা বার বার সেটি আটকে দিয়েছিল। প্রতারক হারিছ তখন বলছিল : قُلْ أَنْ ضَلَّتْ فَانَّمَا أَضَلُّ عَلَى نَفْسِيْ وَأَنْ اهْنَدِيْتُ فَبِمَا : وَأَنْ يُوْحِيَ إِلَيْ رَبِّيْ أَنَّ سَمِيعَ قَرِيبٌ
এবং যদি আমি সৎপথে থাকি তবে তা এ জন্যে যে, আমার প্রতি আমার প্রতিপালক ওই প্রেরণ করেন। তিনি সর্বশ্রোতা, সন্নিকট। (সাবা -৩৪ : ৫০)।

হারিছ তাকে প্রেঙ্গারকারী তুর্কী সৈন্যদেরকে উদ্দেশ্য করে বলল : أَتَفْتَلُونَ رَجُلًا أَنْ يَقُولَ تَوْمَرَا كِيْ إِنْ رَبِّيْ اللَّهُ

প্রতিপালক আল্লাহ । (মু'মিন -৪০ : ২৮) । উভরে সৈন্যগণ তাদের স্থানীয় ভাষায় বলেছিল, এসব তো আমাদের কুরআনের আয়াত, তোমার কুরআনের আয়াত বল দেখি ।

তারা হারিছকে নিয়ে খলীফা আবদুল মালিকের নিকট গেল । তিনি শুলিতে চড়িয়ে তাকে হত্যা করার আদেশ দেন । এক লোককে নির্দেশ দেন তাকে বর্ণার আঘাত করার । সে তাকে আঘাত করল । কিন্তু আঘাত গিয়ে লাগল হারিছের পাঁজরে । খলীফা জল্লাদকে জিজেস করলেন, তোমার জন্য আফসোস ! তুমি কি আঘাত করার সময় বিসমিল্লাহ পড়েছ ? সে বলল, না, আমি ভুলে গিয়েছিলাম । খলীফা বললেন, বিসমিল্লাহ পড়ে আঘাত করবে । সে বিসমিল্লাহ পড়ে নিল এবং তারপর বর্ণার আঘাত করল । আঘাতে তার শরীর এ ফোঁড় ও ফোঁড় হয়ে গেল এবং সে মারা গেল ।

অবশ্য খলীফা আবদুল মালিক তাকে শুলিতে চড়ানোর পূর্বে আটক করে রেখেছিলেন এবং কতক শুলীজন ও জননী ব্যক্তিকে বলেছিলেন, ওকে বুঝাতে-উপদেশ দিতে । যাতে সে মিথ্যা দাবী থেকে ফিরে আসে এবং এটা উপলক্ষ করে যে, তার পেছনে যে রয়েছে সে শয়তান-ইবলীস । তারা তাকে বুঝিয়েছিলেন । কিন্তু সে তাদের কথা মেনে নিতে অঙ্গীকৃতি জানায় । পরবর্তীতে তাকে শুলিতে চড়ানো হয় । এটা হল পূর্ণ ন্যায়পরায়ণতা, ইনসাফ ও ধর্মীয় বিধান ।

ওয়ালীদ ইব্ন মুসলিম ইব্ন জাবির আলা ইব্ন যিয়াদ থেকে বর্ণনা করেন যে, তিনি বলেছেন, খলীফা আবদুল মালিকের রাজ্য শাসনের কোন দিক নিয়েই আমি ঈর্ষাবিত নই । শুধু একটি বিষয়ে তাঁর প্রতি আমার ঈর্ষা রয়েছে তা হল তিনি প্রতারক হারিছকে হত্যা করেছেন । রাসূলুল্লাহ (সা) বলেছেন :

لَا تَقُومُ السَّاعَةُ حَتَّىٰ يَخْرُجَ ثَلَاثُونَ كَذَابُونَ كُلُّهُمْ يَزْعُمُ أَنَّهُ نَبِيٌّ
فَمَنْ قَاتَلَهُ فَاقْتُلُوهُ وَمَنْ قَتَلَ أَحَدًا فَلَهُ الْجَنَّةُ ۔

“ততক্ষণ কিয়ামত অনুষ্ঠিত হবেনা যতক্ষণ না ৩০ জন মিথ্যাচারী দাঙ্গালের আবির্ভাব ঘটবে । ওদের প্রত্যেকেই দাবী করবে যে সে নবী । অতএব, যে ব্যক্তি এরপ দাবী করবে তোমরা তাদের হত্যা করবে । যে ওদের একজনকে হত্যা করতে পারবে সে জান্মাত পাবে ।”

ওয়ালীদ ইব্ন মুসলিম বলেছেন, আমি জানতে পেরেছি যে, খালিদ ইব্ন ইয়ায়ীদ ইব্ন মুআবিয়া আবদুল মালিককে বলেছিল যে, ওই মুহূর্তে আমি উপস্থিত থাকলে হারিছকে হত্যার কথা আমি আপনাকে বলতাম না, আবদুর মালিক বললেন, কেন ? সে বলল, তার মন-মগজ থেকে ওই কুচিস্তা দ্রু করার পথ ছিল যে । আপনি যদি ওকে উপোষ রাখতেন তাহলে সহজেই তার মাথা থেকে ওই ভূত নেমে যেত । মন-মগজ থেকে ওই কুচিস্তা দ্রু হয়ে যেত ।

ওয়ালীদ বলেছেন মুনয়ির ইব্ন নাফিঃ থেকে তিনি বলেছেন যে, আমি খালিদ ইব্ন জাল্লাহকে শুনেছি তিনি গায়লানকে বলেছিলেন । এরপর তুমি হারিছের অনুসারী বনে গেলে । তার স্ত্রীর সাথে পর্দা করতে এবং এই ধারণা পোষণ করতে যে, তার স্ত্রী মু'মিনদের মা স্বরূপ । এরপর তুমি হয়ে গেলে কদরিয়াহ মায়হাবের অনুসারী যিন্দীক-বিধর্মী ।

এই সনে উবায়দুল্লাহ ইব্ন আবু বকরা তুর্কী সম্রাট রাত্তীবীলের বিরুদ্ধে যুদ্ধ করে, তুর্কীরা কখনো মুসলমানদের সাথে আপোষব্যূলক আচরণ করছিল আবার কখনো শক্রতামূলক আচরণ করত । এক পর্যায়ে শাসনকর্তা হাজ্জাজ সেনাপতি ইব্ন আবু বাকরাকে লিখিত নির্দেশ দিলেন- তাঁর সাথী মুসলমানদেরকে নিয়ে রাতবীলের বিরুদ্ধে অভিযান পরিচালনা করতে । তিনি এ

নির্দেশ দেন যে, রাতবীলের শাসনাধীন অঞ্চলে লুটতরাজ চালাতে হবে। ওদের দুর্গ ও সেনা ছাউনি ধ্বংস করতে হবে এবং তাদের যুদ্ধক্ষম ব্যক্তিদেরকে হত্যা করতে হবে। নির্দেশক্রমে সেনাপতি উবায়দুল্লাহ ইব্ন আবু বকরা কৃষ্ণী ও বসরী বহু সৈন্যের এক বিশাল বাহিনী নিয়ে নিজ দেশ থেকে বের হল রাতবীলের বিরুদ্ধে যুদ্ধ করার জন্যে। সেনাপতি উবায়দুল্লাহ তৃকী সন্দ্রাট রাতবীলের মুখোমুখি হলেন। তার রাজ্যের বিভিন্ন অঞ্চল লুটে পুটে বিনষ্ট করে দিলেন। প্রচণ্ড আক্রমণে তার শক্তি সামর্থ্য ধূলিসাং করে দিলেন। বীর বিক্রমে মুসলিম সৈন্য রাতবীলের রাজ্যে প্রবেশ করল। তারা তার বহু শহর নগর ও জনপদ দখল করে মিল, সেখানে তারা ব্যাপক ধ্বংসযজ্ঞ চালাল। সন্দ্রাট রাতবীল আক্রমণ সামলাতে না পেরে পেছনে সরে গেল। সে অনবরত পেছনে সরে যেতে লাগল। সে তাদের প্রধান শহরের কাছাকাছি গিয়ে পৌছল। এমনকি তাদের অবস্থান তখন শহর থেকে মাত্র ১৮ ফারসাখ (৫৪ মাইল) দূরে। মুসলমানদের ভয়ে তৃকীরা ভীত সন্তুষ্ট হয়ে পড়ল। হঠাৎ পরিস্থিতির মোড় ঘুরে গেল। তৃকীরা মুসলমানদের সামনে পেছনে সকল রাস্তা বন্ধ করে দিল। তাদের যাতায়াত সংকটজনক করে দিল। এ মুহূর্তে সকল মুসলমান ধরে নিল যে, মৃত্যু তাদের জন্যে অনিবার্য হয়ে পড়েছে। এ পরিস্থিতিতে মুসলিম সেনাপতি উবায়দুল্লাহ রাতবীলের প্রতি সঞ্চি স্থাপনের প্রস্তাব দিলেন। তার প্রস্তাব ছিল যে, রাতবীলকে তারা ৭ লক্ষ দিরহাম পরিশোধ করবে এবং মুসলমানদের বের হবার পথ খুলে দিবে। সে পথে মুসলমানগণ বের হয়ে নিজ দেশে ফিরে যাবে।

কিন্তু এই মুহূর্তে শুরায়হ ইব্ন হানী (রা) মুসলমানদেরকে আপোষ মীমাংসা প্রত্যাখ্যান করে যুক্তে অংশগ্রহণের আহ্বান জানালেন। তিনি ছিলেন একজন সাহাবী এবং হযরত আলী (রা)-এর বয়োবৃন্দ সার্বী। তিনি তখন কৃষ্ণ সৈন্যদের সম্মুখভাগে অবস্থান করছিলেন। তাঁর আহ্বানে মুসলিম সেনিকগণ সাড়া দিল, তারা বীর বিক্রমে তীর নিক্ষেপ, তরবারি পরিচালনা এবং বর্ণ ছোঁড়ার মাধ্যমে তৃকী সেনিকদের উপর আক্রমণ চালাল। সেনাপতি উবায়দুল্লাহ সাহাবী শুরায়হ ইব্ন হানী (রা)-কে এই যুদ্ধ পরিচালনায় বারণ করেছিলেন; কিন্তু তিনি বিরত থাকেননি। বীর-সাহসী ও আত্মবিশ্বাসী কতক লোক তাঁর সাথে যুদ্ধ করতে প্রস্তুত হন। তাদের সাথে হযরত শুরায়হ ইব্ন হানী (রা) তৃকীদের বিরুদ্ধে লড়াই করতে লাগলেন। অবশেষে অধিকাংশ মুসলমান নিহত হল। মহান আল্লাহ তাদের প্রতি সন্তুষ্ট হোন। কথিত আছে যে, হযরত শুরায়হ (রা) যুদ্ধ চলাকালে নিম্নলিখিত রণ-সঙ্গীত আবৃত্তি করেছিলেন-

أَصْبَحْتُ ذَائِبَّاً أَقَاسِيِ الْكِبَرَا * قَدْ عِشْتُ بَيْنَ الْمُشْرِكِينَ أَعْصَرَا

আমি এখন দুঃখ ভারাক্রান্ত হয়ে পড়েছি। বার্ধক্যের কষ্ট ভোগ করছি। আমি তো মুশারিকদের সমাজে বহুকাল অতিবাহিত করেছি।

لَمْ أَدْرَكْتُ النَّبِيَّ الْمُنْذِرَا * وَبَعْدَهُ صَدِيقَةٍ وَعُمَراً

আমি রাসূলুল্লাহ (সা)-এর যুগ পেয়েছি। তাঁরপরে সিদ্দিক-ই-আকবর (রা) এবং হযরত উমারের (রা) শাসনকালও পেয়েছি।

وَيَوْمَ مِهْرَانَ وَيَوْمَ تَسْتِرَا * وَالْجَمْعُ فِي صِيَنِّهِمْ وَالثَّهْرَا

আমি মেহরানের যুদ্ধে অংশ নিয়েছি। তুসতরের যুদ্ধেও ছিলাম। সিফ্ফীন এবং নাহরাওয়ানের যুদ্ধেও আমি শরীক ছিলাম।

هَيْهَاتٍ مَا أَطْوَلَ هَذَا عُمُراً

হায়, এই জীবন কতোই না দীর্ঘ!

এরপর তিনি যুদ্ধ শুরু করলেন এবং শহীদ হলেন। মহান আল্লাহু তাঁর প্রতি সন্তুষ্ট হোন।

তাঁর বহু সাথী ওই যুদ্ধে মারা গিয়েছে। এরপর যারা বের হতে চেয়েছে তারা উবায়দুল্লাহু ইব্ন আবু বাকরা এর সাথে রাতবীলের এলাকা থেকে বেরিয়ে আসে। এদের সংখ্যা ছিল খুব কম। এই পরাজয়ের সংবাদ হাজারের নিকট পৌছে যায়। সে ভাল মন্দ সব মেনে নেয়। এবং খলীফা আবদুল মালিককে তা অবহিত করে। এ প্রসঙ্গে বৃত্তবীলের বিরুদ্ধে নতুন অভিযান প্রেরণ করার বিষয় পরামর্শ চায়, হাজারের নিকট চিঠি যখন খলীফা আবদুল মালিকের নিকট পৌছে তখন তিনি হাজারের সাথে একমত্য পোষণ করে সেনা প্রেরণের নির্দেশ দেন, এবং খুব তাড়াতাড়ি অভিযান পরিচালনার আদেশ দেন। হাজারের নিকট চিঠি পৌছার পর অবিলম্বে হাজার্জ সৈন্য সমাবেশ করতে থাকে। সে বহু সৈন্যের এক বিশাল যোদ্ধা দল গঠন করে। পরবর্তী বৎসরের আলোচনায় আমরা এটি বিস্তারিতভাবে উল্লেখ করব।

কেউ কেউ বলেছেন, রাতবীলের বিরুদ্ধে এই যুদ্ধে হ্যারত শুরায়হ ইব্ন হানী (রা)-এর সাথে প্রায় ত্রিশ হাজার মুসলিম সৈনিক নিহত হয়। সে মুহূর্তে একটি ঝটি বিক্রি হয়েছিল এক দীনারে। মুসলিম যোদ্ধাগণ ভীষণ কষ্ট ভোগ করেছে। তাদের বহু লোক অনাহারে মারা গেছে। ইন্না লিল্লাহি ওয়া ইন্না ইলায়হি রাজিউন। অবশ্য মুসলমানগণ বহু তুর্কী সৈন্যকে হত্যা করেছিল। ওই যুদ্ধে মুসলমানদের দ্বিগুণ তুর্কী সৈন্য নিহত হয়েছিল।

কথিত আছে যে, এই সনে বিচারপতি কার্যী শুরায়হ উক্ত পদে ইস্তিফা দিয়েছিলেন। হাজার্জ তাঁর ইস্তিফা গ্রহণ করে তাঁকে ওই পদ থেকে অব্যাহতি প্রদান করে। ওই পদে আবু বুরদাহ ইব্ন আবু মূসা আশআরীকে নিয়োগ দেওয়া হয়, গত সনে অর্থাৎ ৭৮ হিজরী সনের আলোচনায় বিচারপতি শুরায়হ এর জীবনী উল্লেখ করা হয়েছে। আল্লাহই ভাল জানেন।

ওয়াকিদী, আবু মাশার ও অন্যান্য ইতিহাসবিদ বলেছেন যে, এই সনে হজ্জে নেতৃত্ব দিয়েছেন আবান ইব্ন উছমান (রা)। তিনি তখন মদীনা শরীফের শাসনকর্তা। খারজী নেতা, আবু নুআমাহ কাতারী ইব্ন ফুজাতা তামীরী এই সনে নিহত হয়, সে একজন সুপ্রসিদ্ধ সাহসী, বীর ও সুপ্রসূত ছিল। কথিত আছে যে, সে ২০ বৎসর যাবত এমন ছিল যে, তার ভক্ত ও অনুসারীগণ তাকে খলীফা জ্ঞানে সালাম দিত। হাজারের নিযুক্ত সেনাপতি মুহাম্মাবের সৈন্যদের সাথে তার বহু যুদ্ধ বিগ্রহ হয়। এই বিষয়ে কিছু আলোচনা আমরা ইতোপূর্বে উল্লেখ করেছি।

তার আবির্ভাব ঘটেছিল হ্যারত মুসআব ইব্ন যুবায়রের (রা) সময়ে। সে বহু রাজ্য ও সেনাছাউনি দখল করে নিয়েছিল। তার এ সকল ঘটনা ইতিহাসে উল্লেখযোগ্য স্থান পেয়েছে। এক পর্যায়ে বিশাল এক সেনাদল প্রেরণ করা হয়েছিল তাকে শায়েস্তা করার জন্যে। কিন্তু সে ওই সেনাদলকে পরাজিত করে।

কথিত আছে যে, একদিন এক হারুরী লোক কাতারীর উপর আক্রমণ করার জন্যে এগিয়ে যায়, কাতারী তখন একটি দুর্বল ঘোড়ার পিঠে উপবিষ্ট। তার হাতে ছিল লোহার একটি রড, হারুরী লোকটি কাতারীর কাছাকাছি গিয়ে পৌছে। কাতারী তার মুখের পর্দা সরিয়ে ফেলে। তার মুখ দেখেই হারুরী তয়ে দৌড়াতে থাকে, পালাতে থাকে। কাতারী ডেকে ডেকে বলছিল, এহে যাচ্ছ কোথায়? শুধু মুখ দেখেই মার-পিট আঘাতের স্বাদ না নিয়েই দৌড়াচ্ছ, লজ্জা করছে না? উত্তরে ওই লোক বলছিল, আপনার মত লোক দেখে পালানোতে কেউ লজ্জাবোধ করবে না।

শেষ পর্যায়ে সুফয়ান ইবন আবরাদ কালবী একটি সেনাবহর নিয়ে কাতারীর মুকাবিলা করার জন্যে গমন করে, তাবারিন্তানে উভয় দলের মধ্যে সংঘর্ষ হয়, কাতারীকে নিয়ে তার ঘোড়া পায়ে হোচ্ট খায়। ঘোড়ার পা পিছলে যায়। কাতারী ঘোড়ার পিঠ থেকে মাটিতে পড়ে যায়। অবিলম্বে হাজ্জাজ বাহিনী কাতারীকে সম্মিলিত আঘাত করে। তারা তাকে হত্যা করে, তার মাথা হাজ্জাজের নিকট পাঠিয়ে দেয়। কেউ বলেছেন যে, যে ব্যক্তি কাতারীকে হত্যা করেছিল তার নাম সাওদাহ ইবন হুরর দারামী। কাতারী একই সাথে সাহসী যোদ্ধা, আরব বাগী, স্পষ্ট ভাষী ও ভাল কবি ছিল। তার উচ্চমানের কবিতার একটি এই :

أَقُولُ لَهَا وَقْدٌ طَارَتْ شُعَاعًا * مِنْ الْأَبْطَالِ وَيَحْكِ لَنْ تَرَاعِيْ

আমি আমার আত্মাকে বললাম, শক্রপক্ষীয় বীরদের ভয়ে সে দিশেহারা হয়ে পড়েছিল, ধুস্তুরী ভয় পেয়ো না।

فَإِنَّكَ لَوْ طَلَبْتِ بَقَاءً يَوْمٍ * عَلَى الْأَجَلِ الَّذِي لَكِ لَمْ تُطَاعِيْ

তোমার নির্ধারিত আয়ুর উপর যদি একদিনও বেশী তুমি থাকতে চাও, তোমাকে তা দেয়া হবে না।

فَصَبِرْأَا فِيْ مَجَالِ الْمَوْتِ صَبَرْأَا * فَمَا نَيْلُ الْخُلُودِ بِمُسْتَطَاعِيْ

সুতরাং মৃত্যু-বাঙ্গার মধ্যে তোমাকে ধৈর্যধারণ করতে হবে, শুধুই ধৈর্যধারণ, কারণ, চিরস্থায়িত্ব তুমি তো পাবে না।

وَلَا تُثْوِبُ الْحَيَاةَ بِثُوْبِ عِزٍْ * فَيُطْوِيْ عَنْ أَخْرَ الْخَنْعَ وَالْيَرْعَيْ

এবং ইথ্যতের জামা দিয়ে জীবনের জামা পাওয়া যায় না। যে কাপুরষ ও লাঞ্ছিত জন থেকে ওই জামা গুটিয়ে নেয়া হবে।

سَبِيلُ الْمَوْتِ غَایَةُ كُلِّ حَيٍْ * وَدَاعِيْهِ لَا صِلْ الْأَرْضِ دَاعِيْ

মৃত্যুর পথই সকল জীবের চূড়ান্ত সীমা। সুতরাং পৃথিবীবাসীকে মৃত্যুর দিকে আহ্বান কারী-ই হলো প্রকৃত আহ্বানকারী।

فَمَنْ لَا يَعْتَبِطْ يَسْأَمْ وَيَهْرَمْ * وَتَسْلِمُهُ الْمَنْوْنُ إِلَى اِنْقِطَاعِيْ

যে ব্যক্তির কোন দুর্ঘটনায় মৃত্যু হবে না, সে বৃদ্ধ হবে- জীবনের প্রতি বিরক্ত হয়ে পড়বে। এবং স্বাভাবিক মৃত্যু তাকে বিছেদের হাতে সোপর্দ করবে।

وَمَا لِلْمَرءِ خَيْرٌ فِيْ حَيَاةٍ * إِذَا مَاعَدَ مِنْ سَقْطِ الْمَتَاعِيْ

মানুষের জীবন যদি জড় পদার্থের ন্যায় স্থবির হয়ে পড়ে, তবে সেই জীবনে কোন কল্যাণ নেই। উল্লেখ্য যে, দিওয়ান-ই-হাস্মাসা-এর গ্রন্থকার এই কবিতা উন্নত করেছেন এবং ইবন খালিকান এটিকে খুব সুন্দর কবিতা বলে মন্তব্য করেছেন।

৭৯ হিজরী সনে যাঁদের ওফাত হয়

উবায়দুল্লাহ্ ইব্ন আবু বাকরা এই সনে ইন্তিকাল করেন। তুর্কী সম্রাট রাতবীলের বিরুদ্ধে প্রেরিত সেনা অভিযানে তিনি সেনাপতির দায়িত্ব পালন করেছিলেন। ওই অভিযানে শুরায়হ ইব্ন হামী (রা)-এর অনুকরণে বহু মুসলিম সৈন্য নিহত হয়। এটি পূর্বে আলোচিত হয়েছে।

বলা হয়ে থাকে যে, উবায়দুল্লাহ্ ইব্ন আবু বকরা একদিন হাজ্জাজের সাথে দেখা করতে গিয়েছিলেন। তাঁর হাতে ছিল একটি সীলমোহর। হাজ্জাজ বলল, এই সীলমোহর দিয়ে কতটি সীল মেরেছেন? উবায়দুল্লাহ্ বললেন, ৪ কোটি দীনারে সীল মেরেছি। হাজ্জাজ বলল, ওই মুদ্রাগুলো কোন কাজে ব্যয় করেছেন? তিনি বললেন, ভাল কাজে, বিপদগ্রস্তদের সাহায্যে, সদাচরণকারীদের প্রতিদানে এবং অসহায়দের বিবাহ দানে।

কেউ কেউ বলেছেন যে, একদিন উবায়দুল্লাহ্ প্রচণ্ড পিপাসার্ত হয়ে পড়েন। তখন এক স্ত্রীলোক তাঁকে এক কলসী ঠাণ্ডা পানি বের করে দেয়। এতে খুশী হয়ে তিনি স্ত্রীলোকটিকে ৩০ হাজার দিরহাম পুরস্কার প্রদান করেন।

কথিত আছে যে, একদিন কেউ একজন এক মজলিসে তাঁকে একটি সেবক ও একটি সেবিকা উপহার দেয়। ওই মজলিসে তাঁর অনেক ভক্ত-অনুরাগী উপস্থিত ছিল। তাঁর জন্মের সাথীকে ডেকে বললেন, এই সেবক-সেবিকা তুমি নিয়ে যাও। এরপর তিনি তেবে দেখলেন এবং মনে মনে বললেন, হায় আল্লাহহ, সভার সদস্যদের মধ্য থেকে একজনকে অন্যজনের উপর অগ্রাধিকার দেওয়া তো জর্ম্য কৃপণতা এবং নিকৃষ্ট অভদ্রতা। এরপর তিনি তাঁর খাদেমকে বললেন, উপস্থিত প্রত্যেক সদস্যকে একটি সেবক ও একটি সেবিকা দিয়ে দাও। পরে হিসেব করে দেখা গেল যে, মোট ৮০টি সেবক ও ৮০টি সেবিকা সেদিন সদস্যদের মাঝে বিতরণ করা হয়েছে।

উবায়দুল্লাহ্ ইব্ন আবু বকরা “বুস্তা” নামক স্থানে ইন্তিকাল করেন। কেউ বলেছেন, তাঁর ওফাত হয়েছে ‘যারাখ’ নামক স্থানে। মহান আল্লাহই ভাল জানেন।

৮০ হিজরী সন

এই সনে মক্কা শরীফে সর্বনাশ বন্যা ও প্লাবণ হয়। বন্যার পানি যতটুকু পৌছে তাতে যা কিছু পায় তার সব কিছুই ভাসিয়ে নিয়ে গিয়েছিল। এই সর্বগ্রাসী বন্যা উন্ট্রিপাল এবং সেগুলোর পিঠে রাখা মালামালসহ সেগুলোকে ভাসিয়ে নিয়ে গিয়েছিল। নারী-পুরুষ কেউই বন্যার হাত থেকে উটগুলোকে রক্ষা করতে পারেন। বন্যার পানি সে সময়ে হাজুন পর্যন্ত এসে পৌছেছিল। বহু মানুষ তখন বন্যার পানিতে ডুবে মারা যায়। কেউ কেউ বলেছেন যে, ওই বন্যার পানি এত বেশী বৃদ্ধি পেয়েছিল যে, বায়তুল্লাহ্ শরীফ তথা কাবা গৃহকে ডুবিয়ে দেয়ার উপক্রম হয়েছিল। আল্লাহই ভাল জানেন।

ইব্ন জারীর ওয়াকিদী সূত্রে বর্ণনা করেন যে, তিনি বলেছেন, এই বছর বসরাতে প্লেগ রোগের প্রাদুর্ভাব ঘটেছিল। তবে প্রসিদ্ধ অভিমত এই যে, বসরাতে মহামারীরপে প্লেগ রোগের প্রাদুর্ভাব ঘটেছিল ৬৯ হিজরী সনে। এই সনে সেনাপতি মুহাম্মাদ একটি খাল খনন করেছিলেন এবং দীর্ঘ দুর্বস্থ তুর্কীদের মুকাবিলায় কাশ্শ নামক স্থানে অবস্থান করেছিলেন। এ সময়ে তুর্কীদের সাথে বহু সংঘর্ষ হয়েছে, যা উল্লেখ করলে বর্ণনা অনেক দীর্ঘ হয়ে যাবে।

এই মেয়াদের মাঝামাঝি সময়ে মুহাল্লাবের নিকট ইব্ন আশআছের একটি চিঠি এসে পৌছে। তার বিষয়বস্তু এই ছিল যে, ইব্ন আশআদ তাঁকে শাসনকর্তা হাজার্জের আনুগত্য ত্যাগ করার কথা ব্যক্ত করেন। মুহাল্লাব ওই চিঠি যেমন ছিল তেমন হাজার্জের নিকট পাঠিয়ে দেন। হাজার্জ চিঠি পাঠ করে। এই প্রেক্ষাপটে হাজার্জ ও ইব্ন আশআদের মধ্যে যে যুদ্ধ সংঘটিত হয় তার বিবরণ পরবর্তীতে উল্লেখ করা হবে।

এই ৮০ সনে হাজার্জ কৃফা ও বসরার নাগরিক সমরয়ে এক বিশাল সেনাদল গঠন করে সেটিকে তৃর্কী স্ম্যাট রাতবীলের বিরুদ্ধে প্রেরণ করে। পূর্ববর্তী বৎসরে উবায়দুল্লাহ্ ইব্ন আবু বাকরার অধীনস্থ সেনা সদস্যদেরকে হত্যা করে রাতবীল যে ধৃষ্টতা দেখিয়েছিল তার প্রতিশোধ গ্রহণের জন্যে এই সেনাদল গঠন ও প্রেরণ করা হয়েছিল। এই সেনাদলে সর্বমোট ৪০,০০০ (চল্লিশ হাজার) সেনা সদস্য অন্তর্ভুক্ত করা হয়েছিল। তার মধ্যে ২০,০০০ কৃফার নাগরিক এবং ২০,০০০ বসরার নাগরিক। সম্মিলিত এই বাহিনীর প্রধান নিযুক্ত করা হয় আবদুর রহমান ইব্ন মুহাম্মদ ইব্ন আশআছকে। বস্তুতঃ হাজার্জ তাকে ভাল চোখে দেখত না, এমনকি হাজার্জ এই মন্তব্যও করেছিল যে, যখনই সে আমার নজরে পড়েছে তখনই আমার মনে তাকে হত্যা করার ইচ্ছা জেগেছে। একদিন ইব্ন আশআছ হাজার্জের নিকট উপস্থিত হলেন। সেখানে আমির শা'বী উপস্থিত ছিলেন। হাজার্জ তখন শা'বীকে বলেছিল, আমি তার চলার চং দেখছি, আল্লাহর কসম আমার মন চায় যে, আমি তাকে খুন করে ফেলি, আমির শা'বী কথাটি গোপনে ইব্ন আশআছকে জানিয়ে দেন। উভয়ের উব্ন আশআছ বলেন, আমি তার প্রতি ঘৃণা পোষণ করি, সময় সুযোগ পেলে আমি তাকে তার পদ থেকে সরিয়ে দিব।

মোদ্দাকথা, বহু পরিশ্রমের বিনিময়ে হাজার্জ এই যোদ্ধা দল গঠন করে এবং ব্যক্তিগতভাবে ওদের তদারকি করে। ওদের পেছনে বহু অর্থকড়ি ব্যয় করে। তাদেরকে প্রচুর ভাতা ও উপটোকন দেয়। তাদের সেনাপতি কাকে নিয়োগ করবে এ বিষয়ে তার ভিন্ন ভিন্ন অভিমত ছিল। শেষ পর্যন্ত ইব্নুল আশআছকে প্রধান সেনাপতি নিয়োগ করল। সে তাকে সবার সম্মুখে নিয়ে দাঁড় করাল। তার চাচা ইসমাইল ইব্ন আশআছ হাজার্জের নিকট এসে বলল, আপনি তো কাজটি ভাল করেননি। আমার তো মনে হয় সারাত সেতু পার হলেই আপনার নিযুক্ত সেনাপতি আপনার বিরুদ্ধে বিদ্রোহ করবে। হাজার্জ বলল, না, তেমনটি হবে না। সে তো আমার বক্সু। সে আমার বিরোধিতা করবে কিংবা আমার আনুগত্য ত্যাগ করবে এমন আশংকা আমি করি না। সে ইব্নুল আশআছকে সেনাপতি নিয়োগ করতঃ অভিযানে পাঠিয়ে দেয়।

ইব্নুল আশআছ সেনাদল নিয়ে রাতবীলের রাজ্যের দিকে যাত্রা করেন। বিশাল সেনাদল নিয়ে ইব্নুল আশআছের অভিযানের সংবাদ পেয়ে রাতবীল ভীষণভাবে ভয় পেয়ে যায়। সে পূর্ববর্তী বৎসরে তার দেশে মুসলমানদের দুঃখজনক পরিণামের জন্যে ক্ষমা প্রার্থনা ও দৃঢ়খ্য প্রকাশ করে। সে একথাও বলে যে, সে নিজেও এমন পরিস্থিতি কামনা করেননি। বরং মুসলমানরাই তাঁকে যুদ্ধের দিকে ঠেলে দিয়েছিল।

এই যাত্রায় রাতবীল ইব্নুল আশআছকে সঞ্চি-প্রস্তাব দিয়েছিল এবং মুসলমানদের নিকট খাজনা পরিশোধের দায় নেয়ার প্রস্তাব দিয়েছিল। ইব্নুল আশআছ এই প্রস্তাব গ্রহণ করেননি। রাতবীলের রাজ্যে প্রবেশ ও স্ট্রি দখল করার সিদ্ধান্ত নিলেন।

অগত্যা রাতবীল সৈন্য সমাবেশ ঘটাল এবং মুসলিম সৈন্যদের বিরুদ্ধে যুদ্ধ করার প্রস্তুতি নিল। ইব্নুল আশআছ বীর বিক্রমে গ্রাম-নগর, শহর-বন্দর ও সেনা ছাউনি দখল করে এগিয়ে

যাচ্ছিলেন। যখনই তিনি যে অঞ্চল দখল করেছেন সেখানে তাঁর পক্ষে একজন শাসক নিয়োগ করে যাচ্ছিলেন, আশংকাজনক স্থানে সেনাছাউনি স্থাপন করে আসছিলেন। এই যাত্রায় তিনি রাতবীলের শাসনাধীন বহু শহর নগর দখল করে নেন।

ওদের বহু লোককে তারা বন্দী করে আনেন। গনীমতের মাল হিসেবে বহু ধনসম্পদ হস্তগত করা হয়।

এরপর ইব্নুল আশআছ তাঁর লোকজনকে সম্মুখে অগ্রসর হতে বারণ করেন, বরং তিনি তাদেরকে নির্দেশ দেন যেন তারা বিজিত এলাকা সুন্দরভাবে আবাদ করে, সেখানকার ফলমূল ও শস্য ইত্যাদি ভোগ করে নিজেরা কিছুটা শক্তি সংরক্ষণ করে।

অতঃপর পরবর্তী বৎসরে পুনরায় শক্রের উপর আক্রমণ চালাবে। শহরের পর শহর নগর দখল করতে করতে পৌছে যাবে তাদের বড় শহরে। ঘেরাও করে ফেলবে রাতবীল ও তার সৈন্যদেরকে। হস্তগত করবে ওদের তাৎক্ষণ্য ধনসম্পদ এবং হত্যা করবে ওদের যুদ্ধক্ষম ব্যক্তিবর্গকে। এই ছিল ইব্নুল আশআছের আপাততঃ পরিকল্পনা ও কর্মসূচী।

সেনাপতি ইব্ন আশআছ এই পরিকল্পনার কথা লিখিতভাবে জানান শাসনকর্তা হাজাজকে। ইতোমধ্যে অর্জিত সাফল্য ও বিজয়ের কথাও তাকে অবগত করেন।

কেউ কেউ বলেন যে, হাজাজ ইতোমধ্যে হিময়ান ইব্ন আদী সাদূসীকে সশ্রদ্ধ অবস্থায় কিরমান প্রেরণ করে যাতে সে প্রয়োজনে সিজিঞ্চান ও সিঙ্গুর শাসনকর্তাদ্বয়কে সাহায্য করতে পারে। কিন্তু হিময়ান ও তার সাথীরা অবিলম্বে হাজাজের বিরুদ্ধে বিদ্রোহ ঘোষণা করে। ওদেরকে দমন করার জন্যে হাজাজ সেনাপতি ইব্ন আশআছকে প্রেরণ করে। তিনি হিময়ান ও তার সাথীদেরকে পরাজিত করেন। অতঃপর ইব্ন আশআছ ওখানেই অবস্থান করছিলেন; ইতোমধ্যে উবায়দুল্লাহ ইব্ন আবু বাকরা-এর ইন্তিকাল হয়। হাজাজ ইব্ন আশআছকে উবায়দুল্লাহ-এর স্থলে সিজিঞ্চানের শাসনকর্তা নিয়োগ করে। নিয়মিত ভাতার অতিরিক্ত দুলক্ষ দিরহাম ব্যয় করে। একটি সুসজ্জিত ও সুদৃঢ় সেনাদল গঠন করে হাজাজ তাদেরকে ইব্ন আশআছের নিকট পাঠায়। এই বাহিনী ময়ুর বাহিনী নামে পরিচিত। সে ইব্ন আশআছকে রাতবীলের বিরুদ্ধে অভিযান পরিচালনার নির্দেশ দেয়। ফলে ইব্ন আশআছ হাজাজের আনুগত্য ত্যাগ করা সংক্রান্ত চিঠি পাঠান সেনাপতি মুহাম্মাদের নিকট। ওয়াকিদী ও আবু মা'শার বর্ণনা করেন যে, এই সনে হজ্জে নেতৃত্ব দিয়েছেন আবান ইব্ন উছমান (রা)। অন্যরা বলেছেন, না, এই বৎসর বরং হজ্জে নেতৃত্ব দিয়েছেন সুলায়মান ইব্ন আবদুল মালিক। এই সনে সাইফা অঞ্চলের দায়িত্বে ছিলেন ওয়ালীদ ইব্ন আবদুল মালিক। মদীনা শরীফের শাসনকর্তা আবান ইব্ন উছমান (রা)। পূর্বাঞ্চলীয় সকল এলাকার শাসনকর্তা ছিল হাজাজ। কৃকার বিচারকের পদে আবু বুরদাহ ইব্ন আবু মুসা এবং বসরার বিচারকের পদে কর্মরত ছিলেন মুসা ইব্ন আনাস ইব্ন মালিক (রা)।

৮০ হিজরী সনে ওকাতপ্রাণ বিশিষ্ট ব্যক্তিবর্গ

হ্যরত উমারের (রা) আবাদকৃত দাস আসলাম (র)

তিনি হলেন আবু যায়দ ইব্ন আসলাম। তিনি “আয়নুন নাহর” যুদ্ধে বন্দী হওয়া লোকের বংশধর। ১১ সনে হজ্জ করতে গিয়ে হ্যরত উমার (রা) তাঁকে মক্কা শরীফ থেকে কিনে

আনেন। ১১৪ বৎসর বয়সে তাঁর ওফাত হয়। তিনি হ্যরত উমার (রা) থেকে একাধিক হাদীস বর্ণনা করেছেন। হ্যরত উমারের (রা) সমসাময়িক অন্যান্য লোকদের থেকেও তিনি হাদীস বর্ণনা করেছেন। তাঁর বহু প্রশংসাযোগ্য কীর্তি রয়েছে।

জুবায়র ইব্ন নুফায়র (রা)

৮০ হিজরী সনে যে সব বিশিষ্ট ব্যক্তির ওফাত হয় তাঁদের একজন হলেন জুবায়র ইব্ন নুফায়র ইব্ন মালিক হায়রামী (রা)। তিনি রাসূলুল্লাহ (সা)-এর সাহচর্য লাভ করেছিলেন এবং তাঁর বরাতে হাদীস বর্ণনা করেছেন। তিনি সিরিয়ার নামজাদা আলিম ও জানী লোকদের অন্যতম ছিলেন। ইবাদত বন্দেগী এবং জ্ঞান অর্জনে তাঁর খুব প্রসিদ্ধি ছিল। ১২০ বৎসর বয়সে তিনি সিরিয়াতে ইন্তিকাল করেন। অবশ্য কেউ বলেছেন, মৃত্যুকালে তাঁর বয়স ১২০ বৎসরের কম ছিল। আবার কেউ বলেছেন তাঁর চাইতে বেশী ছিল।

আবদুল্লাহ ইব্ন জা'ফর ইব্ন আবু তালিব (রা)

৮০ সনে যাঁদের ওফাত হয় তাঁদের অন্যতম হলেন হ্যরত আবদুল্লাহ ইব্ন জা'ফর ইব্ন আবু তালিব (রা)। তাঁর জন্ম হয়েছিল আবিসিনিয়ায়, তাঁর মাতা হ্যরত আসমা বিনত উমায়স (রা)। বানূ হাশিম গোত্রে রাসূলুল্লাহ (সা)-কে দেখেছেন এমন লোকদের মধ্যে তিনি সর্বশেষ ওফাতপ্রাপ্ত ব্যক্তি। তিনি মদীনায় বসবাস করতেন। মৃতার যুক্তে তাঁর বাবা হ্যরত জা'ফর (রা) শহীদ হবার পর রাসূলুল্লাহ (সা) সশরীরে তাঁর মায়ের নিকট এসে বললেন, আমার ভাতিজাদেরকে আমার নিকট নিয়ে আসুন। তাঁদেরকে রাসূলুল্লাহ (সা)-এর নিকট আনা হলো। তখন তাঁরা ছোট ছোট পাখীর বাচ্চার ন্যায়। তিনি ক্ষোরকার ডাকতে বললেন। তাঁদের মাথা ন্যাড়া করলেন। তারপর বললেন, **اللَّهُمَّ أَخْلُقْ جَعْفَرًا فِيْ أَهْلِهِ وَبَارِكْ لِعَبْدِ اللَّهِ فِيْ صَنْفِهِ** হে আল্লাহ! জা'ফর (রা)-এর পরিবারে তাঁর যোগ্য প্রতিনিধি তৈরী করে দিন এবং আবদুল্লাহ-এর ব্যবসা বাণিজ্যে বরকত দান করুন। আবদুল্লাহ-এর মাতা রাসূলুল্লাহ (সা)-এর সম্মুখে উপস্থিত হলেন। এবং তাঁকে জানালেন যে, তাঁদের নিকট অর্ধকড়ি খাদ্যদ্রব্য কিছুই নেই। রাসূলুল্লাহ (সা) বললেন, ওদের পিতার পরিবর্তে আমি আছি। হ্যরত আবদুল্লাহ ইব্ন জা'ফর (র) এবং হ্যরত আবদুল্লাহ ইব্ন যুবায়র দু'জনে রাসূলুল্লাহ (সা)-এর হাতে বায়আত করেছিলেন তাঁদের বয়স তখন মাত্র সাত বৎসর। তাঁরা দু'জন ব্যক্তিত্বে কারো ভাগে এই সুযোগ ঘটেনি।

হ্যরত আবদুল্লাহ ইব্ন জা'ফর (রা) অসাধারণ দাতা ও দানশীল ছিলেন। তিনি প্রচুর দান দক্ষিণা ও উপহার উপটোকন প্রদান করতেন। একবার তিনি একসাথে ২০,০০০০০ (বিশ লক্ষ দিরহাম দান করেছিলেন। অন্য এক সময়ে একজনকে দিয়ে দিয়েছেন ৬০ (ষাট) হাজার দিরহাম। অপর এক সময় এক ব্যক্তিকে দান করেছিলেন ৪ হাজার দীনার বা স্বর্ণমুদ্রা। এক সময় এক লোক মদীনা শরীফে বিক্রয়ের জন্য ইক্ষু নিয়ে এসেছিল লোকজন সেগুলো ক্রয়ে আগ্রহী হয়নি। কেউ সেগুলো ক্রয় করেনি। আবদুল্লাহ ইব্ন জা'ফর তাঁর ম্যানেজারকে বললেন, নগদ টাকায় ওই ইক্ষু কিনে নাও এবং লোকজনের মধ্যে সেগুলো বিলিয়ে দাও।

কথিত আছে যে, আমীর মুআবিয়া যখন হজে গিয়েছিলেন, তখন মারওয়ানের বাড়ীতে উঠেছিলেন এবং একদিন তার নিরাপত্তা প্রহরীকে বললেন, দেখ তো দরযায় হযরত হাসান কিংবা হুসায়ন কিংবা আবু জা'ফর কিংবা অমুক-অমুককে পাও কিনা ? তিনি আরো কয়েকজনের নাম বলে দিলেন। প্রহরী বের হলো। ফিরে এসে বলল, না, কাউকেই দেখা গেল না। পরে তাঁকে জানানো হলো যে, তাঁরা সকলে আবদুল্লাহ ইব্ন জা'ফরের বাড়ীতে দুপুরের খাবার খেতে বসেছেন। প্রহরী গিয়ে সংবাদটি মুআবিয়াকে জানাল। তিনি বললেন, আমিও তো তাঁদেরই মত একজন। মুআবিয়া (রা) লাঠিটি হাতে নিয়ে তাতে ভর দিয়ে হযরত ইব্ন জা'ফরের (রা) বাড়ীর দরযায় উপস্থিত হলেন। ভেতরে প্রবেশের অনুমতি চাইলেন। ভেতরে প্রবেশ করলেন। হযরত আবদুল্লাহ তাঁকে সবার মাঝখানে বসালেন। মুআবিয়া (রা) তাঁকে বললেন, জা'ফর পুত্র তোমার খাবার কোথায় ? ইব্ন জা'ফর (রা) বললেন, আপনার যা খাবার আগ্রহ আছে তা আনয়নের নির্দেশ দিন। মুআবিয়া (র) বললেন, আমাকে মগজ খাওয়াবে। ইব্ন জা'ফর (রা) খাদেমকে বললেন, মগজ নিয়ে আস। সে প্লেট ভর্তি মগজ নিয়ে এল। আমীর মুআবিয়া তা খেলেন। এরপর ইব্ন জা'ফর গোলামকে আর এক প্লেট মগজ আনতে নির্দেশ দিলেন। সে মগজভর্তি আরেকটি প্লেট নিয়ে আসে। এভাবে তিনি বারে তিনি প্লেট মগজ আনা হলো এবং আমীর মুআবিয়া (রা) তা খেলেন। এ আয়োজন দেখে তিনি অবাক হয়ে গেলেন এবং বললেন, ওহে ইব্ন জা'ফর ! প্রচুর দান-সাদাকা না করলে আপনার ত্রুটি আসে না তাই না ? ভোজন শেষে আমীর মুআবিয়া (রা) ঘর থেকে বের হবার পর তিনি তাঁকে ৫০ (পঞ্চাশ) হাজার দীনার উপহার প্রদানের নির্দেশ দিলেন। হযরত আবদুল্লাহ ইব্ন জা'ফর (রা) আমীর মুআবিয়ার (রা) বক্তু ছিলেন। প্রতি বৎসর তিনি অন্তত একবার আমীর মুআবিয়া (রা)-এর দরবারে যেতেন। অতঃপর আমীর মুআবিয়া (রা) তাঁকে দশ লক্ষ দিরহাম উপহার স্বরূপ দিতেন এবং তাঁর একশটি প্রয়োজন পূরণ করতেন। আমীর মুআবিয়া (রা) তাঁর মৃত্যুর পূর্বে পুত্র ইয়ায়ীদকে এ বিষয়ে ওসিয়াত করে গিয়েছিলেন। পরবর্তীতে মেহমানরূপে ইব্ন জা'ফর ইয়ায়ীদের নিকট উপস্থিত হন। ইয়ায়ীদ বলল, আমার আকবা আমীরুল মু'মিনীন মুআবিয়া (রা) আপনাকে প্রতি বৎসর উপহার স্বরূপ কী দিতেন ? ইব্ন জা'ফর বললেন ১০ (দশ) লক্ষ দিরহাম। ইয়ায়ীদ বলল, আমি তার দ্বিশুণ বৃক্ষি মনযুর করলাম। অতঃপর ইয়ায়ীদ তাঁকে ফি বৎসর ২০ (বিশ) লক্ষ দিরহাম উপহার প্রদান করত। এই প্রসঙ্গে আবদুল্লাহ ইব্ন জা'ফর (রা) ইয়ায়ীদকে বলেছিলেন, এ কথাটি ইতোপূর্বে আমি আপনি ব্যক্তিত কাউকে বলিনি আর পরবর্তীতেও কাউকে বলব না। উত্তরে ইয়ায়ীদ বলল, এ পরিমাণ উপহার আমার পূর্বে কেউ আপনাকে দেয়নি আর পরবর্তীতেও কেউ দিবে না।

কেউ কেউ বলেছেন যে, ইব্ন জা'ফরের একটি দাসী ছিল। সে ভাল গান গাইতে পারত। তার নাম ছিল আশ্বারাহ। তিনি ওই দাসীকে খুবই ভালবাসতেন। একদিন ইয়ায়ীদ ইব্ন মুআবিয়া তাঁর বাড়ীতে উপস্থিত হয়। দাসীটি তখন গান গাইছিল। তার গান শুনে ইয়ায়ীদের মনে তার প্রতি আকর্ষণ সৃষ্টি হয়, কিন্তু ইব্ন জা'ফরের নিকট ওই দাসী চাওয়ার সাহস তার ছিল না। কিন্তু তার মনে দাসীর প্রতি আকর্ষণ থেকেই যায়, এবং তা বরাবর বাঢ়তেই থাকে। ইতোমধ্যে তার পিতা মুআবিয়া (রা) মারা যান। এ সময়ে ইয়ায়ীদ ওই দাসীটির সম্পর্কে খৌজখবর জানার জন্য গোপনে একজন লোক পাঠায়। লোকটি মদীনা শরীফ আগমন করে এবং ইব্ন জা'ফর (রা)-এর বাড়ীর কাছাকাছি অবস্থান করতে থাকে। সে তাঁর নিকট প্রচুর হাদিয়া-তোহফা নিয়ে যায়, তাঁর সাথে বন্ধুত্ব গড়ে তোলে। এক পর্যায়ে সে দাসীটি হস্তগত করে এবং সেটিকে ইয়ায়ীদের নিকট নিয়ে আসে।

হ্যরত হাসান বসরী (র) হ্যরত আবদুল্লাহ ইব্ন জাফর (রা)-কে গান-বাজনা শ্রবণ এবং গায়িকা ক্রয়ের জন্যে মন্দ বলতেন, তার সমালোচনা করতেন। তিনি বলতেন হায়, এসব অপকর্ম করেও তার তৃষ্ণি হয় না। শেষ পর্যন্ত রাসূলুল্লাহ (সা)-এর বংশধর এক মেয়েকে সে হাজ্জাজের সাথে বিয়ে দেয়। এ প্রসঙ্গে হাজ্জাজ বলত যে, আমি তো ওই মেয়েকে বিয়ে করেছি আবু তালিবের বংশকে অপমান করার জন্যে। কথিত আছে যে, হাজ্জাজ ওই মেয়ের সাথে মিলিত হতে পারেনি। আবদুল মালিক ওই মেয়েকে তালাক দেয়ার জন্যে তাকে লিখিত নির্দেশ দিয়েছিলেন। ফলে সে তাঁকে তালাক দেয়। হ্যরত আবদুল্লাহ ইব্ন জাফর (রা) তাঁর সনদে সর্বমোট ১৩টি হাদীস বর্ণনা করেছেন।

আবু ইদরীস খাওলানী (র)

৮০ সনে যাঁরা ইনতিকাল করেন তাঁদের একজন হলেন আবু ইদরীস খাওলানী। তাঁর নাম আইযুগ্রাহ ইব্ন উবায়দুল্লাহ। তাঁর বহু সূক্ষ্মতি ও গৌরবজনক কর্মকাণ্ড রয়েছে। তিনি প্রায়ই বলতেন যে, ময়লা কাপড়ে আবৃত পরিচ্ছন্ন অন্তর পরিষ্কার কাপড়ে ঢাকা নোরা অন্তরের চাইতে অনেক ভাল। তিনি দামেশকের বিচারক পদে অধিষ্ঠিত হয়েছিলেন। আল তাকমীল প্রস্তুত আমরা তাঁর জীবনী উল্লেখ করেছি।

মা'বাদ আল জুহানী কাদৰী

এই সনে মা'বাদ জুহানী মারা যায়। তার বংশ পরিচয়ে কেউ কেউ বলেছেন, মা'বাদ ইব্ন আবদুল্লাহ ইব্ন আলীম। সে-**لَنْتَفَعُوا مِنَ الْمَيْتَةِ بِاَهَابٍ وَلَا عَصَبٍ**-তোমরা মৃত্যু থেকে কোন কল্যাণ অর্জন করো না। না তাঁর চামড়া থেকে আর না তাঁর শিরা-উপশিরা ও রং থেকে- এই হাদীসের বর্ণনাকারী। তবে বংশ পরিচয় সম্পর্কে আরো নানা মন্তব্য রয়েছে। হ্যরত ইব্ন আবাস (রা), ইব্ন উমার (রা), মুআবিয়া (রা), ইমরান ইব্ন হুসায়ন ও অন্যান্যদের থেকে হাদীস শুনেছে ও বর্ণনা করেছে। সিফ্কীন যুজ্বের মীমাংসা দিবসে সে উপস্থিত ছিল। এ প্রসঙ্গে সে আবু মুসাকে (রা) কিছু প্রশ্ন জিজ্ঞেস করে এবং তাঁকে উপদেশ দেয়। এরপর সে আমর ইব্ন আস (রা)-এর সাথে মিলিত হয়। সে তাঁকেও উপদেশ দেয়। এ প্রসঙ্গে আমর ইব্নুল আস (রা) তাকে বলেছিলেন, ওহে জুহায়না গোত্রের ছাগল! গোপন ও অকাশ্য সকল বিষয় সম্পর্কে জানবার মত যোগ্যতা তো তোর নেই। কোন সত্য তোর কল্যাণ করবে না কোন অসত্য তোর ক্ষতি করবে না। এটি তাঁর সম্পর্কে হ্যরত আমর ইব্নুল আসেরও সূক্ষ্ম পর্যবেক্ষণ। এ জন্যে সেই হলো প্রথম ব্যক্তি যে তাকদীর সম্পর্কে অসত্য ও ভুল বক্তব্য রাখে।

কেউ কেউ বলেন যে, মা'বাদ আল জুহানী এই মতবাদ এহণ করেছিল জনৈক খৃষ্টান থেকে। খৃষ্টান লোকটির নাম ছিল সূস। সে ইরাকে বসবাস করত। আর গায়লান কাদরিয়া মতবাদ এহণ করেছে মা'বাদ আল জুহানী থেকে। মা'বাদ মূলতঃ একজন ইবাদতকারী ও পরহেয়গার লোক ছিল। ইব্ন মাসিন প্রযুক্ত হাদীস বর্ণনায় তাকে আস্তাভাজন বলে চিহ্নিত করেছেন।

হাসান বসরী (র) বলেন, তোমরা মা'বাদের সংশ্পর্শ থেকে দূরে থাকবে। কারণ, সে নিজে পথচার্ট-বিভাস্ত এবং অন্যকে বিভাস্তকারী। ইব্ন আশআছের সাথী হয়ে যারা কেন্দ্রীয় শাসনের বিরুদ্ধে বিদ্রোহ করেছিল মা'বাদ তাদের দলে ছিল। এ জন্যে ধরা পড়ার পর শাসনকর্তা হাজ্জাজ তাকে বিভিন্নভাবে নির্যাতন করে। এরপর তাকে হত্যা করে। কিন্তু সাইদ ইব্ন উফায়র বলেছেন যে, খলীফা আবদুল মালিক ইব্ন মারওয়ান ৮০ সনে তাকে দামেশকে শূলিতে চড়িয়ে হত্যা করেন। খলীফা ইব্ন খাইয়াত বলেছেন, ৯০ সনের পূর্বে মা'বাদের মৃত্যু হয়। আল্লাহই

ଭାଲ ଜାନେନ । କେଉଁ କେଉଁ ବଲେଛେନ ଯେ, ଆବଦୁଲ ମାଲିକ ତାକେ ହତ୍ୟା କରେଛେ- ଏହି କଥାଟି ଅଧିକତର ସତ୍ୟ । ମହାନ ଆଲ୍ଲାହୁଇ ଭାଲ ଜାନେନ ।

୮୧ ହିଜରୀ ସନ

ଏହି ସନେ ଆବଦୁଲ ମାଲିକ ଇବ୍ନ ମାରଓୟାନେର ପୁତ୍ର ଉବାଯଦୁଲ୍ଲାହ୍ କାଲିକଳା ରାଜ୍ୟ ଜୟ କରେ । ଏବଂ ଏହି ଯୁଦ୍ଧେ ମୁସଲମାନଗଣ ବହୁ ଗନ୍ଧିମତେର ମାଲ ଅର୍ଜନ କରେ । ଏହି ସନେ ବୁକାଯର ଇବ୍ନ ବିଶାହ ନିହିତ ହୟ । ବୁଜାୟର ଇବ୍ନ ଓୟାରକା ସାରିମୀ ତାକେ ହତ୍ୟା କରେ । ବୁକାଯର ଏକଜନ ନାମକରା ସାହସୀ ଶାସନକର୍ତ୍ତା ଛିଲ । ଏରପର ବୁକାଯର ହତ୍ୟାର ପ୍ରତିଶୋଧ ନେଯାର ଲକ୍ଷ୍ୟ ତାର ସମ୍ପର୍ଦ୍ୟାୟେର ଏକ ବ୍ୟକ୍ତି ପ୍ରସ୍ତୁତ ହୟ । ତାର ନାମ ସା'ସା'ଆ ଇବ୍ନ ହାରବ ଆଓଫ୍ଫି ସାରିମୀ । ସେ ବୁକାଯରେର ହତ୍ୟାକାରୀ ବୁଜାୟର ଇବ୍ନ ଓୟାରକାକେ ହତ୍ୟା କରେ । ବୁଜାୟର ତଥନ ସେନାପତି ମୁହାମ୍ମାବେର ପାଶେ ବସା ଛିଲ । ସା'ସା'ଆ ତାକେ ଥଞ୍ଜରେର ଆଘାତ କରେ । ବୁଜାୟର ଶୁରୁତର ଆହତ ହୟ । ତାକେ ସେଖାନ ଥିକେ ତାର ବାଡ଼ୀତେ ନିଯେ ଯାଓଯା ହୟ; ତଥନ ତାର ଅବହ୍ଲାଷେ ପର୍ଯ୍ୟାଯେ । ମୁହାମ୍ମାବ ସା'ସା'ଆକେ ପ୍ରେସ୍ତାର କରେନ । ତାରପର ତାକେ ଆହତ ବୁଜାୟରେର ନିକଟ ପାଠିଯେ ଦେଇ ହୟ । ତାକେ ନାଗାଲେର ମଧ୍ୟେ ପେଯେ ବୁଜାୟର ବଲଳ, ଓର ମାଥାଟା ଆମାର ପାଯେର ନିକଟ ଚେପେ ଧର । ଲୋକଜନ ତାଇ କରଲ । ମୁମୂର୍ତ୍ତ୍ତୁ ବୁଜାୟର ତାର ବର୍ଣ୍ଣ ଦିଯେ ସା'ସା'ଆକେ ଝୋଚା ମାରେ ଏବଂ ତାକେ ହତ୍ୟା କରେ । ଆର ଅବିଲମ୍ବେ ବୁଜାୟରଙ୍କ ମାରା ଯାଇ । ଆନାସ ଇବ୍ନ ତାରିକ ବୁଜାୟରକେ ବଲେଛିଲ ସା'ସା'ଆକେ ଛେଡେ ଦାଓ, ଓକେ କ୍ଷମା କରେ ଦାଓ । କାରଣ, ତୁମି ବୁକାଯରକେ ହତ୍ୟା କରେଛ ବଲେ ସେ ତୋମାକେ ଆଘାତ କରେଛେ । କିନ୍ତୁ ସେ ବଲଳ, ନା, ତା ହବେ ନା । ସେ ଯତକ୍ଷଣ ଜୀବିତ ଥାକବେ ତତକ୍ଷଣ ଆମାର ମୃତ୍ୟୁ ହବେ ନା । ଏରପର ସେ ସା'ସା'ଆକେ ହତ୍ୟା କରେ । କେଉଁ କେଉଁ ବଲେଛେନ ଯେ, ବୁଜାୟରେର ମୃତ୍ୟୁର ପର ସା'ସା'ଆକେ ହତ୍ୟା କରା ହୟ । ଆଲ୍ଲାହୁଇ ଭାଲ ଜାନେନ ।

ଇବ୍ନୁଲ ଆଶଆହେର ବିଦ୍ୟୋହ

ଆବୁ ମିଖନାଫ୍ ବଲେନ ଯେ, ଏହି ୮୧ ହିଜରୀ ସାଲେ ଏହି ବିଦ୍ୟୋହର ସୂଚନା ହୟ । ଓୟାକିଦୀ ବଲେନ, ଏହି ବିଶ୍ଵଂଖଳା ଶୁରୁ ହୟ ୮୨ ସନେ । ଇବ୍ନ ଜାରୀର ଏଟିକେ ୮୧ ସନେର ଘଟନା ହିସେବେ ଲିପିବଦ୍ଧ କରେଛେ । ତାଇ ଆମରା ଏଟିକେ ଏହି ସନେ ଉତ୍ସେଷ କରାଇ ।

ଏହି ଫିତନା ଓ ବିଶ୍ଵଂଖଳାର ମୂଳ କାରଣ ଏହି ଛିଲ ଯେ, ଶାସନକର୍ତ୍ତା ହାଜାଜ ସେନାପତି ଇବ୍ନୁଲ ଆଶଆହକେ ଘୃଣା କରତ । ଇବ୍ନୁଲ ଆଶଆହ ତା ବୁଝାତେନ କିନ୍ତୁ ବିଚକ୍ଷଣତା ହେତୁ ସେଟି ପ୍ରକାଶ କରାତେନ ନା । ବର୍ବି ମନେ ମନେ ତାର ପ୍ରତିଶୋଧ ସ୍ପଷ୍ଟା ଲାଲନ କରାତେନ । ତିନି ହାଜାଜେର ପଦଚୂର୍ଣ୍ଣିତ କାମନା କରତ । ହାଜାଜ ତାଙ୍କେ ଏକ ବିଶାଲ ସେନାଦଲେର ସେନାପତି ନିୟୁକ୍ତ କରେଛିଲ । ଓହେ ସେନାଦଲ ପ୍ରେରଣ କରା ହେୟିଛି ତୁର୍କୀ ବିରୋଧୀ ଅଭିଯାନେ । ଇତିପୂର୍ବେ ସେ ବିଷୟେ ଆଲୋଚନା ହେୟିଛେ । ହାଜାଜ ତାକେ ତୁର୍କୀ ସ୍ତ୍ରୀଟ ରାତବୀଲେର ରାଜ୍ୟେ ପ୍ରବେଶ କରାର ଜନ୍ୟେ ନିର୍ଦ୍ଦେଶ ଦିଯେଛିଲ । ଇବ୍ନୁଲ ଆଶଆହ ଅରସର ହୟ ଏବଂ ଅନେକ ତୁର୍କୀ ଶହର ନଗର ଦଖଲ କରେ ନେନ । ଏରପର ତିନି ତାଙ୍କ ଅନୁଗାମୀ ସୈନିକଦେର ସାଥେ ପରାମର୍ଶ କରେ ସିନ୍ଧାନ୍ତ ନେନ ଯେ, ଏହି ବରସର ତାରା ଏଥାନେ ଅବହ୍ଲାନ କରେ ବିଶ୍ରାମ ନିବେ ଏବଂ ଶକ୍ତି ବୃଦ୍ଧି କରବେ । ପରବର୍ତ୍ତୀ ବରସର ପୁନରାୟ ଅଭିଯାନ ଚାଲିଯେ ତୁର୍କୀ ରାଜ୍ୟଧନୀସହ ସକଳ ନଗର ଜନପଦ ଦଖଲ କରେ ନିବେ ।

ଇବ୍ନୁଲ ଆଶଆହ ତାର ଏହି ପରିକଳନାର କଥା ହାଜାଜକେ ଲିଖେ ଜାନାନ । ହାଜାଜ ଫିରତି ଚିଠିତେ ତାର ପରିକଳନା ଓ ସିନ୍ଧାନ୍ତକେ ଉତ୍ସ୍ତ ଓ ଅବାନ୍ତବ ଆଖ୍ୟାୟିତ କରେ । ସେ ଇବ୍ନୁଲ ଆଶଆହକେ ଏକଜଳ ନିର୍ବୋଧ, ଭୀତୁ ଓ କାପୁରୁଷ ଆଖ୍ୟାୟିତ କରେ ଦୋଷାରୋପ କରେ । ସେ ତାକେ ଯୁଦ୍ଧ ବିମୁଖ ବଲେ ଅପବାଦ ଦେଯ । ଏବଂ ଅବିଲମ୍ବେ ଅବଶ୍ୟଇ ରାତବୀଲେର ରାଜ୍ୟେ ପ୍ରବେଶର ନିର୍ଦ୍ଦେଶ ଦେଯ । ଏହି ଚିଠି ପାଠାନୋର ପର ହାଜାଜ ଅବିଲମ୍ବେ ୨ୟ ଏବଂ ତାରପର ଓୟ ଚିଠି ପାଠିଯେ ଅଭିଯାନେ ବେର ହବାର ତାଗିଦ ଦେଯ ।

হাজ্জাজ তাকে এই ভাষায় চিঠি লিখে, হে তাঁতীর বাক্সা! গান্দার, বিশ্বাসঘাতক, সত্যত্যাগী! শক্র-রাজ্য আক্রমণ ও তা লুটপাটের যে নির্দেশ আমি তোকে দিয়েছি শীঘ্ৰই তা পালন কৱিবি নতুবা তোর নিজের উপর এমন বিপদ আসবে যা সইবার ক্ষমতা তোর নেই।

মূলতঃ হাজ্জাজ সব সময়ই ইবনুল আশআছকে ঘূণা করত। তাকে আহমক, হিংসুক ইত্যাদি বলে গালি দিত। তার পিতা হ্যুরত উছমানের জামা কাপড় খুলে ফেলেছিল এবং তাঁর বিরুদ্ধে যুদ্ধ করেছিল বলে তিরক্ষার করত। তার বাবা উবায়দুল্লাহ ইব্ন যিয়াদকে পথ দেখিয়ে মুসলিম ইব্ন আকীলের অবস্থান জানিয়ে দিয়েছিল এবং উবায়দুল্লাহ মুসলিমকে হত্যা করেছিল। তার দাদা আশআছ ইসলাম ধর্ম ত্যাগ করেছিল ইত্যাদি কথা বলে সে ইবনুল আশআছকে তুচ্ছ তাছিল্য করত। সে একথাও বলত যে, তাকে দেখলেই আমার মনে তাকে হত্যা করার ইচ্ছা জাগে।

হাজ্জাজ যখন ইবনুল আশআছকে এই ভাষায় চিঠি লিখল এবং একের পর এক বার্তাবাহক পাঠিয়ে একাধিক চিঠি প্রদান করল তখন ইবনুল আশআছ ক্রুদ্ধ হয়ে উঠলেন এবং বললেন, ওই কমবখ্ত আমার মত লোকের নিকট এভাবে চিঠি লিখল, অথচ সে এত নীচ ও নিকৃষ্ট এবং দুর্বল যে, আমার একজন সৈনিক কিংবা খাদেম হ্বার যোগাও নয়! তার ছাকীফ গোত্রীয় পিতার কথা কি তার মনে পড়ে না? ওই কাপুরূষ ভীরু গাযালা এর আক্রমণে পলায়নকারী বেশরম নির্লজ্জ হাজ্জাজ! (এক সময় শাবীবের স্ত্রী গাযালাহ হাজ্জাজের উপর আক্রমণ করে তাকে পরাজিত করেছিল। হাজ্জাজ পালিয়ে প্রাণ রক্ষা করেছিল। তাই ইবনুল আশআছ তাকে মহিলার মুকাবিলায় পরাজয় বরণকারী ও পলায়নকারী হিসেবে তিরক্ষার করেন।

এই প্রেক্ষাপটে ইবনুল আশআছ নেতৃত্বানীয় ইরাকীদেরকে ডাকলেন। তিনি ওদেরকে বললেন, হাজ্জাজ তো আপনাদেরকে শক্রদেশে প্রবেশের জন্যে ভীষণ চাপ দিচ্ছে। অল্প কিছুদিন পূর্বে বহু মুসলিম ভাই সেখানে প্রাণ হারিয়েছে। সামনে আসছে শীতকাল। এবার আপনাদের বিষয়টি আপনারা ভেবে দেখুন। আমি কিন্তু ইতোপূর্বে গৃহীত আমার সিদ্ধান্ত রদ করব না। আর ওই কমবখ্তের নির্দেশ মানব না। এরপর ইবনুল আশআছ দাঁড়ালেন। তাঁর নিজের সম্পর্কে এবং সৈনিকদের সম্পর্কে সে ইতোপূর্বে যে সিদ্ধান্ত গ্রহণ করেছেন তা তাদেরকে জানিয়ে দিলেন। এই পরিকল্পনার পেছনে বিজিত শহর-নগর পুনর্বাসন ও সংস্কার করা এবং সেখানে বিশ্রাম নিয়ে ওখানকার ফল ফসল ও ধনসম্পদ ভোগ ব্যবহার করে শক্তি সঞ্চয় করা ইত্যাদি বিষয়ের যৌক্তিকতা ও প্রয়োজনীয়তা তাদের সামনে তুলে ধরলেন। অতঃপর শীতকাল শেষ হলে রাতবীলের দেশে প্রবেশ এবং শহরের পর শহর বিজয় ও নগরের পর নগর দখল করে, তাদের রাজধানী জয়ের পরিকল্পনা সৈনিকদের সম্মুখে পেশ করেন। এরপর ইব্ন আশআছ তাঁর প্রতি লেখা শীঘ্ৰ শক্ররাষ্ট্র আক্রমণের নির্দেশ সম্প্লিত হাজ্জাজের চিঠি সম্পর্কে তাদেরকে অবহিত করেন। এটা শোনার সাথে সাথে সৈন্যরা হাজ্জাজের বিরুদ্ধে উত্তোজিত হয় ও বিক্ষেপে ফেটে পড়ে। তারা বলেন যে, আমরা ওই নাফরমানের আদেশ অমান্য করব। আমরা তার নির্দেশ পালন করব না। তার আনুগত্য করব না।

আবু মিখনাফ বলেন, মুতারিফ ইব্ন আমির ইব্ন ওয়াইলা আমাকে জানিয়েছেন যে, ওই সমাবেশে সর্বপ্রথম তার বাবা-ই কথা বলে। তার বাবা ছিল একজন কবি ও সুদৃক্ষ বক্তা। তার বাবা অন্যান্য বক্তব্যের সাথে এও বলেছিল যে, এই নির্দেশ ঘোষণায় হাজ্জাজ আর আমাদের উদাহরণ হল যেমন একভাই তার অপর ভাইকে বলেছিল যে তোমার দাসটিকে ঘোড়ার পিঠে

উঠাও সফরে পাঠাও। সে মারা গেলে তো ভালই। আর যদি বেঁচে বর্তে ফিরে আসে তাহলে সে তোমার। এখানে তোমরা যদি যুক্তে জয়লাভ করতে পার তবে তার শাসন এলাকা বৃদ্ধি পাবে। আর তোমরা মরলে তোমরাইতো মরবে ওর কোন ক্ষতি হবে না তোমরা তো ওর শক্র-ই-শক্র।

এরপর সে বলল, আল্লাহর দুশ্মন নাফরমান হাজাজকে প্রতি প্রদত্ত অঙ্গীকার সকলে প্রত্যাহার করে নাও। অবশ্য খলীফা আবদুল মালিকের প্রতি প্রদত্ত বায়আত ও অঙ্গীকার প্রত্যাহারের কথা বলা হয়নি। এখন তোমরা তোমাদের সেনাপতি তোমাদের শাসনকর্তা আবদুর রহমান ইব্ন আশআছের হাতে বায়আত কর, আনুগত্যের শপথ কর। আমি তোমাদের সকলকে সাক্ষী রেখে বলছি আমি সর্বপ্রথম হাজাজের প্রতি প্রদত্ত বায়আত প্রত্যাহার করে নিলাম। অবিলম্বে চারিদিক থেকে জনগণ বলে উঠল, আমরা ওই নাফরমানের আল্লাহর দুশ্মনের প্রতি দেয়া বায়আত প্রত্যাহার করলাম। তারা সকলে পরম ভজিতে আবদুর রহমানের দিকে ঝাঁপিয়ে পড়ল এবং হাজাজের স্থলে আবদুর রহমানের হাতে বায়আত করে নিল। অবশ্য তখন খলীফা আবদুল মালিকের প্রতি প্রদত্ত আনুগত্য প্রত্যাহারের কোন ঘোষণা ছিল না।

ইব্নুল আশআছ অতঃপর তুর্কী সন্মাট রাতবীলের নিকট আপোষ-মীমাংসার প্রস্তাৱ দিলেন। তারা এই মর্মে চুক্তিবদ্ধ হলেন যে, তারা যদি হাজাজকে পরাজিত করতে পারে তাহলে তুর্কীরাজ রাতবীলের কোন জিয়িয়া কর কিংবা খাজনা দেয়া লাগবে না। এবার ইব্নুল আশআছ তাঁর অনুগামী সৈন্যদের নিয়ে হাজাজের বিরুদ্ধে যুদ্ধ করার জন্যে এবং তার কবল থেকে ইরাক মুক্ত করার জন্যে সিজিস্তান থেকে যাত্রা করল। মাঝামাঝি পথ অতিক্রম করার পর তারা বলল, আমরা যে হাজাজের প্রতি বায়আত প্রত্যাহার করেছি তাতো খলীফা আবদুল মালিকের থেকেও বায়আত প্রত্যাহার! অতঃপর তারা হাজাজ এবং আবদুল মালিক উভয়ের বায়আত প্রত্যাহার করে। নতুনভাবে ইব্নুল আশআছের প্রতি বায়আত ও আনুগত্য প্রকাশ করে। ইব্নুল আশআছ এই বিষয়ে ওদের বায়আত গ্রহণ করে যে, আল্লাহর কিতাব ও রাসূলল্লাহ (সা)-এর হাদীস মেনে চলবে। পথভিটদের সংশ্রব থেকে দূরে থাকবে এবং সত্যদোহীদের বিরুদ্ধে জিহাদ করবে। অনুসারিগণ এসব বিষয় মেনে নিতে রায়ী হয়। ইব্নুল আশআছ ওদের বায়আত গ্রহণ করেন।

হাজাজ ও খলীফা আবদুল মালিকের প্রতি প্রদত্ত বায়আত প্রত্যাহার এবং ইব্নুল আশআছের হাতে বায়আত গ্রহণ বিষয়ক সংবাদ হাজাজের কর্ণগোচর হয়। সে খলীফা আবদুল মালিককে লিখিতভাবে এ সংবাদ অবহিত করে। এবং অবিলম্বে হাজাজের সাহায্যে অতিরিক্ত সৈন্য প্রেরণের আবেদন জানায়, হাজাজ এগিয়ে এসে বসরাতে অবস্থান নেয়। ইব্নুল আশআছের সংবাদ সেনাপতি মুহাম্মাবের নিকট পৌছে। ইব্নুল আশআছ মুহাম্মাবকে কেন্দ্রীয় সরকারের প্রতি আনুগত্য ত্যাগ করে তার সাথে যোগ দেয়ার আহ্বান জানান, কিন্তু মুহাম্মাব এ আহ্বান প্রত্যাখ্যান করেন এবং ওই চিঠিকে হাজাজের নিকট পাঠিয়ে দেন।

ইব্নুল আশআছের প্রস্তাবের জবাবে মুহাম্মাব তাকে লিখেন “হে ইব্নুল আশআছ! আপনি তো অনেক দীর্ঘ পাদানীতে আপনার পা রেখেছেন। হ্যরত মুহাম্মদ (সা)-এর এই উন্নতকে ঝুঁতে দিন। নিজের বিষয়টি বিবেচনা করুন। নিজেকে ধৰ্মসের পথে ঠেলে দিবেন না। সুলতানদের রক্ত ঝরাবেন না। মুসলিম একে ফাটল ধরাবেন না। ইতিপূর্বে কেন্দ্রীয় সরকারের প্রতি ঘোষিত বায়আত ও আনুগত্য প্রত্যাহার করবেন না। যদি বলেন মানুষ আমাকে হত্যা করবে এই ভয়ে আমি ভীত আছি, তবে মনে রাখবেন মানুষের ভয় নয় বরং আল্লাহকে ভয়

করাই অধিক যুক্তিযুক্তি। সূতরাং মুসলমানদের রক্ত ঝরানো এবং হারামকে হালাল করার পথে নিজেকে জড়াবেন না। ওয়াস্ত সালামু আলাইকা।

মুহাম্মাব শাসনকর্তা হাজার্জেকে এই মর্মে একটি চিঠি লিখেন— অতঃপর ইরাকের জনগণ দলে দলে আপনার দিকে এগিয়ে আসছে। তারা পাহাড়ের উপর থেকে নীচের দিকে গড়িয়ে আসা বন্যার পুনির ন্যায় স্বোত্তরে বেগে অগ্রসর হচ্ছে। লক্ষ্যস্থলে পৌছার পূর্বে কিছুই ওদের যাত্রা রুখতে পারবে না। ইরাকীগণ অভিযানের শুরুতে থাকে খুব কঠিন। তবে ছেলে-মেয়ে ও স্ত্রী-পরিবারের ভালবাসা তাদেরকে আকর্ষণ করে। তারা তাদের পরিবার-পরিজনের সাথে মিলিত হবে, স্ত্রীদের সাথে দেখা করবে ছেলে-মেয়ের শরীরের স্বাণ নেবে- আদর করবে এতে তাদেরকে বাধা দেয়া যাবে না। পরিবারের সাথে সাক্ষাতের পর আপনি ওদের বিরুদ্ধে ব্যবস্থা নিবেন। মহান আল্লাহ শক্তিদের বিরুদ্ধে আপনাকে সাহায্য করবেন ইনশাআল্লাহ।

মুহাম্মাবের চিঠি পাঠান্তে হাজার মন্তব্য করল যে, আল্লাহ যা করার করবেন। এখন তো আমার অপেক্ষা করার সময় নেই। তবে এতে তার চাচাত ভাইয়ের জন্যে কিছু উপদেশ রয়েছে।

হাজার্জের চিঠি নিয়ে বাহক খলীফার নিকট পৌছে। চিঠি পড়ে খলীফা আবদুল মালিক তয় পেয়ে যান। তিনি সিংহাসন থেকে নেমে পড়েন। চিঠিটি খালিদ ইব্ন ইয়ায়ীদ ইব্ন মুআবিয়ার নিকট প্রেরণ করে তাকে ওই চিঠি পাঠ করান। চিঠি পাঠ করার পর খালিদ বলে। ওহে আমীরুল্ল মু'মিনীন! এ ঘটনাটি যদি খোরাসানের দিক থেকে ঘটে তাহলে আপনার ভয়ের কারণ রয়েছে বটে। কিন্তু সিজিঞ্চানের দিক থেকে যদি এই ঘটনা ঘটে তাহলে আপনি ভয় করবেন না।

খলীফা আবদুল মালিক হাজার্জের সাহায্যার্থে এবং ইব্নুল আশআছের মুকাবিলায় ইরাকে প্রেরণের জন্যে সৈন্য প্রস্তুত করতে থাকেন। সিরিয়া থেকে এই সেনাদল ইরাক অভিযুক্ত প্রেরণে ব্যবস্থা করেন। সেনাপতি মুহাম্মাব ইরাকীদের ব্যাপারে যে পরামর্শ দিয়েছিলেন খলীফা তা প্রত্যাখ্যান করেন। মূলতঃ মুহাম্মাবের প্রস্তাবে সত্য ও কল্যাণমূলক পরামর্শ ছিল।

এদিকে ইব্নুল আশআছের কর্মকাণ্ড ও গতিবিধি সম্পর্কে হাজার ও খলীফার মধ্যে সকাল বিকাল নিয়মিত পত্র যোগাযোগ চলছিল। ইব্নুল আশআছ কখন কোথায় অবস্থান করছেন, কোথা হতে যাত্রা করলেন, তাঁর সাথে কারা যোগ দিল সব বিষয়ে খলীফাকে অবহিত করা হচ্ছিল। এদিকে চারিদিক থেকে লোকজন ইব্নুল আশআছের পক্ষে যোগ দিচ্ছিল। তার আশেপাশে লোকে লোকারণ্য। বলা হয়ে থাকে যে, এই যাত্রায় তাঁর সাথে তেজিশ হাজার অশ্বারোহী এবং এক লক্ষ বিশ হাজার পদাতিক সৈনিক ছিল।

হাজার সিরিয় সৈন্যদের দ্বারা গঠিত সেনাবহর নিয়ে বসরা থেকে ইব্নুল আশআছের মুকাবিলার উদ্দেশ্যে যাত্রা করে। হাজার এসে তুসতার নামক স্থানে শিবির স্থাপন করে। মুহাহার ইব্ন হয়্যায় আল কাবীকে সে তার সম্মুখ বাহিনীর সেনাপতি নিযুক্ত করে। তার সাথে দ্বিতীয় সেনাপতি হিসেবে আবদুল্লাহ ইব্ন যামীতকে নিয়োগ দান করে। তারা দুজাদল নদীর তীরে গিয়ে পৌছে। সেখানে আগে থেকেই অবস্থান করছিল ইব্নুল আশআছের অঘবাহিনী, তিনশত অশ্বারোহীর সমন্বয়ে গঠিত ওই বাহিনীর সেনাপতি ছিল আবদুল্লাহ ইব্ন আবান হারিছী। দুজায়ল নদীর তীরে দুল আয়ার দিন উভয় পক্ষ যুদ্ধে লিপ্ত হয়। হাজার্জের অঘবাহিনী পরাজয় বরণ করে। ইব্নুল আশআছের বাহিনী হাজার্জের বহু সৈন্যকে হত্যা করে। নিহতের সংখ্যা হবে প্রায় এক হাজার পাঁচশত। শক্রবাহিনীতে থাকা সকল মালামাল ও অশ্ব

তারা দখল করে নেয়। হাজাজের নিকট তার বাহিনী পরাজিত হবার এবং মাছাব ও দুর্গ পতনের সংবাদ পৌছে। সে তখন দাঁড়িয়ে বক্তৃতা করছিল। সে বলল ‘লোক সকল! তোমরা বসরাতে ফিরে যাও। কারণ, সেটা সেনাবাহিনীর জন্য অনুকূল স্থান। ফলে লোকজন ফিরে যাচ্ছিল। আশআছের সৈন্যরা ওদেরকে তাড়া করতে লাগল। তারা যাকেই নাগালের মধ্যে পাছিল হত্যা করছিল। হাজাজ নিজে পালিয়ে গেল। কোন দিকেই তার জঙ্গেপ ছিল না। সে পালিয়ে এসে যাবিয়াতে অবস্থান নেয়, সেখানে সৈন্য সমাবেশ ঘটায় ও সেনা ক্যাম্প স্থাপন করে। সে বলছিল, “মুহাম্মাদ আসলেই সফল ও দক্ষ সেনাপতি। সে আমাদেরকে একটা ভাল প্রস্তাব দিয়েছিল। কিন্তু আমরা তা গ্রহণ করিনি। হাজাজ সেখানে অবস্থান নিয়ে সেনাদল প্রস্তুত করতে থাকে। সেনাবাহিনী গঠন করতে গিয়ে সে সেখানে ১৫ কোটি দিরহাম ব্যয় করে। তার সেনা ক্যাম্পের চারিদিকে পরিখা খনন করে। ইরাকীরা বসরা প্রবেশ করে। তারা তাদের পরিবার-পরিজনের সাথে মেলে। ছেলে মেয়েকে বুকে জড়িয়ে ধরে তাদের শ্রাণ নেয়।

ইবনুল আশআছ বসরা এসে অবতরণ করেন। তিনি জনসাধারণের উদ্দেশ্যে বক্তৃতা দেন। ওদের থেকে বায়আত নেন এবং তারা আবদুল মালিক ও হাজাজ দু'জন থেকেই বায়আত প্রত্যাহারের ঘোষণা দেয়। ইবনুল আশআছ ওদেরকে বলেছিলেন হাজাজ কোন ব্যাপারই নয়। আমাদেরকে বরং আবদুল মালিকের নিকট নিয়ে যাও। আমরা তাঁর বিরুদ্ধে যুদ্ধ করব। ওই সময়ে বসরায় অবস্থানকারী সকল আলিম-উলামা ফকীহ, কিরআতবিদ এবং যুবক বৃদ্ধি নির্বিশেষে সকলেই হাজাজ ও আবদুল মালিকের প্রতি প্রদন্ত বায়আত প্রত্যাহারে সমর্থন জানান, এরপর ইবনুল আশআছ বসরা নগরীর চারিদিকে পরিখা খননের নির্দেশ দেন। পরিখা খনন করা হয়। এরসব ঘটনা ঘটেছিল ৮১ সনের ফিলহাজ মাসের শেষ দিকে।

ওয়াকিদী ও আবু মা'শার বলে যে, এই সনে হজ্জ পরিচালনা করেন ইসহাক ইবন ঈসা। খলীফা আবদুল মালিকের নিযুক্ত আফ্রিকার রাজ্যগুলোর শাসনকর্তা মুসা ইবন নুসায়র স্পেন জয় করার জন্যে এই সনে অভিযান পরিচালনা করেন। তিনি ওই অভিযানে অনেক শহর নগর এবং আবাদী জমি দখল করে নেন। তিনি প্রচণ্ড গতিতে পশ্চিমী শহরগুলোতে প্রবেশ করেন। তিনি পশ্চিমে আটলান্টিকের উপকূল পর্যন্ত দখল করে নেন। আল্লাহই ভাল জানেন।

এই হিজরী সনে যাঁদের ওফাত হয়

বুজায়র ইবন ওয়ারকা সারীমী

৮১ হিজরী সনে যে সকল বিশিষ্ট ব্যক্তির ওফাত হয় তাঁদের একজন হলেন বুজায়র ইবন ওয়ারকা সারীমী। তিনি খোরাসানের শীর্ষস্থানীয় ও বিশিষ্ট ব্যক্তি ছিলেন। তিনি ইবন খায়িমের বিরুদ্ধে যুদ্ধ করেন এবং তাকে হত্যা করেন। তিনি বুকায়ব ইবন বিশাহকে হত্যা করেন। অতঃপর এই ৮১ সনে তিনি নিজেই নিহত হন।

সুওয়াইদ ইবন গাফলাহ ইবন আওসাজা ৮১ হিজরী সনে যাঁদের ইনতিকাল হয় তাদের অন্যতম হল সুওয়াইদ ইবন গাফলাহ ইবন আওসাজা ইবন আমির। আবু উমাইয়া জুকী কৃষী। তিনি ইয়ারমুকের যুদ্ধে অংশগ্রহণ করেছিলেন। বহু সাহাবী থেকে তিনি হাদীস বর্ণনা করেছেন। প্রসিদ্ধ অভিযান অনুযায়ী তিনি জাহেলী যুগ ও ইসলামী যুগ উভয় যুগে শ্রদ্ধাভাজন ব্যক্তি হিসেবে পরিচিত ছিলেন। কেউ কেউ বলেন যে, তিনি রাসূলুল্লাহ (সা)-কে দেখেছিলেন। রাসূলুল্লাহ (সা) যে বৎসরে দুনিয়াতে আগমন করেছেন ওই বৎসরেই সুওয়াইদ ইবন গাফলাহ (রা)-এর জন্ম হয়। তিনি রাসূলুল্লাহ (সা)-এর পেছনে নামায পড়েছেন। তবে বিশুদ্ধ অভিযান

হলো যে, তিনি রাসূলুল্লাহ (সা)-কে দেখেননি। কেউ কেউ বলেছেন, রাসূলুল্লাহ (সা)-এর দুনিয়াতে আগমনের দুই বৎসর পর সুওয়াইদের জন্ম হয়। তিনি ১২০ বৎসর জীবিত ছিলেন। এই সময়ের মধ্যে কেউ তাঁকে কুঁজো হয়ে হাঁটতে দেখেনি, আর তাঁর হাতে লাঠিও দেখেনি, তাঁর ওফাতের বৎসর অর্থাৎ ৮১ সনে তিনি জনেকা কুমারী মেয়েকে বিয়ে করেন। আবু উবায়দ ও অন্যান্যরা এই তথ্য দিয়েছেন। কেউ কেউ বলেছেন যে, ৮২ সনে তাঁর ইন্তিকাল হয়। আল্লাহই তাল জানেন।

আবদুল্লাহ ইব্ন শান্দাদ ইব্নুল হাদ

যাঁরা ৮১ সনে ইন্তিকাল করেছেন তাঁদের একজন হলেন আবদুল্লাহ ইব্ন শান্দাদ ইব্নুল হাদ (র)। তিনি ইবাদতকারী ও পরহেয়গার লোক ছিলেন। বিশিষ্ট জ্ঞানী ব্যক্তি ছিলেন। তিনি বহু ওসিয়ত এবং উপদেশমূলক বাণী রচনা করে গিয়েছেন। সাহাবীদের বরাতে একাধিক হাদীস এবং তাবিস্তের বরাতে বহু হাদীস বর্ণনা করেছেন।

মুহাম্মদ ইব্ন আলী ইব্ন আবু তালিব (রা)

৮১ সনে ওফাতপ্রাণ বিশিষ্ট ব্যক্তিদের অন্যতম এই মুহাম্মদ ইব্ন আলী (রা)। তিনি আবুল কাসিম এবং আবু আবদুল্লাহ উভয় উপনামে পরিচিত। ইব্নুল হানাফিয়্যাহ নামে তিনি ততোধিক পরিচিত ছিলেন। তাঁর মাতা হানাফিয়্যাহ ছিলেন বানু হানীফা গোত্রের একজন কালো মহিলা। তাঁর মূলনাম খাওলা। হয়রত উমার ইব্ন খাতাব (রা)-এর শাসনামলে মুহাম্মদ ইব্ন আলীর জন্ম হয়। পরিণত বয়সে তিনি আমীর মুআবিয়া এবং আবদুল মালিক ইব্ন মারওয়ানের দরবারে গিয়েছিলেন। উষ্ট্রের যুক্তের দিন তিনি মারওয়ানকে মাটিতে ফেলে দিয়েছিলেন এবং তার বুকের উপর ঢড়ে বসেছিলেন। তিনি তাকে হত্যা করতে চেয়েছিলেন। কিন্তু মারওয়ান কাকুতি-মিনতি এবং আল্লাহর দোহাই দিয়ে থাণ ভিক্ষা চায়। পরে তিনি তাকে ছেড়ে দেন। খলীফা আবদুল মালিকের রাজত্বকালে তাঁর সাথে সাক্ষাত করতে গেলে আবদুল মালিক এই ঘটনার উল্লেখ করেন। মুহাম্মদ ইব্ন আলী ঘটনার জন্মে ক্ষমা প্রার্থনা করেন। খলীফা ক্ষমা মন্তব্য করেন এবং তাঁকে বহু উপহার-উপটোকন প্রদান করেন।

মুহাম্মদ ইব্ন আলী (রা) কুরায়শের নেতৃত্বানীয় ব্যক্তি ছিলেন। তিনি প্রসিদ্ধ বীর সাহসী এবং শক্তিমান পুরুষদের একজন ছিলেন। হয়রত ইব্ন যুবায়র (রা)-কে খলীফা ঘোষণা করে যখন তাঁর পক্ষে বায়আত প্রহণ করা হয় তখন মুহাম্মদ ইব্ন আলী (রা) বায়আত করেননি। ফলে তাঁদের দু'জনের মধ্যে সম্পর্কের চরম অবনতি ঘটে। এমনকি খলীফা ইব্ন যুবায়র মুহাম্মদ ইব্ন আলী এবং তাঁর পরিবারের উপর আক্রমণ করার সিদ্ধান্ত নেন। পরবর্তীতে হয়রত আবদুল্লাহ ইব্ন যুবায়র নিহত হলেন। আবদুল মালিক ইব্ন মারওয়ানের খিলাফত নিষ্কটক হলো। এ সময়ে হয়রত আবদুল্লাহ ইব্ন উমার (রা) আবদুল মালিকের প্রতি বায়আত ও আনুগত্য প্রকাশ করেন। তাঁর অনুসরণে মুহাম্মদ ইব্ন হানাফিয়্যাহও খলীফার প্রতি আনুগত্য প্রকাশ করেন। এ সময়ে তিনি মদীনায় আগমন করেন। এবং ৮১ সনে সেখানে ইন্তিকাল করেন। কেউ কেউ বলেছেন তাঁর ওফাত হয়েছে ৮২ সনে। আবার কেউ বলেছেন ৮০ সনে, জান্নাতুল বাকী গোরস্তানে তাঁকে দাফন করা হয়। রাফিয়ী সম্প্রদায়ের ধারণা যে, মুহাম্মদ ইব্নুল হানাফিয়্যা রিজভী পর্বতে অবস্থান করছেন, তিনি জীবিত আছেন রিয়্কপ্রাণ আছেন।

তারা তাঁর আগমনের অপেক্ষায় আছে। এই প্রসঙ্গে কবি কুছায়ির আয্যাহ নিম্নের কবিতা আবৃত্তি করেন :

‘أَلَا إِنَّ الْأَئِمَّةَ مِنْ قُرَيْشٍ * وَلَا الْحَقُّ أَرْبَعَةُ سَوَاءٌ’

‘জেনে নাও যে, ইমাম ও খলীফা হবে কুরায়শ বৎশ থেকে। তাঁরা প্রকৃত খলীফা। তাঁরা সংখ্যায় চারজন।

‘عَلَىٰ وَالثَّلَاثَةِ مِنْ بَنِيهِ * هُمُ الْأَسْبَاطُ لَيْسَ بِهِمْ خَفَاءٌ’

একজন হলেন হ্যরত আলী (রা)। আর তিনজন তাঁর বৎশধর, তাঁরা রাসূলুল্লাহ (সা)-এর দোহিতা। তাঁদের যোগ্যতা ও উপযুক্তিয় কোন অস্পষ্টতা নেই।

‘فَسَبِطُ سَبْطٍ أَيْمَانٍ وَبَرٌِّ * وَسَبِطٌ غَيْبَتُهُ كَرْبَلَاءُ’

এক দোহিতা তিনি ছিলেন ঈমান ও সৎ পুণ্যের মূর্ত প্রতীক। (হ্যরত হাসান (রা))। অপর এক দোহিতা কারবালা তাঁকে লোকচক্ষু থেকে অদৃশ্য করে দিয়েছে। [হ্যরত ইমাম হসায়ন (রা)]।

‘وَسَبِطٌ لَا تَرَاهُ الْعَيْنُ حَتَّىٰ * تَعُودُ الْخَيْلَ يَقْدُمُهَا لِوَاءً’

অপর এক দোহিতা। তাঁকে এখন চোখে দেখা যাচ্ছে না। এক সময় তিনি ঘোড়ায় চড়ে পতাকা উঁচিয়ে আবির্ভূত হবেন।

আবদুল্লাহ ইব্ন যুবায়র (রা) যখন মুহাম্মদ ইব্নুল হানাফিয়া এর প্রতি দুর্ব্যবহার শুরু করলেন এবং তাঁর প্রতি অত্যাচার করার চেষ্টা করলেন, তখন মুহাম্মদ ইব্ন হানাফিয়া আবৃতোফায়লের নেতৃত্বে কৃফায় অবস্থানকারী শীআদেরকে এ বিষয়ে অবহিত করলেন। তখন কৃফার শাসনকর্তা ছিল মুখ্যতার ইব্ন উবায়দুল্লাহ। হ্যরত আবদুল্লাহ ইব্ন যুবায়র (রা) মুহাম্মদ ইব্ন হানাফিয়া -এর ঘরের দরযায় প্রচুর কাঠ স্তুপীকৃত করেছিলেন যে, ওগুলোতে আগুন ধরিয়ে মুহাম্মদ ইব্ন হানাফিয়া ও তাঁর পরিবারকে পুড়িয়ে দিবেন। মুহাম্মদ ইব্ন হানাফিয়ার (র) চিঠি মুখ্যতারের নিকট গিয়ে পৌছে। মুখ্যতার নিজে ইব্নুল হানাফিয়াকে ইমাম মাহদী জ্ঞান করত এবং তাঁর নেতৃত্বের প্রতি জনগণকে আহবান করত। এই পরিস্থিতিতে মুখ্যতার আবৃত্তি আবদুল্লাহ বাজালীর নেতৃত্বে বানূ হাশিম গোত্রের লোকদেরকে উদ্ধার করে নিয়ে যাবার জন্যে চার হাজার সৈন্য পাঠায়। তারা ইব্ন যুবায়র (রা)-এর কবল থেকে বানূ হাশিম গোত্রের লোকদেরকে মুক্ত করে নিয়ে যায়। হ্যরত আবদুল্লাহ ইব্ন আবাস (রা)-ও তাঁদের সাথে যাত্রা করেন। তায়েকে তাঁর ইন্তিকাল হয়। ইব্ন হানাফিয়াহ তাঁর শীআ মতাবলম্বী অনুসারীদের মধ্যে অবস্থান করতে থাকেন। ইব্ন যুবায়র (রা) তাঁকে বেরিয়ে যাবার নির্দেশ দেন। তিনি সাথীদেরকে নিয়ে সিরিয়া চলে যান। তাদের সংখ্যা ছিল প্রায় সাত হাজার।

তাঁর আয়লা নামক স্থানে পৌছার পর খলীফা আবদুল মালিক এই মর্মে চিঠি লিখলেন যে, আপনারা হয় আমার আনুগত্য স্থীকার করে এখানে বসবাস করেন, না হয় অন্যত্র চলে যাবেন। উভয়ের ইব্নুল হানাফিয়া লিখলেন, আপনি আমার অনুসারীদের নিরাপত্তা নিশ্চিত করবেন এই শর্তে আমি আপনার প্রতি আনুগত্য প্রকাশ করতে পারি। খলীফা আবদুল মালিক বললেন হাঁ, তাই হবে। অতঃপর ইব্নুল হানাফিয়া তাঁর অনুসারীদের উদ্দেশ্যে বক্তব্য রাখতে দাঢ়ালেন। মহান আল্লাহর প্রশংসা ও গুণগান করার পর তিনি বললেন, প্রশংসা মহান আল্লাহর।

যিনি তোমাদের রক্তের হিফায়ত করলেন, জীবনের নিরাপত্তার ব্যবস্থা করলেন এবং তোমাদের দীন রক্ষা করলেন। এখন তোমাদের মধ্যে যদি কেউ নিজ দেশে নিরাপদে বসবাস করতে পারবে বলে মনে কর এবং সেখানে যেতে চাও, তবে যেতে পার। এই ঘোষণার পর তাঁর অনুসরীদের বেশীর ভাগ নিজ নিজ অঞ্চলে চলে যায়। তাঁর সাথে থাকে মাত্র সাত শত পুরুষ।

এ পর্যায়ে ইব্নুল হানাফিয়া উমরার ইহরাম বাঁধলেন, সাথে মালা পরিয়ে কুরবানীর জন্য পশু নিলেন এবং মুক্তির উদ্দেশ্যে যাত্রা করলেন। হারাম শরীফে প্রবেশের প্রাক্তলে ইব্ন যুবায়রের পাঠানো অশ্বারোহী বাহিনী তাঁকে বাধা দেয়। তিনি ইব্ন যুবায়রের (রা) নিকট সংবাদ পাঠালেন যে, আমরা যুদ্ধ-বিগ্রহের জন্যে আসিন। আমাদের পথ ছেড়ে দিন। উমরা শেষ করে আমরা ফিরে যাব। ইব্ন যুবায়র (রা) তাতে রায়ী হলেন না। ইব্নুল হানাফিয়ার সাথে মালা জড়ানো কুরবানীর পশু ছিল তাই ইহরাম অবস্থায় মদীনা শরীফ ফিরে গেলেন এবং ইহরাম অবস্থায় সেখানে অবস্থান করতে লাগলেন।

এরই মধ্যে হাজাজ আসল। মুক্তি শরীফ আক্রমণ করে সে আবদুল্লাহ ইব্ন যুবায়র (রা)-কে হত্যা করল। তখনো ইব্নুল হানাফিয়া ইহরাম অবস্থায় ছিলেন। হাজাজ ইরাক ফিরে গেল। ইব্নুল হানাফিয়া মুক্তি শরীফ গিয়ে উমরা আদায় করে এলেন। ইহরাম করার কয়েক বৎসর পর তিনি এই উমরা আদায় করলেন, এই দীর্ঘ সময়ে তাঁর মাথায় প্রচুর উকুন জন্ম নিয়েছিল। উকুনগুলো মাথা থেকে ঝরে ঝরে পড়ত। উমরা শেষ করে তিনি মদীনা শরীফ ফিরে যান। তিনি ইন্তিকাল পর্যন্ত সেখানে বসবাস করতে থাকেন।

কথিত আছে যে, আবদুল্লাহ ইব্ন যুবায়র (রা) নিহত হবার পর হাজাজ এসে ইব্নুল হানাফিয়াকে বলেছিল এখনতো ওই আল্লাহর দুশ্মন নিহত হয়েছে এখন আপনি খলীফা আবদুল মালিকের হাতে বায়আত করুন। উত্তরে ইব্নুল হানাফিয়া লিখেছিলেন যে, সকল মানুষের বায়আত শেষ হলে আমি বায়আত করব। প্রত্যুভাবে হাজাজ বলেছিল আল্লাহর কসম! আমি অবশ্যই আপনাকে কতল করব। পাস্টা উত্তরে ইব্নুল হানাফিয়া বলেছিলেন, মহান আল্লাহ প্রতিদিন ৩৬০ বার লাওহ-ই মাহফুয়ে দৃষ্টি দেন। প্রতি দৃষ্টিতে ৩৬০টি বিষয়ে ফায়সালা করেন। আশা করি একটি ফায়সালা মহান আল্লাহ আমার সম্পর্কে করবেন ফলে তোমার হাত থেকে তিনি আমাকে রক্ষা করবেন। ইব্নুল হানাফিয়া-এর এই বক্তব্য হাজাজ খলীফা আবদুল মালিককে লিখে জানান। এই মন্তব্য খলীফার বেশ পসন্দ হয়। তিনি হাজাজকে লিখলেন যে, মুহাম্মদ ইব্নুল হানাফিয়া-এর বক্তব্যে তো কোন বিদ্রোহ কিংবা বিরোধিতা নেই। সুতরাং তাঁর প্রতি সদয় আচরণ করবে। এক পর্যায়ে তিনি নিজেই আসবেন এবং বায়আত করবেন।

এক সময় খলীফা আবদুল মালিক ইব্নুল হানাফিয়া এর এই বক্তব্যটি রোমান সম্রাটকে লিখে পাঠান “মহান আল্লাহ প্রতিদিন ৩৬০ বার লাওহ-ই মাহফুয়ে নজর করেন।” কারণ, রোমান সম্রাট খলীফা আবদুল মালিককে এই মর্মে ধমক দিয়েছিল যে, এক বিশাল বাহিনী নিয়ে সে খলীফার উপর আক্রমণ করবে। ওই আক্রমণ ঠেকানোর কোন শক্তি খলীফার থাকবে না। উত্তরে খলীফা আবদুল মালিক ইব্নুল হানাফিয়াহ এর বক্তব্যটি রোমান সম্রাটের নিকট পৌছে দেন। তখন রোমান সম্রাট বলেছিল, এটি তো আবদুল মালিকের বক্তব্য নয়। এটি নিশ্চয় নবী পরিবারের কারো মুখ থেকে বের হয়েছে।

আরবের জনগণ যখন খলীফা আবদুল মালিকের হাতে বায়আত করার জন্যে উপস্থিত হয় তখন হয়রত আবদুল্লাহ ইব্ন উমর (রা) ইব্নুল হানাফিয়াকে বলেছিলেন, এখন তো আর সমস্যা নেই সুতরাং আবদুল মালিকের হাতে বায়আত করে নিন, ইব্নুল হানাফিয়া তাঁর

বায়আতের কথা লিখিতভাবে আবদুল মালিককে জানিয়ে দিলেন। এবং আরো পরে তিনি সশরীরে আবদুল মালিকের নিকট এসে সাক্ষাত করেন।

মুহাম্মদ ইব্নুল হানাফিয়া মুহাররম মাসে মদীনায় ইন্তিকাল করেন। তখন তাঁর বয়স ছিল ৬৫ বৎসর। মৃত্যুকালে তিনি আবদুল্লাহ, হাময়া, আলী, বড় জাফর, হাসান, ইব্রাহিম, কাসিম, আবদুর রহমান, ছেট জাফর আওন এবং রুক্মায়া নামের পুত্র-কন্যাগণকে রেখে যান। এদের প্রত্যেকেরই ভিন্ন ভিন্ন মাতা ছিলেন।

যুবায়র ইব্ন বাককার বলেন যে, ইব্নুল হানাফিয়া-এর অনুসারীরা মনে করে যে, তিনি মারা যাননি। এ প্রসঙ্গে সাইয়েদ ইসমাইল হিমইয়ারী বলেছেন :

أَلَا قُلْ لِلّوَصِيِّ فَدِّتْكَ نَفْسِيْ * أَطْلَتْ بِذِلِّ الْجَبَلِ الْمُقَامًا

“ওহে পথিক, ভারপ্রাণ অভিভাবককে বলে দাও, আমার প্রাণ আপনার জন্যে কুরবান হোক। আপনি তো দীর্ঘদিন ওই পাহাড়ে অবস্থান করছেন।

أَضْرَ بِمَعْشَرِ وَالْوَكَ مِنْ * وَسَمْوُكَ الْخَلِيفَةِ وَالْأَمَامَا

তাঁকে নিয়ে একদল ক্ষতিগ্রস্ত হয়েছে। ওরা আপনাকে আমাদের থেকে বিচ্ছিন্ন করেছে। ওরা আপনাকে খলীফা ও ইমাম নামে আখ্যায়িত করেছে।

وَعَادُوا فِيْكَ أَهْلُ الْأَرْضِ طَرِئَا * مُقَامُكَ فِيْهِمْ سِتِّينَ عَامًا

পৃথিবীর অধিবাসিগণ হিংসা-বিদ্রেবশতঃ আপনার ব্যাপারে সীমা লংঘন করেছে। আপনি তো ষাট বৎসর ওদের মাঝে ছিলেন।

وَمَا ذاقَ ابْنُ خَوْلَةَ طَعْمَ مَوْتٍ * وَلَا وَارَتْ لَهُ أَرْضُ عِظَاماً

খাওলার পুত্র তো মৃত্যুর স্বাদ গ্রহণ করেনি। আর কোন মাটি তাঁর হাত্তি-দেহ নিজের মধ্যে ঝুকিয়ে রাখেনি।

لَقْدَ أَمْسَى بِمَوْرِقِ شَعْبِ رِضْوَى * تُرَاجِعُهُ الْمُلْكَةُ الْكَلَامَا

তিনি অবস্থান করছেন রিজজী পার্বত্য উপত্যকায়। ফেরেশতাগণ তাঁর সাথে আলাপচারিতায় মগ্ন থাকে।

وَإِنَّ لَهُ بِهِ لِمَقِيلَ صِدْقٍ * وَأَنْدِيَةَ تَحْدِثُ كِرَاماً

সেখানে তিনি শান্তিতে বিশ্রাম নিছেন। এবং সম্মানিত ব্যক্তিদের সাথে আলাপচারিতায় মেতে থাকেন।

صَدَّانَا اللَّهُ أَدْخَرْتُمْ لَأْمَرْ * بِهِ عَلَيْهِ يَلْتَمِسُ التَّمَامَا

আল্লাহ আমাদের হিদায়াত দান করেছেন। তোমরা এমন এক বিষয়ের অপেক্ষায় আছ তাঁকে দিয়ে আল্লাহ যেটি পূর্ণ করবেন।

تَعَامُّ نُورِهِ الْمَهْدِيِّ حَتَّى * تَرَوَا رَأْيَاتِهِ تَبَرَّا نِظَاماً

মহান আল্লাহর মূরের পূর্ণতা স্বরূপ ইব্নুল হানাফিয়াহ মাহদীরপে আবির্ভূত হবেন। তোমরা একের পর এক তাঁর পরিচিতি, পতাকা ও নির্দর্শন দেখতে পাবে।

রাফেয়ী সম্প্রদায়ের একটি অংশ মুহাম্মদ ইব্ন হানাফিয়াকে ইমাম মাহদী মনে করে। তারা অপেক্ষায় আছে যে, শেষ যুগে তিনি ইমাম মাহদীরূপে আবির্ভূত হবেন। যেমন তাদের অন্য একদল হাসান ইব্ন মুহাম্মদ আল আসকারীর আগমনের অপেক্ষায় আছে। তাদের মতে হাসান ইব্ন মুহাম্মদ বেরিয়ে আসবেন সামুরাই অঞ্চলের পাতাল গৃহ থেকে।

বস্তুতঃ উদের এসব আকীদা ও বিশ্বাস সম্পূর্ণ বাতিল, গোমরাহী, অসত্য, বোকুমি ও মিথ্যার বেসাতী। যথাস্থানে আমরা এ বিষয়ে আরো বিস্তারিত আলোচনা করব ইনশাআল্লাহ।

৮২ হিজরী সন

এই সনে ইব্ন আশআছ ও হাজাজের মধ্যে যাবিয়ার যুদ্ধ সংঘটিত হয়। এটি হয়েছিল মুহাররাম মাসের শেষ দিকে। প্রথম দিন ইরাকী সৈন্যরা সিরীয় সৈন্যদের উপর চাপ সৃষ্টি করেছিল। দ্বিতীয় দিন উভয় দল সমানে সমানে ছিল। এই দিনে সুফয়ান ইব্ন আবরাদ নামে এক সিরীয় সেনাপতি ইব্নুল আশআছের ডানদিকের সৈনিকদের উপর আক্রমণ চালায়, সে তাদেরকে পরাজিত করে। এবং এই দিনে ইব্নুল আশআছের সমর্থক বহু ‘কারী’ ও ইবাদতকারী মানুষকে সে হত্তা করে।

হাজাজ এতক্ষণ হাঁটু গেড়ে বসেছিল। এ সংবাদ শোনার পর সে আল্লাহর প্রতি সিজদাবন্ত হল। তার তরবারির কিছু অংশ খাপমুক্ত করল। তারপর মুসআব ইব্ন যুবায়রের জন্যে দুঃখ প্রকাশ করছিল আর বলছিল, কত ভাল মানুষ ছিলেন তিনি। মৃত্যু নিশ্চিত জেনেও ধৈর্যধারণ করেছিলেন।

এই আক্রমণে ইব্নুল আশআছের সমর্থকদের মধ্যে আবৃ তুফায়ল ইব্ন আমির ইব্ন ওয়াইলা লাইছী (রা)ও নিহত হন।

ইব্নুল আশআছের সৈনিকদের পরাজয়ের পর অবশিষ্ট লোকদেরকে নিয়ে তিনি পেছনের দিকে সরে আসেন। তিনি কৃফায় ফিরে যান। এই সময়ে বসরার অধিবাসিগণ আবদুর রহমান ইব্ন আইয়াশ ইব্ন রাবীআ ইব্ন হারিছ ইব্ন আবদুল মুজালিবের হাতে বায়আত করে তাঁকে নেতো বানিয়ে নেয়। অতঃপর আবদুর রহমানের নেতৃত্বে তারা একদিক্রমে পাঁচদিন হাজাজের বিরুদ্ধে প্রচণ্ড যুদ্ধ পরিচালনা করে। এরপর আবদুর রহমান পেছনে সরে গিয়ে ইব্নুল আশআছের সাথে মিলিত হন। বসরার একদল লোক তার সাথে সাথে গমন করে।

এদিকে বসরা নগরী জয় করার পর হাজাজ তার পক্ষে আইয়ুব ইব্ন হাকাম ইব্ন আবু আকীলকে সেখানকার শাসনকর্তা নিয়োগ করে।

ইব্নুল আশআছ কৃফা প্রবেশ করেন। সেখানকার জনগণ খলীফা আবদুল মালিক ও হাজাজের প্রতি প্রদত্ত বায়আত প্রত্যাহার করে ইব্নুল আশআছের প্রতি আনুগত্য প্রকাশ করে। অবস্থার উন্নতি হচ্ছিল। দিনে দিনে ইব্নুল আশআছের সমর্থক বৃদ্ধিই পাচ্ছিল। এতে করে রাজনৈতিক পরিস্থিতি জটিলতার দিকে যাচ্ছিল। মুসলমানদের মধ্যে বিচ্ছিন্নতা সৃষ্টি হল। তালি কাপড়ে ছেঁড়া আরো বৃদ্ধি পেল।

ওয়াকিদী বলেন, যাবিয়াহ্তে ইব্নুল আশআছ ও হাজাজের সৈন্য যুদ্ধে লিঙ্গ হবার পর হাজাজের সৈন্যরা প্রতিপক্ষের উপর একের পর এক আক্রমণ রচনা করেছিল। ইব্নুল আশআছের সমর্থক ‘কারী’ তথা বিজ্ঞ উলামাই কিরাম জাবাল্লাহ ইব্ন যাহার-এর নেতৃত্বাধীন থেকে চীৎকার করে ডেকে ডেকে সপক্ষীয় সৈন্যদেরকে বলছিলেন- ওহে সৈনিকগণ! তোমাদের কেউ যদি পালিয়ে যায় তবে তার চাইতে লজ্জা ও লাঞ্ছনার কিছু নেই। তোমরা নিজেদের দীন

ও দুনিয়া রক্ষায় লড়াই চালিয়ে যাও। সাইদ ইব্ন জুবায়রও একপ বলতে থাকেন। শা'বী বলেছিলেন যে, ওরা নিজেদের সৈন্যদেরকে বলছিল ওদের যুলুমের বিরুদ্ধে, দুর্বলদেরকে অপদন্ত করার বিরুদ্ধে এবং নামাযে অবহেলার বিরুদ্ধে তোমরা যুদ্ধ চালিয়ে যাও। এরপর আলিমগণ নিজেরাও হাজার বাহিনীর উপর আক্রমণ পরিচালনা করেন। প্রচণ্ড সাহসিকতা নিয়ে তাঁরা হামলা চালান। তাঁরা প্রতিপক্ষকে ছত্রভঙ্গ করে দেয়। তারপর ফিরে আসে। হঠাৎ তাঁরা তাঁদের নেতা জাবোল্লাহ ইব্ন যাহাকে মাটিতে পড়ে থাকতে দেখতে পান। এতে তারা ভয় পেয়ে যান। তখনই হাজারের সৈন্যরা চীৎকার দিয়ে বলে উঠে, ওহে আল্লাহর শক্রগণ, এই যে, তোদের নেতাকে আমরা হত্যা করে ফেলেছি। এর পরই হাজারের অশ্ববাহিনীর প্রধান সেনাপতি সুফয়ান ইব্ন আবরাদ আশআছের বাম ইউনিটের উপর হামলা চালায়। ওই ইউনিটের দায়িত্বে ছিল আবরাদ ইব্ন মুররাহ তায়মী। তাল সামলাতে না পেরে আশআছ বাহিনী পরায়ন বরণ করল। তারা এ সময়ে খুব একটা যুদ্ধ করেন। সাধারণ সৈনিকেরা বাম ইউনিটের এই দায়িত্বহীনতার সমালোচনা করে। মূলতঃ ইব্ন আশআছের বাম ইউনিটের এই সেনাপতি আবরাদ ছিল একজন সাহসী ও দক্ষ সৈনিক। সে পালিয়ে যাবার লোক ছিল না। সবাই ধারণা করে যে, সে তখন অপ্রকৃতিস্থ ও অস্বাভাবিক অবস্থায় ছিল। বাম ইউনিটের পরাজয়ের পর অবশিষ্ট সৈন্যদের মধ্যে বিশৃংখলা দেখা দেয়। সারিগুলো ভেঙ্গে যায়। সৈন্যদের একদল অপর দলের উপর ঝুঁড়ি খেয়ে পড়ে। ইব্ন আশআছ সৈন্যদেরকে লড়াই চালিয়ে যেতে উৎসাহিত করছিলেন। কিন্তু সৈনিকদের বিশৃংখল অবস্থা দেখে তিনি তাঁর অনুসারীদেরকে নিয়ে পেছনে সরে যান এবং সরাসরি কূফা নগরীতে গিয়ে পৌছেন। অতঃপর কূফার নাগরিকগণ তাঁকে খীলীফা মনেন্নীত করে তাঁর হাতে বায়আত করে। এবং এরপর এই বৎসর শা'বান মাসে জামাজিম মঠের যুদ্ধ সংঘটিত হয়।

জামাজিম মঠের যুদ্ধ

ওয়াকিদী বলেন যে, ইব্নুল আশআছ অতঃপর কূফা অভিযুক্তে যাত্রা করেন। তাঁর আগমনে স্বাগত জানানোর জন্যে হাজার হাজার কূফাবাসী পথে বেরিয়ে আসে। তাকে অভিনন্দন জানায়। এবং তাঁর সম্মুখে এসে সংহতি প্রকাশ করে। অবশ্য হাজারের নিযুক্ত শাসনকর্তা মাতার ইব্ন নাহিয়ার নেতৃত্বে অল্প কতক লোক তাকে বাধা দেয়ার এবং তার বিরুদ্ধে যুদ্ধ করার চেষ্টা করেছিল। তারা তাতে সক্ষম হয়নি। ফলে তারা সরকারী প্রাসাদে ফিরে যায়।

ইব্ন আশআছ কূফায় প্রবেশ করে কতগুলো মই ও সিডি আনার নির্দেশ দেন। ওগুলো স্থাপন করা হয় প্রশাসনিক ভবনে। অতঃপর সিংড়ি বেয়ে ভবনে ঢুকে শাসনকর্তা মাতার ইব্ন নাহিয়াকে টেনে নামিয়ে আনা হয়। ইব্নুল আশআছ তাকে হত্যা করতে চেয়েছিলেন, কিন্তু সে করজোড়ে মিনতি করে বলল, আমাকে মারবেন না, আমাকে বাঁচিয়ে রাখুন। আপনার অশ্বারোহী সৈনিকদের চাইতে আমি অধিকতর দক্ষ ও অভিজ্ঞ। আমি আপনার পক্ষে কাজ করব। তাকে বন্দী করে রাখা হল। এরপর ইব্নুল আশআছ তাকে ডেকে আনে এবং বন্দীদশা থেকে মুক্তি দেন। তাকে ইব্নুল আশআছের পক্ষে কূফার শাসন ক্ষমতা দৃঢ় করার নির্দেশ দেয়া হয় বসরা থেকে যারা এসেছিল তারাও তার সাথে যোগ দেয়। বসরা থেকে যারা এসেছিল তাদের মধ্যে অন্যতম ছিলেন আবদুর রহমান ইব্ন আবাস ইব্ন রাবীআ ইব্ন আবদুল মুত্তালিব। ইব্ন আশআছ সকল দিকে সশস্ত্র পাহারা বসানোর জন্যে নির্দেশ দিলেন। অতঃপর সকল রাজপথ, সড়কপথ এবং গলিপথে নিরাপত্তা চৌকি বসানো হল।

ওদিকে হাজার তার সিরীয় সৈন্যদেরকে নিয়ে ইব্নুল আশআছের মুকাবিলা করার জন্যে অচুকপথে বসরা থেকে যাত্রা করে। সে যখন কাদিসিয়া এবং আধীব অঞ্চলের মাঝামাঝি স্থানে এসে পৌছে, তখন ইব্নুল আশআছ আবদুর রহমান ইব্ন আকাসকে একদল মিসরীয় বিরাট অস্তারোহী বাহিনীর সেনাপতি বানিয়ে হাজারকে বাধা দেয়ার জন্যে প্রেরণ করেন। তারা হাজারকে কাদিসিয়া প্রান্তরে বাধা দেয়। ফলে সে কাররাহ নামক স্থানে শিবির স্থাপন করে।

ইব্নুল আশআছ তাঁর বসরী ও কৃষি নাগরিক সমব্রহ্মে গঠিত বিশাল সেনাবাহিনী নিয়ে অগ্রসর হন। তারা জামাজিম মঠসংলগ্ন প্রান্তরে এসে শিবির স্থাপন করে। তার সাথে তখন বহু সৈন্য। তাদের মধ্যে অনেক কিরাতাত বিশেষজ্ঞ কারী এবং সৎকর্মশীল-নেককার মানুষ ছিলেন। ইব্নুল আশআছ জামাজিম প্রান্তরে অবস্থান নিয়েছে এই সংবাদ তখন হাজার বলেছিল, মহান আল্লাহ তাকে ধূস করুন, আমি কাররাহ প্রান্তরে অবস্থান করছি। আমাকে দেখে কি পক্ষীকুল পালিয়ে যায়নি? সে আবার জামাজিম প্রান্তরে গিয়ে অবস্থান নিল কেন?

ইব্নুল আশআছের সাথে বেতনভোগী সৈনিক ছিল এক লক্ষ। আর এক লক্ষের মত ছিল মাওয়ালী বা নও মুসলিম।

এই সময়ে সিরিয়া থেকে হাজারের নিকট প্রচুর সেনা সাহায্য আসে। উভয় পক্ষ নিজেদের চারিপাশে পরিখা খনন করে। যাতে প্রতিপক্ষ নিজেদের সীমানায় প্রবেশ করতে না পারে। তবে প্রতিদিন উভয়পক্ষে খণ্ডন চলছিল। যার ফলে যুদ্ধের গতি দিনে দিনে তীব্রতর হচ্ছিল। ফলে বহু নেতৃস্থানীয় কুরায়শী লোক নিহত হয়। দীর্ঘদিন এ অবস্থা চলতে থাকে। খলীফা আবদুল মালিকের উপদেষ্টাগণ তাঁর সাথে পরামর্শ সভায় মিলিত হয়েছিল। তারা প্রস্তাব করেছিল যে, ইরাকী জনগণ যদি হাজারকে বরখাস্ত করলে সন্তুষ্ট হয়ে কেন্দ্রীয় সরকারের প্রতি অনুগত হয় তাহলে দীর্ঘ যুদ্ধ ও প্রচুর রক্তক্ষয়ের চাইতে তা করাই ভাল।

খলীফা আবদুল মালিক তাঁহার ভাই মুহাম্মদ ইব্ন মারওয়ান এবং তাঁর পুত্র আবদুল্লাহ ইব্ন আবদুল মালিককে ডাকলেন, তাদের সাথে ছিল বহু যোদ্ধা সৈনিক। খলীফা তাদের মাধ্যমে ইরাকীদের নিকট এই মর্মে একটি চিঠি পাঠালেন যে, হাজারকে অপসারণ করলে তোমরা যদি খুশী হও তাহলে আমি তাকে বরখাস্ত করব। তোমাদের জন্যে বরদ্ধকৃত ভাতা আমি নিয়মিত সরবরাহ করব। যেমনটি সিরীয়দেরকে সরবরাহ করি। ইব্নুল আশআছ যে কোন রাজ্যের শাসনকর্তা হতে চাইবে তাকে ওই পদে নিয়োগ দিব এবং আমি যতদিন জীবিত থাকি এবং সে যতদিন জীবিত থাকবে ওই পদে বহাল থাকবে। আমার ভাই মুহাম্মদ ইব্ন মারওয়ান ইরাকের শাসনকর্তার দায়িত্ব পালন করবে। এই শর্তে তারা রাখী হলে তা করা হবে। আর যদি তার তা না মানে তাহলে হাজার যে পদে আছে সে পদে থাকবে এবং যুদ্ধের সর্বাধিনায়ক সে-ই থাকবে। মুহাম্মদ ইব্ন মারওয়ান ও আবদুল্লাহ ইব্ন আবদুল মালিক তার অধীনে কাজ করবে। যুদ্ধের ব্যাপারে কিংবা অন্য কোন ব্যাপারে তার সিদ্ধান্তের বাইরে তাদের কিছু বলার থাকবে না।

খলীফা আবদুল মালিকের পাঠানো চিঠির মর্ম অনুযায়ী ইরাকীদের সম্মতির প্রেক্ষিতে হাজারের পদচুতি সম্পর্কিত বিষয় অবগতি হবার পর হাজার দারুণভাবে চিহ্নিত হয়ে পড়ে। সে তীব্রণভাবে বিচলিত হয়ে পড়ে। হাজার তখন খলীফাকে লিখে “হে আমীরুল মু’মিনীন, ইরাকীদের সম্মতির ভিত্তিতে আপনি যদি আমাকে অপসারণ করেন, তাহলে অল্পদিন পরেই ওরা পুনরায় আপনার বিরোধিতা করবে এবং আপনার বিরুদ্ধে যুদ্ধ শুরু করবে। আপনার এই পদক্ষেপ ওদের শুধু দুঃসাহস-ই বৃদ্ধি করবে। একথা কি আপনি শুনেননি যে, ইরাকীরা

আশতার নাখজি-এর সাথী হয়ে হ্যরত উছমান (রা)-এর সম্মুখে বিক্ষেপ করেছিল ? হ্যরত উছমান (রা) বলেছিলেন, তোমরা কি চাও ? তারা বলেছিল, সাইদ ইবনুল আস-এর অপসারণ চাই। তিনি সাইদ ইবনুল আসকে অপসারণ করলেন। এরপর বৎসর না যেতেই তারা তার উপর ঝাঁপিয়ে পড়ল। শেষ পর্যন্ত তারা তাঁকে হত্যা করল। লোহা সোজা করার জন্যে লোহারই প্রয়োজন। আপনার অভিমতের ব্যাপারে আল্লাহ আপনাকে সাহায্য করুন। ওয়াস্ সালামু আলায়কা।

খলীফা আবদুল মালিক তাঁর পূর্বে ঘোষিত পরিকল্পনা বাস্তবায়নে অবিচল থাকলেন। ইরাকীদের নিকট পূর্বেল্লিখিত প্রস্তাবগুলো পেশ করার ব্যাপারে অটল থাকলেন। তাঁর সিদ্ধান্ত অনুসারে আবদুল্লাহ ইবন আবদুল মালিক এবং মুহাম্মদ ইবন মারওয়ান খলীফার পক্ষে ইরাকীদের নিকট এগিয়ে গেলেন। আবদুল্লাহ ঘোষণা দিয়ে বললেন, ওহে ইরাকী জনগণ! আমি আবদুল্লাহ, আমীরুল মু'মিনীন আবদুল মালিকের পুত্র। তিনি আপনাদের প্রতি এই এই প্রস্তাব পাঠিয়েছেন। আবদুল মালিক যা যা পাঠিয়েছেন তার সবগুলো তিনি উল্লেখ করলেন। এরপর মুহাম্মদ ইবন মারওয়ান বললেন, আমি আমার ভাই আমীরুল মু'মিনীন আবদুল মালিকের পক্ষে আপনাদের প্রতি দৃত রূপে এসেছি। তিনি আপনাদের সমীপে এই এই প্রস্তাব পাঠিয়েছেন।

ইরাকীরা বলল, আজ সকালবেলা আমরা ওই সব পর্যালোচনা করব এবং সন্ধ্যায় আমাদের অভিযত আপনাদেরকে জানাব। ওরা চলে গেল। ইবনুল আশআছ তার সকল সেনাপতি ও নেতৃত্বানীয় ব্যক্তিদের সভা আহ্বান করে। তারা সকলে সমবেত হলো। ইবনুল আশআছ দাঁড়িয়ে তাদের উদ্দেশ্যে বক্তৃতা দিলেন। তিনি তাদেরকে খলীফার দেয়া প্রস্তাব গ্রহণের আহ্বান জানালেন। তিনি জানালেন, খলীফা তো তাঁর প্রতি আনুগত্যের বিনিময়ে হাজ্জাজকে ইরাক থেকে অপসারণ, সরকারী ভাতা সরবরাহ এবং হাজ্জাজের পরিবর্তে মুহাম্মদ ইবন মারওয়ানকে ইরাকের শাসনকর্তা নিয়োগের প্রস্তাব দিয়েছেন। তাঁর আহ্বানের সাথে সাথে চারিদিক থেকে লোকজন দাঁড়িয়ে গেল এবং প্রস্তাব প্রত্যাখ্যান করে বলল, না, আল্লাহর কসম, আমরা এটা গ্রহণ করব না। এখন আমরা লোকবল ও অন্তর্বলে অধিকতর বলীয়ান। ওদের অবস্থা সংকটময়। আমরা ওদের উপর প্রভাব বিস্তার করেছি। ওরা আমাদের প্রতি অবনত হয়েছে। আল্লাহর কসম! আমরা এ সকল প্রস্তাব কখনো মেনে নেব না। এরপর তারা পুনরায় খলীফা আবদুল মালিক ও তার প্রতিনিধি হাজ্জাজের প্রতি আনুগত্য প্রত্যাহারের ঘোষণা দেয় এবং এই বিষয়ে তারা সকলে একমত হয়। যথা সময়ে এই সংবাদ খলীফা পুত্র আবদুল্লাহ এবং তাঁর চাচা মুহাম্মদের নিকট পৌঁছে। তারা হাজ্জাজকে বলেন, এবার আপনি ওদের বিরুদ্ধে ব্যবস্থা নিতে পারেন। খলীফার নির্দেশ অনুযায়ী এখন আমরা আপনার অনুগত থাকব ও আপনার নির্দেশ পালন করে যাব। এরপর হাজ্জাজের সাথে দেখা হলে তারা তাঁকে শাসনকর্তা সূলভ অভিবাদন জানালেন। সেও শাসনকর্তা সূলভ উত্তর দেয়। হাজ্জাজ পুনরায় যুদ্ধের সর্বাধিনায়কত্ব গ্রহণ করে। পূর্বের মত যুদ্ধের পরিকল্পনা করতে থাকে।

এ সময়ে উভয় দল যুদ্ধের উদ্দেশ্যে মুখ্যমুখি হয়। হাজ্জাজ তার সেনাবাহিনীর ডান ইউনিটের সেনাপতি নিয়োগ করে আবদুর রহমান ইবন সুলায়মানকে। বাম ইউনিটের সেনাপতিত্ব দেয় আশআছ ইবন তামীম লাখমীকে অশ্বারোহী বাহিনীর অধিনায়ক নিয়োগ করে সুফ্যান ইবন আবরাদকে। আর পদাতিক বাহিনীর দায়িত্বে নিয়োজিত করে আবদুর রহমান ইবন হাবীব হাকামীকে। ইবন আশআছ তাঁর ডান ইউনিটের দায়িত্ব দেন হাজ্জাজ ইবন

হারিছাই জাশামীকে, বাম ইউনিটে আবরাদ ইব্ন কুররাহ্ তামীমীকে; অশ্বারোহী বাহিনীর দায়িত্বে আবদুর রহমান ইব্ন আইয়াশ ইব্ন আবু রাবীআকে, আর পদাতিক বাহিনীর সেনাপতিত্ব দেন মুহাম্মদ ইব্ন সা'দ ইব্ন আবু ওয়াক্কাস যুহুরীকে। কারীদের নেতৃত্বে থাকেন জাবাল্লাহ্ ইব্ন যাহুর ইব্ন কায়স জু'ফ। তার দলে আরো ছিলেন সাঈদ ইব্ন জুবায়র, আমির শা'বী, আবদুর রহমান ইব্ন আবু লায়লা, কুমায়ল ইব্ন যিয়াদ-বার্ধক্য সন্দেশ তিনি খুব সাহসী ও উদ্যমী লোক ছিলেন। তা ছাড়া ছিলেন আবু বুহতারী তাঙ্গ ও অন্যান্য অনেক লোকজন।

উভয় পক্ষে প্রতিদিন যুদ্ধ অব্যাহত ছিল। ইরাকীদের নিকট বিভিন্ন রাজ্য ও প্রদেশ থেকে নিয়মিত খাদ্য ও রসদপত্র আসছিল। ওদের গো খাদ্যও সরবরাহ করা হচ্ছিল নিয়মিত। পক্ষান্তরে হাজারের সাথে থাকা সিরীয় সৈন্যদের অবস্থা হয়েছিল সংকটাপন্ন-শোচনীয়। তাদের খাদ্য ছিল খুবই কম। গোশত তো ছিলই না। এই সন পুরোটাতেই দুপক্ষের মধ্যে যুদ্ধ অব্যাহত ছিল। কখনো যুদ্ধ চলছিল প্রতি দিন আবার মাঝে মাঝে যুদ্ধ চলছিল একদিন পরপর। তবে অধিকাংশ দিনে ইরাকীদের প্রাধান্য ছিল সিরীয়দের বিরুদ্ধে। এই সময়ে হাজারের পক্ষে যিয়াদ ইব্ন গানাম নিহত হয়। ইব্নুল আশআছের সমর্থক বুসতাম ইব্ন মুসকালাহ্ বার হাজার সৈনিকসহ যুদ্ধ করতে করতে তাদের তরবারির খাপ ভেঙ্গে ফেলে। তারা স্বেচ্ছায় নিহত হতে প্রস্তুত হয়।

এই হিজরী সনে যাদের ঘোষণা হয়

সেনাপতি মুহাম্মাব

এই সনে সেনাপতি মুহাম্মাব ইব্ন আবু সুফরাহ-এর মৃত্যু হয়। তাঁর উপনাম আবু সাঈদ আযদী। তিনি ছিলেন বসরার অন্যতম বিশিষ্ট ব্যক্তি। বসরার নেতৃস্থানীয় সম্মান, দানশীল এবং সজ্জনদের একজন। ৮ম সনে মক্কা বিজয়ের বৎসরে তাঁর জন্ম হয়। তাঁর গোত্র তখন ওমান এবং বাহরাইনের মধ্যবর্তী অঞ্চলে বসবাস করছিল। তাঁর সম্প্রদায় হ্যরত আবু বাকর (রা)-এর সময়ে মুরতাদ ও ধর্মত্যাগী হয়ে যায়। ইকরিমা ইব্ন আবু জাহল এ সময়ে তাদের বিরুদ্ধে যুদ্ধ করেন। তিনি যুদ্ধে জয়লাভ করেন। ওদেরকে বন্দী করে খলীফা আবু বাকর (রা)-এর নিকট প্রেরণ করেন। এদের মধ্যে আবু সুফরাহ এবং তাঁর পুত্র মুহাম্মাবও ছিল। মুহাম্মাব তখনো অপাঙ্গ বয়স্ক তরঙ্গে।

এরপর মুহাম্মাব বসরাতে চলে আসেন, তিনি ৪৪ হিজরী সনে আমীর মুআবিয়ার শাসনামলে সে সিদ্ধ অভিযানে নেতৃত্ব দেন। ৬৮ হিজরী সনে হ্যরত আবদুল্লাহ্ ইব্ন যুবায়র (রা)-এর খিলাফতকালে তিনি জায়িরার শাসনকর্তা নিযুক্ত হন। এরপর হাজারের শাসনকালের প্রথম যুগে তিনি খারিজীদের বিরুদ্ধে যুদ্ধে নেতৃত্ব দেন। একই অভিযানে তিনি চার হাজার আটশত জন খারিজীকে হত্যা করেন। তাতে হাজারের নিকট তাঁর মর্যাদা বেড়ে যায়। মুহাম্মাব একজন সাহসী, অভিজ্ঞাত এবং সম্মান ব্যক্তি ছিলেন। দানশীলতায় ও তাঁর খ্যাতি রয়েছে। তিনি আত্ম প্রশংসা পসন্দ করতেন। তাঁর বেশ কিছু সুন্দর সুন্দর মন্তব্য রয়েছে।

نعم الخصلة للسخاء كستر عوره الشريف وتتحقق فيه الرضيع وتحبب مزهد

فـ - يـ - مـ - يـ - مـ -

নিকৃষ্ট ব্যক্তির নিকৃষ্টতা ধামাচাপা দেয়া হয় এবং দানশীল ব্যক্তি সকলের প্রীতি ভাজন হয়। তিনি বলতেন মানুষের দুটো চরিত্র আমার পসন্দ হয়। যখন দেখি যে, তার বক্তব্যের চাইতে তার জ্ঞান-বুদ্ধি বেশী। আর যখন দেখি যে, তার জ্ঞানের চাইতে বক্তব্য ও কথা বেশী নয়।

“মারত আর রাত্ব” এলাকায় যুক্তিযানে তাঁর মৃত্যু হয়। তখন তাঁর বয়স হয়েছিল ৭৬ বৎসর। তাঁর পুত্র-কন্যারা ছিল দশ জন। তারা হল ইয়ায়ীদ, যিরাদ, মুফাদ্দাল, মুদরিক, হাবীব, মুগীরা কাবীসা, মুহাম্মদ, হিন্দ ও ফাতিমা। ৮২ সনের যুলহাজ মাসে তাঁর মৃত্যু হয়। তিনি একজন সাহসী যোদ্ধা ছিলেন। তাঁর অনেক কীর্তি ও কৃতিত্ব রয়েছে। আধাৱিক সম্প্রদায় এবং অন্যান্য খারিজী উপদলের বিরুদ্ধে তাঁর সফল অভিযানের অনেক বিবরণ ইতিহাসে স্থান পেয়েছে। তাঁর মৃত্যুর পর খোরাসানের শাসনকর্তা পদ তাঁর পুত্র ইয়ায়ীদ গ্রহণ করবে বলে তিনি সিদ্ধান্ত দিয়ে যান। খলীফা আবদুল মালিক ইবন মারওয়ান এবং শাসনকর্তা হাজাজ তা বহাল রাখেন।

আসমা ইবন খারিজাহ ফায়ারী কৃষ্ণী

এই সনে যাঁদের ওফাত হয় তাঁদের অন্যতম হলেন, আসমা ইবন খারিজা ফায়ারী কৃষ্ণী। তিনি একজন বিশিষ্ট দানশীল এবং কীর্তিমান পুরুষ ছিলেন। একদিন তিনি তাঁর দরয়ার সম্মুখে এক যুবককে দেখতে পেলেন যে, সে ওখামে বসে আছি তবে তা মুখে বলা যাবে না। তার প্রয়োজনের কথাটি ব্যক্ত করার জন্যে তিনি বার বার চাপ দিচ্ছিলেন। অবশেষে সে বলল, একটি ক্রীতদাসী আমি দেখেছি এই বাড়ীতে প্রবেশ করেছে। এত সুন্দর মেয়ে আমি জীবনে কোনদিন দেখিনি। সে আমার হৃদয় ছিনিয়ে নিয়ে গিয়েছে। তিনি তাকে হাতে ধরে অন্দর মহলে নিয়ে গেলেন। তাঁর বাড়ীতে থাকা সকল মেয়েকে একে একে তার সম্মুখে উপস্থিত করলেন। নির্দিষ্ট মেয়েটি আসার পর সে বলল, এই যে, এই মেয়েটিকেই আমি দেখেছিলাম। আসমা বললেন, তবে এখন তুমি বেরিয়ে যাও। দরয়ায় যেখানে বসেছিলে ওখানে গিয়ে বস। যুবকটি বেরিয়ে গেল। পূর্বস্থানে গিয়ে বসল। কিছুক্ষণ পর আসমা ইবন খারিজা ওই দাসীটিকে নানা প্রকারের গহনায় সাধে করে যুবকটির নিকট নিয়ে গেলেন এবং বললেন এই দাসীকে বাড়ির ভিতর তোমার নিকট হস্তান্তর না করার কারণ হল এই যে, মূলতঃ দাসীটি আমার বোনের। সে এটি বিনা মূল্যে দান করতে রাখী ছিল না। তাই আমি তিনি হাজার দিরহামে সেটি কিনে নিয়েছি। এ সব গহনা তাকে পরিয়েছি। এই গহনাসহ দাসীটি তোমাকে দিয়ে দিলাম। যুবকটি দাসীটিকে নিয়ে চলে যায়।

মুগীরা ইবন মুহাম্মাদ

ইবন আবী সুফরা মুগীরা ইবন মুহাম্মাদ এই সনে ইন্তিকাল করেন। তিনি একজন দানশীল, সাহসী ও বীরত্বের অধিকারী লোক ছিলেন। তাঁর জীবনে বহু কৃতিত্বপূর্ণ ঘটনা ঘটেছে।

হারিছ ইবন আবদুল্লাহ (র)

হারিছ ইবন আবদুল্লাহ ইবন রাবীআ মাখযুমী এই সনে ইন্তিকাল করেন। তিনি কু'বা নামে অধিক পরিচিত ছিলেন। হযরত আবদুল্লাহ ইবন যুবায়র (রা)-এর খিলাফতকালে তাঁর পক্ষে তিনি বসরার শাসনকর্তা নিযুক্ত হয়েছিলেন।

মুহাম্মদ ইবন উসামা ইবন যায়দ ইবন হারিছা (র)

মুহাম্মদ ইবন উসামা (র) এই ৮২ সনে ইন্তিকাল করেন। সাহাবা-ই কিরামের পরবর্তী প্রজন্মে তথা তাঁদের পুত্রদের মধ্যে মুহাম্মদ ইবন উসামা (র) বিশেষ মর্যাদার অধিকারী ও সম্মানী ব্যক্তিত্ব ছিলেন। তাঁর ওফাত হয় মদিনা শরীফে। জান্নাতুল বাকীতে তাঁকে দাফন করা হয়।

আবদুল্লাহ ইবন আবু তালহা ইবন আবুল আসওয়াদ (র)

৮২ সনে যাঁরা ইন্তিকাল করেন তাঁদের একজন হলেন আবদুল্লাহ ইবন আবু তালহা। তিনি প্রসিদ্ধ ফকীহ ইসহাকের পিতা। যে রাতে তাঁর মাতা উশু সুলায়মের একটি পুত্র মারা যায়, সে রাতেই আবদুল্লাহ তাঁর মাতার গর্ভে আসেন। ভোরবেলা তাঁর পিতা আবু তালহা (রা) গিয়ে রাসূলুল্লাহ (সা)-কে এই সংবাদ জানান। তখন রাসূলুল্লাহ (সা) বলেছিলেন, তোমরা বাসর উদযাপন করেছ। তোমাদের রাত্রি-যাপনে আল্লাহ তা'আলা বরকত দান করছেন। হ্যরত আবদুল্লাহ (র) জন্মগ্রহণ করার পর রাসূলুল্লাহ (সা) খেজুর দিয়ে তাঁর তাহনীক তথা মুখে খাবার গ্রহণের সূচনা করেন।

আবদুল্লাহ ইবন কা'ব ইবন মালিক (র)

তিনি হ্যরত কা'ব (রা)-এর পথ চলাচলে সাহায্যকারী ছিলেন। হ্যরত কা'ব (রা) যখন অঙ্গ হয়ে পড়েন তখন তাঁর এই পুত্র আবদুল্লাহ তাঁকে ধরে ধরে এখানে সেখানে নিয়ে যেতেন। তাঁর সেবা করতেন। তিনি অনেক হাদীস বর্ণনা করেছেন। এই ৮২ সনে তাঁর ওফাত হয়।

আফ্ফান ইবন ওয়াহব (রা)

তাঁর প্রসিদ্ধ নাম আবু আয়মান আল খাওলানী মিসরী। তিনি রাসূলুল্লাহ (সা)-এর সাহাবী। রাসূলুল্লাহ (সা) থেকে হাদীসও বর্ণনা করেছেন। পশ্চিমাঞ্চলীয় যুক্তে তিনি অংশ নিয়াচিলেন। তিনি মিসরে বসবাস করতেন এবং সেখানেই তাঁর মৃত্যু হয়।

জামীল ইবন আবদুল্লাহ (র)

তিনি হলেন জামীল ইবন আবদুল্লাহ ইবন মা'মার ইবন সাবাহ ইবন যুবয়ান ইবন হাসান ইবন রাবীআ ইবন হারাম ইবন দাবুবা ইবন উবায়দ ইবন কাহীর ইবন আয়রাহ ইবন সাদ ইবন হ্যায়ম ইবন যায়দ ইবন লায়ছ ইবন সারহাদ ইবন আসলাম ইবন ইনহাফ ইবন কুদাআ (র)। তিনি হলেন কবি আবু আমর। তিনি বুছায়না এর প্রেমিক। তিনি বুছায়নাকে বিয়ে করার প্রস্তাব দিয়েছিলেন। কিন্তু কুছায়না তা প্রত্যাখ্যান করে। এই প্রেক্ষিতে তিনি একটি বিরহ কাব্য রচনা করেছিলেন এবং ওই কাব্যের মাধ্যমে তাঁর ব্যাপক পরিচিতি ঘটে। তিনি ছিলেন আরবের প্রসিদ্ধ প্রেমিক ব্যক্তি। তিনি ওয়াদী কুরা নামক স্থানে বসবাস করতেন। তিনি ছিলেন সৎ, পবিত্র, লজ্জাশীল, দীন অনুসারী এবং ইসলামী কবি। তিনি তাঁর মুগের বিশুদ্ধভাষী শ্রেষ্ঠ কবি ছিলেন। কুছায়ির আয়ধাহ ছিলেন তাঁর শিষ্য। তাঁর কবিতা সংরক্ষণকারী। জামীল নিজে হৃদবা ইবন খাতরাম সূত্রে হাতিআ থেকে যুহায়র ইবন আবু সালামা এবং তাঁর পুত্র কা'ব ইবন যুহায়রের কবিতা বর্ণনা করতেন।

কুছায়ির আয়ধাহ মন্তব্য করেছেন যে, জামীল ছিলেন আরবের শ্রেষ্ঠ কবি। জামীল বলেছেন :

وَأَخْبَرْتُمَانِيْ أَنْ تَيْمَاءَ مَنْزِلُ * لِلِّيلِيِّ إِذَا مَا الصَّيْفُ الْمَرَاسِيْ

'তোমরা দু'জন তো আমাকে বলেছিলে যে, গীৱিকাল শেষ হলে লায়লা' এসে তায়মা-তে বসবাস করবে।

فَهَذِي شَهْوُرُ الصَّيْفِ عَنَّا قَدْ انْقَضَتْ * فَمَا لِلنَّوْيِ تَرْمِي بِلَيْلِي الْمَرَاسِيْ

এই যে গীৱিকালীন মাসগুলো তো অতিবাহিত হয়ে গেল। তবুও দূরত্ব ও ব্যবধান লায়লাকে কেন দূরে নিষ্কেপ করছে?

জামীলের অন্য কয়টি পংক্তি এই :

وَمَا زَلْتِ بِيْ يَابْنُ حَنْيٍ لَوْأَنْنِيْ * مِنَ الشَّوْقِ أَسْتَبْكِي الْحَمَامَ بَكَى لِيَا

ওহে বাছনা ! তুমি আমার সাথে অনবরত যে আচরণ করে যাচ্ছ আর আমি যেভাবে ব্যথিত হচ্ছি । আমার বিরহ ব্যথার বর্ণনা করে যদি আমি কবৃতরকে কাঁদাতে চাই, তাহলে কবৃতর আমার জন্যে কাঁদবে ।

وَمَا زَادَنِي الْوَاشْوُنَ الْأَصْبَابَةَ * وَلَا كَثْرَةُ النَّاهِيْنَ إِلَّا تَمَادِيَا

প্রেম-পাগলামিতে আমার সমালোচকেরা সমালোচনা করে তোমার প্রতি আমার আসঙ্গিই বৃদ্ধি করেছে । আর আমার বারণকারীর সংখ্যা যত বৃদ্ধি হয়েছে আমার প্রেম তত গভীর ও দৃঢ় হয়েছে ।

وَمَا أَحْدَثَ النَّالِيْ الْمُفْرَقُ بَيْنَنَا * سَلْوًا وَلَا طُولُ احْتِمَاعٍ تَقَالِيَا

দীর্ঘ বিছেদ ও দূরত্ব আমাদের মাঝে স্বত্ত্ব সৃষ্টি করেনি । আর দীর্ঘ দিনের সহ-অবস্থান আমাদের মাঝে বিরক্তির জন্ম দেইনি ।

أَلْمَ تَعْلَمِيْ يَا عَذْبَةَ الرِّيقِ أَنْسِيْ * أَفْلَلُ أَذَلُّمَ الْقِ وَجْهَكَ صَادِيَا

শিয়াতমা, তুমি কি জান মা, ওহে মিষ্টি শালা-কুমারী তুমি কি উপলক্ষ করতে পার না যে, তোমার মিষ্টি চেহারার দর্শন না পেলে আমি ত্বরিত, পিপাসার্ত চাকত হয়ে থাকব ?

لَقَدْ خَفْتَ أَنَّ الْقَنِيْ الْمَنِيْ * وَفِي النَّفْسِ حَاجَاتُ الْيُكَ كَمَا هِيَا

আমি আশংকা করছি যে, হঠাতে আমি মৃত্যুমুখে পতিত হব । তবে তখনো আমার হন্দয়ে তোমার প্রতি ভালবাসা থাকবে যেমন ছিল পূর্বে ।

জামীল আরো বলেছেন :

إِنِّي لَأَحْفَظُ غَيْبَكُمْ وَيَسِّرْنِيْ * لَوْتَعْلَمِيْنَ بِصَالِحٍ أَنْ تَذَكَّرِيْ

আমি তো তোমাদের গোপন কথাগুলো সংরক্ষণ করি । আমি খুশী হব । আমার ভাল লাগে তখন যখন তুমি জানতে পার যে, আমার আলোচনা হয় সুনামের সাথে । লোকে আমার সুনাম করে ।

তিনি এও বলেছেন :

مَا أَنْتِ وَالْوَعْدُ الَّذِي تَعِدِينِيْ * إِلَّا كَبِرْقِ سَحَابَةٍ لَمْ تَنْطِرِ

পিয়া ! তুমি আর আমাকে দেয়া তোমার প্রতিশ্রুতি হলো মেঘের বিদ্যুৎ চমকানোর ন্যায় । যেটি শুধু বিদ্যুৎ চমকায়, বৃষ্টি বর্ষণ করে না ।

উমার ইবন আবু রাবীআ-এর কবিতা উদ্ভৃত করে, কবি জামীল বলেছেন :

مَا زَلْتُ أَبْغِي الْحَىِ أَتَبْعِي فَلَهُمْ * حَتَّى دُفِعْتُ إِلَى رَبِّيْبَةِ هَوْدَجِ

আমি তো গভীর দৃষ্টিতে দেখে দেখে প্রেমিকার গোত্রকে খুঁজছিলাম । এক পর্যায়ে আমাকে নিয়ে যাওয়া হয় হাওদাজ বিশিষ্ট এক কুমারীর নিকট ।

فَدَنَوْتُ مُخْتَفِي الْمُبِيْتَهَا * حَتَّى وَلَجْتُ إِلَى خَفِيِّ الْمَوْلِعِ

আমি ছুপি ছুপি তার নিকটবর্তী হলাম । শেষ পর্যন্ত আমি একেবারে গোপন কক্ষে গিয়ে প্রবেশ করি ।

জামীলের কবিতা ইব্ন আসাকির উল্লেখ করেছেন :

قَالَتْ وَعَيْشُ أخِيْ وَنِعْمَةِ وَالدِّيْ * لِإِنْهَبَنَ الْحَىْ إِنْ لَمْ تَخْرُجْ

সে বলল, আমার ভাইয়ের যিন্দেগীর কসম, আমার পিতার অনুগ্রহের কসম, তুমি যদি
বেরিয়ে না আস, তাহলে আমি গোত্রের মধ্যে লুটরাজ চালিয়ে সব লঙ্ঘণ করে দিব।

فَنَاوَلْتُ رَأْسِيْ لِتَعْرِفَ مَسَهُ * بِمَخْضِبِ الْأَطْرَافِ غَيْرِ مُشْتَنِجْ

আমি আমার মাথা বের করে দিলাম। যাতে সে স্পর্শ দ্বারা বুঝতে পারে যে, এটি আমার
মাথা, আমার চুলগুলো ছিল এলোমেলো, খিবার লাগানো।

فَخَرَجْتُ خِفْفَةً أَهْلَهَا فَتَبَسَّمْتُ * فَعَلِمْتُ أَنَّ يَمِينَهَا لَمْ تَحْرَجْ

আমি বের হলাম তার সম্প্রদায়ের ভয় বক্ষে ধারণ করে। তখন সে হেসে উঠল। আমি
বুঝলাম যে, তার শপথে এখন আর কোন ক্ষতি হবে না।

فَلَثَمْتُ فَاهَا أَخِدًا بِقُرُونِهَا * فَرَشَفْتُ رِيقًا بَارِدًا مُتَثَلِّجْ

এবার আমি তার মুখে চুমু খেলাম। দু'হাতে তার চুলের বেণী ধরে। অতঃপর
ঠাণ্ডা-শীতল লালা এক চুমুকে পান করলাম।

কুছায়ির আয্যাহ বলেন যে, একদিন বুছায়না-এর প্রেমিক জামীলের সাথে আমার
সাক্ষাত হলো। তিনি আমাকে বললেন, তুমি কোথেকে আসছ? আমি বললাম, আমি আসছি
এই প্রেমিকার নিকট থেকে। তিনি বললেন, তুমি যাবে কোথায়? আমি বললাম, যাব তো ওই
প্রেমিকার কাছে। অর্থাৎ আয্যাহ এর নিকট। জামীল বললেন, আমি তোমাকে দোহাই দিছি
যদি তুমি বুছায়নার নিকট গিয়ে আমার জন্যে তার সাক্ষাতের প্রতিশ্রূতি এনে না দাও। কারণ,
আমি তাকে দেখেছি গ্রীষ্মকালের শুরুতে। সর্ব শেষ তার সাথে আমার সাক্ষাত হয়েছে ওয়াদীল
কুরা উপত্যকায়। তখন সে আর তার মা দু'জনে একটি কাপড় ধোত করছিল। অতঃপর আমার
উপস্থিতি দেখে তারা দু'জনে আমার সাথে গল্প করেছে সক্ষ্য পর্যন্ত।

কুছায়ির বলেন, তার অনুরোধে আমি বুছায়নার বাড়ীর দিকে ফিরে যাই। ওদের বাড়ী
গিয়ে বাহন থেকে নামি। আমাকে দেখে তার ঘৰা বলল, ভাতিজা! কোন্ কারণে বাড়ী না গিয়া
এখানে ফিরে এসেছ? আমি বললাম, আমি কিছু পঞ্জি রচনা করেছি ওগুলো আপনাকে
শুনানোর জন্যে এসেছি। সে বলল, ওই পঞ্জিগুলো কই? আমি পঞ্জিগুলো উচ্চারণ করতে
লাগলাম। বুছায়না পর্দার আড়াল থেকে তা শুনছিল।

فَقُلْتُ لَهَا يَا عَزْ أَرْسَلَ صَاحِبِيْ * إِلَيْكِ رَسُولًا وَالرَّسُولُ مُوَكِّلٌ

আমি তাকে বললাম, ওহে আয্যাহ, আমার বস্তু তোমার নিকট একজন বাহক প্রেরণ
করেছে। বাহককে দায়িত্ব দেয়া হয়েছে।

بَأْنْ تَجْعَلِيْ بَيْنِيْ وَبَيْنَكِ مَوْعِدًا * وَأَنْ تَأْمُرِيْنِيْ مَا الَّذِيْ فِيهِ أَفْعُلْ

বাহক প্রেরণ করেছে এই মর্মে যে, তুমি আমার আর তোমার মধ্যে সাক্ষাতের একটি
সময় ও স্থান নির্ধারণ করে দাও। আর তুমি আমাকে জানিয়ে দাও যে, তখন আমি কি করব।

وَآخِرُ عَهْدِيْ مِنْكِ يَوْمَ لَقِيْتَنِيْ * بِاسْفَلَ وَادِي الدُّوْمِ وَالثَّوْبُ يُغْسِلُ

তোমার সাথে আমার শেষ সাক্ষাত হয়েছিল আল-দাওম উপত্যকায়। যখন একটি কাপড় ধৌত করা হচ্ছিল।

অতঃপর রাতের বেলা বুছায়না তার প্রতিশ্রূত স্থানে আগমন করে। জামীল ও তথায় উপস্থিত হন। আমি ওদের সাথে ছিলাম। ওই রাতের চাইতে অধিক আনন্দের এবং অধিক প্রেম ভালবাসার রাত আমি কখনো দেখিনি। ওই মজলিস জমে উঠল, আমি বুঝতে পারলাম না তাদের দু' জনের মধ্যে কে তার প্রতিপক্ষের মনের খবর অধিক অবগত।

যুবায়র ইবন বাককার বর্ণনা করেন আব্বাস ইবন সাহল সাইদী থেকে যে জামীলের মৃত্যুর সময় তিনি তাঁর নিকট উপস্থিত হয়েছিলেন, জামীল তাকে বলেছিলেন, একজন মানুষ যে আল্লাহ্ ব্যতীত ইলাহ্ নেই বলে সাক্ষ্য দেয় এবং যে কখনো মদ পান করেনি, ব্যভিচারে লিঙ্গ হয়নি, চুরি করেনি, নরহত্যায় জড়ায়নি তার সম্পর্কে আপনার অভিমত কী? উত্তরে যুবায়র বললেন, আমি মনে করি সে মুক্তি পাবে এবং আমি আশা করি সে জান্নাত লাভ করবে। তবে তেমন লোকটি কে? জামীল বললেন, তেমন লোক হলাম আমি। যুবায়র বলেন, আমি তখন আশ্চর্য হয়ে বললাম। আমি তো মনে করি না যে, আপনি ওই সব পাপাচারিতা থেকে পবিত্র আছেন। অথচ দীর্ঘ ২০ বৎসর পর্যন্ত বুছায়না নামের এক মেয়ের প্রেমে আসক্ত হয়ে আপনি জীবন কাটিয়েছেন।

জামীল বললেন, এখন আমি পার্থিব জীবনের শেষ দিনে এবং পরকালীন জীবনের প্রথম দিনে উপনীত হয়েছি। আমি স্পষ্ট করে বলছি যদি কোন মন্দ উদ্দেশ্যে আমি তার শরীরে আমার হাত রেখে থাকি তাহলে মুহাম্মদ (সা)-এর শাফাআত আমার ভাগ্যে জুটিবে না। যুবায়র বলেন, আমরা ওখানে থাকতে থাকতে তিনি মৃত্যুর কোলে ঢলে পড়লেন।

আমি (গ্রন্থকার) বলি, তাঁর ওফাত হয়েছে মিসরে। কারণ, তিনি এক সময়ে আবদুল আয়ীয় ইবন মারওয়ানের দরবারে এসেছিলেন। আবদুল আয়ীয় তাঁকে সম্মানের সাথে গ্রহণ করেন এবং বুছায়না-এর সাথে ভালবাসার সম্পর্ক বিষয়ে খোঁজ খবর নেন। জামীল বলেন, এখনো তাকে ভীষণভাবে ভালবাসি। আবদুল আয়ীয় কতক কবিতা ও তার প্রশংসাগীতি শোনার ইচ্ছা ব্যক্ত করেন। জামীল কতক কবিতা আবৃত্তি করেন। আবদুল আয়ীয় তাঁকে আশ্বাস দেন যে, বুছায়না এর সাথে তাঁর মিল ঘটিয়ে দিবেন। কিন্তু জামীলের মৃত্যু আর সে সুযোগ দেয়নি। ৮২ সনে জামীলের ওফাত হয়। মহান আল্লাহ্ তাঁর প্রতি দয়া করুন।

জনেক ব্যক্তির বরাত দিয়ে আসমাই উল্লেখ করেছেন যে, জামীল তাকে বলে গিয়েছিলেন, তুমি কি বুছায়নার গোত্রের নিকট আমার একটা চিঠি পাঠিয়ে দিতে পারবে। তাহলে তুমি আমার নিকট যা আছে তা পাবে। লোকটি বলল, হ্যাঁ, পারব। জামীল বললেন, আমি মারা গেলে তুমি আমার উদ্ধৃতিতে আরোহণ করবে। আমার এই জামা পরিধান করবে এবং কঙ্গলো পংক্তি ওখানে গিয়ে আবৃত্তি করবে। তার একটি এই :

قُومِيْ بُشِّينَةُ فَانْدِبِيْ بِعَوْلِيلٍ * وَابْكِيْ خَلِيلًا دُونَ كُلِّ خَلِيلٍ

ওহে বুছায়না! দাঁড়াও, বিলাপকর, মাতম কর এবং কান্না কর এমন এক বস্তুর জন্যে, যে বস্তু অনন্য অতুলনীয়।

বাহক লোকটি বুছায়না-এর গোত্রের নিকট গেল এবং নির্ধারিত পংক্তিগুলো আবৃত্তি করল। পংক্তির আবৃত্তি শুনে বুছায়না বেরিয়ে এল তার মুখ যেন মেহেদী রাঙানো পূর্ণিমার চাঁদ। খুব দ্রুত বের হয়েছিল সে। ওড়নায় পা পেঁচিয়ে যাচ্ছিল। সে বলল, তোমার জন্য আফসোস! তুমি

যদি সত্যবাদী হয়ে থাক, তাহলে তুমি ওই সংবাদ শুনিয়ে আমার মৃত্যু ডেকে এনেছ। আর তুমি যদি মিথ্যবাদী হয়ে থাক, তাহলে এত দ্বারা তুমি আমার ইয্যত নষ্ট করেছ। লোকটি বলল, আমি তখন বললাম, আল্লাহর কসম, আমি সত্য বলেছি। এই যে তার উষ্ণী এবং জামা। বুছায়না যখন নিশ্চিত হলো যে, জামীল মারা গিয়েছেন। তখন সে জামীলের জন্যে শোক ও দুঃখ প্রকাশ করে এবং অনুত্তাপ ও অনুশোচনায় দন্ধ হয়ে কতক কবিতা আবৃত্তি করল। তাতে সে এ কথা প্রকাশ করল যে, জামীলকে হারানোর পর তার জীবন এখন নিরানন্দ ও নিরর্থক। তার জীবনে আর কোন স্বাদ থাকল না। অতঃপর অবিলম্বে তখনই বুছায়না মারা গেল। বাহক লোকটি বলল, সেদিন আমি জামীল ও বুছায়নাকে যেমন কাঁদতে দেখেছি অন্য কোন পুরুষ ও রমণীকে কোন দিন তেমন কাঁদতে দেখিনি।

ইব্ন আসাকির জামীল থেকে বর্ণনা করেন যে, তিনি যখন দামেকে ছিলেন তখন তাঁকে কেউ একজন বলেছিল, ওহ, আপনি যদি কবিতা ছেড়ে কুরআন মুখ্যত করতেন তবে অনেক ভাল হত। উত্তরে তিনি বলেছিলেন, হ্যরত আনাস ইব্ন মালিক (রা) রাসূলুল্লাহ (সা) থেকে আমাকে হাদীস শুনিয়েছেন যে, রাসূলুল্লাহ (সা) বলেছেন, **إِنَّ مِنَ الشِّعْرِ لِحُكْمٍ** নিশ্চয় কোন কোন কবিতায় প্রজ্ঞা রয়েছে।

উমার ইব্ন উবায়দুল্লাহ (র)

৮২ সনে যাঁদের ওফাত হয় তাঁদের একজন হলেন উমার ইব্ন উবায়দুল্লাহ ইব্ন মামার ইব্ন উসমান আবু হাফস কারশী তামীরী (র)। তিনি সমকালীন সমাজে একজন দানশীল সেনাপতি ও সন্তুষ্ট ব্যক্তিগতে পরিচিত ছিলেন। তাঁর হাতে বহু নগর-শহর বিজিত হয়েছিল। হ্যরত আবদুল্লাহ ইব্ন যুবায়র (রা)-এর খিলাফতকালে উমার ইব্ন উবায়দুল্লাহ তাঁর পক্ষে বসরার শাসনকর্তা নিযুক্ত হয়েছিলেন। আবদুল্লাহ ইব্ন খায়মের সাথে মিলে যৌথভাবে তিনি কাবুল জয় করেন। তিনিই কাতারী ইব্ন কুজাইহকে হত্যা করেছিলেন। হ্যরত ইব্ন উমার (রা), হ্যরত জাবির (রা) ও অন্যান্যদের থেকে তিনি হাদীস বর্ণনা করেছেন। আতা ইব্ন রাহাহ এবং ইব্ন আওন থেকেও তিনি হাদীস বর্ণনা করেছেন। তিনি খলীফা আবদুল মালিকের নিকট উপস্থিত হয়েছিলেন। অতঃপর ৮২ সনে দামেশকে তাঁর মৃত্যু হয়। এ তথ্য দিয়েছেন মাদাইনী। বর্ণিত আছে যে, একলোক একটি দাসী ক্রয় করেছিল। দাসীটি খুব সুন্দরভাবে কুরআন পাঠ করত, কবিতা আবৃত্তি করত এবং তার আরো অনেক গুণ ছিল। লোকটি ওই দাসীকে খুবই ভালবেসেছিল। সে তার পেছনে প্রচুর অর্থ ব্যয় করেছিল। এক পর্যায়ে তার সব সম্পদ শেষ হয়ে সে দেউলিয়া হয়ে যায়। ওখন এই দাসী ব্যতীত তার অন্য কোন সম্পদ অবশিষ্ট থাকল না।

একদিন দাসীটি তাঁকে বলল, আপনার দৈন্য ও অভাবের কথা আমি বুঝতে পেরেছি। আপনি যদি আমাকে বিক্রি করে অর্থ নিজের কাজে ব্যয় করেন তাহলে তা আপনার জন্যে ভাল হবে। লোকটি তার ওই দাসীটি উমার ইব্ন উবায়দুল্লাহ এর নিকট এক লক্ষ দিরহামে বিক্রি করল। তিনি তখন বসরার শাসনকর্তা ছিলেন। মূল্যগ্রহণ করার পর মালিক নিজেও অনুত্ত হল দাসীটি ও অনুত্ত হলো। অতঃপর কয়েকটি পংক্তির মাধ্যমে দাসীটি তার মালিককে মনের কথা বলেছিলঃ

هَنِيْئَا لَكَ الْمَالُ الَّذِيْ قَدْ أَخْدَتَهُ * وَلَمْ يَبْقَ فِي كَفِيْ إِلَّا تَفْكِرِي

আমাকে বিক্রি করে যে মূল্য আপনি এহণ করলেন তা তো আপনার জন্যে তত্ত্বিকর ও মজার বটে। কিন্তু আমার হাতে তো এখন দুশ্চিন্তা ও বিরহ ব্যথা ছাড়া কিছুই রইল না।

أَقُولُ لِنَفْسِيْ وَهِيَ كُرْبٌ عِيْشَةٌ * أَقِلَّى فَقْدَ بَانَ الْخَلِيلُ أَوْ أَكْثَرِيْ

আমার আস্থা এখন জীবন-দুঃখে জর্জরিত। আমি সেটিকে বলছি যে, তুমি দুঃখ বেশী ভোগ কর, আর কম জীবন সাথী কিন্তু পৃথক হয়ে চলে গিয়েছে।

إِذَا لَمْ يَكُنْ فِي الْأَمْرِ عِنْدَكِ حِيلَةٌ * وَلَمْ تَجِدِيْ بُدُّا مِنَ الصَّبَرِ فَاصْبِرِيْ

এই সংকট উভয়রে তোমার নিকট যখন কোন কোশল নেই এবং ধৈর্য ধারণ ব্যতীত যখন কোন উপায় নেই, তখন ধৈর্যই ধারণ কর। উভয়ের তার মালিক বলল :

وَلَوْلَا قَعُودُ الدَّهْرِ بِيْ عَنْكَ لَمْ يَكُنْ * لِفِرْقَتِنَا شَيْئٌ سِوَيْ الْمَوْتِ فَاصْبِرِيْ

যুগ পরিক্রমা যদি তোমার ব্যাপারে আমাকে এই সংকটে না ফেলত, তাহলে মৃত্যু ব্যতীত অন্য কিছুই আমাদের মাঝে বিছেন্দ ঘটাতে পারত না। এখন ধৈর্যই ধারণ কর।

أَأُوبُ بِحُزْنٍ مِنْ فِرَاقِكَ مُوْجِعٍ * أَنَّاجِيْ بِهِ قَلْبًا طَوِيلَ التَّدْكِرِ

তোমার বেদনাদায়ক বিছেন্দে আমি বারবার দুঃখ ও অনুভাপে ভুগছি। দীর্ঘ সময় তোমাকে অরণ করে আমি আমার হন্দয়ের সাথে একান্ত আলাপ করছি।

عَلَيْكِ سَلَامُ لَازِيَارَةَ بَيْنَنَا * وَلَا وَصْلَ إِلَّا أَنْ يَشَاءَ ابْنُ مَعْمَرِ

তোমাকে বিদায়ী সালাম। আমাদের মাঝে আর দেখা হবে না। আর মিলন ঘটবে না যদি না মামারের বংশধর উমার ইচ্ছা করেন।

ইব্ন মা'মার যখন দাসীটির প্রেম-ভালবাসার কথা শুনলেন, তখন বললেন, আমি কখনো ভালবাসার পাত্র-পাত্রীর মধ্যে বিছেন্দ ঘটাব না। উভয়ের মাঝে বিছেন্দ-বেদনা দেখতে পেয়ে মূল্য বাবদ প্রাণ সব টাকা এবং ওই দাসী দুটোই বিক্রেতাকে দিয়ে দিলেন, লোকটি মূল্য বাবদ প্রাণ দিরহাম এবং ওই দাসী নিয়ে চলে গেল।

উমার ইব্ন উবায়দুল্লাহ ইব্ন মা'মার প্লেগ রোগে আক্রান্ত হয়ে দামেশকে ইনতিকাল করেন। খলীফা আবদুল মালিক ইব্ন মারওয়ান নিজে তাঁর জানায় পড়িয়েছেন এবং তাঁর লাশের সাথে কবরস্তানে গিয়ে তাঁর দাফনে উপস্থিত ছিলেন এবং মৃত্যুর পর তাঁর সুনাম করেছেন। তাঁর একটি পুত্র সন্তান ছিল। তার নাম ছিল তালহা। তিনি কুরায়শের নেতৃস্থানীয় ব্যক্তি ছিলেন। ফাতিমা বিন্ত কাসিম ইব্ন মুহাম্মদ ইব্ন জা'ফারকে তিনি বিয়ে করেন। ৪০ হাজার দীনার ছিল ওই বিবাহের দেনমোহর। ওই ঘরে তাঁর একপুত্রও এক কন্যা জন্ম নেয়। তাঁরা হলেন ইব্রাহীম এবং রামলা। রামলাকে বিয়ে করেন ইসমাইল ইব্ন আলী ইব্ন আব্রাস (রা)। দেনমোহর নির্ধারিত ছিল এক লক্ষ দীনার।

কুমায়ল ইব্ন যিয়াদ (র)

৮২ সনে যাঁদের ওফাত হয় তাঁদের একজন হলেন কুমায়ল ইব্ন যিয়াদ ইব্ন নাহীক ইব্ন খায়ছাম নাখজ কুফী। তিনি হ্যরত উমার (রা), উছমান (রা), আলী (রা), ইব্ন মাসউদ (রা) এবং আবু হুরায়রা (রা) থেকে হাদীস বর্ণনা করেছেন। তিনি হ্যরত আলী (রা)-এর পক্ষ হয়ে সিফ্ফীনের যুদ্ধে অংশ নেন। তিনি একজন সাহসী ও বীর ব্যক্তি ছিলেন। সংয়ৰ্মী,

পরহেয়গার ও ইবাদতকারী মানুষ ছিলেন। এই সনে হাজ্জাজ তাঁকে হত্যা করে। তিনি ১০০ বৎসর বেঁচে ছিলেন। ঠাণ্ডা মাথায় সুপরিকল্পিতভাবে হাজ্জাজ তাঁকে হত্যা করে। কারণ, এক সময় হ্যরত উছমান (রা) তাঁকে একটি চড় মেরেছিলেন এবং তিনি ওই চড়ের বদলা দাবী করেছিলেন। এতে ক্ষিণ্ঠ হয়ে উঠেছিল হাজ্জাজ। অবশ্য হ্যরত উছমান (রা) পরে কুমায়লকে সুযোগ দিয়েছিলেন যে, এখন তুমি তোমার প্রতিশোধ নাও। কিন্তু সুযোগ পাওয়ার পর কুমায়ল হ্যরত উছমানকে (রা) ক্ষমা করে দিয়েছিলেন। প্রতিশোধ নেননি। হাজ্জাজ তাঁকে বলেছিল, তোমার মত লোক আমীরুল মু'মিনীনের নিকট প্রতিশোধ দাবী করতে পারে ? এরপর হাজ্জাজের নির্দেশে তাঁকে হত্যা করা হয়।

ঐতিহাসিকগণ বলেছেন যে, এই প্রেক্ষাপটে একদিন হাজ্জাজ হ্যরত আলী (রা)-এর প্রসঙ্গ আলোচনা করে। সে হ্যরত আলী (রা)-এর দুর্নাম ও সমালোচনা করে। আর কুমায়ল হ্যরত আলীর (রা) জন্যে দু'আ করেন। তাতে হাজ্জাজ আরো বেশী ক্ষিণ্ঠ হয়। হাজ্জাজ বলেছিল, আমি তোমার নিকট এমন লোক পাঠাব তুমি আলী (রা)-কে যত বেশী মহকৃত কর সে তাঁকে তার চাইতে বেশী ঘৃণা করে। অতঃপর সে ইব্ন আছহামকে তাঁর নিকট পাঠায়। ইব্ন আছহাম ছিল হিমস নগরীর লোক। কেউ বলেছেন, এই পর্যায়ে হাজ্জাজ পাঠিয়েছিল আবু জাহাম ইব্ন কিনানাকে। সে হ্যরত কুমায়লকে (র) হত্যা করে।

বহু তাবেঙ্গ তাঁর থেকে হাদীস বর্ণনা করেছেন। হ্যরত আলী (রা)-এর একটি সুন্দর বাণী তিনি উদ্ধৃত করেছেন। সেটির শুরু এই আَلْقَلْوُبُ أَوْعِيَةُ فَخَيْرُهَا أَوْ عَاهَأَ অন্তরঙ্গলো হল পাত্র স্বরূপ। সুতরাং যে অন্তর যত বেশী সংরক্ষণকারী হবে সেটি তত বেশী উত্তম বলে বিবেচিত হবে। এটি একটি দীর্ঘ হাদীস বটে। বহু আস্থাভাজন হাফিয়-ই হাদীস এটি বর্ণনা করেছেন। সেটিতে বহু নসীহত এবং উপদেশ রয়েছে। যিনি এ বক্তব্য পেশ করেছেন মহান আল্লাহ্ তার প্রতি সম্মত হোন।

যায়ান আবু আমর আল কিন্দী (র)

এই সনে যাঁদের ইন্তিকাল হয় তাঁদের অন্যতম হলেন যায়ান আবু আমর আল কিন্দী (র)। তিনি একজন উচ্চ পর্যায়ের তাবেঙ্গ ছিলেন। জীবনের প্রথম যুগে তিনি নেশা পান করতেন এবং তানপুরা বাজাতেন। অতঃপর মহান আল্লাহ্ হ্যরত আবদুল্লাহ্ ইব্ন মাসউদের হাতে তাঁকে তাওবার সুযোগ দেন। এরপর তিনি সত্য ও ন্যায়ের প্রতি ফিরে আসেন। তাঁর মনে প্রচও আল্লাহ্‌ভীতি জন্ম নেয়। নামাযে দাঁড়ালে মনে হত যেন একটি কাষ্ঠখণ্ড।

যিরুর ইব্ন হুবায়শ (র)

ইতিহাসবিদ খলীফা বলেছেন যে, এই সনে যিরুর ইব্ন হুবায়শের ইন্তিকাল হয়। তিনি হ্যরত আইশা (রা) এবং হ্যরত ইব্ন মাসউদ (রা)-এর শিষ্য ছিলেন। ১২০ বৎসর বয়সে তাঁর ইন্তিকাল হয়। আবু উবায়দ বলেছেন যে, তাঁর মৃত্যু হয়েছে ৮১ সনে। তাঁর জীবনী আমরা ইতিপূর্বে আলোচনা করেছি তাঁর পরম বন্ধু আবু ওয়াইল শাকীক ইব্ন সালামার জীবনী আলোচনা প্রসঙ্গে। তিনি ৮২ সনে ইন্তিকাল করেন। তিনি জাহেলী যুগের সাত বৎসর পেয়েছিলেন। রাসূলুল্লাহ্ (সা)-এর জীবন্দশ্য তিনি ইসলাম গ্রহণ করেছিলেন।

ছোট উম্মু দারদা' (র)

৮২ সনে যাঁদের মৃত্যু হয় সে সব বিশিষ্ট ব্যক্তিদের একজন হলেন 'উম্মু দারদা' সুগ্রা (র)। তাঁর মূল নাম হাজীমাহ। কেউ বলেছেন জুহায়মা। তিনি একজন মহিলা তাবেঙ্গ। ইবাদত-কারিণী, জ্ঞানবৃত্তি এবং ফিক্হ শাস্ত্র বিশেষজ্ঞ মহিলা ছিলেন। দামেশকের জামে মসজিদের উত্তর প্রাচীরের আড়ালে থেকে পুরুষগণ তাঁকে কুরআন পাঠ শুনাত এবং তাঁর নিকট থেকে ফিক্হ ও ইসলামী আইনের দীক্ষা নিত। খলীফা আবদুল মালিক একজন রাষ্ট্রীয় কর্ণধার হওয়া সম্ভেদে তিনি ছিলেন ফিক্হ অভ্যর্থনাকারী এবং ফিক্হ শাস্ত্র বৃৎপত্তি অর্জনে আগ্রহী। মহিলাদের সাথে 'উম্মু দারদা' (র) -এর দরসে বসতেন। মহান আল্লাহ তাঁর প্রতি সন্তুষ্ট হোন।

৮৩ হিজরী সন

এই সনের শুরুতে জনসাধারণ হাজ্জাজ এবং তার সৈন্যদের বিরুদ্ধে যুদ্ধের জন্যে প্রস্তুত হয়। হাজ্জাজ ও তার সৈন্যেরা অবস্থান করছিল দায়র আল-কাররায়। ইব্নুল আশআছ এবং তাঁর সৈনিকগণ অবস্থান করছিল দায়র আল-জামাজিম অঞ্চলে। প্রতিদিন উভয় পক্ষে যুদ্ধ অব্যাহত ছিল। অধিকাংশ সময় সিরীয়দের বিরুদ্ধে ইরাকীদের আধিপত্য ছিল। এমনকি গুজব উঠেছিল যে, ইরাকীরা সিরীয়দেরকে পরাজিত ও ছত্রভঙ্গ করে দিয়েছে। হাজ্জাজের সৈনিকেরা ৮০ বারের উপর ওদের মুকাবিলায় পরাজিত হয়। এতদসম্ভেদে হাজ্জাজ নিজের স্থানে অবিচল ছিল। প্রচণ্ড ধৈর্যের সাথে সে আপন স্থানে দাঁড়িয়ে ছিল। একটুও নড়েনি। বরং কোন একদিন যদি তার সৈন্যদের বিজয় হত, সেদিন তার সৈন্যদেরকে নিয়ে শক্তির দিকে কিছুটা অগ্রসর হত। যুদ্ধ সম্পর্কে তার ব্যাপক অভিজ্ঞতা ছিল। উভয় পক্ষের মধ্যে এভাবেই চলছিল।

এক পর্যায়ে হাজ্জাজ তার সেনাবাহিনীকে প্রতিপক্ষের কারী ও কিরআত বিশেষজ্ঞদের দলের উপর আক্রমণ চালাতে নির্দেশ দিল। কারণ, বিরোধী পক্ষের অন্যান্য সৈন্যেরা 'কারী'দের অনুসরণ করছিল। 'কারী'গণ ওদেরকে যুদ্ধে উৎসাহিত করছিলেন। অবশিষ্ট সৈন্যেরা তাঁদেরই নির্দেশ মান্য করছিল। হাজ্জাজ বাহিনীর হামলার মুখে 'কারী'গণ ধৈর্য অবলম্বন করে অবিচল থাকেন।

এরপর হাজ্জাজ তার তীরন্দায় বাহিনীকে একত্রিত করে তাদেরকে দিয়ে 'কারী'গণের উপর হামলা চালায়। মুহূর্তে তারা বহু 'কারী'কে হত্যা করে ফেলে। এরপর হাজ্জাজ আক্রমণ চালায় ইব্নুল আশআছ এবং তাঁর সাথে থাকা সৈনিকদের উপর। আক্রমণ সামলাতে না পেরে ইব্নুল আশআছের সৈন্যেরা পালিয়ে যায়। তারা চারিদিকে ছড়িয়ে ছিটিয়ে পলায়ন করে। অল্প সংখ্যক সৈনিক নিয়ে ইব্নুল আশআছ নিজেও পালিয়ে যান। তাঁকে ধরার জন্যে হাজ্জাজ একটি বড় সেনাদল প্রেরণ করে। ওই দলের নেতৃত্বে ছিল আম্বারাহ ইব্ন গানাম লাখমী। তার সাথে ছিল হাজ্জাজের পুত্র মুহাম্মদ। কিন্তু সেনাপতি ছিল আম্বারাহ।

তারা ইব্নুল আশআছের পেছন পেছন পেছন অগ্রসর হয়। তাদেরকে তাড়া করে, যাতে ওদেরকে হত্যা ও বন্দি করতে চূড়ান্ত বিজয় অর্জন করতে পারে। তারা ওদেরকে ধাওয়া করছিল আর গ্রাম-নগর জনপদ অধিকার করছিল। যেতে যেতে ইব্নুল আশআছ কিরমান গিয়ে পৌঁছেন। সিরীয় সৈনিকগণ ও তাঁর পেছনে পেছনে এগিয়ে যায়। যে প্রাসাদে পূর্বে ইরাকিগণ ছিল এমন একটি প্রাসাদে গিয়ে সিরীয়গণ অবস্থান নিল। তারা একটি চিঠি পেয়েছিল। ইব্নুল আশআছের সঙ্গী পলাতক সৈন্যদের কেউ একজন সেটি লিখেছে।

তাতে আবৃ খালদাহ ইয়াশবায়ীর নিম্নের পংক্তিগুলো ছিল :

أَيَّا لَهُفَا وَيَا حُزْنًا جَمِيعًا * وَيَا حَسْرَ الْفُؤَادِ لِمَا لَقِينَا

আহ, দুঃখ, আহ অনুশোচনা, আহ আক্ষেপ, আমরা যে পরিস্থিতির মুখোমুখি হয়েছি তার জন্যে।

تَرَكْنَا الدِّينَ وَالدُّنْيَا جَمِيعًا * وَأَسْلَمْنَا الْحَلَالَ إِلَى الْبَنِينَ

আমরা দীনও ছেড়েছি। দুনিয়াও হারিয়েছি। আমাদের স্বী-পুত্রকে আমরা শক্র হাতে সোপর্দ করে দিয়েছি।

فَمَا كُنَّا أُنَاسًا أَهْلَ دُنْيَا * فَنَمْنَعْهَا وَلَوْلَمْ نَرْجُ دِينًا

আমরা দীন বিষয়ে সাফল্য ও উন্নতি আশা না করলেও যদি দুনিয়াদার হতাম, তবুও আমাদের স্বী-পুত্রদেরকে আমরা রক্ষা করতে পারতাম।

تَرَكْنَا دُورَنَا لِطَعَامِ عَكِّ * وَأَنْبَاطِ الْقَرَى وَالْأَشْعَرِينَ

‘আমরা নিজেদের বাসস্থান ত্যাগ করে ‘আক’ দুর্গের খাদ্য এবং উপত্যকার পানির সঞ্চানে চলেছি।’

অতঃপর ইব্নুল আশআছ তার সাথীদেরকে নিয়ে তুর্কী সন্ত্রাট রাতবীলের আশ্রয়ে চলে যান। রাতবীল তাদেরকে সম্মান দেখায়। আশ্রয় দেয় এবং বসবাসের ব্যবস্থা করে দেয়।

ওয়াকিদী বলেন, ইব্ন আশআছ রাতবীলের দেশে যাবার সময় তারই নিযুক্ত জনেক শাসনকর্তার সাথে সাক্ষাত করেন। ইরাক ফিরে যাবার সময় তিনি ওই শাসনকর্তাকে নিয়োগ দান করেছিলেন। ওই শাসনকর্তা তাকে খুব সমাদর ও সম্মান করে। হাদিয়া ও উপচৌকন প্রদান করে, তার ওখানে বসবাসের ব্যবস্থা করে। মূলতঃ সে এতসব করেছে ঘড়যন্ত্র মূলক ভাবে। সে ইব্ন আশআছকে বলেছিল যে, আপনি আমার এখানে আসুন। তাতে আপনি শক্র হাত থেকে রেহাই পাবেন। তবে আপনার সাথী কেউ যেন এই শহরে প্রবেশ না করে। ইব্ন আশআছ ওই প্রস্তাব গ্রহণ করেন। কিন্তু এটি ছিল ওই শাসনকর্তার প্রতারণা ও চক্রান্ত। ইব্নুল আশআছের সাথীরা তাকে এই প্রস্তাব গ্রহণে নিষেধ করেছিল। তিনি নিষেধ মানেননি। ফলে তাঁর সাথীরা তার থেকে পৃথক হয়ে যায়। ইব্নুল আশআছ ওই শহরে প্রবেশ করেন। ওই শাসনকর্তা তার উপর ঝাঁপিয়ে পড়ে। তাকে লোহার শিকলে বেঁধে ফেলে, এবং তাকে হাজ্জাজের নিকট প্রেরণ করতে চায় সে হাজ্জাজের অনুগ্রহভাজন হবার আকাঙ্ক্ষায় একপ করেছিল।

ইব্নুল আশআছের আগমনে তুর্কী সন্ত্রাট রাতবীল খুশী হয়েছিল। বাসত শহরের শাসনকর্তা ইব্নুল আশআছের সাথে যে আচরণ করেছে সন্ত্রাট রাতবীল তা অবগত হয়। অবিলম্বে সন্ত্রাট রাতবীল সন্মেন্যে বাসত অভিমুখে যায় এবং চারিদিক থেকে ওই নগরী দ্বারে ফেলে। ওই শাসনকর্তাকে সে সংবাদ পাঠায় যে, ইব্নুল আশআছের কোন ক্ষতি হলে আমি তোমার নগরে প্রবেশ করব এবং নগরের সকল লোককে খুন করে ফেলব। ওই শাসনকর্তা সন্ত্রাটের কথায় ভয় পেয়ে যায় এবং ইব্নুল আশআছকে সন্ত্রাটের নিকট পাঠিয়ে দেয়। সন্ত্রাট রাতবীল তাঁকে সসম্মানে সাথে করে নিয়ে যায়।

ইব্নুল আশআছ সম্মাটকে বললেন, ওই শাসনকর্তাকে আমি নিয়োগ দিয়েছিলাম। সে আমার অধীনস্থ ছিল। এখন সে আমার বিরুদ্ধে গান্দারী করল। এবং আপনি দেখলেন সে কী আচরণ করেছে। আপনি আমাকে অনুমতি দিন আমি তাকে হত্যা করি। সম্মাট বললেন, না তা হবে না। আমি নিজে তাকে নিরাপত্তা দিয়েছি। ইব্নুল আশআছের সাথে আবদুর রহমান ইব্ন আইয়াশ ইব্ন আবু রাবীআ ছিল। রাতবীলের এলাকায় তিনি সকলকে নিয়ে নামায আদায় করতেন। নামাযে ইমামতি করতেন।

হাজাজের কবল থেকে পালিয়ে আসা ইব্নুল আশআছের কতক সমর্থক এক জায়গায় এসে একত্রিত হয়। ওরা ইব্নুল আশআছের সাথে থাকার জন্যে তাঁর খৌজে বের হয়। ওরা সংখ্যায় ছিল প্রায় ষাট হাজার। সিজিস্তান প্রদেশে এসে তারা জানতে পারে যে, ইব্নুল আশআছ রাতবীলের দেশে আশ্রয় নিয়েছেন। তখন তারা সিজিস্তানে বল প্রয়োগ করে সেটি দখল করে নেয়। সেখানকার শাসনকর্তা আবদুল্লাহকে তারা খুব নির্যাতন করে। আবদুল্লাহ এর ভাই-বেরাদর এবং আজ্জায়-স্বজনদের উপরও তারা অত্যাচার চালায়। সেখানকার সকল ধন-সম্পদ তারা দখল করে নেয় এবং সারা প্রদেশে ছাড়িয়ে গিয়ে সমগ্র এলাকা তাদের নিয়ন্ত্রণে নিয়ে নেয়। এরপর তারা ইব্নুল আশআছকে লিখিতভাবে জানায় যে, আপনি আমাদের এখানে চলে আসুন। আপনার প্রতিপক্ষের বিরুদ্ধে আমরা আপনাকে সাহায্য করব এবং আমরা আপনার নেতৃত্বে খোরাসান প্রদেশ দখল করে নিব। আমাদের এখানে যা আছে ওখানে আমাদের সৈন্য ও সমর্থক তার চেয়ে অনেক বেশী। অতঃপর খোরাসান জয় করে আমরা ওখানে বসবাস করব যতক্ষণ না মহান আল্লাহ হাজাজ কিংবা আবদুল মালিককে ধ্বংস করেন। এরপর আমরা যা করার করব। ইব্নুল আশআছ তাদের আহ্বানে সাড়া দিয়ে তাদের সাথে যোগ দিলেন এবং তাদের সাথে খোরাসানের পথে কিছুর এগিয়ে গেলেন। এরপর ঘটল অনাকাঙ্ক্ষিত ঘটনা। উবায়দুল্লাহ ইব্ন সামুরার নেতৃত্বে অল্প সংখ্যক ইরাকী লোক দল ত্যাগ করে চলে যায়। এ ঘটনায় ইব্নুল আশআছ ক্ষুক্র হয়ে উঠেন। তিনি উপস্থিত লোকদের উদ্দেশ্যে বক্তৃতা দেবার জন্যে দাঁড়ান। তিনি বক্তৃতায় তাদের গান্দারী এবং যুদ্ধে অঙ্গীকৃতির প্রসঙ্গ উল্লেখ করেন এবং তাদেরকে বলেন যে, তোমাদের প্রতি আমার কোন প্রয়োজন নেই। আমি আমার বন্ধু রাতবীলের নিকট চলে যাচ্ছি। আমি ওখানেই থাকব। তিনি তাদেরকে ছেড়ে চলে গেলেন। সমর্থকদের মধ্য থেকেও অল্প সংখ্যক লোক তাঁর সাথে চলে যায়। কিন্তু তাদের বিরাট অংশ সেখানে থেকে যায়। ইব্নুল আশআছ তাদেরকে ছেড়ে চলে যাবার পর তারা আবদুর রহমান ইব্ন আইয়াশ ইব্ন আবু রাবীআ হাশেমীর হাতে বায়আত করে এবং তাঁর নেতৃত্বে খোরাসান গমন করে। খোরাসানের শাসনকর্তা ইয়াফীদ ইব্ন মুহাম্মাদ বেরিয়ে আসেন। এবং তাদেরকে নগরীতে প্রবেশে বাধা দেন। তিনি আবদুর রহমান ইব্ন আইয়াশকে এই মর্মে চিঠি লিখেন যে, এই পৃথিবী বহু প্রশংস্ত ও বিস্তৃত সুতরাং যেখানে কোন সুলতান কিংবা শাসক নেই। আপনি সেখানে চলে যান এবং সেখানে রাজত্ব করুন। আপনার বিরুদ্ধে যুদ্ধ করা আমি পসন্দ করি না। আর আপনি যদি কোন ধন-সম্পদ চান আমি আপনার নিকট তা পাঠিয়ে দিব। উভয়ের আবদুর রহমান লিখলেন যে, আমরা কারো সাথে যুদ্ধ বিঘাতে লিপ্ত হতে আসিন। আমরা এসেছি একটু বিশ্রাম নিতে এবং আমাদের ঘোড়াগুলোকে বিশ্রামের সুযোগ দিতে। এরপর আমরা অন্যত্র চলে যাব। আপনি যা বলেছেন তার কিছুরই আমাদের প্রয়োজন নেই।

এরপর আবদুর রহমান তার অবস্থান ক্ষেত্রের আশেপাশে খোরাসানী গ্রামগুলো থেকে খায়না উসুল করার চেষ্টা করেন। এবার তাকে বাধা দেয়ার জন্যে শাসনকর্তা ইয়াফীদ এবং তার

ভাই মুক্ষায়ল বহু সৈন্য নিয়ে আসেন, উভয় দল মুখোমুখি হয়। উভয় দলে ভীষণ যুদ্ধ হয়। এক পর্যায়ে আবদুর রহমান ইব্ন আইয়াশ ও তাঁর সাথিগণ পরাজিত হয়। শাসনকর্তা ইয়ায়ীদ ওদের বহু সৈন্যকে হত্যা করেন। ওদের সেনা ছাউনিতে থাকা ধন-সম্পদ দখল করে নেন এবং বন্দী লোকদেরকে হাজ্জাজের নিকট পাঠিয়ে দেন। বন্দীদের মধ্যে হযরত সাদ ইব্ন আবু ওয়াক্কাসের পুত্র মুহাম্মদও ছিলেন। কেউ কেউ বলেছেন যে, মুহাম্মদ ইব্ন সাদ ইয়ায়ীদকে বলেছিলেন যে, আমার বাবা তোমার বাবার জন্যে যে দু'আ করেছিলেন তোমাকে তার দোহাই দিচ্ছি তুমি আমাকে ছেড়ে দাও। অতঃপর ইয়ায়ীদ তাঁকে ছেড়ে দেয়।

ইব্ন জারীর বলেন যে, এই ঘটনার অনেক দীর্ঘ ফিরিষ্টি রয়েছে। ওই যুদ্ধে বন্দী লোকদেরকে শাসনকর্তা হাজ্জাজের নিকট নিয়ে আসা হলো। ওদের অধিকাংশ লোককে সে হত্যা করে এবং কম সংখ্যক লোককে ক্ষমা করে। হাজ্জাজ বাহিনী যেদিন আশআছ বাহিনীর বিরুদ্ধে জয়লাভ করেছিল সেদিন এক ঘোষক ঘোষণা দিয়েছিল যে, যারা প্রত্যাবর্তন করবে তারা নিরাপত্তা পাবে এবং যারা রায় অধ্যলে গিয়ে মুসলিম ইব্ন কুতায়বার সাথে মিলিত হবে তারা নিরাপত্তা পাবে। ইব্নুল আশআছের দলে থাকা অনেক লোক অতঃপর মুসলিম ইব্ন কুতায়বার সাথে যোগ দিল। হাজ্জাজ তাদেরকে নিরাপত্তা দিয়েছিল। যারা মুসলিমের সাথে যোগ দেয়নি হাজ্জাজ ওদের খোঁজে গুপ্তচর পাঠিয়ে দেয়। খুঁজে পাওয়া বহু লোকজনকে হাজ্জাজ হত্যা করে। সর্বশেষ তার জিঘাংসার শিকার হয়েছেন হযরত সাদ ইব্ন জুবায়র (র)। এ বিষয়ে একটু পরে আলোচনা হবে।

ইব্নুল আশআছের পরাজিত অনুসারীদের মধ্যে যারা মুসলিমের সাথে যোগ দেন তাদের মধ্যে ছিলেন হযরত শা'বী (র)। একদা হাজ্জাজ তার প্রসঙ্গে আলোচনা করছিল। তখন তাকে জানানো হল যে, শা'বী (র) তো মুসলিম ইব্ন কুতায়বার সাথে যোগ দিয়েছেন। হাজ্জাজ মুসলিমের নিকট চিঠি লিখল। শা'বীকে আমার নিকট পাঠিয়ে দাও।

শা'বী বলেন, আমি যখন হাজ্জাজের নিকট প্রবেশ করি তাকে শাসনকর্তাসুলত সালাম ও অভিবাদন জানাই। এরপর বললাম, শাসনকর্তা! লোকজন তো আমাকে পরামর্শ দিচ্ছে এমন বিষয় উল্লেখ করে উয়ার পেশ করার জন্যে যেটি মহান আল্লাহর ইলমে সত্য নয়। আল্লাহর কসম! আমি এখানে সত্য বই মিথ্যা বলব না। পরিস্থিতি যাই হোক না কেন? আল্লাহর কসম! আমরা আপনার বিপক্ষে বিদ্রোহ করেছি। আপনার আনুগত্য প্রত্যাখ্যান করেছি। আপনার বিরুদ্ধে যুদ্ধে সর্বশক্তি নিয়োজিত করেছি। একটুও কমতি করিনি। আমরা কিন্তু কোন শক্তিশালী দুশ্চরিত্র লোক ছিলাম না কিংবা পরিপূর্ণ নেক্কার পুণ্যবান লোকও ছিলাম না। মহান আল্লাহ আপনাকে আমাদের বিরুদ্ধে সাহায্য করেছেন। বিজয় দান করেছেন। এখন আপনি আমাদের উপর শক্তিপ্রয়োগ করলে, কঠোরতা প্রয়োগ করলে তা আমাদের অপরাধের ফলশ্রুতি আমাদের কর্মফল। আর আপনি যদি আমাদেরকে ক্ষমা করে দেন তাহলে সেটি হবে আপনার ধৈর্যের বহিঃপ্রকাশ। মোদ্দাকথা, আমাদের বিরুদ্ধে আপনার ব্যবস্থা নেয়ার আইনগত অধিকার রয়েছে।

হাজ্জাজ বলল, ওহে শা'বী! বিদ্রোহী গোষ্ঠী যাদের তরবারি থেকে আমাদের তাজা রক্ত ঝরেছে। অথচ এসে বলে আমি কিছু করিনি আমি উপস্থিতও ছিলাম না তাদের সবার মধ্যে আপনি আমার সর্বাধিক প্রিয় ব্যক্তি বটে। এরপর সে বলল, হে শা'বী! আমি আপনাকে নিরাপত্তা দিলাম।

শা'বী বলেন, এরপর আমি ফিরে আসছিলাম। একটুখানি হাঁটার পর হাজ্জাজ আমাকে ডাকল। সে বলল, শা'বী এদিকে আসুন! তাতে আমার মনে ভয় সৃষ্টি হল। এরপর সে যে আমাকে নিরাপত্তা দিয়েছে তা আমার স্মরণ হল। আমি নিশ্চিন্ত হলাম। স্বত্ত্ব ফিরে পেলাম। সে বলল, শা'বী! আমরা সর্বময় ক্ষমতা গ্রহণের পর জনগনের মধ্যে প্রতিক্রিয়া ও মনোভাব কেমন লক্ষ্য করছেন? শা'বী বলেন, আমি হাজ্জাজের বিরুদ্ধে বিদ্রোহে যোগ দেয়ার পূর্বে আমার প্রতি তার শ্রদ্ধাবোধ ছিল। আমি বললাম, মহান আল্লাহ শাসনকর্তার ভাল করুন। আপনার ক্ষমতা গ্রহণের পর আমার চোখে ঘূর নেই। নম্র ও কোমল বিষয়কে আমি কঠোর দেখতে পাচ্ছি। বদ হজমী অনুভব করছি। সর্বক্ষণ ভীত-সন্ত্রস্ত থাকছি। দুশ্চিন্তা নিত্য সঙ্গী হয়ে রয়েছে। ভাল ভাল ভাই বস্তুদেরকে হারিয়ে ফেলেছি। শাসনকর্তার পরবর্তী স্থলাভিষিক্ত হতে পারে তেমন কাউকে দেখতে পাচ্ছি না। হাজ্জাজ বলল, হে শা'বী! আপনি এখন চলে যান। আমি প্রস্থান করলাম। ইব্ন জারীর প্রমুখ এরূপ বর্ণনা করেছেন। আবু মিখনাক ইসমাইল ইব্ন আবদুর রহমান সুন্দী সূত্রে শা'বী থেকে এরূপ বর্ণনা করেছেন।

বায়হাকী (র) উল্লেখ করেন যে, শাসনকর্তা হাজ্জাজ শা'বীকে ফারায়ে বা উত্তরাধিকারিত্ব বিষয়ে একটি মাসআলা জিজ্ঞেস করেছিল। মাসআলাটি হল কোন মৃত ব্যক্তির শাশ্঵তজ্ঞি এবং মৃত ব্যক্তির বোন সম্পত্তি পাবে কিনা। এ বিষয়ে হ্যরত আবু বকর সিন্দীক (রা) উমার (রা), উচ্চমান (রা), আলী (রা) এবং ইব্ন মাসউদ (রা)-এর অভিমত কি ছিল? এ বিষয়ে তাঁদের প্রত্যেকের ভিন্ন ভিন্ন মত রয়েছে। উত্তরে শা'বী অঙ্গ সময়ের মধ্যে তাঁদের সকলের অভিমত তুলে ধরেছিলেন। হাজ্জাজ অবশ্য হ্যরত আলী (রা)-এর অভিমতটি ভাল বলে মন্তব্য করেছে, কিন্তু সে হ্যরত উচ্চমান (রা)-এর অভিমত অনুযায়ী ফায়সালা দেয়। এই প্রেক্ষাপটে সে শা'বী (রা)-কে মুক্তি প্রদান করে। কথিত আছে যে, এই পর্যায়ে হাজ্জাজ তার প্রতিপক্ষ ইব্নুল আসআছের সমর্থক পাঁচ হাজার লোককে হত্যা করে। সেনাপতি ইয়ায়ীদ ইব্ন মুহাম্মাদ তাঁদেরকে বন্দী করে হাজ্জাজের নিকট পাঠিয়েছিলেন।

এরপর হাজ্জাজ কুফার উদ্দেশ্যে যাত্রা করে। সে সেখানে প্রবেশ করে। অতঃপর তাঁদের প্রত্যেক ব্যক্তির বায়আত গ্রহণের পূর্বে এই স্বীকারোক্তি আদায় করতে শুরু করে যে, বল “আমি নিজের ব্যাপারে সাক্ষ্য দিচ্ছি যে, আমি কুফরী করেছি”। সে বলত যে, ‘হঁ আমি কুফরী করেছি’ সে তার বায়আত গ্রহণ করত। যে ব্যক্তি ওই স্বীকারোক্তি প্রদানে অস্থীকার করত তাকে হত্যা করত। এভাবে কুফরীর সাক্ষ্য দিতে অস্থীকার করায় বহুলোককে সে হত্যা করে।

একজন লোককে তার সম্মুখে উপস্থিত করা হয়। লোকটি ছিল বাহ্যত দীনদার পরহেয়গার। হাজ্জাজ ধারণা করেছিল যে, এই লোক তো নিজের ব্যাপারে কুফরীর সাক্ষ্য দিবেন। হাজ্জাজ লোকটিকে প্রতারিত করার ইচ্ছা পোষণ করেছিল। তখন লোকটি বলল, আপনি কি আমার সাথে প্রতারণা করছেন? বন্ধুত্বঃ আমি এই জগতের সবচাইতে কঠিন কাফির। আমি ফিরাওন, হামান এবং নমরন্দের চাইতেও জঘন্য কাফির। বর্ণনাকারী বলেন, এই কথা শুনে হাজ্জাজ হেসে উঠল এবং লোকটিকে মুক্তি দিয়ে দিল।

ইব্ন জারীর উল্লেখ করেন আবু মিখনাফ থেকে যে হামাদানের কবি আশাকে হাজ্জাজের নিকট নিয়ে আসা হল। একটি কবিতায় কবি আশা হাজ্জাজ এবং আবদুল মালিকের নিন্দা ও সমালোচনা করেছিলেন। হাজ্জাজ কবিকে একটি কবিতা আবৃত্তি করার জন্যে নির্দেশ দিল। কবি দাল (এ) অস্যমিলযুক্ত একটি দীর্ঘ কবিতা পাঠ করলেন। তাতে খলীফা আবদুল মালিক ইব্ন মারওয়ান এবং হাজ্জাজের প্রচুর প্রশংসা ছিল। সিরীয় নাগরিকগণ বলছিল যে, আমীর!

ইনি তো খুব ভাল একটা কবিতা বলেছেন। হাজ্জাজ বলল, না-তা নয়। সে ভাল কবিতা বলেন। সে তো এটি বলেছে বানোয়াট ও প্রতারণার কৌশল হিসেবে। এরপর তার উপর অন্য কবিতাটি আবৃত্তির জন্য চাপ সৃষ্টি করল। আশা তখন অন্য কবিতাটি আবৃত্তি করলেন, সেটি শোনার পর হাজ্জাজ ক্ষেপে যায়। এবং কবি আশাকে হত্যার নির্দেশ দেয়। তারই সামনে ঠাণ্ডা মাথায় তাঁকে হত্যা করা হয়। আলোচ্য কবি আশার নাম হল আবদুর রহমান ইব্ন আবদুল্লাহ ইব্ন হারিছ। আর মুসবিহ হামদানী কুফী। তিনি ছিলেন আরবের বিখ্যাত কবি। নামযাদা শুন্দাচারী সাহিত্যিক। জীবনের শুরুতে ইবাদত-বন্দেগীতে তার ভাল আগ্রহ ছিল। পরবর্তীতে ইবাদত বন্দেগী ত্যাগ করে কবিতার প্রতি মনোযোগ দেন এবং কবিজগে খ্যাতিলাভ করেন। নু'মান ইব্ন বাশীর যখন হিমসের শাসনকর্তা তখন কবি আশা তার দরবারে উপস্থিত হয়েছিলেন। তিনি তাঁর প্রশংসায় কবিতা রচনা করেছিলেন। এ যাত্রায় পুরস্কার হিসেবে শাসনকর্তা নু'মান ও হিমসের সৈনিকদের পক্ষ থেকে তিনি চাঞ্চিল হাজার দীনার তথা স্বর্ণমুদ্রা লাভ করেন। তিনি শা'বী (র)-এর ভগ্নিপতি ছিলেন। শা'বীও তার ভগ্নিপতি ছিলেন। ইব্নুল আশআছের সমর্থকরণে কবি আশা হাজ্জাজের বিরুদ্ধে বিদ্রোহে যোগ দিয়েছিলেন। ফলে হাজ্জাজ তাঁকে হত্যা করে।

হাজ্জাজ একদল গুঙ্গচর নিয়োগ করল ইব্নুল আশআছের পেছনে। উদ্দেশ্য ছিল পেছন দিক থেকে গিয়ে ইব্নুল আশআছের সেনাদলের অবস্থান জানবে এবং হাজ্জাজকে জানাবে। এরপর হাজ্জাজ ও ইব্নুল আশআছ পুনরায় যুদ্ধে লিঙ্গ হয়। এবার হাজ্জাজ পরাজিত হয়ে সৈন্য সামন্তসহ পালিয়ে যায়। তার অন্ত শত্রু ও মালামাল সেনা ছাউনিতে ফেলে যায়। ইব্নুল আশআছ এগিয়ে আসেন। হাজ্জাজের পরিত্যক্ত মালামাল ও অন্তশত্রু দখল করে নেন। অতঃপর তারই সেনাছাউনিতে রাত্রি যাপন করতে থাকেন।

হাজ্জাজ বাহিনী হাতের বেলা সেখানে আগমন করে। আশআছ বাহিনী তখন অন্তশত্রু খুলে ঘূমোচ্ছিল। ওরা আশআছ বাহিনীর উপর হঠাতে আক্রমণ করে। হাজ্জাজ বাহিনী এসে তাদের ঘিরে ফেলে। তাদের মধ্যে প্রচণ্ড সংঘর্ষ হয়। ইব্নুল আশআছের বহু সমর্থক নিহত হয়। আর অনেক সমর্থক দাজলা ও দুজায়ল নদীতে ঢুবে মারা যায়। হাজ্জাজ উপস্থিত হয় ইব্নুল আশআছের সেনাছাউনিতে। সেখানে ওদের যাকেই পেয়েছে হত্যা করেছে। এ পর্যায়ে বিরোধী পক্ষের প্রায় ৪০০০ সৈন্যকে সে হত্যা করে। তাদের মধ্যে অনেক নেতৃস্থানীয় ও বিশিষ্ট ব্যক্তি ছিলেন। হাজ্জাজ বাহিনী পুরোপুরিভাবে বিপক্ষের সেনা ক্যাম্প দখল করে নেয়। ৩০০ অনুসারী নিয়ে ইব্নুল আশআছ পলায়ন করেন। নিজেদের পশ্চপাণী যবাই করে দিয়ে তারা নৌকায় চড়ে দজলা নদী পার হয় এবং বসরা চলে যায়। সেখান থেকে চলে যায় তুরস্কে এবং রাতবীলের নিকট আশ্রয় নেয়।

পরবর্তীতে হাজ্জাজ ইব্নুল আশআছের সমর্থকদেরকে খুঁজতে থাকে। এবং একাকী কিংবা জোড়ায় জোড়ায় ওদেরকে হত্যা করতে থাকে। বলা হয়ে থাকে যে, সেই সময়ে হাজ্জাজ ঠাণ্ডা মাথায় সজ্জানে এক লক্ষ ত্রিশ হাজার লোককে হত্যা করে। নাদর ইবন শুমায়ল হিশামী ইব্ন হাস্সানের বরাতে এই তথ্য উল্লেখ করেছেন। নিহত বিশিষ্ট ব্যক্তিদের মধ্যে আছেন হ্যরত সা'দ ইব্ন আবু ওয়াক্কাসের পুত্র মুহাম্মদ (র)। আরো বহু নেতৃস্থানীয় ব্যক্তি ও উলামা-ই-কিরাম এই যাত্রায় হাজ্জাজের হাতে নিহত হন। সর্বশেষ তার জিঘাংসার শিকার হন হ্যরত সাঈদ ইব্ন জুবায়র (রা)।

ওয়াসিত নগরী প্রতিষ্ঠা

ইব্ন জারীর (র) বলেছেন, এই সনে হাজার্জ ওয়াসিত শহর প্রতিষ্ঠা করে। এর প্রেক্ষাপট ছিল এই যে, একদিন হাজার্জ দেখল এক যাজককে যে, তার গর্দভীর পিঠে চড়ে সে দজলা নদী অতিক্রম করল। সে ওয়াসিত নামক স্থানে যাবার পর তার গর্দভী ওখানে পেশাব করে দেয়। যাজক সাথে সাথে গর্দভীর পিঠ ছেড়ে নীচে নেমে যায়। এবং ও পেশাবের স্থানের মাটি খুঁড়ে দজলা নদীতে ফেলে দেয়। হাজার্জ বলল, ওই যাজককে আমার নিকট নিয়ে আস। তাকে নিয়ে আসা হল। সে যাজককে বলল, তুমি এরূপ করলে কেন? উত্তরে যাজক বলল, আমরা আমাদের কিতাবে পেয়েছি যে, এই স্থানে একটি মসজিদ নির্মিত হবে এবং এই পৃথিবীতে যতদিন একজন তাওহীদপন্থীও জীবিত থাকবে ততদিন এই মসজিদে আল্লাহর ইবাদত করা হবে। অতঃপর হাজার্জ ওয়াসিত নগরীর প্রতিষ্ঠা করে এবং সেখানে একটি মসজিদ তৈরী করে। বাংলায় ইসলামিক বই ডাউনলোড করতে ভিজিট করুণঃ ইসলামি বই ডট ওয়ার্ডপ্রেস ডট কম।

এই ৮৩ সনে আতা ইব্ন রাফি'র নেতৃত্বে সিসিলির যুদ্ধ সংঘটিত হয়।

৮৩ হিজরী সনে যাঁদের ওফাত হয়

আবদুর রহমান ইব্ন জুহায়রা (র)

৮৩ সনে যাঁদের ওফাত হয় তাঁদের একজন হলেন আবদুর রহমান ইব্ন জুহায়রা খাওলানী মিসরী। বহু সাহাবী থেকে তিনি হাদীস বর্ণনা করেছেন। মিসরের শাসনকর্তা আবদুল আয়ায় ইব্ন মারওয়ান তাঁকে একই সালে বিচারক, নসীহতকারী এবং রাষ্ট্রীয় কোষাগারের দায়িত্বশীল হিসেবে নিয়োগ দান করেন। তাঁর বার্তারিক সম্মানী নির্ধারিত হয় এক হাজার দীনার স্বর্গমুদ্রা। তিনি ওই অর্থের কিছুই সংক্ষিপ্ত করতেন না।

তারিক ইব্ন শিহাব (রা)

৮৩ সনে যে সব বিশিষ্ট ব্যক্তির ইনতিকাল হয় তাঁদের একজন হলেন তারিক ইব্ন শিহাব ইব্ন আব্দ শাম্স আহমাসী। তিনি রাসূলুল্লাহ (সা)-কে দেখতে পেয়েছিলেন। প্রথম খলীফা হয়রত আবু বকর সিদ্দীক (রা) এবং দ্বিতীয় খলীফা হয়রত উমার (রা)-এর খিলাফতকালে তিনি চল্লিশোৰ্দ যুদ্ধে অংশ নেন। ৮৩ সনে তিনি মদীনাতে ইন্তিকাল করেন।

উবায়দুল্লাহ ইব্ন আদী (রা)

এই সনে ইনতিকাল হয় এমন বিশিষ্ট ব্যক্তিদের অন্যতম হলেন হয়রত উবায়দুল্লাহ ইব্ন আদী (র)। তিনি রাসূলুল্লাহ (সা)-এর যুগ পেয়েছিলেন। বহু সাহাবী থেকে তিনি হাদীস বর্ণনা করেছেন। তিনি মদীনা শরীফে কায়ী বা বিচারক পদে দায়িত্ব পালন করেছেন। তিনি কুরায়শ বংশের অন্যতম ফকীহ ও আলিম ছিলেন। তাঁর পিতা আদী বদর যুদ্ধে কাফির অবস্থায় নিহত হয়েছিল।

৮৩ সনে ওফাত হয়েছে মারছাদ ইব্ন আবদুল্লাহ আবু খায়ব মুয়ানীর। ইব্নুল আশআছের দলভুক্ত বহু কারী ও আলিম ব্যক্তি এই সনে হারিয়ে গিয়েছেন। তাঁদের মধ্যে কতক পলায়ন করেছেন। কতক যুদ্ধ ক্ষেত্রে নিহত হয়েছেন এবং কতককে বন্দী অবস্থায় হাজারের নিকট পাঠিয়ে দেয়া হয়। অতঃপর হাজার্জ তাঁদেরকে হত্যা করে। ওদের কতককে হাজার্জ খুঁজে খুঁজে ধরে এনে হত্যা করে। ইতিহাসবিদ খলীফা ইব্ন খাইয়াত তাঁদের কয়েকজনের নাম উল্লেখ করেছেন। যেমন মুসলিম ইব্ন ইয়াসার মুয়ানী। আবু মুরানাহ আজালী। ইনি নিহত

হয়েছিলেন। উকবাহ ইব্ন আবদুল গাফফার। তিনি নিহত হয়েছিলেন। উকবা ইব্ন বিশাহ। তিনি নিহত হয়েছিলেন। আবদুল্লাহ ইব্ন খালিদ জাহানামী। তিনি নিহত হয়েছিলেন। আবু জাওয়াহ বিরস। তিনি নিহত হয়েছিলেন। নাদর ইব্ন আনাস (রা) আবু হাময়া দাবাস্টি-এর পিতা ইমরান। আবু মিনহাল সাইয়াব ইব্ন সালামাহ রিয়াহী। মালিক ইব্ন দীনার। মুররাহ ইব্ন যুবাব হান্দাদী আবু নুজায়দ জাহানামী। আবু সুবায়জ হিনাস্টি। সাঈদ ইব্ন আবু হাসান এবং তাঁর ভাই হাসান বসরী (র)।

আইযুব বর্ণনা করেন যে, ইব্নুল আশআছকে বলা হয়েছিল যে, উষ্ট্রের যুদ্ধে হযরত আইশার (রা) সওয়ারীর চারিদিকে সমবেত হয়ে জনগণ যেমন তাঁর পক্ষে যুদ্ধ করেছিল আপনি যদি চান যে, আপনার পাশে জনগণ সেভাবে যুদ্ধ করুক তাহলে হাসান বসরী (র)-কে আপনার সাথে নিয়ে নিন। অতঃপর ইব্নুল আশআছ তাঁকে সাথে নিয়ে নেন।

ওই সময়ে কুফাবাসী যাঁরা নিহত হন তাঁদের মধ্যে আছেন হযরত সাঈদ ইব্ন জুবায়র, আবদুর রহমান ইব্ন আবু লায়লা, আবদুল্লাহ ইব্ন শান্দাদ, শারী, আবু উবায়দা ইব্ন আবদুল্লাহ ইব্ন মাসউদ, মা'রুর ইব্ন সুন্ডাইদ, মুহাম্মদ ইব্ন সান্দ ইব্ন আবু ওয়াকাস, আবুল বুখতারী, তালহা ইব্ন মুসারারিফ, যুবায়দ ইব্ন হারিস ইয়ামিয়ান এবং আতা ইব্ন সাইব (র)।

আইযুব বলেন যে, ইব্নুল আশআছের সাথে যারা সেদিন ধরা পড়েছিলেন তারা তাতে অনাগ্রহ প্রকাশ করেছিলেন। আর যারা সেদিন আল্লাহর ইচ্ছায় মুক্তি পেয়েছিলেন তাঁরা মুক্তিদাতা মহান আল্লাহর প্রশংসা করেছিলেন। ওই যাত্রায় হাজাজ ঠাণ্ডা মাথায় যে সব বিশিষ্ট ব্যক্তিকে হত্যা করেছিল তাঁদের মধ্যে ছিলেন ইমরান ইব্ন ইসামা দাবাস্টি (রা)। তিনি আবু হজায়াহ-এর পিতা। তিনি বসরার প্রখ্যাত উলামা-ই-কিরামের একজন ছিলেন। খুব ইবাদতকারী ও নামায়ি মানুষ ছিলেন। বন্দী অবস্থায় তাঁকে হাজাজের নিকট উপস্থিত করা হয়, হাজাজ তাঁকে বলেছিল, “তুমি নিজে কুফরী করেছ এ কথার সাক্ষ্য দাও” তাহলে আমি তোমাকে ছেড়ে দিব। তিনি উত্তরে বললেন, আল্লাহর কসম! আমি ইমান আনয়নের পর থেকে আল্লাহর প্রতি সামান্য কুফরীও করিনি। অতঃপর হাজাজ তাঁকে হত্যা করার নির্দেশ দেয়। তাঁকে হত্যা করা হয়।

হাজাজের হাতে নিহত অপর বিশিষ্ট ব্যক্তি হলেন আবদুর রহমান ইব্ন আবু লায়লা (র)। বহু সাহাবীর বরাতে তিনি হানীস বর্ণনা করেছেন। তাঁর পিতা আবু লায়লা (রা) প্রিয়ন্ত্রী (সা)-এর সাহাবী ছিলেন। আবদুর রহমান কুরআন শিক্ষা করেন হযরত আলী (রা) থেকে। তিনি ইব্নুল আশআছের সমর্থনে কেন্দ্রীয় সরকারের বিরুদ্ধে বিদ্রোহে যোগ দিয়েছিলেন। অতঃপর তাঁকে বন্দী অবস্থায় হাজাজের নিকট আনয়ন করা হয়। নিষ্ঠুর হাজাজ সজ্ঞানে ঠাণ্ডা মাথায় এই মহান ব্যক্তিকে হত্যা করে।

তারিক ইব্ন শিহাব (রা)

তাঁর পূর্ণনাম তারিক ইব্ন শিহাব ইব্ন আব্দ শামস আলআহমাসী (রা)। তিনি ঐসব ব্যক্তির অন্তর্ভুক্ত যাঁরা রাসূল (সা)-কে দেখেছেন এবং হযরত আবু বাকর সিন্দীক (রা) ও হযরত উমর (রা)-এর আমলে সংঘটিত ৪০টির অধিক যুদ্ধে অংশগ্রহণ করেছিলেন। এ বছরেই তিনি পবিত্র মদীনায় ইন্তিকাল করেন।

উবায়দুল্লাহ ইব্ন আদী (রা)

তাঁর পূর্ণনাম উবায়দুল্লাহ ইব্ন আদী ইব্নুল খিয়ার (রা)। তিনি রাসূলুল্লাহ (সা)-কে পেয়েছিলেন এবং আবদুল্লাহ ইব্ন কায়স ইব্ন মাখরামাহ (রা)-এর মত এক জমাআত সাহাবায়ে কিরাম হতে তিনি হাদীস বর্ণনা করেন। তিনি মদীনার কাষী ছিলেন। তিনি কুরায়শ বংশীয় ফিকাহ বিশারদ ও উলামায়ে কিরামের অন্তর্ভুক্ত ছিলেন। তাঁর পিতা আদী বদর যুদ্ধের দিন কাফির অবস্থায় নিহত হয়।

এ বছরেই পবিত্র মদীনা শরীফে আবুল খায়ের মিরসাদ ইব্ন আবদুল্লাহ আল-ইয়ামানী ইনতিকাল করেন। এ বছরেই কারীউল কুরআন ও উলামায়ে কিরামের একটি বিরাট জামাআত হারিয়ে যান যারা আল-আশআহ-এর সঙ্গী ছিলেন। তাদের মধ্য থেকে কেউ কেউ পালিয়ে যান; কেউ কেউ যুদ্ধক্ষেত্রে নিহত হন। আবার কেউ কেউ বন্দী হন। যিনি বন্দী হন তাকে হাজ্জাজ নৃশংসভাবে হত্যা করে। তাদের মধ্যে কাউকে কাউকে হাজ্জাজ খুঁজে বের করে এবং হত্যা করে। খালীফাহ ইব্ন খাইয়াত এমন ধরনের একদল ব্যক্তিবর্গের নাম উল্লেখ করেছেন তাদের মধ্যে নিহতরা হলেন; মুসলিম ইব্ন আল ইয়াসার আল-মুয়ানী, আবু মারানা আল-আজালী, উকবাহ ইব্ন আবদুল গাফফার, উকবাহ ইব্ন বিশাহ, আবদুল্লাহ ইব্ন খালিদ আল-জাহানামী, আবুল জাওয়া আর রাবঙ্গী, আন-নদর ইব্ন আনাস, আবু হায়যাহ আদ-দাবয়ীর পিতা ইমরান, আবুল মিনহাল, সায়্যার ইব্ন সালামাহ আররাইয়াহী, মালিক ইব্ন দীনার, মুরাব্জ ইব্ন যুবাব আল-হাদাদী, আবু নুজায়দ আল-জাহানামী, আবু সাবীজ আল-হানায়ী, সায়ীদ ইব্ন আবুল হাসান এবং তাঁর ভাই আল-হাসান আল-বসরী।

ইতিহাসবিদ আয়ুব বলেন, “ইবনুল আসআছকে বলা হল, যদি তুমি চাও যে, তোমার চতুর্দিকে লোকজনকে হত্যা করা হোক যেমনভাবে উষ্ট্রের যুদ্ধের দিন হ্যরত আইশা (রা)-এর উটের পিঠের হাওদার চতুর্পার্শে লোকজন নিহত হয়েছিল তাহলে আল-হাসানকে তোমার সাথে সংঘামে অন্তর্ভুক্ত করে নাও। সে তাকে সংঘামে অন্তর্ভুক্ত করেছিল।

কৃফাবাসীদের মধ্যে যারা নিহত হয়েছিলেন তারা হলেন : সাঈদ ইব্ন জুবায়র, আবদুর রহমান ইব্ন আবু লাইলা, আবদুল্লাহ ইব্ন শাদাদ, আশ-শা'বী, আবু উবায়দা ইব্ন আবদুল্লাহ ইব্ন মাসউদ, মা'রুর ইব্ন সাওয়ীদ, মুহাম্মদ ইব্ন সাদ ইব্ন আবু ওয়াকাস, আবুল বুখতারী, তালহা ইব্ন মাসরাফ, যুবায়দ ইব্ন আল-হারিস আলী ইয়ামিয়ান এবং আতা ইব্ন আস-সায়িব।

ইতিহাসবিদ আয়ুব বলেন : তাদের মধ্য হতে যারা ইবনুল আশআছের সাথে নিহত হয়েছিলেন, তারা ইবনুল আশআছের প্রতি নারায ছিলেন। আর ইবনুল আশআছের অনুসারীদের যারা নিহত হওয়া থেকে রক্ষা পেয়েছিলেন তারা তাদের রক্ষাকারী আল্লাহ তা'আলার প্রতি প্রশংসা জ্ঞাপন করেছিলেন। হাজ্জাজ যাদেরকে হত্যা করেছিল তাদের মধ্যে একজন ছিলেন ইমরান ইব্ন ইসাম আদ দাবয়ী, আবু হাজমাহ এর পিতা। তিনি বসরার উলামায়ে কিরামের অন্তর্ভুক্ত ছিলেন। তিনি ছিলেন ইবাদতগ্রাহ ও সৎলোক। তাকে বন্দী অবস্থায় হাজ্জাজের কাছে প্রেরণ করা হলে হাজ্জাজ তাকে বলে, ‘তুমি তোমার জন্যে কুফরীর সাক্ষ্য দাও তাহলে আমি তোমাকে ছেড়ে দিব।’ তিনি বললেন, ‘আল্লাহর শপথ, আমি যেদিন আল্লাহ তা'আলার প্রতি বিশ্বাস স্থাপন করেছি, সেদিন থেকে আর কোন দিনও মহান আল্লাহর প্রতি কুফরী করি নাই।’ তারপর তাঁকে হত্যা করার নির্দেশ দেওয়া হল এবং তাকে হত্যা করা হল। নিহত ব্যক্তিদের মধ্যে অন্য একজন হলেন, আবদুর রহমান ইব্ন আবু লায়লা। এক জামাআত সাহাবায়ে কিরাম

থেকে তিনি হাদীস বর্ণনা করেন। তাঁরা পিতা আবু লায়লা (রা) সাহাবী ছিলেন। আবদুর রহমান হ্যরত আলী ইব্ন আবু তালিব (রা) হতে কুরআন শিক্ষা করেন। তিনি ইবনুল আশআছের সাথে সৎগামে নেমেছিলেন। তাকে হাজাজের সামনে পেশ করা হল এবং তার সামনেই তাকে নৃশংসভাবে হত্যা করা হল।

৮৪ হিজরীর আগমন

আল্লামা আল-ওয়াকিদী (র) বলেন, ‘এ বছরেই আবদুল্লাহ ইব্ন আবদুল মালিক মাসীসাহ জয়লাভ করেন। আর এ বছরেই মুহাম্মদ ইব্ন মারওয়ান আরমিনিয়ায় যুদ্ধ করেন। আরমিনিয়াবাসীর অনেককে তিনি হত্যা করেন এবং তাদের গির্জা ও ধনসম্পদ দখল করেন। এ বছরটিকে সানাতুল হারীক হিসেবে আখ্যায়িত করা হয়েছিল। এ বছরেই আল-হাজাজ মুহাম্মদ ইবনুল কাসিম আচ-ছাকাফীকে পারস্যের শাসক নিযুক্ত করে এবং কুর্দীদের হত্যা করার জন্য তাকে নির্দেশ দেয়। এ বছরেই আবদুল মালিক আইয়াদ ইব্ন গানাম আল-বুজায়নীকে আল-ইস্কান্দারীয়ার শাসক নিযুক্ত করেন এবং আবদুল মালিক ইব্ন আবুল কানূদকে বরখাস্ত করেন। যাকে পূর্ববর্তী বছরে শাসক নিযুক্ত করা হয়েছিল। আর এ বছরেই মুসা ইব্ন নুছায়ব পশ্চিমাঞ্চলীয় দেশসমূহের বেশ কতগুলো শহর জয়লাভ করেন, তার মধ্যে একটি শহর ‘আরুমা’। ঐ শহরের অনেক লোককে তিনি হত্যা করেন এবং প্রায় পঞ্চাশ হাজার লোককে বন্দী করেন। এ বছরেই হাজাজ ইবনুল আশআছের অনুসারীদের বড় একটি দলকে হত্যা করে।

আয়ুব ইব্ন আল-কেরীয়া

আয়ুব ইব্ন আল-কেরীয়া ছিলেন বাগী, স্বচ্ছন্দভাষী এবং ধর্মোপদেশদাতা। হাজাজ তাকে নিজের সামনে নৃশংসভাবে হত্যা করে। কথিত আছে যে, হাজাজ তার নিহত হওয়ায় লজ্জিত হয়। তাঁর পূর্ণনাম আবু সুলায়মান আয়ুব ইব্ন যায়দ ইব্ন কায়স আল-হিলানী। তিনি ইবনুল কেরিয়া হিসেবে প্রসিদ্ধ ছিলেন। অন্য যারা নিহত হয়েছিলেন তারা হলেন : আবদুল্লাহ ইব্ন আল-হারিছ ইব্ন নওফল; সা'দ ইব্ন ইয়াশ আশ-শায়বানী, আবু গুনাইনামা আল-খাওলানী (রা), তিনি সাহাবী ছিলেন এবং একজন হাদীস বর্ণনাকারী ছিলেন। তিনি হিমসে বসবাস করতেন এবং তথায় তিনি ইন্তিকালও করেন। তিনি প্রায় একশত বছরের কাছাকাছি বয়স পেয়েছিলেন। যারা নিহত হয়েছিলেন তাদের অন্য একজন হলেন, আবদুল্লাহ ইব্ন কাতাদাহ। উপরোক্তিখন্তি ব্যক্তিবর্গ ছাড়াও তাদের একটি দলকে হাজাজ হত্যা করেছিল এবং তাদের মধ্যে কিছু সংখ্যক ইন্তিকাল করেছিলেন। তাদের মধ্যে একজন হলেন আবু যুরআ আল-জায়ামী আল-ফিলিস্তীনী। তিনি সিরিয়াবাসীদের কাছে অত্যন্ত সম্মানিত ব্যক্তি ছিলেন। আমীর মুআবিয়া (রা) তাঁকে ভয় করতেন। আবু যুরআ তা উপলক্ষ্য করেন এবং তিনি আমীর মুআবিয়া (রা)-কে বলেন : হে আমীরুল মু'মিনীন! আপনি আপনার সংসদের কোন সদস্যকে তার নিয়তির উপর নির্ভর করে ধ্বংস করে দেবেন না। আপনি যাকে আপনার গোপন রহস্যের সাথী হিসেবে গ্রহণ করেছেন তাকে চিন্তিত করবেন না। যে দুশ্মনকে আপনি পরাজিত করেছেন তাকে নিরাশ করবেন না। তারপর হ্যরত আমীর মুআবিয়া (রা) তার থেকে বিরত থাকেন।

এ বছরে উত্তোলিত আস-সুলামী ইন্তিকাল করেন। তিনি একজন উচ্চ পর্যায়ের সাহাবী ছিলেন। তাঁকে আহলে সুফ্ফার মধ্যে গণ্য করা হতো। ইমরান ইব্ন হাত্তান

আল-খারিজী প্রথমে আহলে সুন্নাত ওয়াল জামআতের সদস্য ছিলেন। তারপর তিনি একজন খারিজী অত্যন্ত সুন্দরী মহিলাকে বিয়ে করেন এবং তাকে ভালবাসেন। আর তিনি নিজে ছিলেন কৃৎসিত চেহারার লোক। তিনি তার স্ত্রীকে আহলে সুন্নাত ওয়াল জামআতের দিকে স্থানান্তর করার ইচ্ছে পোষণ করেছিলেন; কিন্তু তার স্ত্রী অস্বীকার করেন। তারপর তিনি তার স্ত্রীর মাযহাবে স্থানান্তর হলেন। তিনি প্রসিদ্ধ কবিদের মধ্যে ছিলেন অন্যতম। তিনি হ্যরত আলী (রা)-এর শাহাদত ও তার হত্যাকারীর সম্মত বলেন : “হে পরহেয়গার মুত্তাকীকে আঘাতকারী! এ আঘাতের দ্বারা তুমি শুধু ইচ্ছে করেছ, আরশের মালিক আল্লাহ্ তা‘আলার সন্তুষ্টিকে তোমার মতে অর্জন করার জন্যে। নিশ্চয়ই আমি তাকে স্মরণ করছি এমন একদিনে, যখন আমি মহান আল্লাহ্ কাছে জনগণের মধ্যে তাকে একটি পাল্লা হিসেবে বিবেচনা করছি। তিনি এমন সম্প্রদায়ের মধ্যে একজন সম্মানিত ব্যক্তি যাদের কবর বা ঠিকানা হচ্ছে জান্নাতে বিচরণকারী পাখীদের উদ্দেশ। তারা তাদের ধর্মকে পাপ এবং হিংসা বিদ্বেষের সাথে মিশ্রিত করেন।”

ইমাম আস-সাওয়ী তার নিম্নবর্ণিত কবিতাগুলোর দ্বারা দুনিয়ায় পরহেয়গারী অবলম্বন করার আদর্শ হিসেবে প্রায়শঃউদাহরণ পেশ করতেন। ‘জনগণের মধ্যে হতভাগা লোকদেরকে আমি লক্ষ্য করেছি যে, তারা এ দুনিয়াকে পরিত্যাগ করছে না, যদিও তারা এ দুনিয়ায় নগ্ন ও ক্ষুধার্ত অবস্থায় কালাতিপাত করছে। যদিও তারা দুনিয়াকে মহৱত করে, কিন্তু আমি দুনিয়াটাকে দেখছি শ্রীঞ্চকালের এক খণ্ড মেঘের ন্যায় যা অতি তাড়াতাড়ি বিলীন হয়ে যায়। দুনিয়ার বাসিন্দারা আসলে একটি কাফেলার ন্যায় যারা তাদের প্রয়োজন নির্বাপিত করেছে এবং তাদের সামনে যে প্রকাশ্য বিস্তৃত রাস্তা রয়েছে তা দিয়ে তারা প্রত্যাবর্তন করছে।”

৮৪ হিজরীতে ইমরান ইব্ন হাস্তান মারা যায়। কোন কোন আলিম, আলী (রা)-এর শাহাদত সম্পর্কে পূর্বে উল্লিখিত তার কবিতাগুলোর বদলে অনুরূপ ছদ্ম ও কবিতার পরিমাপে নিম্নবর্ণিত কবিতাগুলো উল্লেখ করেন। “হতভাগার তরফ থেকে যে আঘাত এসেছে, এ আঘাতের দ্বারা সে ইচ্ছে করেছে যে, আরশের মালিক থেকে যেন সে আরও ক্ষতি অর্জন করতে পারে। আমি উক্ত হতভাগাকে এমন একদিনে স্মরণ করছি, যাকে আমি মহান আল্লাহ্ মিকট অবস্থিত দাঢ়িপাল্লার নিরিখে জনগণের মধ্যে তাকে অধম বলে আমি বিবেচনা করি।”

রাওহ ইব্ন যাওয়া আল-জুয়ামী

তিনি ছিলেন সিরিয়ার নেতাদের অন্যতম। খলীফা আবদুল মালিক খিলাফতের কাজে তার থেকে পরামর্শ গ্রহণ করতেন।

এ বছরেই আবদুর রহমান ইব্ন আল-আশআছ আল-কিন্দী মৃত্যুমুখে পতিত হয়। কেউ কেউ বলেন, এর পরের বদুর মৃত্যুমুখে পতিত হয়। মহান আল্লাহ্ অধিক পরিজ্ঞাত।

ঘটনাটি ছিল নিম্নরূপ : হাজ্জাজ তুরকের বাদশা, রাতবীলের কাছে একটি পত্র লিখেন। ইবনুল আশআছ তুরকের বাদশার কাছে আশ্রয় গ্রহণ করেছিল। হাজ্জাজ পত্রে তুরকের বাদশাকে বলে এই আল্লাহৰ শপথ, তিনি ব্যক্তিত অন্য কোন মাঝুদ নেই। যদি তুমি এ পত্রটি পাওয়ার পর ইবনুল আশআছকে আমার কাছে ফেরত না পাঠাও আমি তোমার দেশে এক লাখ সৈন্য প্রেরণ করব এবং তোমার দেশকে তচ্ছন্দ করে দেবো। হাজ্জাজ থেকে প্রাণ্ত এ হৃষকী সম্বন্ধে যখন বাদশা নিশ্চিত হলেন তখন এ ব্যাপারে তার কিছু সংখ্যক আমীরের সাথে পরামর্শ করেন, আমীররা তখন হাজ্জাজ কর্তৃক তাদের দেশ ধর্সপ্রাণ্ত হওয়া এবং তাদের ধন-সম্পদ লুষ্টিত

হওয়ার পূর্বে ইব্ন আশআছকে হাজাজের কাছে সমর্পণ করার পরামর্শ দিলেন। বাদশা তখন ইবনুল আশআছকে হাজাজের কাছে এ শর্তে প্রেরণ করেন যে, হাজাজ দশ বছর যুদ্ধ করবে না এবং প্রতি বছর এক লাখ দিনার কর আদায় করবে। হাজাজ তা করুল করে নিল। কেউ কেউ বলেন, হাজাজ তার কাছে ওয়াদা করেছিল যে, বাদশার কাছ থেকে সাত বছর আর কোন কর নিবে না। তারপর রাতবীল ইব্ন আশআছের সাথে বিশ্বাসঘাতকতা করে। কেউ কেউ বলে তাকে তার সামনে নৃশংসভাবে হত্যা করার নির্দেশ দেয় এবং তার মস্তককে হাজাজের কাছে প্রেরণ করে। কেউ কেউ বলেন, বরং ইবনুল আশআছ মারাত্মক রোগে আক্রান্ত হয়েছিল। তখন রাতবীল তাকে হত্যা করে। তখন তার প্রাণ ছিল ওষ্ঠাগত। তবে প্রসিদ্ধ ঘটনা হল এ যে, রাতবীল ইবনুল আশআছ ও আরো ত্রিশজনকে শিকলে আবদ্ধ করে এবং হাজাজের তরফ থেকে প্রেরিত দৃতদের মাধ্যমে সে তাদেরকে হাজাজের কাছে প্রেরণ করে। যখন তারা পথিমধ্যে আর্রাজহ নামক স্থানে পৌছে তখন ইবনুল আশআছ তার শিকলসহ একটি প্রাসাদের ছাদে উঠে। তার সাথে একটি লোক ছিল যাকে নিযুক্ত করা হয়েছিল সে যেন পালিয়ে যেতে না পারে পাহারা দেওয়ার জন্য। ইবনুল আশআছ তখন ঐ প্রাসাদের উপর থেকে নীচে বাঁপিয়ে পড়ে। আর তার সাথে নিযুক্ত ব্যক্তিটি নীচে পড়ে যায়। তখন দুইজনেই মারা যায়। দৃত ইবনুল আশআছের মস্তক কর্তৃত করে। ইবনুল আশআছের সাথীদেরকে হত্যা করা হয় এবং তাদের মস্তক হাজাজের কাছে প্রেরণ করা হয়। হাজাজ তখন আশআছের মস্তক ইরাকে প্রদক্ষিণ করার জন্য নির্দেশ দেয়। তারপর ঐ মস্তকটি আবদুল মালিকের কাছে প্রেরণ করা হয়। মস্তকটিকে সিরিয়ার অলিতে গলিতে প্রদক্ষিণ করা হয়। তারপর এটাকে তার ভাই আবদুল আয়ীয়ের কাছে মিসরে প্রেরণ করা হয়। সেখানেও এটাকে অলিতে গলিতে প্রদক্ষিণ করা হয়। তারপর তারা আশআছের মস্তকটি মিসরে দাফন করে এবং তার শরীরটি আর্রাজহ নামক স্থানে দাফন করা হয়। এ সম্পর্কে কোন কবি বলেন, “শরীরের স্থান মাথা থেকে বহুদূরে; মাথা অবস্থান করছে মিসরে আর শরীর আর্রাজহ নামক স্থানে।” ৮৫ হিজরীতে ইবনুল আশআছের মৃত্যুর ঘটনা ঘটেছে বলে ইব্ন জারীর উল্লেখ করেন। মহান আল্লাহু অধিক পরিজ্ঞাত।

উপরোক্ত আবদুর রহমানের পূর্ণ নাম আবু মুহাম্মদ আবদুর রহমান ইবনুল আশআছ ইব্ন কাইছ। আবার কেউ কেউ বলেনঃ তিনি হলেন আবদুর রহমান ইব্ন কায়স ইব্ন মুহাম্মদ ইব্ন আল আশআছ ইব্ন কায়স আল কিন্দী আল-কুফী। আবু দাউদ ও নাসাই তার থেকে একটি হাদীস বর্ণনা করেন। সে তার পিতা হতে, তার পিতা তার দাদা হতে এবং তার দাদা ইবন মাসউদ হতে বর্ণনা করেন। হাদীসটি হল নিম্নরূপঃ যখন ক্রেতা ও বিক্রেতা কোন বস্তু বিক্রয় সম্পর্কে মতভেদ করে আর বস্তুটি দুইজনের সামনে থাকে অবস্থিত, তখন বিক্রেতার কথাই এ ব্যাপারে গ্রহণযোগ্য। অথবা দুইজনেই স্বীয় অভিমত প্রকাশ করবে। তাঁর থেকে আবুল উমায়স বর্ণনা করেন এবং এটাও বলা হয়েছে যে, হাজাজ তাকে ৯০ হিজরীর পর হত্যা করে। মহান আল্লাহু অধিক পরিজ্ঞাত।

তবে সবচেয়ে মজার ব্যাপার হলো যে, তাদের হাতে খিলাফতের বায়আত গ্রহণ করা হয় অথচ তারা কুরায়শের অন্তর্ভুক্ত নয়। উদাহরণ স্বরূপ, ইবনুল আশআছ কিন্দী বংশের এবং ইয়ামান থেকে আগত অথচ সাকীফার দিন সাহাবায়ে কিরাম ঐকমত্যে পৌছেন যে খিলাফত শুধু কুরায়শদের জন্যই। এ সম্পর্কে বর্ণিত হাদীস দ্বারা হ্যরত আবু বাকর সিদ্দীক (রা) দলীল পেশ করেন। আনসারগণ চেয়েছিলেন মুহাজির আমীরের সাথে তাদের থেকেও যেন একজন আমীর হয়। কিন্তু হ্যরত আবু বাকর সিদ্দীক (রা) তাদের এ কথায় অঙ্গীকৃতি জ্ঞাপন করেন। তারপর এত কিছু সন্দেশ ও সাদ ইব্ন উবাদাহ (রা) তলোয়ার উঠালেন, যিনি আনসারদের পক্ষে

থেকে একজন আমীর হওয়ার জন্যে প্রথমে দাবী করেছিলেন। তারপর তিনি তার এ অভিমত প্রত্যাখ্যান করেন। এ বিষয়ে পূর্বে বিস্তারিত বর্ণনা রাখা হয়েছে। কাজেই তারা কেমন করে অন্য বংশের একজন খলীফার প্রতি মনোযোগী হবেন। মুসলমানগণ কর্তৃক কয়েক বছর আগে যার খিলাফতের বায়আত গ্রহণ করা হয়েছে এখন তারা তাকে বরখাস্ত করবে অথচ তিনি কুরায়শ বৎসোভূত। আর কিন্তু গোত্রের এক ব্যক্তিকে খলীফা করার জন্য বায়আত গ্রহণ করবে। মুসলমানদের মধ্যে যারা গণ্যমান্য তারা কি এ ব্যাপারে একমত হতে পারেন? যখন এ ধরনের পদস্থলন ও ত্রুটি দেখা দিল তার কারণেই বিরাট বিপর্যয়ের সৃষ্টি হল এবং তাতে শত শত লোক নিহত হল। কাজেই আমরা সকলে আল্লাহ'র জন্যে এবং আল্লাহ'র দিকে সকলকে প্রত্যাবর্তন করতে হবে।

আয়ুব ইব্ন আল-কিরিয়াহ

আল-কিরিয়াহ তার মায়ের নাম। তার পিতার নাম ইয়ায়ীদ ইব্ন কায়স ইব্ন যুরারাহ ইব্ন মুসলিম আল্লামারী আল-হিলালী। তিনি একজন বেদুইন উম্মী অথচ বাগীতা-বাক পটুতা ও স্বচ্ছন্দ ভাষী হিসেবে তিনি ছিলেন প্রসিদ্ধ। তিনি হাজারের সঙ্গী ছিলেন। তিনি আবদুল মালিকের দরবারে প্রতিনিধি হিসেবে গমন করেছিলেন। তিনি তাকে দৃত হিসেবে ইবনুল আশআছের কাছে প্রেরণ করেছিলেন। তখন ইবনুল আশআছ তাকে বলেছিলেন যদি তুমি আমার এখানে খর্তীব হিসেবে অবস্থান না করো এবং হাজারের সঙ্গ ত্যাগ না কর আমি তোমাকে মেরে ফেলব। কাজেই সে হাজারের সঙ্গ ত্যাগ করে ইবনুল আশআছের কাছে অবস্থান করতে লাগল। যখন হাজারের কাছে এ কথাটি প্রকাশ পেল তখন হাজার তাকে ডেকে পাঠাল এবং কয়েক দফা তার সাথে বৈঠক হল, কিন্তু শেষ পর্যন্ত হাজার তাকে হত্যা করল। এ হত্যার জন্য সে লজ্জিত হলো কিন্তু তার এ লজ্জিত হওয়া কোন কাজে আসেনি। যেমন বিজ্ঞ লোকেরা বলেন, “ঘনিষ্ঠতা রক্ষা করা উত্তম বলে বিবেচিত হয় যখন আর ঘনিষ্ঠতা কোন উপকারে আসে না।”

ইব্ন আসাকির তাঁর ইতিহাসে এবং ইব্ন খালিকান তাঁর আল-ওয়াফিয়াত নামক কিতাবে এ সম্পর্কে উল্লেখ করেন এবং আয়ুব ইব্ন কিরিয়ার জীবনী সম্পর্কে বিস্তারিত আলোচনা করেন আর তথ্য আরো কিছু মূল্যবান তথ্য উল্লেখ করেন। বর্ণনাকারী বলেন : ﴿فَرَبِّكَافِي-এর-কাফ-এ যের এবং ى-এ তাশদীদ দিয়ে পড়তে হবে। তিনি ছিলেন তার দাদী। তাঁর নাম হলো জামাআত বিন্ত জাশাম। ইবনুল খালিকান বলেন : কেউ কেউ তার অস্তিত্ব ও মাজনুনে লায়লার অস্তিত্ব অবীকার করেন। ইব্ন আবু আকাব মহা কাব্যের ধারক ছিলেন। আর তিনিই ইয়াহ-ইয়া ইব্ন আবদুল্লাহ ইব্ন আবুল আকাব। মহান আল্লাহ' অধিক পরিজ্ঞাত।

রাওহ ইব্ন যাস্বা'

তার পূর্ণ নাম আবু যুরআহ রাওহ ইব্ন যাস্বা' ইব্ন সাবামা আল-জুয়াবী আদ-দামাশ্কী। কেউ কেউ বলেন, আবু যুরআহ-এর স্ত্রী তার কুনিয়াত ছিল আবু যাস্বা'। তার বাসস্থান ছিল দামেশকে, মহাকাব্যের ধারক ইব্ন আকাব-এর বাসস্থানের কাছে। তিনি ছিলেন একজন উঁচু পর্যায়ের তাবিঙ্গ। তিনি তার পিতা হতে হাদীস বর্ণনা করেন। তিনি একজন সাহাবী। অন্যান্য যাদের থেকে তিনি হাদীস বর্ণনা করেন, তারা হলেন : তামীরুদ্দারী, উবাদাহ ইবনুস সামিত, মুআবিয়া, কা'বুল আহবার ও অন্যান্য। তাঁর থেকে একদল আলিম হাদীস বর্ণনা করেন। তাদের মধ্যে একজন হলেন উবাদাহ ইব্ন নাসী। রাওহ আবদুল মালিকের কাছে একজন মন্ত্রীর

ন্যায় অবস্থান করতেন। তিনি কখনও তাঁর থেকে পৃথক হতেন না। তিনি আবদুল মালিকের পিতা মারওয়ানের সাথে মারজ রাহাতের দিন সঙ্গী ছিলেন। ইয়ায়ীদ ইব্ন মুআবিয়া তাকে ফিলিস্তীনে প্রেরিত সেনাবাহিনীর সেনাপতি নিযুক্ত করেছিলেন। মুসলিম ইবনুল হাজ্জাজ মনে করেন যে, রাওহ ইব্ন যাস্বা একজন সাহাবী ছিলেন। তবে তার এ অভিমতের সমর্থন পাওয়া যায় না। শুন্দ হলো যে, তিনি একজন তাবিস্ত ছিলেন, সাহাবী ছিলেন না। তাঁর একটি বিশেষ গুণ ছিল, যখন তিনি গোসলখানা থেকে বের হতেন, তখন একটি গোলাম আয়াদ করতেন।

ইব্ন যায়দ বলেন, তিনি ৮৪ হিজরীতে জর্দানে ইন্তিকাল করেন। আবার কেউ কেউ মনে করেন, তিনি হিশাম ইব্ন আবদুল মালিকের আমল পর্যন্ত জীবিত ছিলেন। তিনি একবার হজ্জ করার সময় পবিত্র মক্কা ও মদীনার মধ্যবর্তী একটি কুঁয়ার কাছে অবতরণ করেন। তার জন্য বিভিন্ন রকমের খাবারের আয়োজন করা হয়। তারপর তার সামনে পরিবেশন করা হয়। তিনি খাবার খাওয়া শুরু করেছেন এমন সময় একজন রাখাল সেখানে পানির জন্য আগমন করল। রাওহ ইব্ন যাস্বা' তাকে খাবার থেতে ডাকলেন। রাখালটি এগিয়ে আসল এবং খাবারের দিকে নয়র করল, আর বলল, “আমি রোয়াদার।” রাওহ তাকে বললেন, “এত বড় ও অত্যন্ত গরমের দিন তুমি রোয়া রেখেছ হে রাখাল! রাখাল বলল, তোমার খাবারের জন্য কি আমি আমার অভ্যাসের ব্যতিক্রম করব? তারপর রাখাল নিজের জায়গায় ফিরে গেল ও সেখানে অবস্থান করল এবং রাওহ ইব্ন যাস্বা'কে ছেড়ে গেল। তখন রাওহ ইব্ন যাস্বা' বলেন, হে রাখাল! তুমি তোমার অভ্যাসের ব্যাপারে কৃপণতার আশ্রয় নিয়েছ, যখন রাওহ ইব্ন যাস্বা তোমাকে দান করতে চেয়েছিল। তারপর রাওহ অনেকক্ষণ কান্নাকাটি করেন এবং এ খাবারগুলোকে নিয়ে যাবার আদেশ দিলেন, আর বললেন দেখত, এ খাবার ভক্ষণকারী কোন গ্রাম্য বা বেদুঈন লোক অথবা রাখালকে পাওয়া যায় কিনা? তারপর তিনি ঐ জায়গা ত্যাগ করেন অথচ রাখাল তার সমগ্র অন্তরকে নিয়ে নিল এবং তার নাফস রাখালের কারণে অবমাননা বোধ করল। মহাপবিত্র আল্লাহ্ অধিক পরিজ্ঞাত।

৮৫ হিজরীর আগমন

ইব্ন জারীরের মতে এ বছরেই আবদুর রহমান ইব্ন আল আশআছ নিহত হয়। এবছরেই হাজ্জাজ ইয়ায়ীদ ইব্ন আল মুহাম্মাদকে খুরাসানের শাসন ক্ষমতা থেকে বরখাস্ত করে এবং তার ভাই আল-মুফাদ্দাল ইব্ন আল মুহাম্মাদকে তথাকার শাসক নিয়োগ করে। তার কারণ ছিল নিম্নরূপ :

আল হাজ্জাজ একবার আবদুল মালিকের কাছে একটি প্রতিনিধি দলের প্রধান হিসাবে আগমন করে। ফেরত যাওয়ার সময় সে একটি আশ্রমে আগমন করে। তখন তাকে বলা হল যে, এখানে একজন বৃন্দলোক আছেন যিনি কিতাবী আলিম। সে তার কাছে গেল এবং বলল, হে শায়খ! আমরা সে অবস্থায় আছি এবং আপনারা যে অবস্থায় আছেন, এ সম্বন্ধে কি আপনাদের কিতাবে কোন কিছু লিখা আছে? শায়খ বললেন, “হ্যাঁ” হাজ্জাজ তাকে বলল, “আপনি আমাদের আমীরগুল মুমিনীনের গুণাবলী সম্পর্কে কি কোন কিছু পেয়েছেন?” শায়খ বললেন, তাঁর গুণাবলী সম্বন্ধে আমি পাছি যে, তিনি হবেন একজন টাক বিশিষ্ট বাদশা। যে তার পথে অন্তরায় সৃষ্টি করবে সে নিহত হবে। হাজ্জাজ বলল, “তার পরে কে খলীফা হবে?” শায়খ বললেন, “তার পরে যিনি বাদশা হবেন তার নাম আল-ওয়ালীদ।” হাজ্জাজ বলল, “এর

পর কে ?” শায়খ বললেন, “এরপর যিনি বাদশা হবেন তার নাম হল একজন নবীর নামে, তিনি জনগণের উপরে বিজয় লাভ করবেন।” হাজ্জাজ বলল, “আমার কাছে তার পরিচিতি পেশ করুন।” শায়খ বললেন, “আমি তো আপনাকে ইতোমধ্যে সংবাদ দিয়েছি।” হাজ্জাজ বলল, “আপনি কি আমার পরিগাম জানেন ?” তিনি বললেন, “হ্যাঁ।” হাজ্জাজ বলল, “আমার পরে ইরাকের শাসনকর্তা কে হবে ? শায়খ বললেন, এমন একজন লোক যার নাম ইয়ায়ীদ।” হাজ্জাজ বলল, “সে কি আমার জীবদ্ধায়, না মৃত্যুর পর শাসনকর্তা হবে ?” শায়খ বললেন, “তা আমি জানি না” হাজ্জাজ বলল, “আপনি কি তার গুণাবলী সম্পর্কে অবগত ?” শায়খ বললেন, “তিনি তখন বিশ্বাসঘাতকতার আশ্রয় নিবেন। এর বেশী কিছু আমি জানিনা।” বর্ণনাকারী বললেন, হাজ্জাজের অন্তরে কল্পনার সৃষ্টি হল যে, সে ব্যক্তিটি হবেন ইয়ায়ীদ ইব্ন আল-মুহাল্লাব। হাজ্জাজ আশ্রম ত্যাগ করল। কিন্তু শায়খের কথায় সে ভীত-সন্ত্রন্ত হয়ে পড়ল। তারপর সে আবদুল মালিকের কাছে ইরাকের শাসন ক্ষমতার ইস্তিফাপত্র প্রেরণ করল। উদ্দেশ্য ছিল আবদুল মালিকের কাছে তার মান মর্যাদার গভীরত্ব যাচাই করা। তারপর তার কাছে আবদুল মালিকের একটি পত্র আসল যার মধ্যে ছিল তিরকার, ভৎসনা, নিদা, নিজের কর্তব্য কর্মে স্থিতিশীল থাকার নির্দেশ ইত্যাদি। তারপর হাজ্জাজ একদিন চিন্তিত হয়ে পড়ল এবং উবায়দ ইব্ন মাওহাবকে কাছে ডাকল। উবায়দ ইব্ন মাওহাব তার কাছে প্রবেশ করল। হাজ্জাজ তখন মাটিতে নখাঘাত করতে ছিল। উবায়দের দিকে মাথা উঠায়ে বলল, “দুর্ভাগ্য তোমার হে উবায়দ ! কিতাবীরা উল্লেখ করছে যে, আমার অধীনে এমন এক লোক আছে, যে আমার পরে শাসনকর্তা হবে। তার নাম হল ইয়ায়ীদ। ইয়ায়ীদ ইব্ন আবু কাবশাহ, ইয়ায়ীদ ইব্ন হুছায়ন ইব্ন নুমাইয়র, এবং ইয়ায়ীদ ইব্ন দীনারের কথা আমার মনে পড়ছে। কিন্তু তারা তো এখানে নেই। কাজেই, এটা ইয়ায়ীদ ইব্ন আল-মুহাল্লাব ব্যক্তিত আর কেউই নয়। উবায়দ তখন বলল, ইয়ায়ীদ ইব্ন আল মুহাল্লাব ও তার গোষ্ঠীকে খলীফা সম্মানিত করেছেন এবং আপনিও তাদের শাসন ব্যবস্থাকে সম্মান দিয়ে থাকেন। কাজেই, তাদের বিশেষ একটি সম্মান, দৃঢ়তা এবং সৌভাগ্য রয়েছে। কাজেই আপনি তার সাথে ভাল ব্যবহার করুন। কিন্তু শেষ পর্যন্ত ইয়ায়ীদ ইব্ন মুহাল্লাবের বরখাস্তের ব্যাপারেই হাজ্জাজ মনস্থির করল। হাজ্জাজ তার দুর্নাম করে, তার বিশ্বাসঘাতকতার ভীতি প্রদর্শন করে, এব শায়খ তার সম্বন্ধে যা কিছু বলেছে তার একটি প্রতিবেদন সহকারে আবদুল মালিক ইব্ন মারওয়ানের কাছে একটি পত্র লিখল। তারপর ডাক হরকরা আবদুল মালিক থেকে একটি পত্র নিয়ে আসল, যার মধ্যে ইয়ায়ীদ সম্বন্ধে বহু কিছু বলা হয়েছে এবং তার পরিবর্তে একজন ব্যক্তির নাম প্রস্তাব করার জন্য বলা হয়েছে যে, খুরাসানের শাসনকার্য পরিচালনার যোগ্য। হাজ্জাজ আল-মুফাদ্দাল ইব্ন মুহাল্লাবের নামকে মনোনীত করে এবং তাকে শুধু নয় মাসের জন্য শাসন ক্ষমতা দেওয়া হয়। আল-মুফাদ্দাল আবাসের বিভিন্ন শহর ও অন্যান্য শহরে যুদ্ধ পরিচালনা করেন এবং প্রচুর গনীমত অর্জন করেন। কবিরাও তার প্রশংসা করেন। তারপর তাকে বরখাস্ত করা হয় এবং কুতায়বাহ ইব্ন মুসলিমকে তার স্থলে নিয়েগ করা হয়।

ইব্ন জারীর (র) বললেন, “এ বছরেই তিরমিয়ে, মুসা ইব্ন আবদুল্লাহ ইব্ন খায়িম নিহত হয়।” তারপর ইব্ন জারীর তার কারণ ব্যাখ্যা করেন। তার সংক্ষিপ্ত সার নিম্নরূপ :

মুসা ইব্ন আবদুল্লাহ ইব্ন খায়িমের পিতার মৃত্যুর পর তার হাতে এমন কোন শহর ছিল না যার মধ্যে তিনি ও তার সাথীরা আশ্রয় নিতে পারেন। যখনই তিনি কোন শহরের নিকটবর্তী হতেন তখনই সেই শহরের শাসনকর্তা ঘর থেকে বের হয়ে আসতেন এবং তার সাথে যুদ্ধ

করতেন। এভাবেই তিনি শহরের পর শহর অতিক্রম করতে লাগলেন। তারপর তিনি তিরমিয়ের কাছে অবতরণ করেন। কিন্তু তিরমিয়ের শাসনকর্তা ছিলেন দুর্বল। তাই, তিনি তার সাথে সঙ্গ করতে চাইলেন এবং তার কাছে উপটোকন ও হাদীয়া সহকারে লোক প্রেরণ করেন। এভাবে বিভিন্ন পদ্ধায় তিনি তার মানোরঞ্জন করতে থাকেন। তারপর শাসনকর্তা একটি পরিকল্পনা করলেন এবং মূসা ইব্ন আবদুল্লাহ ইব্ন খায়মের জন্য খাবার তৈরী করলেন এবং লোক প্রেরণ করে বললেন, ‘তোমার একশত সাথী নিয়ে আমার কাছে আগমন করে। মূসা তার সৈন্যদের মধ্য থেকে একশত বাহাদুর সৈনিককে নির্বাচন করলেন এবং তাদেরকে নিয়ে শহরে প্রবেশ করলেন। খাওয়ার শেষে মূসা শাসকের ঘরে শুয়ে পড়লেন এবং বলতে লাগলেন, আল্লাহর শপথ, এখান থেকে আমি আর উঠতেছি না যতক্ষণ না এ ঘরটি আমার ঘর হিসেবে কিংবা আমার কবর হিসেবে গণ্য হবে।’ তখন প্রাসাদের বাসিন্দারা তার উপর ঝাঁটিয়ে পড়ল। তাঁর সাথীরা তাকে রক্ষা করল। তারপর তাদের মধ্যেও তিরমিয়বাসীদের মধ্যে যুদ্ধ সংঘটিত হল, তারা তুমুল যুদ্ধ করল, তিরমিয়বাসীদের বহু লোক নিহত হল। আর তাদের বাকী লোক পালিয়ে গেল। মূসা তার সেনাবাহিনীর অবশিষ্ট লোকদেরকে তার কাছে ডাকলেন এবং শহরটি দখল করে নিলেন। শহরটির প্রতিরক্ষা ব্যবস্থা ময়বৃত্ত করলেন এবং শক্ত থেকে সুরক্ষিত করলেন। শহর থেকে শহরে শাসনকর্তা পালিয়ে গেল এবং তার ভাই তুরক্সের শাসকের কাছে গিয়ে আশ্রয় গ্রহণ করল। সে তুর্কীদের থেকে সাহায্য প্রার্থনা করল। তখন তারা তাকে বলল, “তারা প্রায় একশত লোকসহ তোমাকে তোমার শহর থেকে বের করে দিয়েছে, তাদের সাথে যুদ্ধ করার শক্তি আমাদের নেই। তারপর তিরমিয়ের শাসক তুর্কীদের অন্য একদলের কাছে গমন করলেন এবং তাদের কাছে সাহায্য প্রার্থনা করলেন। তখন তারা তার সাথে মূসার কাছে দৃত পাঠাল যাতে তারা তার কথা শুনে। মূসা যখন তাদের আগমনের বিষয়টি সম্বন্ধে অবগত হলেন আর তখন ছিল অত্যন্ত গরমের দিন। নিজের সাথীদের হুকুম দিলেন, তারা যেন অগ্নি প্রজ্বলিত করে শীতের পোশাক পরিধান করে আগন্তে তাদের হস্ত প্রসারিত করে, মনে হয় যেন তারা আগন থেকে তাপ নিচ্ছে। যখন তাদের কাছে দৃতেরা পৌঁছল এবং মূসার সাথীদেরকে অত্যন্ত গরমের মধ্যে এরূপ করতে দেখতেছি? তারা তখন তাদেরকে বলল, আমরা গরমের দিন শীত অনুভব করি আর শীতের দিন খুব কষ্ট অনুভব করি। তখন তারা তাদের লোকদের কাছে ফিরে গেল এবং বলল যে, এরা কেমন ধরনের লোক? এরা মানুষ নয় বরং জিন। এরপর তারা তাদের শাসকের কাছে ফিরে গেল এবং যা কিছু তারা দেখল তাকে তা অবহিত করল, আর সকলে মিলে বলতে লাগল, ঐসব লোকের সাথে আমাদের যুদ্ধ করার ক্ষমতা নেই। তারপর তিরমিয়ের শাসক অন্য একটি দলের কাছে আশ্রয় প্রার্থনা করল। আর সেই দলের প্রধান ছিলেন, আল-খায়াঙ্গ। তারা তখন তার সাহায্যার্থে তিরমিয়ে আগমন করল এবং খায়াঙ্গ তাদের সাথে আগমন করল। তারা তিরমিয়কে অবরোধ করল। খায়াঙ্গ দিনের প্রথমাংশে মূসা ও তার সাথীদের বিরুদ্ধে যুদ্ধ করত এবং শেষাংশে অন্যদের সাথে যুদ্ধ করত। তারপর মূসা তাদের উপর চোরাগুণা হামলা করল এবং প্রচণ্ড যুদ্ধ করল। এতে উমর আল-খায়াঙ্গ ভীত সন্তুষ্ট হয়ে পড়ল এবং তার সাথে সঙ্গ করল। উমর তার সাথে অতিঘনিষ্ঠ হয়ে গেল এবং তারা একত্রে উঠাবসা করতে লাগল। একদিন উমর মূসার কাছে প্রবেশ করল, সে সময় তার কাছে কেউই ছিল না এবং তার সাথে কোন অন্তর্বুদ্ধ দেখা গেল না। তখন উমর তাকে উপদেশের সূরে বলল, “আল্লাহ্ আমীরকে হিফায়ত করুন। তোমার মত ব্যক্তিকে এরূপ অন্তর্বিহীন থাকা মোটেই সমীচীন নয়। মূসা তখন বললেন, আমার কাছে অন্ত আছে, একথা

বলে সে তার বিছানার চাদর উপরে উঠাল। আর অমনি তার তলোয়ার চকচক করতে লাগল। উমর এটাকে হাতে নিল এবং এ তলোয়ার দিয়ে মুসার উপরে সজোরে আঘাত করল। মুসা মৃত্যুমুখে পতিত হলো এবং উমর অতি দ্রুত পালিয়ে গেল। তারপর মুসার সাথী সংগীরা ছেড়ে দেওয়ে গেল।

ইব্ন জারীর বলেন, এ বছরেই আবদুল মালিক নিজের ভাই আবদুল আযীয ইব্ন মারওয়ানকে মিসরীয় প্রদেশগুলোর শাসন ক্ষমতা থেকে বরখাস্ত করার মনস্ত করেন। আরওহ ইব্ন যাস্ব ‘আল-জুয়ামী এ কাজটি করার জন্যে প্রলুক্ষ করেন। তারা এ দুইজন এ পরিকল্পনায় লিপ্ত ছিলেন। একরাত কাবীসা ইব্ন যুয়ায়ের তাদের কাছে প্রবেশ করল আর এ ব্যক্তির প্রাসাদে প্রবেশের ব্যাপারে রাত দিনের পার্থক্য ছিল না। তিনি তার ভাই আবদুল আযীয সম্পর্কে সহানুভূতি প্রকাশ করলেন। এটাতে আবদুল মালিক তার ভাইয়ের বরখাস্তের ব্যাপারে মনস্ত করায় লজ্জাবোধ করলেন আর তাকে বরখাস্ত করার জন্যে যে বিষয়টি তাকে প্রলুক্ষ করেছিল তা হল এই যে, তার পরে খিলাফতের বিষয়টি তার আওলাদের মধ্যে সীমাবদ্ধ ও নির্ধারিত করার জন্যে সে মনস্ত করেছিল। তার পরে তার ছেলে ওয়ালাদ, তারপর সুলায়মান, তার পরে ইয়ায়ীদ তার পরে হিশামের জন্যে নির্ধারিত করেছিল। আর এটা হলো হাজ্জাজের পরামর্শ এবং আবদুল মালিকের জন্যে হাজ্জাজ এ তালিকাটি প্রণয়ন করেছিল। আবদুল মালিকের পিতা মারওয়ান খিলাফতের বিষয়টি আবদুল মালিকের জন্য নির্ধারণ করেছিল এবং তার পরে আবদুল আযীযের জন্যে। কিন্তু আবদুল মালিক বড় ভাইকে পুরাপুরি খিলাফত থেকে দূরে রাখার জন্য ইচ্ছে পোষণ করেছিল। আর তার পরই তার আওলাদ ও পরে যারা আসবে তাদের জন্যে খিলাফতকে নির্ধারণ করার জন্যে ইচ্ছে পোষণ করেছিল। মহান আল্লাহ্ অধিক পরিজ্ঞাত।

আবদুল আযীয ইব্ন মারওয়ান

তাঁর পূর্ণ নাম : আবুল আসবাগ, আবদুল আযীয ইব্ন মারওয়ান ইব্ন আল হাকাম ইব্ন আবুল আ’স ইব্ন উমায়া ইব্ন আবদ শামস আল-কারশী আল উমুয়ী। তিনি পবিত্র মদীনায় জন্মগ্রহণ করেন। তারপর স্বীয় পিতার সাথে সিরিয়া চলে যান। তার ভাই আবদুল মালিকের পর তিনি ছিলেন খিলাফতের উত্তরাধিকারী। তাঁর পিতা তাঁকে ৬৫ হিজরাতে মিসরীয় প্রদেশগুলোর শাসনকর্তা নিয়োগ করেন। তিনি ৮৫ হিজরী পর্যন্ত ওখানের শাসনকর্তা হিসেবে বলবৎ ছিলেন। তিনি সাইদ ইব্ন আমর ইব্নুল আ’স এর হত্যাকাণ্ডে উপস্থিত ছিলেন। এটা পূর্বেও বর্ণনা করা হয়েছে। দামেক্ষে তার একটি বাড়ি ছিল যা আজকাল সুফীদের বাড়ি হিসেবে প্রসিদ্ধ এবং আল-খানকায়ে আস সামীসাতীয়া নামেও প্রসিদ্ধ। ঐ বাড়ীটি তার পরে তার পুত্র উমর ইব্ন আবদুল আযীযের জন্যে নির্ধারিত হয়েছিল। এরপর খানকায়ে সুফীয়া হিসাবে পরিচিত হয়। আবদুল আযীয ইব্ন মারওয়ান যাদের থেকে হাদীস বর্ণনা করেন তাদের মধ্যে প্রসিদ্ধ হলেন, তাঁর পিতা মারওয়ান ইব্নুল হাকাম, আবদুল্লাহ্ ইব্নুয় মুবায়র, উকবাহ্ ইব্ন আমির, আবু হুরায়রাহ (রা)।

আবু হুরায়রা (রা) হতে বর্ণিত তাঁর একটি হাদীস মুসনাদে আহমদ ও সুনানে আবু দাউদে বর্ণিত হয়েছে যে, রাসূলুল্লাহ্ (সা) ইরশাদ করেন, মানুষের মধ্যে যে অভ্যাসটি খারাপ সেটা হল অস্তীক্তিবাচক কাপুরুষতা এবং লোভ লালসা পূর্ণ কৃপণতা। আবদুল আযীয হতে যারা হাদীস বর্ণনা করেন, তারা হলেন : তারপুত্র উমর, আয যুহরী, আলী ইব্ন রাবাহ এবং মুহাম্মদিসগণের বড় একটি দল।

মুহাম্মদ ইব্ন সাদ বলেন, তিনি ছিলেন হাদীস বর্ণনায় বিশ্বস্ত। কিন্তু কম হাদীস বর্ণনাকারী। অন্যান্য ইতিহাসবিদগণ বলেন, আবদুল আযীয় হাদীস বর্ণনায় এবং নিজের কথার্তায় ব্যাকরণজনিত ভুল করতেন। তারপর তিনি আরবী ভাষা শিক্ষা করেন এবং তা উত্তমরাপে শিখে নেন। পরবর্তী কালে তিনি বিশুদ্ধতম আরবী ভাষাভাষীদের অন্যতম ছিলেন। তার আরবী ভাষা শিক্ষার পটভূমি ছিল নিম্নরূপ : একদিন তার কাছে একটি লোক নিজ জামাতার বিরুদ্ধে অভিযোগ নিয়ে প্রবেশ করে। আবদুল আযীয় তখন তাকে বলে, মান খাতানাকা **مَنْ حَتَّلَ** অর্থাৎ আপনাকে কে খত্নাহ করেছে? লোকটি উত্তরে বলল, আমাকে ঐ ব্যক্তি খাতনাহ করেছে যে অন্যান্য লোকদেরকেও খাতনাহ করে থাকে। তখন তিনি তাঁর লিখককে বললেন, হতভাগা আমার প্রশ্নের কী জবাব দিল? লিখক বললেন, হে আমীরুল মু'মিনীন! আপনার উচিত ছিল তাকে বলা মান খাতানুকা **مَنْ حَتَّلَ** অর্থাৎ তোমার জামাতা কে? তারপর তিনি নিজে নিজে শপথ করলেন, আরবী ভাষা উত্তম রূপে শিক্ষা না করা পর্যন্ত তিনি লোক সমক্ষে বের হবেন না। তিনি এক সঙ্গাহ ঘরে অবস্থান করেন এবং আরবী ভাষা উত্তমরাপে শিখে নিলেন ও আরবী ভাষায় পারদর্শীদের মধ্যে অন্যতম হিসেবে পরিগণিত হন। এরপর থেকে তিনি আরবী ভাষায় পারদর্শীদেরকে প্রচুর অর্ঘ্য ও উপচৌকন দিতেন এবং আরবী ভাষায় যারা ভুল করত, তাদের ভাতা হাস করে দিতেন। ফলে লোকজন তাঁর যুগে আরবী ভাষা শিক্ষা করার প্রতি ঝুঁকে পড়ে। একদিন আবদুল আযীয় এক ব্যক্তিকে বললেন **مَنْ حَتَّمْ** অর্থাৎ তুমি কোন গোত্রের? লোকটি বলল, **أَنْتَ عَبْدُ الدَّارِ**, আমি বনূ আবদুদ দার গোত্রের। শুন্দ আরবী ভাষাটি হতো **أَنْ بَنِي عَبْدِ الدَّارِ** আবদুল আযীয় বললেন, এ ভুলের প্রতিফলন তুমি তোমার ভাতায় দেখতে পাবে। তারপর তার ভাতা একশত দীনার হাস করা হলো।

আবু ইয়া'লা আল-মুসিলী ... আল-কা'কা ইব্ন হাকীম হতে বর্ণনা করেন। তিনি বলেন, একদিন আবদুল আযীয় ইব্ন মারওয়ান আবদুল্লাহ ইব্ন উমর (রা)-এর কাছে লিখলেন, “তোমার প্রয়োজনের কথা আমাকে জানাবে। আবদুল্লাহ ইব্ন উমর (রা) প্রতি উত্তরে লিখলেন, রাসূলুল্লাহ (সা) ইরশাদ করেন, “দাতা গ্রহীতার চেয়ে উত্তম এবং নিকটতম ব্যক্তি থেকে দান বন্টন শুরু কর”। আমি তোমার কাছে আর কিছু চাই না এবং আল্লাহ তা'আলা তোমার মাধ্যমে আমাকে যে রিয়্ক দান করেছেন তাও আমি প্রত্যাখ্যান করি না।

ইব্ন ওহাব ... সুওয়ায়দ ইব্ন কায়স হতে বর্ণনা করেন। তিনি বলেন, একদিন আবদুল আযীয় ইব্ন মারওয়ান এক হাজার দীনারসহ আমাকে আবদুল্লাহ ইব্ন উমর (রা)-এর কাছে প্রেরণ করেন। আমি তার কাছে একটি পত্র নিয়ে হায়ির হলাম তখন তিনি আমাকে বললেন তোমার সাথে প্রেরিত সম্পদ কোথায়? তখন আমি বললাম, তোর না হওয়া পর্যন্ত এ রাতের বেলায় সমুদয় সম্পদ বহন করতে পারি নাই। তখন তিনি বললেন, আমি এ সম্পদ চাই না। আল্লাহর শপথ, আবদুল্লাহ ইব্ন উমর (রা) কখনও এক হাজার দীনার নিয়ে রাত্রি যাপন করে না। বর্ণনাকারী বলেন, আমি পত্রটি তার হাতে প্রদান করলাম কিন্তু তিনি তা ছিঁড়ে ফেলে দিলেন।

তাঁর কিছু স্মরণীয় বাণী নিম্নে বর্ণনা করা হল, তিনি বলতেন, “ভাবতেও অবাক লাগে কোন ব্যক্তি মহান আল্লাহর উপর বিশ্বাস স্থাপন করে এবং সুদৃঢ়ভাবে বিশ্বাস করে যে, আল্লাহ তা'আলা তাকে রিয়্ক দান করেন। তারপর সে তাঁর বিশ্বাসিতা করে, তাঁর নির্দেশাবলী যথাযথভাবে পালন করে না।” তিনি আরো বলেন, “মহাপুরুষ ও প্রশংসা অর্জনের জন্য মানুষ

কেমন করে সম্পদকে কুক্ষিগত করে রাখে।” যখন তাঁর মৃত্যু উপস্থিত হয় এবং তাঁর সামনে তাঁর সম্পদ পেশ করা হয়, তখন তিনি সম্পদের হিসাব করতে লাগলেন এবং তিনশত মুদ (মুদ- ১ ছায়ের চার ভাগের এক ভাগ) স্বর্ণ পেলেন। তখন তিনি বললেন, “আল্লাহর শপথ, আমি এ সম্পদকে নজদীর কোন রাখালের কোন একটি ঘেষের মল তুল্য মনে করি।” তিনি আরো বলতেন, আল্লাহর শপথ! আমি পছন্দ করি যে, যদি আমি কোন উল্লেখযোগ্য বস্তু না হতাম। আমি আরো পসন্দ করি যে, হিজায়ের পবিত্র ভূমিতে যদি পানির নহর জারী হত এবং তা শস্য শ্যামল ভূমিতে পরিণত হতো।” তিনি তাঁর সভাসদ বর্গকে বলতেন, “মৃত্যুর পর তোমরা আমাকে যে কাপড়ে কাফন দিবে তা আমাকে দেখাও (যেন বেশী মূল্যের না হয়) তোরপর তিনি নিজকে লক্ষ্য কর বলতেন, “তোমার জন্যে আফসোস! তোমার দৈর্ঘ্য কতই না ছোট। তোমার প্রাচুর্য কতই না স্বল্প।

ইয়া'কুব ইবন সুফিয়ান, ইবন বুকায়রের মাধ্যমে লায়স ইবন সা'দ থেকে বর্ণনা করেন, তিনি বলেন, “তাঁর মৃত্যুর তারিখ ছিল, ৮৬ হিজরীর জুমাদাল উলা মাসের তের তারিখ সোমবার দিবাগত রাত।” ইবন আসাকির বলেন, এ অভিয়ত ইয়া'কুব ইবন-সুফিয়ানের আন্ত ধারণা। সঠিক সন হল ৮৫ হিজরী। কেননা, তিনি তাঁর ভাই আবদুল মালিকের পূর্বে মৃত্যুবরণ করেছিলেন এবং আবদুল মালিক তাঁর পরে ৮৬ হিজরীতে ইন্তিকাল করেছিলেন।

আবদুল আয়ীয় ইবন মারওয়ান উত্তম শাসকগণের দলভুক্ত ছিলেন। তিনি ছিলেন দয়ালু, দাতা ও প্রশংসনীয় চরিত্রের মানুষ। তিনি ন্যায় পরায়ণ শাসক উমর ইবন আবদুল আয়ীয়ের পিতা ছিলেন। উমর তার পিতা হতে উত্তম চরিত্রের উত্তরাধিকারী হিসেবে প্রাণ হয়েছিলেন এবং তাঁর থেকেও বেশী গুণাবলীর অধিকারী ছিলেন। উমর ব্যতীত আবদুল আয়ীয়ের আরো কয়েকজন সন্তান ছিল। যেমন আসিম, আবু বকর, মুহাম্মদ ও আল- আসবাগ। আল-আসবাগ তার পিতার মৃত্যুর কিছুদিন পূর্বে মারা যায়। পুত্রের মৃত্যুর শোকে পিতা অসুস্থ হয়ে পড়েন এবং কিছু দিনের মধ্যে ইন্তিকাল করেন। তাঁর অন্য এক সন্তানের নাম ছিল সুহাইল। আর কিছু সংখ্যক কন্যাও ছিল যেমন উষ্মে মুহাম্মদ, উষ্মে সুহাইল, উষ্মে উচ্মান, উষ্মে আল- হাকাম ও উষ্মে আল বানীন। তারা বিভিন্ন মায়ের সন্তান ছিলেন। উপরোক্ত সন্তানদের ব্যতীতও তার আরো সন্তান ছিল। তিনি মিসর থেকে কয়েক মাইল দূরে তার প্রতিষ্ঠিত শহরে ইন্তিকাল করেন। মিসরের নীলনদের কিনারায় তাকে আনা হয় এবং সেখানে তাকে দাফন করা হয়। আবদুল আয়ীয় মৃত্যুকালে বহু সম্পদ, দাসী, ঘোড়া, খচর ও উট রেখে যান তার বর্ণনা দেওয়া অত্যন্ত কঠিন কাজ। এগুলোর মধ্যে স্বর্ণমুদা ছাড়াও তিনশত মুদ স্বর্ণ ছিল তাঁর। অথচ তিনি ছিলেন অত্যন্ত দাতা ও দয়ালু, বড় বড় উপটোকন প্রদানকারী, বিশাল আকারের দান দাতাদের অন্তর্ভুক্ত। মহান আল্লাহ তার প্রতি রহম করুন।

ইবন জারীর (র) উল্লেখ করেন, একদিন আবদুল মালিক ইবন মারওয়ান তাঁর ভাই আবদুল আয়ীয়ের কাছে পত্র লিখেন। যখন তিনি মিসরের বিভিন্ন শহরের শাসনকর্তা ছিলেন। তাকে তিনি পত্রের মাধ্যমে তার পরে আপন ছেলে ওয়ালীদের অনুকূলে যুবরাজের পদ ছেড়ে দেওয়ার জন্যে আদেশ দেন কিংবা খোদ আবদুল মালিক যেন তার পরে যুবরাজের পদ দখল করতে পারেন। কেননা, তার ছেলে তার কাছে বেশী প্রিয়। তখন তার কাছে আবদুল আয়ীয় পত্র লিখে বলেন, তুম ওয়ালীদের মধ্যে যে সব গুণাবলী দেখছ, আমি আবু বকর ইবন আবদুল আয়ীয়ের মধ্যেও সে সব গুণাবলী দেখতে পাচ্ছি। তখন আবদুল মালিক তাকে পত্র লিখে মিসরের খাজনা প্রদানের জন্যে আদেশ দেয়। আবদুল আয়ীয় পূর্বে খাজনা কিংবা অন্য কোন

প্রকার কর আদায় করতেন না। মিসরের বিভিন্ন শহর এবং মাগরিবের বিভিন্ন শহর ও অন্যান্য শহরের সমুদয় কর, যুদ্ধলক্ষ সম্পদ ও উৎপাদন আবদুল আয়ীয় ভোগ করতেন। আবদুল আয়ীয় আবদুল মালিকের কাছে পত্র লিখে বলেন, হে আমীরুল মু'মিনীন! আমি ও আপনি আমাদের পরিবারে এমন বয়সে পৌঁছেছি পরিবারের সদস্যদের মধ্যে আর কেউ এ বয়সে পৌঁছেনি। তারা সকলে কম বয়স পেয়েছে। আমি ও আপনি আমরা কেউই জানি না আমাদের মধ্যে কার কাছে মৃত্যু প্রথম আসবে। যদি তুমি আমার বাকী জীবনে কোন প্রকার কষ্ট না দেওয়াটা ভাল মনে কর, তাহলে তাই কর। এ কথা শুনে আবদুল মালিক তার প্রতি দয়াবান হন এবং তার কাছে লিখেন, আমার আয়ুর শপথ, আমি তোমার বাকী জীবনে তোমাকে কোন প্রকার কষ্ট দিব না। আবদুল মালিক তার ছেলে আল-ওয়ালীদকে বলেন, যদি আল্লাহ্ তা'আলা তোমাকে রাজত্ব দান করার ইচ্ছে করেন তাহলে বান্দাদের মধ্যে কেউ এমন নেই যে, তোমাকে তা থেকে বঞ্চিত করতে পারে। তারপর তার ছেলে আল-ওয়ালীদ ও সুলায়মানকে বলেন, তোমরা কি কখনও দুই ভাই কোন ব্যাপারে দ্বিমত পোষণ করেছ? তারা বললেন, না, আল্লাহ্ শপথ! তিনি বললেন, আল্লাহ্ আকবার, কা'বার প্রতিপালকের শপথ! তাহলে তোমরা সফলকাম হয়েছ। কথিত আছে যে, আবদুল মালিক যখন তার ছেলে আল-ওয়ালীদের অনুকূলে বায়আতের ব্যাপারে আপন ভাই থেকে কাজিক্ষিত উত্তর পেলেন না তখন তিনি তার ভাইয়ের জন্য বদ্দ দু'আ করলেন এবং বললেন, হে আল্লাহ্! সে আমার সাথে সম্পর্কচ্ছেদ করেছে তুমি তাকে উঠিয়ে নিয়ে যাও। তারপর সে ঐ বছরই মৃত্যুমুখে পতিত হয়। এ ব্যাপারে পূর্বেও উল্লেখ করা হয়েছে। যখন তাঁর ভাই আবদুল আয়ীয়ের মৃত্যুর সংবাদ তার কাছে রাতের বেলায় পৌঁছে, তখন তিনি তাঁর ভাইয়ের জন্য শোকাহত হয়ে পড়েন ও ভাইয়ের জন্য অত্যন্ত কান্নাকাটি করেন। কিন্তু, তাঁর দুই ছেলে থেকে তা গোপন রাখেন। কেননা, তাঁর মৃত্যুর পর তার দুই ছেলের খলীফা হবার আশা তার পূর্ণ হয়েছে।

হাজ্জাজ ইব্ন ইউসুফ আবদুল মালিকের কাছে একটি প্রতিনিধি দল প্রেরণ করে। ইমরান ইব্ন ইসাম আল- আসরীকে তাদের প্রধান নিযুক্ত করে। উদ্দেশ্য হল আবদুল মালিকের পর তার ছেলে ওয়ালীদের রাজত্বের প্রশংসা করা ও আবদুল মালিকের কাছে তা শোভনীয় বলে প্রতীয়মান করা। প্রতিনিধিদল যখন আবদুল মালিকের কাছে পৌঁছল, ইমরান এ ব্যাপারে একটি ভাষণ রাখেন, প্রতিনিধিদলের সদস্যরা এ ব্যাপারে বক্তব্য রাখেন এবং আবদুল মালিককে এ ব্যাপারে উৎসাহ প্রদান করেন। ইমরান ইব্ন ইসাম এ সম্পর্কে একটি কবিতা রচনা করেন যা নিম্নরূপ :

হে আমীরুল মু'মিনীন! আপনার খিদমতে আমরা পৃথক পৃথক ভাবে সালাম ও অভিবাদন পেশ করছি। আপনার সন্তান সম্পর্কে আমার আকৃতি-মিনতির জবাব দিন। তাহলে প্রজাদের সম্পর্কে আমার প্রতিউত্তর হবে স্বাভাবিক এবং আমাদের জন্যে তা হবে শক্তির উৎস। আপনার সন্তান ওয়ালীদ যদি খিলাফত গ্রহণের আকৃতি মিনতিতে রায়ি হন। তাহলে, আপনি তার জন্য খিলাফত উপহার দিন এবং তাকে দায়িত্ব অর্পণ করুন। তিনি আপনারই মত যার চতুর্দিকে রয়েছে কুরায়শদের শক্তি, তার থেকে লোকজন দয়ার দৃষ্টি কামনা করবেন। পরহেয়গারীতেও তিনি আপনার ন্যায় শিশুদের গলায় রোগমুক্তির জন্যে মালা পরাবার বা খোলার বিষয়ে কোন দিন তিনি কোন পদক্ষেপ নেননি। আপনি যদি খিলাফতের ব্যাপারে আপনার ভাইকে অংগীকার দেন তাহলে আমরা আপনার অভিমতকে মেনে নিতে বাধ্য থাকব। এ ব্যাপারে কোনরূপ দোষারোপ করার শক্তি আমাদের নেই। তবে আমরা তার বংশধরদেরকে ভয় করি।

কেননা, এরা সম্ভবতঃ চতুর্দিকে বিষ ছড়িয়ে দিবে। যদি তাদের মধ্যে আপনি খিলাফত বন্টন করে দেন তাহলে আমাদের ভয় হয় তারা জনগণের দয়ার পরিবর্তে জাহান্নামের হাওয়া বইয়ে দিবে। আপনি সম্প্রদায়ের জন্য যে পরিশ্ৰম করেছেন তারা ভবিষ্যতে তার ফল ভোগ করতে পারবে না। আর ভবিষ্যতে আপনার বৎস্থধরী পুতুলে পরিণত হয়ে থাকবে। আমি শপথ করে বলছি, যদি ইসাম আমাকে পদদলিত করে তাহলে এ ব্যাপারে ভবিষ্যতে আমি ইসামের কোন ওয়র আপত্তি শুনব না। আমি যদি আমার কোন ভাইকে কোন দয়া দেখাই তাহলে আমি সাহিত্য চৰ্চার মজলিস এবং জলসা তার থেকে কামনা করি। তা নাহলে আমার বৎস্থধরী অন্যদের পিছনে পড়ে যাবে কিংবা তার জন্যে তোমার কোন প্রকার ব্যবস্থা নিতে হবে। যদি কারো আঘাত-স্বজনের মধ্যে কোনৱে অসঙ্গতি ও মাথা ব্যথা দেখা দেয় তাহলে তাতে বিচলিত হবার কিছু নেই; কিন্তু শাসকের মধ্যে যদি এরূপ অসঙ্গতি দেখা দেয় তাহলে তা সুস্থ হতে বহু সময় লেগে যায় ও জনগণের ভোগান্তির আর অন্ত থাকে না।

বৰ্ণনাকাৰী বলেন, উপরোক্ত কবিতাটি তাঁৰ মধ্যে প্ৰতিক্ৰিয়াৰ সৃষ্টি করে এবং এজন্যই তার ভাইকে ছেলে ওয়ালীদেৱ অনুকূলে খিলাফত হতে সৱে দাঁড়াৰাব জন্য পত্ৰ লিখেন কিন্তু তিনি তা অস্বীকাৰ কৱেন। অন্য দিকে আল্লাহ্ তা'আলা আবদুল মালিকেৱ মৃত্যুৰ একবছৰ পূৰ্বে আবদুল আঘাতেৰ মৃত্যু ঘটায়। তাৱপৰ তিনি তাঁৰ ছেলে ওয়ালীদ ও সুলায়মানেৱ বায়আতেৰ কাজ অতি সহজে সম্পন্ন কৱে নেন। আল্লাহ্ তা'আলা অধিক পৰিজ্ঞাত।

আবদুল মালিকেৱ আপন ছেলে ওয়ালীদ ও তাঁৰ পৱে সুলায়মানেৱ জন্য বায়আত গ্ৰহণ

এ বছৱেই আবদুল আঘাত ইবন মারওয়ানেৱ মৃত্যুৰ পৱে দামেশকে আল-ওয়ালীদেৱ অনুকূলে বায়আত গ্ৰহণ কৱা হয়। তাৱপৰ রাজ্যেৱ সমষ্টি অংশে বায়আত গ্ৰহণ কৱা হয়। তাঁৰ পৱে তাঁৰ ভাই সুলায়মানেৱ অনুকূলে বায়আত গ্ৰহণ কৱা হয়। এৱপৰ যখন বায়আতেৰ কাৰ্যক্ৰম পৰিত্ব মদীনা মুনা ওয়াৱাতে পৌছে সাঈদ ইবন আল-মুসায়াব আবদুল মালিকেৱ জীবদ্ধশাৱ অন্য কারো হাতে বায়আত কৱা হতে বিৱত থাকেন। পৰিত্ব মদীনাৰ নাইব হিশাম ইবন ইসমাঈল তখন তাকে ঘাটটি বেঞ্চাঘাত কৱাৰ হুকুম দেন। তিনি আৱো হুকুম দেন- যেন তাকে পশমেৱ কাপড় পৱানো হয়, একটি উটে আৱোহণ কৱানো হয় এবং পৰিত্ব মদীনায় প্ৰদক্ষিণ কৱানো হয়। তাৱপৰ তিনি হুকুম দিলেন যেন রাজ-কৰ্মচাৰীৱা তাকে ছানিয়াহ্ যাবাবে নিয়ে যায়। এ ছানিয়াহ্ বা গিৱিপথেৰ কাছে তারা সালাত আদায় কৱতেন ও মধ্যাহ্ন ভোজেৱ পৱ বিশ্রাম নিতেন। যখন তারা তাকে নিয়ে সেখানে পৌছে পুনৱায় তাকে তারা পৰিত্ব মদীনায় ফিরিয়ে নিয়ে আসে এবং তাকে কাৱাগারে বলী কৱে। তিনি তাদেৱকে বলেন, আল্লাহ্ৰ শপথ, যদি আমি জানতাম যে, তোমৱা আমাকে হত্যা কৱবে না আমি কখনও এ কাপড় পৰিধান কৱতাম না। তাৱপৰ হিশাম ইবন ইসমাঈল আল-মাখ্যুমী আবদুল মালিকেৱ কাছে পত্ৰ লিখে এ ব্যাপারে সাঈদ (র)-এৱ বিৱোধিতা সম্বন্ধে অবহিত কৱে। আবদুল মালিক তখন তার কাছে পত্ৰ লিখে তাকে এ ব্যাপারে শাসায় এবং তাকে বহিক্ষাৱেৰ হুকুম দেয় ও তাকে বলে তুমি সাঈদেৱ সাথে যেৱপৰ কঠিন ব্যবহাৱ কৱেছ সে তোমাৰ চেয়ে অধিক সম্বৰহাৱেৱ যোগ্য এবং আমি জানি তাৰ মধ্যে কোন শক্ততা ও বিৱোধিতা নেই। এৱপৰ বৰ্ণিত আছে যে, তিনি তাকে বলেছিলেন বায়আত ব্যৱীত কোন গত্যুৱ নেই। যদি সে বায়আত না কৱে তাৰ গৰ্দান কাটা যাবে অথবা তাৰ অবস্থায় তাকে ছেড়ে দিতে হবে।

আল্লামা ওয়াকিদী (র) উল্লেখ কৱেন সাঈদেৱ কাছে যখন ওয়ালীদেৱ বায়আতেৰ প্ৰশ্নটি উথাপিত হয়, তখন তিনি বায়আত হতে বিৱত থাকেন। তখনকাৱ পৰিত্ব মদীনাৰ নাইব

জারীর ইব্ন আল-আসওয়াদ ইব্ন আওফ তাকে ষাটটি বেত্রাঘাত করেন ও তাকে কারাগারে নিষ্কেপ করেন। মহান আল্লাহু অধিক পরিজ্ঞাত।

আবু মিখনাফ, আবু মা'শার এবং আল ওয়াকিদী (র) বলেন, এ বছরেই পবিত্র মদীনার নাইব হিশাম ইব্ন ইসমাঈল আল-মাখয়মী লোকজনকে নিয়ে হজ্জ পালন করেন। তখন ইরাক ও পূর্ণ পূর্বপ্রশ্রেণ হাজার ইব্ন ইউসুফের আয়তানাধীন ছিল। ওস্তাদ আল-হাফিয়া আয়-যাহাবী (র) বলেন, এবছরেই পবিত্র মদীনার আমীর আবান ইব্ন উছমান ইব্ন আফ্ফান (র) ইন্তিকাল করেন। তিনি পবিত্র মদীনার দশজন বিখ্যাত ফকীহুর অন্যতম ছিলেন। ইয়াহ-ইয়া ইব্ন আল-কাসানও অনুরূপ মন্তব্য পেশ করেন। মুহাম্মদ ইব্ন সাদ বলেন, তিনি একজন বিশ্বস্ত ব্যক্তি ছিলেন, তাঁর মধ্যে ছিল বধিরতা ও বহু শ্বেতচঙ্গ। মৃত্যুর পূর্বে তিনি পক্ষাগাত রোগে আক্রান্ত হন। এবছরে অন্য যারা ইন্তিকাল করেন তারা হলেন, আবদুল্লাহ ইব্ন আমির ইব্ন রাবীআহ, আমির ইব্ন হুরায়স, আমির ইব্ন সালামাহ, ওয়াসিলাহ ইব্ন আল-আসকা। ওয়াসিলাহ তাবুক অভিযানে অংশ নেন। তারপর তিনি দামেশ্ক বিজয়ে অংশ নেন ও তথায় বসবাস করেন। সেখানে তাঁর মসজিদ রয়েছে যা কিবলাহর বাবে সাগীরের বন্দিশালায় অবস্থিত।

আল্লামা ইব্ন কাহীর (র) বলেন, তৈমুর লং এর সংকটের সময় মসজিদটি পুড়িয়ে দেওয়া হয়েছে। বর্তমানে তার কিছু চিহ্ন ব্যক্তিত আর কিছুই বাকী নেই। তার পূর্ব দিকের দরযায় একটি পানির নহর রয়েছে। এবছরে অন্যান্য যারা ইন্তিকাল করেন, তাদের মধ্যে একজন হলেন, খালিদ ইব্ন ইয়ায়ীদ ইব্ন মুআবিয়া ইব্ন আবু সুফিয়ান, সখর ইব্ন হারব ইব্ন উমাইয়া। তিনি জ্ঞানের বিষয়াদি সম্পর্কে কুরাত্তশদের মধ্যে অত্যন্ত জ্ঞানী ছিলেন। চিকিৎসা বিজ্ঞানে ছিল তার পাকা হাত। রসায়ন শাস্ত্রে তিনি ছিলেন অতিশয় বিজ্ঞ। মির ইয়ানাশ নামী এক সন্ন্যাসী হতে তিনি তা অর্জন করেছিলেন। খালিদ ছিলেন বিশুদ্ধ ভাষায় পণ্ডিত, বাগী, কবি ও পিতার ন্যায় তরকান্ত্বিদ। একদিন তিনি আল-হাকাম বিন আবুল আ'সের উপস্থিতিতে আবদুল মালিক ইব্ন মারওয়ানের দরবারে প্রবেশ করেন এবং তার কাছে নালিশ করেন যে, তার ছেলে আল-ওয়ালীদ তার ভাই আবদুল্লাহ ইব্ন ইয়ায়ীদকে ঠাট্টা-বিদ্রূপ করেন। তখন আবদুল মালিক কুরআনুল কারীমের সূরায়ে নামলের ৩৪ নম্বর আয়াতাংশটি পাঠ করেন :

إِنَّ الْمُلُوكَ إِذَا دَخَلُوا قَرْيَةً أَفْسَدُوهَا وَجَعَلُوا أَعْزَةَ أَهْلِهَا أَذْلَى^١ “রাজা বাদশাহুর যখন কোন জনপদে প্রবেশ করে, তখন এটাকে বিপর্যস্ত করে দেয় এবং তথাকার মর্যাদাবান ব্যক্তিদেরকে অপদস্থ করে। তখন খালিদ সূরায়ে বনী ইসরাইলের ১৬ নম্বর আয়াত পাঠ করেন :

وَإِذَا أَرَدْنَا أَنْ تُهْلِكَ قَرْيَةً أَمْرَنَا مُتْرَفِيهَا فَفَسَقُوا فِيهَا فَحَقَّ عَلَيْهَا الْقُولُ
فَدَمَرْنَاهَا تَدْمِيرًا^٢

অর্থাৎ আমি যখন কোন জনপদ ধ্বংস করতে চাই, তখন তার সমৃদ্ধিশালী ব্যক্তিদেরকে সৎকর্ম করতে আদেশ করি কিন্তু তারা সেখানে অসৎ কর্ম করে। তারপর তার প্রতি দণ্ডজ্ঞ ন্যায়সংগত হয়ে যায় এবং আমি এটাকে সম্পূর্ণরূপে বিধ্বস্ত করি; আবদুল মালিক তখন বললেন, আল্লাহর শপথ তোমার ভাই আবদুল্লাহ আমার কাছে প্রবেশ করে কিন্তু সে শুন্দ উচ্চারণ করতে পারে না। তখন খালিদ বলল, তোমার ছেলে ওয়ালীদও শুন্দ উচ্চারণ করতে

পারে না। তখন আবদুল মালিক বলেন, তার ভাই সুলায়মান উচ্চারণে ভুল করে না। খালিদ তখন বলল, আবদুল্লাহ্ তাই আমিও উচ্চারণে ভুল করি না। আল-ওয়ালীদ তখন উপস্থিত থেকে খালিদ ইব্ন ইয়ায়ীদকে বলেন, তুমি চুপ কর। আল্লাহ্ শপথ! তোমার কোন ধনবল ও জনবল নেই। খালিদ তখন বলল, হে আমীরুল মু'মিনীন! শুনে রেখো। তখন খালিদ ওয়ালীদের দিকে অগ্রসর হয়ে বলল, তোমার দুর্ভাগ্য, তুমি জেনে রেখো, তৎকালীন আরবে আমার দাদা আবু সুফিয়ান ব্যতীত অন্য কেউ ধনবলে বলীয়ান ছিলেন না এবং আমার নানা উত্তরা ইব্ন রাবীআ ব্যতীত অন্য কেউ জনবলে বলীয়ান ছিলেন না। তবে তুমি যদি যুদ্ধলক্ষ সম্পদ, পাহাড় ও টিলা এবং তাইফের কথা বল, তাহলে এটা ভিন্ন কথা। মহান আল্লাহ্ উচ্চমান (রা)-এর প্রতি রহমত অবর্তীণ করুন। আমরা বলব তুমি সত্য বলেছ। অর্থাৎ আল- হাকাম তাইফে নির্বাসিত জীবন যাপন করত, বকরী চরাত, আঙুরের লতার পাহাড়ে আশ্রয় নিত। তারপর উচ্চমান ইব্ন আফ্ফান (রা) যখন খলীফা হন, তখন তাকে আশ্রয় দেন। এরপর আল-ওয়ালীদ ও তার পিতা চুপ হয়ে যায় এবং কোন জবাব খুঁজতে গিয়ে কিংকর্তব্যবিমুচ্ত হয়ে পড়ে। মহান আল্লাহ্ অধিক পরিজ্ঞাত।

৮৬ হিজরীর আগমন

মারত ও খুরাসানে নিয়োজিত হাজারের নাইব কুতায়বা ইব্ন মুসলিম তুর্কী ও অন্যান্য কাফিরদের বহু এলাকায় যুদ্ধ করেন, তাদেরকে বন্দী করেন, যুদ্ধলক্ষ সম্পদপ্রাপ্ত হন, বহু দুর্গ, সুরক্ষিত স্থানসমূহ ও বিভিন্ন জায়গা উদ্ধার করেন এবং এগুলোতে সর্কির মাধ্যমে শান্তি স্থাপন করেন। তারপর তিনি ফেরত আসেন এবং সেনাবাহিনীর পূর্বেই তিনি প্রত্যাবর্তন করেন। এজন্য হাজার তার কাছে পত্র লিখে ও তাকে তিরক্ষার করে। আর তাকে বলে, যখন তুমি শক্ত শহরে গমন করবে তখন তুমি অগ্রবর্তীদের অন্তর্ভুক্ত থাকবে, আর যখন সেখান থেকে প্রত্যাবর্তন করবে তখন সেনাদলের পশ্চাত সারিতে থাকবে তাহলে তুমি তাদেরকে দুশ্মনের কোন প্রকার প্রতারণা থেকে রক্ষা করতে পারবে। এ অভিমতটি উত্তম আর এব্যাপারে হাদীসও বর্ণিত রয়েছে। কয়েদীদের মধ্যে খালিদ ইব্ন বারমাকীর পিতা বারমাকীর স্ত্রী অন্তর্ভুক্ত হয়ে পড়েছিল। কুতায়বাহ্ বন্দিনীকে তার ভাই আবদুল্লাহ্ ইব্ন মুসলিমের কাছে অর্পণ করেন। আবদুল্লাহ্ তার সাথে সংগম করে তাতে সে গর্ভধারণ করে। তারপর কুতায়বাহ্ বন্দিনীর উপর দয়া পরবশ হয়ে তাকে তার স্বামীর কাছে ফেরত পাঠায়। অর্থ সে ছিল আবদুল্লাহ্ ইব্ন মুসলিম কর্তৃক অন্তঃসন্ত্বার। তার সন্তান তার সম্প্রদায়ের লোকদের মাঝে বড় হয়। সম্প্রদায়ের লোকেরা কালক্রমে মুসলমান হয়ে যায় এবং আবুসী খিলাফতের সময় তারা তাকে তাদের সাথে নিয়ে আসে। যথাস্থানে এ বিষয়ে বর্ণনা পেশ করা হবে। কুতায়বাহ্ যখন খুরাসান প্রত্যাবর্তন করেন, বালগারের সর্দারগণ মূল্যবান অর্ঘ ও স্বর্ণের চাবি সহ তার সাথে সাক্ষাত করেন।

এ বছরেই সিরিয়া, বসরা ও মধ্যপ্রাচ্যে প্রেগ রোগ দেখা দেয়। তাকে তরুণীদের প্রেগ হিসেবে নামকরণ করা হয়। কেননা, এটা প্রথমত স্ত্রীলোকদের মধ্যে দেখা দেয় এজন্য তাকে একপ নাম দেওয়া হয়।

এ বছরেই মাসলামাহ্ ইব্ন আবদুল মালিক রোমের শহরগুলোতে যুদ্ধ করেন। শক্তকে হত্যা করেন, বন্দী করেন, যুদ্ধলক্ষ সম্পদ লাভ করেন, তাদের সাথে সর্কি করেন, বুলক দুর্গ ব্যয় লাভ করেন এবং রোম ভূখণ্ডের আল- আখরাম দুর্গ দখল করেন।

এ বছরেই আবদুল মালিক তার ছেলে আবদুল্লাহকে মিসরে প্রতিষ্ঠিত করেন। আর এটা ছিল তার ভাই আবদুল আয়ীমের মৃত্যুর পর। জুমাদাল উখরা মাসে তিনি মিসর প্রবেশ করেন। তার বয়স ছিল তখন মাত্র ২৭ বছর।

এ বছরেই রোমের বাদশা আল-আখরাম লাউরী মৃত্যু মুখে পতিত হয়। আল্লাহ পাক যেন তার উপর রহম না করেন।

এবছরেই হাজ্জাজ, ইয়ায়ীদ ইব্ন আল-মুহাম্মাদকে বন্দী করেন। এ বছরেই হিশাম ইব্ন ইসমাঈল আল মাখযুমী লোকজনকে নিয়ে হজ্জুরত পালন করেন। এ বছরেই আবু উমামা বাহলী ও আবদুল্লাহ ইব্ন আবু আওফা (রা) ইন্তিকাল করেন। এক বর্ণনা অনুযায়ী আবদুল্লাহ ইব্ন আল-হারিছ ইব্ন জুয়া-যুবায়দী ইন্তিকাল করেন। তিনি মিসর বিজয়ে অংশগ্রহণ করেন, তথায় বসবাস করেন। তিনিই মিসরে সর্বশেষ সাহাবী হিসেবে ইন্তিকাল করেন। এ বছরের শাওয়াল মাসেই আমীরুল মু'মিনীন আবদুল মালিক ইন্তিকাল করেন।

উমায়া খলীফাদের জনক আবদুল মালিক ইব্ন মারওয়ান

তার পূর্ণ নাম আবুল ওয়ালীদ আবদুল মালিক ইব্ন মারওয়ান ইব্ন আল-হাকাম ইব্ন আবুল আস ইব্ন উমায়া আল-উমায়ী, আমীরুল মু'মিনীন। তাঁর মাতার নাম আইশা বিন্ত মুআবিয়াহ ইব্ন আল-মুগীরাহ ইব্ন আবুল আস ইব্ন উমায়া। তিনি হযরত উচ্চমান ইব্ন আফ্ফান (রা) হতে হাদীস শ্রবণ করেন। তিনি তার পিতার সাথে হযরত উচ্চমান (রা)-এর গৃহবন্দীর ঘটনা প্রত্যক্ষ করেন। তখন তার বয়স ছিল মাত্র দশ বছর। তিনিই প্রথম ব্যক্তি যিনি ৪২ হিজরীতে রোমের শহরসমূহে ভ্রমণ করেন। তাঁর বয়স যখন ১৬ বছর তখন তিনি মদীনার আমীর ছিলেন। আমীর মুআবিয়া (রা) তাকে আমীর নিযুক্ত করেছিলেন। তিনি ফকীহ, আলিম ও পুণ্যবান ব্যক্তিদের মজলিসে উঠাবসা করতেন। তাঁর পিতা, জাবির (রা), আবু সাঈদ আল-খুদরী (রা), আবু হুরায়র (রা), ইব্ন উমর (রা), মুআবিয়া (রা), উষ্মে সালামা (রা) এবং হযরত আইশা (রা)-এর দাসী বারীরা (রা) হতে হাদীস শ্রবণ করেছেন। তাঁর থেকেও একদল উলামা হাদীস শ্রবণ করেছেন। যেমন খালিদ ইব্ন মিদান, উরওয়াহ, আল-যুহরী, আমর ইব্ন আল-হারিছ, রাজা 'ইব্ন হায়াত এবং জাবির ইব্ন উচ্চমান। মুহাম্মদ ইব্ন সীরীন (র) হতে বর্ণিত রয়েছে যে, তাঁর পিতা তার নাম রেখেছিলেন আল কাসিম তাই তার কুনিয়াত হয়েছিল আবুল কাসিম। তারপর তিনি তার নাম পরিবর্তন করে নাম রাখেন আবদুল মালিক। ইব্ন আবু খায়ছামাহ আরো বলেন, ইসলামে আহমদ নামটি ও এই প্রথম রাখা হলো। তিনি ছিলেন আল খালীল ইব্ন আহমদ আল-আরয়ীর পিতা।

আবদুল্লাহ ইব্ন আয়-যুবায়র (রা)-এর খিলাফত আমলে তার পিতার জীবন্দশায় ৬৫ হিজরীতে তার খিলাফতের বায়আত গ্রহণ করা হয়। সিরিয়া ও মিসরে তার আধিপত্য ছিল সাত বছর যাবত। আর আবদুল্লাহ ইব্ন আয়-যুবায়র (রা) ছিলেন রাজ্যের বাকী অংশের খলীফা। আবদুল্লাহ ইব্ন আয়-যুবায়র (রা) নিহত হওয়ার পর সারাদেশে তার খিলাফতের পরিপূর্ণতা অর্জিত হয়। আর এটা ছিল ৭৩ হিজরীর ঘটনা। যেমন পূর্বেও এটা বর্ণনা করা হয়েছে। তার এবং ইয়ায়ীদ ইব্ন মুআবিয়ার জন্ম হয়েছিল ২৬ হিজরীতে। খিলাফত অর্জিত হবার পূর্ব মুহূর্ত পর্যন্ত তিনি ছিলেন এসব বাদাহগণের অস্তর্ভুক্ত যারা ছিলেন পরহেয়গার, ফকীহ, কুরআন তিলাওয়াতকারী ও মসজিদের সাথে সম্পৃক্ত। তাঁর উচ্চতা ছিল মাঝারি ধরনের বেঁটে। তাঁর দাঁতগুলো ছিল স্বর্ণের জাতে মোড়ানো। তাঁর মুখ সব সময় খোলা থাকত।

অসতর্ক অবস্থায় তাঁর মুখে মাছি চুকে পড়ত। এ জন্যই তাকে আবু যুবাব বা মাছির পিতা বলা হতো। তিনি ছিলেন সাদা, মাঝারি গড়নের, হালকা-পাতলাও নয় আবার মোটাও নয়। তাঁর দুই জ্ব ছিল মিলিত এবং তিনি ছিলেন গোলাপী রং-এর ঢোক বিশিষ্ট ও বড় চক্ষুওয়ালা। তিনি পাতলা নাক, উজ্জ্বল চেহারা, সাদা চুল ও দাঢ়ি এবং চমৎকার চেহারার অধিকারী ছিলেন। চুল ও দাঢ়িতে তিনি খিয়াব লাগাতেন না। আবার কেউ কেউ বলেন, তিনি জীবনের শেষভাগে খিয়াব লাগাতেন।

‘হযরত নাফি’ (র) বলেন, “আমি পবিত্র মদীনায় আবদুল মালিক ইবন মারওয়ান-এর চেয়ে অধিক দক্ষ যুবক, ফকীহ ও আল্লাহর কিতাবের তিলাওয়াতকারী আর কাউকে পাই নাই। আল-আ’মাশ আবু যিনাদ হতে বর্ণনা করেন। তিনি বলেন, পবিত্র মদীনায় ফকীহ ছিলেন চারজন- সাঈদ ইবন আল-মুসায়্যাব, উরওয়াহ, কাবীসা ইবন যুওয়ায়াব এবং খিলাফত কার্যক্রমে প্রবেশের পূর্বে আবদুল মালিক ইবন মারওয়ান। হযরত আবদুল্লাহ ইবন উমর (রা) হতে বর্ণিত। তিনি বলেন : লোকজন জন্ম দেন ছেলে আর মারওয়ান জন্ম দিয়েছেন পিতা অর্ধাং আবদুল মালিক। তিনি তাকে একদিন দেখেলেন এবং তার সন্ধিক্ষে জনগণের বিভিন্ন মতামতের কথা উল্লেখ করেন। তখন তিনি বলেন, এ যদি যুবক হত তার ক্ষেত্রে লোকজনের ঐকমত্য প্রকাশ পেত। আবদুল মালিক একদিন বলেন, “আমি বুরায়দা ইবন আল-হাসীবের কাছে উঠাবসা করতাম। একদিন তিনি আমাকে বললেন, হে আবদুল মালিক! তোমার মধ্যে বেশ কতগুলো গুণবলী রয়েছে। তাই তুমি উচ্চতে মুহাম্মদীর খিলাফত পরিচালনার উপযুক্ত ব্যক্তি। তবে তুমি রক্তপাতকে এড়িয়ে চলবে। আমি রাসূলুল্লাহ (সা)-কে বলতে শুনেছি। তিনি বলেন, “জান্নাতের দিকে দৃষ্টিপাত করার পরও জান্নাত থেকে এমন এক ব্যক্তিকে বিভাড়িত করা হবে সামান্য একটু রঙের জন্যে যা অন্যান্যভাবে কোন মুসলিমের শরীর থেকে সে ঝরিয়েছিল। খিলাফতের দায়িত্ব নেওয়ার পূর্বে আমীর মুআবিয়া (রা) ও আমর ইবন আল-আস (রা) তার দীর্ঘ প্রশংসা করেছিলেন।

সাঈদ ইবন দাউদ আয়-যুবায়ী, মালিক ও ইয়াহুয়া ইবন সাঈদ ইবন দাউদ আয়-যুবায়ী হতে বর্ণনা করেন। তিনি বলেন : যুহুর ও আসরের মধ্যবর্তী সময়ে যে প্রথম সালাত আদায় করেছিল তিনি হলেন আবদুল মালিক ইবন মারওয়ান ও তার সাথে কয়েকজন যুবক। সাঈদ ইবন আল-মুসায়্যাব (র) বলেন : বেশী বেশী সালাত ও সিয়াম আদায়ের মধ্যেই ইবাদত সীমিত নয়; বরং আল্লাহ তা’আলার ক্রিয়াকর্মে চিন্তা-ভাবনা করা ও মহান আল্লাহর নিষিদ্ধ কার্যাবলী হতে সাবধানতা অবলম্বন করাও ইবাদতের অন্তর্ভুক্ত। আল-শা’বী (র) বলেন : আমি যে কোন জ্ঞানী ব্যক্তির মজলিসে বসেছি তার থেকে কিছুটা বৃক্ষি করতে পেরেছি। কিন্তু আবদুল মালিক ইবন মারওয়ান ব্যতীত। কেননা, যখনই আমি কোন হাদীস তার কাছে পেশ করেছি, তার মধ্যে তিনি কিছুটা বৃক্ষি করেছেন। অনুরূপভাবে কোন কবিতা তার কাছে পেশ করলে তাতেও তিনি কিছু বৃক্ষি করে দিতেন। খালীফা ইবন খায়াত উল্লেখ করেন, একদিন মুআবিয়া (রা) মারওয়ানের কাছে একটি পত্র লিখেন। তিনি ছিলেন পবিত্র মদীনায় তার নায়িব। সব ছিল পত্রশোলা হিজরী। পত্রে তিনি লিখেন : তোমার ছেলে আবদুল মালিককে মুআবিয়াহ ইবন খালীফের সাথে পচিমাঞ্চলীয় দেশসমূহের অভিযানে প্রেরণ করবে। তিনি এসব শহরে তার যথার্থতা, নিষ্ঠা, কর্তব্যপ্রায়ণতা ও পরিশ্রমের বহু তথ্য উল্লেখ করেন। আবদুল মালিক হারুরার ঘটনা পর্যন্ত পবিত্র মদীনায় বসবাস করেছিলেন। আবদুল্লাহ ইবন যুবায়ী (রা) হিজায়ের উপর কর্তৃত বজায় রাখেন এবং সেখান থেকে বনী উমায়্যার

সদস্যদেরকে বিতাড়িত করেন। তিনি তখন তার পিতার সাথে সিরিয়ায় চলে যান। তারপর যখন তিনি তার পিতার সাথে খিলাফত লাভ করেন এবং সিরিয়াবাসীরা তার বায়আত গ্রহণ করেন। যেমন পূর্বেও উল্লেখ করা হয়েছে। তার অনুকূলে বায়আত অনুষ্ঠিত হওয়ার পর তার পিতা নয় মাস আমীর ছিলেন। পিতার ইন্তিকালের পর তিনি আমীরের দায়িত্ব লাভ করেন। আবদুল মালিক পুর্ণাঙ্গ খলীফা হন ৬৫ হিজরীর রামায়ান কিংবা রবীউল আউয়াল মাসের পহেলা তারিখ। আবদুল্লাহ ইবন যুবায়র (রা)-এর নিহত হওয়ার পর জনগণ ৭৩ হিজরীর জুমাদাল উলা মাস হতে ৮৬ হিজরী পর্যন্ত তাকে খলীফা রূপে গ্রহণ করে নেয়।

ছালাব ইবনু আরাবী হতে বর্ণনা করেন। তিনি বলেন, আবদুল মালিককে যখন খিলাফতের দায়িত্ব দেওয়া হল। তখন তার কোলে ছিল কুরআন মজীদ। তিনি তা ত্বকে করে রাখলেন এবং বললেন এখানেই আমার ও তোমার মধ্যে সম্পর্কচ্ছেদ হল। আবু তুফায়ল বলেন : একদিন আবদুল মালিকের জন্য একটি বড় মজলিসের ব্যবস্থা করা হল। তার জন্য পূর্বে এখানে একটি গম্বুজ তৈরী করা হয়েছিল। তিনি তাতে প্রবেশ করেন এবং বলেন, এটা তার জন্যে অবৈধ বলে তিনি মনে করেন। কথিত আছে যে, যখন কুরআনুল কারীম তার কোলে রাখা হয়েছিল তখন সে বলেছিল “এটা তোমার সাথে আমার শেষ দেখা।”

রক্ষণাত্মক ব্যাপারে আবদুল মালিক অগ্রগামী ছিলেন। তিনি ছিলেন দৃঢ়প্রতিষ্ঠিত, বৃদ্ধিমান, পারদর্শী ও অস্তদ্রষ্টিসম্পন্ন ব্যক্তি। পার্থিব ব্যাপারে অত্যন্ত বিজ্ঞ। পার্থিব ব্যাপারে তিনি কারো উপর নির্ভর করতেন না। তাঁর মায়ের নাম ছিল আইশা বিন্ত মুআবিয়া ইবন আল-মুগীরা ইবন আবুল আস। তার পিতা মুআবিয়া উল্লেখের দিন রাসূলুল্লাহ (সা)-এর চাচা হযরত হাময়া (রা)-এর নাক কর্তন করেছিল। সাইদ ইবন আবদুল আয়ীয় বলেন, আবদুল মালিক যখন মুসআব ইবন আস-যুবায়র (রা)-এর বিকল্পে যুক্ত করার জন্যে ঘর থেকে বের হয়ে তার সাথে ইয়ায়ীদ ইবন আল-আসওয়াদ আল-জারশীও বের হয়। যখন তারা মুকাবিলায় দণ্ডয়ন হয়, তখন আবদুল মালিক বলেন : হে আল্লাহ ! এ দুটো পাহাড়ের মধ্যে আড়াল করে দাও এবং তোমার কাছে যে বেশী প্রিয় তাকে খিলাফত দান কর। তারপর আবদুল মালিক জয়লাভ করেন। মুসআব আবদুল মালিকের কাছে অধিক প্রিয় ছিলেন। আল্লামা ইবন কাছীর (র) বলেন, ইতোপূর্বে মুসআবের হত্যার বিবরণ আমি উল্লেখ করেছি। সাইদ ইবন আবদুল আয়ীয় বলেন : যখন আবদুল মালিকের খিলাফতের বায়আত গ্রহণ করা হয়, আবদুল্লাহ ইবন উমর ইবন আল-খাত্বাব (রা) তার কাছে পত্র লিখেন এবং বলেন : পরম দাতা ও দয়ালু আল্লাহর নামে শুরু করছি। আবদুল্লাহ ইবন উমর (রা) হতে আমীরুল মু’মিনীন আবদুল মালিকের প্রতি : আপনার উপর মহান আল্লাহর রহমত বর্ষিত হোক। আমি আপনার কাছে এখন আল্লাহর প্রশংসা করছি যে, আল্লাহ ব্যতীত কোন ইলাহ নেই। তারপর আপনি রাখালের ন্যায় দায়িত্ববান আর প্রত্যেক রাখাল বা দায়িত্বপ্রাপ্ত ব্যক্তিকে তার অধীনস্থ সবক্ষে জিজ্ঞেস করা হবে। সূরায়ে নিসার ৮৭নং আয়াতাংশে আল্লাহ তা’আলা ইরশাদ করেন :

اللَّهُ لَا إِلَهَ إِلَّا هُوَ لِيَجْمَعُنَّكُمْ إِلَى يَوْمِ الْقِيَامَةِ لَا رَبِّ بَفِيهِ وَمَنْ أَصْدَقُ مِنْ
اللَّهِ حَدِيثًا .

অর্থাৎ আল্লাহ এমন যিনি ব্যতীত অন্য কোন ইলাহ নেই। তিনি কিয়ামতের দিন তোমাদের সকলকে একত্রিত করবেন তাতে কোন সন্দেহ নেই। কে মহান আল্লাহ অপেক্ষা অধিক সত্যবাদী ? (কেউ নয়)। ওয়াস-সালাম। পত্রটি সালামসহ প্রেরণ করেন। তখন তারা

দেখলেন যে, আমীরগুল মু'মিনীনের নামের পূর্বে তার নাম লিখা হয়েছে। তারপর তারা মুআবিয়ার কাছে প্রেরিত পত্রের দিকে দৃষ্টিপাত করলেন তথায় একুপ দেখতে পেলেন। তাই তারা এটা তার থেকে ক্ষমার চোখে দেখলেন।

আল্লামা ওয়াকিদী বলেন : ইব্ন আবু মায়সারাহ, আবু মূসা আল-খায়াতের মাধ্যমে আবু কা'ব হতে বর্ণনা করেন। তিনি বলেন : আমি আবদুল মালিককে বলতে শুনেছি তিনি বলেন : হে মদীনাবাসী! খিলাফতের বিষয়টি পরিচালনার বেশী হকদার আমিই। পূর্বাঞ্চল থেকে এ ব্যাপারে আমাদের কাছে বন্যার ন্যায় বহু হাদীস এসেছে, কিন্তু এগুলোর শুন্ধতা সম্পর্কে আমরা জানিনা। কুরআন পাঠ ব্যতীত অন্য কিছু আমরা জানি না। কাজেই, ইমাম মায়লূম অর্ধাঙ্গ হ্যারত উচ্চান (রা) কর্তৃক সংগৃহীত ফারযগুলো আঁকড়িয়ে ধরবে। তিনি এ ব্যাপারে যাইদের ইব্ন ছাবিত (রা)-এর পরামর্শ নিয়েছেন। ইসলামের জন্য তিনি কতইনা উক্ত পরামর্শদাতা ছিলেন! তারা দুইজনে যা যথোর্থ পেয়েছেন তা গ্রহণ করেছেন আর যা গ্রহণযোগ্য ছিল না তা বাদ রাখেন। ইব্ন জুরায়জ তার পিতা থেকে বর্ণনা করেন। তিনি বলেন, আবদুল্লাহ ইব্ন আস-যুবায়ির (রা)-এর হত্যাকাণ্ডের দুইবছর পর ৭৫ হিজরাতে আবদুল মালিক ইব্ন মারওয়ান লোকজনকে নিয়ে হজ্জব্রত পালন করেন। তিনি আমাদের সামনে খুতবাই পাঠ করেন। তিনি বলেন : আমার পূর্বের খলীফাগণ সরকারী সম্পদ আস্তাসাং করতেন এবং অপরকে আস্তাসাং করার সুযোগ করে দিতেন। আমি এ উচ্চতের এ রোগের তলোয়ার ব্যতীত কোন ঔষধ দেখতে পাচ্ছি না। আমি হ্যারত উচ্চান (রা)-এর ন্যায় দুর্বল খলীফা নই, আমীর মুআবিয়া (রা)-এর ন্যায় তোষামোদকারী খলীফা নই এবং ইয়ায়ীদ ইব্ন মুআবিয়া-এর ন্যায় নীচুমনা খলীফা নই। হে জনগণ! যতক্ষণ না কোন বিরোধিতা মাথাচাড়া দিয়ে উঠে কিংবা আমাদের বিরুদ্ধে সংগ্রাম দানা বেধে উঠে আমরা তোমাদের যাবতীয় কর ইত্যাদি মাফ করে দেবো। আমর ইব্ন সাঈদের কথা ধরুন তার অধিকারই তার অধিকার। তার স্বজন তার ছেলে। সে মাথার ইঙ্গিতে বলছে হ্যা, আর আমরা তলোয়ারের মাধ্যমে একুপ বলার উক্তর দেবো। সে যে আনুগত্য আমার কাছ থেকে প্রত্যাহার করেছে সেহেতু আল্লাহর শপথ নিয়ে বলা হয়েছে এবং পরিগাম অন্য কারো মাথায় রাখা হবে না, তার শ্বাস-প্রশ্বাসই এর স্বাদ আস্বাদন করবে। উপস্থিত ব্যক্তিবর্গ যেন অনুপস্থিত ব্যক্তিবর্গকে তা জানিয়ে দেয়।

আল-আসমাঈ বলেন, আববাদ ইব্ন সালাম ইব্ন উচ্চান ইব্ন যিয়াদ তার দাদা থেকে বর্ণনা করেন। তিনি বলেন, একদিন আবদুল মালিক ইব্ন মারওয়ান একটি পূর্ণ বয়স্ক উটের উপর আরোহণ করেন। তখন উট চালক একটি কবিতা পাঠ করে। উক্ত কবিতাটি নিম্নরূপ :

‘হে পূর্ণ বয়স্ক উট! তোমাকে আমি দেখছি, তোমার উপর তোমার চলার পথে দেশে শান্তি স্থাপনকারী আরোহণ করে রয়েছে। দুর্ভাগ্য তোমার, তুমি কি জান তোমার উপর আরোহণ করেছে কে? তোমার উপর রয়েছে আল্লাহর খলীফা, তোমার মত আর অন্য কোন পূর্ণ বয়স্ক উটকে এত পসন্দ করেননি তিনি যতো পসন্দ তোমাকে করেছেন।’

আবদুল মালিক যখন উপরোক্ত কবিতা শুনলেন, তখন তিনি বলেন, হে তুমি! এখানে এসো, তোমার জন্যে দশ হাজার মুদ্রা প্রদানের বিষয়ে আমি আদেশ প্রদান করেছি।

আল-আসমাঈ (র) আরো বলেন, “একদিন আবদুল মালিক খুত্বা দিতে লাগলেন। তিনি বঙ্গবের মাঝে আটকিয়ে গেলেন। তখন তিনি বললেন, ‘জিহ্বাও মানুষের শরীরের একটি অংশ। আমরা আটকিয়ে গেলে চুপ থাকি কিন্তু বাজে কথা বলি না। আমরা কথার পস্তি, আমাদের কথার শিরা-উপশিরা খুবই মুহূর্ত, কথা বা বাক্যের ডানাগুলো আমাদের মাঝে যেন

বুলে রয়েছে। আমাদের মর্যাদা সুউচ্চ প্রতিষ্ঠিত, এটাই প্রকৃত মর্যাদা। আমাদের দৃষ্টিশক্তি প্রথর; এটাই প্রকৃত তথ্য। আমাদের আজকের দিনের পরও রয়েছে শক্তি পরীক্ষার দিবসসমূহ। ঐসব দিনে সুস্পষ্ট বক্তব্যের পরিচিতি ঘটবে এবং অনর্গল ও যথার্থ বক্তব্য শুনার সুযোগ আসবে।

আল-আসমাঈ (র) আরো বলেন : আবদুল মালিককে বলা হল, তোমার বার্ধক্য অতিদ্রুত এসে যাচ্ছে। তখন আবদুল মালিক প্রতিউভের বলেন : কেন আসবে না ? আমি প্রতি শুক্রবার একবার কিংবা একাধিকবার জনগণের কাছে আমার বুদ্ধিমত্তা পেশ করছি।

আল-আসমাঈ ব্যতীত অন্য এক বর্ণনাকারী বলেন, আবদুল মালিককে বলা হলো, তোমার বার্ধক্য অতি দ্রুত আসছে। তখন তিনি বলেন, তুমি কি আমার প্রতিনিয়ত জনগণকে উপদেশ প্রদানের জন্যে মিথরে আরোহণের কথা ও ভুল করার আশংকাবোধ করার কথা ভুলে গেছ ? এক ব্যক্তি আবদুল মালিকের কাছে ভুল করল। যেমন, কথায় আলিফ উচ্চারণ করেনি তখন আবদুল মালিক তাকে বললেন, তোমার কথায় আলিফ বৃক্ষি কর। লোকটি প্রতি উভয়ের বলল, আপনিও _। আলিফ বৃক্ষি করুন। (_। মানে হাজার)। কাজেই, এটার অর্থ হলো আপনি এক হাজার মুদ্রা অর্ধ হিসেবে বৃক্ষি করুন।

আয়-যুহুরী (র) বলেন : আমি আবদুল মালিককে তার খুত্বায় বলতে শুনেছি। তিনি বলেন : ইলম্ বা জ্ঞান অতি দ্রুত বিলুপ্ত হয়ে যাবে। তাই যার কাছে ইলম্ বা জ্ঞান আছে সে যেন অতিমূল্য বিহীন ও সীমাহীনভাবে তা প্রকাশ করে দেয়।

ইব্ন আবৃদ্দ দুনিয়া বর্ণনা করেন যে, আবদুল মালিক তার সফর সঙ্গীকে বলতেন, 'যদি জ্ঞান বৃক্ষ উর্ধে গমন করে আমাদেরকে নিয়ে শূন্যে চলে যেন আমরা ঐ বৃক্ষের কাছে পৌছতে পারি। আমাদেরকে নিয়ে বিজয়োৰ্বনি দিয়ে যাক, যেন আমরা পাথরতুল্য সেই বৃক্ষের নিকটবর্তী থাকি। এ ধরনের বহু জ্ঞানগত কথাবার্তা তিনি বলতেন।

আল্লামা বায়হাকী (র) বলেন, একদিন আবদুল মালিকের হাত থেকে ময়লা-আবর্জনার কূপে একটি পয়সা পড়ে যায়। তের দীনারের বিনিময়ে একজন লোককে দিয়ে তিনি তা উদ্ধার করেন। এ সম্পর্কে তাকে জিজেস করা হলে তিনি বলেন, 'ঐ পয়সায় মহান আল্লাহর নাম লিখা ছিল। একাধিক বর্ণনাকারী বলেন : আবদুল মালিক যখন জনগণের মাঝে বাগড়া বিবাদ মিটানোর জন্যে আদালতে বিচার কার্য বসতেন, তখন তলোয়ারধারীরা তলোয়ার নিয়ে তার মাথার কাছে দাঁড়িয়ে যেত। তখন তিনি নীচে বর্ণিত কবিতাটি পাঠ করতেন। কেউ কেউ বলেন, অন্যকে পাঠ করতে আদেশ প্রদান করতেন। তিনি বলতেন : যখন কুপ্রবৃত্তির উপকরণাদি সোচ্চার হয়ে উঠে; আদালতে শ্রোতাদেরকে বক্তার কথা শুনার জন্যে চুপচাপ থাকতে বলা হয়; জনগণ তাদের বুদ্ধিমত্তা প্রয়োগে হোচ্ট খেয়ে যায়; তখন আমরা তাদের মাঝে একজন ন্যায়পরায়ণ ও সূক্ষ্ম বিচার বৃক্ষি সম্পন্ন বিচারকের ন্যায় কায়সালা দিয়ে থাকি। আমরা বাতিলকে হক বলে অভিহিত করি না, হক ব্যতীত বাতিল নিয়ে আলোচনাও করি না। আমরা ভীত থাকি যেন আমাদের বুদ্ধিমত্তা বোকামী না করে। ফলে আমরা যেন মূর্ধের ন্যায় হককে ভুলে না যাই।

আল-আ'মাশ (র) বলেন : মুহাম্মদ ইব্ন আয়-যুবায়র আমাকে সংবাদ দিয়েছেন যে, একদিন হ্যরত আলাস ইব্ন মালিক (রা) আবদুল মালিকের কাছে একটি পত্র লিখেন। পত্রে তিনি হাজারের বিরুদ্ধে অভিযোগ দায়ের করেন। তিনি তার পত্রে লিখেন : যদি কোন ব্যক্তি ইস্মা ইব্ন মারইয়াম (আ)-এর খিদমত করেন কিংবা তাঁকে দেখে থাকেন অথবা তাঁর সংস্পর্শে

থেকে থাকেন, তাকে স্বিন্টানরা চিনবে এবং তার মান মর্যাদাও স্বীকার করবে। তাদের বাদশাহুগণ তাঁর দিকেই হিজরত করবে। তাদের অন্তরে তার বিরাট মর্যাদা বিরাজমান থাকবে। আর তারা তার জন্যে তা যথাযোগ্য বলে মনে করবে। অনুরূপভাবে যদি কোন ব্যক্তি হয়েরত মুসা (আ)-এর খিদমত করেন্না কিংবা তাঁকে দেখে থাকেন, তাকে ইয়াহুদীরা চিনবে। তারা তার সাথে যতদূর সম্ভব কল্যাণকর ও সৌহার্দপূর্ণ আচরণ করবে। আমি রাসূলুল্লাহ (সা)-এর খাদিম ছিলাম, তাঁর সাথী ছিলাম, তাঁকে আমি দেখেছি, তাঁর সাথে খাওয়া-দাওয়া করেছি, তাঁর সাথে ঘরে প্রবেশ করেছি, তাঁর সাথে ঘর থেকে বের হয়েছি এবং দুশ্মনের বিরুদ্ধে তাঁর সাথে যুদ্ধ করেছি। হাজ্জাজ আমার ক্ষতি করেছে এবং এরপ এরপ ব্যবহার করেছে। বর্ণনাকারী বলেন, পত্র পড়ার সময় যিনি আবদুল মালিককে প্রত্যক্ষ করেছেন তিনি আমার কাছে বর্ণনা করেছেন যে, পত্র পড়ার সময় আবদুল মালিক কাঁদতে ছিলেন এবং অত্যন্ত রাগাভিত হয়েছিলেন। তারপর তিনি হাজ্জাজের কাছে শক্ত ভাষায় পত্র লিখেন। পত্রটি যখন হাজ্জাজের কাছে পৌছে তখন সে তা পাঠ করে এবং তার চেহারা মলিন হয়ে যায়। তারপর সে পত্রবাহককে বলল, আমাকে তার কাছে নিয়ে চল। আমি তাকে সঙ্গে করব।

আবু বকর ইব্ন দুরায়দ বলেন : ইবনুল আশআছের সাথে বিরোধের সময় আবদুল মালিক হাজ্জাজকে লিখেছিলেন, যে কাজে তুমি মহান আল্লাহর প্রতি অধিক মুখাপেক্ষী হবে, সে কাজে তুমি অধিক সম্মানিত হবে। আর যে কাজে তুমি সৃষ্টির প্রতি অধিক মুখাপেক্ষী হবে, সে কাজে তুমি অধিক লজ্জিত হবে। যদি কেউ তোমার কাছে মহান আল্লাহর আশ্রয় চায়, তুমি তাকে ক্ষমা করে দেবে। কেননা, তুমি তাঁরই কাছে একদিন প্রত্যাবর্তন করবে।

কেউ কেউ বলেন, একদিন এক ব্যক্তি আবদুল মালিকের সাথে গোপনে কথা বলার আরয়ী পেশ করে। তখন তিনি তাঁর কাছে যারা ছিল তাদেরকে একটু সরে যেতে বললেন। যখন তিনি একাকী হলেন এবং লোকটিও তাঁর সাথে কথা বলার ইচ্ছে প্রকাশ করল। আবদুল মালিক তাকে বললেন, “তোমার কথা বলার কালে তিনটি বস্তু থেকে তুমি সতর্ক থাকবে; আমার প্রশংসা করা হতে বিরত থাকবে। কেননা, আমি আমার সম্বন্ধে তোমার চেয়ে বেশী জানি। তুমি মিথ্যা বলা হতে বিরত থাকবে। কেননা, মিথ্যাকের কোন কথা প্রহণযোগ্য নয়। আমার কোন প্রজাকে দোষারোপ করা হতে বিরত থাকবে। কেননা, তারা আমার নিকট থেকে যুলুম ও অত্যাচার পাওয়ার চেয়ে আমার ন্যায়বিচার ও ক্ষমা পাওয়ার বেশী যোগ্য। এখন তুমি যদি চাও তোমাকে আমার সাথে দেখা করার অনুমতি পত্র বাতিল করতে পারি। লোকটি তখন বলল, আমাকে ছুটি দিন। আবদুল মালিক তখন তাকে ছুটি দিলেন। পৃথিবীর বিভিন্ন জায়গা থেকে আগত দৃতদেরকেও তিনি বলতেন, আমার কাছে চারটি বস্তু না বলে আমাকে খুশী করতে পার, তা হল : আমাকে অনাঙ্গত প্রশংসা করবে না, আমি তোমাকে যা বলি নাই তার উত্তর দিতে চেষ্টা করবে না, আমার কাছে মিথ্যা বলবে না, আমার প্রজার বিরুদ্ধে আমাকে ক্ষেপিয়ে তুলবে না। কেননা, তারা আমার থেকে মেহেরবানী ও ন্যায়বিচার পাওয়ার অধিক যোগ্য।

আল্লামা আল আসমাঈ (র) স্বীয় পিতা হতে বর্ণনা করেন এবং বলেন : আবদুল মালিকের কাছে এমন এক ব্যক্তিকে আনা হল, যে ঐ ব্যক্তিদের অস্তর্ভুক্ত ছিল যারা তার বিরুদ্ধে সংগ্রাম করেছিল। আবদুল মালিক তখন বললেন, তার গর্দান কর্তন করে ফেল। লোকটি বলল, হে আমীরুল মু'মিনীন! এ শাস্তি আমি আপনার নিকট হতে প্রত্যাশা করিনা। আবদুল মালিক তখন বললেন, তুমি কি ধরনের শাস্তি আশা করছ? সে বলল : আল্লাহর শপথ, আমি অমুকের সাথে মিলে আপনার বিরুদ্ধে সংগ্রাম করেছি শুধু আপনাকে দেখার জন্যে। আমি একজন

হতভাগা লোক। যার সাথেই আমি কখনও ছিলাম সে-ই পরাজিত হয়েছে, পরাস্ত হয়েছে। আর আমার এ দাবী আপনার কাছে বর্তমানে সুস্পষ্ট। আপনার এক লাখ শুভাকাঙ্ক্ষী থেকেও আমি আপনার বেশী মঙ্গলকামী। আমি অমুকের সাথে ছিলাম, সে পরাজিত হয়েছে, তার দল ছত্রভঙ্গ হয়েছে। আমি অমুকের সাথে ছিলাম, সে নিহত হয়েছে, আমি আবার অমুকের সাথে ছিলাম, সে পরাজিত হয়েছে। এভাবে সে বেশ কয়েকজন নেতা ও সেনাপতির নাম উল্লেখ করে। তাতে আবদুল মালিক হেসে উঠলেন এবং তাকে ছেড়ে দিলেন।

একদিন আবদুল মালিককে জিজ্ঞেস করা হল, কোন্ ব্যক্তি আপনার কাছে উত্তম বলে বিবেচিত? তিনি বলেন, যিনি উচ্চ মর্যাদার অধিকারী সন্ত্রেও বিনয়ের আশ্রয় নেন। শক্তি ও সমার্থবান হওয়া সন্ত্রেও তাকওয়া অবলম্বন করেন এবং শক্তিমানকে অন্যায়ের ক্ষেত্রে সাহায্য করা হতে বিরত থাকেন। তিনি আরো বলেন, অভিজ্ঞতার পূর্বে শান্তি লাভ হয় না। কেননা, অভিজ্ঞতার পূর্বে অর্জিত শান্তি সুন্দর হয় না। তিনি আরো বলেন, যে সম্পদ প্রশংসা কৃড়ায় ও বদনাম প্রতিরোধ করে সেটাই উত্তম সম্পদ। হাদীসে বর্ণিত, তোমার নিকটবর্তী লোক থেকে দান বিতরণ শুরু কর- সর্বাবস্থায় এ রকম যেন কেউ না বলে। কেননা, সৃষ্টির সকলে মহান আল্লাহ'র বংশধরত্বল্য অর্থাৎ কারোর মধ্যে কোন পার্থক্য নেই। হাদীসের মর্ম বিশেষ একটি অবস্থার সাথে জড়িত।

আল মাদাইনী বলেন : একদিন আবদুল মালিক তার সন্তানদের শিক্ষককে বলেন : তিনি হলেন ইসমাইল ইব্ন উবায়দুল্লাহ ইব্ন আবুল মুহাজির- আপনি তাদেরকে সত্যবাদিতা শিক্ষা দিন। যেমন কুরআন তাদেরকে শিক্ষা দিয়েছে। তাদেরকে ইনমনা লোকদের থেকে দূরে রাখুন। কেননা, জনগণের মধ্যে তারাই কল্যাণের দিকে উৎসাহিত হওয়ার ব্যাপারে নিকৃষ্টতর ব্যক্তিবর্গ এবং তাদের আদর ও শিষ্টাচার কম। অকারণে লজ্জাবোধ থেকে তাদেরকে দূরে রাখুন। কেননা, এটা তাদেরকে ধৰ্মসের দিকে ঠেলে দিবে। তাদের থেকে কর্কশ ব্যবহারের অনুভূতি দূর করে দিন।

তাদেরকে গোশত ভক্ষণ করতে দিন। তাহলে তারা শক্তিশালী হবে। তাদেরকে কবিতা শিক্ষা দিন। তাহলে তারা অন্যদের প্রশংসা করবে ও সাহায্য করবে। তাদেরকে চওড়াভাবে মিসওয়াক করতে শিক্ষা দিন। বিরতি সহকারে পানি পান করতে শিক্ষা দিন। তারা যেন পেটপুরে না খায়। তাদের খাবার গ্রহণ প্রয়োজন মনে করলে তাদেরকে আদব সহকারে খাদ্য গ্রহণ করতে শিক্ষা দিন। তারা যেন গোপনে খাদ্য ভক্ষণ করে তাদের আশেপাশের লোকেরা জানতে না পারে তাহলে তারা খাদ্য ভক্ষণে স্বত্ত্ববোধ করবে।

আল-হায়ছাম ইব্ন আদী বলেন, একবার আবদুল মালিক জনগণকে বিশেষভাবে তার সাথে সাক্ষাত করার অনুমতি প্রদান করলেন। একদিন মুখমণ্ডল অবিন্যস্ত অবস্থায় এক বৃক্ষ লোক, প্রহরার দারোয়ানকে অগ্রাহ্য করে প্রবেশ করলেন এবং আবদুল মালিকের সামনে কুরআনুল কারীমের কিছু আয়াত লিখিত একটি কাগজ রেখে বের হয়ে চলে গেলেন। কেউ জানে না, তিনি কোথায় চলে গেলেন। তাতে ছিল সূরায়ে সোয়াদের আয়াত নং ২৬ : হে মানুষ! তোমাকে মহান আল্লাহ'র পৃথিবীতে প্রতিনিধি করেছেন :

وَلَا تَتَبِعُ الْهَوَى فَيُضِلُّكَ عَنْ سَبِيلِ اللَّهِ إِنَّ الَّذِينَ يَضْلُلُونَ عَنْ سَبِيلِ اللَّهِ أَرْثَمْ عَذَابٌ شَدِيدٌ بِمَا نَسُوا يَوْمَ الْحِسَابِ

করবে এবং খেয়াল খুশীর অনুসরণ করবে না। কেননা, এটা তোমাকে মহান আল্লাহ'র পথ হতে

বিচ্যুত করবে, যারা মহান আল্লাহর পথ পরিত্যাগ করে, তাদের জন্য রয়েছে কঠিন শাস্তি। কারণ, তারা বিচারের দিনকে বিশ্বৃত হয়ে আছে। সূরায়ে আল-মুতাফফিফিন এর ৪৮ং আয়াত হতে ৬৮ং আয়াত অর্থাৎ তারা কি চিন্তা করে না যে, তারা পুনরুত্থিত হবে মহা দিবসে। যেদিন দাঁড়াবে সমস্ত মানুষজগত সমূহের প্রতিপালকের সম্মুখে।

سُرَّاً يَوْمٌ مَجْمُوعُ لَهُ النَّاسُ وَذَلِكَ يَوْمٌ : ১০৩ ও ১০৪নং আয়াত : অর্থাৎ তা সেদিন যেদিন সমস্ত মানুষকে একত্র করা হবে, তা সেদিন যেদিন সকলকে উপস্থিত করা হবে এবং আমি নির্দিষ্ট কিছুকালের জন তা স্থগিত রাখি মাত্র।

সূরায়ে নামলের ৫২নং আয়াত : **فَتَلْكَ بِيُوتُهُمْ خَاوِيَةٌ بِمَا ظَلَمُوا** (বর্তমানে তুমি জীবিত, তারা জীবিত থাকলেও তোমার কাছে তারা পৌছতে পারত না)। কেননা, এতো তাদের ঘৰবাড়ী, সীমা-লংঘন হেতু যা জনশূন্য অবস্থায় পড়ে রয়েছে।

أَحْشِرُوا الَّذِينَ ظَلَمُوا وَأَزْوَاجُهُمْ وَمَا كَانُواْ অর্থাৎ আস-সাফ্ফাতের ২২নং আয়াত অর্থাৎ আমি তোমাকে এমন দিনের প্রতি ভীতি প্রদর্শন করছি যেদিন ফেরেশতাদের বলা হবে, একত্র কর যালিম ও তাদের সহচরগণকে এবং তাদেরকে যাদের ইবাদত করত তারা।”

সূরায়ে হুদুরে ১৮নং আয়াত **أَلْعَنَّ اللَّهُ عَلَى الظَّالِمِينَ** অর্থাৎ সাবধান! আল্লাহর লান্ত যালিমদের উপর।”

উপরোক্ত আয়াতসমূহ সংশ্লিষ্ট কাগজটি দেখে আবদুল মালিকের চেহারা বিবর্ণ হয়ে গেল। তারপর তিনি তার হেরেমে প্রবেশ করেন এবং বেশ কয়েক দিন যাবত তার চেহারায় কঠের ছাপ পরিলক্ষিত হয়েছিল।

যুবর ইব্ন হুবায়শ আবদুল মালিকের কাছে একটি পত্র লিখেন। পত্রের শেষে তিনি লিখেন : হে আমীরুল মু’মিনীন! আপনার দীর্ঘ হায়াত যেন আপনার স্বাস্থ্যে প্রতিফলিত হয়ে আপনাকে লোভী করে না তোলে। কেননা, আপনি আপনার সমস্ক্রে অধিক জানেন। আপনার পূর্বপুরুষগণ যা বলে গেছেন তা একটু শ্বরণ করুন। তারা বলেছেন, “মানুষ যখন তাদের সন্তানদের জন্ম দেয় বৃক্ষাবস্থার দরকান তাদেরও শরীর নষ্ট হয়ে যায়। তাদের অসুস্থতাও দীর্ঘস্থায়ী হতে থাকে। এটাকে এমন একটি শস্যক্ষেত্র বুঝতে হবে যার কর্তনকাল নিকটবর্তী হয়ে এসেছে।” আবদুল মালিক পত্রটি পড়ার পর এমন ত্রুট্য করলেন যে, তার কাপড়ের কিনারা অশ্রুসিক্ত হয়ে পড়ে। তারপর তিনি বলেন : “খুব সত্য কথা বলেছে। তবে, যদি সে আমাদের কাছে এর চেয়ে কম লিখত, তাহলে এটা হ্যম করা হতো আমার জন্য সহজ।”

আবদুল মালিক তার সাথীদের একদলকে শুনতে পেলেন যে, তারা হ্যরত উমর ইবনুল খাত্তাব (রা)-এর চরিত্র নিয়ে আলোচনা করছেন। আবদুল মালিক বললেন, “আমি তোমাদেরকে উমর ইবনুল খাত্তাব (রা)-এর চরিত্র নিয়ে আলোচনা করতে নিষেধ করছি। কেননা, তিনি ছিলেন আমীরদের জন্য আয়না স্বরূপ। কিন্তু প্রজাদের জন্যে বিভ্রান্তিকর।”

ইব্রাহীম ইব্ন হিশাম ইব্ন ইয়াহ্যা আল-কাবানী (র) তাঁর দাদা থেকে বর্ণনা করেন। তিনি বলেন : আবদুল মালিক উষ্মে দারদা'-এর হালকায় দামেকের মসজিদের শেষ মাথায় বসতেন। একদিন উষ্মে দারদা' তাকে বললেন, আমার কাছে সংবাদ পৌছেছে যে, তুমি ইবাদত ও বদ্দেগীর পর দুধপান করেছ। তখন তিনি বললেন, আল্লাহর শপথ, আমি রক্তও পান করেছি। তারপর তার কাছে একজন গোলাম আসল, যাকে সে অন্য জায়গায় কোন প্রয়োজনে প্রেরণ করেছিল। তিনি তখন বললেন, “কে তোমাকে এতক্ষণ বন্দী করে রেখেছিল, তোমার উপর আল্লাহর লা’নত?” উষ্মে দারদা' (রা) বললেন, হে আমীরুল্লাহ মু’মিনীন! একপ বলবেন না। কেননা, আমি আবৃ দারদা' (রা) থেকে শুনেছি তিনি বলেন, আমি রাসূলুল্লাহ (সা)-কে বলতে শুনেছি। তিনি বলেন, “লা’নতকারী জান্নাতে প্রবেশ করবে না।”

আবৃ বকর ইব্ন আবদুল দুনিয়া বলেন, ‘আল-হ্যায়ান ইব্ন আবদুর রহমান আমার কাছে হাদীস বর্ণনা করেছেন। তিনি বলেন, সাঈদ ইবনুল মুসায়িব (র)-কে একদিন বলা হল যে, আবদুল মালিক ইব্ন মারওয়ান বললেন, “আমি এমন হয়ে গেছি যে, নেক কাজ করলেও আমার খুশী লাগে না, তদুপ বদ কাজ করলেও কোন প্রকার দুঃখ অনুভূত হয় না।” সাঈদ বললেন, “তাহলে তোমার অন্তরের মৃত্যু পরিপূর্ণ হয়েছে।”

আল-আসমাঈ তার দাদা থেকে বর্ণনা করেন, তিনি বলেন, ‘একদিন আবদুল মালিক অত্যন্ত উচ্চস্তরের ভাষণ প্রদান করলেন। তবে ভাষণের মধ্যখানে ভাষণ বন্ধ রেখে অত্যন্ত কান্নাকাটি করেন। তারপর বলেন : “হে আমার প্রতিপালক! আমার পাপ অনেক বড়। আর তোমার সামান্যতম ক্ষমা আমার পাপের চেয়ে অনেক বড়। হে আল্লাহ! তোমার সামান্য ক্ষমা দ্বারা আমার বিরাট পাপ মুছে দাও।”

বর্ণনাকারী বলেন, এ ঘটনা হাসান বসরীর কাছে পৌছার পর তিনি ক্রন্দন করলেন এবং বললেন, “যদি কোন কথা স্বর্ণক্ষেত্রে লেখা যায়, তাহলে এ কথাটি লিখে নাও। এ ধরনের বর্ণনা একাধিক বর্ণনাকারী হতে বর্ণিত রয়েছে। তাদের কাছে যখন এ কথাটি পৌছল তখন তারা হাসান বসরী (র)-এর ন্যায় মন্তব্য করেন। মিসহার আদ-দামেশ্কী বলেন, একদিন আবদুল মালিকের সামনে দস্তরখান বিছানো হল। তখন তিনি দারোয়ানকে বললেন, খালিদ ইব্ন আবদুল্লাহ ইব্ন খালিদ ইব্ন উসায়দকে ডেকে আন। দারোয়ান বলল, হে আমীরুল মু’মিনীন! তিনি তো মারা গেছেন। আবদুল মালিক তখন বললেন, তার পিতা আবদুল্লাহ ইব্ন খালিদ ইব্ন উসায়দকে ডেকে আন। দারোয়ান বলল, “তিনিও মারা গেছেন।” তখন তিনি বললেন, “খালিদ ইব্ন ইয়ায়ীদ ইব্ন মুআবিয়াকে ডেকে আন।” দারোয়ান বলল, “তিনিও তো মারা গেছেন।” এভাবে তিনি বলতে লাগলেন অমুককে ডেকে আন ও অমুককে ডেকে আন, এমনকি বেশ কয়েকজনের নাম উল্লেখ করে। তিনি বলেন, তাদেরকে ডেকে আন। অর্থ তিনি আমাদের পূর্বেই জানেন যে, তারা সকলেই মারা গেছেন। তারপর তিনি দস্তরখান উঠিয়ে নেওয়ার হুকুম দিলেন এবং নীচের কবিতাটি আবৃত্তি করেন :

“আমার সমবয়সী বন্ধুগণ চলে গিয়েছে এবং তাদের যুগও শেষ হয়ে গিয়েছে। আমি তাদের পরে ধূলাবালিতে মিশ্রিত হয়ে গেছি। হে আমার শ্রোতা ভাই! জেনে রেখো, তুমি তো চিরস্থায়ী হবে না।”

কথিত আছে যে, যখন তার কাছে মৃত্যু উপস্থিত হয় তার পুত্র আল-ওয়ালীদ ঘরে প্রবেশ করেন ও কান্নাকাটি করেন। তখন তাকে আবদুল মালিক বলেন, “এটা কী? তুমি যে বাদী-দাসীদের ন্যায় ক্রন্দন করছ, যখন আমি মরে যাব তখন তাড়াতাড়ি করবে, আমাকে

ইয়ার পরাবে এবং চিতার চামড়া পরিধান করাবে। অন্যান্য কাজ যথোচিতভাবে সম্পাদন করবে। তবে কুরায়শদের ভয় করে চলবে।” তারপর তিনি তাকে বললেন, “হে ওয়ালীদ! তোমাকে আল্লাহু তা’আলা যে খিলাফতের দায়িত্ব দিয়েছেন তা সম্পাদনের ক্ষেত্রে মহান আল্লাহকে ভয় করবে, আমার অসীয়ত মান্য করবে এবং আমার ভাই মুআবিয়ার দিকে লক্ষ্য রাখবে, তার সাথে সম্পর্ক বজায় রাখবে। আর আমাকে তার মধ্যে হিফায়ত ও সংরক্ষণ করবে, আমার ভাই মুহাম্মদের দিকে খেয়াল রাখবে। তাকে আলজেরিয়ার আয়ীর নিযুক্ত করবে এবং তাকে সেখান থেকে বরখাস্ত করবে না। আমার চাচাতো ভাই আলী ইবন আবাসের প্রতি লক্ষ্য রাখবে। তার সাথে আমাদের মহবত ও নসীহতের সম্পর্ক ইতোমধ্যে ছিন্ন হয়ে গিয়েছে। অর্থে তার সাথে আমাদের বংশের সম্পর্ক বিদ্যমান রয়েছে। আমাদের উপর তার ন্যায্য অধিকার রয়েছে। ভাই, তার সাথে সুসম্পর্ক বজায় রাখবে এবং তার ন্যায্য অধিকার তাকে অবশ্যই প্রদান করবে। আর হাজাজ ইবন ইউসুফের দিকে লক্ষ্য রাখবে। তাকে সম্মান করবে। কেননা, সে বিভিন্ন দেশকে তোমার করতলগত করেছে এবং দুশ্মনদেরকে নিপাত করেছে। তোমার জন্য রাজত্ব নিষ্কটক করেছে। আর খারিজীদেরকে ছিন্নভিন্ন করে দিয়েছে। তোমার এবং তোমার ভাইদের মধ্যে মত বিরোধ দূর করেছে। কাজেই, তোমরা এখন একই মায়ের সন্তান হিসেবে বসবাস করবে। যুদ্ধের ব্যাপারে তোমরা স্বাধীনতার পরিচয় দেবে। নেক কাজকে লক্ষ্যবস্তু হিসেবে চিহ্নিত করবে। যুদ্ধ কোনদিনও অকাল মৃত্যু ঘটায় না। নেক কাজ তার কর্তাকে প্রসিদ্ধ করে রাখে এবং অন্তরে মহবতের আলোড়ন সৃষ্টি করে। সুনামের শৃঙ্খল নিদ্বাবাদকে পর্যন্ত ও লাঞ্ছিত করে থাকে। কবির নিম্নবর্ণিত কবিতাটি কতইনা সুন্দর!

“বন্তুসমূহ যখন পরিপক্ষতা অর্জন করে, ক্রোধ, কাম ও কঠোর আচরণ তা ধ্বংস করতে চায়। এগুলো সুদৃঢ় থাকে এবং সাধারণতঃ চূর্ণ-বিচূর্ণ হয় না। যদি এগুলো কোন সময় ডেঙে যায়, তাহলে যিনি ডেঙ করেন তার দায়িত্বেই এটার পরিণাম ও ফলাফল আবর্তিত হয়।

তারপর তিনি বলেন, যখন আমি মারা যাব, তখন তুমি জনগণকে তোমার বায়আতের প্রতি আহ্বান জানাবে। যে অঙ্গীকার করবে তলোয়ারের মাধ্যমে তার সাথে ফায়সালা হবে। তোমার বোনদের প্রতি তুমি ইহসান করবে, তাদেরকে সম্মান করবে। আর জেনে রেখো তাদের মধ্যে সবচেয়ে বেশী আদরের হলো ফাতিমা। এ ফাতিমাকে তিনি এক জোড়া মূল্যবান কানের অলংকার ও অত্যন্ত মূল্যবান হীরক প্রদান করেছিলেন। তারপর তিনি বলেন, হে আল্লাহ! তার মধ্যেই আমার শৃঙ্খলা মৃত্যু ও হিফায়ত কর। তাকে উমর ইবন আবদুল আয়ীয়ের সাথে বিয়ে দেন। আর তিনি ছিলেন তার চাচাতো ভাই। যখন তার মৃত্যু উপস্থিত হয়, তখন তিনি একজন ধোপার কাপড় ধোয়ার আওয়ায শুনতে পেলেন। তিনি জিজ্ঞেস করলেন এটা কে? উপস্থিত সদস্যগণ বলল, সে একজন ধোপা। তখন তিনি বললেন, হায়! আমি যদি একজন ধোপা হতাম, দিনের পরিশ্রম দ্বারা জীবিকা নির্বাহ করতাম এবং খিলাফতের দায়িত্ব বহন না করতাম। তারপর তিনি বর্ণনা করেন ও বলেন, আমার আয়ুর শপথ, আমি পৃথিবীতে দীর্ঘকাল আয়ু পেলাম এবং তলোয়ারের মাধ্যমে আমার জন্যে দুনিয়া সহজ হয়ে গিয়েছিল। আমাকে দেওয়া হয়েছে প্রচুর সম্পদ, অধিকার ও বুদ্ধিমত্তা। আর অত্যাচারী নৃপতিগণও আমার বশ্যতা স্থীকার করেছে। যে আমাকে আনন্দ দান করত সে যুগ যুগ ধরে আমার করায়তে দিনযাপন করেছে। হায়! যদি আমাকে খিলাফতের দায়িত্ব প্রদানের মাধ্যমে কোন একদিন সাহায্য না করা হতো, তাহলে আমি জীবনের একপ সুস্পষ্ট আরাম-আয়াশে নিয়ন্ত্রণ হতাম না।

কেউ কেউ বলেন, আমীর মুআবিয়া ইব্ন আবু সুফিয়ান (রা) মৃত্যু-শয্যায় এ কবিতাগুলো আবৃত্তি করেছিলেন।

আবু মিসহার বলেন, মৃত্যু শয্যায় শায়িত আবদুল মালিককে জিজেস করা হলো, আপনি এখন কিরণ অনুভব করছেন? তখন তিনি বললেন, আমি এখন অনুভব করছি যেমন আল্লাহ তা'আলা সূরায়ে আনআম-এর ৯৪নং আয়াতে ইরশাদ করেছেন:

وَلَقَدْ جِئْتُمُوتَا فُرَادِيٍّ كَمَا خَلَقْنَاكُمْ أَوَّلَ مَرَّةٍ وَتَرَكْتُمْ مَا حَوْلَنَاكُمْ وَرَأَءَ ظَهُورُكُمْ وَمَا نَرَى مَعْكُمْ شُفَعَاءَ كُمُ الَّذِينَ زَعَمْتُمْ أَنَّهُمْ فِيْكُمْ شُرَكَاءُ وَلَقَدْ تَقْطَعَ بَيْنَكُمْ وَضَلَّ عَنْكُمْ مَّا كُنْتُمْ تَزْعُمُونَ -

অর্থাৎ “তোমরা আমার নিকট নিঃসঙ্গ অবস্থায় এসেছ। যেমন, প্রথমে তোমাদেরকে সৃষ্টি করেছিলাম; তোমাদেরকে যা দিয়েছিলাম তা তোমরা পচাতে ফেলে এসেছ; তোমরা যাদেরকে তোমাদের ব্যাপারে শরীক মনে করতে সে সুপারিশকারিগণকেও তোমাদের সাথে দেখছি না; তোমাদের মধ্যকার সম্পর্ক অবশ্য ছিন্ন হয়েছে এবং তোমরা যা ধারণা করেছিলে তাও নিষ্ফল হয়েছে।”

সাঈদ ইব্ন আবদুল আয়ীয় বলেন: যখন আবদুল মালিকের মৃত্যু উপস্থিত হয়, তখন তিনি তার প্রাসাদের দ্বার খোলার ছক্কু দেন। যখন দ্বার খোলা হয়, তখন তিনি উপত্যকায় একজন কাপড় রঙিনকারী লোকের আওয়ায় শুনতে পান। তিনি বলেন, এটা কে? তারা বলল, “কাপড় রঙিনকারী।” তখন তিনি বলেন, “হায়! আমি যদি কাপড় রঙিনকারী হতাম! যে তার হাতের পারিশ্রমিক দিয়ে জীবিকা নির্বাহ করে।” এ ঘটনার কথা যখন সাঈদ ইবনুল মুসায়িবের কাছে পৌছে তখন তিনি বলেন: আল্লাহর সমস্ত প্রশংসা, যিনি তাদেরকে এমন পর্যায়ে পৌছিয়েছেন যে, এখন তারা আমাদের দিকে পলায়ন করছে। আমরা তাদের দিকে ধাবিত হচ্ছি না।

বর্ণনাকারী আরো বলেন, যখন তার মৃত্যু উপস্থিত হয় তখন সে লজ্জাবোধ করতে থাকে, ক্রম্ভন করতে থাকে, মাথায় হাত দিয়ে আঘাত করতে থাকে এবং বলতে থাকে। “এখন আমি চাই যদি আমি সারা জীবনে দৈনন্দিন রোজগার করতাম এবং আল্লাহর আনুগত্য ও ইবাদতে মশশুল থাকতাম।” অন্য একজন বলছেন, “যখন আবদুল মালিকের মৃত্যু উপস্থিত হয়, তখন তিনি তাঁর ছেলেদেরকে ডাকেন এবং তাদেরকে ওসীয়ত করেন। তারপর বলেন, “সমস্ত প্রশংসা এমন আল্লাহর, যিনি তার সৃষ্টির মধ্য হতে ছেট বড় কাউকেও জিজ্ঞাসা করবেন না। তারপর তিনি নীচের কবিতাটি আবৃত্তি করেন “যাদেরকে আমি ধ্রংস করে দিয়েছি তাদের মধ্যে কেউ কি চিরস্থায়ী হয়ে আছে? আর যারা এখনও বাকী আছে তাদের মৃত্যু সম্পর্কে কি কোন প্রতারক আছে?

কথিত আছে যে, একবার আবদুল মালিক তার কামরায় উপস্থিত ব্যক্তিবর্গকে বললেন, “আমাকে একটু উপরে উত্তোলন কর!” তারা তাকে উপরে উত্তোলন করল। তিনি মুক্ত হাওয়ায় নিঃশ্বাস নিলেন ও বললেন, “হে দুনিয়া! তুমি কতই পবিত্র! তোমার দীর্ঘকালও ক্ষণস্থায়ী। আর তোমার ধূর সম্পদ ও আধিরাতের তুলনায় অত্যন্ত স্বল্প। আমরা তোমার প্রতারণায় নিমজ্জিত ছিলাম। তারপর তিনি নীচের দুটি কবিতা আবৃত্তি করেন: “হে আল্লাহ! তুমি যদি আমার হিসাব নাও, তাহলে এটা হবে আমার জন্যে আযাব। আর এ আযাব সহ্য করা বা

মুকাবিলা করার শক্তি আমার নেই। যদি তুমি আমার অপরাধ উপেক্ষা কর, তাহলে তুমি আমার প্রতিপালক, যাটির ন্যায় আমার সম্মুদ্দয় শুনাহের অকল্যাণ মুছে দাও।” ঐতিহাসিকগণ বলেন : ৪:৮৬ হিজরীর শাওয়াল মাসের ১৫ তারীখ জুনুআর দিন দামেশকে তাঁর ইন্তিকাল হয়েছিল। কেউ কেউ বলেন : বুধবার দিন, আবার কেউ কেউ বলেন : বৃহস্পতিবার দিন তাঁর ইন্তিকাল হয়েছিল। তার উত্তরাধিকারী তাঁর ছেলে আল-ওয়ালীদ তাঁর সালাতে জানায় পড়ান। যেদিন তিনি ইন্তিকাল করেন তার বয়স ছিল ৬০ বছর।

উপরোক্ত বক্তব্যটি আবু মা'শার (র) ও পেশ করেছেন এবং আল্লামা ওয়াকিদী তা সত্য বলে মন্তব্য করেন। আল্লামা আল-মাদাইনী (র) বলেন : তাঁর বয়স ছিল ৬০ বছর। আবার কেউ কেউ বলেন, ৫৮ বছর বয়সে তিনি ইন্তিকাল করেন। বাবুল জাবীয়া আস-সাগীর নামক স্থানে তাকে দাফন করা হয়। ‘আল্লামা ইবন জারীর (র) বলেন : তার ছেলেমেয়ে ও স্ত্রীদের বর্ণনা নিম্নরূপ উল্লেখ করা হয়েছে :

আল-ওয়ালীদ, সুলায়মান, মারওয়ান আল-আকবর দারজ, আইশা; তাদের মাতার নাম : ওলাদাহ বিন্ত আল-আকবাস ইবন জুয় ইবন আল-হারিছ ইবন যুহায়র ইবন জুয়ায়মাহ ইবন রাওয়াহা ইবন রাবীআহ ইবন মায়িন ইবন আল-হারিস ইবন কুতায়আহ ইবন আবাস ইবন বুগায়ায়, ইয়ায়ীদ, মারওয়ান আল-আসগার; মুআবিয়া দারজ; উষ্মে কুলছুম তাদের মাতার নাম আতিকা বিন্ত ইয়ায়ীদ ইবন মুআবিয়া ইবন আবু সুফিয়ান; হিশাম, তার-মাতার নাম উষ্মে হিশাম আইশা বিন্ত হিশাম, ইবন ইসমাইল আল-মাখ্যুমী। আবু বকর তার নাম বিকার; তার মাতার নাম আইশা বিন্ত মূসা ইবন তালহা ইবন উবায়দুল্লাহ আত-তায়মী; আল-হাকাম দারজ; তার মায়ের নাম উষ্মে আয়ুব বিন্ত আমর ইবন উছমান ইবন আফ্ফান আল-উমুবী; ফাতিমা, তার মাতার নাম আল-মুগীরাহ বিন্ত আল-মুগীরা ইবন খালিদ ইবন আল-আস ইবন হিশাম ইবন আল-মুগীরা আল-মাখ্যুমী। আবদুল্লাহ; মাসলামাও; আল-মুনয়ার; আমবাসা; মুহাম্মদ; সা'দ আল-খায়র; আল-হাজ্জাজ, তাদের মাতা ছিলেন বিভিন্ন কাজেই, তাঁর ছেলেমেয়ের মোট সংখ্যা ছিল ১৯ জন। তাঁর খিলাফত মীআদ ছিল ২১ বছর। তার মধ্যে নয় বছর ছিল আবদুল্লাহ ইবন যুবায়রের সাথে আংশিকভাবে। আর ১৩ বছর সাড়ে তিন মাস ছিল এককভাবে। তার কায়ী ছিলেন আবু ইদরীস আল-খুলানী, তাঁর লিখক ছিলেন রাওহ ইবন যাদ্বা। তাঁর দারোয়ান ছিল তার শুলাম ইউসুফ, বায়তুল মাল ও সীলের রক্ষক ছিল কাবীসাহ। ইবন যুয়ায়ব, তার পুলিশ সুপার ছিল আবু আস-যুয়াইয়াহ। আল্লামা আল-মাদাইনী বলেন : তাঁর আরো স্ত্রী ছিলেন, যেমন শাকরা বিন্ত সালামাহ ইবন হালবাস আততায়ী; আলী ইবন আবু তালিবের কন্যা। তার পিতার মায়ের নাম বিন্ত আবদুল্লাহ ইবন জা'ফর। আর তিনি প্রায় এ বছরেই ইন্তিকাল করেন।

আরতাত ইবন যুক্তার

তাঁর পূর্ণ নাম আরতাত ইবন যুক্তার ইবন আবদুল্লাহ ইবন মালিক ইবন শান্দাদ ইবন দামরাহ ইবন গাক য়া'ন ইবন আবু হারিছাহ ইবন মুররাহ ইবন শিবাত ইবন নুমাইত ইবন মুররাহ ইবন আওফ ইবন সা'দ ইবন যুবইয়ান ইবন বুগায়দ ইবন রীস ইবন শুতফান আল-ওয়ালীদ আল-মায়ী। তিনি ইবন শাহবাহ বলে প্রসিদ্ধ ছিলেন। শাহবাহ তার মাতার নাম। তিনি বিন্ত রামিল ইবন মারওয়ান ইবন যুহায়র ইবন ছা'লাবাহ ইবন খাদীজ ইবন জাশাম ইবন কা'ব ইবন আওন ইবন আমির ইবন আওফ। তিনি ছিলেন কালব গোত্রের একজন বন্দিনী। তিনি ছিলেন দারার ইবন আয়ুবের কাছে গচ্ছিত। তারপর তিনি যুক্তারের মালিকানায়

পতিত হন। তখন তিনি ছিলেন অস্তঃসন্তু। আর তার উরসে তিনি আরতাতকে জন্ম দেন। আরতাত খুব বেশী হায়াত পান। তিনি একশত ত্রিশ বছর অতিক্রম করেছিলেন। তিনি ছিলেন একজন সরদার, ভদ্র, মাননীয় প্রশংসিত, কবি ও মিশুক। এটা আল্লামা মাদাইনীর অভিযন্ত। কথিত আছে যে, তা গাক্যান ইব্ন হানযালা ইব্ন, রাওয়াহা ইব্ন রাবীআ ইব্ন মায়িন ইব্ন আল-হারিসের গোত্রের লোকেরা মুররা শাবাহ-এর গোত্রে প্রবেশ করে। তখন তাদেরকে বনু গাক্যান ইব্ন আবু হারিচাহ ইব্ন মুরাহ বলে অভিহিত করা হয়। এ আরতাত ইব্ন যুফারকে আবুল ওয়ালীদ প্রতিনিধি হিসেবে আবদুল মালিকের কাছে প্রেরণ করেন। তখন তিনি নীচের কবিতাঙ্গলো পাঠ করেন :

আপনি যে লোকটিকে দেখতে পাচ্ছেন তাকে মহাকাল বিলুপ্ত করে দেবে। যেমন, পৃথিবী পরিত্যক্ত লোহাকে বিলুপ্ত করে দেয়। মৃত্যু যখন কোন আদম সন্তানের কাছে আগমন করে তখন তার কোন চিহ্নই বাকী রাখে না। আর তুমি জেনে রেখো, তা কিন্তু বার বার এসে থাকে। তারপর সে একদিন আবুল ওয়ালীদকে নিয়েও বিদায় হবে।” বর্ণনাকারী বলেন, এতে আবদুল মালিক কিছুটা ভীত হলেন এবং ধারণা করলেন কবিতায় হয়ত তাকেই বুবানো হয়েছে। আরতাত একুপ আঁচ করতে পেরে বললেন, হে আমীরুল মু’মিনীন! কবিতায় আমি আমার নিজকেই লক্ষ্য করে বলেছি। তপ্পন আবদুল মালিক বলেন, ‘আল্লাহর শপথ, মৃত্যুকালে তোমার উপর দিয়ে যা বয়ে যাবে আমার উপর দিয়েও তাই বয়ে যাবে। কেউ কেউ নিম্নে উল্লিখিত কবিতাঙ্গলোও সংযোজন করেন।

আমাদেরকে স্বাস-প্রস্বাস গ্রহণকারী ও জীবনধারণকারী হিসেবে সৃষ্টি করা হয়েছে তবে আমরা নিরাপদ নই। এমনকি লোহাও নিরাপদ নয় (স্থায়ী নয়)। যদি তুমি কখনও যুগ-যুগান্তরকে ভয় করে থাক তাহলে মনে রাখতে হবে যে, তুমি সুন্দর প্রসারিত আকাংখাকে কাজে লাগিয়েছ। তিনি আরো বলেন : আমি আমার মেহমানের সামনে লাঞ্ছিত হয়ে দাঁড়িয়ে রয়েছি। কেননা, কনসুস তার খাবারের উপর পর্দা আটকিয়ে দিয়েছে। সে ডেকে ছিল আমার উপর বিশ্বাস করে যে, আমিও সাড়া দিব। কিন্তু তার ডাকে সাড়া দিয়েছে বহু কুরু। আমার মেহমান ব্যতীত অন্য কোন একুপ দ্বিধাঘন্ট ব্যক্তি নেই যাকে তার আত্মা আমার সামনে রক্ষা করবে। তবে শুধু স্বীকৃতেরকে রক্ষা করাই তাদের ব্রত।

মুত্তারাফ ইব্ন আবদুল্লাহ ইব্ন আশ-শিখ্বীর

তিনি উচ্চ পর্যায়ের একজন তাবিজি। তিনি ইমরান ইব্ন হসায়নের সাথীদের অন্যতম। তিনি ঐ সব ব্যক্তিদের অস্তর্ভুক্ত যাদের দু’আ’ আল্লাহর দরবারে গ্রহণীয়। তিনি বলতেন, কাউকে আকল ও বিবেকবুদ্ধির অধিক কিছুই দেওয়া হয়নি। মানুষের আকল ও বুদ্ধিমত্তা তাদের যুগের সাথে সম্পৃক্ত। তিনি বলেন, যখন কোন বান্দার ভিতর ও বাহির অভিন্ন হয়, তখন মহান আল্লাহ বলেন, ‘আমার এ বান্দা হক বা সত্যবাদী। তিনি বলেন, “যখন তোমরা কোন ঝুঁপ ব্যক্তির কাছে প্রবেশ কর এবং এ ঝুঁপ ব্যক্তি তোমাদের জন্যে দু’আ করতে সামর্থ তাহলে বুঝতে হবে যে সে তার ব্যাধির জন্য গাফলতি ও অলসতা থেকে জাগ্রত রয়েছে, তার হৃদয়ের নম্রতা ও বিনয়ের জন্যে তার দু’আ মহান আল্লাহর কাছে গ্রহণযোগ্য।” তিনি আরো বলেন : “দুনিয়া অবেষীদের কাছে সবচেয়ে খারাপ হলো আখিরাতের আমল বা কাজ।”

দামেশ্কের জামি মসজিদের নির্মাতা আল-ওয়ালীদ ইব্ন আবদুল মালিক ইব্ন মারওয়ানের খিলাফত

বাবুল জাবিয়াতুস-সাগীর নামক জায়গার বাইরে খলীফা আবদুল মালিকের লাশ দাফনের পর যখন আল-ওয়ালীদ ফেরত আসেন, তখন তিনি আপন ঘরে প্রবেশ না করে দামেশ্কের বড় মসজিদের মিস্বরে আরোহণ করলেন; আর তা ছিল এ বছরের শাওয়াল মাসের ১৫ তারিখ বৃহস্পতিবার। কেউ কেউ বলেন, শুক্রবার। তিনি লোকজনের সামনে খৃত্বা দিলেন এবং বললেন; ইন্না লিল্লাহি ওয়া ইন্না ইলাইহি রাজিউন অর্ধাং আমরা আল্লাহর জন্যে এবং আল্লাহর দিকেই প্রত্যাবর্তন করব। আমীরুল মু'মিনীন সম্পর্কে আমরা যে মুসীবতে আছি এ ব্যাপারে আমাদের সাহায্যকারী আল্লাহ তা'আলা। আল্লাহ তা'আলা আমাদের যে খিলাফত দান করেছেন তাই মহান আল্লাহর জন্য সমস্ত প্রশংসা। আপনারা সকলে দাঁড়িয়ে যান এবং বায়আত করুন। তাঁর দিকে তখন প্রথম যে লোকটি এগিয়ে এল তাঁর নাম আবদুল্লাহ ইব্ন হুমায় আস-সালূলী। তিনি বলতেছিলেন : আল্লাহ তা'আলা আপনাকে এমন একটি নিআমত প্রদান করলেন যার থেকে বড় আর কিছু নেই। তবে অঙ্গীকারকারীরা তাঁর বিরোধিতা করার চেষ্টা করেছে। কিন্তু আল্লাহ তা'আলা আপনাকে ব্যক্তিত অন্য কাউকে এ নিয়ামত দান করতে চাননি। তাঁরপর আল্লাহ তা'আলা আপনাকে এ নিআমতের হার পরিধান করালেন।

তাঁরপর তিনি তাঁর বায়আত গ্রহণ করেন এবং জনগণ তাঁর পরে বায়আত গ্রহণ করেন।

আল্লামা আল-ওয়াকিদী (র) উল্লেখ করেন যে, তিনি আল্লাহর প্রশংসা করেন ও তাঁর তা'রীফ করেন। তাঁরপর বললেন : হে মানবমঙ্গলী! আল্লাহ তা'আলা যা দেরী করে প্রদান করেন তা অতি দ্রুত আনয়নকারী অন্য কেউ নেই। অন্যদিকে আল্লাহ তা'আলা যা অতি দ্রুত আনয়ন করেন তা অন্য কেউ দেরী করে আনয়ন করার মত নেই। আর এটা ছিল মহান আল্লাহর হৃকুম এবং বহু পূর্বেই তিনি নবীদের উপর আরশ-বহনকারী ও অন্যান্য ফেরেশতাদের উপর মৃত্যু সম্পর্কে লিখেছিলেন। আর এ মৃত্যু নেকবান্দাদের ঘরেও গমন করেছিল। আর নেককার বান্দারা এ উপ্তেরই অন্তর্ভুক্ত ছিলেন। অর্ধাং মহান আল্লাহ যাকে ইচ্ছে তাঁর উপরই মৃত্যু আপত্তি করেছিলেন। তিনি সন্দেহকারীর উপরে কঠিন হয়েছিলেন এবং ন্যায়পরায়ণ ও সংস্থানিত ব্যক্তিদের প্রতি বিনত হয়েছিলেন। আল্লাহ তা'আলা ইসলামের আলোকবর্তিকা কায়িম করেছিলেন এবং ইসলামকে উচ্চ মর্যাদা দান করেছিলেন। যেসব ব্যক্তি এ ঘরের হজ্জব্রত পালন করেন, এ সীমান্ত পর্যন্ত জিহাদ করেন, মহান আল্লাহর দুশমনের উপর লুঠনকার্য পরিচালনা করেন, আর এ লুঠনের ব্যাপারে অক্ষমতা প্রকাশ করেননি এবং সীমালংঘনও করেননি। তাঁদেরকে আল্লাহ তা'আলা মহাসম্মান দান করেছেন।

হে মানবমঙ্গলী! তোমাদের আনুগত্য করা উচিত এবং জমাআতকে আকড়িয়ে ধরা উচিত। কেননা, শয়তান হল বিচ্ছিন্ন ব্যক্তির সাথী। হে মানবমঙ্গলী! যে আমাদের ব্যাপারে নিজে সংগ্রাম শুরু করে আমরা তাঁর দুই চোখের উপর কঠোর আঘাত হানব, আর যে চুপ করে থাকে সে তাঁর ব্যাধি নিয়েই মৃত্যুবরণ করবে। তাঁরপর তিনি মিস্বর হতে অবতরণ করেন এবং লক্ষ্য করেন কেউ খিলাফতের বিরুদ্ধাচরণকারী আছে কি-না। তাঁদেরকে তিনি শাসালেন। আর তিনি ছিলেন অত্যন্ত কঠোর ও হিংস্র প্রকৃতির লোক। আল-ওয়ালীদের খিলাফত লাভ প্রসঙ্গে একটি গরীব হাদীস (যার কোন এক পর্যায়ে একজন বর্ণনাকারী পাওয়া যায়) বর্ণিত রয়েছে। আর এ হাদীসের নায়ক খোদ আল-ওয়ালীদ ইব্ন ইয়ায়ীদ ইব্ন আবদুল মালিক। যা পরে বর্ণনা করা হবে।

بَابُ الْأَخْبَارِ عَنِ الْفَيْوَبِ دَلَائِلُ النَّبُوَةِ

। নামক অধ্যায়ে বনু উমায়্যার খিলাফত সম্পর্কে বহু কিছু উল্লেখ করা হয়েছে। তর্বে বর্তমান আল-ওয়ালীদ ইব্ন আবদুল মালিক ব্যক্তিগত পর্যায়ে সতর্কতা অবলম্বন করতেন এবং সিদ্ধান্ত গ্রহণে অত্যন্ত বৃক্ষিমানের পরিচয় দিতেন। কথিত আছে যে, তিনি অজানা সিদ্ধান্তকে পদস্থ করতেন না। তার শুণাবলীর মধ্যে যা শুন্দরপে আমাদের কাছে এসে পৌছেছে, তার মধ্যে একটি হল যে, তিনি বলতেন, যদি আল্লাহ্ তা'আলা তাঁর ক্ষিতাবে লৃত (আ)-এর সম্প্রদায়ের ঘটনা বর্ণনা না করতেন, তাহলে আমরা ধারণা করতে পারতাম না যে, পুরুষ স্ত্রীলোকের ন্যায় পুরুষের উপরও উদ্বেগ হয়। এ ব্যাপারে অবশ্য তার জীবনীতে বিস্তারিত আলোচনা করা হবে। তিনি ছিলেন দামেশ্কের জামি মসজিদের নির্মাতা। এ এলাকায় একপ অত্যন্ত সুন্দর নির্মাণ কাজ আর ছিল না। এ বছরের যুল-কা'দাহ মাসে তার নির্মাণ কার্য আরম্ভ করা হয়েছিল। কিন্তু, তার নির্মাণ ও সৌন্দর্য বৃক্ষিক কাজটি তার খিলাফতের পূর্ণ সময় ব্যয় হয়েছিল। আর তা ছিল দশ বছর। যখন মসজিদের কাজ শেষ হয়, তখন তার খিলাফতের দিনগুলোরও সমাপ্তি ঘটে। যা পরে বিস্তারিত আলোচনা করা হবে। এ মসজিদের জায়গাটি ছিল একটি বিরাট ইয়াহুদী ও খৃষ্টানদের উপাসনালয়। এর নাম ছিল “কানীসায়ে ইউহান্না”। সাহাবায়ে কিরাম যশুন দামেশ্ক জয় করেন, তখন তারা এ উপাসনালয়টি সমান দুইভাগে ভাগ করেন। তার পূর্ব অংশের ভাগটি হস্তগত করেন এবং এটাকে মসজিদে পরিণত করেন। আর পশ্চিমের অংশটি ১৪ হিজরী হতে এ বছর পর্যন্ত উপাসনালয় হিসেবে বাকী থাকে। আল-ওয়ালীদ উপাসনালয়ের বাকী অংশটুকু হস্তগত করতে মনস্ত করলেন এবং কানীসায়ে-মারইয়াম এটার পরিবর্তে প্রদান করলেন। কেউ কেউ বলেন, কানীসায়ে ‘তোমার’ এটার পরিবর্তে দান করেন। বস্তুতঃ আল-ওয়ালীদ উপাসনালয়ের বাকী অংশটুকু ধ্বংস করেন এবং তা সাহাবায়ে কিরামের নির্মিত মসজিদের সাথে সংযোজন করেন। সমস্ত জায়গা মিলে তিনি এমন একটি সুন্দর মসজিদ নির্মাণ করেন যার নির্মাণ কাজ ও সৌন্দর্যের দিক দিয়ে অধিকাংশ লোকের কাছে অতুলনীয় ও নয়ীরবিহীন।

• ৮৭. হিজরীর প্রারম্ভ

এ বছরেই আল-ওয়ালীদ ইব্ন আবদুল মালিক-হিশাম ইব্ন ইসমাইলকে পবিত্র মদীনার আমীর পদ থেকে বরখাস্ত করেন এবং তার চাচাতো ভাই ও তার বোন ফাতিমা বিন্ত আবদুল মালিকের স্বামী উমর ইব্ন আবদুল আয়ীয়কে পবিত্র মদীনার আমীর নিযুক্ত করেন। তিনি রাবীউল আউয়াল মাসে ৩০টি বাহন নিয়ে পবিত্র মদীনায় প্রবেশ করেন। তিনি মারওয়ানের ঘরে অবতরণ করেন এবং জনগণ তাকে সালাম করার জন্যে তার কাছে আগমন করে। তখন তার বয়স ছিল ২৫ বছর। যুহুরের সালাত আদায় করার পর তিনি পবিত্র মদীনার দশজন ফকীহকে ডাকলেন। তারা হলেন : উরওয়াহ ইব্ন আয়-যুবায়র; উবায়দুল্লাহ্ ইব্ন আবদুল্লাহ্ ইব্ন উত্বাহ; আবু-বকর ইব্ন সুলায়মান ইব্ন খাইসামা; সুলায়মান ইব্ন ইয়াসার; আল-কাসিম ইব্ন মুহাম্মদ; সালিম ইব্ন আবদুল্লাহ্ ইব্ন উমর; তাঁর ভাই উবায়দুল্লাহ্ ইব্ন আবদুল্লাহ্ ইব্ন উমর; আবদুল্লাহ্ ইব্ন আমির ইব্ন রাবীআ; খারিজা ইব্ন যায়দ ইব্ন সাবিত। তাঁরা তাঁর কাছে প্রবেশ করলেন এবং আসন গ্রহণ করলেন। উমর ইব্ন আবদুল আয়ীয় মহান আল্লাহ্ হামদ করলেন এবং যথোচিত প্রশংসা করলেন। তারপর বললেন, আমি আপনাদেরকে একটি কাজের জন্যে ডেকেছি যার জন্যে আপনাদেরকে পুরক্ষায় দেওয়া হবে। আর এর স্বারা আপনারা সত্যের সাহায্য করবেন। আমি আপনাদের রায় ব্যতীত কোন কাজের

ফায়সালা করতে চাই না। অথবা আপনাদের মধ্যে যারা উপস্থিত থাকবেন তাদের অভিমত ব্যক্তি কোন কাজ সম্পাদন করতে চাই না। যদি আপনারা কাউকে যুলুম করতে দেখেন অথবা আপনাদের কাছে সংবাদ পৌছে যে, কোন কর্মচারী কোন প্রকার যুলুম করেছে তাহলে যার কাছে এ সংবাদ পৌছেছে সে যেন আমার বিরুদ্ধাচরণ করার পূর্বে আমার কাছে এ সংবাদটি পৌছায়। তখন তারা তার কাছ থেকে ভাল ধারণা নিষে বের হয়ে গেলেন এবং এ কথার উপর বিদায় হয়ে গেলেন। খলীফা আল-ওয়ালীদ উমর ইবন আবদুল আয়ীয়ের কাছে লিখলেন : হিশাম ইবন ইসমাইলকে যেন মাযওয়ানের ঘরে জনগণের জন্যে ন্যরবন্দী করে রাখা হয়। তিনি তার সঙ্গে খারাপ ধারণা পোষণ করছিলেন। কেননা, তিনি তার শাসনামলে পবিত্র মদীনাবাসীদের সাথে খারাপ আচরণ করছিলেন। তাঁর শাসনামল ছিল প্রায় চার বছর। তিনি বিশেষ করে সাইদ ইবনুল মুসায়িব ও আলী ইবনুল হুসায়নের সাথে দুর্ব্যবহার করেছিলেন। সাইদ ইবনুল মুসায়িব তার ছেলে ও অধীনস্থদেরকে বলেছিলেন, “তোমরা কেউ আমার জন্যে এ লোকটির সাথে সংঘর্ষে পতিত হবে না। এটা আমি আয়ীয়তার জন্যে ঘৃহন আল্লাহর কাছে ছেড়ে দিলাম। তবে আমি তার সাথে আর কোনদিনও কথা বলব না। আলী ইবনুল হুসায়ন তার কাছ দিয়ে গমন করছিলেন। আর তখন তিনি ছিলেন বন্দী। কিন্তু, তিনি তার সাথে কোন বাক্য ব্যয় করেননি। তিনি তার বিশিষ্ট লোকদেরকে বলে রেখেছিলেন তাদের কেউ যেন তার সাথে কোনপ্রকার বাক-বিতর্ণ জড়িত না হয়। যখন তিনি তার কাছ দিয়ে অতিক্রম করলেন ও তাকে কিছুই বললেন না। তখন হিশাম উচ্চস্থরে বললেন **أَلَّا يَعْلَمْ حَيْثُ يَجْعَلُ**, অর্থাৎ আল্লাহই ভাল জানেন যে কাকে তিনি দায়িত্ব দিবেন। এ বছরেই মাসলামা ইবন আবদুল মালিক রোমের শহরগুলোতে যুদ্ধ করেন। তিনি তাদের বহু লোককে হত্যা করেন। বহু দুর্গ জয় করেন এবং বহু যুদ্ধলক্ষ সম্পদ লাভ করেন। কথিত আছে যে, এ বছর যিনি রোমের বিভিন্ন শহরে যুদ্ধ করেন তিনি হলেন হিশাম ইবন আবদুল মালিক। তখন তিনি বৃলক দুর্গ, আল-আখরাম দুর্গ, বুহায়রাতুল ফারমাসান দুর্গ, বৃলস দুর্গ কুমায়কাম দুর্গ দখল করেন। প্রায় এক হাজার লোককে তিনি হত্যা করেন যারা অনারব। কিন্তু, আরবদের অন্তর্ভুক্ত হয়েছিলেন। আর তাদের ছেলে-মেয়েদেরকে বন্দী করেন।

এ বছরেই কুতায়বা ইবন মুসলিম তুরস্কের শহরগুলোতে যুদ্ধ করেন এবং তাদের শাসক নাইয়াক প্রচুর সম্পদের বিনিময়ে তার সাথে সঙ্গ করেন। আর অঙ্গীকার করেন যে, প্রতিটি শহরে যত মুসলিম বন্দী রয়েছে তাদেরকে বিমাশর্তে ছেড়ে দেবেন। এ বছরেই কুতায়বা বায়কান্দে যুদ্ধ করেন। তুর্কীদের বহু লোক বায়কান্দে কুতায়বার সাথে সাক্ষাত করেন বায়কান্দ বুখারার একটি প্রদেশ। যখন কুতায়বা তাদের অঞ্চলে আগমন করেন, তখন সুগদের বাসিন্দাসহ আশপাশের বহু তুর্কী জনগণ তার বিরুদ্ধে যুদ্ধ করতে আগমন করল। তাদের সংখ্যা ছিল বিরাট আকারের। তারা কুতায়বার রাষ্ট্র ও বহির্গমনের পথগুলো অবরোধ করে ফেলে। এতে কুতায়বার ও তার সাথীরা দুইমাসের জন্যে বন্দী হয়ে পড়েন। তিনি তাদের কাছে কোন দৃত প্রেরণ করতে পারেননি এবং তারাও তার কাছে কোন দৃত প্রেরণ করে নাই। হাজারের কাছে তাদের সংবাদ পৌছতে দেরী হয়ে গেল। এতে হাজার তার জন্যে ভীত হয়ে পড়লেন এবং তুর্কীদের সংখ্যা বেশী হওয়ায় তিনি মুসলমানদের নিরাপত্তা নিয়ে আশংকা করতে লাগলেন তিনি জনগণকে মসজিদে মসজিদে তাদের জন্যে দুআ করতে বললেন এবং এ মর্মে বিভিন্ন শহরে বন্দরে পত্র লিখলেন। কুতায়বা ও তার সাথী মুসলমানগণ দৈনিক তুর্কী সৈন্যদের সাথে যুদ্ধ করতেছিলেন। কুতায়বার একজন অনারব গুপ্তচর ছিল তার নাম ছিল তুন্দার।

বুখারার বাসিন্দাগণ তাকে প্রচুর সম্পদ প্রদান করেছিল এ শর্তে যে, সে কুতায়বার কাছে গমন করবে ও তাকে তাদের জন্যে অপমানিত করবে। সে তার কাছে চুক্ষি মুতাবিক আগমন করল এবং একাকী তার সাথে দেখা করার জন্যে আরয়ী পেশ করল। তখন তিনি তার সাথে একাকী সাক্ষাত করলেন। তার কাছে শুধুমাত্র একজন লোক ছিল যার নাম দিরার ইব্রান হাশিম। তুন্দার তাকে বলল : ইনি একজন কর্মচারী। আপনার কাছে হাজারের অব্যাহতি পত্র নিয়ে দ্রুত আগমন করেছেন আর আপনি যদি আপনার লোকজন নিয়ে মারভের দিকে অগ্রসর হন এটা হবে আপনার জন্যে মঙ্গলজনক। তখন কুতায়বা তার শিয়া নামী গোলামকে তার গর্দান কর্তৃন করার জন্যে হৃকুম দিলেন। গোলাম তাকে হত্যা করল। তারপর তিনি দিরারকে বললেন : তুমি ও আমি ব্যক্তিত অন্য কেউ এ ঘটনাটি দেখেও নাই শুনেও নাই। তাই আমি মহান আল্লাহর নামে অঙ্গীকার করছি যে, যদি এটা আমাদের যুদ্ধ শেষ হওয়ার পূর্বে প্রকাশ পায়, তাহলে আমি তোমাকে তার কাছে পৌছিয়ে দিব অর্থাৎ হত্যা করব। তাই তুমি তোমার জিহ্বাকে আমাদের ব্যাপারে সংযুক্ত রাখবে। কেননা, যদি বর্তমানে এটা প্রকাশ পায় তাহলে জনগণের সাহায্যে ভাটা পড়বে এবং দুশ্মনের জন্যে উৎসাহ বৃক্ষি পাবে।

তারপর কুতায়বা দুঃখযামান হলেন, জনগণকে যুদ্ধের জন্যে উৎসাহিত করলেন এবং বাণী বহনকারীদের কাছে গিয়ে তাদেরকেও উৎসাহিত করতে লাগলেন। তাতে জনগণ তুমুল যুদ্ধে অংশগ্রহণ করলেন। তারপর আল্লাহ তা'আলা মুসলমানদের উপর ধৈর্য ও সংযম নাযিল করেন আর দিনের অর্ধেক না হতেই আল্লাহ তা'আলা তাদের উপর বিজয় ও সাহায্য নাযিল করেন এবং তুর্কীরা চরম ও পরম পরায়ণ বরণ করে। মুসলমানগণ তাদের পশ্চাদনুসরণ করেন। তাদের বহু লোককে হত্যা করেন। তাদের বাকী সংখ্যক অধিবাসিগণ শহরে আশ্রয় নেয়। কুতায়বা কর্মীদেরকে আদেশ দিলেন যেন শহরটিকে ধ্বংস করে দেয়। তখন তারা প্রচুর সম্পদের বিনিময়ে সঞ্চির আবেদন করে। কুতায়বাহ তাদের সাথে সঞ্চি করেন এবং তাদের মধ্য থেকে একজনকে তাদের আমীর নিযুক্ত করেন। আর তার কাছে একদল সৈন্যও কর্তব্যে নিয়োজিত রাখেন। তারপর তিনি সেখান থেকে প্রত্যাবর্তন করেন। যখন তিনি তাদের থেকে ১৫ মাইল দূরে আসলেন তারা তাদের সঞ্চি ভঙ্গ করল, আমীরকে হত্যা করল এবং তাদের সাথে যারা ছিল তাদের নাক কেটে দিল। কুতায়বা তাদের কাছে প্রত্যাবর্তন করেন এবং তাদের সাথে যারা ছিল তাদের নাক কেটে দিল। কুতায়বা তাদের কাছে প্রত্যাবর্তন করেন এবং তাদেরকে একমাস যাবত অবরোধ করে রাখেন। দলনেতা ও কর্মীদেরকে হৃকুম দেন যেন তাদের নগর দেয়ালে কাঠখড়ি স্থাপন করা হয় ও তার মধ্যে ঝাঁপি সংযোগ করা হয়। ফলে নগর দেওয়াল ধসে পড়ে। চলিগ্রামক কর্মী নিহত হয়। তখন তারা সঞ্চির জন্য আবেদন করে। কিন্তু, কুতায়বাহ তা মেনে নিতে অঙ্গীকৃতি জানান। তারপর তিনি বিজয় লাভ করলেন এবং যোদ্ধাদেরকে হত্যা করলেন, আর তাদের ছেলে-মেয়েদেরকে বন্দী করা হলো এবং গনীমত হিসেবে প্রচুর অর্থসম্পদ অর্জিত হয়। মুসলমানদের বিরুদ্ধে একটি লোক সংগ্রাম করেছিল। সে ছিল কানা। তাকে বন্দী করা হলো। তখন সে বলল, “আমার জীবনের বিনিময়ে আমি ৫টি দায়ী চীনা কাপড় প্রদান করছি যার মূল্য এক লক্ষ মুদ্রা। আমাকে মুক্তি দিন। অন্যান্য নেতারা তা গ্রহণ করার জন্য কুতায়বাকে ইঙ্গিত করলেন কিন্তু কুতায়বা বললেন, না আল্লাহর শপথ, দ্বিতীয়বার কোন মুসলমানের ক্ষতি করার সুযোগ আর আমি তোমাকে প্রদান করব না। তারপর তিনি তাকে হত্যা করার হৃকুম দিলেন এবং তাকে হত্যা করা হয়। এটা পার্থিব সম্পদ থেকে বিরত থাকার একটি উজ্জ্বল দ্রষ্টান্ত। তারপর সে যে মুক্তিপণ দেওয়ার জন্যে প্রস্তাৱ করেছিল তাও পরে যুদ্ধলোক সম্পদের মধ্যে অস্তর্ভুক্ত হয়েছিল। কেননা, মুসলমানগণ বায়কান্দ হতে বহু

স্বর্ণ ও রূপার পাত্র ও স্বর্ণের মৃত্তি যুদ্ধলক্ষ সম্পদ হিসেবে লাভ করে। এগুলোর মধ্যে একটি ছিল সাবাক নামী একটি মৃত্তি তার থেকে এক লাখ পঞ্চাশ হাজার দীনার মূল্যমান স্বর্ণ পাওয়া গিয়েছিল। রাষ্ট্রীয় কোষাগারে মুসলমানগণ প্রচুর সম্পদ, বহুসংখ্যক বিভিন্ন রকমের অনুশঙ্কা পেয়েছিল। তারা প্রচুর পরিমাণ বন্দীও পেয়েছিল। কুতায়বা যুদ্ধলক্ষ সম্পদ, সেনা সদস্যদেরকে প্রদান করার জন্যে হাজারাজের কাছে পত্র লিখলেন। হাজারাজ তাকে অনুমতি দিলেন। ফলে, মুসলমানগণ সম্পদশালী হলেন। শক্রর বিরুদ্ধে যুদ্ধ করার শক্তি অর্জন করলেন। তাদের প্রত্যেকের কাছে প্রচুর সম্পদ জমা হয়। তারা বিভিন্ন রকম প্রচুর পরিমাণ অন্ত ও ঘোড়ার অধিকারী হন। এভাবে তারা সীমাহীন শক্তির অধিকারী হন। মহান আল্লাহর জন্যে সমস্ত প্রশংসা ও কৃতজ্ঞতা।

এ বছরেই পবিত্র মদীনার নাইব উমর ইব্ন আবদুল আয়ীয় (র) জনগণকে নিয়ে হজ্জবৃত্ত পালন করেন। তথায় তার কাষী ছিলেন আবু বকর ইব্ন মুহাম্মদ ইব্ন আমর ইব্ন হাযাম। ইরাক ও সমস্ত পূর্বাঞ্চল ছিল হাজারাজের অধীনে। বসরার নাযির ছিলেন আল জারাহ ইব্ন আবদুল্লাহ আল হাকামী। তথায় কাষী ছিলেন আবদুল্লাহ ইব্ন উয়ায়নাহ। কৃফায় যুদ্ধের পরিচালনায় ছিলেন যিয়াদ ইব্ন জারীর ইব্ন আবদুল্লাহ আল-বাজালী। তথায় কাষী ছিলেন আবু বকর ইব্ন আবু মুসা আল-আশআরী। খুরাসান ও তার বিভিন্ন অংশের নাইব ছিলেন কুতায়বা ইব্ন মুসলিম। এ বছরে যে সব ব্যক্তিত্ব ইন্তিকাল করেন তাদের মধ্যে নিম্নবর্ণিত ব্যক্তিবর্গ সূপ্রসিদ্ধঃ

উত্তবা ইব্ন আবদ আস-সুলামী (রা)

তিনি একজন সশ্বানী সাহাবী। হিমসে তিনি বসবাস করেন। বর্ণিত রয়েছে যে, বনু কুরায়য়ার যুদ্ধে তিনি অংশগ্রহণ করেছিলেন। আল-ইরবায় (রা) হতে বর্ণিত। তিনি বলতেন, তিনি ছিলেন আমার চেয়ে উত্তম। আমার এক বছর পূর্বে তিনি মুসলমান হয়েছিলেন। আল্লামা ওয়াকিদী ও অন্যরা বলেন, তিনি এ বছরেই ইন্তিকাল করেন। অন্যরা বলেন, ৯০ হিজরীর পর তিনি ইন্তিকাল করেন। মহান আল্লাহর অধিক পরিজ্ঞাত।

আবু সাঈদ ইবনুল আরাবী বলেন, উত্তবা ইব্ন আবদ আস-সুলামী আহলে সুফ্ফার অস্তর্ভুক্ত ছিলেন। বাকীয়াহ, বুজায়র, ইব্ন সাঁ'দ এবং তিনি, খালিদ ইব্ন মিদানের মাধ্যমে উত্তবা ইব্ন আবদ আস-সুলামী হতে বর্ণনা করেন। তিনি বলেন রাসূলুল্লাহ (সা) বলেছেন, যদি কোন ব্যক্তিকে তার জন্মদিন থেকে মৃত্যুদিন পর্যন্ত কিংবা বৃক্ষ বয়স পর্যন্ত মহান আল্লাহর সন্তুষ্টির মাঝে টেনে হেঁচড়ে নেওয়া হয়, তাহলেও কিয়ামতের দিন তাকে কিছুটা লাঞ্ছিত হতে হবে।

ইসমাইল ইব্ন আইয়াশ (র) উত্তবা ইব্ন আবদুস সালামী (রা) হতে বর্ণনা করেন। তিনি বলেনঃ আমি রাসূলুল্লাহ (সা)-এর কাছে বস্ত্রহীনতার অভিযোগ উত্থাপন করলাম। তখন তিনি আমাকে দুটি বস্তার কাপড় প্রদান করলেন। এখন তুমি আমাকে দেখছ আমি সাহাবায়ে কিরামকে কাপড় পরিধান করাচ্ছ।

আল-মিকদাম ইব্ন মা'দীকারব (রা)

তিনি একজন সশ্বানী সাহাবী ছিলেন। তিনিও হিমসে বসবাস করেন। তাঁর বর্ণিত অনেকগুলো হাদীস রয়েছে। একাধিক তাবিদ্বী তাঁর থেকে হাদীস বর্ণনা করেন। মুহাম্মদ ইব্ন সাঁ'দ আল-ফাল্লাস এবং আবু উবায়দাহ বলেনঃ তিনি এ বছরে ইন্তিকাল করেন। অন্যান্যরা বলেনঃ ৯০ হিজরীর পর তিনি ইন্তিকাল করেন। মহান আল্লাহর অধিক পরিজ্ঞাত।

আবু উমামাতুল বাহিলী

তাঁর নাম স্বাদা ইব্ন আজলান। তিনি হিমসে বসবাস করেন। তিনি তলকীনে মায়িত অর্থাৎ দাফনের পর মৃত ব্যক্তিকে কালিমা ইত্যাদি শ্বরণ করিয়ে দেওয়ার হাদীসটির বর্ণনাকারী। আত-তাব্রানী এ হাদীসটি আদ-দু'আ অধ্যায়ে বর্ণনা করেছেন। আল-ওয়াফীয়াত নামক কিতাবেও এর বর্ণনা এসেছে।

কাবীসা ইব্ন যুওয়ায়ব (রা)

তিনি ছিলেন, আবু সুফিয়ান আল-খায়ায়ী আল-মাদানী। তিনি পবিত্র মক্কা বিজয়ের বছর জন্মগ্রহণ করেন এবং তাঁর জন্মে দু'আ করার নিমিত্তে তাকে রাসূলুল্লাহ (সা)-এর কাছে আনয়ন করা হয়। তিনি সাহাবায়ে কিরামের একটি বিরাট দল হতে হাদীস বর্ণনা করেন। হার্রার দিন তার চোখ নষ্ট হয়ে যায়। তিনি পবিত্র মদীনার ফকীহদের অন্তর্ভুক্ত ছিলেন। খলীফা আবদুল মালিকের কাছে তার একটি বিশেষ মর্যাদা ছিল এবং অনুমতি ব্যতীত তিনি তার কাছে প্রবেশ করতেন। দেশের বিভিন্ন শহর হতে পত্র এলে তিনি এগুলো পাঠ করতেন। তারপর আবদুল মালিকের দরবারে প্রবেশ করতেন এবং বিভিন্ন শহরে কি ঘটেছে সে সম্বন্ধে আবদুল মালিককে সংবাদ পরিবেশন করতেন। তিনি তাঁর গোপন তথ্যের সংরক্ষণকারী। দামেশকের বাবুল বারীদে তাঁর একটি বাড়ি ছিল। তিনি দামেশকে ইন্তিকাল করেন।

উরওয়া ইবনুল মুগীরা ইব্ন শু'বাহ

কৃফায় তাঁকে হাজ্জাজের আমীর নিযুক্ত করা হয়। তিনি ছিলেন তদ্দ, বুদ্ধিমান এবং জনগণের কাছে অনুকরণীয় ও অনুসরণীয়। তিনি ছিলেন টেরা চক্রবিশিষ্ট। তিনি কৃফায় ইন্তিকাল করেন। তিনি মারভের কাষী ছিলেন। তিনিই প্রথম ব্যক্তি যিনি কুরআনুল কারীমের অক্ষরে নুকতার প্রবর্তন করেন। তিনি ছিলেন বিদ্বান ও জ্ঞানী লোকদের অন্যতম। তাঁর সম্পর্কে বহু ঘটনা ও বিষয়াদি বর্ণিত রয়েছে। তিনি ছিলেন বিশুদ্ধ ভাষাবিদদের অন্যতম। তিনি আবুল আসওয়াদ আদ-দুলী থেকে আরবী ভাষা শিখেছেন।

কাষী শুরায়হ ইব্ন আল-হারিছ ইব্ন কায়স

তিনি জাহিলিয়াতের যুগ পেয়েছেন। হয়রত উমর (রা) তাকে কৃফায় কাষী নিয়োগ করেন। তিনি সেখানে ৬৫ বছর কাষী ছিলেন। তিনি ছিলেন জ্ঞানী, ন্যায়বিচারক ও অধিক কল্যাণকারী, সচ্ছরিত্রিবান। তিনি ছিলেন খুব রঙ রহস্যময়ী। তার ছিল খুব কম দাঢ়ি। চেহারায় কোন চুল ছিল না। আবদুল্লাহ ইব্ন আয়-বুয়ায়র আহনাফ ইব্ন কায়স এবং কায়স ইব্ন সাদ ইব্ন উবাদাহও এরপ ছিলেন। তার বংশধারা, বয়স ও মৃত্যুর বছর নিয়ে মতভেদ দেখা যায়। ইব্ন খালিকান এ বছর তার মৃত্যু হয়েছে বলে অগ্রাধিকার ভিত্তিতে বর্ণনা করেন। আল্লামা ইব্ন কাষীর (র) বলেন, আমি ৭৮ হিজরীতে কাষী শুরায়হের মৃত্যু বর্ণনা করে সেখানে বর্তমান বর্ণনা ব্যতীত বহুকিছু বর্ণনা করেছি।

৮৮ হিজরীর প্রারম্ভ

এ বছরেই মাসলামাহ ইব্ন আবদুল মালিক ও তার ভাতিজা আববাস ইব্ন আল-ওয়ালীদ ইব্ন আবদুল মালিক আস-সাইফার যুদ্ধ করেন। তারা মুসলমানদেরকে সাথে নিয়ে এ বছরেই জুমাদাল-উলা মাসে তাওয়ানাহ দুর্গ জয়লাভ করেন। আর এ দুর্গটি ছিল দুর্বল্য। জনগণও তার সমীপে তুমুল যুদ্ধ করে। তারপর মুসলমানরা খৃষ্টানদের উপর হামলা করেন ও তাদেরকে

পরাজিত করেন এমনকি তাদেরকে নিজ উপাসনালয়ে প্রবেশ করতে বাধ্য করেন। এরপর খৃষ্টানরা নিরপায় হয়ে তথা হতে বের হয়ে আসে এবং মুসলমানদের উপর হামলা করে। মুসলমানগণ পরাজিত হয়। আল-আবৰাস ইব্ন আল-ওয়ালীদ ও মুহায়রীযুল জামহী ব্যতীত তাদের জায়গায় তারা কেউ রইল না। তখন আল-আবৰাস ইব্ন মুহায়রীয়কে বললেন : কুরআনের কারীগণ কোথায় ? যারা শুধু মহান আল্লাহর সভৃষ্টির প্রত্যাশা করে। তখন তিনি বললেন : তাদেরকে ডাক। তোমার কাছে তারা চলে আসবে। তিনি তখন ডাকলেন : হে কুরআনের ধারকগণ ! তোমরা অতি সতৃ এখানে আগমন কর। জনগণ প্রত্যাবর্তন করল এবং খৃষ্টানদের উপর হামলা করল ও তাদেরকে পরাজিত করল। তারা দুর্গে আশ্রয় নিল। তখন তারা তাদেরকে অবরোধ করল ও এরপর তারা দুর্গটি জয় করে নিল।

ইব্ন জারীর উল্লেখ করেন : এ বছরের রাবিউল আউয়াল মাসে আল ওয়ালীদের তরফ থেকে উমর ইব্ন আবদুল আয়ীয়ের কাছে একটি পত্র পৌছে। এ পত্রে আল ওয়ালীদ উমর ইব্ন আবদুল আয়ীয়কে আদেশ দেন যেন, মসজিদে নববীকে ধ্রংস করা হয়, রাসূলুল্লাহ (সা)-এর স্তূপের ছজরাণলো সম্প্রসারণ করা হয়। আর মসজিদে নববীকে কিবলার দিকসহ চতুর্দিকে সম্প্রসারণ করা হয়। এমনকি দুইশত গজের মধ্যে যেন দুইশত গজ বৃক্ষ করা হয়। এলাকায় জমির যে সব মালিক জমি বিক্রি করতে চায় তাদের থেকে জমি কিনে নাও অন্যথায় জমির ন্যায্য মূল্য স্থির কর। তারপর জমিকে প্রয়োজনে ধ্রংস ও পুনর্নির্মাণ কর এবং জমির মালিকদেরকে ন্যায্য মূল্য প্রদান কর। কেননা, একাজে হ্যরত উমর (রা)ও হ্যরত উচ্চান (রা) হতে তোমার জন্য নমুনা রয়েছে। উমর ইব্ন আবদুল আয়ীয় বিশিষ্ট লোক, দশজন ফকীহ ও পবিত্র মদীনাবাসীদেরকে ডেকে জমায়েত করেন এবং তাদের কাছে আমীরুল মু'মিনীন আল-ওয়ালীদের পত্র পড়ে শুনান। তাদের কাছে এটা অত্যন্ত কষ্টকর বলে মনে হল। আর তারা বলতে লাগল : এ কুর্তুরীগুলোর ছাদ ছোট, আর ছাদগুলো খেজুরের ডালা দ্বারা নির্মিত। দেওয়ালগুলো কাঁচা ইটের তৈরী। দরজাগুলোতে রয়েছে চামড়ার পর্দা। এগুলো নিজ নিজ অবস্থায় রেখে দেওয়া ভাল। তাহলে হজব্রত পালনকারী, যিয়ারতকারী ও পর্ষটকগণ এগুলোর প্রতি দৃষ্টি নিষ্কেপ করবে এবং রাসূলুল্লাহ (সা)-এর ঘরগুলোর প্রতি লক্ষ্য করবে। এগুলোর দ্বারা উপকৃত হবে ও শিক্ষা গ্রহণ করবে। আর এগুলো তাদেরকে দুনিয়া থেকে পরহেয় করা ও সর্তকতা অবলম্বন করার দিকে বেশী আহ্বান করবে। তখন তারা প্রয়োজনের অতিরিক্ত দুনিয়াকে আবাদ করবে না। দুনিয়া যতদ্রু তাদেরকে খাওয়া পরার ব্যবস্থা করবে এতদ্রুই তারা প্রত্যাশা করবে। তারা একথা ও বুঝতে পারবে যে, বৃহদাকারের নির্মাণ কাজ ফিরআউনী ও পারস্য দেশীয় সভ্যতারই অঙ্গ বিশেষ। আর প্রতিটি দীর্ঘ প্রত্যাশা দুনিয়ার দিকে আকৃষ্ট করবে ও তথায় চিরস্থায়ী হওয়ার দিকে প্ররোচিত করবে। এরপর উমর ইব্ন আবদুল আয়ীয় পূর্বে উল্লিখিত দশজন ফকীহর সিদ্ধান্ত সম্পর্কে আমীরুল মু'মিনীন আল ওয়ালীদকে অবগত করালেন। খলীফা তার কাছে পুনরায় পত্র লিখলেন এবং তাকে আদেশ দিলেন যেন পুরানো মসজিদকে ধ্রংস করে নতুন মসজিদের ভিত্তি উল্লিখিত সিদ্ধান্ত মুতাবিক রাখা হয় এবং ছাদকে সুউচ্চ করা হয়। উমর ধ্রংস করা ব্যতীত অন্য কোন পস্তু খুঁজে পেলেন না। তিনি যখন পুরানো মসজিদ ধ্রংস করতে লাগলেন তখন বনূ হাশিম অন্যান্য গোত্রের গণ্যমান্য ব্যক্তিবর্গ উচ্চস্থরে ক্রন্দন করতে লাগলেন। রাসূলুল্লাহ (সা) যেদিন ইন্তিকাল করেছিলেন, সেদিন তারা যেকোন ক্রন্দন করেছিলেন আজকের দিনেও তারা একাপ ক্রন্দন করতে লাগলেন। মসজিদের আওতায় যাদের জমি ছিল তাদের থেকে জমি কেনা হলো এবং মসজিদ তৈরীর কাজ জোরে

সোরে শুরু হল। উমর ইব্ন আবদুল আয়ীয় এদিকে অত্যন্ত মনোযোগ দিলেন। অন্যদিকে খলীফা আল-ওয়ালীদও বহু নির্মাতাদের তার কাছে প্রেরণ করলেন। রাসূলুল্লাহ (সা)-এর হজরা তথা আইশা (রা)-এর হজরা মসজিদের মধ্যে চুকে গেল। অনুরূপভাবে রওয়া মুবারকও মসজিদে চুকে পড়ল। এটার সীমানা ছিল পূর্বদিকে। এরপে অন্যান্য ঝীলের হজরাগুলোও মসজিদে চুকে পড়ল। এরপই আল-ওয়ালীদ নির্দেশ দিয়েছিলেন। বর্ণিত আছে যে, যখন তারা হয়রত আইশা সিদ্দীকা (রা)-এর হজরার পূর্ব দিকের দেওয়াল খুদার কাজ আরম্ভ করল তখন একটি পা প্রকাশ হয়ে পড়ল। সকলে ভয় পেয়ে গেলেন যে, এটা হয়ত রাসূলুল্লাহ (সা)-এর পা হবে। পরে তারা নিশ্চিত হলেন যে, এটা ছিল উমর (রা)-এর পা মুবারক। এটাও কথিত আছে যে, সাউদ ইবনুল মুসায়িব (র) আইশা সিদ্দীকা (রা)-এর হজরা মসজিদে চুকাতে অঙ্গীকার করেছিলেন। তিনি যেন কবরকে মসজিদ হিসেবে গণ্য করার ভয় করতে ছিলেন। পবিত্র আল্লাহ অধিক পরিজ্ঞাত।

ইব্ন জারীর (র) উল্লেখ করেন আল ওয়ালীদ রোমের স্মাটের কাছে পত্র লিখেন এবং তাকে নির্মাণ কারিগর প্রেরণ করার জন্যে অনুরোধ করেন। তিনি তখন তার কাছে একশত কারিগর প্রেরণ করেন এবং মসজিদে নববীর জন্যে বহু পাথর প্রেরণ করেন। যা সাধারণত আংটির মধ্যে ব্যবহৃত হয়। প্রসিদ্ধ হল এ যে, এগুলো দামেশ্কের মসজিদের জন্যে আনয়ন করা হয়েছিল। মহান আল্লাহ অধিক পরিজ্ঞাত। আল-ওয়ালীদ উমর ইব্ন আবদুল আয়ীয়ের কাছে লিখেছিলেন— যেন পবিত্র মদীনায় ফোয়ারা খনন করা হয় এবং পবিত্র মদীনায় পানি প্রবাহিত করা হয়। তিনি তা করলেন। তাঁকে আরো হৃকুম দেওয়া হল পবিত্র মদীনায় যেন পানির নহর খনন করা হয়, সাধারণ রাস্তা ও পাহাড়িয়া রাস্তাগুলো সংক্ষার ও মসৃণ করা হয়। পবিত্র মদীনার ভূপৃষ্ঠে ফোয়ারা থেকে পানি জারী করা হয় আর পবিত্র মদীনার মসজিদে নববীর আঙিনারও ফোয়ারা জারী করা হয় যা দেখতে অতিশয় বিশ্বয়কর বলে প্রতীয়মান হয়।

এ বছরেই কুতায়বা ইব্ন মুসলিম তুর্কী বাদশা, চীনের বাদশার বোনের ছেলে কুর বুগানুনের বিরুদ্ধে যুদ্ধ করেন। তার সাথে ছিল দুই লাখ যোদ্ধা। তারা হল চুগদ পরগনা ও অন্যান্য জায়গার বাসিন্দা। তাদের মধ্যে তুমুল যুদ্ধ হল। কুতায়বা ইব্ন মুসলিম তাদেরকে চূর্ণ-বিচূর্ণ করে দেন। তাদের থেকে প্রচুর গন্মতের মাল লাভ করেন। তাদের অনেককে হত্যা করেন ও বহু লোককে বন্দী করেন।

এ বছরেই শোকজন নিয়ে উমর ইব্ন আবদুল আয়ীয় হজরতের পালন করেন। তাঁর সাথে কুরায়শদের সম্মানিত ব্যক্তিবর্গ ছিলেন। যখন তিনি তাময়ীম পৌছেন পবিত্র মকাবাসীদের একটি বিরাট দল তার সাথে সাক্ষাত করেন এবং তাকে সংবাদ দেন যে, কম বৃষ্টিপাতার দরক্ষ পবিত্র মকায় পানির অভাব দেখা দিয়েছে। তখন তিনি তার সাথীদের বললেন, আমরা কি বৃষ্টির জন্যে প্রার্থনা করব না? তখন তিনি দু'আ করলেন এবং জনগণও দু'আ করলেন। তারা দু'আ করতে থাকেন যতক্ষণ না তারা বৃষ্টির মধ্যে ভিজে গেলেন। তারা বৃষ্টি সহকারে পবিত্র মকায় প্রবেশ করেন। বিরাট বন্যা দেখা দিল এমনকি পবিত্র মকাবাসীরা অতিরিক্ত বৃষ্টির কারণে ভীত সন্তুষ্ট হয়ে পড়লেন। আরাফাত, মুয়দালিফা ও মীনায় অত্যন্ত বৃষ্টিপাত হয়। আর এ বছর পবিত্র মকায় ও আশেপাশের এলাকায় তরি-তরকারির প্রাচুর্য দেখা যায়। আর এটা ছিল উমর ইব্ন আবদুল আয়ীয় ও তার সাথে সফররত নেক্কার বান্দাদের দু'আর কারণে। এ বছরে শহরসমূহের শাসনকর্তাগণ নিজ পদে বহাল ছিলেন। বিশিষ্ট ব্যক্তিবর্গের মধ্যে যারা এ বছর ইন্তিকাল করেছেন :

আবদুল্লাহ ইব্ন বুসর ইব্ন আবু বুসর আল-মায়ানী (র)

তিনি তার পিতার ন্যায় একজন সম্মানিত সাহাবী ছিলেন। হিম্সে বসবাস করতেন। এক জামাআত তাবিঙ্গ তাঁর থেকে হাদীস বর্ণনা করেন। আল্লামা আল-ওয়াকিদী বলেন : তিনি এ বছরে ৯৪ বছর বয়সে ইন্তিকাল করেন। কেউ কেউ বলেন, তিনি সিরিয়ায় সর্বশেষ সাহাবী হিসেবে ইন্তিকাল করেন। হাদীসে বর্ণিত রয়েছে যে, তিনি এক শতাব্দী জীবিত থাকবেন। তাই তিনি একশত বছর জীবিত ছিলেন।

আবদুল্লাহ ইব্ন আবু আওফা (রা)

তাঁর পূর্ণ নাম ছিল আবদুল্লাহ ইব্ন আবু আওফা আলকামা ইব্ন খালিদ ইব্ন আল-হারিছ আল-খুয়াটি ও পরে আল-আসলামী। তিনি একজন সম্মানী সাহাবী ছিলেন। তিনি ছিলেন কৃফায় জীবিত সর্বশেষ সাহাবী। আল্লামা ইমাম বুখারীর অভিমত অনুযায়ী তাঁর মৃত্যু হয়েছিল ৮৯ কিংবা ৮৮ হিজরীতে। আল্লামা ওয়াকিদী ও একাধিক ব্যক্তির মতে তিনি ৮৬ হিজরীতে ইন্তিকাল করেন। তিনি শতবছর অতিক্রম করেন। আর কেউ কেউ বলেন, একশত বছরের নিকটবর্তী হয়েছিলেন।

হিশাম ইব্ন ইসমাইল

তাঁর পূর্ণ নাম হিশাম ইব্ন ইসমাইল ইব্ন হিশাম ইব্ন আল-ওয়ালীদ আল-মাখযুমী আল-মাদানী। তিনি আবদুল মালিক ইব্ন মারওয়ানের শিশুর কুলের আঙ্গীয় ও পবিত্র মদীনার নাইব ছিলেন। তিনিই সাঈদ ইব্নুল মুসায়িব (র)-কে প্রত্যাহার করেছিলেন। তারপর তিনি দামেশকে আগমন করেন এবং সেখানে ইন্তিকাল করেন। তিনিই প্রথম ব্যক্তি যিনি দামেশকের জামে মসজিদে কুরআন শিক্ষার প্রচলন শুরু করেন।

উমায়র ইব্ন হাকীম

তিনি হলেন : উমায়র ইব্ন হাকীম আল-আনাসী আশ-শামী। তাঁর বর্ণিত একটি হাদীস রয়েছে। তিনি এবং আবল আবইয়ায ইব্ন মুহায়রীয ব্যক্তীত অন্য কেউ সিরিয়ায় হাজাজের দোষ-ক্রটি ধরতে পারেনি। তিনি এ বছরেই রোম শহর তাওয়ানার যুদ্ধে নিহত হন।

৮৯ হিজরীর আগমন

এ বছরেই মাসলামা ইব্ন আবদুল মালিক ও তার চাচাতো ভাই আল-আববাস রোমের শহরগুলোতে যুদ্ধ করেন। বহু লোককে হতাহত করেন এবং বহু দুর্গ জয়লাভ করেন। এগুলোর মধ্যে সূরিয়া, উম্রিয়া, হারকিলা ও কামুদিয়া দুর্গ প্রসিদ্ধ। তারা প্রচুর যুদ্ধলক্ষ সম্পদ লাভ করেন ও সেনাবাহিনীর একটি বিরাট দলকে বন্দী করেন। এ বছরেই কুতায়বা ইব্ন মুসলিম আস-সুগদের শহরসমূহ, নসফ ও কাশ শহরে যুদ্ধ করেন। সেখানে তার সাথে বহু তুর্কীরা মুকাবিলা করে। তিনি তাদের উপর জয়লাভ করেন ও তাদের অনেককে হত্যা করেন। তারপর তিনি বুখারার দিকে প্রত্যাগমন করেন। সেখানেও বহু তুর্কী সৈন্য তার সাথে মুকাবিলা করে। তিনি দুই দিন দুই রাতে খিরকান নামক এক জায়গায় তাদেরকে প্রাপ্ত করেন ও তাদেরকে হত্যা করেন। এ সম্পর্কে নাহার ইব্ন তাও সুআহ করি বলেন :

“তাদের জন্যে খিরকান নামক স্থানে মৃত্যু রাত্রি যাপন করে আর খিরকানে আমার রাত্রি ও ছিল দীর্ঘস্থায়ী।”

তারপর বুখারার খায়া নামক স্থানে অবস্থিত ওয়ারদানের প্রতি কুতায়বাহ রওয়ানা হন। ওয়ারদানের সাথে তুমুল যুদ্ধ হয়। কিন্তু কুতায়বা জয়লাভ করতে পারেননি। তাই তিনি মারভের দিকে প্রত্যাবর্তন করেন। হাজ্জাজের পত্র নিয়ে ডাক-হরকরা তার কাছে পৌছল। পত্রে তিনি তাকে ইসলামের দুশ্মন থেকে পালানোর জন্যে তিরঙ্গার করলেন। তার কাছে লিখলেন তিনি যেন হাজ্জাজের কাছে বুখারা শহরের নকশা প্রেরণ করেন। তিনি তার কাছে নকশা প্রেরণ করেন। তখন হাজ্জাজ তাকে লিখল তিনি যেন তথায় ফেরত যান, শুনাহ থেকে আল্লাহর কাছে তাওবা করেন এবং অমুক অমুক জায়গা দিয়ে সেখানে আক্রমণ করেন। ধোকাবায়ী না করেন ও রাস্তাঘাট নষ্ট না করেন।

এ বছরেই আল-ওয়ালীদ ইব্ন আবদুল্লাহ মালিক, খালিদ ইব্ন আবদুল্লাহ আল-কাসরীকে পবিত্র মক্কার আমীর নিযুক্ত করেন। তখন তিনি আল-ওয়ালীদের হৃকুমে তাওয়া গিরিপথ ও আল-হাজুন গিরিপথের মধ্যে একটি কুয়া খনন করেন। এ কুয়ায় মিঠা ও পবিত্র পানি আসতে লাগল এবং জনগণও তার পানি পান করতে লাগল।

আল্লামা আল-ওয়ালীদ (র) বর্ণনা করেন। তিনি বলেন, বন্ধু মাখ্যুমের আযাদকৃত গোলাম নাফি' হতে উমর ইব্ন সালিহ্ বর্ণনা করেন। তিনি বলেন, আমি খালিদ ইব্ন আবদুল্লাহ আল-কাসরী হতে শুনেছি। তিনি জনগণকে খুত্বাহ দেওয়ার সময় পবিত্র মক্কার মিথরে দাঁড়িয়ে বলেনঃ হে মানবমণ্ডলী! কে বড়? এক ব্যক্তি জনগণের খলীফা আর অন্যজন হলেন তাদের কাছে প্রেরিত রাসূল। আল্লাহর শপথ, তোমরা কেন খলীফার শ্রেষ্ঠত্ব বুঝতেছ না? তবে হ্যরত ইবরাহীম খালীলুল্লাহ পানি চেয়েছিলেন। তাকে লবণাক্ত পানি দান করা হয়েছিল। আর খলীফা পানি চেয়েছিলেন তাকে মিঠা পানি দান করা হয়েছিল। অর্থাৎ তিনি তাওয়া গিরিপথ ও আল-হাজুন গিরিপথে কুয়া খনন করেছিলেন এবং তা দিয়ে পানি বহন করতেছিলেন। আর যমযমের পাশে নির্মিত একটি চামড়ার হাউসে সংরক্ষিত রাখতেছিলেন যাতে যমযমের উপর খননকৃত কুয়ার শ্রেষ্ঠত্ব প্রমাণিত হয়। বর্ণনাকারী বলেন, পরে এ কুয়াটি নষ্ট হয়ে যায় ও তার পানি শুকিয়ে যায়। আজ পর্যন্ত তার সঠিক স্থান আর খুঁজে পাওয়া যায়নি। উপরোক্ত বর্ণনাটির সনদ গরীব বা দুর্বল। আর যদি এরূপ ঘটনাও কথা শুন্দ হয়ে থাকে, তাহলে এটা কুফরীর শামিল। আল্লামা ইব্ন কাসীর (র) বলেনঃ আমার অভিমত হল, খালিদ ইব্ন আবদুল্লাহ হতে এরূপ কোন কথা শুন্দরূপে বর্ণিত হয়নি। আর যদি শুন্দ হয় তাহলে সে আল্লাহর দুশ্মন। হাজ্জাজ ইব্ন ইউসুফ থেকেও এরূপ বর্ণনা রয়েছে বলে কেউ কেউ মনে করেন। হাজ্জাজ ইব্ন ইউসুফ নাকি খলীফাকে মহান আল্লাহর প্রেরিত রাসূল হতে শ্রেষ্ঠ মনে করত। উপরোক্ত কথাগুলোর উচ্চারণকারী কুফরীর শিকার হবে।

এ বছরেই কুতায়বা ইব্ন মুসলিম আবার তুর্কীদের বিরুদ্ধে যুদ্ধ করেন। এমনকি আয়ার বায়জান এলাকায় বাবুল আবওয়ার পর্যন্ত তিনি পৌঁছে যান সেখানে তিনি অনেকগুলো দুর্গ ও শহর জয়লাভ করে। এ বছরেই উমর ইব্ন আবদুল আয়ীয় জনগণকে নিয়ে হজ্জব্রত পালন করেন। ওস্তাদ আয়াহাবী (র) বলেন, এবছরেই সাকলিয়া ও মিউরাকা কেউ কেউ বলেন, মীরকা বিজয় হয়। এ দুটো দীপ সাগরে অবস্থিত। আন্দালুস শহরের খাদরা ও সাকলিয়া দীপের অস্তর্গত। এবছরেই মূসা ইব্ন নুসায়র তার ছেলেকে ফ্রাসের শহর আল-নাকরীসে প্রেরণ করেন। তিনি সেখানে অনেকগুলো শহর জয় করেন। এবছরে যেসব ব্যক্তিত্ব মৃত্যুবরণ করেছেন তাদের মধ্যে একজন হলেন আবদুল্লাহ ইব্ন ছালাবা ইব্ন সুআয়র। তিনি একজন দোষমুক্ত তাবিজ ও কবি ছিলেন। কেউ কেউ বলেন, তিনি রাসূলুল্লাহ (সা)-এর সাক্ষাত পেয়েছেন এবং রাসূলুল্লাহ (সা) তার মাথা মাসেহ করেছেন। আল্লামা যুহুরী (র) তাঁর থেকে বংশপরম্পরার জ্ঞান অর্জন করতেন।

৯০ হিজরীর আগমন

এ বছরেই মাসলামা ইব্ন আবদুল মালিক এবং আল-আবাস ইব্ন আল-ওয়ালীদ রোমের শহরগুলোতে যুদ্ধ করেন। দুইজনে মিলে রোমের বহু দুর্গ জয় করেন, বহু লোককে হত্যা করেন, প্রচুর গনীমত অর্জন করেন এবং বহু লোককে বন্দী করেন।

এ বছরেই রোমীয়রা নাবিক খালিদ ইব্ন কায়সানকে বন্দী করে এবং তারা তাকে নিয়ে তাদের বাদশাহৰ কাছে পৌঁছে। তখন রোমের বাদশাহ তাকে আল-ওয়ালীদ ইব্ন আবদুল মালিকের কাছে হাদিয়া স্বরূপ প্রেরণ করেন।

এ বছরেই আল-ওয়ালীদ তার ভাই আবদুল্লাহ ইব্ন আবদুল মালিককে মিসরের আমীরের পদ হতে বরখাস্ত করেন এবং কুর্রাহ ইব্ন শুরায়ককে সেখানের আমীর নিযুক্ত করেন।

এ বছরেই মুহাম্মদ ইব্ন আল-কাসিম সিন্ধুর রাজা দাহির ইব্ন সাস্মাহকে হত্যা করেন। আর এই মুহাম্মদ ইব্ন আল-কাসিম হাজাজের তরফ থেকে সেনাপ্রধান নিযুক্ত হয়েছিলেন।

এ বছরেই কুতায়বা ইব্ন মুসলিম বুখারা শহর জয়লাভ করেন এবং তুর্কীয় সকল দুশ্মনদেরকে পরাজিত করেন। তাদের মধ্যে বহু ঘটনা ঘটেছে যার বর্ণনা অত্যন্ত দীর্ঘ। ইব্ন জারীর তা বিস্তারিত বর্ণনা করেছেন।

এ বছরেই বুখারা বিজয়ের পর সুগদের বাদশাহ তারখুন কুতায়বার কাছে প্রতিবছর প্রচুর সম্পদ প্রদানের শর্তে সংক্ষি করার আবেদন জানায়। এ আবেদনে কুতায়বা সাড়া দেন এবং এ ব্যাপারে তার থেকে সংক্ষি গ্রহণ করেন।

এ বছরেই ওয়ারদান খায়ার জন্যে তুর্কীদের কাছে সাহায্য প্রার্থনা করেন। চতুর্দিক থেকে তারা তার সাহায্যে আগমন করেন। এটাকে কুতায়বা গ্রহণ করার পর ওয়ারদানই এখন বুখারার কর্ণধার। ওয়ারদান খায়াত্র পক্ষে সংগ্রাম করে এবং মুসলমানদের বিরুদ্ধে হামলা করে। আর তাদেরকে চূর্ণ-বিচূর্ণ করতে চায়। তারপর মুসলমানেরা ওয়ারদানও তার সাথীদের উপর হামলা করে এবং তাদের সাথে প্রচণ্ড যুদ্ধ হয়। কুতায়বা সুগদের বাদশাহৰ সাথে সংক্ষি করেন। আর অন্য দিকে বুখারা ও তার দুর্গগুলো জয়লাভ করেন। কুতায়বা তার সৈন্যদল নিয়ে নিজ শহরে প্রত্যাবর্তন করেন। হাজাজ তাকে এ ব্যাপারে অনুমতি প্রদান করেন। যখন তিনি তার নিজ শহরে প্রত্যাবর্তন করেন। তখন তার কাছে সংবাদ পৌঁছে যে, সুগদের বাদশাহ তুর্কী বাদশাহদের বলেছেন যে, আরবরা চোর, যদি তাদেরকে কিছু দান কর এটা নিয়ে এরা চলে যাবে। আর কুতায়বাহ্তও এক্ষণভাবে রাজ্য বিস্তারের আশা পোষণ করে। যদি তারা তাকে কিছু দান করে তা নিয়ে নিবে এবং তাদের থেকে প্রত্যাবর্তন করবে। কুতায়বা বাদশাহও নয় এবং রাজত্বও দাবী করবে না। যখন এ কথা কুতায়বার কাছে পৌঁছল, তখন সে তাদের কাছে প্রত্যাবর্তন করল। তুর্কী বাদশাহ নাইয়াক ‘মাওরাউন নাহার’-এর অন্যান্য বাদশাহ যেমন তালেকানের বাদশাহৰ কাছে পত্র লিখে জানাল। তিনিও কুতাইবার সাথে সংক্ষি করেছিলেন। তার ও কুতায়বার মধ্যে যে সংক্ষি ছিল সে তা ভংগ করল এবং তার বিরুদ্ধে সকল বাদশাহৰ কাছে সাহায্য প্রার্থনা করল। তার সাহায্যে বহু বাদশা এগিয়ে আসল। যারা কুতায়বার সাথে সংক্ষি করেছিল তারা সকলে সংক্ষি ভংগ করল এবং কুতায়বার বিরুদ্ধে তারা সংঘবদ্ধ হল। তারা রাবীউল আউয়াল মাসে হামলা করার প্রস্তুতি নিতে লাগল। একে অন্যের সাথে যোগাযোগ স্থাপন করে একথার উপর ওয়াদা অঙ্গীকার করতে লাগল যে, আগামী বছরের বসন্তকালে তারা

সকলে কৃতায়বার বিরলক্ষে যুদ্ধে নামবে। এ সময় কৃতায়বা তাদের সাথে এত বড় যুদ্ধ করলেন যে কেউ এত বড় যুদ্ধের কথা আর কোনদিন শুনেনি। বার মাইল পর্যন্ত সারিবদ্ধ করে তাদের উপর এক্রপ কঠোর আচরণ করেছেন। ফলে তারা একেবারে ছিন্ন ভিন্ন হয়ে পড়ল।

এবছরেই ইয়ায়ীদ ইব্ন আল-মুহাম্মাদ ও তার দুই ভাই আল-মুফায়্যাল ও আবদুল মালিক হাজ্জাজের কারাগারে থেকে পলায়ন করে সুলায়মান ইব্ন আবদুল মালিকের সাথে মিলিত হন এবং তিনি তাদেরকে হাজ্জাজ থেকে নিরাপত্তা প্রদান করেন। এর পূর্বে হাজ্জাজ তাদেরকে গ্রেফতার করেছিল এবং তাদেরকে বড় শাস্তি দিয়েছিল। আর তাদের থেকে জরিমানা আদায় করেছিল খোটি মুদ্রা। এভাবে ইয়ায়ীদ ইব্ন মুহাম্মাদকে অত্যন্ত কঠোর শাস্তি ভোগ করতে হয়েছিল। তারা যখন তার উপর কোন অত্যাচার করত তারা তাকে কোন প্রকার আওয়ায করতে দিতনা। কেননা, এতে হাজ্জাজ রাগার্বিত হয়ে যেত। এক ব্যক্তি হাজ্জাজকে বললেন, “ইয়ায়ীদের পিণ্ডলীতে তীরের আঘাতের চিহ্ন দেখা যায়। তীরের মাঝে সেখানে আটকিয়ে রয়েছে। যখনই ঐ জায়গায় কোন কিছু লাগত তখন সে উচ্চস্থরে চীৎকার করে উঠত সে তখন নিজেকে নিয়ন্ত্রণ করতে সম্ভব হতো না। তখন হাজ্জাজ তার ঐ জায়গায় শাস্তি দেওয়ার জন্যে ত্বকুম দিল। ইয়ায়ীদ চীৎকার করতে লাগল। তার বোন হিন্দ বিন্ত আল-মুহাম্মাদ চীৎকার শুনতে পেল, সেও ত্বন্দন করতে লাগল। তার জন্যে বিলাপ করতে লাগল। সে ছিল হাজ্জাজের স্ত্রী। হাজ্জাজ তখন তাকে তালাক দিল। তারপর তাদেরকে কারাগারে প্রেরণ করল। এরপর হাজ্জাজ কুর্দাদের তার বাধ্যগত রাখার জন্যে তাদের প্রতি সৈন্য মুতায়েন করার লক্ষ্যে কোন এক জায়গায় গমন করল এবং তাদের পাশে পরিষ্কা খনন করল ও তাদের প্রতি পাহারাদার নিযুক্ত করল। কোন এক রাতে ইয়ায়ীদ ইব্ন আল-মুহাম্মাদ অতিরিক্ত খাবার তৈরীর আদেশ দিলেন। পাহারাদারদের জন্য খাবার তৈরী হলো। তারপর সে কোন একজন বাবুর্চির পোশাক পরিধান করল এবং তার দাঢ়িতে সাদা রং লাগল ও বের হয়ে পড়ল। কোন এক পাহারাদার তাকে দেখল এবং বলতে লাগল এ ব্যক্তির হাঁটার ভঙ্গি, ইয়ায়ীদ ইব্ন আল-মুহাম্মাদের হাঁটার ভঙ্গির সাথে বেশী সামঞ্জস্যকর আর কারোর হাঁটা আমি দেখি নাই। এরপর নিশ্চিত হবার জন্যে সে তার পিছু নিল। কিন্তু, যখন তার সাদা দাঢ়ি দেখল, তখন সে তার থেকে ফিরে গেল। তারপর তার ভাইয়ের তার সাথে যোগ দিল এবং তারা জাহাজে উঠে গেল ও সিরিয়ার দিকে রওয়ানা হলো। তার পালানোর সংবাদ যখন হাজ্জাজের কাছে পৌছে এটার জন্যে তখন সে অস্পষ্টি বোধ করতে লাগল এবং তার ধারণা হলো যে, তারা হয়ত খুরাসানের দিকে পালিয়ে গেছে। সে কৃতায়বা ইব্ন মুসলিমকে পত্র লিখল এবং তাদের আগমনের ব্যাপারে অবহিত করল, ভয় দেখাতে লাগল এবং তাদেরকে ধরার জন্যে প্রস্তুতি নিতে বলল। আর প্রতিটি সংস্ক্রিত জায়গায় লোকজনকে ওঁৎপেতে থাকার জন্যে নির্দেশ দিতে বলল। সীমান্ত এলাকার আমীরদের কাছে তাদেরকে ধরার জন্যে পত্র লিখতে বলল। আমীরকুল মু'মিনীনকে তাদের পালিয়ে থাবার সংবাদ জানাবার জন্যে পত্র লিখল এবং বলল তার মনে হয় যে, তারা খুরাসানের দিকেই পালিয়ে গেছে। আর সে আশংকা করছে যে, ইব্নুল আশআছ যেতাবে পালিয়ে গিয়ে তার বিরলক্ষে সংগ্রাম করেছে ও জনগণকে তার বিরলক্ষে প্রয়োচিত করেছে ইয়ায়ীদও এক্রপ করবে। অন্যদিকে সংসার ত্যাগী সন্ন্যাসীর কথাও পরিগত হতে যাচ্ছে। তারা যখন জাহাজ থেকে অবতরণ করল তাদেরকে নেওয়ার জন্যে তার ভাই মারওয়ান ইব্ন আল-মুহাম্মাদ ঘোড়া তৈরী রেখেছিল। সে ঘোড়ায় আরোহণ করল এবং বনু কালবের একজন পথ প্রদর্শক আবদুল জব্বার ইব্ন ইয়ায়ীদ তাদেরকে পথ দেখিয়ে ত্বরিতগতিতে নিয়ে গেল। দু'দিন পর হাজ্জাজের কাছে

খবর পৌছল যে, ইয়ায়ীদ সিরিয়ার দিকে গমন করেছে। হাজ্জাজ ব্যাপারটি সম্বন্ধে অবগত করাবার জন্যে আল-ওয়ালীদকে পত্র লিখল। অন্যদিকে ইয়ায়ীদ জর্দানে ওহায়ব ইব্ন আবদুর রহমান আল-ইয়দীর কাছে অবতরণ করল। তিনি সুলায়মান ইব্ন আবদুল মালিকের কাছে সম্মানিত ব্যক্তি ছিলেন। ওহায়ব সুলায়মান ইব্ন আবদুল মালিকের কাছে গমন করলেন এবং তাকে বললেন, ইয়ায়ীদ ইব্ন আল-মুহাম্মাদ ও তাঁর ভাইয়েরা আমার ঘরে অবস্থান করছে। তারা হাজ্জাজ থেকে পরিত্রাণ পাওয়ার লক্ষ্যে আপনার আশ্রয় প্রার্থনার জন্যে আগমন করেছে। তিনি বললেন যাও তাদেরকে নিয়ে এস, আমি যত দিন জীবিত আছি, তারা আমার কাছে ততদিন নিরাপদে থাকবে। তিনি তাদের কাছে আগমন করলেন ও তাদেরকে নিয়ে সুলায়মান ইব্ন আবদুল মালিকের কাছে প্রবেশ করলেন। তিনি তাদেরকে নিরাপত্তা দিলেন এবং তার ভাই আল-ওয়ালীদের কাছে লিখলেন, আমি আল- মুহাম্মাদ পরিবারকে আশ্রয় দিয়েছি। হাজ্জাজ তাদের কাছে ত্রিশ লক্ষ মুদ্রা পাওনা আছে। এ সম্পদ আমার কাছে জমা আছে। আল-ওয়ালীদ তার কাছে লিখলেন, না, আল্লাহর শপথ, তুমি তাকে নিরাপত্তা দিয়ো না তুমি তাকে আমার কাছে প্রেরণ কর। তিনি আবার উত্তরে লিখলেন না, আল্লাহর শপথ, আমি তাকে প্রেরণ করব না; বরং আমি তাকে সাথে নিয়ে তোমার কাছে আগমন করব। হে আমীরুল মু'মিনীন! আমি আল্লাহর শপথ সহকারে তোমাকে বলছি তুমি আমাকে অপমানিত করো না কিংবা তুমি আমাকে আমার নিরাপত্তা বিধানে লজ্জিত করো না।

তখন তিনি তার কাছে পত্র লিখে বললেন, না, আল্লাহর শপথ, তুমি তার সাথে এসো না। তুমি তাকে আমার কাছে বেড়ি পরিয়ে প্রেরণ কর। তখন ইয়ায়ীদ বলল, আমাকে কারো দ্বারা তার কাছে প্রেরণ করুন। আমি চাই না যে আমাকে নিয়ে আপনার ও তার মধ্যে কোন প্রকার মতবিরোধ ও বিবাদ সৃষ্টি হোক। আমাকে তার কাছে প্রেরণ করুন। আর তার কাছে অনুরোধ জ্ঞাপন করে একটি পত্র লিখুন এবং আমার সাথে আপনার ছেলেকে প্রেরণ করুন। তারপর তিনি তাকে প্রেরণ করেন এবং তার সাথে তার ছেলে আয়ুবকেও প্রেরণ করেন। আর তার ছেলেকে বললেন, যখন তুমি দহলিজে প্রবেশ করবে তখন তুমি ইয়ায়ীদের সাথে শিকলে বাঁধা অবস্থায় প্রবেশ করবে তারা দুইজন অনুরূপ অবস্থায় প্রবেশ করল। আর আল-ওয়ালীদ যখন তার ভাতিজাকে শিকলে বাঁধা দেখলেন তখন বললেন, আল্লাহর শপথ, সে সুলায়মানের তরফ থেকে আমাদের কাছে পৌছেছে। আয়ুব তার চাচার কাছে তার পিতার পত্র হস্তান্তর করল এবং বলল, হে আমীরুল মু'মিনীন! আমার প্রাণ আপনার জন্যে উৎসর্গ হোক, আপনি আমার পিতার আশ্রয়ের ব্যাপারে তাকে লজ্জিত করবেন না। আর আপনিই তার সম্মান রক্ষার বেশী হকদার। আমাদের প্রতিবেশীর যারা আপনার সাথে আমাদের সম্পর্ক থাকার কারণে আমাদের থেকে যা আশা করে সে আশা থেকে আপনি তাদেরকে মেহেরবানী করে বষ্ঠিত করবেন না। আপনার সাথে আমাদের ইয়্যতের সম্পর্ক থাকার কারণে আমাদের থেকে যারা ইয়ত পাওয়ার আশা রাখে তাদেরকে আপনি অপমানিত করবেন না। তারপর আল-ওয়ালীদ সুলায়মান ইব্ন আবদুল মালিকের পত্রটি পড়লেন। পত্রে লিখা ছিল, আল্লাহর হামদ ও রাসূলুল্লাহ (সা)-এর না'তের পর সমাচার এই যে, হে আমীরুল মু'মিনীন! আমি ধারণা করি, যে শক্ত তোমার বিরোধিতা করেছে তোমার বিরুদ্ধে যুদ্ধ করেছে সে যদি আমার কাছে আশ্রয় চায় আর আমি তাকে যদি আপ্যায়ন করি ও তাকে আশ্রয় দান করি তাহলে তুমি আমার আশ্রিতাকে অপমান করবে না এবং তাকে লজ্জিতও করবে না। আমি বরং বাধ্যগত, অনুগত ও সাহসী ব্যক্তিকে আশ্রয় দিয়েছে। সে, তার পিতা ও তার পরিবারবর্গ ইসলামের সৃতি স্তুতি

স্বরূপ। আমি তাকে তোমার কাছে প্রেরণ করেছি। তুমি যদি আমাদের পারস্পারিক বিচ্ছিন্নতা চাও, আমার আশ্রিতাকে লজ্জা দিতে চাও এবং আমার অসন্তুষ্টি বৃক্ষি করতে চাও, তা তুমি করতে পার। আমি আমার বিচ্ছিন্নতা থেকে, আমার ইয্যত হুরমতের বিনষ্ট থেকে, আমি তোমার কাছে যা চাই তার প্রতিউত্তর প্রদান বর্জন এবং আমার সাথে সম্পর্কচ্ছেদ ইত্যাদি থেকে আল্লাহর আশ্রয় চাই। আল্লাহর শপথ, হে আমীরুল মু'মিনীন! আপনি জানেন না আমার ও আপনার আয়ু আর কতদিন আছে? আর আমরা এটাও জানি না যে, মৃত্যু কখন আমার ও আপনার মধ্যে বিচ্ছিন্নতা সৃষ্টি করবে। আমীরুল মু'মিনীনকে মহান আল্লাহ সব সময় সুখে রাখুন। তিনি যদি পারেন যে, মৃত্যুর সময়টাকে আমাদের কাছে আগমন থেকে বিরত রাখবেন তাহলে তিনি যেন এটা করেন অর্থ এটাত আমার কাছে পৌঁছবেই, আমার অধিকারকে আদায়ের সুযোগ দেবেনই এবং আমার অভাব অন্টন দূর করবেনই। আল্লাহর শপথ, হে আমীরুল মু'মিনীন! মহান আল্লাহর তাকওয়া ছাড়া আমি দুনিয়ার কোন বস্তুই আমার তরফ থেকে আপনার সন্তুষ্টি ও সুখ শান্তি অর্জনের জন্য নিয়োজিত করতে বাকী রাখি নাই। আর আপনার সন্তুষ্টি ও সুখ শান্তি আমার কাছে আমার সন্তুষ্টি ও সুখ শান্তি থেকে অধিক প্রিয়। যে বস্তুর মাধ্যমে আমি মহান আল্লাহর সন্তুষ্টি অর্জন করতে চাই তাহলো আপনার ও আমার মধ্যে ঘনিষ্ঠতা বজায় রাখা। হে আমীরুল মু'মিনীন! আপনি কোন একদিন আমার ঘনিষ্ঠতা, সম্মান ও আমার অধিকারকে অগ্রাধিকার দিয়েছেন। কাজেই আমার খাতিরে আপনি ইয়ায়ীদকে ক্ষমা করে দেন। আর আপনি যা কিছু চান তার সব কিছুর দায়িত্ব আমার উপরই রয়ে গেল।

আল-ওয়ালীদ যখন পত্রটি পড়লেন বললেন, আমরা সুলায়মানের প্রতি দয়াবান হলাম। তারপর তিনি তাঁর ভাতিজাকে ডাকলেন এবং তাকে নিকটবর্তী করলেন। ইয়ায়ীদ ইব্ন আল-মুহাম্মাদ কথা বলতে লাগলেন। তিনি প্রথমে মহান আল্লাহর হামদ ও প্রশংসা করলেন এবং তাঁর রাসূল (সা)-এর প্রতি দরদ প্রেরণ করেন। তারপর বলেন, হে আমীরুল মু'মিনীন! আপনার পরীক্ষাটি আমাদের কাছে উত্তম পরীক্ষা, কেউ এটা ভুলে যেতে পারে কিন্তু আমরা তা ভুলব না। কেউ এটা অঙ্গীকার করতে পারে কিন্তু আমরা তা অঙ্গীকার করব না। আপনাদের আনুগত্যের দরদ্দন আমাদের পরিবারের উপর দুঃখ নেমে আসে। পূর্ব ও পশ্চিমের বড় বড় জায়গাগুলোতে দুশ্মনেরা আমাদের বদনামে লিপ্ত হয়। কিন্তু এতে আমাদের ক্রতজ্ঞতা ও বিসর্জন তত বড় ছিল না। তখন তিনি তাকে বললেন, বসে যাও। তিনি বসে পড়লেন। তখন তিনি তাকে নিরাপত্তা প্রদান করলেন, তার ব্যাপারে নিরস্ত রইলেন ও তাকে সুলায়মানের কাছে ফেরত পাঠালেন। ইয়ায়ীদ সুলায়মানের আশ্রয়ে উত্তম অবস্থায় বসবাস করতে লাগলেন এবং তার কাছে বিভিন্ন রকম রূচিপূর্ণ খাদ্যের বিবরণ পেশ করতে লাগলেন। তিনি তার কাছে ছিলেন ভাগ্যবান। যখনই সুলায়মানের কাছে কোন হাদীয়া আসত অর্ধেকটা তার কাছে প্রেরণ করতেন। ইয়ায়ীদ ইব্ন আল মুহাম্মাদ সুলায়মানের কাছে বিভিন্ন ধরনের হাদীয়া তোহফা ও উপটোকনের মাধ্যমে নৈকট্য লাভ করেন।

আল-ওয়ালীদ হাজ্জাজের কাছে পত্র লিখেন এবং বলেন যে, আমি ইয়ায়ীদ ইব্ন আল-মুহাম্মাদ, তাঁর পরিবারবর্গ ও আমার ভাই সুলায়মানের সাথে সম্পর্কোন্নয়নের সিদ্ধান্ত নিয়েছি তুমি তাদের থেকে বিরত থাকবে এবং তাদের সম্পর্কে আমার কাছে কোন পত্র লিখা থেকেও বিরত থাকবে। তারপর হাজ্জাজ, আল-মুহাম্মাদ পরিবার থেকে বিরত থাকে এবং তাদের কাছে যে আর্থিক দেনা পাওনা ছিল তাও সে বর্জন করে এমনকি আবু উইয়াইনাহ ইব্ন আল-মুহাম্মাদেরও হাজার হাজার দিরহাম ক্ষমা করে দেওয়া হয়। ইয়ায়ীদ ইব্ন আল-মুহাম্মাদ

হাজাজের মৃত্যুপর্যন্ত সুলায়মান ইব্ন আবদুল মালিকের আশ্রয়ে বসবাস করেন। ৯৫ হিজরীতে হাজাজ ইন্তিকাল করে। ইয়ায়ীদ হাজাজের পর ইরাকের বিভিন্ন শহরের আমীর নিযুক্ত হন (যেমন সস্মারত্যাগী সন্ন্যাসী সংবাদ দিয়েছিলেন)। এ বছরে যে সব ব্যক্তিত্ব ইন্তিকাল করেন :
চিকিৎসক ইয়াতাযুক

তিনি একজন দক্ষ চিকিৎসক ছিলেন। চিকিৎসা বিজ্ঞানে তার বহু প্রকাশনা রয়েছে। তিনি ছিলেন হাজাজের কাছে ভাতাপ্রাণ। ওয়াসিত নামক স্থানে তিনি ৯০ হিজরীর দিকে ইন্তিকাল করেন। এ বছরে যারা ইন্তিকাল করেন তাদের মধ্যে একজন হলেন আবদুর রহমান ইব্ন আল- মিসওয়ার ইব্ন মাখরাম। অন্য একজন আবুল আলিয়া আর রিয়াহী এবং সিনান ইব্ন সালামা ইব্ন আল-মুহাববাক। তিনি ছিলেন উল্লেখযোগ্য বাহাদুরদের অন্যতম। তিনি পবিত্র মক্কা বিজয়ের দিন ইসলাম গ্রহণ করেন। হিন্দুস্তানের যুদ্ধে তিনি অংশগ্রহণ করেন এবং দীর্ঘ হায়াত পেয়েছিলেন।

এ বছরেই হাজাজের ভাই মুহাম্মদ ইব্ন ইউসুফ আস-ছাকাফী ইন্তিকাল করেন। তিনি ইয়ামানের আমীর ছিলেন। সে মিস্ত্রে বসে হ্যরত আলী (রা)-এর প্রতি লা'ন্ত করত। কেউ কেউ বলেন, সে হাজার আল-মুন্ধিরীকে আলী (রা)-এর প্রতি লা'ন্ত করতে হকুম দিয়েছিল। তখন সে বলেছিল, যে আলী (রা)-কে লা'ন্ত করে তাকে আল্লাহ লা'ন্ত করেন, যে আলী (রা)-এর প্রতি লা'ন্ত করে তার প্রতি আল্লাহর লা'ন্ত। কেউ কেউ বলেন, সে আলী (রা)-এর লা'ন্তের ব্যাপারে ছিল পবিত্র। মহান আল্লাহ অধিক পরিজ্ঞাত।

খালিদ ইব্ন ইয়ায়ীদ ইব্ন মুআবিয়া

তাঁর পূর্ণ নাম ছিল আবু হাশিম খালিদ ইব্ন ইয়ায়ীদ ইব্ন মুআবিয়া ইব্ন আবু সুফিয়ান আল-উমুরী আদ-দামেশ্কী। তাঁর বাঢ়ী ছিল দামেশ্কের দারুল হিজারাতের পশ্চাতে। তিনি ছিলেন বিদ্বান ও একজন কবি। রসায়ন শাস্ত্রের কিছু অবদান তাঁর থেকে এসেছে। প্রাকৃতিক শাস্ত্রগুলোর অগ্রগতিতে তাঁর কিছু কিছু অবদান স্বীকৃত। তিনি তাঁর পিতা ও দিদ্হইয়াতুল কাল্বী (রা) হতে হাদীস বর্ণনা করেন এবং তাঁর থেকে ইমাম যুহরী ও অন্যরা হাদীস বর্ণনা করেন। ইমাম যুহরী (র) বলেন, খালিদ সঙ্গের স্টাডগুলোতে রোয়া পালন করতেন জুমুআর দিন, শনিবার ও রবিবার অর্থাৎ জুমুআর দিন মুসলমানদের স্টাদের দিন, শনিবার ইয়াহুদীদের স্টাদের দিন আর রবিবার খৃষ্টানদের স্টাদের দিন।

আবু যুরআ আদ-দামেশ্কী বলেন, তিনি এবং তাঁর ভাই মুআবিয়া (২য়) উত্তম লোকদের অন্তর্ভুক্ত ছিলেন। তাঁর ভাই মুআবিয়া ইব্ন ইয়ায়ীদের পর খিলাফতের জন্যে তাঁর নাম উল্লেখ করা হয়েছিল। আবার মারওয়ানের পরও খিলাফতের জন্যে তিনি উত্তরাধিকারী মনোনীত হয়েছিলেন। কিন্তু বিষয়টি তাঁর অনুকূলে প্রতিষ্ঠিত হয়নি। মারওয়ান তাঁর মাতাকে বিয়ে করেছিলেন। তিনি বলতেন, মানুষের সবচেয়ে নিকটতম হলো তার মৃত্যু এবং দূরতম হলো তার আকাঙ্ক্ষা। আর সবচেয়ে বড় আশার বস্তু হলো তার আমল বা কার্যকলাপ। তাঁর প্রশংসায় এক কবি বলেন :

প্রাচুর্য ও বদান্যতাকে আমি একদিন বললাম : তোমরা তো স্বাধীন মুক্তা সাদৃশ। তারা বলল, আমরা তো অবশ্যই গোলাম। তখন আমি তাদেরকে বললাম, তোমাদের প্রভু কে ? তারা আমার কাছে গর্ব করল এবং বলল, তিনি হলেন খালিদ ইব্ন ইয়ায়ীদ।

বর্ণনাকারী বলেন, তখন তার জন্যে একলাখ মুদ্রা প্রদান করা হল। আল্লামা ইবন কাসীর (র) বলেন, এ কবিতাগুলোকে হ্যরত খালিদ ইবন আল-ওয়ালীদ (রা)-এর ক্ষেত্রেও পাঠ করতে প্রত্যক্ষ করেছি। যখন জিজ্ঞেস করা হল, তোমাদের প্রভু কে? তারা বলল, খালিদ ইবন আল-ওয়ালীদ (রা)। মহান আল্লাহ অধিক পরিজ্ঞাত।

খালিদ ইবন ইয়ায়ীদ হিমসের আমীর ছিলেন। তিনি হিমসের জামে মসজিদ তৈরী করেন। সেখানে তার চারশত গোলাম কাজ করত। যখন তারা মসজিদের কাজ সমাধা করল তখন তিনি তাদেরকে মুক্ত করে দিলেন। খালিদ হাজ্জাজের সাথে শক্রতা পোষণ করতেন। হাজ্জাজ যখন বিন্ত জা'ফরকে বিয়ে করেন, তখন খালিদ আবদুল মালিককে ইংগিত করেছিলেন যেন তার কাছে লোক পাঠানো হয় এবং সে তাকে তালাক দেয়। তাই করা হল। যখন তিনি মারা যান আল-ওয়ালীদ তার জানায়া পড়ান ও জানায়ার সাথে গমন করেন। খালিদের প্রতি পুনরায় দুর্বলতা দেখা দিলে আবদুল মালিক তাকে এসবক্ষে প্রশংসন করেন। কিন্তু তিনি তাকে এ ব্যাপারে কোন সংবাদ দিলেন না। পরবর্তীতে তিনি সংবাদ দেন যে, মুসআব ইবন আয-যুবায়রের বোন রামলাহুর প্রেমে সে মৃহ্যমান। আবদুল মালিক খালিদের জন্যে তার কাছে বিয়ের পয়গাম প্রেরণ করেন। রামলাহ বলে, সে তাকে বিয়ে করবে না যতক্ষণ না সে তার অন্যান্য স্ত্রীদের তালাক দেয়। সে তাদেরকে তালাক দিল এবং রামলাহকে বিয়ে করল ও তার সম্বন্ধে কবিতা পাঠ করল।

এ বছরেই তিনি ইন্তিকাল করেন। আবার কেউ কেউ বলেন, ৮৪ হিজরীতে তিনি ইন্তিকাল করেন। সেখানেও এরূপ মতভেদের কথা উল্লেখ করা হয়েছে। প্রথম অভিমতটি শুন্দ।

আবদুল্লাহ ইবন আয-যুবায়র

তাঁর পূর্ণ নাম ছিল আবু কাছীর আবদুল্লাহ ইবন সুলায়ম আল আসাদী। তিনি একজন কবি ছিলেন। কেউ কেউ বলেন, “তার কুনিয়ত আবু সাইদ বলে প্রসিদ্ধ ছিল। তিনি খলীফা আবদুল্লাহ ইবন আয-যুবায়র (রা)-এর কাছে প্রতিনিধি হিসেবে এসেছিলেন এবং তার প্রশংসা করেছিলেন। কিন্তু তিনি তাকে কোন বৰ্খীশ দেননি। তাই সে বলেছিল, মহান আল্লাহ এ উটচিটির উপর লান্ত করুন, যা আমাকে তোমার কাছে বহন করে নিয়ে এসেছে। আবদুল্লাহ ইবন আয-যুবাইর (রা) বলেন, তার মালিকের উপরও (লান্ত)। কথিত আছে যে, তিনি হাজ্জাজের শাসনকালে মারা যান।

৯১ হিজরীর প্রারম্ভ

এ বছরেই মাসলামাহ ইবন আবদুল মালিক ও তার ভাতিজা আবদুল আযীয ইবন আল-ওয়ালীদ আস-সাইফার যুদ্ধে অংশগ্রহণ করেন। এ বছরেই মাসলামাহ তুর্কী শহরগুলোতে যুদ্ধ করেন এবং আয়ারবায়জান এলাকায় আল-বাব বা দরবা পর্যন্ত পৌঁছে যান। তারপর তিনি বহু শহর ও দুর্গ জয়লাভ করেন। আল-ওয়ালীদ তার চাচা মুহাম্মদ ইবন মারওয়ানকে আলজেরিয়া ও আয়ারবায়জান থেকে বরখাস্ত করেন এবং এ দুই জায়গায় তার ভাই মাসলামাহ ইবন আবদুল মালিককে আমীর নিযুক্ত করেন।

এ বছরেই মূসা ইবন নুসায়র পশ্চিমাঞ্চলীয় শহরগুলোতে যুদ্ধ করেন। অনেক শহর তিনি জয়লাভ করেন এবং এগুলোতে প্রবেশ করেন। এমনকি অবশিষ্ট দূরবর্তী স্থানগুলোতে প্রবেশ

করেন, যেখানে অট্টালিকা ও বড় বড় প্রাসাদের চিহ্ন রয়েছে, যেগুলো অনাবাদ পড়ে রয়েছে। সেখানে তিনি এ সব শহরের ভগ্নাবশেষ পান যেগুলোর মাধ্যমে সে সব শহরের আকার ও নমুনা বুঝা যায়। আরো বুঝা যায় যে, তারা অত্যন্ত ধনী ও বড় বড় প্রাসাদের মালিক ছিলেন। তারা সকলে ধৰ্মস হয়ে যায়। তাদের মধ্যে সংবাদ প্রদানের জন্যেও কেউ অবশিষ্ট নেই।

এ বছরেই কুতায়বাহ ইব্ন মুসলিম তুর্কীর ঐ সব শহরকে শায়েস্তা করেন। যার বাসিন্দারা তার সাথে সঙ্গি করেছিল ও সঙ্গি ভংগ করেছিল। আর এটা সম্ভব হয়েছিল এমন প্রচণ্ড যুদ্ধের পর যে যুক্তে যুবক বৃদ্ধ হয়ে যায়। এসব শহরের রাজাগণ গত বছরের বসন্তের প্রারম্ভে প্রস্তুতি নিয়েছিল ও কুতায়বার বিরুদ্ধে তুমুল যুদ্ধ করার জন্যে ঐক্যবন্ধ হয়েছিল। আর তারা অংগীকারবন্ধ হয়েছিল যে, তারা আরবদেরকে তাদের ভূমি হতে বিহিন্ন না করে ক্ষতি হবে না। তাই তারা এমনভাবে ঐক্যবন্ধ হল যে, আর কোন সময় তারা এরূপ ঐক্যবন্ধ হয় নাই। কুতায়বা তাদেরকে পরাজিত করল এবং তাদের বহু লোককে হত্যা করল। আর পূর্বের পরিস্থিতি ফিরিয়ে আনল। এমনকি উল্লেখ করা হয়েছে যে, তাদের মধ্যে কোন কোন জায়গায় যাকে পাওয়া গিয়েছে তাকেই শূলীতে বিন্দ করা হয়েছে। তাদের দুইটি সারি লোক ছিল যে দুইটি সারির দৈর্ঘ্য বাম দিক থেকে ডান দিকে বার মাইল। প্রতিটি লোক তার পাশের লোককে শূলী বিন্দ করে। এটা ছিল বীভৎস ব্যাপার। এভাবে কাফিরদের মধ্যে একজন অন্যজন দ্বারা নিহত হয়। তারপর তুর্কীর মহারাজা নায়বাক খানকে এক প্রদেশ থেকে অন্য প্রদেশে, এক অঞ্চল থেকে অন্য অঞ্চলে, এক শহর থেকে অন্য শহরে এবং এক পরগণা থেকে অন্য পরগণায় খৌজাখুজি করা হলো। এভাবে বেশ কয়েকদিন চলতে লাগল। শেষ পর্যন্ত তাকে কুতায়বা একটি দুর্গে অবরোধ করেন। এ অবরোধ একাধারে দুই মাস চলতে থাকে। নায়বাক খানের রসদ ফুরিয়ে যায়। সে এবং তার সাথীরা ধৰ্মস হবার উপক্রম হয়ে পড়ে। তারপর কুতায়বা তার কাছে এমন একজন লোককে প্রেরণ করেন, যিনি তাকে লাষ্ট্রিত ও অপমানিত অবস্থায় নিরাপত্তা দান করে ও তাকে কারাগারে বন্দী করে রাখে। তারপর তার ব্যাপারে সিদ্ধান্ত নেওয়ার জন্যে কুতায়বা হাজ্জাজের কাছে পত্র লিখেন। চল্লিশ দিন পর পত্রের উত্তর আসে যে, “তাকে হত্যা কর।” কুতায়বা অন্যান্য আমীরদেরকে একত্র করেন ও তার ব্যাপারে তাদের পরামর্শ চান। তারা তার ব্যাপারে মতবিরোধ করল। কেউ কেউ বলেন, “তাকে হত্যা কর।” আবার কেউ কেউ বলেন, “তাকে হত্যা করো না।” কোন কোন আমীর কুতায়বাকে বললেন, তুমি মহান আল্লাহর কাছে অংগীকার করেছ যে, যদি তুমি তার উপর জয়লাভ কর তবে তুমি তাকে হত্যা করবে। আর এখন মহান আল্লাহ তোমাকে তার উপর পরিপূর্ণ বিজয় দান করেছেন। কুতায়বা বললেন, আল্লাহর শপথ, যদি আমার জীবন শুধুমাত্র তিনটি বাক্য উচ্চারণ করার সময় পায় আমি তাকে অবশ্যই হত্যা করব। তারপর তিনি বললেন, তাকে হত্যা কর, তাকে হত্যা কর, তাকে হত্যা কর। একটি সকাল বেলায় (সুবহে সাদেক থেকে শুরু করে সূর্যোদয় পর্যন্ত সময়) তাকে এবং তার সাতশত আমীরকে হত্যা করা হল। কুতায়বা তাদের সম্পদরাজি, অশ্বাদি, কাপড়-চোপড়, ছেলে-মেয়ে ও মহিলাদের ন্যায় বহু জিনিসপত্র অর্জন করেন। আর এ বছরে তিনি বহু শহর জয়লাভ করেন। বহু শহরকে সীয় স্থানে স্থিতি রাখলেন এবং সম্পদ ও মহিলায় পরিপূর্ণ দুর্গ দখল করলেন, স্বর্ণ ও রৌপ্যের বহু পাত্র অর্জন করলেন।

তারপর কুতায়বা আত তালিকানের দিকে অগ্রসর হন। এটা একটি বড় শহর, এতে রয়েছে অনেক দুর্গ ও প্রদেশ। তিনি এগুলো দখল করে নিলেন এবং এগুলোতে শাসক নিযুক্ত করেন। তারপর তিনি আল-ফারাইয়াবের দিকে অগ্রসর হন সেখানে ছিল বহু শহর ও প্রদেশ।

তার বাদশাহ বাধ্যগত ও অনুগত অবস্থায় কুতায়বার কাছে আসমর্পণ করেন। সেখানে তিনি তার সাথীদের মধ্য হতে একজন শাসক নিযুক্ত করেন।

তারপর তিনি আল-জুরানের দিকে অগ্রসর হন। তিনি তার বাদশাহ থেকে তা নিয়ে নেন এবং সেখানে শাসক নিযুক্ত করেন। তারপর তিনি বালখের দিকে অগ্রসর হন। তিনি সেখানে প্রবেশ করেন ও সেখানে একদিন তিনি অতিক্রান্ত করেন। এরপর সেখান থেকে তিনি বের হয়ে যান ও বৃগলানে অবস্থিত নায়াক খানের উদ্দেশ্যে রওয়ানা হন। নায়াক খান সেনাবাহিনীসহ এমন গিরিপথের মুখে অবস্থান করেছে যেখান দিয়ে শহরে প্রবেশ করতে হয়। গিরিপথের মুখে একটি বিরাট দুর্গ অবস্থিত যার নাম হচ্ছে শামসিয়াহ। যেহেতু এটা উচু, প্রশস্ত ও প্রকাণ্ড তাই এ নামে অভিহিত। সামানজান ও আর-রাউবের বাদশাহ আর-রাউব খান কুতায়বার কাছে আগমন করেন এবং দুর্গের অভ্যন্তরে তাকে পথ প্রদর্শনের শর্তে তার কাছে নিরাপত্তা কামনা করেন। তিনি তাকে নিরাপত্তা দেন এবং তার সাথে কিছু সংখ্যক লোককে দুর্গে প্রেরণ করেন। তারা রাতের বেলায় দুর্গে প্রবেশ করে এবং এটাকে জয় লাভ করে। তার কিছু সংখ্যক বাসিন্দাকে তারা হত্যা করে। আর বাকীগুলো পালিয়ে যায়। কুতায়বাহ গিরিপথে প্রবেশ করেন ও সামান্জানে আগমন করেন। এটা একটি বড় শহর। তিনি এখানে অবস্থান করেন এবং তার ভাই আবদুর রহমানকে এসব শহর ও টাউনের শাসক নায়াক খানের পিছনে একটি বিরাট সেনাবাহিনী নিয়ে প্রেরণ করেন। তিনি তার পিছনে বৃগলানের দিকে অগ্রসর হন এবং তাকে সেখানে অবরোধ করেন। আর এ অবরোধ দুই মাস কাল স্থায়ী হয়। ফলে তাদের কাছে মওজুদকৃত খাদ্য সম্ভার শেষ হয়ে যায়। তখন কুতায়বা নিজের কাছ থেকে আন-নাসিহ নামক একজন দোভাষীকে প্রেরণ করেন এবং তাকে বলেন, “তুমি নায়াক খানকে আমার কাছে নিয়ে আসবে। যদি তুমি নায়াক খানকে ব্যতীত ফিরে আস, তাহলে তোমার গর্দান কর্তন করা হবে। কুতায়বা তার সাথে প্রচুর পরিমাণ খাদ্য ও অর্ধ প্রেরণ করেন। দোভাষী নায়াকের দিকে অগ্রসর হন এবং তার কাছে পৌঁছেন ও খাদ্য সম্ভার তাদের সামনে পেশ করেন। নায়াকের সাথীরা খাদ্য সামগ্রী দেখে ঝাঁপিয়ে পড়ে। কেননা, তারা ছিল অত্যন্ত ক্ষুধার্ত। তারপর আন-নাসিহ তাকে নিরাপত্তা দান করে ও তার জন্যে শপথ করে। তাকে নিয়ে সে কুতায়বার সামনে আগমন করে। নায়াক খানের সাথে তার সাতশত আমীর সাথী ও পরিবার সদস্যদের একটি বিরাট দল ছিল। অনুরূপভাবে কুতায়বার কাছে আমীরদের একটি বড় দল নিরাপত্তার জন্যে আবেদন পেশ করে। কুতায়বা তাদেরকে নিরাপত্তা দেন। আর তাদের শহরগুলোতে আমীর নিযুক্ত করেন। মহান আল্লাহ অধিক পরিজ্ঞাত।

আল্লামা ওয়াকিদী (রা) ও অন্যান্যরা বলেন, এ বছরেই আমীরুল মু'মিনীন, আল-ওয়ালীদ ইব্ন আবদুল মালিক লোকজনকে নিয়ে হজ্জ আদায় করেন। যখন তিনি পবিত্র মদীনার নিকটবর্তী হন, তখন উমর ইব্ন আবদুল আর্যী পবিত্র মদীনার সম্মানিত ব্যক্তিবর্গকে আদেশ করলেন, যাতে তারা খলীফার সাথে সাক্ষাত করেন। পবিত্র মদীনার গণ্যমান্য ব্যক্তিবর্গ খলীফার সাথে সাক্ষাত করেন। খলীফা তাদেরকে স্বাগত জানান এবং তাদের সাথে উত্তম ব্যবহার করেন। খলীফা মসজিদে নববীতে প্রবেশ করেন। মসজিদে নববী তাঁর জন্যে খলী করে দেওয়া হয়েছিল। সাইদ ইব্ন আল-মুসায়িব ব্যতীত আর কেউ মসজিদে ছিল না। কিন্তু কেউ সাইদ ইব্ন আল-মুসায়িবকে বের করতে সাহস পেল না। তার পরনের কাপড় পাঁচ দিনহাম মূল্যেরও ছিল না। তারা তাকে বললেন হে বৃদ্ধ! আপনি মসজিদ থেকে সরে যান আমীরুল মু'মিনীন আসছেন। তিনি বললেন, আল্লাহর শপথ, আমি এখান থেকে বের হব

না। তারপর আল-ওয়ালীদ মসজিদে প্রবেশ করেন ও মসজিদে খুরতে থাকেন। এখানে সেখানে সালাত আদায় করেন। আর আল্লাহর কাছে দু'আ করতে থাকেন। উমর ইবন আবদুল আয়ীয় বলেন, আমি সাঈদের জায়গা থেকে খলীফাকে সরিয়ে রাখতে তৎপর ছিলাম এ ভয়ে যে খলীফা যেন তাকে না দেখে। কিন্তু খলীফার দৃষ্টি তার দিকে নিপতিত হল। তিনি বললেন, এটা কে? সাঈদ ইবন আল-মুসায়িব নয়? আমি বললাম “হ্যাঁ, হে আমীরুল মু’মিনীন! সে যদি জানত যে আপনি আসতেছেন। তাহলে সে আপনার দিকে আসত এবং আপনাকে সালাম করত। খলীফা বললেন, আমি জানি যে, আমাদের প্রতি সে হিংসা বিদ্বেষ রাখে। তখন আমি বললাম, হে আমীরুল মু’মিনীন! সে একৃপ, একৃপ এবং আমি তার প্রশংসা করতে লাগলাম। আল-ওয়ালীদও তাঁর জ্ঞান এবং দীনদারীর প্রশংসা করতে লাগলেন। তখন আমি বললাম, “হে আমীরুল মু’মিনীন! তিনি চোখে একটু কম দেখেন।” আমার এটা বলার উদ্দেশ্য হল তার পক্ষ থেকে অজুহাত পেশ করা। খলীফা বললেন, “তাঁর কাছে যাওয়া ও তার সাথে সাক্ষাত করার ব্যাপারে আমরাই বেশী হকদার। তখন খলীফা আসলেন এবং তাঁর কাছে দণ্ডয়নান হলেন। সাঈদ খলীফাকে সালাম করলেন। কিন্তু, তার জন্যে দাঁড়ালেন না। তারপর আল-ওয়ালীদ বললেন, ওস্তাদ কেমন আছেন? উত্তরে তিনি বললেন, ভালো, আলহামদুল্লিম্বাহ। আমীরুল মু’মিনীন কেমন আছেন? আল-ওয়ালীদ বললেন, “ভালো, এক আল্লাহর জন্যই প্রশংসা।” তারপর খলীফা চলে গেলেন এবং উমর ইবন আবদুল আয়ীয়কে বলছিলেন, “তিনি একজন বিখ্যাত ফকীহ।” উমর ইবন আবদুল আয়ীয় বলেন, “হ্যাঁ, আমীরুল মু’মিনীন! ঐতিহাসিকগণ বলেন, তারপর আল-ওয়ালীদ রাসূলুল্লাহ (সা)-এর মিসারে খুতবা পাঠ করেন। প্রথম খুতবায় তিনি বসে ছিলেন এবং দ্বিতীয় খুতবায় তিনি দণ্ডয়নান ছিলেন। বর্ণনাকারী বলেন, খলীফা বললেন, এ রকমই উচ্ছবান (রা) খুত্বা দিয়েছিলেন। তারপর খলীফা বিদায় হয়ে চলে গেলেন। তিনি পবিত্র মদীনাবাসীদের জন্য প্রচুর স্বর্গ ও রৌপ্য খরচ করেন। তারপর তিনি মসজিদে নববীকে কাপড়ের গিলাফ পরালেন যেমন কা’বা শরীফকে গিলাফ পরালেন। গিলাফটি ছিল ভারী রেশমী কাপড়ের।

এ বছরেই আস-সাইব ইবন ইয়াঈদ ইবন সা’দ ইবন তামামা ইন্তিকাল কঁরেন। তার পিতা রাসূলুল্লাহ (সা)-এর সাথে হজ্জ পালন করেছিলেন। ঐ সময় আস-সাইবের বয়স ছিল সাত বছর মাত্র। এ হাদীসটি ইমাম বুখারী (র) বর্ণনা করেন। এ জন্যই আল্লামা ওয়াকিদী বলেন যে, তিনি তিন হিজরীতে জন্মগ্রহণ করেন এবং ৯১ হিজরীতে ইন্তিকাল করেন। কেউ কেউ বলেন, তিনি ছয় হিজরীতে জন্মগ্রহণ করেন। আবার কেউ কেউ বলেন, তিনি ৮৮ হিজরীতে ইন্তিকাল করেন।

সাহল ইবন সা’দ আস-সাইদী (রা)

তিনি একজন সম্মানিত মাদানী সাহাবী। রাসূলুল্লাহ (সা) যখন ইন্তিকাল করেন, তখন তাঁর বয়সছিল ১৫ বছর। হাজাজ ইবন ইউসুফ যখন মারা যায় তখন আনাস ইবন মালিক (রা) ও জাবির ইবন আবদুল্লাহ (রা) জীবিত ছিলেন। সে তাদেরকে অপমানিত ও লঙ্ঘিত করত যাতে জনগণ তাদের অভিমত শ্রবণ না করে। আল্লামা আল-ওয়াকিদী (র) বলেন, সাহল (রা) একশত বছর বয়সে ৯১ হিজরীতে ইন্তিকাল করেন। তিনি ছিলেন পবিত্র মদীনায় সর্বশেষ সাহাবী। মুহাম্মদ ইবন সা’দ বলেন, এতে কোন মতভেদ নেই। ইমাম বুখারী (র) ও অন্যরা বলেন, তিনি ৮৮ হিজরীতে ইন্তিকাল করেন।

৯২ হিজরীর আগমন

এ বছরে মাসলামা ও তার ভাতিজা উমর ইব্ন আল-ওয়ালীদ রোমের শহরগুলোতে যুদ্ধ করেন। তারা বহু দুর্গ ও প্রচুর যুদ্ধলক্ষ সম্পদ অর্জন করেন। রোমের অধিবাসীরা তাদের থেকে পালিয়ে গিয়ে তাদের দেশের প্রত্যন্ত এগাকায় পৌঁছে। মূসা ইব্ন নুসায়রের আযাদকৃত গোলাম, তারিক ইব্ন যিয়াদ ১২ হাজার সৈন্য নিয়ে আন্দুলুসের শহরগুলোতে যুদ্ধ করেন। আন্দুলুসের রাজা আয়রীকুন তার বিরাট সেনাবাহিনী, মাথায় মুকুট ও সিংহাসন নিয়ে ঘর থেকে বের হয়ে পড়েন। তারিক তার বিরক্তকে যুদ্ধ করেন ও তাকে পরাজিত করেন এবং তার সেনা বাহিনীতে যে সব জিনিসপত্র ছিল তা যুদ্ধলক্ষ সম্পদ হিসেবে অর্জন করেন। এগুলোর মধ্যে প্রধান ছিল তার সিংহাসন। তিনি আন্দুলুসের শহরগুলোকে পরিপূর্ণভাবে দখল করে নেন।

আয়-যাহাবী বলেন, তারিক ইব্ন যিয়াদ তানজাহ -এর আমীর ছিলেন। আর তা ছিল মরক্কোর সীমান্তে অবস্থিত। তিনি তার প্রভু মূসা ইব্ন নুসায়রের নায়িব ছিলেন। তাঁর কাছে সবুজ দ্বীপের গর্ভন্ত শক্তির বিরক্তকে সাহায্য চেয়ে পত্র লিখেন। তারিক আন্দুলুস দ্বীপে সাবতাত প্রণালী দিয়ে প্রবেশ করেন। ফ্রাঙ্গবাসীরা নিজেদের মধ্যে গৃহযুক্তে লিখ থাকায় তারিক সুযোগ পেয়ে গেলেন এবং আন্দুলুসের শহরগুলোতে পুরাপুরি মনোযোগ দিলেন। তিনি কর্ডোবা জয় করেন এবং তার প্রশাসক আদরিনুককে হত্যা করেন। আর তারিক, মূসা ইব্ন নুসায়রকে বিজয়ের সংবাদ জ্ঞাপন করে পত্র লিখেন। তখন মূসা একক বিজয়ের জন্যে তারিকের হিংসা করেন। আল-ওয়ালীদের কাছে বিজয়ের সংবাদ প্রেরণ করেন। কিন্তু বিজয়কে নিজের বলে দাবী করেন আর তারিকের কাছে পত্র লিখেন এবং তার অনুমতি ব্যক্তিত অগ্রসর হওয়ায় দোষারোপ করেন ও সেখানে না পৌঁছা পর্যন্ত সেখানটা অতিক্রম করার জন্য নিষেধ করলেন। তারপর তিনি তার সেনাবাহিনী নিয়ে দ্রুত অগ্রসর হলেন এবং তার সাথে হাবীব ইব্ন উবায়দাহ আল-ফিহরীকে নিয়ে আন্দুলুস প্রবেশ করেন। আন্দুলুসের শহরগুলোকে জয় করার জন্য তিনি সেখানে কয়েক বছর অবস্থান করেন। বিভিন্ন শহর ও প্রচুর সম্পদ দখল করেন। পুরুষদেরকে হত্যা করেন, মহিলা ও শিশুদেরকে বন্দী করেন। সীমাহীন, সংখ্যাহীন ও বিবরণহীন গন্মীমত অর্জন করেন। সেগুলোর মধ্যে ছিল মুক্তা, কুবী পাথর, স্বর্ণ-রৌপ্য, স্বর্ণ ও রৌপ্যের পাত্র, আসবাবপত্র, অশ্বাদি, খচর ইত্যাদির ন্যায় বহু জিনিসপত্র। বিভিন্ন ও প্রচুর বড় বড় প্রদেশ ও শহর জয় লাভ করেন। মাসলামাহ ও তাঁর ভাতিজা, উমর ইব্ন আল-ওয়ালীদ রোমের শহরগুলোর যে সব দুর্গ জয় করেছেন এগুলোর মধ্যে প্রসিদ্ধ ছিল সুসিনাহ দুর্গ। তারা দুইজনে জয়লাভ করতে কুস্তানতানীয়ার উপসাগর পর্যন্ত পৌঁছে যান।

এ বছরেই কুতায়বা ইব্ন মুসলিম শূমান, কাশ ও নাসাফ জয় করেন। ফারইয়াবের বাসিন্দারা তার বিরক্তকে প্রতিরোধ গড়ে তুললে তিনি তাদেরকে পুড়িয়ে দেন এবং তার ভাই আবদুর রহমানকে এসব শহরের বাদশাহ তারখুন কান ও সুগদের দিকে প্রেরণ করেন। আবদুর রহমান তার সাথে সঞ্চি করেন এবং তাকে 'তারখুন খান' প্রচুর সম্পদ প্রদান করেন। তিনি তখন তার ভাইয়ের কাছে বুখারায় আগমন করেন। পরে মারভের দিকে প্রত্যাবর্তন করেন। তারখুন খান আবদুর রহমানের সাথে সঞ্চি করেন ও তার থেকে বিদায় নেন। সুগদের বাসিন্দারা একত্রিত হন ও তারখুনীকে বলতে লাগলেন, তুমি অপমানের বোঝা উঠিয়ে নিয়েছ, কর আদায় করছ আর তুমি হচ্ছ বৃক্ষ। তোমার মধ্যে আমাদের কোন প্রয়োজন নেই। তারপর

তারা তাকে বরখাস্ত করে এবং তারখন খানের ভাই সুরাক খানকে তারা তাদের আমীর নিযুক্ত করে। তারপর তারা বিদ্রোহ করে ও চুক্তি তৎগ করে। তাদের পরবর্তী সংবাদ পরে বর্ণিত হবে।

এ বছরেই কুতায়বা সিজিস্টানে যুদ্ধ করেন। উদ্দেশ্য হলো তুর্ক আজমের বাদশাহ রুতবীলকে পরাস্ত করা। তখন তিনি রুতবীলের প্রথম রাজ্যে পৌছেন, তখন তার দৃতগণ কুতায়বার কাছে পৌছে প্রচুর সম্পদ, ঘোড়া, গোলাম ও শাহী মহিলাদের বিনিময়ে সন্ধির প্রস্তাব পেশ করে। তখন তিনি রুতবীলের সাথে সন্ধি করেন। এ বছরেই পবিত্র মদীনার নাইব উমর ইব্ন আবদুল আয়ীয় লোকজনকে নিয়ে হজ্জ আদায় করেন। এবছরে যে সব ব্যক্তিত্ব ইন্তিকাল করেন। তাদের মধ্যে অন্যতম হলেন, আবু সাঈদ মালিক ইব্ন আওস ইব্ন আল হাদছান আন-নায়রী আল-মাদানী। তাঁর সাহাবী হওয়ার ব্যাপারে ঐতিহাসিকদের মাঝে মতবিরোধ রয়েছে। কেউ কেউ বলেন, তিনি জাহিলিয়াতের যুগে সাওয়ারীতে আরোহণ করেছেন এবং হয়রত আবু বাকর সিদ্দীক (রা)-কে দেখেছেন। মুহাম্মদ ইব্ন সাদ (র) বলেন, তিনি রাসূলুল্লাহ (সা)-কে দেখেছেন। তবে রাসূলুল্লাহ (সা) হতে তিনি কোন হাদীস সংগ্রহ করেন নাই। ইব্ন মুষ্টিন, ইমাম বুখারী এবং আবু হাতিম এ অভিমতের বিরোধিতা করেন। ঐতিহাসিকগণ মনে করেন, তার সাহাবী হওয়ার ব্যাপারটি শুন্দ নয়। তিনি এ বছরেই ইন্তিকাল করেন। আবার কেউ কেউ বলেন, পূর্ববর্তী বছর তিনি ইন্তিকাল করেন। মহান আল্লাহ অধিক পরিজ্ঞাত।

তুওয়ায়স আল-মুগনী

তাঁর পূর্ণ নাম আবু আবদুল মুনইম ঈসা ইব্ন আবদুল্লাহ আল-মাদানী, বনূ মাখযুমের মিত্র। তিনি তার পেশায় ছিলেন দক্ষ। তিনি ছিলেন অস্বাভাবিক লম্বা ও টেরাচক্ষু বিশিষ্ট। তিনি ছিলেন অপয়া। কেমনা, যেদিন রাসূলুল্লাহ (সা) ইন্তিকাল করেন তিনি ঐদিন জন্মগ্রহণ করেন। যেদিন হয়রত আবু বকর সিদ্দীক (রা) ইন্তিকাল করেন তিনি ঐদিন থেকে মাতৃদুঃখ ছেড়েছিলেন। যে দিন হয়রত উমর (রা) শহীদ হন, তিনি ঐদিন বয়োগ্রাঙ্গ হন। যেদিন হয়রত উচ্চমান (রা) শহীদ হন তিনি সেদিন বিয়ে করেন। যেদিন হয়রত ইমাম হুসায়ন (রা) শাহাদ ত বরণ করেন, সেদিন তার প্রথম সন্তান জন্ম নেয়। কেউ কেউ বলেন, যেদিন হয়রত আলী (রা) শহীদ হন, সেদিন তার প্রথম সন্তান জন্ম নেয়। উপরোক্ত বর্ণনাটি ইব্ন খালিকান ও অন্যরা পেশ করেন। এ বছরেই তিনি ৮২ বছর বয়সে সাবীদে ইন্তিকাল করেন যা পবিত্র মদীনা থেকে ৩২ মাইল দূরে অবস্থিত।

আল-আখতাল ছিলেন একজন পূর্ণাংগ কবি। কবিতায় তিনি তাঁর সমকালীন কবিদের মধ্যে শ্রেষ্ঠ ছিলেন।

৯৩ হিজরীর প্রারম্ভ

এ বছরেই মাসলামাহ ইব্ন আবদুল মালিক রোম সাম্রাজ্যের বহু দুর্গ জয় করেন। এন্তোর মধ্যে আল-হাদীদ, গাযালা, মস্সা ইত্যাদি প্রসিদ্ধ। এ বছরেই আল-আবাস ইব্ন আল ওয়ালীদ যুদ্ধ করেন ও সামসাতীয়া জয়লাভ করেন। এ বছর মারওয়ান ইব্ন আল ওয়ালীদ রোমে যুদ্ধ করেন। এবং হান্জারাহ পর্যন্ত পৌছেন। এ বছরেই খাওয়ারিয়ম শাহ কুতায়বার কাছে পত্র লিখে সন্ধির দিকে আহবান করেন এ শর্তের উপর যে, তিনি তার দেশের কয়েকটি শহর তাকে প্রদান করবেন। আর তাকে বহু সম্পদ ও গোলাম প্রদান করার অংগীকার করেন এ

শর্তের উপর যে, কুতায়বা তার ভাইয়ের বিরুদ্ধে যুদ্ধ করে ও পরাত্ত করে তার ভাইকে তার কাছে সোপর্দ করবেন। কেননা, সে ইতোমধ্যে দেশে বিশ্বখলা সৃষ্টি করেছে এবং জনগণের প্রতি যুদ্ধ ও নির্যাতন করেছে। আর তার ভাইটির জঘন্য অভ্যাস ছিল, যখনই সে শুনত যে, কারোর কাছে কোন একটি ভাল জিনিস আছে, সেখানে সে লোক প্রেরণ করত এবং তার থেকে তা ছিনিয়ে নিত, এই বস্তুটি সম্পদ হোক কিংবা মহিলা হোক কিংবা ছেলে-মেয়ে হোক কিংবা চতুর্পদ জন্ম হোক কিংবা অন্য কিছু হোক। কুতায়বা তার সাহায্য করার জন্যে এগিয়ে আসলেন এবং আশ্লাহু তা'আলা তাকে বিজয় দান করলেন। তখন খাওয়ারিয়ম শাহ যেসব জিনিসের শর্তে সক্ষি করেছিলেন তার সব কিছুই কুতায়বার কাছে সমর্পণ করেন। কুতায়বাহু খাওয়ারিয়ম শাহের ভাইয়ের শহরে সৈন্য প্রেরণ করেন। তারা শক্তিদের বহু লোককে হত্যা করে, তার ভাইকে বন্দী করে যার সাথে ছিল চার হাজার প্রবীণ বন্দী এবং তাকে তার ভাইয়ের কাছে সোপর্দ করে। তুর্কী ও অন্যান্য দুশ্মনদেরকে ভীত-সন্ত্রন্ত করার জন্যে কুতায়বা বন্দীদের সম্পর্কে আদেশ দিলেন যে, তাদেরকে হত্যা করা হোক : তার সামনে দুই হাজার, ডানে দুই হাজার, বামে দুই হাজার এবং পিছনের দিক দিয়ে দুই হাজারকে যেন হত্যা করা হয়। আর তাই করা হলো।

সমরকন্দ বিজয়

উপরোক্ত কার্যকলাপ থেকে কুতায়বা যখন অবসর গ্রহণ করেন, তখন তিনি তার দেশে ফিরে যাওয়ার মনস্ত করেন। তখন তাকে একজন আমীর বললেন, সুগদের বাসিন্দারা আপনাকে শুধু এ এক বছরের জন্যেই নিরাপত্তা দিয়েছে। এখন যদি আপনি তাদের দিকে অগ্রসর হতে চান এ অবস্থায় যে, তারা তা জানে না তাহলে এখনই সময়। আপনি যদি তা করেন তাহলে চিরদিনের জন্য আপনি তা নিয়ে নিতে পারেন। কুতায়বা তখন এ আমীরকে বললেন, তুমি কি একথাটি কাউকে বলেছ ? সে বলল, 'না'। কুতায়বা বললেন, যদি একথাটি কেউ তোমার থেকে শুনে থাকে, তাহলে আমি তোমাকে হত্যা করব। তারপর কুতাইবা তার ভাই আবদুর রহমান ইব্ন মুসলিমকে ২০ (বিশ) হাজার সৈন্য সহ সামনের দিকে প্রেরণ করেন। তার ভাই তার পূর্বেই সমরকন্দ পৌঁছে। অবশ্য কুতায়বা বাকী সৈন্যদেরকে নিয়ে তার সাথে মিলিত হন। তুর্কীরা যখন তাদের দিকে মুসলমানদের আগমনের কথা শুনল, তখন তারা তাদের সাহসী বাদশাহ ও আমীরদের সন্তানদেরকে তাদের মধ্য থেকে নির্বাচন করলেন এবং তাদেরকে আদেশ করলেন যেন তারা রাতের অঙ্ককারে কুতায়বার দিকে অগ্রসর হন। এবং মুসলিম সৈন্যদের ছিন্নভিন্ন করে দেন। তাদের এ দুরভিসংজ্ঞির সংবাদ যখন কুতায়বার কাছে পৌঁছে তখন তিনি তার ভাই সালিহকে ছয়শত সাহসী অশ্বারোহী সৈন্য সহকারে প্রেরণ করেন এবং নির্দেশ দেন যে, "তাদেরকে রাস্তায় পাকড়াও কর।" তখন তারা অগ্রসর হলো এবং তারা রাস্তার মধ্যে দাঁড়িয়ে গেল। আর তারা নিজেদেরকে তিনটি ভাগে বিভক্ত করল। তখন শক্ত সৈন্যরা রাতের অঙ্ককারে তাদেরকে অতিক্রম করতে যাচ্ছিল, তারা মুসলিম সৈন্যদের উপস্থিতি সম্বন্ধে পুরাপুরি অজ্ঞ ছিল, তখনই মুসলিম সৈন্যরা তাদের উপর হামলা চালাল ও তাদেরকে হত্যা করল। মাত্র কিছু সংখ্যক তুর্কী সৈন্য বাকী রইল এবং তারা নিহত সৈন্যদের মাথা কেটে নিল ও তাদের সাথে সোনা দিয়ে মোড়ানো যে সব হাতিয়ার ছিল এবং আসবাবপত্র ছিল তারা সবকিছু গনীমত হিসেবে লাভ করল। তাদের কেউ কেউ তাদেরকে বলল, তোমরা জেনে রেখো, এ জায়গায় তোমরা যাদেরকে হত্যা করেছ তারা সকলেই রাজপৃষ্ঠ এবং হাতে গোনা সাহসী একশত কিংবা এক হাজার অশ্বারোহী সৈন্য। তখন কুতায়বা শক্ত সৈন্যদের থেকে প্রাণ সমুদয় স্বর্ণও অস্ত্রশস্তি গনীমত হিসেবে মুসলিম সেনাদেরকে অর্পণ করেন এবং সুগদের বড় শহর সমরকন্দের নিকটবর্তী হলেন। সেখানে পাথর নিষ্কেপণ যন্ত্র স্থাপন করেন এবং প্রস্তর নিষ্কেপ

শুরু করেন। অন্যদিকে তিনি তাদের সাথে সৈন্য যুদ্ধ চালিয়ে যান। তার সাথে ছিল বুখারা ও খারিয়মের দোভাষীরাও। মুসলিম সৈন্যরা সুগদের বাসিন্দাদের সাথে প্রচও যুদ্ধ করেন। সুগদের শাসক গাওরাক কুতায়বার কাছে দোভাষী প্রেরণ করেন এবং বলেন “তোমরা আমাদের ভাই ও পরিবার সদস্যদের মাধ্যমে আমাদের বিরুদ্ধে যুদ্ধ করছ। সাহস থাকলে শুধু আরবরা আমাদের বিরুদ্ধে যুদ্ধ কর।” একথা শুনে কুতায়বা রাগারিত হলেন এবং সেনাবাহিনীর আরব ও অন্যান্যদেরকে পার্থক্য করলেন। আর আরব বাহাদুরদেরকে অগ্রসর হতে বললেন এবং তাদেরকে সর্বোত্তম হাতিয়ার অর্পণ করেন। আর দুর্বলদের থেকে হাতিয়ার নিয়ে নিলেন। বাহাদুরদেরকে শহরের উপর হামলা করতে বললেন। তাই তারা পাথর নিষ্কেপক যন্ত্র দ্বারা পাথর নিষ্কেপ করতে লাগলেন। শহরে ক্ষতের সৃষ্টি হলো এবং তুর্কীদের গর্বের ফলে শহর ধ্বংস হতে লাগল। তাদের একজন রাজ প্রাসাদের ছাদে দাঁড়িয়ে কুতায়বাকে গালি দিতে লাগল। এমন সময় একজন মুসলিম তীরন্দায় সৈন্য তার দিকে তীর নিষ্কেপ করে তার চোখ নষ্ট করে দেয় এবং তীর তার গর্দান ছিদ্র করে অপরদিকে বের হয়ে যায়। তৎক্ষণাৎ সে মৃত্যুর কোলে ঢলে পড়ে যায়। তীর নিষ্কেপকারীকে কুতায়বা দশ হাজার মুদ্রা উপটোকন প্রদান করেন। তারপর রাত নেমে এল যুদ্ধ বন্ধ রইল। যখন ভোর হলো, তখন পাথর নিষ্কেপণ যন্ত্র দ্বারা পাথর নিষ্কেপ শুরু হল। শহর বাঁবারা হয়ে গেল। মুসলমানগণ রাজ-প্রাসাদের ছাদে উঠলেন এবং শহরবাসীদের উপর তীর নিষ্কেপের মনস্ত করলেন। তুর্কীরা তখন কুতায়বাকে বললেন, আজকের দিন তোমরা আমাদের থেকে বিরত থাক। আগামীকাল আমরা তোমাদের সাথে সক্ষি করব। কুতায়বা তাদের থেকে বিরত রইলেন এবং পরদিন বাংসরিক দুই হাজার কোটি মুদ্রা আদায় সাপেক্ষে সক্ষি স্থাপন করলেন আর এ বছর ত্রিশ হাজার গোলাম অর্পণের চুক্তি হল। যাদের মধ্যে ছোট, বৃক্ষ ও কোন প্রকার দোষ-ক্রতি থাকবে না।

অন্য এক বর্ণনায় এক লাখ গোলামের কথা উল্লেখ রয়েছে। আরো চুক্তি হল যে, মুসলমানেরা দেব-দেবীদের অলংকার ও অগ্নি উপাসনালয়ে অবস্থিত যাবতীয় আসবাব পত্র গ্রহণ করবে। মুসলমানদের জন্যে শহরকে সৈনিক শূন্য করতে হবে যাতে সেখানে তারা মসজিদ নির্মাণ করতে পারে ও খৃত্বা দেওয়ার জন্যে মিথারও তৈয়ার করতে পারে। তারা পরদিন নাস্তাগ্রহণ শেষে শহর থেকে বেরও হতে পারবে। তারা এ শর্তগুলোর প্রতি উত্তর করল। শহরে একটি মসজিদ ও মিথার তৈরীর পর কুতায়বা যখন শহরে প্রবেশ করেন, তাঁর সাথে চার হাজার বীর সেনা সংগী ছিলেন। তিনি মসজিদে সালাত আদায় করেন, খৃত্বা দেন ও খাদ্য গ্রহণ করেন। তাদের মূর্তিগুলো তার সামনে উপস্থিত করা হল এবং এগুলোকে স্তুপ দেওয়া হল। একটি বিরাট প্রসাদের ঝুপ ধারণ করল। তারপর তিনি এগুলোকে পুড়িয়ে ফেলার নির্দেশ দেন। তারা তখন ঝুন্দন ও বিলাপ করতে লাগল। অগ্নিপূজারী বলল, ‘এগুলোর মধ্যে একটি পুরানো দেবী আছে— যে এটাকে পুড়াবে সে ধ্বংস হয়ে যাবে। বাদশাহ গাওরাক এগিয়ে আসলেন এবং এ কাজ করতে নিষেধ করলেন। আর কুতায়বাকে বললেন, আমি আপনার শুভাক্ষণ্জী। আপনি এরপ কাজ করবেন না। কুতায়বা দাঁড়ালেন ও অগ্নিশিখা হাতে নিলেন এবং বললেন, “আমার নিজের হাতে এটাকে পুড়াব। তোমরা সকলে মিলে আমার বিরুদ্ধে ষড়যন্ত্র কর, তোমাদেরকে বেশী সময় দেওয়া হবে না। তারপর তিনি এটার কাছে গিয়ে দাঁড়ালেন এবং আঞ্চাহ আকবার বললেন ও তার উপর অগ্নিশিখা ফেলে দিলেন। তারপর তা পুড়ে গেল। তার থেকে যে স্বর্ণ পাওয়া গেল তার ওফন ছিল পঞ্চাশ হাজার মিসকাল।

বন্দিনীদের মধ্যে তিনি ইরানের শাহ ইয়ায়দিগারদের বৎশের একজন বাঁদী পেলেন। তিনি তাকে হাদিয়া স্বরূপ আল-ওয়ালীদের কাছে প্রেরণ করেন। তার গর্ভে জন্ম নেয় ইয়ায়ীদ ইব্ন আল-ওয়ালীদ। তারপর কুতায়বা সমরকন্দবাসীদের ডাকলেন এবং তাদেরকে বললেন, অমি আপনাদের সাথে যেরূপ সন্ধি করেছি তার থেকে বেশী কিছু চাই না। তবে আমাদের পক্ষ থেকে আপনাদের মাঝে শাস্তি রক্ষার জন্যে একদল সৈন্য থাকবে, শহরের প্রশাসক গাওরাক খান সেখান থেকে স্থানান্তর হন। তখন কুতায়বা সুরায়ে নাজমের ৫০ ও ৫১ আয়াতদ্বয় তিলাওয়াত করেন : **وَأَنْتَ أَهْلُكَ عَادَانَ إِلَّا وَلَىٰ وَشَمُودٌ فَمَا أَبْقَىٰ** “আর এই যে, তিনিই আদ সপ্রদায়কে ধ্রং করেছিলেন এবং ছামুদ সপ্রদায়কেও- কাউকেও তিনি বাকী রাখেননি।” এরপর কুতায়বা সেখান থেকে মারভ শহরের দিকে প্রত্যাগমন করেন এবং সমরকন্দে তার ভাই আবদুল্লাহ ইব্ন মুসলিমকে প্রতিনিধি নিযুক্ত করে যান। আর তাকে বলেন, সমরকন্দ শহরের দরজায় মাটি দ্বারা প্রচলিত মোহরকৃত হস্ত ব্যূতীত মুশরিকদের কাউকে তুমি প্রবেশ করার অনুমতি দেবে না। তারপর তাকে মোহরের মাটির আর্দ্রতা শুকাবার বেশী সময় পর্যন্ত অবস্থান করার অনুমতি দেবে না। আর যদি মাটির আর্দ্রতা শুকিয়ে যায় ও তুমি তাকে সেখানে দণ্ডযান দেখতে পাও তাহলে তাকে সেখানে হত্যা করবে। আর তাদের মধ্যে যার সাথে তুমি কোন অস্ত্র বা ছুরি দেখতে পাবে তাকে সেখানে হত্যা করবে। যখন তুমি শহরের দরযা বন্ধ করে দেবে এবং সেখানে কাউকে পাবে তাকেও হত্যা করবে। এ সম্পর্কে কাব আল-আশকারী বলেন, আবার কেউ কেউ বলেন, এ কবিতাটি জু'ফী বৎশের কোন এক ব্যক্তির যা নিম্নরূপ :

“প্রতিদিন কুতায়বা লুটের মাল জমা করছে, সম্পদের সাথে আরো নতুন সম্পদ বৃদ্ধি করে যাচ্ছে। কোন কোন বাসিন্দাকে সে মুকুট পরিয়েছে। দীর্ঘ প্রতিক্ষার ও তয়াবহতার কারণে তার কালো চুলের সিঁথি সাদা হয়ে গেছে। বিভিন্ন ধরনের সেনাবাহিনী প্রবেশের মাধ্যমে সুগদকে কুতায়বা লাঞ্ছিত করেছে। এমনকি সুগদকে বন্দুহীন অবস্থায় উপবিষ্ট করে ছেড়েছে। সজ্ঞান তার পিতাকে হারিয়ে কাঁদছে এবং পিতা তার সন্তানের জন্যে ভারাক্রান্ত হৃদয়ে কাঁদছে। যখনই সে কোন শহরে অবতরণ করছে কিংবা কোন শহরে আগমন করছে সেই শহরের জীব-জন্ম ও জানোয়ারকে গভীর গর্তে নিপত্তি করা হচ্ছে।

এ বছরেই মরক্কোর নাইব মুসা ইব্ন নুসায়র তার আযাদকৃত ত্রীতদাস তারিককে আন্দুলুস থেকে বরখাস্ত করেন। তিনি তাকে তালীতালাহ নামক শহরে প্রেরণ করেছিলেন। তিনি এটাকে জয় করেন এবং সেখানে সুলায়মান ইব্ন দাউদ (আ)-এর দস্তরখান দেখতে পান। তার মধ্যে রয়েছে স্বর্ণ, মুক্তা আরো কত কিছু। তিনি এটাকে আল-ওয়ালীদ ইব্ন আবদুল মালিকের কাছে প্রেরণ করেন। যখন এ দস্তরখান তাঁর কাছে পৌঁছে, তখন তিনি মারা যান এবং তার ভাই সুলায়মান ইব্ন আবদুল মালিক আমীরত্ন মু'মিনীন মনোনীত হয়েছেন। এ দস্তরখান সম্বন্ধে পরে বিস্তারিত আলোচনা করা হবে। এটার মধ্যে এমন এমন জিনিস রয়েছে যা মানুষকে অবাক করে দেয়। এর চেয়ে চমৎকার দৃশ্য আর কোথায়ও দেখতে পাওয়া যায় না। মুসা ইব্ন নুসায়র নিজ আযাদকৃত গোলাম তারিক ইব্ন যিয়াদের পরিবর্তে নিজের ছেলে আবদুল আয়ীয় ইব্ন মুসা ইব্ন নুসায়রকে আমীর নিযুক্ত করেন।

এ বছরেই মুসা ইব্ন নুসায়র মরক্কোর শহরগুলোতে সৈন্য প্রেরণ করেন। তারা আন্দুলুস দ্বীপের বহু শহর জয় করে। এগুলোর মধ্যে কর্ডোভা ও তানজা অত্যন্ত প্রসিদ্ধ। তারপর মুসা নিজেই আন্দুলুসের পশ্চিমপ্রান্তে অগ্রসর হন এবং বাজাহ শহর ও শুভ শহরের ন্যায় অন্যান্য বড়

বড় শহর জয় করেন। বহু গ্রাম-গঞ্জ ও প্রদেশ জয় করেন। যে কোন শহরে তিনি আসতেন, জয় করা ব্যক্তিত ক্ষমতা হতেন না কিংবা সেখানের বাসিন্দারা যতক্ষণ না তাঁর সাথে সঞ্চি করতে রাখী হতেন। তিনি পূর্ব, পশ্চিম ও উত্তর দিকে সৈন্য-সামগ্র্য ও সারিয়াহ্ প্রেরণ করেন। তারা মরক্কোর একটি একটি শহর ও প্রদেশ করে জয় করতে থাকে। গনীমত হিসেবে সম্পদ লাভ করতে থাকেন, ছেলেমেয়ে ও মহিলাদেরকে বন্দী করতে লাগলেন। মুসা ইব্ন নুসায়র প্রচুর পরিমাণ গনীমত, সম্পদ ও অগণিত উপচোকন নিয়ে প্রত্যাবর্তন করেন।

এ বছরেই আফ্রিকাবাসীরা অত্যন্ত অভাব-অনটনে পতিত হয়। মুসা ইব্ন নুসায়র তাদেরকে নিয়ে পানির প্রার্থনার জন্যে ঘর থেকে বের হয়ে পড়েন। দ্বিতীয় পর্যন্ত তিনি লোকজনকে নিয়ে দু'আ করতে থাকেন। যখন তিনি মিথার থেকে অবতরণ করতে ইচ্ছে করেন তখন তাকে বলা হল, আমিরুল মু'মিনীনের জন্যে কি দু'আ করবেন না? তিনি বললেন, এ জায়গায় আমিরুল মু'মিনীনের জন্যে দু'আ করার ক্ষেত্র নয়। যখন তিনি এ কথাটি বললেন, মহান আল্লাহ্ তাদের উপর বৃষ্টি বর্ষণ করেন, প্রচুর বৃষ্টিপাত হলো। তাদের অবস্থা চমৎকাররূপ ধারণ করল। তাদের দেশ শস্য শ্যামলে ভরে উঠল।

এ বছরেই উমর ইব্ন আবদুল আয়িয়, খুবায়র ইব্ন আবদুল্লাহ্ ইব্নুয় খুবায়রকে আল-ওয়ালীদের নির্দেশে পঞ্চাশটি বেত্রাঘাত করেন। কঠিন ঠাণ্ডার দিনে তার মাথায় একশত মশক ঠাণ্ডা পানি ঢালেন এবং ঐদিনই তাকে মসজিদের দরযায় দণ্ডয়ামান করেন। ফলে তিনি মারা যান। মহান আল্লাহ্ তাঁকে রহম করলন। খুবায়বের মৃত্যুর পর উমর ইব্ন আবদুল আয়িয় অত্যন্ত ভীত-সন্ত্রস্ত হয়ে পড়েন এবং কোন প্রকার নিরাপত্তা বোধ করছিলেন না। যখন তাকে আখিরাতের কোন বস্তু সম্পর্কে শুভসংবাদ দেওয়া হতো তখন তিনি বলতেন, এটা আমার জন্যে ক্ষেমন করে হবে খুবায়ব তো রাস্তায়? অন্য এক বর্ণনায় আছে তিনি বলতেন এটা আমার জন্যে হতো যদি খুবায়ব রাস্তায় না থাকত। তারপর তিনি সত্তানহারা মায়ের ন্যায় জোরে জোরে চীৎকার করতেন। যদি তার কোন প্রশংসা করা হতো, তখন তিনি বলতেন, খুবাইব! হায়রে খুবায়ব! যদি আমি তার থেকে পরিত্রাণ পেতাম, তাহলেই আমি ভাল থাকতাম। খুবায়বকে বেত্রাঘাত করার পর তিনি পবিত্র মদীনাতে অবস্থান করেন। তারপর তিনি ভীত-সন্ত্রস্ত অবস্থায় কালাতিপাত করতে লাগলেন। ইবাদত ও কান্নাকাটিতে ব্যস্ত হয়ে পড়লেন। এটা ছিল তার জীবনের একটি বড় হোচ্ট কিন্তু এর মাধ্যমে তার বহু কল্যাণ সাধিত হয়। যেমন ইবাদত, কান্নাকাটি, চিন্তা-ভাবনা, ভয়ভীতি, দয়া ও ইহসান, ন্যায়পরায়ণতা, সত্যবাদিতা, আনুগত্য ও গোলাম আযাদ ইত্যাদির ন্যায় গুণবলী বিশেষভাবে উল্লেখযোগ।

এ বছরে হাজ্জাজ ইব্ন ইউসুফের চাচাত ভাই মুহাম্মদ ইব্ন কাসিম হিন্দুস্তানের দেবেল ও অন্যান্য নগর জয় করেন। হাজ্জাজ তাকে হিন্দুস্তানে যুদ্ধ করার জন্য মনোনীত করেছিল। তাঁর বয়স ছিল তখন ১৭ বছর মাত্র। তিনি সেনাবাহিনী নিয়ে অগ্রসর হলেন এবং বিরাট সেনাবাহিনী নিয়ে হিন্দুস্তানের রাজা দাহিরের মুকাবিলা করেন। তার সাথে ছিল ২৭টি মনোনীত হাতী। তাদের মধ্যে তুমুল যুদ্ধ হয়। রাজা দাহিরের সৈন্যদেরকে মহান আল্লাহ্ পরাজিত করেন এবং রাজা দাহির পলায়ন করেন। যখন রাজার অঙ্ককার নেমে আসল, রাজা অগ্রসর হলো এবং তার সাথে ছিল বিরাট সেনাবাহিনী। তাদের মধ্যে প্রচণ্ড যুদ্ধ হলো। রাজা দাহির নিহত হলো। তার সাথে যারা ছিল তারা পরাজিত হলো। মুসলমানেরা পরাজিত হিন্দুদের পিছু নিলেন এবং তারা তাদেরকে হত্যা করলেন। তারপর মুহাম্মদ ইব্ন কাসিম অগ্রসর হলেন এবং কাবরাজ শহর ও তার আশপাশের ভূখণ্ড জয় করেন। তিনি গনীমত হিসেবে প্রচুর সম্পদ এবং মূল্যবান ধাতু যথা

মুক্তা ও স্বর্গ ইত্যাদি নিয়ে তিনি প্রত্যাবর্তন করেন। এভাবে বনূ উমায়্যার মধ্যে জিহাদের প্রেরণা উজ্জীবিত ছিল। এছাড়া তাদের অন্য কোন পেশার দিকে মনোযোগও ছিল না। পৃথিবীর প্রাচ্যে ও প্রতীচ্যে, সাগরে ও নগরে ইসলামের আওয়ায সমুন্নত হলো। তারা কুফরী ও কাফিরদেরকে পর্যন্ত করল। মুশরিকদের অন্তর মুসলমানদের ভয়ে প্রকশ্পিত হয়ে উঠল। মুসলমানগণ বিভিন্ন এলাকার যেই দিকেই দৃষ্টি নিশ্চেপ করতেন তা জয়লাভ করে নিতেন। জিহাদের সৈন্যদের মধ্যে পুণ্যবান, আওলিয়া এবং প্রবীণ তাবিঙ্গণের উলামায়ে কিরাম অন্তর্ভুক্ত ছিলেন। প্রত্যেকটি সৈন্যদলেই এ ধরনের একটি বড় জামাআত যাকত, মহান আল্লাহু তাদের ওসীলায় ইসলামের বিজয় দান করেন।

কুতায়বা ইব্ন মুসলিম তুর্কী শহরগুলোতে বিজয়ের ধ্বনি সমুন্নত রাখেন। তিনি শক্র সৈন্যদেরকে হত্যা করছিলেন, বন্দী করছিলেন এবং তাদের থেকে প্রচুর গন্ধীমতের মাল অর্জন করছিলেন। তিনি শহরের পর শহর জয় করছিলেন এমনকি চীনের সীমান্ত পর্যন্ত তিনি পৌছে যান। সেখানকার বাদশাহর কাছে তিনি দৃত পাঠান। এতে ভীত-সন্ত্রস্ত হয়ে বাদশাহ তার কাছে উপচোকন হিসেবে প্রচুর সম্পদ প্রেরণ করেন এবং অত্যন্ত ক্ষমতা ও প্রচুর সৈন্য থাকা সন্দেশ সদাচরণের খাতিরে তিনি দৃত পাঠান। এভাবে আশেপাশের বাদশাহগণ তার প্রতি ভীত হয়ে কর আদায় করতে লাগলেন। যদি হাজার্জ বেঁচে থাকত, তাহলে চীনের শহরগুলো হতে সৈন্য প্রত্যাহার করা হত না এবং চীনের বাদশাহর সাথে মুসলমানদের সৌজন্য সাক্ষাত হতো। কিন্তু হাজার্জ যখন মারা যায়, তখন মুসলিম সৈন্যরা প্রত্যাবর্তন করেন।

তারপর কুতায়বা নিহত হন। সম্ভবত কোন মুসলমানই তাকে হত্যা করে। অন্যদিকে মাসলামাহ ইব্ন আবদুল মালিক ইব্ন মারওয়ান, আমীরুল মু'মিনীন আল-ওয়ালীদের ছেলে ও তার অন্য ভাই রোমের শহরগুলোতে বিজয়ের পতাকা সমুন্নত রেখেছিল। তারা সিরিয়ার সৈন্যদের বিরুদ্ধে যুদ্ধ করছিল এবং তারা কুস্তানতীনয়া পৌছে যায়। মাসলামাহ সেখানে একটি জামে 'মসজিদ তৈরী করেন, যেখানে মহান আল্লাহর ইবাদত করা হয়। ফ্রান্সের বাসিন্দাদের অন্তর মুসলমানদের প্রতি ভীত-সন্ত্রস্ত হয়ে উঠে। অন্যদিকে হাজার্জের ভাতিজা মুহাম্মদ ইব্ন কাসিম হিন্দুস্তানে যুদ্ধ করছিল এবং বিভিন্ন শহর জয় করছিল।

মুসা ইব্ন নুসায়র মরক্কোর শহরগুলোতে যুদ্ধ করছিল বিভিন্ন শহর জয়লাভ করছিল, এবং মিসরীয় শহরগুলোতেও জয় অব্যাহত ছিল।

এ এলাকাগুলোর বাসিন্দাগণ ইসলামের সুশীল ছায়ায় প্রবেশ করে এবং দেব-দেবীর পূজা প্রত্যাহার করে। এর পূর্বে সাহাবায়ে কিরাম হযরত উমর (রা) ও হযরত উছমান (রা)-এর যুগে এসব এলাকায় কিছু শহর জয় করে প্রবেশাধিকার অর্জন করেন। তাই পরে মুসলমানগণ বিরাট এলাকা যেমন সিরিয়া, মিসর, ইরাক, ইয়ামান ও তুর্কীর প্রধান শহরগুলো জয় করেন। তারা 'মাওরাউন্ন-নাহার' ও মরক্কোর প্রধান শহরগুলো পর্যন্ত পৌছে যান। রাসুলুল্লাহ (সা)-এর হিজরতের পর থেকে প্রথম শতাব্দীতে বনূ উমায়্যার খিলাফতের সমাপ্তি পর্যন্ত মুসলমানদের মধ্যে জিহাদের চেতনা বিদ্যমান থাকে। আবার বনূ আবাসের খিলাফতকালে যেমন খলীফা মানসুর ও তার আওলাদ, খলীফা হারানুর রশীদ ও তার আওলাদের মধ্যে জিহাদের চেতনা বিরাজমান ছিল। মাহমুদ সুবৃক্তগীন ও তার সন্তান, তাদের যুগে হিন্দুস্তানের বহু শহর জয় করেন। বনূ উমায়্য থেকে যারা মরক্কোতে পালিয়ে গিয়েছিল। তারা ফ্রান্সের ভূমিতে জিহাদের চেতনা প্রতিষ্ঠিত করেছিল। তারপর যখন এ সব এলাকায় জিহাদের চেতনা স্থিতি হয়ে গেল। ঐ সব এলাকা শক্রদের দখলে চলে গেল এবং মুসলমানরা দুর্বল হয়ে পড়ল। তারপর যখন

ফাতিমী কর্তৃত মিসর ও সিরিয়ার বিভিন্ন শহরে প্রতিষ্ঠিত হয়, মুসলমানদের শক্তি হ্রাস পায়, সাহায্যকারী কমে যায়, ফ্রান্সবাসীরা সিরিয়ার শহরগুলো দখল করে নেয়। এমনকি তারা বায়তুল মুকাদ্দাস দখল করে নেয়। আল্লাহ তা'আলা বনু আয়্যবকে নূরদীনের মাধ্যমে প্রতিষ্ঠিত করেন। তারা শক্রদের থেকে তা ফেরত নেন এবং তাদেরকে সেখান থেকে বিতাড়িত করেন। মহান আল্লাহর জন্যেই সমস্ত প্রশংসা। এসব বিষয়ে বিস্তারিত বর্ণনা যথাস্থানে করা হবে।

এ বছরেই আল-ওয়ালীদ উমর ইব্ন আবদুল আয়ীয়কে মদীনার আমীরের পদ থেকে বরখাস্ত করেন। তার কারণ ছিল নিম্নরূপ : উমর ইব্ন আবদুল আয়ীয় আল-ওয়ালীদের কাছে পত্র লিখে ইরাকের বাসিন্দাদের প্রতি হাজ্জাজের অত্যাচার ও অবিচার সম্পর্কে অবগত করেন। এ পত্র সম্পর্কে হাজ্জাজ অবগত হয়ে আল-ওয়ালীদের কাছে পত্র লিখেন ও বলেন : নিচ্যয়ই উমর পবিত্র মক্কা ও মদীনার শাসন সম্পর্কে অত্যন্ত দুর্বল। তাই পবিত্র মক্কা ও মদীনায় শক্তিশালী শাসক প্রেরণ করুন যিনি খুব সুসংহতভাবে হারামায়নের শাসনকার্য পরিচালনা করবেন। আল-ওয়ালীদ পবিত্র মদীনায় উচ্চমান ইব্ন হায়্যান এবং পবিত্র মক্কায় খালিদ ইব্ন আবদুল্লাহ আল-কাসরীকে শাসক নিযুক্ত করেন। মোটকথা, হাজ্জাজ তাকে যে পরামর্শ দিলেন তিনি তা করলেন। উমর ইব্ন আবদুল আয়ীয় শাওয়াল মাসে পবিত্র মদীনা থেকে বের হয়ে যান এবং সাবীদায় অবতরণ করেন। উচ্চমান ইব্ন হায়্যান এ বছরেই শাওয়ালের দুদিন বাকী থাকতে পবিত্র মদীনায় আগমন করেন। এ বছরেই আবদুল আয়ীয় ইব্ন আল-ওয়ালীদ ইব্ন আবদুল মালিক লোকজনকে নিয়ে হজ্জ আদায় করেন। এ বছরে যেসব ব্যক্তি ইন্তিকাল করেন তাদের মধ্যে একজন হলেন : আনাস ইব্ন মালিক (রা)। তাঁর পূর্ণ নাম আবু হাময়া আনাস ইব্ন মালিক ইব্ন আন নয়র ইব্ন যাময়াম ইব্ন যায়দ ইব্ন হারাম ইব্ন জুনদুর ইব্ন আমির ইব্ন গানম ইব্ন আদী ইব্ন নাজ্জার আল-আনসারী আন-নাজ্জারী। কেউ কেউ বলেন, তাঁর কুনিয়ত ছিল আবু সামাকাহ। তিনি রাসূলুল্লাহ (সা)-এর সাদিম ও সাথী। তাঁর মায়ের নাম উষ্মে হারাম মূলায়কাহ বিনতে মিলহান ইব্ন খালিদ ইব্ন যায়দ ইব্ন হারাম। আবু তালহা, যায়দ ইব্ন সাহল আল-আনসারীর স্ত্রী। রাসূলুল্লাহ (সা) হতে তিনি বহু হাদীস বর্ণনা করেন এবং গুরুত্বপূর্ণ শান্তসমূহের সংবাদ দেন। তিনি আবু বকর সিদ্দাক (রা), উমর (রা), উচ্চমান (রা), ইব্ন মাসউদ (রা) ও অন্যদের থেকে হাদীস বর্ণনা করেন। তাবিস্দের অনেকেই তাঁর থেকে হাদীস বর্ণনা করেন।

আনাস (রা) বলেন, “যখন রাসূলুল্লাহ (সা) মদীনায় আগমন করেন, তখন আমার বয়স ছিল ১০ বছর। তিনি যখন ইন্তিকাল করেন তখন আমার বয়স ২০ বছর। মুহাম্মদ ইব্ন আবদুল্লাহ আল-আনসারী আপন পিতার মাধ্যমে সামাসাহ (রা) হতে বর্ণনা করেন। তিনি বলেন, হযরত আনাস (রা)-কে জিজ্ঞাসা করা হলো, আপনি কি বদর যুদ্ধে উপস্থিত ছিলেন? তিনি বলেন, তোমার মাতা তোমার জন্যে ক্রন্দন করুক, আমি বদর যুদ্ধ থেকে কেমন করে অনুপস্থিত থাকতে পারি? আল-আনসারী বলেন, তিনি রাসূলুল্লাহ (সা)-এর খিদমত করা অবস্থায় বদরের যুদ্ধে উপস্থিত ছিলেন। আল্লামা ইব্ন কাহীর (র) বলেন, “উন্নাদ আল-হাফিয় আবুল হাজ্জাজ আল মাদানী বলেন : মহান আল্লাহর পথে জিহাদকারিগণের শৃণ-গরিমা ও ক্রিয়াকর্ম সম্পর্কিত বিবরণ দানকারীদের কেউ এ ব্যাপারে কিছু উল্লেখ করেননি। এটা স্পষ্ট যে, তিনি এর পরের যুদ্ধগুলোতে উপস্থিত ছিলেন। মহান আল্লাহ অধিক পরিজ্ঞাত।

এটা প্রমাণিত যে, তাঁর মাতা তাকে নিয়ে অন্য এক বর্ণনায় তার চাচা, মায়ের স্বামী আবৃত্তাল্হা (রা) রাসূলুল্লাহ (সা)-এর কাছে উপস্থিত হন এবং বলেন, হে আল্লাহর রাসূল! এর নাম আনাস, বৃদ্ধিমান, আপনার খিদমত করবে। তিনি তাকে এ কাজের জন্য দান করেন। রাসূলুল্লাহ (সা) তাকে গ্রহণ করেন। তাঁর মা তাঁর জন্যে দু'আ করতে রাসূলুল্লাহ (সা)-কে অনুরোধ করেন। রাসূলুল্লাহ (সা) দু'আ করলেন, **اللَّهُمَّ أَكْثِرْ مَا أَلَهُ وَلَدَهُ وَأَدْخِلْهُ الْجَنَّةَ**। হে আল্লাহ! তার সম্পদ বৃদ্ধি করুন, তাঁর আওলাদ বৃদ্ধি করুন এবং জান্নাতে তাকে দাখিল করুন।

হ্যরত আনাস (রা) হতে বর্ণিত রয়েছে। তিনি বলেন, রাসূলুল্লাহ (সা) আমাকে একটি খেজুর গাছ দান করেছিলেন। তার থেকে আমি ফল সংগ্রহ করতাম। হ্যরত আবৃত্ত বকর (রা) এরপরে হ্যরত উমর (রা) তাকে বাহরায়ন প্রদেশের আমীর নিযুক্ত করেছিলেন এবং উম্ম সেবার জন্যে তাকে তারা ধন্যবাদ দিয়েছিলেন। রাসূলুল্লাহ (সা)-এর ইন্তিকালের পর তিনি বসরায় বসবাস করেন। সেখানে তার চারটি বাড়ি ছিল। হাজাজ তাকে কষ্ট দিয়েছিল। আর এটা ঘটেছিল ইব্ন আশআছের সমস্যার সময়। হাজাজ ধারণা করেছিল, এ ব্যাপারে আনাস (রা)-এর হাত রয়েছে এবং এ ব্যাপারে তিনি ফাতওয়া প্রদান করেছেন। হাজাজ তাঁর গর্দানে মোহর মেরেছিল। এটা ছিল হাজাজের ধৃষ্টতা। আনাস (রা) খলীফা আবদুল মালিকের কাছে অভিযোগ দায়ের করেছিলেন। এ ব্যাপারে পূর্বে বিস্তারিত বর্ণনা করা হয়েছে। হাজাজের কাছে আবদুল মালিক কঠোর ভাষ্য পত্র লিখেছিলেন। ফলে হাজাজ ভীত হয়েছিল এবং আনাস (রা)-এর সাথে সম্মত করেছিল। খলীফা আল-ওয়ালীদ ইব্ন আবদুল মালিকের আমলে হ্যরত আনাস (রা) প্রতিনিধি দলের প্রধান হিসেবে তাঁর দরবারে এসেছিলেন। কেউ কেউ বলেন, ৯২ হিজরীতে এ ঘটনা ঘটেছিল। তিনি দামেক্সের জামে মসজিদ তৈরী করেছিলেন। মাকহুল (র) বলেন, আমি দামেক্সের মসজিদে হ্যরত আনাস (রা)-কে হাটতে দেখেছি। তিনি বলেন, আমি তার কাছে গেলাম এবং জানায়ার সালাতের পর উয় সম্পর্কে জিজিসা করলাম। তিনি বললেন, এরপর কোন উয় করতে হবে না। আল-আওয়ায়ী (র) বলেন : ইসমাইল ইব্ন আবদুল্লাহ ইব্ন আবুল মুহাজির আমাকে হাদীস বর্ণনা করেছেন। তিনি বলেন, একবার আল ওয়ালীদের কাছে আনাস (রা) আগমন করেন। তাকে আল-ওয়ালীদ বলেন, কিয়ামত সম্পর্কে তুমি রাসূলুল্লাহ (সা)-কে কিছু বলতে শুনেছ? তিনি বললেন “আমি রাসূলুল্লাহ (সা)-কে বলতে শুনেছি, তিনি বলতেন, তোমরা ও কিয়ামতের মাঝে এ দুই আঙুলের মত ফারাক।” আবদুর রাজ্ঞাক ইব্ন উমর, ইসমাইল হতে বর্ণনা করেন। তিনি বলেন : আনাস (রা) ৯২ হিজরীতে আল-ওয়ালীদের দরবারে এসেছিলেন। হ্যরত আনাস (রা) ও তা উল্লেখ করেছিলেন। ইমাম আয়-যুহরী (র) বলেন, “আমি দামেক্সে হ্যরত আনাস ইব্ন মালিক (রা)-এর কাছে উপস্থিত ছিলাম। তিনি কাঁদছিলেন। আমি বললাম, আপনি কেন কাঁদছেন? তিনি বললেন, “রাসূলুল্লাহ (সা) ও তাঁর সাহাবীগণ যে রূপ সালাত (সময়মত) আদায় করতেন সেই সালাতের সাথে তোমাদের এ সালাতের কোন মিল আমি পাই না। দেরীতে সালাত আদায় করার অভ্যাস তোমরা গড়ে তুলেছ। অন্য এক বর্ণনায় আছে, তিনি বলেছেন, রাসূলুল্লাহ (সা)-এর যামানার সালাত বিলুপ্ত হয়ে গিয়েছে অর্থাৎ বনূ উমাইয়ার খলীফারা সম্ভাব্য শেষ সময় পর্যন্ত সালাতকে বিলুপ্ত করে আদায় করতেন। হ্যরত উমর ইব্ন আবদুল আয়ীয় (র) ব্যক্তিত তারা সকলেই সব সময় বিলুপ্ত সালাত আদায় করতেন।

আবৃদ্ধ ইব্ন হমায়দ (র) আবদুর রায়ঘাক হতে, এবং তিনি জাফর ইব্ন সুলায়মান ও সাবিতের মাধ্যমে হ্যরত আনাস (রা) হতে বর্ণনা করেন। তিনি বলেন, ‘আমার মাতা আমাকে নিয়ে রাসূলুল্লাহ (সা)-এর কাছে আগমন করেন। আমি তখন ছিলাম সবেমাত্র একজন বালক। তিনি বলেন, হে আল্লাহর রাসূল (সা)! আনাস আপনার একজন নগণ্য খাদিম। তার জন্যে আপনি মেহেরবানী করে দু'আ করুন। রাসূলুল্লাহ (সা) বললেন، **اللَّهُمَّ أَكْثِرْ مَا لَهُ وَلَدْهُ أَنْجِلْهُ** “হে আল্লাহ! তার মাল ও আওলাদ বৃদ্ধি করুন এবং তাকে জাল্লাতে দাখিল করুন।” বর্ণনাকারী বলেন, আমি দেখলাম, তার গাছে বছরে দুইবার ফল দেয়, আমি তিনবারের আশা করতে লাগলাম। অন্য এক বর্ণনায় রয়েছে হ্যরত আনাস (রা) বলেন, আল্লাহর শপথ। আমার সম্পদ অনেক। এমনকি আমার খেজুর গাছ ও আংশুর গাছ বছরে দুইবার ফল প্রদান করে। আমার সম্ভান ও সম্ভানকে তারা প্রায় একশতের ন্যায় গণনা করেছে। অন্য এক বর্ণনায় আছে, তিনি বলেন, আমার ঔরসের সম্ভান একশত ছয়জন। এ হাদীসটির বর্ণনার বহু প্রক্রিয়া বিদ্যমান। আর বাক্যগুলোও খুব ছড়ানো ও ছিটানো। অন্য এক বর্ণনায় হ্যরত আনাস (রা) বলেন, আমার মেয়ে আমিনা সংবাদ পরিবেশন করেছে যে, হাজারের আগমন পর্যন্ত আমার ঔরশে যেসব সম্ভান দাফন করা হয়েছে তাদের সংখ্যা একশত বিশ। আল-হাফিয় ইব্ন আসাকির হ্যরত আনাস (রা)-এর জীবনীতে এ হাদীসটি বিভিন্ন প্রক্রিয়ায় ও সনদে বর্ণনা করেছেন। আল্লামা ইব্ন কাষীর (র) বলেন, **دَلَائِلُ النَّبِيَّةِ فِي أَوْخِ السِّيَرَةِ**

একদিন ছাবিত (র) হ্যরত আনাস (রা)-কে বলেন, তোমার হাত কি কখনো রাসূলুল্লাহ (সা)-এর হাতের তালুতে শৰ্শ করেছিল? তিনি বললেন, “হ্যাঁ।” তিনি বললেন, ‘তোমার হাতটি আমার কাছে দাও, তাহলে আমি এটাকে চুম্বন করব। মুহাম্মদ ইব্ন সাদ, মুসলিম ইব্ন ইবরাহীমের মাধ্যমে আল-মুছাব্বা ইব্ন সাঈদ আয়-ঘিরা’ হতে বর্ণনা করেন। তিনি বলেন, ‘আমি আনাস ইব্ন মালিককে বলতে শুনেছি, তিনি বলতেন, এমন কোন রাত ছিল না, যে রাতে আমি আমার হাবীব রাসূলুল্লাহ (সা)-কে দেখি নাই। এ কথার পর তিনি ক্রন্দন করতে লাগলেন। মুহাম্মদ ইব্ন সাদ, আবু মুআয়ম ও ইউনুস ইব্ন আবু ইসহাকের মাধ্যমে আল-মিনহাল ইব্ন আমর হতে বর্ণনা করেন। তিনি বলেন : হ্যরত আনাস (রা) ছিলেন রাসূলুল্লাহ (সা)-এর জুতা ও উঁচুর পাত্র বহনকারী। আবু দাউদ (র) বলেন : আল-হাকাম ইব্ন আতিয়াহ, ছাবিতের মাধ্যমে হ্যরত আনাস (রা) হতে বর্ণনা করেন। তিনি বলেন, “আমি আশা করছি যে, যখন আমি কিয়ামতের দিন রাসূলুল্লাহ (সা)-এর সাথে সাক্ষাত করব, তখন আমি তাঁকে বলব, ‘হে আল্লাহর রাসূল! আমি আপনার নগণ্য খাদিম।’”

ইমাম আহমদ (র) বলেন, ইউনুস.... হ্যরত আনাস (রা) হতে বর্ণনা করেন। তিনি বলেন, একদিন আমি রাসূলুল্লাহ (সা)-কে কিয়ামতের দিন আমার জন্যে সুপারিশ করার অনুরোধ জ্ঞাপন করলাম, তিনি বললেন, আমি তোমার জন্যে সুপারিশ করব। আমি বললাম, “হে আল্লাহর রাসূল (সা)! কিয়ামতের দিন আমি আপনাকে কোথায় খোঁজ করব?” রাসূলুল্লাহ (সা) বলেন, যখন তুমি খোঁজ করার ইচ্ছে করবে, তখন তুমি আমাকে সিরাত বা পুলসিরাতের নিকট খোঁজ করবে। আমি বললাম, যদি সেখানে আমি আপনার সাক্ষাত না পাই, তাহলে কোথায় আমি আপনাকে খোঁজ করব? তিনি বললেন, তুমি আমাকে মীয়ানের (দাঁড়িপাল্লা) কাছে খোঁজ করবে। আমি বললাম, যদি আপনাকে আমি মীয়ানের কাছে না পাই? তিনি

বললেন, তাহলে আমি হাওয়ের কাছে অর্থাৎ হাওয়ে কাওছারের নিকট থাকব। কিয়ামতের দিন এ তিনটি জায়গার যে কোন একটিতে আমি থাকতে ভুলব না।” ইমাম তিরমিয়ী (র) ও অন্যগণ হারব ইব্ন মায়মুন থেকে এ হাদীস বর্ণনা করেন। ইমাম তিরমিয়ী (র) বলেন, এ হাদীস হাসান বা উত্তম এবং গারীব বা কোন এক পর্যায়ে বর্ণনাকারীর সংখ্যা মাত্র একজন। বর্ণনার এই ধারা ব্যতীত অন্য কোন ধারায় হাদীস প্রসিদ্ধ নয়।

আল্লামা শু'বা, ছাবিত (র) হতে বর্ণনা করেন। তিনি বলেন, হয়রত আবু হুরায়রা (রা) বলেছেন, “আমি কারোর সালাত, রাসূলুল্লাহ (সা)-এর সালাতের সাথে ইব্ন উষ্মে সুলায়ম অর্থাৎ আনাস ইব্ন মালিকের সালাতের চেয়ে অধিক সামঞ্জস্যপূর্ণ দেখতে পাইনি।”

ইব্ন সৌরীন (র) বলেন ৪ হয়রত আনাস (রা) ছিলেন মুকীম ও ভ্রমণ অবস্থায় সালাতের ব্যাপারে উৎকৃষ্ট ব্যক্তি। তিনি বলেন, আনাস (রা) বলেছেন : আমার থেকে সালাত শিখে নাও। কেননা, আমি রাসূলুল্লাহ (সা) হতে সালাত শিখেছি। আর রাসূলুল্লাহ (সা) শিখেছেন আল্লাহ তা'আলা হতে। বর্তমানে আমার চেয়ে অধিক বিশ্বস্ত আর তুমি কাউকে পাবে না। মু'তামার ইব্ন সুলায়মান, তার পিতা হতে বর্ণনা করেন। তিনি বলেন, আমি আনাস (রা)-কে বলতে শুনেছি। তিনি বলেন, “আমি ব্যতীত দুই কিবলার দিকে সালাত আদায়কারী বর্তমানে আর কেউ দুনিয়াতে বাকী নেই।” মুহাম্মদ ইব্ন সাঁদ বলেন, “আফফান আমাকে আবু জানাব নামী এক ওস্তাদ থেকে হাদীস বর্ণনা করেছেন। তিনি বলেন, আমি আল-হারীরীকে বলতে শুনেছি, তিনি বলেন, “একদিন আনাস (রা)-কে ‘যাতে ইরক’ নামক জায়গা থেকে হজ্জের জন্য ইহরাম বাঁধতে দেখেছি। কিন্তু, হালাল হওয়া পর্যন্ত তাকে মহান আল্লাহর যিকির ব্যতীত কোন কথা বলতে শুনি নাই। তিনি আমাকে বললেন, “হে ভাতিজা! এভাবে ইহরাম বাঁধতে হয়।”

সালিহ ইব্ন ইবরাহীম ইব্ন আবদুর রহমান ইব্ন আওফ বলেন, এক জুমুআর দিন হয়রত আনাস (রা) আমাদের কাছে গমন করেন। আর আমরা রাসূলুল্লাহ (সা)-এর কোন এক স্তৰীর ঘরে কথা বলছিলাম। তিনি তখন আমাদেরকে বললেন, ‘থামুন’। তারপর সালাত কার্যম করা হলো। তিনি বললেন, আমি ভয় করছি যে, থামুন কথার দ্বারা আমি তো আমার জুমুআর সালাত বাতিল করে দেইনি।

ইব্ন আবুদ্দুনিয়া বলেন, বাশার ইব্ন মূসা আল-খাফাফ, জাফর ইব্ন সুলায়মানের মাধ্যমে ছাবিত হতে বর্ণনা করেন। তিনি বলেন ৪ : আমি হয়রত আনাস (রা)-এর সাথে ছিলাম। তখন নিরাপত্তা মহিলা কর্মী এসে বলল, হে আবু হাময়া! পৃথিবী তৃক্ষণার্হ হয়ে পড়েছে। বর্ণনাকারী বলেন, হয়রত আনাস (রা) এ কথা শুনে উঠে পড়লেন, উয়ু করলেন এবং মাঠের দিকে বেরিয়ে পড়লেন। তিনি দুই রাকাআত সালাত আদায় করলেন। তারপর দু'আ করলেন। আকাশে মেঘ ভারী হতে দেখলাম। তারপর প্রাচুর বৃষ্টি হলো এবং আমাদের মনে হতে লাগল, সব কিছু যেন বৃষ্টির পানিতে ভরে গেছে। যখন বৃষ্টি থামল, তখন হয়রত আনাস (রা) তাঁর পরিবারের একজনকে প্রেরণ করেন এবং বলেন, দেখতে বৃষ্টি আকাশের কতদূর পর্যন্ত গড়িয়েছে? তিনি দেখলেন এবং বললেন, পৃথিবীর সামান্য অংশে বৃষ্টিপাত হয়েছে।

ইয়াম আহমদ (র) বলেন ৪ : মুআয় ইব্ন আওনের মাধ্যমে মুহাম্মদ (র) হতে বর্ণনা করেন। তিনি বলেন, আনাস (রা) যখন রাসূলুল্লাহ (সা) হতে কোন হাদীস বর্ণনা করতেন, তখন ভীত-সন্ত্রস্ত হয়ে যেতেন এবং হাদীস বর্ণনার শেষে বলতেন **أَوْ كَمَا قَالَ رَسُولُ اللّٰهِ**। অর্থাৎ কিংবা যেরূপ রাসূলুল্লাহ (সা) বলেছেন।

আল-আনসারী, ইব্ন আওফের মাধ্যমে মুহাম্মদ (র) হতে বর্ণনা করেন। তিনি বলেন, একদিন কোন এক আমীর আনাস (রা)-এর কাছে গনীমতের কিছু সম্পদ প্রেরণ করেন। তখন তিনি বললেন, এটা কি খুমুসের অন্তর্ভুক্ত। প্রেরিত ব্যক্তি বললেন, ‘না’ তখন তিনি তা গ্রহণ করলেন না।

আন-নব্যর ইব্ন শাদাদ তার পিতা হতে বর্ণনা করেন। তিনি বলেন, একবার হ্যরত আনাস (রা) পীড়িত হয়ে পড়লেন। তখন তাঁকে বলা হলো, আপনার জন্যে কি আমরা একজন চিকিৎসক ডেকে আনব না? তিনি বললেন, চিকিৎসকই তো আমাকে পীড়িত করেছেন।

হাস্তল ইব্ন ইসহাক বলেন: আবু আবদুল্লাহ্ আর-রুকানী, জা'ফর ইব্ন সুলায়মানের মাধ্যমে আলী ইব্ন ইয়ায়ীদ হতে বর্ণনা করেন। তিনি বলেন আমি হাজ্জাজের সাথে একবার রাজপ্রাসাদে ছিলাম। সে বেশ কিছুদিন ধরে ইবনুল আশআছের সম্পর্কে জনগণের অভিযোগ শ্রবণ করছিলেন। তারপর আনাস ইব্ন মালিক (রা) আগমন করলেন। তখন হাজ্জাজ বলল, “হে খাবীস! বিভাস্তি সৃষ্টিকারী, একবার আলীর পক্ষ অবলম্বন, আরেকবার আবদুল্লাহ্ ইব্নুয়-যুবায়রের পক্ষ অবলম্বন, আরেকবার ইবনুল আশআছের পক্ষ অবলম্বন। এ সত্তার শপথ, যার হাতে হাজ্জাজের প্রাণ, আমি তোমাকে উচ্ছেদ করব যেমনভাবে গাছের আঠা জমাবার জন্যে আঠা উচ্ছেদ করে সংগ্রহ করা হয়। আমি তোমার শরীরের চামড়া এমনভাবে উঠিয়ে নেব যেমনভাবে শুই সাপের চামড়া উঠানো হয়। বর্ণনাকারী বলেন: হ্যরত আনাস (রা) বলছিলেন, হে আমীর! এর থেকে আমি মুক্ত। হাজ্জাজ বলল, আমাকে সাহায্য করা থেকে তুমি দূরে থাক। আল্লাহ্ তোমাকে বধির করুন। বর্ণনাকারী বলেন, হ্যরত আনাস (রা) ‘ইন্না লিল্লাহে ওয়া ইন্না ইলাহি রাজিউন’ পড়লেন। হাজ্জাজ অন্য কাজে ব্যস্ত হয়ে পড়ল। হ্যরত আনাস (রা) বের হয়ে পড়লেন। আমরা তার পিছনে পিছনে প্রশংস্ত জায়গায় বের হয়ে আসলাম। তখন তিনি বললেন, যদি আমার সন্তানদের কথা চিন্তায় না আসত, অন্য বর্ণনায় আছে, যদি আমার ছোট ছোট সন্তানদের কথা চিন্তায় না আসত এবং তাদের উপর তার অভ্যাচারের কথা ধারণায় না আসত, তাহলে আমি কিভাবে নিহত হব তার কোন চিন্তাই আমি করতাম না। আর আমি এখানে তার সাথে এমনভাবে কথা বলতাম সে যেন কোনদিন এরপর আমাকে হালকা মনে না করতে পারে।

আবু বকর ইব্ন আইয়াশ উল্লেখ করেন যে, একদিন আনাস (রা) খলীফা আবদুল মালিকের কাছে হাজ্জাজের বিরুদ্ধে অভিযোগ পেশ করে বলেন, আল্লাহ্ র শপথ, যদি ইয়াহুদী ও খ্রিস্টানরা কাউকে তাদের নবীর খিদমত করতে দেখত তারা নিশ্চয়ই তার সম্মান করত। আর আমি দশ বছর যাবত রাসূলুল্লাহ্ (সা)-এর খিদমত করেছি। আবদুল মালিক হাজ্জাজের কাছে কঠোর ভাষায় পত্র লিখলেন এবং পত্রের শেষে লিখলেন, আমার এ পত্রটি তোমার কাছে পৌছাব পর তুমি আবু হাম্যার নিকট গমন করবে, তাকে সন্তুষ্ট করবে এবং তাঁর হাত-পা চুম্বন করবে। অন্যথায় আমার তরফ থেকে তোমার কাছে এমন শাস্তি পৌছবে যার তুমি যোগ্য। আবদুল মালিকের কঠোর ভাষার পত্র যখন হাজ্জাজের কাছে পৌছল, তখন সে ক্ষমা প্রার্থনার জন্যে তাঁর কাছে যাবার মনস্ত করল। কিন্তু, যে ব্যক্তি পত্রটি নিয়ে এসেছিল, সে তাকে আনাস (রা)-এর নিকট না যেতে ইঙ্গিত করল এবং হ্যরত আনাস (রা)-কে হাজ্জাজের কাছে সন্ধি করার জন্যে যেতে ইঙ্গিত করল। যে ব্যক্তি পত্রটি বহন করেছিল তার নাম ছিল ইসমাইল ইব্ন আবদুল্লাহ্ ইব্ন আবুল মুহাজির। সে ছিল হাজ্জাজের বন্ধু। তারপর হাজ্জাজের কাছে হ্যরত আনাস (রা) আগমন করলেন। তখন হাজ্জাজ বসা থেকে উঠে হ্যরত আনাস (রা)-এর সাথে

মূলাকাত করেন এবং বলেন, “আমার ও আপনার উদাহরণ হলো উন্নত প্রতিবেশীর ন্যায়, উভয়ে
একে অন্যের অনুগত থাকব। এ নিয়ে যেন আমাদের মধ্যে আর কোন প্রকার কথা না উঠে।”

ইবন কুতায়বা বলেন : হাজাজ আনাস (রা)-কে মন্দ কথা বলার পর আবদুল মালিক
হাজাজের কাছে পত্র লিখেন :

يَا أَبْنَ الْمُسْتَقْرِمَةَ عَجَبَ الرَّبِّ لَقَدْ هَمَمْتُ أَنْ أَرْكَلَ رَكْلَةً تَهْوِي بِهَا إِلَى
نَارِ جَهَنَّمَ قَاتَلَكَ اللَّهُ أَخْيَقْشُ الْعَيْنَيْنِ أَفَيْتَلُ الرِّجْلَيْنِ أَسْوَدَ الْعَاجِزَيْنِ -

অর্থাৎ যার স্ত্রী-অঙ্গ সঙ্গমের সময় সংকুচিত হয়ে যায় তার সন্তান! তোমাকে আমি এমন
এক লাখি দেবোর ইচ্ছে পোষণ করি যার মাধ্যমে তুমি জাহানামের অগ্নিতে পতিত হবে, তুমি
ক্ষীণ দৃষ্টি সম্পন্ন দুই চোখের অধিকারী, বাঁকা দুই পাওয়ালা ও দুইটি কালো নিতয়ের ধারক!
তোমাকে আল্লাহ ধৰ্মস করুন।”

আহমদ ইবন সালিহ আল-আজালী বলেন : কোন সাহাবী তাঁর কোন ক্ষেত্রে কথা
বলেননি, শুধু তার দুটো পা বাঁকা ছিল তাতে ছিল কুষ্টরোগ। আনাস ইবন মালিক (রা)-এর
গায়ে ছিল সাদা সাদা দাগ।

আল হুমায়দী... আবু জাফর থেকে বর্ণনা করেন। তিনি বলেন : আমি আনাস (রা)-কে
বড় বড় লুকমাহ দিয়ে খাদ্য গ্রহণ করতে দেখেছি। আর তার গায়ের মধ্যে বহু সাদা সাদা দাগ
দেখতে পেয়েছি।

আবু ইয়ালা বলেন : আবদুল্লাহ ইবন মুআয় ইবন ইয়ায়ীদ, আয়ুব হতে বর্ণনা করেন।
তিনি বলেন : সিয়াম পালন করার ফলে আনাস (রা) দুর্বল হয়ে পড়েছিলেন। তারপর তিনি
খাদ্য প্রস্তুত করতে নির্দেশ দিলেন এবং ত্রিশজন মিসকীনকে দাওয়াত করলেন ও তাদেরকে
খাদ্য খেতে দিলেন। এ হাদীস ইমাম বুখারী সনদবিহীন তা'লীক হিসেবে বর্ণনা করেছেন।
অবশ্য তা সনদযুক্ত হাদীসের ন্যায় মুহাদিসীনের কাছে গ্রহণযোগ্য।

শু'বা, মুসা আস-সুন্বুলাবী হতে বর্ণনা করেন। তিনি বলেন : আমি হ্যরত আনাস
(রা)-কে বললাম, আপনি কি রাসূলুল্লাহ (সা)-এর জীবিত সাহাবীদের মধ্যে সর্বশেষ সাহাবী?
তিনি বললেন, মরওবাসীদের অনেকেই জীবিত আছেন। তবে রাসূলুল্লাহ (সা)-এর সাহাবীগণের
মধ্যে আমিই জীবিত সর্বশেষ সাহাবী। তিনি যখন পীড়িত তখন তাকে বলা হয়েছিল, আপনার
জন্যে কি একজন চিকিৎসক ডেকে আনব না? তিনি বলেন : চিকিৎসকই আমাকে পীড়িত
করেছেন। তিনি আরো বলতেন : আমাকে মৃত্যুর সময় ‘লা ইলাহা ইল্লাল্লাহ’-এর তালকীন
দেবে। তখন তিনি ছিলেন মৃত্যু শয়ায়। এ কথা বলতে বলতে তিনি প্রাণ ত্যাগ করেন। তাঁর
কাছে ছিল রাসূলুল্লাহ (সা)-এর দেওয়া একটি ছোট ঘষি। তাঁর আদেশ মুতাবিক তার সাথে
এটাকেও দাফন করা হয়েছিল। উমর ইবন শাবৰাহ ও অন্যরা বলেন, আনাস (রা) যখন
ইন্তিকাল করেন তখন তাঁর বয়স ছিল একশত সাত বছর। ইমাম আহমদ তাঁর মাসনাদ
নামক কিতাবে বলেন : মুতামির ইবন সুলায়মান, হুমাইদ হতে বর্ণনা করেন। তিনি বলেন :
আনাস (রা) ৯৪ বছর জীবিত ছিলেন। আল্লামা আল ওয়াকিদী বলেন : বসরা শহরে তিনি
সর্বশেষ সাহাবী হিসেবে ইন্তিকাল করেন। অনুরূপ বলেছেন আলী ইবনুল মাদায়নী এবং
আল-ফাল্লাস ও অন্যগণ। তাঁর ইন্তিকালের বছর নিয়ে ঐতিহাসিকগণ মতভেদ করেছেন।
কেউ কেউ বলেন, ৯০ হিজরী কেউ কেউ বলেন, ৯১ হিজরী। আবার কেউ কেউ বলেন, ৯২
হিজরী। আবার কেউ কেউ বলেন, ৯৩ হিজরী এবং এটাই প্রসিদ্ধ। জমছ্র উলামা এ অভিমত
পেশ করেছেন।

ইমাম আহমদ বলেন : আবু নুআয়ম (র) আমার কাছে হাদীস বর্ণনা করেছেন। তিনি বলেন : আনাস ইবন মালিক ও জাবির ইবন যায়দ ৯৩ হিজরীর একই জুমুআয় ইন্তিকাল করেন। কাতাদা (র) বলেন : যখন আনাস (রা) ইন্তিকাল করেন তখন মুয়াররাক আল-আজালী বলেন : আজ অর্ধেক ইলম চলে গেল। তাকে বলা হলো, কেমন করে? হে আবুল মু'তামির! তিনি বলেন : প্রবৃত্তির অনুসারী ব্যক্তিবর্গ যখন হাদীস সম্পর্কে আমাদের বিরোধিতা করত তখন আমরা তাদেরকে বলতাম, তোমরা আস, এমন এক ব্যক্তির কাছে যিনি রাসূলুল্লাহ (সা) থেকে খোদ শ্রবণ করেছেন।

উমর ইবন আবদুল্লাহ ইবন আবু রাবীআ

তার পূর্ণ নাম উমর ইবন আবদুল্লাহ ইবন আবু রাবীআ ইবনুল মুগীরা ইবন আবদুল্লাহ ইবন উমর ইবন মাথ্যুম। তিনি ছিলেন একজন প্রসিদ্ধ কবি। কথিত আছে যে, যেদিন উমর ইবনুল খাতাব (রা) ইন্তিকাল করেন, সেদিন সে জন্মগ্রহণ করে। আর যেদিন উচ্ছমান (রা) শহীদ হন সেদিন তার খাতনা করা হয়। যেদিন হ্যরত আলী (রা) শহীদ হন, সেদিন সে বিয়ে করে। সে উচ্চাংগের সুরাচিসম্পন্ন প্রেমের কবিতা রচনা করত। সে একজন মহিলা সম্পর্কে প্রেমের কবিতা রচনা করত যার নাম ছিল ছুরায়া বিন্ত আলী ইবন আবদুল্লাহ আল-উমুবিয়াহ। আর তাকে বিয়ে করেছিল সুহায়ল ইবন আবদুর রহমান ইবন আওফ আয়-যুহরী। এ সম্পর্কে উমর ইবন আবু রাবীআ বলেন : হে ছুরায়াকে বিবাহ বক্ষনে আবক্ষকারী সুহায়ল! তোমাকে আল্লাহ দীর্ঘ আয়ু দান করুন। কেমন করে তোমরা একে অন্যের সাথে অবাধে মিশবে। ছুরায়া যখন স্বয়ংসম্পূর্ণ হবে, তখন সে হবে শাশী (সিরিয়ার অধিবাসী) আর সুহায়ল যখন স্বয়ংসম্পূর্ণ হবে, তখন সে হবে ইয়ামানী (ইয়ামানের অধিবাসী)।

উমরের সাম্প্রতিক কবিতাগুলো থেকে নীচের কবিতাগুলো ইবন খাল্লিকান উপস্থাপন করেছেন : বিনিদ্রিতকে কষ্ট দেওয়ার পর হে উক্তশ্চ প্রেমিক সাক্ষাতের জন্যে এগিয়ে আস। ধীরে ধীরে রাতের অঙ্ককার দূর হওয়ার পর দিনে সাক্ষাত করার আশায় তুমি নিদ্রাহীন তারকার ন্যায় বিনিদ্রিত রজনী যাগন করছ। তুমি বলছ আমাদের অবস্থা দেখ, আমরা হাল্কা হয়ে গিয়েছি। এর পূর্বে তো আমরা শ্রবণকারী ও দ্রষ্টা ছিলাম। জবাবে সে বলল, “আমরা এমনি আছি যেমনি তুমি আশা করতে, তবে অলংকারই তার ধারককে বিবৰ্ণ থাকতে প্রয়োচিত করেছে।”

বিলাল ইবন আবুদ দারদা

তিনি দামেশ্কের আমীর নিযুক্ত হন। তারপর তিনি সেখানের কাষী নিযুক্ত হন। তারপর তাকে আবদুল মালিক বরখাস্ত করেন এবং আবু ইদরীস আল-খাওলানীকে নিযুক্ত করেন। বিলাল ছিলেন উক্ত চরিত্রের অধিকারী, অত্যন্ত ইবাদতগ্রাহ। প্রকাশ থাকে যে, বাবুস সাগীরে যে কবরটি অবস্থিত এবং কবরে বিলাল নামে পরিচিত, এটা বিলাল ইবন আবুদ দারদার কবর। এটা রাসূলুল্লাহ (সা)-এর মুআয্যিন হ্যরত বিলাল ইবন হামামাহর কবর নয়। কেননা, রাসূলুল্লাহ (সা)-এর মুআয্যিন হ্যরত বিলাল (রা)-কে দারায়্যায় দাফন করা হয়। মহান আল্লাহ অধিক পরিজ্ঞাত।

বিলাল ইবন সাঈদ

তিনি ছিলেন আল-মুয়ানী। তিনি একজন সরদার, ইবাদতগ্রাহ ও ফকীহ ছিলেন। তিনি সংসারত্যাগী, প্রসিদ্ধ পরহেয়গার বান্দাদের অন্তর্ভুক্ত ছিলেন। মদীনায় তিনি ইন্তিকাল করেন।

যুরারাহ ইব্ন আওফা

তার পূর্ণ নাম যুরারাহ ইব্ন আওফা ইব্ন হাজিব আল-আমিরী। তিনি ছিলেন বসরার কাষী। তিনি বসরাবাসী বড় বড় বিদ্বান ও নেক্টকার বান্দাদের অন্তর্ভুক্ত ছিলেন। তাঁর বর্ণনাকৃত হাদীসের সংখ্যা অনেক। একদিন সালাতে ফজরে তিনি সূরায়ে আল মুদ্দাহ্ছির তিলাওয়াত করেন। যখন তিনি **النَّافُورْ فَإِذَا نُفِّرَ** অর্থাৎ “যেদিন শিংগায় ফুৎকার দেওয়া হবে, সেদিন হবে এক সংকটের দিন।” এ আয়াতে পৌছেন, তখন মৃত্যুর কোলে ঢলে পড়লেন। তিনি বসরায় ইন্তিকাল করেন এবং তাঁর বয়স হয়ে ছিল প্রায় ৭০ বৎসর।

খুবায়ব ইব্ন আবদুল্লাহ

তাঁর পূর্ণ নাম খুবায়ব ইব্ন আবদুল্লাহ ইব্ন আয়-খুবায়ব। আল-ওয়ালীদের নির্দেশে উমর ইব্ন আবদুল আয়ীয় তাকে বেত্তাঘাত করেন। ফলে, তিনি ইন্তিকাল করেন। কিছুদিন পরে উমর বরখাস্ত হন। তাকে প্রহার করার জন্যে তিনি আফসোস করতেন ও মহান আল্লাহ'র দরবারে কান্নাকাটি করতেন। তিনি পবিত্র মদীনায় ইন্তিকাল করেন।

হাফ্স ইব্ন আসিম

তার পূর্ণ নাম হাফ্স ইব্ন আসিম ইব্ন উমর ইবনুল খাতাব আল-মাদানী। তাঁর বর্ণিত হাদীসের সংখ্যা অনেক। তিনি সৎ ও যোগ্য বান্দাদের অন্তর্ভুক্ত ছিলেন এবং তিনি পবিত্র মদীনায় ইন্তিকাল করেন।

সাঈদ ইব্ন আবদুর রহমান

তার পূর্ণ নাম সাঈদ ইব্ন আবদুর রহমান ইব্ন ইতাব ইব্ন উসায়দ আল উমাৰী। তিনি বসরার বিশিষ্ট ব্যক্তিবর্গের অন্যতম ছিলেন। তিনি ছিলেন দানশীল ও প্রশংসিত ব্যক্তি। বদান্যতায় চিহ্নিত ব্যক্তিদের অন্যতম। কথিত আছে যে, তিনি এক কবিকে ত্রিশ হাজার মুদ্রা দান করেছিলেন।

ফারওয়াহ ইব্ন মুজাহিদ

কথিত আছে যে, তিনি আবদাল (ওলী আল্লাহ'গণের বিশেষ এক শ্রেণী)-এর অন্তর্ভুক্ত ছিলেন। একবার তিনি বন্দী হন। তিনি ছিলেন একটি যুদ্ধে। তাঁর সাথে ছিল একটি দল। তাদের কাছে সেখানের বাদশাহ আগমন করলেন এবং তাদেরকে একটি জায়গায় আটক ও বন্দী রাখার জন্যে হকুম দিলেন। রাত ভোর হওয়া পর্যন্ত তাদের উপর অত্যাচার করতে নির্দেশ দিলেন। ভোর হওয়ার পর তাদের ক্ষেত্রে তিনি চূড়ান্ত সিদ্ধান্ত নিবেন। ফারওয়াহ তাদেরকে বললেন : আমাদের শহরে আমাদের ফিরে যাওয়া সম্পর্কে তোমাদের কি কোন আপত্তি আছে? তারা বলল, তুমি তো দেখছ, আমাদের এ ব্যাপারে কোন আপত্তি নেই। তিনি তখন তাদের হাতে অবস্থিত শিকলগুলোর উপর হাতে স্পর্শ করলেন। অমনি শিকলগুলো তাদের হাত থেকে উধাও হয়ে গেল। তারপর তিনি কারাগারের দরযায় আগমন করলেন। তা নিজের হাতে স্পর্শ করলেন অমনি দরযাটি খুলে গেল। তারা এ দরয়া দিয়ে বের হয়ে পড়লেন এবং চলে আসলেন। শহরে পৌছার পূর্বেই তারা মুসলিম বাহিনীতে মিলিত হয়ে গেলেন।

আবু শা'ছা জাবির ইব্ন যায়দ

তিনি তিনটি কাজে সরকারী রাজস্ব আদায় করতেন না। পবিত্র মকাব সফরকালে, আয়াদ করার জন্যে গোলাম খরিদ করার সময় এবং কুরবানীর পশু খরিদকালে। তিনি আরো বলতেন,

যে বস্তু দ্বারা মহান আল্লাহর নৈকট্য লাভ করা হয় এটাতে কোন প্রকার রাজস্ব আদায় করবে না। ইব্ন সীবীন (র) বলেন, দীনার ও দিরহামের ক্ষেত্রে আবু শা'ছা ছিলেন একজন খাঁটি মুসলিম। তার সম্বন্ধে নিম্নবর্ণিত কথিতাটি প্রসিদ্ধঃ

'আমি তাকে দেখেছি; তাকে অন্য কেউ ধারণা করো না ; তার কাছে দিরহাম হলো পরহেযগারীর বস্তু। যখন তুমি তা ব্যয় করার ক্ষমতা রাখ। তারপর তুমি তা ছেড়ে দিলে অর্থাৎ ব্যয় করলে না, তাহলে জেনে রেখো তোমার ব্যয় না করার পরহেযগারীই একজন খাঁটি মুসলিমের পরহেযগারী।'

আবু শা'ছা বলেন : ইয়াতীম এবং মিসকীনের জন্যে এক দিরহাম সাদকা করা ইসলামের দৃষ্টিতে হজ্জের পর হজ্জ করার চেয়ে আমার কাছে বেশী প্রিয়। আবু শা'ছা শিক্ষিত ব্যক্তিবর্গের অন্তর্ভুক্ত ছিলেন। তিনি বসরায় ফাতওয়া প্রদান করতেন। জাবির ইব্ন আবদুল্লাহ (রা)-এর ন্যায় কোন সাহাবীকে বসরার বাসিন্দারা কোন প্রশ্ন জিজ্ঞাসা করলে তিনি বলতেন। তোমরা আমাকে কেমন করে এ প্রশ্নটি জিজ্ঞাসা করছ অথচ তোমাদের মধ্যে রয়েছেন আবু শা'ছা ?

জাবির ইব্ন আবদুল্লাহ তাকে বলেন : হে ইব্ন যায়দ! আপনি বসরার ফকীহগণের অন্তর্ভুক্ত। আপনিই অদূর ভবিষ্যতে ফাতওয়া প্রদান করবেন। কাজেই আপনি সত্ত্বের প্রবক্তা হিসেবে পবিত্র কুরআন কিংবা পূর্বের সুন্নাতের ভিত্তিতে ফাতওয়া দান করুন। আপনি যদি এ ছাড়া অন্য কাজ করেন তাহলে আপনি নিজে ধর্ম হবেন এবং অন্যকেও ধর্ম করবেন।

আমর ইব্ন দীনার বলেন : ফাতওয়া প্রদান সংজ্ঞান্ত ব্যাপারে জাবির ইব্ন যায়দ হতে অধিক জ্ঞানী আমি আর কাউকে দেখতে পাইনি।

ইয়াস ইব্ন মুআবিয়া বলেন : আমি বসরাবাসিগণকে এমন অবস্থায় পেয়েছি যে, তাদের মুফতী ছিলেন উমানের বাসিন্দা আল্লামা জাবির ইব্ন যায়দ। যেদিন জাবির ইব্ন যায়দকে দাফন করা হল সেদিন আল্লামা কাতাদা বলেন : আজকের দিনে দুনিয়াবাসীদের সবচেয়ে বেশী শিক্ষিত লোককে দাফন করা হল।

সুফিয়ান ইব্ন উয়াইনাহ আমর ইব্ন দীনার হতে বর্ণনা করেন। তিনি বলেন : আল-হাকাম ইব্ন আয়ুব কিছুসংখ্যক ব্যক্তিকে কার্যীকরণে প্রেরণ করেন। আমি তাদের মধ্যে একজন। এ ব্যাপারে যদি আমি কখনও কোন সমস্যার সম্মুখীন হতাম, সওয়ার হতাম ও তার কাছে দৌড়িয়ে যেতাম।

আবুস-শা'ছা বলতেন : পুণ্যের কার্যগুলোর প্রতি আমি লক্ষ্য করলাম, দেখলাম যে সালাত শরীরকে কষ্ট দেয়। কিন্তু, সম্পদকে স্পর্শ করে না। সিয়াম সাধনাও অনুরূপ। কিন্তু, হজ্জ সম্পদ ও শরীর উভয়টাকে শ্রম দিতে বাধ্য করে। তাই আমি সিন্ধান্তে উপনীত হলাম যে, এগুলোর মধ্যে হজ্জই অধিক মর্যাদার অধিকারী। একদিন তিনি একটি বাগান থেকে এক মুষ্টি মাটি নিলেন। যখন তোর হলো তখন তিনি তা বাগানে নিষ্কেপ করলেন আর বাগানটি ছিল অন্য এক সম্পদায়ের। তারা তখন বলতে লাগল, যদি তিনি যখনই এখান দিয়ে গমন করেন, এক্ষেত্রে এক মুষ্টি মাটি নিয়ে নিতেন, তাহলে বাগানের আর কিছুই বাকী থাকত না।

আবুস শা'ছা বলতেন, যখন তুমি জুমুআর দিন মসজিদে আসবে, দরযায় দাঁড়িয়ে পড়বেঃ

اللَّهُمَّ اجْعَلْنِي إِلَيْكَ أُوْجَهَ مَنْ تَوَجَّ إِلَيْكَ وَأَقْرَبَ مَنْ تَقْرَبَ إِلَيْكَ وَأَنْجَحَ

مَنْ دَعَاكَ وَرَغَبَ إِلَيْكَ -

অর্থাৎ “হে আল্লাহ! অদ্য যারা তোমার প্রতি মনোযোগী হবে, তাদের মধ্যে আমাকে অধিক মনোযোগী কর, যারা তোমার নৈকট্য লাভ করবে, তাদের মধ্যে আমাকে অধিক নৈকট্য অর্জনকারী কর, আর যারা তোমাকে ডাকবে ও তোমার প্রতি আকৃষ্ট হবে, তাদের মধ্যে আমাকে অধিক সফলকাম কর।”

সায়্যাদ ইবন যায়দ, ‘আল-হাজ্জাজ ইবন আবু উয়ায়নাহ হতে বর্ণনা করেন। তিনি বলেন : জাবির ইবন যায়দ আমাদের সালাত আদায়ের জায়গায় আসতেন। তিনি একদিন আমাদের কাছে আগমন করলেন। আর তার পায়ে ছিল একজোড়া পুরানো জুতা। তিনি বললেন, আমার আয়ুর ষাট বছর চলে গেল আমার এ জুতাগুলো আমার কাছে অন্যগুলোর চেয়ে অধিক প্রিয়। তবে হ্যাঁ, যদি পূর্বে আমি কোন কল্যাণ আঞ্জাম দিয়ে থাকি তা ভিন্ন কথা। সালিহ আদ-দিহান বলেন : জাবির ইবন যায়দের হাতে যদি কোন সন্দেহজনক কিংবা অচল মুদ্রা এসে যেত তিনি তা ধ্রংস করে ফেলে দিতেন যাতে অন্য কোন মুসলিম প্রতারিত না হন।

ইমাম আহমদ (র) বর্ণনা করেন : মালিক ইবন দীনার হতে আবু আবদুস সামাদ আল-আমী আমার কাছে হাদীস বর্ণনা করেন। তিনি বলেন : একদিন জাবির ইবন যায়দ আমার ঘরে প্রবেশ করেন, তখন আমি কুরআন শরীফ কাগজে লিখছিলাম। আমি তাকে বললাম, “হে আবু শা’ছা! আমার এ পেশা কেমন মনে করেন? তিনি বললেন, তোমার এ পেশা একটি উত্তম পেশা। মহান আল্লাহর কিতাব তুম পৃষ্ঠা থেকে পৃষ্ঠা, আয়াত থেকে আয়াত এবং শব্দ থেকে শব্দ কপি করছ। এ হালাল কাজে কোন ক্ষতি নেই। মালিক ইবন দীনার আরো বলেন : আমি তাকে সূরায়ে বনী ইসরাইলের ৭৫৮ আয়াত-এর অর্থ সংক্ষেপে জিজ্ঞাসা করলাম। আয়াত হলো : **إِذَا لَا زُقْنَاكَ ضَعْفَ الْحَيَاةِ وَضَعْفَ الْمَمَاتِ ثُمَّ لَا تَجِدُ لَكَ عَلِيًّا نَصِيرًا** - এর অর্থ হচ্ছে : তাহলে অবশ্য তোমাকে ইহজীবনে দ্বিগুণ ও পরিজীবনে দ্বিগুণ শান্তি আবাদন করাতাম; তখন আমার বিরক্তে তোমার জন্যে কোন সাহায্যকারী পেতে না।”

সুফিয়ান বলেন : আবু উমায়র আল-হারিছ ইবন উমায়র আমার কাছে হাদীস বর্ণনা করেন। তিনি বলেন : ঘরের মধ্যে উপস্থিত লোকজন মৃত্যুর সময় জাবির ইবন যায়দকে বলেন, তোমার মনে কি চায়? তিনি বলেন : হাসানের দিকে নয়র করতে মন চায়। ছাবিত হতে বর্ণিত বর্ণনায় রয়েছে যে, ছাবিত বলেন, যখন জাবির ইবন যায়দের মৃত্যু আসন্ন, তখন তাকে বলা হলো, তুমি কি চাও? তিনি বললেন : হাসানের দিকে নয়র করতে মন চায়। ছাবিত বলেন : আমি হাসানের কাছে গেলাম ও তাকে অবহিত করলাম। সে তার কাছে সাওয়ার হয়ে আসল। যখন সে ঘরে ঢুকল তিনি তখন পরিবার-পরিজনকে বললেন, আমাকে বসাও। তিনি বসলেন এবং বলতে লাগলেন, “আমি মহান আল্লাহর কাছে জাহানাম ও মন্দ হিসাব থেকে আশ্রয় চাইছি।”

সায়্যাদ ইবন যায়দ বলেন : হাজ্জাজ ইবন আবু উয়ায়নাহ আমার কাছে হাদীস বর্ণনা করেন। তিনি বলেন, উপস্থিত নারীদের মধ্যে উত্তম, হিন্দ বিন্ত আল-মুহাম্মাব। ইবন আবু সুফরাহ-এর কাছে উপস্থিত ব্যক্তিবর্গ যখন জাবির ইবন আবদুল্লাহর কথা উল্লেখ করেন ও তারা বললেন, তিনি কী আবদুল্লাহ ইবন ইবাদ আত-তামীমী আল-খারিজীর অনুসারী ছিলেন? হিন্দ বললেন : জাবির ইবন যায়দ আমার সাথে ও আমার মায়ের সাথে সম্পূর্ণ বিচ্ছিন্ন ছিল তার বিরক্তে আমি কিছুই জানি না। যে বস্তুটি আমাকে মহান আল্লাহর নৈকট্য লাভে সাহায্য করবে

তা পালন করার জন্য সে আমাকে আদেশ করত। আর যে বস্তুটি আমাকে মহান আল্লাহ থেকে দূরে সরিয়ে দেবে তা থেকে সে আমাকে নিষেধ করত। আমাকে সে আবদুল্লাহ ইব্ন ইবাদ আত-তামীরীর অনুসরণ করতে কখনও আহ্বান করেনি এবং এ ব্যাপারে আমাকে আদেশও করেনি। সে আমাকে হকুম দিত যে, কোথায় আমি আমার মাথার ওড়না রাখব এ কথা বলে সে নিজের কপালে হাত রাখল। তিনি এক জামাআত সাহাবী থেকে হাদীস বর্ণনা করেন। তার অধিকাংশ হাদীসই আবদুল্লাহ ইব্ন উমর (রা) ও আবদুল্লাহ ইব্ন আবুস (রা) হতে বর্ণিত।

১৪ হিজরীর আগমন

এ বছরেই আল-আবাস ইব্ন আল-ওয়ালীদ রোম ভূখণ্ডে যুদ্ধ করেন। কেউ কেউ বলেন, তিনি ইনতাকীয়া জয় করেন। তার ভাই আবদুল আবীয ইব্ন আল ওয়ালীদও যুদ্ধ করেন এবং জয় করতে করতে গাযালাহ পর্যন্ত পৌছে যান। অন্যদিকে আল-ওয়ালীদ ইব্ন হিশাম আল মুআয়তী বুরজুল-হামাম ভূখণ্ডে পর্যন্ত পৌছেন। ইয়ায়ীদ ইব্ন আবু কাবশাহ সিরিয়া ভূখণ্ডে পর্যন্ত পৌছেন। এ বছরেই সিরিয়ার রাজফাহ বিজয় হয়। এ বছরেই মাসলামাহ ইব্ন আবদুল মালিক রোম ভূখণ্ডের সান্দারাহ জয় করেন। আর এ বছরেই আল্লাহ তা'আলা আল-ওয়ালীদ ইব্ন আবদুল মালিকের আমলে তার আওলাদ ও আবীয-স্বজন এবং আমীরদের মাধ্যমে ইসলামে অনেক বড় বড় বিজয় দান করেন। এমনকি ইসলামী জিহাদ হযরত উমর ইবনুল খাতাবের যুগের নমুনা ধারণ করেছিল।

এ বছরেই মুহাম্মদ ইব্ন আল-কাসিম ছাকাফী হিন্দুস্তানের ভূখণ্ডে জয় করেন এবং অসীম ও অবর্ণনীয় সম্পদ গনীভূত হিসেবে অর্জন করেন। হিন্দুস্তান বিজয় সম্পর্কে হাদীস এসেছে যা আল-হাফিয ইব্ন আসাকির ও অন্যান্যগণ বর্ণনা করেছেন।

এ বছরেই কুতায়বা ইব্ন মুসলিম আশ-শাশ ও ফারগানাতে যুদ্ধ করে ফারগানাহ-এর দুটো শহর খুজান্দাহ ও কাশান পৌছেন। আর এটা সম্ভব হয়েছিল সুগদ ও সমরকদ বিজয় থেকে অবসর গ্রহণ করার পর। তারপর তিনি এসব শহরে বিজয় অব্যাহত রেখে কাবুল পর্যন্ত পৌছেন। এরপর কাবুলকে অবরোধ করেন ও জয় করেন। তুর্কী মুশরিকরা বিরাট বিরাট দলে তার মুকাবিলা করে। কুতায়বা খুজান্দাহর কাছে তাদের বিরুদ্ধে যুদ্ধ করেন ও কয়েকবার তাদেরকে পরাস্ত করেন এবং পরে সকলকাম হন, শক্তদের থেকে শহর ছিনিয়ে নেন তাদের অনেককে হত্যা করেন, অনেককে বন্দী করেন ও প্রচুর সম্পদ গনীভূত হিসেবে অর্জন করেন। ইব্ন জারীর (র) বলেন ৪ চীনের নিকটবর্তী এলাকা খুজান্দাহে অনুষ্ঠিত যুদ্ধের বর্ণনা দিতে গিয়ে সাহবান ওয়াইল নিম্নবর্ণিত কবিতাগুলো আবৃত্তি করেন :

‘হে আমার সাথী! অশ্বারোহীদেরকে ধারালো তীর সহকারে তীর কোষমুক্ত করার জন্যে খুজান্দাহ প্রেরণ কর। যখন শক্তদল পরাজিত হবে, তখন কি আমি তাদেরকে একত্রিত করব ও যুদ্ধে উপস্থাপন করব, না সীমালংঘনকারীর মাথায় সজোরে প্রহার করব ও যোদ্ধাদের জন্যে অপেক্ষা করব। তুমি তো বন্ধু কায়সের সকলকে প্রচুর গনীভূতের সুসংবাদ দিছ, আমি কায়সকে মজলিসে ইয্যত প্রদান করেছি। যেমন তোমার পিতা অতীত দিনগুলোতে ইয্যত দিয়েছিল। তোমাদের সম্মান ও মর্যাদা পরিপূর্ণতায় পৌছেছে। তোমাদের মান-মর্যাদা পাহাড়ের চূড়ায় প্রেমালাপ করছে। পরাজিতদের মধ্যে প্রতিটি ক্ষেত্রে হে বিজিত তোমার ন্যায়পরায়ণতা প্রকাশ পাচ্ছে।’

বর্তমান যুদ্ধে এরূপে ইবন জারীর (র) সাহবান ওয়াইলের এ কবিতাগুলো উল্লেখ করেছেন। ইবনুল জাওয়ী তার কাব্যে উল্লেখ করেছেন যে, সাহবান ওয়াইল পঞ্চাশ হিজরীর পর মুআবিয়া ইবন আবু সুফিয়ানের খিলাফত আমলে মৃত্যুমুখে পতিত হন। মহান আল্লাহ্ অধিক পরিজ্ঞাত।

সাঈদ ইবন জুবায়র (র)-এর হত্যাকাণ্ড

ইবন জারীর (র) বলেন : এ বছরেই হাজ্জাজ ইবন ইউসুফ, সাঈদ ইবন জুবায়র (র)-কে হত্যা করে। তার কারণ ছিল নিম্নরূপ : তুর্কীর বাদশাহ রূতবীলের বিরুদ্ধে যুদ্ধ করার জন্য হাজ্জাজ ইবনুল আশ-আছের সাথে সাঈদকে সেনাবাহিনীর ব্যয়ের পরিচালক নিযুক্ত করে যুদ্ধক্ষেত্রে প্রেরণ করেছিল। ইবনুল আশআছ যখন হাজ্জাজকে প্রত্যাখ্যান করে সাঈদ ইবন জুবায়রও তাকে প্রত্যাখ্যান করে। হাজ্জাজ যখন ইবনুল আশআছ ও তার সাথীদের বিরুদ্ধে জয়লাভ করে তখন সাঈদ ইবন জুবায়র ইস্পাহানে আত্মগোপন করেন। হাজ্জাজ ইস্পাহানের নায়েবের কাছে পত্র লিখল যেন সাঈদ ইবন জুবায়রকে তার কাছে প্রেরণ করা হয়। সাঈদ যখন এ কথা শুনলেন, তখন তিনি সেখান থেকে পালিয়ে যান। তবে তিনি প্রতি বছর হজ্জ ও উমরা পালন করতেন। তারপর তিনি পবিত্র মক্কায় আশ্রয় নেন। খালিদ ইবন আবদুল্লাহ্ আল-কাছরী আমীর হওয়া পর্যন্ত সাঈদ সেখানে অবস্থান করেন। জনৈক ব্যক্তি সাঈদকে সেখান থেকে পলায়ন করার জন্যে পরামর্শ দিলেন। সাঈদ তখন বললেন, আল্লাহ্ শপথ, আমি পলায়ন করার ব্যাপারে মহান আল্লাহ্ কাছে লজ্জাবোধ করছি। তার তাকদীর থেকে পলায়ন করার জায়গা কি কোথায়ও আছে? উমর ইবন আবদুল আয়ীয়ের পরিবর্তে উচ্চমান ইবন হায়্যান পবিত্র মদীনার আমীর নিযুক্ত হলো। ইরাকের ইবনুল আশআছের সঙ্গী যারা পবিত্র মদীনায় ছিল তাদেরকে শিকলবন্দ করে হাজ্জাজের কাছে প্রেরণ করা হলো। সাঈদ সম্বন্ধে খালিদ ইবন আল-ওয়ালীদ আল-কাছরী অবগত হন। এরপর সে পবিত্র মক্কা থেকে সাঈদ ইবন জুবায়র, আতা ইবন আবু রাবাহ, মুজাহিদ ইবন জবর, আমর ইবন দীনার এবং তালক ইবন হাবীবকে প্রেরণ করে। কথিত আছে যে, হাজ্জাজ আল-ওয়ালীদের কাছে সংবাদ প্রেরণ করল যে, পবিত্র মক্কায় কিছু বিদ্রোহী লোক রয়েছে এ জন্য খালিদ এগুলোকে হাজ্জাজের কাছে প্রেরণ করল। তারপর সে আতা ও আমর ইবন দীনারকে ক্ষমা করে দেয়। কেননা, তারা ছিলেন পবিত্র মক্কাবাসী। বাকী তিনজনকে প্রেরণ করা হলো। তবে তালক হাজ্জাজের কাছে পৌছার পূর্বে রাস্তায় ইন্তিকাল করেন। মুজাহিদকে কারাগারে বন্দী রাখা হয়। তিনি হাজ্জাজের মৃত্যু পর্যন্ত কারাগারে ছিলেন। সাঈদ ইবন জুবায়রকে যখন হাজ্জাজের সামনে দাঁড় করানো হয়, তখন সে তাকে বলল : হে সাঈদ! আমি কি তোমাকে আমার আমানতে অংশীদার করিনি? আমি কি তোমাকে আমীর নিযুক্ত করিনি? আমি কি তোমাকে এটা করিনি? আমি কি তোমাকে এটা করিনি? প্রতিটি ক্ষেত্রে সাঈদ বলেন, হ্য। তার কাছে যারা উপস্থিত ছিল তারা মনে করল হয়ত তাকে সে ছেড়ে দিবে। এরপর সে তাকে বলল, তাহলে তুমি আমার বিরুদ্ধে সংগ্রাম করলে কেন? আমীরুল মু'মিনীনের বায়আত প্রত্যাখ্যান করলে কেন? সাঈদ বললেন, কেননা, ইবনুল আশআছ একথার উপর আমার থেকে বায়আত নিয়েছিল এবং আমার উপর আস্থা স্থাপন করেছিল। এ কথায় হাজ্জাজ অত্যন্ত ত্রোধার্বিত হলো ও ফুলে গেল। এমনকি তার চাদর তার কাঁধ থেকে নীচে পড়ে গেল এবং তাকে বলল : দুর্ভাগ্য তোমার, আমি কি পবিত্র মক্কায় আসিনি? এরপর তুমি ইবনুয় যুবায়রের বিরুদ্ধে যুদ্ধ করনি? পবিত্র মক্কাবাসীর থেকে বায়আত গ্রহণ করনি? আমীরুল মু'মিনীন আবদুল মালিকের জন্যে তুমি বায়আত গ্রহণ

করনি? তিনি বললেন, ‘হ্যাঁ’। আবার সে বলল, তারপর তুমি ইরাকের আমীর হয়ে কৃষ্ণায় আগমন করলে, আমীরকুল মু’মিনীনের জন্যে নতুন করে পুনরায় বায়আত গ্রহণ করলে? তিনি বললেন ‘হ্যাঁ’, সে বলল, তুমি এরপর আমীরকুল মু’মিনীনের দুইটি বায়আত ভঙ্গ করলে, বস্ত্র বয়নকারীর ছেলে বস্ত্র বয়নকারীর জন্যে একটি বায়আত নিয়ে বসবাস করতে লাগলে? হে আমার রক্ষিবাহিনী এখনি তার গর্দান কেটে ফেল। বর্ণনাকারী বলেন, তার গর্দান কেটে ফেলা হলো এবং ছোট সাদা মাথাটি নীচে লুটিয়ে পড়ল। আল্লামা আল-ওয়াকিদী প্রায় একপ উল্লেখ করেছেন। হাজ্জাজ তাকে বলেছিল, তোমাকে কি এক লক্ষ মুদ্রা প্রদান করিব নাই? তুমি এটা কর নাই? তুমি এটা কর নাই? ইব্ন জারীর (র) বলেন: আবু গাস্সান মালিক ইব্ন ইসমাইল হতে আমার কাছে হাদীস বর্ণনা করেন। তিনি বলেন: খালাফ ইব্ন খালীফাকে এক ব্যক্তি হতে উল্লেখ করতে শুনেছি। তিনি বলেন: হাজ্জাজ যখন সাঈদ ইব্ন জুবায়রকে হত্যা করল, তার মাথাটি লুটিয়ে পড়ল, তিনবার লা ইলাহা ইল্লাহু অহ বলল। একবার স্পষ্টভাবে উচ্চারণ, বাকী দুইবার একপই বলল, কিন্তু স্পষ্ট হয় নাই। আবু বাকর আল-বাহিলী উল্লেখ করেন। তিনি বলেন: আমি আনাস ইব্ন আবু শায়খকে বলতে শুনেছি। তিনি বলেন: হাজ্জাজের কাছে যখন সাঈদ ইব্ন জুবায়রকে আনা হলো সে বলল, খৃষ্টান মহিলার ছেলের প্রতি লাভত কর। অর্থাৎ খালিদ আল-কাছরীর প্রতি। কেননা, সে তাকে পবিত্র মক্কা হতে প্রেরণ করেছে, আমি কি তার বাড়ী চিনি না? হ্যাঁ আল্লাহর শপথ, সে ঘরটিও চিনি যে ঘরে সে পবিত্র মক্কায় থাকত। তারপর হাজ্জাজ তার প্রতি মুখ করল এবং বলল: হে সাঈদ, তুমি আমার বিরুদ্ধে কেন সংগ্রাম করলে? তখন তিনি বললেন, আমীরকে মহান আল্লাহ সৎবুদ্ধি দান করুন। আমি একজন মুসলমান, একবার শুন্দ করি আবার একবার ভুল করি। হাজ্জাজের মন কিছুটা হালকা হলো, তার চেহারা উজ্জল হলো। হাজ্জাজ আশা করল যে, তার বিষয়টি মিটে যাবে। তারপর সে বিষয়টির পুনরাবৃত্তি করল। তখন সাঈদ বললেন, আমার গর্দানে একটি অঙ্গীকার ছিল। প্রবার হাজ্জাজ খুব রাগাবিত হলো এবং হত্যার কাণ্ডটি সংঘটিত হলো।

ইতাব ইব্ন বাশার সালিম আল-আফতাস হতে বর্ণনা করেন। তিনি বলেন: হাজ্জাজের কাছে সাঈদ ইব্ন জুবায়রকে যখন আনা হলো, তখন সে সওয়ার হাচিল একটা পাকে আরোহীর পাদানে রেখেছিল। সে বলল, আল্লাহর শপথ, আমি সওয়ার হব না যতক্ষণ না জাহান্নামে তুমি তোমার ঠিকানা খোঁজ করে নেবে। তার গর্দান কর্তন কর, তার গর্দান কর্তন করা হলো। বর্ণনাকারী বলেন, ‘হাজ্জাজের আকলে তখনই মিশ্র প্রতিক্রিয়া দেখা দিল এবং সে বলতে লাগল ফিউডন্ট ফিউডন্ট আমাদের শিকল! আমাদের শিকল!! আশপাশের লোকেরা মনে করল যে শিকলে সাঈদ বন্দী আছে তার কথা হয়ত সে বলছে, তাই তারা সাঈদের পা নলি পর্যন্ত কেটে শিকল বের করে এনে তার কাছে রাখা হলো।

মুহাম্মদ ইব্ন আবু হাতিম বলেন, আমাদেরকে আবদুল মালিক ইব্ন আবদুল্লাহ ইব্ন খুবাব হাদীস বর্ণনা করেছেন। তিনি বলেন, সাঈদ ইব্ন জুবায়রকে হাজ্জাজের কাছে যখন আনয়ন করা হলো। তখন সে বলল, তুমি কি মুসআব ইব্নল খুবায়রের কাছে পত্র লিখেছিলে? তিনি বললেন, “হ্যাঁ, আমি মুসআবের নিকট পত্র লিখেছিলাম।” সে বলল: না, আল্লাহর শপথ, আমি তোমাকে হত্যা করবই। তিনি বললেন, “তাহলে আমি সাঈদ বা ভাগ্যবান যেমন আমার মাতা আমার নাম রেখেছিলেন।” বর্ণনাকারী বলেন, এরপর সে তাঁকে হত্যা করল। হত্যা করার পর হাজ্জাজ মাত্র ৪০ দিন জীবিত ছিল। আর যখন সে ঘুমাত, ঘুমে সে সাঈদকে দেখত যেন তিনি তার সমস্ত কাপড়-চোপড় আঁকড়িয়ে ধরেছেন এবং বলছেন, হে আল্লাহর দুশ্মন! তুমি আমাকে কি জন্যে হত্যা করলে? হাজ্জাজ তখন বলতে লাগল, হায়রে আমার এবং সাঈদের মধ্যে কি হলো? হায়রে আমার এবং সাঈদ ইব্ন জুবায়রের মধ্যে কি হলো?

ইব্ন খালিকান বলেন : সাইদ ইব্ন জুবায়র ইব্ন হিশাম আল-আসাদী একজন বিদ্বান তাবিদী, কৃফাবাসী ও বনূ ওয়ালিবার মিত্র ছিলেন। তার শরীরের রং ছিল কালো। তিনি ফাতওয়া লিখতেন না। কিন্তু ইব্ন আববাস (রা) যখন অক্ষ হয়ে গেলেন, তখন তিনি ফাতওয়া লিখতে লাগলেন। এতে ইব্ন আববাস (রা) রাগাভিত হলেন। তারপর ইব্ন খালিকান তার হত্যাকাণ্ডের ঘটনা পূর্ববৎ উল্লেখ করেন। তিনি আরো উল্লেখ করেন, সাইদের হত্যাকাণ্ডটি শাবান মাসে সংঘটিত হয়েছিল। আর হাজার তার পরে রমায়ান মাসে মারা যান। কেউ কেউ বলেন, ছয় মাস পরে মারা যান। ইমাম আহমদ (র) হতে বর্ণিত রয়েছে, তিনি বলেন, সাইদ ইব্ন জুবায়র যখন শহীদ হন, তখন মহান আল্লাহর যমীনে তাঁর জ্ঞানের মুখাপেক্ষী ছিলেন সকলে। কথিত আছে যে, তার পরে হাজার আর কারো উপর যুলুম করতে পারেন। ইব্ন জারীর (র) বলেন, এ বছরকে ফকীহগণের বছর বলে অভিহিত করা হয়। কেননা, এ বছরেই পবিত্র মদীনার সাধারণ ফকীহগণ ইন্তিকাল করেন। এ বছরের প্রথম দিকে আলী ইব্ন আল-হুসায়ন ইব্ন যায়নুল আবিদীন ইন্তিকাল করেন। তারপর উরওয়াহ ইব্ন আয়-যুবায়র ইন্তিকাল করেন। তারপর সাইদ ইব্ননুল মুসায়িব। এরপর আবু বাকর আবদুর রহমান, ইব্ননুল হারিছ ইব্ন হিশাম। পবিত্র মকাবাসিগণের মধ্য হতে সাইদ ইব্ন জুবায়র শহীদ হন। এসব মনীষীর জীবনী আত-তাকমীল নামক কিতাবে উল্লেখ করা হয়েছে।

ইব্ন জারীর (র) বলেন, এ বছরেই আল-ওয়ালীদ ইব্ন আবদুল মালিক সিরিয়ায় সুলায়মান ইব্ন সুরাদাকে কাষী নিযুক্ত করেন। এ বছরেই আল-আববাস ইব্ন আল-ওয়ালীদ লোকজনকে নিয়ে হজ্জ আদায় করেন। কেউ কেউ বলেন, মাসলামাহ ইব্ন আবদুল মালিক লোকজনকে নিয়ে হজ্জ আদায় করেন। পবিত্র মকাবাসিগণের নায়েব ছিলেন খালিদ আল-কাহরী। পবিত্র মদীনার নাইব ছিলেন উচ্চমান ইব্ন হায়য়ান, পূর্ণ পূর্বাধারের নায়েব ছিলেন আল-হাজার ইব্ন ইউসুফ আর খুরাসানের আমীর ছিলেন কুতায়বা ইব্ন মুসলিম। হাজারজের পক্ষ থেকে কৃফার নায়েব ছিলেন যিয়াদ ইব্ন জারীর, তথাকার কাষী ছিলেন আবু বাকর ইব্ন আবু মুসা। আর হাজারজের পক্ষ থেকে বসরার নায়েব ছিলেন আল-জায়াহ ইব্ন আবদুল্লাহ আল-হাকামী। তথাকার কাষী ছিলেন আবদুল্লাহ ইব্ন আয়ীনাহ। মহান আল্লাহ অধিক পরিজ্ঞাত।

যেসব ব্যক্তিত্ব এ বছর ইন্তিকাল করেন

সাইদ ইব্ন জুবায়র

তার পূর্ণ নাম আবু মুহাম্মদ সাইদ ইব্ন জুবায়র আল-আসাদী আল-কুফী আল-মাক্কী। কেউ কেউ বলেন, তার কুনিয়ত আবু আবদুল্লাহ। তিনি আবদুল্লাহ ইব্ন আববাস (রা)-এর প্রবীণ সাথীদের অন্যতম। তিনি তাফসীর, ফিকাহ ও অন্যান্য শাস্ত্রের ইমামগণের অন্যতম ছিলেন। তিনি অধিক নেক আমল করতেন। মহান আল্লাহ তার প্রতি রহম করতেন। তিনি সাহাবায়ে কিরামের অনেককে দেখেছেন এবং বিরাট একটি দল থেকে হাদীস বর্ণনা করেছেন। আর তাঁর থেকে তাবিঙ্গণের অনেকেই হাদীস বর্ণনা করেন। কথিত আছে যে, তিনি মাগরিব ও ইশা সালাতের মধ্যবর্তী সালাতে পূর্ণ কুরআন খতম করতেন। তিনি কা'বা শরীফে বসতেন এবং সেখানে কুরআন খতম করতেন। অনেক সময় তিনি কা'বা শরীফের ভিতরে এক রাকআতে কুরআন খতম করতেন। তার থেকে বর্ণিত আছে যে, তিনি কা'বা শরীফে একরাতে সালাতে আড়াইবার কুরআন খতম করতেন।

সুফিয়ান আছ-সাওরী আমর ইবন মায়মুনের মাধ্যমে তার পিতা হতে বর্ণনা করেন। তিনি বলেন, সাইদ ইবন জুবায়র ইন্তিকাল করেন। আর মহান আল্লাহর যমীনে এমন কোন ব্যক্তি ছিলেন না যিনি তার জ্ঞানের মুখাপেক্ষী ছিলেন না। তিনি ঐসব লোকের অন্তর্ভুক্ত ছিলেন যারা ইব্নুল আশআছের সাথে হাজাজের বিরুদ্ধে সংগ্রাম করেছিলেন। যখন হাজাজ সফলকাম হয়, তখন সাইদ ইস্পাহানে পালিয়ে যান। তারপর তিনি প্রতি বছর পবিত্র মকায় দুই বার গমন করেন। একবার উমরার জন্য, অন্য একবার হজ্জের জন্য। কোন কোন সময় তিনি কুফায় প্রবেশ করতেন এবং সেখানে হাদীস বর্ণনা করতেন। তিনি খুরাসানে কোন হাদীস বর্ণনা করতেন না। কেননা, সেখানে কোন ব্যক্তি জ্ঞান সম্বন্ধে তাকে কোন প্রশ্ন জিজ্ঞাসা করতেন না। তিনি বলতেন, আমাকে যে বস্তুটি চিন্তিত করে তুলছে তা হলো আমার জ্ঞান। আমি চাই মানুষ আমার নিকট থেকে জ্ঞান আহরণ করুক। তিনি হাজাজ থেকে লুকিয়ে জীবনের প্রায় বারাটি বছর অতিবাহিত করেন। তারপর তাকে খালিদ আল-কাছরী পবিত্র মক্কা হতে হাজাজের কাছে প্রেরণ করেন। এরপর তাদের মধ্যে যে কথোপকথন হয় তা পূর্বে বর্ণনা করা হয়েছে।

আবু নুয়ায়ম আল-হল্ইয়াহ নামক তার কিতাবে বলেন, আবু হামিদ ইবন জিবিল্লাহ ... সালিম ইবন আবু হাফসা হতে বর্ণনা করেন। তিনি বলেন, সাইদ ইবন জুবায়রকে যখন হাজাজের কাছে আনয়ন করা হলো, তখন হাজাজ তাকে ঠাণ্ডা-বিদ্রূপ করে বলে, “তুমি সাইদ ইবন জুবায়র না হয়ে তুমি আশ-শাকী ইবন কুসায়র।” তিনি বললেন, ‘না আমি সাইদ ইবন জুবায়র। হাজাজ বলল, তোমাকে আমি অবশ্যই হত্যা করব। সাইদ বলেন, তাহলে আমি তখন সাইদ বা সৌভাগ্যবান হবো। যেমন আমার মাতা আমার নাম রেখেছিলেন। হাজাজ বলল, তুমি দুর্ভাগ্য এবং তোমার মাও দুর্ভাগ্য। সাইদ বলেন, এটা সিদ্ধান্ত দেওয়ার ক্ষমতা তোমার নেই। তারপর সে বলল, তোমরা তার গর্দান কর্তৃম কর। তখন সাইদ বলেন, আমাকে দুই রাকআত সালাত আদায় করার সময় দাও। হাজাজ বলল, তাকে খ্রিস্টানদের কিবলার দিকে ঘুরিয়ে দাও। তিনি বললেন, **فَإِنَّمَا تُولُوا فَتْمَ وَجْهَ اللَّهِ** অর্থাৎ মহান আল্লাহ বলেন, তুমি যেদিকে মুখ ফিরাবে সেদিকেই মহান আল্লাহ বিরাজমান। সূরায়ে বাকারা আয়াত : ১১৫। হাজাজ বলল, আমি তোমার থেকে আশ্রয় চাই, যেমন আশ্রয় চেয়েছিল মারইয়াম। তিনি বললেন, “মারইয়াম কিসের আশ্রয় চেয়েছিল ? হাজাজ বলল, হ্যরত মারইয়াম বলেছিলেন, অর্থাৎ “মারইয়াম বললেন : **إِنِّي أَعُوذُ بِالرَّحْمَنِ مِنْ كُنْتَ تَقِيًّا :**

‘তুমি যদি মহান আল্লাহকে ভয় কর, তবে আর্মি তোমা হতে দয়াময়ের শরণ নিছি’ সূরায়ে মারইয়াম : আয়াত ১৮।

সুফিয়ান বলেন : এরপরে সে মাত্র একজনকে হত্যা করতে পেরেছিল। অন্য এক বর্ণনায় আছে সে তাকে বলেছিল “আমি তোমার এ দুনিয়াকে উক্সে দেওয়া জাহান্নামে পরিণত করব। তিনি বললেন : আমি যদি এটা তোমার হাতে আছে বলে জানতাম, তাহলে তোমাকে ইলাহ মনে করতাম। অন্য এক বর্ণনায় আছে, যখন সে তার হত্যার সংকল্প করল, তখন বলল : **فَإِنَّمَا تُولُوا فَتْمَ وَجْهَ اللَّهِ** অর্থাৎ তুমি যেদিকে মুখ ফিরাবে সেদিকেই মহান আল্লাহ বিরাজমান। সূরায়ে বাকারা আয়াত নং-১১৫-। সে বলল : মাটিতে ফেলে দিয়ে তাকে তুমি সজোরে আঘাত কর। তিনি বললেন : অর্থাৎ অন্য এক বর্ণনায় আছে, যে তার হত্যার সংকল্প করলে তাকে তুমি সজোরে আঘাত কর। তিনি বললেন : অর্থাৎ **وَمَنْهَا نُخْرِجُكُمْ وَمَنْهَا نُعِيدُكُمْ** এবং **وَمَنْهَا** **أَخْرَى** অর্থাৎ তার হত্যার সংকল্প করলে তাকে ফিরিয়ে দিব এবং এটা হতে “মৃত্তিকা হতে তোমাদেরকে সৃষ্টি করেছি, এটাতেই তোমাদেরকে ফিরিয়ে দিব এবং এটা হতে

পুনর্বার তোমাদেরকে বের করব।” তখন সে বলল, “তাকে যবহ কর।” সাঈদ বললেন :
 ﴿أَللّٰهُمَّ لَا تُسْلِطْهُ عَلٰى أَحَدٍ بَعْدِي﴾ অর্থাৎ আল্লাহ্ আমার পরে কারোর উপর তুমি তাকে
 শক্তি দিও না।

তাঁর হত্যাকাণ্ড সম্বন্ধে অনেক দুর্বল হাদীস রয়েছে তাঁর অধিকাংশগুলো অশুল্ক। এরপর
 হাজ্জাজকে শাস্তি দেওয়া হয়েছে এবং তাঁর শাস্তিকে তুরাবিত করা হয়েছে। এরপর সে অল্প
 কিছুদিন বেঁচে ছিল। মহাপরাক্রমশালী আল্লাহ্ তাকে পাকড়াও করেন। কেউ কেউ বলেন, সে
 তারপর ১৫ দিন জীবিত ছিল। আবার কেউ কেউ বলেন, ৪০ দিন জীবিত ছিল। আবার কেউ
 কেউ বলেন, ছয় মাস জীবিত ছিল। মহান আল্লাহ্ অধিক পরিজ্ঞাত।

সাঈদ ইব্ন জুবায়র (র) শহীদ হন। কিন্তু তাঁর বয়স সম্পর্কে ঐতিহাসিকগণ মতবিরোধ
 করেন। কেউ কেউ বলেন তাঁর বয়স ছিল ৪৯ বছর। আবার কেউ কেউ বলেন, তাঁর বয়স ছিল
 ৫৭ বছর। আবুল কাসিম আল-লাল্কান্তি বলেন, তাঁর শাহাদতের ঘটনা ছিল ৯৫ হিজরীতে।
 আর ইব্ন জারীর (র) উল্লেখ করেন যে, তাঁর শহীদ হওয়ার ঘটনা ছিল এবছর অর্থাৎ ৯৪
 হিজরী। মহান আল্লাহ্ অধিক পরিজ্ঞাত।

আল্লামা ইব্ন কাষীর (র) বলেন, সাঈদ ইব্ন জুবায়রের কিছু কথা আমি এখানে পেশ
 করছি। তিনি বলতেন, উত্তম ভয় হলো মহান আল্লাহকে তুমি এমনভাবে ভয় করবে, যে ভয়
 তোমার ও তোমার গুনাহের মধ্যে অন্তরায় সৃষ্টি করে এবং তোমাকে মহান আল্লাহর ইবাদতে
 উৎসাহিত করে। আর এই ভয়ই হলো কল্পণকর। মহান আল্লাহর যিকির হলো মহান আল্লাহর
 ইবাদত। যে মহান আল্লাহর ইবাদত করল সে তাঁর যিকির করল; আর যে তাঁর ইবাদত করল
 না, সে তাঁর যিকিরও করল না যদিও সে বেশী বেশী করে তাসবীহ ও কুরআন তিলাওয়াত
 করে। একদিন তাকে জিজ্ঞাসা করা হলো কোন্ ব্যক্তি সবচেয়ে বেশী ইবাদতগুর্যার ? তিনি
 জবাবে বলেন, যে ব্যক্তি গুনাহ হতে বিরত থাকে। যখনই কোন ব্যক্তি তাঁর গুনাহ অবরুণ করে
 সে তখন তাঁর আমলকে নগণ্য মনে করে। হাজ্জাজ তাকে বলেছিল, তোমার জন্য দুর্ভাগ্য,
 তখন তিনি বলেছিলেন, দুর্ভাগ্য ঐ ব্যক্তির জন্য যে জাহানাত হতে দূরে থাকে এবং জাহানামে
 প্রবেশ করে। সে বলল, তাঁর গর্দান কর্তন কর। তখন তিনি বললেন, নিচয়ই আমি সাক্ষ্য
 দিছি আল্লাহ্ ব্যক্তি কোন ইলাহ নেই এবং মুহাম্মদ (সা) আল্লাহর রাসূল। হে আল্লাহ! আমি
 তোমার কাছে কিয়ামতের দিন জাহানাম থেকে পরিত্বাণ চাই। হে হাজ্জাজ! মহান আল্লাহর
 দরবারে আমি তোমার প্রতিদ্বন্দ্বী হব। তারপর সে তাকে গর্দান দিয়ে যবাহ করল। এ সংবাদ
 হাসানের (রা) কাছে পৌছার পর তিনি বলেন, হে আল্লাহ! হে পরাক্রমশালীদের চূর্ণ-
 বিচূর্ণকারী! হাজ্জাজকে তুমি চূর্ণ-বিচূর্ণ করে দাও। এরপর হাজ্জাজ মাত্র তিনি দিন জীবিত
 ছিল। তাঁর পেটে কিড়া জন্ম নেয়। দুর্ঘন্তের সৃষ্টি হয় এবং এভাবে সে মৃত্যুমুখে পতিত হয়।
 হাজ্জাজ যখন সাঈদের হত্যার হৃকুম দেয়, তখন সাঈদ হাসি দেয়। হাজ্জাজ বলল, তুমি হাসছ
 কেন? সাঈদ বললেন : “আমার প্রতি তোমার হিংসা এবং তোমার প্রতি আল্লাহর ধৈর্য দেখে
 হাসছি।” বাংলায় ইসলামিক বই ডাউনলোড করতে ভিজিট করুণঃ ইসলামি বই ডট ওয়ার্ড্প্রেস ডট
 সাঈদ ইব্নুল মুসায়িব

তাঁর পূর্ণ নাম আবু মুহাম্মদ সাঈদ ইব্নুল মুসায়িব ইব্ন হায়ান ইব্ন আবু ওয়াবে ইব্ন
 আইয় ইব্ন ইমরান ইব্ন মাখয়ম আল-কারশী আল-মুদনিফ। সাধারণত তিনি তাবিঙগণের

সরদার ছিলেন। উমর ইব্নুল খাত্বাব (রা)-এর খিলাফতের দুই বছর অতিক্রান্ত হওয়ার পর তিনি জন্মগ্রহণ করেন। কেউ কেউ বলেন, দুই বছর বাকী থাকতে তিনি জন্মগ্রহণ করেন। আবার কেউ কেউ বলেন, চার বছর অতিক্রান্ত হওয়ার পর তিনি জন্মগ্রহণ করেন।

আল-হাকিম আবু আবদুল্লাহ-এর পেশকৃত অভিমত যে, তিনি দশজন সাহাবীর সাক্ষাত পেয়েছেন, তার একটি ধারণা মাত্র। মহান আল্লাহ অধিক পরিজ্ঞাত। তবে তিনি তাদের থেকে মুরসাল হাদীস বর্ণনা করেছেন। যেমন, রাসূলুল্লাহ (সা) হতে তিনি অধিকাংশ সময়ে মুরসাল হাদীস বর্ণনা করেন। হ্যরত উমর (রা) হতে তিনি বেশী হাদীস বর্ণনা করেন। কেউ কেউ বলেন, তিনি তার থেকে হাদীস শুনেছেন। তিনি হ্যরত উচ্চমান (রা), হ্যরত আলী (রা), হ্যরত সাঈদ (রা) ও হ্যরত আবু হুরায়রাহ (রা) হতে হাদীস বর্ণনা করেন। তিনি হ্যরত উমর (রা)-এর জামাতা ছিলেন। আর তিনি হ্যরত উমর (রা)-এর হাদীস সম্পর্কে সকলের চেয়ে বেশী জ্ঞাত ছিলেন। এভাবে তিনি সাহাবীগণের একটি বড় দল হতে হাদীস বর্ণনা করেন। তিনি তাবিঙ্গণের একটি বড় জামাআত হতেও হাদীস বর্ণনা করেন। আর তাদের ব্যতীত অন্যদের থেকেও হাদীস বর্ণনা করেন।

হ্যরত আবদুল্লাহ ইব্ন উমর (রা) বিভিন্ন বিষয়ে জ্ঞানী উলামায়ে কিরামের অন্যতম। ইমাম যুহরী বলেন, আমি তাঁর কাছে সাতটি বছর উঠাবসা করেছি, তবে তিনি ব্যতীত অন্য কারো নিকট এরূপ জ্ঞান আছে বলে আমি ধারণা করি না। মুহাম্মদ ইব্ন ইসহাক মাকতুল হতে বর্ণনা করেন। তিনি বলেন, বিদ্যা অবেষণে আমি পথিবীর বহু জায়গায় ভ্রমণ করেছি। কিন্তু, সাঈদ ইব্নুল মুসায়িব হতে অধিক জ্ঞানী ব্যক্তি আমি আর কাউকে পাই নাই। আওয়াজি (র) বলেন, আয়-যুহরী ও মাকতুলকে জিজ্ঞাসা করা হলোঃ তোমরা যেসব ফকীহগণের সাথে সাক্ষাত করেছ তাদের মধ্যে সব চেয়ে বড় ফকীহ কে? তারা জওয়াবে বলেন, সাঈদ ইব্নুল মুসায়িব। অন্যান্যরা বলেন, তাকে ফকীহগণের ফকীহ বলা হয়। ইয়াহিয়া ইব্ন সাঈদের মাধ্যমে মালিক, সাঈদ ইব্নুল মুসায়িব হতে বর্ণনা করেন। তিনি বলেন, আমি একটি হাদীসের অবেষণে কয়েকদিন ধাবত ভ্রমণ করতেছিলাম। মালিক বলেন, আমার কাছে এ তথ্য পৌঁছেছে যে, আবদুল্লাহ ইব্ন উমর (রা) সাঈদ ইব্ন আল-মুসায়িব এর কাছে লোক প্রেরণ করে তাঁর কাছে হ্যরত উমর (রা)-এর বিচার ও সিদ্ধান্ত সম্বন্ধে প্রশ্ন করতেন। আর রাবী*, আশ-শাফিউ (র) হতে বর্ণনা করেন। তিনি বলেন, সাঈদ ইব্নুল মুসায়িবের মুরসাল হাদীস আমাদের কাছে হাসান হিসেবে গণ্য। ইমাম আহমদ ইব্ন হাব্সল বলেন, সাঈদ ইব্নুল মুসায়িবের মুরসাল হাদীসগুলো সহীহ। তিনি আরো বলেন, সাঈদ ইব্নুল মুসায়িব তাবিঙ্গণের মধ্যে শ্রেষ্ঠ।

আলী ইব্নুল মাদীনী বলেন, তাবিঙ্গণের মধ্যে জানের দিক দিয়ে সাঈদ ইব্নুল মুসায়িবের ন্যায় এত প্রশংসন্ত আমি আর কাউকে মনে করি না। তিনি আরো বলেন, সাঈদ যদি বলে, এ ব্যাপারে হাদীস বর্ণিত আছে, তাহলে এটাই তোমার জন্যে যথেষ্ট। তিনি আরো বলেন, সাঈদ ইব্নুল মুসায়িব আমার কাছে তাবিঙ্গণের শ্রেষ্ঠ।

আহমদ ইব্ন আবদুল্লাহ আল-আজালী বলেনঃ সাঈদ (র) একজন ফকীহ ও সৎ ব্যক্তি। তিনি কোন উপটোকন গ্রহণ করতেন না। তার চারশত দীনার মূল্যমান সামগ্ৰী ছিল। তিনি তেলের ব্যবসা করতেন। তিনি ছিলেন কানা। আবু যুবরাও বলেন, তাবিঙ্গণের মধ্যে তার চেয়ে অধিক সম্মানী আর কেউ ছিলেন না। তিনি আবু হুরায়রাহ (রা) সম্বন্ধে দৃঢ় আস্থা পোষণকারী ছিলেন। আল্লামা আল-ওয়াকিদী (র) বলেন, তিনি ফকীহগণের ইন্তিকালের বছর ইন্তিকাল করেন। আর এটা হল ৯৪ হিজরীর কথা। তার বয়স হয়েছিল ৭৫ বছর। মহান আল্লাহ তার উপর রহম করুন।

সাঈদ ইবনুল মুসায়িব তাঁর আয় ব্যয় সম্পর্কে একজন অত্যন্ত পরাহেয়গার ব্যক্তি ছিলেন। দুনিয়ার আসবাবপত্র সম্পর্কে জনগণের মধ্যে খুব পরাহেয়গার ছিলেন। অনর্থক কথাবার্তা বলা হতে বিরত থাকতেন। হাদীস সম্পর্কে খুব আদব রক্ষা করতেন। একদিন এক ব্যক্তি তার নিকট আগমন করল। তিনি ছিলেন পীড়িত। লোকটি তাকে একটি হাদীস সম্পর্কে জিজ্ঞাসা করল। তখন তিনি উঠে বসলেন ও তাকে হাদীস শুনালেন। তারপর তিনি শয়ে পড়লেন লোকটি বলল, আপনি সোজা হয়ে উঠে কষ্ট না করুন এটাই আমি চাই। তিনি বললেন, আমি শয়ে শয়ে রাসূলুল্লাহ (সা) এর হাদীস বর্ণনা করাকে খারাপ মনে করি। তাঁর গোলাম বারদ বলেন, ৪০ বছর যাবত আমি দেখেছি যখনই সালাতের জন্য আষান দেওয়া হতো তখনই সাঈদ মসজিদে সালাতের জন্য উপস্থিত থাকতেন।

ইব্ন ইদরীস বলেন, সাঈদ ইবনুল মুসায়িব সালাতে ইশার উৎস দিয়ে পঞ্চাশ বছর যাবত সালাতে ফজর আদায় করছেন।

সাঈদ বলেন : তোমরা যালিমদের সহায়তায় সুখ-ভোগ করো না এবং অন্তর দিয়ে এগুলোর প্রতি অঙ্গীকৃতি জাপন করবে তাতে তোমাদের সৎ আমল নষ্ট হবে না। তিনি আরো বলেন, শয়তান ঐ সব বস্তু হতে নিরাশ হয়ে যায়, যা মহিলাদের পক্ষ থেকে আসে। তিনি আরো বলেন, বান্দাদের কাছে মহান আল্লাহর ইবাদতের ন্যায় সম্মানী বস্তু আর কিছুই নেই; অনুরূপভাবে মহান আল্লাহর নাফরমানীর ন্যায় অপমানজনক বস্তু বান্দার কাছে আর কিছুই নেই। তিনি আরো বলেন, একজন ব্যক্তির জন্য তার শক্তিকে মহান আল্লাহর নাফরমানী করতে দেখা তার জন্যে মহান আল্লাহর একটি বড় সাহায্য হিসাবে গণ্য। তিনি আরো বলেন, যিনি মহীন আল্লাহর উপর নির্ভর করেন সকল লোকই তার মুখাপেক্ষী হয়। তিনি আরো বলেন, দুনিয়াটা নগণ্য এবং ইহা প্রতিটি নগণ্য বস্তুর দিকেই বেশী আকৃষ্ট। যে ব্যক্তি অসৎ উপায়ে দুনিয়া অর্জন করে এবং অসৎ পথে তা ব্যয় করে সে দুনিয়া হতে বেশী নিকৃষ্ট। তিনি আরো বলেন, যেকোন অদ্র, বিদ্বান ও মর্যাদাবান ব্যক্তির মধ্যে কিছু না কিছু ত্রুটি আছে, তবে জনগণের মধ্যে এমন লোকও আছে যার দোষ উল্লেখ করা সমীচীন নয়। তিনি আরো বলেন, যার দোষ থেকে গুণ বেশী, গুণের জন্যই দোষকে বিসর্জন দিতে হয়।

সাঈদ ইবনুল মুসায়িব দুই দিরহাম মাহরের বিনিময়ে তার কন্যাকে কাছীর ইব্ন আবু ওদাআর কাছে বিয়ে দেন। কন্যা ছিলেন খুব সুন্দরী, শিষ্টাচারিণী, মহান আল্লাহর কিতাব ও রাসূলুল্লাহ (সা)-এর সুন্নাত সম্পর্কে অত্যন্ত জ্ঞানী এবং স্বামীর অধিকার সম্পর্কে সকলের চেয়ে বেশী ওয়াকিফহাল। তাঁর স্বামীর আর্থিক অবস্থা ছিল অসচ্ছল। সাঈদ ইবনুল মুসায়িবের পাঁচ হাজার মুদ্রা কেউ কেউ বলেন, বিশ হাজার মুদ্রা প্রেরণ করেন এবং বলেন এটা হতে ব্রচ কর। এ ব্যাপারে তাঁর ঘটনাটি খুবই প্রসিদ্ধ। আবদুল মালিক তার ছেলে আল-ওয়ালীদের সাথে সাঈদ ইবনুল মুসায়িবের কন্যার বিয়ের জন্যে প্রস্তাৱ দেন। কিন্তু, সাঈদ তার কন্যাকে বিয়ে দিতে অঙ্গীকার করেন। আবদুল মালিক তার উপর অসন্তুষ্ট হন এবং তাকে বেত্রাঘাত করেন। আবদুল মালিকের খিলাফত আমলে আল-ওয়ালীদের প্রতি বায়আত করার বিষয়টি যখন পবিত্র মদীনায় প্রচারিত হলো তখন সাঈদ বায়আত করতে অঙ্গীকার করায় পবিত্র মদীনায় প্রদক্ষিণ করায়। তাঁকে তরবারির সামনে উপস্থিত করা হয়। তিনি স্থানটি অতিক্রম করেন। কিন্তু বায়আত করলেন না। যখন তারা তাঁকে তলোয়ারের ডয় দেখাল, তখন তাঁকে একজন মহিলা দেখে বলল, হে সাঈদ! এটা কি অপমান নয়? সাঈদ বলেন, তুম তো দেখছো অপমান হতে আমি দূরে

থাকার চেষ্টা করছি। অর্থাৎ যদি আমি তাদের কথা মান্য করি, তাহলে আমি দুনিয়া ও আবিরাতে অপমানিত হব। তিনি তার পিঠে বকরীর কাঁচা চামড়া বহন করতেন। তার ছিল কিছু সামগ্রী, তা দিয়ে তিনি ব্যবসা-বাণিজ্য করতেন এবং বলতেন, হে আল্লাহ! তুমি তো জানো, আমি তো কৃপণতা কিংবা অর্থের লোভ লালসা, দুনিয়ার মহবত এবং পার্থিব সুখ-শান্তি অর্জনের জন্যে এ সম্পদ ধরে রাখিনি। বরং আমি এ সম্পদ দ্বারা বনু মারওয়ান হতে আমার নিজেকে রক্ষা করার চেষ্টা করছি, যতক্ষণ না আমি মহান আল্লাহর সাথে মূলাকাত করব, তখন তিনি আমার ও তাদের মধ্যে ফায়সালা করবেন। এ সম্পদ দ্বারা আমি আমার আঞ্চীয়তার বক্ষন অটুট রাখছি। তার থেকে তাদের হক আদায় করছি এবং এ সম্পদ দ্বারা **বিধুরা, ফরার, মিসকীন, ইয়াতীম ও প্রতিবেশীদের খিদমত করে যাচ্ছি।** মহান আল্লাহ তা'আলা অধিক পরিজ্ঞাত।

তালিক ইবন হাবীব আল-আনায়ী

তিনি একজন সশ্বানিত তাবিঙ্গ। তিনি আনাস (রা), জাবির (রা), ইবন মুবায়র (রা), ইবন আব্দাস (রা), আবদুল্লাহ ইবন উমর (রা) ও অন্যান্য থেকে হাদীস বর্ণনা করেন। আর তাঁর থেকে হাদীস বর্ণনা করেন, হুমায়দ আত-তাবীল, আল-আ'মাশ এবং তাওস। তারা ছিলেন তাঁর সম্মানিয়ক। আমর ইবন দীনার তার প্রশংসা করেন। একের অধিক ইয়ামগণও তার প্রশংসা করেন। কিন্তু, তাঁরা তাঁর সম্পদে কিছু আপত্তি পেশ করেন। এ হিসেবে যে, তিনি ইরজা'-এ বিশ্বাস করেন। যারা ইবনুল আশআছের সাথে সংগ্রাম করেছিল তিনি তাদের অন্তর্ভুক্ত ছিলেন। তিনি বলতেন তাকওয়ার মাধ্যমে নিজেকে শক্তিশালী কর। তাকে বলা হলো তাকওয়া কি বর্ণনা করুন। তিনি বললেন, তাকওয়া মহান আল্লাহর আনুগত্যের মাধ্যমে মহান আল্লাহর নূরের আলোকে মহান আল্লাহর রহমতের প্রতি আশা রেখে আমল করা। মহান আল্লাহর নূরের আলোকে মহান আল্লাহর আযাবকে ভয় করে মহান আল্লাহর নাফরমানী বর্জন করা। তিনি আরো বলেন, বান্দা মহান আল্লাহর অধিকারসমূহ প্রতিষ্ঠিত করার চেয়ে মহান আল্লাহর অধিকারগুলোর পরিধি অনেক বড়। মহান আল্লাহর নিয়ামতসমূহ অগণিত এবং বান্দার নিআমতের শুরুর গুয়ায়ী হতে নিআমতের পরিধি অনেক বড়। তবে তোমরা সকালে ও বিকালে মহান আল্লাহর কাছে তাওবা কর। তালিক যখন সালাত আদায় করতে বের হতেন, তখন তার সাথে সাদাকাহ করার জন্যে কিছু সামগ্রী থাকত। আর যদি কোন সামগ্রী সাথে নেওয়া সম্ভব হতো না, তখন আঞ্চীয়তার সম্পর্ক পুনর্জীবিত করতেন। তিনি বলতেন, আল্লাহ তা'আলা বলেন : **بِأَيْهَا الَّذِينَ أَمْنُوا إِذَا نَاجَيْتُمُ الرَّسُولَ فَقِدْمُوا بَيْنَ يَدَيْ نَجْوَكُمْ صَدَقَةً** অর্থাৎ “হে মু'মিনগণ! তোমরা রাসূলুল্লাহ (সা)-এর সাথে চুপি চুপি কথা বলতে চাইলে, তার পূর্বে সাদাকাহ প্রদান করবে।” (সূরায়ে মুজাদালাহ ৪ আয়াত নং- ১২) কাজেই মহান আল্লাহর সাথে চুপি চুপি কথা বলতে চাইলে তার পূর্বে সাদাকাহ করা অনেক বড় কাজ।

মালিক বলেন, তালিক ইবন হাবীবকে হাজ্জাজ হত্যা করে এবং এক জামাআত কারীকেও সে হত্যা করে। তাঁদের মধ্যে একজন সাঈদ ইবন জুবায়র। ইবন জারীর উল্লেখ করেন, খালিদ ইবন আব্দুল্লাহ আল কাসরী পবিত্র মক্কা হতে তিনি জনকে হাজ্জাজের কাছে প্রেরণ করেছিল। তাঁরা মুজাহিদ, সাঈদ ইবন জুবায়র এবং তালিক ইবন হাবীব। তারপর তালিক রাস্তায় ইন্তিকাল করেন এবং মুজাহিদকে বন্ধী করা হয় ও সাঈদ ইবন জুবায়রকে যবাহ করে শহীদ করা হয়।

উরওয়াহ ইবনুয মুবায়র ইবনুল আওয়াম

তাঁর পূর্ণ নাম ছিল আবু আবদুল্লাহ উরওয়াহ ইবনুয মুবায়র ইবনুল আওয়াম আল-কারশী আল- আসাদী আল-মাদানী। তিনি একজন সম্মানিত তাবিদ্বী। তিনি তাঁর পিতা ও চারজন আবদুল্লাহ যথা আবদুল্লাহ ইবন উমর (রা), আবদুল্লাহ ইবন আবুরাস (রা), আবদুল্লাহ ইবন মাসউদ (রা) ও আবদুল্লাহ ইবন জা'ফর (রা), আমীর মুআবিয়া (রা), আল-মুগীরা (রা), আবু হুয়ায়রা (রা), তাঁর মাতা আসমা (রা), তাঁর খালা আইশা (রা) এবং উমে সালামা (রা) হতে হাদীস বর্ণনা করেন। তাবিদ্বীগণের একটি বড় জামাআত ও তাঁদের ব্যতীত বহু লোকজন তাঁর থেকে হাদীস বর্ণনা করেন।

মুহাম্মদ ইবন সাদ বলেন, উরওয়াহ বিশ্বস্ত, বহু হাদীস বর্ণনাকারী, যোগ্য ও দক্ষ আলিম। আল- আজালী বলেন, তিনি একজন মাদানী তাবিদ্বী ও সৎ ব্যক্তি। তিনি কখনও কোন ফিতনার সাথে জড়িত হননি।

আল্লামা আল-ওয়াকিদী (র) বলেন, তিনি একজন ফকীহ, আলিম, হাফিয়, বিশ্বস্ত, সুদক্ষ ও সীরাত সম্বন্ধে ওয়াকিহাল। তিনি প্রথম ব্যক্তি যিনি কিতাবুল মাগারী অর্থাৎ মহান আল্লাহর পথে জিহাদকরিগণের শুণগরিমা ও ক্রিয়াকর্ম সম্পর্কিত বিবরণী রচনা করেন। তিনি পবিত্র মদীনার বিশিষ্ট ফকীহগণের অন্তর্ভুক্ত ছিলেন। রাসুলুল্লাহ (সা)-এর সাহাবীগণও তাকে বহু মাসআলা সম্বন্ধে জিজাসা করতেন। তিনি ছিলেন জনগণের মধ্যে কবিতার প্রতি অধিক অগ্রহী ও আত্মতঙ্গ। তার ছেলে হিশাম বলেন, জ্ঞান অর্জন তিনজনের যে কোন একজনের জ্ঞান প্রাপ্যঃ বৎশ মর্যাদা সম্পন্ন ব্যক্তি যাকে তার বৎশ মর্যাদায় শোভা বর্ধন করে, কিংবা দীনদার ব্যক্তি যার দ্বীন বা ধর্ম তাকে সব সময় চিন্তায় মগ্ন রাখে কিংবা যিনি বাদশাহৰ সাথে মিলামিশা করেন। বাদশাহ তাকে প্রচুর সম্পদ প্রদানের মাধ্যমে উপহার দেয়। আর ঐ লোকটি জ্ঞানের বদৌলতে তার থেকে পরিত্রাণ পায় এবং ধৰ্মসে পতিত হয় না। তিনি আরো বলেন, উপরোক্ত তিনটি শর্ত উরওয়াহ ইবন মুবায়র (র) ও উমর ইবন আবদুল আয়ীয় (র) ব্যতীত অন্য কারো মধ্যে পাওয়া যায় বলে আমার জানা নেই। উরওয়াহ ইবনুয মুবায়র (র) প্রতিদিন পবিত্র কুরআনের এক-চতুর্থাংশ পাঠ করতেন এবং রাতের বেলায় সালাতে তা পুনরায় তিলাওয়াত করতেন। তিনি খেজুর পাকার সময় বাগানের দেওয়ালের মুখ জনগণের জন্যে খুলে দিতেন। জনগণ বাগানে চুক্ত এবং খেজুর ভক্ষণ করত। পাকার সময় শেষ হয়ে গেলে পুনরায় মুখ বন্ধ করে দিতেন।

আয-যুহরী (র) বলেন : উরওয়াহ এক বিদ্যার সাগর ছিলেন, যার পানি কোন দিনও শুকায় না কিংবা বালতি ও তার তলদেশে কাদা জমাট করে না। উমর ইবন আবদুল আয়ীয় বলেন, উরওয়াহ থেকে অধিক বিদ্যান আর কেউ নেই। আর যা আমি জানি না তা তিনি জানেন বলেও আমি তাকে মনে করি না। একাধিক ব্যক্তি তাঁকে, পবিত্র মদীনার ঐরূপ সাতজন ফকীহৰ মধ্যে অন্তর্ভুক্ত করেন, যারা আমার নিকটবর্তী। তিনি উক্ত দশজন ফকীহৰ অন্তর্ভুক্ত ছিলেন, যাদের থেকে পবিত্র মদীনার আমীর উমর ইবন আবদুল আয়ীয় (র) তার আমলে পরামর্শ গ্রহণ করতেন। একাধিক উৎস থেকে জানা যায় যে, তিনি দামেশকে আল- ওয়ালীদের কাছে একটি প্রতিনিধি দলের প্রধান হিসেবে সাক্ষাত করেন। যখন তিনি সেখান থেকে ফেরত আসছিলেন, তখন তার পায়ে ক্ষতেৎপাদক রোগ দেখা দেয়। চিকিৎসকগণ তাঁর পা কেটে ফেলার পরামর্শ দেন এবং তাকে একটি সিরাপ বা পানীয় পান করতে বলেন, যার ফলে ক্ষণিকের জন্যে বৃদ্ধিমত্তা হারিয়ে যায় এবং কোন প্রকার ব্যথা অনুভূত হয় না। আর তারাও তাঁর পা অনায়াসে কেটে নিতে পারে। তখন তিনি বলেন, যে মহান আল্লাহর প্রতি বিশ্বাস

রাখে আমি মনে করি না যে, সে এমন পানীয় পান করতে পারে যার দ্বারা ক্ষণিকের জন্যে হলেও তার বুদ্ধিমত্তা হারিয়ে যায়। ফলে সে তার প্রতিপালককে ভুলে যায়। বরং তোমরা এগিয়ে এস এবং তোমরা আমার পা কেটে নাও। তারা তার পা হাঁটু থেকে কেটে নিল, তিনি চুপচাপ ছিলেন, কোন কথা বলেননি এবং কোন উহ-আহ বলেননি। বর্ণিত রয়েছে চিকিৎসকরা তার পা কেটে নিয়েছেন। আর তিনি ছিলেন সালাত আদায়ে নিমগ্ন। সালাতে মগ্ন থাকায় তিনি কোন প্রকার ব্যথা অনুভব করেননি। মহান আল্লাহ্ অধিক পরিজ্ঞাত। যে রাতে তাঁর পা কেটে ফেলা হয়, মুহাম্মদ নামী তার অত্যন্ত প্রিয় সন্তান ঘরের ছাদ থেকে পড়ে গিয়ে মারা যায়। লোকজন তাঁর কাছে প্রবেশ করল ও সমবেদনা জ্ঞাপন করল। তখন তিনি বললেন, হে আল্লাহ্! তোমার জন্যেই সকল প্রশংসা। আমার সন্তানেরা ছিল সাত জন, তুমি একজনকে নিয়ে গেছ। তারা এখন বাকী রয়েছে ছয়জন। আর আমার ছিল চারটি অঙ্গ। তার মধ্যে থেকে তুমি একটি নিয়ে গেছ আর বাকী রয়েছে তিনটি। তুমি নিয়ে নিতে পার, কেননা, তুমিই তো প্রদান করেছিলে। আর তুমি যদি এই নেওয়ার দ্বারা আমাকে পরীক্ষা করে থাক তাহলে তুমি আমার নিরাপত্তা বিধান কর।

আল্লামা ইবন কাছীর (র) বলেন, একাধিক ইতিহাসবিদ উল্লেখ করেন যে, উরওয়াহ ইবন যুবায়র (র) যখন আল-ওয়ালীদের কাছে সাক্ষাতের জন্যে দামেশকের উদ্দেশ্যে পবিত্র মদীনা ত্যাগ করেন। পবিত্র মদীনার নিকটবর্তী একটি উপত্যকায় তাঁর পায়ে ক্ষতোৎপাদক রোগ দেখা দেয়। আর সেখানেই ছিল তার এ রোগের প্রারম্ভ। তিনি ধারণা করেছিলেন, যে রোগ দেখা দিয়েছে এটা বেশী দিন থাকবে না। তাই তিনি নিশ্চিন্তায় পথ চলতে লাগলেন। যখন তিনি দামেশকে পৌঁছেন, তখন দেখা গেল যে, তাঁর পায়ের নলীর অর্ধেক এ রোগ খেয়ে ফেলেছে। তিনি তখন ওয়ালীদের কাছে প্রবেশ করলেন। আল-ওয়ালীদ বিজ্ঞ চিকিৎসকদেরকে উরওয়াহ এর চিকিৎসার জন্যে একত্রিত করলেন। চিকিৎসকরা অভিমত ব্যক্ত করলেন যে, যদি তার পা কেটে ফেলে না দেওয়া হয় তাহলে এ রোগ উরওয�়াহের উরূর উপরিভাগ পর্যন্ত খেয়ে নেবে এবং ভবিষ্যতে তা সমস্ত শরীরকে গ্রাস করতে পারে ও খেয়ে নিতে পারে। এ তথ্য জানা পর উরওয়াহ তার পা কর্তনের সম্মতি প্রদান করলেন। তখন তারা তাকে বললেন, আমরা কি আপনার চেতনা শক্তি বিলুপ্ত করার জন্যে মুরাক্কিদ নামক একটি শরবত পান করতে দেব না? যার দরুন আপনার চেতনাশক্তি লোপ পেয়ে যাবে তাও আবার ক্ষণিকের জন্যে, আর আপনি কর্তনের কোন ব্যথা অনুভব করবেন না। উরওয়াহ বললেন, না, মহান আল্লাহর শপথ, আমি মনে করি না যে, কেউ এ শরবত পান করতে পারে কিংবা এমন কিছু খেতে পারে, যার দ্বারা তার বুদ্ধিমত্তা লোপ পেয়ে যাবে। তবে যদি আপনাদের এটা করতেই হয়, তাহলে আপনারা তাই করুন আর আমি সালাতে মগ্ন থাকব ও কোন প্রকার ব্যথা অনুভব করব না। এমনকি এ ব্যাপারে কোন খবরও থাকবে না। বর্ণনাকারী বলেন : চিকিৎসকরা ক্ষত জায়গার উপরাংশের অক্ষত স্থান থেকে পা কেটে নিলেন যাতে ক্ষত কোন জায়গা বাকী না থাকে। আর তিনি ছিলেন সালাতে নিমগ্ন। তিনি কোন প্রকার নড়াচড়াও করেননি। যখন সালাত সমাপ্ত করলেন, আল-ওয়ালীদ তার পায়ের জন্য তার কাছে সমবেদনা জ্ঞাপন করলেন, উরওয়াহ্ তখন বললেন, হে আল্লাহ্! তোমারই জন্যে সমস্ত প্রশংসা, আমার চারটি অংগ ছিল তুমি একটি নিয়ে গেছ। যদি তুমি নিয়ে থাক, বাকীও তো রেখে গেছ। আর যদি তুমি আমাকে পরীক্ষা কর, তাহলে তুমি আমার নিরাপত্তা বিধান কর। তুমি যদি নিয়েই যাও, তাহলে তুমিই তো আমাকে দান করেছিলে। দামেশকে যখন তাঁর কাজ সমাপ্ত হয়, তখন তিনি পবিত্র মদীনায় প্রত্যাবর্তন

করেন। বর্ণনাকারী বলেনঃ আমরা কখনও তাকে তার পা এবং সন্তান হারিয়ে যাবার কথা উল্লেখ করতে শুনি নাই। এ ব্যাপারে তিনি কারো কাছে অভিযোগও করেন নাই। তিনি ওয়াদিউল কুরা নামক স্থানে প্রবেশ করেন। উক্ত জায়গার যেখানে তার ক্ষতোৎপাদক রোগ দেখা দিয়েছিল, সেখানে পৌছার পর তিনি সূরায়ে কাহফের ৬২নং আয়াতাংশ তিলাওয়াত করেনঃ لَقِيْنَا مِنْ سَفَرْنَا هُذَا نَصْبًا অর্থাৎ ‘আমরা তো আমাদের এ সফরে ক্লান্ত হয়ে পড়েছি। যখন তিনি পবিত্র মদীনায় প্রবেশ করেন লোকজন এসে তাকে সালাম করল এবং তার পা ও সন্তানের জন্যে সমবেদনা জ্ঞাপন করল। যখন তিনি শুনতে পেলেন যে, কেউ কেউ বলছে কোন বিরাট পাপের জন্যেই তিনি এ মুসীবতে পতিত হয়েছেন। তখন উরওয়াহ্ এ সম্পর্কে নীচের কবিতাগুলো পাঠ করেন। কবিতাগুলো মাঝান ইব্ন আওসের রচিত বলে ইতিহাসবিদগণ মনে করেন।

“তোমার আয়ুর শপথ, আমার হাত কোন দিনও কোন সন্দেহজনক কাজে লিঙ্গ হয়নি। আর আমার পাও কোন সময় আমাকে ব্যভিচারী কাজের দিকে নিয়ে যায়নি। আমার শ্রবণশক্তি ও দৃষ্টিশক্তি আমাকে ব্যভিচারের প্রতি প্রলুক্ত করেনি। আমার অভিযত ও আমার বিবেক-বৃদ্ধি আমাকে ব্যভিচারের দিকে পথ প্রদর্শন করেনি। আমার জীবিতকালে আমি কোন প্রকার খারাপ কাজের দিকে পা বাড়াইনি। আর এরূপ খারাপ কাজের দিকে আমার মত কোন মানুষ পা বাড়ায় না। আঞ্চীয়-স্বজনদের জন্য আমার আস্তা কোন দিনও পক্ষপাতিত্ব করেনি। তবে আমার ও আমার পরিবারের কাছে যতদিন মেহমান অবস্থান করে, সেবা শুঙ্খায় তাকে আমি আমার চেয়ে বেশী অগ্রাধিকার দেই। আমি জানি যে কোন সময় কোন মুসীবত আমাকে এরূপে স্পর্শ করতে পারে। যেমন আমার মত অন্য কোন যুবককে এরূপ মুসীবত স্পর্শ করে থাকে।”

অন্য এক বর্ণনায় রয়েছে যে, “উরওয়াহ্ ইব্ন যুবায়ির (র) বলেন, হে আল্লাহ! আমার ছিল চারটি ছেলে সন্তান। তুমি একটি নিয়ে গেছ। আর তিনটি বাকী রেখে গেছ।” এ হাদীসটি হিশামও উল্লেখ করেছেন। মাসলামাহ ইব্ন মুহারিব বলেনঃ উরওয়াহ্-এর পায়ে ক্ষতোৎপাদক রোগ দেখা দেয়, তখন তাঁর পা কেটে ফেলা হয়। এ কাজের সময় কেউ তাকে জোর করে ধরে রাখেনি এবং সে রাতে তিনি তার নিয়মিত ওয়ায়ীফাও বর্জন করেননি। আল-আওয়াই (রা) বলেনঃ উরওয়াহ্ (র)-এর পা যখন কেটে ফেলা হয়, তখন তিনি বলেন, হে আল্লাহ! তুমি তো জান আমি এ পা দিয়ে কোন দিন খারাপ কাজে গমন করিনি। তিনি পূর্ববর্তী দুটি কবিতা আবৃত্তি করেন। উরওয়াহ্ (র) একদিন এক লোককে হাল্কাভাবে সালাত আদায় করতে দেখলেন। তিনি তখন তাকে কাছে ডাকেন ও বলেন, হে ভাই! তোমার এরূপ সালাতের প্রয়োজন কি আল্লাহ্ রাবুল আলামীনের আছে? আমি আমার সালাতে আল্লাহ্ রাবুল আলামীনের কাছে সবকিছু চাই এমনকি তার কাছে লবণও চাই। উরওয়াহ্ (র) আরো বলেনঃ অনেক সময় আমার ধারণকৃত খারাপ কথাই আমাকে প্রচুর সম্মানের অধিকারী করেছে। তিনি তার সন্তানগণকে বলেনঃ যখন তোমরা কোন ব্যক্তিকে নেক আমল করতে দেখবে, জেনে রাখবে, তার কাছে অন্য একটি নেক আমলও আছে। অন্যদিকে যখন তোমরা কোন এক ব্যক্তিকে খারাপ কাজ করতে দেখবে, তাহলে জেনে রেখো, তার কাছে অন্য একটি খারাপ কাজও আছে। কেননা, একটি নেক আমল অন্য একটি নেক আমলের দিকে ধাবিত করে। অন্তর্কপভাবে একটি বদ কাজও অন্য একটি বদ কাজের দিকে ধাবিত করে। উরওয়াহ্ (র) যখন তার বাগানে প্রবেশ করতেন, তখন তিনি বাগান থেকে বের না হওয়া পর্যন্ত সূরায়ে

وَلَوْلَا دَخَلْتَ جَنَّتَكَ قُلْتَ مَا شَاءَ لَتَكَفِيَنَّ
أَرْثَارَهُ لَمَّا دَعْتَهُ لَمْ يَقُولْ
আল্লাহ্ র্যা চান তা-ই হয়, আল্লাহ্ সাহায্য ব্যতীত কোন শক্তি নাই ?' মহান আল্লাহ্ অধিক পরিজ্ঞাত । কেউ কেউ বলেন, "তিনি উমর (রা)-এর জীবদ্ধায় জন্মগ্রহণ করেন । বিশুদ্ধ অভিমত হলো এই যে, তিনি হযরত উমর (রা)-এর ইন্তিকালের পর ২৩ হিজরীতে জন্মগ্রহণ করেন । আর প্রসিদ্ধ মতামত অনুযায়ী তিনি ৯৪ হিজরীতে ইন্তিকাল করেন । কেউ কেউ বলেন, ৯০ হিজরীতে । আবার কেউ কেউ বলেন, ১০০ হিজরীতে, আবার কেউ কেউ বলেন, ৯১ হিজরীতে । আবার কেউ কেউ বলেন, ১০১ হিজরীতে । আবার কেউ কেউ বলেন, ৯২ হিজরীতে কিংবা ৯৩ হিজরীতে, কিংবা ৯৪ হিজরীতে কিংবা ৯৫ হিজরীতে তিনি ইন্তিকাল করেন । আবার কেউ কেউ বলেন, ৯৯ হিজরীতে তিনি ইন্তিকাল করেন । মহান আল্লাহ্ অধিক পরিজ্ঞাত ।

আলী ইবনুল হ্সায়ন (র)

তাঁর পূর্ণ নাম আলী ইবনুল হ্সায়ন ইব্ন আলী ইব্ন আবু তালিব আল-কারশী, আল-হাশমী । তিনি যায়নুল আবেদীন বলে প্রসিদ্ধ ছিলেন । তাঁর মাতা ছিলেন ত্রৈতদাসী । তাঁর নাম ছিল সালামা । তাঁর চেয়ে বড় ছিলেন তার এক ভাই, যার নামও ছিল আলী । পিতার সাথে শাহাদাত বরণ করেন । আলী তাঁর পিতা, চাচা হাসান ইব্ন আলী (রা), জাবির (রা), ইব্ন আববাস (রা), আল-মিসওয়ার ইব্ন মাখরামা (রা), আবু হুরায়রা (রা), মু'য়িনগণের মাতা সাফিয়া (রা), আইশা (রা) ও উষ্মে সালামা (রা) হতে হাদীস বর্ণনা করেন । তার থেকে উল্লামায়ে কিরামের একদল হাদীস বর্ণনা করেন । তাঁদের মধ্যে প্রসিদ্ধ তাঁর ছেলেগণ- যায়দ, আবদুল্লাহ্ ও উমর, আবু জা'ফর মুহাম্মদ ইব্ন আলী ইব্ন কারর, যায়দ ইব্ন আসলাম, তার সমসাময়িক তাউস, আয়-যুহরী, ইয়াহ্বীয়া ইব্ন সাইদ আল-আনসারী, তাঁর সমসাময়িক আবু সালামা ও আরো অনেক ।

ইব্ন খালিকান বলেন, প্রারস্যের শেষ সম্রাট ইয়ায়দগারদ-এর কন্যা ছিলেন উষ্মে সালামা । রাবীউল আবরার নামী কিতাবে আল্লামা যামাখ্শারী (রা) উল্লেখ করেন যে, উমর ইব্ন খাস্তাব (রা)-এর আমলে ইয়ায়দগারদ-এর তিনি কন্যা বন্দী হয়েছিলেন । তাঁদের মধ্যে একজনকে আবদুল্লাহ্ ইব্ন উমর (রা) লাভ করেন এবং তার গর্ভে যে সন্তান জন্ম নেন তার নাম সালিম । তৃতীয় কন্যাকে মুহাম্মদ ইব্ন আবু বকর সিন্ধীক (রা) লাভ করেন এবং তার গর্ভে যে সন্তান জন্ম নেন তার নাম ছিল কাসিম । তৃতীয় কন্যাকে হ্সায়ন ইব্ন আলী (রা) লাভ করেন এবং তার গর্ভে যে সন্তান জন্ম নেন তার নাম ছিল আলী বা যায়নুল আবেদীন । তাই তারা সকলে খালাতো ভাই ।

ইব্ন খালিকান বলেন, কুতায়বা ইব্ন মুসলিম যখন ফিরোয় ইব্ন ইয়ায়দগারদকে হত্যা করেন, তখন তিনি তার দুই কন্যাকে হাজ্জাজের কাছে প্রেরণ করেন । একটিকে হাজ্জাজ নিজে গ্রহণ করেন এবং অন্যটিকে আল-ওয়ালীদের কাছে প্রেরণ করেন । তার গর্ভে যে সন্তান জন্ম নেয় তার নাম ছিল ইয়ায়ীদ নাকিস । ইব্ন কুতায়বা বিশ্বকোষে উল্লেখ করেন যে, যায়নুল আবেদীনের মাতা ছিলেন সিন্ধী মাহিলা । তার নাম ছিল সালামা । কেউ কেউ বলেন, তার নাম ছিল গাযালাহ । যায়নুল আবেদীন তার পিতার সাথে কারবালা ময়দানে অবস্থান করেন । তার বয়স কম হওয়ায় কেউ কেউ বলেন তিনি পীড়িত থাকায় বেঁচে যান । তার বয়স ছিল তখন ২৩

বছর। কেউ কেউ বলেন, তার বয়স ছিল ২৩ বছরের অধিক। উবায়দুল্লাহ্ ইব্ন যিয়াদ তাকে হত্যা করতে চেয়েছিল। পর মহান আল্লাহ্ তাকে এ কাজ থেকে বিরত রাখেন। কোন কোন পাপিষ্ঠ তাকে হত্যা করার জন্যে ইয়ায়ীদ ইব্ন মুআবিয়াকে ইঙ্গিত করেছিল, তাকেও আল্লাহ্ তা'আলা এ কাজ থেকে বিরত রাখেন। এরপর ইয়ায়ীদ তাকে সম্মান করত, মর্যাদা প্রদান করত এবং নিজের সাথে মজলিসে বসাত; যায়নুল আবেদীনকে ব্যক্তিত ইয়ায়ীদ খাদ্য গ্রহণ করত না। তারপর ইয়ায়ীদ যায়নুল আবেদীন ও তাঁর পরিবারকে পৰিত্ব মদীনায় প্রেরণ করে। পৰিত্ব মদীনাতেও যায়নুল আবেদীন সম্মানিত ও মর্যাদাবান ছিলেন।

ইব্ন আসাকির বলেন, দামেশ্কে একটি মসজিদ তৈরী করা হয়েছে, যা মসজিদে যায়নুল আবেদীন নামে প্রসিদ্ধ। আল্লামা ইব্ন কাহীর (র) বলেন, দামেশ্কে জামে মসজিদের পূর্বদিকে যায়নুল আবেদীনের মাঘার অবস্থিত। আবদুল মালিক ইব্ন মারওয়ান তাকে দ্বিতীয় বার দামেশ্কে আপ্যায়ন করেছিলেন এবং রোমের স্থ্রাট থেকে প্রাণ্ত পত্রের উত্তরে প্রদান কালে, মুদ্রা সংক্রান্ত ব্যাপারে ও পত্র লিখার নিয়ম পদ্ধতি সম্পর্কে তিনি যায়নুল আবেদীন থেকে পরামর্শ গ্রহণ করেছিলেন। ইমাম যুহুরী (র) বলেন, আমি কুরায়শের কোন ব্যক্তিকে তার চেয়ে বেশী পরহেয়গার ও মর্যাদাবান দেখি নাই। তাঁর পিতা ইমাম হুসায়ন (রা) যখন শাহাদতবরণ করেন, তখন তিনি তার পিতার সাথে ছিলেন। তিনি পীড়িত ছিলেন এবং তার বয়স ছিল তখন ২৩ বছর। উমর ইব্ন সাঁদ বলেন, এ পীড়িত লোকটির কোন ক্ষতি সাধন করো না।

আল্লামা আল-ওয়াকিদী বলেন, তিনি ছিলেন লোকজনের মধ্যে বেশী পরহেয়গার, বেশী ইবাদতগুর্যার এবং মহান আল্লাহর তরয়ে বেশী ভীতসন্ত্রস্ত। যখন তিনি চলাফেরা করতেন তিনি গর্ববোধ বা অহংকার করতেন না। তিনি সাদা পাগড়ী বাঁধতেন এবং পিছনের দিকে পাগড়ীর লেজ ঝুলিয়ে দিতেন। তার কুনিয়ত আবুল হাসান। কেউ কেউ বলেন, তার কুনিয়ত আবু মুহাম্মদ। আবার কেউ কেউ বলেন, তার কুনিয়ত আবু আবদুল্লাহ্।

মুহাম্মদ ইব্ন সাঁদ বলেন, তিনি ছিলেন বিশ্বস্ত, আমানতদার, অধিক হাদীস বর্ণনাকারী, মর্যাদাবান, মহান ও পরহেয়গার। তার মাতার নাম গাযালাহ। ইমাম হুসায়ন (রা)-এর শাহাদত বরণ করার পর তার উপর কর্তৃত্ব করেন তার গোলাম, যুবায়দ। তার গর্তে যে সন্তান জন্ম নেয় তার নাম আবদুল্লাহ্ ইব্ন যুবায়দ। তিনি ছিলেন ছোট আলী। আর বড় আলী তার পিতার সাথে নিহত হন। একাধিক বর্ণনাকারী উপরোক্ত মন্তব্যটি পেশ করেন।

সাঁদ ইব্ন মুসায়িব, যায়দ ইব্ন আসলাম, মালিক ও আবু হাযিম বলেন, আহলে বায়তের সদস্যদের মধ্যে কেউ তাঁর মত ছিলেন না।

ইয়াহ-ইয়া ইব্ন সাঁদ আল-আনসারী বলেন, আলী ইব্ন হুসায়ন ছিলেন শ্রেষ্ঠ হাশিমী। তাকে আমি বলতে শুনেছি তিনি বলতেন : হে মানবমণ্ডলী! তোমরা আমাদেরকে ইসলামের ন্যায় ভালবাস। আমরা সন্তুষ্ট হওয়া পর্যন্ত যেন তোমাদের মহকৃত আমাদের জন্যে সব সময় অক্ষুণ্ণ থাকে। অন্য এক বর্ণনায় আছে, যতক্ষণ না তোমরা জনগণের কাছে আমাদের জন্যে হিংসার পাত্র হয়ে উঠবে।

আল-আসমাঈ (র) বলেন, শুধুমাত্র আলী ইব্ন হুসায়ন (যায়নুল আবেদীন)-এর মাধ্যমে ইমাম হুসায়ন (রা)-এর বংশধারা জারী ছিল। তাঁর চাচা হাসানের সন্তানের মাধ্যমে ব্যক্তিত আলী ইব্ন হুসায়ন বা যায়নুল আবেদীনের কোন বংশধারা বিরাজমান ছিল না। মারওয়ান ইব্ন হাকাম তাকে বলল, যদি আপনি দাসী গ্রহণ করেন, তাহলে আপনার সন্তান বেশী হবে। তিনি

তখন বললেন, আমার একপ সম্পদ নেই যার দ্বারা আমি দাসী খরিদ করব। তখন তিনি তাকে এক লাখ মুদ্রা ধার দেন এবং তার জন্য কিছুসংখ্যক দাসী খরিদ করেন। তারা তার জন্যে সন্তান জন্ম দিল এবং এভাবে তার বংশ বৃদ্ধি পেল। তারপর মারওয়ান যখন মৃত্যু শয্যায় শয্যাগত হয়, তখন সে উসিয়ত করে যায় যেন তার এ ঋগের অর্থ যায়নুল আবেদীন হতে নেওয়া না হয়। তার থেকেই হযরত ইমাম হুসায়ন (রা)-এর সমস্ত বংশ দেখতে পাওয়া যায়। আবু বাকর ইব্ন আবু শায়বাহ বলেন, ইমাম যুহুরী যায়নুল আবেদীন হতে, তিনি তাঁর পিতা ও তাঁর দাদা হতে শুন্দ সনদে বর্ণনা করেন যে, ইমাম যায়নুল আবেদীন একদিন যে ঘরে দাঁড়িয়ে সালাত আদায় করছিলেন সে ঘরটি আগুন লেগে পুড়ে যায়। যখন তিনি সালাত শেষ করেন, তখন পরিবারের সদস্যরা তাকে বলল, আপনি কেন সালাত থেকে বিরত রাইলেন না? তিনি বলেন, আমি এ অগ্নি থেকে অন্য অগ্নি নিয়েই বেশী বিভোর ছিলাম। তিনি যখন উয় করতেন, তখন বির্বৎ হয়ে যেতেন। আর যখন সালাতে দাঁড়াতেন তখন কাঁপতে থাকতেন। যখন তাঁকে এ সম্পর্কে জিজ্ঞাসা করা হলো, তখন তিনি বলেন, তোমরা কি জান, আমি কার সামনে দাঁড়াচ্ছি? এবং কার সামনে চুপি চুপি কথা বলছি? যখন তিনি হজ্জ করতে মনস্ত করেন ও তালবিয়াহ পড়ার ইচ্ছে করলেন, তিনি কাঁপতে লাগলেন এবং বলতে লাগলেন, আমার ভয় হচ্ছে যদি আমি বলি লাববায়কা আল্লাহমু লাববায়কা অর্থাৎ “হে আল্লাহ! আমি তোমার কাছে হায়ির, হে আল্লাহ! আমি তোমার কাছে হায়ির।” যদি আমাকে বলা হয়, লা লাববায়কা অর্থাৎ তোমার উপস্থিতি মনস্ত করা হবে না। তারপর তারা সকলে তাঁকে তালবিয়াহ পড়ার জন্য উৎসাহিত করল। যখন তিনি তালবিয়াহ পাঠ করলেন, তখন তিনি বেহশ হয়ে গেলেন এমনকি সাওয়ারী থেকে নীচে পড়ে গেলেন। তিনি দিবারাত্রি এক হাজার রাকআত সালাত আদায় করতেন।

তাউস বলেন : হাতীমের কাছে সিজদারত অবস্থায় তাকে আমি বলতে শুনেছি। তিনি বলেন, তোমার নগণ্য বান্দাহ তোমার প্রতি উৎসর্গিত, তোমার ভিখারী তোমার প্রতি উৎসর্গিত, তোমার ফকীর তোমার প্রতি উৎসর্গিত।

তাউস আরো বলেন, আল্লাহর শপথ, আমি যে মুসীবতেই তার দু'আ কামনা করতাম, সে মুসীবতই আমা হতে দূর হয়ে যেত।

ঐতিহাসিকগণ উল্লেখ করেন যে, তিনি ছিলেন রাতের বেলায় বেশী বেশী সাদাকা প্রদানকারী এবং তিনি বলতেন, রাতের সাদাকা প্রতিপালকের ক্রোধকে নির্বাপিত করে, অন্তর ও কররকে আলোকিত করে এবং কিয়ামতের দিন বান্দা হতে অঙ্ককার দূর করবে। আর আল্লাহ তা'আলা তার সম্পদকে দ্বিগুণ করে দেবেন।

মুহাম্মদ ইব্ন ইসহাক বলেন, কতিপয় লোক পরিত্র মদীনায় খুব সুখে জীবন যাপন করতেন। কিন্তু তারা জানতেন না কোথা হতে তারা জীবনেোপকরণ পেতেন এবং কে তাদেরকে এ জীবনেোপকরণ সরবরাহ করতেন। তবে আলী ইব্ন হুসায়ন (র) যখন ইন্তিকাল করেন, তখন তারা এ সুযোগ হারিয়ে ফেলে এবং তারা বুঝতে পারে যে, তিনিই এ ব্যক্তি যিনি রাতের বেলায় তাদের যাবতীয় সামগ্ৰী তাদের ঘৰে পৌছিয়ে দিতেন। তিনি যখন ইন্তিকাল করেন, তখন পরিবারের সদস্যরা তার পিঠে ও হাতে বোৰা বহন করার দাগ দেখতে পেলেন। তিনি পরিত্র মদীনায় ১০০টি পরিবারের রসদ সরবরাহ করতেন। কিন্তু, তারা তাঁর ওফাত পর্যন্ত সরবরাহকারীকে জানত না। একদিন মুহাম্মদ ইব্ন উসামা ইব্ন যায়দের ঘৰে সেবা শৃঙ্খলার

জন্য আলী ইব্ন হসায়ন (র) প্রবেশ করেন। তখন ইব্ন উসামা ক্রন্দন করতে লাগলেন। তিনি তখন তাকে বললেন, তুমি কেন কাঁদছ? তিনি বললেন, খণ্ড পরিশোধের জন্য। তিনি বললেন, তোমার খণ্ড কত দীনার? ইব্ন উসামা বলেন, ১৫ হাজার দীনার। অন্য এক বর্ণনায় আছে ১৭ হাজার দীনার। আলী ইব্ন হসায়ন (র) বললেন, এ খণ্ড পরিশোধ করার দায়িত্ব আমি নিলাম। আলী ইব্ন হসায়ন (র) বলেন, হযরত আবু বকর সিন্ধীক (রা) ও হযরত উমর (রা) রাসূলুল্লাহ (সা)-এর জীবদ্ধশায় যেকুপ মান-মর্যাদার অধিকারী ছিলেন, রাসূলুল্লাহ (সা)-এর ইন্তিকালের পরেও তার কাছে তাদের সে রূপই মানমর্যাদা অক্ষণ্ট রয়েছে। একদিন এক ব্যক্তি তার নিকট থেকে কিছু দান-খয়রাত গ্রহণ করে, কিন্তু তিনি তাকে উপেক্ষা করছিলেন। মনে হয় যেন তিনি তার কথা শুনছিলেন না। তখন তাকে লোকটি বলল, আমাকে আরো কিছু সাহায্য করুন। আলী ইব্ন হসায়ন (র) তাকে বললেন, আমি তোমাকে উপেক্ষা করছি।

তিনি একদিন মসজিদ থেকে বের হন, তখন একটি লোক তাকে গালি দিল। লোকজন তাকে তাড়া করল। আলী ইব্ন হসায়ন (র) বলেন, তাকে তোমরা ছেড়ে দাও। তারপর তিনি তাকে সম্মোধন করেন এবং বলেন, তোমার কাছে আল্লাহ তা'আলা আমাদের যেসব দোষক্রটি লুকিয়ে রেখেছেন তা অনেক। তোমার কি কোন প্রয়োজন আছে যা দূর করার জন্য আমি তোমাকে কোন সাহায্য করতে পারি? লোকটি তখন লজ্জাবোধ করতে লাগল। তারপর তিনি তার গায়ের কালো চাদরটি দিয়ে দেন ও তাকে এক হাজার দিরহাম দেওয়ার হুকুম দেন। এরপর লোকটি যখনই আলী ইব্ন হসায়নকে দেখতেন, তখনই বলতেন, আপনি ত নবীর সন্তান।

ইতিহাসবিদগণ বলেন : একদিন আলী ইব্ন হসায়ন (র) বলেন, চিন্তাধারা একটি দর্পণের ন্যায়, তার মধ্যে মু'মিন বাদ্দা তার কল্যাণ ও অকল্যাণ দেখতে পায়।

ইতিহাসবিদগণ আরো বলেন, একদিন আলী ইব্ন হসায়ন (র) এবং হাসান ইব্ন হাসান (র)-এর মধ্যে কথা কাটাকাটি হয়। আর এ দু'জনের প্রতিপ্রতিনিধিত্ব বিরাজমান ছিল। হাসান ইব্ন হাসান কিছু কটু কথা বললেন। কিন্তু, আলী ইব্ন হসায়ন (র) চুপ থাকলেন। যখন রাত এল আলী ইব্ন হসায়ন, হাসান ইব্ন হাসান-এর বাড়ী গেলেন এবং বললেন, হে চাচাত ভাই! যদি তুমি সত্য বলে থাক মহান আল্লাহ যেন আমাকে ক্ষমা করেন। আর যদি তুমি মিথ্যে বলে থাক, তাহলে মহান আল্লাহ যেন তোমাকে ক্ষমা করে দেন। তোমার উপর মহান আল্লাহর রহমত বর্ষিত হোক। তাঁরপর তিনি ফিরে আসলেন। এরপর হাসান ইব্ন হাসান, আলী ইব্ন হসায়ন-এর সাথে সাক্ষাত করেন এবং তার সাথে সংক্ষি করেন। আলী ইব্ন হসায়নকে একদিন জিজ্ঞাসা করা হলো, জনগণের মধ্যে কে সবচেয়ে বেশী আশংকাজনক অবস্থায় আছে? তিনি বললেন, যিনি দুনিয়াকে নিজের জন্য কোন গুরুত্বই দেন না। তিনি আরো বলেন, বক্তু-বাক্তবদের হারানোই দীনতা। তিনি আরো বলতেন, একটি সম্প্রদায় মহান আল্লাহকে ভয় করে ইবাদত করে। আর এই ইবাদত গোলামদের ইবাদত। অন্য একটি সম্প্রদায় মহান আল্লাহর প্রতি আকৃষ্ট হয়ে তাঁরই ইবাদত করে। এ হলো ব্যবসায়ীদের ইবাদত। অন্য একটি দল মহান আল্লাহর প্রতি মহিমত ও কৃতজ্ঞতা জ্ঞাপনের জন্য মহান আল্লাহর ইবাদত করে। আর তা হলো স্বাধীন সৎ লোকের ইবাদত। একবার তিনি তার ছেলেকে বলেন, ফাসিকের সাথে বঙ্গুত্ব স্থাপন করবে না। কেননা, সে তোমাকে এক টুকরো খাদ্যের বিনিময়ে বিক্রি করে দেবে। এমনকি তার চেয়ে কম মূল্যামনের বস্তুর বিনিময়েও তোমাকে বিক্রি করবে। যা সে অর্জন করতে প্রয়াস পাবে। কিন্তু, তা তার জন্য সম্ভব হবে না। তুমি কোন কৃপণ ব্যক্তির সাথে

বক্সুত্ত স্থাপন করবে না। কেননা, সে তোমাকে তার কাছে রাখা তোমার প্রয়োজনীয় সম্পদের অপমান করবে। কোন মিথ্যাকের সাথেও বক্সুত্ত স্থাপন করবে না। কেননা, সে মরীচিকার ন্যায় দূরবর্তীতে অবস্থিত লোককে তোমার নিকটে দেখাবে। আর নিকটবর্তীতে অবস্থিত লোককে তোমার থেকে অনেক দূরে দেখাবে। কোন বোকা লোকের সাথেও তুমি বক্সুত্ত স্থাপন করবে না। কেননা, সে তোমার উপকার করতে গিয়েও তোমার ক্ষতি করে বসবে। কোন সম্পর্কচ্ছেদকারীর সাথে বক্সুত্ত স্থাপন করবে না। কেননা, সে মহান আল্লাহর কিতাবে মালউন (লা'ন্তপ্রাণ কিংবা অভিশঙ্গ) বলে অভিহিত হয়েছে। সূরায়ে মুহাম্মদ-এর ২২ ও ২৩ নং আয়াতদ্বয়ে আল্লাহ তা'আলা বলেন :

فَهَلْ عَسِيْتُمْ إِنْ تَوَلَّتُمْ أَنْ تُفْسِدُوا فِي الْأَرْضِ وَتُقْطِعُوا أَرْحَمَكُمْ أُولُّنِكَ
الَّذِينَ لَعَنْهُمُ اللَّهُ فَاصْنَمُهُمْ وَأَعْمَى أَبْصَارَهُمْ -

অর্থাৎ ক্ষমতায় অধিষ্ঠিত হলে সম্ভবত তোমরা পৃথিবীতে বিপর্যয়ের সৃষ্টি করবে এবং আল্লায়িতার বন্ধন ছিন্ন করবে। আল্লাহ তা'আলা তাদেরকে করেন অভিশঙ্গ, আর করেন বধির ও দৃষ্টিশক্তিইন।

আলী ইব্ন হসায়ন (র) যখন মসজিদে প্রবেশ করতেন, তখন তিনি লোকজনের কাঁধ ডিঙিয়ে যেতেন ও যায়দ ইব্ন আসলামের মজলিসে উপবিষ্ট হতেন। নাফি' ইব্ন জুবায়র ইব্ন মুতইম তাকে বলেন : “আল্লাহ পাক আপনাকে ক্ষমা করুন। আপনি জনগণের সরদার। শিক্ষিত লোক ও কুরায়শদের মজলিস ডিঙিয়ে আপনি কালো গোলামের মজলিসে গিয়ে কেন উপবিষ্ট হন ?” আলী ইব্ন হসায়ন (র) তাকে বলেন, “একজন মানুষ এই জায়গায় বসেন, যেখানে তিনি উপকার লাভ করেন। আর জ্ঞানতো যেখানে থাকে সেখান থেকে অব্রেষণ করতে হয়।” মাসউদ ইব্ন মালিক হতে আল-আ'মাশ বর্ণনা করেন। তিনি বলেন, একদিন আমাকে আলী ইব্ন হসায়ন (র) বলেন, “তুমি কি আমার ও সাঁদে ইব্ন জুবায়রের মধ্যে একদিন সাক্ষাত করাতে পার ?” আমি বললাম, এতে আপনার কি কাজ হবে ? তিনি বললেন, “আমি তাকে এমন কয়টি কথা জিজ্ঞাসা করতে চাই যেগুলোর দ্বারা আল্লাহ তা'আলা আমাদের উপকার করবেন, অপকার করবেন না। কেননা, তারা (ইরাকবাসীরা) আমাদেরকে এমন কয়েকটি দোষে দোষারোপ করছেন যেগুলো আমাদের মধ্যে কিছুই নেই।”

ইয়াম আহমদ (র) বলেন, “ইয়াহ্যা ইব্ন আদম ইব্ন ওবায়দ হতে আমাদের কাছে হাদীস বর্ণনা করেন। তিনি বলেন, একদিন আমি আবদুল্লাহ ইব্ন আবাস (রা)-এর কাছে ছিলাম, তখন আলী ইব্ন হসায়ন (র) ঘরে প্রবেশ করেন। আবদুল্লাহ ইব্ন আবাস (রা) তাকে বলেন, বক্সুর ছেলে বক্সুকে স্বাগতম। আবৃ বকর ইব্ন মুহাম্মদ ইব্ন ইয়াহ্যাইয়া আসসূলী বলেন, আল-আ'লা আমাদেরকে আবৃ মুবায়র হতে হাদীস বর্ণনা করেন। তিনি বলেন, একদিন আমি জাবির ইব্ন আবদুল্লাহ (রা)-এর কাছে ছিলাম। আলী ইব্নুল হসায়ন (র) তার কাছে প্রবেশ করলেন। তখন জাবির (রা) বলেন, “একদিন আমি রাসূলুল্লাহ (সা)-এর কাছে ছিলাম। তখন তার কাছে হসায়ন ইব্ন আলী (রা) প্রবেশ করেন। রাসূলুল্লাহ (সা) তাকে নিজের শরীরের সাথে মিলালেন এবং তাকে চুম্বন দিলেন ও নিজের পাশে বসালেন। তারপর তিনি বললেন, আমার এ সন্তানের একটি সন্তান হবে যার নাম হবে আলী, কিয়ামত যেদিন সংঘটিত হবে মহান আল্লাহর আরশের মধ্য থেকে একজন ঘোষক ঘোষণা দিবেন, যেন ইবাদত-গোয়ারদের সরদার দণ্ডয়মান হন। তখন সে দণ্ডয়মান হবে।” এ হাদীসটি গরীব। ইব্ন আসাকির উল্লেখ করেন।

ইমাম যুহরী (র) বলেন, আলী ইব্ন হসায়ন (র)-এর সাথে আমার অধিকাংশ সময়ই উঠাবসা ছিল। আমি তার থেকে বেশী ফকীহ আর কাউকে দেখি নাই। তিনি কম হাদীস বর্ণনা করতেন। আর তিনি ছিলেন তার পরিবারের সমসাময়িক সদস্যদের মধ্যে শ্রেষ্ঠ এবং ইবাদতের দিক দিয়ে উত্তম। তিনি মারওয়ান ও তার ছেলে আবদুল মালিকের কাছে পরিবারের অন্যান্য সদস্যদের চেয়ে অধিক প্রিয় ছিলেন। তারা তাকে যায়নুল আবেদীন বলে আখ্যায়িত করতেন। অর্থাৎ ইবাদত গোয়ারদের শোভা। জুওয়ায়রিয়া ইব্ন আসমা বলেন, রাসূলুল্লাহ (সা)-এর আজীয় পরিচয় দিয়ে তিনি কথনও কারো থেকে এক দিরহামও আঘাসাং করেন বলে প্রমাণ পাওয়া যায়নি। মহান আল্লাহ্ তাঁর প্রতি রহম করুন ও আল্লাহ্ তাঁর প্রতি সন্তুষ্ট থাকুন। মুহাম্মদ ইব্ন সাঁদ বলেন, “আলী ইব্ন মুহাম্মদ, সাঁদ ইব্ন খালিদের মাধ্যমে আল-মাকবারী হতে সংবাদ দেন। তিনি বলেন, “একদিন আল-মুখতার আলী ইব্ন হসায়ন (র)-এর কাছে এক লাখ মুদ্রা প্রেরণ করেন। তিনি তা গ্রহণ করতে খারাপ মনে করলেন এবং তা প্রত্যাখ্যান করতেও ভয় পেলেন। কাজেই তিনি তার কাছে উল্লিখিত পরিমাণ সম্পদ আমানতস্বরূপ রেখে দিলেন। আল-মুখতার যখন নিহত হয়, তিনি খলীফা আবদুল মালিক ইব্ন মারওয়ানের কাছে পত্র লিখে বলেন, আল-মুখতার আমার কাছে এক লাখ মুদ্রা প্রেরণ করেছিল তা আমি গ্রহণ করা কিংবা প্রত্যাখ্যান করা উভয়টাকে খারাপ মনে করছিলাম। এখন তুমি আমার কাছে কোন একজন লোককে প্রেরণ করে এ সম্পদ সরকারী তহবিলে নিয়ে নাও। আবদুল মালিক তার কাছে পত্রের উত্তর প্রেরণ করলেন এবং বললেন, হে চাচাত ভাই! আপনি এটা নিয়ে নিন। আমি আপনার জন্য এটা বৈধ ঘোষণা করলাম। তারপর তিনি তা কবূল করলেন।”

আলী ইব্ন হসায়ন (র) বলেন, “দুনিয়ায় জনগণের সরদার হলেন দাতা ও পরহেয়গারগণ এবং আখিরাতে সরদার হলেন, দ্বিদার, মর্যাদাবান, উলামা ও পরহেয়গারগণ। কেননা, উলামাই নবীগণের উত্তরাধিকারী। তিনি আরো বলেন, “আমি মহান আল্লাহর কাছে লজ্জাবোধ করছি একথা ভেবে যে, আমি আমার কোন ভাইকে দেখব এবং তার জন্যে জালাতের দরখাস্ত করব ও দুনিয়ার ব্যাপারে তার জন্যে কৃপণতা করব। যখন কিয়ামতের দিবস সংঘটিত হবে আমাকে বলা হবে, ‘যখন জালাত তোমার হাতে ছিল তুমি ছিলে এ ব্যাপারে সবচেয়ে বড় কৃপণ! সবচেয়ে বড় কৃপণ! সবচেয়ে বড় কৃপণ!’”

ইতিহাসবিদগণ উল্লেখ করেন : তিনি ছিলেন অধিকাংশ সময়ে ত্রন্দনকারী। তাঁকে এ ব্যাপারে জিজ্ঞাসা করা হলে তিনি বলেন, “ইয়াকুব (আ) ইউসুফ (আ)-এর জন্য ত্রন্দন করতেন এবং তাঁর চোখ সাদা বা দৃষ্টিহীন হয়ে গিয়েছিল অথচ তিনি জানতেন না যে ইউসুফ (আ) ইন্তিকাল করছেন কি না। অন্যদিকে আমি আমার পরিবারের তের জন্যের অধিক সদস্যকে আমার সামনে একটি সকাল বেলায় শহীদ হয়ে যেতে দেখেছি। তোমরা কি মনে করছ তাদের শোক আমার অন্তর থেকে কথনও মুছে যাবে?”

আবদুর রায়যাক বলেন, আলী ইব্ন হসায়ন (র)-এর জন্যে একজন বাদী উহূর পানি ঢালছিল। অমনি তার হাত থেকে পানির পাত্রটি আলী ইব্ন হসায়নের চেহারায় পড়ে যায় এবং তিনি যথমী হন। তিনি তখন বাঁদীটির দিকে মাথা উঠিয়ে দেখলেন। বাঁদীটি বলল, “আল্লাহ্ তা’আলা সূরায়ে আলে-ইমরানের ১৩৪নং আয়াতে ইরশাদ করেন : **وَالْكَاظِمِينَ الْغَيْظَ** : অর্থাৎ মুত্তাকীগণের একটি গুণ হলো তারা ক্রোধ সংবরণকারী। আলী ইব্ন হসায়ন (র) বলেন, আমি ক্রোধ সংবরণকারী। বাঁদীটি বলল, অর্থাৎ তারা মানুষের প্রতি ক্ষমাশীল অর্থাৎ আল্লাহ্ পাক সৎকর্মপরায়নদের ভালবাসেন। তখন আলী ইব্ন হসায়ন (র) বললেন, তুমি মহান আল্লাহর সন্তুষ্টির জন্য মুক্ত।

আয়-যুবায়র ইব্ন বিকার বলেন, আবদুল্লাহ ইব্ন ইবরাহীম ইব্ন কুদামাহ আল-লাখমী আমাদেরকে মুহাম্মদ ইব্ন আলীর পিতা হতে হাদীস বর্ণনা করেন। তিনি বলেন, ইরাকের একটি সম্প্রদায়ের কিছুসংখ্যক লোক এক জায়গায় বসলেন এবং আবু বকর সিন্ধীক (রা) ও উমর (রা) সম্বন্ধে আলোচনা করেন এবং অনেক কথাই তাদের সম্বন্ধে বলেন। তারপর তারা হ্যরত উছমান (রা)-এর সম্বন্ধে আলোচনা শুরু করেন। তখন আলী ইব্নুল হসায়ন তাদেরকে বললেন, “আমাকে আপনারা সংবাদ দিন, আপনারা কি ঐসব প্রথমোক্ত মুহাজিরগণের অস্তর্ভুক্ত, যাদের কথা সুরায়ে হাশরের ৮ম আয়াতে আল্লাহ তা'আলা ইরশাদ করেন : أَخْرِجُوا مِنْ دِيَارِهِمْ وَأَمْوَالِهِمْ يَبْتَغُونَ فَضْلًا مِنَ اللَّهِ وَرَضِوْا نَأْنَى وَيُنْصَرُونَ اللَّهُ أَكْبَرُ^{۱۴} অর্থাৎ “যারা নিজেদের ঘরবাড়ী ও সম্পত্তি হতে উৎখাত হয়েছে, তারা আল্লাহর অনুগ্রহ ও সম্মতি কামনা করে এবং আল্লাহ ও তাঁর রাসূলের সাহায্য করে। তারাই তো সত্যাশ্রয়ী।” তারা বলল, ‘না’। আলী ইব্নুল হসায়ন (র) বলেন, তাহলে তোমরা কি ঐসব ব্যক্তিদের অস্তর্ভুক্ত, যাদের কথা সুরায়ে হাশরের ৯ম আয়াতে বলা হয়েছে : أَذِينْ تَبَوَّأُ الدَّارَ وَالْأَيْمَانَ مِنْ قَبْلِهِمْ يُحِبُّونَ مِنْ هَاجَرَ إِلَيْهِمْ^{۱۵}

অর্থাৎ “মুহাজিরদের আগমনের পূর্বে যারা এ নগরীতে বসবাস করেছে ও ঈমান এনেছে তারা মুহাজিরদেরকে ভালবাসে।” তারা তখন বলল, ‘না’। তিনি তখন তাদেরকে বললেন, তোমরা স্বীকার করেছ এবং নিজেরাই সাক্ষ দিয়েছ যে, তোমরা এ সম্প্রদায়েরও অস্তর্ভুক্ত নও এবং ঐ সম্প্রদায়েরও অস্তর্ভুক্ত নও। আর আমি সাক্ষ দিচ্ছি যে, তোমরা তিন নং সম্প্রদায়ের অস্তর্ভুক্ত নও, যাদের সম্বন্ধে আল্লাহ তা'আলা সুরায়ে হাশরের ১০ম আয়াতে উল্লেখ করেছেন : وَالَّذِينَ جَاءُوا مِنْ بَعْدِهِمْ وَيَقُولُونَ رَبَّنَا اغْفِرْنَا وَلَا خَوَانِنَا الَّذِينَ سَبَقُونَا وَالَّذِينَ جَاءُوا مِنْ بَعْدِهِمْ وَيَقُولُونَ رَبَّنَا اغْفِرْنَا وَلَا خَوَانِنَا الَّذِينَ سَبَقُونَا^{۱۶} অর্থাৎ “যারা তাদের পরে এসেছে বাল্যামান ও নান্দনিক নয়। তারাই তোমরা আমার এখান থেকে উঠে যাও। আল্লাহ যেন তোমাদের মধ্যে বরকত দান না করেন। তোমাদের বাসস্থানকে যেন আল্লাহপাক হেরেমের নিকটবর্তী না করেন। তোমরা ইসলাম সম্বন্ধে ঠাণ্টা-বিদ্রূপ করছ। তোমরা ইসলামের যোগ্য নও।

একবার এক লোক এসে তাকে জিজ্ঞাসা করলেন, হ্যরত আলী (রা)-কে কখন উঠানো হবে ? তিনি বলেন, আল্লাহর শপথ, কিয়ামতের দিন তাকে উঠানো হবে। ইব্ন আবুদ-দুনিয়া বলেন, সাইদ ইব্ন সুলায়মান হতে আমার কাছে হাদীস বর্ণনা করা হয়েছে যে, আলী ইব্নুল হসায়ন (র) যখন তার ঘর থেকে বের হতেন, তখন তিনি বলতেন, হে আল্লাহ ! আজকের দিনে আমি আমার ইয়ুত-হুরমতকে ঐ ব্যক্তির জন্য সাদাকা করে দিচ্ছি, যে এটাকে হালাল জানে। ইব্ন আবুদ-দুনিয়া আরো বলেন : একদিন তার এক গোলামের হাত থেকে কাবার সিঁজ করা শিক আলী ইব্ন হসায়ন (র)-এর একটি বাচ্চার মাথায় পড়ে। গোলাম চুলায় কাবার তৈরী করছিল। ফলে, বাচ্চাটি নিহত হয়। আলী ইব্নুল হসায়ন (র) দ্রুত এগিয়ে আসলেন এবং বাচ্চাটির দিকে দৃষ্টিপাত করলেন ও গোলামকে বললেন, তুমি নিশ্চয়ই ইচ্ছে করে এটা করনি। তাই তুমি মুক্ত। তারপর তিনি তার সন্তানের দাফন-কাফন শুরু করেন। আল-মাদাইনী বলেন, আমি সুফিয়ানকে বলতে শুনেছি তিনি বলেন, আলী ইব্নুল হসায়ন (র)

বলতেন “অপমান সহকারে যদি লাল উট আমার ভাগে পতিত হয়, তাহলে এটা আমাকে খুশী করতে পারে না। জুবায়র ইব্ন বিকার এ হাদীস অন্য পত্রায়ও বর্ণনা করেছেন। এক ব্যক্তির এক সন্তান মারা যায়। সন্তান তার নিজের উপর যুনুম করত। তার পিতা তার এ যুনুমের জন্য দুঃখ প্রকাশ করল ও মহান আল্লাহর দরবারে কাকুতি-মিনতি করল। আলী ইব্নুল হুসায়ন (র) লোকটিকে বললেন, “তোমার সন্তানের জন্যে তিনটি উপহার রয়েছে : একটি হলো, কালেমায়ে তায়িবার সাক্ষ্য, দ্বিতীয়টি হলো মহান আল্লাহর রাসূল (সা)-এর শাফাআত এবং তৃতীয়টি হলো আল্লাহ তা'আলার রহমত।

আল-মাদাইনী বলেন, একবার ইমাম যুহরী (র) একটি শুনাহের কাজ করেন। এতে তিনি তয় পেয়ে যান এবং হতাশ হয়ে পড়েন। তিনি তার পরিবার ও ধন-সম্পদ ছেড়ে অন্যত্র চলে যান। তারপর যখন আলী ইব্নুল হুসায়ন (র)-এর সাথে তার সাক্ষাত হয়। তখন তিনি তাকে বলেন, হে ইমাম যুহরী! মহান আল্লাহর রহমত থেকে তোমার নৈরাশ্য সব জিনিসকে গ্রাস করে ফেলেছে এবং এটা তোমার শুনাহর চেয়ে অনেক বড়। ইমাম যুহরী (র) তখন সুরায়ে আনামের ১২৪ নং আয়াতাংশ পাঠ করেন : ﴿أَرْبَعَةٌ أَعْلَمُ حَيْثُ يَجْعَلُ رَسَالَتِهِ﴾। অর্থাৎ আল্লাহর রিসালাতের ভার কার উপর অর্পণ করবেন, তা তিনিই ভাল জানেন।

অন্য এক বর্ণনায় আছে, তিনি ভুলক্রমে কোন একটি নিষিদ্ধ খুনের সাথে সম্পৃক্ত হয়ে পড়েছিলেন। তখন আলী ইব্নুল হুসায়ন (র) তাকে তাওবাহ-ইসতিগ্ফার করার হকুম দেন এবং নিহত ব্যক্তির পরিবারকে নিহত ব্যক্তির রক্তমূল্য ও প্রদান করতে বলে। তিনি তা করেন। ইমাম যুহরী (র) বলতেন, আলী ইব্নুল হুসায়ন (র) আমার কাছে কৃতজ্ঞতার ক্ষেত্রে সবচেয়ে বড় ব্যক্তি।

সুফিয়ান ইব্ন উয়ায়না বলেন, “আলী ইব্নুল হুসায়ন (র) বলতেন, না জেনে-শুনে যদি কেউ কারো সম্পর্কে কোন কল্প্যাণের কথা বলে, তাহলে সে না জেনে তার সম্পর্কে অকল্প্যাণের কথা বলারও সংস্কাৰ থাকে। যদি দুই ব্যক্তি কোন শুনাহের কাজ একত্রে মিলে করে, তাহলে তাদের অবাধ্যতার দরূণ পৃথক হয়ে যাওয়ারও সংস্কাৰ থাকে। ইতিহাসবিদগণ উল্লেখ করেন, তিনি তাঁর মাতাকে তাঁর গোলামের সাথে বিয়ে দেন। তিনি তার মাতাকে আযাদ করে দেন এবং তাকে বিয়ে দেন। খলীফা আবদুল মালিক একজন লোক প্রেরণ করে এ ব্যাপারে তাকে তিরক্ষার করেন। তখন তিনি তার কাছে পত্র লিখেন ও সুরায়ে আহ্যাবের ২১নং আয়াত তিলাওয়াত করেন : ﴿لَقَدْ كَانَ لَكُمْ فِي رَسُولِ اللَّهِ أَسْنَوَةٌ حَسَنَةٌ لِمَنْ كَانَ يَرْجُو اللَّهَ كَثِيرًا﴾। অর্থাৎ “তোমাদের মধ্যে যারা আল্লাহ ও আধিকারিতকে ভয় করে এবং আল্লাহকে অধিক স্মরণ করে, তাদের জন্যে রাসূলুল্লাহ (সা)-এর মধ্যে রয়েছে উন্নত আদর্শ।” রাসূলুল্লাহ (সা) হযরত সাফিয়া (রা)-কে আযাদ করেন। তারপর তাঁকে বিয়ে করেন এবং নিজের আযাদকৃত গোলাম যায়দ ইব্ন হারিছার সাথে ফুকাতো বোন যায়নাব বিন্ত জাহশকে বিয়ে দেন।

ইতিহাসবিদগণ বলেন, শীতের দিনে তিনি মোটা কালো রেশমী কাপড় পরিধান করতেন, যার মূল্য ছিল পঞ্চাশ দীনার। যখন গরমকাল আসত, তখন তা তিনি সাদাকা করে দিতেন। গরমকালে তিনি তালিওয়ালা কাপড় পরিধান করতেন এবং কুরআনের সুরায়ে আ’রাফের ৩২

فُلْ مَنْ حَرَمَ زِينَةَ اللَّهِ الَّتِي أَخْرَجَ لِعِبَادِهِ وَالْطَّيْبَاتِ مِنَ الرِّزْقِ
নং আয়াত তিলাওয়াত করতেন : “হে রাসূল, আপনি বলুন, আল্লাহ্ তাঁর বান্দাদের জন্য যেসব
শোভার বস্তু ও বিশুদ্ধ জীবিকা সৃষ্টি করেছেন, তা কে নিষিদ্ধ করেছে ?”

বিভিন্ন সনদে আস-সূলী এবং আল-জারিবী ও অন্যান্য অনেকে বর্ণনা করেছেন যে, হিশাম ইবন আবদুল মালিক তার পিতার খিলাফত আমলে এবং তার ভাই আল ওয়ালীদের খিলাফত আমলে হজ্জ করেছেন। একবার তিনি বায়তুল্লাহ্ তাওয়াফকালে হাজরে আসওয়াদকে চুম্বন করার ইচ্ছে করলেন কিন্তু, তিনি তা করতে পারলেন না। তাই তাঁর জন্যে সেখানে একটি মিহর রাখা হলো। তিনি তার উপর বসলেন এবং হাজরে আসওয়াদকে চুম্বন করলেন। আর সিরিয়াবাসীরা তাঁর কাছে দণ্ডয়ামান ছিলেন। তাঁর এ অবস্থার মাঝে দেখা গেল আলী ইবনুল হুসায়ন (র) এগিয়ে আসলেন। যখন তিনি হাজরে আসওয়াদকে চুম্বন করার জন্যে নিকটবর্তী হলেন তখন লোকজন তাঁর সম্মানার্থে ও ভয়ে তার থেকে দূরে সরে যায়। আর তিনি নাদুশ-নুদুশ চেহারার অধিকারী ছিলেন এবং একটি সুন্দর কাপড় পরিহিত ছিলেন। সিরিয়াবাসীরা হিশামকে বললেন, তিনি কে ? হিশাম তখন বললেন, আমি তাকে চিনি না। উদ্দেশ্য ছিল তাকে নগণ্য ও হীন বলে প্রকাশ করা যাতে সিরিয়াবাসীরা তার প্রতি আকৃষ্ট হয়ে না পড়ে।

আল-ফারায়দাক নামী একজন কবি সেখানে উপস্থিত ছিলেন। তিনি বলেন, আমি তাকে চিনি। তারা বললেন, তিনি কে ? তখন আল-ফারায়দাক নিম্নে বর্ণিত কবিতাঙ্গলো আবৃত্তি করেন। “তাকে পবিত্র মঙ্গার প্রশংস্ত ভূমি ও কাদা মাটি চিনে। মহান আল্লাহর ঘর ও হেরেম শরীফের এলাকা এবং হেরেমের বাইরের এলাকা তাকে চিনে। তিনি মহান আল্লাহর সমস্ত বান্দার উত্তম বান্দার সন্তান। তিনি পরহেয়গার, পবিত্র, পরিষ্কার-পরিচ্ছন্ন ও বিদ্বান। তাকে যখন কুরায়শরা দেখে তখন কুরায়শের মুখ্যপাত্র বলে যে, এ ব্যক্তির মর্যাদা পর্যন্তই মর্যাদার শেষ প্রাপ্ত। তাঁর কাছেই সম্মানের চূড়া অবস্থিত। যে সম্মান অর্জন করতে এখনকার ইসলামে দীক্ষিত আরব ও অন্যান্য অসমর্থ ছিল। যখন তিনি ঝুঁকনে হাতীমকে স্পর্শ করতে আসেন, তখন তাঁর পরিচিত লোকজন তাকে অবরোধ করে ফেলার উপক্রম হয়েছিল। ঈমানী লজ্জাবোধ তাকে আবৃত্ত করে রাখত এবং তার ভয়ে মানুষ তার কাছে সশ্রদ্ধ থাকত। তার সাথে লোকজন তখনই কথা বলত, যখন তিনি মুচকি হাসি হাসতেন। তাঁর হাতে থাকত একটি ষষ্ঠি যার সুগন্ধি ছিল মনোমুগ্ধকর। আর এটা তাঁর মত বীরের করকমলে শোভা পেত। যার ছিল সিংহস্রূপ সুউচ্চ ও গৌরবময় নাক। যার বংশ ধারা মহান আল্লাহর রাসূল (সা) হতে নিঃসৃত। যার মূল ছিল শ্রেষ্ঠ এবং আচার আচরণ ছিল শিষ্টাচারপূর্ণ ও জনপ্রিয়। তার সমুজ্জ্বল আলো হতে হিদায়াতের আলো বিকশিত। যেমন সূর্যের তাপ থেকে মেঘমালা বিকশিত হয়ে থাকে। জনগণ যখন কষ্টে পতিত হতো, তখন তিনি তাদের বোঝা উঠাতেন। আবার তার সুমধুর আচরণের জন্যে তার কাছে জনগণ ও সকল ঐশ্বর্য ভিড় জমাত। যদি তুমি তাকে না চিন ভালো জেনে রেখো তিনি ফাতিমার সন্তান এবং তার নানার কাছেই মহান আল্লাহর নবীগণের আগমন ধারার পরিসমাপ্তি ঘটেছে। তার নানার কাছেই মহান আল্লাহর রাসূলগণের শ্রেষ্ঠত্ব আবর্তিত হয়েছে। তার দয়া বিশ্বাসীকে করেছে ধন্য। আর ধরা থেকে বিলঙ্ঘ হয়েছে বিভ্রান্তি, দৈন্যতা ও অত্যাচার, অনাচার ও ব্যাড়িচার। জনগণের অভাব-অন্টন দূরীকরণে ছিল তার দুই হস্ত সর্বদা প্রশংস্ত ও প্রসারিত। তার দয়ার ভাগীর সকলের জন্যে উন্মুক্ত ও অফুরন্ত। তিনি অমায়িক ব্যবহারের অধিকারী। যার থেকে ঝুঁতা ও অসৌজন্যমূলক ব্যবহারের কোন আশংকা

নেই। তাকে দুটো বিশেষ গুণ মহিমাবিত করেছে, তাহলো ধৈর্য ও মর্যাদার সৌন্দর্য। তিনি অংগীকার ভঙ্গ করেননি। অনুপস্থিত বা অবর্তমান থাকাকালেও তিনি সৌভাগ্যবান। যার চতুর অত্যন্ত প্রশঞ্চ। সিদ্ধান্ত গ্রহণকালে তিনি অত্যন্ত বুদ্ধিমান। আর তিনি এমন এক সম্প্রদায়ের মহৎ ব্যক্তি যাদের সাথে মহবত রাখাটাই ধর্মের অংগ। যাদের হিংসা করাটা কুফরীর মধ্যে শামিল। আর তাদের নৈকট্য অর্জন নাজাত লাভের অসীলাও আশ্রয়স্থল। তাদের মহবতের মাধ্যমে অকল্যাণ ও মুসীবত দূর করার কামনা করা হয়। আর তাদের মহবতের মাধ্যমে ইহসান ও নিআমতের বৃদ্ধির আশা করা হয়ে থাকে। মহান আল্লাহর অরণের পর প্রতিটি ক্ষেত্রে তাদের শ্রণই স্বকিছুর অংশে স্থান দেওয়া হয়। আর তাদের মহবত উল্লেখ সহকারে কথার সমাপ্তি ঘটানো হয়। যদি পরাহ্যেগার লোকদের মানমর্যাদা সম্পর্কে হিসাব নেওয়া হয়। তাহলে তারা ইমাম হিসেবে গণ্য হবেন। অথবা যদি বলা হয়, ভূপৃষ্ঠে উত্তম ব্যক্তি কারা তাহলে জওয়াবে বলা হয় যে তারাই। কোন দান-খ্যরাতকারী ব্যক্তি তাদের মান মর্যাদার গভীরত্ব পর্যন্ত পৌছতে পারে না। কোন সম্প্রদায়ের লোকেরা সম্মানে ভূষিত হলেও তারা তাদের নিকটেও পৌছতে পারে না। যখন দেশে কোন প্রকার দুর্ভিক্ষ ও বিপর্যয় দেখা দেয়, তখন তারাই দাতা হিসেবে বিবেচিত হন। তার সিংহস্তরপ দ্রুতগামী বিবেচিত হন, অর্থ বিপর্যয় থাকে তুঙ্গে। দুর্নাম তাঁদের চতুরে প্রবেশ করতে পারে না বা প্রবেশ করতে অঙ্গীকার করে। তাঁরা খুব ভদ্র ও সম্মানিত এবং সমাজে শক্তিধর হিসেবে বিবেচ্য। তাদের বদান্যতার দরুণ অন্যদের মাঝে শূন্যতাহাস পায় না বরং বৃদ্ধি পায়। তারা কাউকে কিছু দান করুক কিংবা নাই করুক অন্যদের কাছে তার মধ্যে কোন পার্থক্য নেই। কেননা, তাদের মর্যাদায় কেউ পৌছতে পারে না। এমন কে আছে যাদের ক্ষেত্রে তাদের অংগীকার প্রমাণিত হয়নি? হ্যাঁ, তাদের অংগীকার প্রমাণিত হয়েছে বার বার। তাই তোমার কোন কথা বা মন্তব্যই তার অনিষ্ট করতে পারে না। যাকে তুমি চিনতেছ না তাকে আরব ও অন্নারব সকলেই চিনে, তাকে মহান আল্লাহ চিনেন এবং তার অংগীকারকেও মহান আল্লাহ চিনেন। এ পরিবার থেকেই অন্যান্য লোকেরা দ্বীন হাসিল করেছে।

বর্ণনাকারী বলেন, উপরোক্ত কবিতাগুলো শুনে হিশাম ভীষণ রাগাবিত হল এবং পবিত্র মক্কাহ মদীনার মাঝামাঝি অবস্থিত উচ্ছফান নামক স্থানে ফারাযদুককে বন্দী করার হৃতুম দিল। আলী ইবনুল হুসায়নের কাছে এ সংবাদ পৌছার পর তিনি ১২ (বার) হাজার দিরহামসহ এক ব্যক্তিকে ফারাযদুকের কাছে প্রেরণ করেন কিন্তু তিনি তা কবূল করলেন না এবং বললেন, “আমি যা বলেছি, তা মহান আল্লাহর সন্তুষ্টি ও সত্যের সাহায্য এবং রাসূলুল্লাহ (সা)-এর বংশধরদের মধ্যে রাসূলুল্লাহ (সা)-এর অধিকারকে প্রতিষ্ঠিত করার জন্য আমি বলেছি। এর পরিবর্তে আমি কোন কিছু বিনিয়য় গ্রহণ করব না। আলী ইবনুল হুসায়ন তার কাছে এক ব্যক্তিকে প্রেরণ করলেন এবং তাকে বলতে বললেন, এ ব্যাপারে মহান আল্লাহ তোমার যথোর্থ নিয়ত সম্পর্কে অবগত আছেন। আমি তোমার প্রতি আল্লাহর শপথ সহকারে বলছি, তুমি যেন তা কবূল কর। তারপর তিনি তার থেকে তা কবূল করলেন এবং হিশামের বদনাম গাইতে লাগলেন। এই বদনাম গাঁথার কিছু অংশ নীচে উপস্থাপন করা হল। তিনি বলেন, “তুমি আমাকে বন্দী করে রেখেছো, পবিত্র মদীনাও এমন শহরের মধ্যবর্তী জায়গায় যার দিকে জনগণের অন্তর বিশেষ করে তাদের মধ্যে যে তাওবাকারী তার অন্তর আকৃষ্ট হয়, তাওবাকারী যদি উদ্ভৃত সর্দার না হয়ে থাকে তাহলে সে তার মস্তক ও তীর্যক দৃষ্টি সম্পন্ন দুই চক্ষুকে পরিবর্তন করে অন্যান্যদের দোষক্রটি প্রকাশ করবে।”

আলী ইব্নুল হৃসায়ন হতে বর্ণিত রয়েছে যে, যখন তাঁর সামনে দিয়ে কোন লাশের জানায় অতিক্রম করতো, তখন তিনি নিম্নে বর্ণিত দুইটি কথিতা আবৃত্তি করতেন :

“লাশের কোন জানায় যখন আমাদের সামনে দিয়ে অতিক্রম করে, তখন আমরা তা দেখে ভয় পেয়ে যাই। আর যখন আমরা হালকা বৃষ্টির মধ্যে চলাফেরা করি, তখন আমরা আনন্দ বোধ করি। আমাদের কাছে লাশের ভয় সাতজন গুহাবাসীর প্রতি একটি আক্রমণাত্মক দলের ভয়ের মতই অনুভূত হয়। যখন তারা জাগ্রত হওয়ার পর আবার নিরুদ্দেশ হয়, তখন তাদের আশেপাশের অঞ্চল শস্য-শ্যামল ও তরঙ্গতায় ভরে যায়।

আল-হাফিয় ইব্ন আসাকির মুহাম্মদ ইব্ন আবদুল্লাহ আল-মুকরী হতে বর্ণনা করেন। তিনি বলেন, সুফিয়ান ইব্ন উয়ায়নাহ, ইমাম যুহরী হতে আমার কাছে হাদীস বর্ণনা করেন। তিনি বলেন, ইবাদতগোষারদের সর্দার আলী ইব্নুল হৃসায়নকে তার নিজের সম্পর্কে যাচাই-বাচাই করার উদ্দেশ্যে ও নিজের প্রতিপালকের সাথে মুনাজাতের লক্ষ্যে বলতে শুনেছি। তিনি বলেন, হে আমার আস্তা! এ দুনিয়ায় তুমি কতদিন পর্যন্ত থাকতে পারবে এবং এ দুনিয়ার প্রাসাদে কতক্ষণ তুমি স্থায়ী থাকতে পারবে? তুমি কি তোমার পূর্ব পুরুষদের মধ্যে যারা চলে গেছে তাদের থেকে উপদেশ গ্রহণ কর না? আর তোমার বন্ধু-বান্ধবদের যাদেরকে এ পৃথিবী থেকে নিয়েছে তোমার মৃত ভাইদের যাদেরকে তুমি ভয় করছ, তোমার বন্ধু-বান্ধবদের যারা ভূতলে চলে গেছে, এসব থেকে কি তুমি উপদেশ অর্জন করছ না? তারা দুনিয়াতে প্রকাশ পাওয়ার পর এখন পৃথিবীর গর্ভে চলে গেছে এবং তাদের সৌন্দর্য পৃথিবীর গর্ভে ধ্বংস হওয়ার উপক্রম হয়ে পড়েছে।

তাদের ঘরবাড়ীগুলো খালী পড়ে রয়েছে। তাদের বাড়ীর চতুরঙ্গলো জনশূন্য হয়ে পড়েছে। তাদেরকে তাদের নিয়তি মৃত্যুর দিকে ঠেলে দিয়েছে; তারা দুনিয়া থেকে বিদায় হয়ে গিয়েছে। আর তারা দুনিয়ার জন্যে যে সম্পদ সংগ্রহ করেছিল তাও বিদায় হয়ে গিয়েছে; মাটির নীচের গর্তগুলো তাদেরকে স্বীয় বুকে টেনে নিয়েছে; মৃত্যুর হাত কত যুগের পর যুগকে ধ্বংস করে দিয়েছে; আর এ ভূপৃষ্ঠ স্বীয় মুসীবতের মাধ্যমে কতকিছুকে বিবর্ণ করে দিয়েছে, আর ভূ-পৃষ্ঠের মৃত্যিকা কত কিছুকে ঢেকে নিয়েছে; বিভিন্ন দল ও গোত্রের লোক যাদের সাথে তুমি বসবাস করতে তাদেরকে পরীক্ষাগার (কবর) বিলুপ্ত করে দিয়েছে। তারপর মৃত্যুর হাত তাদের থেকে ফকীর-মিসকীনদের ক্রিয়া কলাপের প্রতি প্রত্যাবর্তন করে।

তুমি দুনিয়ায় মন্তক অবনতকারী ও হিংসুক ব্যক্তি; দুনিয়ার ধন-সম্পদ অর্জনে তুমি লোভী ও বেশী বেশী দুনিয়া অর্জনের প্রতি আকৃষ্ট। তুমি সর্বদা বিপদের ঝুঁকি নিয়ে অন্য মনক হয়ে সকাল-বিকাল অতিবাহিত করছ। তোমার যদি বুদ্ধিশুদ্ধি থাকে তাহলে তুমি কি জান কি কি বিষয়ে তোমাকে সাবধানতা অবলম্বন করতে হবে? এক ব্যক্তি অব্যাহতভাবে দুনিয়া লাভে চেষ্টা করে যাচ্ছে এবং তার আধিরাতকে ভুলে যাচ্ছে। নিঃসন্দেহে সে ক্ষতিগ্রস্ত। কাজেই দুনিয়ার সমাপ্তি কি তোমার মুখ্য বস্তু? দুনিয়ার আস্থাদানই কি তোমার পেশাও নেশা?

অভাৰ অন্টন তোমাকে কিংকর্তব্যবিমৃঢ় করে দিয়েছে। আর তোমার কাছে আধিরাতের ভয় প্রদর্শনকারীও এসে গেছে অথচ তুমি তোমার লক্ষ্য বস্তুর প্রতি উদাসীন এবং বর্তমানের স্বাদগ্রহণের প্রতি আগ্রহশীল ও ভবিষ্যত স্বাদ গ্রহণের প্রতি অন্যমনক্ষ। আর তুমি প্রবৃত্তির অনুসারীদের বিপুব দেখছ এবং তাদের প্রতি যে মুসীবত আপত্তিত হয়েছে, তাও তুমি লক্ষ্য করেছ।

মৃত্যু, কবর, মুসীবত ইত্যাদির ভয়ানক অবস্থা উল্লেখ করার মধ্যে এবং খেল তামাশা ও দুনিয়ার আস্থাদন থেকে বিরত থাকার মধ্যে কোন এক ব্যক্তির জন্যে রয়েছে ধমক প্রদানকারী। প্রতীক্ষা ও বার্ধক্য চল্লিশের অত্যাসন্নকে দূরে ঠেলে দিয়েছে। আর যুগ্ম ও অত্যাচার বৃদ্ধকে ভয় প্রদর্শনকারী হিসেবে বিবেচিত। দুনিয়ায় তোমার আচরণে মনে হয় তোমার জন্যে যেটা ক্ষতিকারক সেটার দিকেই তুমি বেশী আসঙ্গ। আর হিদায়াতের রাস্তা থেকে বিভ্রান্তিতে পতিত। যে সব সম্প্রদায় চলে গেছে ও যে সব শাসক ধ্রংস হয়ে গেছে তাদের দিকে লক্ষ্য কর কেমন করে যুগের পরিণতি তাদেরকে ছিনিয়ে নিয়ে গেছে এবং মৃত্যু তাদেরকে অপহরণ করেছে? দুনিয়ায় তাদের চিহ্নসমূহ মিটে গেছে এবং তাদের সংবাদ দুনিয়ায় বাকী রয়েছে। কিয়ামতের দিন পর্যন্ত মৃত্যিকায় তাদের ধ্রংসাবশেষ বাকী থাকবে। তারা মৃত্যিকায় ধ্রংসাবশেষে পরিণত হয়েছে। তাদের মজলিস ও মাহফিল বক্ষ হয়ে গিয়েছে তাদের প্রাসাদগুলো খালি হয়ে গিয়েছে। তারা এমন ঘরে প্রবেশ করেছে যেখানে তাদের মধ্যে পরম্পর কোন দেখা সাক্ষাত নেই। কবরের বাসিন্দাদের জন্যে পরম্পর সাক্ষাতের সুযোগও কোথায়? তুমি যদি লক্ষ্য কর একটি কবরই দেখবে তারা এটাকে খেজুরের পাতার চাটাইয়ের মত বিস্তৃতভাবে বরাবর করেছে। আর এটাকে যেন যুগ বয়ন করেছে। কত শক্তিশালী সৈন্য-সামন্তের অধিকারী ও সাহায্যকারী দ্বারা পরিবেষ্টিত শক্তিধর রয়েছে যারা দুনিয়া অর্জন করেছে এবং দুনিয়ার যা কিছু চেয়েছে তাই অর্জন করেছে। আর দুনিয়ায় প্রাসাদ নির্মাণ করেছে ও পৃথিবীতে জনপদ গড়ে তুলেছে। ঐসব প্রাসাদে ধন-সম্পদ ও মাল-দৌলত সংগ্রহ করেছে, ক্রীতদাসী ও আযাদ রমণীদের সমাহার ঘটিয়েছে।

মৃত্যু যখন এল তার কাছে ধন-সম্পদ পুঁজীভূত থাকা সত্ত্বেও তখন তার থাবা ফিরে যায়নি। আর তার নির্মিত প্রাসাদগুলোও তাকে রক্ষা করতে পারেনি। প্রাসাদগুলোর পাশ দিয়ে বয়ে গেছে নদী নালা। আর গড়ে উঠেছে অসংখ্য জনপদ। মৃত্যু তার কোন প্রকার চালাকিতে বিজয় লাভ করার সুযোগ দেয় নাই এবং সৈন্য-সামন্তও তাকে রক্ষা করার জন্যে এগিয়ে আসেনি।

মহান আল্লাহর তরফ হতে এমন বস্তু এল যাকে কেউ রদ করতে পারে না। এমন আদেশ নায়িল হল যাকে কেউ প্রতিরোধ করতে পারে না। মহা পরাক্রমশালী আল্লাহ তা'আলাই একমাত্র মালিক। তিনি আধিপত্য বিস্তারকারী, অহংকার প্রদর্শনকারী, মহাপ্রাক্রান্ত ও প্রবল প্রতাপান্বিত। পরাক্রমশালীদের চূর্ণ-বিচূর্ণকারী, অহংকারকারীদের ধ্রংসকারী, যার সম্মানের সামনে সকল শক্তিধর অবনত এবং যার শক্তিতে প্রতিটি সূক্ষ্ম প্রতিফল প্রদানকারী ধ্রংসযজ্ঞ চালায়।

তিনি মালিক, পরাক্রমশালী, যার হৃকুম লংঘন করা যায় না। যিনি প্রজ্ঞাময়, তত্ত্বজ্ঞানী, প্রশাসন পরিচালনাকারী প্রতাপান্বিত, প্রতিটি সম্মান ব্যক্তি মহান আল্লাহর সম্মানের জন্যই সম্মান পেয়ে থাকে। আর কত শক্তিধর তত্ত্বধারণকারী মহান আল্লাহর কাছে নগণ্য। আরশের মালিক মহান আল্লাহর ইয়্যতের কাছে পরাক্রমশালী বাদশাহণ অনুনয়-বিনয় প্রকাশ করে, আনুগত্য প্রকাশ করে ও নিজেকে অধিঃপতিত মনে করে। কাজেই দৌড়াও দৌড়াও, দুনিয়া এবং দুনিয়ার বড়যন্ত্র হতে দূরে থাক, দূরে থাক। দুনিয়া তোমার জন্য যে জাল বিস্তার করেছে, তার শোভাগুলোকে তোমার ব্যবহারের জন্য বৈধ ঘোষণা করেছে, তার মনোমুঞ্চকর সৌন্দর্যকে তোমার সম্মুখে বিকশিত করেছে। আস্থাদিত বস্তুসমূহকে তোমার কাছে উন্নত করে দিয়েছে। আর তার ধ্রংসকারী উপকরণ ও উপাদানগুলোকে তোমার কাছে লুকিয়ে রেখেছে। একপ দুনিয়া থেকে দূরে থাক।

দুনিয়ার যে সব ভয়াবহতা আমি প্রত্যক্ষ করেছি এগুলোর চেয়ে কম ভয়াবহতাকে প্রতিরোধ করার জন্যে আহ্বায়ক রয়েছে এবং এগুলো থেকে পরিত্রাণের ছকুমদাতাও রয়েছে। কাজেই তুমি চেষ্টা করবে, অলসতা করবে না এবং সজাগ থাকবে। কেননা, কিছুদিনের মধ্যে ঘরের বাসিন্দা (প্রত্যেক মানুষ) ঘর অগত্যা ছেড়ে দেবে। কাজেই তুমিও দৌড়াবে, অনবরত দৌড়াবে, মোটেই থামবে না। কেননা, তোমার আয়ু ক্ষণস্থায়ী ও তা ধ্রংসপ্রাণ হবে। আর তুমি স্থায়ী ঘরের দিকে প্রত্যাবর্তনকারী। দুনিয়া অব্রেষণ করবে না। কেননা, দুনিয়ার নিআমতসমূহ যদিও তুমি আংশিক অর্জন করেছ, ভবিষ্যতে এগুলো তোমাকে ক্ষতির সম্মুখীন করবে। কাজেই, কোন বুদ্ধিমান ব্যক্তি কি এগুলোর জন্য লোভ করতে পারে? কিংবা কোন দক্ষ ব্যক্তি কি এগুলো নিয়ে খুশী হতে পারে? বুদ্ধিমান ব্যক্তি এগুলো ধ্রংস হয়ে যাওয়ার ব্যাপারে আশ্চর্ষ এবং এগুলোর স্থায়িত্বের ব্যাপারে আশাভিত্তি নন। যে ব্যক্তি রাত্রি জাগরণকে ভয় করে তার চোখ কেমন করে নিদ্রা যেতে পারে। আর যার সমস্ত কাজের মধ্যেই মৃত্যুর হস্তক্ষেপের আশংকা করা যায়, তার আস্থা কেমন করে শান্তি লাভ করতে পারে। সাবধান! এ রকম নয় বরং আমরা আমাদেরকে খোঁকা দিচ্ছি। আর দুনিয়ার আস্থাদন আমাদেরকে এমন বস্তুকে মগ্ন রেখেছে, যেগুলোর থেকে আমাদেরকে সাবধানতা অবলম্বন করা উচিত। যে ব্যক্তি যাবতীয় রহস্যের দিন কিংবা কিয়ামতের দিন ন্যায় বিচারের স্থানে দণ্ডায়মান হবে বলে বিশ্বাস রাখে, সে কেমন করে জীবনের আস্থাদন উপভোগ করতে পারে? আমরা যেন অভিযত দিচ্ছি যে, আমাদেরকে কিয়ামতের দিন পুনরায় জীবিত হতে হবে না। আমাদেরকে অনর্থক সৃষ্টি করা হয়েছে এবং মৃত্যুর পরেও আমাদের কোন হিসাব-নিকাশ হবে না। আর অচিরেই দুনিয়াদার দুনিয়ার স্বাদ ভোগ করবে এবং দুনিয়ার সৌন্দর্য থেকে উপকৃত হবে। বিভিন্ন রকমের বিশ্বাসকর ও ভয়াবহতার মাঝে সে বিরাজ করবে। দুনিয়া অব্রেষণেও তা অর্জনে বহু দুর্দশার সম্মুখীন হবে এবং রোগ, ব্যাধি, ব্যথা বেদনা ইত্যাদিকেও সে ভোগ করবে। আমরা কি প্রতিদিন লক্ষ্য করছিনা যে দুনিয়ার আবর্তন আমাদের কাছে সকাল-সক্কা হিসেবে প্রকাশ পায়। দুনিয়ার মূসীবত ও পেরেশানী আমাদেরকে বিনিট্রিত রজনী যাপন করতে বাধ্য করছে। আর কত লোককে তুমি দেখবে দুনিয়ার পেরেশানীতে বিনিট্রিত রজনী যাপন ব্যতীত তার বিকল্প কিছু নেই। সে দুনিয়া নিয়ে হিংসার পাত্র হয়েছে। কিন্তু, সে নিরাপদ নয় তবে তার নাফস দুনিয়া অব্রেষণ থেকে কখনও পিছপা হয় না। যারা দুনিয়াকে স্থায়ী বাসস্থান মনে করে তাদেরকে দুনিয়া প্রতারিত করেছে। আর যে দুনিয়ার প্রতি আস্তসমর্পণ করেছে তাকে দুনিয়া কোণঠাসা করে রেখেছে। দুনিয়া তাকে তার ছোবল থেকে মুক্ত হতে দেয় না। দুনিয়া ব্যথা বেদনা হতে তাকে রেহাই দেয় না। আর রোগ-ব্যাধি হতে তাকে সুস্থ থাকতে দেয় না এবং দুনিয়া তাকে তার দোষ ক্রটি থেকে নিঙ্কতি দেয় না। বরং তাকে ইয্যত, সম্মান ও প্রতিরোধের ধ্রংসের পর এমন খারাপ অবস্থায় নিয়ে আসে, যেখানে থেকে তার বের হবার আর কোন রাস্তা থাকে না। দুনিয়াদার এমন পর্যায়ে পৌছে, তখন সে উপলক্ষি করতে পারে যে তার কোন পরিত্রাণ নেই। আর মৃত্যুও তাকে তার ভীতিপূর্ণ জায়গা থেকে রক্ষা করছে না। লোকটি তখন লজ্জিত হয়ে যায়, যখন লজ্জা তাকে আর কোন ফায়দা দেয় না। তাকে তার কবীরা গুনাহ ক্রন্দন করতে বাধ্য করে। যখন সে তার অতীত গুনাহের জন্য ক্রন্দন করে এবং তার দুনিয়া যা অতিবাহিত হয়ে গেছে তার জন্য আফসোস করে আর মহান আল্লাহ'র কাছে ক্ষমা প্রার্থনা করে যখন এ ক্ষমা প্রার্থনা তার কোন উপকারে আসেনা এবং মৃত্যু ও বালা মূসীবত নিপত্তিত হওয়ার সময় তার কোন অজুহাতই তাকে রক্ষা করতে পারে না। তার দৃঢ়-দুর্দশা ও পেরেশানী তাকে

দেরাও করেছে। দুর্ভাগ্যের ভরাডুবিতে সে হাবুড়ুরু থাচ্ছে। মৃত্যুর যন্ত্রণা থেকে তার কোন নিষ্কৃতি নেই। ভীতি ও সন্ত্রস্ততা থেকে রক্ষা করারও তার কোন সাহায্যকারী নেই। তার আস্থা মৃত্যুর ভয়কে তার থেকে মনে হয় দূর করে দিয়েছে। কিন্তু, তার কষ্টনালী ও আলাজিহা বার বার তাকে মৃত্যুর কথা শ্বরণ করিয়ে দিচ্ছে।

এ পর্যায়ে তার সেবা-শুশ্রায় ভাটা পড়ে। তার পরিবার-পরিজন তাকে ছেড়ে দেয়, তার স্বজনেরা উচ্চস্বরে ঝুঁকন করতে থাকে। তার অসুস্থিতায় তারা নিরাশ হয়ে যায়। তারা তাদের হাত ধারা তার দুইচক্ষু বন্ধ করে দেয়। তার রহ বের হবার সময় সে তার পা লম্বা করে দেয়। তার বক্সু-বাঙ্কুর ও স্বজনেরা তাকে ছেড়ে চলে যায়।

কত দরদী শোকাহত হয়ে তার জন্য ঝুঁকন করছে। তার শোক প্রকাশে দৈর্ঘ্য প্রদর্শন করছে। অথচ সে দৈর্ঘ্যধারণকারী নয়। তার জন্য ইন্না লিল্লাহি ওয়া ইন্না ইলায়াহি রাজিউন পড়েছে। আল্লাহর কাছে কায়মনোবাক্যে তার জন্য প্রার্থনা করেছে এবং তার উল্লেখযোগ্য শুণাবলী বার বার উল্লেখ করছে। আবার কিছুসংখ্যক লোক রয়েছে যারা তার মৃত্যুতে খুশী হয়েছে এবং তার ইন্তিকালের সুসংবাদ ছড়িয়ে দিয়েছে কিছুক্ষণের মধ্যে যা হবার হয়ে যাবে।

তার স্তুগণ ওড়না ছিড়ে ফেলবে, বাদীরা তাদের গালে মুখে চপেটাধাত করতে থাকবে; প্রতিবেশীরা তাকে হারিয়ে হাউ মাউ করে কাঁদবে; তার ভাইয়েরা তার বিপদে ব্যথা অনুভব করছে; তারপর তারা সকলে তার কাফনের জন্যে এগিয়ে এল এবং তা সুসম্পন্ন করার জন্য দোড়িয়ে এল মনে হচ্ছে যেন তাদের মধ্যে এ উপকারী প্রিয় ব্যক্তিটি এবং প্রকাশ্য বক্সুটি কোনদিনও তাদের মধ্যে ছিলই না।

সম্প্রদায়ের মধ্যে যে ব্যক্তিটি তার অতিশয় নিকটতম ছিল সে এগিয়ে আসে, তার কাফনের ব্যাপারে আলোচনা করে ও তুরা করে। যারা তার কাছে হাস্তির হয়েছে তারা তাকে গোসল দেওয়ার জন্যে তুরা করে। যিনি কবর খোদবে তারা তার দিকে দৃষ্টি নিষ্কেপ করে। তাকে দুইটি কাপড়ে কাফন দেওয়া হয়। তার জানায়ার পিছে পিছে যাওয়ার জন্যে তার ভাই ও আঙীয়রা তার পাশে একত্রিত হয়েছে।

তার ছোট সন্তানটির দিকে যদি তুমি লক্ষ্য করতে। তার অস্তরের উপর দুঃখের চাপ পড়েছে। পিতার জন্যে দৈর্ঘ্য হারানো হতাশ হওয়াকে সে ভয় করছে। অঙ্গ তার চোখকে রঞ্জীন করেছে। সে তার পিতার জন্যে রোদন করছে ও বলছে হায়রে যুদ্ধ! হায়রে যুদ্ধ! মৃত্যুর অশুভ পরিস্থিতির প্রেক্ষিতে আমি এমন একটি দৃশ্যের প্রতি দৃষ্টিপাত করছি যা কোন একটি মহিলার জন্য ভয়াবহতা সৃষ্টি করে এবং তাতে কোন একজন দৃষ্টি নিষ্কেপকারীও ভীত-সন্ত্রস্ত হয়ে পড়ে। বড় বড় সন্তানেরা যুদ্ধের ভয়াবহতায় তাদের উপজীবিকা অর্জনে বাধাপ্রাপ্ত হয়েছে অথচ ছোট ছোট সন্তানেরা ধীরে ধীরে ভুলে যেতে বসেছে। মহিলাদের অভিভাবক তার জন্যে শোকাহত আর গালের উপর অঙ্গধারার বন্যা যেন প্রবাহিত।

তারপর তাকে তার প্রশংস্ত কামরা থেকে বের করে নিয়ে সংকীর্ণ কামরা কিংবা কবরের দিকে নিয়ে যাওয়া হয়। যখন তাকে কবরে স্থাপন করা হয় তখন তার উপরে ইটের ছাউনি দেওয়া হয়। তার যিন্দিগীর আমল তাকে ভীত করে দেয় ও তার অন্যায়গুলো তাকে বেষ্টন করে ফেলে। সব কিছুই যেন তার জন্যে সংকীর্ণরূপ ধারণ করছে। এরপর তার সাথীরা মাটি কুড়িয়ে এনে তার উপর স্তুপ করতে থাকবে। তার জন্যে কাঁদতে ও রোদন করতে থাকবে। তার কাছে

তারা কিছুক্ষণের জন্যে দণ্ডয়মান থাকবে ও তার উপর দৃষ্টি নিষ্কেপ করবে এবং নিরাশ হয়ে পড়বে। শেষ পর্যন্ত তারা তাকে তার অর্জিত সম্পদ আমলের কাছে আমানত রেখে উক্ত জায়গা থেকে প্রস্থান করবে।

তার সাথীরা এমন সাথীর জন্যে কাঁদতে কাঁদতে ফেরত চলল, যার সাথে তার ভাইয়েরা সাবধানতা সহকারে মূলাকাত করেছে। তারা নিরাপদে চারণভূমিতে বিচরণকারী বকরীদের ন্যায় দল বেঁধে প্রত্যাগমন করছে। যেগুলোর রাখাল যেন হাতে ছুরি নিয়ে দুইবাহু বিস্তার করে খালি মাথায় বের হয়ে পড়েছে। বকরীগুলো চরল, বেশ সময় পর্যন্ত, তারপর ফেরত ডাক পড়ল যখন যবাহকারী তাদের থেকে বিদায়ের মনস্ত করল। বকরীগুলো তাদের চারণভূমিতে পুনরায় আগমন করল, তাদের সঙ্গীর উপর যবাহু করার ন্যায় যে মুসীবত অবর্তীর্ণ হয়েছিল তারা তা ভুলে গেল। আমরা কি জীবজন্মের আচরণের অনুকরণ করছি না? কিংবা তাদের নীতিতে চলছি না? ধৰ্মের আবাস বা কিয়ামতের দিকে ধারিত হওয়ার বিষয়টি বারবার স্মরণ কর। অতল গহৰে ভয়াবহতার মাঝে স্থান লাভ ও পরিত্রাণ লাভ সম্পর্কে উপদেশ গ্রহণ কর।

মৃত ব্যক্তিকে একাকী তার কবরে দাফন করা হয়েছে। তার বংশধর ও আঞ্চলিক তার সম্পদ বন্টন করে নিয়েছে। তার সম্পদকে পুরাপুরি বন্টন করার জন্যে তারা মনোযোগী হয়েছে। তার সম্পদকে পুরাপুরি বন্টন করার জন্যে তারা মনোযোগী হয়েছে। তার সম্পদ সমষ্টিকে কোন প্রশংসাকারী কিংবা ধন্যবাদ প্রদানকারী নেই। কাজেই, হে দুনিয়ায় বসবাসকারী! হে দুনিয়ার সম্পদের জন্যে আপ্রাণ চেষ্টাকারী! এবং যুগের মুসীবতসমূহ থেকে নিজেকে নিরাপদ ধারণকারী! কেমন করে তুমি এ অবস্থায় নিজেকে নিরাপদ মনে করছ, অথচ তুমি নির্ঘাত দুনিয়ার মুসীবতের শিকার হবে? তুমি কেমন করে তোমার আয়ুকে নষ্ট করছ অথচ এটাই তোমার মৃত্যুর দিকে প্রত্যাগমনের সেতু স্থৱর? তুমি কেমন করে তোমার খাদ্য ভক্ষণের পর তৃষ্ণি বোধ করছ অথচ তুমি তোমার মৃত্যুর অপেক্ষা করছ? তুমি কেমন করে প্রবৃত্তিকে মুবারকবাদ জানাচ্ছ অথচ এটাই তোমার যাবতীয় বালা-মুসীবতের বাহন হিসেবে বিবেচ্য?

তুমি সফরের জন্যে পাথের সংগ্রহ কর নাই, অথচ সফরে বের হবার সময় অতিশয় সন্ত্রিক্ষ। প্রকৃতপক্ষে তুমি সফরের অবস্থায়ই বসবাস করছ। আমার জীবনের জন্য আফসোস। কতবার আমি আমার তাওবা ভঙ্গ করেছি! আমার আয়তো শেষ হবার পথে আর ধৰ্ম আমার দিকে তাকিয়ে আছে। আমার জীবনে আমি যা কিছু করেছি সবই রেকর্ড বইয়ে লিপিবদ্ধ হয়ে রয়েছে। শক্তিমান মহা ন্যায়বিচারক তার প্রতিদান প্রদান করবেনই। কাজেই, তুমি কতবার তোমার অধিকারিতকে দুনিয়া দ্বারা মিশ্রিত করবে, তালি দিবে এবং বিভাগি ও স্বেচ্ছাচারিতার আশ্রয় নেবে? আমি তোমার দৃঢ়তাকে নড়বড়ে দেখছি। হে ধর্ম বা আধিকারিতের চেয়ে দুনিয়াকে প্রাধান্য প্রদানকারী! দয়াময় আল্লাহ তা'আলা কি তোমাকে একুশ কাজ করার হুকুম দিয়েছেন? কিংবা এ ব্যাপারে কুরআনের আয়াত অবর্তীর্ণ হয়েছে? তোমার সামনে যে কঠিন হিসাব ও অত্যন্ত খারাপ পরিণতি রয়েছে তা কেন স্মরণ করছ না? যে ব্যক্তি ধন-সম্পদ সংগ্রহ করছে ও উপভোগ করছে, তার অবস্থা কেন অনুভব করছ না? আর যে সুউচ্চ আবাস তৈরী করেছে, জীবনে সুখ-স্বাচ্ছন্দ্য অর্জন করেছে ও অধিক আয়ু লাভ করেছে তার অবস্থা কেন অবলোকন করছ না? তাদের ন্যায় লোকেরা কি ধৰ্ম হয়ে যায়নি? আর তাদের আবাসভূমি কি কবরে পরিণত হয়নি?

যে সম্পদ বাকী আছে তাও একদিন ধৰ্ম হয়ে যাবে আর দীর্ঘ আয়ুও একদিন নিঃশেষ হয়ে যাবে। কাজেই সম্পদও দুনিয়ায় ভরপুর থাকবে না, জনপদও আবাদ এবং স্থায়ী থাকবে

না। যদি হঠাতে তোমার মৃত্যু তোমার কাছে পৌছে যায়, তাহলে তোমার কি করার আছে? কল্যাণ অর্জন না করার জন্যে মহান আল্লাহর কাছে কি তোমার কোন অজুহাত আছে? তুমি কি এটাতে খুশী যে, তোমার আয়ু শেষ হয়ে যাচ্ছে এবং ধৰ্মস হয়ে যাচ্ছে অথচ তোমার ধৰ্ম এখনও অসম্পূর্ণ রয়ে গেছে? অন্যদিকে তোমার সম্পদ পূর্ণতা অর্জন করেছে?

আলী ইবনুল হুসায়ন ওরফে যায়নুল আবেদীন কোন্ সালে ইন্তিকাল করেন তা নিয়ে ইতিহাসবিদগণ মতভেদ করেন। অধিকাংশের কাছে প্রসিদ্ধ হলো যে, তিনি এ বছর অর্থাৎ ৯৪ হিজরীতে ইন্তিকাল করেন। এ বছরের প্রথম দিকেই ৫৮ বছর বয়সে তিনি ইন্তিকাল করেন। জান্নাতুল বাকীতে তার সালাতে জানায় পড়া হয় ও তাকে সেখানে দাফন করা হয়। আল-ফাল্লাস বলেন, '৯৪ হিজরীতে আলী ইবনুল হুসায়ন, সাঈদ ইবনুল মুসায়িব, উরওয়াহ এবং আবু বাকর ইবন আবদুর রহমান ইন্তিকাল করেন। কেউ কেউ বলেন, আলী ইবনুল হুসায়ন ৯২ কিংবা ৯৩ হিজরীতে ইন্তিকাল করেন। আল-মাদাইনী এ কথা বলে অবাক করে দিয়েছেন যে, আলী ইবনুল হুসায়ন ৯৯ হিজরীতে ইন্তিকাল করেন।

আল্লামা ইবন কাষীর (র) বলেন : আলী ইবনুল হুসায়নের জীবনী এখানেই শেষ করা হলো তবে আমি তার কিছু মূল্যবান বাণী এখানে উল্লেখ করব, যেগুলোর দ্বারা আমার বিশ্বাস পাঠকবর্গ খুব উপকৃত হবেন।

হাফ্স ইবন গিয়াছ হাজার্জ ও আবু জা'ফরের মাধ্যমে আলী ইবনুল হুসায়ন (র) হতে বর্ণনা করেন। তিনি বলেন : “শরীরে যখন কোন প্রকার রোগ-ব্যাধি হয় না, তখন সে অহংকার করে ও অকল্যাণের প্রতি আশ্রয় নেয়। যে শরীর খারাপ কাজে প্রলুক্ত করে ও অহংকার করে, তার মধ্যে কোন কল্যাণ নেই।”

আবু বাকর ইবন আল-আবারী বলেন : আহমদ ইবন সালত মুহাম্মদ হতে হাদীস বর্ণনা করেন। তিনি বলেন : “আলী ইবনুল হুসায়ন (র) বলেন : “বঙ্গ-বান্ধবদের হারিয়ে ফেলাই হলো প্রকৃত দীনতা।” তিনি আরো বলতেন : “হে আল্লাহ! আমি তোমার কাছে আশ্রয় চাই, যেন তুমি মানুষের চোখে আমার প্রকাশ্যটাকে উত্তম করে দেখাবে। আর মানুষের অন্তরে আমার গোপনীয়তাকে খারাপ করে দেখাবে। হে আল্লাহ! আমি খারাপ কাজ করছি। আর তুমি আমার প্রতি ইহসান করছ বা দয়া দেখাচ্ছ। তারপর যখন আমি পুনরায় খারাপ কাজ করব তুমি ও আমার প্রতি পুনরায় ইহসান করবে। হে আল্লাহ! তুমি আমাকে এমন ব্যক্তির মহকৃত দান কর, যার রিয়্ক তুমি ত্রাস করে দিয়েছ অথচ তুমি আমার প্রতি তোমার মেহেরবানীকে প্রসারিত করে দিয়েছ।

একদিন তিনি তার ছেলেকে বললেন : হে বেটা! পায়খানা ব্যবহার করার কালে পৃথক কাপড় পরিধান করবে। কেননা, আমি লক্ষ্য করেছি যে, মাছি আবর্জনার উপর বসে এবং পরে কাপড়ের উপরেও বসে। তারপর তিনি সতর্ক হলেন এবং বললেন, “আল্লাহর রাসূল (সা) ও তাঁর সাহাবীগণের একাধিক কাপড় ছিল না। তাই, তিনি উপরোক্ত অভিমত প্রত্যাখ্যান করলেন।

আবু হাময়াহ আছ-ছুমালী বলেন, “একদিন আমি আলী ইবনুল হুসায়ন (রা)-এর দরযায় পৌছলাম। তাকে সশব্দে ডাকাটা আমি পসন্দ করলাম না। তাই তার দরযায় বসে পড়লাম। অতঃপর তিনি বের হলেন। আমি তাকে সালাম করলাম ও দু'আ চাইলাম, তিনি আমার সালামের জবাব দিলেন এবং আমার জন্যে দু'আ করলেন। এরপর তিনি একটি দেওয়ালের দিকে গমন করলেন এবং বললেন, হে আবু হাময়াহ! তুমি কি এ দেওয়ালটি দেখছ? আমি

বললাম ‘হ্য’। তিনি বললেন, “আমি এটাতে একদিন হেলান দিয়েছিলাম এবং আমি ছিলাম চিন্তাযুক্ত। এমন সময় মনোমুঞ্জকর চেহারা ও চমৎকার পোশাকধারী এক ব্যক্তিকে দেখলাম যে তিনি আমার মুখের দিকে তাকিয়ে আছেন এবং আমাকে বলছেন, হে আলী ইবনুল হসায়ন! আমি তোমাকে দুনিয়ার জন্যে অত্যন্ত চিন্তাশীল দেখছি। এটার কারণ কি? দুনিয়া একটি খাদ্য ভাণ্ডার ভার থেকে সৎ ও অসৎ সকলেই খাদ্য গ্রহণ করে থাকে। আমি বললাম, আপনি যেরূপ বলছেন এ হিসেবে আমি দুনিয়ার জন্যে চিন্তিত নই। তিনি বললেন, তাহলে কি আব্দিরাতের জন্য দুনিয়ার প্রতি আপনি চিন্তিত? আব্দিরাত একটি সত্য অঙ্গীকার। সর্বশক্তিমান মালিক সেখানে বিচার করবেন। আমি বললাম, আপনি যেরূপ বলছেন এ হিসেবেও আমি দুনিয়ার জন্য চিন্তিত নই। তিনি বললেন : তাহলে আপনার চিন্তাটা কিসের জন্যে? তখন আমি বললাম, “আমি আবদুল্লাহ ইবন যুবায়র (রা)-এর ফিতনাকে তয় করছি। তিনি আমাকে বললেন, হে আলী! আপনি কি এমন ব্যক্তি দেখেছেন যে, মহান আল্লাহকে ডেকেছে অথচ মহান আল্লাহ তাকে দান করেননি? আমি বললাম ‘না’। তিনি আবার বললেন, “আপনি কি এমন ব্যক্তি দেখেছেন, যে মহান আল্লাহকে তয় করে অথচ মহান আল্লাহ তার জন্যে যথেষ্ট হননি? আমি বললাম, ‘না’। তারপর তিনি অদৃশ্য হয়ে গেলেন। তখন আমাকে বলা হলো, হে আলী! তিনি ইব্রাহিম (আ)। শেষোভূত কথাটি কোন বর্ণনাকারীর অতিরিক্ত বক্তব্য।

তাবারানী বলেন : মুহাম্মদ ইবন আবদুল্লাহ আল-বিয়রী উমর ইবন হারিছ হতে বর্ণনা করেন। তিনি বলেন, ‘আলী ইবনুল হসায়ন (র) যখন ইনতিকাল করেন। তখন তার গোসল প্রদানের সদস্যরা তাকে গোসল দেন এবং তারা তার পিঠে কাল কাল দাগ দেখতে পান। তারা জিজ্ঞাসা করলেন এগুলো কি? তখন বলা হলো, তিনি রাতে আটার বস্তা বহন করতেন এবং পৰিত্র মদীনাবাসী ফকীরদেরকে আটা দান করতেন। ইবন আইশা বলেন, পৰিত্র মদীনাবাসীদেরকে আমি বলতে শুনেছি। তারা বলেন : ‘আলী ইবনুল হসায়ন (র)-এর মৃত্যুর পর আমরা গোপনে সাদাকা কারীকে হারালাম।’”

আবদুল্লাহ ইবন হাষল ইবন আশকাব ও মুহাম্মদ ইবন বাশারের মাধ্যমে আবুল মিনহাল আত্মাট্স হতে বর্ণনা করেন। তিনি বলেন, “আলী ইবনুল হসায়ন (র) বনূ হাশিমের শ্রেষ্ঠ চার ব্যক্তিদের অন্যতম ছিলেন। তিনি বলেন : হে আমার সন্তান! মুসীবতের সময় ধৈর্যধারণ করবে, কারো অধিকারে হস্তক্ষেপ করবে না, তোমার দীনী ভাইকে কোন ব্যাপারে নিরাশ করবে না। তবে যে ক্ষেত্রে তোমার উপকারিতা থেকে ক্ষতির পরিমাণ বেশী। তাবারানীও স্থীয় সনদে নীচে বর্ণিত বর্ণনাটি উল্লেখ করেছেন যে, একদিন আলী ইবনুল হসায়ন (র) একটি মজলিসে বসেছিলেন। তারপর তাঁর ঘরে একজন আহবায়িকার কষ্টস্বর শুনতে পেলেন। তিনি উঠে গেলেন। ঘরে ঢুকলেন। তারপর মজলিসে ফিরে আসলেন। তাকে জিজ্ঞাসা করা হলো। কোন ঘটনার জন্মেই কি আহবায়িকা আপনাকে আহ্বান করেছিল? তিনি বললেন, ‘হ্যাঁ’। মজলিসের লোকজন তার প্রতি সমবেদন জ্ঞাপন করেন এবং তারা তার ধৈর্য দেখে অবাক হলেন। তারপর তিনি বলেন, আমরা আহলে বায়তের সদস্য। আল্লাহ তা‘আলা আমাদেরকে যা দান করেছেন তার জন্যে মহান আল্লাহর আনুগত্য করি। আর যা তিনি দেন নাই, তার জন্যে মহান আল্লাহর প্রশংসা করি।

আলী ইবনুল হৃসায়ন (র) থেকে তাবারানী আরো বর্ণনা করেন। তিনি বলেন : “যখন কিয়ামতের দিন সংঘটিত হবে। একজন আহ্বানকারী আহ্বান করবেন যে, সম্মানী ব্যক্তিরা যেন দাঁড়িয়ে যান। তখন কিছুসংখ্যক লোক দাঁড়িয়ে যাবেন। তাদেরকে বলা হবে, আপনারা জান্নাতের দিকে চলুন। তারপর ফেরেশতাগণ তাদের সাথে মুলাকাত করবেন এবং তারা বলবেন, আপনারা কোথায় যান ? তারা বলবেন : জান্নাতের দিকে। ফেরেশতারা বলবেন হিসাবের পূর্বেই ? তারা বলবেন, ‘হ্যাঁ’। ফেরেশতারা বলবেন, আপনারা কে ? তারা বলবেন, আমরা আহলুল ফায়ল অর্থাৎ সম্মানী ব্যক্তিবর্গ। ফেরেশতারা বলবেন : আপনাদের ফায়লত বা সম্মান কী ? তারা বলবেন, কেউ আমাদের প্রতিকূলে অজান্তে কোন কাজ করলে আমরা তা সহ্য করেছি। আমাদের প্রতি কেউ যুলুম করলে আমরা তাতে ধৈর্যের পরিচয় দিয়েছি। আমাদের প্রতি কেউ কোন খারাপ ব্যবহার করলে আমরা তা ক্ষমা করে দিয়েছি। ফেরেশতারা তাদেরকে বলবেন, “আপনারা জান্নাতে প্রবেশ করুন। সৎকর্মশীলদের পুরস্কার কত উত্তম ! তারপর একজন আহ্বায়ক আহ্বান করবেন যে, ধৈর্যশীলগণ দাঁড়িয়ে যান। তখন কিছু সংখ্যক লোক দাঁড়িয়ে যাবেন। তাদেরকে বলা হবে আপনারা জান্নাতের দিকে চলুন। তারপর ফেরেশতাগণ তাদের সাথে মুলাকাত করবেন এবং পূর্বের মত বলবেন। তারা বলবেন, আমরা ধৈর্যশীলদের অন্তর্গত ছিলাম। ফেরেশতারা বলবেন, আপনার কী ব্যাপারে ধৈর্যধারণ করতেন। তারা বলবেনঃ আমরা আল্লাহু তা'আলার ইবাদতের ক্ষেত্রে আমাদের নিজেদের উপর আমরা ধৈর্যধারণ করেছিলাম। আর বালা-মূসীবতের ক্ষেত্রেও আমরা ধৈর্যধারণ করেছিলাম। ফেরেশতারা তখন তাদেরকে বলবেন, আপনারা জান্নাতে প্রবেশ করুন। সৎকর্মশীলগণের পুরস্কার কতই উত্তম ! তারপর একজন আহ্বানকারী আহ্বান করবেন, আল্লাহুর ঘরের পড়শীরা দাঁড়িয়ে যান। তখন কিছুসংখ্যক লোক দাঁড়াবেন। তারা সংখ্যায় নগণ্য। তাদেরকে বলা হবে আপনারা জান্নাতের দিকে চলুন। তারপর তাদের সাথে ফেরেশতারা মুলাকাত করবেন। তাদেরকেও ফেরেশতারা অনুরূপ বলবেন এবং জিজ্ঞাসা করবেন, আপনারা কেমন করে মহান আল্লাহুর ঘরের পড়শী বলে নিজেদেরকে প্রমাণ করতে পারলেন ? তখন তারা বলবেন, আমরা মহান আল্লাহুর সন্তুষ্টির জন্যে পরম্পর মিলিত হতাম; মহান আল্লাহুর সন্তুষ্টির জন্যে আমরা একে অন্যের সাথে মজলিসে উঠা-বসা করতাম; মহান আল্লাহুর সন্তুষ্টির জন্য একে অন্যের জন্যে খরচ করতাম। তখন তাদেরকে বলা হবে জান্নাতে প্রবেশ করুন। সৎকর্মশীলদের পুরস্কার কত উত্তম !

আলী ইবনুল হৃসায়ন (র) বলেন : নিচ্যাই আল্লাহু তা'আলা গুনাহগার তাওবাকারী মু'মিন বান্দাকে পসন্দ করেন। তিনি আরো বলেন : “ভাল কাজের আদেশ দান ও অসৎ কাজের নিষেধ প্রদান” বর্জনকারী মহান আল্লাহুর কিতাবকে পৃষ্ঠ প্রদর্শন করার ন্যায় বিবেচিত। তবে যদি কেউ পরহেয়গারীর ন্যায় পরহেয়গারী অবলম্বন করে। শাগরিদগণ বলেন : পরহেয়গারীর ন্যায় পরহেয়গারী-এর অর্থ কি ? তিনি বলেন : পরাক্রমশালী ও আধিপত্য বিস্তারকারী আল্লাহকে ভয় করা যে, তিনি তার উপর হামলা করতে পারেন ও তার প্রতি ঝাড় ব্যবহার করতে পারেন। এক ব্যক্তি সাইদ ইবনুল মুসায়িব (র)-কে বলেন, “অমুক ব্যক্তি থেকে বেশী পরহেয়গার আমি কাউকে দেবি নাই।” সাইদ (র) তাকে বললেন, তুমি কি আলী ইবনুল হৃসায়ন (র)-কে দেবেছ ? তিনি বললেন 'না' সাইদ (রা) বললেন, “আমি তার থেকে বেশী পরহেয়গার আর কাউকে দেবি নাই।”

সুফিয়ান ইব্ন উয়ায়নাহ ইমাম যুহরী থেকে বর্ণনা করেন। ইমাম যুহরী বলেন, ‘একদিন আমি আলী ইব্নুল হুসায়ন (র)-এর কাছে গমন করলাম। তখন তিনি বললেন, হে যুহরী! তুম কী করছিল? আমি বললাম, আমরা সিয়াম নিয়ে আলোচনা করছিলাম। তারপর আমার ও আমার সঙ্গীদের অভিমত হলো যে, রামায়নের সিয়াম ব্যতীত অন্য কোন ওয়াজিব সিয়াম নেই। তিনি বললেন, “হে যুহরী! তুম যা বলছ তা সঠিক নয়। প্রকৃতপক্ষে সিয়াম চল্লিশ প্রকারের হয়ে থাকে। তন্মধ্যে দশ প্রকার হলো ওয়াজিব যেমন রামায়নের ওয়াজিব সিয়াম; দশ প্রকার হলো হারাম; চৌদ্দ প্রকার সিয়াম যার পালনকারীর ইচ্ছে, যদি তিনি চান সিয়াম পালন করবেন আর যদি চান সিয়াম পালন করবেন না; মান্নতের সিয়াম ওয়াজিব এবং ইতিকাফের সিয়াম ওয়াজিব। ইমাম যুহরী বলেন, আমি বললাম, হে রাসূলুল্লাহ (সা)-এর সন্তান! এগুলোকে একটু বিস্তারিত বলুন। তিনি বললেন : ওয়াজিব সিয়াম হলো রামায়ন মাসের সিয়াম; ভুলক্রমে অনুষ্ঠিত হত্যার বেলায় গোলাম আযাদ করতে না পারলে একাধারে দুইমাস সিয়াম পালন করা ওয়াজিব; কসমের কাফ্ফারার ক্ষেত্রে যিনি খাদ্যদানে অপারণ, তার জন্যে তিনদিন সিয়াম পালন করা ওয়াজিব। হজে তামাতুর ক্ষেত্রে যিনি কুরবানী করতে অপারণ অথবা কোন ত্রুটি-বিচ্যুতির জন্যে কাফ্ফারা স্বরূপ দম আদায়ে অপারণ, তার জন্যে সিয়াম পালন ওয়াজিব। শিকারী শিকারের মূল্য স্থির করবে এবং তা গমের ন্যায় মিসকীনদের মধ্যে বন্টন করে দেবে। যে সিয়ামে সিয়াম পালনকারী ইচ্ছে করে সিয়াম পালন করবেন কিংবা সিয়াম পালন না করবেন। তা হলো সোমবার ও বৃহস্পতিবার সিয়াম পালন করা; রামায়নের পর শাওয়ালের ছয় দিন সিয়াম পালন; আরাফাতের দিন ও আশুরার দিন সিয়াম পালন করা, এগুলোর ব্যাপারে সিয়াম পালনকারী ইচ্ছে করলে সিয়াম পালন করবেন কিংবা সিয়াম পালন করবেন না। শিকারের শাস্তির জন্যে সিয়াম পালন ওয়াজিব। অনুমতির সিয়াম হলো; স্ত্রী তার স্বামীর অনুমতি ব্যতীত সিয়াম পালন করবে না। অনুরূপভাবে গোলাম ও বাঁদী তাদের মুনীবের অনুমতি ব্যতীত সিয়াম পালন করবে না। হারাম সিয়াম হলো সৈন্দুল ফিতর ও সৈন্দুল আয়হার দিন, তাশৰীকের দিনগুলোতে (যুল-হাজাহ মাসের ১১, ১২, ১৩ তারিখ) সন্দেহের দিন- এদিন রামায়নের সিয়াম পালনও নিষেধ করা হয়েছে। সিয়ামে বিসাল/ একাধারে না খেয়ে কয়েকদিন সিয়াম পালন করা) চুপচাপ থেকে সিয়াম পালন করা, শুনাহের কাজের জন্য সিয়াম মান্নত করা এবং সিয়ামুদ-দাহার অর্থাৎ সব সময় সিয়াম পালন করা। মেহমান তার সাথীর অনুমতিক্রমে নফল সিয়াম আদায় করতে পারে। রাসূলুল্লাহ (সা) ইরশাদ করেন, যে ব্যক্তি কোন সম্প্রদায়ের মেহমান হবে সে যেন তাদের অনুমতি ব্যতীত সিয়াম পালন না করেন। মুবাহ সিয়াম হচ্ছে যদি কেউ ভুলে পানাহার করে, তাহলে তার সিয়ামের কোন ব্যাঘাত ঘটে না। রংগু ও মুর্সাফিরের সিয়াম সম্পর্কে কেউ কেউ বলেন, তারা সিয়াম পালন করবে। আবার কেউ কেউ বলেন, তারা সিয়াম পালন করবে না, আবার কেউ কেউ বলেন, যদি তাদের ইচ্ছে হয় সিয়াম পালন করবে আর যদি ইচ্ছে হয় সিয়াম পালন করবে না। তবে আমাদের অভিমত হলো এ দুই অবস্থায়ই সিয়াম পালন করবে না। যদি সফরে ও রংগু অবস্থায় সিয়াম পালন করে তাহলে তা কায়া করতে হবে।

আবু বকর ইব্ন আবদুর রহমান ইব্ন আল-হারিস

তাঁর পূর্ণ নাম আবু বকর ইব্ন আবদুর রহমান ইব্ন আল-হারিষ ইব্ন হিশাম ইব্ন আল-মুগীরা ইব্ন আবদুল্লাহ ইব্ন উমর ইব্ন মাখযুম আল-কারশী আল-মাদানী। তিনি সপ্ত প্রশিক্ষ ফকীহ অন্যতম। কেউ কেউ বলেন, তার নাম মুহাম্মদ। আবার কেউ কেউ বলেন, তার নাম আবু বকর। আবার তার কুনিয়ত আবু আবদুর রহমান। বিশেষ হলো তার নাম ও কুনিয়ত

একই। তার ছেলেমেয়ে ও ভাই-বোন ছিল অনেক। তিনি একজন সশ্বান্ত তাবিঙ্গ। তিনি যাদের থেকে হাদীস বর্ণনা করেছিলেন তারা হলেন : হ্যরত আশ্মার (রা), হ্যরত আবু হুরায়রা (রা), হ্যরত আসমা বিন্ত আবু বকর (রা), হ্যরত আইশা (রা), উম্মে সালামা (রা) ও অন্যান্য। তার থেকে উলামায়ে কিরামের একটি বড় দল হাদীস বর্ণনা করেন। তাদের মধ্যে প্রসিদ্ধ হলেন— তার ছেলেগণ সালামা, আবদুল্লাহ, আবদুল মালিক, উমর, তার গোলাম সামী। অন্যান্যগণ হলেন, আমির আশ-শা'বী, উমর ইব্ন আবদুল আয়ীয়, আমির ইব্ন দীনার, মুজাহিদ, আয়-যুহরী।

উমর (রা)-এর খিলাফতকালে তিনি জন্মগ্রহণ করেন। আর তার অধিক সালাতের জন্য তাকে বলা হতো কুরায়শদের রাহিব (সংসারত্যাগী সন্ন্যাসী)। তিনি ছিলেন অঙ্গ। তিনি সিয়ামুদ-দাহার পালন করতেন। তিনি ছিলেন বিশ্বস্ত, আমানতদার, ফকীহ এবং বড় ধরনের বিশুদ্ধ বর্ণনাকারী। আবু দাউদ (রা) বলেন : তিনি অঙ্গ হয়ে গিয়েছিলেন। তিনি যখন সিজদা করতেন, তখন একটি রোগের জন্য তিনি চিলুমচিতে হাত রাখতেন। বিশুদ্ধ মতে তিনি এ বছর ইন্তিকাল করেন। কেউ কেউ বলেন : এর পূর্বের বছর। আবার কেউ কেউ বলেন, এর পরের বছর। মহান আল্লাহ অধিক পরিজ্ঞাত।

আল্লামা ইব্ন কাহীর (র) বলেন : কোন কোন কবি সাতজন ফকীহকে উল্লেখ করে নিম্নবর্ণিত দুই লাইন কবিতা রচনা করেছেন :

সাবধান ! যে ব্যক্তি ইমামগণের অনুসরণ করে না, সে একজন আলিম হিসেবে ন্যায়ের কাজে অংশগ্রহণ থেকে বহির্ভূত। কাজেই, তাদের অনুসরণ কর, তারা হলেন : উবায়দুল্লাহ, উরওয়াহ, কাসিম, সাঈদ, আবু বকর, সুলায়মান ও খারিজা।

এ বছরেই আল-ফয়ল ইব্ন যিয়াদ আর-রাকাশী ইন্তিকাল করেন। তিনি ছিলেন বসরার পরহেয়গারদের অন্যতম। তার রয়েছে বহু গুণাবলী ও শ্রেষ্ঠত্ব। তিনি বলেন, জনগণ যেন তোমাকে তোমা থেকে অন্য কাজে ব্যস্ত করে না রাখে। কেননা, তাদেরকে ছাড়াই তোমার বিষয়টি তোমার কাছে একনিষ্ঠ বলে পরিচিতি লাভ করবে। তোমার দিবারাতকে অযুক্ত অযুক্ত অনর্থক কাজে লিঙ্গ করো না। কেননা, তুমি যা কিছুই করে না কেন, তা তোমার জন্যে রেকর্ড করা হয়েছে। তিনি আরো বলেন : পুরানো গুনাহের জন্যে নতুন করে ভাবনা থেকে কোন উত্তম দ্রব্যের অব্যৱহৃণ ও অতি দ্রুত উপলব্ধি করার মত কোন বস্তু আমি দেখি নাই।

আবু সালামা আবু আবদুর রহমান ইব্ন আওফ আয়-যুহরী পবিত্র মদীনার একজন অন্যতম ফকীহ ছিলেন। তিনি ছিলেন একজন ইমাম ও প্রখ্যাত আলিম। সাহাবায়ে কিরামের একটি বিরাট জামাআত থেকে তিনি বহু হাদীস বর্ণনা করেন। তিনি ছিলেন প্রশংস্ত জ্ঞানের অধিকারী। তিনি পবিত্র মদীনায় ইন্তিকাল করেন।

আবদুর রহমান ইব্ন আইয়দী কর্তৃক বহু হাদীস বর্ণিত রয়েছে। তিনি ছিলেন একজন স্বনামধন্য প্রখ্যাত আলিম। তার জ্ঞানের নির্দশন স্বরূপ তিনি বহু মূল্যবান কিতাব রেখে গেছেন। সাহাবায়ে কিরামের একটি জামাআত হতে তিনি হাদীস বর্ণনা করেন। ইব্নুল আশআছের ঘটনার দিন তিনি বন্দী হন। তারপর হাজার তাকে মুক্ত করে দেন।

আবদুর রহমান ইব্ন মুআবিয়া ইব্ন খুয়ায়মা। তিনি উমর ইব্ন আবদুল আয়ীয় ইব্ন মারওয়ানের জন্য মিসরের কার্য ছিলেন। তিনি তার পুলিশ সুপারও ছিলেন। তিনি একজন বড় ধরনের আলিম ও ফায়ল ব্যক্তি ছিলেন। তিনি হাদীস বর্ণনা করেন এবং তার থেকেও একটি জামাআত হাদীস বর্ণনা করেন।

১৫ হিজরীর আগমন

এ বছরেই আল-আবাস ইব্ন আল-ওয়ালীদ রোমের বিভিন্ন প্রদেশগুলোতে যুদ্ধ করেন এবং বহু দুর্গ তিনি জয়লাভ করেন। এ বছরেই মাসলামাহ ইব্ন আবদুল মালিক রোমের প্রদেশগুলোর একটি প্রদেশ জয় করেন। এটাকে প্রথমত পৃষ্ঠিয়ে দেন এবং দশ বছর পরে এটাকে পুনঃনির্মাণ করেন। এ বছরেই মুহাম্মদ ইব্ন কাসিম হিন্দুস্তানের মুলতান শহর জয় করেন এবং সেখান থেকে বহু সম্পদ হস্তগত করেন।

এ বছরেই মুসা ইব্ন নুসায়ির আল্লুসের প্রদেশগুলো হতে আফ্রিকার দিকে অগ্রসর হলেন। তার সাথে প্রচুর সম্পদ ও তাৎক্ষণিকভাবে পরিবেশনযোগ্য খাবার বহন করা হতো এবং তার সাথে ছিল ত্রিশ হাজার যুদ্ধবন্দী। এ বছরেই কুতায়বা ইব্ন মুসলিম আশ-শাশ-এর শহরগুলোতে যুদ্ধ করেন। তিনি বহু শহর ও প্রদেশ জয় করেন। যখন তিনি সেখানে ছিলেন হাজাজ ইব্ন ইউসুফের মৃত্যু সংবাদ তথায় পৌছল তখন তিনি চোখে অঙ্ককার দেখতে লাগলেন এবং লোকজনকে নিয়ে মারণ শহরের দিকে প্রত্যাবর্তন করেন ও কোন এক কবির কবিতা উদাহরণ খরুপ আবৃত্তি করেন : “আমার আয়ুর শপথ, তুরানে অবস্থানরত আলে জা’ফরের লোকটি কতই না ভাল। যাকে জনগণের মেহের বক্সন জড়িয়ে রেখেছে। তাকে লক্ষ্য করে আমি বলছি, তোমার জীবিত অবস্থায় আমি তোমার অধীন, আমার জীবনের মালিক আমি নই। আর তোমার মৃত্যুর পর আমার জীবনে কোন প্রকার আয়-উন্নতি নেই।”

এ বছরেই খলীফাহ আল-ওয়ালীদ কুতায়বাকে পত্র লিখে জানাল সে যেন তার দুশ্মনের বিরুদ্ধে তার তৎপরতা বজায় রাখে। আর এ কাজের জন্যে খলীফা তাকে যথাযথ পুরুষের দান করবেন এবং তার জিহাদ, বিভিন্ন শহর বিজয় ও কাফিরদের বিরুদ্ধে যুদ্ধ-বিশেষ চালিয়ে যাওয়ার জন্যে তার ভূয়সী প্রশংসন করেন। হাজাজ সালাত পরিচালনার জন্যে তার ছেলে আবদুল্লাহকে দায়িত্ব প্রদান করেন। অন্যদিকে খলীফা আল-ওয়ালীদ কৃষ্ণ ও বসরায় সালাত আদায় ও যুদ্ধ-বিশেষের জন্য ইয়ায়ীদ ইব্ন আবু কাবশাহকে দায়িত্ব প্রদান করেন। উক্ত দুই শহরের কর আদায়ের জন্যে দায়িত্ব দেওয়া হয় ইয়ায়ীদ ইব্ন মুসলিমকে। কেউ কেউ বলেন, হাজাজই তাদের দুইজনকে দায়িত্ব দিয়ে যান এবং আল-ওয়ালীদ তাদেরকে নিজ দায়িত্বে বহাল রাখেন। অনুরূপভাবে হাজাজের সকল নওয়াবকে তাদের পালনীয় দায়িত্বে বহাল রাখা হয়। হাজাজ রামায়ান মাসের পাঁচ দিন, কেউ কেউ বলেন, তিন দিন বাকী থাকতে ইন্তিকাল করে। আবার কেউ কেউ বলেন, সে এ বছরের শাওয়াল মাসে ইন্তিকাল করে।

আবু মা’শর ও আল-ওয়াকিদী বলেন, এ বছরেই বাশার ইব্ন আল-ওয়ালীদ ইব্ন আবদুল মালিক লোকজনকে নিয়ে হজ্জ আদায় করেন। এ বছরেই রোম ভূখণ্ডে আল-ওয়ায়াই নিহত হন। তার সাথে ছিল তার এক হাজার সাথী-সঙ্গী। এ বছরেই আবু জা’ফর আল-মানসূর আবদুল্লাহ ইব্ন মুহাম্মদ ইব্ন আলী ইব্ন আবদুল্লাহ ইব্ন আবাস জন্মগ্রহণ করেন।

হাজাজ ইব্ন ইউসুফ আছ-ছাকাফী-এর জীবনী ও তার গুরুত্ব

তার পূর্ণ নাম আবু মুহাম্মদ আল হাজাজ ইব্ন ইউসুফ ইব্ন আবু উকায়ল ইব্ন মাসউদ ইব্ন আমির ইব্ন মাতাব, ইব্ন মালিক, ইব্ন কা’ব ইব্ন আমর ইব্ন সাঁদ ইব্ন আওফ ইব্ন ছাকাফ। তিনিই কাসী ইব্ন মুনাবিহ ইব্ন বাকর ইব্ন হাওয়ায়িন আছ-ছাকাফী। সে আবদুল্লাহ ইব্ন আবাস (রা) হতে হাদীস শুনেছে। সে আনাস (রা), সামুরাই ইব্ন জুনদাব

(রা), আবদুল মালিক ইব্ন মারওয়ান ও আবু বুরায়দাহ ইব্ন আবু মূসা (র) হতে হাদীস বর্ণনা করেছে। আবার তার থেকে যারা হাদীস বর্ণনা করেন তারা হলেন, আনাস ইব্ন মালিক (রা), ছবিত আল বানানী, হুমায়দ আত-তাবীল, মালিক ইব্ন দীনার, জাওয়াদ ইব্ন মুজালিদ, কুতায়বা ইব্ন মুসলিম ও সাঈদ ইব্ন আবু আরুবাহ। উপরোক্ত মন্তব্যটি ইব্ন আসাকির (র)-এর।

বর্ণনাকারী বলেন, দামেশকে তার কয়েকটি বাটী ছিল। একটির নাম দারবৰ রাবিয়াহ যা ইব্ন আবুল হাদীদের রাজ-প্রাসাদের নিকটে অবস্থিত। আবদুল মালিক তাকে হিজায়ের শাসক নিযুক্ত করেন। সে আবদুল্লাহ ইব্ন আয়-যুবায়ার (রা)-কে হত্যা করে। তারপর তাকে হিজায় থেকে বরখাস্ত করে ইরাকের শাসক নিযুক্ত করেন। দামেশকে আবদুল মালিকের কাছে একটি প্রতিনিধি দলের প্রধান হিসেবে আগমন করে। আল্লামা আসাকির আল-মুগীরা ইব্ন মুসলিমের মাধ্যমে বর্ণনা করেন। তিনি বলেন, আমি উবায়কে বলতে শুনেছি, তিনি বলেন, একদিন আল-হাজাজ ইব্ন ইউসুফ আমাদেরকে সর্বোধন করে এবং কবরের কথা উল্লেখ করে। সে বলতে থাকে যে, কবর একাকীর ঘর ও দীনতার ঘর। এরপর সে ক্রন্দন করল এবং আশেপাশের লোকজনও কাঁদলেন। তারপর সে বলে, আমীরুল্ল মু'মিনীন আবদুল মালিক ইব্ন মারওয়ানকে আমি বলতে শুনেছি। তিনি বলেন, আমি মারওয়ানকে বলতে শুনেছি তিনি তার খুতবাতে বলেন, একদিন হ্যরত উছমান ইব্ন আফ্ফান (রা) তার খুতবাতে বলেন, রাসূলুল্লাহ (সা) যখন কোন কবর দেখতেন কিংবা তার কাছে কবরের কথা উল্লেখ করা হতো, তখন তিনি কাঁদতেন। সুনানে আবু দাউদ ও অন্যান্য হাদীসের কিতাবে এ ধরনের হাদীস বর্ণিত রয়েছে। আবু দাউদ আহমদ ইব্ন আবদুল জাবারের মাধ্যমে বর্ণনা করেন। তিনি বলেন, ইয়াসার জা'ফরের মাধ্যমে মালিক ইব্ন দীনার হতে বর্ণনা করেন। তিনি বলেন, “একদিন আমি হাজাজের কাছে প্রবেশ করলাম। সে আমাকে বলল, হে আবু ইয়াহ্বীয়া! আমি কি তোমাকে রাসূলুল্লাহ (সা) হতে বর্ণিত একটি উন্নত হাদীস শুনাব?” তখন আমি বললাম, হ্যাঁ। সে বলল, আবু বুরদাহ (রা) আবু মূসা (রা) হতে আমার কাছে হাদীস বর্ণনা করেন। তিনি বলেন, রাসূলুল্লাহ (সা) ইরশাদ করেন, যার জন্যে মহান আল্লাহর কাছে কোন প্রয়োজন আছে, সে যেন সেই সম্বক্ষে ফরয সালাতের পিছনে মহান আল্লাহকে ডাকে বা মহান আল্লাহর কাছে দু'আ করে। অন্যান্য সুনানের কিতাব ও মুসনাদে ফুয়ালাহ ইব্ন উবায়দ ও অন্যান্য থেকে এ হাদীসটির সাক্ষ্য বা শাহেদ রয়েছে। মহান আল্লাহ অধিক পরিজ্ঞাত।

ইমাম শাফিউ (র) বলেন, যিনি উল্লেখ করেছেন তার থেকে আমি শুনেছি যে, আল-মুগীরা ইব্ন শু'বাহ (রা) একদিন তাঁর স্ত্রীর নিকট প্রবেশ করলেন। তিনি খিলাল করতে ছিলেন অর্থাৎ দাঁতের মধ্যে যে ময়লা লেগেছিল তা পরিষ্কার করার জন্যে দাঁতকে ষষ্ঠতে ছিলেন। আর এটা ছিল দিনের প্রথম বেলায়। আল মুগীরা (রা) বললেন, আল্লাহর শপথ, তুমি যদি সকালে খাবার থেয়ে নিতে। তুমি অবশ্যই নীচ গৃহিণী। গত রাতের খাদ্যের কিছু টুকরা যদি তোমার মুখে থেকে থাকে, তাহলে এটা হবে পচা আবর্জনা। তখন তিনি তাকে তালাক দেন। তার স্ত্রী বললেন, আল্লাহর শপথ, তুমি যা উল্লেখ করেছ, এ ধরনের কোন বক্তু আমার মুখে নেই। অদ্য ঘরের মেয়েরা যেরূপ সকাল বেলায় মিসওয়াক করে থাকে আমিও অদ্যপ মিসওয়াক করছি। এ মিসওয়াক থেকে আমার মুখে যা কিছু বাকী ছিল তা বের করার জন্যেই আমি ইচ্ছে করছিলাম। আল-মুগীরা তখন হাজাজের পিতা ইউসুফকে বললেন, তুমি তাকে বিয়ে কর। কেননা, সে এখন একটি পুরুষকে গর্ভধারণ করবে যে ভবিষ্যতে জনগণের নেতৃত্ব

দান করবে। তখন আবুল হাজ্জাজ ইউসুফ তাকে বিয়ে কুরলেন। ইমাম শাফিউ (র) বলেন, “আমাকে এ বিষয়ে অবগত করানো হয়েছে যে, যখন ইউসুফ তাকে নিয়ে বাসর ঘর করে এবং তার সাথে সংগম করার পর নিদ্রায় মগ্ন হয়, তখন তাকে নিদ্রার অবস্থায় বলা হয় ধৰ্মসংজ্ঞ পরিচালনাকারীকে মহিলাটি কত শীঘ্ৰই না গৰ্ভধারণ কৰল।

ইব্ন খালিকান বলেন, তার মায়ের নাম ছিল আল ফারিয়া বিন্ত হুমাম ইব্ন উরওয়াহ ইব্ন মাসউদ আছ-ছাকাফী। মহিলাটির স্বামীর নাম ছিল আল-হারিছ ইব্ন কালদা আছ-ছাকাফী। তিনি ছিলেন আরবদের একজন চিকিৎসক। মিসওয়াক সম্বন্ধে তার থেকেই ঘটনাটি উল্লেখ করা হয়েছে।

আল-আকদ নামক কিতাবের লিখক উল্লেখ করেন। হাজ্জাজ ও তার পিতা দুই জনেই তাইফে ছেলেমেয়েদেরকে মন্তব্যে পড়াত। তারপর সে দামেশ্কে আগমন করে এবং আবদুল মালিকের উষ্ণীয় রাওহ ইব্ন যাস্বা'র কাছে অবস্থান করে। একদিন আবদুল মালিক রাওহের কাছে অভিযোগ করেন যে, সেনাবাহিনী তার কথায় সময়মত কোন অভিযানে যাত্রা করে না কিংবা যাত্রা ভঙ্গ করে না। রাওহ তখন বললেন, ‘আমার কাছে এক ব্যক্তি আছে এ ব্যাপারে তাকে দায়িত্ব প্রদান করুন। আবদুল মালিক হাজ্জাজকে সেনাবাহিনীর দায়িত্ব প্রদান করলেন। এখন একজনও যাত্রাকালে কিংবা যাত্রা ভঙ্গকালে আর বিলম্ব করে না। রাওহ ইব্ন যাস্বা'র তাঁবু অতিক্রমকালে হাজ্জাজ দেখল যে, তাঁবুর সৈন্যরা খাওয়া-দাওয়া করছে। সে তাদেরকে প্রহার করল তাদেরকে নিয়ে ঘুরাঘুরি করল এবং তাঁবুটি জ্বালিয়ে দিল। রাওহ এ ব্যাপারে আবদুল মালিকের কাছে অভিযোগ পেশ করল। আবদুল মালিক হাজ্জাজকে বললেন, কেন তুমি এরপ করলে ? হাজ্জাজ বলল, আমি এটা করি নাই, এটা করেছেন আপনি। কেননা, আমার হাতই আপনার হাত এবং আমার বেতই আপনার বেত। আপনার কোন ক্ষতি হবে না যদি আপনি রাওহকে তার তাঁবুর পরিবর্তে দুইটি তাঁবু দান করেন এবং তাকে এক গোলামের পরিবর্তে দুই গোলাম দান করেন। আমাকে আপনি যে ব্যাপারে দায়িত্ব দিয়েছেন তার মধ্যে কোন মধ্যস্থতা করবেন না। আবদুল মালিক এরপর থেকে কোন প্রকার মধ্যস্থতা করলেন না এবং হাজ্জাজও তার নিকটবর্তী হতে লাগল।

বর্ণনাকারী বলেন, '৮৪ হিজরীতে ওয়াসিত শহরের ভিত্তি প্রস্তর স্থাপন করা হয় এবং ৮৬ হিজরীতে তার নির্মাণ কাজ সমাপ্ত হয়। কেউ কেউ বলেন, তারও পূর্বে শেষ হয়। বর্ণনাকারী আরো বলেন, তার আমলেই কুরআনুল কারীমের নুকতার প্রবর্তন করা হয়। হাজ্জাজের কাহিনীতে উল্লেখ করা হয়েছে যে, তাকে প্রথমত কুল্বু বলা হতো, পরে তার নাম দেওয়া হয়েছে হাজ্জাজ। একপাশে উল্লেখ আছে যে, যখন সে জন্ম নেয়, তখন তার পায়খানা ও প্রস্তাবের কোন রাস্তা ছিল না। তারপর রাস্তা তৈরী করা হয়। কিছুদিন যাবত সে দুধ পান করেনি, ঘৃতক্ষণ না তাকে এক বছরের বকরীর বাচ্চার রক্তপান করানো হয়। এরপর অন্তর্ধারীর রক্ত ঝাঁঝা তার চেহারা রঙিন করা হয়। তারপর সে দুধ পান করল। তার মধ্যে ছিল তীক্ষ্ণ ধীশক্তি এবং রক্তপাতের অদম্য স্পৃহা। কেননা, সে ছিল প্রথম ব্যক্তি যে তার চেহারায় মাথানো রক্ত পান করেছিল। কেউ কেউ বলে, তার মাতা নসর ইব্ন হাজ্জাজ ইব্ন ইলাতের অভিকাণ্ঠিতা ছিল। আবার কেউ কেউ বলেন, সে ছিল তার পিতার মাতা। মহান আল্লাহ অধিক পরিজ্ঞাত।

তার মধ্যে ছিল সূক্ষ্ম ও বড় ধীশক্তি, তার তলোয়ার ছিল অত্যন্ত খামখেয়ালীপূর্ণ, সে সামান্য সন্দেহের বশে এমন এমন ব্যক্তিদেরকে হত্যা করে ফেলত, যাদেরকে হত্যা করতে মহান আল্লাহ বারংবার নিয়েধ করেছেন, সে বাদশাহদের মতই রাগাবিত হয়ে যেত। তার

চিন্তা-ধারার দিক দিয়ে সে ছিল যিষ্ঠাদ ইব্ন আবীহির ন্যায়। আর চিন্তা-চেতনার দিক দিয়ে যিষ্ঠাদ ছিল হ্যরত উমর ইব্নুল খাতাব (রা)-এর ন্যায়। তবে হ্যরত উমর (রা)-এর সমকক্ষ কিংবা নিকটতরও তারা ছিল না। মিসরের কাষী সুলায়মান ইব্ন আনায আত-তাজীবীর জীবনীতে ইব্ন আসাকির উল্লেখ করেছেন যে, তিনি ছিলেন প্রবীণ তাবিঙ্গণের অন্তর্ভুক্ত। তিনি এই ব্যক্তিবর্গের অন্তর্ভুক্ত ছিলেন যারা আল-জাবীয়াহ নামক স্থানে হ্যরত উমর ইব্নুল খাতাব (রা)-এর খুতবা শুনেছেন। তিনি বড় পরাহেয়গার ও ইবাদতশুরদের অন্তর্ভুক্ত ছিলেন। তিনি প্রতি রাতে সালাত ও অন্য অবস্থায় কুরআনুল কারীম তিনবার খতম করতেন।

হাজ্জাজ তার পিতার সাথে মিসরের জামে মসজিদে ছিল। তাদের কাছ দিয়ে উপরোক্তিত সুলায়ম ইব্ন আনায অতিক্রম করছিলেন। হাজ্জাজের পিতা তাকে দেখে উঠে দাঁড়ালেন ও তাকে সালাম করলেন এবং তাকে বললেন, আমি আমীরুল মু'মিনীনের কাছে যাচ্ছি তার কাছে আপনার কোন দরকার আছে নাকি? তিনি বললেন, হ্যাঁ, তাকে তুমি বলবে, তিনি যেন আমাকে কাষীর পদ থেকে অব্যাহতি প্রদান করেন। তিনি বললেন, সুবহানাল্লাহ! আল্লাহর শপথ, আপনার চেয়ে অধিক উপর্যুক্ত কাষী আমার জানা নেই। তারপর তিনি তার ছেলে হাজ্জাজের দিকে লক্ষ্য করলেন। তখন তার ছেলে তাকে বলল, হে আমার পিতা! আপনি এমন একটি লোকের সম্মানার্থে দাঁড়ালেন যার প্রয়োজন আপনি নিয়ে যাবেন অথচ আপনি একজন ছাকাফী! তিনি তার ছেলেকে বললেন, হে আমার ছেলে! আল্লাহর শপথ, আমি মনে করি যে, জনগণ তার প্রতি ও এ ধরনের লোকদের প্রতি দয়া প্রদর্শন করে থাকেন। হাজ্জাজ বলল, আল্লাহর শপথ, আমীরুল মু'মিনীনের জন্যে উনি এবং উনির মত লোকজনের ন্যায় অধিক অপকারী লোক আর কাউকে আমি মনে করি না। তিনি বললেন, কেন হে আমার বৎস? হাজ্জাজ বলল, কেননা, এ ব্যক্তি ও তার ন্যায় ব্যক্তিরা জনগণকে তাদের কাছে একত্রিত করবে। তাদের কাছে হ্যরত আবু বকর (রা) ও হ্যরত উমর (রা)-এর সীরাত বর্ণনা করবে। তাতে জনগণ আমীরুল মু'মিনীনের সীরাতকে অবজ্ঞা করতে থাকবে এবং উপরোক্ত দুইজনের সীরাতের সামনে আমীরুল মু'মিনীনের সীরাতকে তারা কিছুই মনে করবে না। কাজেই তারা আমীরুল মু'মিনীনকে প্রত্যাখ্যান করবে, তার বিরুদ্ধে তারা সংগ্রাম করবে এবং তাকে তারা রাগাবিত করবে। তারা তার আনুগত্য করবে না। আল্লাহর শপথ, যদি আমাকে রাষ্ট্রীয় ক্ষমতা দেওয়া হয়, তাহলে আমি উনিকে এবং উনির ন্যায় অন্যান্য লোকদেরকে হত্যা করে ফেলব। তখন তার পিতা তাকে বললেন, হে আমার সন্তান! আল্লাহর শপথ, তাহলে আমি ধারণা করছি পরাক্রমশালী আল্লাহ তা'আলা তোমাকে হতভাগা হিসেবে সৃষ্টি করেছেন। উপরোক্ত ঘটনা প্রমাণ করে যে, হাজ্জাজের পিতা খলীফার কাছে একজন সম্মানী ব্যক্তি ছিলেন এবং সৃজ্জ ধীশক্তি সম্পন্ন ব্যক্তি ছিলেন। তাঁর পুত্র তবিষ্যতে কী হবে তার ভবিষ্যদ্বাণী তিনি নির্ভুলভাবে আন্দায করেছেন।

ইতিহাসবিদগণ বলেন, হাজ্জাজের জন্ম ছিল ৩৯ হিজরী। কেউ কেউ বলেন, ৪০ হিজরী। কেউ কেউ বলেন, ৪১ হিজরীতে। তারপর সে একজন বুদ্ধিমান, বিশুদ্ধভাষী, বাগী ও কুরআনুল কারীমের হাফিয হিসেবে যৌবনে পদার্পণ করে। পূর্বেকার কোন কোন লোক বলেন, হাজ্জাজ প্রতি রাতে কুরআন পাঠ করত। আবু আমর ইব্ন আল-আলা বলেন, হাজ্জাজ ও হাসান বসরী হতে অধিকতর বিশুদ্ধ বাগী আমি আর কাউকে দেখিনি। তবে এ দুইজনের মধ্যে হাসান বসরী ছিলেন অধিকতর বিশুদ্ধ বাগী।

আদ-দারা কৃতনী বলেন, সুলায়মান ইব্ন আবু মানীহ, সালিহ ইব্ন সুলায়মান থেকে বর্ণনা করেন। তিনি বলেন, উকবাহ ইব্ন আমর বলেন, আমি মানুষের বিবেক-বুদ্ধি অবলোকন করেছি। একজনের সাথে অন্য জনের বিবেক-বুদ্ধির নিকটবর্তিতা রয়েছে। কিন্তু হাজ্জাজ ও ইস্মাইল ইব্ন মুআবিয়া। তাদের দুইজনের বিবেকবুদ্ধি জনগণের বিবেকবুদ্ধি থেকে প্রাধান্যের অধীনাদার। একথা পূর্বেও উল্লেখ করা হয়েছে যে, আবদুল মালিক ৭৩ হিজরীতে যখন মুসাফাব ইব্নুল্য যুবায়রকে হত্যা করে, তখন হাজ্জাজকে তার বড় ভাই আবদুল্লাহর বিরুদ্ধে পবিত্র মক্কায় হেরুশ করে। সে তাকে পবিত্র মক্কায় অবরোধ করে এবং ঐ বছরই লোকজনকে নিয়ে হজ্জ প্রস্তুন করে। কিন্তু, হজ্জের আহকাম পরিপূর্ণভাবে আদায় করা সম্ভব হয়নি। সে ও তার সাথীরা কর্তৃপক্ষে তওঘাফ করতে পারেনি। অন্যদিকে আবদুল্লাহ ইব্ন যুবায়র (রা) ও তাঁর সাথীরা আব্রাহামে অবস্থান করতে পারেনি। অবরোধ অব্যাহত থাকে যতক্ষণ না ৭৩ হিজরীর জুমাদাল উলা মাসে সে বিজয় লাভ করে। তারপর আবদুল মালিক তাকে পবিত্র মক্কা, মদীনা, তাইফ ও ইস্মাইলের নায়েব নিযুক্ত করলেন। তার ভাই বাশারের মৃত্যুর পর তাকে আবদুল মালিক ইব্রাকে স্থানান্তর করেন। সে কৃফায় প্রবেশ করে। আর কৃফাবাসীদের সাথে তার আচার-আচরণের বিষ্টারিত বর্ণনা দেওয়া হয়েছে। তাদের সাথে সে বিশটি বছর অতিক্রান্ত করে। এ বিশ বছরে সে বহু বিজয় অর্জন করে, বিভিন্ন ধরনের বড় বড় ঘটনা সংঘটিত হয়। তার সেনাবাহিনী হিন্দুস্তানের সিঙ্গু প্রদেশ পর্যন্ত পৌছে যায়। সেখানে বিভিন্ন শহর ও প্রদেশ জয় করে। সেনাবাহিনী বিজয় লাভ করতে করতে চীন পর্যন্ত পৌছে যায়। তা বিষ্টারিতভাবে বৰ্ধাস্থানে বর্ণনা করা হয়েছে। এখানে তার সাহসিকতা, বীরত্ব, অগ্রগামিতা, বড় বড় বিষয়ে তার খামখেয়ালীপনা, হত্যাকাও ইত্যাদি যা কোন প্রশাসকের দোষ ও গুণ হিসেবে বিবেচিত হয়ে থাকে, যেগুলো সম্বন্ধে ইব্ন আসাকির ও অন্যরা বর্ণনা রেখেছেন।

আবু বাকর ইব্ন আবু খায়ছামাহু... আবদুল্লাহ ইব্ন কাছীর ইব্ন আখী ইসমাইল ইব্ন আঁফর আল-মাদীনী হতে অর্থের দিক দিয়ে বর্ণনা করেন। একদিন হাজ্জাজ ইব্ন ইউসুফ সাইদ ইবনুল মুসায়িবের পাশে সালাত আদায় করছিল আর এটা ছিল প্রশাসনিক দায়িত্ব প্রাপ্ত্যায় পূর্বের ঘটনা। হাজ্জাজ ইমামের পূর্বে সিজদায় যেত ও মাথা উঠাত। সালাতের সালাম ক্রিয়ানোর পর সাইদ তার চাদরের কিনারা ধরলেন ও তার নির্ধারিত তাসবীহ পড়তে লাগলেন। আর এদিকে হাজ্জাজ তার চাদরের আরেক কিনারা ধরে টানছিল। তাসবীহ শেষ হওয়ার পর সাইদ হাজ্জাজের দিকে মনোযোগ দিলেন এবং তাকে বললেন, “হে চোর। হে খিয়ানতকারী। এভাবে তুমি সালাত আদায় করছ? আমি আমার এ জুতা তোমার মুখে মারার মনস্ত করছিলাম। হাজ্জাজ সাইদের কোন প্রতি উত্তর করল না। সে হজ্জ পালন করতে চলে গেল। হজ্জের পর সে সিরিয়ায় ফিরে আসল। তারপর সে হিজায়ের নায়েব নিযুক্ত হলো। যখন আবদুল্লাহ ইব্ন যুবায়র (রা) শহীদ হন, তখন হাজ্জাজ, পবিত্র মদীনার নায়েব হয়ে পবিত্র বদীনায় ফিরে আসে। যখন সে মসজিদে প্রবেশ করে সাইদ ইবনুল মুসায়িবের মজলিস দেখতে পায়। হাজ্জাজ তার কাছে আসল। তাতে লোকজন সাইদের জন্যে ভয় করতে লাগল। হজ্জাজ এগিয়ে এসে সাইদের সামনে বসল এবং সাইদকে বলল, তুমি কি ঐ ব্যক্তি যে আশাকে এ কথাগুলো বলেছিলে? তখন সাইদ আপন হাত নিজের বুকে রেখে বললেন, “হ্যা”। হাজ্জাজ বলল, মহান আল্লাহ আপনাকে উত্তম প্রতিদান প্রদান করুন। আপনি কতই না

উত্তম শিক্ষক ও প্রশিক্ষক। আপনার সাথে সালাত আদায় করার পর যখনি আমি সালাত আদায় করতাম, তখনি আপনার কথা আমি শ্বরণ করতাম। তারপর হাজ্জাজ উঠে দাঁড়াল এবং নিজ কাজে চলে গেল।

আর রায়্যাশী আল-আসমাই ও আবু যায়দ হতে আবু আমর ইব্ন আল-আলার ভাই, মুআয় ইব্ন আল-আলার মাধ্যমে বর্ণনা করেন। তিনি বলেন, হাজ্জাজ যখন আবদুল্লাহ ইব্ন যুবায়র (রা)-কে হত্যা করে, তখন পবিত্র মক্কা জনগণের কান্নাকাটিতে প্রকল্পিত হয়ে উঠে। হাজ্জাজ জনগণকে মসজিদে একত্রিত হবার আদেশ দান করে। যখন তারা মসজিদে প্রবেশ করলেন, হাজ্জাজ মিস্রে দাঁড়াল এবং মহান আল্লাহর প্রশংসা ও কৃতজ্ঞতা ধর্কাশের জন্যে বলল : হে মক্কাবাসীগণ! আবদুল্লাহ ইব্ন যুবায়র (রা)-এর হত্যাকাণ্ড আপনাদের কাছে একটি বিরাট ঘটনা বলে অনুভূত হয়েছে এটা আমি জানতে পেরেছি। সাবধান! আপনারা জেনে রাখুন আবদুল্লাহ ইব্ন যুবায়র এ উম্মতের একজন বিশিষ্ট ব্যক্তি। তিনি খিলাফত লাভে আকৃষ্ট হন এবং যাদের হাতে খিলাফত এখন বর্তমানে রয়েছে, তাদের সাথে ঝগড়া-বিবাদ করেন এবং মহান আল্লাহর আনুগত্যের সাথেও বিরোধিত করেন ও মহান আল্লাহর হেরেমে আশ্রয় নেন। যদি কোন বস্তু নাফরমানদের রক্ষা করতে পারত, তাহলে তা আদম (আ)-কে আল্লাহ তা'আলার হুরমত বা প্রদত্ত শাস্তি থেকে রক্ষা করতে পারত। নিশ্চয়ই আল্লাহ তা'আলা তাঁকে নিজ হাতে সৃষ্টি করেছেন। তাঁর মধ্যে নিজের কুহ ফুর্তকার করে দিয়েছেন। ফেরেশতাদের দিয়ে তাঁকে সিজদা করিয়েছেন। তাঁকে মহা সশানে ভূষিত করিয়েছেন এবং নিজেই জান্নাতে বসবাস করার ব্যবস্থা করিয়ে দিয়েছেন। কিন্তু, তিনি যখন ভুল করলেন, তখন তার ক্রটির জন্যে তাকে জান্নাত থেকে বের করে দিলেন। হ্যারত আদম (আ) মহান আল্লাহর কাছে আবদুল্লাহ ইব্ন যুবায়র (রা) থেকে বেশী সম্মানিত। আর জান্নাত ও কা'বা থেকে বেশী সম্মানিত। কাজেই আপনারা মহান আল্লাহকে শ্বরণ করুন, মহান আল্লাহও আপনাদের শ্বরণ করবেন।

ইমাম আহমদ বলেন : ইসহাক ইব্ন ইউসুফ আমাদেরকে হাদীস বর্ণনা করেন। তিনি বলেন : আওন, আবু আস-সিদীক আন-নাজী হতে বর্ণনা করেন। তিনি বলেন : হাজ্জাজ একদিন আসমা বিন্ত আবু বকর সিদীক (রা)-এর ঘরে তার পুত্র আবদুল্লাহ শহীদ হওয়ার পর প্রবেশ করে এবং বলে, তোমার ছেলেকে এ ঘরে দাফন করা হয়েছে। আল্লাহ তাকে মর্মস্তুদ শাস্তি ভোগ করিয়েছেন। আর তোমার ছেলে অন্যায় করেছে। তিনি তখন বলেন, তুমি মিথ্যা বলেছ। সে ছিল পিতা-মাতার অনুগত, সিয়াম পালনকারী ও ইবাদতগুরার। আল্লাহর শপথ! রাসূলুল্লাহ (সা) আমাদেরকে সৎবাদ দিয়েছেন যে, বনূ ছাকীফ হতে দুইজন মিথ্যাবাদী উদ্ভৃত হবে। দ্বিতীয় জন প্রথম জন থেকে বেশী অনিষ্টকারী, সে হবে ধ্বংসযজ্ঞ পরিচালনাকারী। উপরোক্ত হাদীসটি আবু ইয়া'লাআবু আস সিদীক হতে বর্ণনা করেন। তিনি বলেন, আমাকে অবহিত করানো হয়েছে যে, হাজ্জাজ একদিন আসমা (রা)-এর ঘরে প্রবেশ করেন “এরপর তিনি পূর্বের ন্যায় উল্লেখ করেন। আবু ইয়া'লা অন্য এক সনদে আসমা বিন্ত আবু বকর (রা) থেকে বর্ণনা করেন। তিনি বলেন, আমি রাসূলুল্লাহ (সা)-কে মুসলা হতে নিষেধ করতে শুনেছি। মুছলা হলো যুদ্ধে নিহত ব্যক্তিদের অঙ্গ-প্রত্যঙ্গ কেটে নেওয়া।

তিনি আরো বলেন, আমি রাসূলুল্লাহ (সা)-কে বলতে শুনেছি। তিনি বলেন : বনূ ছাকীফ থেকে দুইজন লোক আবির্ভূত হবে- একজন হবে মিথ্যাবাদী এবং অন্য একজন ধ্বংসযজ্ঞ পরিচালনাকারী। হ্যারত আসমা (রা) বলেন : মিথ্যাবাদীকে তো আমরা ইতোমধ্যে দেখেছি। আর ধ্বংসযজ্ঞ পরিচালনাকারী তুমিই হে হাজ্জাজ!

উবায়দ ইব্ন হুমায়দ বলেন, ইয়ায়ীদ ইব্ন হারুন আল-আওয়াম ইব্ন হাওশাব-এর মাধ্যমে সংবাদ দেন। তিনি বলেন, যিনি আসমা বিন্ত আবু বকর (রা) থেকে শুনেছেন, তিনি আমাকে হাদীস বর্ণনা করেছেন। তিনি বলেন, হাজ্জাজ যখন তার ছেলে শহীদ হওয়ায় সমবেদনা জ্ঞাপন করার জন্যে হ্যারত আসমা (রা)-এর কাছে প্রবেশ করেন, তখন হ্যারত আসমা (রা) বলেন, “আমি রাসূলুল্লাহ (সা)-কে বলতে শুনেছি, তিনি বলেন, বনু ছাকীফ হতে দুই ব্যক্তি আবির্ভূত হবে- একজন মিথ্যাবাদী ও অন্যজন ধর্মসংজ্ঞ পরিচালনাকারী। মিথ্যাবাদী হলো ইব্ন আবু উবায়দ অর্থাৎ আল মুখতার। আর ধর্মসংজ্ঞ পরিচালনাকারী সেটা হচ্ছ তুমি। সহীহ মুসলিম শরীফে অন্য সনদে হাদীসটি বর্ণিত রয়েছে। আসমা ব্যতীত অন্য লোকও রাসূলুল্লাহ (সা) হতে এ হাদীসটি বর্ণনা করেছেন।

আবু ইয়া'লা বলেন, “আহমদ ইব্ন উমর আল-ওয়াকীফ, ওয়াকীফের মাধ্যমে একজন মহিলা থেকে হাদীস বর্ণনা করেন। মহিলাটির নাম ছিল আকীলাহ। তিনি সালামা বিন্ত আল-হুর থেকে বর্ণনা করেন। তিনি বলেন, রাসূলুল্লাহ (সা) বলেন, বনু ছাকীফের মধ্যে একজন রয়েছে মিথ্যাবাদী এবং অন্য একজন রয়েছে ধর্মসংজ্ঞ পরিচালনাকারী। এটা আবু ইয়া'লার একক বর্ণনা।

‘ইমাম আহমদ (র) ওয়াকী’ হতে, তিনি উপরে আ’রাব হতে যার নাম তাল্হা, তিনি আকীলাহ থেকে, তিনি সালামা হতে সালাত সম্পর্কে অন্য একটি হাদীস বর্ণনা করেন। আবু দাউদ ও ইব্ন মাজাহ এ হাদীস উল্লেখ করেন। ইব্ন উমর (রা) থেকেও অনুরূপ হাদীস বর্ণিত রয়েছে। আবু ইয়া'লা বলেন আবদুল্লাহ ইব্ন আসিমা হাদীস বর্ণনা করেন। তিনি বলেন, আমি ইব্ন উমর (রা)-কে বলতে শুনেছি, তিনি বলেন, “রাসূলুল্লাহ (সা) আমাদের সংবাদ দিয়েছেন যে, বনু ছাকীফে মিথ্যাবাদী ও ধর্মসংজ্ঞ পরিচালনাকারী জন্ম নেবে। তিরমিয়ীও এ হাদীস বর্ণনা করেন এবং এটাকে উত্তম হাদীস বলে আখ্যায়িত করেছেন।

‘ইমাম শাফিউল্লাহ (র)’ বলেন, “আমাদেরকে মুসলিম ইব্ন খালিদ ইব্ন জুরায়জ থেকে হাদীস বর্ণনা করেন। তিনি নাফি’ হতে বর্ণনা করেন। তিনি বলেন, আবদুল্লাহ ইব্ন উমর (রা) আবদুল্লাহ ইব্ন মুবায়র (রা)-এর যুদ্ধের সময় পৃথকভাবে বসবাস করেন। হাজ্জাজ মিনায় অবস্থান করছিল। কিন্তু, আবদুল্লাহ ইব্ন উমর (রা) হাজ্জাজের সাথে সালাত আদায় করতেন না। আছ-ছাওয়ারী মুহাম্মদ ইবনুল মুনকাদির থেকে বর্ণনা করেন। তিনি জাবির (রা) হতে বর্ণনা করেন যে, তিনি হাজ্জাজের কাছে প্রবেশ করতেন কিন্তু তাকে সালাম করতেন না এবং তার পিছনে সালাতও আদায় করতেন না।

ইসহাক ইব্ন রাহওয়ায়হ বলেন, জারীর আমাদেরকে কা’কা’ ইবনুল সালাত থেকে সংবাদ দেন। তিনি বলেন, একদিন হাজ্জাজ খুতবা দিল এবং বলল, “আবদুল্লাহ ইব্ন মুবায়র মহান আল্লাহর কিতাবের মধ্যে পরিবর্তন এনেছে।” তখন আবদুল্লাহ ইব্ন উমর (রা) বললেন, “আল্লাহ তা’আলা তাকে এ কাজ করতে ক্ষমতা দেননি। তার সাথে তোমাকেও ক্ষমতা দেননি। তুমি যদি চাও, তাহলে আমি বলতে পারি, তুমি একটি ডাহা মিথ্যা বলেছ।”

শাহব ইব্ন হাওশাব ও অন্যান্য থেকে বর্ণিত রয়েছে যে, একদিন হাজ্জাজ খুতবা দীর্ঘায়িত করে। আবদুল্লাহ ইব্ন উমর (রা) কয়েক বার বলছিলেন, সালাত! সালাত! তিনি তারপর দাঁড়িয়ে গেলেন এবং সালাত আদায় করলেন। এরপর লোকজনও দাঁড়িয়ে গেল এবং হাজ্জাজ লোকজনকে নিয়ে সালাত আদায় করল। যখন সে সালাত শেষ করল আবদুল্লাহ ইব্ন উমর (রা)-কে সে বলল, তুমি এরূপ করলে কেন? আবদুল্লাহ ইব্ন উমর (রা) বললেন, “আমরা

তো সালাত আদায় করতে আসি। কাজেই সময়মত সালাত আদায় করতে দাও। তারপর তোমার যা কিছু বলার আছে বলে বেড়াও।”

আল-আসমাই বলেন, আমি আমার চাচাকে বলতে শুনেছি, তিনি বলেন, আমার কাছে সংবাদ পৌছেছে যে, হাজ্জাজ যখন আবদুল্লাহ ইব্ন যুবায়ির (রা) থেকে অবসর গ্রহণ করে তখন সে পবিত্র মদীনায় আগমন করে। পবিত্র মদীনার বাইরে সে একজন বৃক্ষের সাথে সাক্ষাত করে, এবং পবিত্র মদীনাবাসীগণের অবস্থা সম্পর্কে সে তাকে জ্ঞাত করে। বৃক্ষ বলল, পবিত্র মদীনাবাসীগণ খুব দুরবস্থায় আছে। রাসূলুল্লাহ (সা)-এর আত্মীয়ের সন্তানকে হত্যা করা হয়েছে। হাজ্জাজ বলল, তাকে কে হত্যা করেছে? বৃক্ষটি বলল, পাপী অভিশঙ্গ হাজ্জাজ, তার উপর আল্লাহর লান্ত ও ধৰ্মস পতিত হোক। সে আল্লাহর প্রতি খুব কমই তোয়াক্ত করে। এতে হাজ্জাজ ভীষণ রেগে গেল এবং বলতে লাগল। হে বৃক্ষ! তুমি কি হাজ্জাজকে দেখলে চিনতে পারবে? সে বলল, হ্যাঁ, আল্লাহ, যেন তার মঙ্গল না করেন এবং তাকে ধৰ্মস থেকে বরফা না করেন। হাজ্জাজ তখন তার মুখোশ খুলে ফেলল এবং বলল, হে বৃক্ষ! এখনি তুমি টের পাবে যখন তোমার রক্ত প্রবাহিত হবে। যখন বৃক্ষ ব্যাপারটি বুঝতে পারল। তখন বলল, আল্লাহর শপথ, এটা তো বিশ্বকর ব্যাপার হে হাজ্জাজ! যদি তুমি আমাকে চিনতে, তাহলে তুমি এ ধরনের কথা বলতে না। আমি হলাম আল-আবাস ইব্ন আবু দাউদ, আমি প্রতিদিন পাঁচবার কুস্তি লড়ি। তখন হাজ্জাজ বলল, যাও, তুমি চলে যাও, আল্লাহ, যেন তোমার এ পাগলামির আরোগ্য না করেন এবং তোমার এ রোগ দূরীভূত না করেন।

ইয়াম আহমদ বলেন, আবদুস সামাদ হাস্পাদ ইব্ন সালামা হতে আমাদের কাছে হাদীস বর্ণনা করেন। তিনি ইব্ন আবু রাফি' ও আবদুল্লাহ ইব্ন জা'ফর হতে বর্ণনা করেন। তিনি বলেন, একদিন খালিদ ইব্ন ইয়ায়িদ ইব্ন মুআবিয়া খলীফা আবদুল মালিককে বলেন, তুমি কি তাকে একাজ থেকে বিরত রাখতে পারবে? খলীফা আবদুল মালিক বললেন, এটাতে কোন ক্ষতি নেই। খালিদ বলেন, আল্লাহর শপথ, সে অত্যন্ত শক্ত ব্যক্তি। আবদুল মালিক বললেন, কেমন করে? খালিদ বললেন, আল্লাহর শপথ, হে আমীরুল্লাহ মু'মিনীন! যেদিন আমি রামলাহ বিনত যুবায়িরকে বিয়ে করেছি, সেদিন থেকে যুবায়িরের বংশধর সম্পর্কে আমার অন্তরে যা ছিল তা দূরীভূত হয়ে গেছে। বর্ণনাকারী বলেন, সে যেন নিন্দিত ছিল এবং এখন তাকে জাগিয়ে দেওয়া হলো। কাজেই, খলীফা আবদুল মালিক হাজ্জাজের কাছে পত্র লিখল যে, সে যেন রামলাহর তালাকের ব্যবস্থা করল। আর সে তার তালাকের ব্যবস্থা করল।

সাঈদ ইব্ন আবু আরবাহ বলেন, একবার হাজ্জ পালন করে পবিত্র মক্কা ও মদীনার মধ্যবর্তী স্থানে আগমন করে। তার সামনে খাবার হায়ির করা হলো। তখন সে তার দারোয়ানকে বলল, “দেখতো কাউকে পাওয়া যায় কিনা যে আমার সাথে খাবার থাবে। দারোয়ান বের হয়ে গেল এবং এক ঘুমস্ত মরুবাসীকে দেখতে পেল। তখন তাকে মৃদু লাধি প্রদান করল এবং বলল, আমারের ডাকে সাড়া দাও। মরুবাসী লোকটি ঘুম থেকে উঠল এবং হাজ্জাজের কাছে আগমন করল। হাজ্জাজ তাকে বলল, তোমার হাত ধূয়ে এসো, তারপর আমার সাথে খাদ্য গ্রহণ কর। মরুবাসী ব্যক্তিটি বলল, তোমার থেকে যিনি উন্নত আমি তার ডাকে সাড়া দিয়েছি। হাজ্জাজ বলল, তিনি কে? লোকটি বলল, তিনি মহান আল্লাহ। যিনি আমাকে সিয়াম পালন করতে ডেকেছেন, আর আমি তার ডাকে সাড়া দিয়েছি। হাজ্জাজ বলল, এত তীব্র গরমের মধ্যে তুমি সিয়াম পালন করছ? লোকটি বলল হ্যাঁ। এর থেকে বেশী গরমের দিনেও আমি সিয়াম পালন করেছি। হাজ্জাজ বলল, এখন থেয়ে নাও আগামী দিন না

হয় সিয়াম পালন করবে। লোকটি বলল, যদি তুমি আমার আগামী দিনের জীবিত থাকার নিশ্চয়তা দিতে পার, তাহলে আগামী দিন আমি সিয়াম পালন করব। হাজ্জাজ বলল, এটাতে আমার কোন ক্ষমতা নেই। বৃক্ষটি বলল, তাহলে তুমি আমাকে কেমন করে ভবিষ্যত কাজের পরিবর্তে যার ক্ষমতা তুমি রাখ না বর্তমানের কাজটি করার জন্যে আমাকে অনুরোধ করছ? হাজ্জাজ বলল, আমার খাদ্য নিঃসন্দেহে পবিত্র খাদ্য ও মজাদার। বৃক্ষটি বলল, তবে তুমি কিংবা বাবুচি এটাকে পবিত্র ও মজাদার করানি। হ্যাঁ, যদি কেউ এটা খেয়ে শান্তি পায়, তখনি এটা হবে মজাদার।

পরিচ্ছেদ

৭৫ হিজরীতে হাজ্জাজ কেমন করে অতর্কিতে কৃষ্ণ শহরে প্রবেশ করে, খুত্বা প্রদান করে এবং মানুষকে ভীতি প্রদর্শন করে তা পূর্বে বর্ণনা করা হয়েছে। জনগণ তাকে অত্যন্ত ভয় করতে লাগল আর সে তৎক্ষণিকভাবে উমায়র ইব্ন যাবীকে হত্যা করে এবং কুমায়ল ইব্ন যিয়াদকেও বন্দী অবস্থায় হত্যা করে। তারপর ইবনুল আশআছের হত্যাকাণ্ড সংঘটিত হয়। যে পূর্বে বর্ণনা করা হয়েছে। তারপর তার সাথে যেসব সরদার, আমীর, গোলাম ও কারী ছিলেন তাদেরকে সে হত্যা করে। আর সর্বশেষ হত্যা করে সাঈদ ইব্ন জুবায়রকে (রা)।

আল-কারী আল-মাআফী যাকারিয়া বলেন, ‘আমাদেরকে আহমদ ইব্ন মুহাম্মদ ইব্ন সা’দ আল-কালবী.... আসিম হতে হাদীস বর্ণনা করেন। তিনি বলেন, ‘জামাজিম আশ্রমের ঘটনার পর হাজ্জাজ ইরাকবাসীদের সঙ্গে হত্যা করে এবং সে বলে, হে ইরাকের বাসিন্দারা! শয়তান তোমাদেরকে প্রতারিত করেছে, সে তোমাদের মাংস, রক্ত, কান ও চোখের মধ্যে বিআন্তি সৃষ্টি করেছে। তারপর সে কানের ভিতর, মগ্য, দীর্ঘ দেহ ও আঘা পর্যন্ত পৌছেছে। এরপর শস্য-শ্যামল ভূমিতে অবতরণ করে সেখানে ক্ষণস্থায়ী বাসা নির্মাণ করে। ডিম পাড়ে, বাচ্চা দেয় বাচ্চা ধীরে ধীরে বড় হতে থাকে ও চলাফেরা করতে থাকে। তারপর সে তোমাদেরকে প্রতারণা ও অবাধ্যতা দিয়ে পরিপূর্ণ করে এবং বিরোধিতার জ্ঞান দান করে। তোমরা তাকে অনুকরণীয়, পথ প্রদর্শক এবং অনুসরণীয় নেতা মেনে নিয়েছ। আর তাকে সুরক্ষিত পরামর্শদাতা হিসেবে গ্রহণ করেছ। এখন তোমাদেরকে অভিজ্ঞতা কেমন করে উপকার দিবে কিংবা কোন দিক নির্দেশনায় তোমাদেরকে কোন ফায়দা দিবে? তোমরা কি আহওয়ায়ে আমার সাথী ছিলে না? যেখানে তোমরা প্রতারণার ইচ্ছে করেছিলে, বিশ্বাসঘাতকতার মনস্তু করেছিলে, কুফরী করার জন্যে ঐক্যবন্ধ হয়েছিলে এবং ধারণা করেছিলে যে, আল্লাহু তা'আলা তোমাদের ধর্মকে অপদস্থ করবেন এবং তোমাদের খিলাফতকে পর্যন্ত করবেন। আল্লাহুর শপথ, আমি তোমাদের প্রতি দৃষ্টি নিষ্কেপ করছিলাম। আর তোমরা চুপি চুপি সরে পড়েছিলে এবং শীত্র শীত্র পরাজয় বরণ করছিলে। ইয়াওমুয যাবিয়াহকে স্মরণ কর, আর ইয়াওমুয যাবিয়াহ কি তোমরা কি জান? তা ছিল তোমাদের কাপুরুষতা, পরম্পর বিরোধ, ঝগড়া, অপদস্থতা, আল্লাহুর অসম্মুষ্টি এবং তোমাদের অন্তরের ভীতি। তোমরা ছিল দূরবর্তী বাসস্থান থেকে পলায়নকারী উটের ন্যায়। তোমাদের মধ্যে এক ভাই অন্য ভাইয়ের কোন খোঁজ-খবরাদি নিত না। আর কোন বৃদ্ধ তার সন্তানের জন্য দয়া অনুভব করত না। যখন তোমাদের উপর হাতিয়ার প্রয়োগ করা হয়েছিল, তীর নিষ্কেপ করা হয়েছিল। স্মরণ কর, জামাজিম আশ্রমের দিনের কথা। জামাজিম আশ্রমের দিন কী? তা কি তোমরা জান? যেদিন যুদ্ধ-বিহু সংঘটিত হয়েছিল, এমন আঘাত এসেছিল যা মন্তককে তার জায়গা থেকে পৃথক করে দেয় এবং বন্ধুকে বন্ধু থেকে ভুলিয়ে দেয়। হে ইরাকের বাসিন্দাগণ! পাপের কার্যে মন্ত অকৃতজ্ঞগণ! অপমানিত ও

বিশ্বাসঘাতকগণ! ঝগড়াবাটিতে লিঙ্গ ফ্যাসাদিগণ! যদি আমি তোমাদেরকে সীমান্ত পাহারায় প্রেরণ করি, তাহলে তোমরা কর্তব্যকাজ সম্পাদন না করে ফিরে আসবে ও খিয়ানত করবে; যদি তোমাদেরকে নিরাপত্তা দেওয়া হয় তোমরা গুজব রটাবে। আর যদি তোমরা ভয় পাও নিষ্ফাক করবে। মোট কথা, তোমরা কোন নিআমতকেই স্বরণ করছ না এবং কোন ইহসানের কৃতজ্ঞতা জ্ঞাপন করছ না। তোমাদেরকে কোন ওয়াদা ভঙ্গকারী তুচ্ছ মনে করেনি। কোন পথভ্রান্ত তোমাদেরকে ভ্রান্ত পথে ডাকেনি। তোমাদেরকে কোন পাপী রক্ষা করতে চায়নি। তোমাদেরকে কোন যালিম সাহায্য করতে চায়নি এবং তোমাদেরকে কোন সাহায্যকারী সাহায্য করতে চায়নি; বরং তোমরা তার আহ্বানে সাড়া দিয়েছ। তার আওয়ায়ে প্রতি উত্তর করেছ। তার দিকে একাকী কিংবা দলবন্ধভাবে আরোহী রূপ কিংবা পদব্রজে ধাবিত হয়েছ। হে ইরাকের বাসিন্দারা! কোন হৈচেকারী হৈচে করে নাই কিংবা কোন কা,কা, রব উচ্চারণকারী কা, কা, করে নাই। কোন পাথেয় সংগ্রহকারী পাথেয় সংগ্রহ করে নাই। কোন চিৎকারকারী চিৎকার করে নাই; বরং তোমরা তার অনুসারী ও সাহায্যকারীতে পরিণত হয়েছে। হে ইরাকের বাসিন্দারা! কোন উপদেশ কি তোমাদের উপকারে আসেনি? বিভিন্ন ঘটনাবলী কি তোমাদের মধ্যে অনুশোচনার উদ্দেক করেনি? আল্লাহ কি তোমাদেরকে শক্ত হাতে পাকড়াও করেনি? আল্লাহ কি তাঁর তলোয়ারের ধার এবং মর্মস্তুদ শাস্তির স্বাদ তোমাদের আস্থাদন করাননি?

তারপর সে সিরিয়াবাসীদের দিকে লক্ষ্য করল ও বলল, “হে সিরিয়াবাসীরা! আমি তোমাদের জন্যে উট পাথীর ন্যায় দরদী, যে তার বাচ্চাদেরকে অনিষ্ট থেকে রক্ষা করে, তাদের থেকে আবর্জনা দূর করে। তাদের থেকে আক্রমণ প্রতিহত করে, বৃষ্টি থেকে তাদেরকে রক্ষা করে, গুই সাপ থেকে তাদেরকে হিফায়ত করে এবং মশা-মাছি থেকে তাদেরকে পাহারা দেয়। হে সিরিয়াবাসীরা! তোমরাই যুদ্ধাত্মক, শিলাবৃষ্টি এবং তোমরা পাড়ুয়ুক্ত চাদর, সুরক্ষিত চামড়া, তোমরা বন্ধু-বান্ধব, সাহায্যকারী, ছায়াদার বৃক্ষ, উপরে পরিহিত কোট, তোমাদের দ্বারা শহর, জনপদ ও গোত্র বিবর্ণ হয়ে যায়। তোমাদের দ্বারাই শক্রদের দলের উপর তীর নিষ্কেপ করা হয় এবং যারা অবাধ্য ও পৃষ্ঠ প্রদর্শনকারী তারা তোমাদের দ্বারা পরাজিত হয়।

ইব্ন আবুদ-দুনিয়া বলেন, আমাকে মুহাম্মদ ইবনুল হুসায়েন উবায়দুল্লাহ ইব্ন মুহাম্মদ আত- তামীমী হতে হাদীস বর্ণনা করেন। তিনি বলেন, “আমি কুরায়শদের এক বৃক্ষ থেকে স্নেহিছ যাকে আবু বাকর আততামীমী বলা হয়। তিনি বলেন, “হাজ্জাজ তার খুতবাতে বলত, (এবং সে ছিল বয়স্ক) নিশ্চয়ই আল্লাহ তা'আলা হ্যরত আদম (আ) ও তার বংশধরদের মাটি দ্বারা তৈরী করেন। তারপর তাদেরকে ভূপৃষ্ঠের উপর চলাফেরা করতে দেন, তারা পৃথিবীর ফল-মূল ভক্ষণ করে এবং পৃথিবীর নদী-নালা ও জলাশয়ের পানি পান করে। মই ও তাদের চলাচল দ্বারা ভূপৃষ্ঠের উচ্চ-নিচু দূরীভূত করে। তারপর আল্লাহ তা'আলা! ভূপৃষ্ঠকে তাদের দ্বারা আবাদ করেন এবং মৃত্যুর পর তাদেরকে সে ভূমিতে ফেরত প্রেরণ করেন। ভূমি তাদের মাংস ভক্ষণ করে, যেমন তারা ভূমির ফলমূল ভক্ষণ করেছিল। ভূমি তাদের রক্ত পান করে; যেমন তারা ভূমির নদী-নালা ও খাল-বিলের পানি পান করেছিল। ভূমি তাদেরকে টুকরো টুকরো করে তার পেটে চুকিয়ে নেয় এবং তাদের হাড়ের জোড়াগুলো পৃথক পৃথক করে ফেলে। যেমন তারা পৃথিবীটাকে মই ও তাদের চলাচল দ্বারা অসমতল থাকলে সমতল করে নিয়েছে।”

একাধিক বর্ণনাকারী হাজ্জাজ থেকে বর্ণনা করে যে, সে তার খুতবায় উপদেশ আকারে বলত, তোমাদের সামনে উপস্থিত প্রত্যেক লোকের সাথে এমন এক লোক বা সত্তা প্রতিনিধিত্ব করে, যে তার নাফসকে স্তুতি করেছে, উটের নাকের বশি দ্বারা তাকে বেঁধেছে এবং এ রশি

সহকারে আল্লাহর ইবাদতের দিকে নিজেকে পরিচালিত করছে। আর এ রশি দ্বারা তাকে আল্লাহ গুনাহ হতে বিরত রেখেছে। আল্লাহ এমন ব্যক্তির উপর রহম করুন, যে তার নাফসকে পরিত্যাগ করেছে। এমন ব্যক্তির উপর রহম করুন, যে তার নাফসকে দুশ্মন হিসেবে গ্রহণ করেছে। এমন ব্যক্তির উপর রহম করুন, যে তার হিসাব অন্যের কাছে যাওয়ার পূর্বে নিজেই তার হিসাব যাচাই করেছে। এমন ব্যক্তির উপর রহম করুন, যে তার শীঘ্ৰান বা পাল্লার প্রতি লক্ষ্য করেছে। এমন ব্যক্তির উপর রহম করুন, যে তার হিসাবের প্রতি লক্ষ্য করেছে। এমন ব্যক্তির উপর রহম করুন, যে তার কার্যক্রমকে ওয়ন করেছে। এমন ব্যক্তির উপর আল্লাহ রহম করুন, যে আগামীকাল কুরআন শরীফের কোথায় তিলাওয়াত করবে তা চিন্তা করে রাখে। আর আগামীকাল (ভবিষ্যতে) তার পাল্লায় কি দেখবে তা চিন্তা করে। সে তার অস্তরের কাছে ধমক প্রদানকারী ও তার ইচ্ছার কাছে হৃকুমদাতা আল্লাহকে উপস্থিত পায়। আল্লাহ এমন ব্যক্তির উপর রহম করুন, যে তার কার্যকলাপের লাগাম শক্ত করে ধরেছে। যেমন, কেউ তার নিজের উট্টের লাগাম শক্ত করে ধরে। যদি এ লাগাম তাকে আল্লাহর অনুগত্যের দিকে পরিচালনা করে, তাহলে সে তার অনুসরণ করে। আর যদি এ লাগাম তাকে আল্লাহর গুনাহের দিকে প্ররোচিত করে, তাহলে সে তার থেকে বিরত থাকে। আল্লাহ এমন ব্যক্তির উপর রহম করুন, যিনি তার কার্যকলাপে আল্লাহ থেকে নিজেকে বেঁধে নিয়েছে। আল্লাহ এমন ব্যক্তির উপর রহম করুন, যে প্রাধান্য লাভ করেছে কিংবা প্রাধান্য লাভ করার চেষ্টা করছে। আর গুনাহ ও প্রতারণার কার্যকলাপের সাথে হিংসা পোষণ করছে। যা কিছু আল্লাহরই কাছে আছে তার প্রতিই তার কামনা বাসনা নিবেদিত ও নিয়োজিত। আল্লাহ এমন ব্যক্তিকে রহম করুন, আল্লাহ এমন ব্যক্তিকে রহম করুন, বলতে বলতে সে অবোর নয়নে কাঁদতে লাগল।

আল-মাদাইনী (র) আওয়ানা ইবনুল হাকাম থেকে বর্ণনা করেন। তিনি বলেন, আশ-শা'বী বলেছেন, “আমি হাজ্জাজকে এমন এমন কথা বলতে শুনেছি, যে কথা তার আগে কাউকে বলতে শুনেনি। সে বলত আম্বা বাদ অর্থাৎ আল্লাহর হামদ ও রাসূলের না’তের পর সমাচার এই যে, নিশ্চয়ই আল্লাহ তা’আলা দুনিয়ার উপর ধৰ্মসকে লিপিবদ্ধ করেছেন এবং আখিরাতের উপর স্থায়িত্বকে লিপিবদ্ধ করেছেন কাজেই যার উপর স্থায়িত্বকে লিপিবদ্ধ করেছেন তার কোন ধর্ম নেই। আর যার উপর ধর্মসকে লিপিবদ্ধ করেছেন তার কোন স্থায়িত্ব নেই। তাই তোমাদেরকে বর্তমান দুনিয়া যেন ভবিষ্যতের আখিরাত সম্পর্কে প্রতারিত না করে। আর দুনিয়াবাসীরা যেন দুনিয়ার ক্ষণস্থায়িত্ব দ্বারা আখিরাতের দীর্ঘ স্থায়িত্ব কামনা-বাসনাকে শক্ত করে না দেয়।

আল-মাদাইনী আবু আবদুল্লাহ আছ-ছাকাফী হতে বর্ণনা করেন। তিনি তার চাচা থেকে বর্ণনা করেন। তিনি বলেনঃ একদিন আমি হাসান বসরী (র)-কে বলতে শুনেছি। তিনি বলেন, একটি বাক্য আমাকে প্রচণ্ড আঘাত হেনেছে যা আমি হাজ্জাজ থেকে শুনেছি। সে এসব উপলক্ষে কথাটি বলেছিল, “যদি কোন ব্যক্তির জীবনের একটি মুহূর্ত অন্য কাজে ব্যবহৃত হয়, যার জন্যে তাকে সৃষ্টি করা হয়েছিল, তাহলে কিয়ামত পর্যন্ত তার এ কাজের জন্যে আফসোস প্রলম্বিত হওয়া উচিত।”

কায়ী শুরায়ক আবদুল মালিক ইব্ন উমায়র হতে বর্ণনা করেন। তিনি বলেন, একদিন হাজ্জাজ বলেনঃ যদি কেউ কোন কাজ সম্পাদনের জন্য কোন মুসীবতের শিকার হয়ে থাকে, তাহলে তাকে আমি তার মুসীবতের গভীরতা অনুযায়ী পুরক্ষার প্রদান করে থাকি। তখন এক ব্যক্তি দণ্ডয়মান হলো এবং বলল, আপনি আমাকে পুরক্ষার প্রদান করুন। কেননা, আমি

নিঃসন্দেহে ইমাম হ্সায়নকে হত্যা করেছি। হাজ্জাজ বলল, “তুমি তাকে কেমন করে হত্যা করেছ?” সে বলল, আমি তার দিকে তীর নিক্ষেপ করে তাকে তীরবিন্দু করেছি এবং তলোয়ার দ্বারা তার মাথা কর্তৃত করেছি। আর তাকে হত্যা করার ক্ষেত্রে আমি আর কাউকে অংশীদার করিনি। তখন সে বলল, আল্লাহর শপথ, তুমি এবং সে এক জায়গায় একত্রিত হতে পারো না। এ কথা বলে সে তাকে কিছুই প্রদান করল না।

আল-হায়ছাম ইব্ন আদী বলেন, একদিন এক ব্যক্তি হাজ্জাজের কাছে আগমন করে বলল, আমার ভাই ইবনুল আশআহের সাথে সংগ্রামে যোগ দিয়েছিল। সে আমার নামও তালিকাভুক্ত করেছিল। তুমি আমার ভাতা বন্ধু করে দিয়েছ এবং আমার ঘর ধ্বংস করে দিয়েছ। হাজ্জাজ বলল, তুমি কি একজন কবির কথা শুন নাই। কবি বলেছিল, “যে ব্যক্তি তোমাকে অন্যায়ভাবে দোষারোপ করেছে, সে যেন তোমার উপর অনুগ্রহ করেছে। কেননা, অনেক সময় খুজলী রোগে আক্রান্ত উটের গোয়াল সুস্থ উটের ঝঁপ হওয়ার কারণ হয়ে পড়ে। আর বহু লোক পাকড়াও হয়, তার নিকটবর্তী ব্যক্তির অন্যায়ের দরকন। আর যে অপরাধী শুনাহ্গার সে নাজাত পেয়ে যায়। লোকটি বলল, আমি তো আল্লাহকে অন্যরূপ বলতে শুনেছি। আল্লাহর কথা তোমার এ কবির কথার চেয়ে বেশী সত্য। হাজ্জাজ বলল, আল্লাহ কি বলেছেন? লোকটি বলল, সূরায়ে ইউসুকের ৭৮ ও ৭৯নং আয়াতে আল্লাহ বলেন :

قَالُوا يَا أَيُّهَا الْعَزِيزُ إِنَّ لَهُ أَبَا شَيْخًا كَبِيرًا فَخُذْ أَحَدَنَا مَكَانَةً إِنَّا نَرَاكَ مِنَ الْمُحْسِنِينَ - قَالَ مَعَاذَ اللَّهِ إِنْ تَأْخُذَ إِلَّا مَنْ وَجَدْنَا مَتَاعِنَا عِنْدَهُ إِنَّا أَذَّلُ الْمُمْوَنَ -

অর্থাৎ “তারা বলল, হে আয়ীয়! তার পিতা জীবিত রয়েছেন। তিনি অতিশয় বৃদ্ধ। কাজেই তার স্তুলে আপনি আমাদের একজনকে রাখুন। আমরা তো আপনাকে দেখছি মহানুভব ব্যক্তিদের একজন। সে বলল, যার নিকট আমরা আমাদের মাল পেয়েছি তাকে ছাড়া অন্যকে রাখার অপরাধ হতে আল্লাহর শরণ নিছি। এরপ করলে আমরা অবশ্যই সীমালংঘনকারী হব।” হাজ্জাজ তখন বলল, হে যুবক! তার নাম তালিকাভুক্ত কর, তার ছেলের নামও তালিকাভুক্ত কর এবং যথারীতি ভাতা প্রদান কর। আর একজন আহবায়ককে ঘোষণা করতে নির্দেশ দাও যে, আল্লাহ সত্য বলেছেন এবং কবি মিথ্যা বলেছে। আল-হায়ছাম ইব্ন আদী আবদুল্লাহ ইব্ন আবৰাস (রা) হতে বর্ণনা করেন। তিনি বলেন, একদিন আবদুল মালিক হাজ্জাজের কাছে একটি পত্র লিখেন এবং তাকে আদেশ দেন যে, আসলাম ইব্ন আবদুল বিকরীর মাথা আমার কাছে প্রেরণ কর। যখন তার কাছে এ পত্র পৌছল, হাজ্জাজ তখন লোকটিকে নিকটে ডাকল। তখন সে হাজ্জাজকে বলল, “হে আমীর! আপনি তো উপস্থিত বা অবগত আর আমীরুল মু’মিনীন অনুপস্থিত, অনবগত। আর আল্লাহ তা’আলা সূরায়ে ভজুরাতের ৬৮ ও ৬৯নং আয়াতে বলেন :

يَا أَيُّهَا الدِّينَ أَمْنُوا إِنْ جَاءَكُمْ فَاسِقٌ بِنَبَأٍ فَتَبَيَّنُوا إِنْ تُصِيبُونَا قَوْمًا بِجَهَالَةٍ فَتُصْبِحُونَا عَلَىٰ مَا فَعَلْتُمْ نَادِمِينَ -

অর্থাৎ “হে মু’মিনগণ! যদি কোন পাপাচারী তোমাদের নিকট কোন বার্তা আনয়ন করে, তোমরা তা পরীক্ষা করে দেখবে। যাতে অজ্ঞতাবশত তোমরা কোন সম্প্রদায়কে ক্ষতিগ্রস্ত না

কর এবং পরে তোমাদের কৃতকর্মের জন্য অনুতঙ্গ না হও।” তাঁর কাছে যে সংবাদটি পৌছেছে তা অসত্য। আর আমি ২৪ জন মহিলার অভিভাবকত্ব করি, তাদের জীবিকা অর্জন করার মত কোন লোক নাই। আর তারা আপনার দরযায় দণ্ডয়ামান। তাদেরকে উপস্থিত করানোর জন্য আদেশ দিল। যখন তারা উপস্থিত হলো তাদের মধ্যে একজন বলল, আমি তার খালা, অন্য একজন বলল, আমি তার ফুফু, অন্য একজন বলল, আমি তার বোন, অন্য একজন বলল, আমি তার স্ত্রী, আবার অন্য একজন বলল, আমি তার মেয়ে। এমন সময় আট বছরের অধিক ও দশ বছরের কম বয়সী একটি বালিকা সামনে এগিয়ে আসল। হাজ্জাজ তাকে বলল, তুমি কে? বালিকা বলল, আমি তার মেয়ে। তারপর সে বলল, আল্লাহ্ আমীরের মঙ্গল করুন, আমি তার সামনে হায়ির। এ কথা বলে সে কিছু কবিতা পাঠ করল, যা নিম্নে প্রদত্ত হলো: হে হাজ্জাজ, আপনি তার মেয়েদের ও ফুফুদের মান-মর্যাদা লক্ষ্য করেননি? তারা সকলে সারা রাত্রি তার জন্যে রোদন করছে। হে হাজ্জাজ, যদি আপনি তাকে হত্যা করেন, তাহলে আপনি কি চিন্তা করে দেখেছেন যে, আপনি তার হত্যার মাধ্যমে কতজনকে হত্যা করেছেন। তারা হলেন ২৪ জন, হে হাজ্জাজ কে তার পরিবর্তে আমাদের দেখাশুনা করবে? কাজেই তাকে আপনি ছেড়ে দিন। আর যদি আপনি আমাদের উপর অন্যায় করেন, তাহলে আমাদের গৃহাদি ধসিয়ে যমীন বরাবর করে দিন। হে হাজ্জাজ! হয়তো আমার পিতাকে ছেড়ে দিয়ে আপনি আমাদের উপর একটি নিআমত দান করুন, অন্যথায় আমাদের সকলকে একত্রে মেরে ফেলুন। বর্ণনাকারী বলেন, এরপর হাজ্জাজ ঝঁকন করল এবং বলল, আল্লাহ্ শপথ, আমি তোমাদের উপর কেন প্রকার বিপদ আপত্তি করব না এবং তোমাদের উপর কেন প্রকার যুলুমও করব না যাতে তোমরা একেবারেই নিঃশেষ হয়ে যাও। হাজ্জাজ আবদুল মালিকের কাছে পত্র লিখে উল্লিখিত ব্যক্তিটির উক্তি এবং তার কন্যার উক্তি সম্মতে আবদুল মালিককে অবগত করল। তখন আবদুল মালিক হাজ্জাজের কাছে পত্র লিখে আদেশ দিলেন যেন লোকটিকে ছেড়ে দেওয়া হয় এবং তার সাথে তাল আচরণ করা হয়। বালিকার প্রতি দয়া করা হয় এবং সব সময় তার খোঝখবর নেওয়া হয়। কথিত আছে, একদিন হাজ্জাজ খুত্বা দিল এবং জনগণকে বলল, হে মানবমঙ্গলী! জেনে রেখো, আল্লাহ্ নিষিদ্ধ বস্তুসমূহ হতে বিরত থাকার ক্ষেত্রে ধৈর্যধারণ আল্লাহ্ আবাব সহজ করার ধৈর্যধারণ থেকে অনেক সহজ। তখন এক ব্যক্তি উঠে দাঁড়াল এবং হাজ্জাজকে লক্ষ্য করে বলল, “দুর্ভাগ্য তোমার হে হাজ্জাজ! কত নির্লজ্জ চেহারা তোমার! এবং কত কম তোমার লজ্জা! যা করার তুমি কর, আর এ ধরনের উচ্চবাক্য তুমি উচ্চারণ কর। তোমার সদ্ব্যবহারের চেষ্টা নিষ্ফল ও ব্যর্থ। হাজ্জাজ তার দেহরক্ষীকে বলল, “তাকে ধরে রেখো।” যখন হাজ্জাজ খুত্বা শেষ করল, তখন ঐ লোকটিকে বলল, কেন তুমি আমার উপর এত ধৃষ্টতা দেখালে? উন্নরে লোকটি বলল: দুর্ভাগ্য তোমার হে হাজ্জাজ! তুমি আল্লাহ্ প্রতি ধৃষ্টতা দেখাচ্ছ, আমি তো তোমার প্রতি ধৃষ্টতা দেখাচ্ছি না। তুমি এমন কোন ব্যক্তি যে, তোমার প্রতি আমি ধৃষ্টতা দেখাতে পারব না? অথচ তুমি সারা জাহানের প্রতিপালক আল্লাহ্ তা'আলার প্রতি ধৃষ্টতা দেখাচ্ছ। হাজ্জাজ তখন বলল, তাকে শৃংখলমুক্ত করে দাও। তারপর তাকে ছেড়ে দেওয়া হয়।

আল-মাদাইনী বলেন: ইবনুল আশআছের দুইজন সাথীকে কয়েদী হিসেবে একদিন হাজ্জাজের সামনে আনয়ন করা হলো। হাজ্জাজ তাদেরকে হত্যার ভুকুম দিল। তখন তাদের মধ্যে একজন বলল, তোমার প্রতি আমার একটি অনুগ্রহ রয়েছে। হাজ্জাজ বলল, সেটা কি? লোকটি বলল, একদিন ইবনুল আশআছ তোমার মাতা সম্মতে উল্লেখ করে। তখন আমি তার

বিরুদ্ধে প্রতিবাদ করি। হাজ্জাজ বলল, এ ঘটনার ব্যাপারে তোমার কি কোন সাক্ষী আছে? সে বলল, “হ্যা, আমার এ সাথীটি। হাজ্জাজ তখন তাকে জিজ্ঞাসা করল। লোকটির সাথী বলল, হ্যা। হাজ্জাজ বলল, ইবনুল আশআছ যা করেছে তা তুমি করলে না কেন? সে বলল, তোমার প্রতি প্রতিহিংসা আমাকে বিরত রেখেছিল। হাজ্জাজ বলল, কে আছ তোমরা এ ব্যক্তিকে তার সত্যবাদিতার জন্যে ছেড়ে দাও আর অপরজনকে তার কাজের জন্যে ছেড়ে দাও। হাজ্জাজের সাথীরা দুইজনকেই ছেড়ে দেয়।

মুহাম্মদ ইবন যিয়াদ ইবনুল আরাবী থেকে উল্লেখ করেন। তিনি বলেন, বনু হনায়ফার এক ব্যক্তি ইয়ামামা অঞ্চলে একজন বীরপুরুষ ছিলেন। তার নাম ছিল জাহাদার ইবন মালিক। হাজ্জাজ সে দেশের নায়েবের কাছে এক ব্যক্তিকে প্রেরণ করে ঐ বীর পুরুষটিকে তৈরিতার করতে না পারায় তাকে তিরক্ষার করে। কাজেই নায়েব বীর পুরুষটিকে তৈরিতারে খোঁজ করতে লাগল। কিছুদিন পর সে তাকে বন্দী করল। পরে তাকে হাজ্জাজের কাছে প্রেরণ করল। তখন হাজ্জাজ তাকে বলল, ‘তুমি যা করছিলে, কেন। তুমি এরূপ করছিলে? বীর পুরুষটি বলল, আমাকে এ কাজ করার জন্য যে বস্তুটি প্ররোচিত করেছিল তা হলো অন্তরের দুঃসাহস, শাসনকর্তার অত্যাচার এবং হাল যামানার কুকুর বা লোভ-লালসা। যদি আমীর আমাকে পরীক্ষা করেন, তাহলে তিনি আমাকে তার সৎসাহায্যকারী ও অশ্বারোহী সৈন্যদের মধ্যে আমাকে সূক্ষ্ম ধীশক্তিসম্পন্ন ব্যক্তিদের অন্যতম পাবেন। আর আমাকে তার সৎসাহসী প্রজাবর্গের মধ্যে অন্যতম পাবেন। আমি যে কোন সময় কোন অশ্বারোহীর সাথে মুকাবিলা করেছি তাকে পরাত্ত করেছি। হাজ্জাজ তখন তাকে বলল, আমরা তোমাকে একটি কুয়ার কাছে ফেলে দেবো যেখানে থাকবে একটি হিংস্র সিংহ। যদি সেই হিংস্র সিংহটি তোমাকে হত্যা করতে পারে, তোমার পরিবার-পরিজনের ভরণপোষণ আমরা বহন করব। আর যদি তুমি তাকে হত্যা করতে পার আমরা তোমাকে ছেড়ে দেবো।’ তারপর হাজ্জাজ তাকে কারাগারে বন্দী করে রাখল। তার ডান হাতটি তার গর্দানের সাথে শিকল দিয়ে বাঁধা ছিল। অন্যদিকে হাজ্জাজ কাসকার নামক হানের নায়েবের কাছে পত্র লিখে নির্দেশ দিল, যেন একটি বড় হিংস্র ও ক্ষতিকারক সিংহকে প্রেরণ করে। জাহাদার তার বন্দীশালায় কিছু কবিতা পাঠ করে সে তার স্ত্রী উম্মে আমর সুলায়মার প্রতি দুঃখ প্রকাশ করছে। সে বলছিল, ‘রাত কি আমাকে এবং উম্মে আমরকে একত্রিত হওয়ার সুযোগ দিবে না? এটা নিয়ে হয়তো তুমি চিন্তা করছ এবং আমাকে নিকটে পাওয়ার কামনা করছ! হ্যা (রাত সে সুযোগ দিবে) তুমি নতুন চাঁদকে দেখবে, যেমন আমি তাকে দেখছি। চাঁদ যখন আকাশের উপরিভাগে উঠতে থাকবে, তখন রাত সমাপ্ত হয়ে দিন প্রকাশ পাবে। যখন তোমরা নজদের খেজুর বাগান অতিক্রম করে ইয়ামামার উপত্যকায় পৌছবে, তখন হয়তো আমার মৃত্যুর সংবাদ শুনবে। জাহাদারকে তোমরা শুভ কামনা কর। কেননা, ইয়ামানী ধারাল তলোয়ারের উপর বাঁপাইয়া পড়ার জন্য তাকে বাধ্য করা হয়েছে।’ হাজ্জাজের কাছে যখন সিংহটি পৌছল, তখন তাকে তিনদিন অনাহারে রাখার জন্য নির্দেশ দেওয়া হলো। তারপর তাকে একটি বাগানে ছেড়ে দেওয়া হলো এবং জাহাদারকে শৃংখলাবস্থায় তার ডান হাতকে গর্দানের সাথে বেঁধে রাখা হলো। আর তার বাম হাতে একটি তলোয়ার দেওয়া হলো। সিংহ আর জাহাদারের মধ্যে লড়াই বাঁধিয়ে দেওয়া হলো। হাজ্জাজ ও তার সাথীরা একটি গ্যালারীতে বসে দৃশ্য উপভোগ করতে লাগল। জাহাদার সিংহটির দিকে অগ্সর হলো এবং সে বলছিল, ‘দুটি সিংহ খুব সংকীর্ণ জায়গার মধ্যে মুকাবিলা করছে। দুটোই সমন্বিত নাকের অধিকারী। তারা অত্যন্ত কঠিন ও বীরত্বপূর্ণ সংঘর্ষে লিপ্ত। যদি আল্লাহ তা'আলা

সন্দেহের পর্দা খুলে দেন, তাহলে বিজয়ী হবে তুরক্ষের যথাযোগ্য আবাসের অধিকারী। সিংহটি যখন জাহদারের দিকে তাকাল, তখন প্রকটভাবে গর্জন করতে লাগল, হেলে-দুলে চলতে লাগল এবং তার দিকে অগ্রসর হতে লাগল। যখন সে এক তৌষ পরিমাণ জায়গায় পৌছল, তখন সিংহটি জাহদারের উপর প্রচণ্ডভাবে ঝাঁপিয়ে পড়ল। জাহদার তলোয়ার দিয়ে তার মুকাবিলা করল এবং তাকে প্রচণ্ড আঘাত করল। তলোয়ারের মাথা তার আলজিভকে ছিদ্র করে ফেলল। প্রচণ্ড বাতাসে উপড়িয়ে ফেলা তাঁবুর ন্যায় সিংহটি প্রচণ্ড আঘাত ধেয়ে মাটিতে মৃত্যুর কোলে লুটিয়ে পড়ল। সিংহের প্রচণ্ড থাবার জন্যে এবং শিকলের প্রবল ঘর্ষণে জাহদারও ক্লান্ত হয়ে নিচে পড়ে গেল। তখন হাজার্জ ও তার সাথীরা আল্লাহু আকবর ধ্বনি দিল। আর জাহদার বলতে লাগলেন, “হে সুন্দর! তুমি যদি অঙ্ককার ও ধূলিময় ভয়াবহতার দিনে আমার দুরবস্থা দেখতে। এগিয়ে এসো এমন এক সিংহের জন্যে যে শৃংখলাবস্থায় ও হাত-পা বন্দী অবস্থায় রয়েছে, যাতে তার কংকনসমূহ তার বের হয়ে পড়ার ক্ষেত্রে আর প্রতিবন্ধকতার সৃষ্টি না করে। সিংহের থাবাগুলো ঝক্ষ হয়ে গেছে, তার দাঁতগুলো যেন কুড়ালের ঝাঁঝরা মুখ কিংবা কাঁচের শলাকার ধারের ন্যায়। সিংহটি দুই চক্ষু নিয়ে উপরের দিকে তাকাচ্ছে। তুমি দেখবে দুই চক্ষুর মধ্যে বাতাসমিশ্রিত ধূলাবালি যেন বাতির শিখার ন্যায় ঝালমল করছে। মনে হয় যেন তার উপর তালিওয়ালা জামা সেলা করে দেওয়া হয়েছে অথবা মোটা রেশমী কাপড়ের টুকরোগুলো তার উপর সংযুক্ত করা হয়েছে। নিচ্যাই তুমি জানতে পেরেছ যে, আমি মর্যাদাবান সংরক্ষণের অধিকারী ও মহিমাবিত সম্প্রদায়ের বংশধরভূক্ত।”

তারপর হাজার্জ তাকে ইখতিয়ার দিল। যদি সে চায় তাহলে সে হাজার্জের কাছে থাকতে পারে। আর যদি সে চায় তাহলে নিজের দেশে বা শহরে চলে যেতে পারে। সে হাজার্জের কাছে থাকাটাই পদ্ধতি করল। হাজার্জ তাকে উত্তম পুরস্কার দিল ও সম্পদ দান করল। তবে হাজার্জ একদিন হ্যরত ইমাম হুসায়ন (রা)-কে রাসূলুল্লাহ (সা)-এর বংশধরের মধ্যে গণ্য করতে অঙ্গীকার করল। কেননা, তিনি হলেন রাসূলুল্লাহ (সা)-এর কন্যার সন্তান। ইয়াহীয়া ইবন ইয়াসার হাজার্জকে বলল, তুমি মিথ্যা বলছ। হাজার্জ বলল, তুমি যা বলছ তার সপক্ষে আল্লাহর কিতাব থেকে দলীল পেশ করতে হবে অথবা আমি তোমার গর্দান মেরে দেব। এ প্রসঙ্গে আল্লাহ তা'আলা সূরায়ে আনআমের ৮৪ ও ৮৫নং আয়াতদ্বয়ে বলেন :

وَهُبْنَالَّةً إِسْحَاقَ وَيَعْقُوبَ كَلَأَ هَدِيَّنَا وَنُونَ حَدِيَّنَا مِنْ قَبْلٍ وَمِنْ ذَرِيَّتِهِ
دَاؤَدَ وَسُلَيْمَانَ وَأَيُوبَ وَيُوسُفَ وَمُوسَى وَهَارُونَ وَكَذِلِكَ نَجْرِي الْمُحْسِنِينَ -
وَذَكَرِيًّا وَيَحْيَى وَعِيسَى وَالْيَاسَ كُلُّ مِنَ الصَّالِحِينَ -

অর্থাৎ এবং তাকে দান করেছিলাম ইসহাক, ইয়া'কুব ও তাদের প্রত্যেককে সৎপথে পরিচালিত করেছিলাম। পূর্বে হ্যরত নূহ (আ)-কে সৎপথে পরিচালিত করেছিলাম এবং তার বংশধর দাউদ (আ), সুলায়মান (আ), আয়্যুব (আ), ইউসুফ (আ), মুসা (আ) ও হারুন (আ)-কেও আর এভাবেই সৎকর্মপরায়ণদেরকে পুরুষ্কৃত করি এবং যাকারিয়া (আ), ইয়াহীয়া (আ), ঈসা (আ) ও ইলাইয়াস (আ)-কেও সৎপথে পরিচালিত করেছিলাম। তারা সকলে স্বজনদের অন্তর্ভুক্ত। কাজেই, ঈসা (আ) ইব্রাহীম (আ)-এর বংশধরের অন্তর্ভুক্ত। তিনি তার মাতা মারইয়ামের অন্তর্ভুক্ত। ইমাম আল-হুসায়ন (রা) রাসূলুল্লাহ (সা)-এর কন্যার সন্তান। হাজার্জ তখন বলল, তুমি সত্য বলেছ। এরপর সে তাকে খুরাসানে নির্বাসন দিল।

হাজার্জ উত্তম ভাষাজ্ঞান ও উচ্চতর ভাষা জ্ঞানে জ্ঞানী হওয়া সত্ত্বেও কুরআন শরীফের অক্ষরসমূহে ভুল করত। ইয়াহইয়া ইব্ন ইয়া'মার তা অপসন্দ করতেন। তন্মধ্যে একটি ভুল হলো, সে সব সময় ইন্না মাকসূরাহকে ইন্না মাফতুহায়ে পরিবর্তন করত। আর ইন্না মাফতুহাকে ইন্না মাকসীরাহ-এ পরিবর্তন করত এবং সে পড়ত **فَلْ إِنْ كَانَ أَبَاوْكُمْ** পড়ত। আল-আসমাঈ ও অন্যরা বলেন, একদিন আবদুল মালিক হাজার্জের কাছে একটি পত্র লিখলেন। পত্রে তিনি তাকে আম্স, আল-ইয়াওম ও গাদ অর্থাৎ গতকাল, অদ্য ও আগামীকাল সম্বন্ধে জিজ্ঞাসা করেন। হাজার্জ দ্রুতকে বলল, খুয়ায়লিদ ইবন ইয়া'বীদ ইব্ন মুআবিয়া কি তার কাছে উপস্থিত আছে? দৃত বলল, হ্যাঁ। তখন হাজার্জ আবদুল মালিকের কাছে লিখল : আম্স অর্থ মৃত্যু, আল-ইয়াওম অর্থ আমল এবং গাদান অর্থ আশা-আকাংখা। ইব্ন দারীদ, আবু হাতিম আস সিজিন্তানীর মাধ্যমে আবু উবায়দ মা'মার ইব্ন আল-মুছান্না হতে বর্ণনা করেন, তিনি বলেন, হাজার্জ যখন ইবনুল আশাছকে হত্যা করে, তখন তার কাছে ইরাকের প্রশংসা করা হয় এবং সে ইরাকের লোকজনকে বেশী বেশী ভাতা প্রদান করে। তখন আবদুল মালিক তার কাছে পত্র লিখলেন এবং বললেন, মহান আল্লাহর প্রশংসার পর সমাচার এই যে, আমীরুল্লাহ মু'মিনীনের কাছে সংবাদ পৌছেছে যে, তুমি আজকাল একদিনে যা খরচ করছ আমীরুল্লাহ মু'মিনীন তা সাতদিনেও খরচ করেন না এবং তুমি এক সন্তানে যা খরচ করছ আমীরুল্লাহ মু'মিনীন তা এক মাসেও খরচ করেন না। তারপর তিনি নীচের কৃতিটি আবর্তি করলেন, “সব ব্যাপারেই তোমার উচিত মহান আল্লাহকে ভয় করা। হে উবায়দুল্লাহ! তুমি মহান আল্লাহকে ভয় কর ও তার কাছে কাকুতি-মিনতি কর। মুসলমানদের কর ও যুদ্ধলক্ষ সম্পদের পুরাপুরি হিসাব গ্রহণ কর এবং তাদের জন্য একটি দুর্গ হিসাবে কাজ কর যা তাদেরকে আশ্রয় দেবে এবং তাদের অধিকার সংরক্ষণ হবে। হাজার্জ তখন আবদুল মালিকের কাছে পত্রের জওয়াব লিখল, যা নিম্নরূপ :

আমার আয়ুর শপথ। আপনার দৃত আমার কাছে আপনার পত্র নিয়ে পৌছেছে। পত্রটি কয়েক পৃষ্ঠা কাগজে লিখিত হয়েছে। তারপর ছাপানো হয়েছে, যথাযথভাবে এটাকে ভাজ করা হয়েছে। যে পত্রের মধ্যে আমার জন্য রয়েছে নরম কথা ও শক্ত কথা। আমি তার থেকে নসীহত গ্রহণ করেছি। আর নসীহত বুদ্ধিমানের উপকারে আসে। আমার সামনে অনেক সমস্যা এসেছিল, এগুলোকে আমি সমাধান করছি কিংবা কোন সময় যেগুলোকে সাধ্যের বাইরে মনে করেছি তাই এগুলো হতে আমি বিরত থাকছি। যদি তাদের উপর আপনার শাস্তি আপনি আরোপ করেন তাহলে আমার তরফ থেকে তাদের জন্যে কোন উপকার সাধিত হবার লক্ষ্যে আমি এ ব্যাপারে কোন আগ্রহী হই না। এ ব্যাপারে জনগণ খুশী থাকুক কিন্তু এটাকে অসন্তুষ্টির কারণ মনে করুক, তাতে কিছু আসে-যায় না। আপনার সন্তুষ্টিই আমার একমাত্র লক্ষ্য। তাদের মধ্যে কারো আমি প্রশংসা করি কিংবা কষ্ট দেই, এমনকি গালি দেই, তাতেও কিছু আসে-যায় না। এমন কতগুলো শহর আমি অতিক্রম করেছি যেগুলোতে শক্ততার ও বিরোধিতার আগুন দাউ দাউ করে জুলছিল। আপনি জানেন, তার মধ্য থেকে কিছু আমি সহ্য করেছি আর বাকীগুলো নিয়ে ধন্তাধন্তি করছি এমনকি মৃত্যুর কাছাকাছি হয়ে পড়েছি। বিদ্রোহীরা কত গুজব রাটিয়েছে, সেগুলো আমি শুনেছি। কিন্তু, আমি আতঙ্কিত হইনি। আমার পরিবর্তে যদি অন্য কেউ প্রশাসক হতো, তাহলে সে ভয়ে ওষ্ঠাগত হতো। বিদ্রোহীরা যখন তাদের কোন একজন সংগ্রামীর মাধ্যমে দেশে অরাজকতা সৃষ্টির ব্যর্থ প্রচেষ্টা চালিয়েছিল, তখন তাদের জন্য আমি শুধু আফসোস করেছিলাম, তবে তাদের প্রতি সন্তুষ্ট থাকারও ভাব করিনি। তাদের

সরদারগণ যদি আমার প্রতিরক্ষার চেষ্টা না করত, তাহলে আমার শরীরের প্রতিটি অঙ্গই নেকড়ে হিসেবে কাজ করত ও অনিষ্ট-সাধন করার জন্যে আমি হাত বাড়াতাম। বর্ণনাকারী বলেন : তখন আবদুল মালিক হাজাজের কাছে পত্র লিখলেন এবং বললেন, তোমার পসন্দয়ত কাজ করে যাও। আছ-ছাওরী মুহাম্মদ ইবনু মুসতাওরিদ আল-জামহী থেকে বর্ণনা করেন। তিনি বলেন, একদিন হাজাজের কাছে একটি চোরকে আনা হলো। হাজাজ তাকে বলল, “যদি তুমি অন্যায় কাজটি না করতে, তাহলে তোমাকে বিচারকের কাছেও আনা হতো না এবং তিনিও তোমার অঙ্গ-প্রত্যঙ্গগুলো হতে একটি অঙ্গকে অকেজো বলে ঘোষণা করতেন না।” লোকটি বলল, “যখন সম্পদ করে যায়, তখন প্রাণটিও সাহায্যকারীর দিকে ধাবিত হয়।” হাজাজ বলল, সত্যি বলেছ, আল্লাহর শপথ! যদি এমন কোন গ্রহণযোগ্য উত্তম অজুহাত পাওয়া যেত যার মাধ্যমে এ দণ্ডবিধিকে বাতিল করা যায়, তাহলে আমি তার জন্য সুযোগ হাতছাড়া করতাম না। হে যুবক! তলোয়ার ধারাল আর তলোয়ার চালনাকারী লোকও নিজের কর্তব্য কাজ সম্পাদন করতে প্রস্তুত। তারপর সে তার হাত কেটে দিল। আবু বাকর ইবন মুজাহিদ মুহাম্মদ ইবনুল জাহের মাধ্যমে ‘আল ফারা’ থেকে বর্ণনা করেন। তিনি বলেন, হাজাজ একদিন আল-ওয়ালীদ ইরুন আবদুল মালিকের সাথে নাশ্তা গ্রহণ করেন। যখন তাদের দুইজনের নাশ্তা খাওয়া শেষ হলো। তখন আল-ওয়ালীদ (খলীফা) হাজাজকে শরাব পান করতে আহ্বান করল। হাজাজ বলল, হে আমীরুল মু’মিনীন, আপনি যা হালাল মনে করেন, তাই আমি হালাল মনে করি। তবে আমি এ শরাব হতে ইরাকবাসীদের ও আমার কার্যপরিষদের সদস্যদেরকে নিষেধ করি। আর আমি সৎ বান্দার কথার বিরোধিতা করাকে অপসন্দ করি। আল্লাহ তা’আলা সূরায়ে হুদের ৮৮নং আয়াতে ইরশাদ করেন :

وَمَا أُرِيدُ أَنْ أُخَالِفَكُمْ إِلَى مَا أَنْهَا كُمْ عَنْهُ

অর্থাৎ আমি তোমাদেরকে যা নিষেধ করি আমি তা নিজে করতে ইচ্ছে করি না।

উমর ইবন শিবাহ তার উস্তাদদের থেকে বর্ণনা করে বলেন, একদিন আবদুল মালিক সম্পদ ব্যয়ে ও রক্ষণাত্মে অতিরিক্ত করার জন্যে তিরক্ষার করে হাজাজের কাছে পত্র লিখেন ও বলেন, সমস্ত সম্পদ মহান আল্লাহর মালিকানাধীন আর আমরা তার পাহারাদার মাত্র। কারোর অধিকার থেকে বঞ্চিত করা কিংবা কাউকে অনর্থক দান করা একই কথা। আর তিনি পত্রের নিচেরাংশে নিম্নের কয়েকটি লাইন লিখে দেন : যে সব কাজ করা আমি খারাপ মনে করি সেগুলো যদি তুমি প্রত্যাখ্যান না কর, যে বস্তুকে আমি পসন্দ করি তা কার্যে পরিণত করে তুমি আমার সন্তুষ্টি যদি চাও, তোমার মত লোক মহান আল্লাহর প্রতি ধাবিত হয়ে কোন কাজ করতে যদি ভয় কর, তাহলে তুমি ঐ ব্যক্তির ন্যায় কাজ করলে যে দুধ দোহন করে তা নষ্ট করে দেয়। কাজেই তুমি যদি আমার থেকে কোন বিচ্ছিন্ন আকারের অলসতা লক্ষ্য কর, তাহলে জেনে রেখো, এটার উদাহরণ হলো, অনেক সময় পানি পানকারীর গলায় কোন সময় পানি আটকিয়ে যায়। আর যদি তুমি আমার থেকে কোন প্রকার মূর্খের ন্যায় আক্রমণ দেখ, তাহলে মনে রাখবে এ ধরনের সব কাজেরই কর্তা আমি। কাজেই, আমার থেকে যা কিছু সংঘটিত হয় তার তুমি পুনরাবৃত্তি করো না। যদি করে থাক, তবে এখন তা বক্ষ করে দাও। সেই কাজের প্রতিক্রিয়া তুমি একদিন জানতে পারবে। হাজাজ যখন এ পত্রটি পড়ল, তখন পত্রোভরে বলল, আল্লাহর প্রশংসার পর সমাচার এই যে, আমার কাছে আমীরুল মু’মিনীনের একটি পত্র পৌছেছে। যেই পত্রে সম্পদ ব্যয়ে ও রক্ষণাত্মে আমার অতিরিক্ত করার অভিযোগ

আনা হয়েছে। আল্লাহর শপথ! আমি কোন অপরাধীর শাস্তি প্রদানে মাত্রাতিরিক্ত করিনি এবং অনুগতদের অধিকারও ক্ষুণ্ণ করিনি। আমি যা করছি আমীরুল মু'মিনীন যদি তা সীমা লংঘন মনে করেন তাহলে তিনি যেন আমার জন্যে একটি সীমা নির্ধারণ করে দেন। আমি সেই সীমা পর্যন্ত পৌছব এবং তা অতিক্রম করব না। হাজ্জাজ পত্রের নিচেরাখে নিম্ন বর্ণিত কয়েক লাইন কবিতা সংযোজন করে। যদি আমি তোমার সত্ত্বষ্টি অব্রেষণ না করি এবং তোমাকে কষ্ট দেওয়া থেকে বিরত থাকি, তাহলে আমার সেই দিনের তারকাগুলো অস্ত যাবে না (অর্থাৎ আমি শাস্তি পাব না)। তোমার ব্যাপারে হাজ্জাজ যদি কোন ভুল করে ফেলে, তাহলে সকাল বেলাই তার মধ্যে সে ভুলের প্রতিক্রিয়া দেখা দেয়। কোন ন্যূনতা প্রদর্শনকারীর সাথে যদি তুমি সংস্কৃতি কর, তাহলে আমিও তার সাথে সংস্কৃতি করি। আর যদি তার সাথে সংস্কৃতি না কর, তাহলে আমি তার বিরুদ্ধে যুদ্ধে নিয়োজিত। যদি আমি কোন মেহেরবান লোকের নসীহত শুনার জন্যে তার নিকটবর্তী না হই। আর তার শক্রু আমাকে যা পরামর্শ দেয় সে অনুযায়ী কাজ করি, তাহলে কে আছে বর্তমানে আমাকে রক্ষা করবে? আর ভবিষ্যতে আমার সামনে যেসব বিপদ-আপদ আসবে তা কেটে যাওয়ার আশা করবে। বিশ্বয়কর ঘটনাবলীর আধার হলো মহাকাল।

ইমাম শাফিউদ্দিন (র) হতে বর্ণিত। তিনি বলেন, একদিন আল-ওয়ালীদ ইব্ন আবদুল মালিক গায ইব্ন রাবীআকে বলেন, সে যেন হাজ্জাজকে হাজ্জাজ ও আল-ওয়ালীদের মধ্যে যে সম্পর্ক, তা নিয়ে জিজ্ঞাসা করে, সে কি দুনিয়ার কোন উল্লেখযোগ্য সম্পদ পেয়েছে বলে মনে করে? কাজেই তাকে তিনি তার আদেশ মুতাবিক জিজ্ঞাসা করেন। হাজ্জাজ তখন বলল, আল্লাহর শপথ, আমার কর্তৃপক্ষের আনুগত্যের ব্যাপারে আমাকে পরীক্ষা করার বদলে লেবানন অথবা সাইবেরিয়ার সমপরিমাণ স্বর্ণ যদি আমার হাতে আসে যা আমি আল্লাহর রাস্তায় খরচ করব তা আমার কাছে অধিক প্রিয় নয়। আল্লাহ অধিক পরিজ্ঞাত।

পরিচ্ছেদ

**যে সব হিতসাধনকারী কথাবার্তা এবং দুঃসাহসিক পদক্ষেপ তার থেকে
বর্ণিত রয়েছে.....**

ইমাম আবু দাউদ (র) বলেন, মুহাম্মদ ইব্নুল আ'লা আবু বাকরের মাধ্যমে আসিম হতে বর্ণন করেন। তিনি বলেন, একদিন আমি হাজ্জাজকে মিস্বরের উপর বলতে শুনেছি। সে বলে, যতদূর সন্তুষ্ট আল্লাহকে ভয় কর। এর মধ্যে কোন দ্বিধাদ্বন্দ্ব নেই। শুন এবং আমীরুল মু'মিনীন আবদুল মালিকের আনুগত্য কর। এর মধ্যে কোন দ্বিধা-দ্বন্দ্ব নেই। আল্লাহর শপথ, যদি আমি লোকজনকে মসজিদের এ দরয়া দিয়ে বের হতে হুকুম করি, আর তারা অন্য দরয়া দিয়ে বের হলো, তাহলে তাদের রক্ষ ও মাল আমার জন্যে হালাল হয়ে গেল। আল্লাহর শপথ! যদি আমি মুঝার গোত্রের বিরুদ্ধে রাবীআ গোত্রকে পাকড়াও করি, তাহলে এটাও আমার জন্যে আল্লাহর তরফ থেকে হালাল হয়ে যাবে। আবদে হ্যায়লের কোন ওয়র আমার কাছে গ্রহণীয় নয়। কেননা, তার কাছে মওজুদ কুরআনটি আল্লাহর তরফ থেকে এসেছে বলে সে মনে করে। আল্লাহর শপথ, এটা আবদের রচিত কবিতাসমূহের অংশ বিশেষ। আল্লাহ তা'আলা তাঁর নবীর উপর এটা অবতীর্ণ করেননি। এ দ্বিপ্রহরের তীব্র গরমের অজুহাত আমার কাছে গ্রহণীয় নয়। এরূপ মতবাদের অনুসারীরা মনে করেন তাদের একজনকে পাথর দ্বারা নিঙ্কেপ করা হবে, তখন সে আমাকে বলবে, যদি পাথর পতিত হয় তাহলে কোন একটি বড় ঘটনা ঘটবে।

আল্লাহর শপথ, আমি তাদেরকে পৃষ্ঠ প্রদর্শনকারী অতীতের ন্যায় বিলুপ্ত করে দেবো। বর্ণনাকারী বলেন, হাজ্জাজের উপরোক্ত মন্তব্য আমি আ'মাশের কাছে উল্লেখ করলাম, তখন তিনি বললেন, আল্লাহর শপথ, আমিও তার থেকে এরপ শুনেছি।

উপরোক্ত বর্ণনাটি আবু বাকর ইবন আবু খায়ছামা আসিম ইবন আবু নজূদ এবং আ'মাশ থেকে বর্ণনা করেন। তারা দুইজনে হাজ্জাজকে এটা বলতে শুনেছেন। এ বর্ণনায় আরো সংযুক্ত আছে যে, হাজ্জাজ বলে, আল্লাহর শপথ, যদি আমি তোমাদেরকে আদেশ করি যে, এ দরয়া দিয়ে বের হও, আর যদি তোমরা অন্য দরয়া দিয়ে বের হও, তাহলে তোমাদের রক্ত আমার জন্যে হালাল হয়ে যাবে। আর যদি আমি কাউকে পাই যে, ইবন আবদের কিরাআত অনুযায়ী কুরআন পাঠ করে, তাহলে আমি তার গর্দান মেরে দেবো। আর এই কিরাআতটিকে শুকরের পাঁজরের হাড় দিয়ে হলেও আমি কুরআন হতে ঘষে মিটিয়ে দিবো।

উপরোক্ত বর্ণনাটি অনুরূপভাবে আবু বাকর ইবন আয়্যাশ থেকে অনেকে বর্ণনা করেছেন। অন্য এক বর্ণনায় আছে, হাজ্জাজ বলে আল্লাহর শপথ, যদি আমি আবদ হ্যায়লকে নাগালে পাই আমি তার গর্দান মেরে দিবো। এটা হাজ্জাজের একটি দুঃসাহস। (আল্লাহ তা'আলা তার অমঙ্গল করুন), মন্দ কথা ও অবৈধ খুন-খারাবীর প্রতি পদক্ষেপ। আমরা সাধারণত ইবন মাসউদ (রা)-এর কিরাআত গ্রহণ থেকে বিরত থাকি। কেননা, এটা হ্যরত উছমান (রা)-এর সর্বসম্মতিকরণে প্রণীত মুসহাফের কিরাআতের অন্তর্ভুক্ত নয়। প্রকাশ থাকে যে, ইবন মাসউদ (রা) উছমান (রা) ও তাঁর সমর্থকদের মতের প্রতি প্রত্যাবর্তন করেছেন। আল্লাহ অধিক পরিজ্ঞাত।

আলী ইবন আবদুল্লাহ ইবন মুবাশ্শির আস-সালত ইবন দীনার থেকে বর্ণনা করেন। তিনি বলেন, আমি হাজ্জাজকে ওয়াসিত নামক এক শহরের মিস্বরে দাঁড়িয়ে বলতে শুনেছি। সে বলেছিল, আবদুল্লাহ ইবন মাসউদ মুনাফিকদের সরদার। যদি আমি তাকে কোন দিন নাগালের মধ্যে পাই, তাহলে আমি তার রক্ত দিয়ে মাটিতে সেচ দিব। বর্ণনাকারী বলেন, তাকে ওয়াসিতের মিস্বরে দাঁড়িয়ে সূরায়ে সোয়াদের ৩৫ নং আয়াত তিলাওয়াত করতে শুনেছি। সে তিলাওয়াত করে : **لَيْلَةُ مُبَارَكَةٍ لَا يَتَبَغِي لِأَحَدٍ مِّنْ بَعْدِي** অর্থাৎ হে আমার প্রতিপালক! আমাকে দান কর এমন এক রার্জ যার অধিকারী আমি ছাড়া আর কেউ না হয়। হাজ্জাজ বলে, আল্লাহর শপথ, সুলায়মান পয়গম্বর ছিলেন একজন বড় হিংসুটে। এটা একটি বড় দুঃসাহসিক মন্তব্য যা তাকে কুফরীর দিকে ধাবিত করে। আল্লাহ তার অমঙ্গল করুন। তাকে অপমানিত করুন। আল্লাহ তাকে রহমত থেকে দূরে রাখুন।

আবু নুআয়ম বলেন, আল-আ'মাশ আমাদের কাছে ইবরাহীমের মাধ্যমে আলকামা হতে হাদীস বর্ণনা করেন। তিনি বলেন, একদিন একজন লোক হ্যরত উমর ইবনুল খাতাব (রা)-এর কাছে আগমন করে এবং বলে, আমি আপনার কাছে এমন এক ব্যক্তির নিকট হতে এসেছি, যে কুরআন মুখস্থ (মুসহাফ বহির্ভূত) পাঠ করে। হ্যরত উমর (রা) ভীত হয়ে পড়েন ও রাগার্বিত হন এবং বলেন, তোমার দুর্ভাগ্য। লক্ষ্য কর, তুমি কি বলছ? লোকটি বলল, আমি আপনার কাছে সত্য কথা বলছি। হ্যরত উমর (রা) বললেন, সে লোকটি কে? লোকটি বলল, তিনি হলেন আবদুল্লাহ ইবন মাসউদ (রা)। হ্যরত উমর (রা) বলেন, এ ব্যাপারে তার চেয়ে অধিক হকদার আমি আর কাউকে মনে করি না। এ ব্যাপারে আমি তোমাকে এখনি একটি হাদীস শুনাব। একদিন আমরা হ্যরত আবু বকর (রা)-এর ঘরে রাসূলুল্লাহ (সা)-এর কোন প্রয়োজনীয় কাজে অধিক রাত জাগরণ করলাম। তারপর আমরা রাসূলুল্লাহ (সা)-এর

সাথে বের হলাম। রাসূলুল্লাহ (সা) আবু বকর (রা) ও আমার মধ্যখানে হাঁটছিলেন, যখন আমরা মসজিদে পৌছলাম, তখন দেখলাম, একজন লোক কুরআন পাঠ করছে। রাসূলুল্লাহ (সা) তার তিলাওয়াত শুনার জন্য দাঁড়িয়ে গেলেন। তখন আমি বললাম, হে আল্লাহর রাসূল (সা)! আমি অধিক রাত করে ফেলছি। রাসূলুল্লাহ (সা) আমাকে হাত দিয়ে ইশারা করলেন অর্থাৎ চুপ থাক। বর্ণনাকারী বলেন, ঐ ব্যক্তিটি কিরাআত পাঠ করল, রুক্ত করল, সিজদাহ করল, বসল, দুর্আন্ত করল ও ইসতিগ্ফার করল। রাসূলুল্লাহ (সা) বলেন, তাকে তার অবস্থায় ছেড়ে দাও। তারপর রাসূলুল্লাহ (সা) বলেন, যে কুরআনকে সতেজ পড়তে চায় যেকোন অবতীর্ণ হয়েছে সে যেন ইব্ন উষ্মে আবদ-এর কিরাআত পাঠ করে। তখন আমার সাথী ও আমি জানতে পারলাম যে, তিনি হলেন আবদুল্লাহ ইব্ন মাসউদ (রা)। এর পরদিন সকালে আমি সুসংবাদ দেবার জন্যে তার কাছে গেলাম। তিনি বললেন, তোমার পূর্বেই আবু বকর (রা) আমার কাছে এ সংবাদ নিয়ে এসেছিলেন। তখন হ্যরত উমর (রা) বলেন, যখনি আমরা কোন প্রতিযোগিতা করেছি, তিনি আমাকে প্রতিযোগিতায় হারিয়ে দেন। এ হাদীসটি বিভিন্ন সনদে বর্ণিত রয়েছে। হাবীব ইব্ন হাস্সান, যায়দ ইব্ন ওয়াহবের মাধ্যমে উমর (রা) হতে অনুরূপ বর্ণনা করেছেন। শ'বা যুহায়, খাদীজ, আবু ইসহাক ও আবু উবায়দের মাধ্যমে আবদুল্লাহ হতেও হাদীসটি বর্ণনা করেন। আসিম আবদুল্লাহ হতে বর্ণনা করেন। আছ-ছাওয়ী ও যায়দাহ আল -আ'মাশ হতে অনুরূপ বর্ণনা করেন।

আবু দাউদ (র) বলেন, উমর ইব্ন সাবিত, আবু ইসহাকের মাধ্যমে হমায়র ইব্ন মালিক হতে হাদীস বর্ণনা করেন। তিনি বলেন, আমি আবদুল্লাহ ইব্ন মাসউদ (রা)-কে বলতে শুনেছি। তিনি বলেন, আমি রাসূলুল্লাহ (সা)-এর পবিত্র মুখ থেকে সন্তুষ্টি সূরা সংগ্রহ করেছি; আর তখন যায়দ ইব্ন ছাবিত ছিলেন ছোট ছোট ছেলেমেয়েদের সঙ্গী ও সাথী। কাজেই, আমি যা কিছু রাসূলুল্লাহ (সা)-এর পবিত্র মুখ থেকে সংগ্রহ করেছি তা পরিত্যাগ করব না। আছ-ছাওয়ী ও ইসরাফীল আবু ইসহাক থেকেও এ হাদীসটি বর্ণনা করেন। অন্য এক বর্ণনায় আছে তাবারানী উল্লেখ করেছেন, আবদুল্লাহ ইব্ন মাসউদ (রা) বলেন, রাসূলুল্লাহ (সা)-এর পবিত্র মুখ থেকে আমি সন্তুষ্টি সূরা শিখেছি। যায়দ ইব্ন ছাবিত মুসলমান হবার পূর্বে আমি এগুলোকে ময়বৃত্ত করে শিখেছি। তার মাথায় ছিল চুলের বেশী। সে ছেলেমেয়েদের সাথে খেলা করত। আবু দাউদ (রা) আবদুল্লাহ ইব্ন মাসউদ (রা) হতেও এ হাদীস বর্ণনা করেন এবং তিনি উকবা ইব্ন আবু মুআয়তের বকরী চরাবার কাহিনীও উল্লেখ করেন। তিনি আরো বলেন, রাসূলুল্লাহ (সা) আমাকে বলছিলেন, তুমি শিক্ষিত যুবক। তিনি আরো বলেন, রাসূলুল্লাহ (সা)-এর পবিত্র মুখ থেকে আমি সন্তুষ্টি সূরা সংগ্রহ করেছি। যার একটি সম্পর্কেও কেউ আমার সাথে মতবিরোধ করেনি।

উপরোক্ত হাদীসকে আবু আয়ুব আল-আফরিকী ও আবু আওয়ানা আসিমের মাধ্যমে যুরুর হতে ও তিনি আবদুল্লাহ ইব্ন মাসউদ (রা) হতে অনুরূপ বর্ণনা করেন। রাসূলুল্লাহ (সা) তাঁকে বলেন, আমি তোমাকে বিনা পর্দায় চলাচল ও তোমাকে নিষেধ না করা পর্যন্ত আমার গোপনীয় কথাবার্তা শুনবার অনুমতি দিলাম। আর এ হাদীস তাঁর থেকে বিভিন্ন সনদে বর্ণিত হয়েছে।

আত-তাবারানী আবদুল্লাহ ইব্ন শান্দাদ ইব্ন আল হাদ হতে বর্ণনা করেন। তিনি বলেন, আবদুল্লাহ ইব্ন মাসউদ (রা) ছিলেন রাসূলুল্লাহ (সা)-এর বালিশ, মিসওয়াক, জুতা ও গোপন তথ্যের বহনকারী। অন্য এক ব্যক্তি আলকামা হতে বর্ণনা করেন। তিনি বলেন, আমি সিরিয়ায়

গমন করেছিলাম, তখন আমি আবুদ-দারদা' (রা)-এর কাছে বসলাম। তিনি আমাকে বললেন, তুমি কোথা হতে এসেছ? আমি বললাম, আমি কৃফাবাসীদের নিকট হতে এসেছি। তিনি বললেন, তোমাদের মধ্যে কি বালিশ ও মিসওয়াক বহনকারী রয়েছেন?

আল-হারিছ ইব্ন আবু উসামা বলেন, আমাদেরকে আবু ওয়ায়িল হাদীস বর্ণনা করেন। তিনি বলেন, আমি হ্যায়ফা (র) হতে শুনেছি। তিনি বলেন, সেখানে আবদুল্লাহ ইব্ন মাসউদ (রা) দণ্ডযামান ছিলেন। রাসূলুল্লাহ (সা)-এর সংরক্ষণকারী সাহাবীগণ জেনে নিয়েছেন যে, কিয়ামতের দিন ওয়াসীলা হিসেবে তাদের মধ্যে সবচেয়ে বেশী নেকট্য অর্জনকারী কে। এ হাদীস হ্যায়ফা (রা) হতে বিভিন্ন সনদে বর্ণিত রয়েছে। যেমন শু'বাহ আবু ওয়ায়িলের মাধ্যমে হ্যাইফা (রা) হতে বর্ণনা করেন। আবু ওয়ায়িল হতে জামি' ইব্ন আবু রাশিদ, উবায়দাহ, আবু সিনান আশ-শায়বানী, হাকীম ইব্ন জুবায়র ও অন্যান্যগণ বর্ণনা করেছেন। আবদুর রহমান ইব্ন ইয়ায়ীদ হ্যায়ফা (র) থেকেও এ হাদীসটি বর্ণনা করেন।

আবু দাউদ আত-তায়ালিসী বলেন, আবু ইসহাক হতে শু'বাহ আমাদেরকে হাদীস বর্ণনা করেন। তিনি বলেন, আমি আবদুর রহমান ইব্ন ইয়ায়ীদকে বলতে শুনেছি। তিনি বলেন, আমরা হ্যায়ফা (র)-কে বললাম, আমাদেরকে এমন একটি লোক সম্পর্কে সংবাদ দিন যার সীরাত ও পথ রাসূলুল্লাহ (সা)-এর সীরাত ও প্রদর্শিত পথের সাথে অধিক সামঞ্জস্যপূর্ণ। তা হলে তাকে আমরা অনুসরণ করব। হ্যায়ফা (র) বললেন, আমি আর কাউকে রাসূলুল্লাহ (সা)-এর সীরাত ও প্রদর্শিত পথের সাথে ইব্ন উষ্মে আবদ হতে অধিকতর সামঞ্জস্যপূর্ণ জানি না। যাকে রাসূলুল্লাহ (সা)-এর ঘরের দেওয়াল চেকে রাখবে। রাসূলুল্লাহ (সা)-এর সাহাবীগণের মধ্যে সংরক্ষণকারিগণ জেনে নিয়েছেন যে, ইব্ন উষ্মে আবদ অর্থাৎ আবদুল্লাহ ইব্ন মাসউদ (রা) আল্লাহর কাছে ওয়াসীলা হিসেবে তাদের চেয়ে অধিক নেকট্য লাভ করেছে।

আল্লামা ইব্ন কাছীর (র) বলেন, তিনি হ্যায়ফা ইব্ন আল-ইয়ামান (রা), যিনি রাসূলুল্লাহ (সা)-এর গোপন তথ্যের অধিকারী। আর আবদুল্লাহ ইব্ন মাসউদ (রা) সম্পর্কে এটাই রাসূলুল্লাহ (সা)-এর বাণী। কিন্তু হাজ্জাজ তাকে যিথ্যা প্রতিপন্থ করল, ফখর করল, তার স্বরক্ষে নানারূপ কথা রচনা করল, যা অগ্নি ও পাথর গিলে ফেলার সমতুল্য। সে তার প্রতি নিফাকের দুর্নীম ছড়িয়ে দিল এবং তার বর্ণিত কিরআতকে হ্যায়লের রচিত কবিতা বলে আখ্যায়িত করল। সে বলল, আবদুল্লাহ ইব্ন মাসউদের কিরআত কুরআন হতে শূকরের পাঁজরের হাড় দিয়ে হলেও মুছে দিতে হবে। সে আরো বলল, যদি সে তাকে নাগালের ভিতরে পায়, তাহলে সে তাকে হত্যা করবে। বস্তুত সে অত্যন্ত খারাপ নিয়তের বশবর্তী হয়ে উপরোক্ত সব শুনাহ্বই অর্জন করল।

আফফান বলেন, আমাদেরকে হামাদ (রা) আবদুল্লাহ ইব্ন মাসউদ (রা) হতে হাদীস বর্ণনা করেন। তিনি বলেন, একদিন আমি রাসূলুল্লাহ (সা)-এর জন্য আরাক গাছের মিসওয়াক সংগ্রহ করেছিলাম। তখন বাতাস তার কাপড় অগোছালো করছিল এবং তার সরু পায়ের নলী দেখা যাচ্ছিল। তাতে উপস্থিত লোকেরা হাসি দিল। রাসূলুল্লাহ (সা) বলেন, তোমরা হাসছ কেন? তারা তখন বলল, আবদুল্লাহ ইব্ন মাসউদের সরু নলীর জন্যে। রাসূলুল্লাহ (সা) বলেন, যার হাতে আমার প্রাণ তার শপথ করে বলছি, এ সরু নলীগুলো কিয়ামতের দিন পাল্লায় উচ্ছব পাহাড়ের চেয়েও বেশী ভারী বলে গণ্য হবে। উপরোক্ত হাদীস জারীর এবং আলী ইব্ন আসিম মুগীরা হতে বর্ণনা করেন। তিনি উষ্মে মূসার মাধ্যমে আলী ইব্ন আবু তালিব

(রা) হতে বর্ণনা করেন। সালামাহ ইব্ন নাহশাল আবু যা'রা-এর মাধ্যমে আবদুল্লাহ ইব্ন মাসউদ (রা) হতে বর্ণনা করেন। তিনি বলেন, রাসূলুল্লাহ (সা) ইরশাদ করেন : তোমরা আবদুল্লাহ ইব্ন উষ্মে মাসউদের অঙ্গীকারকে দৃঢ়ভাবে ধর। এ হাদীস ইমাম তিরমিয়ী ও তাবারানী উল্লেখ করেছেন।

ইমাম আহমদ (র) বলেন, আমাদেরকে মুহাম্মদ ইব্ন জাফর শু'বার মাধ্যমে আবু ইসহাক থেকে হাদীস বর্ণনা করেন। তিনি বলেন, আমি আবুল আহওয়ায়কে বলতে শুনেছি। তিনি বলেন, যখন আবদুল্লাহ ইব্ন মাসউদ (রা) ইন্তিকাল করেন। তখন আমি আবু মুসা ও আবু মাসউদের কাছে উপস্থিত ছিলাম। তাদের একজন অপর একজনকে বলছিলেন, তুমি মনে কর আবদুল্লাহ ইব্ন মাসউদ (রা) তাঁর ইন্তিকালের পর তার মত কাউকে এ পৃথিবীতে রেখে পেছেন ? জবাবে তিনি বলেন, তার সম্বন্ধে যদি কিছু বলি, তাহলে বলতে হয়, যখন আমাদেরকে পর্দার মাধ্যমে প্রতিরোধ করা হতো, তখন তাকে রাসূলুল্লাহ (সা)-এর দরবারে প্রবেশের অনুমতি দেওয়া হতো। আর যখন আমরা অনুপস্থিত থাকতাম, তখন সে থাকত হায়ির। আল আ'মাশ বলেন, তিনিই হলেন আবদুল্লাহ ইব্ন মাসউদ (রা)।

আবু মুআবিয়া বলেন, আল-আ'মাশ আমাদেরকে যায়দ ইব্ন ওয়াহ্ব থেকে হাদীস বর্ণনা করেন। তিনি বলেন, একদিন আবদুল্লাহ ইব্ন মাসউদ (রা) আগমন করলেন এবং উমর (রা) উপবিষ্ট ছিলেন। তখন তিনি বললেন, ফিকাহ শাস্ত্র কতদুর পর্যন্ত পরিপূর্ণ হয়েছে ? উমর ইব্ন হাফস বলেন, আসিম ইব্ন আলী আমাদেরকে আবু আতিয়াহ হতে হাদীস বর্ণনা করেন। তিনি বলেন, একদিন আবু মুসা আল-আশআরী বলেন, যতদিন পর্যন্ত হ্যরত মুহাম্মদ (সা) এবং সাহাবীগণের মধ্য হতে এ বিশিষ্ট আলিম অর্থাৎ আবদুল্লাহ ইব্ন মাসউদ (রা) আমাদের মধ্যে জীবিত থাকবে, আমাদেরকে কোন বিষয় সম্বন্ধে তোমরা জিজেস করো না।

জারীর আল-আ'মাশ হতে বর্ণনা করেন। তিনি আমর ইব্ন উরওয়াহ-এর মাধ্যমে আবুল বুখতারী হতে বর্ণনা করেন। তিনি বলেন, সাহাবায়ে কিরাম হ্যরত আলী (রা)-কে বললেন, হ্যরত মুহাম্মদ (সা)-এর সাহাবীগণের পক্ষ থেকে আমাদের কাছে বর্ণনা করুন। তিনি বললেন, কাদের থেকে ? তারা বললেন, আবদুল্লাহ ইব্ন মাসউদ থেকে হাদীস বর্ণনা করুন। তখন হ্যরত আলী (রা) বললেন, আবদুল্লাহ ইব্ন মাসউদ পবিত্র কুরআন ও হাদীসের জ্ঞান অর্জন করেছেন। তারপর তিনি শেষ প্রাণে পৌছেছেন। তিনি এ ব্যাপারে যথেষ্ট জ্ঞান লাভ করেছেন। আলী (রা) হতে অন্য বর্ণনায় আছে, তিনি বলেন, আবদুল্লাহ ইব্ন মাসউদ পবিত্র কুরআন শিখেছেন, তারপর তিনি পবিত্র কুরআনের হিফায়ত করেন এবং তার হিফায়ত যথেষ্ট বলে প্রমাণিত হয়েছে। সাহাবায়ে কিরামের মধ্য হতে যারা তার সম্বন্ধে জানত এবং তার জ্ঞান বুদ্ধি সম্বন্ধে পরিচিত ছিল, তারা আমাদেরকে পথ প্রদর্শন করেছেন। তারা স্বার্থবাদী ও সত্য থেকে বিচ্ছুত সদস্যদের থেকে অধিক সত্যবাদী ছিলেন এবং অনুসরণের ব্যাপারে অধিক উপযুক্ত ছিলেন। হাজ্জাজ ও অন্যান্য স্বার্থবাদীদের কথাবার্তা ও বাণিসমূহ ছিল অর্থহীন, বানোয়াট ও মিথ্যা প্রলাপের অঙ্গুরুক্ত। এগুলোর কিছু কিছু ছিল কুফরী ও ধর্মদ্রোহিত। হাজ্জাজ ছিল হ্যরত উচ্চমান (রা)-এর বংশধর ও বনূ উমায়্যার অঙ্গুরুক্ত। তাই সে তাদের দিকে বেশী ঝুঁকে পড়েছিল এবং তাদের বিরোধিতাকে কুফরী মনে করত। আর বিরোধীদের রক্তকে হালাল মনে করত। এ ব্যাপারে কারো কোন তিরক্ষার তার কাছে গ্রহণযোগ্য ছিল না।

ভয়াবহ বিষয়াদির মধ্যে একটি হলো, যা আবু দাউদ (র) বর্ণনা করেছেন। তিনি বলেন, ইসহাক ইব্ন ইসমাঈল আত-তালিকানী বুয়ায়' ইব্ন খালিদ আয়-যাবী হতে বর্ণনা করেন। তিনি বলেন, একদিন আমি হাজ্জাজকে খুতবা দিতে শুনেছি, সে তার খুতবাতে বলে,

তোমাদের মধ্যে কারোর কাছে তার প্রয়োজনে রাসূলুল্লাহ (সা) বেশী সম্মানিত, না তার খলীফা বেশী সম্মানিত ? তখন আমি মনে মনে বললাম, আল্লাহর শপথ, আমি তোমার পিছনে আর কথনও সালাত আদায় করব না । আর যদি কোন সম্প্রদায়কে তোমার বিরুদ্ধে যুদ্ধ করতে দেখতে পাই, তাহলে আমি তাদের সাথে যোগ দিয়ে তোমার বিরুদ্ধে যুদ্ধ করব । ইসহাক বলেন, তিনি পরে আল-জামাজিম যুদ্ধে অংশগ্রহণ করেন এবং শাহাদতবরণ করেন ।

উপরোক্ত হাদীস যদি শুন্দ হয়, তাহলে রিসালাতের উপর খিলাফতের মর্যাদাকে শ্রেষ্ঠত্ব প্রদান করে সে সরাসরি কুফরী করেছে । অথবা বনূ উমায়্যার খলীফাকে রাসূলুল্লাহ (সা) হতে শ্রেষ্ঠ মনে করেও সে কুফরী করেছে ।

আল-আসমাঈ বলেন, আবু আসিম আন-নাবীল আমাদেরকে আবু হাফস আছ-ছাকাফী থেকে হাদীস বর্ণনা করেন । তিনি বলেন, একদিন হাজ্জাজ খুতবা দিল । তারপর সে তার ডানদিকে ফিরল এবং বলল, সাবধান ! নিশ্চয়ই হাজ্জাজ কাফির । তারপর চুপ রইল । আবার বলল, “নিশ্চয়ই হাজ্জাজ কাফির । আবার চুপ রইল ও বামদিকে ফিরল এবং বলল, সাবধান । নিশ্চয়ই হাজ্জাজ কাফির । এরপ সে কয়েকবার করল । তারপর সে বলল, হে ইরাকের বাসিন্দারা ! সে লাত ও উত্ত্যা সম্পর্কে কাফির ।

হাস্তল ইবন ইসহাক বলেন : হারুন ইবন মা'রফ আমাদেরকে মালিক ইবন দীনার হতে হাদীস বর্ণনা করেন । তিনি বলেন, একদিন হাজ্জাজ খুতবা দিল এবং বলতে লাগল, “হাজ্জাজ কাফির ।” আমরা তখন বললাম, কী হলো ? এটার দ্বারা সে কী বুঝাতে চায় ? বর্ণনাকারী বলেনঃ “হাজ্জাজ বুধাবার সম্পর্কে এবং বলবান খচের সম্পর্কে কাফির ।”

(প্রচলিত কুসংস্কার সম্পর্কে) আল-আসমাঈ বলেন : আবদুল মালিক একদিন হাজ্জাজকে বললেন : দুনিয়ায় এমন কোন ব্যক্তি নেই যে নিজের দোষ-ক্রটি চিনে না । তাই তোমার নিজের কি দোষ আছে ? হাজ্জাজ বলল, “আমাকে এ কথা প্রকাশ করা থেকে ক্ষমা করুন, হে আমীরুল মু'মিনীন !” খলীফা অঙ্গীকার করেন । তখন হাজ্জাজ বলল, “আমি বিবাদ সৃষ্টিকারী, বিদ্যে পোষণকারী এবং হিংসুক ।” আবদুল মালিক বললেন, শয়তানের মধ্যেও এরপ মারাত্মক ক্রটি নেই যা তোমার মধ্যে আছে বলে তুমি উল্লেখ করেছ । অন্য এক বর্ণনায় আছে, তিনি বলেন, “তাহলে তোমার আর শয়তানের মধ্যে পৈতৃক দিক থেকে আংশীয়তা রয়েছে ।”

মোটের উপর ইরাকবাসীদের অতীত শুনাহ, ইমামগণের বিরুদ্ধে তাদের আন্দোলন, তাদের দ্বারা তাদের ইমামগণের পর্যন্তস্তা, তাদের বিরোধিতা, তাদের অবাধ্যতা এবং তাদের বিরুদ্ধে আঘাত হানা ইত্যাদি পাপাচারের শাস্তি স্বরূপ তাদের মধ্যে হাজ্জাজের আবির্ভাব ঘটে ।

ইয়া'কুব ইবন সুফিয়ান বলেন : “আমাদেরকে আবু সালিহ আবদুল্লাহ ইবন সালিহ মুআবিয়া ইবন সালিহ-এর মাধ্যমে শুরায়হ ইবন উবায়দ হতে বর্ণনা করেন । তিনি বলেন, একদিন এক ব্যক্তি হ্যরত উমর ইবন খাস্তা (রা)-এর কাছে আগমন করেন এবং তাকে সংবাদ দেন যে, ইরাকের বাসিন্দারা তাদের আমীরের প্রতি পাথর নিক্ষেপ করেছে । হ্যরত উমর (রা) রাগার্বিত হয়ে বের হলেন এবং আমাদেরকে সালাত পড়ান । তিনি সালাতে ভুল করেন । লোকজন বলতে লাগলেন, সুবহানাল্লাহ ! সুবহানাল্লাহ ! যখন তিনি সালাম ফিরালেন জনগণের প্রতি তিনি মুখ ফিরালেন এবং বললেন : এখান থেকে— সিরিয়াবাসীদের থেকে তাই না ? এক ব্যক্তি দাঁড়ালেন, তারপর অন্য একজন দাঁড়ালেন, এরপর আমি দাঁড়ালাম । আমি তিনি নথরে কিংবা চার নথরে দাঁড়ালাম । হ্যরত উমর (রা) বললেন, হে সিরিয়াবাসীরা ! ইরাকবাসীদেরকে শাস্তি দেওয়ার জন্য তোমরা তৈরী হয়ে যাও । কেননা, শয়তান তাদের মধ্যে

ডিম পেড়েছে এবং বাচ্চা দিয়েছে। হে আল্লাহ! তারা তাদের মধ্যে বিশ্রংখলা সৃষ্টি করেছে। তুমিও তাদের মধ্যে বিশ্রংখলা সৃষ্টি করো এবং তাদের মধ্যে ছাকাফী যুবকের সত্ত্বে আবির্ভাব ঘটাও। যে তাদের মধ্যে জাহিলিয়াতের ধারা অনুযায়ী বিচারকার্য পরিচালনা করবে। সে তাদের মধ্যে ভাল লোকদেরকে গ্রহণ ও কৃতৃপক্ষ করবে না। আর তাদের অন্যায় অপরাধও ক্ষমার চোখে দেখবে না। এ হাদীস উমর ইবনুল খাতুব (রা)-এর মুসনাদ কিতাবে আবু আযুবা আল-ইহ্মসী-এর সনদে উমর (রা) হতে অনুকূল বর্ণনা করা হয়েছে।

আবদুর রায়ষাক বলেন : আমাদেরকে জা'ফর ইবন সুলায়মান, মালিক ইবন দীনারের মাধ্যমে হ্যরত ইমাম হাসান (র) হতে হাদীস বর্ণনা করেন। হ্যরত হাসান (রা) বলেন, আলী ইবন আবু তালিব (রা) বলেছেন : হে আল্লাহ! আমি তাদেরকে যেমন করে বিশ্বাস করেছিলাম, তারা আমার সাথে বিশ্বাসঘাতকতা করেছিল, আর আমি তাদেরকে নসীহত করেছিলাম তারা আমার সাথে প্রতারণা করেছিল। অদ্যপ তুমি তাদের উপর নীচ, হিংসুটে, প্রতারক ছাকাফী যুবককে ক্ষমতা দান করো। যে অন্যায়ভাবে তাদের শাক-সবজি খাবে, যে তাদের ত্রীলোকদের চাদর পরবে এবং তাদের মধ্যে জাহিলিয়াতের রীতি-নীতি অনুযায়ী বিচার-আচার পরিচালনা করবে। বর্ণনাকারী বলেন, হাসান যখন বলছেন, সে সময় কিন্তু হাজ্জাজের আবির্ভাব ঘটেন। উক্ত হাদীসটি মু'তামির ইবন সুলায়মানও আলী (রা) হতে বর্ণনা করেন। তিনি বলেন, নীচমনা যুবকটি বারবার অন্যায় সংঘটনকারীদের আমীর, ত্রীলোকদের চাদর পরিধান করবে, তাদের শাক-সবজি খাবে, তাদের সম্মানিত লোকদেরকে হত্যা করবে ও তার থেকে ভয়ঙ্গিতি প্রকট আকার ধারণ করবে। জনগণের নির্দ্রাহীনতা বৃদ্ধি পাবে এবং মহান আল্লাহ তাকে তার গোষ্ঠীর উপর জয়যুক্ত করবে।

আল-হাফিয় বায়হাকী 'দালায়হিলুন নবুওয়াত' নামক কিতাবে বলেন, আমাদেরকে আবু আবদুল্লাহ আল হাফিয়হাবীব ইবন আবু ছাবিত হতে হাদীস বর্ণনা করেন। তিনি বলেন, আলী (রা) এক ব্যক্তিকে বলেন, তুমি মরবে না যতক্ষণ না তুমি একজন ছাকাফী যুবকের আবির্ভাব দেখতে পাবে। লোকটি বলল, ছাকাফী যুবকটি কি করবে? হ্যরত আলী (রা) বলেন, তাকে কিয়ামতের দিন বলা হবে জাহান্নামের খালকাগুলো থেকে তোমার ন্যায় একটি খানকা আমাদের জন্য যথেষ্ট। এ লোকটি দুনিয়ায় বিশ বছর কিংবা তারও অধিককাল শাসন করবে। এমন কোন গুনাহ নেই যেটা সে করবে না। এমনকি শেষ পর্যন্ত একটি গুনাহ বাকী থাকবে। তার মধ্যে ও তার গুনাহের মধ্যে একটি বৰ্ক দরযা থাকবে সেটা ভাঙ্গার পরই সে সেই গুনাহটির শিকার হবে। সে তার অনুগত লোকদের দ্বারা বিদ্রোহী লোকদেরকে হত্যা করাবে।

আত তাবারানী বলেন, আল-কাসিম ইবন যাকারিয়া.... উষ্মে হাকিম বিনত উমর ইবন সিনান আজ-জাদালিয়া হতে বর্ণনা করেন। তিনি বলেন, একদিন আল-আশআছ ইবন কায়স আলী (রা)-এর কাছে প্রবেশ করার অনুমতি চান। তখন কুস্বার তাকে প্রতিরোধ করে। আল-আশআছ তার নাকে আঘাত করে তাকে রক্ষাকৃত করে ফেলে। তখন হ্যরত আলী (রা) বের হয়ে আসেন এবং বলেন, হে আল-আশআছ! তোমার ও তার মধ্যে কি ঘটনা ঘটেছে? খবরদার! আল্লাহর শপথ, যদি ছাকাফী যুবকের সাথে তোমার সংঘর্ষ বাধত, তাহলে তোমার নিম্নাংশের ছোট ছোট চুলগুলো কেঁপে উঠত। তাকে বলা হলো, হে আমীরুল্ল মু'মিনীন! ছাকাফী যুবক কে? তিনি বললেন 'এমন যুবক তাদের শাসক হবে, যার ফলে আরবের কোন একটি পরিবার বাকী থাকবে না যার সদস্যদেরকে সে অপদস্থ করবে না। তাকে বলা হলো, কত বছর সে শাসন করবে। তিনি বললেন, বিশ বছর।'

আল-বায়হাকী (র) বলেন, আল-হাকিম ইব্ন ইয়াহইয়া আল-গানী হতে বর্ণনা করেন। তিনি বলেন, উমর ইব্ন আবদুল আয়ায় বলেন, 'যদি দুনিয়ার সকলে নিজেদের কদর্যতা প্রকাশ করতে চায়, প্রত্যেকে নিজ নিজ কদর্যতা প্রদর্শন করতে আসে আমরাও হাজারকে নিয়ে যদি প্রতিযোগিতায় অবতরণ করি, তাহলে আমরাই জয়লাভ করব। আবু বাকর ইব্ন আয়্যাশ আসিম ইব্ন আবুন নাজুদ থেকে বর্ণনা করেন। তিনি বলেন, আল্লাহর কোন নিষিদ্ধ কাজ বাকী নেই যার শিকার হাজার হয়নি।

পূর্বেও এ হাদীস বর্ণনা করা হয়েছে যে, বনু ছাকীফে একজন মিথ্যাক ও অন্য একজন হত্যায়জ্ঞ পরিচালনাকারীর আবির্ভাব ঘটবে। এ হাদীসে উল্লিখিত মিথ্যাবাদী ছিল আল-মুখতার। প্রথমত সে নিজেকে রাফিয়ী বলে প্রকাশ করে। কিন্তু গোপনে সে ছিল কাফির। আর হত্যায়জ্ঞ পরিচালনাকারী হলো আল-হাজার ইব্ন ইউসুফ, সে নাসিবী, আলী (রা) ও তার সঙ্গীদের বিরুদ্ধে হিংসা-বিদ্রে পোষণ করত এবং বনু উমায়্যার মারওয়ান বংশধরদের ভালবাসত। আর সে ছিল আধিপত্য বিস্তারকারী ও অন্যায় পথে বিচরণকারী। সামান্য সন্দেহের বশবর্তী হয়ে রক্তপাত ঘটানোর জন্যে সে ছিল অগ্রগামী। তার থেকে কদর্যপূর্ণ ও মন্দ বাক্যালাপ বর্ণিত রয়েছে, যেগুলো কুফুরী প্রকাশ করে। তার কিছু বর্ণনা পূর্বেও দেওয়া হয়েছে। যদি সেগুলো হতে সে তাওবা করে থাকে ও এগুলো থেকে বিরত থাকে, তাহলে অত্যন্ত ভাল কথা। অন্যথায় সে তার জঘন্য কুর্কর্মে বহাল বলেই চিহ্নিত থাকবে। কিন্তু, অনেক সময় আশংকা থাকে যে, তার থেকে যেসব কথাবার্তা বর্ণিত হয়েছে এগুলোকে অতিরিক্ত করা হয়েছে। কেননা, 'শীআ'রা বিভিন্ন কারণে তার প্রতি অত্যন্ত হিংসা-বিদ্রে পোষণ করত। এমনকি অনেক সময় তারা তার কোন কোন কথাকে বিকৃত করে পরিবেশন করত। আর তার থেকে যেসব কথাবার্তা বর্ণনা করা হতো, তার সাথে বিভিন্ন জঘন্য ও কুরুচিসম্পন্ন বাক্যাদি সংযোজন করত। আমরা তার থেকে বর্ণনা পেয়েছি যে, সে মাদুরদ্বয় পরিহার করে চলত ও অধিক সময় পর্যন্ত পবিত্র কুরআন তিলাওয়াত করত এবং হারাম কাজ থেকে বিরত থাকত। নারীহটিত কোন কেলেক্ষনের ঘটনা তার সাথে প্রসিদ্ধি লাভ করেনি যদিও সে রক্তপাতের ব্যাপারে ছিল অত্যন্ত অগ্রগামী। আল্লাহ তা'আলা সঠিক তথ্য সম্পর্কে অধিক পরিজ্ঞাত।

আল্লামা ইব্ন কাহীর (র) বলেন, হাজারের যেসব কাজ বিশুদ্ধরূপে আমাদের কাছে পৌছেছে তার রক্তপাত ঘটানোর কাজটি সর্বপ্রধান। আর মহান আল্লাহর কাছে তার শাস্তি পাওয়ার জন্য এটাই যথেষ্ট। তবে সে জিহাদ পরিচালনা ও বিভিন্ন শহর জয় করার প্রতি ছিল অত্যন্ত আগ্রহী। পবিত্র কুরআন চর্চাকারীদেরকে বিপুল সম্পদ প্রদানের ব্যাপারে তার বদান্যতা প্রকাশ পেত। সে কুরআন চর্চায় খুব বেশী খরচ করত। যখন সে মারা যায়, তখন সে মাত্র ৩০০ দিরহাম রেখে যায়। মহান আল্লাহ অধিক পরিজ্ঞাত।

আল-মুআফী ইব্ন যাকারিয়া আল জারীরী ওরফে ইব্ন তার্রার আল-বাগদাদী বলেন, আমাদেরকে মুহাম্মদ ইব্ন আল-কাসিম আল-আশ্বারী আওয়ানা ইব্নুল হাকাম আল-কালবী থেকে হাদীস বর্ণনা করেন। তিনি বলেন, একদিন আনাস ইব্ন মালিক (রা) হাজারের কাছে প্রবেশ করেন। যখন তিনি তার সামনে ঢাঁড়ালেন, হাজার তখন তাকে বলল, ছিঃ ছিঃ হে আনাস! একদিন তুমি থাক আলী (রা)-এর সাথে আরেকদিন তুমি থাকো আবদুল্লাহ ইব্ন যুবায়রের সাথে। আবার অন্য একদিন থাক ইব্নুল আশআছের সাথে। আল্লাহর শপথ, আমি তোমার চামড়া উঠায়ে নিব যেমন করে বকরীর চামড়া উঠায়ে নেওয়া হয়। আর গাছের আঠা যে রকম গুটিয়ে নেওয়া হয়, তোমাকে আমি এমনভাবে গুটিয়ে নিব। হ্যরত আনাস (রা)

বললেন, আমাকে ? আল্লাহ্ আমীরের প্রতি মঙ্গল করুন। হাজ্জাজ বলল, হ্যাঁ, হ্যাঁ তোমাকে, আল্লাহ্ যেন তোমার শ্রবণশক্তি অকেজো করে দেয়। আনাস (রা) বলেন, ইন্না লিল্লাহি ওয়া ইন্না ইলায়হি রাজিউন’ অর্থাৎ আমরা আল্লাহ্ জন্য এবং আমাদেরকে আল্লাহ্ দিকেই ফিরে যেতে হবে। আল্লাহ্’র শপথ, যদি আমার ঘরে ছোট ছেলেমেয়ে না থাকত, তাহলে যে ধরনের হত্যা তুমি আমাকে করতে অথবা যে ধরনের মৃত্যু আমি বরণ করতাম, তাতে আমি কোন প্রকার দ্বিধাদন্তের আশ্রয় নিতাম না। তারপর তিনি হাজ্জাজের কাছ থেকে বের হয়ে গেলেন এবং তাকে হাজ্জাজ যেসব কথাবার্তা বলেছে তার বিবরণ দিয়ে তিনি আবদুল মালিক ইব্ন মারওয়ানের কাছে একটি পত্র লিখেন। আবদুল মালিক যখন হ্যরত আনাস (রা)-এর পত্র পাঠ করলেন তিনি রাগে টগবগ করতে লাগলেন, লাল মৃত্তি ধারণ করলেন, হাজ্জাজের তরফ থেকে এটাকে ধৃষ্টতা মনে করলেন। আবদুল মালিকের কাছে প্রেরিত আনাস (রা)-এর পত্রটি ছিল নিম্নরূপ : পরম দাতা ও দয়ালু আল্লাহ্ নামে। আনাস ইব্ন মালিক হতে আমীরুল মু’মিনীন আবদুল মালিক ইব্ন মারওয়ানের প্রতি। আল্লাহ্ প্রশংসা ও রাসূলুল্লাহ্ (সা)-এর প্রতি দরুদ প্রেরণের পর সমাচার এই যে, হাজ্জাজ আমাকে বাজে কথা বলেছে এবং এমন মন্দ কথা শুনিয়েছে যার যোগ্য আমি নই। সে আমাকে মুখোমুখি পর্যন্ত করেছে। আমি আজীবন রাসূলুল্লাহ্ (সা)-এর খিদমত করেছি ও তাকে সঙ্গ দিয়েছি। তোমার উপর আল্লাহ্’র শাস্তি ও রহমত ও বরকত অবতীর্ণ হোক। তারপর আবদুল মালিক ইসমাঈল ইব্ন উবায়দুল্লাহ্ ইব্নুল মুহাজিরকে হাজ্জাজের নিকট প্রেরণ করেন। সে ছিল হাজ্জাজের বন্ধু। তিনি তাকে বললেন, এ দুটি পত্র তুমি গ্রহণ কর এবং ইরাকের দিকে রওয়ানা হয়ে যাও। রাসূলুল্লাহ্ (সা)-এর সাহাবী হ্যরত আনাস ইব্ন মালিক (রা)-এর কাছে গমন কর। তার কাছে আমার পত্রটি হস্তান্তর কর এবং তার কাছে আমার সালাম পৌছে দাও। আর তাকে বল : হে আবু হাময়া! অভিষ্ঠপ্ত হাজ্জাজের কাছে আমি একটি পত্র লিখেছি। যখন সে আমার এ পত্রটি পড়বে তোমার বাঁদী থেকেও তোমার কাছে বেশী অনুগত হয়ে যাবে। আনাস ইব্ন মালিক (রা)-এর কাছে লিখিত আবদুল মালিকের পত্রটি ছিল নিম্নরূপ :

পরম দাতা ও দয়ালু আল্লাহ্ নামে আবদুল মালিক ইব্ন মারওয়ান হতে রাসূলুল্লাহ্ (সা)-এর খাদিম আনাস ইব্ন মালিক (রা)-এর প্রতি—আল্লাহ্ প্রশংসা ও রাসূলুল্লাহ্ (সা)-এর প্রতি দরুদ প্রেরণের পর সমাচার এই যে, আমি আপনার পত্রটি পড়েছি এবং হাজ্জাজের বিরংক্ষে আপনার যে অভিযোগ আছে তা আমি অনুধাবন করেছি। আমি তাকে আপনার উপর আধিপত্য স্থাপন করতে অনুমতি দেইনি এবং আপনার সাথে ঝাঁঢ আচরণ করতেও আমি তাকে আদেশ করিনি। যদি সে তার কাজের পুনরাবৃত্তি করে, তাহলে তার প্রতি আমার শাস্তি ও আপনার প্রতি ইহসান ও সাহায্য করার জন্যে আমাকে লিখবেন। শুভেচ্ছান্তে।

আনাস (রা) যখন আমীরুল মু’মিনীনের পত্রটি পড়লেন ও তার পয়গাম সংস্কৰণে অবহিত হলেন, তখন তিনি বললেন, আল্লাহ্ তা’আলা আমীরুল মু’মিনীনকে আমার জন্যে কল্যাণ দান করুন, তাকে ক্ষমা করুন, তার প্রতি দৃষ্টি রাখুন এবং জান্নাতের মাধ্যমে তাকে প্রতিদান দিন। এ ব্যাপারে তার প্রতি আমার ধারণা এবং আশা ও অনুরূপ ছিল। ইসমাঈল ইব্ন উবায়দুল্লাহ্ হ্যরত আনাস (রা)-কে বলেন : হে আবু হাময়া! হাজ্জাজ আমীরুল মু’মিনীনের কর্মচারী। তোমার অথবা তোমার পরিবারের দ্বারা তার কাজ চলবে না। তোমার জন্যে যদি সমাজে একটি সুন্দর অবস্থার সৃষ্টি করে তোমাকে প্রদান করা হয়, তাহলে তুমি হাজ্জাজের নিকটবর্তী হও এবং তার সাথে ভাল ব্যবহার কর। ফলে তার সাথে তোমার যিন্দিগী হবে সুখময় ও শাস্তিপূর্ণ।” আনাস (রা) বলেন, ইনশাআল্লাহ্, আমি সুমধুর আচরণ করব।

তারপর ইসমাইল আনাস (রা)-এর কাছ থেকে বের হয়ে গেলেন এবং হাজ্জাজের কাছে প্রবেশ করেন। হাজ্জাজ বলেন, এমন লোকটিকে স্বাগতম যাকে আমি পসন্দ করি এবং তাঁর সাক্ষাতকেও পসন্দ করি। ইসমাইল তখন বললেন, আল্লাহর শপথ, আমিও তোমার সাক্ষাতকে পসন্দ করি। তবে আমি যে কাজ নিয়ে এসেছি তার মধ্যে নয়। হাজ্জাজ বিবর্ণ হয়ে গেল এবং ভয় করতে লাগল। আর বলল, তুমি কি নিয়ে এসেছ? ইসমাইল বলেন, যখন আমি আমীরুল মু'মিনীন থেকে বিদায় নেই তখন তাকে আমি তোমার উপর অত্যন্ত রাগান্বিত দেখেছি এবং তোমার থেকে বহু দুরবর্তী তাকে আমি অনুভব করেছি। বর্ণনাকারী বলেন, এ কথা শুনে হাজ্জাজ ভীত-সন্ত্রিত হয়ে সোজা হয়ে বসল। ইসমাইল তার কাছে একটি পত্রের খাম নিক্ষেপ করেছিল। হাজ্জাজ পত্রের দিকে একবার তাকাল ও ঘর্মাঙ্গ বোধ করল। আবার দ্বিতীয় বার ইসমাইলের দিকে তাকাল। যখন সে পত্রের খাম খুলল, বলতে লাগল আমাকে নিয়ে আবৃ হাময়ার কাছে চল আমি তার কাছে অজুহাত পেশ করব ও তাকে রায়ী করাব। ইসমাইল তাকে বলল, ব্যাপারটি নিয়ে এত তাড়াহুড়া করো না। হাজ্জাজ বলল, কেমন করে তাড়াহুড়া করব না তুমি আমার কাছে একটি দীর্ঘস্থায়ী বিপদ নিয়ে এসেছ? আর তা হলো পত্রটির মধ্যে। পত্রটি ছিল নিম্নরূপঃ

পরম দাতা ও দয়ালু আল্লাহর নামে। আমীরুল মু'মিনীন আবদুল মালিক ইবন মারওয়ানের পক্ষ থেকে আল-হাজ্জাজ ইবন ইউসুফের প্রতি। আল্লাহর প্রশংসা ও রাসূলুল্লাহ (সা)-এর প্রতি দরদ প্রেরণের পর সমাচার এই যে, তুমি এমন একটি লোক যার দরুণ নানা বিষয়াদি প্রকট আকার ধারণ করছে। সেগুলোতে তুমি সিংহভাগ অংশ নিয়েছ ও বস্তুগুলোর শেষ সীমায় পৌছেছ। তুমি তোমার সীমা লংঘন করছ। কঠিন বিপদ ডেকে এনেছ। আর এটা আমার উপরে প্রতিফলিত করার তুমি ইচ্ছে করেছ। যদি আমি তোমাকে এগুলোর ব্যাপারে বৈধ মনে করি তাহলে তুমি দ্রৃঢ়পদে অঞ্চল হবে, আর যদি আমি এগুলোকে বৈধ মনে না করি তুমি বাধ্য হয়ে পিছু হটে আসবে। কাজেই, তোমার প্রতি মহান আল্লাহর অভিশাপ। তুমি এমন একটি লোক যার দুই চোখ ক্ষীণ দৃষ্টি সম্পন্ন এবং যে রক্তাঙ্গ দুই পাছার অধিকারী। তুমি কি ভুলে গেছ তাইফে তোমার বাপ-দাদারা কী কাজ করত? তারা কুয়া খনন করত এবং কুয়ার পাড়ে পিঠের উপর পাথর বহন করত। হে সংগমের সময় যোনিপথ সংকীর্ণ হয়ে যাওয়া স্ত্রীলোকের সন্তান! আল্লাহর শপথ, চিতাবাঘ যেমন করে শিয়ালকে ধরে এবং বাজপায়ী যেমন করে খরগোশকে ধরে, ঠিক এমনভাবে আমি তোমাকে কঠিন হস্তে ধরব। আমাদের মাঝে উপস্থিত রাসূলুল্লাহ (সা)-এর সাহাবীগণের একজনের উপর তুমি বাঁপিয়ে পড়েছ। তুমি তার প্রতি কোন ইহসান করলে না ও তার কোন অপরাধ ক্ষমা করলে না। এটা মহান আল্লাহর উপর তোমার ধৃষ্টতা প্রদর্শন এবং তোমার দায়িত্ব পালনের প্রতি তুচ্ছ-তাছিল্য ব্যতীত অন্য কিছুই নয়। আল্লাহর শপথ, যদি ইয়াহুদী ও খ্রিস্টানরা কোন ব্যক্তিকে দেখত যে, সে উয়ায়র ইবন আয়রী ও ঈসা ইবন মারইয়াম-এর খিদমত করছে, তাহলে তারা তাকে সম্মান করত, তা'ফীম-তোয়ায় করত ও মহবৰত করত। এমনকি যদি ঐ ব্যক্তিকে দেখত, যে উয়ায়র ইবন আয়রী (আ)-এর গাধার খিদমত করছে কিংবা ঈসা (আ) ও তার সঙ্গীদের খিদমত করছে, তাহলে তারা তারও সম্মান করত এবং তা'ফীম করত। আর এটা কেমন যে, আনাস ইবন মালিক (র!) আট বছর রাসূলুল্লাহ (সা)-এর খাদিম ছিলেন। তাকে তাঁর গোপনীয় কাজ সম্বন্ধে অবহিত করতেন। নিজের ব্যাপারে তিনি তার থেকে পরামর্শ নিতেন। এতদ্ব্যতীত তিনি তাঁর অবশিষ্ট সাহাবীগণের মধ্যে সর্বশেষ সাহাবী হিসেবে গণ্য। তুমি যখন আমার এ পত্রটি পড়বে তুমি তার

কাছে তার মোয়া ও জুতা থেকে অধিক অনুগত হয়ে যাবে। অন্যথায় আমার তরফ থেকে তোমার কাছে এমন তীরব্রহ্ম শাস্তি পৌছবে যা সর্বাবস্থায় মৃত্যু ঘটাতে পারে। আর প্রতিটি বাণীরই একটি অশ্বান-স্তুল রয়েছে। অতি সহস্রায় তুমি সব কিছু জানতে পারবে।

উপরোক্ত পত্রে যে সব বিশ্বায়কর ঘটনা লিপিবদ্ধ হয়েছে, সেগুলো সম্বন্ধে ইব্ন তার্বার সমালোচনা করেছেন। অনুরূপভাবে ইব্ন কুতায়বার ন্যায় অন্যান্য ভাষাবিদগণও এগুলো সম্বন্ধে সমালোচনা করেছেন। মহান আল্লাহ্ অধিক পরিজ্ঞাত।

ইমাম আহমদ বলেন, আবদুর রহমান ইব্ন মাহ্মী সুফিয়ানের মাধ্যমে যুবায়র ইব্ন আদী হতে হাদীস বর্ণনা করেন। তিনি বলেন, একদিন আমি আনাস ইব্ন মালিক (রা)-এর কাছে আগমন করলাম এবং হাজ্জাজের বিরুদ্ধে তার কাছে অভিযোগ পেশ করলাম। তখন তিনি বললেন, তুমি ধৈর্য ধর। কেননা, তোমাদের উপর বর্তমান সংকট থেকে অধিক প্রকট সংকট কোন বছর কিংবা কাল কিংবা দিনে আসবে না। তারপর তোমরা আল্লাহ্-এর সাথে মিলিত হবে। আমি এ হাদীস তোমাদের রাসূলুল্লাহ (সা) হতে শুনেছি। এ হাদীস ইমাম বুখারী (র)-ও হ্যরত আনাস (রা) হতে বর্ণনা করেন। তিনি বলেন, তোমাদের কাছে এর থেকে অধিক খারাপ যুগ আসবে না। আল্লামা ইব্ন কাহীর বলেন, উপরোক্ত হাদীস অর্থের দিক দিয়ে সাম স্যুপূর্ণ হিসেবে অনেকে বর্ণনা করেছেন এবং বলছেন **كُلَّ يَوْمٍ تَرْذَلُونْ** **كُلَّ** সব সময় তোমরা কিছু না কিছু অপসন্দ বস্তুর কিংবা হীনতার ও দীনতার সম্মুখীন হবে। এ শব্দটির কোন ভিত্তি নেই। এটা হাদীসের অর্থ থেকে সংগৃহীত হয়েছে। মহান আল্লাহ্ অধিক পরিজ্ঞাত।

كُلُّ يَوْمٍ تَرْذَلُونْ **بِالْفَوْعَا وَمَوْقُوفًا** একবার উল্লেখ করেছি। ইমাম আহমদ (র) হতে বর্ণিত এক বাণী আমি উপস্থাপন করছি। হাদীসে রয়েছে **كُلَّ يَوْمٍ تَرْذَلُونْ نَسْمًا خَبِيْثًا** প্রতিদিনই তোমরা ইতর লোকের সম্মুখীন হবে। ইমাম আহমদ হতে হিসেবে বর্ণিত হওয়ারও সম্ভাবনা রয়েছে। কেননা, ইমাম আহমদের মত লোক ভিস্তুহীন কোন কথা বলেন না। হাসান বসরী (র) হতেও অনুরূপ বর্ণনা করা হয়েছে। মহান আল্লাহ্ অধিক পরিজ্ঞাত। কাজেই প্রমাণিত হলো যে, এর ভিত্তি রয়েছে হাদীস হিসেবে কিংবা পূর্বযুগের মনীষিগণের বাণী হিসেবে। যুগে যুগে মানুষ তা বর্ণনা করেছেন এবং শেষ পর্যন্ত এ যুগে পৌছেছে। প্রতিদিন আমরা এ হাদীসের কার্যকারিতা লক্ষ্য করছি বরং প্রতিটি ঘটায় এর সুগন্ধি সৌরভিত হচ্ছে বিশেষ করে তৈমুর লংঘের সংকটের পর। আজকাল আমরা প্রতিটি ক্ষেত্রে দৈন্য লক্ষ্য করছি। যারা চিন্তা-ভাবনা করেন তাদের কাছে বিষয়টি সহজে অনুমেয়।

সুফিয়ান আছ-ছাওরী, ইসমাইল ইব্ন আবু খালিদ-এর মাধ্যমে আশ-শা'বী (র) হতে বর্ণনা করেন। তিনি বলেন, এমন এক যামানা আসবে যখন লোকজন হাজ্জাজের উপর দরদ পড়তে থাকবে। আবু নুআয়ম আবুস সফর হতে বর্ণনা করেন। তিনি বলেন, আশ-শা'বী বলেছেন, আল্লাহর শপথ, তোমরা যদি বেঁচে থাক, তোমরা হাজ্জাজের আকাঙ্ক্ষা করবে। আল-আসমাঈ বলেন, হাসান বসরী (র)-কে বলা হলো আপনি তো বলেছেন **مَنْ أَخْرَى شَرٌّ مِّنْ** **أَنْ** **أَنْ** **أَوْلَى**। অর্থাৎ পরবর্তী পূর্ববর্তীর চেয়ে খারাপ। কিন্তু হাজ্জাজের পর এসেছেন হ্যরত উমর ইব্ন আবদুল আয়ীহ (র)। হাসান বললেন, মানুষের একটু স্বত্ত্ব প্রয়োজন।

মায়মুন ইব্ন মিহরান বলেন, একদিন হাজ্জাজ হাসান বসরীর কাছে লোক প্রেরণ করে। আর তাকে সে হত্যা করার মনস্ত করে। যখন তিনি হাজ্জাজের সামনে দাঁড়ালেন, তখন তিনি

বললেন, হে হাজ্জাজ! তোমার ও হ্যরত আদম (আ)-এর মধ্যে কতজন পিতা অতিবাহিত হয়ে গিয়েছে? সে বলল, বহু পিতা। হাসান বললেন, তারা এখন কোথায়? হাজ্জাজ বলল, তারা মারা গেছে। বর্ণনাকারী বলেন, হাজ্জাজ মাথানত করল এবং হাসান বের হয়ে চলে গেলেন।

আয়ুব আস-সুখতিয়ানী বলেন, হাজ্জাজ হাসানকে হত্যা করার জন্য কয়েকবার ইচ্ছে পোষণ করেছে। কিন্তু আল্লাহ তা'আলা তাঁকে তার থেকে রক্ষা করেন। হাসানের সাথে হাজ্জাজের কয়েকটি কথোপকথনের ঘটনাও তিনি উল্লেখ করেন। তবে হাসান এই ব্যক্তিগণের অস্তর্ভুক্ত ছিলেন যারা হাজ্জাজের বিরুদ্ধে আন্দোলন পদ্ধতি করতেন না। তিনি ইব্নুল আশাআছের সাথীদেরকে আন্দোলন করতে নিষেধ করতেন। তবে তিনি তাদের সাথে একবার অনিষ্ট সন্ত্রেণ সংঘাতে বের হয়েছিলেন যা আমি পূর্বে বর্ণনা করেছি। হাসান বলতেন, হাজ্জাজ একটি গবেষ। কাজেই, তলোয়ার দিয়ে মহান আল্লাহর গবেষণ মুকাবিলা হয় না। কাজেই, তোমাদের উচিত ধৈর্য ধরা ও শান্ত থাকা এবং মহান আল্লাহর কাছে অনুন্য-বিনয় করা। আল-হাসান ইব্ন আল-হায়ারের মাধ্যমে ইব্ন দারীদ ইব্ন আইশা হতে বর্ণনা করেন। তিনি বলেন, একদিন আল-ওয়ালীদ ইব্ন আবদুল মালিকের কাছে একজন খারিজী লোককে উপস্থিত করা হলো আর তাকে বলা হলো, তুমি আবু বকর (রা) এবং উমর (রা) সম্পর্কে কি বল? সে তখন তাদের প্রশংসা করল। তাকে হ্যরত উছমান (রা) সম্পর্কে জিজ্ঞাসা করা হলো তখন সে তাঁর প্রশংসা করল। এরপর তাকে বলা হলো, আলী (রা) সম্পর্কে তুমি কী বল? সে তাঁরও প্রশংসা করল। এভাবে খ্লীফাদের সম্পর্কে একজন একজন করে জিজ্ঞাসা করা হলো এবং সেও তাদের প্রত্যেকের ব্যাপারে যথাযোগ্য প্রশংসা করল। তারপর তাকে জিজ্ঞাসা করা হলো, তুমি আবদুল মালিক ইব্ন মারওয়ান সম্পর্কে কি বল? সে বলল, এখনি তো সমস্যা দেখা দিল। আমি হাজ্জাজের কোন লোকের কোন দোষ-গুণ সম্পর্কে কিছুই বলব না।

আল-আসমাই আলী ইব্ন মুসলিম আল-বাহলী হতে বর্ণনা করেন। তিনি বলেন, একদিন এক খারিজী মহিলাকে হাজ্জাজের সামনে উপস্থিত করা হলো। হাজ্জাজ তার সাথে কথা বলছিল। কিন্তু, মহিলা তার দিকে নয়র করছিল না এবং তার কোন কথারও কোন উত্তর দিচ্ছিল না। তখন তাকে একজন পুলিশ বলল, তোমার সাথে আমীর কথা বলছেন আর তুমি তার থেকে পিছন ফিরে রয়েছ? মহিলা বলল, আমি আল্লাহর কাছে লজ্জাবোধ করছি এমন লোকটির দিকে নয়র করতে, যার দিকে আল্লাহ নয়র করেন না। তারপর মহিলাকে হত্যার হৃত্ম দেওয়া হলো এবং সে নিহত হলো।

৯৪ হিজরাতে হাজ্জাজ কিভাবে সাঈদ ইব্ন জুবায়রকে হত্যা করেছিল, তাদের দুইজনের মধ্যে কি কথাবার্তা ও বাদানুবাদের ঘটনা ঘটেছিল তা আমি বিস্তারিত বর্ণনা করেছি।

আবু বকর ইব্ন আবু খায়ছামা বলেন, আবু যাফার জা'ফর ইব্ন সুলায়মান বৃত্তাম ইব্ন মুসলিমের মাধ্যমে কাতাদা হতে হাদীস বর্ণনা করেন। তিনি বলেন, একদিন সাঈদ ইব্ন জুবায়রকে জিজ্ঞাসা করা হলো। তুম কি হাজ্জাজের বিরুদ্ধে আন্দোলন করছ? তিনি জবাবে বললেন, আল্লাহর শপথ, আমি তার বিরুদ্ধে আন্দোলন করি নাই যতক্ষণ পর্যন্ত না সে কুফরী করেছে। কথিত আছে যে, হাজ্জাজ সাঈদ ইব্ন জুবায়রের পর শুধুমাত্র এক ব্যক্তিকে হত্যা করেছে যার নাম ছিল মাহান। অথচ তার পূর্বে অনেক লোককে সে হত্যা করেছিল। তাদের অধিকাংশই ইব্নুল আশাআছের সাথে মিলিত হয়ে হাজ্জাজের বিরুদ্ধে সংঘাত করেছিল।

আবু ঈসা আত-তিরমিয়ী (র) বলেন, আবু দাউদ সুলায়মান ইব্ন মুসলিম আল-বালখী, আন-নায়র ইব্ন শুমায়লের মাধ্যমে হিশাম ইব্ন হাসান হতে হাদীস বর্ণনা করেন। তিনি

বলেন, হাজার্জ যত লোককে বন্দী করে হত্যা করেছিল তাদের একটি সংখ্যা ইতিহাসবিদগণ উল্লেখ করেছেন আর তা হল এক লক্ষ বিশ হাজার। আল-আসমাই বলেন, আবু আসিম উরবাদ ইব্ন কাছীরের মাধ্যমে কাহদাম হতে হাদীস বর্ণনা করেন। তিনি বলেন, সুলায়মান ইব্ন আবদুল মালিক খলীফা হওয়ার পর একদিন সকাল বেলা ৮১ হাজার কয়েদীকে ছেড়ে দেন। যারা হাজারের কয়েদখানায় বন্দী ছিল। আরো কথিত আছে যে, হাজারের বন্দীশালায় ৮০ হাজার লোক বন্দী ছিল। তাদের মধ্যে ৩০ হাজার ছিল মহিলা। হাজারের মৃত্যুর পর তার কয়েকখানাগুলো পরিদর্শন করা হলে ৩৩ হাজার লোক এরূপ পাওয়া গেল যাদের মধ্যে কোন নির্দিষ্ট অপরাধ কিংবা শাস্তির অভিযোগ ছিল না। যাদেরকে বন্দী করা হয়েছে তাদের মধ্যে এক মরুভূমীকে পাওয়া গেল, যে ওয়াসিত শহরের গোয়াল ঘরের আশেপাশে প্রস্তাব করেছিল। তাদের মধ্যে যে ছাড়া পেয়েছিল, ছাড়া পাওয়ার পর সে একটি কবিতা পাঠ করল। যখন আমরা ওয়াসিত শহর অতিক্রম করলাম, তখন অসংখ্য বার আমরা পড়ে গেলাম এবং সালাত আদায় করলাম।

হাজারের উপরোক্ত অত্যাচার-অবিচার সত্ত্বেও সে ইরাক থেকে কোন উল্লেখযোগ্য সরকারী কর আদায় করত না। ইব্ন আবুদ দুনিয়া ও ইবরাহীম আল-হারাবী বলেন, আমাদেরকে সুলায়মান ইব্ন আবু সানাহ, সালিহ ইব্ন সুলায়মান হতে হাদীস বর্ণনা করেন। তিনি বলেন, উমর ইব্ন আবদুল আয়ীয বলেছেন, যদি পৃথিবীর সম্প্রদায়গুলো নিজেদের কর্দর্যতা প্রকাশ করার মনস্ত করে আর প্রত্যেক সম্প্রদায় তার কর্দর্যতা নিয়ে প্রতিযোগিতার লক্ষ্যে মাঠে নামে এবং প্রতিযোগিতার জন্য আমরাও হাজারজকে নিয়ে মাঠে নামি, তাহলে আমরাই জয়লাভ করবো। হাজার দুনিয়া কিংবা আখিরাত কোনটার জন্যে মঙ্গল বয়ে আনে নাই। সে ইরাকের শাসক নিযুক্ত হয়েছিল। অঞ্চলটি পুরাপুরি আবাদ হওয়া সত্ত্বেও ৪ কোটি মুদ্রা কর আদায়ে ব্যর্থ হয়েছিল। অথচ এ বছর আমার অন্যান্য কর্মকর্তাগণ ৮ কোটি মুদ্রা কর আদায়ে সক্ষম হয়েছিল। আর যদি আমি আগামী বছর পর্যন্ত জীবিত থাকি, তাহলে আমি আশা করছি যে, এরূপ কর আদায় হবে যেরূপ হ্যৱত উমর ইব্নুল খান্তাব (রা)-এর যুগে আদায় হতো। আর তা হলো ১২ কোটি মুদ্রা।

আবু বকর ইব্নুল মুকরী বলেন, আমাদের আবু আরবা আমর ইব্ন উছমানের মাধ্যমে উছমান থেকে হাদীস বর্ণনা করেন। তিনি বলেন, উমর ইব্ন আবদুল আয়ীয আদী ইব্ন আরাতাতকে পত্র লিখেন। পত্রে লিখেন যে, আমার কাছে সংবাদ পৌছেছে যে, তুমি হাজারের নিয়ম-পদ্ধতি অনুসরণ করছ। এখন হতে তুমি আর তার নিয়ম-পদ্ধতি অনুসরণ করবে না। সে ওয়াকতের পরে সালাত আদায় করত। অন্যায়ভাবে যাকাত আদায় করত। এছাড়াও সে অন্যান্য দিক দিয়ে ছিল অত্যন্ত ক্ষতিকারক।

ইয়া'কুব ইব্ন সুফিয়ান বলেন, সাঈদ ইব্ন আসাদ যামরার মাধ্যমে রায়্যান ইব্ন মুসলিম হতে বর্ণনা করেন। তিনি বলেন, উমর ইব্ন আবদুল আয়ীয হাজারের পরিবারবর্গকে ইয়ামানের শাসনকর্তার কাছে প্রেরণ করেন এবং তাকে পত্র লিখে বলেন, আল্লাহর প্রশংসা ও রাসূলুল্লাহ (সা)-এর প্রতি দরদ প্রেরণের পর সমাচার এই যে, আমি তোমার কাছে আবু উকায়লের বংশধর তথা হাজারের পরিবার-পরিজনকে প্রেরণ করলাম। তারা কার্যত একটি খারাপ পরিবার। তাদেরকে মহান আল্লাহর নিকট ইন মর্যাদা অনুযায়ী পৃথক করে রাখবে। তোমার উপর শাস্তি বর্ষিত হোক। এ পত্র দ্বারা তিনি তাদেরকে নির্বাসিত করলেন।

আল-আওয়াঙ্গে বলেন, আমি আল-কাসিম ইব্ন মুখায়মারাকে বলতে শুনেছি। তিনি বলতেন, হাজ্জাজ ইসলামের খোলা অঙ্গ-প্রত্যঙ্গগুলোকে নড়বড়ে করে দিছিল। এরপর তিনি একটি কাহিনীও বর্ণনা করেন। আবু বকর ইব্ন আয়াশ, আসিম থেকে বর্ণনা করেন। তিনি বলেন, মহান আল্লাহর ঘোষিত প্রতিটি সম্মানিত বস্তুর সম্মান বিনষ্ট করেছে হাজ্জাজ ইব্ন ইউসুফ।

ইয়াহুইয়া ইব্ন ঈসা আর রামলী, আল-আ'মাশ হতে বর্ণনা করেন। তিনি বলেন, উল্লামায়ে কিরাম হাজ্জাজ সম্বন্ধে মতবিরোধ করেন। তারা আল্লামা মুজাহিদকে জিজ্ঞাসা করেন। তখন তিনি বলেন : তোমরা কাফির বৃদ্ধ সম্বন্ধে জিজ্ঞাসা করছ ?

ইব্ন আসাকির আশ-শা'বী (র) হতে বর্ণনা করেন। তিনি বলেন, হাজ্জাজ ছিল জাদু ও শয়তানে বিশ্বাসী, মহান আল্লাহর প্রতি অবিশ্বাসী। মহান আল্লাহ অধিক পরিজ্ঞাত।

আছ-ছাওরী, মা'মার ইব্ন তাউস তাঁর পিতা হতে বর্ণনা করেন। তিনি বলেন, আমাদের ইরাকী ভাইদের জন্যে অবাক হতে হয় যে, তারা হাজ্জাজকে মু'মিন বলে মনে করে। আছ-ছাওরী ইব্ন আওফ হতে বর্ণনা করেন। তিনি বলেন, আমি আবু ওয়ায়িলকে হাজ্জাজের সম্বন্ধে জিজ্ঞাসা করতে শুনেছি। তাকে জিজ্ঞাসা করা হয়, “আপনি কি হাজ্জাজকে জাহান্নামী বলে সাক্ষ্য দেন ?” তিনি বলেন, তোমরা কি আল্লাহ তা'আলার ঘোষণার বিরুদ্ধে আমাকে সাক্ষ্য দিতে বলছ ? আছ-ছাওরী মানসূর হতে বর্ণনা করেন। তিনি বলেন, আমি ইব্রাহীমকে হাজ্জাজ কিংবা অন্য কোন আধিপত্য বিস্তারকারী সম্পর্কে জিজ্ঞাসা করলাম। তিনি বললেন : আল্লাহ তা'আলা সূরায়ে হুদ-এর ১৮ নং আয়াতে কি ঘোষণা দেননি ?

سَلَامٌ عَلَى الظَّالِمِينَ لَعْنَةُ اللَّهِ عَلَى الظَّالِمِينَ “সালাম ! যালিমদের উপর আল্লাহর লান্ত !” ইব্রাহীম তাঁর সম্পর্কে আরো বললেন, “কোন ব্যক্তিকে অক্ষ ঘোষণা করার জন্যে যথেষ্ট যদি হাজ্জাজের ব্যাপারে না জানার ভান করে।”

সালাম ইব্ন আবু মুত্তী' বলেন : আমি হাজ্জাজ সম্পর্কে আমর ইব্ন উবায়দ থেকে বেশী আশাবাদী। কেননা, হাজ্জাজ জনগণকে পৃথিবীতে হত্যা করেছে। আর আমর ইব্ন উবায়দ জনগণের জন্য বিভ্রান্তিকর বিদআতের জন্ম দিয়েছে। জনগণ পরম্পরাকে হত্যা করেছে।

আয-যুবায়র বলেন : একদিন আমি আবু ওয়ায়িলের সামনে হাজ্জাজকে গালি দিলাম। তিনি বললেন, “তাকে গালি দিও না। সে কোন এক দিন হয়ত বলেছে, হে আল্লাহ ! আমার প্রতি রহমত কর, আর আল্লাহ তাকে রহমত করেছেন। তুমি এমন লোকের সংগ থেকে নিজেকে রক্ষা করবে, যে বলে, তুমি কি এটা দেখনি ? তুমি কি এটা দেখনি ?”

আওফ বলেন, একদিন মুহাম্মদ ইব্ন সীরীনের সামনে হাজ্জাজের কথা উথাপন করা হলো, তিনি বললেন : আবু মুহাম্মদ একজন মিসকীন, যদি মহান আল্লাহ তাকে আযাব দেন, তাহলে এটা তার গুনাহের জন্য, আর যদি তাকে মাফ করে দেন, তাহলে এটা তার জন্যে আনন্দের কথা। যদি সে কালবে সালীম নিয়ে মহান আল্লাহর সাথে সাক্ষাত করতে পারে, তাহলে সে আমাদের থেকে উত্তম। কেননা, তার থেকে উত্তম ব্যক্তিও গুনাহের শিকার হয়ে থাকে। তাকে জিজ্ঞাসা করা হলো কালবে সালীম কি ? তিনি বলেন, “যদি আল্লাহ তা'আলা তার থেকে হায়া ও ঈমান কবূল করে নেন, যদি সে এ কথা জানে ও প্রকাশ করে যে, নিশ্চয়ই মহান আল্লাহ সত্য, নিশ্চয়ই কিয়ামত সত্য ও অনুষ্ঠিত হবেই আর যারা কবরে আছে তাদেরকে মহান আল্লাহ একদিন কবর থেকে উঠাবেন।”

আবুল কাসিম আল-রাগবী বলেন, আবু সাইদ আবু উসামা থেকে হাদীস বর্ণনা করেন। তিনি বলেন, একদিন এক ব্যক্তি সুফিয়ান আছ-ছাওরীকে বলেন, আপনি কি সাক্ষ্য দিবেন যে, আল-হাজাজ এবং আবু মুসলিম আল-খুরাসানী তারা দুইজনেই জাহানার্মী? তিনি বলেন, না, যদি তারা তাওহীদ স্বীকার করে।

আর-রায়্যাশী বলেন, আবুবাস আল-আয়রাক আস-সারী ইব্ন ইয়াহ্বীয়া হতে বর্ণনা করেন। তিনি বলেন, এক জুমুআর দিনে হাজাজ এক জায়গা অতিক্রম করছিলেন। এমন সময় সে কারো ফরিয়াদ শুনতে পেল। তখন সে বলল, এটা কী? উভয়ে বলা হলো কারাবাসিন্দারা বলছে গরম আমাদেরকে মেরে ফেলল। হাজাজ বলল, তাদেরকে বলে দাও “অপমানিত হয়ে বন্দীশালায় থাক কোন কথা বলবে না। বর্ণনাকারী বলেন, এ ঘটনার পর হাজাজ এক জুমুআর কর সময় জীবিত ছিল। সমস্ত আধিপত্য বিস্তারকারীদের চূর্ণ-বিচূর্ণকারী আল্লাহ তা'আলা তাকে চূর্ণ-বিচূর্ণ করে দিলেন। কোন কোন ইতিহাসবিদ বলেন : আমি তাকে জুমুআর দিন জুমুআর সালাত আদায় করার জন্য আসতে দেখেছি। আর সে ছিল পীড়ার জন্যে মৃতপ্রায়। আল-আসমাঈ বলেন : হাজাজ যখন রোগাক্রান্ত হয়ে পড়ে, তখন জনগণ তার মৃত্যু সন্ধিকট জেনে উৎসুক হয়ে উঠে। তখন সে তার খৃতবায় বলে, হতভাগা ও মুনাফিকদের একটি দলের মধ্যে শয়তান প্রভাব বিস্তার করেছে। তাই তারা বলছে, হাজাজ মারা গেছে। হাজাজ মারা গেলে তাতে কি? হাজাজ কি মৃত্যুর পরে কল্যাণ চায় না? আল্লাহর শপথ, যদি পৃথিবীটা এবং পৃথিবীর মধ্যে যা কিছু আছে আমার জন্যে হয়ে যায় আর আমি মৃত্যুমুখে পতিত না হই। এ কথাটি আমাকে আনন্দ দেয় না। কেননা, আল্লাহ তা'আলা তার নিকৃষ্টতম মাখলুক ইবলীসের জন্যেই অনন্তকাল জীবিত থাকার অনুমতি প্রদান করেছেন। আল্লাহ তা'আলা তাকে বলেছেন (সূরায়ে আ'রাফ ১৫ নং আয়াত) : أَنْتَ مِنَ الْمُنْظَرِينَ (অর্থাৎ যাদেরকে অবকাশ দেওয়া হয়েছে তুমি তাদের অন্তর্ভুক্ত হলে। এভাবে আল্লাহ তা'আলা তাকে কিয়ামতের দিন পর্যন্ত আবকাশ দিলেন। আর আল্লাহ তা'আলাকে তাঁর সৎ বান্দা ডাকলেন এবং বললেন, (সূরায়ে সোয়াদ আয়াত ৩৫ নং) هَبْ لِيْ مُلْكًا لَا يَنْبَغِي لِأَحَدٍ مِنْ بَعْدِيْ (অর্থাৎ ‘হে আমার প্রতিপালক! আমাকে দান কর এমন এক রাজ্য যার অধিকারী আমি ছাড়া কেউ না হয়’) আল্লাহ তা'আলা তাকে তা দান করেন। তবে তাকে চিরস্থায়ী করেন নাই। মহান আল্লাহর সৎ বান্দা তার কাজ শেষ হওয়ার পর সৎ ও সহজ মৃত্যু কামনা করেন। (সূরায়ে ইউসুফ আয়াত নং ১০১) - تَوَفَّنَىْ مُسْلِمًا وَأَلْحَقْنَىْ بِالصَّالِحِينَ - অর্থাৎ ‘তুমি আমাকে মুসলমান হিসেবে মৃত্যু দাও এবং আমাকে সৎকর্মপরায়ণদের অন্তর্ভুক্ত কর।’

হে মানুষ! তুমি কি ঐরূপ ব্যক্তি হতে চাও, আসলে তোমাদের সকলেই ঐরূপ হতে চাও। আল্লাহর শপথ, আমি যেন তোমাদের প্রতিটি জীবিত লোকের কাছে মৃত এবং প্রতিটি তরুণতাজা ঘাসের কাছে শুকনো ঘাস। তারপর তাকে তার কাফনের কাপড়ে স্থানান্তর করা হবে। তা হবে তিনগজ লম্বা ও এক গজ চওড়া। এর পর মাটি তার গোশত থেয়ে নিবে, মাটি তার পুঁজ চুম্বে নেবে, তার নিকৃষ্ট সন্তান বাড়ী ফিরে যাবে এবং তার নিকৃষ্ট সম্পদ বণ্টন করার কাজে মগ্ন হবে। যারা বুঝে-ওনে তারাই আমার কথা বুঝবে। এরপর সে মিথ্বার থেকে নেমে গেল। ইব্রাহীম ইব্ন হিশাম ইব্ন ইয়াহ্বীয়া আল গাস্সানী তার পিতা ও দাদার মাধ্যমে উমর ইব্ন আবদুল আয়ীয় হতে বর্ণনা করেন। তিনি বলেন, মহান আল্লাহর দুশ্মন হাজাজের সাথে আমি শুধুমাত্র কুরআনের মহবত এবং কুরআন চর্চাকারীদের মোটা অংকের দান করার

ক্ষেত্রে হিংসা করতাম। মৃত্যুর সময় সে যা বলেছিল এ ক্ষেত্রেও তার প্রতি আমার হিংসা হয়। সে বলেছিল, হে আল্লাহ! তুমি আমাকে ক্ষমা করে দাও। কেননা, লোকজনেরা মনে করে তুমি আমাকে ক্ষমা করবে না।

আবু বকর ইবন আবুদ্দুনিয়া বলেন, আলী ইবন আল-জাদ ... মুহাম্মদ ইবন আল-মুনকাদির হতে বর্ণনা করেন। তিনি বলেন : উমর ইবন আবদুল আয়ীয় হাজ্জাজের প্রতি হিংসা করতেন। তারপর তিনি মৃত্যুর সময় হাজ্জাজ যে কথাটি বলেছিল, সে কথাটি তিনিও বলেন, ‘হে আল্লাহ! আমাকে ক্ষমা করে দাও। কেননা, জনগণ ধারণা করে তুমি আমাকে ক্ষমা করবে না। বর্ণনাকারী বলেন, আমাকে একজন শিক্ষিত লোক হাদীস বর্ণনা করে বলেন : হাসানকে বলা হলো যে, হাজ্জাজ মৃত্যুর সময় এরূপ এরূপ বলেছে। তিনি বললেন, সত্যি কি সে এরূপ বলেছে ? উপস্থিত জনগণ বললেন, ‘হ্যাঁ’, তাতে তিনি বললেন, “তা হলে মাগফিরাত আশা করা যায়।”

আবুল আবুবাস আলমারী আর রায়্যাশীর মাধ্যমে আল-আসমাঈ থেকে বর্ণনা করেন। তিনি বলেন, যখন হাজ্জাজের মৃত্যু উপস্থিত হয়, তখন সে নীচের দুটি কবিতা আবৃত্তি করে : “হে আমার প্রতিপালক! আমার দুশ্মনেরা হলফ করে বলছে যে, আমি জাহানামের বাসিন্দাদের নিঃসন্দেহে একজন, আর তা প্রচার করার জন্যে তারা অহরহ চেষ্টা করছে। তারা কি অজানা একটি ব্যাপারে শপথ করছে না ? তাদের দুর্ভাগ্য, যথা ক্ষমাকারীর বড় ক্ষমা সম্পর্কে তাদের জ্ঞান বলতে কিছুই নেই।” বর্ণনাকারী বলেন, এ কবিতার ব্যাপারে ইয়াম হাসানকে অবহিত করা হলে তিনি বলেন, আল্লাহর শপথ, যদি হাজ্জাজ নাজাত পায়, তাহলে এ দুটো কবিতার দ্বারাই সে নাজাত পেয়ে যাবে। কেউ কেউ উপরের দুটো কবিতার সাথে নীচের দুটো কবিতাকেও সংযোজন করেন। “নিশ্চয়ই প্রভুগণ যখন তাদের গোলামকে গোলামী অবস্থায় ঘোরনে পদার্পণ করতে দেখেন, তখন তারা তাদেরকে নেককারদের ন্যায় আয়াদ করে দেয়। হে আমার সৃষ্টিকর্তা ! তুমি এ সম্মানে ঘোষিত হওয়ার সবচেয়ে বেশী উপযুক্ত। আমিও গোলামীতে বয়োবৃদ্ধ হয়েছি। সুতরাং তুমি আমাকে জাহানামের গোলামী থেকে মুক্তি দাও।”

ইবন আবুদ্দুনিয়া বলেন, আমাদেরকে আহমদ ইবন আবদুল্লাহ আত-তায়মী হাদীস বর্ণনা করেন। তিনি বলেন, যখন হাজ্জাজ মারা যায় তার মৃত্যু সম্বন্ধে কেউ অবগত হয়নি। এমন সময় একজন বাঁদী কাঁদতে কাঁদতে এগিয়ে আসল এবং বলল, খবরদার! খবরদার! নিশ্চয়ই আহার্য প্রদানকারী, ইয়াতীমদের ইয়াতীম হওয়ার জন্যে দায়ী এবং স্ত্রীলোকদের গণহারে বিধবা হওয়ার জন্যে দায়ী, শিরচেদকারী ও সিরিয়াবাসীদের সরদার ইতোমধ্যে মারা গেছে। তারপর বাঁদী একটি কবিতা পাঠ করল : যারা আমাদেরকে হিংসা করত, তারা আজ আমাদের প্রতি মেহেরবানী করবে। যারা আমাদেরকে ভয় পেত, তারা আমাদেরকে আজ আশ্রয় দেবে।

আবদুর রায়্যাক মা’মারের মাধ্যমে ইবন তাউস ও তার পিতা থেকে বর্ণনা করেন। তিনি বলেন, তাকে কয়েকবার হাজ্জাজের মৃত্যু সম্পর্কে অবহিত করা হয়েছে। যখন তিনি তার মৃত্যু সম্পর্কে নিশ্চিত হন, তখন তিনি বলেন : সুরায়ে আনআম আয়াত নং ৪৫

فَقُطِعَ دَابِرُ الْقَوْمِ الَّذِينَ ظَلَمُوا وَالْحَمْدُ لِلّهِ رَبِّ الْعَالَمِينَ

অর্থাৎ ‘তারপর যালিম সম্প্রদায়ের মূল উচ্ছেদ করা হলো এবং সমস্ত প্রশংসা আল্লাহরই যিনি জগতসমূহের প্রতিপালক।

একাধিক ব্যক্তি বর্ণনা করেন যে, হাসানকে যখন হাজ্জাজের মৃত্যুর শুভসংবাদ জানানো, হয়, তখন তিনি মহান আল্লাহর শুক্র বজায় রাখার জন্যে সিজদায় পড়ে যান। তিনি ছিলেন

আত্মগোপনকারী। এরপর তিনি প্রকাশ হয়ে পড়লেন এবং বললেন, হে আল্লাহ! তুমি তাকে আমাদের থেকে নিয়ে গেছো তাই আমাদের থেকে তার কর্ম-পদ্ধতিও নিয়ে নাও।

হামাদ ইব্ন আবু সুলায়মান বলেন, আমি যখন ইব্রাহীম আন-নাখটিকে হাজ্জাজের মৃত্যু সম্পর্কে অবহিত করলাম, তখন তিনি আনন্দে কেঁদে ফেলেন।

আবু বাকর ইব্ন আবু খায়ছামা বলেন : সুলায়মান ইব্ন আবু শায়খ আমাদেরকে সালিহ ইব্ন সুলায়মান হতে হাদীস বর্ণনা করেন। তিনি বলেন, যিয়াদ ইব্ন আররাবী, ইব্ন আল-হারিছ কারাবাসীদেরকে বলেন : হাজ্জাজ তার বর্তমান অসুস্থ্রায় অমুক রাত্রে মারা যাবে। তখন সেই রাত উপস্থিত হলে আনন্দে কারাবাসীরা নিদ্রা যায়নি, বসে বসে তারা অপেক্ষা করতে লাগল। তারা মৃত্যুর আহ্বানকারীর আহ্বান শুনতে পেল। আর এ রাতটি ছিল রামায়ান মাসের ২৭ তারিখের রাত। কেউ কেউ বলেন, রামায়ান মাসের ৫ দিন বাকী থাকতে হাজ্জাজের মৃত্যু ঘটে। আবার কেউ কেউ বলেন এবছরের শাওয়াল মাসে তার মৃত্যু ঘটে। তখন তার বয়স ছিল ৫৫ বৎসর। কেননা, তার জন্ম ছিল জামাআতের বছর অর্থাৎ ৪০ হিজরীতে। কেউ কেউ বলেন, এর এক বছর পর। আবার কেউ কেউ বলেন, তার এক বছর পূর্বে। হাজ্জাজ ওয়াসিত নামক শহরে মারা যায় এবং তার কবরের চিহ্নকে মুছে ফেলা হয়। কবরের উপর প্রচুর পানি প্রবাহিত করা হয় যাতে কেউ লাশ তুলে নিতে না পারে ও পুড়িয়ে দিতে না পারে। মহান আল্লাহ অধিক পরিজ্ঞাত।

আল-আসমাঈ বলেন, হাজ্জাজের সবচেয়ে বিশ্বাসীয় অবস্থা হলো এই যে, মৃত্যুকালে সে ৩০০ দিরহাম রেখে যায়।

আল্লামা আল-ওয়াকিদী বলেন : আবদুল্লাহ ইব্ন মুহাম্মদ ইব্ন উবায়দ আমাকে আবদুর রহমান ইব্ন উবায়দুল্লাহ ইব্ন ফারাক-এর মাধ্যমে আমার চাচা হতে হাদীস বর্ণনা করেন। তিনি বলেন : ইতিহাসবিদগণ মনে করেন যে, হাজ্জাজ যখন মারা যায়, তখন সে ৩০০ দিরহাম, এক জিলদ কুরআন শরীফ, একটি তলোয়ার, একটি ফীন, একটি হাওদাজ ও একশত বন্দকী যুদ্ধ-জামা (বর্ম) রেখে যায়। শিহাব ইব্ন খারাশ বলেন, আমাকে আমার চাচা ইয়ায়ীদ ইব্ন হাওশাব বলেন, আমার কাছে খলীফা আবু জাফার আল-মুনসুর এক ব্যক্তিকে প্রেরণ করে বলেন, তুমি আমাকে হাজ্জাজ ইব্ন ইউসুফের ওসিয়ত সম্বন্ধে কিছু বলো। তখন তিনি বললেন, হে আমীরুল মু'মিনীন! এ ব্যাপারে আমাকে ক্ষমা করুন। খলীফা বললেন, তুমি আমাকে এ সম্বন্ধে বলো, তখন আমি বললাম : পরম দাতা ও দয়ালু আল্লাহর নামে এটা একটি ওসিয়ত যা হাজ্জাজ ইব্ন ইউসুফ ব্যক্ত করেছে যে, সে সাক্ষী দিচ্ছে এক আল্লাহ ব্যতীত অন্য কোন ইলাহ নেই। আর এই আল্লাহর কোন শরীক নেই। সে আরো সাক্ষ্য দিচ্ছে যে, মুহাম্মদ (সা) আল্লাহর বান্দা ও রাসূল। সে আরো সাক্ষ্য দিচ্ছে যে, আল-ওয়ালীদ ইব্ন আবদুল মালিকের আনুগত্য ছাড়া সে আর কিছু বুঝে না। এ আনুগত্যের উপর সে বেঁচে থাকবে, মৃত্যুমুখে পতিত হবে এবং মৃত্যুর পরে জীবিত হয়ে উঠবে। সে নয়শত লোহার জামা সম্পর্কে ওসিয়ত করে। তন্মধ্যে ছয়শতটি হলো ইরাকবাসী মুনাফিকদের জন্যে, যেগুলোর দ্বারা তারা যুদ্ধ করবে। আর তিনি শতটি হলো তুর্কীদের। বর্ণনাকারী বলেন, এ কথা শুনে আবু জাফার আবুল আবাস আত্তুসীর দিকে তাকালেন। তিনি তার মাথার কাছে দাঁড়িয়ে ছিলেন। তিনি বললেন, এগুলো ? আল্লাহর শপথ, এগুলো একটি দলের সম্পদ, তোমাদের নয়।

আল-আসমাঈ তার পিতা হতে বর্ণনা করেন। তিনি বলেন, একদিন আমি স্বপ্নে হাজ্জাজকে দেখলাম। আমি বললাম, মহান আল্লাহ তোমার সাথে কিরণ ব্যবহার করেছেন ?

সে বলল, ‘আমি যতগুলো হত্যা করেছি প্রত্যেকটি হত্যার বদলে আমাকে একবার করে হত্যা করা হয়েছে। তিনি বলেন, তার এক বছর পর আমি তাকে আবার স্বপ্নে দেখলাম। আমি বললাম, হে আবু মুহাম্মদ! তোমার সাথে মহান আল্লাহ্ কেমন ব্যবহার করেছেন? সে বলল, হে মায়ের যোনিস্তন্ত চোষণকারী! তুমি কি এ সম্পর্কে গত বছর আমাকে জিজ্ঞাসা কর নাই? কায়ী আবু ইউসুফ বলেন: একদিন আমি হারানুর রশীদের দরবারে ছিলাম। এমন সময় এক ব্যক্তি দরবারে প্রবেশ করল এবং বলল, হে আমীরুল্ল মু’মিনীন! গতরাতে আমি হাজ্জাজকে স্বপ্নে দেখেছি। খলীফা বললেন: “তুমি তাকে কি অবস্থায় দেখেছ?” লোকটি বলল, “আমি তাকে খারাপ অবস্থায় দেখেছি। তখন আমি তাকে বললাম, তোমার সাথে মহান আল্লাহ্ কেমন ব্যবহার করেছেন? সে তখন বলল, ‘তোমার মধ্যে আর আমার অবস্থার মধ্যে কি সম্পর্ক থাকতে পারে, হে নিজের মায়ের যোনিস্তন্ত চোষণকারী! খলীফা হারানুর রশীদ বললেন, ‘আল্লাহর শপথ, সে সত্য কথা বলেছে। হে আগত্বক! তুমি হাজ্জাজকে সত্যি সত্যি দেখেছ। কেননা, আবু মুহাম্মদ জীবিত কিংবা মৃত অবস্থার কোন সময় তার চতুরতাকে বর্জন করে না।

হাস্তল ইবন ইসহাক বলেন, হারান ইবন মা’রুফ যামরাহ্ ইবন আবু শুয়াবের মাধ্যমে আশ্বাছ আল-খারায হতে বর্ণনা করেন। তিনি বলেন, আমি হাজ্জাজকে স্বপ্নে খারাপ অবস্থায় দেখলাম। তখন আমি বললাম, হে আবু মুহাম্মদ! তোমার প্রতিপালক তোমার সাথে কিন্তু প্রবেশ করেছে? সে বলল, আমার প্রত্যেকটি হত্যার বদলে আমাকে তত্ত্বার হত্যা করা হয়েছে। সে বলল, তারপর আমাকে জাহান্নামে প্রেরণের নির্দেশ প্রদান করা হয়। আমি বললাম, এরপর কি হলো? হাজ্জাজ বলল এরপর প্রাপ্তি প্রাপ্তি প্রাপ্তি উচ্চারণকারী যা আশা করে আমিও তা আশা করছি।

বর্ণনাকারী বলেন, “মুহাম্মদ ইবন সীরীন, হাজ্জাজ সম্বন্ধে বলেন, আমি তার মাগফিরাতের আশা রাখি। হাসান এ সম্পর্কে অবগত হওয়ার পর বলেন, আল্লাহর শপথ, হাজ্জাজ সম্পর্কে ইবন সীরীনের আশাবাদের বিরোধিতা আল্লাহ্ অবশ্যই করবেন। আহমদ ইবন আবুল হাওয়ারী বলেন, আবু সুলায়মান আদ্দারানীকে আমি বলতে শুনেছি। তিনি বলেন, হাসান বসরী (র) কোন মজলিসে বসলেই হাজ্জাজের কথা উল্লেখ করতেন এবং তার জন্য বদ-দু’আ করতেন। বর্ণনাকারী বলেন, একদিন তিনি তাকে স্বপ্নে দেখেন, তখন হাসান তাকে বলেন, তুমি কি হাজ্জাজ? সে বলল, হ্যাঁ আমি হাজ্জাজ। তিনি বললেন, আল্লাহ্ তোমার সাথে কেমন ব্যবহার করেছেন? হাজ্জাজ বলল, ‘প্রত্যেকটি খুনের বদলেই আমাকে একবার করে খুন করা হয়েছে।’ বর্ণনাকারী বলেন, এরপর থেকে হাসান বসরী তাকে গালি দেওয়া থেকে বিরত থাকেন। মহান আল্লাহ্ অধিক পরিজ্ঞাত।

ইবন আবুদুনিয়া বলেন, “হাময়া ইবন আল আবাস সুফিয়ান হতে বর্ণনা করেন। তিনি বলেন, একবার আবদুল মালিক ইবন মারওয়ানের দরবারে হাজ্জাজ একটি প্রতিনিধি দলের প্রধান হিসেবে আগমন করে। তার সাথে ছিল মুআবিয়া ইবন কুররাহ। আবদুল মালিক মুআবিয়াকে হাজ্জাজ সম্বন্ধে জিজ্ঞাসা করেন। তখন মুআবিয়া বলেন, ‘যদি আমরা আপনাদের কাছে সত্য বলি, আপনারা আমাদেরকে হত্যা করবেন। আর যদি আমরা আপনাদের কাছে মিথ্যা বলি, তাহলে মহা পরাক্রমশালী আল্লাহকে তয় করি। তখন হাজ্জাজ তার দিকে দৃষ্টি নিক্ষেপ করল। আবদুল মালিক তাকে বললেন, তাঁর সাথে সৃংঘর্ষে লিঙ্গ হয়ে না। তখন তাকে সিস্কুর দিকে নির্বাসনে দিল। সেখানেও তাকে নিয়ে অনেক ঘটনা ঘটানো হয়েছিল।

এ বছরে যে সব ব্যক্তিত্ব ইন্তিকাল করেছিলেন তাদের বিবরণ

ইবরাহীম ইবন ইয়ায়ীদ আন-নাখজি

তিনি বলতেন, যখন আমরা কোন জানায়ায় হাযির হতাম অথবা কোন মৃত ব্যক্তি সম্পর্কে খবর শুনতাম কিছু দিন যাবত আমাদের মধ্যে এ নিয়ে আলোচনা হতো। কেননা, আমরা জানতাম তার উপর এমন একটি পরিস্থিতির উদ্ভব হয়েছে যার দরুন সে জান্নাতে যাবে অথবা জাহানামে যাবে।

তিনি আরো বলতেন, তোমার তোমাদের মৃত ব্যক্তিদের শুধু দুনিয়া সম্বন্ধে পর্যালোচনা করছ। তিনি আরো বলতেন, পরিদর্শন ব্যতীত সিদ্ধান্ত ঠিক হয় না এবং সিদ্ধান্ত ব্যতীতও পরিদর্শন হয় না। তিনি আরো বলতেন, যখন তুমি কোন ব্যক্তিকে সালাতের প্রথম তাকবীরকে তুচ্ছ করতে দেখবে, তখন তার উন্নতি থেকে তোমার আশা পরিত্যাগ করতে হবে।

তিনি আরো বলতেন, আমি অনেক সময় ক্রটিপূর্ণ বস্তু দেখি এবং তা পরিহার করি এ তয়ে যে, এ ক্রটির দ্বারা হয়ত আমাকে পরীক্ষা করা হচ্ছে। তাঁর মৃত্যুর সময় তিনি খুব কাঁদছিলেন। তাকে জিজ্ঞাসা করা হলো আপনি কেন কাঁদছেন? তিনি বললেন, আমি আয়রাওলের অপেক্ষা করছি। আমার জানা নেই তিনি কি আমার কাছে জান্নাতের কিংবা জাহানামের সংবাদ নিয়ে আসবেন।

আল-হাসান ইবন মুহাম্মদ ইবন আল-হানাফিয়া

তাঁর কুনিয়াত আবু মুহাম্মদ। তিনি তাঁর ভাইদের মধ্যে ছিলেন অগ্রগামী। তিনি ছিলেন একজন বড় আলিম ও ফকীহ। ইমামগণের মতবিরোধ ও ফিকাহ শাস্ত্র সম্বন্ধে তিনি ছিলেন অত্যন্ত পারদর্শী।

আয়ুব আস-সুখতিয়ানী ও অন্যগণ বলেন, “তিনি প্রথম ব্যক্তি যিনি ইরজা’ সম্বন্ধে কথা বলেন। এ সম্বন্ধে তিনি একটি ছোট কিতাব লিখেন ও পরে এ ব্যাপারে লজিত হন। অন্যরা বলেন, তিনি হ্যরত উচ্চমান (রা), হ্যরত আলী (রা), হ্যরত তালহা (রা) ও হ্যরত আয-যুবায়র (রা) সম্বন্ধে মৌনতা অবলম্বন করতেন। তাদের প্রশংসাও করতেন না এবং দুর্নামও করতেন না। যখন তাঁর পিতা মুহাম্মদ ইবনুল হানাফিয়ার কাছে এ সংবাদ পৌছে, তখন তিনি তাঁকে প্রহার করেন এবং আহত করেন। আর বলেন, “তোমার দুর্ভাগ্য, তুমি তোমার দাদাকে ভালবাস না।”

আবু উবায়দ বলেন, তিনি ৯৫ হিজরাতে ইন্তিকাল করেন। খলীফা বলেন, “তিনি উমর ইবন আবদুল আয়ীয়ের যুগে ইন্তিকাল করেন। মহান আল্লাহ্ অধিক পরিজ্ঞাত।

হুমায়দ ইবন আবদুর রহমান ইবন আওফ আয-যুহরী

তাঁর মায়ের নাম ছিল উষ্মে কুলচূম বিন্ত উকবা ইবন আবু মুঈত। তিনি মায়ের দিক দিয়ে হ্যরত উচ্চমান ইবন আফফান (রা)-এর ভগ্নি। হুমায়দ একজন বড় আলিম ও ফকীহ। তাঁর বর্ণিত বহু রিওয়ায়াত রয়েছে।

মুতারাফ ইবন আবদুল্লাহ ইবন আশ-শিখীর

তাঁর জীবনী পূর্বে বর্ণনা করা হয়েছে। মুতারাফ ও অন্যদের জীবনী ‘আন্তাকমীল’ নামক কিতাবে বর্ণিত রয়েছে। আর এ বছরেই ওয়াসিত শহরে হাজাজ মারা যায়। তার বিস্তারিত

বর্ণনা উপরে উপস্থাপন করা হয়েছে। আলী ইবনুল মাদাইনী ও একদল ইতিহাসবিদের মতে এ বছরেই সাঈদ ইবন জুবায়ির-এর শাহাদত সংঘটিত হয়। আর প্রসিদ্ধ হলো যে, ৯৪ হিজরীতে সাঈদের শাহাদত সংঘটিত হয়। এ তথ্য ইবন জারীর ও অন্যরাও পেশ করেছেন। মহান আল্লাহু অধিক পরিজ্ঞাত।

১৬ হিজরীর প্রারম্ভ

এ বছরেই কুতায়বা ইবন মুসলিম (র) চীন ভূখণ্ডের কাশগর জয় করেন এবং চীনের সম্রাটের কাছে দৃত প্রেরণ করেন। এ দৃতগণের মাধ্যমে সম্রাটকে ভীতি প্রদর্শন করেন এবং আল্লাহর শপথ করে তিনি অঙ্গীকার করেন যে, তার শহর দখল করা ব্যক্তিত তিনি ঘরে ফেরত যাবেন না। তিনি সম্রাটের বিভিন্ন রাজ্য এবং তাদের গণ্যমান্য ব্যক্তিদেরকে খতম করে দিবেন। কিংবা তাদের থেকে কর আদায় করবেন কিংবা তারা ইসলামে প্রবেশ করবে। তারপর দৃতগণ সম্রাটের দরবারে প্রবেশ করেন। সম্রাট একটি বিরাট শহরে অবস্থান করেন। কথিত আছে যে, এ শহরের ৯০টি দরবা রয়েছে এবং তা চতুর্দিকে দেওয়াল-ঘেরা। এ শহরটিকে বলা হতো খান বালিক। এটা বড় বড় শহরের অন্যতম। মাঠঘাট, আয়তন ও সহায়-সম্পদ হিসেবে এ শহরটি ছিল একটি অত্যন্ত বড় শহর। এমনকি বলা হয়ে থাকে যে, ভারত সুপ্রশস্ত হওয়া সত্ত্বেও চীন দেশের কাছে এটাকে একটি তিলকের ন্যায় দেখায়। চীনের অধিবাসীরা তাদের ধন-সম্পদের প্রাচুর্যের কারণে কারোর দেশে ভ্রমণের প্রয়োজন মনে করে না। অথচ অন্যরা তাদের দেশে ভ্রমণের প্রয়োজন মনে করে। তাদের রয়েছে অজস্র সম্পদ ও বিস্তীর্ণ এলাকা। আশেপাশের সমস্ত দেশগুলো চীনের কাছে তার সৈন্য সামন্তের ক্ষমতা প্রচুর থাকার কারণে কর আদায় করে থাকে। বস্তুত যখন দৃতগণ চীনের সম্রাটের কাছে প্রবেশ করেন, তখন তারা এটাকে একটি বিরাট সুরক্ষিত দেশ হিসেবে পান, যার রয়েছে অসংখ্য নদীনালা, বাজারঘাট ও সৌন্দর্যের বাহার। তারা তাঁর কাছে এমন একটি সুরক্ষিত ও বিরাট দুর্গে প্রবেশ করেন যা একটি বড় শহরের সমতুল্য। চীনের সম্রাট তাদেরকে বললেন, তোমরা কে ? আর তারা ছিলেন কুতায়বার পক্ষ থেকে হ্বায়বার নেতৃত্বে তিনশত জন রাজদূত। সম্রাট তাঁর দোভাসীকে বললেন, তাদেরকে জিজ্ঞাসা কর যে, তোমরা কে বা কারা এবং তোমরা কি চাও ? তখন তারা প্রতি উত্তরে বললেন, আমরা আমাদের সেনাপতি কুতায়বা ইবন মুসলিমের প্রেরিত দৃত। তিনি আপনাকে ইসলামের পানে আহ্বান করেছেন। যদি আপনি তার ডাকে সাড়া না দেন ও ইসলাম গ্রহণ না করেন, তাহলে আপনাকে নির্ধারিত হারে কর দিতে হবে। আর যদি কর না দেন, তাহলে আপনার সাথে আমাদের যুদ্ধ বাধবে। এ কথা শুনে সম্রাট ক্রোধাপিত হলেন এবং তাদেরকে একটি ঘরে নিয়ে যাওয়ার জন্য আদেশ করলেন। যখন ভোর হলো তখন তিনি তাদেরকে ডাকলেন এবং তাদেরকে দোভাসীর মাধ্যমে বললেন, দেখি তোমরা কেমন করে তোমাদের মা'ব্দের ইবাদত কর। মুসলমানগণ তাদের নিয়মানুযায়ী ফজরের সালাত আদায় করলেন। যখন তারা রকু-সিজদা করেন সম্রাট তাদেরকে নিয়ে উপহাস করলেন এবং বললেন, তোমাদের ঘরে তোমরা কি ধরনের পোশাক পরিধান করে থাক ? তখন তারা তাদের পেশাগত পোশাক পরিধান করলেন। সম্রাট তাদেরকে সেখান থেকে নিজ নিজ বাসস্থানে চলে যেতে নির্দেশ দিলেন। এর পরদিন তিনি তাদের কাছে লোক প্রেরণ করে বললেন, তোমরা তোমাদের আমীরের কাছে কি পোশাকে প্রবেশ কর তখন তারা ছাপানো কাপড় পরিধান করলেন, মাথায় পাগড়ী বাঁধলেন, রেশমী চাদর পরিধান করলেন এবং সম্রাটের কাছে প্রবেশ করলেন। সম্রাট তাদেরকে বললেন, তোমরা ফেরত যাও তখন তারা ফেরত গেলেন। সম্রাট

তার সাথীদেরকে বললেন, “এদেরকে তোমরা কেমন দেখলে ?” তারা বলল, এরা তো আগের লোকদের চেহারার মতই মনে হয় বরং এরা তারাই । তৃতীয় দিনে আবার তিনি তাদের নিকট লোক প্রেরণ করলেন এবং তাদেরকে বললেন, তোমরা কি পোশাকে ও কেমন করে তোমরা তোমাদের দুশ্মনের মুকাবিলা কর । তখন তারা তাদের অস্ত্রশস্ত্র পরিধান করলেন, মাথায় লোহার টুপি পরিধান করলেন, টুপির নীচে টুপি সংরক্ষণকারী পরিধান করলেন, কোমরে তলোয়ার বাঁধলেন । তীরদানী পিঠে বাঁধলেন এবং তীরদানীর মধ্যে তীর সংগ্রহ করে রাখলেন । তারা তাদের ঘোড়ার পিঠে আরোহণ করলেন এবং পাহাড়ের ন্যায় সুশ্রৎস্থল ভাবে সামনের দিকে অস্তসর হলেন । যখন মুসলমান সৈন্যগণ স্ত্রাটের নিকটবর্তী হলেন, তখন তারা তাদের তীর ভূমিতে প্রোথিত করলেন । তারপর তারা তাঁর দিকে দৌড়িয়ে অস্তসর হলেন । তখন তাদেরকে বলা হলো, ফিরে যাও । তারা ফিরে গেলেন এবং তাদের ঘোড়ায় তারা আরোহণ করলেন । তাদের তীর তারা টেনে বের করে নিলেন এবং তাদের ঘোড়া তারা পরিচালনা করতে লাগলেন । ঘোড়া যেন তাদেরকে উড়িয়ে নিয়ে যাচ্ছিল । চীনাবাসীদের অন্তরে ভয়-ভীতির সংগ্রাম হওয়ার কারণে তাদের ফিরে যেতে বলা হয়েছিল । তারা চলে যাওয়ার পর স্ত্রাট তার সাথীদেরকে বললেন, তোমরা তাদেরকে কেমন দেখলে ? তখন তারা প্রতি উত্তরে বলল, “তাদের মত একপ সুসজ্জিত বাহিনী আমরা আর কোন কালে দেখিনি ।” যখন বিকাল বেলা হলো, তখন স্ত্রাট মুসলিম সৈন্যদের কাছে লোক প্রেরণ করে বললেন, তোমরা আমার কাছে তোমাদের নেতা ও উত্তম লোকটিকে প্রেরণ কর । তারা তখন স্ত্রাটের কাছে হ্রায়রাহকে প্রেরণ করলেন । হ্রায়রাহ যখন স্ত্রাটের কাছে প্রবেশ করলেন । স্ত্রাট তাকে বললেন, তোমরা আমার দেশের বিশালতা ও প্রকাণ্ডতা দেখলে । আর তোমাদেরকে আমার থেকে রক্ষা করারও যে কেউ নেই তাও দেখলে । অধিকস্তু তোমরা আমার হাতের তালুতে ডিমের ন্যায় অবস্থান করছ । আমি তোমাকে একটি প্রশ্ন জিজ্ঞাসা করব । যদি আমার কাছে সত্যি বল তাহলে ভাল কথা, অন্যথায় আমি তোমাকে হত্যা করব । হ্রায়রাহ বললেন, প্রশ্ন করুন । স্ত্রাট বললেন, প্রথম, দ্বিতীয় ও তৃতীয় দিনে তোমরা যা কিছু করলে, বলত, তোমরা একপ কেন করলে ? হ্রায়রাহ বললেন, আমাদের প্রথম দিনের পোশাক হচ্ছে আমাদের পরিবার-পরিজন ও চিকিৎসকের কাছে পরিধানযোগ্য পোশাক । আর দ্বিতীয় দিন আমরা যে পোশাক পরিধান করেছি তা আমরা যখন আমাদের আমীরের কাছে গমন করি, তখন তা পরিধান করে থাকি । আর তৃতীয় দিন আমরা যে পোশাক পরেছি তা হলো যখন আমরা শক্রের মুকাবিলা করি । স্ত্রাট বললেন, আহ কি সুন্দর করে তোমরা তোমাদেরকে সজ্জিত করেছ । এখন তোমরা তোমাদের সাথী কুতায়বার কাছে চলে যাও এবং তাকে বলো সেও যেন আমার দেশ থেকে চলে যায় । কেননা, আমি তার লোভের কথা বুঝেছি এবং তার সাথীদের সংখ্যার স্বল্পতাও আমি অনুধাবন করেছি । অন্যথায় আমি তোমাদের প্রতি এমন সংখ্যক সৈন্য প্রেরণ করব, যারা তোমাদেরকে নির্মূল করে দেবে । হ্রায়রাহ তখন তাকে বললেন : আপনি কি কুতায়বাহকে এ কথা বলছেন ? তার সৈন্য সংখ্যা কেমন করে স্বল্প হবে যার প্রথমাংশ আপনার দেশে । আর শেষাংশ যায়তুন উৎপাদনের দেশে । আর তিনি কেমন করে লোভী হবেন, যিনি দুনিয়ার সহায়-সম্পদের মালিক হওয়া সত্ত্বেও সেগুলো ভোগ না করে আপনার দেশে যুদ্ধ করতে এসেছেন । আর আপনি যে আমাদেরকে হত্যা করার ভয় দেখাচ্ছেন তার ব্যাপারে আমাদের বক্তব্য হলো এই, আমরা জানি আমাদের একদিন মৃত্যু আছে । তা আসবেই । এ মৃত্যুর মধ্যে আমাদের কাছে সম্মানিত মৃত্যু হলো নিহত হওয়া বা শাহাদতবরণ করা । এ মৃত্যুকে আমরা •

খারাপও জানি না, ভয়ও করি না। তখন স্মার্ট বললেন, আমাদের সেনাপতি কি পেলে খুশী হবেন? তিনি বললেন, আমাদের সেনাপতি শপথ করেছেন যে, আপনার দেশে পদচারণা করা ও আপনার রাজত্বকে ধ্বংস করা এবং আপনাদের দেশ থেকে কর সংগ্রহ ব্যতীত তিনি স্বদেশে প্রত্যাবর্তন করবেন না। স্মার্ট বললেন, আমি তার শপথকে রক্ষা করব এবং তাকে আমার দেশ থেকে বের হয়ে যাওয়ার ব্যবস্থা করে দেবো। আমি তার কাছে আমার দেশের কিছু মাটি প্রেরণ করব। শাহিযাদাদের মধ্য থেকে চারজন গোলামকে প্রেরণ করব। তার কাছে প্রচুর স্বর্ণ, রেশমী কাপড়, অমূল্য চীনা কাপড় যেগুলোর মূল্য সহজে অনুমান করা যায় না, তার কাছে প্রেরণ করব। তারপর তাদের কুতায়বার সাথে স্মার্টের অনেক কথাবার্তা হলো এবং স্থির হলো যে, স্মার্ট স্বর্ণের কিছু বড় বড় পাত্র প্রেরণ করবেন, যেগুলোর মধ্যে থাকবে তার দেশের কিছু মাটি যাতে কুতায়বা তা পা দিয়ে মাড়াতে পারবে। তার বংশধরের একদল ছেলেমেয়ে এবং অন্যান্য রাজপরিবারের কিছু ছেলে-মেয়েও প্রেরণ করা হবে যাদের ইচ্ছে করলে কুতায়বা খতম বা হত্যা করতে পারেন আর প্রচুর সম্পদ প্রেরণ করবেন যাতে কুতায়বা তার শপথ রক্ষা করতে পারেন। কথিত আছে যে, স্মার্ট তার ছেলে-মেয়েদের এবং অন্যান্য শাহিযাদাদের চারশতের একটি দল প্রেরণ করেছিলেন। চীনের স্মার্ট কুতায়বার কাছে যা কিছু প্রেরণ করলেন তিনি তা গ্রহণ করলেন। তার কারণ হলো, আমীরুল মু'মিনীন আল ওয়ালীদ ইব্ন আবদুল মালিকের মৃত্যুর খবর তার কাছে পৌঁছেছিল, তাতে তিনি সাহস হারিয়ে ফেলেন। অন্যদিকে কুতায়বা ইব্ন মুসলিম আল বাহিলীও নব মনোনীত সুলায়মান ইব্ন আবদুল মালিকের বায়আত বর্জন করার জন্য সিদ্ধান্ত নিয়েছিলেন এবং তার নিয়ন্ত্রণে প্রচুর সৈন্য সামন্ত থাকায় খিলাফতের দাবীদার হিসেবে তিনি নিজেকে ভাবতে লাগলেন। কিছু বিভিন্ন শহর, দেশ ও প্রদেশ বিজয় হওয়ার কারণে তা তার পক্ষে সম্ভব হয়ে উঠেনি। অধিকস্তু এ বছরের শেষের দিকে তিনি নিহত হন। তার উপর আল্লাহর শাস্তি বর্ষিত হোক। কথিত আছে যে, তার হাতে কোন ইসলামী ঝাও়া ভেঙ্গে যায়নি। তিনি ছিলেন আল্লাহর পথে জিহাদকারীদের অন্যতম। তাঁর আয়তে যে বিবাট সৈন্যদল একত্রিত হয়েছিল কারো ক্ষেত্রে এরূপ সম্ভব হয়নি।

এ বছরেই মাসলামা ইব্ন আবদুল মালিক আস-সাইফার (গ্রীষ্মকালীন) যুদ্ধ করেন। এ বছরেই আল-আবাস ইব্ন আল-ওয়ালীদ রোম ভূখণে যুদ্ধ করেন। তিনি রোমের শহরগুলোর মধ্য হতে তুলাস ও মারযাবানী নামক শহরগুলো জয় করেন।

এ বছরেই আমীরুল মু'মিনীন আল-ওয়ালীদ ইব্ন আবদুল মালিক ইব্ন মারওয়ান (র)-এর হাতে দামেশকের জামি' মসজিদের নির্মাণ কাজ সমাপ্ত হয়। (মহান আল্লাহ্ তাঁকে উত্তম প্রতিদান প্রদান করুন।) এ মসজিদের জায়গায় পূর্বে একটি গির্জা ছিল। গ্রীক কাললদানীরা দামেশ্ক শহর আবাদ করার সময় এটা নির্মাণ করেছিলেন। আর তারাই প্রথম দামেশ্ক শহরের ভিত্তি প্রস্তর স্থাপন করেছিলেন ও পরিপূর্ণভাবে নির্মাণ করেছিলেন। আর তারাই ছিলেন প্রথম যারা দামেশ্ক শহরকে মনের মত করে নির্মাণ করেছিলেন ও সাজিয়েছিলেন। তারা সাতটি নির্দিষ্ট নক্ষত্রের ইবাদত/উপাসনা করতো। আর তারা মনে করত যে, দুনিয়ার আকাশে রয়েছে চন্দ, দ্বিতীয় আকাশে রয়েছে উত্তারিদ, তৃতীয় আকাশে রয়েছে যুহরাহ। চতুর্থ আকাশে রয়েছে সূর্য, পঞ্চম আকাশে রয়েছে যুহল। তারা দামেশ্ক শহরের প্রতিটি দরযায় প্রতিটি নক্ষত্রের এক একটি মূর্তি স্থাপন করেছিল। তাদের দেবতার সংখ্যা ও ছিল সাতটি। আর দামেশকের দরযাও তৈরী করা হয়েছিল সাতটি। তাই প্রতিটি দরযায় এক একটি দেবতার মূর্তি স্থাপন করা হয়েছিল। বৎসরের মধ্যে প্রতিটি দরযা ও মূর্তির কাছে তারা একবার ইদ উপযাপন

করত ! তারা এদেরকে তাদের পাহারাদার মনে করত এবং তারা নক্ষত্রগুলোর চলাচল, সংযোগ ও বিছিন্নতা সম্বন্ধে নানারূপ মনগড়া মন্তব্য করত । তারা দামেশ্ক শহরকে অতি সুন্দর ভিত্তির উপর নির্মাণ করেছিল । আর দুই পাহাড়ের মধ্যবর্তী ঘরণার পাশে বিস্তীর্ণ মাঠ নির্মাণ করেছিল । সেখানে বিভিন্ন ধরনের খাল ও নালা তৈরী করেছিল । যেগুলো উঁচু-নীচু বিস্তীর্ণ এলাকা দিয়ে প্রবাহিত হতো । দামেশ্কের প্রতিটি বাড়ির আঙিনায় পানি প্রবাহিত হওয়ার ব্যবস্থা তারা গ্রহণ করেছিল । তাদের সময়ে দামেশ্ক একটি অন্যতম সুন্দর বরং সুন্দরতম শহর হিসেবে স্বীকৃতি লাভ করেছিল । কেননা, তাতে ছিল মনোমুক্তকর ও বিস্ময়কর ব্যবস্থাদি । তারা পূর্বেকার গির্জা ও এখনকার জামি' মসজিদটি দামেশ্ক শহরের উত্তর প্রান্তে নির্মাণ করেছিল । আর তারা উত্তর বা প্রুবতারার দিকে মুখ করে সালাত আদায় করত । তাদের মসজিদের মিহরাবও প্রুবতারার দিকেই অবস্থিত ছিল এবং তাদের গির্জার দরয়া কিবলার দিকেই খুলত । আজকাল মিহরাবের পিছনেই দরয়া নির্মিত হয়েছে । যেমন আমরা দৃশ্যত দেখতে পাই । তাদের গির্জা বা মসজিদের দরয়া খুব সুন্দরভাবে নকশাদার পাথর দিয়ে তৈরী করা হয়েছিল । তার উপরে তাদের ভাষায় অনেক কিছু লিপিবদ্ধ ছিল । গির্জার বাম দিকে ছিল বড় দরযাটির তুলনায় ছোট দুটি দরয়া । আর এর বাম দিক বা গির্জার পশ্চিম দিকে ছিল বিরাট একটি প্রাসাদ যার স্তম্ভগুলো বাবুল বারীদ বা ডাক হরকরার দরযার সাথে সংযোজিত ছিল । গির্জার পূর্ব দিকেও একটি রাষ্ট্রীয় প্রাসাদ ছিল যেখানে তাদের সন্ত্রাট থাকতেন । সেখানে আবার দুটি বড় হল ছিল । এগুলোর মধ্যে তারাই বসবাস করতেন যারা পূর্বে দামেশ্ক শাসন করতেন । কথিত আছে যে, এ গির্জার সাথে শাসকদের জন্য তিনটি বড় বড় প্রাসাদ ছিল । এ তিনটি প্রাসাদ ও গির্জাকে একটি সুউচ্চ প্রচীর ঘেরাও করে রেখেছিল । প্রাচীরটি বড় বড় সবুজ পাথরের তৈরী । সেখানেই ছিল সেবকদের এবং ঘোড়ার ঘর । আর সেখানেই ছিল সবুজ বর্ণের একটি বিরাট প্রাসাদ যা হ্যরত আমীর মুআবিয়া (রা) নির্মাণ করেছিলেন ।

পূর্বেকার লোকদের পুষ্টকাদি হতে গৃহীত তথ্যের ভিত্তিতে ইব্ন আসাকির বলেন : গ্রীকরা দামেশ্ক শহর ও এ সব প্রাসাদ নির্মাণের জন্য আঠার বছর যাবত পারদর্শী স্তুপতি এবং রাশি চক্রের খৌজ করেছিল । দেওয়ালের ভিত্তি খনন করে তারা অপেক্ষা করতে লাগল । এরপর তাদের ধারণায় এমন এক সময় এসে গেল যখন দুটো নক্ষত্র উদয় হয়েছিল । তখন তারা মনে করতে লাগল যে, এখন যদি গির্জাটি নির্মাণ করা হয়, তাহলে এটা আর কোন দিনও ধ্বংস হবে না এবং এটা উপাসনা থেকেও খালী হবে না । আর এ সময় যে ঘরটি তৈরী করা হবে, তা কোন দিনও বাদশাহ ও শাসকের ঘর হিসেবে গণ্য না হয়ে থাকতে পারে না । আল্লামা ইব্ন কাঁছীর (র) বলেন, গির্জা কোন সময় উপাসনা থেকে খালী হয় না । কাঁ'ব আল-আহবার (র) বলেন, গির্জার উপাসনা হতে কিয়ামত পর্যন্ত খালী হয় না । তবে সেখানের তৈরী রাজ-প্রাসাদটির নাম হলো 'খাযরা' । হ্যরত মুআবিয়া (রা) এটাকে পুনঃনির্মাণ করেন । তা চারশত একষতি হিজরীতে পুড়িয়ে দেওয়া হয় । এ সম্বন্ধে পরে বিস্তারিত আলোচনা হবে । তারপর প্রাসাদটি গরীব, মিসকীন ও অসহায় লোকদের বাসস্থান হিসেবে আজ পর্যন্ত বিবেচিত হয়ে আসছে । আসলে গ্রীকরা দামেশ্ক শহরকে যেভাবে আবাদ করেছিলেন সেভাবে তা চার ছাজার বছর পর্যন্ত বিদ্যমান ছিল । এ সম্পর্কে বলা হয়ে থাকে যিনি চারটি গির্জার ভিত্তি প্রস্তর স্থাপন করেছিলেন তিনি হলেন হ্যরত হুদ (আ) । আর তিনি ছিলেন ইব্রাহীম (আ)-এর বছদিন পূর্বের যুগের । ইব্রাহীম (আ) যখন দামেশ্ক আগমন করেন, তখন তিনি দামেশ্কের উত্তরাংশে 'বারযাত' নামক স্থানে অবতরণ করেন । তিনি সেখানে তার দুশ্মনদের একটি দলের

বিরুদ্ধে যুদ্ধ করেন ও তাদের উপর জয়লাভ করেন। আল্লাহ্ তা'আলা তাকে তাদের উপর বিজয় দান করেন। তাদের বিরুদ্ধে যুদ্ধ করার সময় তিনি বারবা নামক স্থানে অবস্থান করেন। আর ঐ জায়গাটি তার নামে প্রসিদ্ধি লাভ করেছে এবং পূর্বেকার কিতাবগুলোতেও তার উল্লেখ রয়েছে। যুগে যুগে ইতিহাসবিদগণ আজ পর্যন্ত এ জায়গাটির প্রশংসা করে আসছে। মহান আল্লাহ্ অধিক পরিজ্ঞাত।

দামেশ্ক শহরটি ঐ সময় গ্রীকদের দ্বারা উত্তমরূপে আবাদ হয়েছিল। আর তাদের সংখ্যা এত অধিক ছিল যে, আল্লাহ্ ব্যতীত অন্য কেউ তাদের সঠিক সংখ্যা জানত না। তারা ছিল হ্যরত ইব্রাহীম (আ)-এর শক্তি। ইব্রাহীম (আ) তাদের সাথে মূর্তিপূজা, নক্ষত্রপূজা ও অন্যান্য অসামাজিক কার্যকলাপের ব্যাপারে বিভিন্ন জায়গায় বিতর্কে উপনীত হয়েছিলেন। আল্লামা ইব্ন কাছির (র) বলেন, এ সম্পর্কে আমার লিখিত তাফসীরে ও অত্র পৃষ্ঠকের ইব্রাহীম (আ)-এর কাহিনীতে বিস্তারিত বর্ণনা রয়েছে।

বস্তুত গ্রীকরা দামেশ্ক শহর আবাদ করছিল। তার মধ্যে প্রাসাদ তৈরী করছিল। তার উপশহর হিসেবে হুরান এলাকা, বিকা, বা'লাবাক ও অন্যান্য শহর গড়ে তোলে। এগুলোতেও বিভিন্ন ধরনের বিশ্বায়কর স্থাপত্য গড়ে তোলে। হ্যরত ফুসা (আ)-এর তিরোধানের প্রায় তিনশত বছর পর সিরিয়াবাসীরা স্ম্রাট কুসতুনতীম ইব্ন কুসতুনতীনের হাতে খৃষ্টান ধর্মে দীক্ষিত হয়। স্ম্রাট রোমের প্রসিদ্ধ শহর কুসতুনতীনিয়ার ভিত্তি প্রস্তর স্থাপন করেন ও শহরটিকে গড়ে তোলেন। তিনিই রোমবাসীদের জন্যে বিধি-বিধান প্রণয়ন করেন। প্রথমতঃ তিনি, তার সম্প্রদায় ও পৃথিবীর অধিকাংশ বাসিন্দাই ছিলেন গ্রীক। খৃষ্টীয় পাদরীরা তাদের জন্যে এমন একটি ধর্ম আবিষ্কার করেন যেটা খৃষ্টানদের মূল ধর্মের সাথে মূর্তিপূজার কিছু সংমিশ্রণ ছিল। তারা পূর্বদিকে সালাত আদায় করত। সিয়াম পালনে বাড়াবাড়ি করত। শূকরকে হালাল ঘোষণা করেছিল, তাদের চিন্তা-ধারণা অনুযায়ী তাদের সন্তানদেরকে বড় আমানত শিক্ষা দিয়েছিল, কিন্তু তা ছিল প্রকৃতপক্ষে বড় খিয়ানত ও বহু ধরনের নিকৃষ্ট অপরাধ। আর এগুলো ছিল নগণ্য। আল্লামা ইব্ন কাছির (র) বলেন, এ ব্যাপারে আমি পূর্বে বক্তব্য রয়েছি ও বিবরণ দিয়েছি। এ স্ম্রাট যার প্রতি খৃষ্টানদের সরকারী দল সম্পৃক্ত ছিল, তাদের জন্যে দামেশ্ক ও অন্যান্য জায়গায় বড় বড় গির্জা তৈরি করেছিল। এমনকি কথিত আছে যে, সে বার হাজার গির্জা তৈরী করেছিল। আর এগুলোর জন্যে বহু গৃহ ওয়াক্ফ করে দিয়েছিল। এগুলোর মধ্য হতে একটি বায়তুল লাহমের গির্জা এবং অপরটি কুদসে অবস্থিত কুমামা গির্জা। সেটাকে তৈরী করেছিল উমে হায়লানাতাহ আল- গান্দাকানিয়া ও অন্যরা।

বস্তুত দামেশ্কে অবস্থিত গ্রীকদের কাছে মহা সম্মানিত গির্জাকে খৃষ্টানরা ইউহান্না গির্জায় রূপান্তরিত করেছিল। তারা দামেকে এটা ব্যতীত অন্যান্য নতুন অনেক গির্জা তৈরী করেছিল। প্রায় তিনশত বছর যাবত খৃষ্টানরা দামেশ্ক ও অন্যান্য জায়গায় তাদের ধর্মের উপর স্থায়ী ছিল। এরপর আল্লাহ্ তা'আলা হ্যরত মুহাম্মদ (সা)-কে প্রেরণ করেন। এ পুস্তকের সীরাত পরিচ্ছেদে এ সম্পর্কে কিছু বর্ণনা পেশ করা হয়েছে। রাসূলুল্লাহ্ (সা) তাঁর যুগে রোমের স্ম্রাটের কাছে পত্র লিখেছিলেন, যার নাম ছিল হিরাকুয়াস। তিনি তাকে মহান আল্লাহর পথে আহ্বান করেছিলেন। তখন সে আবু সুফিয়ানের শরণাপন্ন হয়েছিল এবং তার সাথে কথোপকথন হয়েছিল যা পূর্বে বর্ণনা করা হয়েছে। তারপর রাসূলুল্লাহ্ (সা) তিনজন সেনাপতি যথা যায়দ ইব্ন হারিছাহ, জা'ফর ইব্ন আবু তালিব ও ইব্ন রাওয়াহাকে সিরিয়ার সীমান্তে অবস্থিত বালকায় প্রেরণ করেন। রোমের স্ম্রাটও তাদের উদ্দেশ্যে বিরাট সৈন্যদল প্রেরণ

করেন। এ সেনাপতিরা তাদের সাথে আগত সৈন্যদল সহ নিহত হন। তারপর রাসূল (সা) রোমীয়দের সাথে যুদ্ধ করতে এবং তাবুকের বছর সিরিয়ায় প্রবেশ করতে ইচ্ছে করেছিলেন। কিন্তু তীব্র গরম ও লোকজনের দুরবস্থার দরুণ ফেরত আসেন। তারপর রাসূলুল্লাহ (সা) যখন ইন্তিকাল করেন, হ্যরত আবু বকর সিদ্দীক (রা) সিরিয়ায় সৈন্যদল প্রেরণ করেন। তাতে দামেশ্ক শহর ও আশপাশের এলাকা আক্রান্ত হয়। আল্লামা ইবন কাষীর (র) বলেন : ‘দামেশ্ক বিজয়’ বর্ণনার সময় আমি এ ব্যাপারে বিস্তারিত বর্ণনা রেখেছি।

ইসলামের কর্তৃত যখন তথায় প্রতিষ্ঠিত হয়, সেখানে মহান আল্লাহ তাঁর রহমত নাখিল করেন। তথায় তাঁর অনুগ্রহের হাওয়া প্রবাহিত করেন। যুদ্ধের সেনাপতি আবু উবায়দাহ, কেউ কেউ বলেন, খালিদ ইবন ওয়ালীদ তখন দামেশ্কবাসীদের জন্যে একটি নিরাপত্তা পত্র লিপিবদ্ধ করে দেন। খৃষ্টানদের ক্ষমতা ১৪টি গির্জায় প্রতিষ্ঠিত হয়। আর তারা মুসলমানদের থেকে মারিহানা গির্জার অর্ধেক নিয়ে নেন এ যুক্তিতে যে, খালিদ শহরটি পূর্ব দিকের দরয়া দিয়ে তলোয়ারের মাধ্যমে জয় করেন। খৃষ্টানরা আবু উবায়দাহ (রা) হতে নিরাপত্তা পত্র গ্রহণ করে। কারণ, আবু উবায়দাহ বাবুল জাবীয়ায় ছিলেন। যা সন্দিগ্ধ মাধ্যমে বিজয় হয়। প্রথমতঃ তারা মতবিরোধ করে এবং পরে এ কথার উপরে ঝঁক্যবন্ধ হয় যে, শহরের অর্ধেক সন্দিগ্ধ মাধ্যমে বিজয় হয়েছিল এবং বাকী অর্ধেক তলোয়ারের মাধ্যমে। তাই মুসলমানগণ এ গির্জার পূর্বাংশ নিয়ে নেন। আবু উবায়দাহ এটাকে মসজিদে পরিণত করেন। মুসলমানগণ সেখানে সালাত আদায় করেন। এ মসজিদে যিনি প্রথম সালাত আদায় করেন, তিনি হ্যরত আবু উবায়দাহ ইবনুল জাররাহ (রা)। তারপর পূর্বাংশের এলাকায় সাহাবায়ে কিরাম সালাত আদায় করেন। তাই এ এলাকার নাম ছিল ‘মিহরাবুস সাহাবাহ’। কিন্তু তার দেওয়াল মিহরাবে মুহান্নির দিকে খোলা ছিল না। তারা ঐ নির্দিষ্ট এলাকায় সালাত আদায় করত। প্রকাশ থাকে যে, খলীফাহ আল ওয়ালীদ সামনের দেওয়ালে বিভিন্ন মাযহাবের মিহরাব খুলেছিলেন। আল্লামা ইবন কাষীর (র) বলেন, এ মিহরাবগুলো পরে সৃষ্টি হয়েছে। এগুলো আল-ওয়ালীদের সৃষ্টি নয়। তিনি মাত্র একটি মিহরাব তৈরী করেছিলেন। যদি তিনি আদৌ কোন মিহরাব সৃষ্টি করে থাকেন, তবে সম্ভবত তিনি এরূপ কোন পদক্ষেপ গ্রহণ করেননি। খলীফাহ শুধু একটি মিহরাবে সালাত আদায় করেছেন। আর বাকী মিহরাবগুলো কিছুদিনের মধ্যে তৈরী হয়ে যায়। প্রত্যেক ইমামের জন্য ছিল একটি মিহরাব যথা : শাফিউদ্দীন, হানাফী, মালিকী ও হাস্বলী। এ মিহরাবগুলো আল-ওয়ালীদের পরেই তৈরী করা হয়েছে।

আমাদের পূর্বেকার বহু উলামায়ে কিরাম এ ধরনের মিহরাবগুলোক খারাপ মনে করতেন। তারা এগুলোকে সৃষ্টি বিদআত বলে আখ্যায়িত করেছেন। মুসলমান এবং খৃষ্টানরা এক দরজয় দিয়ে উপাসনালয়ে প্রবেশ করতেন। আর এটা হলো কিবলার দিকে অবস্থিত উচু দরযাটি। তখনকার বড় মিহরাবের জায়গাটি আজকালকার মিহরাবে অবস্থিত। তারপর খৃষ্টানরা পশ্চিম দিকে তাদের গির্জা পানে আগমন করত। আর মুসলমানগণ তাদের মসজিদের দিকে আগমন করতেন। মুসলিম সাহাবীগণের সম্মানে ও ভয়ে খৃষ্টানরা তাদের কিভাবের কিরাআত উচ্চস্বরে পড়তে পারতেন না এবং তাদের পূজার ঘট্টাও বাজাতে পারতেন না। আমীর মুআবিয়া (রা) সিরিয়ায় তাঁর খিলাফত আমলে সাহাবায়ে কিরামের নির্মিত মসজিদের সামনে একটি প্রাসাদ তৈরী করেন। সেখানে তিনি একটি সবুজ গম্বুজ তৈরী করেন। আর এই সবুজ গম্বুজের সৌন্দর্য ও পরিপূর্ণতার দরুণ প্রাসাদটি বিখ্যাত ছিল। আমীর মুআবিয়া (রা) সেখানে ৪০ বছর বসবাস করেন যেমন পূর্বে বর্ণনা করা হয়েছে। তারপর গির্জাটি দুই ভাগে বিভক্ত হয়ে পড়ে। মুসলমান

এবং খৃষ্টানদের মধ্যে ১৪ হিজরী থেকে ৮৬ হিজরীর যুল-কা'দা মাস পর্যন্ত গির্জাটি সমান দুইভাগে বিভক্ত ছিল। এ বছর শাওয়াল মাসে আল-ওয়ালীদ ইব্রন আবদুল মালিক খলীফা মনোনীত হন। তখন তিনি খৃষ্টানদের দখলে অবস্থিত গির্জার অর্ধেক অংশটি অধিঘণ্ঠণ করে মুসলমানদের অংশের সাথে সম্পৃক্ত করার ইচ্ছে পোষণ করেন এবং সম্পূর্ণ গির্জাটাই একটি মসজিদে পরিণত করেন। কেননা, কোন কোন মুসলমান খৃষ্টানদের ইনজীল পড়া শুনে এবং তাদের সালাতে প্রতিধ্বনিত উচ্চস্বর শুনে কষ্টবোধ করতেন। তাই খলীফা খৃষ্টানদেরকে মুসলমানদের থেকে সরিয়ে দেওয়ার ইচ্ছে করলেন। আর তাদের জায়গাটিকে মুসলমানদের জায়গার সাথে সম্পৃক্ত করা পদ্ধতি করলেন। তাতে সবটাই মুসলমানদের জন্য একটি ইবাদতের জায়গা হিসেবে পরিণত হলো এবং মুসলমানদের সংখ্যা বৃদ্ধি পাওয়ায় মসজিদটি সম্প্রসারিত হলো। তখন খৃষ্টানদেরকে খলীফা বললেন, তারা যেন এখান থেকে বের হয়ে যায় এবং এটার পরিবর্তে তাদের অন্য এ বহু জায়গা দেওয়া হবে। তাদেরকে আরও চারটি গির্জার কর্তৃত দেওয়া হবে, যা পূর্বেকার অঙ্গীকারনামায় শামিল ছিল না। এগুলো হলো মারইয়ামের গির্জা, পূর্ব দরযার ভিতরে মাসলাবাহ গির্জা, তিলুল জুবন গির্জা, হুমায়দ ইব্রন দাররা গির্জা বা সাকাল দরজার কাছে অবস্থিত। কিন্তু তারা তা গ্রহণ করতে কঠোরভাবে অঙ্গীকার করল। তখন খলীফাহু তাদেরকে বললেন, সাহাবাগণের যামানায় তোমাদের সাথে যে অঙ্গীকার করা হয়েছিল সে অঙ্গীকার পত্রটি উপস্থাপন কর। তারা অঙ্গীকার পত্রটি উপস্থাপন করল এবং তা আল-ওয়ালীদের সম্মুখে পাঠ করা হলো। দেখা গেল তোমা গির্জাটি যা নদীর ধারে তোমা দরযার বাইরে ছিল তাও পূর্বেকার অঙ্গীকারনামায় শামিল ছিল না। আর এটা মারীহানা গির্জা হতে অনেক বড় বলে পরিচিত। আল-ওয়ালীদ তখন বললেন, আমি এটাকে ধ্বংস করে দেব। এটাকে মসজিদে পরিণত করব। কিন্তু তারা বলল, আমীরুল্ল মু'মিনীন যেন যেসব গির্জার কথা উপরে উল্লেখ করা হয়েছে, সেগুলো আমাদেরকে ছেড়ে দেন, তাতে আমরা খুশী থাকব এবং সন্তুষ্ট চিন্তে গির্জার বাকী অংশ ছেড়ে দেব। খলীফা তাদেরকে উপরোক্ত গির্জাগুলোর কর্তৃত দান করেন এবং তাদের থেকে এ গির্জার বাকী অংশ গ্রহণ করেন। উপরোক্ত তথ্যটি একটি বর্ণনায় পাওয়া যায়।

আবার এক্সপও কথিত আছে যে, আল-ওয়ালীদ যখন এ বিষয়টির উপর গুরুত্ব আরোপ করেন এবং খৃষ্টানদের কাছে যা প্রস্তাব করার তা প্রস্তাব করলেন, খৃষ্টানরা তা গ্রহণ করতে অঙ্গীকার করল। তখন খলীফার কাছে কোন এক ব্যক্তি প্রবেশ করলেন এবং তাকে পরামর্শ দিলেন যেন পূর্ব দিকের দরযা ও আল-জাবিয়া দরযা দিয়ে পরিমাপ শুরু করা হয়। তাহলে তারা দেখতে পাবে যে, গির্জাটি তলোয়ারের মাধ্যমে বিজিত অংশের মধ্যে পতিত হয়। তারপর তারা পূর্ব দিকের দরযা এবং জাবিয়া দরযা দিয়ে পরিমাপ শুরু করে। তখন তারা আর-রায়হান বাজারের প্রায় পাশেই গির্জার অর্ধেক দেখতে পেল। আর গির্জাটি পুরোপুরি তলোয়ারের মাধ্যমে বিজিত অংশে পতিত হলো। তখন খলীফা গির্জাটি নিয়ে নিলেন। আল-ওয়ালীদের আয়দৃকৃত গোলাম মুগীরা হতে বর্ণিত আছে যে, তিনি বললেন, একদিন আমি আল-ওয়ালীদের দরবারে প্রবেশ করলাম। তাকে খুব চিন্তিত দেখতে পেলাম। তখন আমি তাকে বললাম, হে আমীরুল্ল মু'মিনীন! আপনি চিন্তিত কেন? তিনি বললেন, মুসলমানগণ সংখ্যায় বৃদ্ধি পেয়েছে তাই মসজিদ তাদেরকে নিয়ে সংকীর্ণরূপ ধারণ করেছে। কাজেই খৃষ্টানদেরকে উপস্থিত করলাম এবং গির্জার বাকী অংশ মসজিদের সাথে শামিল করার জন্যে তাদেরকে অর্থ প্রদানের প্রস্তাব করলাম যাতে মুসলমানদের জন্যে মসজিদটি সম্প্রসারিত হয়। কিন্তু, তারা

অস্বীকার করে। মুগীরা বলেন, হে আমীরুল মু'মিনীন! আমার কাছে একটি পদ্ধতি আছে, যা দ্বারা আপনার চিন্তা দূরীভূত হবে। খলীফাহ বললেন : সেটা কী? মুগীরা বললেন, যখন সাহাবায়ে কিরাম দামেশক দখল করেন, তখন খালিদ ইব্ন আল-ওয়ালীদ পূর্ব দরয়া দিয়ে তলোয়ার হাতে নিয়ে প্রবেশ করেন। শহরবাসীরা যখন এ কথা শুনল ভীত-সন্ত্রন্ত হয়ে হযরত আবু উবায়দাহ (রা)-এর কাছে গমন করল এবং তার কাছে নিরাপত্তার প্রার্থনা করল। তিনি তাদেরকে নিরাপত্তা দিলেন। তারা তার জন্যে জায়য়ার দরয়া খুলে দিল। হযরত আবু উবায়দাহ (রা) ঐ দরয়া দিয়ে সঞ্চির মাধ্যমে শহরে প্রবেশ করেন। এখন আমরা তাদেরকে প্রদর্শন করব, যে জায়গায় তলোয়ার পৌঁছবে সেটা আমরা নিয়ে নিব। আর যা সঞ্চির মাধ্যমে হয়েছে তা আমরা তাদের হাতে ছেড়ে দেব। আমি আশা করি যে, গির্জার সবটুকুই তলোয়ারের মাধ্যমে দখলকৃত জায়গার মধ্যে প্রবেশ করবে। আল-ওয়ালীদ তখন বললেন, আমাকে তুমি চিন্তামুক্ত করেছ, এখন তুমি নিজেই এটারও একটা ব্যবস্থা কর। মুগীরাহ তখন এটার একটা সুব্যবস্থা করার দায়িত্ব নিলেন। তিনি তখন পূর্ব দরয়া থেকে শুরু করে জাবিয়া দরয়া পর্যন্ত রায়হান বাজারের দিকে পরিমাপ করলেন। তখন দেখা গেল তলোয়ারের মাধ্যমে বিজিত জায়গাটি প্রায় ৪ গজ বড় পুল অতিক্রম করে গিয়েছে। আর গির্জাটি মসজিদের এলাকার মধ্যে চুকে পড়েছে। আল-ওয়ালীদ খৃষ্টানদের কাছে এক ব্যক্তিকে প্রেরণ করলেন এবং এ ব্যাপারে তাদেরকে অবহিত করলেন। তিনি বললেন, গির্জার সমষ্টিটাই তলোয়ারের মাধ্যমে বিজিত জায়গার মধ্যে প্রবেশ করেছে, তাই এটা আমাদের জায়গা, তোমাদের নয়। খৃষ্টানরা বলতে লাগল আপনি প্রথমত আমাদেরকে প্রচুর সম্পদ এবং বিভিন্ন ভূ-খণ্ড (গির্জা) প্রদান করার প্রস্তাব করেছিলেন আর আমরাও তা গ্রহণ করতে অস্বীকার করেছিলাম। এখন এটা আমীরুল মু'মিনীনের দয়া। যদি আমাদের সাথে তিনি সঞ্চি করেন এবং এ চারটি গির্জা আমাদের দখলে দিয়ে রাখেন আমরা তার জন্য গির্জার বাকী অংশটুকু সন্তুষ্ট চিন্তে ছেড়ে দিব। আল-ওয়ালীদও এ চারটি গির্জা তাদের দখলে ছেড়ে দেওয়ার শর্তে তাদের সাথে সঞ্চি করেন।

কেউ কেউ বলেন : আল- ওয়ালীদ তাদেরকে মসজিদে রূপান্তরিত গির্জার পরিবর্তে বাবুল ফারাদীসের নিকটে ও হাত্তামূল কাসিমের পাশে একটি গির্জা প্রদান করেন, যাকে তারা মারীহানা নামে অভিহিত করেন। তারা ঐ গির্জার শাহিদিটি (বড় মূর্তি) গ্রহণ করল এবং মসজিদে রূপান্তরিত গির্জাটির পরিবর্তে তারা যে গির্জাটি নিল তার মধ্যে শাহিদিটি রেখে দিল। তারপর আল-ওয়ালীদ স্থাপনা ধ্বংস করার যন্ত্রপাতি হায়ির করার হুকুম দিলেন। আমীর ও সরদারগণ তার কাছে একত্রিত হলো, যাতে ধ্বংসকার্যে অংশগ্রহণ করতে পারে। খৃষ্টানদের পাদরীরাও তাঁর কাছে আগমন করল এবং তারা বলতে লাগল, হে আমীরুল মু'মিনীন! আমরা আমাদের কিভাবে লিপিবদ্ধ পেয়েছি, যে ব্যক্তি এ গির্জার ধ্বংস করবে সে পাগল হয়ে যাবে। আল-ওয়ালীদ তখন বললেন, আমি মহান আল্লাহর রাস্তায় পাগল হওয়াটাকে পেসন্দ করি। আল্লাহর শপথ, আমার পূর্বে আর কেউ এটার কিছু ভাঙতে পারবে না। তারপর তিনি পূর্ব দিকের মিনারায় উঠলেন যার মধ্যে ছিল বিভিন্ন শুভ। আর এ শুভগুলো ঘড়ি হিসেবে পরিচিত ছিল। সেখানে ছিল একটা ইবাদতখানা। সেখানে থাকতেন তাদের একজন পাদরী। আল-ওয়ালীদ তাকে সেখান থেকে অবতরণের হুকুম দিলেন কিন্তু পাদরী তা অগ্রহ্য করলেন। তখন আল- ওয়ালীদ পাদরীর গর্দান ধরে ধাক্কাতে ধাক্কাতে তাকে নীচে নিয়ে আসলেন। তারপর আল-ওয়ালীদ গির্জার সবচেয়ে উচু জায়গায় আরোহণ করলেন যা সবচেয়ে বড়

বেদীরও উপরে। এটাকে তারা বলত শাহিদ। প্রকৃতপক্ষে শাহিদ ছিল গির্জার সবচেয়ে উপরে একটি বড় মূর্তি। পাদরীরা আল-ওয়ালীদকে বলল, শাহিদ থেকে যেন সতর্কতা অবলম্বন করে এবং শাহিদ থেকে যেন দূরে থাকে। আল-ওয়ালীদ বললেন, “আমি প্রথমেই শাহিদের মাথায় কুড়াল ঠেকাব। এ কথা বলে তিনি আল্লাহ আকবর ধ্বনি দিলেন এবং এটাকে সজোরে আঘাত করলেন ও এটাকে ধ্বংস করে দিলেন। আল ওয়ালীদের গায়ে ছিল একটি হালকা হলুদ রংয়ের জামা। তিনি জামার ঝুলকে কোমরে পেঁচিয়ে ছিলেন। তারপর তিনি তার হাতে একটি কুড়াল নিলেন এবং এটা দিয়ে পাথরের উপরিভাগে সজোরে আঘাত করলেন ও তা নীচে ফেলে দিলেন। আমীরগণ তা ধ্বংস করার জন্যে এগিয়ে আসলেন। মুসলমানেরা তিনি বার তাকবীরধনি দিলেন। জীর্ণন নামক রাস্তায় খৃষ্টানরা দাঁড়িয়ে সজোরে বিলাপ করতে লাগল। তারা সেখানে সমবেত হয়েছিল। আল-ওয়ালীদ পুলিশ সুপার আবু নাইল রায়য়াহ আল-গামুসানীকে হৃকুম দিলেন যেন তাদেরকে লাঠিপেটা করে সেখান থেকে ছেব্বেজ করা হয়। তিনি তা করলেন। খৃষ্টানদের এ উপসনালয়ের উন্নতিকল্পে বেদী, নতুন স্থাপত্য শিল্প, স্তরেস্তরে বানানো দর্শকদের গ্যালারী ইত্যাদির ন্যায় নির্মিত সাজসরঞ্জামকে আল-ওয়ালীদ এবং তার সাথী আমীরগণ ধ্বংস করে দেন। তাতে ঐ জায়গাটি সমতল ভূমিতে পরিগত হয়। তারপর আল-ওয়ালীদ চমৎকার ও বিস্ময়কর ঝুপরেখার ভিত্তিতে অভিনব চিঞ্চাধারার মাধ্যমে মসজিদের নির্মাণ কার্য শুরু করলেন। পূর্বে এধরনের কার্যকার্যময় নির্মাণকার্য আর প্রসিদ্ধি লাভ করে নাই।

এ মসজিদ নির্মাণের কার্যে আল-ওয়ালীদ বহু কারিগর, প্রকৌশলী ও কর্মচারীদেরকে নিযুক্ত করেছিলেন। আর এ কাজের সঠিক তত্ত্বাবধানে ছিলেন খলীফার ভাই যুবরাজ সুলায়মান ইব্ন আবদুল মালিক। কথিত আছে যে, আল-ওয়ালীদ রোমের সন্ম্বাটের কাছে মার্বেল ও অন্যান্য পাথরের বিজ্ঞ কারিগর চেয়ে পত্র লিখেন, যাতে তিনি তার ইচ্ছে অনুযায়ী মসজিদটি তৈরী করার ক্ষেত্রে সক্রিয় সাহায্য করেন। আর তাকে সতর্ক করে দেন যদি তিনি তাঁ না করেন তাহলে তাদের দেশে সৈন্য প্রেরণ করে মুসলমানেরা যুদ্ধ করবেন এবং তার দেশের প্রতিটি গির্জাকে ধ্বংস করে দিবেন। আর কুদসের গির্জাটিকেও ধ্বংস করবেন। যার নাম ছিল কুমাহ। তিনি আরম্ভ গির্জার অনুরূপ রোমের সমস্ত চিহ্ন মুছে দিবেন। কাজেই রোমের সন্ম্বাট তার কাছে প্রায় দুইশত কারিগর প্রেরণ করলেন এবং তার কাছে পত্র লিখে বললেন, আপনি যা করেছেন তা যদি আপনার পিতা বুঝে থাকেন এবং না করে থাকেন, তাহলে এটা হবে আপনার জন্যে লজ্জাকর ব্যাপার। আর যদি তিনি না বুঝে থাকেন এবং আপনি যদি বুঝে থাকেন, তাহলে এটাও হবে তার জন্য লজ্জাকর ব্যাপার। যখন আল-ওয়ালীদের কাছে এ পত্রটি পৌঁছে তখন তিনি এটার জবাব দেওয়ার মনস্ত করেন। আর লোকজনও এটার জন্যে তাঁর কাছে সমবেত হন। তাদের মধ্যে একজন ছিলেন কবি ফারায়দাক। তিনি বললেন, হে আমীরুল মু'মিন! আমি তার জওয়াব মহান আল্লাহর কিতাব থেকে প্রদান করতে পারি। আল-ওয়ালীদ বললেন, এটা কী? হতভাগা! ফারায়দাক বললেন, সুরায়ে আব্বিয়ার ৭৯ নং আয়াতে আল্লাহ তা'আলা ইরশাদ করেন : **فَهُمْ نَاهَا سُلْيَمَانَ وَكُلَّا أَتَيْنَا حَكْمًا وَعَلِمًا** অর্থাৎ এবং সুলায়মানকে এ বিষয়ের মীমাংসা বুঝিয়ে দিয়েছিলাম এবং তাদের প্রত্যেককে আমি দিয়েছিলাম প্রজ্ঞা ও জ্ঞান। হ্যরত সুলায়মান (আ) ছিলেন হ্যরত দাউদ (আ)-এর ছেলে। আল্লাহ তা'আলা তাকে যা বুঝিয়েছিলেন তার পিতাকে তা বুঝাননি। আল-ওয়ালীদ এ যুক্তি পছন্দ করলেন এবং রোমের সন্ম্বাটের কাছে এটা দিয়ে উত্তর প্রদান করলেন। এ সম্পর্কে ফারায়দাক বলেন : **”খৃষ্টান ও মুসলিম ইবাদতগ্রাহদের মধ্যে আমি পার্থক্য লক্ষ্য করছি। খৃষ্টানরা তাদের গির্জার**

মধ্যে অবস্থান করছে আর মুসলিম ইবাদতগুয়াররা নিশির শেষভাগে এবং যখন উঁচু আকাশে পালকের মত নরম হাল্কা মেঘ বিরাজ করে, তখন তারা ইবাদতে মগ্ন থাকে। তারা সকলেই যখন সালাত আদায় করে তাদের চেহারা থাকে ভিন্ন ভিন্ন দিকে। তাদের কেউ আল্লাহকে সন্তুষ্ট করার জন্যে সিজদায় রত থাকে। আবার কেউ কেউ মূর্তির সামনে অবনত মন্ত্রকে রত থাকে। পূজার ঘণ্টা যা শূলবিন্দু বিশ্বাসিগণ বাজায় তা বিনিশ্রিত কারীদের কিরাআতের সাথে কী একত্রিত হতে পারে? আমি বুঝে নিয়েছি তাদের থেকে তার হস্তান্তর যেমন কৃতে বুঝে নিয়েছেন হ্যরত দাউদ (আ) ও হ্যরত সুলায়মান (আ)। যখন তারা বিচার করছিলেন শস্যক্ষেত্র এবং মেষ সম্পর্কে অভিযোগকারীদের জন্য, যখন বিনাশ করেছিল ও ঝগড়া হয়েছিল এবং কাঁচি দ্বারা পশম কর্তন করা হয়েছিল। মহান আল্লাহ আপনাকে তাদের মসজিদ সম্পর্কে বায়আত গ্রহণ ও হস্তান্তর সম্পর্কে জ্ঞান দান করুন। কেননা, মসজিদে পৰিত্ব কালাম বা কুরআন তিলাওয়াত করা হয়। আমরা এমন কোন পিতাকে আমাদের খলীফার চেয়ে উত্তম সন্তান এবং উত্তম হকুমদাতা হিসেবে জানি না, যাকে পৃথিবী বহন করছে।”

আল-হাফিয় আবদুর রহমান ইবন ইব্রাহীম দাহীমুদ দামেশ্কী বলেন, “আল-ওয়ালীদ মসজিদের ভিতরের দেওয়াল নির্মাণ করেন এবং দেওয়ালের উচ্চতা বৃদ্ধি করেন।” আল হাসান ইবন ইয়াহুইয়া আল-খাশানী বলেন, “হ্যরত হৃদ (আ) দামেশকের মসজিদের সামনের দেওয়াল তৈরী করেছিলেন।

অন্যরা বলেন, যখন আল-ওয়ালীদ ঘরের সামনের অংশের ছাদের মধ্যখানের গম্বুজ তৈরী করতে ইচ্ছা করলেন, আর এটা ছিল কুবাতুন নাসরি অর্থাৎ শকুনের গম্বুজ। এটাও তার অন্য নাম। আর মনে হয় তারা এ গম্বুজটিকে অবয়বের দিক দিয়ে শকুনের সাথে তুলনা করেছিলেন। কেননা, ঘরের সামনে ঝুলানো পর্দা ঘরের ডানে ও বামে শকুনের পাখার মত মনে হয়।

গম্বুজের স্তম্ভগুলো নির্মাণের জন্য মাটি খনন করা হলো এবং খননকারী মাটির নীচে পানি পর্যন্ত পৌছল। তারা মিঠা ও পরিষ্কার পানি পান করল। তারপর তারা এ পানিতে আঙুর গাছের লতাপাতা নিষ্কেপ করল এবং পাথর দ্বারা তার উপর নির্মাণ কাজ শুরু করল। যখন স্তম্ভগুলো উপরের দিকে উঠানো হলো ও বৃদ্ধি করা হলো, এগুলোর উপর গম্বুজ তৈরী করা হলো। কিন্তু স্তম্ভ ও গম্বুজ নীচে ধসে পড়ে গেল। তখন আল-ওয়ালীদ একজন প্রকৌশলীকে বললেন, আমি চাই তুমি যেন আমার জন্যে এ গম্বুজটি তৈরী কর। প্রকৌশলী বললেন, আমি আপনার জন্যে গম্বুজটি তৈরী করতে পারি, তবে শর্ত হলো আপনি আল্লাহর নামে শপথ করে বলবেন যে, আমি ব্যতীত অন্য কেউ এটা নির্মাণ করবেন না। তিনি শপথ করে এ কথা বললেন। প্রকৌশলী তখন আবার স্তম্ভগুলো তৈরী করলেন। তারপর এগুলোকে চাটাই দ্বারা ঢেকে দিলেন। এক বছরের জন্য তিনি অন্যত্র চলে গেলেন। আল-ওয়ালীদও জানতে পারলেন না তিনি কোথায় গিয়েছেন। এক বছর পর তিনি উপস্থিত হলেন। তখন আল-ওয়ালীদ তাকে কাছে ডাকলেন। তার সাথে ছিল বেশ কয়েকজন গণ্যমান্য ব্যক্তি। তারপর প্রকৌশলী চাটাই উপরে উঠিয়ে দেখেন স্তম্ভগুলো নীচের দিকে চলে গেছে এবং জায়গাটি সমতল ভূমিতে পরিণত হয়ে রয়েছে। প্রকৌশলী আল-ওয়ালীদকে বললেন, এ জন্যই আমি এক বছর পর এসেছি। তারপর তিনি এগুলোকে আবার নির্মাণ করেন।

কোন কোন ইতিহাসবিদ বলেন, আল-ওয়ালীদ খাটি স্বর্ণদ্বারা গম্ভুজের চূড়া নির্মাণ করতে চেয়েছিলেন। যাতে এর দ্বারা এ নির্মাণ কাজের মর্যাদা বৃদ্ধি পায়। রাজমিস্ত্রী বলল, আপনি তা করতে পারবেন না। এ কথার জন্যে আল-ওয়ালীদ তাকে পঞ্চশাষ্টি বেত্রাঘাত করলেন এবং তাকে বললেন, তোমার দুর্ভাগ্য! আমি এটা করতে পারব না? তুমি কি মনে করছ আমি এ কাজে অক্ষম? যমীনের কর ও বিপুল পরিমাণ ধন-সম্পদ আমার কাছে জমা হচ্ছে না? সে বলল, হ্যাঁ, আমি ব্যাপারটি আপনার কাছে খুলে বলব। আল-ওয়ালীদ বললেন, তাহলে এটা সম্পর্কে আমাকে তুমি বিস্তারিত বলো। রাজমিস্ত্রী বলল, আপনি প্রথমত একটি স্বর্ণের ইট তৈরী করুন। তারপর পরিমাপ করুন আপনার এ গম্ভুজ তৈরী করতে কত স্বর্ণের প্রয়োজন হবে। আল-ওয়ালীদ স্বর্ণ হায়ির করার জন্যে আদেশ দিলেন। দেখা গেল এক ইট তৈরী করতে হাজার হাজার মুদ্রার স্বর্ণ ব্যয় হয়ে গেল। রাজমিস্ত্রী বলল, হে আমীরুল মু'মিনীন! এ একটি ইটের ন্যায় হাজার হাজার ইটের প্রয়োজন। যদি আপনার কাছে যথেষ্ট পরিমাণ স্বর্ণ থাকে তাহলে আমরা কাজ শুরু করে দিতে পারি। রাজমিস্ত্রীর কথা যখন সঠিক পাওয়া গেল, তখন আল-ওয়ালীদ তাকে পঞ্চশ দীনার পুরক্ষার দিলেন। আর বললেন, তুমি যা বলছ আমি এ ব্যাপারে অপারগ নই তবে এতে অপব্যয় হবে এবং অপ্রয়োজনীয় ক্ষেত্রে সম্পদ বিনষ্ট হবে। আমরা যা ইচ্ছে করেছি তা না করে এ সম্পদ মহান আল্লাহর রাস্তায় খরচ করলে এবং দুর্বল মু'মিন মুসলমানদের প্রতিরক্ষায় খরচ করলে এটা হবে উত্তম। তারপর রাজমিস্ত্রীর অভিমত অনুযায়ী আল-ওয়ালীদ কাজ করার সিদ্ধান্ত নিলেন। আল-ওয়ালীদ যখন জামি' মসজিদের ছাদ করতে লাগলেন, তখন ছাদটিকে চাঁদওয়ারী (চালু ছাদের নীচে বাইরের দেওয়ালের ত্রিকোণাকার অংশ) করেন। দেওয়ালের ভিতরের দিকটাকে স্বর্ণ দিয়ে সিঁড়ির আকারে কারুকার্যময় করেন। তার পরিবারের একজন তাকে বলল, আপনার পরে আপনি লোকজনকে তাদের প্রতিবছর মসজিদের ছাদের ইট পরিবর্তনের লক্ষ্যে প্রচুর ইটের ব্যাপারে ব্যাপক খরচ করার জন্যে বাধ্য করবেন। ফলে মসজিদ নির্মাণকালে মাটির দর বেড়ে যাবে এবং কারিগরের সংখ্যা হ্রাস পেয়ে যাবে। তখন আল-ওয়ালীদ আদেশ দিলেন যে, তার দেশের যেখানে সীসা পাওয়া যায় তা যেন এক জায়গায় জমা করা হয় এবং ইটের পরিবর্তে যেন সীসা ব্যবহার করা হয়। আর তাতে ছাদও হালকা হবে। সিরিয়া ও অন্যান্য প্রদেশ হতে সীসা একত্রিত করা শুরু হলো। সারাদেশে সীসা হ্রাস পেয়ে গেল। তবে এক মহিলার কাছে প্রচুর সীসা পাওয়া গেল। রাজ-কর্মচারীরা তার সাথে সীসা খরিদের ব্যাপারে দর-ক্ষাক্ষি করল। মহিলা বলল, আমি রৌপ্যের বিনিয়ম ব্যতীত সীসা বিক্রি করব না। রাজ-কর্মচারীগণ আল-ওয়ালীদকে পত্র লিখে জানালেন। তিনি বললেন, রৌপ্যের বিনিয়মে হলেও তার থেকে সীসা ক্রয় কর। যখন তারা তার কাছে এরপ খরচ করার সিদ্ধান্ত ঘোষণা করলেন। মহিলাটি বলল, আমার কাছ থেকে তোমরা যা কিনে নিতে চাচ্ছ তা আমি মহান আল্লাহর জন্যে সাদাকা করে দিলাম, যা এ মসজিদের ছাদে লাগানো হবে। তারা তখন ছাদে ব্যবহৃত পাতের উপর লিল্লাহ শব্দটি লিখে দিলেন। কথিত আছে যে, এ মহিলাটি ছিলেন একজন ইয়াহূদী মহিলা। তার থেকে যে পাতগুলো নেওয়া হয়েছিল তার মধ্যে লিখা হলো, এটা ইয়াহূদী মহিলার দেওয়া।

মুহাম্মদ ইবন আয়িয বলেন, আমার উস্তাদদেরকে বলতে শুনেছি তারা বলেন, দামেশ্ক মসজিদের নির্মাণকার্য আমানত আদায়ের মাধ্যমে সমাপ্ত হয়। জাতীয় কোন ব্যক্তি কিংবা কারিগরের কাছে কোন পয়সা এমনকি লোহার পেরেকের মাথা অতিরিক্ত মনে হতো তা নিয়ে এসে সরকারী তহবিলে রাখা হতো ও তা মসজিদের জন্যে খরচ করা হতো। দামেশ্কের

একজন উত্তাদ বলেন, জামি' মসজিদ তৈরীর কালে বিলকীস রাণীর ছাদ হতে সংগৃহীত দুটো শ্বেত পাথর লাগানো হয়েছিল। আর বাকী সবগুলো ছিল মর্মর পাথর। কেউ কেউ বলেন, আল-ওয়ালীদ হারব ইবন খালিদ ইবন ইয়ায়িদ ইবন মুআবিয়া হতে এক হাজার পাঁচ শত দীনারে যে দুটো সবুজ স্তম্ভ খরিদ করেন তা মসজিদের শুরু মার্কার নীচে লাগানো হয়েছে।

আল-ওয়ালীদ ইবন মুসলিম হতে আল্লামা দাহীম বর্ণনা করেন। তিনি বলেন, মারওয়ান ইবন জিনাহ তার পিতা হতে হাদীস বর্ণনা করেন। তিনি বলেন, দামেশকের মসজিদে বার হাজার শ্বেত পাথর লাগানো হয়েছিল। দাহীম হতে আবু কুসাই বর্ণনা করেন। তিনি আল-ওয়ালীদ ইবন মুসলিম হতে আর তিনি আমর ইবন মুহাজির আল-আনসারী হতে বর্ণনা করেন। তিনি বলেন যে, ইতিহাসবিদগণ বলেছেন, তারা ধারণা করেছেন মসজিদের সামনের দেওয়ালে কারুকার্যের জন্যে আল-ওয়ালীদ যা করেছেন তার পরিমাণ হলো সত্তর হাজার দীনার।

আবু কুসাই বলেন, দামেশকের মসজিদে চারশত সিন্দুক স্বর্ণ ব্যয় করা হয়েছে। তার প্রতিটি সিন্দুকে ছিল চৌদ হাজার দীনার। অন্য এক বর্ণনায় রয়েছে যে, প্রতি সিন্দুকে ছিল আটাশ হাজার দীনার। আল্লামা ইবন কাহীর (র) বলেন, প্রথম বর্ণনা মুতাবিক মসজিদ নির্মাণে মোট ব্যয় দাঁড়ায় ছাঞ্চালু লক্ষ দীনার। আর দ্বিতীয় বর্ণনা মুতাবিক মসজিদ নির্মাণে মোট ব্যয় দাঁড়ায় এক কোটি বার লক্ষ দীনার। কেউ কেউ বলেন, মসজিদ নির্মাণের মোট ব্যয় এর চেয়ে অনেক অনেক বেশী। মহান আল্লাহর অধিক পরিজ্ঞাত।

আবু কুসাই বলেন, একদিন আল-ওয়ালীদের দেহরক্ষী আল-ওয়ালীদের কাছে প্রবেশ করল ও বলল, হে আমীরুল মু'মিনীন! জনগণ বলাবলি করছে যে, আমীরুল মু'মিনীন বায়তুল মালের রাশি রাশি সম্পদ অন্যায়ভাবে খরচ করছে। তখন জনগণের মধ্যে ঘোষণা দেওয়া হলো 'جَامِعَةُ الْصَّلَاةِ' অর্থাৎ এখনি সালাত কায়েম হবে। নির্ধারিত নিয়ম মুতাবিক জনগণ জড় হর্লেন। আল-ওয়ালীদ মিথরে আরোহণ করলেন এবং বললেন, আমার কাছে তোমাদের থেকে সংবাদ পৌছেছে যে, তোমরা বলছ আল-ওয়ালীদ বায়তুল মালের রাশি রাশি সম্পদ অন্যায়ভাবে খরচ করছে। তারপর আল-ওয়ালীদ বললেন, হে আমর ইবন মুহাজির! তুমি উঠ এবং বায়তুল মালের সম্পদ জনগণের সম্মুখে হায়ির কর। সমুদয় সম্পদ খচেরের পিঠে বহন করে জামি' মসজিদে আনা হলো। তারপর কুবরাতুন নাসরি-এর নীচে দস্তরখান বিছানো হলো। তার মধ্যে রঙের ন্যায় টকটকে লাল স্বর্ণ ও খাঁটি রৌপ্য ঢালা হলো। একটি টিলায় পরিণত হলো। এই স্তুপের এক পাশে কোন ব্যক্তি দাঁড়িয়ে অপর পাশের কোন ব্যক্তিকে দেখতে পেল না। এতো প্রচুর সম্পদ। তারপর যান্ত্রিক দাঁড়িপাল্লা আনা হলো। সম্পদ ওয়ন করা হলো। আন্দায করা হলো জনগণের জন্যে আগামী তিন বছরের খাদ্য সম্ভার ও ভরণ-পোষণ সামগ্রী মণ্ডুদ রয়েছে। অন্য এক বর্ণনায় জনগণের আগামী মোল বছরের ভরণ-পোষণের সামগ্রী রয়েছে, যদি জনগণের প্রতি কোন প্রকার অঘটন না ঘটে। আল-ওয়ালীদ তখন জনগণকে সংবেদন করে বললেন। আল্লাহর শপথ, এ মসজিদ তৈরী করতে আমি বায়তুল মাল হতে একটি দিরহামও খরচ করি নাই। মসজিদ নির্মাণের যাবতীয় ব্যয়ভার আমার নিজস্ব সম্পদ থেকে বহন করা হয়েছে। তারপর লোকজন খুশী হলেন। তারা তাকবীরধ্বনি দিলেন। এ জন্য তারা মহান আল্লাহর প্রশংসা করলেন। খলীফার জন্যে তারা দু'আ করলেন এবং কৃতজ্ঞ ও দু'আগ্ন্যার হিসেবে তারা প্রত্যাবর্তন করেন। তারপর আল-ওয়ালীদ তাদেরকে বললেন, হে দামেশকের বাসিন্দাগণ! আল্লাহর শপথ! এ মসজিদ তৈরীতে আমি বায়তুল মাল হতে একটি দিরহামও

ব্যয় করি নাই। সব খরচ আমার ব্যক্তিগত সম্পদ থেকে করেছি। তোমাদের কৃত্তি সম্পদ আমি হ্রাস করিনি। তারপর আল-ওয়ালীদ বললেন, হে দামেশকের বাসিন্দাগণ! তোমরা তোমাদের চারটি বস্তু নিয়ে অন্য দেশের জনগণের উপর নিজেদের মান-মর্যাদা প্রকাশ ও গর্ব করে থাক। তা হলো, তোমাদের অধ্যলের হাওয়া, পানি, ফল-ফলাদি ও কুরুতর। আর এ চারটির সাথে একটি পঞ্চম যোগ করতে আমি চাই। আর তা হলো জামি' মসজিদ। কেউ কেউ বলেন, দামেশকের মসজিদের কিবলার দিকে তিনটি খাটি সোনালী রং-এর কাঠফলক ছিল। প্রত্যেকটি ফলকের মধ্যে কুরআনের আয়াত ও অন্যান্য লিখা বিদ্যমান ছিল। সেগুলো ছিল নিম্নরূপ :

بِسْمِ اللَّهِ الرَّحْمَنِ الرَّحِيمِ - اللَّهُ لَا إِلَهَ إِلَّا هُوَ الْحَيُّ الْقَيُّومُ لَا تَأْخُذْهُ سَنَةٌ وَلَا
نَوْمٌ - لَا إِلَهَ إِلَّا اللَّهُ وَحْدَهُ لَا شَرِيكَ لَهُ وَلَا نَعْبُدُ إِلَّا إِيَّاهُ رَبِّنَا اللَّهُ وَحْدَهُ وَدِينُنَا
الْإِسْلَامُ وَتَبَيَّنَنَا مُحَمَّدًا صَلَّى اللَّهُ عَلَيْهِ وَسَلَّمَ أَمْرَ بِتَبْيَانِ هَذَا الْمَسْجِدِ وَهَدْمِ
الْكَنِيسَةِ الْتِي كَانَتْ فِيهِ عَبْدُ اللَّهِ أَمِيرُ الْمُؤْمِنِينَ أَلْوَيْدُ فِي ذِي الْقَعْدَةِ سَنَةٌ
بِسْتَ وَ ثَمَانِينَ -

অর্থাৎ পরম দাতা ও দয়ালু আল্লাহর নামে : আল্লাহ তিনি ব্যতীত অন্য কোন ইলাহ নেই। তিনি চিরজীবী, চিরস্থায়ী। তাকে তন্ত্র অথবা নির্দ্রা স্পর্শ করে না। এক আল্লাহ ব্যতীত অন্য কোন ইলাহ নেই, তার কোন অংশীদার নেই। তাকে ব্যতীত অন্য কারোর আমরা ইবাদত করি না। আমাদের প্রতিপালক এক আল্লাহ। আমাদের ধীন ইসলাম। আমাদের নবী মুহাম্মদ (সা)। এ মসজিদ নির্মাণ এবং যে গির্জায় এ মসজিদটি ছিল এটাকে ৮ হিজরীর যুল-কাদাহ মাসে ধ্বংস করার জন্যে যিনি আদেশ দিয়েছেন তিনি হলেন আল্লাহর বান্দা, মু'মিনগণের আমীর আল-ওয়ালীদ।

এসব কাঠের ফলকের ৪নং ফলকে লিখা ছিল :

الْحَمْدُ لِلَّهِ رَبِّ الْعَالَمِينَ - الرَّحْمَنِ الرَّحِيمِ مَالِكِ يَوْمِ الدِّينِ إِيَّاكَ نَعْبُدُ
وَإِيَّاكَ نَسْتَعِينُ اهْدِنَا الصِّرَاطَ الْمُسْتَقِيمَ صِرَاطَ الَّذِينَ أَنْعَمْتَ عَلَيْهِمْ غَيْرِ
الْمَغْضُوبِ عَلَيْهِمْ وَلَا الضَّالِّينَ - ثُمَّ النَّازِعَاتُ ثُمَّ عَبَسٌ ثُمَّ إِذَا الشَّمْسُ كُورَتْ -

অর্থাৎ প্রশংসা জগতসমূহের প্রতিপালক আল্লাহরই প্রাপ্য, যিনি দয়াময়, পরম দয়ালু, কর্মফল দিবসের মালিক। আমরা শুধু তোমারই ইবাদত করি। শুধু তোমারই সাহায্য প্রার্থনা করি, আমাদেরকে সরল পথ দেখাও, তাদের পথ, যাদেরকে তুমি অনুগ্রহ দান করেছ। যারা ক্রোধে নিপত্তিত নয়, পথভ্রষ্টও নয়। তারপর সূরায়ে আন-নাফিআত, তারপর সূরায়ে আবাসা ও সূরায়ে ইযাশ-শামসু কুবিরাত লিখা ছিল।

ইতিহাসবিদগণ বলেন, খলীফা মামুন যখন দামেশকে আগমন করেন, তখন এসব লিখা মুছে ফেলা হয়। ইতিহাসবিদগণ আরো উল্লেখ করেন, মসজিদের মেঝেটা ছিল সম্পূর্ণরূপে রোপ্য ধারা মুড়ানো আর দেওয়ালে এক পুরুষ পর্যন্ত ছিল ষ্টেত পাথর। ষ্টেত পাথরের উপরে ছিল সোনালী বড় বড় আঙুর লতাপাতা, এ লতা-পাতার উপরে ছিল সোনালী, সবুজ, লাল, নীল ও সাদা রংয়ের মণি পাথর। এগুলোর মাধ্যমে তারা দেশের বড় বড় শহরগুলোর চিত্রাংকন

করেছে। মিহরাবের উপরে ছিল কা'বার চিত্র। আর ডানে-বামে ছিল সকল প্রদেশের চিত্র। দেশের যেসব অঞ্চল সুন্দর সুন্দর ফলে-ফুলে সৌরভিত ছিল এগুলোর নকশাও দেখতে পাওয়া যায়। মসজিদের ছাদ ছিল সিঁড়ির ধাপের ন্যায় স্বর্ণ দ্বারা কারুকার্য খচিত। ছাদের সাথে যে শিকলগুলো ঝুলানো ছিল সেগুলো ছিল স্বর্ণ ও রৌপ্যের তৈরী। বাতির আলো ছিল বিভিন্ন জায়গায় বিভিন্ন রকম। বর্ণনাকারী বলেন, সাহাবীগণের মিহরাবে ছিল পাথরের এবং স্ফটিকের পাত্র। কেউ কেউ বলেন, এগুলো ছিল মূল্যবান রত্ন পাথর। আর এগুলো ছিল মুক্তা। এগুলোকে আল-কালীলাহ বলা হতো। যখন বাতি নিভানো হতো তখন এগুলো যেখানে ছিল সর্বত্র আপন আলোকে ঝলমল করে উঠত। যখন আমীন ইব্ন রশীদ খলীফার যামানা শুরু হয় আর তিনি স্ফটিক, কেউ কেউ বলেন, মুক্তা বেশী পসন্দ করতেন বিধায় দামেশকের পুলিশ সুপার সুলায়মানের কাছে তার নিকট এগুলো প্রেরণ করার জন্যে লোক পাঠান। পুলিশ সুপার মানুষের ভয়ে এগুলোকে চুপে চুপে খলীফার কাছে প্রেরণ করেন। এরপর যখন আল-মামুন খলীফা হন, তখন আমীনের উপর দোষ চাপানোর জন্যে তিনি এগুলোকে দামেশকে ফেরত পাঠান। ইব্নুল আসাকির বলেন, এরপর এগুলো নষ্ট হয়ে যায়। এগুলোর পরিবর্তে কাঁচের পাত্র স্থান পায়। বর্ণনাকারী বলেন, আমি এসব পাত্র দেখেছি। এরপর এগুলো ভেঙ্গে যায়। পরে এগুলোর পরিবর্তে আর কিছু তৈরী করা হয়নি।

ইতিহাসবিদগণ বলেন, মসজিদ প্রাঙ্গণের ভিতরের দরযাগুলোতে কোন রকম তালার ব্যবস্থা ছিল না; বরং এ দরযাগুলোর উপরে পর্দা লটকিয়ে রাখা হতো। অনুরূপভাবে সবগুলো দেওয়ালে বড় বড় লতার সীমা পর্যন্ত পর্দা ব্যবহার করা হতো। আর এগুলোর উপরেই আংটির সোনালী পাথরের ন্যায় শোভা পেত। স্তম্ভের মাথাগুলো খাঁটি স্বর্ণ দ্বারা কারুকার্য খচিত ছিল। এগুলোর চতুর্দিক দিয়ে সিঁড়ির ব্যবস্থা রাখা হয়েছিল। আল-ওয়ালীদ উত্তর দিকের মিনারটি নির্মাণ করেছিলেন যার নাম ছিল মাযিনাতুল আরুস। তবে পূর্বদিকের এবং পশ্চিম দিকের মিনারা দুটো বহু পূর্ব থেকেই শোভা পেতে ছিল। এ উপাসনালয়ের প্রতিটি কোণায় ছিল খুব উঁচু ইবাদতখানা। গ্রীকরা এগুলোকে পর্যবেক্ষণ কেন্দ্র হিসেবে তৈরী করেছিল। তারপর উত্তর দিকের দুটো ধসে পড়ে যায় এবং সামনের দিকের দুটো আজ পর্যন্ত বিরাজ করছে। সাতশত চালিশ হিজরীর পর পূর্ব দিকের মিনারের কিছু অংশ পুড়ে যায়। তারপর এটাকে ভেঙ্গে খৃষ্টানদের সম্পদ হতে তা পুনঃ নির্মাণ করা হয়। কেননা, তারাই এটাকে পুড়িয়ে দিয়েছিল বলে অভিযোগ উথাপিত হয়েছিল। তারপর মিনারটি সুন্দর অবস্থায় বিরাজ করছে। এটার রং সাদা। দাঙ্গাল বের হবার পর শেষ যামানায় এটার সিঁড়ি দিয়েই মারইয়াম তনয় হ্যরত ঈসা (আ) এ পৃথিবীতে অবতরণ করবেন। এ সম্পর্কে আন-নাওয়াস ইব্ন সাময়ান হতে মুসলিম শরীফে একটি বিশুদ্ধ হাদীস বর্ণিত রয়েছে।

আল্মাই ইব্ন কাসীর (র) বলেন, তারপর এ মিনারটির উপরিভাগ পুড়িয়ে দেওয়া হয় এবং পুনঃ নির্মাণ করা হয়। আর এটার উপরিভাগ ছিল কাঠের তৈরী। ৭৭০ হিজরীর শেষ ভাগে মিনারটির সম্পূর্ণ অংশ পাথর দ্বারা তৈরী করা হয়। এখনও এটার সম্পূর্ণটা পাথর দ্বারাই তৈরী।

বস্তুতঃ যখন উমায়্যাদের দ্বারা নির্মিত জামি' মসজিদের নির্মাণ কাজ শেষ হয়, তখন এ মসজিদ হতে অধিক সুন্দর এ পৃথিবীতে কোন নির্মাণ কাজই ছিল না। তার থেকে অধিক মনোযুক্তির এবং সুন্দর্য অন্য কোন নির্মাণ কাজই পৃথিবীতে ছিল না। যখন কোন পরিদর্শক তা পরিদর্শন করতেন, তখন তিনি মসজিদের দিকে, আশপাশের এলাকা ও সারা ভূখণ্ড যেটুকু

জুড়ে মসজিদটি অবস্থিত, দেখে অবাক হয়ে যেতেন। কেননা, এটা এতই সুদৃশ্য, চমৎকার ও বিস্ময়কর ছিল যা কল্পনারও বাইরে। পরিদর্শক কখনও ঝাউ হয়ে পড়তেন না; বরং যখনই তিনি গভীরভাবে নয় করতেন, তখনই এটার মধ্যে এমন সৌন্দর্য দেখতে পেতেন যা অন্য কোন নির্মাণের মধ্যে পাওয়া যায় না। গ্রীকদের যামানা হতেই মসজিদ এলাকায় এমন এমন বিস্ময়কর ঘটনা ঘটে গেছে যা জানুকরদের ভেঙ্গিবায়ীকেও হার মানায়। এ এলাকায় কোন পোকা মাকড় ঢুকতে সাহস করতনা এমনকি কোন সাপ, বিছু, মাকড়সা, টিকটিকি ইত্যাদি কোন কিছুই প্রবেশ করত না। এমনকি চড়ুই পাখী কিংবা বাবুই পাখীও সেখানে বাস বাধবার জন্যে যেত না কিংবা অন্য কোন পশুপক্ষীও যেগুলো মানুষকে কষ্ট দেয়, সেখানে বাস করার জন্য গমন করত না। অধিকাংশ বিস্ময়কর ঘটনা কিংবা সব বিস্ময়কর ঘটনার মূলে ছিল এ উপাসনালয়ের ছাদকে কেন্দ্র করে। এটা ও সশ্র আশ্চর্যের অন্তর্ভুক্ত। ফাতিমীয়দের যুগে ৪৬১ হিজরাতে শাবান মাসের ১৫ তারিখ আসরের পর ছাদসহ এ মসজিদটিকে পুড়িয়ে দেওয়া হয় যা পরে বিস্তারিত বর্ণনা করা হবে। দামেকে গ্রীক কর্তৃক নির্মিত বিস্ময়কর ও বিশয়াদির মধ্যে এখনও কিছু কিছু বাকী রয়েছে। মহান আল্লাহ্ অধিক পরিজ্ঞাত।

এ সব বিস্ময়কর বস্তুর মধ্যে যেমন এমন একটি শুভ যা উষ্মে হাকীম পুলের কাছে গমের বাজারে অবস্থিত। তার মাথায় ফুটবলের মত কিছু জিনিস রাখা হয়েছে। এ জায়গাটি আজকাল আলাবীয়ীন বলে পরিচিত। দামেশকবাসীরা উল্লেখ করেন যে, জন্ম-জানোয়ারের প্রস্তাব বন্ধ হয়ে গেলে তার চিকিৎসার জন্য গ্রীকরা এ শুভটি তৈরী করেছিলেন। যখন তারা কোন জানোয়ারকে এ শুভটির চতুর্দিকে তিনবার প্রদক্ষিণ করাতেন, তখন ঐ জানোয়ারের অন্তস্তল খুলে যেত এবং এটা প্রস্তাব করত। আর এ ঘটনা গ্রীকদের আমল থেকে আজ পর্যন্ত চলে আসছে।

আল্লামা ইবন তায়মিয়া (র) এ শুভ সম্বন্ধে লিখতে গিয়ে বলেন, এ শুভের নীচে একজন আধিপত্য বিস্তারকারী যালিম ও কাফিরকে দাফন করা হয়েছে। তাকে সেখানে আঘাত দেওয়া হচ্ছে। যখন তারা জানোয়ারটিকে শুভটির চতুর্দিক দিয়ে ঘুরায়, তখন জানোয়ারটি আঘাতের শব্দ শুনতে পায় এবং ভীত-সন্তুষ্ট হয়ে পার্যাখানা ও প্রস্তাব করতে থাকে। তিনি আরো বলেন, এ জন্যেই ইয়াহুদ, খৃষ্টান এবং কাফিরদের কবরের পাশে জন্ম-জানোয়ারকে নিয়ে যাওয়া হয়, যখন এরা তাদের আঘাতের শব্দ শুনতে পায়, তখন তাদের প্রস্তাব নির্গত হতে থাকে। প্রকৃতপক্ষে এ শুভের মধ্যে কোন প্রকার শুষ্ণ রহস্য নেই। যে ব্যক্তি মনে করে যে, এ শুভটি মানুষের উপকার ও অপকার করতে পারে সে নির্লজ্জ বিভ্রান্তির মধ্যে পড়ে রয়েছে। আবার কেউ কেউ বলেন, এটা র নীচে রয়েছে শুণ্ঠিন। আর তার মালিক নিকটে দাফন অবস্থায় রয়েছে। তার মালিক মৃত্যুর পর আবার দুনিয়ায় প্রত্যাবর্তনে বিশ্বাসী। সুরায়ে মু'মিনুন্নের ৩৭নং আয়াতে আল্লাহ্ তা'আলা বলেন :

إِنْ هِيَ إِلَّا حَيَاتُنَا الدُّنْيَا نَمُوتُ وَنَحْيَا وَمَا نَحْنُ بِمَبْعَثِينَ

অর্থাৎ ‘একমাত্র পার্থিব জীবনই আমাদের জীবন। আমরা মরি-বাঁচি এখানেই এবং আমরা পুনরুদ্ধিত হব না।’ মহা পবিত্র আল্লাহ্ তা'আলা অধিক পরিজ্ঞাত।

বনূ উমায়া কর্তৃক প্রতিষ্ঠিত জামি‘ মসজিদের নির্মাণ কার্য সমাপ্ত করার জন্য আল-ওয়ালীদের মৃত্যুর পর তার ভাই সুলায়মান ইবন আবদুল মালিক নিজের খিলাফত আমলে অহরহ চেষ্টা করছিল। মসজিদের মিহরাবটি পুনরায় তার জন্মে নির্মাণ করা হয়েছিল। উমর ইবন আবদুল আয়ীয় যখন খলীফা মনোনীত হন, তখন তিনি মসজিদটিকে স্বর্ণশূন্য করতে মনস্ত করেছিলেন। তিনি স্বর্ণের শিকল, শ্বেত পাথর এবং মর্মর পাথরও খুলে ফেলতে

চেয়েছিলেন। আর এসব কিছু বায়তুল মালে বা সরকারী কোষাগারে প্রেরণ করতে চেয়েছিলেন এবং সর্বত্র ইটের ব্যবহারকে নিশ্চিত করতে চেয়েছিলেন। এটা শহরবাসীদের কাছে খারাপ লাগল। তাই শহরের গণ্যমান্য ব্যক্তিবর্গ খলীফার কাছে আগমন করেন। খালিদ ইবন আবদুল্লাহ আল-কাসরী বলেন, আমি আপনাদের পক্ষ হতে খলীফার সাথে কথা বলব। তখন সে খলীফাকে বলল, হে আমীরুল মু'মিনীন! আপনার পরিকল্পনার ব্যাপারে আমাদের কাছে এক্রপ এক্রপ খবর পৌছেছে। খলীফা বললেন, হ্যাঁ। খালিদ বলল, হে আমীরুল মু'মিনীন! এটা আপনার জন্যে উচিত হবে না। উমর (রা) বললেন, কেন? হে কাফির মহিলার সন্তান! তার মাতা ছিল রোমীয় খৃষ্টান দাসী। খালিদ বলল, হে আমীরুল মু'মিনীন! আমার মাতা যদিও নিজে কাফির, কিন্তু আমার মত একজন মু'মিন ব্যক্তিকে জন্ম দিয়েছেন। উমর (র) বললেন, তুমি সত্য বলেছ। একথা বলে উমর লজ্জিত হলেন। তারপর তাকে বললেন, তুমি এক্রপ কেন বললে, সে বলল, হে আমীরুল মু'মিনীন! মসজিদের মধ্যে অধিকাংশই শ্রেত পাথর। আর এগুলোকে মুসলমানগণ তাদের বিভিন্ন দেশ থেকে বহন করে এনেছেন। এগুলো কিন্তু বায়তুল মালের সম্পদ নয়। উমর (র) চুপ হয়ে গেলেন।

ইতিহাসবিদগণ বলেন, এ সময় রোম শহর থেকে তাদের সন্ত্রাটের পক্ষ হতে দৃত হিসেবে একটি দলের আগমনের সিদ্ধান্ত গৃহীত হয়েছিল। যখন তারা ডাকহরকরাদের দরয়া দিয়ে প্রবেশ করে শকুনের নীচে অবস্থিত বড় দরবাটি পর্যন্ত পৌছল, তখন তারা মহা সৌন্দর্যময় জামি' মসজিদের সৌন্দর্য দেখে জ্ঞান হারিয়ে ফেলে। এমন সৌন্দর্যের কথা পূর্বে আর কোন দিনও শুনা যায়নি। তাদের বড় নেতা বজ্জ্বাহত হয়ে বেহুশ অবস্থায় মাটিতে পড়ে গেল। তারা তখন তাকে তাদের অবস্থানের জায়গায় উঠিয়ে নিয়ে যায় এবং এক্রপ আশংকাজনক অবস্থায় সে কিছুদিন অবস্থান করতে বাধ্য হয়। যখন সে চেতনা ফিরে পেল, তখন তার অবস্থা সম্পর্কে জিজ্ঞাসা করা হলো, তখন সে বলল, আমি কোন দিনও ধারণা করি নাই যে, মুসলমানেরা এ ধরনের নয়িরবিহীন নির্মাণ কাজ করতে পারবে। আমি ধারণা করতাম যে, এ কাজ সম্পূর্ণ করতে যতদিন লাগবে তাদের আয়ুক্ষাল এর থেকেও সংকীর্ণ হবে। নেতার এক্রপ দূরবস্থার কথা যখন উমর ইবন আবদুল আয়ীয় (র)-এর কাছে পৌছে, তখন তিনি বলেন, ক্রোধ ও হিংসা কাফিরদেরকে ধ্বংস করে দিক। তাকে তার অবস্থায় ছেড়ে দাও। উমর ইবন আবদুল আয়ীয় (র)-এর যুগে খৃষ্টানরা তাদের থেকে আল-ওয়ালীদ যে গির্জা নিয়ে নিয়েছেন সে সম্পর্কে আলোচনার উদ্দেশ্যে একটি বৈঠক করার জন্যে খলীফার কাছে আরয়ী পেশ করল। উমর (র) ন্যায়পরায়ণ শাসক ছিলেন বিধায় আল-ওয়ালীদ জামি মসজিদের জন্যে খৃষ্টানদের থেকে যে পরিমাণ ভূমি দখল করে নিয়েছিলেন তা ফেরত দেওয়ার জন্যে তিনি মনস্ত করেন। তারপর উমর (র) বিষয়টি মিটামাট করে নেন। এরপর তিনি লক্ষ্য করেন যে, গির্জাগুলো শহরের বাইরে রয়েছে। এগুলো সাহাবীগণের লিখিত সন্ধিনামার অঙ্গরূপ ছিল না। যেমন কাসীয়ুন নামী বড় একটি গ্রামের পাশে অবস্থিত দায়রে মারান নামক গির্জা, পান্তী গির্জা, তোমা গির্জা, যা তোমা দরয়ার বাইরে, কুরাউল হাওয়াজিয়-এ অবস্থিত গির্জাগুলো। উমর ইবন আবদুল আয়ীয় (র) তাদেরকে এ গির্জাগুলো ধ্বংস করে দেওয়া কিংবা তাদের থেকে নিয়ে নেওয়া গির্জা ফেরত দান-এর মধ্যে ইখতিয়ার দেওয়া অন্যকথায় এ গির্জাগুলো অক্ষুণ্ণ রাখতে হলে মুসলমানদেরকে যা দেওয়া হয়েছিল তার দাবী খৃষ্টানদের ছেড়ে দিতে হবে। তিনি দিন আলোচনার পর এ গির্জাগুলো অক্ষুণ্ণ রাখার ব্যবস্থা গ্রহণের সিদ্ধান্ত গৃহীত হলো। উমর ইবন আবদুল আয়ীয় (র) তাদেরকে গির্জাগুলো সম্পর্কে একটি নিরাপত্তানামা লিখে দিলেন। খৃষ্টানরা ও মসজিদকে ছেড়ে দেওয়া গির্জাংশ সমন্বে সন্তুষ্টি পুনরায় ব্যক্ত করল। খলীফা এ সম্পর্কেও তাদেরকে একটি নিরাপত্তানামা লিখে দিলেন।

বস্তুত বনূ উমায়া কর্তৃক নির্মিত জামি মসজিদের নির্মাণ কার্য যখন পরিপূর্ণ হয়, তখন পৃথিবীতে সৌন্দর্য ও প্রকৃষ্টতার দিক দিয়ে দ্বিতীয় আর কোনটি তার সমতুল্য ছিল না। কবি আল ফারায়দাক বলেন, দামেশকবাসীরা তাদের দেশে জান্মাতের প্রাসাদসমূহ হতে একটি প্রাসাদে অবস্থান করছেন। আর তা হলো স্থানকার জামি মসজিদ। আহমাদ ইব্ন আবুল হাওয়ারী আল-ওয়ালীদ ইব্ন মুসলিমের মাধ্যমে ইব্ন ছাওবান (র) হতে বর্ণনা করেন। তিনি বলেন, পৃথিবীর কোন ব্যক্তিরই জান্মাতের প্রতি দামেশ্ক থেকে অধিক উৎসাহী হওয়া উচিত নয়। কেননা, দামেশকবাসীরা তাদের জামি মসজিদের সৌন্দর্য উপভোগ করতে পারে। ইতিহাসবিদগণ বলেন, আমীরুল মু'মিনীন আল-মাহ্মী যখন কুদসের যিয়ারতের উদ্দেশ্যে দামেশক পৌছেন এবং দামেশকের জামি' মসজিদের দিকে দৃষ্টিপাত করেন, তখন তিনি তার লিখক আবু উবায়দুল্লাহ আল-আশআরীকে বলেন, বনূ উমায়ারা আমাদের থেকে তিনটি বিষয়ে অগ্রগতি রয়েছে। একটি হলো দামেশকের মসজিদ, তৃপ্তি এর কোন নয়ীর আছে বলে আমার জানা নেই। দ্বিতীয় হলো তাদের জ্ঞান-বিজ্ঞানের অগ্রগতি। আর তৃতীয় হলো উমর ইব্ন আবদুল আয়ী। আল্লাহর শপথ, তার মত ন্যাপরায়ণ শাসক আমাদের মধ্যে আর কখনও হবে না। তারপর যখন তিনি বায়তুল মুকাদ্দাসে আগমন করেন এবং সাখারার দিকে নয়র করেন যা আবদুল মালিক ইব্ন মারওয়ান তৈরী করেছিলেন। তার লিখককে তিনি বলেন, এটা হলো চতুর্থ। আল-মামুন খলীফা যখন দামেশকে আগমন করেন তার সাথে ছিলেন তাঁর ভাই আল-মু'তাসিম এবং তাঁর কায়ি ইয়াহুইয়া ইব্ন আকসাম, যখন তিনি দামেশকের জামি' মসজিদের দিকে তাকান, তখন তিনি বলেন, এটার মধ্যে সবচেয়ে বেশী আশ্চর্যজনক কী? তার ভাই বললেন, এগুলোর মধ্যে যে সব স্বর্ণ লাগানো হয়েছে। ইয়াহুইয়া ইব্ন আকসাম বলেন, “শ্বেত পাথরগুলো সবচেয়ে বেশী আশ্চর্যজনক।” খলীফা আল মামুন বলেন, “আমি এটার বেন্যীর নির্মাণ কাজের সৌন্দর্যতাকে সবচেয়ে বেশী আশ্চর্যজনক মনে করি। তারপর আল-মামুন, কাসিম আত-তামারকে বলেন, “তুমি আমাকে এমন একটি সুন্দর নামের কথা বল যা দিয়ে আমি আমার আদরের মেয়ের নাম রাখতে পারি। আত-তামার বলেন “তার নাম রাখুন দামেশকের মসজিদ। কেননা, এটি সবচেয়ে সুন্দর বস্তু।

আবদুর রহমান ইব্ন আবদুল হাকামের মাধ্যমে আশ-শাফিফে (র) বর্ণনা করেন। তিনি বলেন, “পৃথিবীর বিশ্বকর বস্তু পাঁচটি : প্রথমটি হলো তোমাদের এ মিনারা অর্থাৎ ইস্কান্দারিয়ায় অবস্থিত যুল-কারনায়নের নির্মিত মিনারা। দ্বিতীয়টি হলো রাকীমের বাসিন্দাগণ। তারা রোমের বারজন সদস্য। তৃতীয়টি হলো বাবি আন্দুলুসের নিকটে অবস্থিত আয়না। যা শহরের দরবায় অবস্থিত। কোন ব্যক্তি এটার নীচে বসে ৩০০ মাইল দূরে অবস্থিত তার সাথীকে দেখতে পায়। কেউ কেউ বলেন, কুসতুনতীনিয়ায় যদি কেউ থাকে তাকে সে দেখতে পাবে। আর চতুর্থটি হলো : দামেশকের মসজিদ। এটার ব্যয়ের পরিমাণ কেউ নির্ধারণ করতে পারে না। পঞ্চমটি হলো : মসজিদে ব্যবহৃত শ্বেত পাথর ও মর্মর পাথর। কেননা, এগুলোর মর্যাদা কেউ নিরূপণ করতে পারে না। কেউ কেউ বলেন, এ শ্বেত পাথরগুলো মিশ্রিত বস্তু। এর প্রমাণ হলো, এ ধরনের শ্বেতপাথর আগুনে গলে যায়।

ইব্ন আসাকির বলেন, ‘ইব্রাহীম ইব্ন আবু লায়ছ লিখক ৪৩২ হিজরীতে দামেশ্ক আগমন করে তার একটি পত্রে উল্লেখ করেন ও বলেন : তারপর আমাদেরকে স্থানান্তরের হকুম দেওয়া হলো। তখন আমি আমার কর্মসূল থেকে এমন শহরের দিকে স্থানান্তর ও বদলী হলাম যার সৌন্দর্য শেষ প্রাপ্তে পৌছেছে, যার বাইর ও ভিতরের সৌন্দর্য একাকার হয়ে আছে, যার

খাদ্য-খাদক সুগক্ষে সৌরভিত, রাজপথগুলো প্রশস্ত, আমি যেখানেই যাই সুগন্ধির গন্ধ পাই। আর যেখানেই আগমন করি বিশ্বয়কর দৃশ্য দেখতে পাই। আর যখন তার জামি' মসজিদে পৌছি, তখন এমন এমন দৃশ্য চোখে পড়ে যা কোন বর্ণনাকারী বর্ণনা করতে পারে না এবং দর্শনকারী তা উত্তমরূপে চিনতে ও উপলব্ধি করতে পারে না। মূলত এটা হলো যুগের কোষাগার, বিরল, দুপ্রাপ্য, বিশ্বয়কর ও আচর্যময় বস্তু। আল্লাহ্ তা'আলা এটার মাধ্যমে শিক্ষণীয় স্মরণিকা সুদৃঢ় করেছেন। তার মাধ্যমে এমন একটি পরিবেশ সৃষ্টি করেছেন যা সব সুময়ে বিরাজ করবে এবং কালের চক্রে মুছে যাবে না। ইব্ন আসাকির বলেন : দামেশকের জামি' মসজিদ সঞ্চক্ষে কোন কোন মুহাদ্দিস নিম্নবর্ণিত দীর্ঘ কবিতাঙ্গছ রচনা করেন এবং তিনি বলেন :

"দামেশকের জামি' মসজিদের সৌন্দর্য খ্যাতি ও প্রসিদ্ধি লাভ করেছে। আর মসজিদে সবুজ রংয়ের সুউচ্চ স্তুপগুলো তার সৌন্দর্য বৃদ্ধি করেছে। যদি কোন দর্শক তার সৌন্দর্যের দিকে লোভাতুর দৃষ্টি নিষ্কেপ করে, তাহলে সে তার পরিপূর্ণ সৌন্দর্যের আলোকচ্ছটা প্রাণভরে উঁপভোগ করতে পারবে। তার ভূমি পবিত্র ও বরকতময়। তার অবৈষণকারী ও প্রেমিক বরকত ও সৌভাগ্য অর্জন করতে হবে সমর্থ। দামেশকের জামি' মসজিদ সৌন্দর্যের আধার। আর তার জন্যেই আশেপাশের শহরগুলো সৌন্দর্যলাভে অন্যান্য শহরগুলো থেকে অগ্রবর্তিতা অর্জন করেছে। তার ভিত্তিপ্রস্তর সুদৃঢ় স্তুপের উপর প্রবর্তন করা হয়েছে। প্রবর্তকের আন্তরিক প্রচেষ্টাকে মহান আল্লাহ্ যেন ব্যর্থ না করেন। মসজিদে অবস্থিত সত্যিকার চিহ্নগুলো মসজিদের ফর্মালত, সৌন্দর্য ও শ্রেষ্ঠত্বের কথা আমাদেরকে স্মরণ করিয়ে দেয়। আর এ চিহ্নগুলো দর্শককে বিমোহিত করে দেয়। মসজিদটি পুড়ে যাওয়ার পূর্বে ছিল বিশ্বয়কর ও মনোমুগ্ধকর। কিন্তু অগ্নি তার মসৃণ সমতল ভূমিকে বিকৃত করে দেয়। আর এ অগ্নির দরমনই তার মহামায়া সৌন্দর্য বিনষ্ট হয়ে যায়। কিন্তু, এ সৌন্দর্যের প্রত্যাবর্তনও আর আশা করা যায় না। আংটির মণি পাথরের সমতুল্য কারুকার্য খচিত পাথরগুলো নিয়ে যদি তুমি গবেষণা ও পর্যালোচনা কর, তাহলে এগুলোর মধ্যেই নির্মাতার নিপুণ পারদর্শিতা সম্পর্কে তোমার দৃঢ় বিশ্বাস ও আস্থা জন্মিবে। এখানের বৃক্ষগুলো সর্বদাই ফল-ফলাদিতে থাকে পরিপূর্ণ, বাতাস এগুলোকে নিয়ে খেলা করতে ভয় পায় না; বরং নির্বিশেষে নড়াচড়া করে থাকে। বৃক্ষগুলো যেন নীল পাথরের তৈরী ও সোনালী ভূমিতে। এগুলোকে স্যত্ত্বে রোপণ করা হয়েছে। এগুলোর উপকারিতা গ্রহীতাকে বিমোহিত করে ফেলে। বৃক্ষগুলোর মধ্যে বিরাজ করছে বিভিন্ন ধরনের ফল-ফলাদির বাহার, যা তার নির্ধারিত সময় বা মঙ্গসুমে পাকার পর সংগ্রহ করা হয়। ফল সংগ্রহকারী তার ফলগুলো নষ্ট হওয়ার কোন আশংকাবোধ করে না। কেননা, এগুলোকে আমরা খুব যত্ন সহকারে সংগ্রহ করে থাকি। যাতে আমাদের হাতে আমরা কোন প্রকার ব্যথা-বেদনা অনুভব না করি। প্রকাশ থাকে যে, এগুলো শুধুমাত্র বিক্রেতার জন্যেই সংগ্রহীত হয় না। এগুলোর নীচে নরম পাথরের সারি সারি টুকরো বিরাজ করছে। সংগ্রহকারীর হাত যেন আল্লাহ্ তা'আলা যখন্মী না করেন। ধৰনি লোপকারী স্থীয় কথাবার্তার সময় উত্তমরূপে চতুরভা প্রকাশের উদ্দেশ্যে ধৰনি লোপ করছে। এমনভাবে যে ধৰনি লোপকারীর কাজের মধ্যেই তার দক্ষতার পরিচয় প্রকাশ পেয়েছে। মসজিদের সুউচ্চ ইমারত ও ছাদের নির্মাণ কাজের প্রতি যদি তুমি চিন্তা-ভাবনা কর, তাহলে এগুলোর কারিগরের দক্ষতা ও নিপুণতা তোমার কাছে প্রকাশ হয়ে পড়বে। যদি তুমি তার গম্বুজের সৌন্দর্য বর্ণনা করতে ইচ্ছে কর, তাহলে গম্বুজের বিভিন্ন অংশের সৌন্দর্য দর্শনে তোমার জ্ঞান-বৃদ্ধি শৃঙ্খিত হয়ে পড়বে। তার জনালাগুলো দিয়ে বাতাস জোরে

প্রবাহিত হতে পারে। আর বাড়ের সময় বাতাস খুব প্রকট আকার ধারণ করে। তার মেঝেটা শ্বেতপাথর দ্বারা বিছানো রয়েছে। এগুলোর দিকে দৃষ্টিপাত করলে দৃষ্টিশক্তি আরো প্রশস্ত হয়ে যায়। মসজিদের মধ্যে অনুষ্ঠিত শিক্ষা সমাবেশগুলো খুবই পসন্দনীয় ক্রিয়াকলাপ। এসব মজলিসে বসলে অন্তর প্রশস্ত হয়। প্রতিটি দরয়ার কাছেই রয়েছে গোসলখানা ও পবিত্র হওয়ার জায়গা। মানুষ তার প্রতিরোধকারী থেকে হিফায়ত অর্জন করেছে। উপকার অর্জন করার জায়গাগুলো থেকে লোকজন উপকার অর্জন করছে। আর উপকারী জায়গাগুলো উপকার থেকে বিরত থাকছে না। সব সময় সর্বত্র পানি প্রবাহের ব্যবস্থা বিরাজ ছিল যখন প্রাকৃতিক উৎস পানির ঘাট থেকে পানি সংগ্রহ ছিল মুশকিল। তার বাজারগুলো ছিল সব সময় লোকে লোকারণ্য এবং রাস্তাগুলো ছিল লোকে ভরপুর। তারা সব সময় ফল-ফলাদি ভক্ষণে ছিল মগ্নি। আর দামেশকের মালপত্র নিয়ে ছিল না তারা ব্যস্ত। যদি তার ভয়াবহ জায়গাগুলো না থাকত, তাহলে দামেশক ছিল যেন তাদের জন্যে এ পৃথিবীতে নগদ জান্নাত। দুশ্মনের অপসন্দ সভ্রেও দামেশক ছিল নিরাপদ জায়গা। আল্লাহ্ তা'আলা দামেশককে তার যাবতীয় বিপদ-আপদ থেকে রেখেছেন মুক্ত।

পরিচ্ছেদ

দামেশকের জামি' মসজিদ সম্বন্ধে যেসব হাদীস সন্ধানিত ব্যক্তিবর্গ থেকে বর্ণিত তার একটি সংক্ষিপ্ত বর্ণনা

আল্লামা কাতাদা (র) হতে বর্ণিত। তিনি সূরায়ে তীনের ১নং আয়াতে উল্লিখিত **وَالْتَّيْنِ** এর অর্থ এর তাফসীরে বলেন : এর মধ্যে **وَالْزَيْتُونُ وَطُورْ سِينِينْ** দামেশকের মসজিদ আর **وَالْزِيَّتُون**-এর অর্থ বায়তুল মুকাদ্দাসের মসজিদ আর **وَطُور** ও **سِينِينْ**-এর অর্থ যেখানে মহান আল্লাহ্ মূসা (আ)-এর সাথে কথা বলেছেন। তৃতীয় আয়াত **وَهُدًا الْبَلَادِ لَا مِنْ** অর্থাৎ শপথ এ নিরাপদ নগরীর। আর এটা পবিত্র মক্কা শরীফ। উপরোক্ত হাদীস ইব্ন আসাকিরও বর্ণনা করেন। সাফওয়ান ইব্ন সালিহ..... আতিয়াহ ইব্ন কায়সুল কিলাবী হতে বর্ণনা করেন। তিনি বলেন, কা'বুল আহবার বলেছেন, দামেশকে এমন একটি মসজিদ তৈরী করা হবে যা পৃথিবী ধ্বংস হয়ে যাওয়ার পরও চল্লিশ বছর বাকী থাকবে। আল-ওয়ালীদ ইব্ন মুসলিম.... আবু আবদুর রহমান আল-কাসিম হতে বর্ণনা করেন। তিনি বলেন, আল্লাহ্ তা'আলা কাসিয়ুন পাহাড়ের কাছে ওহী প্রেরণ করেছেন, “তুমি তোমার ছায়া ও স্তুকে বায়তুল মুকাদ্দাসের পাহাড়কে দান কর।” বর্ণনাকারী বলেন, “সে তাই করেছে। তারপর আল্লাহ্ তা'আলা পুনরায় ঐ পাহাড়ের প্রতি ওহী প্রেরণ করেন, “তুমি যখন আমার আদেশ পালন করেছ আমি তোমার এলাকায় আমার জন্যে এমন একটি ঘর তৈরী করাব যার মধ্যে পৃথিবী ধ্বংস হওয়ার পরও চল্লিশ বছর যাবত আমার ইবাদত করা হবে। রাত ও দিন অতিবাহিত হয়ে যাবে আর আমি তোমার ছায়া ও তোমার স্তুতি তোমার কাছে ফেরত দেব।” বর্ণনাকারী বলেন, ঐ পাহাড়টি মহান আল্লাহর কাছে একজন দুর্বল ও বিনয়ী ব্যক্তির ন্যায় বিবেচিত হয়েছিল।

আল্লামা দাহীম বলেন, মসজিদের চারটি দেওয়ালই হ্যরত হুদ (আ) তৈরী করেছিলেন, আর দেওয়ালের উপরের অংশে যে মর্মর পাথর লাগানো হয়েছে তা করিয়েছিলেন আল-ওয়ালীদ ইব্ন আবদুল মালিক অর্থাৎ আল-ওয়ালীদ ইব্ন আবদুল মালিক দেওয়ালগুলোকে শ্বেতপাথর ও

কারুকার্যের সীমানা থেকে উপরের দিকে সমুন্ত করেছিলেন। অন্যান্যরা বলেন, হৃদ (আ) শুধুমাত্র সামনের দেওয়ালটি তৈরী করেছিলেন।

উহমান ইব্ন আবুল আতিকাহ বিশেষজ্ঞগণের নিকট হতে বর্ণনা করেছেন। তারা মহান আল্লাহর বাণী সূরায়ে তীনের প্রথম আয়াতে উল্লিখিত ^{والتين}-এর তাফসীর সম্বন্ধে বলেন, “তা হলো দামেশকের মসজিদ।”

আবু বকর আহমাদ ইব্ন আবদুল্লাহ ইব্ন আল-ফারাজ ওরফে ইবনুল বারামী আদ-দামেশকী বলেন, আমাদেরকে আবদুর রহমান ইব্ন ইয়াহীয়া ইব্ন ইসমাঈল ইব্ন উবায়দুল্লাহ ইব্ন আবুল মুহাজির বলেন, “বাবুস সাআতের বাইরে একটি বড় পাথর ছিল, এটার উপর কুরবানীর জানোয়ার রাখা হতো। কুরবানীর মধ্যে যেটা গ্রহণীয় হতো অগ্নি এসে এটাকে খেয়ে নিত। আর যেটা গ্রহণীয় হত না সেটা তার নিজ অবস্থায় বাকী থাকত।

আল্লামা ইব্ন কাছীর (র).বলেন, এ পাথরটি বাবুস সাআতের ভিতরে স্থানান্তর করা হয়েছে। আর এটা আজ পর্যন্ত মণ্ডুদ রয়েছে। জনগণের কেউ কেউ মনে করেন এ পাথরটির উপরই হযরত আদম (রা)-এর দুই সন্তান তাদের দুইজনের কুরবানী রেখেছিলেন। একজনের কুরবানী গ্রহণীয় হয়েছিল, আর অপরজনের কুরবানী গ্রহণ করা হয়নি। মহান আল্লাহ অধিক পরিজ্ঞাত।

হিশায় ইব্ন আ'শ্বার বলেন, “আল-হাসান ইব্ন ইয়াহীয়া আল হাসানী আমাদেরকে হাদীস বর্ণনা করেন যে, “রাসূলুল্লাহ (সা)-কে যখন মি'রাজের রজনীতে ভ্রমণ করানো হয়েছিল, তখন তিনি দামেশকের মসজিদের জায়গায় সালাত আদায় করেছিলেন।” ইব্ন আসাকির বলেন, এ হাদীস মূনকাতা^১ ও মূনকার অর্থাৎ বর্ণনাকারীদের মধ্য হতে কোন একজন বর্ণনাকারী বিলুপ্ত। এ হাদীস উল্লিখিত বর্ণনাকারী অথবা অন্য কোন বর্ণনাকারী হতে সুদৃঢ়ভাবে প্রমাণিত নয়।

আবু বাকর আল-বারামী বলেন, আমাদেরকে আবু ইসহাক ইব্রাহীম ইব্ন আবদুল মালিক ইবনুল মুগীরা আল মুক্রী হাদীস বর্ণনা করেন। তিনি বলেন, “এক রাত আল-ওয়ালীদ ইব্ন আবদুল মালিক মসজিদের একটি স্তম্ভের দিকে এগিয়ে গেলেন এবং বললেন, “আজকের রাতে এ মসজিদে আমি সালাত আদায় করতে চাই। তাই তোমরা কাউকে এ রাতে এখানে সালাত আদায় করতে দেবে না।” তখন কেউ কেউ খলীফাকে বললেন, “হে আমীরুল মু'মিনীন! এ মসজিদে প্রতি রাতে খিয়ির (আ)- সালাত আদায় করে থাকেন।” অন্য এক বর্ণনায় আছে আল-ওয়ালীদ তার সঙ্গীদেরকে বললেন, তোমরা কাউকে এ রাত মসজিদে প্রবেশ করতে দেবে না। তারপর আল-ওয়ালীদ বাবুস সাআতের কাছে আগমন করলেন এবং দরয়া খুলবার ইচ্ছে প্রকাশ করেন। তার জন্য দরয়া খুলে দেওয়া হলো। তখন তিনি এক ব্যক্তিকে দেখলেন, মিহরাবের নিকটে বাবুল খাজরা ও বাবুস-সাআতের মধ্যবর্তী জায়গায় তিনি সালাত আদায় করছেন। তবে তিনি বাবুস সাত থেকে বাবুল খাজরার দিকে অধিক নিকটবর্তী ছিলেন। আল-ওয়ালীদ তখন পাহারাদারকে বললেন, “আমি তোমাদেরকে কি হকুম দেই নাই যে, তোমরা কাউকে আজকের রাতের জন্য এ মসজিদে সালাত আদায় করতে অনুমতি দেবে না? তখন তাদের কেউ কেউ খলীফা আল-ওয়ালীদকে বলল, “হে আমীরুল মু'মিনীন! ইনিই হযরত খিয়ির (আ)। প্রতি রাতে তিনি মসজিদে সালাত আদায় করে থাকেন।”

উপরোক্ত ঘটনার সনদ ও শুন্ধতা সম্পর্কে মতভেদ রয়েছে। কেননা, এ ধরনের ঘটনার দ্বারা হ্যরত খিয়ির (আ)-এর অস্তিত্ব কিংবা সেখানে তার সালাত·আদায় করার সত্যতা প্রমাণিত হয় না। মহান আল্লাহ্ অধিক পরিজ্ঞাত।

পরবর্তী যুগে এ কথাটি অত্যন্ত প্রসিদ্ধি লাভ করেছে যে, বাবুল মিয়ানাতুল গারবিয়াহর কাছে কিবলার দিকে যে কোণটি অবস্থিত তাকে বলা হয় যাবিয়াতুল খিয়ির। তার কারণ, আমার জানা নেই। তবে এখানে সাহাবীগণের সালাত আদায় করার ব্যাপারটি নিঃসন্দেহে প্রমাণিত হয়েছে। মসজিদের এ জায়গা এবং অন্যান্য জায়গার শ্রেষ্ঠত্ব প্রমাণ করার জন্যে এ তথ্যটি যথেষ্ট। ট যে, সাহাবীগণ এ জায়গায় সালাত আদায় করেছেন। প্রথম যে সাহাবী মসজিদে ইমাম হিসেবে সালাত আদায় করেছেন তিনি হলেন হ্যরত আবু উবায়দাহ ইবনুল জার্রাহ। তিনি ছিলেন সিরিয়ায় প্রেরিত আমীরগণেরও আমীর। আর সাহাবাগণের মধ্যে যে দশজনকে জানাতের শুভ সংবাদ দেওয়া হয়েছে তাদের মধ্যে তিনি ছিলেন অন্যতম। তিনি এ উপরের আমীন বা আমানতদার ছিলেন। আর এ মসজিদে মুআয় ইব্ন জাবাল ও অন্যান্য সাহাবী সালাত আদায় করেছিলেন। তবে তাঁরা তাতে এই সময় সালাত আদায় করেছিলেন যখন আল ওয়ালীদ মসজিদের মধ্যে বর্তমান পরিবর্তন আনেননি। আর এ পরিবর্তন আনার পর হ্যরত আনাস ইব্ন মালিক (রা) ব্যতীত অন্য কোন সাহাবী তথায় সালাত আদায় করেছেন বলে কোন প্রমাণ নেই। হ্যরত আনাস (রা) ১২ হিজরীতে দামেকে আগমন করেছিলেন এবং এই সময় আল-ওয়ালীদ সেখানে মসজিদ তৈরী করেছিলেন। আর আনাস (রা) সেখানে সালাত আদায় করেন। হ্যরত আনাস (রা) আল-ওয়ালীদকে সেখানে দেখেন এবং সালাতকে তার শেষ ওয়াকে আদায় করার জন্যে আল-ওয়ালীদের প্রতি অসম্মুষ্টি প্রকাশ করেন। এ ব্যাপারে হ্যরত আনাস (রা)-এর জীবনীতে বিস্তারিত বর্ণনা পেশ করেছি, ১৩ হিজরীতে তার মৃত্যুর কথা উল্লেখ করেছি। আর এ মসজিদে মারাইয়াম তনয় হ্যরত ঈসা (আ) সালাত আদায় করবেন, যখন তিনি শেষ যামানায় আগমন করবেন, যখন দাঙ্গালের আবির্ভাব হবে এবং তার কারণে দুঃখ-দুর্দশা সর্বসাধারণের মধ্যে ব্যাপক আকারে দেখা দিবে। আর জনগণ তার থেকে পরিত্রাণ পাওয়ার জন্যে দামেশকে অবরুদ্ধ হয়ে পড়বে। মাসীহত্ত হৃদা অর্থাৎ সৎপথ প্রদর্শিত মাসীহ (আ) অবতরণ করবেন। তিনি শুমরাহ মাসীহকে হত্যা করবেন। আর তিনি ফজরের সালাতের সময় দামেশকের পূর্ব মিনারা দিয়ে অবতরণ করবেন। তিনি যখন আগমন করবেন তখন দেখা যাবে সালাতের জন্যে ইকামাত দেওয়া হয়েছে। তখন জনগণের ইমাম তাকে বলবেন, সামনে এগিয়ে আসুন, হে রহমান! তখন তিনি বলবেন, আপনার জন্যে ইকামাত দেওয়া হয়েছে। তখন ঈসা (আ) এ উপরের এক ব্যক্তির পিছনে সালাত আদায় করবেন। যার নাম হল হ্যরত ইমাম মাহনী (আ)। মহান আল্লাহ্ অধিক পরিজ্ঞাত।

হ্যরত ঈসা (আ) জনগণকে নিয়ে সংগ্রাম শুরু করবেন। তিনি আকাবায়ে আফীক নামক স্থানে দাঙ্গালকে পাকড়াও করবেন। কেউ কেউ বলেন, বাবে লুদ নামক স্থানে ঈসা (আ) দাঙ্গালকে নিজ হাতে হত্যা করবেন। আল্লামা ইব্ন কাহীর (র) বলেন, সুরায়ে নিসা ১৫৯নং আয়াতের তাফসীর বর্ণনাকালে আমি এ ব্যাপারে বিস্তারিত আলোচনা করেছি। আয়াতটি হলো নিম্নরূপ :

وَإِنْ مِنْ أَهْلِ الْكِتَابِ إِلَّا لَيُؤْمِنُنَّ بِهِ قَبْلَ مَوْتِهِ وَيَوْمَ الْقِيَامَةِ يَكُونُ عَلَيْهِمْ
شَهِيدًا -

অর্থাৎ কিতাবীদের মধ্যে প্রত্যেকে তার মৃত্যুর পূর্বে তাকে [হ্যরত ঈসা (আ)] বিশ্বাস করবেই এবং কিয়ামতের দিন তিনি ভাদ্রের বিরুদ্ধে সাক্ষ্য দিবেন। রাসূলুল্লাহ (সা) হতে বিশুদ্ধরূপে বর্ণিত হয়েছে যে, রাসূলুল্লাহ (সা) ইরশাদ করেন, “ঐ সন্তার শপথ, যার হাতে আমার প্রাণ, তোমাদের মধ্যে মারইয়াম তনয় একজন ন্যায়পরায়ণ আদেশদাতা ও ন্যায় বিচারক ইমাম হিসেবে অবতরণ করবেন। তারপর তিনি ত্রুশ ধ্বংস করবেন, শূকর হত্যা করবেন, কর ব্যবস্থা প্রত্যাহার করবেন এবং ইসলাম ব্যতীত অন্য কিছু গ্রহণ করবেন না।

বস্তুতঃ দামেশকের পূর্ব মিনারাহ দিয়ে হ্যরত ঈসা (আ) অবতরণ করবেন। আর শহরটি থাকবে দাজ্জালের প্রভাব থেকে সুরক্ষিত। কাজেই, তিনি মিনারাহ দিয়ে অবতরণ করবেন যে মিনারাটি আমাদের যমানায় খৃষ্টানদের সম্পদ দিয়ে তৈরী হয়েছে। তারপর হ্যরত ঈসা (আ)-এর অবতরণ হবে। তিনি তাদের জন্যে হবেন মৃত্যু, ধ্বংস ও হত্যার শামিল। তিনি দুইজন ফেরেশতার কাঁধে ভর দিয়ে অবতরণ করবেন। তাঁর গাঁয়ে থাকবে দুইটি চাদর। একটি বর্ণনায় আছে দুটি চাদরই লাল মাটির ঢারা রঞ্জিত হবে। আবার কেউ কেউ বলেন, হালকা হলদে রংয়ে রঞ্জিত হবে। তাঁর মাথা থেকে পানির ফোঁটা টপটপ করে পড়তে থাকবে। মনে হবে যেন তিনি এ মাত্র গোসলখানা হত্তে বের হয়ে আসছেন। আর ঐ সময় হবে ফজরের ওয়াক্ত। তিনি মিনারায় অবতরণ করবেন, সালাতের জন্য ইকামাত দেওয়া হবে। আর এ ঘটনাটি ঘটবে দামেশকের জামি' মসজিদে। মুসলিম শরীফে আন-নাওয়াস ইব্ন সামান আল-কিলাবী হতে একটি বিশুদ্ধ বর্ণনা এসেছে তা হলো নিম্নরূপ : নিঃসন্দেহে হ্যরত ঈসা (আ) পূর্ব দামেশকে সাদা রংয়ের মিনারায় অবতরণ করবেন। এ বর্ণনাটি মনে হয় যেন অর্থের দিক দিয়ে বর্ণনাকারীর উপলক্ষ মুতাবিক বর্ণনাকারী কর্তৃক বর্ণনা হয়েছে। কেননা, হ্যরত ঈসা (আ) দামেশকের পূর্ব দিকের মিনারায় অবতরণ করবেন। এ হাদীস বহুল প্রচলিত। বর্ণনাকারী বলেন, এ সম্পর্কে আমি অবহিত হয়েছি। কিন্তু, উপরোক্ত বর্ণনা মুতাবিক হাদীস সম্পর্কে আমার জানা হয়নি। এ হাদীসের কিছু শব্দ আর কিছু সংকলন সমষ্টে জানার জন্যে মহান আল্লাহর কাছে তাওফীকের প্রার্থনা করা হয়েছে। এর আলোকেই উপরোক্ত বর্ণনা পেশ করা হলো। তবে শহরের মধ্যে পূর্বপ্রান্তে এটা ব্যতীত আর অন্য কোন মিনারা নেই। আর এটা নিজেই সাদা রংয়ের। সিরিয়ার প্রদেশগুলোতে এর থেকে উত্তম ও সৌন্দর্যময় এবং সুউচ্চ মিনারা আর দ্বিতীয়টি নেই। মহান আল্লাহ অধিক পরিজ্ঞাত।

আল্লামা ইব্ন কাছীর (র) বলেন : বনূ উমায়ার নির্মিত জামি' মসজিদের মিনারায় হ্যরত ঈসা (আ)-এর অবতরণের ব্যাপারটি অপরিচিত নয়। কেননা, দাজ্জালের ভয়াবহ দুর্যোগটি এত বিস্তৃতি লাভ করবে যে, জনগণ দাজ্জালের ভয়ে শহরের অভ্যন্তরে অবরুদ্ধ হয়ে পড়বে। দাজ্জাল তাদেরকে সেখানে অবরোধ করবে। শহরের অভ্যন্তরে প্রবেশ করা ব্যতীত কেউই থাকতে পারবে না। তাও আবার দাজ্জালের অনুচর হিসেবে কিংবা দাজ্জাল কর্তৃক বন্দীকৃত অবস্থায় তাঁর সাথে সঙ্গী হয়ে থাকতে হবে। আর দামেশক শহরটি মুসলমানগণের জন্য দাজ্জাল থেকে নিরাপদ জায়গা হিসেবে প্রসিদ্ধি লাভ করবে। এরূপ পরিস্থিতিতে শহরের বাইরে কে এমন থাকবে যে, সালাত আদায় করবে? মুসলমানগণ সকলেই শহরের অভ্যন্তরে অবস্থান করবেন। এমন সময় ঈসা (আ) অবতরণ করবেন। সালাতের জন্য ইকামাত দেওয়া হবে এবং তিনি মুসলমানগণের সাথে সালাত আদায় করবেন। তারপর তিনি মুসলমানগণকে সাহায্যকারী হিসেবে গ্রহণ করবেন এবং দাজ্জালকে হত্যা করার জন্য দাজ্জালকে খোঁজ করবেন। জনসাধারণের মধ্যে কেউ কেউ বলেন, দামেশকের পূর্ব মিনারার ঢারা দামেশকের পূর্ব দরয়ার বাইরে মসজিদে বালাশূর

মিনারাকে বুঝানো হয়েছে। আবার কেউ কেউ বলেন : পূর্ব দরয়ার মধ্যে যে মিনারাটি আছে সেই মিনারাটিকে বুঝানো হয়েছে। উপরোক্ত হাদীসে বর্ণিত রাসূলুল্লাহ (সা)-এর উদ্দেশ্য সম্বন্ধে আল্লাহ তা'আলাই অধিক পরিজ্ঞাত। তিনি প্রত্যেকটি বিষয়ে সম্বন্ধে অবগত। তিনি প্রত্যেকটি বিষয়ের আবেষ্টনকারী। তিনি প্রত্যেকটি বিষয়ের উপরে সামর্থবান। তিনি প্রত্যেক বিষয়ের উপরে প্রতাপান্বিত। আকাশমণ্ডলী ও পৃথিবীতে অণু-পরিমাণ কিছুই তার অগোচর নয়।

ইয়াহুইয়া ইব্ন যাকারিয়া (আ)-এর মাথা সৎক্রান্ত আলোচনা

ইব্ন আসাকির বর্ণনা করেন, যায়দ ইব্ন ওয়াকিদের উদ্ভৃতিতে তিনি বলেন, দামেশকের জামে' মসজিদ নির্মাণের ব্যাপারে খলীফা ওয়ালীদ আমাকে নির্মাণকর্মীদের পরিদর্শক/তত্ত্বাবধায়ক নিয়োগ করলেন। এ সময় আমরা সেখানে এক গুহার/সুড়ঙ্গের সঞ্চান পেলাম। এবং ওয়ালীদকে তা অবহিত করলাম। এরপর যখন রাত্রি হলো তখন তিনি আমাদের সাথে উপস্থিত হলেন। এ সময় তার সামনে ঘোমবাতি জুলছিল। তিনি যখন আমাদের আবিষ্য কৃত সুড়ঙ্গপথে নীচে নামলেন তখন সেখানে ক্ষুদ্রাকৃতির চমৎকার একটি গির্জা দেখতে পেলেন যার দৈর্ঘ্য তিন গজ এবং প্রস্থ তিন গজ। এরপর সেখানে একটি সিন্দুর পাওয়া গেল। সিন্দুরটি যখন খোলা হলো, তখন তাতে একটি সুগঞ্জি পাত্র জাতীয় কোটার মত পাওয়া গেল। যার ভিতর হয়রত ইয়াহুইয়া ইব্ন যাকারিয়া আলায়হিস সালামের মাথা/শির মুবারক রক্ষিত ছিল। তার উপর লেখা ছিল এটা হয়রত ইয়াহুইয়া ইব্ন যাকারিয়া আলায়হিস সালামের মাথা। এরপর ওয়ালীদের নির্দেশে তা স্থানে ফিরিয়ে দেওয়া হলো। আর তিনি নির্দেশ দিয়ে বললেন, এই স্থানের শুভটিকে অন্য সকল স্তম্ভ থেকে পৃথক করে নির্মাণ কর। তখন সে অনুযায়ী সে স্থানের উপর 'মাথা' সংরক্ষণের স্তম্ভ নির্মাণ করা হলো। যায়দ ইব্ন ওয়াকিদের উদ্ভৃতিতে একটি বর্ণনায় আছে যে, ঐ স্থানটি ছিল গম্বুজের স্তম্ভসমূহের একটির নীচে অর্থাৎ গম্বুজ নির্মাণের পূর্বে। তিনি আরও বলেন, (মাথাটি যখন আবিষ্কৃত হয়, তখনও পর্যন্ত) মাথাটির চুল ও চামড়া অক্ষত ছিল। ওয়ালীদ ইব্ন মুসলিম বর্ণনা করেন যায়দ ইব্ন ওয়াকিদের সূত্রে। তিনি বলেন, মজলিসে বাজীলার নিকটস্থ সম্মুখবর্তী পূর্বপ্রান্তীয় লীজ্বা থেকে বের করার পর আমি হয়রত ইয়াহুইয়া ইব্ন যাকারিয়া আলায়হিস সালামের মাথা প্রত্যক্ষ করেছি। প্রবর্তীতে তাকে (বর্তমানে বিদ্যমান) কা'সা স্তম্ভের নীচে সংরক্ষণ করা হয়েছে। এ প্রসঙ্গে ইমাম আওয়াজ এবং ওয়ালীদ ইব্ন মুসলিম বলেন, এই স্তম্ভটি হলো রড প্রশস্ত মাথাওয়ালা চতুর্থ স্তম্ভ।

এ ছাড়া আবু বাকর ইব্নুল বারামী বর্ণনা করেন, আহমাদ ইব্ন আনাস ইব্ন মালিক সূত্রে সুফয়ান ছাওরী হতে। তিনি বলেন, দামেশকের জামি' মসজিদের এক রাক'আত নামায তিরিশ হাজার রাক'আত নামাযের বরাবর। অবশ্য এটা অতি 'অঙ্গুত' বর্ণনা। আর ইব্ন আসাকির বর্ণনা করেন, আবু মুসহির সূত্রে.... মুনয়ির ইব্ন নাফি' হতে তার পিতার উদ্ভৃতিতে আর আরেকটি রিওয়ায়াত অনুযায়ী নামোল্লিখিত এক ব্যক্তির উদ্ভৃতিতে যে (একবার) ওয়াছিলা ইব্ন আসকা' দামেশকের জামে মসজিদের জায়ক্রওয়ান দ্বারের সংলগ্ন দিয়ে বের হলেন। এমন সময় তিনি কা'ব আল আহবারের সাক্ষাৎ পেলেন। তিনি তাকে প্রশ্ন করলেন, আপনি কোথায় চলেছেন? কা'ব বললেন, আমি তো বায়তুল মাকদিসের উদ্দেশ্যে রওয়ানা হয়েছি। একথা শনে কা'ব তাকে বললেন, আপনি আমার সাথে আসুন, আমি আপনাকে এই মসজিদে এমন একটি স্থান দেখিয়ে দিব, যে ব্যক্তি সে স্থানে নামায পড়ল সে যেন বায়তুল মাকদিসে

নামায পড়ল। এরপর তিনি তাকে খলীফার বের হওয়ার ‘আলবাবুল আসফার’ হতে হনিয়া পর্যন্ত অর্থাৎ পশ্চিম প্রান্তের পুল পর্যন্ত স্থান দেখালেন। তারপর তিনি বললেন, যে ব্যক্তি এ দুইয়ের মধ্যবর্তী স্থানে নামায পড়ল সে যেন বায়তুল মাকদিসে নামায পড়ল। তখন ওয়াসিলা বললেন, এতো আমার ও আমার গোষ্ঠীর বসার স্থান! কা’ব বললেন, তাহলেও তা এমন মর্যাদাপূর্ণ। তবে এটিও ‘অতি অদ্ভুত’ ও “অগ্রহণযোগ্য” রিওয়ায়াত। এর উপর নির্ভর করা যায় না। ওয়ালীদ ইব্ন মুসলিম হতে বর্ণিত আছে। তিনি বলেন, খলীফা ওয়ালীদ ইব্ন আবদুল মালিক যখন দামেক্সের জামে মসজিদ নির্মাণের নির্দেশ দিলেন। তখন লোকেরা মসজিদের সম্মুখভাগের দেওয়ালে পাথরের একটি ফলক আবিষ্কার করল যাতে খোদাই করে লিখিত একটি পত্র ছিল। প্রথমে তারা সেটি খলীফা ওয়ালীদের কাছে পাঠাল এরপর তিনি সেটিকে রোমকদের কাছে পাঠালেন কিন্তু তারা তার মর্মোন্ডারে ব্যর্থ হল। তখন তিনি পত্রটিকে দামেক্সে অবস্থানকারী অবশিষ্ট আসবানীয়দের কাছে পাঠালেন। কিন্তু তারাও তার মর্মোন্ডারে সমর্থ হলো না। এ সময় তাকে ওয়াহ্ৰ ইব্ন মুনাবিহ-এর সন্ধান দেওয়া হল তখন তিনি তাকে ডেকে পাঠালেন। ওয়াহ্ৰ যখন তার কাছে আসলেন তখন তিনি তাকে ফলকটির উৎসমূল সম্পর্কে অবহিত করলেন। তারপর লোকেরা তাকে ঐ দেওয়ালে পেল। কথিত আছে, এই দেওয়ালের নির্মাতা হযরত হুদ আলায়হিস সালাম ওয়াহ্ৰ যখন ফলকটির দিকে তাকালেন, তখন তিনি মাথা ঝাঁকিয়ে পড়তে লাগলেন— পরম করুণাময় আল্লাহৰ নামে আরম্ভ করছি! হে মানব সন্তান, তুমি যদি তোমার অবশিষ্ট আয়ুর স্বল্পতা প্রত্যক্ষ করতে তাহলে নিজের দীর্ঘ আশা-আকাঙ্ক্ষার ব্যাপারে নিরাসক হতে। তুমি অনুত্তাপের শিকার হবে। যদি তোমার পদশ্বালন ঘটে এবং স্বজন-সহচর তোমাকে সাহায্য না করে, প্রিয়জন তোমাকে ছেড়ে যায় এবং সঙ্গী ও নিকটজন তোমাকে ত্যাগ করে যায়। তারপর তোমার অবস্থা এমন হয়ে যায় যে, তোমাকে আহ্বান করা হয়, কিন্তু তুমি সাড়া দাও না। আর না তুমি আপনজনদের মাঝে প্রত্যাবর্তনকারী, না তোমার পুণ্যকর্মে অতিরিক্ত পুণ্যযোগকারী। সুতরাং নিজের জন্য আমল কর কিয়ামত দিবসের পূর্বে, অনুত্তাপ অনুশোচনার পূর্বে, তোমার মৃত্যুকাল আসার পূর্বে, তোমার জ্ঞান কব্য হওয়ার পূর্বে। আর তখন তোমার সংশ্লিষ্ট কোন অর্থসম্পদ, সন্তান-সন্ততি কিংবা ভাই, কোন উপকার করবে না। তারপর তোমার গন্তব্য মাটির আড়ালে মৃতদের প্রতিবেশীত্বে। কাজেই মৃত্যুর পূর্বে তুমি জীবনকে সুর্ব সুযোগ গণ্য কর। অন্দুপ দুর্বলতার পূর্বে সবলতাকে এবং অসুস্থিতার পূর্বে সুস্থিতাকে এবং ক্রোধ সংবরণের কারণে ধৃত হওয়ার পূর্বে, তোমার ও তোমার আমলের মাঝে অন্তরায় সৃষ্টি হওয়ার পূর্বে – আর এটা দাউদের (আ) যামানায় লিখিত।

ইব্ন আসাকির বলেন, আবু মুহাম্মাদ নাস সুলামীর সূত্রে.....ইব্নুল বারামী হতে তিনি বলেন, আমি আবু মারওয়ান আবদুর রহমান ইব্ন উমর আল-মাফিনীকে বলতে শুনেছি, খলীফা ওয়ালীদ ইব্ন আবদুল মালিকের খিলাফতকালে দামেক্সের জামে মসজিদ নির্মাণকালে লোকজন একটি স্থান খুঁড়ল, তখন তারা সে স্থানে একটি বৰ্জ দরয়ার সন্ধান পেল। এ সময় তারা দরজাটি না খুলে ওয়ালীদকে জানাল। এরপর তিনি সেখানে উপস্থিত হলেন এবং তার সামনে দরয়াটি খোলা হল। এ সময় দেখা গেল সেই দরয়ার অভ্যন্তরে একটি গুহা আর সেই গুহাতে পাথরের তৈরী এক মানব মূর্তি পাথর নির্মিত এক অশ্বে আরোহণ করে বসে আছে। মূর্তিটির এক হাতে ছিল একটি চাবুক আর অপর হাতটি ছিল মুষ্টিবদ্ধ। এরপর খলীফার নির্দেশে মূর্তির মুষ্টিবদ্ধ হাত ভেঙ্গে ফেলা হল তখন তাতে দুটি শস্যদানা পাওয়া গেল, দানাদুটির একটি হল গমের আর অন্যটি বেবের। আর তিনি যখন এ সম্পর্কে জিজ্ঞাসা করলেন

তখন তাকে বলা হলো আপনি যদি এই মূর্তির মুষ্টিবদ্ধ হাত না ভাঙ্গতেন তাহলে এই শহরে কোন গম বা যবে পোকা লাগত না। হাফিয় আবু হামদান আল-ওয়াররাক বলেন, উল্লেখ্য যে, তিনি শত বৎসর আয়ুলাভ করেছিলেন— কেন কোন বৃক্ষকে আমি বলতে শুনেছি, মুসলমানগণ যখন বিজয়ীর বেশে দামেশকে প্রবেশ করেন তারা এর বর্তমান জামি' মসজিদের একটি স্তম্ভের^১ স্থানে একটি মুষ্টিবদ্ধ হাত প্রসারিতকারী মূর্তি দেখতে পান। এরপর মুষ্টিবদ্ধ হাত ভেঙ্গে তারা দেখতে পান তাতে রয়েছে গমের একটি দানা। তখন তারা এ সম্পর্কে প্রশ্ন করেন। জবাবে তাদেরকে বলা হলো, এটি একটি গমের দানা। চিকিৎসাবিদগণ একে প্রতিষেধক ও মুধ করে সংরক্ষণ করেছেন যাতে বছরের পর বছর অতিবাহিত হলেও এ শহরের মওজুদ করা গম পোকাক্রান্ত না হয়।

ইব্ন আসাকির বলেন, আমি নিজে এতে যিকলাসাত গির্জার পুলসমূহের উপর লৌহশিক দেখেছি। যা নির্মিত ছিল দামেশকের বড় বাজারস্থ পুলসমূহের উপর, বর্তমান সাবান ও সুগন্ধি বিক্রেতাদের বসার স্থানে। আর মুসলমানগণের দামেশক বিজয়ের দিন মুসলিম ফৌজ সেখানেই সমবেত হয়। আবু উবায়দাহ (সেখানে প্রবেশ করেন) বাব আলজাবিয়া^২ দিয়ে, খালিদ ইব্ন ওয়ালীদ বাবুশ শারকী দিয়ে, ইয়ায়ীদ ইব্ন আসু সুফ্যান বাবুল জাবিয়া আসু সগীর দিয়ে।

আবদুল আয়ীয় আত্তামীয় বলেন, আবু নসর আবদুল ওয়াহহাব ইব্ন আবদুল্লাহ আল-মুরী হতে তিনি বলেন, আমি দামেশকের একদল প্রবীণ অধিবাসীকে বলতে শুনেছি, দামেশকের জামি' মসজিদের ছাদে একাধিক প্রতিষেধক ও মুধ সংরক্ষিত আছে যা চিকিৎসকগণ ছাদের সামনের দেওয়াল সংলগ্ন অংশে স্থাপন করেছেন। সেখানে সান্নিয়্যাতের^৩ প্রতিষেধক বিদ্যমান, ফলে যে সকল ময়লা ও আবর্জনা হতে তাদের উৎপত্তি তার মাধ্যমে তারা সেখানে প্রবেশ করে না এবং বাসা বানায় না, এবং সেখানে কোন কাকও প্রবেশ করে না। এ ছাড়া সেখানে ইন্দুর, সাপ ও বিচু নাশক প্রতিষেধক বিদ্যমান। ফলে মানুষ সেখানে ইন্দুর ছাড়া এ জাতীয় কোন প্রাণী দেখে নাই। আর সন্দেহ করা হয় যে, ইন্দুর নাশক প্রতিষেধক নিঃশেষ হয়ে গেছে। এমনকি সেখানে মাকড়সা নাশক প্রতিষেধকও বিদ্যমান। ফলে সেখানে মাকড়সা জাল বুনে না। অন্য বর্ণনায় রয়েছে— ফলে তাতে ধুলাবালি ও ময়লা জমতে পারে না।

হাফিয় ইব্ন আসাকির বলেন, আমি আমার দাদা ইয়াহুইয়া ইব্ন আলীকে উল্লেখ করতে শুনেছি যে, তিনি অগ্নিকাণ্ড সংঘটিত হওয়ার পূর্বে সকল প্রকার কীটনাশকের সঙ্কান পেয়েছিলেন, যা তার ছাদে ঝুলানো ছিল। এছাড়া তিনি একথাও উল্লেখ করেছেন যে, অগ্নিকাণ্ড সংঘটিত হওয়ার পূর্বে জামি' দামেশকে কোন কীটপতঙ্গের অস্তিত্ব ছিল না। এরপর [যখন] চারশ একবত্তি হিজরীর শা'বান মাসের পনের তারিখ অপরাহ্নকালে জামি' দামেশকে সংঘটিত অগ্নিকাণ্ডে এই সকল কীটনাশক পুড়ে যায়—আর এ সময় দামেশকে বহুপ্রকার কীটনাশকের প্রচলন ছিল— আর অগ্নিকাণ্ডে পুড়ে যাওয়ার পর শুধুমাত্র আলাভীদের বাজারের দিকের স্তুপটি অক্ষত ছিল যার মাথায় ছিল বিশাল বলাকৃতির অবয়ব। এই স্তুপটি পশ্চপালের পেশাবের কারণে দুর্বল হয়ে পড়ে। লোকেরা যখন তার চারপাশে কোন পশ্চকে তিনবার ঘোরাত তখন তার পেট খারাপ হতো। আর আমাদের শায়খ ইব্ন তায়মিয়াহ বলেন, এটা হলো এক মুশারিকের পৃথক কবর। সেখানে সে সমাহিত এবং আয়াবপ্রাণ। কোন পশ্চকে যখন তার আর্ত চিৎকার শুনে, তখন সে অস্ত আতঙ্কিত হয়, ফলে তার উদরস্থ সবকিছু নড়ে উঠে এবং তার পেট খারাপ হয়। তিনি

১. স্তুপটি মিকলাসাত নামক গির্জার স্থানে নির্মিত হওয়ায় 'মিকলাসাত স্তুপ' নামে পরিচিত।
২. প্রত্যেকটি তৎকালীন দামেশক শহরের ভিন্ন প্রবেশদ্বারের নাম।

বলেন, এ কারণেই পশ্চপাল যখন সব্জি ইত্যাদি খেয়ে পেট ব্যথায় আক্রান্ত হয়, তখন লোকেরা তাকে ইয়াহুদী ও নাসারাদের সমাধিস্থলে নিয়ে যায়। তখন সেখানে তাদের উদরস্থ সবকিছু আন্দোলিত হয় এবং পেট খারাপ হয়। আর ‘আয়াবপ্রাণ্ডের আর্তচিকার শনতে পাওয়াই হলো এর কারণ। মহান আল্লাহ্ অধিক জানেন।

মসজিদের দরযায় স্থাপিত ঘড়িসমূহের আলোচনা

কার্যী আবদুল্লাহ্ ইবন আহমাদ ইবন যাবর বলেন, জামে’ দামেশকে সম্মুখস্থ দরযাকে ঘড়ির দরযা বলা হয়। কেননা বলশকার সেখানে ঘড়ি নির্মাণ করে। সেখানে সে দিনের প্রতিটি ঘন্টা কাজ করত। তাতে তামার তৈরী একাধিক চড়ুই একটি তাত্র সাপ ও একটি কাক ছিল। যখন এক ঘন্টা পূর্ণ হতো সাপটি বেরিয়ে এবং চড়ুই পাখিগুলো কিচিরমিচির করে উঠত এবং কাক ডেকে উঠত এবং পাত্রে একটি কঙ্কর পতিত হত। তখন লোকগণ বুঝতে পারত যে দিনের এক ঘন্টা/ প্রহর অতিবাহিত হয়েছে। এরপেই হতো অন্যান্য ঘন্টা অতিবাহিত হওয়ার ক্ষেত্রে। আলু বিদায়ার গ্রন্থকার বলেন, এটা দুটি বিষয়ের যে কোন একটির সম্ভাবনা ধারণ করে। হয় ঘড়িগুলি জামে’ দামেশকের সম্মুখস্থ দরযায় ছিল যা বাবুয় যিয়াদাহ নামে পরিচিত। তবে বলা হয় যে, এটি জামে’ দামেশকের নির্মাণ সম্পন্ন হওয়ার পর নতুনভাবে নির্মিত। তবে তা কার্যী ইবন যাবরের সময়কালে সেখানে ঘড়িগুলি বিদ্যমান থাকার সম্ভাবনাকে নাকচ করে দেয় না। নয়ত বা জামি’ দামেশকের পূর্বপ্রান্তের সম্মুখ দরযায় বাবুয় যিয়াদাহ-এর অনুকরণে আরেকটি দরযা ছিল। আর সেখানেই ঘড়িগুলি ছিল। এসব কিছুর পর বর্তমানে তাকে কানজ বিক্রেতাদের দরযায় স্থানান্তরিত করা হয়েছে। এটা হলো জামে দামেশকের পূর্ব দরযা। মহান আল্লাহ্ সর্বাধিক জানেন।

আলু-বিদায়ার গ্রন্থকার বলেন, বাবুল ওয়াররাকীন [কানজ বিক্রেতাদের দরযা] এটি ও জামি’ দামেশকের সম্মুখবর্তী দরযা। এই দরযা দিয়ে প্রবেশকারীদের দিকে সম্পৃক্ত করে এই দরযার নামকরণ করা হয়েছে অথবা তার জামি’ দামেশকে ও তার দরযা সংলগ্ন হওয়ার কারণে। সঠিক বিষয় মহান আল্লাহ্ ভাল জানেন।

গ্রন্থকার আরও বলেন, আর জামি’ দামেশকের চতুরের আঙিনার মধ্যবর্তীস্থানে প্রবহমান পানির প্রস্তুবণ বিশিষ্ট যে গম্বুজ সাধারণ লোকদের কাছে আবু নুওয়াসের গম্বুজ নামে পরিচিত তার নির্মাণকাল তিনশ’ উনসত্তর হিজরী। ঐতিহাসিক ইবন আসাকির জনৈক দামেশকবাসীর হাতের লেখা হতে তা লিপিবদ্ধ করেছেন। আর জামি’ চতুরের পশ্চিমদিকের উঁচু গম্বুজটি যাকে ‘আইশার গম্বুজ’ বলা হয় তার সম্পর্কে আমি আমাদের শায়খ আয়্-যাহাবীকে বলতে শুনেছি যে, তা একশ’ ষাট হিজরীর সময়সীমার মধ্যে নির্মিত হয়েছে (খলীফা) মাহুদী ইবন মানসুর আল আবকাসীর যামানায়। লোকেরা একে নির্ধারণ করেছিল জামি’ দামেশকের সম্মতভাষ্যার ও ওয়াক্ফকৃত গ্রন্থসমূহের গ্রন্থগার রূপে। আর মসজিদে আলীর দ্বার সম্মুখস্থ পূর্বদিকের গম্বুজ সম্পর্কে বলা হয় যে, তা নির্মিত হয়েছে একশ’ চার হিজরীর সময়সীমায় শাসক আল উবায়দীর শাসনকালে। আর দারাজে-জায়রনের নিম্নস্থ ফোয়ারাটি নির্মাণ করেন শরীফ ফাখ্রুল্লাহ দাওলা আবু আলী হাময়া ইবনুল হাসান ইবনুল আবাস আল-হাসানী। অনুমিত হয় যে, তিনি জামি’ দামেশকের তত্ত্বাবধায়ক ছিলেন। এই ফোয়ারাতে তিনি হাজারের প্রাসাদ হতে বিশা এক পাথরখণ্ড আনিয়ে তা হতে কৃত্রিমভাবে পানি উৎসারিত করেন। আর এটা ছিল চারশ’ সতের হিজরীর রবিউল আওয়াল মাসের সাত তারিখ শুক্রবার রাতে। এ ফোয়ারার চারপাশে কৃত্রিম পুল নির্মাণ করা হয় এবং তার উপরে গম্বুজ নির্মাণ করা হয়। পরবর্তীকালে একপাল উট

ভিড়াভিড়ি করে সেই গুরুজের কাছে গা ঘষাঘষি করায় তা ভেঙে পড়ে। এটা ঘটে চারশ’ সাতান্ন হিজৰীর সফর মাসে। পরবর্তীতে তা পুনর্নির্মাণ করা হয়, কিন্তু পরবর্তীকালে ‘পাঁচশ’ বাস্তি হিজৰীর শাওয়াল মাসে এক অগ্নিকাণ্ডে তার স্তম্ভসমূহ ছাদসহ ধসে পড়ে। হাফিয ইব্ন আসাকির এসব তথ্য উল্লেখ করেছেন।

আল-বিদায়ার গ্রন্থকার বলেন, আর ফোয়ারার পাত্রটি তার মধ্যস্থলেই ছিল। আমি তাকে অক্ষত দেখেছি। পরবর্তীতে তা অপসারণ করে ফেলা হয়। এ ছাড়া জীর্ণপ্রের হাওয়ে অনুরূপ একটি পাত্র ছিল। সাতশ’ একচল্লিশ হিজৰীতে খৃষ্টানদের অগ্নিকাণ্ডের কারণে হাওয়টি ধসে যাওয়ার পূর্ব পর্যন্ত (তার তলদেশের) এই পাত্রটি ব্রহ্মানে ছিল। এরপর শাজুরান (ফোয়ারা/হাউয়) নির্মাণ করা হয়ে যা জীর্ণ ফোয়ারার পূর্বদিকে অবস্থিত। এটি নির্মিত হয় ‘পাঁচশ’ হিজৰীর পর- আমার ধারণা মতে- ‘পাঁচশ’ চৌদ্দ হিজৰীতে। সুমহান আল্লাহ্ অধিক জানেন।

জামি’ উমাবীতে কিরাআতে সাব’আর সূচনা

আবু বাকর ইব্ন আবু দাউদ বর্ণনা করেন, আবু আববাস মুসা ইব্ন ‘আমির আল মুররী সূত্রে হাসসান ইব্ন অতিয়াহু হতে তিনি বলেন, অধ্যয়ন বা পাঠ গ্রহণ ইসলামে নব উদ্ভাবিত একটি বিষয়। এর উত্তর ঘটান হিশাম ইব্ন ইসমাঈল আল-মাখ্যুমী। একবার তিনি খলীফাহু আবদুল মালিকের দরবারে আগমন করেন। কিন্তু, আবদুল মালিক তাকে তাঁর সাক্ষাত্ হতে বিরত রাখেন। একদিন সকালে ফজরের নামাযের পর তিনি দামেশকের জামি’ মসজিদে বসা ছিলেন, এমন সময় তিনি কাউকে কুরআন তিলাওয়াত করতে শুনে প্রশ্ন করেন, এটা কী ? তখন তাকে জানানো হলো সে আবদুল মালিক ‘খায়রা’তে তিলাওয়াত করছেন, তখন হিশাম ইব্ন ইসমাঈল তিলাওয়াত করেন। আর আবদুল মালিক হিশামের কিরাআত অনুসরণ করে তিলাওয়াত করতে থাকেন, এ সময় তার এক আযাদকৃত গোলামও তার কিরাআতের অনুকরণে তিলাওয়াত করে। তখন তার আশেপাশে মসজিদে যারা উপস্থিত ছিল তারা সকলেই এই কিরাআত/তিলাওয়াত পসন্দ করে এবং তার কিরাআতের অনুকরণে তিলাওয়াত শুরু করে। দামেশকের খতীব হিশাম ইব্ন আম্বার বর্ণনা করেন আয়ুব ইব্ন হাসসান সূত্রে খালিদ ইব্ন দাহকান হতে তিনি বলেন, দামেশকের মসজিদে সর্বপ্রথম যিনি নতুন ধারার কিরাআতের প্রচলন করেন, তিনি হলেন, হিশাম ইব্ন ইসমাঈল ইব্ন মুগীরা আল-মাখ্যুমী। আর ফিলিস্তীনে নতুন ধারার কিরাআত উদ্ভাবন করেন ওয়ালীদ ইব্ন আবদুর রহমান আল-জারাশী। আল-বিদায়ার গ্রন্থকার বলেন, এই হিশাম ইব্ন ইসমাঈল ছিল পবিত্র মদীনার নাইব বা প্রশাসক। ওয়ালীদ ইব্ন আবদুল মালিকের জন্য বায়আত করা হতে বিরত থাকার কারণে এই ব্যক্তিই সাইদ ইবনুল মুসায়্যাবকে তার পিতার মৃত্যুর পূর্বে বেত্রাঘাত করেছিল। পরবর্তীকালে খলীফা ওয়ালীদ তাকে পবিত্র মদীনার শাসক পদ হতে অপসারণ করে ‘উমর ইব্ন আবদুল আয়ীয়কে সেখানকার গভর্নর নিয়োগ করেন। যেমনটি আমরা উল্লেখ করে এসেছি।

উল্লেখ্য যে, এই নব উদ্ভাবিত কিরাআতের সূচনাকালে দামেশকে শীর্ষস্থানীয় তাবিঙ্গণের একাধিক জামাআত উপস্থিত ছিল। এদের মধ্যে অন্যতম হলেন হিশাম ইব্ন ইসমাঈল ও তার আযাদকৃত দাস রাফি’, ইসমাঈল ইব্ন আবদুল্লাহ ইব্ন আবুল মুহাজির—যিনি খলীফা আবদুল মালিক ইব্ন মারওয়ানের ছেলেদের শিক্ষাগ্রন্থ ছিলেন এবং খলীফা হিশাম ইব্ন আবদুল মালিক ও তার উভয় আবদুর রহমান ও মারওয়ানের নাইবরূপে আফ্রিকার শাসনকর্তা নিযুক্ত

হয়েছিলেন আর বিচারকমণ্ডলীর মাঝে এতে উপস্থিত ছিলেন আবৃ ইদরীস আলখাওলানী, নুসায়র ইব্ন আওস আল-আশ'আরী ইয়ায়ীদ ইব্ন আবুল হামদানী, সালিম ইব্ন আবদুল্লাহ আলমুহারিবী, মুহাম্মাদ ইব্ন আবদুল্লাহ ইব্ন লাবীদ আল-আসাদী। আর ফিকাহবিদ মুহাম্মদ ও শৈর্ষস্থানীয় কুরী ও হাফিয়ে কুরআনের মধ্যে ছিলেন হ্যরত মুআবিয়ার আযাদকৃত দাস আবৃ আবদুর রহমান আলকাসিম ইব্ন আবদুর রহমান, মাকহুল, সুলায়মান ইব্ন মূসা আল আশদাক, আবদুল্লাহ ইব্ন আলা ইব্ন যাবর, আবৃ ইদরীস আল-আসগার আবদুর রহমান ইব্ন ইরাক, আবদুর রহমান ইব্ন 'আমির আল-ইয়াহ্সাবী যিনি আবদুল্লাহ ইব্ন 'আমিরের ভাই, ইয়াহ্যা ইবনুল হারিছ আদ্দামারী, আবদুল মালিক ইব্ন নু'মান আল-মুরৱী, আনাস ইব্ন আনাস আল উমরী, সুলায়মান ইব্ন বায়ীগ আলকারী, সুলায়মান ইব্ন দাউদ আল খুশানী, ইরান অথবা হিরান ইব্ন হাকীম আলকুরাশী, মুহাম্মাদ ইব্ন খালিদ ইব্ন আবৃ যুবয়ান আল-আয়দী, ইয়ায়ীদ ইব্ন উবায়দাহ ইব্ন আবুল মুহাজির, আবুস ইব্ন দীনার ও অন্যগণ। এভাবেই ইব্ন আসাকির তাদের উল্লেখ করেছেন। তিনি বলেন, কারো কারো হতে বর্ণিত আছে যে, তিনি এদের সমাবেশ অপসন্দ করেছেন, এবং এর সমালোচনা করেছেন, কিন্তু প্রকৃতপক্ষে এদের সমালোচনার কোন উপযুক্ত কারণ নেই। তারপর তিনি আবৃ বাকর ইব্ন আবৃ দাউদ সূত্রে আবদুল্লাহ ইবনুল 'আলা হতে বর্ণনা করেন। তিনি বলেন, আমি যাহ্হাক ইব্ন আবদুর রহমান ইব্ন আরবকে 'কুরআনের এই নব অধ্যয়ন-এর সমালোচনা করে বলতে শুনেছি, আমি তো নবী করীম সাল্লাল্লাহু 'আলায়াহি ওয়া সাল্লামের সাহাবাগণের সান্নিধ্য পেয়েছি। কিন্তু, পবিত্র কুরআনের এই নব পাঠপদ্ধতি দেখিনি বা শুনিনি। ইব্ন আসাকির বলেন, যাহ্হাক ইব্ন আবদুর রহমান ছিয়াশি হিজরীর শেষদিকে উমর ইব্ন আবদুল আয়ীয (র)-এর খিলাফতকালে দামেশকের আমীর (প্রশাসক) ছিলেন।

পরিচ্ছেদ

দামেশকের (এই বিখ্যাত) জামি' মসজিদের নির্মাণকালের সূচনা হয়েছিল ছিয়াশি হিজরীর শেষ ভাগে। এ বছরেই যুল-কা'দাহ মাসে তার স্থানে যে গির্জাটি ছিল তা ভেঙে ফেলা হয়। গির্জা ভাঙ্গার কাজ শেষ হওয়ার পর মসজিদের নির্মাণ কাজ শুরু হয়। আর-এ মসজিদের নির্মাণ কাজ সম্পন্ন হয় দশ বছরে। অর্থাৎ ছিয়ানবই হিজরীতে। আর এ বছরেই তার নির্মাতা খলীফা ওয়ালীদ ইব্ন আবদুল মালিক ওফাত লাভ করেন। আর তার কিছু নির্মাণ কাজ অসমাপ্ত ছিল যা তার ভাই সুলায়মান ইব্ন আবদুল মালিক পূর্ণ করেন। আর ইয়া 'কুব ইব্ন সুফিয়ানের এই বক্তব্য— আমি হিশাম ইব্ন 'আস্মারকে দামেশকের মসজিদের এবং এই গির্জার বৃত্তান্ত জিজ্ঞাসা করলাম। তিনি বলেন, খলীফাহ ওয়ালীদ খৃষ্টানদের বলেন, তোবে দেখ তোমরা কী সিদ্ধান্ত নিবে। হয় আমরা বলপূর্বক তৃমা'-এর গির্জা দখল করব অথবা সমবোতার ভিত্তিতে দাখিলার গির্জা নিয়ে নিব। তবে আমি সে ক্ষেত্রে তৃমা-এর গির্জা ভেঙে ফেলব। হিশাম বলেন, তৃমা-এর গির্জাটি দাখিলারটির চেয়ে বড় ছিল। তিনি বলেন, তারা দাখিলার গির্জাটি ভাঙ্গতে দিতে সম্মত হল এবং ওয়ালীদ তাকে মসজিদের অন্তর্ভুক্ত করে নিলেন। হিশাম বলেন, এ গির্জার দ্রব্যার স্থানে বর্তমান মসজিদের কিব্লা, অর্থাৎ মিহ্রাব— যেখানে নামায পড়া হয়। তিনি বলেন, ছিয়াশি হিজরীতে ওয়ালীদের খিলাফতকালের সূচনালগ্নেই এই গির্জা ভেঙে ফেলা হয়। এরপর সাতবছর যাবত তার নির্মাণ চলতে থাকে এমনকি তার নির্মাণ সম্পন্ন হওয়ার পূর্বেই ওয়ালীদ ইন্তিকাল করেন। তারপর খলীফাহ হিশাম তা পূর্ণ করেন- এতে

(ইয়া'কুব ইব্ন সুফিয়ানের বক্তব্যে) একাধিক সঠিক ও উপকারী তথ্য রয়েছে, তবে তাতে ভুলও রয়েছে। আর সেই ভুল হল তার এই বক্তব্য যে, তারা এই মসজিদ নির্মাণে সাত বছর ব্যয় করেছে। আসলে সঠিক হলো দশ বছর। কেননা, এ বিষয়ে কোন দ্বিমত নেই যে, খলীফাহ ওয়ালীদ ইব্ন আবদুল মালিক এ বছরে অর্থাৎ ছিয়ানবই হিজরীতে মৃত্যবরণ করেন। ঐতিহাসিক ইব্ন জারীর এ বিষয়ে জীবনীগত প্রণেতাদের ঐকমত্যের কথা উল্লেখ করেছেন। আর এই মসজিদের অবশিষ্ট নির্মাণ কাজ সম্পন্ন করেন খলীফা ওয়ালীদের ভাই সুলায়মান, হিশাম নয়। আল্লাহই অধিক জানেন, তিনি সুমহান।

আল-বিদায়ার প্রচুরার বলেন, ইব্ন আসাকিরের স্বল্পিত হস্তলিপি হতে উদ্ধৃত করা হয়েছে, যা ইতোপূর্বে বিগত হয়েছে— এরপর এই মসজিদে একাধিক নতুন স্থাপনা নির্মিত হয়েছে। তন্মধ্যে এর চতুরের গম্বুজগুলি যাদের আলোচনা বিগত হয়েছে। বলা হয় পূর্বদিকের গম্বুজটি নির্মিত হয়েছে— মুসতানসির আল-উবায়দির আমলে 'চারশ' পঞ্চাশ হিজরীতে। এতে তার নাম এবং ঐ দাদশ ব্যক্তির নাম লিখিত ছিল যাদেরকে রাফিয়ীরা তাদের ইমাম বলে দাবী করে থাকে। আর তার চতুরে স্থাপিত স্তম্ভস্থল নির্মিত হয়েছিল জুমুআহর রাতসমূহে আলোকসজ্জার জন্য। শহরের কাষী আবু মুহাম্মাদের নির্দেশে 'চারশ' একচত্ত্বিংশ হিজরীর রমায়ান মাসে এই স্তম্ভস্থল নির্মাণ করা হয়।

জামি' দামেশকের নির্মাতা ওয়ালীদ ইব্ন আবদুল মালিকের জীবন চরিত এবং এ বছরে তার ওফাতের আলোচনা

তিনি হলেন, ওয়ালীদ ইব্ন আবদুল মালিক ইব্ন মারওয়ান ইবনুল হাকাম ইব্ন আবুল আস ইব্ন উমায়াহ ইব্ন আবদ শামস ইব্ন আবদ মানাফ। তার উপনাম আবুল আবাস আলউমাবী। পিতার মৃত্যুর পর ছিয়াশি হিজরীর শাওয়াল মাসে তার ওয়াসিয়াত মুতাবিক তার অনুকূলে খিলাফতের বায়'আত গ্রহণ করা হয়। তিনি তার পিতার জ্যেষ্ঠ সন্তান এবং ঘোষিত যুবরাজ। তার মাতা ওয়ালাদাহ বিনত আল আবাস ইব্ন হায়ন ইবনুল হারিছ ইব্ন যুহায়র আল-আবসী। খলীফা ওয়ালীদের জন্ম পঞ্চাশ হিজরীতে। তার পিতামাতা তাকে বিলাসিতায় প্রতিপাদন করেছিল। তাই সে বিশেষ কোন শিক্ষা-দীক্ষা ছাড়াই বেড়ে উঠেছিল। আর সে বিশুদ্ধভাবে আরবী বলতে পারত না। সে ছিল দীর্ঘকায়, তবে গাত্রবর্ণ ছিল বাদামী। তার শরীরে বসন্তের অস্পষ্ট চিহ্ন ছিল। তার নাক ছিল চ্যাপ্টা। হাঁটার সময় দাঙ্কিকতার সাথে হাঁটত। সে দেখতে সুশ্রী ছিল, আবার বলা হয় কুশ্রী। খিলাফতের দায়িত্ব গ্রহণকালে তার দাঢ়ির সম্মুখভাগে পাক ধরেছিল। সে হ্যরত সাহল ইব্ন সাদের দেখা পেয়েছিল এবং হ্যরত আনাস ইব্ন মালিক হতে হাদীস শ্রবণ করেছিল। সে যখন তাঁর কাছে এসেছিল, তখন তাঁকে কিয়ামতের আলামত সম্পর্কে প্রশ্ন করেছিল, যেমন হ্যরত আনাসের জীবনীতে বিগত হয়েছে। এছাড়া সে সাইদ ইবনুল মুসায়িব হতে হাদীস শ্রবণ করেছে এবং যুহরী ও অন্যদের নিকট হতে হাদীস বর্ণনা করেছে।

বর্ণিত আছে, তার পিতা আবদুল মালিক তার জীবন্দশায় ওয়ালীদকে সিংহাসনের উত্তরাধিকারী ঘোষণা করতে গিয়েও বিরত হলেন। কেননা, সে বিশুক্ষ আরবী বলতে পারত না। এরপর ওয়ালীদ তার কাছে একদল আরবী ভাষা ও ব্যাকরণবিদের সমাবেশ ঘটাল এবং তারা এক বছর কাল তার কাছে অবস্থান করে তাকে শিক্ষা দিল। বলা হয় ছয় মাস। কিন্তু সে পূর্বের চেয়ে অঙ্গ অবস্থায় শিক্ষা সমাপন করল। তখন আবদুল মালিক বললেন, সে যথেষ্ট চেষ্টা,

করেছে এখন আমরা তাকে নিরূপায় ভাবতে পারি। বর্ণিত আছে, মৃত্যুকালে তার পিতা আবদুল মালিক তাকে ওসিয়াত করে বললেন, আমার মৃত্যুর পর বসে বসে অশ্রুপাত করো না, আর মেয়েদের ন্যায় মাতম করো না। নিজেকে সংযত ও সংহত রাখবে এবং আমার দাফন কাফনের ব্যবস্থা করে আমার থেকে দায়িত্বমুক্ত হয়ে যাবে। আমাকে নিয়ে আর ভাববে না। এরপর লোকদের বায়আতের আহ্বান জানাবে। যে তার মাথা ঝাঁকিয়ে তাতে অঙ্গীকৃতি জানাবে তার প্রত্যুষের তুমি তরবারি দিয়ে দিবে। লায়ছ বলেন, আটানকৰই হিজৱাতে ওয়ালীদের রোমদেশে আক্রমণ পরিচালনা করেন এবং এ বছরে লোকদেরকে হজ্জও করায়। অন্যরা বলেন, এর পূর্বে বছর তিনি রোম আক্রমণ করেন এবং পরের বছর মালতিয়া ও অন্যান্য দেশ আক্রমণ করেন। তার আংটির সীল-মোহর ছিল, “আমি একনিষ্ঠভাবে আল্লাহকে বিশ্বাস করি।” কারও মতে তা ছিল ‘ওয়ালীদ! অবশ্যই তুমি মৃত্যুবরণকারী’। বলা হয় মৃত্যুকালে তার সর্বশেষ কথা ছিল সুবহানাল্লাহ ওয়াল হামদু লিল্লাহ, ওয়া লা ইলাহা ইল্লাল্লাহ। ইবরাহীম ইব্ন আবু আবলা বলেন, একদিন ওয়ালীদ ইব্ন আবদুল মালিক আমাকে প্রশ্ন করলেন, তুমি কয়দিনে কুরআন খতম কর? আমি বললাম, এত এত দিনে। তখন তিনি বললেন, কিন্তু তোমাদের আমীরুল্ল মু’মিনীন তো তার সকল ব্যক্তি সন্ত্রেণ তিনি দিনে মতান্ত্বে সাতদিনে খতম করেন। ইবরাহীম বলেন, খলীফা ওয়ালীদ রমাযান মাসে সতের বার কুরআন খতম করতেন। তিনি আরও বলেন, খলীফা ওয়ালীদের তুলনা কোথায়? তিনি হলেন দামেশকের জায়ে মসজিদের নির্মাতা, মাঝে মাঝে তিনি আমাকে রৌপ্য খণ্ড দিতেন আর আমি তা বায়তুল মাকদিসের^১ কারীদের মাঝে বন্টন করে দিতাম।

ইব্ন আসাকির নির্ভরযোগ্য সূত্রে আবদুর রহমান ইব্ন ইয়ায়ীদ ইব্ন জাবির তার পিতা হতে বর্ণনা করেন। তিনি বলেন, একদিন খলীফা ওয়ালীদ জামি’ দাশেক হতে তার বাবে-আসগার (শুন্দর দরযা) দিয়ে বের হয়ে দেখলেন, এক ব্যক্তি পূর্ব দিকের মিনারার কাছে কিছু একটা খাচ্ছে। তখন তিনি লোকটির কাছে এসে দাঁড়ালেন এবং দেখতে পেলেন, সে মাটি দিয়ে রঞ্চি খাচ্ছে। তখন তিনি তাকে বললেন, কেন তুমি এমন করছ? সে বলল, অল্লে তুষ্টির কারণে আমি এমন করছি, হে আমীরুল্ল মু’মিনীন! তখন ওয়ালীদ তার মজলিসে গিয়ে লোকটিকে ডেকে পাঠালেন এবং তাকে উদ্দেশ্য করে বললেন, তোমার একপ আচরণের নিক্ষয় কোন রহস্য আছে, হয় তুমি আমাকে তা অবহিত করবে অন্যথায় আমি তোমার গর্দান উড়িয়ে দিব। তখন সে বললো, তাহলে শুনুন, আমীরুল্ল মু’মিনীন! আমি ছিলাম ভাড়ার বিনিময়ে মাল বহনকারী মৃটে। একবার আমি মালামাল বহন করে ‘মারাজুস সফর’ হতে কাসওয়া অভিযুক্ত যাচ্ছিলাম। পথিমধ্যে আমার পেশাবের বেগ হলো, তখন আমি পেশাব করার জন্য একটি গোলাকার গর্তের কাছে গেলাম। সেখানে গিয়ে একটি সুড়ঙ্গ দেখতে পেয়ে তা খনন করলাম। এবং গুপ্তধনের সঞ্চান পেলাম। এরপর আমি তা দ্বারা আমার সকল বস্তা ও খলে পূর্ণ করলাম এবং আমার বাহনসমূহ হাঁকিয়ে অঘসর হলাম। এমন সময় আমার সাথে একটি খাবার ভরতি খলে পেলাম। তখন আমি লোভের বশবর্তী হয়ে তা থেকে খাবার ফেলে দিলাম এবং মনে মনে বললাম আমি তো অচিরেই (আমার গন্তব্য) কাসওয়ায় পৌছে যাচ্ছি। এরপর আমি ঐ গুপ্তধন দ্বারা খাবার থালাটি ভরার জন্য ঐ গর্তের কাছে ফিরে আসলাম। কিন্তু অনেক চেষ্টা-সাধনার পরও আমি আর স্থানটির সঞ্চান পেলাম না। তারপর নিরাশ হয়ে আমি আমার বাহনগুলোর উদ্দেশ্যে ফিরে আসলাম। কিন্তু, আমি তার কোনও হাদিছ পেলাম না এবং ফেলে দেওয়া সেই

১. কারী দ্বারা এখানে বিশুদ্ধ কুরআন পাঠে দক্ষ ও বিজ্ঞ আলিমগণ উদ্দেশ্য।

কারও খুঁজে পেলাম না। তখন আমি নিজের [লোভের প্রায়চিত্তস্বরূপ] শাস্তির জন্য এই শপথ করলাম (যতদিন জীবিত থাকব) আমি সব সময় রুটি ও মাটি ছাড়া আর কিছু খাব না। একথা শোনার পর খলীফা তাকে বললেন, তোমার কি পোষ্য পরিজন আছে? সে বলল জী হ্যায়! তখন খলীফা তার জন্য বায়তুল মাল হতে ভাতা নির্ধারণ করে দিলেন।

ইব্ন জারীর বলেন, আমরা জানতে পেরেছি যে, (লোকটির) ঐ সকল বাহন পথ চলে বায়তুল মালে এসে পৌছেছিল। তখন বায়তুল মালের প্রহরী তা গ্রহণ করে তা সেখানে সংরক্ষণ করেছিল। বর্ণিত আছে, ওয়ালীদ তাকে বলেছিলেন তোমার আহরিত সেই সম্পদ আমাদের কাছে পৌছেছে। যাও গিয়ে তোমার উটগুলো নিয়ে যাও। এছাড়া একথা ও বর্ণিত আছে যে, তিনি তাকে সেই সম্পদের একাংশ দিয়েছিলেন যা তার ও তার পোষ্যপরিজনের খোরাকের জন্য পর্যাপ্ত ছিল। নুমায়র ইব্ন আবদুল্লাহ্ আশ্শা'নানী তার পিতা হতে বর্ণনা করেন। তিনি বলেন, একবার ওয়ালীদ ইব্ন আবদুল মালিক বলেন, মহান আল্লাহ্ যদি পবিত্র কুরআনে লৃত সম্প্রদায়ের উল্লেখ না করতেন, তাহলে আমার এ ধারণা হতো না যে, কোন পুরুষ অন্য পুরুষের সাথে এই কাজ করতে পারে।

[আল-বিদায়ার প্রস্তুকার বলেন, খলীফা ওয়ালীদ একথা দ্বারা এই কৃৎসিত ও জঘন্য স্বত্বাব এবং নিদনীয় অল্লাল কর্ম হতে নিজের নিঃসম্পর্কতার কথা ঘোষণা করেছেন। আর এই কুকর্মের কারণে আল্লাহ্ তা'আলা লৃত সম্প্রদায়কে বিভিন্ন প্রকার শাস্তি প্রদান করেছেন এবং এমনসব দৃষ্টান্তমূলক আয়াবে পাকড়াও করেছেন তার নয়ীর পূর্ববর্তী কোন সম্প্রদায়ের ইতিহাসে নেই। আর এটা হলো পুঁয়েখন যার শিকার হয়েছে বহুসংখ্যক রাজা-বাদশাহ, আমীর-উমারা, ব্যবসায়ী, সাধারণ লোক, লিখক, ফিকাহবিদ, কাষী ও অন্যরা। তবে আল্লাহ্ পাক যাদেরকে রক্ষা করেছেন তাদের কথা ভিৱু। পুঁয়েখনের ক্ষতি ও অপকার গণনা করে শেষ করা যায় না। এ কারণেই এই কুকর্মে লিঙ্গদের জন্য বিভিন্ন প্রকার শাস্তি নির্ধারণ করা হয়েছে। পুঁয়েখনের শিকার হওয়ার চেয়ে নিহত হওয়া শ্রেয়। কেননা, তা তাকে এমন বিকৃতরূপে শিকার করে যাব কোন সংশোধন প্রত্যাশা করা যায় না। তবে যদি মহান আল্লাহ্ কারও সংশোধন চান তাহলে তা ব্যতিক্রম। কাজেই, প্রত্যেকের কর্তব্য হলো আপন সন্তানদের শৈশবে ও কৈশরে [পুঁয়েখনের অভিশাপ হতে] রক্ষা করা এবং মহান আল্লাহ্ রাসূলের যবানে অভিশপ্ত এই সকল শয়তানের সাহচর্য হতে বাঁচিয়ে রাখা। আল্লাহ্ তা'আলা সকলকে হিফায়াত করুন। আমীন!]

এ ব্যাপারে মতভেদ রয়েছে যে, পুঁয়েখনের শিকার ব্যক্তি জান্নাতে প্রবেশের উপযুক্ত কিনা? তবে এ ব্যাপারে সঠিক সিদ্ধান্ত বা রায় হলো পুঁয়েখনের শিকার ব্যক্তি যদি বিশুদ্ধকৃতে খাচি তাওবা করে এবং আল্লাহভিমুখিতা ও সংশোধনপ্রাপ্ত হয়, তার পাপসমূহকে পুণ্য দ্বারা পরিবর্তন করে নেয়, বিভিন্ন প্রকার বন্দেগী ও আনুগত্য দ্বারা নিজেকে তা হতে পবিত্র করে নেয় এবং পরবর্তীতে স্বীয় দৃষ্টি অবনত রাখে, লজ্জাস্থানের হিফায়ত করে এবং স্বীয় প্রতিপালকের সাথে নিজের আচরণকে একান্ত ও একনিষ্ঠ করে নেয়, তাহলে ইনশাআল্লাহ্ সে ক্ষমাপ্রাপ্ত হবে এবং জান্নাতবাসী হবে। কেননা, আল্লাহ্ তাঁর দিকে প্রত্যাবর্তনকারীদের পাপ ক্ষমা করে থাকেন।

وَمَنْ لَمْ يَتْبُعْ فَأُولَئِكَ هُمُ الظَّالِمُونَ

আর যারা নিবৃত্ত না হয়, তারাই যালিম, (৪৯ : ১১)

فَمَنْ تَابَ مِنْ بَعْدِ ظُلْمٍ وَأَصْلَحَ فَإِنَّ اللَّهَ يَتُوبُ عَلَيْهِ إِنَّ اللَّهَ غَفُورٌ رَّحِيمٌ

কিন্তু সীমালজ্ঞন করার পর কেউ তাওবা করলে ও নিজেকে সংশোধন করলে আল্লাহ তার প্রতি ক্ষমাপরায়ণ হবেন। আল্লাহ ক্ষমাশীল পরম দয়ালু (৫ : ৩৯)।

কিন্তু যে পুঁমেথুনের শিকার শৈশবের চেয়ে বয়ঃপ্রাণ অবস্থায় আরও বেপরওয়া হয়ে উঠে, তার তাওবা দুঃসাধ্য, অসম্ভব। কোন বিশুদ্ধ তাওবা কিংবা তার অতীত পাপকর্ম মোচনকারী কোন নেক আমলের সে উপযুক্ত হবে এ সভাবনাও সদূরপরাহত। উপরন্তু তার বেষ্টিমান অবস্থায় মৃত্যুর আশঙ্কা বিদ্যমান। যেমন বহুজনের ভাগ্যে ঘটেছে। যারা তাদের এই সকল পাপক্ষিলতাসহ মৃত্যুবরণ করেছে। দুনিয়া ত্যাগের পূর্বে তা হতে পবিত্রতা অর্জন করতে পারেনি। আর কারও কারও নিকৃষ্টতম মৃত্যু ঘটেছে এমনকি এই পাপাসক্তি তাকে অমাজনীয় মহাপাপ শিরকে নিপত্তি করেছে। আর পুঁমেথুনে অভ্যন্ত এবং অন্যান্য যৌন বিকারগতদের বহু ঘটনা রয়েছে যার উল্লেখ এ পরিচ্ছেদের কলেবর বৃক্ষি করবে। আমাদের উদ্দেশ্য একথা বর্ণনা করা যে, পাপাসক্তি, অবাধ্যতা, প্রবৃত্তিপরায়ণতা বিশেষত যৌন প্রবৃত্তি মানুষকে মৃত্যুকালে শয়তানের সহযোগীরূপে অপদস্থতার শিকার করে। ফলে ঈমানের দুর্বলতার সাথে সে যখন এই অপদস্থতার শিকার হয়, তখন তা তাকে মন্দ পরিণতি বা ঈমানশূন্য মৃত্যুর শিকারে পরিণত করে। আল্লাহ তা'আলা বলেন, **وَكَانَ الشَّيْطَانُ لِلْأَبْسَانِ خَذُواْ** -আর শয়তান তো মানুষের জন্য মহাপ্রতারক (২৫ : ২৯)।

এমনকি পুঁমেথুনে লিঙ্গ হয়নি এমন অনেকেও ঈমানশূন্য মৃত্যুর কবলে পতিত হয়েছে, যারা এর চেয়ে লঘুপাপে জড়িত ছিল। আর ঈমানহীন মৃত্যু হতে মহান আল্লাহর আশ্রয় দান করুন- সে পতিত হবে না আল্লাহর সাথে যার ভিতরের ও বাইরের সম্পর্ক ঠিক আছে, বিশুদ্ধ আছে এবং যে তার কথায় ও কাজে সত্যপন্থী। কেননা, এটা অশ্রুতপূর্ব যেমন আবদুল হক আল-ইশ্বরীলী (সেভিলীয়) উল্লেখ করেছেন। আসলে ঈমানহীন মৃত্যু তার ভাগ্যে ঘটে, যার অভ্যন্তরের 'আকীদা' ও সকল বাহ্যিক আমল নষ্ট হয়ে গেছে এবং নির্বিধায় সে কর্বীরা গুনাহে লিঙ্গ এবং অপরাধ সংঘটনে দুঃসাহসী। আর কখনও তার এ অবস্থা প্রচল হয়ে দেখা দেয় এবং তাওবার পূর্বে তার মৃত্যু এসে উপস্থিত হয়।

সারাংকথা এই যে, পুঁমেথুন হলো মহা অনাচার ও জঘন্যতম পাপাচার। পূর্ববর্তী আরবদের মাঝে এর কোন পরিচয়, প্রচলন ছিল না। যেমন, একাধিক নির্ভরযোগ্য আরব ঐতিহাসিক তা উল্লেখ করেছেন। এ কারণেই ওয়ালীদ ইবন আবদুল মালিক বলেছেন, যদি না আল্লাহ তা'আলা আমাদেরকে লৃত আলায়হিস সালামের সম্প্রদায়ের কাহিনী বর্ণনা করতেন, তাহলে আমি ধারণা করতে পারতাম না যে, কোন পুরুষ অন্য পুরুষে উপগত হতে পারে। হ্যরত ইবন আবাস (রা) বর্ণিত হাদীসে আছে যে, নবী করীম সাল্লাল্লাহু 'আলায়হি ওয়া সাল্লাম বলেন :

مَنْ وَجَدَتْمُوهُ يَعْمَلُ قَوْمًا لَّوْطٍ فَقَتَلُوا الْقَاعِلَ وَالْمَفْعُولَ بِهِ -

"তোমরা যাদেরকে লৃত সম্প্রদায়ের কর্মে লিঙ্গ দেখবে তাদের 'কর্তা' ও 'কৃত' উভয়কে হত্যা করবে।" সুনান সংকলকগণ হাদীসখানি রিওয়ায়াত করেছেন এবং ইবন হিব্রান ও অন্যরা তাকে বিশুদ্ধ আখ্যা দিয়েছেন। পুঁমেথুনকারীকে নবী করীম সাল্লাল্লাহু 'আলায়হি ওয়া সাল্লাম তিনবার অভিশাপ করেছেন। আর এই পাপ ছাড়া অন্য কোন পাপকাজে তিনি তিনবার অভিশাপ করেননি। উপরন্তু, এ ক্ষেত্রে তিনি 'কর্তা' ও 'কৃত' উভয়কে হত্যা করার নির্দেশ

দিয়েছেন। কারণ, তাদের স্বভাব ও ঝটি-বিকৃতি এবং অভ্যন্তরীণ পৈশাচিকতার কারণে মানবসমাজে তাদের থাকার কোন অধিকার নেই। আর যে এ জাতীয় বিকৃত যৌনচারের স্তরে পৌছে গেছে তার বেঁচে থাকার মাঝে কারও কোন কল্যাণ নেই। বরং আল্লাহু পাক যখন সকলকে তাদের থেকে নিষ্কৃতি ও স্বষ্টি দিবেন, তখন সকলের জীবিকা ও ধার্মিকতার বিষয়টি সংশোধিত হবে। এছাড়া লান্ত বা অভিশাপ হলো বিতাড়ন ও বিদ্রূপ। আর যে মহান আল্লাহু হতে, তাঁর রাসূল (সা) হতে, তার নায়িলকৃত কিতাব হতে এবং তাঁর সৎ বান্দাদের নিকট হতে বিদূরিত ও বিতাড়িত, তার মাঝে ও তার নৈকট্যে ও সাহচর্যে কোন কল্যাণ নেই। আর আল্লাহু পাক যাকে সঙ্গানী দৃষ্টি ও দূরদর্শিতা এবং আলোকিত বিবেক ও বিচক্ষণতা দান করেছেন, সে মানুষের অবয়ব ও মুখাকৃতি হতে তাদের কর্মের ধারণা লাভ করে। কেননা, মানুষের মুখাবয়বে, চোখে এবং কথায় তাদের কর্মের প্রকার ও প্রকৃতি সুস্পষ্টরূপে প্রকাশিত হয়ে থাকে। আল্লাহু তা'আলা এই অপকর্মের উল্লেখ করে তাকে পর্যবেক্ষণ শক্তিসম্পন্নদের জন্য নির্দর্শন স্বরূপ করেছেন। তিনি বলেন—

فَأَخْذَتْهُمُ الصَّيْحَةُ مُشْرِقِينَ - فَجَعَلْنَا عَالِيَّهَا سَافِلَهَا وَأَمْطَرْنَا عَلَيْهِمْ
حِجَارَةً مِنْ سِجِيلٍ إِنْ فِي ذَلِكَ لَآيَاتٍ لِلْمُتَوَسِّمِينَ .

“তারপর সূর্যোদয়ের সময়ে মহানাদ তাদেরকে আঘাত করল এবং আমি (সেই) জনপদকে উল্টিয়ে উপর-নীচ করে দিলাম এবং তাদের উপর প্রস্তর-কঙ্কর বর্ষণ করলাম। অবশ্যই এতে পর্যবেক্ষণ শক্তিসম্পন্ন ব্যক্তিদের জন্য নির্দর্শনাদি রয়েছে” (১৫ : ৭৩-৭৫)।

আল্লাহু তা'আলা আরও ইরশাদ করেন :

أَمْ حَسِبَ الَّذِينَ فِي قُلُوبِهِمْ مَرَضٌ أَنْ لَنْ يُخْرِجَ اللَّهُ أَضْغَانَهُمْ - وَلَوْنَشَاءُ
لَأَرِيَنَا كَهْمٌ فَلَعِرَفْتُهُمْ بِسِيمَا هُمْ وَلَتَعْرِفَنَّهُمْ فِي لَحْنِ الْقُولِ وَاللَّهُ يَعْلَمُ أَعْمَالَكُمْ -
وَلَنَبْلُونَكُمْ حَتَّى نَعْلَمَ الْمُجَاهِدِينَ مِنْكُمْ وَالصَّابِرِينَ وَنَبْلُوا أَخْبَارَكُمْ -

“যাদের অন্তরে ব্যাধি আছে তারা কি মনে করে যে, আল্লাহু তাদের বিদ্রেষভাব প্রকাশ করে দিবেন না ? আমি ইচ্ছা করলে তোমাকে তাদের পরিচয় দিতাম। ফলে তুমি তাদের লক্ষণ দেখে তাদেরকে চিনতে পারবে, তবে তুমি অবশ্যই কথার ভঙ্গিতে তাদেরকে চিনতে পারবে। আল্লাহু তোমাদের কর্ম সম্পর্কে অবগত। আমি অবশ্যই তোমাদেরকে পরীক্ষা করব যতক্ষণ না আমি জেনে নিব তোমাদের মধ্যে জিহাদকারী ও ধৈর্যশীলদেরকে এবং আমি তোমাদের ব্যাপারে পরীক্ষা করি” (৪৭ : ২৯-৩১)।

এ ছাড়া এ সম্পর্কিত আয়াত ও হাদীসসমূহ। আর পুঁটৈথুনকারীর স্বভাব ও ঝটি-বিকৃতি ঘটেছে, ফলে সে পুরুষে উপগত হয়েছে আর আল্লাহু তার অন্তরকে পরিবর্তন করে দিয়েছেন এবং তার বিষয়কে বিপরীতমুখী করে দিয়েছেন। পরিণামে তার সংশোধন ও সুমতি সদূর পরাহত। তবে যে তাওবা করে ইমান এনেছে এবং সৎকর্ম করেছে, তারপর সুপথথাণ্ড হয়েছে তার কথা স্বতন্ত্র। আর প্রকৃত তাওবাকারীর বৈশিষ্ট্য আল্লাহু পাক সূরা তাওবার শেষাংশে উল্লেখ করে বলেছেন—
الْتَّائِبُونَ الْعَابِدُونَ
অর্থাৎ তাওবাকারী হলো ইবাদতকারিগণ। কাজেই তাওবাকারী বা পাপকর্মের জন্য অনুত্তম ব্যক্তিকে ইবাদত-বন্দেগী এবং আখিরাতের উদ্দেশ্যে আমলের জন্য তৎপর হতে হবে। অন্যথায় নফস বা মানবচিত্ত হলো অস্ত্রিত ও নিত্যনতুন

অভিপ্রায়-প্রবণ তুমি যদি তাকে ন্যায় ও সত্যে ব্যস্ত না রাখ, তাহলে সে তোমাকে অসত্য ও অন্যায়ে লিষ্ট করবে। কাজেই, তাওবাকারীকে অবশ্যই তার যে সকল সময় নাফরমানীতে অতিবাহিত হয়েছে তা পরিবর্তন করে আনুগত্যে ব্যয় করতে হবে। এবং তাতে যে অবহেলা ও শিথিলতা হয়েছে তার ক্ষতিপূরণ করতে হবে। এবং পূর্বেকার অন্যায় ও পাপের পথের পদক্ষেপসমূহকে ন্যায় ও কল্যাণের পথের পদক্ষেপে পরিণত করতে হবে। উপরন্তু, নিজের প্রতিটি মুহূর্ত, প্রতিটি পদক্ষেপ প্রতিটি উচ্চারণ এবং প্রতিটি ভাবনা ও কল্পনাকে [পাপ ও অন্যায় হতে] রক্ষা করতে হবে। একবার এক ব্যক্তি জুনায়দ (রহ)-কে বলল, আমাকে উপদেশ প্রদান করুন। তিনি বললেন, এমনভাবে তাওবাহ করবে যেন পুনরায় গোনাহের কোন ইচ্ছা বাকী না থাকে, এমন আল্লাহভূতি অবলম্বন করবে যা অহংকার বা সম্মানবোধ দূর করে দেয়, মহান আল্লাহর প্রতি এমন আশা পোষণ করবে যা তোমাকে কল্যাণের বিভিন্ন পথে চলতে সদা তটস্থ করে রাখে এবং অন্তরের চিঞ্চা-ভাবনার ক্ষেত্রে “মহান আল্লাহ তোমাকে পর্যবেক্ষণ করছেন”- এই বিশ্বাস বজায় রাখবে। কাজেই এগুলি হলো তাওবাকারীর বৈশিষ্ট্য। তারপর আল্লাহ তা'আলা ইরশাদ করেন :

أَلْحَمْدُ لِلَّهِ رَبِّ الْعَالَمِينَ
أَلْحَمْدُ لِلَّهِ رَبِّ السَّاجِدُونَ

আর্থাতে আল্লাহর প্রশংসকারী সিয়াম পালনকারী ঝুকু ও সির্জন্দাকারী। কাজেই, দেখো যাচ্ছে আল্লাহ তা'আলা তাওবাকারী তখন যেন কেউ প্রশংসন করল, কারা তারা ? তখন বলা হলো, তারা ইলো ইবাদতকারী, সিয়াম পালনকারী আয়াতের শেষ পর্যন্ত। যেমন আল্লাহ তা'আলা যখন বললেন, أَلْتَائِبُونَ অর্থাৎ তাওবাকারী তখন যেন কেউ প্রশংসন করল, কারা তারা ? তখন বলা হলো, তারা ইলো ইবাদতকারী, সিয়াম পালনকারী আয়াতের শেষ পর্যন্ত। অন্যথায় তাওবা করার পর তাওবাকারী যদি মহান আল্লাহর নৈকট্যের মাধ্যম গ্রহণ ও অবলম্বন না করে, তাহলে সে দূরত্বে ও পশ্চাতে অবস্থান করবে, নৈকট্যে ও সম্মুখে নয়। যেমন কেউ কেউ আনুগত্য ছেড়ে নিষিদ্ধ নাফরমানীতে লিষ্ট হয়ে মহান আল্লাহর ব্যাপারে প্রতারিত হয়ে থাকে। কেননা, আনুগত্য ছেড়ে নাফরমানীতে লিষ্ট হওয়া কুপ্রবৃত্তির বশবর্তী হয়ে হারামে লিষ্ট হওয়ার চেয়ে গুরুতর। প্রকৃত তাওবাকারী সেই ব্যক্তি যে নিষিদ্ধ বিষয়াদি এড়িয়ে চলে এবং নির্দেশিত বিষয়াদি পালন করে, সম্ভাব্য সকল ক্ষেত্রে ধৈর্যধারণ করে। আর সুউচ্চ ও সুমহান আল্লাহ তা'আলাই হলেন একমাত্র সাহায্যকারী ও তাওফীক দাতা। আর তিনি অস্তর্যামী।

ঐতিহাসিকগণ বলেন, খলীফা ওয়ালীদ বিশুদ্ধ আরবী বলতে পারতেন না। যেমন, একাধিক সূত্রে বর্ণিত আছে যে, ওয়ালীদ তার খুতবাতে এই আয়াত কান্ত কান্তে পাঠাচ্ছেন! হায় আমার মৃত্যুই যদি আমার শেষ হতো। পড়তে গিয়ে ব্যাকরণগত ভুল করল [তা'হরফকে যবরের পরিবর্তে পেশ দিয়ে পড়ল] তখন উমর ইবন আবদুল আয়ীফ বললেন, হায়! এই মৃত্যু যদি তোমার ভাগ্যে ঘটত এবং আল্লাহ আমাদেরকে তোমার থেকে স্বত্ত্ব দিতেন! সে পরিত্র মদীনাবাসীকে সহোধন করে বলত, ইয়া আহলুল মদীনা। খলীফা আবদুল মালিক একদিন কুরায়শের এক ব্যক্তিকে বলল : তুমি তো বেশ চৌকস ব্যক্তি, তবে তুমি অশুদ্ধ আরবী না বললে বেশ হতো। তখন সে বলল, আপনার ছেলে ওয়ালীদ সেও তো অশুদ্ধ আরবী বলে। তখন আবদুল মালিক বলল, কিন্তু আমার ছেলে সুলায়মান বিশুদ্ধ আরবী বলে। তর্খন লোকটি বলল, আমার ভাই অমুক সেও বিশুদ্ধ আরবী বলে। ইবন জারীর বলেন, উমর সূত্রে আলী ইবন মুহাম্মাদ আল-মাদাইনী হতে তিনি বলেন, শামবাসীদের কাছে ওয়ালীদ ইবন আবদুল মালিক ছিলেন সর্বোত্তম খলীফা। তিনি দামেশকে বহু মসজিদ নির্মাণ করেছেন, বহু

১. সঠিক হলো ইয়া আহলাল-মাদীনাহ বলা।

মিনার স্থাপন করেছেন, সাধারণ লোক এবং কুষ্ঠরোগীদের উদার হস্তে দান করেছেন, জনসাধারণকে বলেছেন, তোমরা লোকদের কাছে প্রার্থনা করো না। এ ছাড়া তিনি প্রত্যেক প্রতিবন্ধীকে একজন সেবক এবং প্রত্যেক অঙ্গকে একজন পথপ্রদর্শক দান করেছেন। তার খিলাফতকালে তিনি বহু বিশাল বিজয়ের অধিকারী হয়েছেন। রোম আক্রমণের প্রতিটি অভিযানকালে তিনি তার ছেলেদের পাঠাতেন। তাঁর আমলে তিনি ভারত, সিঙ্গু, স্পেন এবং পারস্য দেশের বহু অঞ্চলে বিজয় অর্জন করেন। এমনকি তার প্রেরিত সেনাবাহিনী চীন ও অন্যান্য দেশেও প্রবেশ করে। আলী আল-মাদাইনী বলেন, এসর সত্ত্বেও তিনি সব্জি বিক্রেতার কাছে যেতেন এবং সব্জির আটা হাতে ধরে বলতেন, এটা তুমি কত দিয়ে বিক্রি করবে। তখন সে বলত এক পয়সায়। এরপর তিনি বলতেন, তার মূল্য বাড়িয়ে বলো, তাহলে তুমি লাভবান হবে। ঐতিহাসিকগণ উল্লেখ করেছেন, হাফিয়ে কুরআনগণের সমাদর ও সম্মান করতেন এবং তাদের পক্ষে তাদের ঝণসমূহ পরিশোধ করতেন। ঐতিহাসিকগণ আরও বলেন, খলীফা ওয়ালীদের চিন্তা-ভাবনা আবর্তিত হতো ভবন ইত্যাদি নির্মাণ নিয়ে। আর তার প্রজারাও ছিল তেমন। একজনের সাথে অন্যজনের সাক্ষাৎ হলে সে তাকে জিজ্ঞাসা করত, তুমি কী নির্মাণ করেছো? তুমি কী গড়েছো? আর তার ভাই সুলায়মানের চিন্তা-ভাবনা ছিল রমণীকেন্দ্রিক। ফলে তার আমলে প্রজাদের অবস্থাও ছিল অদ্বিতীয়। কারও সাথে কারও সাক্ষাৎ হলে সে তাকে জিজ্ঞাসা করত, তুমি কতজন রমণী বিবাহ করেছো? তোমার কাছে কতজন দাসী-বাঁদী রয়েছে? আর হ্যরত উমর ইব্ন আবদুল আয়ীয়ের চিন্তা-ভাবনা ছিল কুরআন তিলাওয়াত এবং সালাত ও ইবাদত-বন্দেগী নিয়ে। আর সে সময় প্রজাদের অবস্থাও তেমন ছিল। একজনের সাথে অন্যজনের সাক্ষাৎ হলে সে তাকে জিজ্ঞাসা করত, তোমার দৈনিক ওয়ীফা কী পরিমাণ? প্রতিদিন তুমি কতটুকু তিলাওয়াত কর? গতরাতে তুমি কত রাকআত নামায পড়েছো?

বলা হয় যে প্রজারা রাজার অনুসারী, অনুবর্তী হয়ে থাকে। রাজা যদি মদ্যপ হয়, তাহলে মন্দের প্রসার ঘটে, সে যদি পুঁয়েথুনকারী হয়, তাহলে প্রজারাও তার অনুসারী হয়। সে যদি কৃপণ ও লোভী হয়ে থাকে, তাহলে প্রজারাও অদ্বিতীয়, সে যদি লোভী, অত্যাচারী ও নিপীড়ক হয় তাহলে প্রজারা অদ্বিতীয়, আর সে যদি ধার্মিক, আল্লাহভীরূ, সদাচারী ও অনুগ্রহশীল হয়, তাহলে তার প্রজারাও অদ্বিতীয়। আর এটা বহু মুগের এক মুগে এবং বহুজনের একজনের ক্ষেত্রে হয়ে থাকে। আর আল্লাহই সর্বাধিক অবগত।।।

ওয়াকিদী বলেন, খলীফা ওয়ালীদ ছিলেন পরাক্রমের অধিকারী প্রতাপশালী শাসক। ক্রুদ্ধ হলে অপ্রতিহত, নাহোড় স্বভাবের একরোখা এবং অধিক আহার ও রমণকার্যে অভ্যন্ত এবং তালাক প্রদানে সিদ্ধহস্ত। বলা হয় অগণিত দাসী-বাঁদী ব্যক্তিত তিনি (৬৩) তেষটিজন নারীকে বিবাহ করেন। অবশ্য আল-বিদায়ার গ্রন্থকার বলেন, সে হলো ফাসিক শাসক ওয়ালীদ ইব্ন যায়িদ, জামি' দামেশকের নির্মাতা ওয়ালীদ ইব্ন আবদুল মালিক নয়। আর আল্লাহ সর্বাধিক জানেন।

গ্রন্থকার আরও বলেন, খলীফা ওয়ালীদ জামি' দামেশক নির্মাণ করেন আমাদের পূর্বোল্লিখিত ‘ধরণে’, তৎকালীন পৃথিবীতে তার কোন তুলনা ছিল না। এছাড়া তিনি বায়তুল মাকদিসের সাথৰা নির্মাণ করে তার উপর গম্বুজ গড়ে তোলেন এবং মসজিদে নববীকে পুনর্নির্মাণ করে এত সম্প্রসারিত করেন যে, নবী করীম সাল্লাল্লাহু আলায়াহি ওয়া সাল্লামও তাঁর সাথীস্থায়ের কবর সম্মুখে তুলে নিয়ে আলায়াহি ওয়া সাল্লাম মন্দির তৈরি করেন। এছাড়াও তার আরও বহু সুকীর্তি রয়েছে। আর তার ওফাত সংঘটিত হয় এ বছরের জুমাদাল উখরা মাসের পনের

তারিখ শনিবার। ইব্ন জারীর বলেন, সকল জীবন-চরিত সংকলক এ ব্যাপারে একমত। তবে উমর ইব্ন আলী আল-ফাল্লাস এবং একদল ঐতিহাসিক বলেন, তার ওফাত সংঘটিত হয় এ বছরের রবীউল আওয়াল মাসের পনের তারিখ শনিবার ছিটলিশ কিংবা তেতালিশ কিংবা উনপঞ্চাশ কিংবা চুয়ালিশ বছর বয়সে। তার ওফাত হয় দায়রে মারান নামক স্থানে। এরপর লোকদের কাঁধে তার শবদেহ বহন করা হয় এবং তাকে বাবুস সাগীর নামক সমাধিতে সমাধিষ্ঠ করা হয়। কারও কারও মতে তাকে সমাহিত করা হয় বাবুল ফারাদীস নামক সমাধিক্ষেত্রে। ইব্ন আসাকির তা বর্ণনা করেছেন। আর তার জানায়ার নামায পড়ান উমর ইব্ন আবদুল আয়ীয় [কেননা, তার ভাই সুলায়মান তখন আল-কুদুস শরীফে অবস্থান করছিল। কারও মতে তার জানায়ার নামায পড়ান তার ছেলে আবদুল আয়ীয়] কারও মতে তার জানায়ার নামায পড়ান তার ভাই সুলায়মান। তবে সঠিক হল উমর ইব্ন আবদুল আয়ীয়। আর আল্লাহ সর্বাধিক জানেন। আর তিনিই তাকে কবরে নামান এবং নামানোর সময় তিনি বলেন, তাকে কোন শয়া ও বালিশ ছাড়াই আমরা কবরে নামাচ্ছি। আর তুমি তোমার ‘প্রিয় অর্জন’ পক্ষাতে রেখে এসেছ, প্রিয়জন হতে বিচ্ছিন্ন হয়ে পড়েছ, মাটিতে বসবাস শুরু করেছ এবং হিসাবের মুখোয়াবি হয়েছ। আর এখন তুমি তোমার পূর্বে প্রেরিত নেক আমলের মুখাপেক্ষী এবং পরিত্যক্ত ধনসম্পদের অমুখাপেক্ষী। একাধিক সূত্রে হ্যরত উমর ইব্ন আবদুল আয়ীয় হতে বর্ণিত যে, তিনি যখন ওয়ালীদেকে তার কবরে শুইয়ে দিলেন, তখন সে তার কাফনের মাঝে নড়ে উঠল এবং তার পা দুটি (ভাঁজ করে) গলা বরাবর শুটিয়ে আনল। প্রসিদ্ধ বর্ণনা অনুযায়ী তার খিলাফতকাল ছিল নয় বছর আট মাস। আর আল্লাহ সর্বাধিক জানেন।

আল-মাদাইনী বলেন, খলীফা ওয়ালীদের উনিশজন ছেলে সন্তান ছিল। তারা আবদুল আয়ীয়, মুহাম্মদ, আবুস, ইবরাহীম, তাম্মাম, খালিদ, আবদুর রহমান, মুবাশ্শির, মাসরুর আবু উবায়দাহ, সাদকা, মানসূর, মারওয়ান, আনবাসা, উমর, রহ, বিশর, ইয়ায়ীদ, ইয়াহুইয়া। এদের মধ্যে আবদুল আয়ীয় ও মুহাম্মদের মা হলেন তার পিতৃব্য আবদুল আয়ীয় ইব্ন মারওয়ানের কন্যা উশুল বানীন, আর আবু উবায়দার মা হলেন ফায়ারিয়া। এছাড়া তার অন্য সকল ছেলেরা হলেন বিভিন্ন দাসীর গর্ভজাত। আল-মাদাইনী বলেন, তার মৃত্যুতে কবি জারীর শোক গাথায় আবৃত্তি করেছিল :

يَا عَيْنُ جُودِي بَدْمِعٍ هَاجَةُ الْبَذْكِرِ * فَمَا لَدْ مَعَكِ بَعْدَ الْيَوْمِ مَدْخِرٌ

হে আমার চক্ষ, অশ্রুবর্ষণে উদার হও, প্রিয়জনের শ্বরণ যাকে উদ্বেলিত করেছে, আজকের পর আর তোমার অশ্রু সম্পত্তি রাখা নিষ্প্রয়োজন।

إِنَّ الْخَلِيفَةَ قَدْ وَارَتْ شَمَائِلَهُ * غَبْرَاءُ مُلْحَدَةٍ فِي جَوْلَهَا زُورٌ

খলীফার বদান্য স্বভাবকে আবৃত করেছে এমন ধূসর-সমাধি যার পার্শ্বদেশে বক্রতা রয়েছে।
أَضْحَى بَنُوْهُ وَقَدْ جَلَّتْ مُصْبِيَتِهِمْ * مِثْلُ النُّجُومِ هَوَى مِنْ بَيْنِهَا الْقَمَرُ

মহা বিপর্যয়গ্রস্ত তার ছেলেদের অবস্থা হয়েছে এ. তারকাপুঞ্জের ন্যায় যাদের মধ্য হতে চক্র খসে পড়েছে।

كَانُوا جَمِيعًا فِلَمْ يَدْفَعْ مِنْيَتِهِ * عَبْدُ الْعَزِيزِ وَلَا رُوحٌ وَلَا عَمَرٌ

তারা সকলেই ছিল কিন্তু আবদুল আয়ীয়, রহ কিংবা উমর কেউই তার মৃত্যু রোধ করতে পারল না।

খলীফা ওয়ালীদ ইব্ন আবদুল মালিকের খিলাফত কালে আরও যারা মৃত্যুবরণ করেছেন তাদের মধ্যে অন্যতম হলেন যিয়াদ ইব্ন হারিছ আজ্ঞামীমী আদু-দিমাশকী। তার বাড়ী ছিল ছাকাকীদের প্রাসাদের পূর্ব পার্শ্বে। তিনি হাবীব ইব্ন মাসলামা আল ফিহুরী হতে হাদীস রিওয়ায়াত করেছেন। তার রিওয়ায়াতকৃত হাদীসের বিষয়বস্তু হলো, যে ব্যক্তির কাছে সকাল-সন্ধ্যা দুই বেলার পর্যাণ আহার রয়েছে তার অন্যের কাছে কিছু চাওয়া নিষেধ এবং যুদ্ধলব্ধ সম্পদ বা গনীভূত বিষয়েও তার রিওয়ায়াত বিদ্যমান। কেউ কেউ দাবী করেছেন যে, তিনি সাহাবী কিন্তু সঠিক কথা হলো তিনি একজন তাবেঈ। তার থেকে আতিয়াহ ইব্ন কায়স, মাকহুল এবং ইউনুস ইব্ন মায়সারাহ ইব্ন হালবাস হাদীস রিওয়ায়াত করেছেন। এ সত্ত্বেও তার ব্যাপারে আবু হাতিম বলেছেন, তিনি অজ্ঞাতপরিচয় শায়খ। তবে ইমাম নাসাঈ ও ইব্ন হিব্বান তাকে নির্ভরযোগ্য আখ্যা দিয়েছেন। ইব্ন আসাকির বর্ণনা করেছেন যে, জুমুআহর দিন দামেশকের পাশে মসজিদে প্রবেশ করে তিনি দেখলেন নামায বিলম্বিত হয়েছে। তখন তিনি বলেলেন, আল্লাহর কসম! মুহাম্মদ সাল্লাল্লাহু আলায়হি ওয়া সাল্লামের পর আল্লাহ কোন নবী পাঠাননি—যিনি তোমাদেরকে এই জুমুআর নামায এই সময়ে পড়ার নির্দেশ দিয়েছেন। ইব্ন আসাকির বলেন, তখন খায়রায় প্রবেশ করিয়ে তার শিরশেঁদ করা হলো। আর তা হলো ওয়ালীদ ইব্ন আবদুল মালিকের শাসনামলে।

আবদুল্লাহ ইব্ন উমর ইব্ন উচ্মান

তাঁর উপনাম আবু মুহাম্মদ। তিনি ছিলেন পবিত্র মদীনার কায়ী এবং সন্তোষ, সদাচারী, বদান্য ও প্রশংসাভাজন। আর আল্লাহ অধিক জানেন।

সুলায়মান ইব্ন আবদুল মালিকের খিলাফত

তার ভাতা ওয়ালীদ ইব্ন আবদুল মালিকের মৃত্যুর দিনই তার অনুকূলে খিলাফতের বায়আত গৃহীত হয়। আর এটা ছিল ছিয়ানববই হিজরীর জুমাদাল উখ্রা মাসের পনের তারিখ শনিবার। ভাইয়ের মৃত্যুকালে সুলায়মান রামালায় অবস্থানরত ছিল। পিতার ওসিয়ত মুতাবিক ভাইয়ের মৃত্যুর পর সেই সিংহাসনের নির্ধারিত উত্তরাধিকারী ছিল।

অবশ্য ওয়ালীদ তার মৃত্যুর পূর্বকালে তার ভাই সুলায়মানকে সিংহাসনের ভাবী উত্তরাধিকারীর পদ হতে সরিয়ে পদটি তার ছেলে আবদুল আয়ীমের জন্য নির্ধারিত করতে চেয়েছিল। আর তার গভর্নর হাজ্জাজ ইব্ন ইউসুফ তাকে এ ব্যাপারে প্ররোচনা ও নির্দেশনা দিয়েছিল। তদুপর সেনাপতি কুতায়বা ইব্ন মুসলিম এবং বিশিষ্ট লোকদের একটি দলও তাকে একই পরামর্শ দিয়েছিল। কবি জারীর ও অন্যরা এ প্রসঙ্গে কবিতাও রচনা করেছে। কিন্তু বিষয়টি সুসংহত হওয়ার পূর্বেই ওয়ালীদ মৃত্যুবরণ করেন। তখন সুলায়মানের অনুকূলে বায়আত গৃহীত হয়। ফলে কুতায়বা ইব্ন মুসলিম শক্তিত হন এবং সুলায়মানের অনুকূলে বায়আত না করার সিদ্ধান্ত নেন। তখন সুলায়মান তাকে অপসারণ করে ইয়ায়ীদ ইব্ন মুহাম্মাদকে প্রথমে ইরাক তারপর খোরাসানের গভর্নর প্রশাসক নিযুক্ত করেন। এরপর দশ বছর পর সে তাকে তার পদে পুনর্বহাল করে এবং হাজ্জাজ ইব্ন ইউসুফের স্বজন পরিজনকে শাস্তিদানের জন্য তাকে নির্দেশ প্রদান করেন। আর ইতিপূর্বে হাজ্জাজই ইয়ায়ীদকে খোরাসানের গভর্নর পদ হতে অপসারণ করেছিল। এবছরের রমযান মাসের তেইশ তারিখে সুলায়মান পবিত্র মদীনার গভর্নরের পদ হতে উচ্মান ইব্ন হায়য়ানকে অপসারণ করে। এবং আবু বাকর ইব্ন মুহাম্মদ ইব্ন আমর ইব্ন হায়মকে তার গভর্নর নিয়োগ করেন যিনি একজন আলিম ছিলেন।

এদিকে কুতায়বা ইব্ন মুসলিমের কাছে যখন সুলায়মানের খিলাফতের দায়িত্ব গ্রহণের সংবাদ পৌছিল। তখন তিনি তার বরাবর একটি পত্র লিখলেন। এতে তিনি প্রথমে সুলায়মানকে তার আগ্রাহ বিয়োগে সান্ত্বনা দিলেন এবং খিলাফতের দায়িত্ব গ্রহণে অভিনন্দন জানালেন। তারপর তাতে নিজের ত্যাগ তিতিক্ষা সমরকুশলতা, এবং শক্তদের হন্দয়ে তার ভীতির কথা এবং আল্লাহ তা'আলা তার নেতৃত্বে সে সকল নগর, জনপদ ও দেশে শক্তদের বিরুদ্ধে বিজয় দান করেছেন তার কথা উল্লেখ করলেন। এরপর তিনি উল্লেখ করলেন, যদি তিনি খোরাসানের গভর্নর পদ হতে অপসারিত না হন, তাহলে তার জন্যও তিনি তার ভাই ওয়ালীদের অনুরূপ আনুগত্য ও হিতাকাঙ্ক্ষা পোষণ করবেন। এ পত্রে তিনি ইয়ায়ীদ ইব্ন মুহাম্মাদের সমালোচনা করলেন। এরপর তিনি দ্বিতীয় একটি পত্র লিখলেন। এতে তিনি তার সমরকুশলতা ও বিজয়সমূহের কথা এবং শক্ত শাসক ও পারসিকদের অন্তরে তার ভীতির কথা উল্লেখ করলেন। এবং এতেও ইয়ায়ীদ ইব্ন মুহাম্মাদের সমালোচনা করলেন। আর তাতে শপথ করে বললেন, সুলায়মান যদি তাকে অপসারিত করে ইয়ায়ীদকে নিয়োগ করে তাহলে তিনি সুলায়মানকে খলীফার পদ থেকে অপসারিত করবেন। এরপর তিনি তৃতীয় একপত্র লিখলেন যাতে তিনি সম্পূর্ণরূপে সুলায়মানের আনুগত্য প্রত্যাহার করে নিলেন এবং ডাকদৃতের মাধ্যমে পত্রগুলো প্রেরণ করলেন। আর তিনি দৃতকে বলে দিলেন, প্রথমে তুমি প্রথম পত্রটি তাকে অর্পণ করবে। যদি সে তা পাঠ করে ইয়ায়ীদ ইব্ন মুহাম্মাদকে অর্পণ করে তাহলে তুমি তাকে দ্বিতীয় পত্রটি অর্পণ করবে। তারপর যদি সে তা পাঠ করে ইয়ায়ীদ ইব্ন মুহাম্মাদের কাছে অর্পণ করে তবে তাকে তৃতীয় পত্রটি অর্পণ করবে। পরবর্তীতে সুলায়মান যখন প্রথম পত্রটি পাঠ করল ঘটনাক্রমে ইয়ায়ীদ তখন সুলায়মানের কাছে উপস্থিত ছিল তখন সে তা ইয়ায়ীদের কাছে অর্পণ করল ফলে সেও তা পড়ল। এরপর ডাকদৃত তাকে দ্বিতীয় পত্রটি অর্পণ করল, এবং সে তা পাঠ করে ইয়ায়ীদের কাছে অর্পণ করল। এরপর ডাকদৃত তাকে তৃতীয়পত্রটি অর্পণ করল। সুলায়মান তখন দেখল সে পত্রে তাকে অপসারণের হুমকি রয়েছে এবং তার কাছে বায়াত প্রত্যাহার করা হয়েছে, ফলে ক্রোধে তার চেহারা বিবর্ণ হল। তারপর সে তা নিজ হাতে ধরে রাখল ইয়ায়ীদের কাছে অর্পণ করল না। তারপর সে ডাকদৃতকে শাহী মেহমানখানায় আপ্যায়নের নির্দেশ প্রদান করল। রাত্রিকালে ডাকদৃতকে ডেকে পাঠিয়ে তাকে স্বর্ণমুদ্রা উপচোকন দিল এবং খোরাসানের গভর্নর পদে কুতায়বার পুনর্বহালের ফরমান সম্বলিত পত্র অর্পণ করল। আর ঐ ডাকদৃতের সাথে তাকে তার পদে বহাল রাখার জন্য আরেকজন ডাকদৃত প্রেরণ করল। তারপর উভয় দৃত যখন খোরাসানে পৌছল তখন তারা জানতে পারল যে, কুতায়বা খলিফার আনুগত্য প্রত্যাহার করে নিয়েছেন। তখন সুলায়মানের ডাকদৃত তার পত্র কুতায়বার ডাকদৃতের কাছে অর্পণ করল। এরপর সুলায়মানের ডাকদৃত ফিরে আসার পূর্বেই তাদের কাছে কুতায়বার নিহত হওয়ার সংবাদ পৌছল।

কুতায়বা ইব্ন মুসলিমের হত্যাকাণ্ড

এই হত্যাকাণ্ডের পটভূমি হলো সুলায়মান ইব্ন আবদুল মালিককে খিলাফতের পদ হতে অপসারণ এবং তার আনুগত্য প্রত্যাহারের সিদ্ধান্ত নিয়ে কুতায়বা ইব্ন মুসলিম তার অধীনস্থ ফৌজ ও সৈনিকদের সমবেত করলেন। এরপর তিনি তাদের সামনে তার উচ্চ মনোবল, বিজয় ও তাদের ব্যাপারে ন্যায়-ইনসাফের কথা এবং তাদেরকে বিপুল অর্থসম্পদ প্রদানের কথা উল্লেখ করে সকলকে তার আনুগত্যের আহ্বান জানালেন। তার কথা ও বক্তব্য শেষ হলো। কিন্তু, কেউ তার আহ্বানে সাড়া দিল না। তখন তিনি তাদেরকে গোত্র গোত্র ও দল দল করে ভর্তসনা

ও নিদা করতে লাগলেন। তখন সকলে ক্রুদ্ধ হয়ে তাকে ত্যাগ করে বিছিন্ন হয়ে চলে গেল এবং এরপর তার বিরোধিতায় তৎপর হলো এবং তাকে হত্যার ষড়যন্ত্র করতে লাগল। ওয়াকী' ইব্ন আবু সূদ নামক এক ব্যক্তি তাকে হত্যার যাবতীয় দায়িত্ব পালন করল। প্রথমে সে তার পক্ষে বহু সংখ্যক লোক সমবেত করল। এরপর তার বিরুদ্ধে যুদ্ধে অবতীর্ণ হয়ে তাকে হত্যা করল। এ হত্যাকাণ্ড সংঘটিত হলো এ বছরের যুলহাজ্বাহ মাসে। এসময় কুতায়বা ইব্ন মুসলিমের সাথে তার এগার ছেলে ও ভাতিজা নিহত হয়। তাদের মাঝে একমাত্র যিরার ইব্ন মুসলিম জীবিত ছিল। তার মা ছিল গার্রা বিন্ত যিরার ইব্নুল কা'কা' ইব্ন মা'বদ ইব্ন সাদ ইব্ন যুরারাহ, তার মাতুলেরা তাকে রক্ষা করে। এছাড়া আমর ইব্ন মুসলিম সে সময় জাওয়জানের প্রশাসক ছিল। আর কুতায়বার সাথে আবদুর রহমান, আবদুল্লাহ, উবায়দুল্লাহ, সালিহ, ইয়াসার নিহত হয় এরা মুসলিমের ছেলে (অর্থাৎ কুতায়বার ভ্রাতা) এবং এদের ছেলে চারজন নিহত হয়, যাদের প্রত্যেককে হত্যা করে ওয়াকী' ইব্ন সূদ।

কুতায়বা ইব্ন মুসলিম ইব্ন আমর ইব্ন হাসীন ইব্ন রাবীআ আবু হাফস আল বাহিলী সর্বোত্তম ও নেতৃত্বানীয় আমীরদের অন্যতম। উপরত্ব, তিনি ছিলেন শুণী ও খ্যাতিমান বিশিষ্ট সেনানায়ক, দুঃঘাসহসী, সমরকুশলী বিজেতা এবং দুরদর্শিতার অধিকারী। তার হাতে অগণিত মানুষ হিদায়াত লাভ করেছিল এবং তারা সকলে ইসলাম গ্রহণ করে মহান আল্লাহর আনুগত্য মেনে নিয়েছিল। এছাড়া তিনি বহু বড় বড় নগর জনপদ ও দেশ ও ভূ-খণ্ড জয় করেছিলেন। যা ইতোপূর্বে বিশদ ও সুস্পষ্টভাবে বর্ণিত হয়েছে। আর মহান আল্লাহ নিশ্চয় তার চেষ্টা-সাধনা এবং ত্যাগ ও জিহাদকে নিশ্চল করবেন না।

কিন্তু, তিনি একটি মাত্র পদক্ষেপনের শিকার হলেন, আর তাতেই তার অকাল মৃত্যু হলো। এমন একটি কাজ করলেন যাতে তিনি অপদস্থ হলেন, ইমামের আনুগত্য প্রত্যাহার করে নিলেন, ফলে মৃত্যু তার দিকে দ্রুত ধাবিত হলো। মুসলমানদের জামাআত হতে বিছিন্ন হলেন ফলে জাহিলিয়াতের মৃত্যুর শিকার হলেন। কিন্তু তার আমলনামায় এত পরিমাণ নেক আমল রয়েছে যা দ্বারা 'নিশ্চয়' আল্লাহ তার পাপসমূহ মোচন করবেন এবং পুণ্যসমূহ দিশুণ করবেন। আল্লাহ তাকে ছাঢ় দিবেন এবং ক্ষমা করবেন এবং শক্তির মুকাবিলায় তিনি যা কিছু সহ্য করেছেন তার থেকে তা কবুল করবেন। তিনি নিহত হন খোরাসানের দূরতম প্রান্ত ফারগানাতে। এ বছরের যুল-হাজ্বাহ মাসে। তখন তার বয়স ছিল আটচাহ্নিশ বছর। তার পিতা ছিলেন আবু সালিহ মুসলিম যিনি হ্যরত মুসআব ইব্ন যুবায়রের সাথে নিহত হয়েছিলেন। তিনি দশ বছর খোরাসানের গর্ভন্ত ছিলেন। এ সময়ে তিনি নিজে যেমন প্রভৃত কল্যাণ অর্জন করেছেন, তেমনি প্রজাদের মাঝেও প্রভৃত কল্যাণ বিস্তার করেছেন। কবি আবদুর রহমান ইব্ন জুমান আল বাহিলী তার মৃত্যুতে শোকগাথা রচনা করে বলেন :

كَأْنَ أَبَا حَفْصٍ قَتِيبةَ لَمْ يَسْرُ * بِجَيْشٍ إِلَى جَيْشٍ وَلَمْ يَعْلُّ مَنْبِراً

আবু হাফস কুতায়বা যেন কোন দিন কোন ফৌজ নিয়ে ফৌজ অভিযুক্তে অগ্রসর হননি এবং কখনও কোনও মিশ্রে আরোহণ করেননি।

وَلَمْ تُخْفِقِ الرَّأْيَاتُ وَالْقَوْمُ حَوْلَهُ * وَقُوفٌ وَلَمْ يَشْهَدْ لَهُ النَّاسُ عَسْكِرًا

যোদ্ধারা তাকে কেন্দ্র করে দাঁড়িয়ে থাকা অবস্থায় যেন যুদ্ধ ঝাপ্পাসমূহ আন্দোলিত হয়নি এবং লোকেরা যেন তার অনুগত কোন ফৌজ দেখেনি।

وَعَنْهُ الْمَنِيَا فَلَسْتِجَابٌ لِرَبِّهِ * وَرَاحٌ إِلَى الْجَنَّاتِ عِفْـاً مُطَهِّرًا

মৃত্যুরা তাকে হাতছানি দিয়ে ডাকল। তখন তিনি স্থীর রূপের আহ্বানে সাড়া দিলেন এবং পবিত্র ও সচরিত্র অবস্থায় জাগ্নাতের দিকে ধাবিত হলেন।

فَمَا رُزِئَّ الْإِسْلَامُ بَعْدَ مُحَمَّدٍ * يَمْثُلُ أَبِي حَفْصٍ فِي بَكِيهِ عَبْهَرَا

আবু হাফসের মৃত্যুতে ইসলামের যে ক্ষতি হয়েছে মুহাম্মদ (সা)-এর মৃত্যুর পর আর ইসলামের এতবড় ক্ষতি হয়নি। কাজেই ‘আবহার’ তৃতীয় তার শোকে কাঁদ।

কবিতার শেষ পঙ্কজিতে কবির অসংযত আবেগের প্রকাশ ঘটেছে। ‘আবহার’ তার ছেলের নাম। ওয়াকী ইব্ন সুদের হাতে কুতায়বার নিহত হওয়ার এই ঘটনায় কবি তিরিম্মাহ বলেন :

لَوْلَا فَوَارِسٌ مَذْحِجٌ ابْنَةَ مَذْحِجٍ * وَالْأَزْدُ زَعْزَعٌ وَاسْتَبِيعُ الْعَسْكَرُ

وَتَقْطَعَتْ بِهِمُ الْبِلَادُ وَلَمْ يُؤْبِ * مِنْهُمْ إِلَى أَهْلِ الْعَرَاقِ مُخْبَرٌ

استضاعت عقد الجماعة واذرى * أمر الخليفة واستحل المُنْكَر

قَوْمٌ هُمُو قُتِلُوا قُتِيبةَ عَنْوَةَ * وَالْخَيْلُ جَامِحةٌ عَلَيْهَا العَثِيرُ

এক সপ্তদিয়ার তারা কুতায়বাকে জোরপূর্বক হত্যা করল আর অশ্বদল তখন অবাধ্য ও ধূলিধূসরিত।

بِالْمَرْجِ مَرْجُ الصِّينِ حِيثَ تَبَيَّنَتْ * مُضَرُّ الْعَرَاقِ مِنَ الْأَعْزَلِ الْأَكْبَرِ

খোরাসানের চীন সংলগ্ন উর্বর ভূ-খণ্ডে যেখানে মুঘার গোত্র স্পষ্টরূপে আবিষ্কার করল কে সবচে শ্রেষ্ঠ ও সম্মানী :

إِذْ حَالَفَتْ جَزَاعًا وَرَبِيعَةَ كُلُّهَا * وَتَفَرَّقَتْ مُضَرٌّ وَمَنْ يَتَمَضَّرُ

যখন আতঙ্কে গোটা রাবী‘আহ্ গোত্র মৈতী চুক্তিবদ্ধ হলো আর মুঘার ও সাথে অবস্থানকারীরা বিচ্ছিন্ন হয়ে গেল।

وَتَقْدَمَتْ أَزْدُ الْعَرَاقِ وَمَذْحِجٍ * لِلْمَوْتِ يَجْمِعُهَا أَبُوهَا الْأَكْبَرُ

ইরাকের আয়দ গোত্র ও মায়হিজ গোত্র মৃত্যুর জন্য অগ্রসর হলো, যারা একই পিতৃপুরুষের বংশধর।

قَحْطَانُ تَضْرِبُ رَأْسَ كُلِّ مَرْجِجٍ * تَحْمِي بَصَائِرَ هُنَّ إِذْ لَا تَبَصِّرُ

এরা বানু কাহতান প্রত্যেক অন্তর্সজ্জিতের মাথায় আঘাত করে।

وَالْأَزْدْ تَعْلَمُ أَنْ تَحْتَ لَوَائِهَا * مُلْكًا قَرَاسِيَّةً وَمَوْتُ أَحْمَرُ

আয়দ গোত্র জানে তার ঝাঙা তলে রয়েছে বিরাট সাম্রাজ্য এবং লাল মৃত্যু।

فَبِعِزَّتِنَا نَصْرُ النَّبِيِّ مُحَمَّدٌ * وَبِنَا تَثْبِتُ فِي دِمْشِقَ الْمَنْبُرُ

আমাদের শক্তি ও প্রতাপেই নবী মুহাম্মদ (সা) বিজয় লাভ করেছেন এবং আমাদের শক্তিতেই দামেশকের সিংহসন সুষ্ঠির রয়েছে।

ইব্ন জারীর এই কবিতাকে অতি বিশদভাবে উল্লেখ করেছেন এবং আরও বহু কবিতা পঙ্কজি উল্লেখ করেছেন। ইব্ন খালিকান বলেন, কবি জারীর কুতায়বা ইব্ন মুসলিমের শোকগাথা রচনা করেছেন। মহান আল্লাহু কুতায়বাকে রহম করুন, তার সাথে উদার ও মহৎ আচরণ করুন, তাকে সম্মানিত আশ্রয় দান করুন এবং ক্ষমা করুন।

نَدِمْتُمْ عَلَى قَتْلِ الْأَمْيَرِ ابْنِ مُسْلِمٍ * وَأَنْتُمْ إِذَا لَا قَيْتُمُ اللَّهَ أَنْدَمْ

আমীর ইব্ন মুসলিমকে হত্যা করে তোমরা অনুত্ত হয়েছ আর যখন তোমরা মহান আল্লাহুর সশুর্খীন হবে, তখন আরও অনুত্ত হবে।

لَقَدْ كُنْتُمْ مِنْ غَرَّوْهُ فِي غَنِيمَةِ * وَإِنْتُمْ لَمَنْ لَا قَيْتُمُ الْيَوْمَ مَغْنِمُ

তার নেতৃত্বের যুক্তাতিথানে তোমরা গনীমত লাভ করতে কিন্তু আজ তোমরা যে শক্র সাক্ষাৎ পাবে তাদের গনীমতে পরিণত হবে।

عَلَى أَنْهُ أَفْضَى إِلَى حُورْ جَنَّةٍ * وَتَطْبِقُ بِالْبَلْوَى عَلَيْكُمْ جَهَنَّمُ

তবে তিনি তো জাল্লাতের হূরদের সান্নিধ্যে পৌছে গেছেন। আর তোমরা অচিরেই জাহানামের মহাবিপদে আবদ্ধ হবে।

ইব্ন খালিকান বলেন, তার ছেলে ও বংশধরদের অনেকে বিভিন্ন নগরের প্রশাসকের দায়িত্ব লাভ করেন। এদের মধ্যে 'উমর ইব্ন সাঈদ' ইব্ন কুতায়বা ইব্ন মুসলিম অন্যতম। ইনি ছিলেন বদান্য ও প্রশংসাভাজন। তার মৃত্যু হলে কবি আবু আমর আশজা' ইব্ন আমর আসসুলামী আল মুররী যিনি বসরার অধিবাসী ছিলেন, তিনি একটি শোকগাথা রচনা করেন। তিনি আবৃত্তি করেন :

مَضِي ابْنِ سَعِيدٍ حِيثُ لَمْ يَبْقَ مَشْرِقُ * وَلَا مَغْرِبٌ إِلَّا لَهُ فِيهِ مَادِرُ

ইব্ন সাঈদ মৃত্যুবরণ করেছেন এমন অবস্থায় যে, সকল স্থানে তার প্রশংসাকারী বিদ্যমান।

وَمَا كُنْتُ أَدْرِي مَا فَوَاضَلْ كَفَهُ * عَلَى النَّاسِ حَتَّى غَيَّبْتُهُ الصَّفَائِحُ

সমাধি প্রস্তর তাকে অদৃশ্য করার পূর্বে আমি জানতে পারিনি মানুষের প্রতি তার দান ও অনুগ্রহ কী পরিমাণ।

وَأَصْبَحَ فِي لَهْدِ مِنَ الْأَرْضِ ضَيْقٌ * وَكَانَتْ بِهِ حِيَّا تَضِيقُ الضَّحَاضِ

তিনি 'আজ' ভূগর্ভের এক সংকীর্ণ সমাধিতে শায়িত অথচ তার জীবদ্ধশায় বিশাল জলভাগও ছিল সংকীর্ণ।

سَابِكِيْكَ مَا فَاضَتْ دُمُوعِيْ فَإِنْ تَنْضِنْ * فَحُسْبِكَ مِنْيَ مَا تَجْرِيْ الجَوَانِ

যতোদিন আমার চোখে অশ্রু প্রবাহিত হবে ততদিন আমি তোমার শোকে কেঁদে যাব।
আর যদি তা শুকিয়ে যায়, তাহলে আমার অন্তরে যে শোক ও বেদনা সুষ্ঠু আছে, তাই তোমার
জন্য যথেষ্ট।

فَمَا أَنَا مِنْ رَبِّنِي وَإِنْ جَلْ جَازَعُ * وَلَا بَسِرُورٌ بَعْدَ مَوْتِكَ فَأَرْجِعُ

তোমার মৃত্যুর পর আমি আমার কোন শোকেই কাতর হব না এবং কোন আনন্দেই
উৎফুল্ল হব না।

كَانَ لَمْ يَمْتَحِنْ سِوَالَ وَلَمْ تَقْمِ * عَلَىٰ أَحَدٍ إِلَّا عَلَيْكَ النَّوَافِعُ

অবস্থা এমন যেন তুমি ছাড়া অন্য কেউ কোন দিন মৃত্যুবরণ করেনি এবং তুমি ছাড়া অন্য
কারও শোকে মাতমকারিণীরা বিলাপ করেনি।

لَئِنْ حَسِنْتَ فِيكَ الْمَراثِي وَذَكْرَهَا * لَقَدْ حَسِنْتَ مِنْ قَبْلِ الْمَدَائِنِ

আজ যদি তোমার ব্যাপারে শোকগাথা ও তার উল্লেখ সুন্দর হয়ে থাকে, তাহলে আশচর্যের
কিছু নেই। কেননা, ইতোপূর্বে তোমার ব্যাপারে স্তুতিগাথাও সুন্দর হয়েছিল।

ইব্ন খালিকান বলেন, নিঃসন্দেহে এই শোকগাথাটি বেশ সুন্দর। আর এতে বীরত্ব ও
শৌর্য- বীর্যের প্রকাশ রয়েছে। আর তা ‘হামাসা’ অধ্যায়ে বিদ্যমান। এরপর তিনি বাহিলা গোত্র
সম্পর্কে মন্তব্য করে বলেন, এরা আরবের অতি ইতর গোত্র। তিনি বলেন, কোন মজলিসে
আমাকে রিওয়ায়াত করা হয়েছে যে (একবার) আশ‘আছ ইব্ন কায়স বললেন, ইয়া রাসূলাল্লাহ
আমাদের (সকল সম্রান্ত ও ইতর) রক্ত কি সমর্মর্যাদা সম্পন্ন। তিনি বললেন : نَعَمْ! لَوْقَتْلَتْ
لَقَدْلَكْ ! তুমি যদি বানু বাহিলার কোন ব্যক্তিকেও হত্যা কর, তাহলেও
আমি তোমাকে হত্যা করব। জনেক আরবকে বলা হলো, বাহিলা গোত্রের সদস্য হয়ে কি তুমি
জান্নাতে প্রবেশ করতে আগ্রহী ? জবাবে সে বলল, হ্যাঁ! আমি তাতে সম্মত আছি; তবে শর্ত
হলো জান্নাতবাসীরা যেন বিষয়টি জানতে না পারে। জনেক আরব এক ব্যক্তিকে জিজ্ঞাসা
করল, তুমি কোন গোত্রের লোক। সে বলল, বানু বাহিলার। তখন সে তার জন্য সমবেদনা ও
শোক প্রকাশ করতে লাগল। এরপর লোকটি বলল, আমি তোমাকে আরেকটি বাড়তি তথ্য
দিব। তা হলো আমি তাদের বংশজাত নই, তাদের সাহচর্যে অবস্থানকারী আয়াদকৃত দাস।
একথা শুনে আরব লোকটি তার হাতে-পায়ে চুম্ব খেতে লাগল। সে বলল, এটা আপনি কেন
করছেন ? সে বলল, কেননা (আমার নিশ্চিত বিশ্বাস) আবিরাতে বিনিয়য়রূপে জান্নাত প্রদানের
জন্য আল্লাহ তোমাকে দুনিয়াতে এই বিপদ দ্বারা পরীক্ষায় ফেলেছেন।

তারপর ইব্ন জারীর বলেন, এ বছরের মিসরের আমীর ও শাসক কুর্রা ইব্ন শারীক
আল আবসী ওফাতপ্রাণ হন। আল বিদায়ার প্রস্তুকার বলেন, ইনি হলেন কুর্রা ইব্ন শারীক
যিনি খলীফা ওয়ালীদের পক্ষ হতে মিসরের আমীর ও প্রশাসক ছিলেন। ইনিই আল ফায়ম-এর
জামি' মসজিদ নির্মাণ করেন। আর এ বছর লোকদের হজ্জ পরিচালনা করেন আবু বাকর
মুহাম্মদ ইব্ন আমর ইব্ন হায়ম। যিনি পবিত্র মদীনার প্রশাসক ছিলেন। আর এ সময় পবিত্র
মক্কার প্রশাসক ছিলেন আবদুল আয়ী ইব্ন আবদুল্লাহ ইব্ন খালিদ ইব্ন উসায়দ। আর
ইরাকের যুদ্ধ ও সালাতের দায়িত্বে ছিল ইয়ায়ীদ ইব্ন মুহাম্মাদ, আর খারাজ-কর আদায়ের
দায়িত্বে সালিহ ইব্ন আবদুর রহমান। এছাড়া ইয়ায়ীদ ইব্ন মুহাম্মাদের নাইবরুলপে বসরার
দায়িত্বে ছিল সুফ্যান ইব্ন আবদুল্লাহ আল কিন্দী আর কায়ী ছিল আবদুর রহমান ইব্ন
উয়ায়নাহ। কৃফার কায়ী ছিল আবু বকর ইব্ন আবু মূসা এবং খোরাসানের সমরকর্তা ছিল
ওয়াকী ইব্ন সুদ। আর সুমহান আল্লাহই সর্বাধিক জানেন।

১৭ হিজরীর সূচনা

এ বছরেই সুলায়মান ইব্ন আবদুল মালিক কনষ্ট্যান্টিনোপল অভিযুক্তে মুসলিম বাহিনী প্রেরণ করেন এবং এ বছরেই তিনি তার ছেলে দাউদকে 'সাইফা'-এর আমীর নিয়োগ করলে তিনি ঢাঁস। দুর্গ জয় করেন। ওয়াকিদী বলেন, এ বছরেই মাসলামাহ ইব্ন আবদুল মালিক আল-ওয়ায়্যাহিয়াহ রাজ্যের ভূ-খণ্ডে যুদ্ধাভিযান পরিচালনা করেন এবং ওয়ায়্যাহিয়ার শাসক আল-ওয়ায়্যাহ নির্মিত দুর্গ জয় করেন। এছাড়া মাসলামাহ এ বছর বারজামা নামক ভূ-খণ্ড আক্রমণ করে তা জয় করেন এবং তার সাথে আল-হাদীদ ও অন্যান্য কয়েকটি দুর্গ এবং সারার অঞ্চল জয় করেন এবং রোমক ভূ-খণ্ডে শীত যাপন করেন। এ বছরে উমর ইব্ন হুবায়রাহ আল-ফায়ারী সমুদ্র পথে রোমক ভূ-খণ্ড আক্রমণ করেন এবং সেখানে শীত যাপন করেন। এ বছরে মূসা ইব্ন নুসায়েরের ছেলে আবদুল আয়ীফ নিহত হন এবং হাবীব ইব্ন আবু উবায়দ আল-ফিহুরীর সাথে তার কর্তৃত মস্তক আমীরুল মু'মিনীন সুলায়মান ইব্ন আবদুল মালিকের সামনে পেশ করা হয়। এছাড়া এ বছর খলীফা সুলায়মান ইয়ায়ীদ ইব্ন মুহাম্মাদকে তার নিজের শাসনাধীন ইরাক অঞ্চলের সাথে খোরাসানের শাসনভার অর্পণ করেন। আর এর কারণ হল যে কুতায়বা ইব্ন মুসলিম ও তার ছেলেদের হত্যা করে ওয়াকী' ইব্ন আবু সূদ যখন কুতায়বার মাথা সুলায়মানের কাছে পাঠাল, তখন সে তার কাছে বিশেষ স্থান লাভ করল এবং খলীফা সুলায়মান তাকে খোরাসানের গভর্নর নিয়োগের ফরমান লিখে পাঠালেন। ইয়ায়ীদ ইব্ন মুহাম্মাদ আবদুর রহমান ইব্ন আহতামকে খলীফা সুলায়মান ইব্ন আবদুল মালিকের কাছে পাঠাল তার কাছে ওয়াকী' ইব্ন সূদের সমালোচনা করে খোরাসানের শাসন পরিচালনা করে। খোরাসানের শাসন পরিচালনার ক্ষেত্রে ইয়ায়ীদ ইব্ন মুহাম্মাদের যোগ্যতা ও উপযুক্ততা তুলে ধরতে। তখন দূর্ত ও চতুর ইব্ন আহতাম সুলায়মান ইব্ন আবদুল মালিকের সাক্ষাতে উপস্থিত হল এবং তার সাথে অব্যাহতভাবে তার কৌশল ও চতুরতা প্রয়োগ করতে থাকল। পরিশেষে, খলীফা ওয়াকী'কে খোরাসানের গভর্নর পদ হতে অপসারণ করে ইয়ায়ীদ ইব্ন মুহাম্মাদকে ইরাকের সাথে খোরাসানের গভর্নর নিযুক্ত করলেন এবং ইব্ন আহতামের সাথে তার ফরমান পাঠালেন। ইব্ন আহতাম সাতজনের প্রহরায় ইয়ায়ীদের কাছে এসে উপস্থিত হয় এবং তাকে ইরাকের সাথে খোরাসানের শাসক নিযুক্ত হওয়ার ফরমান অর্পণ করে। ইতিপূর্বে ইয়ায়ীদ তাকে এই 'কর্মের' জন্য এক লক্ষ দিরহাম প্রদানের প্রতিশ্রুতি দিয়েছিল, কিন্তু কার্য সিদ্ধির পর সে তার প্রতিশ্রুতি রক্ষা করেনি। এদিকে খলীফার ফরমান পাওয়ার পর ইয়ায়ীদ তার ছেলে মুখাল্লাদকে খোরাসানে পাঠাল আর তার সাথে আমীরুল মু'মিনীনের পত্র যার বিষয়বস্তু হল যে, কায়স গোত্র দাবী করছে যে কুতায়বা ইব্ন মুসলিম খলীফার আনুগত্য প্রত্যাহার করেননি। আর আনুগত্য প্রত্যাহারের অপরাধে যদি ওয়াকী' তার পিছু নিয়ে থাকে এবং তার প্রতি উভেজিত হয়ে তাকে হত্যা করে থাকে, আর তিনি প্রকৃতপক্ষে আনুগত্য প্রত্যাহার না করে থাকেন তাহলে ওয়াকী'কে বন্দী করে আমার কাছে পাঠিয়ে দাও। তখন কুতায়বার ছেলে মুখাল্লাদ অগ্রসর হল এবং তার পিতার আগমনের পূর্বেই ওয়াকী'কে পাকড়াও করে শাস্তি প্রদান করে এবং বন্দী করে রাখে। তাই কুতায়বার হত্যাকারী ওয়াকী' ইব্ন আবু সূদের শাসনকাল ছিল নয় বা দশ মাস। তার ইয়ায়ীদ ইব্ন মুহাম্মাদের আগমন ঘটে এবং তিনি খোরাসানের দায়িত্ব প্রাপ্ত করে সেখানে অবস্থান করেন। আর বিভিন্ন অঞ্চলে তিনি একাধিক নাইব বা প্রশাসক নিযুক্ত করেন ইব্ন জারীর যাদের কথা উল্লেখ করেছেন।

তিনি বলেন, এরপর ইয়ায়ীদ ইব্ন মুহাম্মাব অগ্রসর হয়ে জুরজান আক্রমণ করেন। আর সে সময় প্রাচীর বেষ্টিত সুরক্ষিত কোন শহর ছিল না, তা ছিল কতক পাহাড় ও উপত্যকার সমষ্টি। তার রাজা ছিল 'সুল' নামক এক ব্যক্তি। আক্রমণের মুখে সে গিয়ে সেখানের একটি দুর্গে আশ্রয় নেয়। কারও কারও মতে সেখানের এক হৃদের দ্বীপে। এরপর মুসলমানরা তাকে সেই দ্বীপ থেকে বন্দী করে আনে এবং বহু জুরজানবাসীকে হত্যা করে। এ সময় তারা অনেককে বন্দী করে এবং গন্মীমত লাভ করে। ইব্ন জারীর বলেন, এ বছরেই সুলায়মান ইব্ন আবদুল মালিক হজ্জ পরিচালনা করেন। আর এর পূর্বের বছরের আলোচনায় নানা দেশের নাইব বা প্রশাসকদের কথা উল্লিখিত হয়েছে। তবে এ বছরেই 'ওয়াকী' ইব্ন সূদ খোরাসানের গভর্নর পদ হতে অপসারিত হন এবং ইয়ায়ীদ ইব্ন মুহাম্মাব ইব্ন আবু সুফরা ইরাকের সাথে তার শাসনভাব গ্রহণ করেন। এ বছর যে সকল খ্যাতিমান ও বিশিষ্ট ব্যক্তি মৃত্যুমুখে পতিত তাদের অন্যতম :

হাসান ইব্ন হাসান ইব্ন আলী ইব্ন আবু তালিব

তিনি আবু মুহাম্মদ আল-কারশী আল-হাশিমী। তিনি তাঁর পিতার সূত্রে দাদার উদ্ধৃতিতে 'মারফু' রূপে রিওয়ায়াত করেছেন। এই হাদীসখানি :

مَنْ عَالَ أَهْلَ بَيْتٍ مِّنَ الْمُسْلِمِينَ يَوْمَهُمْ وَلِيلَتْهُمْ غَفَرَ اللَّهُ لَهُ ذُنُوبُهُ -

"যে ব্যক্তি কোন মুসলমান পরিবারকে একদিন এক রাতের খোরাক যোগান দিবে আল্লাহ তা'আলা তার পাপসমূহ ক্ষমা করে দিবেন।" এছাড়া তিনি আবদুল্লাহ ইব্ন জা'ফর সূত্রে আলী (রা) হতে বিপদকালীন দু'আ বিষয়ে রিওয়ায়াত করেছেন এবং তার স্ত্রী ফাতিমাহ বিন্ত হসায়ন হতে রিওয়ায়াত করেছেন। আর তার থেকে তার ছেলে আবদুল্লাহ এবং একদল রাবী রিওয়ায়াত করেছেন।

এরপর তিনি আবদুল মালিক ইব্ন মারওয়ানের কাছে প্রতিনিধি দল নিয়ে উপস্থিত হন, তখন আবদুল মালিক তাকে সম্মান-সমাদর করেন। তাকে হাজাজের বিরুদ্ধে সাহায্য করেন এবং এককভাবে হযরত আলীর সাদকার অভিভাবক নিযুক্ত করেন। ইব্ন আসাকির সুন্দরভাবে তার জীবন চরিত উপস্থাপন করেছেন। তার সম্পর্কে তিনি এমন সব গৌরবময় কীর্তির উল্লেখ করেছেন, যা তার নেতৃত্ব ও আভিজ্ঞাত্যের প্রমাণ। বর্ণিত আছে (একবার) খলীফা ওয়ালীদ ইব্ন আবদুল মালিক পবিত্র মদীনায় তার গভর্নরকে লিখে পাঠাল, হাসান ইব্ন হায়ান ইরাকবাসীর সামনে পত্র বিনিময় করেছেন। তোমার কাছে যখন আমার এই পত্র পৌছবে তখন তুমি তাকে লোক সমক্ষে দাঁড় করিয়ে একশ' চাবুক মারবে। আর তুমি দেখো, আমি তাকে হত্যা করব। তখন সে তার পশ্চাতে দৃত পাঠাল। এসময় আলী ইব্নুল হসায়ন (রা) তাকে বিপদ থেকে উদ্ধারের দু'আ শিখিয়ে দিলেন, আর তিনি পবিত্র মদীনার গভর্নরের কাছে প্রবেশ কালে তা পড়লেন। ফলে, আল্লাহ তা'আলা তাকে রক্ষা করলেন। আর তা (দু'আটি) হলো—“সহনশীল ও মহান আল্লাহ ব্যতীত কোন উপাস্য নেই। সুউচ্চ ও সুমহান আল্লাহ ব্যতীত কোন উপাস্য নেই, আল্লাহ ব্যতীত কোন উপাস্য নেই। যিনি সাত আসমানের রব, যমীনের রব, মহান আরশের রব।” তিনি পবিত্র মদীনায় ইন্তিকাল করেন। তার আম্বা ছিলেন খাওলা

১. তারীখুল ইসলাম ৩/৩৫৬, তারীখুল বুখারী ২/২৮৯, তাহফীব ইব্ন আসাকির ৪/১৬৫, তাহফীবুত্ত তাহফীব ২/২৬৩, তাহফীবুল কামাল-২৫৫, আল জারহু ওয়াত তাদীল ২য় ভাগ ৫ম ভলিউম, ৫-খুলাসা তাহফীবুত্ত তাহফীব-২৭, তাবাকাত ইব্ন সাদ ৫/৩১৯, তাবাকাত খালফিয়া ২০৪৫, আল ইবার ১/১৯৬, আল মা'আরিফ ২১২, মুসআব রচিত কুরায়শের নসব-৪৬।

বিন্ত মানয়ের আল ফায়ারী। একদিন তিনি জনৈক রাফিয়ীকে বললেন, “আল্লাহর কস তোমাকে হত্যা করা আল্লাহ তা’আলার নৈকট্য লাভের মাধ্যম।” লোকটি তাকে বলল, আগ আমার সাথে পরিহাস করছেন। তখন তিনি বললেন, “আল্লাহর কসম, এটা আমার পরিহ নয়, আন্তরিক কথা।” তাদের আরেকজন তাকে বলল, আল্লাহর রাসূল কি একথা বলেনা—**مَنْ كَنْتْ مَوْلَاهُ فَعَلَىٰ مَوْلَاهٍ مُّولَاهٍ** আমি যার মাওলা আলী তার মাওলা ? তখন তিনি বললেন—অবশ্যই, তবে তিনি যদি (আলীর জন্য) খিলাফত চাইতেন, তাহলে লোকদের সম্বোধন করে বলে যেতেন, হে লোক সকল ! তোমরা জেনে রাখ এ হলো আমার পর তোমাদের কর্তৃত্বাধিকারী। সেই তোমাদের তত্ত্বাবধায়ক। কাজেই, তোমরা তার কথা শোন এবং তাবে মান্য কর। আল্লাহর কসম, যদি আল্লাহ ও তাঁর রাসূল আলীকে এ বিষয়ের জন্য মনোনীত করে থাকেন, তারপর আলী তা বর্জন করেন, তাহলে তিনি আল্লাহ ও তাঁর রাসূলের প্রথম নির্দেশ বর্জনকারী হলেন। তিনি তাদের উদ্দেশ্যে একথাও বলেন, আল্লাহর কসম ! আমাদের যদি আংশিক কর্তৃত্ব ও ক্ষমতাও প্রদান করা হয়, তাহলে অবশ্যই আমরা বিপরীত দিক হতে তোমাদের হাত-পা কর্তন করব। তারপর তোমাদের কোন তাওবা করুল করব না। সর্বনাশ হোক তোমাদের ! তোমরা আমাদেরকে আমাদের নিজেদের ব্যাপারে ধোকায় ফেলেছ, ধূংস হোক তোমাদের ! ‘আমল ছাড়া আস্তীয়তার সম্পর্ক যদি কোন কাজে আসত, তাহলে তা তার বাবা-মায়ের কাজে আসত। আমাদের ব্যাপারে তোমাদের কথা যদি সত্য হয়, তাহলে তো আমাদেরকে তা না জানিয়ে আমাদের পিতৃপুরুষেরা আয়াদের প্রতি অন্যায় করেছেন এবং আমাদের থেকে সর্বশ্রেষ্ঠ বিষয়কে গোপন করেছেন। আল্লাহর কসম, আমার আশঙ্কা যে, আমাদের মাঝে যে নাফরমান তাকে দিগ্ন শান্তি দেওয়া হবে, যেমনভাবে আশা করি, আমাদের মাঝে যে সৎকর্মশীল তাকে দিগ্ন পুরুষার দেওয়া হবে। সর্বনাশ হোক তোমাদের, আমরা যদি আল্লাহর আনুগত্য করি, তাহলে সে আনুগত্যের কারণে আমাদের তোমরা ভালবাসবে, আর আমরা যদি আল্লাহর অবাধ্য হই, তাহলে তাঁর অবাধ্যতার কারণে আমাদেরকে ঘৃণা করবে।

মুসা ইবন নুসায়র আবু আবদুর রহমান আল লাখমীৱ

তিনি লাখ্ম গোত্রের মাওলা বা আযাদকৃত দাস, তিনি ছিলেন তাদের এক স্ত্রীলোকের মাওলা। কারও মতে অবশ্য তিনি বানু উমায়ার মাওলা। তিনি মরক্কো জয় করেন এবং সেখান হতে অগণিত ধন-সম্পদ গনীয়ত রূপে লাভ করেন। সেখানে তার সাহসিকতা ও বীরত্বের বহু প্রসিদ্ধ ঘটনা সংঘটিত হয়েছিল। বলা হয়, তিনি কিছুটা খোড়া ছিলেন। তার জন্ম তারিখ সম্পর্কে বলা হয় যে, তিনি উনিশ হিজরাতে জন্মগ্রহণ করেন। তার পূর্ব পুরুষগণ হীনুত্তাম্রের অধিবাসী। মতান্তরে বিল্লা অঞ্চলের আরাশা এলাকার অধিবাসী। হ্যরত সিদ্দীকে আকবরের খিলাফতকালে তার পিতা শামের ‘জাবালুলখালীল’ হতে বন্দী হন। তার পিতার নাম ছিল নাসুর। পরবর্তীতে তা নুসায়রে (ক্ষুদ্রতাজ্ঞাপক) পরিবর্তন করা হয়। তিনি হ্যরত তামীম-আদ্দারী হতে রিওয়ায়াত করেছেন। তার থেকে রিওয়ায়াত করেছেন তার ছেলে আবদুল আয়ীয ও ইয়ায়ীদ ইবন মাসরুক আলয়াহ্সাবী। এছাড়া তিনি হ্যরত মুআবিয়ার নৌয়োন্দারুপে সমুদ্রাভিযানে অংশগ্রহণ করেন। এসময় তিনি সাইপ্রাস আক্রমণ করেন এবং

- আল বায়ানুল মুগারিব ১/৪৬, বুগয়াতুল মুলতামিস ৪৪২, তারীখুল ইসলাম ৪/৫৮, তারীখুল উলামাউল আন্দালুস ২/১৮, জায়ওয়াতুল মুকতাবিস ৩১৭, আলহুল্লাতুল বারারা, ৩০, শায়ারাত্যহ্যাহাব ১/১১২, আল ইবার ১/১১৬, আনন্দজুম আয়াহিরা ১/২৩০, নাফহতীব ১/২২৯-২৮৩, ওফায়াতুল আয়ান ৫/১১৮।

সেখানে তিনি আলমাগ্সা, বানিস ও অন্যান্য দুর্গ নির্মাণ করেন। হযরত মুআবিয়া সাতাইশ হিজরীতে সাইপ্রাস জয় করার পর তিনি সেখানে হযরত মুআবিয়ার নিযুক্ত প্রশাসক ছিলেন। তিনি যাহুক ইব্ন কায়সের সাথে রাহিতের গোলযোগ ও বিশৃঙ্খলা প্রত্যক্ষ করেন। তারপর যখন যাহুক নিহত হন তখন মূসা ইব্ন নুসায়র আবদুল আয়ীফ ইব্ন মারওয়ানের আশ্রয় গ্রহণ করেন। তারপর মারওয়ান যখন মিসরে প্রবেশ করেন তখন তিনি তার সাথে ছিলেন, এসময় মারওয়ান তাকে তার ছেলে আবদুল আয়ীরের কাছে রেখে যান। তারপর আবদুল মালিক যখন ইরাকের শাসন কর্তৃত গ্রহণ করেন তখন তিনি ইব্ন নুসায়রকে তার ভাই বিশের ইব্ন মারওয়ানের ওয়ায়ীর নিয়েগ করেন।

আমাদের আলেচিত মূসা ইব্ন নুসায়র বিচক্ষণ, দূরদর্শী ও সমরকুশলী। ইমাম বাগাবী বলেন, মূসা ইব্ন নুসায়র উনাশি হিজরীতে আফ্রিকার শাসকের দায়িত্ব গ্রহণ করেন। এসময় তিনি বহু দেশ, নগর, জনপদ ও অঞ্চল জয় করেন। ইতোপূর্বে আমরা উল্লেখ করেছি যে, তিনি আন্দালুস জয় করেন। আর তা ছিল নগর, জনপদ ও সবুজ শ্যামল শস্যভূমিতে পূর্ণ ভূখণ্ড। এসময় তিনি সেখান হতে এবং অন্যান্য দেশ হতে বহু মানুষকে বন্দী করেন এবং বিশাল বিপুল সম্পদ গন্নীমতরূপে লাভ করেন, বিশেষত অগণিত স্বর্ণ ও মূল্যবান রত্নসমূহ। আর এসব বিজয়কালে তিনি যে বিপুল সংখ্যক দ্ব্য সামগ্রী, যন্ত্রপাতি, উপায় উপকরণ ও গবাদি পশ্চ লাভ করেন তার হিসাব উল্লেখ করা সম্ভব নয়। এছাড়া তিনি বহু সংখ্যক (সন্তান বংশীয়) নারী ও শিশুদের যুদ্ধবন্দী রূপে লাভ করেন। এমন কি তার সম্পর্কে বলা হয়েছে শক্রদের থেকে এত বিপুল পরিমাণ যুদ্ধলব্ধ সম্পদ তার মত আর কেউ অর্জন করতে পারেনি। মরক্কোবাসী^১ তার হাতে ইসলাম গ্রহণ করে এবং তিনি তাদের মাঝে দীন ও কুরআনের প্রসার ঘটান। তিনি যখন কোন স্থানে রওয়ানা হতেন, তখন তার সাথে সফর সামগ্রীর আধিক্য এবং নির্ধারিত বাহনসমূহ তা বহনে অক্ষম হওয়ায় তা চাকার গাড়িতে বহন করা হতো।

এ সময় ইসলামের বিজয়াভিয়ান অপ্রতিহত গতিতে অগ্রসর হয়। একদিকে মূসা ইব্ন নুসায়র মরক্কোতে বিজয়াভিয়ান পরিচালনা করছিলেন। আর অন্যদিকে ইসলামী সাম্রাজ্যের পূর্ব প্রান্তে বিজয়াভিয়ানের নেতৃত্ব দিচ্ছিলেন কুতায়বা ইব্ন মুসলিম। আল্লাহ ইসলামের এই মহান দুই যোদ্ধাকে সর্বোত্তম বিনিময় দান করুন। এরা উভয়ে বহু দেশ, অঞ্চল ও ভূখণ্ড জয় করেন। তবে মূসা ইব্ন নুসায়র যে অভাবনীয় ও অকল্পনীয় গন্নীমত লাভ করেন কুতায়বা তা লাভ করেননি। এমনকি বর্ণিত আছে, মূসা যখন আন্দালুস জয় করলেন, তখন এক ব্যক্তি এসে তাকে বলল, আমার সাথে কয়েকজন লোক পাঠান। তাহলে আমি আপনাকে বিশাল এক ধনভাণ্ডারের সঙ্কান দিতে পারব। তখন তিনি তার সাথে কয়েকজন লোক পাঠালেন। লোকদেরকে নিয়ে সে একস্থানে উপনীত হয়ে বলল, তোমরা এই স্থান খনন কর, তখন তারা সে স্থান খনন করল এবং শেষে একটি বিশাল ও সুদৃশ্য কক্ষে পৌছল। সেখানে তারা যে বিপুল পরিমাণ মণি-মানিক্য ও মূল্যবান রত্নসমূহ রাঙ্কিত দেখতে পেলো, তা তাদেরকে হতবুদ্ধি করে দিল। আর স্বর্ণের পরিমাণের কথা তো ভাষায় প্রকাশ করাই দুর্ক হ। সে স্থানে তারা এমন সব মূল্যবান ও সুদৃশ্য গালিচা পেল যা স্বর্ণের তার দিয়ে বোনা এবং তার সাথে মূল্যবান মুক্কোদানা জড়ানো, কোনটি আবার অন্য কোন মূল্যবান রত্ন এবং অন্য সুদৃশ্য ও স্বচ্ছ নীলকান্ত মণি দিয়ে মোড়া। সেদিন এক অদৃশ ঘোষকের ঘোষণা শোনা গেল, হে মুসলমানগণ! তোমাদের জন্য জাহানামের একটি দ্বার উন্মুক্ত করে দেওয়া হলো। কাজেই তোমরা তোমাদের সাবধানতা

১. এখানে মরক্কো (আলমাগরিব) দ্বারা উদ্দেশ্য বর্তমান মরক্কো ও তার পার্শ্ববর্তী দেশসমূহ।

অবলম্বন করে। বর্ণিত আছে, তারা এই শুষ্ঠি ধনভাণ্ডারের মাঝে হ্যরত সুলায়মান আলায়হিস সালামের (স্বর্ণ) খাদ্যাও লাভ করেছিল যাতে তিনি আহার করতেন। আবু মুআবিয়া মাআরিক ইব্ন মারওয়ান ইব্ন আবদুল মালিক ইব্ন মারওয়ান ইব্ন মূসা ইব্ন নুসায়র আননুসায়রী নামক মূসা ইব্ন নুসায়রের অধ্যন্তন এক ব্যক্তি তার যুদ্ধভিয়ানসমূহের বিশদ বিবরণ সংকলন করেছেন।

হাফিয় ইব্ন আসাকির বর্ণনা করেন, খলীফা ওয়ালীদের খিলাফতকালে মূসা ইব্ন নুসায়র যখন দামেশকে আগমন করলেন, তখন উমর ইব্ন আবদুল আয়ীয় তাকে প্রশ্ন করলেন সমুদ্রভিয়ানে তার দেখা সবচে আশ্চর্যজনক বিষয় সম্পর্কে। তিনি বললেন, একবার আমরা এক নিজেন দ্বীপে পৌছে সেখানে ঘোলটি কলস দেখতে পেলাম। এদের প্রতিটিতে হ্যরত সুলায়মান ইব্ন দাউদের আঙ্গুলীর সীলমোহর দিয়ে মুখ বক্ষ করা ছিল। ইব্ন নুসায়র বললেন, আমি নির্দেশ দিলাম। ফলে চারটি কলস বের করা হলো, এরপর নির্দেশ দিলাম এগুলির একটি ছিন্দ করা হলো। অক্ষয় তার ভিতর থেকে এক শয়তান (দুষ্ট জিন) মাথা ঝাড়া দিয়ে বের হয়ে বলতে লাগল, শপথ ঐ সন্তার, যিনি আপনাকে নবুওয়াত দ্বারা সম্মানিত করেছেন। এরপর আর আমি কোন দিন পৃথিবীতে কোন বিপর্যয় বিশ্বজ্ঞলা সৃষ্টি করব না। ইব্ন নুসায়র বললেন, এরপর সেই শয়তান চারদিকে তাকিয়ে বলল, কী ব্যাপার আমি তো হ্যরত সুলায়মানের সাম্রাজ্য ও তার জাঁকজমক দেখতে পাচ্ছি না। এরপর সে ভূগর্ভে অদৃশ্য হয়ে গেল। ইব্ন নুসায়র বললেন, এরপর আমি অবশিষ্ট তিনটি কলস পূর্বস্থানে ফিরিয়ে দেওয়ার নির্দেশ দিলাম এবং তা ফিরিয়ে দেওয়া হলো।

ঐতিহাসিক আস্সাম ‘আনী’ ও অন্যরা ইব্ন নুসায়রের উদ্ধৃতিতে বর্ণনা করেন যে, এরপর তিনি মরক্কোর দূরতম প্রান্তে আটলান্টিক মহাসাগরের উপকূলস্থ ‘আন্নুহাস’ শহর অভিযুক্ত যাত্রা করলেন। তারা যখন সেই শহরের নিকটবর্তী হলেন, তখন বেশ দূর হতে তার দেওয়াল ও ঝুলবারান্দাসমূহ তাদের দৃষ্টিগোচর হলো। শহরের উপকল্পে পৌছে তারা সেখানে অবতরণ করলেন। তারপর মূসা ইব্ন নুসায়র একশ জন অস্থানোহী সহ তার একজন একান্ত সহচরকে পাঠালেন এবং তাকে নির্দেশ দিলেন নগর প্রাচীরের চতুর্দিকে প্রদক্ষিণ করে দেখতে তাতে কোন দ্বার কিংবা প্রবেশস্থল আছে কিনা। বর্ণিত আছে, সেই ব্যক্তি একদিন একরাত এই শহর প্রাচীর প্রদক্ষিণ করল, তারপর ইব্ন নুসায়রের কাছে ফিরে এসে তাকে অবহিত করল যে, সে তাতে কোন দ্বার কিংবা প্রবেশস্থল দেখতে পায়নি। তখন তার নির্দেশে তারা তাদের সাথের সকল দ্রব্য সামগ্রী একটার উপরে একটা রেখে স্তুপ বানাল, কিন্তু নগর প্রাচীরের শীর্ষে পৌছতে পারল না। এরপর তার নির্দেশে কয়েকটি সিঁড়ির মত বানান হলো এবং তারা তাতে আরোহণ করল। বর্ণিত আছে, ইব্ন নুসায়র এক ব্যক্তিকে নির্দেশ দিলেন, সে নগর প্রাচীরে আরোহণ করল। সে ভিতরে যা দেখল তাতে আস্থাসংবরণ করতে না পেরে প্রাচীরাভ্যন্তরে ঝাঁপিয়ে পড়ল। এটাই ছিল তার শেষ কর্ম। আরেকজনেরও অনুরূপ অবস্থা হলো। এ অবস্থা দেখে লোকেরা তাতে আরোহণ হতে বিরত থাকল, ফলে এই শহরের অভ্যন্তরে কী বিদ্যমান তাদের কারণ পক্ষে আর তা জানা সম্ভব হলো না। অতঃপর সেই শহর ত্যাগ করে তার নিকটবর্তী এক হৃদের দিকে অঞ্চলসর হলো। বর্ণিত আছে পূর্বে উল্লিখিত কলসগুলি তারা এই হৃদেই পেয়েছিল এবং এক ব্যক্তিকে তার প্রহরায় নিযুক্ত পেয়েছিল। ইব্ন নুসায়র তাকে প্রশ্ন করেন, কে তুমি? তখন সে বলে, জিন সম্পদায়ের একজন। আমার পিতা এই হৃদে বস্তী, হ্যরত সুলায়মান (আ) তাকে বন্দী করেছেন। তাই আমি বছরে একবার তাকে দেখতে আসি। তিনি তাকে প্রশ্ন করলেন,

তুমি কি কখনও কাউকে এই শহরে প্রবেশ করতে কিংবা এই শহর হতে বের হতে দেখেছ ? সে বলল, না, তবে এক ব্যক্তিকে আমি দেখেছি যিনি প্রতি বছর এই হৃদে এসে কয়েকদিন ইবাদত- বন্দেগীতে কাটান, তারপর চলে যান এবং তার পর আর অনুপ করেন না । মহান আল্লাহই ভাল জানেন তা কী ? তারপর ইব্ন নুসায়র আফ্রিকায় ফিরে আসেন । আর এ বর্ণনার যথার্থতা সম্পর্কে মহান আল্লাহ অধিক জানেন । আর এর দায় সেই বহন করবে যে প্রথমে তা উল্লেখ ও বর্ণনা করেছে ।

তিরানবরই হিজরাতে আফ্রিকার অধিবাসীরা অনাবৃষ্টির কবলে পড়ল । মূসা ইব্ন নুসায়র তাদেরকে নিয়ে ইসতিস্কার নামায পড়লেন । ইসতিস্কার পূর্বে তিনি তাদেরকে তিন দিন রোয়া রাখার নির্দেশ দিলেন । তারপর তিনি লোকদের মাঝে বের হলেন এবং অমুসলিম যিদ্বাদের মুসলমানদের নিকট হতে পৃথক করে নিলেন এবং গবাদিপশু ও তাদের শাবকদের পৃথক করে দিলেন । তারপর সকলকে উচ্চস্থরে ক্রন্দন করার নির্দেশ দিয়ে দ্বিতীয় পর্যন্ত মহান আল্লাহর পাক দরবারে (কারুতি-মিনতি সহ) দু'আ করতে লাগলেন । তিনি নেমে আসলেন । তাকে বলা হল আপনি তো আমীরুল মু'মিনীনের জন্য দু'আ করলেন না ! তিনি বললেন, এখানে এক আল্লাহ তা'আলা ব্যতীত অন্য কাউকে শ্রবণ করা অশোভনীয় । এরপর আল্লাহ তা'আলা তাদেরকে বর্ষণসমিক্ষ করলেন ।

খলীফা ওয়ালীদ ইব্ন আবদুল মালিকের খিলাফতকালের শেষ সময়ে মূসা ইব্ন নুসায়র প্রতিনিধি দল নিয়ে তার সাথে সাক্ষাৎ করেন । কোন এক জুমুআহুর দিনে তিনি যখন মিস্বরে উপবিষ্ট তখন মূসা দামেশকে প্রবেশ করেন । দামেকে প্রবেশকালে মূসা সুদৃশ্য অবয়বে সুন্দর পোশাক পরিধান করেন । তার সাথে তিরিশজন তরুণ ছিল, যারা তার হাতে বন্দী রাজপুত্র এবং স্পেনীয় বংশোন্তৃত ছিল । এদের প্রত্যেককে তিনি রাজমুকুট পরিয়ে দিয়েছিলেন । আর তাদের সাথে ছিল তাদের অনুগামী সেবক অনুচরবর্গ ও মহা জাঁকজমক । দামেশকের জামে' মসজিদে লোকদের উদ্দেশ্যে খুৎবা প্রদানকালে খলিফা ওয়ালীদ তাদের রেশমী পোশাক, মূল্যবান রত্নালঙ্ঘকার ও দ্রষ্টিনন্দন সাজশয়া দেখে বিমৃঢ় হয়ে তাকিয়ে থাকলেন । এরপর মূসা ইব্ন নুসায়র আগমন করে ওয়ালীদকে মিস্বরে উপবিষ্ট অবস্থায় সালাম করলেন এবং তার সঙ্গীদের নির্দেশ দিলেন তখন তারা মিস্বরের ডানে বামে সুশৃঙ্খলভাবে দাঁড়িয়ে গেল । এসময় খলীফা ওয়ালীদ আল্লাহ তা'আলা তাকে যে সামর্থ ও সাম্রাজ্যের ব্যাপ্তি দান করেছেন সেজন্য তাঁর প্রশংসা ও কৃতজ্ঞতা জ্ঞাপন করলেন এবং সুনীর্ধ দু'আ ও হামদ শোকরে মগ্ন হলেন এমনকি জুমুআর সময় অতিবাহিত হওয়ার উপক্রম হল । এরপর তিনি মিস্বর হতে নেমে লোকদেরকে নিয়ে নামায পড়লেন এবং নামায শেষে মূসা ইব্ন নুসায়রকে ডেকে পাঠালেন । তিনি তাকে মূল্যবান পুরস্কারে পুরস্কৃত করলেন এবং অনেক কিছু প্রদান করলেন । অনুপ মূসা ইব্ন নুসায়রও খলীফার জন্য তার সাথে বহু মূল্যবান উপটোকন নিয়ে এসেছিলেন । তন্মধ্যে অন্যতম হলো হ্যরত সুলায়মান আলায়হিস সালামের খাবারের খাখন্দা যাতে তিনি খেতেন । এটি সুর্খ ও রৌপ্যের মিশ্রণে তৈরী ছিল আর এতে মুজা ও মূল্যবান রত্নের তিনটি তাক ছিল যার কোন তুলনা ছিল না । আন্দালুসের টলেডো শহরে আরও বহু ধনভাণ্ডারের সাথে তিনি (ইব্ন নুসায়র) তা পেয়েছিলেন । বর্ণিত আছে যে, তিনি তার ছেলে মারওয়ানকে এক ফৌজের সেনাপতি করে যুদ্ধে পাঠালেন । সে একলক্ষ যুদ্ধবন্দী লাভ করল । এছাড়া তিনি তার

তাতিজাকেও আরেকটি ফৌজের সেনাপতি করে যুদ্ধে পাঠালেন। তখন সেও বর্বরদের^১ একলক্ষ যুদ্ধবন্দী লাভ করল। এরপর খলীফা ওয়ালীদের কাছে তার পত্র পৌছল এবং তিনি তাতে একথা উল্লেখ করে পাঠালেন যে, গনীমতের এক-পঞ্চমাংশ হলো চল্লিশ হাজার যুদ্ধবন্দী। তখন লোকেরা বলল, লোকটা নির্বেধ নাকি? কোথা হতে সে গনীমতের এক-পঞ্চমাংশ চল্লিশ হাজার বন্দী পায়? এ কথা মুসার কানে পৌছলে তিনি তার লব্ধ গনীমতের এক-পঞ্চমাংশ চল্লিশ হাজার বন্দী পাঠিয়ে দিলেন, আর ইসলামের ইতিহাসে মূসা ইব্ন নুসায়রের ন্যায় এত বিপুল সংখ্যক যুদ্ধবন্দী কোন সেনাপতি লাভ করেছেন বলে শোনা যায়নি।

তিনি যখন আন্দালুস জয় করেন, তখন তার যুদ্ধাভিযানসমূহে বহু আশ্চর্যজনক ঘটনা সংঘটিত হয়। এসময় তিনি বলেন, যদি লোকেরা আমার সঙ্গ দিত, তাহলে তাদেরকে সঙ্গে নিয়ে আমি রোম নগর জয় করতাম। তা হলো তৎকালীন ফরাসী সাম্রাজ্যের বৃহত্তম নগর। তারপর আমি বলছি মহান আল্লাহ আমাকে তা জয় করার সৌভাগ্য দান করবেন ইনশাআল্লাহ। আর তিনি খলীফা ওয়ালীদের সাক্ষাতে আগমন করেন। আমাদের পূর্বোপ্লিথিত যুদ্ধবন্দী ও উপটোকন ছাড়া আরও ত্রিশ হাজার যুদ্ধবন্দী সাথে নিয়ে আসেন। আর এটা ছিল মরক্কোতে তার পরিচালিত শেষ বিজয়াভিযানে অর্জিত গনীমতের এক-পঞ্চমাংশ। এসময় তিনি এত বিপুল পরিমাণ ধনসম্পদ, উপহার-উপটোকন, মণিমুক্ত ও হিরা-জহরত সাথে নিয়ে আসেন, যা বর্ণনাতীত। এরপর তিনি দামেশকে অবস্থান করতে থাকেন। এমনকি ওয়ালীদ ইব্ন আবদুল মালিকের মৃত্যু হয়ে যায় এবং তার ভাই সুলায়মান খিলাফতের দায়িত্ব গ্রহণ করেন। সুলায়মান ইব্ন আবদুল মালিক পূর্ব থেকেই তার প্রতি ঝুঁক ছিলেন। ফলে তিনি মুসাকে বন্দী করেন এবং তার কাছে বিপুল পরিমাণ সম্পদ দাবী করেন। এভাবে তিনি সুলায়মানের হাতে বন্দী থাকেন। এরপর সুলায়মান এ বছর যখন হজ্জ পরিচালনার উদ্দেশ্যে যান, তখন ইব্ন নুসায়রকেও বন্দী অবস্থায় সাথে নিয়ে নেন, তিনি পবিত্র মদীনায় মৃত্যুবরণ করেন। মতান্তরে ওয়ালিদ কুরায়। এসময় তার বয়স ছিল প্রায় আশি। অবশ্য এও বলা হয় যে, ইব্ন নুসায়র নিরানবাই হিজরাতে ইন্তিকাল করেন। মহান আল্লাহ সর্বাধিক জানেন। মহান আল্লাহ তাকে অনুগ্রহ ও ক্ষমা করুন এবং তাকে উপযুক্ত ফর্মাল ও মরতবাহ দান করুন। আমীন।

১৮ হিজরীর সূচনা

এ বছর আমীরুল মু'মিনীন সুলায়মান ইব্ন আবদুল মালিক কনস্ট্যান্টিনোপল আক্রমণের জন্য সেখানে অবস্থানরত মুসলিম বাহিনীর পশ্চাতে তার ভাই মাসলামা ইব্ন আবদুল মালিকের নেতৃত্বে আরেকটি মুসলিম বাহিনী রওয়ানা করেন। তখন সুলায়মান বিশাল এক ফৌজ নিয়ে কনস্ট্যান্টিনোপল অভিযুক্তে অগ্রসর হন। সেখানে (পৌছার পর) সেখানে অবস্থানরত সৈন্যরা তার চারপাশে জড়ো হয়। মাসলামা ইব্ন আবদুল মালিক তার ফৌজের প্রত্যেক সিপাহীকে নিজ নিজ অশ্বপঞ্চে দুই 'মুদ^২' পরিমাণ খাদ্যশস্য (গম) বহন করার নির্দেশ দিয়েছিলেন। তিনি যখন গন্তব্যে পৌছে গেলেন, তখন সকলে তাদের বহনকৃত খাদ্যশস্য একত্র করল। এভাবে খাদ্যশস্যের স্তুপ পূর্বত প্রমাণ হয়ে উঠল। তখন মাসলামাহ তার ফৌজকে নির্দেশ দিয়ে বললেন, তোমরা এই খাদ্যশস্য সঞ্চিত রাখ এবং এদেশে যা পাওয়া যায় তা খাও, চাষাবাদের জমিতে ফসল ফলাও আর নিজেদের জন্য কাঠের বাড়ীঘর নির্মাণ করে নাও।

১. উভয় আফ্রিকায় বসবাসকারী তৎকালীন মানবগোষ্ঠী বিশেষ।

২. খাদ্যশস্য পরিমাপের পরিমাণ বিশেষ।

ইনশাআল্লাহ্ এই দেশ জয় না করে আমরা এখান থেকে ফিরে যাব না। মাসলামা ইলয়ন নামক এক খৃষ্টানের সাথে যোগাযোগ করলেন, এবং রোমক ভূখণ্ড জয়ের ব্যাপারে তাকে সহযোগিতা করার জন্য তার সাথে চুক্তিবদ্ধ হলেন। প্রথম প্রথম তার পক্ষ হতে আন্তরিকতা প্রকাশ পেল। এরপর রোম সন্ত্রাটের মৃত্যু হলো। এরপর ইলয়ন মাসলামার পত্র নিয়ে রোমক রাজধানীতে প্রবেশ করল। উল্লেখ্য যে, এসময় রোমকগণ মাসলামার ভয়ে ভীত-সন্ত্রিত ছিল ইলয়ন যখন তাদের কাছে পৌছল, তখন তারা তাকে প্রস্তাব দিল, আপনি তাকে আমাদের থেকে ফিরিয়ে দিন। আমরা আপনাকে আমাদের সন্ত্রাটক্রপে বরণ করে নেব। তখন সে সেখান হতে বের হয়ে মুসলমানদের বিরুদ্ধে ধোঁকা ও ষড়যান্ত্রের কৌশল অবলম্বন করতে লাগল এবং মুসলমানদের সেই-বিশাল খাদ্যস্তুপ জ্বালিয়ে দিতে সমর্থ হলো। মহান আল্লাহ্ তাকে অপদস্থ করুন। আর তা সে এভাবে সম্পন্ন করেছিল। সেনাপতি মাসলামাকে সে বলল, শক্রু যতদিন এই খাদ্যস্তুপ দেখবে ততদিন তারা বুঝবে যে, আপনি তাদের বিরুদ্ধে দীর্ঘ মীআদী লড়াই করবেন। আপনি যদি তা পুড়িয়ে নিঃশেষ করে ফেলেন, তাহলে তারা তাদের বিরুদ্ধে আপনার চূড়ান্ত আক্রমণের দৃঢ়সংকল্পের ব্যাপারে নিশ্চিত হবে এবং অতিক্রম এই নগর আপনার হাতে তুলে দিবে। তখন মাসলামা নির্দেশ দিলেন এবং সেই পর্বতপ্রমাণ খাদ্যস্তুপ পুড়িয়ে ফেলা হলো। এদিকে ইলয়ন মুসলিম ফৌজের বেশ কিছু সাজসরঞ্জাম নিয়ে রাতের অন্ধকারে জাহাজযোগে পলায়ন করল। এরপর কনষ্ট্যান্টিনোপলে পৌছে পরদিন সকালেই সে মুসলমানদের বিরুদ্ধে যুদ্ধ ঘোষণা করল এবং ঘোরতর শক্রতার প্রকাশ করল। এরপর সে দুর্গে আশ্রয় গ্রহণ করল এবং রোমকগণ তার নেতৃত্বে সমবেত হলো। এদিকে মুসলমানগণ নিদারূণ খাদ্যসংকটে পতিত হলেন, এমনকি তারা মাটি ছাড়া আর সবকিছু খেতে বাধ্য হলেন। এভাবে নিদারূণ অনাহারে- অর্ধাহারে মুসলমানদের সময় অতিবাহিত হচ্ছিল। অবশেষে তাদের কাছে সুলায়সান ইবন আবদুল মালিকের ওফাত এবং উমর ইবন আবদুল আয়ীয়ের খলীফা হওয়ার সংবাদ পৌছল। তারা তাদের পূর্ব সিদ্ধান্ত পরিবর্তন করে শামে ফিরে চললেন। আর এ সময়কালে তারা নিদারূণ কষ্ট সহ্য করেছিলেন। কিন্তু, মাসলামাহ ইবন আবদুল মালিক কনষ্ট্যান্টিনোপলে সুউচ্চ সুপ্রশংস্ত আঙিনা সম্পন্ন ও অত্যন্ত দৃঢ় ও মযবৃত একটি মসজিদ নির্মাণ না করে ফিরলেন না। ওয়াকিদী বলেন, সুলায়মান ইবন আবদুল মালিক যখন খিলাফতের দায়িত্ব গ্রহণ করলেন তখন তিনি প্রথমে বায়তুল মাকদিসে কিছুকাল অবস্থান করে অতঃপর কনষ্ট্যান্টিনোপল অভিযুক্ত সেনাবাহিনী প্রেরণ করতে চাইলেন। তখন মুসা ইবন নুসায়র তাকে পরামর্শ দিলেন প্রথমে কনষ্ট্যান্টিনোপল পৌছার পথে যে সকল শহর, দুর্গ ও জনপদ রয়েছে সেগুলি জয় করতে এবং সবশেষে কনষ্ট্যান্টিনোপল আক্রমণ করতে। এভাবে করলে তিনি সেখানে পৌছার পূর্বেই সেখানকার কেল্লাসমূহ ধ্বংপ্রাণ হবে এবং শক্র প্রতিরোধশক্তি দুর্বল হয়ে যাবে। ইবন নুসায়র সুলায়মানকে বললেন, আপনি যদি তা করতে পারেন, তাহলে আপনার ও তার মাঝে কোন বাধা থাকবে না এবং কনষ্ট্যান্টিনোপলবাসীরা নিরূপায় হয়ে আপনার কাছে আস্তসমর্পণ করবে। এরপর সুলায়মান তার ভাই মাসলামার পরামর্শ চাইলেন। তিনি তখন সুলায়মানকে পথিমধ্যেই শহর জনপদের পরিবর্তে সরাসরি আক্রমণ করে কনষ্ট্যান্টিনোপল জয় করার পরামর্শ দিলেন। কেননা, কনষ্ট্যান্টিনোপল যখন আপনি জয় করবেন, তখন অন্যান্য নগর ও দুর্গসমূহ আপনা আপনিই আপনার অধীনে এসে যাবে। এ কথা শুনে সুলায়মান বললেন, এটা সঠিক সিদ্ধান্ত। এরপর তিনি শাম ও জায়িরা-আরব উপদ্বীপ হতে সৈন্য সমবেত করতে শুরু করলেন, এবং এভাবে তিনি একলক্ষ বিশ হাজার স্থল-সেনা এবং একলক্ষ বিশ হাজার নৌসেনা প্রস্তুত করলেন।

তাদের জন্য তিনি বিশেষ ভাতা নির্ধারণ করলেন এবং বিপুল সম্পদ ব্যয় করলেন। তিনি তাদের কনষ্ট্যান্টিনোপল আক্রমণ এবং তা জয় করা পর্যন্ত সেখানে অবস্থানের কথা অবহিত করলেন। এরপর সুলায়মান যখন বায়তুল মাকদিস হতে দামেশকে প্রবেশ করলেন, তখন কনষ্ট্যান্টিনোপল অভিমুখী মুসলিম ফৌজ যুদ্ধ প্রস্তুতি সম্পন্ন করে সেখানে সমবেত ছিল। সুলায়মান তার ভাই মাসলামাকে ফৌজের সালার নিযুক্ত করে ফৌজের উদ্দেশ্যে বললেন, মহান আল্লাহর বরকতের প্রত্যাশা নিয়ে তোমরা রওনা হয়ে যাও, আর তোমরা মহান আল্লাহকে তয় করবে, ধৈর্য অবলম্বন করবে এবং পরম্পর হিতাকাঙ্ক্ষা ও ইনসাফ করবে। এরপর সুলায়মান গিয়ে ‘মারাজ্জ-দাবাক’ নামকস্থানে অবস্থান নিলেন। তখন তার কাছে বহু স্বেচ্ছাযোদ্ধা এসে জড়ো হলো। শুধু আল্লাহর কাছেই তাদের বিনিময়ের প্রত্যাশা ছিল। এভাবে তার কাছে এমন বিশাল এক ফৌজ সমবেত হলো, ইতোপূর্বে যার মত আর দেখা যায়নি। তারপর তিনি মাসলামাকে ফৌজ নিয়ে অগ্রসর হওয়ার নির্দেশ দিলে তিনি ইলয়নুন রুমী আল-মার‘আশীকে তার সাথে নিলেন। এরপর তারা অগ্রসর হয়ে কনষ্ট্যান্টিনোপলের উপকর্ত্তে শিবির স্থাপন করলেন, প্রথমে মাসলামা কনষ্ট্যান্টিনোপল অবরোধ করলেন এবং তার কঠোর অবরোধের মুখে তার অধিবাসীরা তাকে জিয়য়া প্রদানের প্রস্তাব দিল। কিন্তু, তিনি শক্তি প্রয়োগ করে তা জয় করার মনোভাবে অনড় রইলেন। তখন তারা বলল, তাহলে আমাদের কাছে ইলয়নুনকে পাঠান আমরা তার সাথে পরামর্শ করি। তখন মাসলামা তাকে তাদের কাছে পাঠালেন। তারা তাকে বলল, আপনি এই ফৌজকে কোশলে আমাদের খেকে সরিয়ে দিন। তাহলে আমরা আপনাকে পুরস্কৃত করব এবং আমাদের সম্মাটের আসনে বরণ করে নিব। সে তখন মাসলামার কাছে ফিরে বলল, তারা আপনার জন্য নগরদুর্গের দ্বার উন্মুক্ত করতে সম্মত হয়েছে, তবে আপনি তাদের থেকে নিরাপদ দূরত্বে সরে না গেলে তারা তা করবে না। তার একথা শুনে মাসলামা বললেন, আমার আশঙ্কা হচ্ছে তুমি আমাদের সাথে বিশ্বাসঘাতকতা করবে। তখন সে শপথ করে বলল, সে নিজেই তার হাতে শহরের সকল চাবিকাঠি ও ধনসম্পদ তুলে দিবে। এরপর মাসলামা যখন তার ফৌজ নিয়ে দূরে সরে গেলেন, তখন তারা মুসলমানদের আক্রমণে ভেঙ্গে যাওয়া নগর প্রাচীর মেরামত করে পুনরায় অবরোধের জন্য প্রস্তুতি সম্পন্ন করল। আর ইলয়নুন মুসলমানদের সাথে বিশ্বাসঘাতকতা করল। আল্লাহ তাকে লাঞ্ছিত করুন।

ইব্ন জায়ির বলেন, এ বছরেই সুলায়মান ইব্ন আবদুল মালিক তার ছেলে আয়ুবের অনুকূলে এই মর্মে অঙ্গীকার গ্রহণ করেন যে, তার মৃত্যুর পর সেই হলো পরবর্তী খলীফা। আর এটা ছিল তার ভাই মারওয়ান ইব্ন আবদুল মালিকের মৃত্যু পরবর্তী ঘটনা। এ সময় তিনি তার ভাই ইয়ায়ীদের পরিবর্তে তার ছেলে আয়ুবকে খলীফা নির্ধারণের ব্যাপারে তৎপর হন এবং ভাই ইয়ায়ীদের বিপদাপদের প্রতীক্ষায় থাকেন, কিন্তু তার ছেলে আয়ুবই তার পিতার জীবদ্ধায় মৃত্যুবরণ করে। তখন সুলায়মান তার চাচাতো ভাই উমর ইব্ন আবদুল আয়ীফকে তার মৃত্যুর পর পরবর্তী খলীফা মনোনীত করে যান। আর কী উন্নত নির্বাচনই না তিনি করেছিলেন। এছাড়া এ বছরেই ‘সাকালিবা’ শহর জয় হয়। ওয়াকিদী বলেন, এদিকে এ বছর মাসলামা যখন অপেক্ষাকৃত বুল্লসংখ্যক ফৌজ নিয়ে অবস্থান করছিলেন তখন বুরজান সম্প্রদায় অতর্কিতে তার ফৌজের উপর আক্রমণ করে। এ সময় খলীফা সুলায়মান তার সাহায্যার্থে ফৌজ পাঠান এবং মাসলামাহ বীরবিক্রমে বুরজানদের বিরুদ্ধে লড়াই করে চলেন এমনকি আল্লাহ তা‘আলা তাদেরকে পর্যুদ্ধ করেন। আ এ বছরেই ইয়ায়ীদ ইব্ন মুহাম্মাদ [তৎকালীন] চীনা ভূখণ্ড কাহাসতান^১ আক্রমণ করেন এবং তার চতুর্পাশে অবরোধ আরোপ করে প্রচণ্ড লড়াইয়ে অবতীর্ণ হন এবং শেষ পর্যন্ত তা জয় করেন।

এ সময় তিনি সেখানে বিদ্যমান চার হাজার তুর্কী যোদ্ধাকে ঠাণ্ডা মাথায় হত্যা করেন এবং সেখান থেকে বিপুল পরিমাণ ধন-সম্পদ দ্রব্যসামগ্ৰী ও আসবাবপত্ৰ লাভ করেন যার আধিক্য, মূল্য ও সৌন্দৰ্য বৰ্ণনাতীত। এৱপৰ তিনি সেখান থেকে জুরজান অভিমুখে অগ্রসৱ হন। তখন জুরজানেৰ শাসক দায়লামীদেৱ সাহায্য প্ৰাৰ্থনা কৱলে তাৰা তাদেৱ সাহায্যে অগ্রসৱ হয়। ইয়ায়ীদ ইবন মুহাম্মাদ তাদেৱ বিৱৰণকে লড়াইয়ে লিষ্ট হন এবং তাৱাও তাৰ বিৱৰণকে লড়াইয়ে লিষ্ট হয়। এ সময় মুহাম্মাদ ইবন আবদুৱ রহমান ইবন আবু সাবৱা আলজু'ফী যিনি বীৱ অশ্বারোহী ও অগ্রতিহত যোদ্ধা ছিলেন তিনি দায়লাম-ৱাজেৱ উপৰ আক্ৰমণ কৱে তাকে হত্যা কৱেন এবং মহান আল্লাহু তাদেৱকে পৱাজিত ও পৰ্যুদন্ত কৱেন। উল্লিখিত এই ইবন আবু সাবৱা একদিন এক তুর্কী বীৱ অশ্বারোহীৰ সাথে দন্দনুজুকে লিষ্ট হন। প্ৰথমে তুর্কী বীৱ তাকে আঘাত কৱে তাৱ শিৱ্ৰাণে তৱৰাবিৱ বসিয়ে দেয় আৱ ইবন সাবৱা তাৱ তৱৰাবিৱ আঘাতে তাকে ইত্যা কৱেন। এৱপৰ তিনি যখন মুসলমানদেৱ কাছে ফিৱলেন তখন তাৱ তৱৰাবিৱ দিয়ে রক্ত উপকাছিল আৱ তুর্কীযোদ্ধাৰ তৱৰাবিৱ তাৱ শিৱ্ৰাণে গেঁথে ছিল। তখন ইয়ায়ীদ ইবন মুহাম্মাদ তাৱ দিকে তাকিয়ে বললেন, এৱ চেয়ে অস্তুত সুন্দৰ দৃশ্য আৱ আমি দেখিনি, কে এই ব্যক্তি? লোকেৱা বলল, এ হলো ইবন আবু সাবৱা। তখন ইয়ায়ীদ বললেন, সে কত উত্তম লোক হতো যদি তাৱ পানসক্তি না থাকত। এৱপৰ ইয়ায়ীদ জুৱজান অবৱোধে বন্ধপৰিকৱ হন এবং তাৱ শাসককে অবৱোধেৰ মাধ্যমে কোণঠাসা কৱে ফেলেন, অবশেষে সে সাত লক্ষ দিৱহাম, চার লক্ষ দীনার, দুই লক্ষ কাপড়, চাৱশ' গাধা বোৰাই জাফৱান, চাৱশ' ব্যক্তি যাদেৱ প্ৰত্যেকেৰ মাথাৱ উপৰ একটি কৱে ঢাল আৱ ঢালেৱ উপৰ একটি পৱিধেয় জুব্ৰা, একটি ঝুপার পানপত্ৰ এবং একটি রেশমী বস্ত্ৰ ছিল—এসবেৱ বিনিময়ে ইয়ায়ীদেৱ সাথে সক্ষি কৱে। এই শহৱে সাঈদ ইবনুল আস ছিলেন। সক্ষিৰ ভিত্তিতে তিনি তা জয় কৱেন এই শৰ্তে যে, এই শহৱবাসীৱা কোন বছৱ এক লক্ষ দিৱহাম (ভূমি)কৱ আদায় কৱবে এবং কোন বছৱ দুই লক্ষ দিৱহাম আৰাবিৱ কোন বছৱ তিনি লক্ষ দিৱহাম এবং কোন বছৱ বিৱত থাকবে। তাৱপৰ তাৱা কৱ আদায় সম্পূৰ্ণৱপে বন্ধ কৱে দিল এবং মুৱতাদ হয়ে গেল। তখন ইয়ায়ীদ ইবন মুহাম্মাদ তাদেৱ বিৱৰণকে আক্ৰমণ কৱে সাঈদ ইবনুল আসেৱ যামানার সক্ষিৰ শৰ্তসমূহ মেনে নিতে তাদেৱকে বাধ্য কৱলেন। ঐতিহাসিকগণ বললেন, এ ছাড়াও ইয়ায়ীদ ইবন মুহাম্মাদ অন্যান্য সূত্ৰ হতে বিপুল ধনৱত্ত লাভ কৱেন। এগুলিৰ মাঝে মূল্যবান রত্নাদি খচিত একটি রাজমুকুট ছিল। তখন তাৱ দিকে নিৰ্দেশ কৱে তিনি বললেন, তোমৱা কি এমন কাৱণ কথা জান, যে এই রাজমুকুটেৱ ব্যাপারেও নিষ্পৃহ? তাৱা বলল, না, আমৱা জানি না। তখন তিনি বললেন, আল্লাহৰ কসম, আমি এক ব্যক্তিকে জানি যাৱ ও যাৱ মত লোকদেৱ সামনে যদি এই রাজমুকুট পেশ কৱা হয়, তাহলে তাৱা এৱ ব্যাপারে নিষ্পৃহ ও নিৱাসক্ত থাকবে। এৱপৰ তিনি মুহাম্মাদ ইবন ওয়াসি' যিনি ফৌজেৱ একজন যোদ্ধা ছিলেন তাকে ডাকালেন এবং তাকে রাজ-মুকুটটি প্ৰহণ কৱতে বললেন, তখন তিনি বললেন, তাতে আমাৱ কোন প্ৰয়োজন নেই। তখন ইয়ায়ীদ বললেন, আমি শপথ কৱে বললাম, অবশ্যই তোমাকে তা নিতে হবে। এ কথা বলাৱ পৱ তিনি তা নিয়ে সেখান থেকে চলে গেলেন। তখন ইয়ায়ীদ এক ব্যক্তিকে নিৰ্দেশ দিলেন, তাৱ অনুসৱণ কৱে দেখতে যে, তিনি রাজমুকুটটি কী কৱেন। এৱপৰ মুহাম্মাদ ইবন ওয়াসি' এক প্ৰাৰ্থীকে অতিক্ৰমকালে সে তাৱ কাছে কিছু চাইল। তখন তিনি তাকে সেই রাজমুকুট দিয়ে চলে গেলেন। ইয়ায়ীদ তখন ঐ প্ৰাৰ্থীকে ডেকে পাঠিয়ে তাৱ থেকে ঐ রাজমুকুট নিয়ে নিলেন এবং তাৱ পৱিবৰ্তে তাকে অনেক ধনসম্পদ দান কৱলেন।

আলী ইব্ন মুহাম্মদ আল-মাদাইনী বলেন, আবু বাকর আল হ্যালী বলেন, শাহ্ৰ ইব্ন হাওশাব ইয়ায়ীদ ইব্ন মুহাম্মাবের কোষাগার রক্ষক ছিল। লোকেরা অভিযোগ করল যে, ইব্�ন হাওশাব একশ' দীনারের একটি থলে আঞ্চসাখ করেছে। তখন ইয়ায়ীদ তাকে সে সম্পর্কে জিজ্ঞাসা করলেন। সে তখন তার সত্যতা স্বীকার করল এবং থলেটি হায়ির করল। ইয়ায়ীদ তাকে বললেন, উটা তোমার নিজের কাছে রাখ। তারপর তার বিরংক্ষে অভিযোগ উপরনকারীকে ডেকে গালমন্দ করলেন। কবি কাতামী আলকালীবী এ প্রসঙ্গে বলেন, যতান্তরে কবিতা পঙ্কজগুলি সিনান ইব্ন মুকাখিল আন-নুমায়রীর :
 لَقَدْ بَاعَ شَهْرَ دِينِهِ بِخَرِيطةٍ * فَمَنْ يَأْمَنُ الْفَرَاءَ بَعْدَكَ يَأْشِهِرُ

সামান্য এক থলের বিনিময়ে শাহ্ৰ তার দীন বিকিয়ে দিয়েছে। হে শাহ্ৰ! তোমার এই কাণ্ডের পর কারীদের আর কে বিশ্বাস করবে!

* مَنْ أَخْذَتْ بِهِ شَيْئًا طَفِيفًا وَبَعْتَهُ * مَنْ ابْنَ جُونْبُوْ دَانَ هَذَا هُوَ الغَدْرُ

তার বিনিময়ে তুমি সামান্য বস্তু গ্রহণ করেছো, আর তা বিক্রি করেছো জুনবুয়ান ছেলের কাছে, আর এটাই হলো বিশ্বাসঘাতকতা। কবি মুররা ইব্ন নাখই বলেন :

* يَا ابْنَ الْمُهَلَّبِ مَا أَرْدَتَ إِلَى امْرَءٍ * لَوْلَكَ كَانَ لِصَالِحِ الْقَرَاءِ

ইব্ন জারীর বলেন, বর্ণিত আছে জুরজান অভিমুখে যুদ্ধাভিযানকালে ইয়ায়ীদ ইব্ন মুহাম্মাবের সাথে এক লক্ষ বিশ হাজার যোদ্ধা ছিল, যার ঘাট হাজার ছিল শামের ফৌজ। মহান আল্লাহ তাদেরকে উপযুক্ত বিনিময় প্রদান করুন। জুরজান বিজয়ের পর এ সকল অঞ্চলসমূহে নিরাপত্তা ও স্বাভাবিকতা ফিরে আসে এবং পথসমূহে চলাচল শুরু হয়। অথচ ইতোপৰ্বে এই সকল পথ ছিল ভীতিপূর্ণ। এরপর ইয়ায়ীদ খোয়িস্তান আক্রমণে বন্ধপরিকর হন এবং এর ভূমিকা স্বরূপ তিনি তার পূর্বে নেতৃস্থানীয় চার হাজার যোদ্ধার একটি বটিকা বাহিনী প্রেরণ করেন। তারপর তারা যখন শক্রবাহিনীর মুখোমুখি হলো, তখন প্রচণ্ড লড়াইয়ে অবতীর্ণ হন। যুদ্ধের ময়দানে মুসলমানদের চার হাজার যোদ্ধা শহীদ হন। ইন্না লিল্লাহি ওয়া ইন্না ইলাইহি রাজিউন। এ ঘটনার পর ইয়ায়ীদ এ দেশ জয়ের ব্যাপারে বন্ধপরিকর হন এবং এই উদ্দেশ্যে তা অবরোধ করেন। অবশেষে তার শাসক আসবাহুবায বিপুল সম্পদের বিনিময়ে প্রতিবছর সাত লক্ষ দিরহাম এবং অন্যান্য দ্রব্যসামগ্রী ও দাসের বিনিময়ে তাঁর সাথে সন্ধি করতে বাধ্য হয়। আর এ বছর ওফাতপ্রাণ বিশিষ্টগণের অন্যতম হলেন :

আবদুল্লাহ ইব্ন আবদুল্লাহ ইব্ন উতবা

ইনি ছিলেন ইসলামের যথার্থতার জীবন্ত প্রমাণ মহান ইমাম। ইনি উমর ইব্ন আবদুল আয়ীমের গৃহশিক্ষক ও দীক্ষাতৃক ছিলেন। বহু সংখ্যক সাহাবা হতে তার বহু রিওয়ায়াত বিদ্যমান। এছাড়া আরও যারা উল্লেখযোগ্য তাদের মধ্যে রয়েছেন আবু হাফস আন্নাখ্স এবং আবদুল্লাহ ইব্ন মুহাম্মদ ইবননূল হানাফিয়া। আমাদের রচিত আত্তাক্রমীল গ্রন্থে আমরা তাদের জীবনী উল্লেখ করেছি। আর সুমহান আল্লাহই অধিক জানেন।

১৯ হিজরীর সূচনা

এ বছর সফর মাসের দশ তারিখ [মতান্তরে বিশ তারিখ] শক্রবার আমীরুল মু'মিনীন সুলায়মান ইব্ন আবদুল মালিকের ওফাত সংঘটিত হয়। এ সময় তার বয়স ছিল পঁয়তাল্লিশ

বছর, কারও মতে তেতাল্লিশ, কারও মতে তার বয়স তখন চল্লিশ অতিক্রম করেনি। আর তার খিলাফতকাল ছিল দুই বছর আট মাস। আবু আহমাদ আল-হাকিম দাবী করেন, তিনি এ বছর রমায়ান মাসের সতের তারিখ শুক্রবার ওফাত লাভ করেন এবং তার খিলাফতের মেয়াদ ছিল তিন বছর তিন মাস পাঁচদিন। আর তার নিজের বয়স উনচল্লিশ বছর। তবে অধিকাংশের বক্তব্যই সঠিক আর তা হলো প্রথমে উল্লিখিত বক্তব্যটি। আর আল্লাহ্ অধিক জানেন। তার পূর্ণ পরিচয় হলো তিনি সুলায়মান ইবন আবদুল মালিক ইবন মারওয়ান ইবনুল হাকাম ইবন আবুল আস ইবন উমায়াহ ইবন আবদু শামস আল-কুরাশী আল-উমারী, তার উপনাম আবু আয়ুব। পরিত্র মদীনায় বানু জুয়ায়লা গোত্রে তিনি জন্মগ্রহণ করেন। আর শামে তার পিতার তত্ত্বাবধানে লালিত-পালিত হন। ‘ইফকের ঘটনা সম্পর্কীয় হাদীস তিনি তার পিতা ও পিতামহের সূত্রে হ্যরত আইশাহ (রা)-এর উদ্ধৃতিতে বর্ণনা করেছেন। ইবন আসাকির তা রিওয়ায়াত করেছেন। তার ছেলে আবদুল ওয়াহিদ ইবন সুলায়মান সূত্রে [তার থেকে] আর তিনি নিজে আবদুর রহমান ইবন হনায়দা হতে রিওয়ায়াত করেছেন যে, (একবার) তিনি আবদুল্লাহ ইবন উমরের সাথে গাবা পর্যন্ত গেলেন। আবদুর রহমান বলেন, কিন্তু আমি চুপ করে রইলাম। ইবন উমর আমাকে বললেন, তোমার কী হলো ? [নির্বাক কেন] সে বলল, আমি মনে মনে আকাঙ্ক্ষা করছিলাম। তখন ইবন উমর বললেন, হে আবু আবদুর রহমান! তুমি কিসের আকাঙ্ক্ষা কর ? সে বলল, এই উহুদ পাহাড় যদি আমার জন্য এমন স্বর্ণে পরিণত হতো, যার পরিমাণ আমি জানব এবং তার যাকাত প্রদান করব, তাহলে আমি তা অপসন্দ করতাম না, অথবা সে বলল, তাহলে আমি আশঙ্কা করতাম না যে, তা আমার ক্ষতি করবে। মুহাম্মাদ ইবন ইয়াহুয়া আয়ুহলী আবু সালিহ সূত্রে ... ইমাম যুহরী হতে ইবন উমরের উদ্ধৃতিতে হাদীসখানি রিওয়ায়াত করেছেন। ইবন আসাকির বলেন, তার বাসভবন ছিল বর্তমান ‘জীরুন’ উত্থানার গোটা চতুর জুড়ে। এছাড়া বাবুস সাগীর সংলগ্ন করে তিনি বিশাল একটি বাড়ী নির্মাণ করেন। ‘দারাব মুহরিয়’ নামে প্রশংস্ত গলি পথের স্থলে এবং তাকে খলীফার বাসভবন নির্ধারণ করেন। তাতে তিনি সেখানে বিদ্যমান ‘সবুজ গঞ্জের’ অনুকরণে একটি হলুদ গঞ্জের নির্মাণ করেন। ইবন আসাকির বলেন, খলীফা সুলায়মান ছিলেন বিশুদ্ধভাষী, ন্যায়পরায়ণ এবং অভিযানপ্রিয়। তিনি কনষ্ট্যান্টিনোপল অবরোধের জন্য মুসলিম ফৌজ রওনা করিয়েছিলেন, যার ফলে অবরোধের তীব্রতার কারণে কনষ্ট্যান্টিনোপলবাসী বাধ্য হয়েছিল সেখানে জামে মসজিদ নির্মাণের সুযোগ দিয়ে মুসলমানদের সাথে সঞ্চী করতে।

আবু বাকর আস সূলী বর্ণনা করেন যে, একবার খলীফা আবদুল মালিক তার ছেলে ওয়ালীদ, সুলায়মান, মাসলামাহ সকলকে ডেকে তার সামনে উপস্থিত করলেন। তিনি তাদেরকে কুরআন তিলাওয়াত করতে বললেন। তখন তারা সকলেই সুন্দরভাবে তিলাওয়াত করল। এরপর তাদেরকে কবিতা আবৃত্তি করতে বললেন, এবারও তারা সুন্দরভাবে আবৃত্তি করে শোনাল কিন্তু তারা কবি আশার কোন পঞ্চক্তি আবৃত্তি বা বর্ণনা করল না। তাই তিনি তাদেরকে ভর্তসনা করে বললেন, এবার তোমাদের প্রত্যেকে আমাকে আরব কবিদের রচিত কোমলতম পঞ্চক্তি আবৃত্তি করে শোনাও, তবে অশীল কোন পঞ্চক্তি নয়। হে ওয়ালীদ প্রথমে তুমি বল! তখন ওয়ালীদ বললেন/আবৃত্তি করলেন :

مَأْرُكَبُ وَرَكُوبُ الْخَيْلِ يُعْجِبُنِي * كَمْرَكَبٍ بَيْنَ دُمْلُوجٍ وَخَلْخَالٍ

‘কোন বাহন কিংবা অশ্বারোহণ আমাকে মুক্ত করে না যেমন মুক্ত করে কাঁকন ও নৃপুরের মধ্যবর্তী (রমণী) বাহন।’

এ পঞ্জিকি শুনে আবদুল মালিক বললেন, কবিতা কি এর চেয়ে কোমল হয় ? সুলায়মান তুমি বল এবার। তিনি বললেন :

حَبَّا رَجْعُهَا يَدِيهَا إِلَيْهَا * فِي يَدِيْ دَرْعُهَا تَحْلُّ إِلَزَارًا

‘কি মনোহর তার হাত দুটিকে তার দিকে ফিরিয়ে নেয়া, তার ‘কামিস’ আমার করায়ত্ব আর হাত তার ছায়া-বন্ধন খুলতে ব্যস্ত ।’

এ পঞ্জিকি শুনে তিনি বললেন, তুমি পারলে না। মাসলামাহ এবার তুমি বল। তখন মাসলামাহ তার পিতাকে ইমরুল কায়সের এই পঞ্জিকি আবৃত্তি করে শোনালেন :

وَمَا ذَرَفَتْ عَيْنَاكِ إِلَّا لَنَضْرِبِيْ * بَسْهَمِيْكَ فِي أَعْشَارِ قَلْبٍ مَفْتَلٍ

‘তোমার আঁখিযুগল তো এ কারণেই অশ্রুসিক্ত হয়েছে যাতে তুমি তোমার শরদ্য আমার রক্তাক্ত হৃৎপিণ্ডের গভীরে বিন্দু করতে পার।’

এই পঞ্জিকি শুনে আবদুল মালিক বললেন, ইমরুল কায়স মিথ্যাচার করেছে। সে-সঠিক বলেনি। তার চক্ষুদ্বয় যদি প্রেম-যাতনায় অশ্রুসিক্ত হয়ে থাকে তাহলে তো সাক্ষাৎ ছাড়া আর কিছু অবশিষ্ট থাকল না। প্রেমিকের কর্তব্য হলো প্রেমাম্পদের উপেক্ষাভিমান মেনে নিয়ে তাকে ভালবাসা নির্বেদন করা। এরপর তিনি বললেন, আমি তোমাদেরকে এই কাজিক্ত কবিতা পঞ্জিকি আবিষ্কারের জন্য তিন দিন সময় দিলাম। তোমাদের মধ্যে যে তা আমার কাছে পেশ করবে বিনিময়ে/পুরুষারের ব্যাপারে তার সিদ্ধান্তই গৃহীত হবে। অর্থাৎ সে যা চাবে তাই পাবে। এরপর তারা সেখান থেকে প্রস্থান করলেন। ইতেমধ্যে সুলায়মান একদিন তার অনুচর-সচর পরিবেষ্টিত হয়ে যাচ্ছিলেন এমন সময় উট হাঁকিয়ে নেওয়া এক বেদুইন আরবকে তিনি আবৃত্তি করতে শুনলেন :

لَوْ ضَرَبُوا بِالسَّيْفِ رَأْسِيْ فِي مَوْتَهَا * لَمَّا يَهُوِيْ سَرِيعًا نَحْوَهَا رَأْسِ

‘যদি তারা তাকে ভালাবাসার ‘অপরাধে’ আমার মাথা তরবারির আঘাতে বিছিন্ন করে দেয়, তাহলে আমার সে বিছিন্ন মাথাও তারই দিকে দ্রুত ধাবিত হবে।’

এই কবিতা পঞ্জিকি শুনে সুলায়মান নির্দেশ দিলেন। ফলে বেদুইনকে বন্দী করা হলো। তারপর তিনি তার পিতার কাছে এসে বললেন, আমি আপনার কাজিক্ত কবিতার পঞ্জিকি নিয়ে এসেছি। তিনি বললেন, শোনাও আমাকে। তখন সুলায়মান তাকে পঞ্জিকিটি আবৃত্তি করে শোনাল। তিনি শুনে বললেন, বেশ ভাল! এটা তুমি কোথায় পেলে। তখন তিনি তার পিতাকে বেদুইনের বৃত্তান্ত খুলে বলল। আবদুল মালিক বললেন, তোমার প্রয়োজন বর্ণনা কর, তবে তোমার বেদুইনকে ভুলে যেও না। তখন সুলায়মান বলল, আমীরুল মু’মিনীন! আপনার পর আপনি খিলাফতের উত্তরসূরীরূপে নির্ধারণ করবেন। তখন আবদুল মালিক তার সে আবেদন মন্ত্যুর করলেন এবং একাশি হিজরীতে তাকে হজ্জ পরিচালনার দায়িত্ব দিয়ে প্রেরণ করলেন এবং বখশিশ স্বরূপ এক লক্ষ দিরহাম প্রদান করলেন। সুলায়মান তখন তা এই কবিতা পঞ্জিকির আবৃত্তিকারী বেদুইন আরবকে দিয়ে দিলেন। পরবর্তীকালে যখন ছিয়াশি হিজরীতে তার পিতা ইন্তিকাল করলেন এবং তার ভাই ওয়ালীদ খিলাফতের দায়িত্ব গ্রহণ করলেন তখন তিনি তার সার্বক্ষণিক সহযোগী ও উপদেষ্টা নিয়োজিত হলেন। তিনিই ওয়ালীদকে জামি’ দামেশক নির্মাণের ব্যাপারে উৎসাহিত করেছিলেন। আর তার ভাই ওয়ালীদ যখন ছিয়ানববই হিজরীর জুমাদাল্ উখ্রাম মাসের পনের তারিখ শনিবার মৃত্যুবরণ করেন, তিনি রামলায় ১ অবস্থান করছিলেন। তিনি যখন সেখান থেকে আগমন করলেন, তখন আমীর-উমারা ও নেতৃস্থানীয় ১. আলকুদসের উত্তর-পূর্ব প্রান্তে অবস্থিত ফিলিঙ্গীনের একটি শহর।

লোকেরা তার সাথে সাক্ষাৎ করলেন। বর্ণিত আছে তারা সকলে বায়তুল মাকদিসে তার কাছে গিয়ে বায়আত গ্রহণ করেছিল এবং তিনি আলকুদ্দিসে অবস্থানের সংকল্প করেছিলেন। এ সময় বিভিন্ন প্রতিনিধি দল বায়তুল মাকদিসে তার কাছে আসে। কিন্তু, সেখানে তারা কোন আড়ম্বর বা আনুষ্ঠানিকতা দেখতে পেল না। মসজিদ চতুরে একটি গম্বুজের নীচে যা উত্তর দিক থেকে ‘আস্সাখরা’ সংলগ্ন ছিল, তিনি সেখানে উপবেশন করতেন। আর নেতৃস্থানীয় ব্যক্তিগণ এসে নির্ধারিত কুরসীতে উপবেশন করতেন এবং তাদের মাঝে ধনসম্পদ বর্ণন করা হতো। তারপর তিনি দামেশকে আগমনের সিদ্ধান্ত নিলেন। তারপর দামেশকে প্রবেশ করলেন এবং জামি’ দামেশকের অবশিষ্ট নির্মাণকাজ সম্পন্ন করেন।

তার খিলাফতকালেই ‘মাকসুরাহ’ নতুনভাবে নির্মিত হয়। তিনি তার চাচাতো ভাই উমর ইবন আবদুল আয়ীয়কে সহযোগী ও উপদেষ্টারূপে গ্রহণ করেন এবং তাকে বলেন, আপনি তো দেখছেন এমন এক শুরুদায়িত্ব আমাকে দেওয়া হয়েছে যা আঙ্গাম দেওয়ার পর্যাপ্ত জ্ঞান আমার নেই। কাজেই, আপনি প্রজাদের যে স্বার্থরক্ষা অপরিহার্য মনে করবেন তার নির্দেশ দিবেন এবং তা ফরমানরূপে লিখিত হয়ে যাবে। আর এরই ফলে হাজারের আমলে নিয়োগপ্রাপ্ত প্রশাসকদের অপসারণ করেন এবং কয়েদীদের কয়েদখানা হতে বের করেন এবং বন্দীদের মুক্ত করে দেন, ইরাকে দান ও বখশিশ প্রদান করেন এবং নামাযকে তার প্রথম ওয়াক্তে ফিরিয়ে আনেন। অথচ ইতোপূর্বে তারা ওয়াক্তের শেষ পর্যন্ত তা বিলাসিত করত। এ ছাড়া উমর ইবন আবদুল আয়ীয়ের পরামর্শ মুতাবিক তিনি আরও অনেক উত্তম কার্যক্রমের প্রচলন ঘটান। এ সময় তিনি কনস্ট্যান্টিনোপল আক্রমণের নির্দেশ প্রদান করেন। সেখানে তিনি শাম, আরব উপদ্বীপ জায়িরা ও মাওসিল অধিবাসীদের মধ্য হতে স্তলপথে প্রায় একলক্ষ বিশ হাজার যোদ্ধা প্রেরণ করেন এবং মিসর ও অফ্রিকাবাসী সৈনিক দিয়ে এক সহস্র যুদ্ধ জাহাজ প্রেরণ করেন উমর ইবন হুবায়রার নেতৃত্বে। আর উভয় বাহিনীর সর্বাধিনায়ক ছিলেন তার ভাই মাসলামাহ ইবন আবদুল মালিক। সাথে ছিল তার ছেলে দাউদ ইবন সুলায়মান ইবন আবদুল মালিক ও তার পরিবারভুক্ত একদল যোদ্ধা। আর এসবই ছিল মূসা ইবন নুসায়রের পরামর্শে যখন তিনি মরক্কো হতে তার কাছে আগমন করেছিলেন। তবে বিশুদ্ধ মত হলো মূসা তার ভাই ওয়ালীদের খিলাফতকালে আগমন করেছিলেন। সর্ব বিষয় আল্লাহই সর্বাধিক জানেন।

ইবন আবুদ দুনইয়া বলেন, আমাকে মুহাম্মাদ ইবন ইসমাইল ইবন ইবরাহীম আল-কুফী বর্ণনা করেন, জাবির ইবন ‘আওন আলআসাদী হতে তিনি বলেন, খিলাফতের দায়িত্ব গ্রহণ করার পর সুলায়মান ইবন আবদুল মালিক সর্বপ্রথম যে কথা বলেন, তা হলো সকল প্রশংসা আল্লাহর, তিনি যা ইচ্ছা করেন, যা ইচ্ছা উন্নত করেন, যা ইচ্ছা অবনত করেন, যাকে ইচ্ছা প্রদান করেন, যাকে ইচ্ছা বঞ্চিত করেন। এই দুনইয়া (পার্থিব জগত) প্রতারণার নিবাস, মিথ্যার আবাস, পরিবর্তনের সৌন্দর্য। এখানে তুমি কাঁদতে কাঁদতে হাসবে আর হাসতে হাসতে কাঁদবে, নির্ভয়কে ভীত করবে এবং ভীতকে নির্ভয় করবে। এর বিশেষজ্ঞ বিশেষজ্ঞ হয়ে যায় আর নিঃব বিস্তুরণ হয়ে যায়। সে বহুচারিণী দুনিয়াবাসীরা তার ক্রীড়নক। হে আল্লাহর বান্দারা! তোমরা আল্লাহর কিতাবকে অগ্রদূত/পথপ্রদর্শকরূপে গ্রহণ কর এবং ফায়সালাকারীরূপে তাকে মেনে নাও এবং তাকে তোমাদের অগ্রন্থযুক করে নাও। কেননা, তা পূর্ববর্তী সকল আসমানী কিতাবকে রহিতকারী, তারপর আর কোন আসমানী কিতাব তাকে রহিত করবে না। হে আল্লাহর বান্দারা! তোমরা জেনে রাখ, নিশ্চয় এই কুরআন শয়তানের চক্রান্ত ও হিংসা-দ্বেষ দূরীভূত করে যেমনভাবে প্রভাত-ক্রিয়ণ রাতের শেষপ্রহরের অঙ্ককার বিদূরিত করে। ইয়াহ্যাই ইবন মুস্তুন বলেন, হাজাজ ইবন মুহাম্মাদ সূত্রে মুহাম্মাদ ইবন কায়স হতে তিনি বলেন,

আমি সুলায়মান ইব্ন আবদুল মালিককে তার খুতবায় বলতে শুনেছি, সকল কালামের উপর কালামুল্লাহর শ্রেষ্ঠত্ব তেমন, যেমন সকল মাখলুকের উপর খালিকের শ্রেষ্ঠত্ব। হাম্মাদ ইব্ন যায়দ বর্ণনা করেন, ইয়াখীদ ইব্ন হাযিম হতে তিনি বলেন, সুলায়মান ইব্ন আবদুল মালিক আমাদেরকে প্রত্যেক জুমুআর দিন তার খুতবায় এ কথা বলতেন, দুনইয়াবাসীরা তো এক মহাযাত্রার পূর্বক্ষণে রয়েছে। অথচ এখনও তাদের সংকল্প স্থির হয়নি। এমনকি তাদের এ অবস্থায়ই মহান আল্লাহর নির্দেশ ও প্রতিশ্রুতি উপস্থিত হয়ে যাবে। তদ্পর তার সুখ-শান্তি ক্ষণস্থায়ী, সর্বদা বিপদাপদের আশঙ্কা এবং দুনিয়াবাসীদের অনিষ্টাক্রান্ত হওয়ার আশঙ্কা বিদ্যমান। তারপর তিনি এই আয়াত তিলাওয়াত করতেন :

أَفَرَأَيْتَ إِنْ مُتَّعْنَاهُمْ سِنِينٌ ثُمَّ جَاءَهُمْ مَا كَانُوا يُوعْدُونَ - مَا أَغْنَى عَنْهُمْ مَا كَانُوا يُمَتَّعُونَ -

‘তুমি বল তো, যদি আমি তাদেরকে দীর্ঘকাল ভোগ-বিলাস করতে দিই এবং পরে তাদেরকে যে বিষয়ে সতর্ক করা হয়েছিল তাঁ তাদের নিকট এসে পড়ে, তখন তাদের ভোগ-বিলাসের উপকরণ তাদের কোন কাজে আসবে কি?’ (২৬ : ২০৫-২০৭)

আসমাই বর্ণনা করেন, খলীফা সুলায়মান ইব্ন আবদুল মালিকের আঙ্গটিতে একথা খোদিত ছিল, ‘আমি একনিষ্ঠ ও আন্তরিকভাবে আল্লাহকে বিশ্বাস করি’ আবু মুসহির বর্ণনা করেন, আবু মুসলিম সালাম ইব্ন আল-আয়ার আল-ফায়ারী হতে। তিনি বলেন, মুহাম্মাদ ইব্ন সৃরীন সুলায়মান বিন আবদুল মালিকের জন্য মহান আল্লাহর রহমত প্রার্থনা করতেন এবং বলতেন, তিনি তার খিলাফতের সূচনা করেছেন একটি কল্যাণ দ্বারা এবং তার সমাপ্তি ঘটিয়েছেন একটি কল্যাণ দ্বারা। তিনি তার সূচনা করেছেন সালাতসমূহকে যথাসময়ে আদায় করা দ্বারা এবং তার সমাপ্তি ঘটিয়েছেন উমর ইব্ন আবদুল আয়ীয়কে খলীফা নির্ধারণ করে। বিশেষজ্ঞ আলিম ও ইতিহাসবেত্তাগণ এ বিষয়ে একমত যে, তিনি খলীফা থাকা অবস্থায় সাতানবাহী হিজরীতে হজ্জ পরিচালনা করেন। হাবিছাম ইব্ন সাদী বলেন, শা’বী বলেন, সুলায়মান ইব্ন আবদুল মালিক হজ্জ করলেন, হজ্জ মৌসুমে অগণিত মানুষের সমাবেশ দেখে তিনি উমর ইব্ন আবদুল আয়ীয়কে বললেন, আপনি কি এই জনসমূহ দেখছেন না, আল্লাহ ছাড়া যাদের সঠিক সংখ্যা গণনা করা এবং রিযিক প্রদান করা কারও পক্ষে সম্ভব নয়। তিনি বললেন, হে আমীরুল মু’মিনীন! আজ এরা আপনার প্রজা; কিন্তু কাল এরা আল্লাহর কাছে আপনার বিচারপ্রার্থী। একথা শুনে সুলায়মান কানায় ভেঙ্গে পড়লেন। তারপর বললেন, আমি আল্লাহরই সাহায্য চাই। ইব্ন আবদু দুনইয়া বর্ণনা করেন, ইসহাক ইব্ন ইসমাইল সুত্রে ‘আতা ইবনুস সাইব হতে, তিনি বলেন, কোন এক সফরে উমর ইব্ন আবদুল আয়ীয় সুলায়মান ইব্ন আবদুল মালিকের সাথে এক সফরে ছিলেন, হঠাৎ তারা তীব্র ঝড় বৃষ্টির সাথে ঘোর অঙ্কার, বজ্রধনি ও বিদ্যুৎ চমকের মাঝে পড়লেন, এমনকি তারা ভীত-শক্তি হয়ে পড়লেন। এমন সময় উমর ইবন আবদুল আয়ীয় হাসতে লাগলেন, তাকে হাসতে দেখে সুলায়মান বললেন, হে উমর! আপনি হাসছেন কেন? আপনি কি দেখছেন না আমরা কী অবস্থায় রয়েছি? তখন উমর ইব্ন আবদুল আয়ীয় তাকে বললেন, হে আমীরুল মু’মিনীন! এগুলো তার দয়া ও অনুগ্রহের কতিপয় নির্দেশন/ চিহ্ন যাতে আপনি যেমন দেখছেন কত তীব্রতা ও কঠোরতা বিদ্যমান। এখন আপনি ভেবে দেখুন তাহলে তাঁর ক্রোধও অস্তুষ্টির নির্দেশন কেমন হতে পারে ? তাঁর অন্যতম একটি মূল্যবান কথা হল, নীরবতা হল আকলবুদ্ধির ঘূম আর সরব হওয়া তাঁর জাগ্রত অবস্থা।

এটা ছাড়া এটা পূর্ণতা লাভ করতে পারে না। একবার এক ব্যক্তি তার সাক্ষাতে প্রবেশ করে, তারপর সে তার সাথে কথা বলে। তার কথা তাকে মুক্ষ করে। এরপর তিনি তার আকলবুদ্ধি শাচাই করেন। কিন্তু, প্রশংসনীয় কিছু পেলেন না। বললেন, মানুষের আকলবুদ্ধির তুলনায় বাকপারঙ্গমতা ধোকা আর বাক্পারঙ্গমতার তুলনায় অধিক বৃদ্ধিমান হওয়া ক্রটি ও কর্দর্যতা। আর সর্বোত্তম অবস্থা হল উভয়টি একরকম হওয়া। তিনি আরও বলেন, যে বৃদ্ধিমান সে তার জীবিকা অবেষ্টণের চেয়ে সত্য কথনের ব্যাপারে অধিক আগ্রহী। তিনি এও বলেন, যে ব্যক্তি সুন্দরভাবে কথা বলতে পারে সে সুন্দরভাবে চুপও থাকতে পারে। তবে যারা সুন্দরভাবে চুপ থাকতে পারে তাদের প্রত্যেকে কিন্তু সুন্দরভাবে কথা বলতে পারে না। একবার তার এক বন্ধুর মৃত্যুতে সান্ত্বনা লাভের জন্য তিনি এই কবিতার পঞ্জিক আবৃত্তি করেন :

وَهُونَ وَجْدٌ فِي شَرَاحِيلِ أَنْتَ * مَتَى شَئْتَ لَا قَيْتَ امْرًا مَاتَ صَاحِبَهُ

শারাহীলের ব্যাপারে এই বিষয়টি আমার মনবেদনা লাঘব করেছে যে, আমি যখন ইচ্ছা এমন ব্যক্তির সাক্ষাত পাই যার বন্ধুর মৃত্যু ঘটেছে।

তার রচিত আরও দুটি কবিতার পঞ্জিক :

وَمِنْ شَيْمٍ أَلَا أَفَارِقْ صَاحِبِيْ * وَإِنْ مَلْنِيْ إِلَّا سَأْلَتْ لَهُ رُشْدًا

সঙ্গীকে ত্যগ না করা আমার স্বভাব নয় যদিও সে আমার প্রতি বিরক্ত হয় আর আমি সর্বদা তার কল্যাণ কামনা করি।

وَإِنْ دَامَ لِي بِالْوَدَدْ دُمْتْ وَلَمْ أَكْفَ * كَأَخْرَ لَا يَرْعِي ذِمَمًا وَلَا عَهْدًا

‘সে যদি আমার সাথে সজ্ঞাব বজায় রাখে তাহলে আমিও তার প্রতি সজ্ঞাব বজায় রাখি, আমি ঐ ব্যক্তির মত নই, যে কোন প্রতিশ্রুতি ও অঙ্গীকার রক্ষা করে না।’

কোন এক রাত্রে খলীফা সুলায়মান তার সেনা শিবিরে গানের সুর শুনলেন। তদন্ত শেষে গায়কদেরকে তার সামনে উপস্থিত করা হলো। সুলায়মান বললেন, নর ঘোড়ার হেষাধ্বনিতে ঘোটকীর যৌনাকাঙ্ক্ষা জাগ্রত হয়, উটের আহ্বানে উটনীর যৌনাকাঙ্ক্ষা তীব্র হয়, পাঁঠার ডাকে ছাগীর যৌনাকাঙ্ক্ষা বৃদ্ধি পায়, আর পুরুষের গান শুনে নারীর মিলন-আগ্রহ সৃষ্টি হয়; এরপর তিনি তাদেরকে খোজা বানিয়ে দেওয়ার নির্দেশ দিলেন। বর্ণিত আছে, উমর ইব্ন আবদুল আয়ীয় বললেন, হে আমীরুল মু'মিনীন! তা তো আল্লাহ'র সৃষ্টি বিকৃতিকরণ, আপনি তাদেরকে নির্বাসন দিন। তখন তিনি তাদেরকে নির্বাসিত করলেন। অন্য এক বর্ণনায় রয়েছে তিনি তাদের একজনকে খোজা করেন, তারপর গানের উৎস সম্পর্কে জিজাসা করেন, তাকে বলা হয় তা হলো পবিত্র মদীনায়। তিনি পবিত্র মদীনায় তার গভর্নর আবু বাকর ইব্ন মুহাম্মদ ইব্ন হায়মকে এই নির্দেশ লিখে ফরমান পাঠালেন যে, তিনি যেন তার ওখানে বিদ্যমান সকল হিজড়া গায়কদের খোজা বানিয়ে দেন।

ইমাম শাফিউদ্দিন (রা) বলেন, একবার এক বেদুইন সুলায়মান ইব্ন আবদুল মালিকের সাক্ষাতে প্রবেশ করে তাকে ফালুয়াজু খাওয়ার পরামর্শ দিল এবং বলল, তা মস্তিষ্কের শক্তি বৃদ্ধি করে। তিনি বললেন, একথা যদি সঠিক হতো, তাহলে আমীরুল মু'মিনীনের মাথা হওয়া উচিত ছিল খচ্ছরের মাথার ন্যায়। ঐতিহাসিকগণ উল্লেখ করেছেন, সুলায়মান ইব্ন আবদুল মালিক অতিমাত্রায় ভোজন বিলাসী ছিলেন। এ বিষয়ে তার সম্পর্কে অদ্ভুত কিছু ঘটনা বর্ণিত আছে। [বাহ্যত যা অবাস্তব বলেই মনে হয়]। যেমন বর্ণিত আছে যে, একদিন সকালে

১. ময়দা, পানি ও মধু মিশিয়ে তৈরী হালুয়া বিশেষ। মূল শব্দটি ফারসী।

সুলায়মান চল্লিশটি ভূনা মুরগী, চুরাশিটি চর্বিযুক্ত বৃক্ষ (কিডনী) এবং আশিটি রুটি খেলেন, এরপর পুনরায় সকলের সাথে সাধারণ দস্তরখানে অভ্যাসমাফিক স্বাভাবিক খাবার খেলেন। আরেকদিন তিনি তার সহচরদের নিয়ে এক ফলবাগানে প্রবেশ করলেন। বাগান রক্ষক পূর্ব নির্দেশ মাফিক তাদের জন্য পর্যাপ্ত পরিমাণ ফল পেড়ে রেখেছিলেন। সকলে তৃষ্ণিভরে খেল। এমনকি বিরক্ত হয়ে গেল। কিন্তু, সুলায়মান দ্রুতগতিতে সেই ফল খেতে থাকলেন। এরপর তিনি আস্ত একটি ভূনা বকরী আনিয়ে খেলেন। তারপর পুনরায় ফল খেতে মনোযোগী হলেন, এরপর তিনি দুটি ভূনা মুরগী খেলেন। এরপর পুনরায় ফল খেলেন। তারপর বিশাল এক পানপাত্র ভর্তি ছাতু-ঘিও চিনি মিশ্রিত খাবার খেলেন এবং খলীফার গণভবনে ফিরে আসলেন। এরপর তার নিয়মিত দস্তরখানের খাবার পরিবেশন করা হলো এবারও তার খাওয়ার কোন দুর্বলতা লক্ষ্য করা গেল না। বর্ণিত আছে যে, এই অতি ভোজনের পর জরাজ্রান্ত হয়ে তিনি মৃত্যুমুখে পতিত হন। অবশ্য তার মৃত্যুর কারণ সম্পর্কে এও বলা হয়ে থাকে যে, তার মৃত্যুশয্যা গ্রহণের কারণ চারণ 'ডিম' এবং দুই ঝুড়ি ডুমুর ভক্ষণ। মহান আল্লাহ্ অধিক জানেন।

ফয়ল ইব্ন আবুল মুহাম্মাদ উল্লেখ করেছেন যে, কোন এক জুমুআর দিন খলীফা সুলায়মান ইব্ন আবদুল মালিক একজোড়া হলুদ পোশাক পরলেন। তারপর তা খুলে তার পরিবর্তে একজোড়া সবুজ পোশাক পরলেন এবং একটি সবুজ পাগড়ী মাথায় বাঁধলেন। সবুজ গালিচার মধ্যস্থলে বিছানো সবুজ বিছানায় উপবেশন করলেন। আয়নায় তাকালেন, নিজের দেহ-সৌন্দর্যে মুগ্ধ হলেন এবং উভয় বাহু অনাবৃত করে বললেন, আমিই হলাম যুবক খলীফা। আর এক বর্ণনায় আছে, তিনি আয়নায় বারবার তাকাছিলেন আর বলছিলেন, মুহাম্মাদ সাল্লাল্লাহু আলায়হি ওয়া সাল্লামা ছিলেন নবী, আবু বকর ছিলেন সিদ্দীক, উমর ছিলেন ফারাক। উচ্চমান ছিলেন লজাশীল, আলী ছিলেন বীর, মুআবিয়া ছিলেন বিচক্ষণ, ইয়ায়ীদ ছিলেন ধৈর্যশীল, আবদুল মালিক ছিলেন দক্ষ প্রশাসক, ওয়ালীদ ছিলেন স্বেচ্ছাচারী, আর আমি হলাম যুবক বাদশাহ। ঐতিহাসিকগণ বলেন, এ ঘটনার পর একমাস মতান্তরে এক সপ্তাহ অতিবাহিত হওয়ার পূর্বেই তিনি মৃত্যুবরণ করেন। ঐতিহাসিকগণ বলেন, জুরাজ্রান্ত হওয়ার পর উয়ূ করার জন্য তিনি জনেকা বাঁদীকে ডেকে পাঠান। বাঁদী এসে তাকে উয়ূর পানি ঢেলে দিয়ে আবৃত্তি করে শোনাল :

أَنْتَ نَعَمُ الْمَتَاعَ لَوْ كَنْتَ تَبْقِيْ * غَيْرَ أَنْ لَا بَقاءَ لِلْإِنْسَانِ

‘আপনি অতি উচ্চম ‘উপকরণ’ যদি আপনি স্থায়ী হতেন। তবে মানুষের কোন স্থায়িত্ব নেই।’

أَنْتَ خَلُوْ مِنَ الْعِيُوبِ وَمَا * يَكْرِهُ النَّاسُ غَيْرَ أَنْكَ فَانِ

‘আপনি ক্রতি হতে এবং মানুষের অপসন্দনীয় বিষয়সমূহ হতে মুক্ত, তবে আপনি শেষ হয়ে যাবেন।’

বর্ণনাকারিগণ বলেন, তিনি তাকে ধর্মক দিয়ে [অন্যদের উদ্দেশ্যে] বললেন, সে আমাকে আমার নিজের [মৃত্যুর] ব্যাপারে সাম্ভূন্না দিচ্ছে। তারপর তিনি তার মাতুল ওয়ালীদ ইব্ন আবুআস কা'কা' আল আনসীকে পানি ঢেলে দিতে বললেন এবং নিজে আবৃত্তি করলেন :

قَرِبٌ وَضُوءٌ يَا وَلِيدُ فَإِنَّمَا * دُنْيَاكَ هَذِهِ بِلْغَةٍ وَمَتَاعٌ

‘হে ওয়ালীদ! তোমার উয়ূর পাত্র কাছে আন, তোমার এই পার্থিব জীবন তো ন্যূনতম ভোগ উপকরণ।’

فَاعْمَلْ لِنَفْسِكَ فِي حَيَاةِكَ صَالِحًا * فَالدَّهْرُ فِيهِ فِرْقَةٌ وَجِمَاعٌ

‘নিজের স্বার্থ বিবেচনা করে এ জীবনে নেক আমল করে যাও, আর কালের গভের মিলন ও বিরহ সুষ্ঠু রয়েছে।’

বর্ণিত আছে, এ সময় বাঁদী যখন তার কাছে তশতরী নিয়ে আসে, জুরের প্রকোপে কাঁপতে লাগল। তিনি বললেন, অমুক বাঁদী কোথায়? সে বলল, সেও জুরাক্ষান্ত, এ সময় সুলায়মান কানসারীন ভূখণ্ডের মারাজদাবাক অবকাশ যাপন কেন্দ্রে অবস্থান করছিলেন। তিনি তার মাতুলকে নির্দেশ দিলে তিনি তাকে উয় করিয়ে দিলেন। এরপর তিনি লোকদেরকে নামায পড়ানোর উদ্দেশ্যে বের হলেন। খুবো প্রদানকালে তাকে স্বরঙ্গনুত্তো পেয়ে বসল। তিনি নামার পূর্বেই জুরাক্ষান্ত হলেন এবং পরবর্তী জুমুআর দিনে মৃত্যুমুখে পতিত হন। বলা হয়, তিনি নিউমোনিয়ায় আক্রান্ত হয়ে মৃত্যুবরণ করেন। আল্লাহু তা'আলা তাকে রহম করুন।

তিনি শপথ করেছিলেন যে, তিনি মারাজ দাবাক ত্যাগ করবেন না যতক্ষণ না তার কাছে কনষ্ট্যান্টিনোপল বিজয়ের সংবাদ আসে অথবা তার মৃত্যু আসে। কিন্তু তিনি তার পূর্বেই মৃত্যুমুখে পতিত হন। মহান আল্লাহু তাকে রহম করুন এবং তাকে সম্মান দান করুন। বর্ণনাকারীরা বলেন, তিনি তার মৃত্যুশ্যায় আক্ষেপ করে আবৃত্তি করতে লাগলেন :

إِنْ بُنِيَ صِفَارٌ * أَفْلَحَ مَنْ كَانَ لَهُ كِبَارٌ

‘আমার ছেলেরা সব ছোট, যার ছেলেরা বড় সেই সফলকাম’। উমর ইবন আবদুল আয়ীয় তাকে বলতেন, হে আমীরুল মু’মিনীন! প্রকৃত সফলকাম মু’মিনগণ। তারপর তিনি আবৃত্তি করতেন :

إِنْ بُنِيَ صِبِّيَّةٌ صَيْفِيُّونَ * قَدْ أَفْلَحَ مَنْ كَانَ لَهُ رِبِيعِيُّونَ

‘আমার ছেলেরা গ্রীষ্মকালীন শাবক, ভাগ্যবান সে যার ছেলেরা বসন্তকালীন’।^১

বলা হয় যে, এই কবিতার পঙ্ক্তিদ্বয়ই ছিল তার জীবনের শেষ কথা। তবে বিশুদ্ধ বর্ণনা মতে তার সর্বশেষ কথা ছিল, হে আল্লাহু! আমি আপনার কাছে সম্মানজনক আশ্রয়স্থল চাই। একথা উচ্চারণ করার পর তিনি মৃত্যুর কোলে ঢলে পড়েন। ইবন জারীর রিওয়ায়াত করেছেন। ‘রাজা’ ইবন হায়ওয়া হতে তিনি বানু উমায়ার শ্রেষ্ঠ আস্ত্রাভাজন উপদেষ্টা ছিলেন। তিনি বলেন, মৃত্যুশ্যায় সুলায়মান ইবন আবদুল মালিক তার এক অপ্রাঙ্গবয়স্ক ছেলেকে খলীফা নির্ধারণের ব্যাপারে আমার পরামর্শ চাইল। আমি তাকে বললাম, খলীফার জন্য কবরে নিরাপদ থাকার উপায় হলো সৎ ব্যক্তিকে মুসলমানদের কর্তৃত অর্পণ করে যাওয়া। তারপর তিনি তার ছেলে দাউদকে পরবর্তী খলীফারপে মনোনয়নের জন্য আমার পরামর্শ চাইলেন। তখন আমি তাকে বললাম, সে এখন কনষ্ট্যান্টিনোপলে, আপনার থেকে বহুদূরে, আপনি তার সম্পর্কে জানেন না যে, সে জীবিত নাকি মৃত? তিনি বললেন, আপনি কাকে ভালো মনে করেন। আমি বললাম, আমীরুল মু’মিনীন আপনিই ভেবে দেখুন। তিনি বললেন, উমর ইবন আবদুল আয়ীয়কে আপনি কেমন মনে করেন? আমি বললাম, আল্লাহর কসম, ‘আমি তাকে ‘ভাল’ জানি। তিনি শুণী মুসলমান। কল্যাণ ও কল্যাণশ্রেণীদের ভালবাসেন। কিন্তু, আমার আশক্তা আপনার ভাইয়েরা তাতে সন্তুষ্ট হবে না। তা মেনে নেবে না। তিনি বললেন, আল্লাহর কসম, তা এমনই হবে। এ সময় কয়েক ব্যক্তি পরামর্শ দিলেন উমর ইবন আবদুল আয়ীয়ের পরবর্তী খলীফারপে ইয়ায়ীদ ইবন আবদুল মালিককে নির্ধারণ করতে, যাতে বানু মারওয়ান তা’মেনে নেয়। তখন এই

১. অর্থাৎ তারা এখনও প্রাঙ্গবয়স্ক ও কর্মক্ষম হয়ে উঠেন।

ফরমান লেখা হলো- বিসমিল্লাহির রাহমানির রাহীম। এ হলো আল্লাহর বান্দা সুলায়মান ইব্ন আবদুল মালিকের পক্ষ হতে উমর ইব্ন আবদুল আযীয়ের অনুকূলে লিখিত ফরমান/পত্র, আমি তাকে আমার পরবর্তী খলীফাকৃপে এবং ইয়ায়ীদ ইব্ন আবদুল মালিককে তার পরবর্তী খলীফাকৃপে নির্ধারণ করলাম। কাজেই, তোমরা সকলে তার আনুগত্য কর এবং তাকে মান্য কর। তোমরা আল্লাহকে ভয় কর এবং পরম্পর মতভেদ করো না। মতভেদ করলে তোমাদের শক্রুরা তোমাদেরকে পরাজিত করার ব্যাপারে আগ্রহী হয়ে উঠবে। এরপর তিনি এই ফরমান মোহারাক্ষিত করে, সিপাহী প্রধান কা'ব ইব্ন হামিদ আল আবসীর কাছে দৃত পাঠিয়ে তাকে নির্দেশ দিলেন, আমার গোষ্ঠীর স্বজন- পরিজনদের সমবেত করে তাদেরকে নির্দেশ দাও, তারা এই সীলমোহরকৃত ফরমান মেনে নিয়ে বায়আত করুক। আর তাদের কেউ অঙ্গীকৃতি জানালে তাকে হত্যা কর। এরপর খলীফার নির্দেশমাফিক তারা সমবেত হলো। তাদের একদল খলীফার কাছে প্রবেশ করে তাকে সালাম করল। তখন তিনি বললেন, এই পত্র হলো তোমাদের প্রতি আমার ফরমান/নির্দেশনামা। কাজেই, যাকে আমি তাতে খলীফা মনোনীত করেছি তোমরা তার কথা শোন, তার আনুগত্য কর এবং তার অনুকূলে বায়আত কর। তারা এক একজন করে বায়আত করল। রজা ইব্ন হায়ওয়া বলেন, এরপর সকলে বিচ্ছিন্ন হয়ে প্রস্থান করল। উমর ইব্ন আবদুল আযীয় আমার কাছে এসে বলল, আল্লাহর দোহাই এবং আপনার সাথে আমার শুন্দাৰ ভালবাসার দোহাই, আপনি আমাকে এই ফরমানের বিষয়বস্তু অবহিত করুন। যদি তা আমার অনুকূলে লিখিত হয়ে থাকে, তাহলে আমি এখনই তা হতে ইসতিফা দিতে পারব, এমন কোন পরিস্থিতি উদ্ভূত হওয়ার পূর্বে যা আমি সামাল দিতে পারব না যেমনটি এখন পারব। তখন আমি তাকে বললাম, আল্লাহর কসম! আপনাকে আমি তার একটি বর্ণণ অবহিত করব নৈ। তিনি বলেন, এরপর হিশাম ইব্ন আবদুল মালিক তার সাথে সাক্ষাৎ করে বললেন, হে রজা! আপনার সাথে আমার বেশ পুরাতন শুন্দাৰ ও ভালবাসার সম্পর্ক বিদ্যমান। আপনি আমাকে এই বিষয়টি অবহিত করুন- যদি তা আমার অনুকূলে হয়, তাহলে পূর্বেই আমি তা জানতে পারলাম, আর যদি তা অন্যের অনুকূলে হয়ে থাকে, তবে আমার মতো এ ব্যাপারে আর কেউ নির্বিকার হবে না।

আমি বললাম, আল্লাহর কসম! আমীরুল মু'মিনীন আমার কাছে যা গোপন করেছেন তার একটি বর্ণণ আমি আপনাকে অবহিত করব না। রজা ইব্ন হায়ওয়া বলেন, এরপর আমি সুলায়মান ইব্ন আবদুল মালিকের কাছে ফিরে গিয়ে দেখলাম, তার অস্তিম মুহূর্ত অত্যাসন্ন। তাকে যখন মৃত্যু-যন্ত্রণা পেয়ে বসছিল, আমি তাকে কেবলামুখী করে দিচ্ছিলাম। আর তিনি যখন চেতনা ফিরে পাচ্ছিলেন, তখন বলছিলেন, হে রজা! এখনও তার সময় হয়নি, এর যখন তৃতীয় বার তার মৃত্যু-যন্ত্রণা শুরু হলো, তখন তিনি বললেন, হে রজা! এখন হতে আমি সাক্ষ্য দিচ্ছি যে, আল্লাহ ছাড়া কোন উপাস্য নেই এবং আরও সাক্ষ্য দিচ্ছি যে, মুহাম্মাদ (সা) তাঁর বান্দা ও রাসূল। রজা বলেন, তখন আমি তাকে কিবলামুখী করে দিলাম এবং তিনি শেষ নিঃশ্঵াস ত্যাগ করলেন। আল্লাহ তাকে অনুগ্রহ করুন। রজা বলেন, তখন আমি তাকে একটি সবুজ চাদরে আবৃত করে সে ঘরের দরয়া বন্ধ করে দিলাম এবং কা'ব ইব্ন হামিদের কাছে দৃত প্রেরণ করলাম। তিনি লোকদেরকে দাবাক-এর মসজিদে সমবেত করলেন। আমি সেখানে উপস্থিত হয়ে সমবেত সকলের উদ্দেশ্যে বললাম, এই ফরমানে যার অনুকূলে খিলাফতের দায়িত্ব প্রদান করা হয়েছে, তোমরা তার আনুগত্যের অঙ্গীকার কর। তারা বলল, আমরা অঙ্গীকার করলাম। আমি তাদেরকে বললাম, তোমরা আরেকবার বায়আত (অঙ্গীকার) কর। তখন তারা তাও করল। তারপর আমি তাদেরকে বললাম! এবার তোমরা তোমাদের নতুন

খলীফার হাতে বায়আত গ্রহণ করার প্রস্তুতি নাও। কেননা, সুলায়মান ইব্ন আবদুল মালিক মৃত্যুবরণ করেছেন। এরপর আমি তাদেরকে সুলায়মান ইব্ন আবদুল মালিকের 'ফরমান' পাঠ করে শোনালাম। আমি যখন উমর ইব্ন আবদুল আয়ীয়ের নাম উল্লেখ করলাম, তখন বানু মারওয়ানের চেহারাসমূহ বিবরণ হয়ে গেল। এরপর আমি যখন পড়লাম তার পরবর্তী খলীফা হিশাম ইব্ন আবদুল মালিক, তখন তারা কিছুটা প্রকৃতিশুল্ক হলো। এ সময় হিশাম ঘোষণা দিল, আমরা কখনও তার হাতে বায়আত করব না। আমি তখন বললাম, আল্লাহর ক্ষম! তাহলে আমি তোমাকে হত্যা করতে বাধ্য হব। যাও বায়'আত করে নাও। এদিকে লোকজন উঠে উমর ইব্ন আবদুল আয়ীয়ের কাছে গেল আর তিনি ছিলেন মসজিদের পিছনের অংশে। তিনি যখন বিষয়টি সম্পর্কে নিশ্চিত হলেন, তখন [বিপদগ্রন্থের দু'আ] ইন্না লিল্লাহি ওয়া ইন্না ইলাইহি রাজিউন পড়লেন। আর তিনি পায়ে ভর দিয়ে হেঁটে যাবার মত অবস্থায় ছিলেন না। ফলে, সকলে মিলে তাকে ধরে মিথ্বে উঠিয়ে বসিয়ে দিল। এ সময় তিনি কিছুক্ষণ চুপ থাকলেন। তখন রজা ইব্ন হায়ওয়া বললেন, তোমরা কি উঠে গিয়ে আমীরুল মু'মিনীনের হাতে বায়'আত করবে না? তখন সকলে উঠে গিয়ে তার হাতে বায়'আত করল। তারপর হিশাম আসলেন এবং বায়'আত করার জন্য মিথ্বে উঠে বলতে লাগলেন, ইন্না লিল্লাহি রাজিউন। তখন উমর ইব্ন আবদুল আয়ীয়ও বললেন, হ্যাঁ ইন্না লিল্লাহি.... রাজিউন যেহেতু আমার এবং তোমার মাঝে এ বিষয়ে প্রতিদ্বন্দ্বিতা সৃষ্টি হলো। এরপর তিনি দাঁড়িয়ে মর্মস্পর্শী খুতবা প্রদান করলেন এবং অবশিষ্ট লোকজন তার হাতে বায়'আত গ্রহণ করল। তার খুতবার একাংশ হলো,

হে লোক সকল! আমি কোন বিদ'আতের উদ্ভাবক নই, আমি সুন্নাতের অনুসারী। আর তোমাদের আশেপাশের/ চতুর্দিকের শহর ও জনপদের অধিবাসীরা যদি তোমাদের ন্যায় আনুগত্য প্রকাশ করে, তাহলে আমি তোমাদের শাসক, আর যদি তারা অঙ্গীকার করে, তাহলে আমি তোমাদের শাসক নই। এরপর তিনি মিথ্বের হতে নামলেন, আর লোকেরা সুলায়মান ইব্ন আবদুল মালিকের দাফন-কাফনের ব্যবস্থায় মশগুল হলো। ইমাম আওয়াজ বলেন, খলীফা সুলায়মান ইব্ন আবদুল মালিকের গোসল ও কাফন পরানো শেষ হতে না হতেই মাগরিবের নামাযের সময় হলো। তখন উমর ইব্ন আবদুল আয়ীয় মাগরিবের নামায পড়ালেন। তারপর তিনি সুলায়মান ইব্ন আবদুল মালিকের জানায়ার নামায পড়ালেন এবং মাগরিবের পর তাকে দাফন করা হলো। এরপর উমর ইব্ন আবদুল আয়ীয় যখন প্রস্থান করলেন, তখন খলীফার বিশেষ বাহনাদি তার কাছে আনা হলো, কিন্তু তিনি তাতে আরোহণে অঙ্গীকৃতি জানিয়ে নিজের বাহনে আরোহণ করলেন। এরপর সকলের সাথে দামেশকে গিয়ে উপস্থিত হলেন। লোকেরা তাকে খলীফার নির্ধারিত বাসভবনে নিয়ে যেতে চাইল। কিন্তু, তিনি বললেন, আবু আয়্যুবের (সুলায়মানের) বাসভবন খালি হওয়া পর্যন্ত আমি আমার নিজ গৃহেই অবস্থান করব। তখন সকলে তার এ সিদ্ধান্ত পসন্দ করল। এরপর তিনি খলীফার পত্র-লিখককে ডেকে পাঠালেন এবং তাকে দিয়ে এ ফরমানের শৃঙ্খলিপি লেখাতে লাগলেন। সে অনুযায়ী অন্যান্য অঞ্চলের অধিবাসীরা তার অনুকূলে বায়'আত করবে। রজা ইব্ন হায়ওয়া বলেন, তার চেয়ে বিশুদ্ধভাষী কাউকে আমি দেখিনি।

মুহাম্মাদ ইব্ন ইসহাক বলেন, সুলায়মান ইব্ন আবদুল মালিক নিরানবই হিজরীর সফর মাসের দশ তারিখ শুক্রবার কানসারীন তৃতীয়ের 'দাবাকে' ইনতিকাল করেন, যা ছিল খলীফা ওয়ালীদের ইনতিকালের দু'বছর নয় মাস কুড়ি দিনের মাথায়। তার ইনতিকালের ব্যাপারে এটাই অধিকাংশ ঐতিহাসিকের মত। তবে কারো কারো মতে সফরের বিশ তারিখে। তারা

বলেন, তার খিলাফতকাল ছিল দুই বছর আট মাস। আর কেউ কেউ বলেন, দু'বছর আট মাসের পাঁচ দিন কম। আর সঠিক বিষয় মহান আল্লাহ্ জানেন। আল হাকিম আবু মুহাম্মাদ বলেন, সুলায়মান ইব্ন আবদুল মালিক নিরানবই হিজরীর রমযান মাসের সতের তারিখ শুক্রবার ইন্তিকাল করেন। ইব্ন আসাকির তা বর্ণনা করেছেন। কিন্তু তা অত্যন্ত অদ্ভুত। অধিকাংশ ঐতিহাসিক তার সম্পূর্ণ বক্তব্যের বিরোধিতা করেছেন। আর তাদের মতে মৃত্যুকালে সুলায়মান ইব্ন আবদুল মালিক চপ্পিশ বছর অতিক্রম করেছিলেন। কারো কারো মতে এ সময় তার বয়স ছিল তেতাল্লিশ, কারও মতে পঞ্চাশ্চাশ। মহান আল্লাহ্ সর্বাধিক জ্ঞাত।

ঐতিহাসিকগণ বলেন, সুলায়মান ইব্ন আবদুল মালিক ছিলেন দীর্ঘকায়, সুদর্শন, ফর্সা ও ছিপছিপে গড়নের। তার মুখমণ্ডল ছিল সুন্দরী, জুষ্য সংযুক্ত। তিনি ছিলেন বিশুদ্ধ ও অলঙ্কারপূর্ণ ভাষার অধিকারী। অত্যন্ত সুন্দর ও সাবলীল আরবীতে কথা বলতেন। ধর্মপরায়ণতা, কল্যাণযুক্তি, সত্য ও সত্যাশ্রয়ীদের এবং পবিত্র কুরআন-সুন্নাহর অনুসারীদের প্রতি ভালবাসা ও আন্তরিকতা এবং ইসলামী বিধি-বিধানের পৃষ্ঠপোষকতা ছিল তার চরিত্রের অন্যতম বৈশিষ্ট্য। রোম সাম্রাজ্যের তৎকালীন রাজধানী কল্যান্টিনোপলের উদ্দেশ্যে মুসলিম ফৌজের প্রস্তুতি সম্পন্ন করে দিয়ে তিনি যখন দামেক্ষ হতে মারাজে দানকের উদ্দেশ্যে বের হন তখন তিনি শপথ করেন যে তিনি দামেশকে ফিরবেন না যতদিন না কল্যান্টিনোপল জয় সম্পন্ন হয় কিংবা তিনি মৃত্যুমুখে পতিত হন। এরপর তিনি যেমন আমরা উল্লেখ করলাম, সেখানেই মৃত্যুমুখে পতিত হন। এভাবে এই নেক নিয়তের দ্বারা মহান আল্লাহ্ পথে তিনি সার্বক্ষণিক প্রহরার নেকী হাসিল করলেন। কাজেই, তিনি ইনশাআল্লাহ্ তাদের অস্তর্ভুক্ত হবেন যাদের নেক আমলের ছাওয়াব কিয়ামতের দিন পর্যন্ত অব্যাহত থাকবে। মহান আল্লাহ্ তাকে রহম করুন।

হাকিয ইব্ন আসাকির শারাহীল ইব্ন উবায়দা ইব্ন কায়স আল-উকায়লীর জীবনী আলোচনা প্রসঙ্গে যা উল্লেখ করেছেন তার বিষয়বস্তু নিম্নরূপ :

মুসলিম ফৌজের প্রধান সেনাপতি মাসলামাহ ইব্ন আবদুল মালিক যখন তার অবরোধ দ্বারা কল্যান্টিনোপলবাসীকে কোণঠাসা করে ফেললেন এবং তাদের চলাচলের পথে ফৌজী প্রহরা বসালেন এবং তথাকার ক্ষুদ্র ক্ষুদ্র রাজ্য ও অঞ্চলসমূহ দখল করে নিলেন। তখন রোম সম্রাট ইলয়ন বুরজান অধিপতির কাছে মাসলামার বিরুদ্ধে সাহায্যের আবেদন জানিয়ে লিখে পাঠান— নিজেদের ধর্মের প্রতি আহ্বান এই মুসলমানদের একমাত্র ভাবনা। সর্বপ্রথম তাদেরকে যারা তাদের সবচেয়ে নিকটবর্তী। তারপর পর্যায়ক্রমে নৈকট্যের ক্রমানুসারে। তারা যখন আমার থেকে তাদের উদ্দেশ্য চরিতার্থ করে অবসর হবে, তখন তোমার কাছে পৌছে যাবে। কাজেই, সে সময়ের জন্য তুমি যে কঞ্চীয় স্থির করেছো তা এখনই করে ফেল। এই বার্তা পেয়ে বুরজানের হতভাগা শাসক কৌশল ও ধোকার আশ্রয় নিল। সে মাসলামার কাছে প্রস্তাব দিয়ে লিখে পাঠাল, রোম সম্রাট ইলয়ন আপনার বিরুদ্ধে আমার সাহায্য প্রার্থনা করে আমার কাছে পত্র প্রেরণ করেছে। কিন্তু আমি আপনার সাথে রয়েছি, আপনি আমাকে আমার করণীয় সম্পর্কে আদেশ করুন। তখন মাসলামা তার কাছে লিখে পাঠালেন, আমি তোমার কাছে কোন যোদ্ধা বা যুদ্ধসরঞ্জাম চাই না, তবে তুমি রসদ সরবরাহ করে আমাদেরকে সাহায্য কর। কেননা, আমাদের রসদে ঘাটতি দেখা দিয়েছে। তখন সে এর উত্তরে লিখল, অমুক অমুক স্থানে আমি আপনাদের জন্য বিশাল রসদসংগ্রহ পাঠালাম, আপনি তা ক্রয় ও প্রহণের জন্য পর্যাপ্ত সংখ্যক লোক পাঠিয়ে দিন। তখন মাসলামাহুর ফৌজের যারা সেখানে গিয়ে তাদের প্রয়োজনীয় রসদ সংগ্রহ করতে চাইল, তাদের সকলকে সেখানে যাওয়ার অনুমতি

দিলেন। বহুসংখ্যক যোদ্ধা সেখানে গমন করল। সেখানে গিয়ে তারা বিশাল রসদ সংগ্রহের সমাহার দেখতে পেল যার মাঝে বিভিন্ন প্রকার পণ্য, দ্রব্য ও খাদ্য সামগ্রী ছিল। তারা তা ক্রয় করতে ব্যস্ত হয়ে পড়ল। কিন্তু, সেই নরপিশাচ যে তাদের জন্য সেখানকার পাহাড়ের আড়ালে অতর্কিতে আক্রমণের উদ্দেশ্যে সেনাদল লুকিয়ে রেখেছিল তারা তা অনুভব করতে পারল না। এমন সময় হঠাৎ তারা একযোগে বেরিয়ে মুসলিম যোদ্ধাদের আক্রমণ করল। এবং তাদের বহু সংখ্যককে হত্যা করল আর অনেককে বন্দী করল। তাদের স্বল্পসংখ্যকই মাসলামার কাছে ফিরে যেতে সক্ষম হয়েছিল। ইন্না লিল্লাহি ওয়া ইন্না ইলাহাহি রাজিউন। এ ঘটনার পর মাসলামাহ তার ভাই খলীফা সুলায়মান ইব্ন আবদুল মালিককে তা অবহিত করে পত্র লিখলেন। তিনি বিপুলসংখ্যক যোদ্ধার বিশাল এক বাহিনী পাঠালেন। যার সঙ্গে ছিলেন উল্লিখিত এই শারাহীল ইব্ন উবায়দা। আর তিনি তাদেরকে নির্দেশ দিলেন প্রথমে কনষ্ট্যান্টিনোপল-উপসাগর পার হয়ে বুরজান রাজার বিরুদ্ধে যুদ্ধ করার, তারপর মাসলামার কাছে ফিরে আসার। তারা ঐ সকল উপসাগর ও প্রণালী পাড়ি দিয়ে প্রথমে বুরজান ভূখণ্ডে গমন করলেন এবং তাদের বিরুদ্ধে প্রচণ্ড যুদ্ধে অবর্তীর্ণ হলেন। আল্লাহর হৃত্যে মুসলমানগণ তাদেরকে পরাজিত করলেন এবং তাদের বিপুলসংখ্যক যোদ্ধাকে হত্যা করলেন, বহুসংখ্যককে বন্দী করলেন এবং মুসলিম বন্দীদের উদ্ধার করলেন। এরপর তারা এসে মাসলামার সাথে মিলিত হলেন। এরপর তারা তার তত্ত্বাবধানে অবস্থান করলেন। অবশেষে রোমকদের ধূর্ত্তা, বিশ্বাসঘাতকতা এবং নিজেদের রসদ স্বল্পতার কারণে পরবর্তী খলীফা উমর ইব্ন আবদুল আয়ীয় তাদের সকলকে ফিরিয়ে আনলেন। আর ফিরে আসার পূর্বে তারা সেখানে দীর্ঘ সময় অবস্থান করেছিলেন। আল্লাহ তা'আলা তাদেরকে উপযুক্ত ছাওয়াব ও বিনিময় দান করুন।

উমর ইব্ন আবদুল আয়ীয়-এর খিলাফত

ইতোপূর্বে বর্ণিত হয়েছে যে, এ বছরের অর্থাৎ নিরানবই হিজরীর সফর মাসের দশ কিংবা বিশ তারিখ শুক্রবার সুলায়মান ইব্ন আবদুল মালিকের মৃত্যুর দিনে তারই ফরমানে নিজের অজ্ঞাতসারে উমর ইব্ন আবদুল আয়ীয় [খিলাফতের জন্য] মনোনীত হন এবং তার খিলাফতের অনুকূলে বায়াতাত গ্রহণ করা হয়। যেমন, আমরা ইতোপূর্বে উল্লেখ করেছি। খিলাফতের দায়িত্ব প্রহণের পর তার প্রথম পদক্ষেপ থেকে তার সাথে আল্লাহভীতি, ধর্মপরায়ণতার, বিলাসবিমুখতা, সচরিত্ব ও চারিত্রিক পবিত্রতার লক্ষণসমূহ পরিষ্কৃত হয়ে উঠে, যেমন তিনি খলীফার জন্য নির্ধারিত সুসজ্জিত বাহনে আরোহণ করতে অঙ্গীকৃতি জানান এবং নিজের পূর্বের বাহনে আরোহণ করেই এ পর্বের ইতি টানেন। তদুপ খলীফার রাজকীয় বাসভবনের পরিবর্তে তিনি নিজের বাসগৃহকেই বেছে নেন। বর্ণিত আছে, খিলাফতের দায়িত্ব প্রহণের পর তিনি লোকদের উদ্দেশ্যে খুতবা দিয়ে বলেন, হে লোক সকল, আমার মন অতি উচ্চাকাঙ্ক্ষী, যখনই যে কোন মান-মর্যাদা বা শান-শওকত লাভ করে, তখনই সে তার চেয়ে উৎকৃষ্টতরের প্রতি আগ্রহী হয়ে উঠে। তাই যখনই আমাকে খিলাফতের দায়িত্ব প্রদান করা হয়েছে, তখন থেকেই আমার মন তার চেয়ে উত্তম ও উৎকৃষ্টতরের প্রতি আগ্রহী হয়ে উঠেছে আর তা হলো জান্নাত। কাজেই, তোমরা আমাকে আমার এ আকাঙ্ক্ষা পূরণে সাহায্য কর। আল্লাহ তোমাদেরকে রহম করুন। ইনশাআল্লাহ্ তাঁর ওফাতের আলোচনায় অচিরেই তাঁর জীবনী আসছে। এ বছর উমর ইব্ন আবদুল আয়ীয় যে সকল ত্বরিত সিদ্ধান্ত গ্রহণ করেন তার অন্যতম হলো তিনি রোমক ভূখণ্ডে অবস্থানরত কনষ্ট্যান্টিনোপল অবরোধকারী মাসলামা ইব্ন আবদুল মালিক ও তার অধীনস্থ মুসলিম ফৌজকে ফিরিয়ে আনেন। কেননা, এ সময় তারা প্রতিকূল ও কঠিন অবস্থার সম্মুখীন হয়ে কোণঠাসা হয়ে পড়েন। তাদের রসদ সংকট দেখা দেয়। কেননা, তাদের সংখ্যা

ছিল বিপুল। তাই তিনি তাদের শামে ফিরে আসার লিখিত নির্দেশ প্রদান করেন। এ সময় তিনি তাদের জন্য বিপুল পরিমাণ রসদ সামগ্রী এবং বহুসংখ্যক উৎকৃষ্ট তায়ী ঘোড়া পাঠান। যোদ্ধারা খলীফার এ আচরণে অত্যন্ত প্রীত হন।

এ বছরেই ইসলামের শক্র তুর্কীরাঙ^১ আয়ারবাইজান আক্রমণ করে বহুসংখ্যক মুসলমানকে হত্যা করে। তখন উমর ইবন আবদুল আয়ীয় হাতিম ইবন নুমান আলবাহলীর নেতৃত্বে তাদের বিরুদ্ধে ফৌজ প্রেরণ করেন। তিনি ঐ তুর্কীদেরকে নিধন করেন এবং তাদের অতি অল্পসংখ্যকই পলায়ন করে বাঁচতে সক্ষম হয়। এ সময় তিনি তাদের বন্দীদের খানসিরায় অবস্থানরত খলীফার কাছে পাঠান। অধিক ব্যস্ত থাকার কারণে মুআফিনগণ তাদের আয়ানের পর পুনরায় তাকে নামাযের ওয়াকতে নেইকট্য এবং সংকীর্ণতার কথা স্মরণ করিয়ে দিত, যাতে তিনি পূর্ববর্তী খলীফাদের ন্যায় নামায বিলম্বিত না করেন। আর তারা এটা তাঁর নির্দেশেই করত। মহান আল্লাহ অধিক জানেন। এ প্রসঙ্গে ইবন আসাকির জারীর ইবন উহমান আররাহবী আল-হিমসীর জীবনীতে উল্লেখ করেছেন। তিনি (জারীর) বলেন, আমি উমর ইবন আবদুল আয়ীয়ের মুআফিনদের নামাযের সময় এই বলে সালাম করতে শুনেছি। আস্সালামু আলায়কা ইয়া আমিরাল মু'মিনীন ওয়া রাহমাতুল্লাহি ওয়া বারাকাতুহ। সালাতে আসুন! কল্যাণে আসুন, সালাতের সময় ঘনিয়ে এসেছে।

এ বছরই উমর ইবন আবদুল আয়ীয় ইয়ায়ীদ ইবন মুহাম্মাদকে ইরাকের গভর্নর পদ হতে অপসারণ করেন এবং আদী ইবন আরতাআ আল-ফায়ারীকে বসরার গভর্নর নিয়োগ করে প্রেরণ করেন। এ সময় তিনি হাসান বসরী (র)-কে বসরার কার্যালয়ের পদ প্রহরের অনুরোধ করেন। কিন্তু তিনি তা হতে অব্যাহতি চাইলে উমর তাকে অব্যাহতি প্রদান করেন। পূর্ববর্তীতে হাসান বসরীর স্থলে প্রখ্যাত তৌকুধী ব্যক্তি ইয়াস ইবন মুআবিয়াকে নিয়োগ করেন। এছাড়া তিনি কৃফা ও তার সংলগ্ন তৃত্যের জন্য আবদুল হামীদ ইবন আবদুর রহমান ইবন যায়দ ইবন খাত্তাবকে গভর্নর নিয়োগ করে প্রেরণ করেন এবং আবু যায়দকে তার কাতিব বা ব্যক্তিগত সচিবের পদ প্রদান করেন। আর আমির আশ-শা'বীকে তার কার্য নিয়োগ করেন। ওয়াকিদী বলেন, হ্যরত উমর ইবন আবদুল আয়ীয়ের খিলাফতকাল পর্যন্ত আমির কৃফার কার্য পদে বহাল ছিলেন। আর তিনি জারুরাহ ইবন আবদুল্লাহ আল-হাকামীকে খোরাসানের গভর্নর নিয়োগ করেন। এ সময় পবিত্র মক্কার প্রশাসক ছিলেন আবদুল আয়ীয় ইবন আবদুল্লাহ ইবন খালিদ ইবন উসায়দ, আর পবিত্র মদীনার দায়িত্বে ছিলেন, আবু বাকর ইবন মুহাম্মাদ ইবন আমর ইবন হায়ম। তিনি এ বছর হজ্জ পরিচালনা করেন। মিসরের গভর্নর পদ হতে আবদুল মালিক ইবন আবু ওদাআকে অপসারণ করে আবুয়ব ইবন শুরাহবীলকে তার স্থলঅভিষিঞ্চ করেন। আর ফাতাওয়ার দায়িত্ব প্রদান করেন জা'ফর ইবন রাবীআ ইয়ায়ীদ ইবন আবু হাবীব, এবং উবায়দুল্লাহ ইবন জা'ফরকে। তাই এরা তিনজনই সকলকে ফাতওয়া প্রদান করতেন। আফ্রিকা ও মরক্কো অঞ্চলের জন্য তিনি ইসমাইল ইবন আবদুল্লাহ আল মাখ্যুমীকে গভর্নর নিয়োগ করেন। ইনি ছিলেন উত্তম স্বত্ত্বাবের মানুষ। মরক্কো তার শাসনাধীন থাকাকালে বহুসংখ্যক বর্বর ইসলাম প্রহরণ করে। আর সবকিছুর সঠিক জ্ঞান মহান আল্লাহর কাছে। এ বছর প্রখ্যাত ব্যক্তিগণের মধ্যে যারা ইন্তিকাল করেন, তাদের অন্যতম হলেন :

১. তুর্কী দ্বারা এখানে তাতারী বা মঙ্গোলিয়ান উদ্দেশ্য।

হাসান ইবন মুহাম্মদ আল হানাফিয়াহ^১

বিশিষ্ট তাবিজে। রলা হয় তিনিই সর্বপ্রথম ইরজা২ বিষয়ে কথা বলেন। আবু উবায়দের এই বক্তব্য বর্ণিত হয়েছে যে, তিনি পঁচানবই হিজরীতে ইন্তিকাল করেন। খলীফা উল্লেখ করেছেন, তিনি উমর ইবন আবদুল আয়ীরের খিলাফতকালে ইন্তিকাল করেন। আর আমাদের শায়খ যাহাবী আল‘আলাম ঘষ্টে উল্লেখ করেছেন যে, তিনি এ বছর ইন্তিকাল করেন। মহান আল্লাহ অধিক জানেন।

আবদুল্লাহ ইবন মুহায়রী ইবন জুনাদা ইবন উবায়দ^৩

ইনি আবদুল্লাহ ইবন মুহায়রী ইবন জুনাদা ইবন উবায়দ আল-কুরাশী আল-জুমাহী আলমাকী। বায়তুল মাকদিসে দীর্ঘ মীআদে ইতিকাফকারী বিশিষ্ট তাবিজে। ইনি মুয়ায়্যিন আবু মাহয়ুরার সৎ পিতা হতে এবং উবাদাহ ইবনুস সামিত, আবু সাইদ ও মুআবিয়া প্রমুখ থেকে হাদীস রিওয়ায়াত করেছেন। আর তার থেকে রিওয়ায়াত করেছেন খালিদ ইবন মা'দান, মাকহুল হাসসান ইবন আতিয়াহ, যুহরী ও অন্যরা। একাধিক ইমাম তাকে নির্ভরযোগ্য আখ্যা দিয়েছেন এবং একদল তার প্রশংসা করেছেন। এমনকি রাজা 'ইবন হায়ওয়া তো তার সম্পর্কে বলেছেন এবং একদল তার প্রশংসা করেছেন। এমনকি রাজা 'ইবন হায়ওয়া তো তার সম্পর্কে বলেছেন, পবিত্র মদীনাবাসী যদি তাদের আবিদ ইবন উমরকে নিয়ে আমাদের সাথে বড়াই করে, তাহলে আমরাও আমাদের আবিদ আবদুল্লাহ ইবন মুহায়রীকে নিয়ে তাদের সাথে গর্ব করতে পারি। তার এক ছেলে বলেন, তিনি প্রতি সঞ্চাহে একবার কুরআন খতম করতেন। তার জন্য বিছানা বিছানো হতো। কিন্তু তিনি তাতে ঘুমাতেন না। ঐতিহাসিকগণ বলেন, তিনি ছিলেন বাক্সংয়মী এবং গোলযোগ, বিশৃঙ্খলা পরিহারকারী। তিনি সর্বদা সৎ কাজের আদেশ দিতেন ও মন্দ কাজে নিষেধ করতেন এবং কখনও নিজের কোন সদগুণের উল্লেখ করতেন না। কোন এক আমীরের পরনে রেশমের পোশাক দেখে তিনি তার সমালোচনা করলেন। সেই ব্যক্তি আমীরুল মু'মিনীন আবদুল মালিক ইবন মারওয়ানের দিকে ইঙ্গিত করে বলল, আমি তো এঁদের [ভয়ের] কারণে তা পরিধান করি। তখন ইবন মুহায়রী তাকে বললেন, কোন মাখলুকের প্রতি তোমার ভয়কে আল্লাহর প্রতি ভয়ের সমকক্ষ করো না। ইমাম আওয়াঙ্গ (র) বলেন, যদি কেউ কাউকে অনুসরণ করতে চায়, তাহলে তার মত ব্যক্তির অনুসরণ করুক। কেননা, এমন উদ্ধতকে আল্লাহ গোমরাহ করতে পারেন না যাদের মাঝে তার মত ব্যক্তি বিদ্যমান। কেউ কেউ বলেন, তিনি খলীফা ওয়ালীদের খিলাফতকালে ইন্তিকাল করেন।

১. পূর্বে উল্লিখিত হয়েছে।

- মতবাদ বিশেষ। যার অনুসারীরা কোন মুসলমানের ব্যাপারে চূড়ান্ত কোন সিদ্ধান্ত প্রদান করে না বরং তাদের ফায়সালাকে কিয়ামত দিবস পর্যন্ত বিলবিত করে। তাদের ভাষ্য হলো, ঈমান থাকা অবস্থায় কোন নাফরমানী কোন ক্ষতি করে না এবং কাফির অবস্থায় কোন আনুগত্য কোন উপকার করে না। -অনুবাদক
- আল-ইসাবা ৬৬৩৩, আল-ইসতীআব ১৬৫২ উসদুলগাবা, ৩/২৫২, তারীখুল ইসলাম ৪/২১, তারীখুল বুখারী ৫/১৯৩ তায়কিরাতুল হফ্ফায ১/৬৪, তাহ্যীবুল আসমা ওয়ালুলগুগাত প্রথম ভাগ প্রথম অংশ ২৮৭, তাহ্যীবুত তাহ্যীব ৬/৩২, তাহ্যীবুল কামাল পৃঃ ৩৪০, আলজারহ ওয়াত্তাদীল দ্বিতীয় ভাগ দ্বিতীয় ভলিউম ১৬৮, আল হিলইয়াহ ৫/১৩৮, খুলাসাতু তাহ্যীবুত তাহ্যীব ২১৪, শাজারাতুয় যাহাব ১/১১৬, তাবাকাতে ইবন সাঁদ ৭/৪৪৭, তালকাতুল খলফিয়া ২৭৫৩, তাবাকাতুল হফ্ফায আল্লামা সুযৃতী ২৭, আলইবার ১/১১৭ আল ইকবুল ছামীন ৫/২৪৬, আলমা'রিফা ওয়াত তারিখ ২/৩৩৫-৩৬৪-ক

খলীফা ইবন খায়্যাত বলেন, তিনি হ্যরত উমর ইবন আবদুল আয়ীয়ের খিলাফতকালে ইন্তিকাল করেন। ইমাম যাহাবী আল আ'লাম গ্রন্থে উল্লেখ করেছেন যে, তিনি এ বছরই ইন্তিকাল করেন। মহান আল্লাহ্ অধিক জানেন।

একবার ইবন মুতায়ারী কাপড় খরিদ করার জন্য এক কাপড় বিক্রেতার দোকানে প্রবেশ করলেন। দোকানদার বেশী দাম চাইল। পার্শ্ববর্তী দোকানদার তাকে বলল, দুর্ভাগ্য তোমার! ইনি হলেন ইবন মুহায়ারী, তুমি দাম করাও। একথা শুনে ইবন মুহায়ারী তার গোলামের হাত ধরে বলল, চল যাই, আমরা আমাদের অর্থের বিনিময়ে কাপড় খরিদ করতে এসেছি, ধার্মিকতার বিনিময়ে নয়। তিনি উঠে সে দোকানদারকে ছেড়ে চলে গেলেন।

মাহমুদ ইবন লাবীদ ইবন উক্বা^১

তিনি আবু নাসীম আল আনসারী আল আশহালী। তিনি নবী করীম সাল্লাল্লাহু আলায়হি ওয়া সাল্লামার জীবন্দশায় জন্মগ্রহণ করেন এবং তার উদ্বৃত্তিতে একাধিক হাদীস রিওয়ায়াত করেছেন, কিন্তু সেগুলো সব হাদীসে মুরসালের অঙ্গভূক্ত। ইমাম বুখারী বলেন, তিনি সাহাবী। ইবন আবদুল বারর বলেন, তিনি মাহমুদ ইবন রাবী'আ হতে উত্তম। বলা হয়, তিনি ছিয়ানবুই হিজৰীতে ইন্তিকাল করেন। মতান্তরে, সাতানবুই হিজৰীতে। ইমাম যাহাবী উল্লেখ করেছেন যে, তিনি এ বছরই ইন্তিকাল করেন। আর নিশ্চিত বিষয় মহান আল্লাহ্ অধিক অবগত।

নাফি' ইবন জুবায়র ইবন মুত্তাইম^২

ইবন আদী ইবন নাওফিল আল-কুরাশী আন-নাওফিলী আল-মাদানী। তিনি হাদীস রিওয়ায়াত করেছেন তার পিতা হতে এবং হ্যরত উচ্চমান, আলী, আবরাস, আবু হুরায়রা আইশা ও অন্যদের থেকে।

তাঁর থেকে হাদীস রিওয়ায়াত করেছেন একদল তাবেঈ এবং অন্যগণ। তিনি নির্ভরযোগ্য এবং আবিদ, তিনি পায়ে হেঁটে হজ্জে যেতেন। তাঁর বাহনকে তাঁর সাথে সাথে টেনে নেওয়া হতো। একাধিক ঐতিহাসিক বলেন, তিনি নিরানবুই হিজৰীতে পবিত্র মদীনায় ইন্তিকাল করেন।

কুরায়ব ইবন মুসলিম^৩

ইবন আবরাসের মাওলা বা আযাদকৃত দাস। একদল সাহাবা এবং অন্যদের থেকে তিনি হাদীস রিওয়ায়াত করেছেন। তাঁর সংগ্রহে এক বোঝা পরিমাণ বইপত্র ছিল। তিনি ছিলেন উত্তম ও ধার্মিক খ্যাতিমান নির্ভরযোগ্য এক ব্যক্তি।

১. আল-ইসাবা ৬/৪২, আল-ইয়াতীআর ৮৩০, উসদুল গাবা ৫/১১৭, তারীখুল ইসলাম ৪/৫২, আত্তারীখুল কাবীর ৭/৪২০, তাহয়ীবুত তাহয়ীব ৪/২৬, তাহয়ীবুল আসমা ওয়াল নূগাত ১/২/৮৪, তাহয়ীবুত তাহয়ীব ১০/৬৫, তাহয়ীবুল কামাল ১৩১০, আলজারহ ওয়াত তাদীল ৮/২৮৯, আল জামউ বায়ন রিজালুস সহীহায়ন ২/৫০৫, খুলাসাতু তাহয়ীবুল কামাল ৩১৭, শাজারাতুল যাহাব ১/১১২, তাবাকাতু ইবন সাদ ৫/৭৭, তাবাকাতু খালীফা ২০৩৯, আল ইবার ১/১১৫, মিরআতুল জিনান ১/২০০, তাজীরীদু আসমাউস সাহাবা ৬৮৭।
২. তারীখুল ইসলাম ৪/৬২; তারীখুল বুখারী ৮/৮২, তাহয়ীবুল আসমা ওয়াললুগাত প্রথম অংশ, প্রথম খণ্ড ১২১, তাহয়ীবুত তাহয়ীব ১০/৪০৪, তাহয়ীবুল কামাল ৪০৫, আলজারহ ওয়াত্তা'দীল প্রথম অংশ চতুর্থ ভলিউম ৪৫১; খুলাসাতু তাহয়ীবুত তাহয়ীব ৩৯৯, শাজারাতুয যাহাব ১/১১৬; তাবাকাতু ইবন সাদ ৫/২০৫, তাবাকাতু খালীফা ২০৫, আলইবার ১/১১৭, আল মা'আরিফ ২৮৫, আলমা'রিফাতু ওয়াত্তারীখ ১/৩৬৪, ৫৬৫।
৩. তারীখুল ইসলাম ৪/৪৮, তারীখুল বুখারী ৭/২৩১, তাহয়ীবুত্তাহয়ীব ৮/৪৩৩, তাহয়ীবুল কামাল ১১৪৬-১১৬১, আল জারহ ওয়াত তাদীল ২য় অংশ, ৩য় ভলিউম ১৬৮; খুলাসাতু তাহয়ীবুত তাহয়ীব ৩২২, শাজারাতুয যাহাব ১/১১৪; তাবাকাতু ইবন সাদ ৫/২৯৩, তাবাকাতু খালীফা ২৫৩৮ আলমা'রিফাতু ওয়াত্তারীখ ১/৩৬৩।

মুহাম্মাদ ইব্ন জুবায়র ইব্ন মুতইম^১

কুরায়শের সন্ধান আলিমগণের অন্যতম। তাঁর বহু রিওয়ায়াত বিদ্যমান। তাঁর চার বছর বয়সে নবী সাল্লাল্লাহু আলায়হি ওয়া সাল্লামা একবার কুলি করে তাঁর মুখে [বরকতের উদ্দেশ্যে] পানি ছিটিয়ে দিয়েছিলেন। এ ঘটনা তিনি স্মরণ করতে পারতেন। তিরানববই বছর বয়সে তিনি পৰিত্র মদীনায় ইন্তিকাল করেন।

মুসলিম ইব্ন ইয়াসার^২

আবু আবদুল্লাহ আলবাসরী দুনিয়াত্যাগী ফকীহ। তাঁর যামানায় তাঁর চেয়ে শুণী কোন ব্যক্তি ছিলেন না। তিনি ছিলেন একাধারে আবিদ, আল্লাহভীর অতি বিনোদ, পার্থিব মোহমুক্ত এবং অত্যধিক নামাযী। বর্ণিত আছে, একবার তাঁর বাড়ীতে অগ্নিকাণ্ড সংঘটিত হয়। নামাযে থাকা অবস্থায় তিনি তা অনুভব না করেই নির্বাপিত করলেন। জীবনী গ্রন্থসমূহে তাঁর বহু শুণের উল্লেখ রয়েছে। আল-বিদায়ার গ্রন্থকার বলেন, একবার মসজিদের একাংশ ভেঙ্গে পড়ল। মসজিদ সংলগ্ন বাজারের লোকেরা ভীত শক্তিত হয়ে পড়ল। কিন্তু মুসলিম ইব্ন ইয়াসার সে সময় মসজিদের অভ্যন্তরে নামাযে মশগুল, ফিরে তাকানোরও প্রয়োজন বোধ করলেন না। তাঁর ছেলে বলেন, আমি তাঁকে সিজদারত অবস্থায় বলতে শুনেছি, কবে আমি আপনাকে সন্তুষ্ট করে আপনার সাক্ষাৎ পাব। এরপর তিনি দু'আয় যেতেন, তারপর বলতেন, কবে আমি আপনাকে সন্তুষ্ট করে আপনার সাক্ষাৎ পাব। তিনি যখন নামাযের বাইরে থাকতেন, তখনও মনে হতো যেন তিনি নামাযে আছেন। ইতোপূর্বে তাঁর জীবনী উল্লিখিত হয়েছে।

হানাশ ইব্ন আমর আস্সান আনী^৩

আফ্রিকা ও মরক্কো অঞ্চলের গভর্নর ছিলেন, বিজয়ী মুজাহিদ রূপে আফ্রিকাতেই তিনি ইন্তিকাল করেন। একদল সাহাবা হতে তাঁর বহুসংখ্যক রিওয়ায়াত বিদ্যমান।

১. তারীখুল ইসলাম ৪/৫০, তারীখুল বুখারী ১/৫২, তাহফীবুত্ত তাহফীব ৯/৯১, তাহফীবুল কামাল ১১৮১ পৃঃ, আলজারহ ওয়াত্ত তাদীল তৃতীয় ভলিউম ২য় অংশ ২১৮, খুলাসাতু তাহফীবুত্ত তাহফীব ৩৩০, তাবাকাত ইব্ন সাদ ৫/২০৫, তাবাকাতু খলীফা ২০৬৪, আলমা'রিফাতু ওয়াত্তারীখ ১/৩৬৩।
২. তারীখুল ইসলাম ৪/৫৪, ২০৩, তারীখুল বুখারী ৭/২৭৫, তাহফীবুল আসমা ওয়ালুগাত ২য় খণ্ডের প্রথম অংশ ৯৩, তাহফীবুত্ত তাহফীব ১০০/১৪০, তাহফীবুল কামাল ১৩২৯, আল জুরহ ওয়াত্তাদীল প্রথম অংশ, চতুর্থ ভলিউম ১৮, আল হিলাইয়াহ ২/২৯০, খুলাসাতু তাহফীবুত্ত তাহফীব ৩৭৬০, আযহুদু (ইমাম আহমাদ) ২৪৮, শাজারাতুয় যাহাব ১/১১৯, তাবাকাত ইব্ন সাদ ৭/১৮৬, তাবাকাতু খলীফা ১৬৭২, তাবাকাতুল ফুকাহা (শীরায়ী) ৮৮, আলইবার ১/১২০, আর ইকদুহ ছামীন ৭/১৯২, আল মা'আরিফ ২৩৪, আলমা'রিফা ওয়াত্তারীখ ২/৮৫।
৩. তারীখুল ইসলাম ৩/২৪৬, ৩৬১, তারীখুল বুখারী ৩/৯৯, তাহফীবুত্ত তাহফীব ৩/৫৭, তাহফীবুল ইব্ন আসাকির ৫/১৪, তাহফীবুল কামাল ৩৪৩, আল জুরহ ওয়াত্তাদীল ২য় অংশ ১ম ভলিউম ২৯১, শাজারাতুয় যাহাব ১/১১৯, তাবাকাত ইব্ন সাদ ৫/৫৩৬, তাবাকাত ফুকাহাউল ইয়ামান ৫৭, আল-ইবার ১/১১৯, আল-মারিফা ওয়াত্তারীখ ২/৫৩০।

খারিজা ইবন যায়দু^১

ফিকহশাস্ত্রবিদ ইবনুয যাহুক আল-আনসারী আল-মাদানী। তিনি পরিত্র মদীনায় ফাতওয়া প্রদান করতেন। তিনি পরিত্র মদীনার বিশিষ্ট ফকীহগণের অন্যতম। ফারাইয ও সম্পত্তি বল্টন বিষয়ে তিনি বিজ্ঞ ছিলেন। তিনি ঐ সপ্ত ফকীহগণের একজন যাঁদের রায়ই ফাতওয়ার কেন্দ্রবিদ্বু।

হিজরী শততম বর্ষ

ইমাম আহমাদ বলেন, আলী ইবন হাফ্স সূত্রে নাসেম ইবন দাজাজা হতে। তিনি বলেন, একবার হযরত আবদুল্লাহ ইবন মাসউদ হযরত আলীর (রা) সাক্ষাতে প্রবেশ করলেন। হযরত আলী তাকে বললেন, আপনিই কি এ কথার কথক যে, রাসূলুল্লাহ সাল্লাল্লাহু আলায়হি ওয়া সাল্লাম ইরশাদ করেন :

لَا يَأْتِي عَلَى النَّاسِ مائةُ عَامٍ وَعَلَى الْأَرْضِ نَفْسٌ مَنْفَوْسَةٌ

‘ভূপৃষ্ঠে শ্বাস-প্রশ্বাস গ্রহণকারী কোন থাকা অবস্থায় একশ’ বছর অতিবাহিত হবে না।’ তিনি তো বলেছেন :

لَا يَأْتِي عَلَى النَّاسِ مائةُ عَامٍ وَعَلَى الْأَرْضِ نَفْسٌ مَنْفَوْسَةٌ مِمَّنْ هُوَ حَيٌّ ،
وَإِنْ رَخَاءَ هَذِهِ الْأُمَّةِ بَعْدَ الْمِائَةِ ۔

‘আজ যারা জীবিত তাদের মাঝের কোন শ্বাস-প্রশ্বাস গ্রহণকারী মানুষ (জীবিত) থাকা অবস্থায় লোকদের একশ’ বছর অতিবাহিত হবে না। আর এই উম্মতের বিন্দু ও বিলাসের সূচনা হবে একশ বছর পরে।’

হাদীসখানি ইমাম আহমাদের একক বর্ণনা। তাঁর ছেলে আবদুল্লাহর একটি রিওয়ায়াতে আছে যে, হযরত আলী তাঁকে বলেন, হে ফাররুখ! তুমই কি এ কথার কথক যে, আজ যারা জীবিত একশ’ বছর আসতে না আসতেই ভূপৃষ্ঠে তাদের কেউ অবশিষ্ট থাকবে না। আর এই উম্মতের বিন্দু ও বিলাসের সূচনা হবে একশ বছরের পর? রাসূলুল্লাহ সাল্লাল্লাহু আলায়হি ওয়া সাল্লাম তো একথা বলেছেন :

لَا يَأْتِي عَلَى النَّاسِ مائةٌ سَنَةٌ وَعَلَى الْأَرْضِ عِنْ تَطْرُفٍ

‘ভূপৃষ্ঠে কোন সক্রিয় চক্ষুর অস্তিত্ব থাকা অবস্থায় মানুষের একশ’ বছর অতিবাহিত হবে না।’ তুমি এর মর্ম উপলব্ধি করতে পারোনি। তিনি তো তাদেরকে বুঝিয়েছেন যারা আজ জীবিত। হাদীসখানি ইমাম আহমাদের একক বর্ণনা। বুখারী ও মুসলিম শরীফে আবদুল্লাহ ইবন উমরের উদ্বৃত্তিতে এভাবেই হাদীসখানি এসেছে। তখন রাসূলুল্লাহ সাল্লাল্লাহু আলায়হি ওয়া সাল্লামের এই কথায় সকলে আতঙ্কিত হয়ে পড়েন। আসলে তিনি তা দ্বারা তাঁর শতাব্দীর জনগোষ্ঠীর বিলুপ্তির কথা বুঝিয়েছেন।

১. তারীখুল ইসলাম ৩/৩৬২, তারীখুল বুখারী ৩/২০৪, তায়কিরাতুল হফফায ১/৮৫, তাহফীব ইবন আসাকির ৫/২৭, তাহফীবুল আসমা ওয়াল লুগাত ১ম অংশ ১ম খণ্ড ১৭২, তাহফীবুত তাহফীব ৩/৭৪, আলজরহ ওয়াত্তাদীল ২য় অংশ ১ম ভলিউম ৩৭৪, আল-হিলইয়া ২/১৮৯, খুলাসাতু তাহফীবুত তাহফীব ৯৯, শাজারাতুয যাহাব ১/১১৮, তাবাকাত ইবন সাদ ৫/২৬২, তাবাকাতুল হফফাজ (সুয়তী), ৩৫, তাবাকাত খলীফা ২১৮৫, তাবাকাতুল ফুকাহা (শিরায়ী) ৬০, আল-ইবার ১/১১৯, আল-মাআরিফ ২৬০, আল-মারিফা ওয়াত্তারীখ ১/৩৭৬, ৫৬৭, আন-নজুম আয়-যাহিরা ১/২৪২, ওয়াকিফিয়াতুল আইয়ান ২/২২৩।

এ বছরেই ইরাকের হারারিয়া অঞ্চল হতে খারিজীদের একটি দল বিদ্রোহ করে। তখন আমীরুল মু'মিনীন উমর ইবন আবদুল আয়ীয় কৃফার নায়েব আবদুল হামীদের কাছে এক লিখিত ফরমানে তাঁকে নির্দেশ দেন তাদেরকে সত্ত্যের দিকে আহ্বান করার, তাদের সাথে কোমলতা অবলম্বন করার এবং দেশে কোন বিপর্যয়-বিশৃঙ্খলা সৃষ্টি না করলে তাদের বিরুদ্ধে লড়াই না করার। কিন্তু পরবর্তীতে তারা যখন বিপর্যয়-বিশৃঙ্খলা সৃষ্টি করে, তখন আবদুল হামীদ তাদের বিরুদ্ধে ফৌজ প্রেরণ করেন। কিন্তু হারারিয়া তাদেরকে পরাজিত ও পর্যন্ত করে। খলীফা উমর ইবন আবদুল আয়ীয় আবদুল হামীদকে তার ফৌজের ব্যাপারে ভৎসনা করে পাঠালেন এবং তাদের বিরুদ্ধে যুদ্ধের জন্য জায়িরা হতে তার চাচাতো ভাই মাসলামা ইবন আবদুল মালিককে ডেকে পাঠান। মহান আল্লাহ্ তাকে বিজয় দান করলেন। উমর ইবন আবদুল আয়ীয় খাওয়ারিজ প্রধান বুস্তামের নিকট দৃত পাঠিয়ে প্রশ্ন করলেন, কিসে তোমাকে আমার বিরুদ্ধে বিদ্রোহী করেছে? যদি তুমি আল্লাহ্ ওয়াস্তে তা করে থাক, তাহলে তোমার চে আমি সে বিষয়ের অধিক উপযুক্ত। তুমি সে বিষয়ে আমার চেয়ে অধিক উপযুক্ত নও। আস, আমি তোমার সামনে যুক্তি উপস্থাপন করি এবং তুমি আমার সামনে যুক্তি উপস্থাপন কর। এরপর যদি তুমি সত্ত্যের সন্ধান পাও, তাহলে তার অনুসরণ করবে। আর তুমি যদি কোন সত্য উপস্থাপন করতে পার, তাহলে আমরা তা গ্রহণের ব্যাপারে চিন্তা-ভাবনা করব। এ প্রস্তাবের পর সে খলীফার কাছে তার একদল অনুসারীকে পাঠাল। তিনি তাদের মধ্য থেকে দু'জনকে বেছে নিয়ে প্রশ্ন করলেন, তোমাদের বিবেচিতার কারণ কি? তারা বলল, আপনার পরবর্তী খলীফারূপে ইয়ায়ীদ ইবন আবদুল মালিককে নিয়োগ করা। তখন তিনি বললেন, আমি কথনও তাকে নিয়োগ করিনি। তাকে তো অন্য এক ব্যক্তি নিয়োগ করেছেন। তারা দুইজন বলল, তাহলে কিভাবে আপনি আপনার পরবর্তীতে উন্নতের দায়িত্বপ্রাপ্ত রূপে মেনে নিলেন। তখন তিনি বললেন, তোমরা আমাকে তিনি দিন অবকাশ দাও। বণিত আছে, এ সময় উমর ইবন আবদুল আয়ীয় বানু উময়াকে কর্তৃত্বমুক্ত এবং শাহী ধনসম্পদ হতে বিহিত করতে পারেন এই আশঙ্কায় তারা তার খাদে বিষ প্রয়োগ করে তাকে হত্যা করে। আর আল্লাহ্ অধিক জানেন।

এ বছরেই উমর ইবন ওয়ালীদ ইবন হিশাম আলমুআয়তী এবং হিমসবাসী আমর ইবন কায়স আল-কিন্দী সাইফা আক্রমণ করেন। এছাড়া এ বছরেই খলীফা উমর ইবন আবদুল আয়ীয় (র) উমর ইবন হুরায়রাকে আল-জায়িরার প্রশাসক নিয়োগ করেন এবং ইবন হুরায়রা সেদিকে অভিযান করেন। এ বছরেই ইয়ায়ীদ ইবন মুহাম্মাদ উমর ইবন আবদুল আয়ীয়ের কাছে ইরাক হতে উপটোকন বহন করে আনে। এ সময় বসরার গভর্নর আদী ইবন আরতাতা তাকে মূসা ইবন ওয়াজীহ এর সাথে পাঠান। উল্লেখ্য যে, উমর ইবন ইয়ায়ীদ ইবন মুহাম্মাদ ও তার পরিবারের সদস্যদের অপসন্দ করতেন এবং বলতেন, এরা স্বেচ্ছাচারী আর এদের মত লোকদের আমি পসন্দ করি না। এরপর সে (ইয়ায়ীদ) উমর ইবন আবদুল আয়ীয়ের সাক্ষাতে প্রবেশ করে, তিনি তার কাছে বায়তুল মালের প্রাপ্য ঐ সকল অর্থ সম্পদ সমর্পণ করতে বললেন, যার সম্পর্কে সে সুলায়মান ইবন আবদুল মালিকের কাছে এই মর্মে পত্র প্রেরণ করেছিল যে, তা তার কাছে গচ্ছিত রয়েছে। সে বলে তা দ্বারা শক্তিদেরকে ভয় দেখানোর জন্য আমি তা লিখেছিলাম। আর সুলায়মান ও আমার মাঝে কোন অঙ্গীকার ছিল না। আর আপনি নিজেও তো তার কাছে আমার অবস্থান সম্পর্কে জানেন। উমর তাকে বললেন, এসব কোন কিছুই আমি তোমার থেকে শুনতে চাই না। আর মুসলমানদের অর্থ সম্পদ অর্পণ না করা পর্যন্ত আমি তোমাকে ছাড়ছি না। এরপর তিনি তাকে কয়েদ করার নির্দেশ দেন এবং উমর ইবন

আবদুল আয়ীয় তার পরিবর্তে জারাহাহ ইব্ন আবদুল্লাহ আল-হাকামীকে খোরাসানের গভর্নর নিয়োগ করে পাঠান। এ সময় ইয়ায়ীদ ইব্ন মুহাম্মাদের ছেলে মুখাল্লাদ ইব্ন ইয়ায়ীদ এসে বলে, হে আমীরুল মু'মিনীন! নিঃসন্দেহে আল্লাহ তা'আলা আপনাকে শাসন কর্তৃত দান করে এই উচ্চতের প্রতি অনুগ্রহ করেছেন। কাজেই আমরা যেন কোন মতেই আপনার কারণে দুর্ভাগ্যের শিকার না হই। কোন অপরাধে আপনি তাকে কয়েদ করে রাখবেন? তার যামিনদার রূপে আপনি কি আমার সাথে সঞ্চি করবেন? উমর বলেন, তার থেকে যা কিছু তলব করা হয়েছে তার সবটুকু আদায় করা ব্যক্তিত আমি তোমার সাথে কোন সঞ্চি করব না। এবং মুসলমানদের যে অর্ধ-সম্পদ তার কাছে রয়েছে তার সবটুকু ছাড়া তার থেকে কোন কিছু গ্রহণ করব না। তখন সে বলে, হে আমীরুল মু'মিনীন! আপনার দাবীর সমক্ষে কোন প্রমাণ থাকলে আপনি তা পেশ করুন, অন্যথায় তার শপথ গ্রহণ করুন কিংবা তার যামিনদার রূপে আমার সাথে সঞ্চি করুন। তিনি বললেন, আমি তো তার কাছে যা কিছু রয়েছে তার সবটুকু ব্যক্তিত গ্রহণ করব না। এরপর মুখাল্লাদ ইব্ন ইয়ায়ীদ উমরের কাছ থেকে বের হয়ে আসে এবং কিছুদিনের মধ্যেই মৃত্যুমুখে পতিত হয়। তাঁর সম্পর্কে উমর ইব্ন আবদুল আয়ীয় বলতেন, সে তার পিতার চেয়ে উন্নত। এরপর এদিকে খলীফা নির্দেশ দিলেন ইয়ায়ীদ ইব্ন মুহাম্মাদকে একটি পশমী জুবৰা পরিয়ে একটি উটে আরোহণ করিয়ে পাপাচারী ও অপরাধীদের নির্বাসনস্থল দাহলিক দ্বীপে নির্বাসিত করতে। তখন লোকেরা তার এই নির্বাসন দণ্ড স্থগিত করার জন্য সুপারিশ করে। তিনি তাকে পুনরায় জেলে ফিরিয়ে দিলেন। ইয়ায়ীদের এই বন্দীদশা বহাল থাকা অবস্থাতেই উমর মৃত্যুমুখে পতিত হন। এ সময় সে জেল থেকে পলায়ন করে। সে জানত, এটাই তার মৃত্যুশ্যায় এবং তা জানাবার জন্যই তার কাছে পত্র লিখেছিল। যেমন একটু পরেই আসছে। আর আমার ধারণা, তার জানা ছিল যে, উমর ইব্ন আবদুল আয়ীয়কে বিষপান করান হয়েছে।

এ বছরেই রমায়ান মাসে এক বছর পাঁচ মাস পর উমর ইব্ন আবদুল আয়ীয় জারাহাহ ইব্ন আবদুল্লাহ আল-হাকামীকে খোরাসানের গভর্নর পদ হতে অপসারণ করেন। তাকে অপসারণ করার কারণ সে নওমুসলিমদের থেকে জিয়্যাহ কর উস্ল করত এবং বলত, তোমরা তো জিয়্যাহ কর হতে আঘাতকার উদ্দেশ্যেই ইসলাম গ্রহণ করেছ। এর ফলে তারা ইসলাম গ্রহণ হতে বিরত থাকে এবং তাদের ধর্মে বহাল থেকে জিয়্যাহ আদায় করতে থাকে। তখন উমর ইব্ন আবদুল আয়ীয় তাকে লিখে পাঠালেন, আল্লাহ তা'আলা মুহাম্মদ সাল্লাল্লাহু আলায়হি ওয়া সাল্লামকে তাঁর দিকে আহ্বানকারীরূপে প্রেরণ করেছেন, কর উস্লুকারীরূপে নয়। এ সময় তিনি তাকে অপসারণ করে তার পরিবর্তে আবদুর রহমান ইব্ন নুআয়ম আল কুশায়রীকে মুদ্দ পরিচালনায় দায়িত্ব এবং আবদুর রহমান ইব্ন আবদুল্লাহকে কর উস্লুর দায়িত্ব ন্যস্ত করেন। এছাড়া এ বছর উমর ইব্ন আবদুল আয়ীয় তার সকল গভর্নর ও শাসকদের ন্যায় ও কল্যাণের নির্দেশ প্রদান করে এবং অন্যায় ও অনিষ্ট হতে নিষেধ করে পত্র প্রেরণ করেন। এতে তিনি তাদের সামনে ন্যায় ও সত্যকে স্পষ্টভাবে তুলে ধরেন। তাঁর ও তাদের মাঝের সম্পর্কের গুরুত্ব ব্যাখ্যা করেন এবং তাদেরকে মহান আল্লাহর শান্তি ও প্রতিকারের ভয় দেখান। আবদুর রহমান ইব্ন নুআয়ম আল-কুশায়রীকে তিনি যে সকল পত্র প্রেরণ করেন তন্মধ্যে উল্লেখযোগ্য একটির ভাষ্য হলো। পর কথা হলো, তুমি আল্লাহর (পরিপূর্ণ অনুগত) বান্দা হয়ে যাও, তাঁর বান্দাদের ব্যাপারে তাঁর জন্য একনিষ্ঠ হিতাকাঙ্ক্ষী হয়ে যাও। আল্লাহর ব্যাপারে কোন ভর্ত্সনাকারীর ভর্ত্সনার পরওয়া করো না। কেননা, সকল মানুষের চেয়ে যথান আল্লাহ তোমার ঘনিষ্ঠতর এবং

তোমার কাছে তাঁর প্রাপ্য অধিকতর। আর তোমাকে মুসলমানদের হিত সাধন এবং তাদের প্রাপ্য হক পূর্ণ করে দেওয়ার উদ্দেশ্যেই তাদের কর্তৃত্ব প্রদান করা হয়েছে। তোমাকে যে আমানত অর্পণ করা হয়েছে তা প্রত্যর্পণ করবে। অসত্য ও অন্যায়ের প্রতি আকৃষ্ট হওয়া হতে সাবধান থাকবে। কেননা, মহান আল্লাহর কাছে কোন কিছু গোপন থাকে না। মহান আল্লাহ হতে বিমুখ হয়ে কোন পথ অবলম্বন করো না। কেননা, মহান আল্লাহর দিকে যাওয়া ছাড়া মহান আল্লাহ হতে বাঁচার কোন আশ্রয়স্থল নেই। এছাড়া তিনিও তার গভর্নরদের কাছে এ জাতীয় বহু উপদেশনামা লিখেন। ইমাম বুখারী তার সহীহ গ্রন্থে বলেন, উমর ইব্ন আবদুল আয়ীফ আদী ইব্ন আদীকে লিখে পাঠালেন, ঈমানের কতক বিধি-বিধান, সীমাবেরখা এবং পথ ও পত্রা রয়েছে। যে ব্যক্তি এসব পূর্ণ করল, সে তার ঈমানকে পূর্ণ করল। আর যে তা পূর্ণ করল না, সে ঈমানও পূর্ণ করল না। মহান আল্লাহ যদি আমাকে হায়াত দেন, তাহলে আমি তোমাদেরকে তা স্পষ্ট করে বর্ণনা করে দিব আর যদি আমি মারা যাই, তাহলে জেনে রাখো আমি তোমাদের সাহচর্যের জন্য লালায়িত নই।

বানু আবাসের খিলাফতের প্রচারণার সূচনা

এ বছরেই বানু আবাসের অনুকূলে খিলাফতের প্রচারণা সূচিত হয়। আশৃশারা ভূখণ্ডে অবস্থানরত মুহাম্মদ ইব্ন আলী ইব্ন আবদুল্লাহ ইব্ন আবাস তার পক্ষ হতে মায়সারাহ নামক এক ব্যক্তিকে ইরাকে প্রেরণ করেন এবং আরেকটি দলে মুহাম্মদ ইব্ন খুন্যাই ও আবু ইকরিমা আসসাররাজ যিনি আবু মুহাম্মদ আস-সাদিক নামেও পরিচিত, ইবরাহীম ইব্ন সালামার মামা হায়ান আল্আতারকে খোরাসানে প্রেরণ করেন। খোরাসানের তৎকালীন শাসক ছিলেন আল-জাররাহ ইব্ন আবদুল্লাহ আল-হাশেমী যদিও তিনি রময়ানে অপসারিত হন। তিনি তার প্রেরিত এই ব্যক্তিদেরকে তার ও তার পরিবারবর্গের দিকে আহ্বানের নির্দেশ দেন। তখন তারা যাদের সাথে সম্ভব সাক্ষাৎ করেন। তারপর তাদের আহ্বানে সাড়া দানকারীদের পত্রসমূহ নিয়ে ইরাকে অবস্থানরত মায়সারার কাছে গমন করে। মায়সারা তখন সে সকল পত্র মুহাম্মদ ইব্ন আলীর কাছে প্রেরণ করেন এবং ইব্ন আলী তাকে শুভ লক্ষণ বিবেচনা করে পুলকিত হন। তাকে এ বিষয়টি আনন্দিত করে যে, মহান আল্লাহ তার এই প্রাথমিক উদ্যোগেকে পূর্ণতা দান করেন এবং প্রাথমিক সিদ্ধান্তকে দৃঢ়তা দান করেন। যার কারণ বানু উমায়্যার শাসন কর্তৃত্বে দুর্বলতা ও অযোগ্যতার চিহ্নসমূহ প্রকট হয়ে দেখা দেয়। বিশেষতঃ হ্যরত উমর ইব্ন আবদুল আয়ীয়ের মৃত্যুর পর। যেমন সামনে তার বিবরণ আসছে।

এদিকে এই কার্যক্রমের জন্য আবু মুহাম্মদ সাদিক, মুহাম্মদ ইব্ন আলীর জন্য দ্বাদশ দৃত নিয়োগ করেন্ত্য। তারা হলেন, সুলায়মান ইব্ন কাছীর আল খুয়াই, লাহিয় ইব্ন কুরায়য আত্তামীয়ী, কাহতাবা ইব্ন শাবীর আত্তাই, মুসা ইব্ন কা'ব আত্তামীয়ী, বানু আমর ইব্ন শায়বান ইব্ন যুহাল-এর সদস্য আবু দাউদ খালিদ ইব্ন ইবরাহীম, কাসিম ইব্ন মুশাই' আত্তামীয়ী আবু মুআয়ত পরিবারের মাওলা আবুন নাজম ইমরান ইব্ন ইসমাইল মালিক ইব্ন হায়ছাম আল খুয়াই, তালহা ইব্ন যুরায়ক গাল খুয়াই, বানু খুয়াআর' মাওলা আবু হাময়াহ আমর ইব্ন আ'য়ান বানু হানীফার মাওলা আবু আলী আল-হারাবী শিবল ইব্ন তাহমান, এবং বানু খুয়াআর আরেকজন মাওলা দুসী ইব্ন আয়ান। এছাড়া তিনি এ কাজের সহযোগী রূপে আরও সউর জন লোক নির্বাচন করেন। এরপর মুহাম্মদ ইব্ন আলী তাদের উদ্দেশ্যে একখানি বিশদপত্র লিখে পাঠান যা ছিল তাদের অনুসরণ ও পথচলার আদর্শ দৃষ্টান্ত এবং পত্রা ও পথনির্দেশ।

এ বছর হজ্জ পরিচালনা করেন পবিত্র মদীনার প্রশাসক আবু বকর ইব্ন মুহাম্মাদ ইব্ন আমর ইব্ন হায়ম। আর অন্যান্য অঞ্চলের প্রশাসকদের কথা এর পূর্ববর্তী বছরের আলোচনায় বর্ণিত হয়েছে। তবে এ বছর যারা প্রশাসক পদ থেকে অপসারিত হয়েছিল বা যারা নতুন দায়িত্ব গ্রহণ করেছিল তাদের কথা ভিন্ন। মহান আল্লাহ সর্বাধিক জানেন। উমর ইব্ন আবদুল আয়ীফ খিলাফতের দায়িত্ব গ্রহণের পর মুসলমানদের স্বার্থে ব্যস্ত থাকায় হজ্জ করতে পারেননি। তবে, তিনি পবিত্র মদীনায় ডাক্দাত পাঠিয়ে তাকে নির্দেশ দিতেন, আমার পক্ষ হতে রাসূলুল্লাহ সাল্লাল্লাহু আলায়হি ওয়া সাল্লামাকে সালাম পৌছে দিও। অচিরেই তা বর্ণনা সৃত্রসহ উল্লিখিত হবে ইনশাআল্লাহ। এ বছরে যে সকল প্রথ্যাত ব্যক্তি ইন্তিকাল করেন তাদের অন্যতম হলেন :

সালিম ইব্ন আবুল জা'দ আলআশজাঈ

তিনি বানু আ'শজা-এর কৃফাবাসী মাওলা, যিয়াদ, আবদুল্লাহ, উবায়দুল্লাহ ইমরান ও মুসলিমের ভাই। ইনি একজন বিশিষ্ট তাবেয়ী। ইনি হ্যরত ছাওবান, জাবির, আবদুল্লাহ ইব্ন উমর, আবদুল্লাহ ইব্ন আমর, নুমান ইব্ন বাশীর ও অন্যান্যদের থেকে হাদীস রিওয়ায়াত করেছেন। আর তার থেকে রিওয়ায়াত করেছেন কাতাদাহ আ'মাশ প্রমুখগণ। আর তিনি বিশিষ্ট গুণী অভিজাত ও আস্ত্রাভাজন ব্যক্তি।

আবু উমামা সাহল ইব্ন হানীফ^২

তিনি বানু আওস গোত্রের সদস্য পবিত্র মদীনাবাসী এবং আনসারী। ইনি নবী করীম সাল্লাল্লাহু আলায়হি ওয়া সাল্লামার মদীনা তায়িবাতে অবস্থানকালে জন্মগ্রহণ করেন এবং তাঁর দর্শন লাভ করেন। তিনি হাদীস রিওয়ায়াত করেছেন তার পিতা সাহল ইব্ন হানীফ হতে এবং হ্যরত উমর, উচ্ছমান, যায়দ ইব্ন ছবিত, মুআবিয়া ও ইব্ন আববাস (রা) হতে। আর তার থেকে হাদীস রিওয়ায়াত করেছেন ইমাম যুহরী, আবু হাযিম এবং আরও একদল রাবী। তার সম্পর্কে ইমাম যুহরী বলেন, তিনি নেতৃত্বান্বিত আনসার আলিমগণের অন্যতম এবং বদরযুদ্ধে অংশ গ্রহণকারী সাহবীর সন্তান। ইয়সুফ ইব্ন মাজিশুন বর্ণনা করেন উত্বাহ ইব্ন মুসলিম হতে। তিনি বলেন, হ্যরত উচ্ছমান ইব্ন আফফান (রা) যখন সর্বশেষ বার জুম্মার নামায়ের উদ্দেশ্যে বের হলেন, তখন লোকেরা (বিদ্রোহীরা) তাকে বেষ্টন করে নামায পড়াতে দিল না। নামায পড়ালেন আবু উমামা সাহল ইব্ন হানীফ, ঐতিহাসিকগণ বলেন, তিনি একশ' হিজরীতে ইন্তিকাল করেন। মহান আল্লাহ সর্বাধিক জানেন।

১. আত্তারীখ আস্সগীর ১/২১১, ২১২, আত্তারীখ আলকাবীর ৪/১০৭, তারীখুল ইসলাম ৩/৩৬৯, তাহফীরুত তাহফীর ৩/৪৩২, তাহফীরুল কামাল ৪৬০, আল-জারহ ওয়াত তাদীল ৪/১৮১, খুলাসাতু তাহফীরুল কামাল ১৩১ শাজারাতুয় যাহাব ১/১১৮, তাবাকাতু ইব্ন সা'দ ৬/২৯১, তাবাকাতু খালীফা ১৫৬, আল-ইবার-১৮৯/৯।
২. আল-ইসাবা ৪/৯, আলই-সতীআব ৮২, উসদুল গাবাহ ৩/৪৭০, তারীখুল ইসলাম ৪/৭১, তাহফীরুত তাহফীর ১/২৬৩, তাহফীরু ইব্ন আসাকির ৩/৭, খুলাসা তাহফীরুল কামাল ৩৮, তাবাকাতু ইব্ন সা'দ ৬/৮২, তাবাকাতু খালীফা ৬৫৪-২১৭৬ আল-ইবার ১/১১৮, মিরআতুয়-যামান ১/২০৭, আলমা'রিফা ওয়াত তারীখ ১/৩৭৫, মাশাহীরু উলামা আল-আমসার ১৩৯।

আবৃষ্য যাহিরিয়াহু হৃদায়র ইব্ন কুরায়ব আল হিসাসী১

তিনি একজন বিশিষ্ট তাবিং। তিনি আবৃ উমামা সুদা ইব্ন আজলান ও আবদুল্লাহ ইব্ন বুসর হতে হাদীস শুনেছেন। বলা হয়, তিনি সাহাবী হযরত আবুদ দারদা'র সাক্ষাৎ পেয়েছেন। তবে বিশুদ্ধ মত হলো হযরত আবুদ দারদা' ও হৃয়ায়ফাহু সূত্রে তার রিওয়ায়াত মুরসাল। তার শহরের একদল রাবী তার থেকে হাদীস রিওয়ায়াত করেছেন। আর ইব্ন মুজিন ও অন্যান্য হাদীস সমালোচকগণ তাকে নির্ভরযোগ্য আখ্য দিয়েছেন। শিহাৰ ইব্ন খিরাশ সূত্রে আবৃয় যাহিরিয়াহু হতে কৃতায়বাহ যে রিওয়ায়াত করেছেন তাই তার সূত্রে বর্ণিত সবচেয়ে গুরীব (অঙ্গুত) রিওয়ায়াত। তিনি বলেন, একবার আমি বায়তুল মাক্দিসের সাখরাতে তন্ত্রাচ্ছন্ন হলাম ইত্যবসরে মসজিদের তত্ত্বাবধায়কগণ এসে আমাকে ভিতরে রেখে দরবাৰ বক্ষ করে দিল। এরপর ফেরেশতাদের তাসবীহ শুনে আমি জেগে উঠলাম এবং আতঙ্কে লাফ দিলাম।

আমি তখন দেখতে পেলাম ফেরেশতারা সারিবন্ধভাবে দণ্ডয়মান, এরপর আমি তাদের সারিতে ঢুকে গেলাম। আবৃ উবায়দাহু ও অন্যরা বলেন, ইনি একশ' হিজৰীতে ইন্তিকাল করেন।

আবৃত্ত-তুফায়ল আমির ইব্ন ওয়াছিলাহ২

ইব্ন আবদুল্লাহ ইব্ন আমির আল-লায়ছী আল-কিনানী। ইনি সাহাবী এবং সর্বসম্মতিক্রমে নবী সাল্লাল্লাহু আলায়হি ওয়া সাল্লামাকে দেখা মৃত্যুবরণকারী সর্বশেষ ব্যক্তি। তিনি বলেন, আমি নবী কুরীম সাল্লাল্লাহু আলায়হি ওয়া সাল্লামাকে তার বাঁকামাথা বিশিষ্ট লাঠি দিয়ে ঝুকনে কা'বা' স্পর্শ করতে দেখেছি। এছাড়া তিনি নবী পাকের দৈহিক বিবরণ উল্লেখ করেছেন এবং হযরত আবৃ বাকর, উমর, আলী, মুআয় ও ইব্ন মাসউদ হতে হাদীস রিওয়ায়াত করেছেন। আর তার থেকে হাদীস রিওয়ায়াত করেছেন যুহুরী, কাতাদা, আমির ইব্ন দীনার, আবৃয়ুবায়র এবং তাবিংডের একটি দল।

তিনি ছিলেন হযরত আলীর সমর্থক ও সহযোগী। তাঁর সাহচর্যে তিনি তার সকল যুদ্ধে অংশগ্রহণ করেন। কিন্তু মুখ্যতার ইব্ন আবৃ উবায়দের সাহচর্য অবলম্বনের কারণে কেউ কেউ তার সমালোচনা করেছে। বলা হয় তিনি তার বাণিজ্যিক ছিলেন। বর্ণিত আছে, হযরত আলীর শাহাদতের পর তিনি একবার হযরত মুআবিয়ার সাক্ষাতে প্রবেশ করলেন। তখন মুআবিয়া তাকে প্রশ্ন করলেন, আলীকে হারানোর পর তুমি কেমন দৃঢ়খ পেয়েছো? তিনি বলেন, নিঃস্ব

১. আততারীখুস সৌর ৩০১, তারীখুল ইসলাম ৫/১৯৪, তারীখুল বুখারী ৯৮/৩ তারীখুল ফাসারী ২/৪৪৮, ৩/২০৩, তাহফীবুত তাহফীব ২/২১৮, তাহফীব ইব্ন আসাকির ৪/৯৩,-৯৫, তাহফীবুল কামাল ২৪১, আল-জারহ ওয়াত তাদীল ৩/২৯৫, হিলইয়াতুল আওলিয়া ৬/১০০, খুলাসাতু তাহফীবুল কামাল ৯৭, তাবাকাতুল খলীফা ৩১১।
২. আল-ইসাবা ৪/১১৩, আল ইসতীআব ১৩৪৪, উসদুল গাবা ৩/১৪৫,-৬/২৭৯, তারীখুল বুখারী ৬/৪৪৬, তারীখে বাগদাদ ১/১৯৮, তাহফীব ইব্ন আসাকির ৭/২০৩, তাহফীবুল কামাল ৬৪৭, ১৬২৩, আলজারহ ওয়াত তাদীল ৬/৩২৮, জামহারাতু আনসাবুল আরব ১৮৩, আলজামউ বায়না রিজালীস সহাইয়ান ১/৩৭৮, খায়ানাতুল আদাব ৪/৪১, ২/৯১, খুলাসাতু তাহফীবুল কামাল ১৫৭, শাজারাতুয় যাহাব ১/১১৮, তাবাকাতু ইব্ন সাদ ৫/৪৫৭, ৬/৬৪, তাবাকাতু খলীফা ১৭৬, ৮৪১, ২৫১৯, আল-ইবার ১/১১৮, ১৩৬, আল-ইকদুছ ছামীন ৫/৮৭, মিরআতুল জিনান ১১/২০৭, আলমুসতাদরাক ৩/৬১৮।

বৃক্ষ ও অক্ষম বৃক্ষের শোক। তিনি বলেন, তার প্রতি তোমার ভালবাসা কেমন? উত্তরে আবু তুফায়ল বলেন, যেমন ভালবাসা ছিল হ্যরত মুসা (আ)-এর মায়ের তাঁর প্রতি। আর আমি মহান আল্লাহর কাছেই অবহেলার অনুযোগ করছি।^১ বলা হয়, তিনি নবী করীম সাল্লাল্লাহু আলায়হি ওয়া সাল্লামকে আট বছর পেয়েছেন এবং একশ' হিজরীতে মৃত্যুবরণ করেন। কারও মতে একশ' সাত হিজরীতে। সঠিক বিষয় মহান আল্লাহ জানেন। তার ব্যাপারে মন্তব্য করে ঐতিহাসিক মাসলামাহ ইব্ন হাজাজ বলেন, সর্বমতে তিনি সর্বশেষে মৃত্যুমুখে পতিত সাহাবী। আর তিনি ইন্তিকাল করেন একশ' হিজরীতে।

আবু উচ্চমান আন্ন নাহদী১

তাঁর নাম আবদুর রহমান ইব্ন মুল আল-বাসরী। তিনি জাহিলিয়াতের যুগ পেয়েছিলেন এবং জাহিলিয়াতে দু'বার হজ্জ করেন। আর নবী করীম সাল্লাল্লাহু আলায়হি ওয়া সাল্লামের সময়ে ইসলাম গ্রহণ করেন। তবে তাঁর দর্শন লাভ করেননি। নবী পাকের হায়াতে তাঁর নিয়োজিত যাকাত উসুলকারীদের কাছে তিনি তিনি বছর যাকাত আদায় করেন। হাদীস শাস্ত্রবিদগণের পরিভাষায় এ ধরনের [অর্থাৎ জাহিলিয়া ও ইসলামী যুগ উভয়ের সাক্ষী] ব্যক্তিকে মুখ্যারিম বলা হয়। হ্যরত উমর ইব্ন খাতাব (রা)-এর খিলাফতকালে তিনি পবিত্র মদীনায় হিজরত করেন। তারপর তাঁর থেকে এবং হ্যরত আলী ইব্ন মাসউদ ও আরও অনেক সাহাবা থেকে হাদীস শ্রবণ করেন। এছাড়া তিনি দীর্ঘ বার বছর হ্যরত সালমান ফারিসীর (রা) সাহচর্যে অবস্থান করেন। এমনকি, তাকে দাফনও করেন। তার থেকে একাধিক তাবিস ও অন্যগণ হাদীস রিওয়ায়াত করেন। তন্মধ্যে অন্যতম হলেন, আয়ুব, হ্যায়দ আত্তাবীল, সুলায়মান ইব্ন তিররিখান আত্তায়মী।

আসিম আল আহওয়াল বলেন, আমি তাকে (আবু উচ্চমানকে) বলতে শুনেছি, আমি জাহিলিয়াতের প্রতিমা ইয়ানুসের সাক্ষাৎ পেয়েছি। এটা ছিল সীসা নির্মিত প্রতিমা বিশেষ যাকে একটি হাওদাবিহীন নর উটের পিঠে বহন করা হত। উটটি যখন তাকে নিয়ে কোন উপত্যকায় পৌছে বসে যেত। তখন তারা বলত, তোমাদের প্রতিপালক তোমাদের জন্য এই উপত্যকা মনোনীত করেছেন এবং এরপর তারা সেখানে অবস্থান করত। আসিম বলেন, একবার তাকে প্রশ্ন করা হলো, আপনি কি নবী করীম সাল্লাল্লাহু আলায়হি ওয়া সাল্লামকে পেয়েছেন? তখন আমি তাকে বলতে শুনলাম, হ্যাঁ, আমি তার সময়ে ইসলাম গ্রহণ করেছি এবং তাঁর (উসুলকারীদের) কাছে তিনবার যাকাত আদায় করেছি। কিন্তু তাঁর সাক্ষাৎ লাভ করিনি। আর পরবর্তীকালে আমি ইয়ারমূক, কাদিসিয়া, জালুলাহ ও নাহাওয়ানদের যুদ্ধে শরীক হয়েছি। আবু উচ্চমান দিনে রোয়া রাখতেন এবং রাত্রিকালে নামায পড়তেন। আর এ দুটি আমল তিনি নিরবচ্ছিন্নভাবে করতেন- কখনও তরক করতেন না। এত অধিক নামায পড়তেন যে মাঝে মাঝে তিনি চেতনা হারাতেন। তিনি সর্বমোট আটবার হজ্জ ও উমরাহ করেন। সুলায়মান আত্তায়মী বলেন, আমার তো মনে হয় না তার কোন পাপ করার সুযোগ ছিল। কেননা, তার দিন কাটিত রোয়া রেখে আর রাত কাটিত নামায পড়ে। কেউ কেউ বলেন, আমি

১. আল-ইসাবা ৬৩৭৯, আল ইসতীআব ১৪৬১, উসদুল গাবা ৩/৩২৪, তারীখুল ইসলাম ৪/৮২, তারীখে বাগদাদ ১০/২০২, তায়কিরাতুল হুক্ফায ১/৬১, তাহ্যীবুত্ত তাহ্যীব ৬/২৭৭ তাহ্যীবুল কামাল ৬৩২, আলজারহ ওয়াত্তাদীল ২য় অংশ ২য় ভলিউম ৩৮৩, খুলাসাতু তাহ্যীবুত্তাহীব ২৩৫, শাজারাতুয যাহাব ১/১১৮, তাবাকাতু ইব্ন সাদ ৭/৯৭, তাবাকাতুল হুন্নাত, (সুয়তী রচিত) ২৫, ২৬, তাবাকাতু খালীফা ১৬৭, আল ইবার ১/১১৯, আলমাআরিফ ৪২৬, ১ম অংশ ২য় খণ্ড ৭৯।

আবু উচ্চমান আন-নাহদীকে বলতে শুনেছি, আমার বয়স একশ' তিরিশ বছর হয়েছে। এ সময়ের মাঝে আমি সবকিছুকে পরিবর্তিত হতে দেখেছি শুধু আমার আশা-আকাঙ্ক্ষা ব্যতিক্রম। আমি তাকে অপরিবর্তিত পেয়েছি। ছবিত আল বুনানী বলেন, আবু উচ্চমান সূত্রে, তিনি বলেন, আমি এ সময়ের কথা জানি, যখন আমার রব আমাকে স্মরণ করেন। বর্ণনাকারী বলেন, কিভাবে আপনি তা জানেন? তখন তিনি বলেন, আল্লাহ্ তা'আলা তো বলেছেন: **فَإِذْكُرْنِيْ أَذْكُرْكُمْ** 'তোমরা আমাকে স্মরণ কর, তাহলে আমিও তোমাদেরকে স্মরণ করব।' ২:১৫২

কাজেই, আমি যখন আল্লাহকে স্মরণ করি, তখন তিনিও আমাকে স্মরণ করেন। বর্ণনাকারী বলেন, আমরা যখন মহান আল্লাহর কাছে দু'আ করতাম, তখন তিনি বলতেন, আল্লাহর কসম! মহান আল্লাহ্ আমাদের দু'আ করুল করেছেন। আল্লাহ্ তা'আলা বলেন:

وَقَالَ رَبُّكُمْ ادْعُونِيْ أَسْتَجِبْ لَكُمْ -আর তোমাদের রব ইরশাদ করেন, তোমরা আমাকে ডাক আমি তোমাদের ডাকে সাড়া দিব।

এ বছরেই আবদুল মালিক ইব্ন উমর-ইব্ন আবদুল আয়ীয়ে মৃত্যুমুখে পতিত হন। ইবাদত-বন্দেগী এবং লোক সংসর্গ বর্জনে তিনি তার পিতাকেও ছাড়িয়ে যান। তার সাথে তার পিতার অনেক উন্নত আলোচনা এবং উপদেশমালা সংরক্ষিত আছে।

১০১ হিজরীর সূচনা

এ বছরেই ইয়ায়ীদ ইব্ন মুহাম্মাদ জেলখানা ইত্তে পলায়ন করে যখন তার কাছে উমর ইব্ন আবদুল আয়ীয়ের মৃত্যুশয্যা গ্রহণের সংবাদ পৌছে। গোপনে সে তার অনুচরদের কোন এক স্থানে অশ্বদলসহ তার সাক্ষাতের জন্য অপেক্ষা করতে বলে, কারও মতে উট দলসহ। তারপর সে সুযোগ বুঝে জেলখানা থেকে পলায়ন করে আর এ সময় তার সাথে একটি দল এবং তার স্ত্রী আতিকা বিন্ত ফুরাত আল আমিরিয়া ছিল। সে যখন তার অনুচরদের কাছে পৌছে গেল, তখন তার নির্ধারিত বাহনে আরোহণ করে-রওয়ানা হয়ে গেল। এ সময় সে উমর ইব্ন আবদুল আয়ীয়ের নামে একটি পত্র লিখল- আল্লাহর কসম! আপনার মৃত্যুশয্যার খবর নিশ্চিতভাবে জানার পরই আমি জেলখানা থেকে বের হয়েছি। আমি যদি আপনার জীবিত থাকার আশা করতাম, তাহলে জেলখানা থেকে বের হতাম না। কিন্তু আমি (আপনার পরবর্তী খলীফা) ইয়ায়ীদ ইব্ন আবদুল মালিককে ভয় করি। তিনি আমাকে হত্যার হয়কি দিয়েছেন। ইয়ায়ীদ ইব্ন আবদুল মালিক বলতেন, আমি যদি খলীফা হই, তাহলে ইয়ায়ীদ ইব্ন মুহাম্মাদের কোন না কোন অঙ্গ-প্রত্যঙ্গ কেটে দিব। আর এর কারণ হলো, ইব্ন মুহাম্মাদ যখন ইরাকের গভর্নর নিযুক্ত হয়েছিল তখন সে ইয়ায়ীদ ইব্ন আবদুল মালিকের শুশুরকুল আকীল পরিবারকে শাস্তি দিয়েছিল। এরা হলো হাজ্জাজ ইব্ন ইউসুফের পরিবার। ইয়ায়ীদ ইব্ন আবদুল মালিক মুহাম্মাদ ইব্ন ইউসুফের কন্যাকে বিবাহ করেছিলেন, তার নিহত ফাসিক ছেলে ওয়ালীদ ইব্ন ইয়ায়ীদ এ স্ত্রীরই গর্ভজাত সন্তান যেমনটি সামনে আসছে। হ্যরত উমর ইব্ন আবদুল আয়ীয়ের কাছে যখন এ সংবাদ পৌছল যে, ইব্ন মুহাম্মাদ জেলখানা হতে পালিয়েছে, তখন তিনি এই বলে দু'আ করলেন, হে আল্লাহ! সে যদি এই উষ্টরের কোন অনিষ্ট চায়, তাহলে আপনি তাদেরকে তার অনিষ্ট থেকে রক্ষা করবন এবং তার চক্রান্তকে তারই বিরুদ্ধে কার্যকর করুন। এরপর উমর ইব্ন আবদুল আয়ীয়ের অবস্থার ক্রমাবন্তি হতে থাকে এবং অবশেষে তিনি হামা ও হালবের মধ্যবর্তী দায়ির সামাজিক খানাসারা নামক স্থানে শুক্রবার দিন ইন্তিকাল করেন। কারো কারো মতে বুধবার। এটা ছিল এ বছরের অর্থাৎ একশ' এক হিজরীর রজব মাসের পঁচিশ তারিখ। আর এ সময় তাঁর বয়স ছিল উনচল্লিশ বছর কয়েক মাস। কারো কারো মতে চলিশ বছর কয়েক মাস। মহান আল্লাহ্ অধিক জানেন।

একাধিক ঐতিহাসিক যেমন উল্লেখ করেছেন, সে মতে তার খিলাফতকাল ছিল দুই বছর পাঁচ মাস, চার দিন। আর তিনি ছিলেন ন্যায়পরায়ণ শাসক ও বিচারক এবং আল্লাহভীরু ও ধর্মপ্রাণ ব্যক্তি। মহান আল্লাহর ব্যাপারে (তাঁর বিধি-বিধান কার্যকরণে) কোন ভর্তসনাকারীর ভর্তসনার পরওয়া তিনি করতেন না। আল্লাহ তা'আলা তাকে রহম করুন।

খলীফা উমর ইবন আবদুল আয়ীয়ের জীবনী^১

তিনি উমর ইবন আবদুল আয়ীয় ইবন মারওয়ান ইবনুল হাকাম ইবন আবুল আস ইবন উমায়্যাহ ইবন আবদ শামস ইবন আবদ মানাফ, আবু হাফস আল কুরাশী আল উমাৰী। যিনি আমীরুল মু'মিনীন উপাধিতে ভূষিত ছিলেন। তার মা উম্ম আসিম লায়লা, যিনি আসিম ইবন উমর ইবনুল খাতুর্ব (রা)-এর কন্যা। তাকে বানু মারওয়ানের আশাঞ্জু বলা হত। একথা প্রচলিত ছিল, আশাঞ্জ এবং নাকিস হলো বানু মারওয়ানের সবচেয়ে ন্যায়পরায়ণ। আর ইনিই হলেন সেই আশাঞ্জ। আর নাকিসের আলোচনা অচিরেই আসছে। উমর ইবন আবদুল আয়ীয় বিশিষ্ট তাবিস্ত। তিনি হাদীস রিওয়ায়াত করেছেন আনাস ইবন মালিক ছায়িব ইবন ইয়ায়ীদ এবং ইউসুফ ইবন আবদুল্লাহ ইবন সালাম হতে। আর এই ইউসুফ অল্প বয়স্ক সাহাবী। এছাড়া তিনি বহু বিশিষ্ট তাবিস্ত হতেও হাদীস রিওয়ায়াত করেছেন।

অন্দুপ তার থেকেও তাবিস্তগণের একদল এবং অন্যগণ হাদীস রিওয়ায়াত করেছেন। ইমাম আহমদ ইবন হাব্বল (র) বলেন, একমাত্র উমর ইবন আবদুল আয়ীয় (র) ব্যতীত অন্য কোন তাবিস্তের কথাকে আমি প্রমাণন্তরে গণ্য করি না। তাঁর চাচাতো ভাই খলীফা সুলায়মান ইবন আবদুল মালিকের পর তারই নির্দেশ মুতাবেক তার খিলাফতের অনুকূলে বায়আত গ্রহণ করা হয় যেমনটি ইতোপূর্বে বর্ণিত হয়েছে। বলা হয়, তিনি জন্মগ্রহণ করেন একবষ্টি হিজরীতে। আর এটাই সেই বছর যে বছর হ্যরত হুসাইন ইবন আলী মিসরে নিহত হন। একাধিক ঐতিহাসিক এই মত ব্যক্ত করেছেন। মুহাম্মদ ইবন সাদ বলেন, তিনি জন্মগ্রহণ করেন তেষটি হিজরীতে, কারো মতে উনষাঠ হিজরীতে, সর্বাধিক জানেন মহান আল্লাহ। তাঁর একদল ভাই ছিল, তবে তার সহোদর ভাই হলেন আবু বাকর, আসিম ও মুহাম্মদ। আবু বাকর ইবন আবু খায়ছাম, বলেন, ইয়াহুয়া ইবন মুঙ্গেন, ইয়াহুয়া ইবন বুকায়র, লায়ছ হতে। তিনি বলেন, আমার কাছে পৌঁছেছে যে, ইমরান ইবন আবদুর রহমান ইবন শুরাহবীল ইবন হাসান বর্ণনা করতেন যে, এক ব্যক্তি উমর ইবন আবদুল আয়ীয় যে রাত্রে জন্মগ্রহণ করেন, সে রাত্রে অথবা যে রাত্রে খিলাফতের দায়িত্ব গ্রহণ করেন, সে রাত্রে স্বপ্ন দেখল যে, আসমান ও যমীনের মধ্যবর্তী স্থানে জনেক ঘোষক ঘোষণা করছে, তোমাদের কাছে কোমলস্বভাব ধর্মপরায়ণ ব্যক্তির আবির্ভাব ঘটেছে এবং মুসল্লীগণের মাঝে নেক আমল প্রকাশের সময় এসেছে। আমি প্রশ্ন করলাম, তিনি কে? সেই ঘোষক অবতরণ করে এবং মাটিতে ^২ - ম - র এই তিনটি হরফ লিখে।

১. ইবনুল আছীর ৫/৬৬, ৮৫, আল আগানী ৯/২৫৪, আত্তারীখুল কাবীর ৬/১৭৪, তারীখুল ইসলাম ৮/১৬৪, তারীখুল খুলাফা ২২৮, তারীখুল খালীফা ৩২১-৩২২, তারীখুল ফাসাবী ১/৫৬৮, তাহ্যীবুত্তাহ্যীব ৩/২,৮৮; তায়কিরাতুল হফ্ফাম ১/১১৮, তাহ্যীবুত্তাহ্যীব ৭/৪৭৫, তাহ্যীবুল কামাল ১০১৭, আল জারহ ওয়াত্তাদীল ৬/১২২, হিলইয়াতুল আগলিয়া ৫/২৫৩ খুলাসাতু তাহ্যীবুত্ত তাহ্যীব ২৮৪। আজারী সংকলিত উমর ইবন আবদুল আয়ীয়ের জীবন চরিত এবং ইবনুল জাওয়ী সংকলিত তাঁর জীবন চরিত দ্রষ্টব্য।
২. মাথায়, মুখমণ্ডলে বা কপালে ক্ষত (চিহ্ন) রয়েছে যার।

আদম ইব্ন ইয়াস আমাদেরকে উমর ইব্ন আবদুল আয়ীয়ের মাওলা আবু আলী ছারওয়ান হতে বর্ণনা করেছেন। তিনি বলেন, (একবার) উমর ইব্ন আবদুল আয়ীয় তার পিতার আন্তর্বলে প্রবেশ করলেন। একটি ঘোড়ার আঘাতে তার মাথায় ক্ষত সৃষ্টি হল। তার পিতা তার রক্ত মুছে দিয়ে বলতে লাগলেন, যদি তুমি বনী উমায়ার 'আশাজ' হয়ে থাক তাহলে তুমি সৌভাগ্যবান। হাফিয় ইব্ন আসাকির তা রিওয়ায়াত করেন, হাজ্রন ইব্ন মারফু' সূত্রে যামরার উদ্ধৃতিতে। নাসির ইব্ন হাসাদ বর্ণনা করেন যিমাম ইব্ন ইসমাঈল সূত্রে আবু কুবায়ল হতে যে, (একবার) শৈশবে উমর ইব্ন আবদুল আয়ীয় কাঁদতে লাগলেন। তার মাঝের কাছে এ সংবাদ পৌছল। তিনি লোক পাঠিয়ে তাকে ডেকে জিজ্ঞাসা করলেন, তুমি কাঁদছ কেন? তিনি বললেন, আমার মৃত্যুর কথা স্মরণ করে। তার এ উত্তর শুনে তার আশ্চর্য কেঁদে ফেললেন। শৈশবেই তিনি কুরআন হিন্দ্য সম্পন্ন করেন। যাহ্হাক ইব্ন উছমান আল-খিয়ামী বলেন, শিক্ষাদীক্ষার জন্য তাঁর পিতা তাকে সালিহ ইব্ন কায়সানের হাতে সোপর্দ করেন। তারপর তাঁর পিতা আবদুল আয়ীয় যখন হজ্জ করেন, তখন পবিত্র মদীনায় তার সাথে সাক্ষাৎ হয়। এ সময় তিনি তাকে ছেলের অবস্থা সম্পর্কে জিজ্ঞাসা করেন, সালিহ বলেন, আমি (এ পর্যন্ত) এমন কাউকে দেখিনি যার অন্তরে মহান আল্লাহর শ্রেষ্ঠত্ব এই বালকের অন্তরের চেয়ে অধিক বদ্ধমূল। ইয়া'কুব ইব্ন সুফিয়ান বলেন, একদিন উমর ইব্ন আবদুল আয়ীয় জামাআতের নামায থেকে পিছিয়ে পড়লেন। তখন তাঁর শিক্ষক সালিহ ইব্ন কায়সান তাকে জিজ্ঞাসা করলেন, তুমি কিসে ব্যস্ত ছিলে? তখন তিনি বলেন, আমার কেশবিন্যাসকারিণী আমার কেশ পরিচর্যা করছিল। তিনি তাকে বললেন, তোমার কাছে এর গুরুত্ব কি নামাযের চেয়ে বেশী হয়ে গেল। এরপর তিনি তাঁর পিতাকে বিষয়টি অবহিত করে পত্র লিখলেন- উল্লেখ্য এ সময় তিনি মিসরের শাসনকর্তা ছিলেন। তাঁর পিতা একজন দৃত প্রেরণ করলেন, যে এসে তাঁর সাথে কোন কথা না বলে তাঁর মাথার ছুল চেঁচে দিল। উমর ইব্ন আবদুল আয়ীয় হাদীস শ্রবণ করতে উবায়দুল্লাহ ইব্ন আবদুল্লাহর দরসে প্রায়শই যেতেন। এসময় উবায়দুল্লাহর কাছে একথা পৌছল যে, তিনি হ্যরত আলীর সমালোচনা করেন। এরপর যখন উমর আসলেন, তখন উবায়দুল্লাহ তাকে এড়িয়ে নামাযে দাঁড়িয়ে গেলেন। উমর বসে তাঁর অপেক্ষা করতে লাগলেন। সালাম ফিরিয়ে তিনি রাগতভাবে উমরের দিকে মনোনিবেশ করে বলেন, তোমার কাছে করে এ তথ্য পৌছেছে যে, সন্তুষ্ট হওয়ার পর আল্লাহ তা'আলা বদর যোদ্ধাদের প্রতি অসন্তুষ্ট হয়েছেন। বর্ণনাকারী বলেন, উমর তাঁর উদ্দেশ্য বুঝতে পেরে বলেন, আমি প্রথমত মহান আল্লাহর দরবারে তাঁরপর আপনার কাছে ওয়রখাহী করছি। আল্লাহর কসম, আমি এর পুনরাবৃত্তি ঘটাব না। বর্ণনাকারী বলেন, এরপর হতে তাকে কখনও হ্যরত আলী সম্পর্কে ভাল ছাড়া মন্দ কোন আলোচনা করতে শোনা যায়নি। আবু বাকর ইব্ন আবু খায়ছামা বর্ণনা করেন, তাঁর পিতার সূত্রে ... দাউদ ইব্ন আবু হিন্দ হতে তিনি বলেন, একবার উমর ইব্ন আবদুল আয়ীয় এই দরয়া দিয়ে এসময় তিনি মসজিদে নববীর একটি দরয়ার দিকে ইঙ্গিত করলেন- আমাদের কাছে প্রবেশ করলেন। উপস্থিত লোকদের এক ব্যক্তি বলল, ফাসিক (আবদুল আয়ীয়) আমাদের কাছে তাঁর এই ছেলেকে পাঠিয়েছে ফারাইয ও সুনান শিখতে, তাঁর দাবী হলো তাঁর এই ছেলে খলীফা হয়ে উমর ইব্নুল খান্দাবের পক্ষে অনুসরণ করার পূর্বে ইন্তিকাল করবে না। দাউদ বলেন, আল্লাহর কসম, তাঁর মৃত্যুর পূর্বে আমরা তাঁর মাঝে এর বাস্তবায়ন প্রত্যক্ষ করেছি।

যুবায়র ইব্ন বাক্কার বলেন, আমাকে আতাবী বর্ণনা করেছেন। তিনি বলেন, উমর ইব্ন আবদুল আয়ীয়ের মাঝে সর্বপ্রথম যে সুবোধ ও ভাল দিক প্রকাশ পেয়েছিল তা হলো ইল্ম ও

আদবের প্রতি তার আগ্রহ ও আসক্তি। তার বয়ঃসন্ধিক্ষণে তার পিতা যখন মিসরের শাসক নিযুক্ত হন, তিনি তাকে শাম হতে নিজের সাহচর্যে মিসরে নিয়ে যেতে চাইলেন। তিনি বললেন, আবরাজান, এছাড়া অন্য কিছু কি আপনি অনুমোদন করবেন? যা আমার ও আপনা উভয়ের জন্য অধিক উপকারী হবে? তার পিতা বললেন, তা কি? তিনি বললেন, আপনি আমাকে পবিত্র মদীনায় প্রেরণ করুন। সেখানে গিয়ে আমি ফরীহদের দরসে শরীক হব এবং তাদের থেকে ইলম ও আদব শিক্ষা করব। তার এ প্রস্তাব শুনে পিতা তাকে পবিত্র মদীনায় পাঠিয়ে দিলেন এবং তার সেবা-যত্ত্বের জন্য সেবক অনুচরদের একটি দলও সাথে পাঠালেন। এসময় তিনি প্রজ্ঞাবান ও প্রবীণ কুরায়শদের সাহচর্যে থাকতেন এবং তাদের নবীন ও তরুণদের এড়িয়ে চলতেন। এভাবে তিনি পবিত্র মদীনায় অবস্থান করতে থাকলেন। এমনকি, তার সুখ্যাতি ছড়িয়ে পড়ল। এরপর যখন তার পিতা মৃত্যুবরণ করেন, তখন তার চাচা আমীরুল মু'মিনীন আবদুল মালিক ইব্ন মারওয়ান তার নিজ ছেলেদের সাথে একাত্ম করে নিলেন এবং তাদের অনেকের চেয়ে অনেক বিষয়ে তাকে অধ্যাধিকার দিলেন এবং তার কাছে নিজ কন্যা ফাতিমার বিবাহ দিলেন যার ব্যাপারেই কবি বলেছেন :

بنتُ الْخَلِيفَةِ وَالْخَلِيفَةُ جَدُّهَا * أَخْتُ الْخَلَائِفَ وَالْخَلِيفَةُ زَوْجُهَا

‘তার বাপ খলীফা দাদা খলীফা, খলীফা তার ভাইগণ এবং পতিও।’

বর্ণনাকারী বলেন, তিনি ছাড়া আর কোন নারী আজ পর্যন্ত এই গুণে গুণাবিত হতে পেরেছেন বলে আমাদের জানা নেই।

আতাবী বলেন, নিরবচ্ছিন্ন আরামপ্রিয়তা, এবং গর্বিত ভঙ্গিতে হাঁটা ব্যতীত উমর ইব্ন আবদুল আয়ীয়ের হিংসুকদের সমালোচনার কিছুই নেই। (আর তাও খিলাফত পূর্বকালে)। আহনাফ ইব্ন কায়স বলেন, পরিপূর্ণ গুণবান ঐ ব্যক্তি যার খ্লেনসমূহ গণনা করা যায়। কেননা, খ্লেনের সংখ্যা কম হলেই তা গণনা করা যায়। আমাদের জানা মতে উমর ইব্ন আবদুল আয়ীয়ও তার ভাইগণ তাদের বাপ হতে যে অর্থ-সম্পদ, দ্রব্যসামগ্ৰী, বাহন ইত্যাদির উত্তরাধিকার লাভ করেছিলেন, তা অন্য কেউ লাভ করেনি। যেমন পূর্বে বর্ণিত হয়েছে। একদিন তিনি ঝুঁকে ঝুঁকে হেঁটে তার চাচা আবদুল মালিকের সাক্ষাতে গেলেন। তিনি বললেন, হে উমর, তোমার কী হয়েছে তুমি এমন অস্বাভাবিক ভাবে হাঁটছো! তিনি বললেন, আমি আহত। তিনি বললেন, তোমার শরীরের কোন অংশে আঘাত। তিনি বললেন, আমার উরু সঞ্চিত্তলে। তখন আবদুল মালিক ঝুহ ইব্ন যানবা^১কে বললেন, আল্লাহর কসম! তোমার বংশের কোন ব্যক্তি যদি এ সম্পর্কে জিজ্ঞাসিত হতো তাহলে একপ জবাব দিতে পারত না। বর্ণনাকারীরা বলেন, তার চাচা আবদুল মালিক যখন মারা যান, তখন তিনি সন্তুর দিন তার পরিধেয় কাপড়ের নীচে ‘মুসুহ’^১ পরিধান করেন। আবদুল মালিকের পর ওয়ালীদ যখন খলীফা হন, তখন তিনিও তার সাথে তার পিতার ন্যায় সৌহার্দমূলক আচরণ করতে লাগলেন। এ সময় তিনি তাকে ছিয়াশি হিজরী হতে তিরানবই হিজরী পর্যন্ত পবিত্র মক্কা, মদীনা ও তাইফের প্রশাসক নিয়োগ করেন। এছাড়া তিনি খলীফার নাইব রূপে উননবই ও নববই হিজরীতে হজ্জ পরিচালনা করেন। পরবর্তীতে একানবই হিজরীতে খলীফা ওয়ালীদ এবং বিরানবই বা তিরানবই হিজরীতে উমর ইব্ন আবদুল আয়ীয় হজ্জ পরিচালনা করেন।

১. পশমী কাপড় বিশেষ যা সাধারণত খৃষ্টান যাজকগণ পরিধান করতেন।

পবিত্র মদীনার প্রশাসক থাকাকালীন সময়ে তিনি খলীফা ওয়ালীদের নির্দেশে মসজিদে নববীর পুনর্নির্মাণ ও সম্প্রসারণ করেন। তখনই নবী করীম সাল্লাল্লাহু আলায়হি ওয়া সাল্লামের রওয়াহ মুবারক মসজিদের ভিতরে চলে আসে। এছাড়া এসময় তিনি অত্যন্ত সদাচারী এবং ন্যায়পরায়ণ ছিলেন। তিনি কোন কঠিন বিষয়ের সম্মুখীন হলে তার সঠিক সমাধান বের করার জন্য পবিত্র মদীনার শীর্ষস্থানীয় ফকীহগণকে একত্র করতেন। এদের দশজনকে তিনি নির্ধারণ করে নিয়েছিলেন। তাঁদের সকলের কিংবা উপস্থিতিদের মতামত না গ্রহণ করে তিনি কোন বিষয়ের চূড়ান্ত ফয়সালা করতেন না। তাঁরা হলেন, উরওয়া, উবায়দুল্লাহ ইব্ন আবদুল্লাহ ইব্ন উত্বাহ, আবু বাকর ইব্ন আব্দুর রহমান ইব্নুল হারিছ ইব্ন হিশাম, আবু বাকর ইব্ন সুলায়মান ইব্ন খায়ছামা, সুলায়মান ইব্ন ইয়াসার, কাসিম ইব্ন মুহাম্মদ ইব্ন হায়ম, সালিম ইব্ন আবদুল্লাহ ইব্ন 'আমির ইব্ন রাবী'আ এবং খারিজাহ ইব্ন যায়দ ইব্ন ছাবিত। তিনি সাঈদ ইব্ন মুসায়িবের কথার বাইরে যেতেন না। আর সাঈদ ইব্ন মুসায়িব কোন খলীফা বা আমীরের দরবারে যেতেন না। কিন্তু তিনি পবিত্র মদীনায় অবস্থানরত উমর ইব্ন আব্দুল আয়ীমের কাছে যেতেন। ইব্রাহীম ইব্ন আবলাহ বলেন, একবার আমি পবিত্র মদীনায় আগমন করলাম, সেখানে সাঈদ ইব্নুল মুসায়িব ও অন্যগণ ছিলেন। এসময় একদিন উমর ইব্ন আব্দুল আয়ীম তাদের সকলকে একটি পিঙ্কাত্ত গ্রহণের ব্যাপারে আহ্বান করলেন (এবং তারা সকলে উপস্থিত হলেন)।

ইব্ন ওয়াহব বলেন, লায়ছ সূত্রে কাদিম আল বারবারী হতে যে, একবার তিনি রাবী'আ ইব্ন আবু আবদুর রহমানের সাথে উমর ইব্ন আব্দুল আয়ীমের পবিত্র মদীনায় অবস্থানকালীন কোন বিষয় ফয়সালা সম্পর্কে আলোচনা করলেন। তখন রাবী'আ তাকে বললেন, তুমি যেন বলতে চাও, তিনি ভুল করেছেন। শপথ ঐ সন্তার যার করায়তে আমার প্রাণ তিনি কখনও ভুল করেননি। একাধিক সূত্রে হ্যরত আনাস ইব্ন মালিক (রা) হতে বর্ণিত। তিনি বলেন, আমি এমন কোন ইমামের পিছনে নামায পড়িনি যার নামায এই যুবকের নামাযের চেয়ে রাসূলুল্লাহ সাল্লাল্লাহু আলায়হি ওয়া সাল্লামার নামাযের সাথে অধিক সাদৃশ্যপূর্ণ। একথা তিনি বলেছিলেন উমর ইব্ন আব্দুল আয়ীমকে উদ্দেশ্য করে যখন তিনি পবিত্র মদীনার প্রশাসক ছিলেন। ব্যাখ্যাকারগণ বলেন, তিনি রূক্ত'-সিজদা পরিপূর্ণভাবে আদায় করতেন। কিয়াম ও বৈঠককে লঘু বা সংক্ষিপ্ত করতেন। অন্য একটি বিশুদ্ধ রিওয়ায়াতে আছে যে, তিনি রূক্ত'-সিজদায় দশ দশ বার তাসবীহ পাঠ করতেন। ইব্ন ওয়াহব বলেন, লায়ছ সূত্রে আবুন নায়র আলমাদানী হতে তিনি বলেন, একবার আমি সুলায়মান ইব্ন ইয়াসারকে উমর ইব্ন আব্দুল আয়ীমের কাছ থেকে বের হতে দেখে জিজ্ঞাসা করলাম, আপনি কি উমরের কাছ থেকে বের হলেন? তিনি বললেন হ্যাঁ। আমি বললাম, তাকে কি আপনারা জ্ঞান দান করেন? তিনি বললেন, হ্যাঁ, তখন আমি বললাম, আল্লাহর কসম! তিনি আপনাদের মাঝে সবচেয়ে জ্ঞানী। মুজাহিদ বলেন, আমরা উমর ইব্ন আব্দুল আয়ীমের কাছে আসলাম তাকে কিছু শিখানোর উদ্দেশ্যে; কিন্তু পরবর্তীতে আমরাই তার থেকে শিখতে লাগলাম। মায়মূন ইব্ন মাহরান বলেন, তৎকালীন আলিমগণ (জ্ঞানবিচারে) উমর ইব্ন আব্দুল আয়ীমের কাছে শিষ্যতুল্য ছিলেন। অন্য এক বর্ণনায় মায়মূন বলেন, উমর ইব্ন আব্দুল আয়ীম ছিলেন আলিমদের শিক্ষক। লায়ছ বলেন, ইব্ন উমর ও ইব্ন আবুসের সাহচর্য পাওয়া এক ব্যক্তি উমর ইব্ন আব্দুল আয়ীমের জ্ঞানের স্তর বর্ণনা করেছেন যাকে তিনি জায়িরার প্রশাসক বানাতে চেয়েছিলেন। তিনি বলেন, যখনই আমরা কোন বিষয়ের জ্ঞান অর্বেষণ করতাম, তখনই আমরা উমর ইব্ন আব্দুল আয়ীমকে সে

জ্ঞানের উৎস ও শাখা-প্রশাখা সমষ্কে সর্বাধিক অবহিত পেতাম। আলিমগণ ছিল তাঁর শিষ্যত্বল্য। আবদুল্লাহ ইবন তাউস বলেন, (একবার) আমি আমার পিতা ও উমর ইবন আবদুল আয়ীয়কে ইশার নামায়ের পর হতে ফজর পর্যন্ত দাঁড়িয়ে আলোচনা করতে দেখলাম। তারপর তারা যখন বিচ্ছিন্ন হলেন, তখন আমি বললাম। আবরাজান! কে এই ব্যক্তি? তিনি বললেন, ইনি উমর ইবন আবদুল আয়ীয়। ইনি এই উমায়া বংশের সজ্জন। আবদুল্লাহ ইবন কাছীর বলেন, একবার আমি উমর ইবন আবদুল আয়ীয়কে বললাম, আপনার আল্লাহভিত্তিভাব সূচনা কিভাবে হলো? তিনি বলেন, একবার আমি আমার এক গোলামকে প্রহার করতে উদ্যত হলাম। সে বলল, ঐ রাতের কথা স্মরণ করুন যার (পরবর্তী) সকাল হলো কিয়ামত দিবস।

ইয়াম মালিক বলেন, তিরানবই হিজরীতে উমর ইবন আবদুল আয়ীয় যখন পবিত্র মদীনার প্রশাসক পদ হতে অপসারিত হন, তখন সেখান হতে বের হওয়ার সময় তিনি সেদিকে ফিরে তাকালেন এবং কাঁদতে কাঁদতে বললেন, তার মাওলা মুয়াহিমকে বললেন, হে মুয়াহিম, আমার আশঙ্কা হয় ঐ সকল লোকদের অস্তর্ভুক্ত হলাম কিনা যাদেরকে (আবর্জনারূপে) পবিত্র মদীনা নির্বাসিত করেছে। অর্থাৎ পবিত্র মদীনা তার আবর্জনা বের করে দিবে যেমনভাবে হাপর (গলিত) লোহার আবর্জনা বের করে দেয় এবং তার নির্ভেজাল অংশকে আরও খাটি করে।”^১ আল-বিদায়ার প্রস্তুকার বলেন, তিনি পবিত্র মদীনা হতে বের হলে তার নিকটবর্তী সুওয়ায়দা নামক স্থানে কিছুক্ষণ অবস্থান করেন। তারপর দামেক্ষণ্যে তার চাচাত ভাইদের কাছে আগমন করেন। মুহাম্মদ ইবন ইসহাক বর্ণনা করেন, ইসমাইল ইবন আবু হাকীম হতে তিনি বলেন, আমি উমর ইবন আবদুল আয়ীয়কে বলতে শুনেছি, আমি যখন পবিত্র মদীনাহ ত্যাগ করলাম তখন (সেখানে) আমার চেয়ে অধিক ইল্যাম সম্পন্ন কেউ ছিল না। এরপর আমি যখন শায়ে আগমন করলাম, তখন (অনেক কিছু) বিস্তৃত হলাম। ইয়াম আহমদ বর্ণনা করেন আফ্ফান সূত্রে.... যুহুরী হতে। তিনি বলেন, কোন এক রাতে আমি উমর ইবন আবদুল আয়ীয়ের সাথে সারা রাত জেগে তাকে হাদীস বর্ণনা করলাম। আমার বর্ণনা শেষে তিনি বললেন, আপনি আমাকে যা কিছু বর্ণনা করলেন, তার সবই আমি ইতোপূর্বে শ্রবণ করেছি। তবে কিছু আমার স্মরণ আছে আর কিছু বিস্তৃত হয়েছি। ইবন ওয়াহব বলেন, লায়ছ সূত্রে যুহুরী হতে তিনি বলেন, উমর ইবন আবদুল আয়ীয় (আমাকে) বলেন, কোন এক দ্বিপ্রহরে খলীফাহ ওয়ালীদ আমাকে ডেকে পাঠালেন। আমি তার কাছে প্রবেশ করে দেখলাম, তিনি বিষণ্ণ ও দুশ্চিন্তাপ্রস্ত। তিনি আমাকে ইঙ্গিতে বসতে বললেন এবং আমি বসলাম। এরপর তিনি আমাকে প্রশ্ন করলেন, ঐ ব্যক্তির ব্যাপারে তোমার সিদ্ধান্ত কী, যে খলীফাদের সমালোচনা করে তাকে কি হত্যা করা হবে? তখন আমি চুপ থাকলাম। এরপর তিনি পুনরায় প্রশ্ন করলেন, তখনও আমি চুপ থাকলাম। এরপর তিনি পুনরায় প্রশ্ন করলেন। তখন আমি বললাম, হে আমীরুল মু’মিনীন! সে কি (কাউকে) হত্যা করেছে? তিনি বললেন, না, তবে গালমন্দ করেছে। তখন আমি বললাম, তাহলে তাকে দৃষ্টিভূলক কঠোর শাস্তি দেওয়া হোক। আমার এ জবাব শুনে তিনি অসন্তুষ্ট হয়ে অন্দরমহলে চলে গেলেন। এ সময় ইবনুর রায়্যান আস্সায়াফ আমাকে বললেন, আপনি এখন চলে যান। উমর বলেন, আমি তখন সেখান হতে বের হয়ে আসলাম। (আর আমার মনের অবস্থা তখন এমন যে,) ফেরার পথে কোন বায়ু প্রবাহিত হলেই মনে হচ্ছিল যে, হয়ত কোন দৃত আমাকে অনুসরণ করছে, যে আমাকে তার কাছে ফিরিয়ে নিয়ে যাবে। উচ্ছ্মান বিন যাবৰ বলেন, একবার খলীফা সুলায়মান ইবন আবদুল মালিক উমর ইবন

আবদুল আয়ীয়কে সাথে নিয়ে তার সেনা ছাউনিতে আগমন করলেন। সেখানে ছিল বিপুল সংখ্যক সৈন্যদল, তাদের বাহন ঘোড়া, উট ও খচরের পাল এবং অস্ত্রশস্ত্র ও রসদ ইত্যাদি। তখন (গর্ব প্রকাশার্থে) সুলায়মান তাকে প্রশ্ন করলেন, হে উমর! আমাদের এই সমরশক্তি ও সৈন্যদলের ব্যাপারে তোমার বক্তব্য কী? তিনি বললেন, আমি তো এমন দুনিয়া (পার্থিব উপায়-উপকরণ) দেখছি। যার একাংশ একাংশকে গ্রাস করছে। আর এসব কিছু সম্পর্কে আপনিই জিজ্ঞাসিত হবেন। এরপর তারা যখন সেনা ছাউনির আরও নিকটবর্তী হলেন, তখন হঠাৎ একটি কাক সুলায়মানের তাঁবু হতে মুখে এক গ্রাস খাবার নিয়ে উড়াল দিল এবং একবার কা-কা রবে ডেকে উঠল। তখন সুলায়মান ইব্ন আবদুল মালিক উমর ইব্ন আবদুল আয়ীয়কে বলেন, হে উমর এটা কী? তিনি বললেন, আমি জানি না। এরপর তিনি (উমর) বলেন, আপনার কী ধারণা হয়ত বা সে বলছে, এসব কোথা হতে এসেছে এবং সে এসব কোথায় নিয়ে যাবে? সুলায়মান তাকে বলেন, কী আশ্চর্যজনক কথা তোমার! তখন উমর বলেন, আপনি ঐ ব্যক্তি হতে আশ্চর্যবোধ করুন, যে মহান আল্লাহকে জানার পর তার নাফরমানী করে, যে শয়তানকে চেনার পর তার আনুগত্য করে এবং যে দুনিয়ার (ক্ষণস্থায়িত্ব) অবস্থা জানার পর তার প্রতি আসক্তি বোধ করে।

ইতোপূর্বে বর্ণিত হয়েছে যে, একবার সুলায়মান ইব্ন আবদুল মালিক এবং উমর ইব্ন আবদুল আয়ীয় আরাফায় অবস্থানকালে মানুষের আধিক্য দেখতে পেলেন। উমর তাকে বললেন, আজ এরা আপনার শাসিত প্রজা আর আগামীকাল আপনি তাদের সম্পর্কে জিজ্ঞাসিত হবেন। অন্য একটি বর্ণনার ভাষ্য হলো। কিয়ামতের দিন এরা আপনার প্রতিপক্ষ/বিবাদী একথা শুনে সুলায়মান কেঁদে বলেন, আমরা আল্লাহরই সাহায্য প্রার্থনা করছি। এছাড়া এও বর্ণিত হয়েছে যে, যখন তারা সেই বৃষ্টি ও বজ্রের কবলে পতিত হলেন, তখন সুলায়মান ভীত-শক্তিত হয়ে পড়লেন। উমর হেসে ফেলেন। সুলায়মান তাকে বলেন, এ অবস্থায় তুমি হাসছ? তখন তিনি বলেন, হ্যাঁ। এ হলো মহান আল্লাহর অনুগ্রহের চিহ্ন ও নির্দশন, এতেই আমাদের এ অবস্থা! তাহলে ভেবে দেখুন, তার ক্রোধ ও শাস্তির নির্দশন দেখলে সে সময় আমাদের কী অবস্থা হতে পারে। ইমাম মালিক উল্লেখ করেন, একবার সুলায়মান ইব্ন আবদুল মালিক এবং উমর ইব্ন আবদুল আয়ীয় বাদানুবাদে লিঙ্গ হলেন। কথার এক পর্যায়ে সুলায়মান তাকে বলে বসলেন, তুমি মিথ্যা বলেছ। উমর (রা) বলেন, আপনি আমাকে বলছেন, আমি মিথ্যা বলেছি? আল্লাহর কসম! মিথ্যাবাদীর ক্ষপিত করে এই উপলক্ষ্মি হওয়ার পর হতে আমি কখনও মিথ্যা বলিনি। এরপর উমর সুলায়মানের সাহচর্য ত্যাগ করে মিসরে চলে যাওয়ার সংকল্প করলেন। কিন্তু সুলায়মান তাকে সেই সুযোগ দিলেন না। এরপর তিনি তার কাছে লোক পাঠিয়ে তার সাথে সঞ্চি করে নিলেন এবং তাকে বলেন, যখনই আমি কোন গুরুত্বপূর্ণ বিষয়ের সম্মুখীন হয়েছি, তখনই (সে ব্যাপারে পরামর্শের জন্য) আমার মনে তোমার কথা উদিত হয়েছে। আর ইতোপূর্বে আমরা উল্লেখ করেছি যে যখন তার অস্ত্র মুহূর্ত উপস্থিত হলো। তিনি উমর ইব্ন আবদুল আয়ীয়কে তার পরবর্তী খলীফারূপে মনোনীত করলেন। পরবর্তীতে তার উপর ভিত্তি করেই খিলাফতের সুষ্ঠুরূপ প্রকাশ পেল। আর প্রশংসা মহান আল্লাহর প্রাপ্য।

পরিচ্ছেদ

আবু দাউদ তায়ালিসী বর্ণনা করেন, আবদুল আয়ীয় ইব্ন আবদুল্লাহ ইব্ন আবু সালামা আলমাজিশুন সূত্রে দীনার হতে। তিনি বলেন, ইব্ন উমর বলেন, হায় আশ্চর্য! লোকেরা বলে, দুনিয়া ততদিন শেষ হবে না, যতদিন উমর বংশধরদের এক ব্যক্তি মুসলমানদের শাসন-কর্তৃত

লাভ করবে। যিনি উমরের ন্যায় শাসনকার্য পরিচালনা করবেন। রাবী বলেন, তারা মনে করতেন, এই ব্যক্তি বিলাল ইব্ন আবদুল্লাহ ইব্ন উমর। রাবী বলেন, তার চেহারায় ক্ষতচিহ্ন ছিল। কিন্তু তিনি সেই ব্যক্তি নন। সেই ব্যক্তি উমর ইব্ন আবদুল আযীয়। তার আশা আবদুল্লাহ ইব্ন উমর ইব্নুল খাতাবের ছেলে আসিমের কন্যা। বায়হাকী বর্ণনা করেন, হাকিম সূত্রে নাফি' হতে। তিনি বলেন, আমাদের কাছে পৌছেছে যে, ইবনুল খাতাব বলেন, মুখমণ্ডলে ক্ষতচিহ্ন বিশিষ্ট আমার এক অধস্তুন সন্তান শাসন-কর্তৃত্ব লাভ করবে, এরপর সে পৃথিবীকে ন্যায়পরায়ণতা ও সুবিচার দ্বারা পূর্ণ করে দেবে। এরপর নাফি' তার নিংজের পক্ষ হতে বলেন, আমার ধারণা, সে উমর ইব্ন আবদুল আযীয় ছাড়া আর কেউ নয়। মুবারক ইব্ন ফুয়ালা তা রিওয়ায়াত করেছেন উবায়দুল্লাহর সূত্রে নাফি' হতে। তিনি বলেন, উমর বলতেন, হায় যদি আমি জানতে পারতাম উমরের অধস্তুন বৎসর কে এই ব্যক্তি যার মুখমণ্ডলে চিহ্ন থাকবে, যিনি পৃথিবীকে ন্যায় ও ইনসাফ দ্বারা পরিপূর্ণ করে দিবেন? ওয়াহায়ব ইব্ন ওয়ারদ বলেন, একবার আমি ঘুমস্ত অবস্থায় দেখলাম, এক ব্যক্তি যেন বাবে বানূ শায়বাহ দিয়ে প্রবেশ করে বলতে লাগল, হে লোক সকল! তোমাদের উপর কিতাবুল্লাহর শাসন প্রতিষ্ঠা করা হলো। আমি তখন প্রশ্ন করলাম, কে তা করলেন। তখন লোকটি তার নথের দিকে ইঙ্গিত করলেন। আমি তখন সেখানে ৪-৩ (উমর) লেখা দেখতে পেলাম। ওয়াহায়ব বলেন, এরপরই উমর ইব্ন আবদুল আযীয়ের অনুকূলে বায়আত গৃহীত হয়। বাকীয়া বর্ণনা করেন, 'সো ইব্ন আবু রায়ীন সূত্রে উমর ইব্ন আবদুল আযীয় হতে যে, (স্বপ্নযোগে) তিনি (একবার) রাসূলুল্লাহ সাল্লাহু আলায়হি ওয়া সাল্লামাকে সবুজ উদ্যানে দেখতে পেলেন, তখন নরী করীম (সা) তাকে বলেন, "অচিরেই তুমি আমার উচ্চতের শাসন-কর্তৃত্ব লাভ করবে। তখন তুমি রক্তপাত হতে নিজেকে বিরত রেখো, রক্তপাত হতে নিজেকে বিরত রেখো। মানুষের মাঝে তোমার নাম উমর ইব্ন আবদুল আযীয়। তবে মহান আল্লাহর দরবারে তোমার নাম জাবির।" আবু বাকর ইব্নুল মুকরি বলেন, আবু আরবাহ হসাইন ইব্ন মুহাম্মদ সূত্রে ... রিয়াহ ইব্ন উবায়দাহ সূত্রে তিনি বলেন, একবার উমর ইব্ন আবদুল আযীয় নামাযে বের হলেন, এক বৃন্দ তার হাতে ভর দিয়ে চলতে লাগল। আমি মনে মনে ভাবলাম, এই বৃন্দ লোকটির সৌজন্যবোধ নেই। এরপর নামায শেষে তিনি যখন পুনরায় ভিতরে (দারুল খিলাফতে) প্রবেশ করলেন, আমি তার পিছে পিছে গিয়ে তাকে জিজ্ঞাসা করলাম, আল্লাহ আমীরুল মু'মিনীনের কল্যাণ করুন। এই বৃন্দ কে যে আপনার হাতে ভর দিয়ে আসল? তিনি বলেন, হে রিয়াহ! তুমি কি তাকে লক্ষ্য করেছ? আমি বললাম, হ্যাঁ! তিনি বলেন, রিয়াহ তোমাকে তো একজন ভাল লোকই গণ্য করি! তিনি হলেন 'আমার ভাই' খাযির তিনি আমার কাছে এসে আমাকে জানালেন যে, অচিরেই আমি এই উচ্চতের শাসন-কর্তৃত্ব লাভ করব এবং তাদের মাঝে ন্যায় ও ইনসাফ অবলম্বন করব।

ইয়াকুব ইব্ন সুফয়ান বর্ণনা করেন, আবু উমায়র সূত্রে আবু আনবাস হতে তিনি বলেন, একবার আমি খালিদ ইব্ন ইয়ায়ীদ ইব্ন মু'আবিয়ার সাথে বসা ছিলাম, সেখানে নকশা করা চাদার পরিচিত এক যুবক আসল এবং খালিদের হাত ধরে বলল, আমাদেরকে পর্যবেক্ষণকারী কোন চক্ষু আছে কি? আবু আনবাস বলেন, আমি বললাম, মহান আল্লাহর পক্ষ থেকে তোমাদের দুইজনকে পর্যবেক্ষণকারী দৃষ্টিশক্তি এবং শ্রবণকারী শ্রবণশক্তি নিয়োজিত আছে। আবু আনবাস বলেন, একথা শুনে সেই তরঙ্গের চক্ষুদ্বয় অক্ষসিক্ত হয়ে উঠল এবং সে খালিদের হাত ছেড়ে দিয়ে চলে গেল। আমি প্রশ্ন করলাম, কে এ? খালিদ বলল, এ হলো

খলীফার ভাতিজা উমর ইব্ন আবদুল আয়ীয়। মহান আল্লাহ্ যদি তোমাকে দীর্ঘজীবী করেন, তাহলে অবশ্যই তুমি তাকে সুপথপ্রাণ শাসকরূপে দেখতে পাবে। আল-বিদায়ার গ্রন্থকার বলেন, খালিদ ইব্ন ইয়ায়ীদ ইব্ন মুআবিয়ার কাছে পূর্ববর্তীদের ইতিহাস ও বক্তব্যসমূহের একটা ভাল সংগ্রহ ছিল। এছাড়া তিনি জ্যোতির্বিদ্যা ও চিকিৎসা শাস্ত্রের চর্চা করতেন। ইতোপূর্বে সুলায়মান ইব্ন আবদুল মালিকের জীবনী আলোচনার সময় আমরা উল্লেখ করেছি যে, যখন তার অভিম্ব মুহূর্ত উপস্থিত হলো, তখন তিনি তার ছেলেদের একজনকে পরবর্তী খলীফারূপে নির্ধারণ করতে চাইলেন। কিন্তু তার নেক ওয়ায়ীর রজা ইব্ন হায়ওয়া তাকে তা থেকে বিরত রাখেন। তার প্রচেষ্টায়ই মূলত তিনি (সুলায়মান) পরবর্তী খলীফারূপে উমর ইব্ন আবদুল আয়ীয়কে নিয়োগ করেন। আর রজা ইব্ন হায়ওয়া তাকে সমর্থন করেন। তখন সুলায়মান ইব্ন আবদুল মালিক তার ফরমান লিখালেন এবং তাকে সীলমোহর দ্বারা আবদ্ধ করলেন। সুলায়মান এবং রজা ইব্ন হায়ওয়া ব্যতীত উমর ইব্ন আবদুল আয়ীয় কিংবা বানু মারওয়ানের কেউই এ বিষয়টি আঁচ করতে পারল না। তারপর তিনি সিপাহী প্রধানকে নির্দেশ দিলেন সকল আমীর-উমারা এবং বানু মারওয়ানের এবং অন্যদের নেতৃত্বানীয় সকলকে উপস্থিত করতে। তাঁরা উপস্থিত হয়ে সীলমোহরকৃত ফরমানে যা বিদ্যমান তা মেনে সুলায়মান ইব্ন আবদুল মালিকের কাছে বায়আত করেন। তারপর প্রস্থান করেন। এরপর খলীফা মৃত্যুমুখে পতিত হলে রজা ইব্ন হায়ওয়া তাদেরকে পুনরায় ডেকে পাঠালেন। তারা খলীফার মৃত্যু সম্পর্কে জানার পূর্বে এই ফরমান মেনে নিয়ে দ্বিতীয়বার বায়আত করল। এরপর তিনি তাদের সামনে তা খুলে তাদেরকে পাঠ করে শোনালেন। দেখা গেল তাতে উমর ইব্ন আবদুল আয়ীয়ের অনুকূলে বায়আতের নির্দেশ বিদ্যমান। তখন সকলে তাকে এনে মিস্বরে বসালেন। তারপর তাঁর হাতে বায়আত হলো। এভাবে তার অনুকূলে বায়আত অনুষ্ঠিত হলো।

এই ধরনের কাজের বৈধতার ব্যাপারে ইমামগণ মতবিরোধ করেছেন- যে কোন ব্যক্তি কোন লিখিত ওয়াসিয়াত করল এবং সাক্ষীদেরকে তা না শুনিয়ে তাদেরকে সে ব্যাপারে সাক্ষী বানাল, তারপর তারা এর অনুকূলে সাক্ষী দিল এবং সে সাক্ষীর ভিত্তিতে সেই ওয়াসিয়াত কার্যকর করা হলো- একদল উলামা একে বৈধ রায় দিয়েছেন। কায়ী আবুল ফারাজ আল মুআফী ইব্ন যাকারিয়া আল-জারীরী বলেন, হিজায়বাসী অধিকার্ণ আলিম এই ধরনের ওয়াসিয়াতকে অনুমোদন করেছেন, সে অনুযায়ী ফায়সালা করাকে বৈধ বলে রায় দিয়েছেন। আর এ রায়/মত বর্ণিত হয়েছে সালিম ইব্ন আবদুল্লাহ্ থেকে। আর এটাই ইমাম মালিক, মুহাম্মদ ইব্ন মাসলামা আল-মাখয়ুমী মাকহুল, নুমায়র ইব্ন আওস, মুরআহ্ ইব্ন ইবরাহীম, আওয়ায়ী সাঈদ ইব্ন আবদুল আয়ীয় এবং তাদের সাথে একমত পোষণকারী শামীয় ফকীহগণের মায়হাব বা মত। খালিদ ইব্ন ইয়ায়ীদ ইব্ন আবু মালিক তার পিতা এবং তার ফৌজী কায়ীদের থেকে অনুরূপ সিদ্ধান্ত বর্ণনা করেছেন। এছাড়া এটা লায়ছ ইব্ন সা'দ এবং তার সাথে ঐকমত্য পোষণকারী মিসর ও মরকোবাসী ফকীহগণের মত এবং বসরার কায়ী ও ফকীহগণেরও মত। আর কাতাদা সাওওয়ার ইব্ন আবদুল্লাহ্ উবায়দুল্লাহ্ ইব্ন হাসান, মু'আয় ইব্ন মু'আয় আল আমুরী এবং তাদের অনুসারী আলিমগণ থেকেও এই মতই উদ্ধৃত হয়েছে। উপরস্থ বহু সংখ্যক আহলে হাদীস আলিম এই মত গ্রহণ করেছেন। তাদের মধ্যে আবু উবায়দ এবং ইসহাক ইব্ন রাহওয়ায়হি অন্যতম।

আল-বিদায়ার গ্রন্থকার বলেন, ইমাম বুখারী তার সহীহ প্রত্নে বিষয়টির প্রতি সংযত হয়েছেন। মুআফী বলেন, ইরাকের একদল ফকীহ অবশ্য এর বৈধতা মানতে সম্মত নন।

তনাধ্যে রয়েছেন ইররাহীম, হাস্মাদ এবং হাসান। আর সেটাই ইমাম শাফেই ও আবু ছাওরের মাযহাব। মু'আফি বলেন, এটা আমাদের শাযখ আবু জা'ফরের বক্তব্য। তবে ইমাম শাফেইর কোন কোন ইরাকী শিষ্য প্রথম মত গ্রহণ করেছেন। পরিশেষে আল জারীরী বলেন, আমরাও প্রথম মতটিকেই গ্রহণ করছি। ইতোপূর্বে বর্ণিত হয়েছে উমর ইবন আবদুল আয়ীয যখন সুলায়মান ইবন আবদুল মালিকের দাফন শেষে ফিরলেন, তখন তার আরোহণের জন্য খলীফার বিশেষ বাহনসমূহ আনা হলো। কিন্তু তিনি তাতে আরোহণ না করে আবৃত্তি করলেন :

فَلَوْلَا التَّقِيُّ ثُمَّ النَّهْيُ خُشِيَّةُ الرَّدِّيِّ * لِعَاصِيَتِ فِي حُبِّ الصِّبَا كُلُّ زَاجِ

‘যদি আল্লাহভীতি, বিবেকবুদ্ধি আর মৃত্যু ভয় না থাকত, তাহলে বিনোদন আসক্তিতে আমি সকল নিষেধকারীর নিষেধাজ্ঞা অমান্য করতাম।’

فَخَضَى مَا قَضَى فِيمَا مَضَى ثُمَّ لَا تَرَى * لِهِ صِبْوَةٌ أَخْرَى الْلَّيَالِي الْغَوَابِرِ

‘অতীতে সে যেটুকু বিনোদন লাভ করার করে নিয়েছে এরপর আর তুমি তার মাঝে কোন বিনোদনাস্তি দেখবে না।’

তারপর তিনি বলেন, মহান আল্লাহ যা চান (তাই হয়)। তিনি ব্যতীত (কারও) কোন শক্তি নেই। আমার খচর নিয়ে আস। এরপর তিনি খলীফার সেই সকল বিশেষ বাহন নিলামে বিক্রয়ের নির্দেশ দিলেন। আর এগুলি ছিল অত্যন্ত উৎকৃষ্ট জাতের মূল্যবান অশ্ব। এগুলি বিক্রির পর তিনি তার মূল্য বায়তুল মালে জমা দিলেন। ঐতিহাসিকগণ বলেন, তাঁর অনুকূলে বাইজাত গ্রহণের এবং তার খলাফতের দায়িত্ব সুস্থির ও সুনিশ্চিত হওয়ার পর তিনি যখন খলীফা সুলায়মান ইবন আবদুল মালিকের দাফন থেকে ফিরলেন, তখন তাকে বেশ বিষণ্ণ ও দুচিন্তাগ্রস্ত দেখাচ্ছিল। তাঁর এ অবস্থা দেখে তার মাওলা (আয়াদকৃত দাস) তাকে বলে, আপনার কী হয়েছে? আপনাকে এমন বিষণ্ণ ও দুচিন্তাগ্রস্ত দেখাচ্ছে কেন? এখন তো এমন থাকার সময় নয়। তিনি তাকে ভর্তসনা করে বলেন, কী বলছ তুমি! কীভাবে আমি দুচিন্তাগ্রস্ত হব না, অথচ এই বিশাল ব্যাণ্ড ইসলামী সাম্রাজ্যের পূর্ব-পশ্চিমে এই উত্থতের এমন সদস্য নেই, যে আমার কাছে তার প্রাপ্য অধিকার আদায় করার জন্য দাবী করছে না। সে বিষয়ে সে আমার কাছে লিখুক কিংবা না লিখুক আবেদন করুক কিংবা না করুক। ঐতিহাসিকগণ আরো বলেন এরপর তিনি তার স্ত্রী ফাতিমাহ বিন্ত আবদুল মালিককে ইচ্ছাধিকার প্রদান করেন, ইচ্ছা হলে এই শর্তে তিনি তার সাহচর্যে অবস্থান করতে পারেন যে, তার সান্নিধ্য সময় কাটানোর তার আর অবকাশ নেই; অন্যথায় তিনি তার পিতৃগৃহে নিয়ে অবস্থান করতে পারেন। স্বামীর একথা শুনে ফাতিমাহ কেঁদে ফেলেন এবং তার কান্নায় তার বাঁদীরাও কেঁদে উঠল। ফলে তখন তার গৃহে কান্নার রোল পড়ে গেল। অবশ্য তিনি পরিশেষে সর্বাবস্থায় স্বামীর সাহচর্যকেই গ্রহণ করলেন। আল্লাহ তাকে রহম করুন। একবার এক ব্যক্তি তাঁকে বলল, আমীরুল মু'মিনীন আমাদের জন্য একটু অবসর গ্রহণ করুন। তিনি আবৃত্তি করলেন :

قَدْ جَاءَ شَغْلَ شَاغِلٍ * وَعَدَلَتْ عَنْ طَرِيقِ السَّلَامَةِ

মহাব্যস্ততার আবির্ভাব হয়েছে আর তুমি নিরাপদ পথ থেকে সরে এসেছ :

ذَهَبَ الْفَرَاغُ فَلَافِرًا * غَلَنَا إِلَى يَوْمِ الْقِيَامَةِ

অবসর অতীত হয়েছে কিয়ামত দিবস পর্যন্ত আর আমাদের কোন অবসর নেই।

যুবায়র ইব্ন বাক্কার বলেন, মুহাম্মদ ইব্ন সালাম সূত্রে সালাম ইব্ন সুলায়ম থেকে। তিনি বলেন, উমর ইব্ন আবদুল আযীয খিলাফতের দায়িত্ব গ্রহণ করে মিশ্রে আরোহণ করার পর সর্বপ্রথম যে খুতবা প্রদান করলেন, তাতে তিনি প্রথমে মহান আল্লাহর হাম্দ ও ছানা বর্ণনার পর বললেন, হে মানবমণ্ডলী! যে আমাদের সাহচর্য অবলম্বন করবে, সে যেন পাঁচটি বিষয় অবলম্বন করে, অন্যথায় সে যেন আমাদের থেকে বিছিন্ন হয়ে যায়। ১. সে আমাদের কাছে এই (অক্ষম) ব্যক্তির প্রয়োজন তুলে ধরবে যে নিজে তা তুলে ধরতে পারে না। ২. সে তার সাধ্যমত আমাদেকে কল্যাণ কাজে সহযোগিতা করবে। ৩. সে আমাদেরকে এই সকল কল্যাণের সঙ্কান দিবে যে ওলির সঙ্কান আমাদের কাছে নেই। ৪. সে আমাদের কাছে পরচর্চা (গীবত) করবে না। ৫. সে তার সাথে সংশ্লিষ্ট নয় এমন বিষয়ে প্রবৃত্ত হবে না।

তার একথার মর্ম উপলব্ধি করে চাটুকার কবি ও বঙ্গরা সরে পড়ল। আর ফর্কীহ ও যাহিদগণ তার সাহচর্য অবলম্বন করল এবং তারা বলল, এই ব্যক্তি তার কথার বিপরীত কাজ করার পূর্বে আমরা তাকে ত্যাগ করতে পারি না।

সুফিয়ান ইব্ন উয়ায়নাহ্ বলেন, উমর ইব্ন আবদুল আযীয যখন খলীফা হলেন, তখন তিনি মুহাম্মদ ইব্ন কা'ব, রজা ইব্ন হায়ওয়া এবং সালিম ইব্ন আবদুল্লাহর কাছে লোক পাঠিয়ে বললেন, তোমরা তো দেখছ আমাকে কী দ্বারা পরীক্ষায় ফেলা হয়েছে এবং আমার উপর কী গুরু দায়িত্ব আপত্তি হয়েছে। তোমাদের কাছে এর কী সমাধান রয়েছে? তখন মুহাম্মদ ইব্ন কা'ব বললেন, আপনি বৃক্ষকে পিতা, যুবককে ভাই এবং শিশুকে ছেলে মনে করুন। তারপর পিতার সাথে সদাচার/পুণ্যাচার করুন, ভাইয়ের সাথে সুসম্পর্ক বজায় রাখুন এবং ছেলের সাথে মেহসুলত আচরণ করুন। আর রজা ইব্ন হায়ওয়া বলেন, মানুষের জন্য তাই অনুমোদন করবেন যা আপনি নিজের জন্য অনুমোদন করেন। যে আচরণ আপনার কাছে অপ্রিয় তাদের প্রতি সে আচরণ করবেন না। আর একথা বিশ্বাস করুন যে, আপনি হলেন মরণশীল প্রথম খলীফা। আর সালিম বলেন, সকল বিষয় ও কর্তৃত্বকে এক ও অভিন্ন করুন এবং তাতে পার্থিব কামনা-বাসনা ও চাহিদা ও আকাঙ্ক্ষা থেকে সংযম অবলম্বন করুন এবং সংযমের শেষ সীমা নির্ধারণ করুন মৃত্যুকে।

এ সকল উপদেশ শুনে উমর বলেন, মহান আল্লাহর সাহায্য ও অনুগ্রহ ব্যতীত কারও (এসবের) কোন শক্তি-সামর্থ নেই।

অন্য এক বর্ণনাকারী বলেন, একদিন উমর ইব্ন আবদুল আযীয (র) লোকদের সংবোধন করে বললেন, এসময় অশ্রুতে তিনি বাক্রংস্ক হয়ে পড়েছিলেন। হে মানবমণ্ডলী! তোমরা তোমাদের আখিরাতকে ঠিক করে নাও, তাহলে মহান আল্লাহ তোমাদের দুনিয়াকে ঠিক করে দিবেন। তোমরা নিজেদের গোপন বিষয়গুলি সংশোধন করে নাও, মহান আল্লাহ তোমাদের প্রকাশ্য বিষয়কে সংশোধন করে দিবেন। আল্লাহর কসম! তার এক বান্দা তো এমন রয়েছে যার ও আদমের (আ) মাঝে জীবিত কোন পিতৃপুরুষের অস্তিত্ব নেই, তিনি তো তার জন্য মৃত্যুর শিকড়ের বিস্তার ঘটিয়েছেন। অপর এক খুতবায় তিনি বলেন, কত ময়বৃত্ত আবাসস্থল সামান্য সময়ের ব্যবধানে বিরামে পরিণত হয়, কত দীর্ঘনীয় আবাস গ্রহণকারী সামান্য সময়ের ব্যবধানে প্রবাসীতে পরিণত হয়। মহান আল্লাহ তোমাদেরকে রহম করুন। কাজেই, তোমরা তোমাদের কাছের সর্বোত্তম বাহনে দুনিয়া থেকে সর্বোত্তম ভাবে প্রস্থান কর। দুনিয়াতে মানব সন্তানকে হঠাতে আল্লাহ তা'আলা তাকদীর বা নির্ধারণ দ্বারা আহবান করে বলেন এবং তাকে মৃত্যুবাণ দ্বারা বিন্ধ করেন, পরিণামে তিনি তার দুনিয়া হরণ করেন এবং তার আবাস-নিবাসকে অন্তের কাছে হস্তান্তরিত করেন। দুনিয়া যে পরিমাণ কষ্ট দেয়/দুঃখ দেয়, সে পরিমাণ আনন্দ দেয় না। সে

সামান্য আনন্দ দেয় এবং অনেক দুঃখ দেয়। ইসমাঈল ইব্ন আয়্যাশ বলেন, আমর ইব্ন মুহাজির থেকে। তিনি বলেন, উমর ইব্ন আবদুল আয়ীয যখন খলীফা নির্বাচিত হলেন, তখন লোকদের উদ্দেশ্যে দাঁড়িয়ে হামদ ও ছানার পর বললেন, হে মানবমণ্ডলী! পবিত্র কুরআনের পর কোন কিতাব নেই এবং মুহাম্মদ সাল্লাহু আলায়হি ওয়া সাল্লামা-এর পর কোন নবী নেই। আর আমি বিচারক নই—বাস্তবায়নকারী এবং আমি উত্তোবক নই—অনুসারী। অত্যাচারী শাসক থেকে পলায়নকারী ব্যক্তি অত্যাচারী নয় বরং অত্যাচারী শাসকই হলো নাফরমান। শুনে রাখ, মহান স্ট্রাইর অবাধ্যতায় কোন সৃষ্টির আনুগত্য বৈধ নয়। অন্য এক রিওয়ায়াতে আছে, তিনি তাতে বলেছিলেন, আমি তো তোমাদের কারও চেয়ে উত্তম নই, বরং আমি তোমাদের মাঝে সবচেয়ে ভারাক্রান্ত। তোমরা শুনে রাখ, মহান আল্লাহর নাফরমানীতে কোন মাখলুকের আনুগত্য বৈধ নয়। শুনে রাখ, আমি তোমাদেরকে শুনিয়ে দিলাম।

আহমাদ ইব্ন মারওয়ান বলেন, আহমাদ ইব্ন ইয়াহীয়া আল-হুলওয়ানী সূত্রে সাইদ ইব্নুল আসের ছেলে থেকে। তিনি বলেন, উমর ইব্ন আবদুল আয়ীয (র)-এর সর্বশেষ প্রদত্ত খুতবায় হামদ ও ছানার পর তিনি বললেন, আসল কথা হলো, তোমাদেরকে অনর্থক সৃষ্টি করা হয়নি এবং এমনি এমনি ছেড়ে দেওয়া হয়নি। তোমাদের জন্য এক প্রতিশ্রূতি স্থান ও কাল বিদ্যমান। তোমাদের মাঝে বিচার ও ফায়সালা করার জন্য মহান আল্লাহ তাতে হায়ির হবেন।

কাজেই, যে আল্লাহর রহমত থেকে বেরিয়ে এসেছে এবং এমন জান্মাত থেকে বঞ্চিত হয়েছে যার ব্যক্তি আসমান-যমীন বরাবর, সে নিঃসন্দেহে ব্যর্থ ও ক্ষতিগ্রস্ত হয়েছে। তোমরা কি জান না, ঐ ব্যক্তি ছাড়া কেউ তাবিষ্যতে নিরাপদ নয়, যে শেষ দিনের ব্যাপারে সতর্কতা অবলম্বন করেছে, তাকে ভয় করেছে এবং স্থায়ীর বিনিময়ে অস্থায়ীকে, অসীমের বিনিময়ে সসীমকে, অধিকের বিনিময়ে অল্পকে, নিরাপত্তার বিনিময়ে ভয়কে বিক্রি করেছে/বিসর্জন দিয়েছে। তোমরা কি লক্ষ্য কর না, তোমরা মৃত্যুর থেকে রেখে দেওয়া অর্থ-সম্পদ ভোগ করছ, আর তা তো অচিরেই তোমাদের মৃত্যুর পর অবশিষ্টদের হয়ে যাবে। এমনভাবে চলতে থাকবে পরিশেষে তোমরা চূড়ান্ত উত্তরাধিকারীর সমীপে উপনীত হবে। তারপর দেখ প্রতিদিন সকাল-সন্ধিয় তোমরা তোমাদেরই একেকজনকে মহান আল্লাহর পথে এমনভাবে বিদায় করে দিছ যে, সে আর ফিরছে না। সে তার আযুকাল পূর্ণ করেছে। ফলে, তোমরা তাকে ভূ-পৃষ্ঠের এক ফাটলে বিছানা ও শয়্যাহীন অবস্থায় রেখে অদৃশ্য করে দিছ। সে তার প্রিয়জনদের থেকে বিচ্ছিন্ন হয়েছে এবং মাটিতে শায়িত অবস্থায় হিসাবের মুখোমুখি হয়েছে। আর সে তার আমলে দায়বদ্ধ, যা কিছু রেখে গেছে তাতে তার কোন প্রয়োজন নেই। কিন্তু যা সে সামনে পাঠিয়েছে (অর্থাৎ নেক আমল) তাতে তার প্রয়োজন রয়েছে। কাজেই তোমরা চূড়ান্ত বিচার ও ফায়সালার পূর্বে মহান আল্লাহকে ভয় কর এবং তোমাদের মৃত্যু আসার পূর্বে তার ব্যাপারে সাবধান হয়ে যাও। শুনে রাখ, আমি একথা বলছি- এরপর তিনি তার চাদরের প্রান্ত তার মুখমণ্ডলে রাখলেন এবং নিজে কাঁদলেন, শ্রোতাদেরকে কাঁদালেন। অন্য এক বর্ণনায় আছে, আল্লাহর শপথ! আমি তোমাদেরকে একথা বলছি, অথচ তোমাদের কারও পাপ আমার চেয়ে বেশী বলে আমার জানা নেই। কিন্তু তা (খিলাফত)/সেগুলো মহান আল্লাহর পক্ষ থেকে ন্যায় সঙ্গত বিধান। তিনি তাতে তার আনুগত্যের নির্দেশ দিয়েছেন এবং অবাধ্যতা থেকে নিষেধ করেছেন। আর আমি মহান আল্লাহর কাছে ক্ষমা প্রার্থনা করছি। একথা বলে তিনি তার আস্তিন তার মুখমণ্ডলে রাখলেন এবং আরোরে কাঁদতে লাগলেন, এমনকি তার দাঢ়ি ভিজে গেল। এরপর মৃত্যুর পূর্বে তিনি আর কোন মজলিসে আসেননি। মহান আল্লাহ তাকে রহম করুন।

আবু বকর ইব্ন আবুদু দুন্যা উমর ইব্ন আবদুল আয়ী থেকে বর্ণনা করেন যে, তিনি একবার স্বপ্নে রাসূলুল্লাহ সাল্লাল্লাহু আলায়হি ওয়া সাল্লামাকে দেখতে পেলেন। তিনি তাঁকে বললেন, “উমর কাছে আস, আমি তার খুব কাছে আসলাম এমনকি তার শরীরের সাথে লেগে যাওয়ার আশঙ্কা করলাম। তিনি আমাকে বললেন, তুমি যখন মুসলমানদের শাসন-কর্তৃত্ব লাভ করবে, তখন এ দুইজনের ন্যায় আমল করবে। তখন আমি দেখলাম তাকে ঘিরে দুই প্রৌঢ় দাঁড়িয়ে আছেন। আমি তখন প্রশ্ন করলাম, তাঁরা কে? তিনি বলেন, এ আবু বাকর (রা), এ উমর (রা) আর আমরা বর্ণনা করেছি যে, তিনি সালিম ইব্ন আবদুল্লাহ ইব্ন উমরকে বলেছিলেন, আমাকে উমর ইব্নুল খাতাবের শাসক চরিত লিখে দিন, যাতে আমি সে অনুযায়ী আমল করতে পারি। তখন সালিম তাকে বলেন, আপনি তা করতে পারবেন না। তিনি বললেন, কেন? সালিম বলেন, আপনি যদি সে অনুযায়ী আমল করতে পারতেন, তাহলে উমরের চেয়ে উভয় হতেন। কেননা, তিনি কল্যাণ কাজে অনেক সহযোগী পেতেন। কিন্তু আপনি এমন কাউকে পাবেন না, যে আপনাকে কল্যাণ কাজে সাহায্য করবে। বর্ণিত আছে যে, তার আংটির খোদিত নকশা ছিল এক আল্লাহ ছাড়া কোন উপাস্য নেই, তার কোন শরীক নেই। অন্য এক বর্ণনায় আছে— তা ছিল আমি আল্লাহকে বিশ্বাস করি। আরেক বর্ণনায় আছে, তা ছিল ওয়াফাদারী কঠিন। একদিন তিনি নেতৃত্বানীয় লোকদের সমর্বেত করে তাদেরকে সম্মোধন করে বললেন, ফাদাক ছিল মহান আল্লাহর রাসূলের হাতে। তিনি তাকে সেভাবে রাখতেন যেভাবে মহান আল্লাহ তাকে দেখিয়েছিলেন। তারপর আবু বাকর ও উমরও সে অবস্থায়ই তা বহাল রাখলেন। আসমা'য়ী বলেন, আমি জানি না তিনি উচ্ছমানের ব্যাপারে কী বলেছেন। তিনি বললেন, তারপর মারওয়ান তাকে ব্যক্তি-মালিকানায় বর্টন করল এবং আমি তার একাংশ লাভ করলাম। আর ওয়ালীদ ও সুলায়মান আমাকে তাদের অংশদ্বয় প্রদান করলেন। বায়তুল মালে ফিরিয়ে দেওয়ার মত এর চেয়ে মূল্যবান কোন সহায়-সম্পত্তি আমার নেই। এখন আমি তাকে বায়তুল মালে এ অবস্থায় ফিরিয়ে দিচ্ছি, যে অবস্থায় মহান আল্লাহর রাসূলের জীবন্দশায় ছিল। রাবী বলেন, লোকেরা তখন অন্যায় তাবে গৃহীত ও আত্মসাতকৃত সকল ভূসম্পত্তির আশা ছেড়ে দিল। এরপর তিনি বানু উমায়ার একদল/অনেক সদস্যের সহায়-সম্পত্তি বায়তুল মালে ফিরিয়ে দেওয়ার নির্দেশ প্রদান করলেন এবং এগুলোকে ‘অন্যায়ভাবে গৃহীত অর্থ সম্পদ’ নাম দিলেন। তখন এসকল অর্থ-সম্পদের অধিকারীরা তার প্রিয়প্রাতদের মাধ্যমে তার কাছে সুপারিশ করল এবং এ ব্যাপারে তারা তাঁর ফুরু ফাতিমা বিন্ত মারওয়ানকে মাধ্যম বানাল। কিন্তু কোন কিছুতেই কোন ফল হল না। (তিনি তার ঘোষণা ও সিদ্ধান্তে অবিচল থাকলেন) এবং তিনি তাদেরকে বললেন, তিনি যেন আমাকে আমার সিদ্ধান্ত কার্যকর করতে দেন, অন্যথায় আমি পবিত্র মক্কায় চলে যাব। তাঁর ফুরু তার (মধ্যস্থতাকারী) অবস্থান থেকে সরে দাঁড়ালেন। এ সময় উমর বললেন, আল্লাহর কসম! আমি যদি তোমাদের মাঝে পঞ্চাশ বছরও শাসনকার্য পরিচালনা করি, তাহলেও আমি তোমাদের মাঝে আমার কাঙ্ক্ষিত ন্যায়শাসন প্রতিষ্ঠা করতে থাকব। আর এই বিষয়টি আমি চাই-ই।

ইমাম আহমাদ বলেন, আবদুর বায়ুক সূত্রে ওয়াহ্ ইব্ন মুনাব্বিহ থেকে, তিনি বলেন, এই উম্মতের যদি কোন মাহদী (সুপথপ্রাপ্ত সুশাসক) থেকে থাকেন তাহলে তিনি হলেন উমর ইব্ন আবদুল আয়ী। তাঁর সম্পর্কে কাতাদা, সাঈদ ইব্নুল মুসায়িব এবং আরো একাধিক নির্ভরযোগ্য ব্যক্তি এরপ মন্তব্য করেছেন। তাউস বলেন, নিঃসন্দেহে তিনি সুপথপ্রাপ্ত খলীফা। তবে তিনি ন্যায় ও ইনসাফ পরিপূর্ণ করতে পারেননি।

সম্পদের ব্যাপারে উদীর, নিয়ন্ত্রণ প্রশাসক ও গভর্নরদের প্রতি কঠোর, নিঃস্ব দরিদ্রদের প্রতি দয়ার্দ। ইমাম মালিক বর্ণনা করেন, আবদুর রহমান ইব্ন হারমালাহ সূত্রে সাঙ্গে ইব্নুল মুসায়িব থেকে যে, তিনি বলেন, খলীফা হলেন আবু বকর (রা) এবং দুই উমর। তখন তাকে প্রশ্ন করা হলো আবু বকর ও উমর তাদের দুই জনকে তো আমরা চিনলাম, কিন্তু আরেকজন উমর তিনি কে? তিনি বললেন, যদি তুমি বেঁচে থাক, তাহলে অচিরেই তার সাক্ষাৎ পাবে, এ বলে তিনি উমর ইব্ন আবদুল আয়ীয়কে উদ্দেশ্য করলেন। অন্য এক বর্ণনায় তার থেকে একথা বর্ণিত হয়েছে যে, তিনি বলেন, সে হলো বানু মারওয়ানের ‘আশাঞ্জ’ (মুখ্যমণ্ডলে ক্ষতিহীন বিশিষ্ট ব্যক্তি)। সুফয়ান ছাওরীর সহচর উববাদ আস-সাম্বাক বলেন, আমি ছাওরীকে বলতে শুনেছি, খলীফা হলেন পাঁচজন, আবু বকর, উমর, উচ্চমান, আলী এবং উমর ইব্ন আবদুল আয়ীয়। আবু বকর ইব্ন আয়্যাশ, শাফিউ এবং একাধিক ইমাম থেকেও এক্লপ মন্তব্য উদ্ধৃত হয়েছে। এছাড়া এ ব্যাপারে সকল শীর্ষস্থানীয় আলিম একমত যে, উমর ইব্ন আবদুল আয়ীয় হলেন সুপথপ্রাণ খলীফা, হিদায়াতপ্রাণ ইমাম এবং ন্যায়পরায়ণ শাসকদের অন্যতম একজন। আর একাধিক ইমাম তাকে ঐ দ্বাদশ ইমামের অন্তর্ভুক্ত করেছেন, যাদের ব্যাপারে সহীহ হাদীস বর্ণিত হয়েছে যে,

لَا يَرِزَّ الْأُمَّةُ حَتَّىٰ يَكُونَ فِيهِمْ إِثْنَا عَشَرَ خَلِيفَةً كَلَّهُمْ
من فریس -

‘এই উচ্চতের শাসন-কর্তৃত্বের বিষয়টি সঠিক থাকবে তাদের মাঝে বারজন খলীফার আবির্ভাব হওয়া পর্যন্ত যাদের প্রত্যেকে হবে কুরায়শী।’

তিনি তার সংক্ষিপ্ত খিলাফতকালে সুশাসন প্রতিষ্ঠার যথাসাধ্য চেষ্টা করেছেন। অন্যায়ভাবে গৃহীত অর্থ-সম্পদ ফিরিয়ে দিয়েছেন এবং প্রত্যেক প্রাপকের কাছে তার প্রাপ্য পৌঁছে দিয়েছেন। প্রতিদিন তার ঘোষক ঘোষণা করত, ঋণগ্রস্তরা কোথায়? বিবাহে ইচ্ছুকগণ কোথায়? নিঃস্ব দরিদ্ররা কোথায়? ইয়াতীমরা কোথায়? এরা সকলে আসুক, এদের অভাব ও প্রয়োজন পূরণ করে দেওয়া হবে। এ ব্যাপারে আলিমগণ মত বিরোধে লিঙ্গ হয়েছেন, কে উত্তম উমর ইব্ন আবদুল আয়ীয়, নাকি মুআবিয়া ইব্ন আবু সুফয়ান? এরপর কেউ কেউ (খিলাফতকালীন) জীবন চরিত, ন্যায়পরায়ণতা, পার্থিব নির্মোহতা এবং ইবাদতপরায়ণতার কারণে উমর ইব্ন আবদুল আয়ীয়কে শ্রেষ্ঠ বলেছেন। আর অন্যরা ইসলামের অগ্রবর্তীতা ও নবী সাহচর্যের কারণে হ্যারত মুআবিয়াকে শ্রেষ্ঠ আখ্যা দিয়েছেন। এমনকি তাদের কেউ বলেছেন, মুআবিয়ার (রা) রাসূলুল্লাহ সাল্লাল্লাহু আলায়হি ওয়া সালামের সাহচর্যের একটি দিনও উমর ইব্ন আবদুল আয়ীয়, তার গোটা জীবনকাল ও স্বজন-পরিজন থেকে উত্তম। ইব্ন আসাকির তার তারীখে (ইতিহাসগ্রন্থ) উল্লেখ করেছেন, উমর ইব্ন আবদুল আয়ীয় তার স্ত্রী ফাতিমা বিন্ত আবদুল মালিকের একটি বাঁদীর গুণমুক্ত ছিলেন। একবার তিনি তার কাছে বাঁদীটি চেয়েছিলেন। কিন্তু ফাতিমা তাতে অঙ্গীকৃতি জানিয়েছিলেন। তারপর তিনি যখন খলীফা হলেন, তখন তাঁর স্ত্রী বাঁদীটিকে সুন্দর পোশাকে সুগন্ধি মাখিয়ে তাকে [দান করে] তার কাছে পাঠিয়ে দিলেন। এরপর তিনি যখন তাঁকে বাঁদীর সাথে নির্জনে সাক্ষাতের ব্যবস্থা করে দিলেন, তখন উমর বাঁদীটিকে এড়িয়ে গেলেন। তখন বাঁদী তার মনোযোগ আকর্ষণের চেষ্টা করল। কিন্তু তিনি তাকে উপেক্ষা

করলেন। তখন বাঁদী (অবাক হয়ে) প্রশ্ন করল, হে জনাব! আমার প্রতি আপনার যে আগ্রহ প্রকাশ পেত, তা কোথায়? তিনি বলেন, আল্লাহর কসম! তোমার প্রতি আমার আগ্রহ অপরিবর্তিত আছে, কিন্তু এখন আমার নারীতে কোন আস্তি নেই। এমন এক শুরুতর বিষয় আমার কাছে এসেছে, যা আমাকে তোমার থেকে এবং অন্যদের থেকে নিরাসক করে ফেলেছে। তারপর তিনি তাকে তার বংশপরিচয় জিজ্ঞাসা করলেন এবং জানতে চাইলেন কোথা থেকে তাকে আনা হয়েছে। সে বলল, হে আমীরুল মু'মিনীন! মরক্কো দেশে আমার পিতা একটি শাস্তিযোগ্য অপরাধে লিঙ্গ হন। তখন মুসা ইব্ন নুসায়র তার সহায়-সম্পত্তি বাজেয়াণ করেন। এরপর আমাকে এক অপরাধে ধরে আনা হয় এবং মুসা আমাকে খলীফা ওয়ালীদের কাছে পাঠিয়ে দিলেন। তিনি আমাকে তার ভগী ও আপনার স্ত্রী ফাতিমাকে দান করলেন এবং অবশ্যে ফাতিমা আমাকে আপনার জন্য উপহার স্বরূপ পাঠালেন। বাঁদীর এই বৃত্তান্ত শুনে উমর ইন্না লিল্লাহি ওয়া ইন্না ইলাইহি রাজিউন পড়েন এবং বলেন, আল্লাহর শপথ! আমরা তো তোমার কারণে অপদৃষ্টা ও ধৰ্মসের দ্বারপ্রান্তে পৌছেছিলাম। তারপর তিনি বাঁদীকে সমস্মানে তার স্বদেশ ও স্বজনদের কাছে ফেরত পাঠাবার নির্দেশ দেন।

তাঁর স্ত্রী ফাতিমা বিন্ত আবদুল মালিক বলেন, একদিন আমি উমরের সাক্ষাতে গিয়ে দেখলাম তিনি তার জায়নামায়ে গালে হাত দিয়ে বসে আছেন। আর তার গওয়ায় বেয়ে অশ্রু প্রবাহিত হচ্ছে। আমি তাঁকে প্রশ্ন করলাম, আপনার কী হয়েছে? তিনি বলেন, ফাতিমা! আল্লাহ তোমার বোধোদয় করলন! এই উমতের কী গুরুদয়িত্ব আমি গ্রহণ করেছি, তা একবার ভেবে দেখ। তাই আমাকে ভাবতে হয় ক্ষুধার্ত দরিদ্রের কথা, মূর্মুরোগীর কথা, বন্ধুহীন কষ্টে নিপত্তিতের কথা, পিতৃহীন বিপর্যস্তের কথা, নিঃসঙ্গ বিধবার কথা, নির্যাতিত-নিপীড়িতের কথা, আশ্রয়হীন ও বন্দীর কথা। অতি বৃক্ষের কথা। বহুপোষ্য ভারাক্রান্ত অভাবীর কথা এবং এদের ন্যায় সকল অসহায় ও বিপন্নদের কথা, যারা আমার সাম্রাজ্যের দিকদিগন্তে এবং দূরতম প্রান্তে ছড়িয়ে রয়েছে। আর আমি একথাও জানি যে, আমার মহান ও পরাক্রমশালী প্রতিপালক কাল কিয়ামতের দিন আমাকে তাদের সম্পর্কে জিজ্ঞাসা করবেন। আর তাদের পক্ষে আমার প্রতিপক্ষে হবেন স্বয়ং মুহাম্মাদ সাল্লাল্লাহু আলায়হি ওয়া সালাম। আমার আশঙ্কা যে, তাঁর সাথে বিবাদকালে আমার কোন যুক্তি প্রমাণই গৃহীত হবে না। তাই নিজের প্রতি কর্মণবশত আমি কাঁদছি।

মায়মূন ইব্ন মাহরান বলেন, উমর ইব্ন আবদুল আয়ীয় আমাকে একটি অঞ্চলের প্রশাসক নিযুক্ত করে বললেন, তোমার কাছে যদি আমার কোন অন্যায় ফরমান সম্বলিত পত্র পৌছে, তবে তুমি তা মাটিতে ছুঁড়ে মারবে। তিনি একবার তার জনেক গর্ভনরকে লিখলেন, মানুষের উপর তোমার কর্তৃত ও ক্ষমতা যদি তোমাকে কোন অন্যায়-অত্যাচারে প্ররোচিত করে, তাহলে তোমার উপর আল্লাহর ক্ষমতা ও নিরক্ষুণ কর্তৃত্বকে স্মরণ কর এবং তাদের প্রতি তোমার কর্তৃত্বের নিঃশেষতা ও তোমার প্রতি তাদের অভিযোগের স্থায়িত্বের কথা স্মরণ কর। আবদুর রহমান ইব্ন মাহদী বর্ণনা করেন, জারীর ইব্ন হাযিম সূত্রে ঈসা ইব্ন আসিম থেকে। তিনি বলেন, (একবার) উমর ইব্ন আবদুল আয়ীয় আদী ইব্ন আদীকে লিখে পাঠালেন-নিঃসন্দেহে ইসলামের কতক পথ ও পদ্ধা এবং বিধি-বিধান রয়েছে। যে ব্যক্তি সেগুলো পূর্ণরূপে পালন করে, সে ঈমানকে পূর্ণ করে। আর যে তা পূর্ণরূপে মানল না, সে ঈমানকে পরিপূর্ণ করল না। আমি যদি বেঁচে থাকি, তাহলে আমি তোমাদের সামনে তা স্পষ্ট করে বর্ণনা করব,

যাতে তোমরা সে অনুযায়ী আমল করতে পার। আর যদি আমি মরে যাই তাহলে জেনে রাখ, আমি তোমাদের সাহচর্যের জন্য লালায়িত নই। ইমাম বুখারী এই রিওয়ায়াতকে তার সহীহগত্বে তালীক বা সনদবিহীন পরিচ্ছেদ শিরোনামরূপে আস্তার সাথে উল্লেখ করেছেন।

ঐতিহাসিক আসসূলী উল্লেখ করেছেন যে, (একবার) উমর ইব্ন আবদুল আয়ীয় তার এক গর্ভনরের কাছে লিখলেন, তুমি আল্লাহকে ডফ কর। কেননা, তা ছাড়া অন্য কিছু (আমল) গৃহীত হয় না এবং মুন্তাকী ছাড়া অন্যরা দয়াপ্রাণ হয় না এবং তাকওয়ার ভিত্তি ছাড়া কাউকে বিনিময় দেওয়া হয় না। তাকওয়ার কথা বলে উপদেশ দানকারীর সংখ্যা অনেক। কিন্তু সে অনুযায়ী আমলকারীর সংখ্যা অল্প। তিনি আরও বলেন, যে ব্যক্তি বিশ্বাস করবে যে, তার কথাও তার 'আমলের' মধ্যে গণ্য, তখন সংশ্লিষ্ট ও উপকারী বিষয় ছাড়া অন্য ক্ষেত্রে তার কথা হ্রাস পাবে। আর যে ব্যক্তি মৃত্যুকে অধিক স্মরণ করবে, সে দুন্যাতে সামান্যকেই যথেষ্ট মনে করবে। তিনি বলেন, আর যে তার কথাকে 'আমলের' অঙ্গভূক্ত গণ্য করবে না, তার পাপসমূহ বৃদ্ধি পাবে। যে ব্যক্তি না জেনে আল্লাহর ইবাদত করবে, তা তাকে যতটুকু সংশোধন করবে তার চেয়ে অধিক নষ্ট করবে।

একদিন এক ব্যক্তি তার সাথে কথা বলে তাকে ঝুঁক করল। তিনি তাকে শাস্তি দিতে উদ্যত হলেন। কিন্তু পরে নিজেকে সংযত করে লোকটিকে বলেন, তুমি তো আমাকে শাসকের ক্ষমতা দ্বারা বিভাস্ত করতে চেয়েছ, যাতে আমি তোমার সাথে দুর্ব্যৱহার করি, যার বদলা তুমি আমার খেকে নেবে কাল কিয়ামতের দিন। যাও! মহান আল্লাহ তোমাকে অব্যাহতি দিন, তোমার সাথে বিবাদ করার আমার কোন প্রয়োজন নেই। তিনি বলতেন, আল্লাহর কাছে প্রিয়তম বিষয়সমূহ হলো চেষ্টায় মধ্যপদ্ধা অবলম্বন করা, প্রতিশোধের সামর্থ সত্ত্বেও ক্ষমা করা এবং শাসনকার্যে কোমলতা অবলম্বন করা। যে কোন ব্যক্তি (মুসলমান) অপর ব্যক্তির প্রতি দুন্যাতে দয়ার্দ ও কোমল আচরণ করে আল্লাহপাক কিয়ামতের দিন তার প্রতি কোমল ও দয়ার্দ আচরণ করবেন।

একবার তার শিশু ছেলে সমবয়সী বালকের সাথে খেলতে বের হলো। খেলার সময় আরেকটি বালক তার মাথায় আঘাত করে ক্ষত সৃষ্টি করল। সকলে সেই আঘাতকারী বালককে উমর ইব্ন আবদুল আয়ীয়ের কাছে নিয়ে আসে। তিনি কোলাহল শুনে তাদের কাছে বেরিয়ে আসেন। এক ক্ষুদ্রাকৃতির স্ত্রীলোক বলতে লাগল, সে আমার ছেলে! সে পিতৃহীন। উমর তাকে আশ্বস্ত করে বলেন, তুমি শাস্তি হও! উদ্বিগ্ন হয়ে না। তারপর উমর তাকে জিজ্ঞাসা করলেন, তাকে কি রেশন প্রদান করা হয়? সে বলল, না। তিনি নির্দেশ দিলেন, তাকে অনাধি শিশুদের তালিকাভূক্ত করে নাও। এ সময় তাঁর স্ত্রী ফাতিমা বিন্ত আবদুল মালিক তাঁকে বলেন, আপনি তার সাথে একরূপ সদাচার করছেন, অর্থ সে আপনার ছেলের মাথা ফাটিয়ে দিয়েছে! আল্লাহপাক যেন তার উপযুক্ত (শাস্তির) ব্যবস্থা করেন। আবারও সে আপনার ছেলের মাথা ফাটাবে। তখনি তিনি স্ত্রীকে ভর্তসনা করে বলেন, সে পিতৃহীন, আর তোমরা তাকে আতঙ্কহস্ত করে তুলেছো।

মালিক ইব্ন দীনার বলেন, লোকেরা (আমার সম্পর্কে) বলে বেড়ায় মালিক যাহিদ/নির্মোহ! আমার কাছে কোন নির্মোহতা আছে? প্রকৃত নির্মোহ হলেন, উমর ইব্ন আবদুল আয়ীয় (রহ)। দুন্হিয়ার তামাম তোগ-উপভোগের উপকরণ তাঁর পায়ে লুটিয়ে পড়েছে। কিন্তু, তিনি তা সম্পূর্ণরূপে বর্জন করেছেন। ঐতিহাসিকগণ বলেন, তাঁর পরিধেয় ছিল একটি মাত্র

জামা। ফলে যখন তা ধুয়ে দেওয়া হতো তিনি তখন তা শুকানো পর্যন্ত বাড়ীতে বসে অপেক্ষা করতেন। একবার এক সংসারবিবাগী যাজকের সাক্ষাৎ পেয়ে তিনি তাকে বলেন, মহান আল্লাহ্ আপনার কল্যাণ করুন! আমাকে উপদেশ দিন, সে বলগ, আপনি কবির এই উপদেশ গ্রহণ করুনঃ تَجْرِيدُ مِنَ الدُّنْيَا فَإِنْكَ إِنْمَا + خَرَجْتَ إِلَى الدُّنْيَا وَأَنْتَ مُجَرَّدٌ

‘দুনইয়া হতে খালি হাত (নিঃস্পর্ক) হয়ে যাও। কেননা, তুমি তো দুনইয়ায় এসেছো খালি হাত (নিঃস্ব) অবস্থায়।’ মালিক ইব্ন দীনার বলেন, এ কবিতার পঙ্কজিটি তাকে মুক্ষ করত, তাই তিনি বারবার তা আবৃত্তি করতেন এবং এর ঘর্ম যথার্থভাবে কার্যে পরিণত করেছিলেন। বর্ণনাকারিগণ বলেন, একদিন তিনি তাঁর দ্বীর সাক্ষাতে প্রবেশ করে নিজের জন্য কিছু আঙুর কেনার উদ্দেশ্যে তার কাছে একটি পূর্ণ দিরহাম বা খুচরা পয়সা ঢাইলেন। কিন্তু তিনি তার কাছে পেলেন না। তাঁর দ্বীর তাঁকে বলেন, আপনি গোটা মুসলিম সাম্রাজ্যের অধিপতি অথচ আপনার আঙুর কেনার সঙ্গতি নেই! উমর বলেন, আজ এ অবস্থা মেনে নেওয়া আমার কাছে কাল জাহান্নামের আগমের বেড়ী ও শৃঙ্খলাবদ্ধ হওয়ার চেয়ে সহজ। বর্ণনাকারিগণ বলেন, তাঁর গৃহ-প্রদীপ স্থাপিত ছিল তিনটি নলের উপর যেগুলোর অগভাগে ছিল মাটি। তারা বলেন, একদিন তিনি তাঁর সেবককে তাঁর জন্য এক টুকরা গোশ্ত ভুনা করতে পাঠালেন, সে দ্রুত তা ভুনা করে তাঁর কাছে নিয়ে আসল। তিনি তাকে জিজ্ঞাসা করলেন, তুমি তা কোথায় ভুনা করেছ? সে বলল, রঞ্জনশালায়। তিনি বলেন, রঞ্জীয় রঞ্জনশালায়? সে বলল, হ্যাঁ! তিনি বলেন, তুমি তা খেয়ে নাও, আসলে ওটা আমার রিয়িক নয়, ওটা তোমার রিয়িক। একবার তাঁর খাদেমগণ গণরঞ্জনশালায় তার জন্য পানি গরম করল। তিনি তার বিনিময়ে এক দিরহামের খড়ি/জুলানি কাঠ কিনে দিলেন। তার দ্বীর তাঁর স্পর্কে বলেন, খলীফা থাকা অবস্থায় তিনি কখনও জানাবাত্ত্বস্তু^১ হননি।

ঐতিহাসিকগণ বলেন, আবু সালাম আলআসওয়াদ স্পর্কে উমর ইব্ন আবদুল আয়ীমের কাছে এ তথ্য পৌছল যে, তিনি হ্যরত ছাওবানের উদ্ধৃতিতে হাউয়ে কাওছার স্পর্কিত হাদীসখানি রিওয়ায়াত করে থাকেন। তিনি তার কাছে লোক পাঠিয়ে তাকে ডাক বিভাগের বাহনে আরোহণ করিয়ে উপস্থিত করলেন, এরপর তিনি তার প্রতি সহানুভূতি প্রকাশ করে বলেন, হে আবু সালাম! আমরা আপনাকে কষ্ট দিতে চাইনি। কিন্তু, আমি চেয়েছি সরাসরি আপনার মুখ থেকে হাদীসখানি শুনতে। তিনি বলেন, আমি ছাওবানকে বলতে শুনেছি, তিনি বলেন, রাসূলুল্লাহ্ সাল্লাল্লাহু আলায়হি ওয়া সাল্লাম ইরশাদ করেছেন-

حَوْضِيْ مَا بَيْنَ عَدْنِ إِلَى عَمَانِ الْبَلَقاءِ ، مَأْوِيْ أَشَدُ بِيَاضِهِ مِنَ الْأَبْيَانِ ، وَأَحْلَى
مِنَ الْعَسْلِ ، أَكْوَابُهُ عَدْدُ نَجْوَمِ السَّيَّاءِ ، مَنْ شَرَبَ مِنْهُ شَرِبَ لَمْ يَظْمَأْ بَعْدَهَا
أَبْدًا ، وَأَوْلُ النَّاسِ رُوْدًا عَلَيْهِ فُقَرَاءُ الْمَهَاجِرِينَ ، الشُّعْتُ رُؤُوسُهُ ، الدُّنْسُ
ثِيَابًا ، الَّذِينَ لَا يَنْحَكُونَ الْمُتَنَعِّمَاتِ - وَلَا تَفْتَحْ لَهُمُ السُّدُّ -

আমার হাওয [ইয়ামানের] এডেন হতে নিয়ে [শামের (তৎকালীন)] বাল্কা অঞ্চলের আস্থান পর্যন্ত [দ্রব্য নিয়ে] বিস্তৃত হবে। তার পানি হবে দুধের চেয়ে সাদা, মধুর চেয়ে মিষ্ট,

১. বীর্যশ্঵লজনিত অপবিত্রতা, যার কারণে গোসল ফরয হয়।

আর তার পেয়ালার সংখ্যা হবে আকাশের তারকার সংখ্যা বরাবর। তার থেকে একবার যে পান করবে সে আর কখনও পিপাসার্ত হবে না। সর্বপ্রথম তাতে পান করতে আসবে দরিদ্র মুহাজিরগণ। যাদের মাথার চুল অবিন্যস্ত ও ধুলামলিন, কাপড়চোপড় ময়লাযুক্ত, যারা বিলাসী নারীদের বিবাহ করে না, আর তাদের জন্য বদ্ধ দরয়া খোলা হয় না। উমর ইব্ন আবদুল আয়ীয় বলেন, কিন্তু আমি তো বিলাসী নারীকে বিবাহ করেছি, সে হলো খলীফা-তনয়া ফাতিমা বিন্ত আবদুল মালিক। কাজেই, আমি অবশ্যই মাথায় পানি দিব না যাতে মাথার চুল অবিন্যস্ত ও ধুলামলিন হয় এবং ভালভাবে ময়লাযুক্ত না হওয়া পর্যন্ত আমার কাপড় ছাড়ব না। বর্ণনাকারীগণ বলেন, তাঁর ব্যক্তিগত একটি প্রদীপ ছিল যার আলোয় তিনি নিজের প্রয়োজনীয় বিষয়সমূহ লিখতেন এবং একটি প্রদীপ ছিল বায়তুল মালের যার আলোতে তিনি মুসলমানগণের স্বার্থ সংশ্লিষ্ট বিষয়াদি লিখতেন। এর আলোতে তিনি নিজের ব্যক্তিগত প্রয়োজনে একটি বর্ণও লিখতেন না। প্রতিদিন সকালে তিনি পরিত্র কুরআন তিলাওয়াত করতেন তবে পরিমাণ দীর্ঘ করতেন না। তার (বিশেষ) সিপাহী সংখ্যা ছিল তিনশ' জন এবং প্রহরীর সংখ্যা তিনশ' জন। তার স্বজনদের এক ব্যক্তি তাকে কিছু আপেল হাদিয়া দিল। তিনি সেই আপেলের ঘোগ শুকে তা বহনকারীর মাধ্যমে ফেরত পাঠালেন এবং তাকে বলে দিলেন, তুমি তাকে বলবে, তুমি তার হাদিয়া যথাস্থানে পৌছে দিয়েছো। জনৈক ব্যক্তি তাকে বলল, হে আমীরুল মু'মিনীন! আল্লাহ'র রাসূলও তো হাদিয়া গ্রহণ করতেন। তা ছাড়া এ ব্যক্তি তো আপনার স্বজনগণের অন্তর্ভুক্ত। একথা শুনে তিনি বলেন, হাদিয়া আল্লাহ'র রাসূলের জন্য হাদিয়াই ছিল। কিন্তু আমাদের জন্য তা উৎকোচে পরিষত হয়েছে। বর্ণনাকারীগণ বলেন, তিনি তাঁর গভর্নরদের মোটা অংকের ভাতা প্রদান করতেন। তাদের একেকজনকে তিনি মাসে একশ' থেকে দু'শ' দীনার পর্যন্ত মাসোহারা দিতেন। আর এর সপক্ষে যুক্তি দেখিয়ে বলতেন, তারা যদি ব্যয় নির্বাহের জন্য পর্যাপ্ত পরিমাণ অর্থ পায়, তাহলে স্বাচ্ছন্দে মুসলমানগণের কাজের জন্য অবসর হতে পারবে। তারা তাকে বলল, গভর্নরদের জন্য আপনি যে পরিমাণ অর্থ বরাদ্দ করে থাকেন, তার সমপরিমাণ যদি নিজের পোষ্যদের জন্যও ব্যয় করতেন, তাহলে তো বেশ হতো। তিনি বলেন, আমি যেমন তাদেরকে প্রাপ্ত কোন অধিকার থেকে বঞ্চিত করব না, অন্যের প্রাপ্ত হকও তাদেরকে প্রদান করব না। ফলে, তার পোষ্য পরিজন খুব কষ্টে দিন কাটাত। তিনি এ কথা বলে তার কৈফিয়ত দিতেন যে, পূর্ব যুগের বহু সলফেসালেহীন এই অবস্থায় কালাতিপাত করেছেন। কোন একদিন হ্যরত আলীর এক অধস্তনকে তিনি বলেন, মহান আল্লাহ'র কাছে আমি এ বিষয়ে লজ্জাবোধ করি যে, আপনি আমার দরযায় দাঁড়াবেন আর আপনাকে অনুমতি দেওয়া হবে না। তাদের অন্য এক ব্যক্তিকে তিনি বলেন, মহান আল্লাহ'র আপনাদেরকে দীনের যে সম্মান দান করেছেন, তারপর আপনাদেরকে দুনইয়া দ্বারা কল্পিত করতে আমি অনগ্রহ এবং আল্লাহ' হতে লজ্জাবোধ করি। তিনি এ কথাও বলেন, আমরা বানু উমায়া এবং আমাদের চাচাতো ভাইয়ের দল বানু হাশিমের অবস্থা ছিল পালাক্রমিক। একবার অবস্থা আমাদের অনুকূল হতো একবার প্রতিকূল। একবার আমরা তাদের আশ্রয় গ্রহণ করতাম। আরেকবার তারা আমাদের আশ্রয় গ্রহণ করত। অবশেষে রিসালাতুরপী সূর্যের উদয় হলো তখন তা সকল চালুকে অচল করে দিল, সকল বিরোধীকে বাক্হীন করে দিল এবং সকল সবাক্ (প্রতিদ্বন্দ্বীকে) নির্বাক' করে দিল।

আহমাদ ইব্ন মাওয়ান বর্ণনা করেন, খাত্তাবের ভাইয়ের ছেলে আবু বাকর সূত্রে মুহাম্মাদ ইব্ন উয়ায়নার মেরপালক মূসা ইব্ন আয়মান হতে তিনি বলেন, হ্যরত উমর ইব্ন আবদুল

আর্যীয়ের খিলাফতকালে মেষ, সিংহ ও অন্যান্য হিংস্রপ্রাণী একই চারণভূমিতে অবস্থান করত। এরপর একদিন একটি নেকড়ে একটি মেষের পিছু নিল। তখন আমি ইন্না লিল্লাহ পড়ে ভাবলাম, আমার তো মনে হয় মহান আল্লাহর সেই নেক বান্দাহ ইন্তিকাল করেছেন। তিনি বলেন, আমরা দিন গণনা করে হিসাব করে দেখলাম, তিনি সেই রাত্রেই ইন্তিকাল করেছেন। তিনি ছাড়া অন্য এক রাবীও হাশ্মাদ হতে তা বর্ণনা করেছেন। তিনি (হাশ্মাদ) বলেন, তিনি কিরমান অঞ্চলে মেষ চরাতেন, এরপর তিনি অনুরূপ রিওয়ায়াত উল্লেখ করেছেন। এছাড়া অন্য সুত্রেও এই বর্ণনার এক ‘শাহিদ’ বা সমর্থক রিওয়ায়াত বিদ্যমান।

তাঁর উল্লেখযোগ্য দু'আ হলো, হে আল্লাহ! কতক লোক এমন অতীত হয়েছেন যারা আপনার আদেশ-নিষেধের বিষয়ে আপনার আনুগত্য করেছেন। হে আল্লাহ! আপনার আনুগত্যের পূর্বেই আপনি তাদেরকে তাওফীক দিয়েছেন। কাজেই, আপনি আমাকেও তাওফীক দান করুন। আরেকটি দু'আ হলো হে আল্লাহ! উমর তো এর উপরুক্ত নয় যে, আপনার রহমত তার নাগাল পাবে, তবে আপনার রহমতের পক্ষে উমরের নাগাল পাওয়া সম্ভব। এক ব্যক্তি তাকে বলল, আল্লাহ আপনাকে ততদিন জীবিত রাখুন, যতদিন জীবন আপনার জন্য কল্যাণকর হয়। তিনি বলেন, এটা এমন বিষয় যার সিদ্ধান্ত স্থির হয়ে গেছে। তুমি বরং এভাবে বল, আল্লাহ আপনাকে নেক হায়াত দান করুন এবং নেক্কারগণের সাথে মৃত্যু দান করুন। জনৈক ব্যক্তি তাকে প্রশ্ন করল হে আমীরুল মু'মিনীন! কী অবস্থায় আপনার সকাল হলো? তিনি বলেন, ধীর, পূর্ণ উদর ও পাপ কল্পিত এবং মহান আল্লাহর কাছে ভিখারী অবস্থায় আমার সকাল হলো। একবার এক ব্যক্তি তার সাথে সাক্ষাৎ করে বলল, হে আমীরুল মু'মিনীন, আপনার পূর্বেকার খলীফাদের জন্য খিলাফত ছিল অলঙ্কার আর আপনি হলেন খিলাফতের অলঙ্কার/ অহঙ্কার। আপনার দৃষ্টান্ত কবির ভাষ্যের ন্যায়-

وإذا الدُّرْ زان حُسْنَ وُجُوهٌ * كان للدُّرْ حسْنٌ وجْهٌ زَيْنًا

‘সচরাচর মোতি মুখমণ্ডলের সৌন্দর্যকে শোভামণ্ডিত করে, কিন্তু আপনার মুখমণ্ডলের সৌন্দর্য যেন মোতির শোভা বৃদ্ধি করেছে।’

বর্ণনাকারী বলেন, এ পঙ্ক্তি শুনে উমর সেই ব্যক্তি থেকে মুখ ফিরিয়ে নিলেন। রাজা ইব্ন হায়ওয়াহ বলেন, কোন এক রাত্রে আমি উমর ইব্ন আবদুল আর্যীয়ের কাছে আলোচনারত ছিলাম। আমাদের তেলের বাতি নিষ্ঠেজ হয়ে গেল। আমি বললাম, হে আমীরুল মু'মিনীন! বাতিটি ঠিক করার জন্য আমি কি আপনার খাদিয়কে ঘুম থেকে জাগিয়ে দিব? তিনি বললেন, না, তাকে ঘুমাতে দাও। আমি তার উপর এক সাথে দুটি কাজ চাপিয়ে দিতে চাই না। আমি বললাম, তাহলে আমি গিয়ে তা ঠিক করে দিই। তিনি বলেন, না! অতিথিকে কাজে লাগানো শিষ্টতার পরিচায়ক নয়। তারপর নিজে উঠে গিয়ে তা ঠিক করলেন এবং তাতে নতুন তেল ঢেলে তারপর আসলেন। এরপর তিনি বলেন, আমি যখন উঠে গেলাম, তখনও আমি উমর ইব্ন আবদুল আর্যী, আবার যখন ফিরে এসে বসলাম, তখনও উমর ইব্ন আবদুল আর্যী। এছাড়া তিনি বলতেন, তোমরা মহান আল্লাহর প্রদত্ত অনুগ্রহ ও নিআমতের কথা অধিক স্মরণ কর। কেননা, তাঁর স্বরণই তাঁর কৃতজ্ঞতার প্রকাশ। তিনি বলতেন, আস্তরিতার আশঙ্কা আমাকে তা অধিক স্মরণ করা থেকে বিরত রাখে। একবার তাঁর কাছে সংবাদ আসল যে, তার জনৈক বন্ধু ইন্তিকাল করেছেন। তিনি তার স্বজনদের কাছে আসলেন তার ব্যাপারে তাদেরকে

সাম্রাজ্য দেওয়ার জন্য। এ সময় তারা মৃতের শোকে তার সামনে বিলাপ কাল্পনা শুরু করল। তিনি তাদেরকে বলেন, তোমরা এই মাত্র করা হতে নিবৃত্ত হও! তোমাদের এই মৃত ব্যক্তি তোমাদের রিয়্ক দিতেন না। আর যিনি তোমাদেরকে রিয়্ক দেন তিনি তো চিরজীব। আর তোমাদের এই মৃত ব্যক্তি তোমাদের কবরের কোন গর্ত পূর্ণ করেননি, তিনি তো তার নিজের কবরের গর্ত পূর্ণ করেছেন। শুনে রাখ, তোমাদের প্রত্যেকের জন্য একটি করে কবরগর্ত রয়েছে। আল্লাহর কসম, তাকে তা পূরণ করতেই হবে। আল্লাহ তা'আলা যখন দুনিয়া সৃষ্টি করেছেন, তখনই তার ধ্বনিসের এবং তার অধিবাসীদের মৃত্যুর চূড়ান্ত সিদ্ধান্ত গ্রহণ করেছেন। যে গৃহ কোন হাসি-আনন্দে পূর্ণ হয়, সে গৃহই আবার অশ্রুতে পূর্ণ হয়। লোকেরা সমবেত হতে না হতেই বিচ্ছিন্ন হয়ে যায়। এভাবে চলতে থাকবে অবশ্যে আল্লাহ তা'আলাই পৃথিবী ও পৃথিবীবাসীর চূড়ান্ত উন্নতাধিকারী হবেন। কাজেই তোমাদের মধ্যে যদি কেউ কাঁদতে চায়, তাহলে নিজের জন্য কাঁদুক। কেননা, আজ তোমাদের মৃত ব্যক্তির যে পরিণতি হয়েছে একদিন না একদিন সকল মানুষের এই একই পরিণতি হবে।

মায়মূন ইব্ন মাহরান বলেন, একবার আমি উমর ইব্ন আবদুল আয়ীয়ের সাথে কবরস্থানে যেয়ে উপস্থিত হলাম। তিনি আমাকে বলেন, হে আবু আয়ূব! এগুলি আমার পিতৃপুরুষদের সমাধি। আজ তাদের অবস্থা এমন যেন তারা কোন দিন দুনিয়াবাসীর সাথে বসবাস ও ভোগবিলাস করেননি। তুমি কি তাদেরকে দেখছ না তারা ভুগতে অদৃশ্য হয়ে গেছে। আর তাদের পূর্বে বহু দৃষ্টান্তমূলক শান্তিসমূহ বিগত হয়েছে এবং তাদের জীর্ণতা আরও দৃঢ় হয়েছে? এরপর তিনি কাঁদতে কাঁদতে বেঙ্গল হয়ে গেলেন। তারপর হঁশ ফিরে পেয়ে বলেন, চল, আমরা চলে যাই। আল্লাহর কসম। এ ব্যক্তির চেয়ে অধিক সুখ ও সৌভাগ্যের অধিকারী কারও কথা আমি জানি না, যে ব্যক্তি আল্লাহর আয়াব থেকে নিরাপদ হয়ে তার ছাওয়াবের অপেক্ষমানকাপে এই কবরের বাসিন্দা হয়েছে।

আরেক বর্ণনাকারী বলেন, একবার উমর ইব্ন আবদুল আয়ীয (র) এক ব্যক্তির জানায় হায়ির হলেন। তার দাফন শেষে তিনি তার সঙ্গীদের বলেন, তোমরা একটু অপেক্ষা কর, আমি আমার প্রিয়জনদের কবর যিয়ারত করে আসি। তিনি তাদের কবরে এসে কেঁদে কেঁদে দু'আ করতে লাগলেন। তখন যেন মাটি থেকে শোনা গেল, হে উমর! আমাকে কি তুমি জিজ্ঞাসা করবে না তোমার প্রিয়জনদের সাথে আমি কী আচরণ করেছি? উমর বলেন, আমি বললাম, তুমি তাদের সাথে কী আচরণ করেছ? সে বলল, আমি কাফনকে ছিন্নভিন্ন করেছি, মৃতদেহকে ধ্বাস করেছি, চোখের অক্ষি গোলকদ্বয়কে নিশ্চিহ্ন করেছি এবং মণিদ্বয়কে ধ্বাস করেছি। হাতের কজিদ্বয়কে তার নিম্নার্ধ থেকে বিচ্ছিন্ন করেছি এবং নিম্নার্ধদ্বয়কে উর্ধ্বার্ধদ্বয় থেকে, উর্ধ্বার্ধদ্বয় থেকে ক্ষম্বদ্বয় থেকে, ক্ষম্বদ্বয়কে মেরুদণ্ড থেকে, পায়ের পাতাদ্বয়কে গোছাদ্বয় থেকে, গোছাদ্বয়কে উরুদ্বয় থেকে, উরুদ্বয়কে উরুমূল থেকে এবং উরুমূলকে মেরুদণ্ডের (নিম্নাংশ) থেকে বিচ্ছিন্ন করেছি। এরপর তিনি প্রস্থান করতে উদ্যত হলেন, সে বলল, হে উমর আমি কি তোমাকে এমন কাফনের সন্ধান দিব না যা কখনও জীর্ণ হয় না? তিনি বললেন, তা কি? সে বলল, তা হল তাকওয়া ও নেক আমল।

একবার তিনি তার জনৈক সহচরকে বলেন, আজকের রাত্রি আমি চিন্তাভাবনা করে বিনিদ্র অবস্থায় কাটিয়েছি। সে বলল, কিসের ব্যাপারে চিন্তাভাবনা করে কাটিয়েছেন হে আমীরুল মু'মিনীন! তিনি বলেন, কবর ও কবরবাসীর ব্যাপারে। যদি তুমি দাফনের তিন দিন

পর কবরে মৃতের পরিণতি দেখতে, তাহলে তার সাহচর্যে দীর্ঘ অন্তরঙ্গতা লাভ করার পরও তার নিকটবর্তী হতে তুমি নিঃসঙ্গতা ভীতি বোধ করতে। সেখানে তুমি এমন এক গৃহ দেখতে পেতে যেখানে বিষাক্ত পোকামাকড় বিচরণ করছে এবং কীট-প্রত্যঙ্গ আসা-যাওয়া করছে। সেখানে পুঁজ প্রবাহিত হচ্ছে, দুর্গন্ধ ছড়াচ্ছে এবং পরিচ্ছন্ন, সুগন্ধিময় ও সুন্দর কাফন নোংরা ও জীর্ণ হয়ে আছে। বর্ণনাকারী বলেন, এরপর তিনি একটি দীর্ঘশ্বাস টেনে নিয়ে বেছঁশ হয়ে পড়ে গেলেন। মুকাতিল ইব্ন হায়য়ান বলেন, (একবার) আমি উমর ইব্ন আবদুল আয়ীয়ের পিছে নামায পড়লাম। তিনি এই আয়াত পড়লেন—**وَقِفُّوهُمْ إِنَّهُمْ مَسْئُولُونَ** তারপর তাদেরকে থামাও, কারণ তাদেরকে প্রশ্ন করা হবে (৩৭ : ২৪)।

এরপর তিনি বারবার তা পড়তে লাগলেন। কিন্তু, তিনি তা অতিক্রম করে অগ্রসর হতে পারলেন না। তার স্ত্রী ফাতিমা বিনত আবদুল মালিক বলেন, তার চেয়ে অধিক সালাত-সাওমের পাবন্দ এবং মহান আল্লাহ'র ভয়ে ভীত কাউকে আমি দেখিনি। ইশার নামাযের পর তিনি বসে কাঁদতেন এবং চক্ষুদ্বয় অশ্রুপ্লাবিত হতো। এরপর তিনি একটু সংযত/ সতর্ক হতেন এবং আবার কাঁদতে থাকতেন। এমনকি তার চক্ষুদ্বয় অশ্রুপ্লাবিত হতো। ফাতিমাহ বলেন, যখন তিনি আমার পাশে বিছানায় শায়িত অবস্থায় থাকতেন, তখন তিনি আখিরাতের কোন বিষয় স্মরণ করতেন এবং চুই যেমন পানিতে গা-ঝাড়া দিয়ে উঠে, তেমনিভাবে (আখিরাতের ভয়ে) গা ঝাড়া দিয়ে (কেঁপে) উঠতেন এবং উঠে বসে কাঁদতে থাকতেন। তার একুপ অস্ত্রিতা দেখে দয়াবশত আমি তার শরীরে লেপ জড়িয়ে দিতাম। আর তখন আমি বলতাম, হায়! যদি আমাদের মাঝে এবং খিলাফতের মাঝে দুই পূর্বাচলের দূরত্ব হতো! আল্লাহ'র কসম, খিলাফতের সংস্পর্শে আসার পর থেকে আমরা কোন আনন্দের দেখা পাইনি।

আলী ইব্ন যায়দ বলেন, হাসান বসরী এবং উমর ইব্ন আবদুল আয়ীয়-এর ন্যায় দুই ব্যক্তিকে আমি দেখিনি, তাদেরকে দেখলে মনে হতো জাহানামকে যেন শুধু তাদের দুইজনের জন্যই সৃষ্টি করা হয়েছে। কোন কোন বর্ণনাকারী বলেন, কান্নার আধিক্যের কারণে আমি তার চক্ষু দিয়ে অশ্রুর পরিবর্তে রক্ত প্রবাহিত হতে দেখেছি। বর্ণনাকারিগণ বলেন, তিনি যখন শয্যা গ্রহণ করতেন, তখন এই আয়াত পড়তেন :

إِنَّ رَبَّكُمْ اللَّهُ الَّذِي خَلَقَ السَّمَاوَاتِ وَالْأَرْضَ فِي سِتَّةِ أَيَّامٍ -

‘তোমাদের প্রতিপালক আল্লাহ— যিনি আকাশমণ্ডলী ও পৃথিবী ছয় দিনে সৃষ্টি করেন’ (সূরা আরাফ : ৫৪)।

آفَأَمِنَّ أَهْلُ الْقُرْبَىٰ أَنْ يَأْتِيهِمْ بِأَسْنَانَ بَيَّانًاٰ وَهُمْ نَائِمُونَ

‘তবে কি জনপদবাসীরা তয় করে না যে আমার শাস্তি তাদের উপর আসবে রাত্রে যখন তারা ঘুমস্ত থাকবে’ (৭ : ৯৭) এবং এ জাতীয় আয়াতসমূহ। প্রত্যেক রাত্রে তার ফকীহ সহচরগণ তার কাছে সমবেত হতেন এবং তারা মৃত্যু ও আধিরাত ছাড়া অন্য কিছুর আলোচনা করতেন না। এরপর তারা সকলে এমনভাবে কাঁদতেন যেন তাদের মাঝে কোন জানায়া রয়েছে।

আবৃ বাকর আসসূলী বলেন, হ্যরত উমর ইব্ন আবদুল আয়ীয় কবির এই পঞ্জিকণ্ঠে আবৃত্তি করতেন :

فَمَا تَزَوَّدَ مِمَّا كَانَ يَجْمَعُهُ * سِوَى حَنْوُطٍ غَدَةَ الْبَيْنِ فِي خَرْقٍ

বিছেদের প্রভাতে নিজের সঞ্চিত কোন কিছুকেই সে পাথেয়রূপে গ্রহণ করতে পারেনি, শুধু কয়েক টুকরা ছিল কাপড়ের ভাঁজে সামান্য সুগন্ধি ব্যতীত।

وَغَيْرَ نَفْحَةٍ أَعْوَادٍ تُشَبِّهُ لَهُ * وَقَلَّ ذَلِكَ مِنْ زَادٍ لِمُنْتَلِقٍ

এবং কয়েকটি প্রজ্ঞলিত সুগন্ধি কাঠির ধূম-সুগন্ধি। আর কোন পথচারীর জন্য পাথেয়রূপে এটা সত্যিই সামান্য।

بَأِيمَا بَلْدٍ كَانَتْ مِنْتَهِهِ * إِنْ لَا يَسِرْ طَائِعًا فِي قَصْدِهَا يُسْقِ

যে শহরে তার মৃত্যু লেখা আছে, যদি স্বেচ্ছায় সে তার উদ্দেশ্যে পথ না চলে, তাহলে তাকে সেদিকে হাঁকিয়ে নেওয়া হবে।

কোন এক জানায়ার সাথে পথ চলতে গিয়ে তিনি কিছুসংখ্যক লোককে দেখলেন তারা এক ছায়ায় আশ্রয় নিয়ে ধুলা ও রোদ থেকে নিজেদেরকে আড়াল করল। তখন তিনি কেঁদে আবৃত্তি করলেন—

مَنْ كَانَ حِينَ تَصِيبُ الشَّمْسُ جَبْهَتَهُ * أَوْ الْغَبَارُ يَخْافُ الشَّيْنَ وَالشَّعْنَا

যে ব্যক্তি রৌদ্রক্ষিষ্ট কিংবা ধুলামলিন হওয়ার সময় খুঁতযুক্ত ও অবিন্যস্ত হওয়ার আশঙ্কা বোধ করে।

وَيَأْلَفُ الظِّلَّ كَيْ تَبْقَى بَشَاشَتِهِ * فَسَوْفَ يَسْكُنْ يَوْمًا رَاغِمًا جَدِّاً

এবং তার মুখমণ্ডলের উত্তাস অপরিবর্তিত থাকার জন্য সে ছায়া পসন্দ করে কিন্তু অচিরেই একদিন সে অনিষ্ট সন্দেশ করের বাসিন্দা হবে,

فِي قَعْرٍ مُظْلَمَةٍ غَبْرَاءَ مُؤْحِشَةٍ * يُطِيلُ فِي قَعْرِهَا تَحْتَ الْثَرَى الْبَلْثَا

ধূলিধূসুর ভীতিপ্রদ অঙ্ককার গহ্বরে সে থাকবে সেই গহ্বরের তলদেশে সে মাটির নীচে দীর্ঘকাল অবস্থান করবে।

تَجَهَّزِيْ بِجَهَازٍ تَبْلِغِينَ بِهِ * يَا نَفْسُ قَبْلِ الرَّدِّ لَمْ تُخْلَقِي عَبَّثَا

হে আমার নফস (চিত)। (অনন্তকালের সফরের জন্য) মৃত্যুর পূর্বে পর্যাপ্ত পাথেয় সামগ্রী প্রস্তুত করে নাও, তোমাকে অনর্থক সৃষ্টি করা হয়নি।

এই কবিতা পঞ্জিকণ্ঠে আল-আজারী আল-তন্ফুস গঠনে ইব্রে বৃক্ষসহ উল্লেখ করেছেন। তিনি বর্ণনা করেন, আবৃ বাকর সূত্রে আবদুস সামাদ ইব্ন আবদুল আ'লা ইব্ন আবৃ উমরার এক ছেলে থেকে তিনি বলেন, উমর ইব্ন আবদুল আয়ীয (র) দুর্বিনীত রোম সম্মাটকে ইসলামের দিকে আহ্বান করার জন্য তাকে দৃত হিসেবে পাঠাতে চাইলেন। আবদুল আ'লা তাকে বলেন, হে আমীরুল মু'মিনীন! আমার সাথে যাওয়ার জন্য আমার একজন ছেলেকে অনুমতি দিন। উল্লেখ্য যে, আবদুল আ'লার দশ ছেলে ছিল। তিনি তাকে বলেন, তুমিই বল তোমার কোন ছেলে তোমার সাথে যাবে। আবদুল আ'লা বলেন, আবদুল্লাহ। উমর তাকে বলেন, তোমার ছেলে আবদুল্লাহকে আমি অপসন্দনীয় ও শৃণ্য ভঙ্গিতে হাঁটিতে দেখেছি। আর

আমার কাছে এ তথ্য পৌছেছে যে, সে কবিতা রচনা করে। তখন আবদুল আ'লা তাকে বলেন, তার ইঁটার ভঙ্গিমা তার জন্মগত ক্রটি। আর কবিতা সে রচনা করে তা দ্বারা নিজের শোকে মাত্ম প্রকাশের জন্য। তখন উমর তাকে বলেন, আবদুল্লাহকে আমার কাছে আসতে বল। আর তুমি নিজের সাথে অন্য কাউকে নিয়ে যাও। আবদুল আ'লা সন্ধ্যাকালে তার ছেলে আবদুল্লাহকে তার কাছে নিয়ে উপস্থিত হলেন। তিনি তাকে আবৃত্তি করতে বলেন। সে তাকে পূর্বোক্ত কয়েকটি পঞ্জিক্ষিহ নিম্নলিখিত পঞ্জিক্ষিণি আবৃত্তি করে শোনাল :

تَجْزِيْ بِجَهَازٍ تَبْلُغِيْنَ بِهِ * يَا نَفْسَ قَبْلَ الرَّدِيْ لِمَ تَخْلُقِي عَبْثًا

হে আমার নফস! (অনন্তকালের সফরের জন্য) মৃত্যুর পূর্বেই পর্যাণ পাথেয় সামগ্রী প্রস্তুত করে নাও, আর তোমাকে অনর্থক সৃষ্টি করা হয়নি।

وَلَا تَكْدِيْ لِمَنْ يَبْقَى وَتَفْتَقِرِيْ * إِنَّ الرَّدِيْ وَارِثُ الْبَاقِيْ وَمَا وَرَثَا

যে বেঁচে থাকবে অহেতুক তার জন্য কষ্ট করো না এবং দারিদ্র্য অবলম্বন করো না। আর যে বেঁচে থাকবে এবং সে যার উত্তরাধিকারী হবে উভয়ের চূড়ান্ত উত্তরাধিকারী মৃত্যু।

وَأَخْشَ حَوَادِثَ صَرْفَ الدَّهْرِ فِي مَهْلِيْ * وَأَسْتَيْقِظِي لَا تَكُونِي كَالَّذِيْ بَحْثَا
عَنْ مُدِيْيَ كَانَ فِيهَا قَطْعُ مَدْتِيْ * فَوَافَتْ الْحَرَثُ مُوفَورًا كَمَا حَرَثًا

কালের ধীর আবর্তনের দুর্যোগ দুর্বিপাককে ভয় কর এবং সজাগ থাক, আর ঐ ব্যক্তির মত হয়ো না যে এমন তরবারির সন্ধান করেছে যা তার কাল হয়েছে। সে তার কর্মের পূর্ণ প্রতিফল লাভ করেছে।

لَا تَأْمِنِيْ فَجَعَ دَهْرٍ مُتْرِفٌ خَتْلُ * قَدْ اسْتَوِيْ عَنْهُ مِنْ طَابٍ أَوْ خَبْثًا

বিলাসিতা সৃষ্টিকারী বিশ্বাসঘাতক কালের আঘাতকে বিশ্বাস করো না। তার কাছে ভাল-মন্দ সকলে বরাবর।

يَا رُبَّ ذِيْ أَمْلِ فِيهِ عَلَى وَجْلِيْ * أَضْحِيْ بِهِ أَمْنًا أَمْسِيْ وَقَدْ حَدَثَا
مِنْ كَانَ حِينَ تُصِيبِ الشَّمْسَ جَبْهَتِهِ * أَوْ الغَبَارِ يَخَافُ الشَّيْنَ أَوْ الشَّعْثَانَ

যে ব্যক্তি রোদ্রুক্ষিষ্ট কিংবা ধূলামলিন হওয়ার সময় খুঁতযুক্ত ও অবিন্যস্ত হওয়ার আশঙ্কা বোধ করে।

وَيَأْلَفُ الظِّلَّ كَيْ تَبْقَى بَشَاشَتِهِ * فَكَيْفَ يَسْكُنْ يَوْمًا رَاغِمًا جَدَّا

এবং তার মুখমণ্ডলের উদ্ভাস/চমক অপরিবর্তিত থাকার জন্য সে ছায়া পসন্দ করে। কিন্তু অচিরেই সে একদিন অনিচ্ছায় কবরের বাসিন্দা হবে।

قَفْرَاءِ مَوْحِشَةِ غَبْرَاءِ مُظْلَمَةِ * يُطِيلُ تَحْتَ التَّرِيْ مِنْ قَعْرِهَا أَبْثَا

নির্জন ভৌতিক্যদ এবং ধূলিধূসর অঙ্ককার গ্রহে সে বাস করবে, যার তলদেশের মাটির নীচে সে দীর্ঘকাল অবস্থান করবে।

ইব্ন আবুদ দুনইয়া এই পঞ্জিক্ষিণি উল্লেখ করেছেন আর উমর তার উদ্ধৃতিতে তা আবৃত্তি করেছেন। আর আল্লাহ তা'আলা সর্বাধিক জানেন। আর উমর ইব্ন আবদুল আয়ীয প্রায়শই এই পঞ্জিক্ষিণি আবৃত্তি করতেন এবং কাঁদতেন।

ফযল ইব্ন আবুস আলহালাবী বলেন, উমর ইব্ন আবদুল আয়ীয (র) প্রায়শই এই পঙ্কজিতি আবৃত্তি করতেন-

لَا خَيْرٌ فِي عِيشٍ اِمْرِئٍ لَمْ يَكُنْ لَهُ * مِنَ اللَّهِ فِي دَارِ الْقَرَارِ نَصِيبٌ *

ঐ ব্যক্তির বেঁচে থাকার মাঝে কোন কল্যাণ নেই, আখিরাতে যার জন্য মহান আল্লাহর পক্ষ থেকে কোন অংশ নির্ধারিত হয়নি।

কেউ কেউ এর সাথে আরেকটি চমৎকার পঙ্কজি সংযোজন করেছেন :

فَإِنْ تُعْجِبُ الدُّنْيَا اِنْسَاً فَإِنَّهَا * مَتَاعٌ قَلِيلٌ وَالزَّوَالُ قَرِيبٌ *

দুন্যা যদি (তার মোহ দ্বারা) কতক মানুষকে মুক্ত করে থাকে তাহলে জেনে রাখ তা অতি সামান্য ভোগ্য সামগ্রী যার বিলুপ্তি অত্যাসন্ন।

ইব্নুল জাওয়ী তার নিশ্চেষ্ট পঙ্কজিসমূহ আবৃত্তি করেছেন-

أَنَا مَيْتٌ وَعَزٌّ مَنْ لَا يَمُوتُ * قَدْ تَيَقَّنْتُ أَنِّي سَآمُوتُ *

আমি মরণশীল আর মরণশীল নয় এমন কে আছে ? আমি নিশ্চিত জানি যে, অচিরেই আমি মৃত্যুবরণ করব।

لَيْسَ مُلْكَ يُرِيْلِهِ الْمَوْتُ مَلِكًا * إِنَّمَا الْمُلْكُ مُلْكٌ مَنْ لَا يَمُوتُ *

মৃত্যু যে বাদশাহীকে বিলুপ্ত করে দেয় তাতো কোন বাদশাহী নয়, অকৃত বাদশাহী তার যার কোন মৃত্যু নেই।

تُسْرُّ بِمَا يَقْنَى وَتَفْرَحُ بِالْمُنْتَى * كَمَا اغْتَرَّ بِالْلَّذَاتِ فِي النَّوْمِ حَالِمٌ *

তুমি তো ধৰ্মশীল রাজত্বে আনন্দিত এবং অলীক কল্ননায় উৎফুল্ল যেমন ঘূমন্ত ব্যক্তি স্বপ্নে আনন্দ উপভোগ করে প্রতারিত হয়।

نَهَارُكَ يَا مَغْرُورُ سَهُوُ وَغَفْلَةُ * وَلَيْلَكَ نَوْمٌ وَالرَّدَى لَكَ لَازِمٌ *

হে প্রবর্ধিত ! তোমার দিন কাটে ভুল ও অস্তর্কর্তায় আর রাত কাটে নিদ্রায় অথচ তোমার মৃত্যু অপরিহার্য।

وَسَعَيْلُكَ فِيمَا سُوفَ تَكْرِهُ غَبَّهُ * كَذِيلَكَ فِي الدُّنْيَا تَعِيشُ الْبَهَائِمُ *

আর তোমার চেষ্টা-সাধনা এমন বিষয়ে যার পরিণাম অচিরেই-তোমার কাছে অপ্রিয় হবে আর এভাবে দুন্যাতে বাস করে চতুর্পদ প্রাণী।

মুহাম্মাদ ইব্ন কাছীর বলেন, উমর ইব্ন আবদুল আয়ীয নিজেকে তিরক্ষার করে বলেন :

أَيْقَظَانُ أَنْتَ الْيَوْمَ أَمْ أَنْتَ نَائِمٌ * وَكَيْفَ يُطْبِقُ النَّوْمَ حَيْرَانٌ هَائِمٌ *

তুমি কি আজ ঘূমন্ত না জাগ্রত আর যে হতবুদ্ধি ও উদ্ব্রান্ত সে কিভাবে ঘূম পাড়াবে ?

فَلَوْ كُنْتَ يَقْظَانَ الْغَدَاءِ لَعَرَقْتَ مَحَاجِرَ عَيْنَيْكَ الدُّمُوعُ السُّوَاجِمُ *

তুমি যদি প্রভাতকালে জাগ্রত হতে, তাহলে অশ্রুর অবোর ধারা তোমার চক্ষুকোটরদ্বয়কে জ্বালিয়ে দিত।

أَصْبَحَتْ فِي النَّوْمِ الطَّوِيلِ وَقَدْ دَنَتْ * إِلَيْكَ أَمُورٌ مُفْظَعَاتٍ عَظَائِمٌ

তুমি দীর্ঘ নিদ্রায় অচেতন হয়ে আছ অথচ বিরাট সব ভয়ানক বিষয়সমূহ তোমার নিকটবর্তী হয়েছে।

تَكْدِحُ فِيمَا سَوْفَ تَكْرِهُ غِبَهُ * كَذَالِكَ فِي الدُّنْيَا تَعِيشُ الْبَهَائِمُ

তুমি তো এমন সকল বিষয়ে কষ্ট স্বীকার করছ অচিরেই তুমি যার পরিণাম অপসন্দ করবে। আর দুন্যাতে এভাবে বেঁচে থাকে চতুর্পদ প্রাণী।

فَلَا أَنْتَ فِي النَّوْمِ يَوْمًا بِسَالِمٍ * وَلَا أَنْتَ فِي إِلْيَقَاطٍ يَقْطَانُ حَازِمٌ

আ না তুমি ঘুমন্তদের মাঝে কোন একদিন নিরাপদ, আর না জাগ্রতদের মাঝে আত্মপ্রত্যয়ী।

ইব্ন আবুদ দুন্যা তার সূত্রে ফাতিমা বিনত আবদুল মালিকের উদ্ধৃতিতে বর্ণনা করেছেন, তিনি (ফাতিমা) বলেন, কোন এক রাত্রে ঘুম থেকে জেগে উমর ইব্ন আবদুল আয়ীয বলতে লাগলেন, আজ রাত্রে আমি এক আশ্চর্যজনক স্বপ্ন দেখলাম। আমি বললাম, আমাকে তা অবহিত করুন। তিনি বলেন, সকাল পর্যন্ত অপেক্ষা কর। এরপর তিনি ফজরের নামায পড়িয়ে ঘরে প্রবেশ করলেন। আমি তাকে (স্বপ্নের কথা) জিজ্ঞাসা করলাম। তিনি বলতে লাগলেন, আমি দেখলাম, আমাকে এক প্রশংস্ত সবুজ ভূখণ্ডে নিয়ে যাওয়া হয়েছে যেন তা সবুজ গালিচা। সেখানে আমি একটি প্রাসাদ দেখতে পেলাম যেন তা রৌপ্য নির্মিত। এরপর সেখান থেকে এক ব্যক্তি বের হয়ে ঘোষণা করল, কোথায় মুহাম্মাদ ইব্ন আবদুল্লাহ কোথায় রাসূলুল্লাহ? এমন সময় রাসূলুল্লাহ সাল্লাল্লাহু আলায়হি ওয়া সাল্লাম আগমন করে ঐ প্রাসাদে প্রবেশ করলেন। এরপর আরেকজন বের হয়ে ঘোষণা করলেন, আবু বকর সিদ্দীক কোথায়? তিনি এসে প্রবেশ করলেন। তারপর আরেকজন বের হয়ে ঘোষণা করলেন, উমর ইবনুল খাতাব কোথায়? তিনি এসে প্রবেশ করলেন, অতঃপর আরেক ব্যক্তি বের হয়ে ঘোষণা করলেন, উমর ইবনুল খাতাবের পাশে বসলাম, আর তিনি রাসূলুল্লাহ সাল্লাল্লাহু আলায়হি ওয়া সাল্লামের বাম পাশে আর আবু বকর তাঁর ডান পাশে ছিলেন। তাঁর (আবু বকর) ও রাসূলুল্লাহ সাল্লাল্লাহু আলায়হি ওয়া সাল্লামের মাঝে এক ব্যক্তি ছিলেন। আমি আমার পিতৃ পুরুষকে প্রশ্ন করলাম, ইনি কে? তিনি বললেন, ইনি হ্যরত সিসা ইব্ন মারইয়াম। এরপর আমি এক অদৃশ্য ঘোষককে ঘোষণা করতে শুনলাম, হে উমর ইব্ন আবদুল আয়ীয! তুমি তোমার বর্তমান অবস্থাকে দৃঢ়ভাবে অবলম্বন কর এবং তার উপর সুস্থির থাক। এরপর আমাকে যেন বের হওয়ার অনুমতি দেওয়া হলো। ফলে আমি বের হয়ে আসলাম। আমি পিছন ফিরে তাকালাম, দেখতে পেলাম হ্যরত উচ্ছমান (রা) একথা বলতে বলতে প্রাসাদ থেকে বের হয়ে আসছেন, প্রশংসা আল্লাহর যিনি আমার রব, যিনি আমাকে সাহায্য করেছেন। এরপর দেখলাম তাঁর পিছে আলী। তিনি বলছেন, প্রশংসা আল্লাহর যিনি আমার রব, যিনি আমাকে ক্ষমা করেছেন।

পরিচ্ছেদ

নবুওয়াতের প্রমাণসমূহের বর্ণনায় আমরা ঐ হাদীস উল্লেখ করেছি যা ইমাম আবু দাউদ তার সুনান গ্রন্থে রিওয়ায়াত করেছেন যে, রাসূলগ্লাহ সাল্লাহু আলায়হি ওয়া সাল্লাম ইরশাদ করেছেন, ‘আল্লাহ তা’আলা প্রত্যেক শতাব্দীর শেষে এই উম্মতের মাঝে তাদের দীনের একেকজন সংক্ষারক পাঠাবেন।’ এ হাদীসের প্রতি লক্ষ্য রেখে একদল আলিম বলেন, ইমাম আহমাদ ইবন হাফ্জল এদের গণ্যতম যেমন ইবনুল জাওয়ী ও অন্যান্যগণ উল্লেখ করেছেন যে, উমর ইবন আবদুল আয়ীয়ের আবির্ভাব হয়েছিল প্রথম শতাব্দীর শেষে। আর একক নেতৃত্ব, ব্যাপক ও সর্বজনীন শাসন-কর্তৃত্ব এবং ন্যায় ও সত্যের বাস্তবায়নে তার চেষ্টা ও তৎপরতার কারণে তিনি এ সংক্ষারক হওয়ার সবচেয়ে অধিক উপযুক্ত। তার শাসক চরিত ছিল হ্যরত উমর ইবনুল খাতাবের শাসক চরিতের সদৃশ। আর বহু ক্ষেত্রেই তিনি তাঁর সাদৃশ্য অবলম্বন করেছেন। শায়াখ আবুল ফারাজ ইবনুল জাওয়ী উমর ইবনুল খাতাব ও উমর ইবন আবদুল আয়ীয়ের জীবন চরিতকে একত্রে সংকলন করেছেন। আর আমরা উমর ইবনুল খাতাব (রা)-এর জীবন চরিতকে স্বতন্ত্র একটি গ্রন্থাংশে এবং তার ‘মুসনাদ’কে বিশাল একটি গ্রন্থাংশে উল্লেখ করেছি। আর উমর ইবন আবদুল আয়ীয়ের জীবন চরিতের উল্লেখযোগ্য অংশ আমরা এখানে উল্লেখ করলাম যা তার জীবন চরিতে অনুলিপ্তিত বিষয়েরও প্রমাণ। ফিক্হশাস্ত্র শিক্ষা, ইলমের প্রচার এবং কুরআন অধ্যয়নের জন্য যারা বিভিন্ন এলাকা থেকে এসে দিমাশকের পাশে মসজিদে ইতিকাফে মগ্ন হতেন উমর ইবন আবদুল আয়ীয় (র) তাদেরকে বায়তুল মাল হতে বাংসরিক একশ দীনার ভাতা প্রদান করতেন। আর তিনি তার গভর্নরদের যথাযথভাবে সুন্নাত অবলম্বনের নির্দেশ দিতেন এবং বলতেন, সুন্নাত যদি তাদের সংশোধন না করে, তাহলে আল্লাহও যেন তাদের সংশোধন না করেন। তিনি সকল অঞ্চলে এই ফরমান পাঠান যে, কোন ইয়াহুদী, খৃষ্টান কিংবা অন্য কোন যিষ্মী তাদের বাহনে যীন বা গদি ব্যবহার করবে না এবং জুব্রা, আলখিল্লা বা পাজামা (অর্থাৎ মর্যাদাপ্রকাশক কোন পরিধেয়) পরিধান করবে না। তাদের কেউ সংযুক্ত অগ্রভাগ বিশিষ্ট চামড়ার বেল্ট ছাড়া পথে বের হবে না। তাদের মধ্যে যাদের গৃহে কোন অস্ত্র পাওয়া যাবে তাদের থেকে তা নিয়ে মেওয়া হবে। তিনি আরও লিখেন, আহলে কুরআন ব্যতীত অন্য কাউকে যেন কোন কাজের দায়িত্ব প্রদান করা না হয়। কেননা, তাদের কাছে যদি কোন কল্যাণ না থাকে, তাহলে অন্যদের কাছে কল্যাণ না থাকার সম্ভাবনা আরও অধিক। এছাড়া তিনি তার গভর্নরদের লিখতেন, তোমরা নামায়ের সময় ব্যস্ততা পরিহার করবে, কেননা, যে তাতে অবহেলা করে সে ইসলামের অন্যান্য বিধানের ক্ষেত্রে আরও অধিক অবহেলাকারী হবে। কখনও কখনও তিনি তার কোন গভর্নরকে উপদেশনামা লিখে পাঠাতেন আর সে তার দায়িত্বে অব্যাহতি প্রদান করে সরে দাঁড়াত। কখনও বা তাদের কেউ তার উপদেশের তীব্র প্রতাবের কারণে গভর্নরের দায়িত্ব থেকে নিজেকে অপসারিত করে দেশান্তরে সফরে বেরিয়ে পড়ত। আর এর কারণ হলো উপদেশ যখন উপদেশদাতার অন্তর থেকে বের হয়, তখন তা উপদেশ গ্রহণকারীর অন্তরে প্রবেশ করে। অনেক ইমাম সুস্পষ্টভাবে উল্লেখ করেছেন যে, উমর ইবন আবদুল আয়ীয়ের নিয়োগকৃত সকল গভর্নর ও প্রশাসক নির্ভরযোগ্য ছিলেন। হ্যরত হাসান বসরী তার কাছে সুন্দর সব উপদেশ লিখে পাঠিয়েছিলেন। আমরা যদি তার সব উল্লেখ করতে যাই তাহলে এই পরিচ্ছেদ দীর্ঘায়িত হবে। তবে এমন বিষয় উল্লেখ

করেছি যাতে সেদিকে ইঙ্গিত রয়েছে। একবার তিনি তার জনেক গভর্নরকে লিখলেন, ঐ রাত্রিকে স্মরণ কর যা কিয়ামতের জন্য দিবে এবং তার সকালে কিয়ামত শুরু হবে। কী ভীষণ বিভীষিকাময় হবে সে রাত! কি ভীষণ বিভীষিকাময় হবে সে সকাল। আর নিঃসন্দেহে তা কাফিরদের জন্য অতি কঠিন দিন হবে। অন্য এক গভর্নরকে তিনি লিখেন, আমি তোমাকে অনন্তকালের জন্য জাহানামীদের দীর্ঘ বিনিন্দ্র অবস্থার কথা স্মরণ করাচ্ছি। সাবধান থেকে আল্লাহবিমুখ্য যেন পৃথিবীতে তোমার অস্তিম অবস্থা না হয় এবং তোমার ব্যাপারে (আমাদের) নিরাশার কারণ না হয়। বর্ণনাকারিগণ বলেন, তখন এই গভর্নর তার দায়িত্ব থেকে অব্যাহতি গ্রহণ করে উমর ইবন আবদুল আয়ীয়ের কাছে আগমন করলেন। উমর তাকে প্রশ্ন করলেন, তোমার কী হয়েছে? তিনি বললেন, আয়ীরুল মু'মিনীন! আপনার পত্র পেয়ে আমি নিজেই গভর্নরের দায়িত্ব থেকে নিজেকে প্রত্যাহার করে নিয়েছি। আল্লাহর কসম। আর কোন দিন আমি কোন শাসনভাব গ্রহণ করব না।

পরিচ্ছেদ

হয়রত উমর ইবন আবদুল আয়ীয় খিলাফতের দায়িত্ব গ্রহণের পর অন্যায়ভাবে গৃহীত বা আন্ধসাতকৃত সকল অর্থসম্পদ যথার্থ প্রাপককে ফিরিয়ে দেন। যেমন আমরা ইতোপূর্বে উল্লেখ করেছি, এমনকি তিনি তার হাতের একটি আংটিও ফিরিয়ে দেন। তিনি তার ব্যাপারে বলেন, ওয়ালীদ অসঙ্গতভাবে তা আমাকে দিয়েছেন। এছাড়া তিনি সুখ-স্বাচ্ছন্দ্য ও ভোগ বিলাসের সকল উপকরণ খাদ্য, পরিধেয় ও ভোগ উপকরণ বর্জন করেন। এমনকি তিনি তার অনিন্দ্য সুন্দরী স্ত্রী ফাতিমা বিনৃত আবদুল মালিকের একান্ত সান্নিধ্যও বর্জন করেন। বলা হয়, তিনি তার স্ত্রীর সকল অলঙ্কার বায়তুল মালে ফিরিয়ে দিয়েছিলেন। আল্লাহ অধিক জানেন। খিলাফতের দায়িত্ব গ্রহণের পূর্বে তার বাংসরিক উপার্জন ছিল চল্লিশ হাজার দীনার! কিন্তু এ আয়ের প্রায় সকল উৎস বায়তুল মালে ফিরিয়ে দেন। এমনকি তার বাংসরিক আয় চারশ' দীনারে নেমে আসে। আর খলীফারূপে তার ভাতা ছিল 'তিনশ' দিরহাম। তার বেশ 'উল্লেখযোগ্য সংখ্যক সস্তান ছিল। এদের মাঝে আবদুল মালিক ছিলেন সবচেয়ে গুণসম্পন্ন। কিন্তু, তিনি পিতার জীবদ্ধশায় তার খিলাফতকালে মারা যান। তার গুণ সম্পর্কে বলা হয় যে, তিনি তার পিতার চেয়ে উত্তম ছিলেন। তার মৃত্যুতে উমর ইবন আবদুল আয়ীয়ের মাঝে কোন শোক বা দুঃখ প্রকাশ পেল না। এ সময় তিনি বলেন, আল্লাহ যে বিষয়কে অনুমোদন করেছেন আমি তা অপসন্দ করি না। খিলাফতের দায়িত্ব গ্রহণের পূর্বে তার কাছে উচ্চমূল্যের অতি কোমল পরিধেয় জামা আনা হলে তিনি সে সম্পর্কে বলতেন, কাপড়টি বেশ সুন্দর যদি তা অমসৃণ না হতো। খিলাফতের দায়িত্ব গ্রহণের পর থেকে তিনি মোটা কাপড়ের তালিযুক্ত জামা পরিধান করতেন, যথেষ্ট ময়লাযুক্ত না হলে তিনি তা ধোয়াতেন না। আর তার এ পরিধেয় বস্ত্র সম্পর্কে বলতেন, তা বেশ ভালই যদি তা মসৃণ না হতো। এ সময় তিনি মোটা (খস্খসে) পশমী জুবরা পরিধান করতেন। আর বাতি ছিল অগ্রভাগে মাটির প্রলেপযুক্ত তিনটি নলের উপর। তার খিলাফাতকালে তিনি নিজের জন্য গৃহ বা অন্য কিছু নির্মাণ করেননি। নিজের কাজ নিজে করতেন। তিনি বলেন, যখনই আমি দুনয়ার কোন কিছু ত্যাগ করেছি, তখনই আল্লাহ তা'আলা আমাকে তার বিনিময়ে তার চেয়ে উত্তম কিছু দান করেছেন। এ সময় তিনি অতি সাধারণ খাবার গ্রহণ করতেন এবং সুখ-স্বাচ্ছন্দ্যের প্রতি কোন জর্জেপ করতেন না। নিজেকে তার অনুগামী করতেন না এবং তার আকাঙ্ক্ষাও করতেন না। এমনকি আবৃ সুলায়মান

আদ্দারানী বলেন, হ্যরত উমর ইব্ন আবদুল আয়ীয় হ্যরত ওয়াইস কারনীর চেয়ে দুনিয়া বিরাগী ছিলেন। কেননা, তিনি যাবতীয় ভোগ-বিলাসের উপকরণসহ দুনিয়ার মালিক হয়েছিলেন। এরপরও তাতে নির্মাহ ও নিরাসক ছিলেন। আর ওয়াইস যদি উমরের ন্যায় দুনিয়ার সবকিছুর মালিক হতেন, তাহলে তার অবস্থা কি হতো তা আমরা জানি না। আর যিনি পরীক্ষা দিয়ে উকীর্ণ হয়েছেন, তিনি ঐ ব্যক্তির মত নন, যিনি পরীক্ষায় অংশ নেননি। এছাড়া মালিক ইব্ন দীনারের উক্তি উল্লিখিত হয়েছে, প্রকৃত যাহিদ, দুনিয়াবিমুখ ব্যক্তি উমর ইব্ন আবদুল আয়ীয়। আবদুল্লাহ ইব্ন দীনার বলেন, উমর ইব্ন আবদুল আয়ীয়কে বায়তুল মাল থেকে কোন ভাতা প্রদান করা হতো না। তার জীবন চরিত বর্ণনাকারিগণ উল্লেখ করেছেন (একবার) তিনি একজন বাঁদীকে [তাকে] পাখা দিয়ে বাতাস করার নির্দেশ দিলেন যাতে তিনি ঘুমাতে পারেন, তখন তাকে বাতাস করার সময় বাঁদী নিজেই ঘুমিয়ে গেল। বাঁদীর এ অবস্থা দেখে তার হাত থেকে পাখা নিয়ে তিনিই তাকে বাতাস করতে লাগলেন এবং বলতে লাগলেন, তুমিও অনেক গরম সহ্য করেছো। একবার এক ব্যক্তি তাকে দুআ করে বলল, ইসলামের পক্ষ থেকে মহান আল্লাহ আপনাকে উত্তম বিনিময় দান করুন। তিনি বললেন, বরং বল, আমার পক্ষ থেকে আল্লাহ ইসলামকে উত্তম বিনিময় দান করুন। [কেননা, আমি ইসলামের উপকার করিনি, ইসলাম বরং আমার উপকার করেছে] বলা হয়, তিনি তার সাধারণ পরিধেয় কাপড়ের নীচে অমসৃণ পশমী জামা পরতেন এবং রাতে যখন নামাযে দাঁড়াতেন, তখন নিজের গলায় বেড়ি পরিয়ে দিতেন। তারপর সকালবেলায় একস্থানে তা আবৃত করে রাখতেন। ফলে, কেউ এ বিষয়ে কিছু জানত না। আবৃত অবস্থায় তা দেখে সকলে ভাবত এটা তার কোন প্রিয় সম্পদ বা রত্ন। এরপর তিনি যখন ইন্তিকাল করলেন, তখন তারা তা অনাবৃত করে দেখল তাতে একটি অমসৃণ পশমী জুব্বা এবং একটি বেড়ি।

অধিক কান্নার ফলে তার চোখ থেকে রক্তাশুঁ প্রবাহিত হতো। বলা হয় একবার তিনি এক ছাদের উপর আরোহণ করে এত বেশী কাঁদলেন যে, তার অশুঁ ছাদের পরনালা দিয়ে গড়িয়ে পড়ে। মন নরম হওয়ার জন্য এবং অশুঁ অধিক হওয়ার জন্য তিনি নিয়মিত ডাল খেতেন। তিনি যখন মৃত্যুকে স্মরণ করতেন, তখন তার অঙ্গ-প্রত্যঙ্গ প্রকশ্পিত হতো। একবার এক ব্যক্তি তার কাছে তিলাওয়াত করে মকানًا ضَيْقَأَ مُقْرَنِينَ، এবং যখন শৃঙ্খলিত অবস্থায় তাদেরকে তার কোন সংকীর্ণ স্থানে নিষ্কেপ করা হবে' (সূরা ফুরকান : ১৩)।

তখন তিনি ভীষণ কাঁদলেন। তারপর উঠে গিয়ে স্বগৃহে প্রবেশ করলেন এবং লোকজন সকলে বিচ্ছিন্ন হয়ে গেল। তিনি প্রায়ই বলতেন, হে আল্লাহ! রক্ষা করুন, রক্ষা করুন। তিনি বলতেন, হে আল্লাহ! তাকে সংশোধন করুন, যার সংশোধনে উদ্ধৃতে মুহাম্মদীর সংশোধন রয়েছে। আর তাকে বরবাদ করুন যার বরবাদিতে উদ্ধৃতে মুহাম্মদীর সংশোধন রয়েছে। তিনি বলেন, সর্বোত্তম ইবাদত হলো ফরয বিধানসমূহ আদায় করা এবং হারাম বিষয়সমূহ পরিহার করা। তিনি আরও বলেন, যদি মুসলমান সৎ কাজের নির্দেশ প্রদান না করে এবং অসৎ কাজে বাধা প্রদান না করে, যাতে সে নিজের বিষয়ের মীমাংসা করতে পারে, তাহলে কল্যাণ— কর্মে একে অন্যের প্রতি নির্ভরশীল হয়ে পড়বে। সৎ কাজের নির্দেশ প্রদান এবং অসৎকাজে বাধা প্রদান থাকবে না, এবং আল্লাহর ওয়াক্তে উপদেশ প্রদানকারী এবং হিতাকাঙ্ক্ষীদের সংখ্যা হ্রাস পাবে। তিনি বলেন, দুনিয়া মহান আল্লাহর প্রিয় পাত্রগণের শক্তি এবং মহান আল্লাহর শক্তিদের

বঙ্গ/মিত্র। এরপর সে মহান আল্লাহর মিত্রগণের দুঃখ ও দুশ্চিন্তায় নিপত্তি করে। আর শক্রদের বিচ্ছিন্ন, প্রতারিত করে মহান আল্লাহ হতে দূরে সরিয়ে দেয়। তিনি বলেন, এই ব্যক্তি সফলকাম যে অন্যায় কলহ-বিবাদ, ক্ষেত্র ও লোভ হতে আত্মরক্ষা করতে পারে। একবার তিনি এক ব্যক্তিকে প্রশ্ন করলেন, তোমার সম্প্রদায়ের নেতা, শ্রেষ্ঠ কে? সে বলে, আমি। তিনি বলেন, তুমি যদি তেমন হতে তাহলে তা বলতে না। তিনি বলেন, সবচেয়ে দুনিয়াবিমুখ ব্যক্তি আলী ইব্ন আবু তালিব (রা)। তিনি বলেন, কোন বান্দার ঐ প্রয়োজনে অবশ্যই কল্যাণ নিহিত রয়েছে, যার ব্যাপারে সে মহান আল্লাহর কাছে বারবার (অধিক) প্রার্থনা করেছে, সে প্রয়োজন সে লাভ করুক বা না করুক। তিনি বলেন, তোমার জ্ঞানকে লেখার বৃত্তে আবদ্ধ করে রাখ। তিনি এক ব্যক্তিকে বলেন, তোমার ছেলেকে সবচেয়ে বড় ধর্মজ্ঞান/ধর্মতত্ত্ব শিক্ষা দাও। তা হলো অল্পে তুষ্টি এবং অন্যকে কষ্ট দান থেকে বিরত থাক। একবার তার কাছে এক ব্যক্তি বাক্তুশলতার পরিচয় দিয়ে চমৎকারভাবে কথা বলল, তখন তিনি বলেন, এটাই হলো বৈধ জাদু। আর আবু হায়মের সাথে তার কথোপকথনের বর্ণনা বেশ দীর্ঘ। খলীফা হওয়ার পর তিনি যখন দেখলেন, যে, কৃত্তুতার কারণে তার চেহারা বিবর্ণ এবং অবস্থা পরিবর্তিত, তিনি তাকে প্রশ্ন করলেন, ইতোপূর্বে আপনার পরিধেয় কি পরিচ্ছন্ন ছিল না? আপনার চেহারা কি দীপ্তিময় ছিল না? আপনার খাবার কি সুস্বাদু ছিল না? আপনার বাহন কি আরামপ্রদ ছিল না? উমর জবাব দেন, আপনি কি আমাকে আবু হুরায়রা (রা) হতে বর্ণনা করেননি যে, রাসূলুল্লাহ সাল্লাল্লাহু আলায়হি ওয়া সাল্লামা ইরশাদ করেছেন—
 اَنْ مِنْ وَرَائِكُمْ عَقْبَةٌ كَئُودًا لَا
 كُلْ ضَامِرٌ مَهْزُولٌ
 ”তোমাদের পশ্চাতে রয়েছে এক দুর্গম গিরিপথ, শীর্ণকায় ছিপছিপে গড়নের (প্রশিক্ষিত) বাহনই তা অতিক্রম করতে পারবে।” এরপর তিনি কেঁদে ফেলেন এবং বেহেশ হয়ে পড়েন। পরে তিনি চেতনা ফিরে পেয়ে বলেন, তিনি তার এই অচেতন অবস্থায় দেখলেন যে কিয়ামত সংঘটিত হয়েছে এবং চার খলীফার প্রত্যেককে ডাকা হলো, তারপর তাদেরকে জান্নাতে নিয়ে যাওয়ার নির্দেশ প্রদান করা হলো। তারপর তিনি এই চারজন এবং তার নিজের মধ্যবর্তী সময়ের খলীফাদের কথা উল্লেখ করলেন, কিন্তু তাদের ব্যাপারে কী রায় হল তা তিনি বলতে পারলেন না। তারপর তাকে ডাকা হলো এবং জান্নাতে নিয়ে যাওয়ার নির্দেশ দেয়া হলো। এরপর তিনি একাকী হলো, এক প্রশ্নকারী তাকে তার ব্যাপারে জিজ্ঞাসা করে। তিনি তাকে সে ব্যাপারে অবহিত করেন। তারপর তিনি প্রশ্নকারীকে বলেন, তুমি কে? সে বলে, আমি হাজাজ ইব্ন ইউসুফ। আমার প্রতিপালক আমাকে প্রত্যেক হত্যার শাস্তিস্বরূপ একবার করে হত্যা করেছেন। তারপর আমি তার প্রতীক্ষা করছি যার প্রতীক্ষা করে থাকে একত্ববাদী। এছাড়াও উমর ইব্ন আবদুল আয়ীমের বহু গুণাগুণ ও সুকীর্তি বিদ্যমান। আমরা যা উল্লেখ করলাম আশা করি তাই যথেষ্ট। আর সমস্ত প্রশংসা ও অনুগ্রহ মহান আল্লাহর। তিনি আমাদের জন্য যথেষ্ট এবং অতিউত্তম কর্ম বিধায়ক। তিনি ব্যতীত আমাদের কোন শক্তি নেই, সার্বৰ্থ নেই।

তাঁর মৃত্যুর কারণ সম্পর্কিত আলোচনা

তাঁর মৃত্যুর কারণ ছিল যক্ষ বা ক্ষয় রোগ। অবশ্য এও বর্ণিত আছে, তাঁরই এক মাওলা (আযাদকৃত দাস) তার খাদ্যে বা পানীয়ে বিষ প্রয়োগ করে (তাকে হত্যা করে।) এ জন্য তাকে www.QuranerAlo.com

এক হাজার দীনার প্রদান করা হয়েছিল। পরবর্তীতে এই বিষের প্রভাবে তিনি অসুস্থ হয়ে পড়েন এবং তাকে অবহিত করা হয় যে, তাকে বিষ প্রয়োগ করা হয়েছে। তিনি বলেন, যে দিন আমাকে বিষ পান করানো হয়েছে, সেন্দিনই আমি তা বুঝতে পেরেছি। এরপর তিনি তার ঐ গোলামকে ডাকলেন, যে তাকে বিষ পান করিয়েছিল। তিনি তাকে বলেন, নির্বোধ! কিসে তোমাকে এ কাজে প্রয়োচিত করেছে? সে বলল এক হাজার দীনার যা আমাকে প্রদান করা হয়েছে। তিনি বলেন, ভূমি তা নিয়ে আস। তখন সে তা উপস্থিত করল এবং তিনি তা বায়তুল মালে জমা করে দিলেন। এরপর তাকে বলেন, এমন স্থানে চলে যাও, যেখানে কেউ তোমাকে দেখবে না। এরপর সেখানে মৃত্যু পর্যন্ত অবস্থান করবে। এ সময় উমর ইবন আবদুল আয়ীয় (র)-কে বলা হলো, আপনি চিকিৎসা গ্রহণ করুন। তখন তিনি বললেন, আল্লাহর কসম, যদি শুধুমাত্র আমি আমার কান শ্পর্শ করলে কিংবা কোন সুগন্ধির ঘ্রাণ নিলেই আরোগ্য লাভ করতাম, তাহলেও আমি তা করতাম না। তাকে বলা হলো এই যে আপনার ছেলেগণ। উল্লেখ্য যে, তারা বার জন। আপনি কি তাদের জন্য কোন ওসিয়ত করবেন না, তাদের তো তেমন কিছুই নেই? তিনি এই আয়াত তিলাওয়াত করলেন—

إِنَّ وَلِيَّ اللَّهِ الَّذِي نَزَّلَ الْكِتَابَ وَهُوَ يَتَوَلَّ الصَّالِحِينَ
তো আল্লাহ— যিনি কিতাব অবতীর্ণ করেছেন এবং তিনিই সৎকর্মপরায়ণদের অভিভাবকত্ব করে থাকেন' (৭ : ১৯৬)।

আল্লাহর কসম! আমি তাদেরকে কারো হক/প্রাপ্য দিয়ে যেতে পারি না। আর তারা দুই অবস্থার বাইরে নয়, হয় সৎ, তাহলে মহান আল্লাহই তো সৎলোকদের দায়িত্ব গ্রহণ করেন। অন্যথায় অসৎ, তাহলে আমি তাদেরকে তাদের পাপাচারে সহযোগিতা করতে পারি না। অন্য এক বর্ণনায় আছে, তাহলে আমি কোন পরওয়া করি না যে, তারা কোন্ বধ্যভূমিতে ধ্রংস হলো। আরেক রিওয়ায়াতে আছে, তাহলে কি আমি তাদের জন্য এমন উপকরণ রেখে যাব যা দ্বারা তারা মহান আল্লাহর নাফরমানীতে সহযোগিতা লাভ করবে এবং মৃত্যুর পরও আমি তার পাপাচারের ভাগী হব? এটা আমার দ্বারা হবে না। এরপর তিনি তার সন্তানদের ডেকে পাঠালেন এবং তাদেরকে বিদায় জানিয়ে সান্ত্বনা দিলেন। এ কথা বলে তাদেরকে ওসিয়ত করলেন, যাও! মহান আল্লাহ তোমাদেরকে রক্ষা করুন এবং আমার মৃত্যুর পর সর্বোত্তম তত্ত্বাবধান করুন।

বর্ণনাকারী বলেন, এরপর আমরা উমর ইবন আবদুল আয়ীয়ের জনৈক ছেলেকে মহান আল্লাহর পথে (জিহাদের জন্য) আশিটি অশ্ব যুদ্ধ-সরঞ্জামসহ দান করতে দেখেছি। আর সুলায়মান ইবন আবদুল মালিক তার সন্তানদের জন্য বিপুল অর্থ-সম্পদ রেখে যাওয়া সত্ত্বেও তার জনৈক ছেলে উমর ইবন আবদুল আয়ীয়ের ছেলেদের কাছে প্রয়োজনে প্রার্থনা করত। আর এর কারণ ছিল উমর তার সন্তানদের মৃহান আল্লাহর দায়িত্বে সঁপে দেন। আর সুলায়মান ও অন্যরা তাদের সন্তানদের নিজেদের রেখে যাওয়া অর্থ-সম্পদের হাওয়ালা করেন। ফলে, তাদের মৃত্যুর পর তাদের সন্তানদের ভোগ-বিলাস এবং প্রবৃত্তিপরায়ণতায় তা নিঃশেষ হয়ে যায়। ইয়াকুব ইবন সুফ্যান বর্ণনা করেন আবু নু'মান সুত্রে আয়ুব থেকে। তিনি বলেন, মৃত শয্যায় উমর ইবন আবদুল আয়ীয়কে বলা হলো, হে আমীরুল মু'মিনীন! আপনি যদি পবিত্র মদীনায় গমন করেন আর এরপর আল্লাহ আপনাকে মৃত্যু দান করেন, তাহলে রাসূলুল্লাহ

সাল্লাল্লাহু আলায়হি ওয়া সাল্লামা এবং হ্যরত আবু বাকর ও উমরের সাথে চতুর্থ কবরে সমাধিস্থ হওয়ার সৌভাগ্য আপনি লাভ করতে পারেন। তিনি বললেন, আল্লাহর কসম! জাহানামের শাস্তি আমি সহ্য করতে পারবো না। এছাড়া মহান আল্লাহ্ আমাকে যে সর্বপ্রকার শাস্তি প্রদান করেছেন তা আমার কাছে মহান আল্লাহ্ আমার অন্তরের এ কথা জানার চেয়ে বেশী প্রিয় যে, আমি ঐ স্থানের উপযুক্ত। তার জীবনী রচয়িতারা বলেন, তার এই অসুস্থৃতা দেখা দিয়েছিল হিম্সের অন্তর্ভুক্ত দায়র সামাজান নামক স্থানে। আর তার অসুস্থৃতা বিশ দিন স্থায়ী হয়েছিল। তার অস্তিম মৃহূর্ত উপস্থিত হলে তিনি উপস্থিতদের বলেন, আমাকে উঠিয়ে বসাও। তারা তাকে উঠিয়ে বসায়। এসময় তিনি বলেন, হে আমার প্রতিপালক! আমাকে আপনি নির্দেশ দিয়েছেন, কিন্তু, আমি তা পালনে অবহেলা করেছি। আমাকে আপনি নিষেধ করেছেন, কিন্তু আমি তা অমান্য করেছি। (একথা তিনি তিনবার বললেন, এরপর বললেন) কিন্তু আল্লাহ্ ব্যতীত কোন উপাস্য নেই। তারপর তিনি মাথা উঠিয়ে তীক্ষ্ণ দৃষ্টিতে তাকালেন। উপস্থিতগণ বলল, হে আমীরুল মু'মিনীন! আপনি তো অত্যন্ত তীব্র দৃষ্টিতে তাকাচ্ছেন। আমি তো এমন উপস্থিতদের দেখতে পাইয়ে যারা মানুষ নয় আবার জিনও নয়। তারপর তৎক্ষণাৎ তিনি ইন্তিকাল করলেন। অন্য এক বর্ণনায় আছে, এসময় তিনি তাঁর আপনজনদের বলেন, তোমরা আমাকে একা থাকতে দাও। তারা একে একে বের হয়ে আসলেন, আর মাসলামা ইব্ন আবদুল মালিক ও তার ভন্নী ফতিমা বিন্ত আবদুল মালিক দরযায় বসে থাকলেন। তারা তাকে বলতে শুনলেন, স্বাগতম! এই সকল নূরানী মুখমণ্ডলের অধিকারিগণকে—যারা মানুষও নন, জিনও নন। তারপর তিনি এই আয়াত তিলাওয়াত করলেন—

تَلْكَ الدَّارُ الْأُخْرَةُ نَجْعَلُهَا لِلَّذِينَ لَا يُرِيدُونَ عُلُوًّا فِي الْأَرْضِ وَلَا فَسَادًا
وَالْعَاقِبَةُ لِلْمُتَقْبِنِ۔

‘এ হলো আধিরাতের সেই আবাস যা আমি নির্ধারিত করি তাদের জন্য, যারা এই পৃথিবীতে উদ্ধৃত হতে ও বিপর্যয় সৃষ্টি করতে চায় না। শুভ পরিণাম মুস্তাকীদের জন্য’ (২৮ : ৮৩)।

এরপর তার কঠিন্নর স্তম্ভিত হয়ে গেল। তারা ভিতরে প্রবেশ করে দেখলেন তিনি কিবলামুঠী হয়ে চক্ষু বক্ষ করে ইন্তিকাল করেছেন।

আবু বাকর ইব্ন আবু শায়বাহ বলেন, আবদুল মালিক ইব্ন আবদুল আয়ীয় দারাওয়ারদী সুত্রে আবদুল আয়ীয় ইব্ন আবু সালামা হতে বর্ণনা করেন যে, হ্যরত উমর ইব্ন আবদুল আয়ীয়কে যখন কবরে নামানো হলো, তখন প্রচণ্ড ঝড়ে বায়ু প্রবাহিত হলো। তখন সুন্দর হস্তাক্ষরে লিখিত একটি পত্র পাওয়া গেল। তখন লোকেরা সেটা পড়ে দেখল, তাতে লেখা রয়েছে, ‘পরম করণাময় আল্লাহর নামে—এটা আল্লাহর পক্ষ থেকে উমর-ইব্ন আবদুল আয়ীয়ের জন্য জাহানাম থেকে মুক্তির ঘোষণা পত্র।’ তখন তারা সেই পত্রিটিকে তার কাফনের মাঝে প্রবেশ করিয়ে তার সাথে সমাধিস্থ করল। আবদুস সামাদ ইব্ন ইসমাঈলের জীবন চরিতে ইব্ন আসাকির ভিন্ন একটি সুত্রে উমায়র ইব্ন হাবীব আস-সুলামীর উদ্ধৃতিতে রিওয়ায়াত করেছেন, উমায়র বলেন, বনু উমায়্যার শাসনামলে (একবার) আমি এবং আরও আটজন যোদ্ধা রোমকদের হাতে বন্দী হলাম। রোম স্বার্ট আমাদের গর্দান উঠিয়ে দেওয়ার নির্দেশ দিল। তখন আমার সঙ্গীরা নিহত হলেন। আমার ব্যাপারে সম্মাটের উপদেষ্টা এক পাত্রী

সুপারিশ করল। তখন সে আমাকে তার কারণে মুক্ত করে দিল। এরপর সেই পাদ্রী আমাকে নিজ গ্রহে নিয়ে গেল। সেখানে গিয়ে দেখলাম তার এক অনিন্দ্যসুন্দরী যুবতী কল্যা রয়েছে। তখন সে তাকে আমার সামনে এই শর্তে নিবেদন করল যে, সে তার সকল অর্থ-সম্পদে আমাকে শরীক করবে এবং আমি তার সাথে তার ধর্ম গ্রহণ করব। কিন্তু আমি অঙ্গীকার করলাম। এরপর তার কল্যা একান্তে আমার সাথে সাক্ষাৎ করে নিজেকে নিবেদন করল। কিন্তু আমি বিরত থাকলাম। তখন সে বলল, কিসে তোমাকে বিরত রাখছে? আমি বললাম, আমার দীন আমাকে বাধা দিচ্ছে। একজন রমণী কিংবা অন্য কিছুর মোহের কারণে আমি আমার দীন ত্যাগ করতে পানি না। তখন সে আমাকে বলল, তুমি কি তোমার দেশে ফিরে যেতে চাও? আমি বললাম, হ্যাঁ। সে বলল, এই তারকা দেখে দেখে রাত্রিকালে পথ চলবে আর দিনের বেলা আঞ্চলিক করে থাকবে। এভাবে (চলতে থাকলে) তুমি তোমার স্বদেশে পৌঁছে যাবে। উমায়র বলেন, এভাবে আমি চলতে শুরু করলাম। তিনি বলেন, চতুর্থ দিবসে আমি যখন আঞ্চলিক করে ছিলাম হঠাৎ তখন একদল অশ্঵ারোহীর আবির্ভাব হলো। তখন আমি আশঙ্কা করলাম হয়তবা এরা আমার সন্ধানে বের হয়েছে। কিন্তু অক্ষমাং আমি দেখলাম এরা আমার নিহত সঙ্গী আর তাদের সাথে অন্যরাও রয়েছেন। এরা সকলেই ধূসর বর্ণের বাহনে সওয়ার হয়ে আছেন। আমাকে দেখে তারা বললেন, উমায়র? আমি বললাম, হ্যাঁ উমাইর। এরপর আমি তাদেরকে বললাম, তোমরা কি নিহত হওনি? তারা বলল অবশ্যই! কিন্তু আল্লাহ্ তা'আলা শহীদদের পুনর্জীবিত করেছেন এবং তাদেরকে উমর ইব্ন আবদুল আয়ীমের জানাযায শরীক হওয়ার অনুমতি দিয়েছেন। উমায়র বলেন, এরপর তাদের একজন আমাকে বলল, হে উমায়র! আমাকে তোমার হাত দাও। তখন সে আমাকে তার বাহনে তার পিছে বসিয়ে নিল। এ অবস্থায় আমরা খালিকটা পথ চললাম। তারপর সেই বাহন আমাকে নিয়ে একটি লাফ দিল। তখন আমি অক্ষত অবস্থায় আল-জায়িরায় অবস্থিত আমার বাড়ির নিকটে গিয়ে পতিত হলাম।

রজা ইব্ন হায়ওয়াহ্ বলেন, উমর ইব্ন আবদুল আয়ীম তাঁর মৃত্যুর পর আমাকে তার গোসল ও কাফনের দায়িত্ব পালনের ওপরিত করেছিলেন। এ সময় আমি যখন তার কাফনের বন্ধন খুলে তার মুখমণ্ডলের দিকে তাকালাম। দেখলাম তা কাগজের ন্যায় শুরোজ্জ্বল। তিনি আমাকে অবহিত করেছিলেন ইতোপূর্বে তিনি যে সকল খলীফাকে দাফন করেছিলেন তিনি তাদের মুখমণ্ডলের বন্ধন খুলে দেখেছিলেন, তাদের মুখমণ্ডল ছিল মলিন। ইউসুফ ইব্ন মাহিকের জীবনীতে ইব্ন আসাকির বর্ণনা করেন, তিনি বলেন, আমরা যখন উমর ইব্ন আবদুল আয়ীমের কবরের মাটি সমান করছি এমন সময় উপর থেকে আমাদের কাছে একটি পত্র পতিত হয়। তাতে এ কথা ছিল— পরম করুণাময় আল্লাহর নামে— এটা উমর ইব্ন আবদুল আয়ীমের জন্য জাহান্নাম থেকে নিরাপত্তার সনদ। তিনি তা রিওয়ায়াত করেছেন ইবরাহীম ইব্ন বাশ্শার সুত্রে উবাদা ইব্ন আমর থেকে ইউসুফ ইব্ন মাহিকের উদ্ধৃতিতে। এই বর্ণনাতে তীব্র অভিনবত্ব (যথেষ্ট অগ্রহণযোগ্যতা) রয়েছে। আর আল্লাহ্ সর্বাধিক জানেন। এছাড়া তার অনুকূলে বহু শুভ স্বপ্ন দৃষ্ট হয়েছে। তার জন্য সাধারণ বিশেষ সকলেই আফসোস করেছেন। বিশেষত আলিমগণ, যাহিদগণ এবং আবিদগণ। এছাড়া কবিরাও তার মৃত্যুতে শোক গাথা রচনা করেছেন। এ সকল শোক কাব্যের অন্যতম একটি নিম্নে দেওয়া গেল-যা আবৃত্তি করেছেন আবু আমর আশ-শায়বানী আর রচনা করেছেন কুছুনয়ার আয্যা—

عَمِّتْ صَنَائِعُهُ فَعَمَّ هَلَاكَهُ * فَالنَّاسُ فِيهِ كُلُّهُمْ مَأْجُورٌ

তার সদাচার ও সুকীর্তি সর্বজনীন, তাই তার মৃত্যুও হয়েছে সর্বজনীন। সকল মানুষ তার মৃত্যুতে সমব্যথী (-র ছাওয়াব লাভকারী)।

وَالنَّاسُ مَا تَمِّمُهُ عَلَيْهِ وَأَحِدٌ * فِي كُلِّ دَارٍ رَّبَّهُ وَزَفِيرٌ

তার মৃত্যুতে শোক প্রকাশে সকলে অভিন্ন। প্রত্যেক গৃহেই শোনা যায় কান্নার সূর এবং বেদনার দীর্ঘশ্বাস।

يُتْنِي عَلَيْكَ لِسَانٌ مِنْ لَمْ تُولِهِ * خَيْرًا لَا نَكَّ بِالثَّنَاءِ جَدِيرٌ

আপনি যাকে কোন কল্যাণ দান করেননি, সেও আপনার প্রশংসারত। কেননা, আপনি প্রশংসার উপযুক্ত।

رَدَّتْ صِنَاعَهُ عَلَيْهِ حَيَاتَهُ * فَكَائِنَهُ مِنْ نَشْرِهَا مَنْشُورٌ

তার সুকীর্তিসমূহ যেন তাকে পুনর্জীবিত করেছে, সেগুলির কারণে আজ যেন তিনি পুনর্জীবন লাভ করেছেন।

কবি জারীর উমর ইবন আবদুল আয়ায়ের মৃত্যু-শোকে আবৃত্তি করেছেন—

يَنْعِي النُّعَاءُ أَمِيرُ الْمُؤْمِنِينَ لَنَا * يَا خَيْرًا مِنْ حَجَّ بَيْتَ اللَّهِ وَاعْتَمَرَا

মৃত্যু ঘোষকগণ আমাদেরকে আমীরুল মু'মিনীনের মৃত্যু ঘোষণা শোনাল, হে হজ্জ-ওমরা পালনকারীদের সর্বোত্তম জন।

حَمَلَتْ أَمْرًا عَظِيمًا فَاضْطَلَعَتْ بِهِ * وَسِرْتَ فِيهِ بِإِمْرِ اللَّهِ يَا عُمَرا

আপনি সফলতার সাথে এক গুরুত্বার বিষয়ের দায়িত্ব বহন করেছেন এবং তাতে হে উমর! আপনি আল্লাহর নির্দেশ মত চলেছেন।

الشَّمْسُ كَاسِفَةُ لَيْسَتْ بِطَالِعَةٍ * تَبْكِي عَلَيْكَ نُجُومُ اللَّيلِ وَالْقَمَرِ

সূর্য আবৃত্ত, উদিত নয়। আপনার শোকে চন্দ্র ও রাতের তারকারা সব ক্রন্দনরত।

তাঁর মৃত্যুশোকে কবি মুহারিব ইবন দিছার আবৃত্তি করেন—

لَوْ أَعْظَمَ الْمَوْتُ خَلْقًا أَنْ يُوَاقِعَهُ * لِعَدْلِهِ لَمْ يُصِبِّكَ الْمَوْتُ يَا عَمَرٌ

ন্যায়পরায়ণতার কারণে কোন সৃষ্টিকে আলিঙ্গন করতে মৃত্যু যদি সমীহ বোধ করত, তাহলে হে উমর তোমাকে মৃত্যু স্পর্শ করত না।

كَمْ مِنْ شَرِيعَةٍ عَدْلٌ قَدْ نَعْشَتْ لَهُمْ * كَادَتْ تَمُوتُ وَآخَرِي مِنْكَ تَنْتَظِرُ

শরীআতের কত ন্যায়সঙ্গত বিধান আপনি প্রতিষ্ঠিত করেছেন, যা বিলুপ্ত হওয়ার উপক্রম হয়েছিল, আর অন্যান্য সব বিধান আপনার অপেক্ষায় ছিল—

يَا لَهُفَ نَفْسِيْ وَلَهُفَ الْوَاجِدِيْنَ مَعِيْ * عَلَى الْعَدْوَلِ التَّى تَغْتَالَهَا الْحَفْرُ

হায়, আমার আক্ষেপ এবং আমার সাথে শোকাতদের আক্ষেপ ঐ সকল ন্যায়পরায়ণ ব্যক্তিদের জন্য যাদেরকে কবরসমূহ অতর্কিতে অদৃশ্য করে দেয়।

ثَلَاثَةٌ مَا رَأَيْتُ عَيْنِي لَهُمْ شَبَهًا * تَضَمُّ أَعْظَمِهِمْ فِي الْمَسْجِدِ الْحَفْرُ

তাঁরা এমন তিনজন আমার চোখ যাদের সদৃশ কাউকে দেখেনি। যাদের অস্থিসমূহকে কবর মসজিদে ধারণ করে রেখেছে।

وَأَنْتَ تَتَبَعُهُمْ لَمْ تَأْلُمْ مُجْتَهِدًا * سَفِيًّا لِهَا سُنْنٌ بِالْحَقِّ تَفْتَرِ

আর আপনি তাদের অনুসরণে চেষ্টায় কোন ঝটি করেননি

لَوْ كُنْتُ أَمْلَكُ وَالْأَقْدَارَ غَالِبَةً * تَأْتَى رِوَاحًا وَتَبِيَانًا وَتَبْتَكِرُ

صَرَفْتُ عَنْ عَمَرِ الْخِيرَاتِ مَصْرُعَهُ * بَذِيرٌ سَمِعَانٌ لَكُنْ يَغْلِبُ الْقَدْرُ

যদি আমি সক্ষম হতাম, তাহলে বহু কল্যাণের বাহক উমর থেকে দায়রে সামান নামক স্থানে মৃত্যুকে প্রতিহত করতাম। কিন্তু তাকদীর অপ্রতিহত, তার আগমন কখনও সন্ধায় কখনও প্রভাতকালে।

ঐতিহাসিকগণ বলেন, হিমস ভূখণের দায়রে সামান অঞ্চলে তিনি মৃত্যুবরণ করেন। এদিন ছিল বৃহস্পতিবার মতান্তরে শুক্রবার। আর এটা ছিল একশ' এক কিংবা দুই হিজরীর রজব মাসের ছয় কিংবা ছাবিশ মতান্তরে একুশ তারিখ। এ সময় তাঁর জানায়ার নামায পড়ান তার চাচাতো ভাই মাসলামা ইবন আবদুল মালিক, মতান্তরে ইয়ায়ীদ ইবন আবদুল মালিক। আবার কারো মতে তার ছেলে আবদুল আয়ীয। মৃত্যুকালে তার বয়স হয়েছিল উনচল্লিশ বছর কয়েক মাস। কারো মতে চল্লিশ বছর কয়েক মাস। আবার বলা হয় এক চল্লিশ বছর। কারো মতে আরো অধিক। এছাড়া বলা হয়, তিনি তেষটি বছর জীবিত ছিলেন, কিংবা ছত্রিশ বছর, কিংবা সাঁইত্রিশ বছর, কিংবা আটত্রিশ বছর কিংবা দ্বিশ ও চল্লিশের মধ্যবর্তী সময়ে। মামার থেকে আবদুর রায়খাক সূত্রে আহমাদ বলেন, তিনি পঁয়তাল্লিশ বছরের মাথায় ইন্তিকাল করেন। ইবন আসাকির মন্তব্য করে বলেন, এটা বিজ্ঞানিক। প্রথম মতটিই বিশুদ্ধ অর্থাৎ উনচল্লিশ বছর কয়েক মাস। আর তাঁর খিলাফতকাল ছিল দুই বছর পাঁচ মাস চার দিন। আবার বলা হয় দুই বছর পাঁচ মাস চৌদ্দ দিন কিংবা আড়াই বছর।

উমর ইবন আবদুল আয়ীয বাদামী গাত্র বর্ণের অধিকারী। সুন্দর ও তীক্ষ্ণ চেহারা ছিপছিপে গড়ন ও সুদৃশ দাঢ়ির অধিকারী। তার কচ্ছুদ্বয় ছিল কোটরাগত, কপালে আঘাতের ক্ষতিচিহ্ন। তার চুলে ঈষৎ পাক ধরেছিল এবং তিনি খেয়াব ব্যবহার করেছিলেন। আপ্লাহ তাঁর আধিক জানেন।

পরিচ্ছেদ

উমর ইবন আবদুল আয়ীয যখন খলীফা মনোনীত হলেন, তখন সিপাহী প্রধান (গার্ড অফ অনার প্রদানের উদ্দেশ্যে) তার কাছে আসল বর্ণ নিয়ে তার সামনে সামনে চলার জন্য। আর এটা ইতোপূর্বের খলীফাদের অভিষেক অনুষ্ঠানের অংশ ছিল। এসময় উমর তাকে বলেন, তোমার সাথে আমার কি কাজ? তুমি সরে যাও। আমি মুসলমানদের সাধারণ এক ব্যক্তি। এরপর তিনি অগ্রসর হলেন এবং লোকেরা সকলে তার সাথে অগ্রসর হয়ে মসজিদে প্রবেশ করল। এসময় তিনি মিস্বরে আরোহণ করলেন আর লোকজন তাকে কেন্দ্র করে সমবেত হলো।

তিনি উপস্থিত লোকদের সঙ্গে ধৰণ করে বলেন, “হে লোকসকল! আমার নিজের কোন মত কিংবা দাবী এবং মুসলমানদের পক্ষ থেকে কোন পরামর্শ ছাড়াই আমাকে এই গুরুত্বায়িত্ব অর্পণ করা হয়েছে। এখন আমি আমার অনুকূলে তোমাদের (পূর্ববৃক্ত) বায়আতের বাধ্যবাধকতা অপসারণ করে নিছি। এখন তোমরা পুরৱায় চিন্তাভাবনা করে নিজেদের জন্য এবং নিজেদের কর্তৃত্ব অর্পণের জন্য উপযুক্ত লোক নির্বাচন করে নাও। সকলে সমস্তের চিন্তার করে বলল, আপনাকেই আমরা আমাদের জন্য এবং আমাদের কর্তৃত্ব অর্পণের জন্য মনোনীত করলাম। আমরা সকলে আপনাকে মেনে নিলাম। এরপর তাদের আওয়ায়সমূহ স্থিমিত হলো। তিনি আল্লাহু তা'আলার হাম্দ ও ছানার পর বলেন, “আমি তোমাদেরকে তাকওয়া অবলম্বনের নির্দেশ প্রদান করছি। কেননা, তাকওয়া বা আল্লাহভীতি হলো সবকিছুর বিকল্প। কিন্তু আল্লাহভীতির কোন স্থলবর্তী/বিকল্প নেই। মৃত্যুকে অধিক অবরুণ কর। কেননা, তা সকল পার্থিব স্বাদ ও ভোগের কথা ভুলিয়ে দেয়। (ফলে পার্থিব মোহ থেকে মৃত্যি পাওয়া সহজ হয়)। মৃত্যু আসার পূর্বে তার জন্য সুন্দরভাবে প্রস্তুতি নাও। আর এই উচ্চত তাদের রক্ষের ব্যাপারে, কিংবা কিতাবের ব্যাপারে কিংবা নবীর ব্যাপারে বিরোধে লিঙ্গ হয়নি। তারা বিরোধে লিঙ্গ হয়েছে অর্থ-সম্পদের ব্যাপারে। আর আল্লাহর কসম, আমি অন্যায়ভাবে কাউকে কিছু দিব না এবং কারও প্রাপ্য থেকে কাউকে বঞ্চিত করব না। তারপর তিনি উচ্চস্থরে বলেন, হে মানবমণ্ডলী! যে আল্লাহর আনুগত্য করে তার আনুগত্য তোমাদের জন্য অপরিহার্য হয়ে যায়। আর যে আল্লাহর অবাধ্য হয়, তার আনুগত্য নিষ্প্রয়োজন। তোমরা আমার আনুগত্য করবে যতক্ষণ আমি আল্লাহর আনুগত্য করব। আর আমি যদি আল্লাহর নাফরমানীতে লিঙ্গ হই, তাহলে আমার আনুগত্য করার কোন প্রয়োজন নেই তোমাদের।” তারপর তিনি মিষ্বর হতে নেমে ভিতরে প্রবেশ করেন। এ সময় তিনি খলীফার দরবারে যে সকল পর্দা টানানো হতো, তা সরিয়ে ফেলার নির্দেশ দিলেন এবং যে সকল ফরাশ বা গালিচা বিছানো হতো, তা বিক্রি করে ফেলার নির্দেশ দিলেন। তা বিক্রি করা হয় এবং তিনি তার মূল্য বায়তুল মালে জমা করে দেন। তারপর তিনি একটু বিশ্বামের উদ্দেশ্যে গেলেন। তার ছেলে আবদুল মালিক এসে বলে, ইয়া আমীরাল মু'মিনীন! আপনি কি করতে চাচ্ছেন? তিনি বলেন, বৎস! আমি একটু বিশ্বাম নিতে চাই। সে বলল, অন্যায়ভাবে গৃহীত অর্থ-সম্পদ প্রাপকদের ফিরিয়ে না দিয়েই আপনি বিশ্বাম করবেন। তিনি বলেন সুলায়মানের ব্যাপারে ব্যস্ত থাকায় আমি গত রাতে ঘুমাতে পায়নি। আমি যখন যুহরের নামায পড়ব, তখন এ সকল অর্থ-সম্পদ তাদের প্রাপককে ফিরিয়ে দিব। তাঁর ছেলে তাঁকে বলে, কে আপনাকে এই নিষ্চয়তা দিবে যে, আপনি যুহর পর্যন্ত বেঁচে থাকবেন? তিনি বলেন, বাবা তুমি আমার কাছে আস। সে তার কাছে আসল, আর তিনি তার কপালে চুমু খেয়ে বলেন, সমস্ত প্রশংসা আল্লাহর যিনি আমার ওরসে এমন সন্তান পয়দা করেছেন, যে আমাকে আমার দীনের ব্যাপারে সহযোগিতা করে। এরপর তিনি তার (অতি প্রয়োজনীয়) বিশ্বামগ্রহণ ত্যাগ করে উঠে দাঁড়ালেন এবং সেই উদ্দেশ্যে বেরিয়ে গেলেন। তার নির্দেশে ঘোষক ঘোষণা করল, শুনে নাও, কোন মাযলুমের কোন দাবী থাকলে সে তা উত্থাপন করকৃ। হিম্সবাসী জনৈক (অমুসলিম) যিচী দাঁড়িয়ে বলল, ইয়া আমীরাল মু'মিনীন! আমি আপনার কাছে মহান আল্লাহর বিধান প্রার্থনা করছি। তিনি বলেন, কোন ব্যাপারে বল? সে বলল, আববাস ইবন ওয়ালীদ ইবন আবদুল মালিক আমার ভূ-সম্পত্তি যবর দখল করে নিয়েছেন। এ সময় আববাস বসা ছিলেন। উমর ইবন আবদুল আয়ীয় তাকে বলেন, আববাস!

এ ব্যাপারে তোমার বক্তব্য কী ? আব্রাস বলেন, হ্যায় ! আমীরাল মু'মিনীন ওয়ালীদ আমাকে তা জায়গীর স্বরূপ দান করেছিলেন এবং এ ব্যাপারে আমার অনুকূলে ফরমান লিখে দিয়েছিলেন । উমর বলেন, হে যিশী ! তোমার বক্তব্য কী এখন ? সে বলল, ইয়া আমীরাল মু'মিনীন ! আমি আপনার কাছে কিতাবুল্লাহর বিধান চাই । উমর বলেন, হ্যায়, কিতাবুল্লাহর নির্দেশ ওয়ালীদের নির্দেশের চেয়ে অনুসরণের অধিক উপযুক্ত / যোগ্য । যাও ! আব্রাস তুমি তাকে তার ভূ-সম্পত্তি ফিরিয়ে দাও । আব্রাস তা ফিরিয়ে দিলেন । এরপর লোকেরা একের পর এক তাদের আত্মসাতকৃত হকসমূহের অভিযোগ উথাপন করতে লাগল । তার কাছে যে যে হকের দাবী উথাপিত হলো তিনি তার সব প্রকৃত প্রাপককে ফিরিয়ে দিলেন । দাবীকৃত সেই হক/প্রাপ্য তার নিজের দখলে হোক কিংবা অন্যের দখলে । এমনকি বানূ মারওয়ান ও অন্যদের দখলে অন্যায়ভাবে যে সকল অর্থ-সম্পত্তি ছিল, তিনি তা তাদের থেকে উদ্ধার করলেন । বানূ মারওয়ান তাদের দখলের এসকল অর্থ-সম্পদ রক্ষার্থে সকল নেতৃস্থানীয় ও সন্ত্রাস্ত ব্যক্তিদের সাহায্যগ্রহণ করে । কিন্তু তা তাদের কোন উপকারে আসেনি । অবশ্যে, তারা তাদের ফুফু এবং উমর ইবন আবদুল আয়ীয়ের ফুফু ফাতিমা বিন্তে মারওয়ানের কাছে এসে তাদের সাথে উমর ইবন আবদুল আয়ীয়ের কৃত আচরণের অভিযোগ করে যে, তিনি তাদের সব অর্থ-সম্পদ বায়েয়াক্ষ করেছেন এবং তার দরবারে তাদেরকে অপমানিত হতে দেখেও তার কোন প্রতিকার করেননি । বানূ উমায়্যার এই সম্মানিতা নারী পূর্ববর্তী খলীফাদের কাছে বিশেষ সমীহের পাত্রী ছিলেন । তার কোন প্রয়োজন তাদের কাছে অপূর্ণ থাকত না । তারা সকলে তাকে বিশেষ সম্মান ও শুঁকা করতেন । উমর ইবন আবদুল আয়ীয়ও তার খিলাফতের দায়িত্ব গ্রহণের পূর্ব হতে তাঁর সাথে অনুরূপ আচরণ করতেন । ভাতিজাদের আবেদনে সাড়া দিয়ে তিনি তার বাহনে আরোহণ করে উমর ইবন আবদুল আয়ীয়ের কাছে গেলেন । তিনি উমরের সাক্ষাতে প্রবেশ করলেন । উমর তাকে যথাযথ খাতির সম্মান করলেন । কেননা, তিনি তার আপন ফুফু । আরামাদায়ক বসার জন্য তাকে বালিশ এগিয়ে দিলেন । এরপর তিনি তার সাথে কথা বলতে শুরু করলেন । তিনি তাকে তার অভ্যাসের বিপরীত রাগাভিত অবস্থায় দেখলেন । উমর ইবন আবদুল আয়ীয় তাকে বলেন, ফুফুজান ! আপনার কী হয়েছে ? তিনি বলেন, আমার ভাতিজারা তোমার খিলাফতকালে অপমান-অপদস্থতার শিকার । তুমি তাদের অর্থ-সম্পদ নিয়ে অন্যদের-হাতে তুলে দিয়েছে । তোমার উপস্থিতিতে তাদের সমালোচনা করা হয়েছে । কিন্তু তুমি তার কোন প্রতিকার করোনি । উমর হেসে ফেলেন এবং বুঝতে পারলেন তিনি তার প্রতি অপ্রসন্ন তার জ্ঞান-বুদ্ধিতে বার্ধক্যের প্রভাব পড়েছে । এরপর তিনি তার সাথে পুনরায় কথাবার্তা বলতে লাগলেন । কিন্তু তার ফুফুর রাগ দূর হয়নি । তিনি যখন এ অবস্থা দেখলেন তখন তার সাথে কোম্প্লিট পরিহার করে বললেন, ফুফু আম্বা ! আপনার জানা উচিত যে, মৃত্যুকালে নবী সাল্লাল্লাহু আলায়হি ওয়া সাল্লামা তাঁর উম্মতকে এক পরিপূর্ণ পানির উৎসের সন্ধান দিয়ে গেছেন । তাঁরপর এক ব্যক্তি সেই উৎসের তত্ত্বাবধান করলেন, কিন্তু তিনি তার থেকে কিছু হাস করলেন না, এমনকি ইন্তিকাল করে গেলেন । এরপর সেই পানির উৎসের তত্ত্বাবধান করলো আরেক ব্যক্তি তিনিও তার থেকে কিছু হাস করলেন না । এমনকি ইন্তিকাল করলেন, এরপর সেই পানির উৎসের দায়িত্ব লাভ করলেন তৃতীয় এক ব্যক্তি । ইনি তার সাথে একটি সংযোগ খাল খনন করলেন । তারপর থেকে এ উৎসের তত্ত্বাবধায়কেরা একের পর এক খাল খনন

করতে থাকলেন। এমনকি পানির সেই মূল উৎসধারা শুকিয়ে নিঃশেষ করে ফেলল। তাতে এক ফেঁটা পানিও অবশিষ্ট থাকল না। আল্লাহর কসম! আল্লাহ্ যদি আমাকে জীবিত রাখেন, তাহলে আমি এই উৎসধারার পূর্বপ্রবাহ ফিরিয়ে আনব। এতে যে আমার প্রতি সন্তুষ্ট থাকবে আমিও তার প্রতি সন্তুষ্ট। আর যে আমার প্রতি অপ্রসন্ন হবে আমিও তার প্রতি অপ্রসন্ন। শাসকের নিকটাঞ্চীয় একান্তজনদের পক্ষ থেকে যদি অন্যায় ও যুল্ম হয়, আর তিনি যদি তার প্রতিকার ও সুবিচার না করেন, তাহলে তিনি অন্যদের মাঝে বিদ্যমান দূরবর্তী অন্যায়-অনাচার কীভাবে দূর করতে সক্ষম হবেন? একথা শোনার পর তার ফুফু বলেন, ঠিক আছে, তাহলে তারা যেন তোমার উপস্থিতিতে অপমানজনক কথা না শোনে! উমর বলেন, কে তাদেরকে অপমানজনক কথা বলে? কেউ হ্যাত তার অন্যায়ভাবে গৃহীত হকের পক্ষে অভিযোগ উখাপন করে। তখন আমি তার সেই হক/প্রাপ্য ফিরিয়ে দিই। ইব্ন আবুদু দুন্হিয়া, আবু নুআয়ম এবং অন্য জীবনী সংকলকগণ এ ঘটনা উল্লেখ করেছেন। আর মাসলামা ইব্ন আবদুল মালিক বলেন, উমর ইব্ন আবদুল আয়ীয় যখন মৃত্যু শয্যায়, তখন আমি তার কাছে প্রবেশ করে দেখতে পেলাম তাঁর গায়ের জামাটি ময়লাযুক্ত। আমি ফাতিমাকে বললাম, তোমরা কি আমীরুল মু'মিনীনের গায়ের জামাটি ধুয়ে পরিষ্কার করে দিতে পার না? ফাতিমা বলেন, আল্লাহর কসম, তার তো এছাড়া দ্বিতীয় কোন জামা নেই। এসময় উমর কেঁদে ফেলেন, তার কান্না দেখে স্ত্রী ফাতিমাও কেঁদে ফেলেন এবং তাদেরকে কাঁদতে দেখে বাড়ীর সকলেই কেঁদে ফেলেন। এরা কেউ বুঝে উঠতে পারলেন না কেন তারা কাঁদলেন। তারপর যখন অশ্রু সংবরণ করলেন, তখন ফাতিমা উমরকে জিজ্ঞাসা করলেন, আমীরুল মু'মিনীন! আপনি কাঁদলেন কেন? তিনি বলেন, আমি ঐ দিনের কথা স্মরণ করলাম যেদিন জিন-ইনসান আল্লাহর সামনে দণ্ডযামান হবে এবং তাদের একদল জান্মাতে যাবে এবং আরেকদল জাহানামে। তারপর তিনি চিন্তকার করে অচেতন হয়ে গেলেন।

একবার বায়তুল মাল থেকে তার কাছে বেঁটনের উদ্দেশ্যে মিশক আনা হলো। তিনি নাক বঙ্গ করে তা নাড়াচাড়া করলেন। এ ব্যাপারে তাকে প্রশ্ন করা হলে তিনি বললেন, মিশকের তো স্বাগই আসল। যখন তার অস্তিম মুহূর্ত উপস্থিত হলো, তখন তিনি তার সন্তানদের ডেকে পাঠালেন। উল্লেখ্য যে, তার ছেলেদের সংখ্যা ছিল দশাধিক (বারজন)। এসময় তাদের দিকে তাকিয়ে তার চক্ষুদ্বয় অশ্রুভারাক্রান্ত হয়ে উঠল। তারপর তিনি বলেন, আমার এই সকল যুবক ছেলেদের জন্য আমার প্রাণান্ত আকৃতি বিদ্যমান। উমর ইব্ন আবদুল আয়ীয় প্রায়শই এই পঞ্জিকণি আবৃত্তি করতেন-

يَرِى مُسْتَكِينًا وَهُوَ لِلْقَوْلِ مَا فَتَ * بِهِ عَنْ حَدِيثِ الْقَوْمِ مَا هُوَ شَاغِلٌ

তাকে ভীত বিন্দু দেখা যায় আর সে কথাবার্তা অপসন্দ করে, তার অবস্থা তাকে লোকদের কথাবার্তা/ আলোচনা থেকে বেখবর করে রেখেছে।

وَأَزْعَجَهُ عِلْمٌ عَنِ الْجَهْلِ كُلَّهُ * وَمَا عَالَمٌ شَيْئًا كَمَنٌ هُوَ جَاهِلٌ

জ্ঞান তাকে সকল মূর্খতার ব্যাপারে উৎকঢ়িত করেছে। আর কোন বিষয় সম্পর্কে অবহিত ব্যক্তি সে সম্পর্কে অজ্ঞ ব্যক্তির ন্যায় নয়।

عَبُوسٌ عَنِ الْجُهَالِ حِينَ يَرَاهُمْ * فَلَيْسَ لَهُ مِنْهُمْ خَدِينٌ يُهَازَّ إِلَيْهِ

মূর্খদের যখন দেখতে পান, তখন তিনি তাদের প্রতি বিমর্শ হয়ে যান, তাদের মধ্যে তার এমন কোন অন্তরঙ্গ বক্তু নেই, যার সাথে তিনি রস-পরিহাস করবেন।

تَذَكَّرُ مَا يَبْقَى مِنِ الْعِيشِ فَارْعَوْيٌ * فَأَشْفَلَهُ عَنِ عَاجِلِ الْعَيْشِ أَجْلُهُ

অনন্ত জীবনের কথা স্মরণ করে তিনি বিরত হলেন আর পরকালের জীবন তাকে ইহকালের জীবন থেকে বিমুখ করেছে।

ইব্ন আবুদ দুন্যা বর্ণনা করেছেন, মায়মূন ইব্ন মাহরান হতে। তিনি বলেন, মৃত্যু শয়ায় আমি উমর ইব্ন আবদুল আয়ীয়ের সাক্ষাতে প্রবেশ করলাম। এসময় তার কাছে সাবিক আলবার্বারী ছিল। সে তাকে কবিতা আবৃত্তি করে শোনাচ্ছিল। তার আবৃত্তিকৃত শেষ পঞ্জিকণিল হলো :

فَكَمْ مِنْ صَحِيحٍ بَاتٍ لِلْمَوْتِ أَمِنًا * أَتَتْهُ الْمَنَى بَغْتَةً بَعْدَ مَا هَاجَعَ

কত সুস্থ মানুষ মৃত্যু শক্তামৃত্যু হয়ে রাত্রি যাপন শুরু করে। তারপর নির্দিত অবস্থায় অতর্কিতে মৃত্যু তাকে আক্রমণ করে।

فَلَمْ يَسْتَطِعْ إِذْ جَاءَهُ الْمَوْتُ بَغْتَةً * فَرَارًا وَلَا مِنْهُ بِقُوَّتِهِ امْتَنَعْ

এভাবে যখন অতর্কিতে মৃত্যু তার দুয়ারে হানা দেয়, সে তখন তার থেকে পলায়ন করতে পারে না কিংবা নিজ শক্তিতে আত্মরক্ষা করতে পারে না।

فَأَصْبَحَ تَبْكِيهِ النِّسَاءُ مُقْنَعًا * وَلَا يَسْمَعُ الدَّاعِيُّ وَإِنْ صَوْتَهُ رَفِعٌ

এরপর তাকে আবৃত করে নারীরা তার শোকে কাঁদতে থাকে আর যত উচ্চস্বরেই আহবান করা হোক সে কারও আহবান শোনে না।

وَقَرِيبٌ مِنْ لَحْدِ فِصَارِ مَقْيِلٌهُ * وَفَارِقٌ مَا قَدِ كَانَ بِالْأَمْسِ قَدْ جَمَعْ

এরপর তাকে মাটির গর্তে শুইয়ে দেওয়া হয় এবং সেটা তার বিশ্রামস্থল হয়ে যায়। আর গতকাল পর্যন্ত সে যা কিছু সঞ্চয় করেছিল তার সব ছেড়ে আসে।

فَلَا يَتَرَكُ الْمَوْتُ الْفَغْنِي لِمَالِهِ * وَلَا مُعْدِمًا فِي الْمَالِ دُلْدَعَ

আর ধনাঢ়িতার কারণে কোন ধনীকে মৃত্যু ছাড়ে না, আবার কোন নিঃস্ব অভিযীকেও না।

রজা ইব্ন হায়ওয়াহ বলেন, আমীরুল মু'মিনীন উমর ইব্ন আবদুল আয়ীয়ের মৃত্যুর পর ইয়ায়ীদ ইব্ন আবদুল মালিক খিলাফতের দায়িত্ব গ্রহণ করলেন। তার কাছে উমর ইব্নুল ওয়ালীদ ইব্ন আবদুল মালিক এসে উমর ইব্ন আবদুল আয়ীয়ের প্রতি কটাক্ষ করে অভিযোগ উথাপন করে বলল, হে আমীরুল মু'মিনীন! এই লৌকিকতা প্রদর্শক ব্যক্তি তো মুসলমানদের সাথে খিয়ানত করে যতসন্তব মূল্যবান মণি-মুক্তা ও হীরা জাওহার সংগ্রহ করে তার গৃহের দুটি কক্ষে সঞ্চয় করেছে। সেই কক্ষ দুটি এ অবস্থায় তালাবদ্ধ রয়েছে। তখন ইয়ায়ীদ তার ভগী ও উমর ইব্ন আবদুল আয়ীয়ের স্ত্রী ফাতিমাহ বিন্ত আবদুল মালিকের কাছে দৃতের মাধ্যমে বলে পাঠালেন, আমার কাছে এ তথ্য পৌছেছে যে, উমর দুটি তালাবদ্ধ কক্ষে বেশ কিছু মণি-মুক্তা

ও মূল্যবান রত্নাদি রেখে গেছেন। ফাতিমা দৃত পাঠিয়ে তাকে জানালেন, সশ্বান্নিত ভাতা! উমর তো কোন কিছুই রেখে যাননি, তবে শুধু এই ঝুমালে যা আছে তা এবং তিনি দূতের সাথে এই ঝুমালটিও ইয়ায়ীদের কাছে পাঠিয়ে দিলেন। ইয়ায়ীদ সেই ঝুমালের বন্ধন খুলেন, তাতে একটি মোটা কাপড়ের তালিযুক্ত জামা, একটি অমসৃণ চাদর এবং একটি জীর্ণ মোটা কাপড়ের জুবা পেলেন। এসব দেখে ইয়ায়ীদ তার দৃতকে বললেন, তুমি গিয়ে ফাতিমাকে বলো, আমি তাকে এ বিষয়ে জিজ্ঞাসা করিনি, এটা আমার উদ্দেশ্যও নয়, আমি তাকে ঐ কক্ষ দুটির মধ্যে কী আছে সে সম্পর্কে জিজ্ঞাসা করেছি। ফাতিমা তাকে বলে পাঠালেন, শপথ ঐ সন্তার যিনি আমাকে বিধবা করেছেন, তিনি খিলাফতের দায়িত্ব প্রাপ্তের পর থেকে আমি ঐ কক্ষ দুটিতে প্রবেশ করিনি। কেননা, আমি জানতাম তিনি তা অপসন্দ করতেন। এগুলি কক্ষ দুটির চাবি, আপনি এসে তাতে যা আছে তা নিয়ে বায়তুল মালে স্থানান্তরিত করুন। ইয়ায়ীদ, উমর ইব্নুল ওয়ালীদকে সাথে নিয়ে উমর ইব্ন আবদুল আয়ীয়ের গৃহে প্রবেশ করলেন। এরপর তাদের উপস্থিতিতে একটি কক্ষ খোলা হল, দেখা গেল তাতে একটি চামড়ার মোড়া এবং মোড়ার কাছে চারটি বিছানো পাকা ইট এবং একটি পিতলের জগ রয়েছে। উমর ইব্নুল ওয়ালীদ বলল, আল্লাহ্ আমাকে ক্ষমা করুন। তারপর দ্বিতীয় কক্ষটি খোলা হলো। সেখানে পাওয়া গেল, কক্ষের বিছানো জায়নামায় এবং কক্ষের ছাদের সাথে সংযুক্ত একটি শিকল যার প্রান্তভাগে মানুষের মাথা ঘাড় পর্যন্ত প্রবেশ করে এরপ আকৃতির একটি বেড়ির মত উপকরণ, তিনি যখন ইবাদতে নিষ্ঠেজ হয়ে পড়তেন কিংবা নিজের কোন পাপের কথা স্মরণ করতেন, তখন সেই বেড়ি তিনি নিজের গলায় পরাতেন, কখনও বা তিনি তন্ত্রাচ্ছন্ন হলে ঘুম দূর করার জন্য তা গলায় প্রবেশ করাতেন। এছাড়া তারা সেখানে একটি তালাবদ্ধ সিন্দুর পেলেন, তখন তা খুলে তাতে একটি পাত্র/ কোটা পাওয়া গেল। আর সেটা খুলে পাওয়া গেল একটি অমসৃণ পশমী জুবা এবং অনুরূপ একটি খাটো পায়জামা। এসব দেখে ইয়ায়ীদ ও তার সাথীরা কান্না সংবরণ করতে পারলেন না। ইয়ায়ীদ বললেন, আমার ভাই আল্লাহ্ আপনাকে রহম করুন। আপনার বাইরের অবস্থা যেমন পরিচ্ছন্ন ও নির্মল ছিল, তেমনি আপনার ভিতরের অবস্থা ও নির্মল, নিষ্কুল। তখন (অভিযোগ উত্থাপনকারী) উমর ইব্ন ওয়ালীদ লজ্জিত ও অনুশোচনাদণ্ড হয়ে একথা বলতে বলতে বের হয়ে আসল, আল্লাহ্ আমাকে ক্ষমা করুন। আমি তো শুধু তাই বলেছি যা আমাকে বলা হয়েছে।

রজা ইব্ন হায়ওয়াহ্ বলেন, যখন তাঁর অন্তিম মুহূর্ত উপস্থিত হয়, তখন তিনি বলতে লাগলেন, হে আল্লাহ! আপনার ফায়সালার প্রতি আমাকে সন্তুষ্ট করুন এবং আপনার তাকদীর ও নির্ধাগে আমার জন্য বরকত প্রদান করুন যাতে আপনি যা তুরাবিত করেছেন তার জন্য আমি বিলম্বকরণ পসন্দ না করি এবং আপনি যা বিলম্বিত করেছেন তার জন্য তুরাবিতকরণ পসন্দ না করি। একথা বলতে বলতে তিনি ইন্তিকাল করলেন। তিনি বলতেন, আল্লাহর ফায়সালাকৃত নির্ধারিত ক্ষেত্রসমূহ ব্যতীত আমার বিষয়াদিতে আমার কর্তৃত্ব খেয়ালখুশীতে পরিণত হয়েছে।

শুভায়ব ইব্ন সফওয়ান বলেন, উমর ইব্ন আবদুল আয়ীয় খিলাফতের দায়িত্বগ্রহণ করলেন। হ্যরত সালিম ইব্ন আবদুল্লাহ্ ইব্ন উমর লিখলেন- উমর! পর কথা হলো, তোমার পূর্বেও অনেকে খিলাফতের এবং প্রজা শাসনের কর্তৃত্ব লাভ করেছে, এরপর তারা সকলেই ইন্তিকাল করেছে, যেমন তুমি প্রত্যক্ষ করেছ। আর তারা তাদের সেবক, অনুচর, বংশধর ও প্রজা সমাবেশের মাঝে থাকার পর নিঃসঙ্গ ও একাকী অবস্থায় আল্লাহর সাথে সাক্ষাৎ করেছে।

এরপর যে মৃত্যু যত্নগা থেকে তারা পালিয়ে বেড়াত, তাও ভোগ করেছে, যে চক্ষু দিয়ে তারা দৃষ্টি নবন সব কিছু অবলোকন করত তা ফুঁড়ে গিয়েছে। আর কোমল বালিশ ও শয়া এবং খাটপালঙ্ক ও সেবকদের সেবা ভোগের পর তাদের গ্রীবাসমূহ বালিশবিহীন অবস্থায় সমাহিত হয়েছে। তাদের ঐ সকল পেট ও উদরসমূহ ছিন্নভিন্ন হয়েছে যা সকল প্রকার অর্থ-সম্পদ এবং খাদ্য সংজ্ঞারেও তৃণ হতো না। আমি উভয় সুস্থানের অধিকারী হওয়ার পর তারা পুঁতিগন্ধময় মরদেহে ঝুপান্তরিত হয়েছে। এমনকি জীবিত অবস্থায় যে সকল নিঃস্ব দরিদ্রদের তারা ঘৃণা ও অবজ্ঞার দৃষ্টিতে দেখত, তাদের কারও পাশে যদি এদেরও কেউ অবস্থান করে, তাহলে সেও তাদের দুর্গন্ধে টিকতে না পেরে ঘৃণায় দূরে সরে যাবে। অথচ তারা ইতোপূর্বে তাদের সুগন্ধি ও মসৃণ ও মূল্যবান পরিধেয়ের জন্য প্রচুর অর্থ ব্যয় করেছে। আসলে তারা তাদের পার্থিব উদ্দেশ্য ও প্রবৃত্তি চরিতার্থকরণে অপব্যয় করত। কিন্তু, আল্লাহর পথে ও তার নির্দেশে অর্থব্যয়ে কৃপণতা করত। এখন তুমি যদি কাল কিয়ামতের দিন এমন অবস্থায় তাদের সাথে সাক্ষাৎ করতে পার যে, তারা কৃতকর্মের দায়ে আবদ্ধ ও দায়বদ্ধ থাকবে, আর তুমি কোন কিছুর দায়ে আবদ্ধ ও দায়বদ্ধ থাকবে না। তাহলে তা কর। আর এ ব্যাপারে আল্লাহ তা'আলার সাহায্য গ্রহণ কর। মহান আল্লাহ ব্যতীত কারো কোন শক্তি নেইঃ

وَمَا مَلِكٌ عَمَّا قَلِيلٍ بِسَالِمٍ * وَلَوْ كُثِرْتْ أَحْرَاسُهُ وَمَوَأِكِبْهُ

কোন রাজা-বাদশাহ ক্ষণিকের তরেও (মৃত্যুর কবল থেকে) নিরাপদ নয়, যদিও তার প্রহরী ও সহচর সংখ্য বৃদ্ধি পায়।

وَمَنْ كَانَ ذَا بَابٍ شَدِيدٍ وَحَاجِبٍ * فَعَمَّا قَلِيلٍ يَهْجُرُ الْبَابَ حَاجِبَهُ

আর যে রূঢ়দ্বার ও দ্বাররক্ষীর অধিকারী (সে জেনে রাখুক) অটীরেই তার দ্বাররক্ষী তার দ্বার ত্যাগ করবে।

وَمَا كَانَ غَيْرُ الْمُؤْتَ حَتَّى تَفَرَّقَتْ * إِلَى غَيْرِهِ أَعْوَانَهُ وَحَبَائِبُهُ

আর শুধু মৃত্যুর আগমন হলেই তার সহযোগী ও প্রিয়পাত্ররা তাকে ফেলে অন্যের সহযোগী ও প্রিয়পাত্রে পরিণত হবে।

فَأَصْبَحَ مَسْرُورًا بِهِ كُلُّ حَاسِدٍ * وَأَسْلَمَهُ أَصْحَابُهُ وَحَبَائِبُهُ

তার এ পরিণতিতে প্রত্যেক শক্তি উৎফুল্ল হবে আর তার সহচর ও প্রিয়জনরা তাকে অমোঘ পরিণতির হাতে তুলে দিবে।

অবশ্য এই কবিতা পঞ্জিকণ্ঠলি তার নয়। ইব্ন আবুদ দুন্যা কিতাবুল ইখলাসে আসিম ইব্ন আমির সূত্রে..... মায়মূন ইব্ন মাহরান হতে বর্ণনা করেন। তিনি বলেন, একদিন ভাইদের একটি দলের উপস্থিতিতে উমর ইব্ন আবদুল আয়ীয় কথা বলেন। তার মুখে বেশ সাবলীল স্বতঃস্ফূর্তভাবে সুন্দর উপদেশমূলক কথা আসতে লাগল। এ সময় তিনি তার এক সহচরের প্রতি লক্ষ্য করে দেখলেন, তার চক্ষুদ্বয় অশ্রুসিঙ্গ হয়ে উঠেছে। এ অবস্থা দেখে তিনি তার কথা শেষ করে দিলেন। আমি তখন তাকে বললাম, হে আমীরুল মু'মিনীন! আপনি আপনার উপদেশ দান অব্যাহত রাখুন। আমি আশা করি যে তার, দ্বারা আল্লাহ তা'আলা তার শ্রোতা এবং অবগতি লাভকারীদের প্রতি অনুগ্রহ করবেন। আমার একথা শুনে তিনি আমাকে

বলেন, আবু আয়ুব! তুমি এখন আমার থেকে দূরে সরে যাও। মানুষকে উপদেশ প্রদানে ক্ষতির দিক রয়েছে যা থেকে উপদেশদাতাও নিষ্কৃতি পায় না। আর মু'মিনের জন্য কথার চেয়ে কাজ বেশী যুক্তি। ইব্ন আবুদু দুন-ইয়া তার থেকে রিওয়ায়াত করেছেন যে, তিনি বলেন, আমরা এমন কতক লোককে প্রশাসক নিয়োগ করতে চাইলাম যাদেরকে পুণ্যবান ও সজ্জন গণ্য করতাম। তারপর যখন আমরা তাদেরকে নিয়োগ করলাম, দেখলাম তারা পাপাচারী। পাপাচারে লিপ্ত হতে লাগল। আল্লাহ্ পাক তাদেরকে ধ্রুংস করলন। তারা কি কবরের পাশ দিয়ে হেঁটে যায় না! আবদুর রায়্যাক বর্ণনা করে বলেন, আমি মা'মারকে উল্লেখ করতে শুনেছি, তিনি বলেন, আদী ইব্ন আরতাআ সম্পর্কে আপত্তিকর কিছু তথ্য জানার পর উমর ইব্ন আবদুল আয়ীয় (র) তাকে লিখলেন, পর কথা হলো, তোমার ব্যাপার আমাকে ধোকাগ্রস্ত করেছে। আলিয়গণের সাথে তোমার উঠাবসা এবং মাথার পিছনে তোমার কাল পাগড়ী ঝুলিয়ে দেওয়া। তুমি যেমন তোমার বাহ্যিক অবস্থাকে সুন্দর করে প্রকাশ করেছ, তেমনি আমরাও তোমার প্রতি সুধারণা পোষণ করেছি। অবশ্য এখন আল্লাহ্ তা'আলা আমাদেরকে তোমার অনেক কৃতকর্মের খবর অবহিত করেছেন।

ইমাম তাবারানী, দারা কৃতনী এবং একাধিক আলিম উমর ইব্ন আবদুল আয়ীয় পর্যন্ত প্রলম্বিত তাদের বর্ণনা সূত্রে রিওয়ায়াত করেছেন যে, (একবার) তিনি তাঁর জন্মের গভর্নরকে লিখলেন— পর কথা হলো, আমি তোমাকে বিশেষভাবে উপদেশ দিচ্ছি আল্লাহ্ ভীতি অবলম্বনের, তাঁর রাসূলের সুন্নাত অনুসরণের এবং তাঁর নির্দেশ পালনে মধ্যপন্থা অবলম্বনের। এছাড়া সুন্নাত বিরোধী বিদআতপন্থীরা তাঁর পর যা কিছুর উদ্ভব ঘটিয়েছে তা বর্জনের। তারপর তুমি জেনে রাখ, এমন কোন বিদআত নেই যে, তার পূর্বে তার অসারতা সাব্যস্তকারী প্রমাণ বিদ্যমান নেই। সুতরাং তুমি সুন্নাতকে আঁকড়ে ধর। কেননা, সুন্নাত যিনি প্রবর্তন করেছেন তিনি জানেন তার বিরোধিতায় কি বক্রতা, বিচ্যুতি, নির্বুদ্ধিতা, ভুটি ও বাড়াবাড়ি রয়েছে। আর সুন্নাতের অনুসারী পূর্ববর্তীরা বিষয়াদির রহস্য উদ্দাটানে অধিক সক্ষম ছিলেন। কঠিন আমলে অধিক পারঙ্গম ছিলেন। আর তাদের কাজ ছিল অধিক সঠিক। আর তোমরা নিজেদের উপর (বিদআতের) যে বোঝা চাপিয়ে দিচ্ছ, তাতে যদি কোন ভাল দিক থাকত, তাহলে তারা তা গ্রহণের অধিক উপযুক্ত হতেন এবং তার দিকে দ্রুততর গতিতে ধাবিত হতেন। কেননা, প্রত্যেক কল্যাণে তারাই সর্বার্থবর্তী। আর তুমি যদি একথা বল তাদের পরও তো কোন কোন কল্যাণের উদ্ভব হয়েছে, তাহলে জেনে নাও, তার উদ্ভব ঘটিয়েছে এমন ব্যক্তি যে মু'মিনদের পথের পরিবর্তে ভিন্ন পথ অবলম্বন করেছে এবং তাদের পথ থেকে বিচ্যুত হয়েছে এবং তাদের প্রতি তার অন্তর বিমুখ হয়েছে। তার ব্যাপারে তারা যথেষ্ট বলেছেন এবং পর্যাপ্ত বর্ণনা করেছেন। যে তাদের থেকে পিছিয়ে থাকবে, সে অবহেলাকারী আর যে তাদেরকে ছাড়িয়ে যেতে চাইবে, সে অশিষ্টতা প্রদর্শনকারী। কতক লোক তাদের দীনকে সংক্ষিপ্ত করেছে। ফলে তারা অচল হয়ে পড়েছে। আবার কতক লোক লালসাগ্রস্ত হয়েছে। ফলে তারা অতিরিক্ত ও বাড়াবাড়ি করেছে।

আবদুল আয়ীয়ের ছেলেকে আল্লাহ্ রহম করলন। কি চমৎকার তাঁর এই বক্তব্য যা নিঃস্ত হয়েছে এমন এক অন্তর থেকে যা সুন্নাতের অনুগমন এবং সাহাবায়ে কিরামের অবস্থার প্রতি ভালবাসায় পূর্ণ ছিল। ফকীহ বা অন্যদের মধ্যে এমন ব্যক্তি কে আছে যে এমনভাবে বলতে পারে। কাজেই আল্লাহ্ তাঁকে অনুগ্রহ করলন এবং ক্ষমা করলন।

খতীব বাগদাদী বর্ণনা করেছেন, হাফিয় ইয়া'কুব ইব্ন সুফ্যানের সূত্রে উমর ইব্ন আবদুল আয়ীয় থেকে। তিনি বলেন, আল্লাহর রাসূল সাল্লাল্লাহু আলায়হি ওয়া সাল্লাম এবং তাঁর পর তাঁর খলীফাগণ কতক সুন্নাত^১ প্রবর্তন করেছেন। তা গ্রহণ করা আল্লাহর কিতাবের সত্যায়ন এবং আল্লাহর আনুগত্যের বাস্তবায়ন। তার অবয়ব-আকৃতিতে কোন পরিবর্তন করা কিংবা তার বিরোধীদের রায় সম্বন্ধে চিন্তা-ভাবনা করা কারো দায়িত্ব নয়। কাজেই, যে ব্যক্তি পূর্ববর্তী বিধানের অনুসরণ করবে, সে হিদায়াত লাভ করবে। আর যে তার সাহায্যে দেখতে চাইবে সে দেখতে পাবে। আর যে তার বিরোধিতা করে মু'মিনগণের পথ পরিহার করে ভিন্নপথ অবলম্বন করবে, তাকে আল্লাহ সেই পথেই চালিত করবেন এবং তাকে জাহানামে দক্ষ করবেন। আর প্রত্যাবর্তনস্থল রূপে তা অতি নিকৃষ্ট।

কোন একদিন উমর ইব্ন আবদুল আয়ীয় তাঁর ঘোষককে নির্দেশ দিলেন। সে 'আস্সালাতু জামিআহ' (নামায হতে যাচ্ছে) এই ঘোষণা দিয়ে লোকদের মসজিদে সমবেত হওয়ার নির্দেশ দিল। এরপর লোকজন মসজিদে সমবেত হয় এবং তিনি তাদের উদ্দেশ্যে খুত্বা প্রদান করলেন। তিনি তাঁর খুত্বায় বলেন, এখন আমি তোমাদেরকে একথা অবহিত করার জন্যই সমবেত করেছি যে, তোমাদের মধ্যে যে ব্যক্তি তার সামনে আসন্ন আল্লাহর সাক্ষাৎ এবং আখিরাতকে বিশ্বাস করে কিন্তু সে অনুযায়ী আমল করে না এবং তার জন্য প্রস্তুতি গ্রহণ করে না। সে নির্বাধ, আর যে তা অবিশ্বাস করে, সে কাফির। একথা বলার পর তিনি এই আয়াত তিলাওয়াত করলেন-

‘إِنَّهُمْ فِيْ مِرْبَةٍ مِنْ لِقَاءِ رَبِّهِمْ’
‘শুনে রাখ, তারা তাদের প্রতিপালকের সাক্ষাতে
সংশয়হস্ত’ (সূরা হা-মীম-আস-সাজদা : ৫৪)।

আর এই আয়াত তিলাওয়াত করলেন :

‘وَمَا يُؤْمِنُ أَكْثَرُهُمْ بِاللَّهِ إِلَّا وَهُمْ مُشْرِكُونْ’
‘তাদের অধিকাংশ আল্লাহে বিশ্বাস
করে, কিন্তু তাঁর সাথে শরীক করে’ (সূরা ইউসুফ : ১০৬)।

ইব্ন আবুদুন্নাইয়া তার সম্বন্ধে বর্ণনা করেন যে, তিনি (একবার) তার ছেলেদেরকে তাদের একজন গৃহশিক্ষকসহ তাইফ পাঠালেন, যাতে সেই শিক্ষক তাদেরকে সেখানে শিক্ষাদান করতে পারেন। এরপর উমর তার কাছে লিখলেন, আপনি কী মন্দ শিক্ষা দিয়েছেন! মুসলমানদের ইমামরূপে আপনি এমন এক বালককে অগ্রবর্তী করেছেন, যে এখনও নিয়ত জানেনি- কিংবা যে এখনও নিয়তের আওতায় পড়েনি।^১ ইব্ন আবুদুন্নাইয়া তার সংকলিত ‘নিয়ত’ অধ্যায়ে তা উল্লেখ করেছেন। এ ছাড়া তিনি উমর ইব্ন আবদুল আয়ীয়ের এক মাওলা হতে ‘কোমলতা ও কান্না’- অধ্যায়ে বর্ণনা করেছেন যে, তিনি বলেন, হে বৎস! তোমার কথা শোনা হলো এবং তোমার আনুগত্য করা হলো এতেই কল্যাণ নিহিত নেই। কল্যাণ হলো যে, তুমি তোমার প্রতিপালক থেকে গাফিল থাকার পর তার আনুগত্য করবে। হে বৎস! আজ সকালে বেলা বাড়া পর্যন্ত কাউকে আমার সাথে সাক্ষাতের সুযোগ দিও না। কেননা, আমার আশঙ্কা যে, এ সময় আমি তাদের কথা বুঝতে পারব না এবং তারাও আমার অবস্থা উপলব্ধি করতে পারবে না। তার মাওলা তাকে বলল, গতকাল রাত্রে আপনাকে আমি ভীষণ কাঁদতে

১. সুন্নাত শব্দের অর্থ এখানে পথ, পস্তা, তরীকা, পদ্ধতি ইত্যাদি।

দেখলাম, ইতোপূর্বে আমি আপনাকে এমনভাবে কাঁদতে দেখিনি। বর্ণনাকারী বলেন, উমর কেঁদে ফেলেন, তারপর বলেন, বৎস! তখন আমি আল্লাহ'র সামনে দাঁড়ানোর কথা স্মরণ করেছিলাম। ইব্ন আবুদু দুনইয়া বলেন, তারপর তিনি বেহশ হয়ে গেলেন এবং বেশ খানিকটা বেলা হওয়া পর্যন্ত ছঁশ ফিরে পেলেন না। তিনি বলেন, এরপর হতে মৃত্যু পর্যন্ত তাকে আমি হাসতে দেখিনি। একদিন তিনি এই আয়াত তিলাওয়াত করলেন-

وَمَا تَكُونُ فِي شَاءٍ وَمَا تَنْلُوْ مِنْهُ مِنْ قُرْآنٍ وَلَا تَعْمَلُوْنَ مِنْ عَمَلٍ إِلَّا كُنَّا
عَلَيْكُمْ شَهُودًا -

'তুমি যে কোন অবস্থায় থাক এবং তুমি সে সম্পর্কে কুরআন থেকে যা আবৃত্তি কর এবং তোমরা যে কোন কাজ কর- আমি তোমাদের পরিদর্শক' (১০ : ৬১)। এবং ভীষণভাবে কাঁদতে লাগলেন, এমনকি, বাড়ীর অন্যান্য সকলে সে কান্নার আওয়ায় শনতে পেল। তার স্ত্রী ফাতিমা বিনত আবদুল মালিক আসলেন এবং স্বামীর কান্না দেখে বসে কাঁদতে লাগলেন- এরপর তাদের দুইজনের কান্না দেখে বাড়ীর অন্যরাও কাঁদতে লাগল। এ সময় তার ছেলে আবদুল মালিক সকলের এ অবস্থায় সেখানে আসলেন এবং তার পিতার উদ্দেশ্যে বললেন, আবকাজান! আপনি কাঁদছেন কেন? তিনি বললেন, বৎস! ভাল কারণেই আমি কাঁদছি। তোমার পিতা কামনা করেছে যদি সে দুনিয়াকে না চিনত এবং দুনিয়া তাকে না চিনত, তাহলে কত ভাল হতো। আল্লাহ'র কসম, হে বৎস! আমার আশঙ্কা হয়েছে যে, মৃত্যুর পর আমি না জাহান্নামবাসী হয়ে যাই!

এছাড়া ইব্ন আবুদু দুনইয়া বর্ণনা করেন, আবদুল আলা ইব্ন আবু আবদুল্লাহ আল আবুরী হতে তিনি বলেন, (একবার) আমি জুমুআর দিন উমর ইব্ন আবদুল আয়ীয়কে তৈলাক্ত কাপড় পরিহিত অবস্থায় বের হতে দেখলাম। এ সময় তার পিছনে এক হাবশী হাঁটছিল। তারপর তিনি যখন লোক সমাবেশে পৌছে গেলেন, তখন হাবশী ফিরে আসল। আর উমর ইব্ন আবদুল আয়ীয় যখন দুই ব্যক্তির কাছে পৌছতেন, তখন বলতেন, এভাবে মহান আল্লাহ তোমাদের দুইজনকে রহম করুন। অবশেষে তিনি মিসরে আরোহণ করে খুত্রা শুরু করলেন। খুত্বায় তিনি এই আয়াত তিলাওয়াত করলেন-

إِذَا الشَّمْسُ كُوَرَتْ سُرْفَ يَخْنَمْ نِسْبَتْ ۝ ۱

সূর্য যখন নিষ্পত্ত হবে- ৮০ : ১। এরপর তিনি বলেন, আর সূর্যের কী অবস্থা হবে? এরপর তিনি তিলাওয়াত করলেন :

إِذَا الْجَحِيمُ سُعِرَتْ وَإِذَا الْجَنَّةُ أَزْلَفَتْ

আর জাহান্নামের আগুন যখন উস্কে দেওয়া হবে, এবং জান্নাত যখন নিকটবর্তী করা হবে- (৮১ : ১২-১৩)।

এরপর তিনি কাঁদতে লাগলেন এবং মসজিদে উপস্থিত সকলেই কাঁদতে লাগল এবং সকলের সমস্তের কান্নার শব্দ মসজিদে প্রতিধ্বনিত ও প্রকল্পিত হতে লাগল। এমনকি আমার মনে হলো তার সাথে সাথে মসজিদের দেওয়ালসমূহও যেন কাঁদছে। একবার জনৈক বেদুইন আরব তার সাথে সাক্ষাৎ করে বলল, হে আমীরুল মু'মিনীন! প্রয়োজন আমাকে আপনার দ্বারা স্মরণ করেছে। এখন আমি আমার চেষ্টার চূড়ান্ত সীমায় উপনীত হয়েছি। আর আল্লাহ আপনাকে আমার সম্পর্কে প্রশং করবেন। তখন উমর কেঁদে ফেলেন এবং তাকে বলেন, তোমার পোষ্য

সংখ্যা ক'জন। তখন সে বলল, আমি এবং আমার তিন কন্যা। তখন তিনি তার জন্য তিনশ' দিরহাম এবং তার কন্যাদের জন্য একশ' দিরহাম করে ভাতা নির্ধারণ করে দিলেন। এছাড়া নিজের পক্ষ থেকে তাকে অতিরিক্ত একশ' দিরহাম প্রদান করলেন এবং তাকে বলেন, যাও, আপাতত এটা খরচ করে প্রয়োজন পূরণ কর। এরপর আমরা যখন সকলকে ভাতা প্রদান করব, তখন তুমিও তাদের সাথে তোমার নির্ধারিত ভাতা গ্রহণ করো।

একবার জনৈক আয়ারবায়জানবাসী এসে তার সামনে দাঁড়িয়ে বলল, হে আমীরুল মু'মিনীন! আপনার সামনে এই অবস্থানকে মহান আল্লাহর সামনে আপনার আগামীকালের অবস্থানের সাথে তুলনা করুন। যেদিন বাদী-বিবাদীদের আধিক্য মহান আল্লাহকে আপনার থেকে অমনোযোগী করতে পারবে না— যেদিন আপনি আমলের কোন ভরসা ছাড়া এবং পাপমুক্তির কোন সনদ ছাড়া তাঁর মুখেমুখি হবেন। বর্ণনাকারী বলেন, একথা শুনে উমর ভীষণ কাঁদলেন। তারপর তাকে বলেন, তোমার প্রয়োজন কী। তখন সে বলল, আয়ারবায়জানে নিয়োজিত আপনার গভর্নর আমার থেকে জোরপূর্বক বার হাজার দিরহাম আদায় করে তা বায়তুল মালে জমা করেছে। উমর বলেন, এই মুহূর্তে সেখানকার গভর্নরের নামে তার অনুকূলে ফরমান লিখে দাও, সে যেন তার প্রাপ্য বার হাজার দিরহাম ফিরিয়ে দেয়। তারপর ডাক বিভাগের বাহনের সাথে তাকে স্বদেশে পাঠানোর ব্যবস্থা কর। ইব্ন আয়াশের মাওলা যিয়াদ হতে বর্ণিত আছে। তিনি বলেন, কোন এক হিমশীতল রাত্রে আমি উমর ইব্ন আবদুল আয়িয়ের দরবারে হায়ির হলাম। প্রবেশ করে আমি সেখানে বিদ্যমান একটি উন্নুনে আগুন পোহাতে লাগলাম। তখন আমীরুল মু'মিনীন উমরও এসে আমার সাথে ঐ উন্নুনে আগুন পোহাতে লাগলেন। এ সময় তিনি আমাকে বলেন, হে যিয়াদ? আমি বললাম, জী বলুন, হে আমীরুল মু'মিনীন! তিনি বললেন, আমাকে কিছু (কাহিনী) শোনাও। আমি বললাম, আমি কিছু শোনাতে পারব না। তিনি বললেন, কথা বল, তখন আমি বললাম, 'যিয়াদ'। তিনি বললেন, "তার কী হয়েছে?" আমি বললাম, সে নিজে যদি জাহানামে প্রবেশ করে, তাহলে যে জাহানাতে প্রবেশ করবে সে তার কোন উপকারে আসবে না। এবং সে যদি জাহানাতে প্রবেশ করে, তাহলে যে জাহানামে প্রবেশ করবে সে তার কোন ক্ষতি করতে পারবে না। আমার এ কথা শুনে তিনি বলেন, তুমি সত্য বলেছ। তারপর তিনি এত বেশী কাঁদলেন যে, তার অশ্রুতে উন্নুনের অঙ্গার নিভে গেল। একবার যিয়াদ আল-আবদী তাঁকে বলেন, হে আমীরুল মু'মিনীন! আপনি নিজেকে গুণ-বর্ণনায় ব্যাপ্ত করবেন না, আপনি বরং তাকে ব্যাপ্ত করুন, আপনি যে গুরুতর অবস্থায় আছেন তা থেকে বের হওয়ার ক্ষেত্রে। তারপর যিয়াদ তাকে বলেন, হে আমীরুল মু'মিনীন, আপনি আমাকে বলুন এই ব্যক্তির অবস্থা কেমন, যার একজন ঘোর-কলহপ্রবণ প্রতিপক্ষ রয়েছে? তিনি বলেন, তার অবস্থা শোচনীয়। যিয়াদ তাকে বলেন, যদি তার প্রতিপক্ষ এরপে দুইজন ঘোর-কলহপ্রবণ ব্যক্তি হয়? তিনি বলেন, তাহলে তো তার অবস্থা আরও শোচনীয়। যিয়াদ বলেন, আর যদি তার প্রতিপক্ষের সংখ্যা তিনজন হয়? তিনি বলেন, তাহলে তো তার জীবন দুর্বিশহ হয়ে উঠবে। যিয়াদ বলেন, আল্লাহর কসম! হে আমীরুল মু'মিনীন! উচ্চতে মুহাম্মদীর [বর্তমান কালে জীবিত] এমন কেউ নেই যে; আপনার প্রতিপক্ষ নয়। বর্ণনাকারী বলেন, তখন উমর এমনভাবে কাঁদতে লাগলেন যে, আমি কামনা করতে লাগলাম যে, যদি আমি তাকে এ বিষয়ে কিছু না বলতাম, তাহলেই ভাল হতো। একবার উমর ইব্ন আবদুল আয়ীয় আদী ইব্ন আরতাআ এবং বসরাবাসীদের কাছে এই মর্মে

পত্র প্রেরণ করেন- তার কথা হলো, এমন কতক লোক রয়েছে যারা এই শরাবপানে আসক্ত অবস্থায় বার্ধক্যে উপনীত হয়েছে। এই শরাবের নেশায় তারা এমনসব বিষয়ে লিঙ্গ হয় যা তারা করে থাকে তাদের আকলবুদ্ধি লোপ পাওয়ার সময় এবং বিবেক ও বিবেচনা বোধ নিষ্ক্রিয় হওয়ার সময়। ফলে, তারা এ সময় রক্তপাত ঘটায়, ব্যভিচারে লিঙ্গ হয় এবং অবৈধ উপার্জনে প্রবৃত্ত হয়। অথচ আল্লাহ্ তা'আলা তার পরিবর্তে অনেক হালাল পানীয়ের অবকাশ রেখেছেন। কাজেই, তোমাদের কেউ যদি নারীয় বা তাড়ি বানায় সে যেন চামড়ার মশকেই বানায়। আর আল্লাহ্ হালালকৃত পানীয় পান করে হারাম পানীয় পরিহার করে চলে। আমাদের এই সতর্কীকরণের পর যদি আমরা কাউকে হারাম পানীয় পান করতে দেখি, তাহলে আমরা তাকে কঠিন শাস্তি প্রদান করব। আর মহান আল্লাহ্ হারামকৃত বিষয়কে যে লঘু গণ্য করবে, সে জেনে রাখুক যে, আল্লাহ্ শাস্তি দানে কঠোরতর।

ইয়ায়ীদ ইব্ন আবদুল মালিকের খিলাফত

তার ভাই খলীফা সুলায়মান ইব্ন আবদুল মালিকের এক ফরমান দ্বারা তার অনুকূলে এই মর্মে বায়আত গৃহীত হয়েছিল যে, উমর ইব্ন আবদুল আবীয়ের পর তিনিই শাসন কর্তৃত্বের অধিকার হবেন। তারপর যখন এ বছর অর্থাৎ একশ' এক হিজরীর রজব মাসে উমর ইব্ন আবদুল আবীয় ইস্তিকাল করলেন, তখন সকলে ব্যাপকভাবে তার কাছে বায়আত করল। এ সময় তার বয়স উন্নিশি বছর। দায়িত্ব গ্রহণের পর এ বছরের রময়ান মাসে তিনি পবিত্র মদীনার প্রশাসক পদ থেকে আবু বাকর ইব্ন মুহাম্মাদ ইব্ন আমর ইব্ন হায়মকে অপসারণ করেন এবং নতুন প্রশাসকরূপে আবদুল রহমান ইব্ন যাহাক ইব্ন কায়সকে নিয়োগ করেন। ফলে তার মাঝে এবং আবু বাকর ইব্ন হায়মের মাঝে পারম্পরিক প্রতিদ্বন্দ্বিতা ও বিদ্বেষ সৃষ্টি হয়। এমনকি এই পর্যন্ত গড়ায় যে, আবু বাকর ইব্ন হায়ম তার বিরুদ্ধে সংশোধনমূলক একটি শাসন ব্যবস্থাও প্রতিষ্ঠা করে।

এ ছাড়া এ বছর বুসতাম খারিজীর অনুসারী খারিজীদের মাঝে এবং কুফার সেনাবাহিনীর মাঝে লড়াই সংঘটিত হয়। খারিজীদের সংখ্যা ছিল কম, আর কুফার সেনাবাহিনীর সংখ্যা ছিল প্রায় দশ সহস্র অশ্বারোহী। তা সত্ত্বেও খারিজীরা তাদেরকে পর্যন্ত করার উপক্রম হয়। তখন তারা পারম্পরিক ভর্তসনার মাধ্যমে একে অন্যকে লড়াইয়ে উত্তুন্ন করে খারিজীদের বিধ্বস্ত করে এবং তাদের সকলকে হত্যা করে। তাদের সকল বিদ্রোহী গোষ্ঠীকে তারা নির্যুল করে। এ বছরেই ইয়ায়ীদ ইব্ন মুহাম্মাদ বিদ্রোহ করে এবং ইয়ায়ীদ ইব্ন আবদুল মালিকের বায়আত প্রত্যাহার করে বসরায় নিজের কর্তৃত্ব প্রতিষ্ঠা করে। এ জন্য তাকে দীর্ঘ অবরোধ ও লড়াইয়ের সম্মুখীন হতে হয়। তারপর সে যখন তার কর্তৃত্ব লাভ করে, তখন সে তার অধিবাসীদের মাঝে ন্যায়-বিচার প্রতিষ্ঠা করে এবং অর্থসম্পদ অকাতরে ব্যয় করে। এ সময় সে বসরার গভর্নর আদী ইব্ন আরআসাকে বন্দী করে। কেননা, সে বসরায় অবস্থানকারী মুহাম্মাদ পরিবারের সদস্যদের বন্দী করে যখন ইয়ায়ীদ ইব্ন মুহাম্মাদ উমর ইব্ন আবদুল আবীয়ের বন্দীখানা থেকে পলায়ন করে- যেমন আমরা ইতোপূর্বে উল্লেখ করেছি। ইয়ায়ীদ ইব্ন মুহাম্মাদ যখন গভর্নরের প্রাসাদের দখল লাভ করল, তখন আদী ইব্ন আরআসাকে হায়ির করা হলো। এ সময় সে হাসতে হাসতে প্রবেশ করল। তখন ইব্ন মুহাম্মাদ তাকে বলল, তোমার হাসি দেখে আমি আশ্চর্য বোধ করছি। কেননা, প্রথমত তুমি নারীদের ন্যায় যুদ্ধের ময়দান থেকে পলায়ন করেছ,

আর এখন তোমাকে ভীতদাসের ন্যায় টেনে-হেঁচড়ে আমার সামনে হায়ির করা হয়েছে। তখন আদী বলল, আমি এ জন্য হাসছি যে, আমার জীবনের নিরাপত্তা তোমার জীবনের নিরাপত্তার সাথে অভিন্ন সূত্রে গাঁথা হয়ে গেছে, আর আমার পিছনে এক পশ্চাদ্বাবনকারী রয়েছে, যে আমাকে ছেড়ে দিবে না। ইব্ন মুহাম্মাব বলল, সে কে? সে বলল, তারা হলো শামে অবস্থানরত বানু উমায়ার সেনাবাহিনী। আর তারা তোমাকেও ছেড়ে দিবে না। কাজেই, সমুদ্রের ঢেউ তোমার উপর আছড়ে পড়ার পূর্বেই আঘারক্ষা কর। কেননা, তখন তুমি অব্যাহতি চাইলেও তোমাকে অব্যাহতি দেওয়া হবে না। তখন ইয়ায়ীদ ইব্ন মুহাম্মাব তার কথার উত্তর দিল। তারপর তাকে এবং তার স্বজন-পরিজনকে বন্দী করল। এদিকে বসরায় ইয়ায়ীদ ইব্ন মুহাম্মাবের কর্তৃত সুসংহত হলো এবং সে বিভিন্ন দিকে তার প্রতিনিধি ও নায়িবদের প্রেরণ করল। এ সময় সে আহওয়ায়ে প্রশাসক নিয়োগ করল এবং একদল যোদ্ধাসহ তার ভাই মুদুরিক ইব্ন মুহাম্মাবকে খোরাসানের প্রশাসক নিয়োগ করে পাঠাল। এদিকে খলীফা ইয়ায়ীদ ইব্ন আবদুল মালিকের কাছে তার এ সকল তৎপরতার সংবাদ পৌছল। তিনি তার বিরুদ্ধে লড়াই করার জন্য বসরা অভিযুক্ত তার ভাতিজা আববাস ইব্ন ওয়ালীদ ইব্ন আবদুল মালিককে চার হাজার যোদ্ধাসহ প্রেরণ করলেন। আববাসের নেতৃত্বাধীন এই বাহিনী ছিল শামের নিয়মিত বাহিনীতে অবস্থানরত তার চাচা মাসলামাহ ইব্ন আবদুল মালিকের অনুবর্তী অঞ্চল বাহিনী স্বরূপ। এদিকে ইয়ায়ীদ ইব্ন মুহাম্মাবের কাছে যখন তার বিরুদ্ধে প্রেরিত খলীফা ইয়ায়ীদ ইব্ন আবদুল মালিকের বাহিনীর অগ্রসর হওয়ার সংবাদ পৌছল, সে বসরা ত্যাগ করল এবং তার ভাই মারওয়ান ইব্ন মুহাম্মাবকে তার স্থলবর্তী করল। বসরা থেকে বের হয়ে সে ওয়াসিত-এ অবস্থান গ্রহণ করল। সেখানে সে তার অনুসারী আমীরদের কাছে পরবর্তী করণীয় সম্পর্কে পরামর্শ চাইল। তখন তারা রায় প্রদানে মতবিরোধে লিঙ্গ হলো। তাদের কেউ কেউ তাকে আহওয়ালে গিয়ে সেখানকার পাহাড়ের চূড়ায় আঘারক্ষা করতে পরামর্শ দিল। তখন সে বলল, তোমরা তো দেখছি আমাকে পাহাড় চূড়ায় অবস্থানগ্রহণকারী পাখী বানাতে চাচ্ছ। আর ইরাকীগণ তাকে পরামর্শ দিল আল জায়িরায় গিয়ে সেখানকার সবচেয়ে দুর্ভেদ্য দুর্গে অবস্থান গ্রহণ করতে এবং জায়িরাবাসীকে সমবেত করে তাদের সাহায্যে শামবাসীর বিরুদ্ধে লড়াই করতে। এ বছর যখন অতিবাহিত হয়, তখন ইয়ায়ীদ ইব্ন মুহাম্মাব ওয়াসিতে অবস্থানরত আর শামের ফৌজ তার বিরুদ্ধে অগ্রসর হয়।

এ বছর হজ পরিচালনা করেন পবিত্র মদীনার আমীর আবদুর রহমান ইব্ন যাহ্হাক ইব্ন কায়স। এ সময় পবিত্র মক্কার আমীর আবদুল আয়ীয় ইব্ন আবদুল্লাহ ইব্ন খালিদ ইব্ন উসায়দ, কুফার আমীর আবদুল হামীদ ইব্ন আবদুর রহমান ইব্ন যায়দ ইব্নুল খাত্তাব আর তার কায়ী আমির শা'বী, এছাড়া বসরার আমীর ইয়ায়ীদ ইব্ন মুহাম্মাব খলীফা ইয়ায়ীদ ইব্ন আবদুল মালিকের বায়আত প্রত্যাহার করে নিজেই তার শাসন কর্তৃত গ্রহণ করে। এ বছরই উমর ইব্ন আবদুল আয়ীয় রিবঈ ইব্ন হিরাশ এবং আবু সালিহ আস্সাম্মান ইন্তিকাল করেন। আবু সালিহ আস্সাম্মান নির্ভরযোগ্য ও সত্যনিষ্ঠ আবিদ। আমাদের সংকলিত ‘আত্তাক্মীল’ গ্রন্থে আমরা তার জীবনী উল্লেখ করেছি। মহান আল্লাহ অধিক জানেন।

১০২ হিজরীর সূচনা

এ বছরেই মাসলামাহ ইব্ন আবদুল মালিক ইয়ায়ীদ ইব্ন মুহাম্মাবের মুখোমুখি হয়েছিলেন। তার প্রেক্ষাপট হলো ইয়ায়ীদ ইব্ন মুহাম্মাব তার ছেলে মুআবিয়াকে ওয়াসিত-এ নিজের স্তলবর্তী করে সেখান থেকে ফৌজ নিয়ে অগ্রসর হয়। এ সময় তার অগ্রবর্তী বাহিনীতে তার ভাই আবদুল মালিক ইব্ন মুহাম্মাব ছিল। অবশেষে ইব্ন মুহাম্মাব যখন আকার নামক স্থানে পৌছল, তখন মাসলামাহ ইব্ন আবদুল মালিক এক অপ্রতিরোধ্য ও বিশাল বাহিনী নিয়ে সেখানে উপনীত হলেন। এ সময় দুই বাহিনীর অগ্রবর্তী সেনারা প্রথমে মুখোমুখি হলো তারা প্রচণ্ড লড়াইয়ে লিঙ্গ হলো। এ সময় বসরার সৈনিকরা শামের সৈনিকদের পরাজিত করল। তারপর শামবাসীরা পারস্পরিক ভর্তসনার মাধ্যমে একে অন্যকে যুদ্ধে আক্রমণে উদ্বৃদ্ধ করল। তখন তারা একযোগে আক্রমণ করে বসরাবাসীদের পরাজিত করল এবং তাদের একদল বীর ও সাহসী যোদ্ধা হত্যা করল, তন্মধ্যে অন্যতম হল মানতৃফ। সে ছিল বানু বাকর ইব্ন ওয়াইলের মাওলা প্রসিদ্ধ বীর। এ প্রসঙ্গে কবি ফারায়দাক বলেন-

نَبْكٌ عَلَى الْمُنْتَوْفِ بَكْرٌ بْنُ وَائِلٍ * وَتَنْهِيٌّ عَنِ ابْنِي مَسْعِمٍ مِّنْ بَكَاهِمًا

‘মানতৃফের শোকে বকর ইব্ন ওয়াইল কাঁদছে আর মুসমি’-এর দুই ছেলের শোকে কান্নাকারীকে নিষেধ করছে।’

জাহমিয়াদের শুরু, ছাওরীদের মাওলা জা’দ ইব্ন দিরহাম হামদানী যাকে খালিদ ইব্ন আবদুল্লাহ আল কাসরী সৈন্য আয়তার দিন যবাহ করেছিল- সে এর জবাবে আবৃত্তি করল-

نَبْكٌ عَلَى الْمُنْتَوْفِ فِي نَصْرٍ قَوْمٍ * وَلِيَتَنَا بَكِيَ الشَّائِدِ يَنْ أَيَاهِمَا

আগন সম্প্রদায়কে সাহায্য করার ক্ষেত্রে আমরা মানতৃফের শোকে কাঁদছি। হায়!

أَرَادَ فَنَاءَ الْحَىِ بَكْرٌ بْنُ وَائِلٍ * فَعُزِّ تَمِيمٌ لَوْ أَصَبَ فَنَاهِمَا

বকর ইব্ন ওয়াইল শক্র গোত্রের আভিনান্য আক্রমণ করতে চাইল।

فَلَا لَقِيَا رُوجًا مِّنَ اللَّهِ سَاعَةً * وَلَا رَقَاتٌ عَيْنَا شَجَنِ بَكَاهِمَا

সুতরাং তারা দু’জন যেন ক্ষণিকের জন্যও আঘাত থেকে স্বত্তি লাভ না করে এবং তাদের দুইজনের শোকে কান্নাকারীর চক্ষুদ্বয় যেন অশ্রূশূণ্য না হয়।

أَفِي الْغَشِّ نَبْكٌ إِنْ بَكِينَا عَلَيْهِمَا * وَقَدْ لَقِيَا بِالْغَشِّ فِينَا رَدَاهِمَا

‘আমরা যদি তাদের দুইজনের শোকে কাঁদি তাহলে কি প্রতারণার শিকার হব, অথচ প্রতারণার কারণেই তারা দুইজন মৃত্যুর সম্মুখীন হয়েছে।’

মাসলামাহ এবং তার ভাতিজা আবরাস ইব্ন ওয়ালীদ যখন ইয়ায়ীদ ইব্ন মুহাম্মাবের ফৌজের নিকটবর্তী হলেন তখন সে তার অনুগামী যোদ্ধাদের উদ্দেশ্যে খুত্বা প্রদান করে এবং তাদেরকে শামবাসীর বিরুদ্ধে লড়াইয়ে উদ্বৃদ্ধ করে। আর ইয়ায়ীদের সাথে ছিল একলক্ষ বিশ হাজার যোদ্ধা। যারা তার পূর্ণ আনুগত্য এবং কুরআন-সুন্নাহর বিধান কার্যকরকরণে তার হাতে বায়আত করেছিল। এছাড়া বায়আতকালে তারা এ বিষয়েও অঙ্গীকার করেছিল যে, কোন

বিদেশী শক্তি তাদের দেশ পদদলিত করবে না এবং তাদের উপর ফাসিক হাজ্জাজের শাসন-বিধানের পুনরাবৃত্তি ঘটবে না এবং এ সকল শর্তে যারা তাদের কাছে বায়আত প্রস্তাব করবে তারা তা গ্রহণ করবে, আর যারা তাদের বিরোধিতা করবে তারা তাদের বিরুদ্ধে লড়াই করবে। আর এ সময় হ্যরত হাসান বসরী (রহ) লোকজনকে সংঘত থাকার এবং গোলযোগ-বিশৃঙ্খলা পরিহার করতে উদ্ধৃত করতেন এবং এ বিষয়ে তাদেরকে কঠোরভাবে নিষেধ করতেন। এর কারণ হলো ইব্ন আশআছ-এর সময়ে দীর্ঘ ও ব্যাপক লড়াই সংঘটিত হয়েছিল এবং সে কারণে অসংখ্য মানুষের প্রাণহানি ঘটেছিল। তাই এ সময় হ্যরত হাসান বসরী (রা) লোকদের উদ্দেশ্যে খুত্বা প্রদান করতে লাগলেন এবং তাদেরকে উপদেশমূলক কথা বলে তা থেকে বিরত থাকার মর্দেশ দিতে লাগলেন। বসরার তৎকালীন প্রশাসক আবদুল মালিক ইব্ন মুহাম্মাদের কাছে যখন এ সংবাদ পৌছল, তখন সে লোকদের সমাবেশে খুত্বা দিয়ে তাদেরকে দৃঢ়প্রত্যয় নিয়ে জিহাদের উদ্দেশ্যে শক্তির বিরুদ্ধে লড়াই করার জন্য অঞ্চলের হওয়ার নির্দেশ দিল। তারপর সে হাসান বসরীর নাম উল্লেখ না করে বলল, আমার কাছে এ সংবাদ পৌছেছে যে, লৌকিকতার এই বিভ্রান্ত শায়খ লোকজনকে নিরুৎসাহিত করছে। সাবধান! আল্লাহর কসম, সে যেন অবশ্যই ক্ষান্ত হয় অন্যথায় আমি তার বিরুদ্ধে কঠোর ব্যবস্থা গ্রহণ করব। এভাবে সে হাসান বসরীকে হমকি দিল। এদিকে হ্যরত হাসান যখন তার বক্তব্য জানতে পারলেন, তিনি বললেন, আল্লাহর কসম! আল্লাহ যদি তার [দুর্ব্যবহার দ্বারা] অপদস্থতার দ্বারা আমাকে সম্মানিত করেন, তাহলে আমি তা অপসন্দ করব না। পরবর্তীতে অবশ্য আল্লাহ তাকে তার থেকে নিরাপদ রেখেছিলেন, এমনকি তাদের কর্তৃত্ব বিলুপ্ত হয়েছিল তার তা ঘটেছিল এভাবে। উভয় বাহিনী যখন মুখোমুখি হল তখন তারা সামান্য দুন্দুবুদ্ধে লিপ্ত হলো। এরপর লড়াই তীব্র আকার ধারণ করতে না করতেই ইরাকীবাহিনী দ্রুত পলায়ন করতে লাগল। কারণ, তাদের কাছে এ সংবাদ পৌছেছিল যে, তারা যে পুল/সেতু পার হয়ে এখানে এসেছে তা জ্ঞালিয়ে দেওয়া হয়েছে। এ খবর শোনামাত্র তারা পরাজয় মেনে নিয়ে পলায়ন করতে লাগল। এ অবস্থা দেখে ইয়ায়ীদ ইব্ন মুহাম্মাদ বলল, লোকদের কী হলো? পলায়ন করার মত তো কিছু ঘটেনি। তাকে বলা হলো, তাদের কাছে এ সংবাদ পৌছেছে যে, যে সেতু পার হয়ে তারা এখানে পৌছেছে তা জ্ঞালিয়ে দেওয়া হয়েছে। একথা শুনে সে বলল, আল্লাহ তাদেরকে লাঙ্গিত করুন! তারপর সে পলায়নোদ্যতদের ফিরানোর চেষ্টা করল। কিন্তু তার পক্ষে সম্ভব হলো না। তখন সে তার সহযোদ্ধাদের একটি দল নিয়ে অবিচলভাবে লড়াই অব্যাহত রাখল। কিন্তু এদেরও কেউ কেউ তার অজ্ঞাতসারে সটকে পড়তে লাগল। অবশেষে, তার সাথে মুষ্টিমেয় কয়েকজন সহযোদ্ধা থাকল। এ সত্ত্বেও সে তার সম্মুখে অঞ্চল হতে থাকল এবং শক্ত বাহিনীর যে অশ্঵ারোহী যোদ্ধাদের সম্মুখীন হতে লাগল তাদেরকেই পরাজিত করতে লাগল। তার আক্রমণের তীব্রতার মুখে শামীয় যোদ্ধারা তার ডানে-বামে সরে যেতে লাগল। ইত্যবসরে তার ভাই হাবীব ইব্ন মুহাম্মাদ নিহত হলো, ফলে তার ক্ষেত্র ও জিঘাংসা আরও বৃদ্ধি পেল। এ সময় সে তার একটি ধূসর বর্ণের ঘোড়ায় সওয়ার ছিল। পরিশেষে সে আর কোনও উপায় না দেখে পরাজয় অবধারিত বুবাতে পেরে মাসলামা ইব্ন মালিককে হত্যার উদ্দেশ্যে একরোখাভাবে তার দিকে অঞ্চল হলো। সে যখন মাসলামা মুখোমুখি পৌছল, তখন শামী অশ্বারোহীরা তার উপর আক্রমণ করে তাকে হত্যা করে। এ সময় তারা তার সাথে

তার ভাই মুহাম্মদ ইবন মুহাম্মাব এবং সামায়া 'নামক এক ব্যক্তিকে হত্যা করে। ইয়ায়ীদ ইবন মুহাম্মাবকে যে ব্যক্তি হত্যা করে, তার নাম আল-কাহ্ল ইবন আয়্যাশ, সেও ইবন মুহাম্মাবের পাশে নিহত হয়। হত্যার পর তারা ইয়ায়ীদের মাথা মাসলামাহ ইবন আবদুল মালিকের কাছে পাঠিয়ে দেন। আর মাসলামাহ ইয়ায়ীদ ইবন মুহাম্মাবের ফৌজের অবশিষ্টাংশের উপর কর্তৃত লাভ করেন। এ সময় তিনি তাদের মধ্য থেকে তিনশ' জনকে বন্দী করে কুফায় প্রেরণ করেন এবং তাদের ব্যাপারে সিদ্ধান্ত চেয়ে তার ভাইয়ের কাছে দৃত প্রেরণ করেন। তাদের হত্যার নির্দেশ নিয়ে তার পত্র আসে। এরপর মাসলামাহ তার বাহিনী নিয়ে অগ্রসর হন এবং ইরায় অবস্থান গ্রহণ করেন।

এদিকে ওয়াসিত-এ অবস্থানরত ইয়ায়ীদ ইবন মুহাম্মাবের ছেলে মুআবিয়ার কাছে যখন তার পিতার পরাজয়ের সংবাদ পৌছে, তখন সে তার কাছে বিদ্যমান তিরিশজন বন্দীকে হত্যা করে। এদের অন্যতম হলেন উমর ইবন আবদুল আয়ীয়ের নাইব / নিয়োগকৃত প্রশাসক আদী ইবন আরতাআ, তার ছেলে, মুসমি' এর দুই ছেলে মালিক ও আবদুল মালিক এবং সন্তান লোকদের একটি দল। তারপর সে বিভিন্ন প্রকার ধন-সম্পদের ভাগারসমূহ নিয়ে বসরায় আগমন করে এবং তার সাথে তার চাচা মুফায়্যাল ইবন মুহাম্মাবও সেখানে আগমন করে। এভাবে বসরায় মুহাম্মাব পরিবারের সকল সদস্য সমবেত হয়। এ সময় তারা যুদ্ধ জাহাজ প্রস্তুত করে এবং পূর্ণতম সমরসজ্জা গ্রহণ করে যুদ্ধের জন্য সর্বাঞ্চক প্রস্তুতি গ্রহণ করে। পরে তারা তাদের স্বজন-পরিজন ও যুদ্ধ-সরঞ্জাম সবসহ কিরমানের পার্বত্য অঞ্চলে গমন করে এবং সেখানে অবস্থান গ্রহণ করে। এ সময় ইয়ায়ীদ ইবন মুহাম্মাবের একদল সহযোদ্ধাও তাদের সাথে যোগ দেয়। তারা সকলে মিলে মুফায়্যাল ইবন মুহাম্মাবকে তাদের আমীর/ সেনাপতি মনোনীত করে। এদিকে মাসলামাহ ইবন আবদুল মালিক মুহাম্মাব পরিবারের পশ্চাদ্বাবনের জন্য হিলাল ইবন মাজুর মুহারিবীর নেতৃত্বে একদল ফৌজ প্রেরণ করলেন। বলা হয় তারা মুদরিক ইবন যাব আলকালবী নামক অপর এক ব্যক্তিকে তাদের আমীর / সেনাপতি মনোনীত করেছিল। এরপর হিলাল ইবন মাজুর তাদেরকে অনুসরণ করে কিরমানের পার্বত্য অঞ্চলে পৌছে তাদের মুখোমুখি হলেন। সেখানে উভয় বাহিনী তৈরি লড়াইয়ে লিঙ্গ হলো। এ সময় মুফায়্যালের সহযোদ্ধাদের একদল নিহত হলো এবং তাদের নেতৃস্থানীয় একদল বন্দী হলো এবং বাকীরা পরাজিত হলো। তারপর হিলাল বাহিনী মুফায়্যালকে অনুসরণ করে তাকে হত্যা করল এবং তার মাথা মাসলামাহ ইবন আবদুল মালিকের কাছে পাঠানো হলো। এ ছাড়া এ সময় ইয়ায়ীদ ইবন মুহাম্মাবের সহযোদ্ধাদের একটি দলও আগমন করল। শামের আমীর থেকে তাদের জন্য নিরাপত্তা-পত্র গ্রহণ করা হলো। তন্মধ্যে উল্লেখযোগ্য হলেন মালিক ইবন ইবরাহীম ইবন আশতার আন্নাখষ্ট। এরপর তারা যুদ্ধবন্দী নারী, শিশু, অস্ত্রশস্ত্র এবং ধন-সম্পদ মাসলামাহ ইবন আবদুল মালিকের কাছে পাঠালেন। এদের সাথে ছিল মুফায়্যাল এবং আবদুল মালিক ইবন মুহাম্মাবের মাথা। মাসলামাহ এই মাথা দুটির সাথে নয়জন সুন্দর বালককে তার ভাই খলীফা ইয়ায়ীদ ইবন আবদুল মালিকের কাছে পাঠালেন। ইয়ায়ীদ এদের শিরচ্ছেদের নির্দেশ দিলেন। এরপর তাদের মাথাসমূহ দামেশকে জনসমক্ষে প্রদর্শন করা হলো। কিছুদিন পর সেগুলি হলবে প্রেরণ করা হলো এবং সেখানেও জনসমক্ষে প্রদর্শন করা হলো। এ

সময় মাসলামাহ ইব্ন আবদুল মালিক শপথ করলেন, অবশ্যই তিনি মুহাল্লাব পরিবারের নারী-শিশুদের বিক্রি করবেন। জনৈক আমীর তার কসম পূর্ণ করার জন্য তাদেরকে একলক্ষ দিরহাম মূল্যে খরিদ করলেন। তারপর সমস্থানে তাদেরকে আযাদ করে দিলেন। পরবর্তীতে মাসলামাহ সেই আমীর থেকে কোন মূল্য গ্রহণ করলেন না। ইয়ায়ীদ ইব্ন মুহাল্লাবের মৃত্যুতে কবিরা একাধিক শোকগাথা রচনা করেছে, যা ইব্ন জারীর উল্লেখ করেছেন।

ইরাক ও খোরাসানের প্রশাসকরূপে মাসলামাহ

মাসলামাহ ইব্ন আবদুল মালিক মুহাল্লাব গোষ্ঠীর বিরুদ্ধে পরিচালিত যুদ্ধ থেকে অবসর গ্রহণ করেন সে বছরেই তার ভাই খলীফা ইয়ায়ীদ ইব্ন আবদুল মালিক লিখিত ফরমান প্রেরণ করে তাকে কৃফা, বসরা ও খোরাসান অঞ্চলের প্রশাসক নিয়োগ করলেন। মাসলামাহ কৃফা ও বসরায় তার স্থলবর্তী উপপ্রশাসক নিয়োগ করলেন এবং তার জামাতা সাঈদ ইব্ন আবদুল আয়ীয় ইব্ন হারিছ ইবনুল হাকাম ইব্ন আবুল আসকে খোরাসানে প্রেরণ করলেন যার উপাধি ছিল ‘খুয়ায়লাহু’। তিনি সেখানে গমন করলেন এবং সেখানকার অধিবাসীদের অবিচলতা ও ধীরত্বে উন্মুক্ত করলেন। এছাড়া তিনি এ সময় মুহাল্লাব পরিবারের নায়েবদের শাস্তি প্রদান করলেন এবং তাদের থেকে বিপুল পরিমাণ অর্থ-সম্পদ আদায় করলেন। এ সময় তাদের কেউ কেউ শাস্তির কঠোরতার কারণে মৃত্যুমুখে পতিত হয়।

তাতারী^১ ও মুসলমানদের মাঝে সংঘটিত একটি যুদ্ধ তাতারী সম্রাট খাকান কুরসোল নামক এক ব্যক্তির নেতৃত্বে মুসলমানদের বিরুদ্ধে লড়াইয়ের জন্য সুগদ অঞ্চলে এক ফৌজ প্রেরণ করে। এ সময় সে অঞ্চলের হয়ে মুসলিম অধ্যুষিত ‘কাসরল বাহিলী’ অবরোধ করে। তখন সমরকন্দের প্রশাসক উছমান ইব্ন আবদুল্লাহ ইব্ন মুতাররিফ চালিশ হাজার দিরহামের বিনিময়ে তাদের সাথে সংঘর্ষ করেন এবং সংঘর্ষের সত্ত্বারপ সতেরজন নেতৃস্থানীয় ব্যক্তিকে বজাক্ষয়ণ তাদের হাতে তুলে দেন। এরপর উছমান তাতারীদের বিরুদ্ধে যুদ্ধের জন্য মুসলমানদের আহ্বান জানান। তখন তার এই আহ্বানে সাড়া দিয়ে চার সহস্র যোদ্ধা নিয়ে মুসায়্যা^২ ইব্ন বিশর আররিয়াহী নামক এক ব্যক্তি তাতারীদের অভিযুক্ত অঞ্চলের হন। কিছুদূর পথ অতিক্রম করার পর তিনি তাদের উদ্দেশ্যে খুত্বা দেন এবং তাদেরকে লড়াইয়ে উন্মুক্ত করেন এবং তাদেরকে জানান তিনি শক্ত অভিযুক্ত যাচ্ছেন শাহাদত লাভের উদ্দেশ্যে। তার একথা শোনার পর এক হাজারের অধিক যোদ্ধা ফিরে যায়। এরপর প্রত্যেক মনয়িলে তিনি তাদের উদ্দেশ্যে খুত্বা দিতে থাকেন এবং তার সহযোদ্ধাদের অনেকে ফিরে যেতে থাকে। এমন কি শেষ পর্যন্ত তার সাথে মাত্র সাতশ’ যোদ্ধা অবশিষ্ট থাকে। তখন তিনি এদেরকে নিয়ে অঞ্চলের হন এবং “কাসরে বাহিলী” অবরোধকারী তাতারীদের বিরুদ্ধে আক্রমণের জন্য সুবিধামাফিক অবস্থান গ্রহণ করেন। এদিকে সেখানে অবরুদ্ধ মুসলমানগণ এই সিদ্ধান্ত গ্রহণ করেন যে, তারা শক্তদের সামনে তাদের স্তৰ-সন্তানদের হত্যা করবেন, তারপর সেখান থেকে নেমে তাদের সর্বশেষজন শহীদ হওয়া পর্যন্ত লড়াই করে যাবেন। মুসায়্যা^২ তাদেরকে সে দিনের জন্য অবিচল থাকতে বলেন, তারা তাই করে। আর এদিকে মুসায়্যা^২ প্রতীক্ষায় থাকেন। অবশেষে যখন রাতের শেষ প্রত্যনির্দেশ আসে, তখন তিনি ও তার সহযোদ্ধারা তাকবীরধর্মনি-

১. এখানে আরবীতে তুর্কি শব্দ ব্যবহৃত হয়েছে কিন্তু অনুবাদ তাতারী করা হলো।

দেন। এ সময় তারা তাদের সাংকেতিক শ্লোগান নির্ধারণ করেন— ইয়া মুহাম্মাদ— এরপর তারা একযোগে তাতারীদের উপর তীব্র আক্রমণ করেন। এ আক্রমণে তারা তাদের বহু যোদ্ধাকে হত্যা করেন এবং বহুসংখ্যক বাহন/ পশু আহত করেন। আর অতর্কিংত আক্রমণের ধাক্কা সামলে এবার তাতারীরাও তাদেরকে আক্রমণ করে এবং তাদের বিরুদ্ধে প্রচণ্ড লড়াই করে। এ অবস্থায় অধিকাংশ মুসলমান যোদ্ধা পলায়ন করেন এবং মুসলিম সেনাপতি মুসায়িবের অশ্ব তার পশ্চাদদেশে আঘাতপ্রাণ হয়। তিনি এবং তার সঙ্গী বীরেরা পদাতিক যোদ্ধায় পরিণত হন এবং এ অবস্থায়ও তারা শক্রের বিরুদ্ধে অপ্রতিরোধ আক্রমণ চালিয়ে যান আর এই মুষ্টিমেয় যোদ্ধার দল মুসায়িবকে ঘিরে অবিচলভাবে শক্রদের আক্রমণ প্রতিহত করতে থাকেন এবং অবশেষে আল্লাহ্ তাদেরকে বিজয় দান করেন। এ সময় মুশরিকরা দিষ্টিদিক জানশূন্য হয়ে তাদের সামনে থেকে পলায়ন করে অথচ তাদের সংখ্যা ছিল বিপুল। এ সময় মুসায়িবের ঘোষক ঘোষণা করে, তোমরা কোন শক্রের পশ্চাদ্বাবন করো না, তোমরা কাসরে বাহিলী এবং তার অধিবাসীদের উদ্ধার কর। তখন তারা তাদেরকে সফরের বাহন সরবরাহ করে এবং ঐ সকল তাতারীদের সেনা ছাউনি, সকল অর্থ-সম্পদ ও মূল্যবান বস্তু অধিকার করে। এরপর তারা ‘কাসরে বাহিলীতে’ অবরুদ্ধ মুসলমানদের সঙ্গে নিয়ে নিরাপদে ফিরে আসে। পরদিন যখন তাতারীরা ফিরে এসে সেখানে কোন জনমানবের চিহ্ন দেখল না, তখন তারা মনে মনে ভাবল, গতকাল আমরা যাদের মুখোমুখি হয়েছিলাম তারা মানুষ ছিল না, তারা ছিল জিন। আর এ বছর যে সকল প্রথ্যাত ও নেতৃত্বান্বিত ব্যক্তি ইন্তিকাল করেন, তাদের অন্যতম হলেন :

যাহুক ইব্ন মুয়াহিম আল হিলালী^১

তিনি আবুল কাসিম মতান্তরে আবু মুহাম্মাদ আল খোরাসানী। ইনি বলখ, সমরকন্দ ও নিশাপুরে অবস্থান করতেন। তিনি বিশিষ্ট তাবেঈ। হ্যরত আনাস, ইব্ন উমর, আবু হুরায়রা এবং তাবিস্টগণের এক দল থেকে হাদীস রিওয়ায়াত করেছেন। অবশ্য কারও কারও মতে সাহাবীগণের কারও থেকে তিনি সরাসরি কোন হাদীস শুনেননি, এমনকি [কনিষ্ঠতম সাহাবী] ইব্ন আবুস থেকেও না। যদিও তার সম্পর্কে একথা বর্ণিত আছে যে, তিনি সাত বছর তার সাহচর্যে ছিলেন। যাহুক ইব্ন মুয়াহিম তাফসীর শাস্ত্রের ইমাম ছিলেন। ছাওয়ারী বলেন, তোমরা চার ব্যক্তি থেকে তাফসীর শিক্ষা কর। মুজাহিদ, ইকরিমা, সাঈদ ইব্ন জুবায়র এবং যাহুক ইব্ন মুয়াহিম। ইমাম আহমাদ (র) বলেন, তিনি নির্ভরযোগ্য, তবে ইমাম শ'বাহ ইব্ন আবুস থেকে তার হাদীস শোনার বিষয়টি প্রত্যাখ্যান করেছেন। তিনি বলেন, আসলে যাহুক সাঈদ সূত্রে ইব্ন আবুস থেকে রিওয়ায়াত করেছেন। ইব্ন সাঈদ আল কাস্তান বলেন, তিনি দুর্বল ছিলেন। তবে ইব্ন হিব্রাব তাকে নির্ভরযোগ্য গণ্য করেছেন। তিনি তার সম্পর্কে বলেন, তিনি কোন সাহাবী থেকে সরাসরি কোন রিওয়ায়াত শ্রবণ করেননি। আর যে ব্যক্তি দাবী করে যে, তিনি ইব্ন আবুসের সাক্ষাৎ লাভ করেছেন সে বিআপ্তি ও ভুলের

১. তারীখুল ইসলাম ৪/১২৫, তারীখুল বুখারী ৪/৩০২, তাহফীবুল তাহফীব ৪/৪৫৩, তাহফীবুল কামাল পঃ ১৬৮, আলজারহ ওয়াত্ত তাদীল ১ম অংশ ২য় ভলিউম ৪২৮, খুলাসাতু তাহফীবুল তাহফীব ১৭৭, শাজারাতুয় যাহাব ১/১২৪, তাবকাতু ইব্ন সাদ ৬/৩০০, ৭/৩৬৯ তাবকাতু খালীফা ২৯৫০, তাবাকাতুল মুফাস্সিরীন, মিরআতুল জিনান ১/২১৩, আলযুগীনী ফী আয়তুল আকা ১/৩১২, আনন্দজুম আয়ত্যাহিরা ১/২৪৮.

শিকার। তার সম্পর্কে বলা হয়, তার মা তাকে দুই বছর গর্ভে ধারণ করেছিলেন এবং তিনি যখন তাকে প্রসব করেন তার এই নবজাতকের দাঁত গজিয়ে গিয়েছিল। তিনি শিশুদেরকে অবৈতনিকভাবে শিক্ষা দিতেন। বলা হয়, তিনি একশ' পাঁচ হিজরীতে আবার কারো মতে একশ' ছয় হিজরীতে ইন্তিকাল করেন। মহান আল্লাহ্ অধিক অবগত।

আবুল মুতাওয়াক্কিল আন্নাজী

তাঁর নাম আলী ইবনুল বাসরী। তিনি একজন উচ্চমর্যাদা সম্পন্ন নির্ভরযোগ্য ও বিশিষ্ট তাবেয়ী। আশি বছর বয়সে তিনি ইন্তিকাল করেন। আল্লাহ্ তা'আলা তাকে রহম করুন।

১০৩ হিজরীর সূচনা

এ বছরেই ইরাকের গভর্নর উমর ইবন হুবায়রাহ্ আমীরুল মু'মিনীনের নির্দেশে খোরাসানের প্রশাসক পদ থেকে সাঈদ খুয়ায়নাকে অপসারণ করেন এবং তার স্ত্রী সাঈদ ইবন আমর আলজুরায়শীকে নিয়োগ করেন। এই সাঈদ ইবন আমর প্রসিদ্ধ বীরদের একজন। তার বীরত্ব ও যুদ্ধকুশলতায় ভীত-সন্ত্রস্ত হয়ে তাতারীরা সুগদ অঞ্চল থেকে পিছু হটে চীনা ভূখণ্ডে গিয়ে আশ্রয় নেয়। এ ছাড়া এ বছরেই খলীফা ইয়ায়ীদ ইবন আবদুল মালিক, আবদুর রহমান ইবন যাহ্হাক ইবন কায়সকে একই সাথে পরিব্রত মক্কা ও মদীনার গভর্নর নিয়োগ করেন। আবদুর রহমান আলওয়াহিদ ইবন আবদুল্লাহ্ আন্নায়রীকে তাইফের নাইব বা প্রশাসক নিয়োগ করেন। এ বছর হজ পরিচালনা করেন 'আমীরুল হারামায়ন' আবদুর রহমান ইবন যাহ্হাক ইবন কায়স। আল্লাহ্ তা'আলা সর্বাধিক জানেন। এ বছর যে সকল বিশিষ্ট ব্যক্তি ইন্তিকাল করেন তাদের অন্যতম :

ইয়ায়ীদ ইবন আবু মুসলিম

তিনি আবুল আল' আল মাদানী, আতা ইবন ইয়াসার আল-হিলালী, আবু মুহাম্মাদ আলকাস্ আলমাদানী, মাইমুনার মাওলা। এ ছাড়া তিনি সুলাইমান, আবদুল্লাহ্ এবং আবদুল মালিকের ভাই, আর এদের প্রত্যেকে তাবেঈ। আর তিনি একাধিক সাহাবী থেকে রিওয়ায়াত করেছেন এবং একাধিক 'হাদীস সমালোচক' তাকে নির্ভরযোগ্য আখ্যা দিয়েছেন। বলা হয়, তিনি একশ' তিন কিংবা চার হিজরীতে অশীতিপর বৃক্ষ অবস্থায় আলেকজান্দ্রিয়ায় ইন্তিকাল করেন। কারো কারো মতে তিনি একশ' হিজরীর পূর্বেই ইন্তিকাল করেন। আল্লাহ্ তা'আলা সর্বাধিক অবগত।

মুজাহিদ ইবন জুবায়র আল-মাক্কী^১

তার পূর্ণ পরিচয় আবুল হাজ্জাজ আল কুরাশী আলমাখ্যুমী সাইব ইবন আবুস সাইব আল- মাখ্যুমীর মাওলা বা আযাদকৃত গোলাম, প্রথম সারির তাবিঈ ও মুফাস্সিরগণের অন্যতম। তিনি ইবন আবাসের খোজা শিষ্যদের বিশিষ্ট একজন। তার কালে তিনিই ছিলেন

১. আলইসাবা ৮৩৬৩, তারিখুল ইসলাম ৪/১৯০, তারিখুল বুখারী ৭/৪১১, তায়কিরাতুল হফ্ফায় ১/৮৬, তাহফীয়ুল আসমা ওয়াল লুগাত ১ম অংশ ২য় খণ্ড ৮৩, তাহফীয়ুল তাহফীয় ১০/৪২, তাহফীয়ুল কামাল পঃ ১৩০৬, আলজারহ ওয়াত্ তা'দীল প্রথম অংশ ৪৮ ভলিউম ৩১৯, আল হিলইয়া ৩/২৭৯, খুলাসাতুল তাহফীয়ুল তাহফীয় ৩৬৯, শাজারাতুয় যাহাব ১/১২৫, তাবাকাত ইবন সাদ ৫/৪৬৬, তাবাকাতুল হফ্ফায়- আসসুয়ুতী- পঃ ৩৫, তাবাকাত খলীফা আল ইকদুছামীন ৭/১৩২, আল মাজারিফ ৪৪৪, আলমারিফ ওয়াত্তারীখ ১/৭১।

তাফসীর শাস্ত্রের সর্বাধিক জ্ঞানী ব্যক্তি। এমন কি তার সম্পর্কে বলা হয়েছে, ইল্ম দ্বারা যদি কেউ মহান আল্লাহর সন্তুষ্টি সন্ধান করে থাকে, তবে মুজাহিদ এবং তাউস তা করেছেন। মুজাহিদ বলেন, একবার ইব্ন উমর আমার রেকাব ধরে বলেন, আমার আকাঙ্ক্ষা হয় আমার ছেলে সালিম এবং গোলাম নাফি' যদি তোমার মত জ্ঞান ধারণ করতে পারত। বলা হয় তিনি ইব্ন আবাসকে তিরিশ বার সম্পূর্ণ কুরআন শুনিয়েছেন [প্রয়োজনীয় ব্যাখ্যাসহ]। অবশ্য কেউ কেউ বলেন দুইবার। প্রতিটি আয়াত শেষে খেমেছেন এবং তাকে সে সম্পর্কে জিজ্ঞাসা করেছেন। সিজদারত অবস্থায় একশ' এক কিংবা দুই কিংবা তিন কিংবা চার হিজরীতে মুজাহিদ মৃত্যুবরণ করেন। এ সময় তিনি অশীতিপুর বৃক্ষ। আর আল্লাহ সর্বাধিক অবগত।

পরিচ্ছেদ

মুজাহিদ বিশিষ্ট ও আলিম সাহাবীগণের সনদে হাদীস রিওয়ায়াত করেছেন। যেমন ইব্ন উমর, ইব্ন আবাস, আবু হুয়ায়রা, ইব্ন আমর, আবু সাঈদ ও রাফি' ইব্ন খাদীজ। এছাড়া তার থেকে বহু তাবেঙ্গ হাদীস রিওয়ায়াত করেছেন। ইমাম তাবারানী বর্ণনা করেন, ইসহাক ইব্ন ইবরাহীম সুত্রে আবু বাকর ইব্ন আয়্যাশ থেকে। তিনি বলেন, আমাকে আবু ইয়াহীয়া অবহিত করেছেন যে, তিনি মুজাহিদকে বলতে শুনেছেন, ইব্ন আবাস আমাকে বলেছেন, তুমি কখনও ওয়্য ছাড়া ঘুমাবে না। কেননা, ঝরসমূহকে যে অবস্থায় কব্য করা হবে সে অবস্থায়ই পুনরুৎস্থিত করা হবে। ইমাম তাবারানী আল্লাহ তা'আলা এই কথার **إدفع باللَّهِ مَنْ لَدُرِّي أَحْسَنَ السَّيِّئَةَ** মন্দের মোকাবিলা কর যা উভয় তা দ্বারা ২৩ : ৯৬ - **ব্যাখ্যায়** তার থেকে বর্ণনা করেন যে, তিনি বলেন, এর অর্থ হলো সাক্ষাতের সময় তাকে সালাম করবে। কারণও মতে অবশ্য এর উদ্দেশ্য হলো মোসাফাহাহ বা করমদন্ন। আমর ইব্ন মুররাহ তার থেকে বর্ণনা করেন যে, তিনি বলেন, আল্লাহ তা'আলা হ্যরত দাউদ আলায়হিস সালামের কাছে ওহী প্রেরণ করলেন, সাবধান হও! পাপের জন্য আল্লাহ পাকড়াও করবেন না।

ইব্ন আবু শায়বাহ রিওয়ায়াত করেছেন আবু উমামা সুত্রে মুজাহিদ থেকে। তিনি বলেন, পবিত্র মদীনায় এক অভয়ী পরিবার ছিল। একবার তাদের কাছে একটি বকরীর মাথা থাকা অবস্থায় তারা আরও কিছু খাদ্যদ্রব্য পেল। তখন তারা বলল, আমরা যদি মাথাটি এখন আমাদের চেয়ে অভয়ী কোন পরিবারের কাছে পাঠিয়ে দিই, তাহলে ভাল হবে। তখন তারা তা পাঠিয়ে দিল। এরপর মাথাটি পবিত্র মদীনার এক পরিবার থেকে আরেক পরিবারে ঘূরতে ঘূরতে অবশ্যে প্রথমে যারা তা পাঠিয়েছিল তাদের কাছে ফিরে এলো। ইব্ন আবু শায়বাহ রিওয়ায়াত করেছেন আবুল আহওয়াস সুত্রে মুজাহিদ থেকে তিনি বলেন, যখনই কোন মু'মিনের মৃত্যু হয়, তখনই তার শোকে আসমান-যমীন চল্লিশ দিন কাঁদে। **فَلَا يَنْفَسُهُمْ يَمْهُدُونَ**। তারা নিজেদেরই জন্য সুখ-শয্যা রচনা করে ৩০ : ৪৪। এই আয়াতের তাফসীরে মুজাহিদ বলেন, অর্থাৎ কবরে। এ ছাড়া ইমাম আওয়াঙ্গ রিওয়ায়াত করেন আবাদা ইব্ন আবু লুবানা সুত্রে মুজাহিদ থেকে। তিনি বলেন, বানু ইসরাইলের একলক্ষ লোক হজ্জ করত। তারা হারাম শরীফের চতুরে পৌছত নিজেদের পাদুকা খুলে। নগ্নপদে হারামে প্রবেশ করত। ইয়াহীয়া ইব্ন সাঈদ আলকাতান বলেন, এই আয়াতের **يَا مَرِيمُ اقْتُنْتِ لِرِبِّكَ** হে মারইয়াম! তোমার প্রতিপালকের অনুগত হও ৩ : ৪৩ - **ব্যাখ্যায় মুর্জাহিদ** বলেন, তুমি প্রশান্তি ও স্থিরতা সন্ধান কর। অপর আয়াত **وَاسْتَفِرْزْ مَنِ استَطَعْتَ مِنْهُمْ بِصَوْتِكَ** তোমার আহ্বানে তাদের

মধ্যে যাকে পার পদশ্বলিত কর— এর ব্যাখ্যায় তিনি (মুজাহিদ) বলেন, গীত-সঙ্গীত দ্বারা। আর এবং শৃঙ্খল ও প্রজ্ঞলিত অগ্নি— এ আয়াতে শৃঙ্খল শব্দের ব্যাখ্যা করেছেন ‘বেঁড়ি’ দ্বারা। ৪ আমাদের ও তোমাদের মধ্যে কোন বিবাদ-বিসম্বাদ। আর এই আয়াতে **لَتُسَأْلُنَ يَوْمَئِذٍ عَنِ التَّعْلِيمِ** এরপর অবশ্যই সেদিন তোমাদেরকে নিআমত সম্বন্ধে প্রশ্ন করা হবে (১০২ : ৮)।— এর ব্যাখ্যায় মুজাহিদ বলেন, পার্থিব জীবনের প্রতিটি ভোগ ও আনন্দে পক্ষণ সম্বন্ধে। আবুল বাদী‘অ বর্ণনা করেন জারীর সূত্রে মুজাহিদ থেকে। তিনি বলেন, ইবলীস বারবার চিৎকার করেছে— ১. যখন সে অভিশপ্ত হয়েছে, ২. যখন তাকে দুনিয়াতে নামিয়ে দেওয়া হয়েছে, ৩. যখন নবী সাল্লাল্লাহু আলায়হি ওয়া সাল্লাম আবির্ভূত হন এবং ৪. যখন পবিত্র মদীনায় **الْحَمْدُ لِلَّهِ رَبِّ الْعَالَمِينَ** নাযিল হয়। আর বলা হতো যে, **الرَّبُّ** (চিৎকার) এবং **النَّخْرَة** (নাকড়াকানি) শয়তান থেকে হয়ে থাকে। কাজেই, যে তা করে সে অভিশপ্ত। ইবন নাজীহ তোমরা কি প্রতিটি উচ্চস্থানে স্মৃতিস্তুতি নির্মাণ করছ নির্থক ? ২৬ : ১২৮। এই আয়াতের ব্যাখ্যায় মুজাহিদ থেকে বর্ণনা করেন, তিনি বলেন, কবুতরের ঘর। এবং **أَنْفَقُوا مِنْ طَيَّبَاتِ مَا كَسَبْتُمْ** তোমরা যা উপার্জন কর তার মধ্যে যা উৎকৃষ্ট তা ব্যয় কর ২ : ২৬৭। এর ব্যাখ্যায় বলেন, **إِنَّ الدِّيْنَ قَالُوا رَبُّنَا** যারা বলে আমাদের প্রতিপালক আল্লাহ তারপর অবিচলিত থাকে ৪১ : ৩০। এর অর্থ হলো তারা তাদের ঈমানে অবিচল থেকেছে এবং মৃত্যু পর্যন্ত আল্লাহর সাথে কোন কিছু শরীক করেনি। ইয়াহ্যা ইবন সাঈদ বর্ণনা করেন সুফয়ান সূত্রে মুজাহিদ থেকে। **وَلَمْ يَكُنْ لَّهُ كُفُواً أَحَدًا** এবং তাঁর সমতুল্য কেউ নেই। ১১২ : ৪ তিনি বলেন, এখানে সমতুল্য কেউ দ্বারা ভার্যা উদ্দেশ্য। লায়ছ বলেন, মুজাহিদ থেকে, তিনি বলেন, হ্যরত সুলায়মান আলায়হিস সালামের সাথে কথা বলেছিল যে পিপীলিকা, তার আকৃতি ছিল বিশালাকার নেকড়ে সদৃশ।

ইমাম তাবারানী আবু নাজীহ সূত্রে মুজাহিদ থেকে বর্ণনা করেন। তিনি বলেন, ‘আদ সম্প্রদায়ের শিশুরা দুশ’ বছর বয়সে পৌছার পূর্বে বয়ঃপ্রাপ্ত হতো না। তিনি বলেন— **سَئَلَ** এক ব্যক্তি চাইল— এর র্মার্থ হলো এক আহ্বায়ক আহ্বান করল **لَا سَقِّينَاهُمْ مَاءً**। তাদেরকে আমি প্রচুর বারিবর্ষণের মাধ্যমে সমৃদ্ধ করতাম যা দ্বারা আমি তাদেরকে পর্যাক্ষা করতাম। ৭২ : ১৭ অর্থাৎ যতক্ষণ না তারা সে ব্যাপারে আমার ইলুমে ফিরে আসে। ২৪ : ৫৫। আমার সাথে কোন শরীক করবে না ৪ : ৪ আমার সাথে কোন শরীক করেন না ২৪ : ৫৫। **الَّذِينَ يَمْكُرُونَ السَّيِّئَاتِ**। অর্থাৎ আমাকে ব্যতীত কাউকে ভালবাসবে না। যারা মন্দ কাজের ফলি আঁটে ৩৫ : ১০। মুজাহিদ বলেন, তারা হলো যারা ইবাদত-বন্দেগী লোক দেখানোর উদ্দেশ্যে করে। **فُلْ لِلَّذِينَ أَمْنَوْا يَغْفِرُوا لِلَّذِينَ لَا يَرْجُونَ أَيَّامَ اللَّهِ**। মু'মিনগণকে বল, তারা যেন ক্ষমা করে তাদেরকে যারা মহান আল্লাহর দিবসগুলোর প্রত্যাশা করে না ৪৫ : ১৪। মুজাহিদ বলেন, তারা এই সকল লোক যারা জানে না যে, মহান আল্লাহ

তাদের প্রতি অনুগ্রহ করেছেন নাকি করেননি। তারপর তিনি তিলাওয়াত করলেন, ذَكْرُهُمْ أَبِيَّ اللَّهِ
আর আবদেরকে মহান আল্লাহর দিনগুলো দ্বারা উপদেশ দাও ১৪ : ৫। মুজাহিদ
বলেন, أَرْثَانِ مَحَانَ الْأَنْوَعِ وَشَأْسِنِ الدِّينِ
ফরْدُوهُ إِلَى اللَّهِ وَإِلَى الرَّسُولِ
তা উপস্থিত কর মহান আল্লাহ ও তাঁর রাসূলের নিকট ৪ : ৫৯। মুজাহিদ বলেন,
অর্থাৎ তোমরা তা রাসূলের হায়াতে তায়িবাতে মহান আল্লাহর কিতাব ও রাসূলের নিকট
উপস্থিত করবে। আর তিনি যখন ইন্তিকাল করবেন, তখন তাঁর সুন্নাতের নিকট উপস্থিত
করবে।

وَأَسْبَغْ عَلَيْكُمْ نِعْمَةً ظَاهِرَةً وَبَاطِنَةً
এবং তোমাদের প্রতি তার প্রকাশ্য ও অপ্রকাশ্য
অনুগ্রহ সম্পূর্ণ করেছেন। মুজাহিদ বলেন, প্রকাশ্য অনুগ্রহ হলো, ইসলাম, কুরআন, রাসূল ও
রিয়ক, আর অপ্রকাশ্য অনুগ্রহ হলো তিনি যে দোষ-ক্রটি ও পাপসমূহ গোপন রেখেছেন।
হাকাম বর্ণনা করেন মুজাহিদ থেকে, তিনি বলেন, কয়েকজন স্ত্রীলোক যখন পবিত্র মক্কায়
সুলায়মান আলায়হিস সালামের কাছে আগমন করল, তখন তারা শুক্ষ ও বড় বড় জ্বালানি কাঠ
দেখতে পেল। তখন তারা সুলায়মান আলায়হিস সালামের গোলামকে (ক্রীতদাস-সেবক)
বলল, তোমার মুনীব কি জানেন এই জ্বালানি কাঠের ধোয়ার ওয়ন কতটুকু ? তখন সে বলল,
আমার মুনীবের কথা বাদ দিন। আমি নিজেই জানি তার ধোয়ার ওয়ন কতটুকু কাজেই, তেবে
দেখুন আমার মুনীব কতটুকু জানেন ? তারা বলল, তার ওয়ন কতটুকু ? তখন গোলাম বলল,
জ্বালানোর পূর্বে জ্বালানি কাঠের ওয়ন নেওয়া হবে এবং জ্বালানোর পর তার ছাই ওয়ন করা
হবে, এ দুয়ের যে ব্যবধান, তাই হলো ধোয়ার ওয়ন। আল্লাহ তা'আলার উক্তি :
وَمَنْ لَمْ يَتَبْ فَأُولَئِكَ هُمُ الظَّالِمُونَ
যারা এ ধরনের আচরণ থেকে নিবৃত্ত হয় না, তারাই যালিম
(৪৯ : ১১)।

এর ব্যাখ্যায় মুজাহিদ বলেন, (প্রতিদিন) সকালে এবং সন্ধ্যাকালে যে তাওবা করে না, সে
যালিম। তিনি আরও বলেন, এমন কোন দিন নেই যেদিন দুনিয়া থেকে অতিবাহিত হওয়ার
সময় একথা বলে না, সমস্ত প্রশংসা আল্লাহর, যিনি আমাকে দুনিয়া ও দুনিয়াবাসীদের থেকে
স্বত্ত্ব দান করেছেন। তারপর সেই দিনকে গুটিয়ে কিয়ামতের দিন পর্যন্ত সীলমোহর করে
দেওয়া হয়। যাতে করে আল্লাহ তা'আলা নিজে তার সীলমোহর ভাঙতে পারেন। এছাড়া
মুজাহিদ যৌতুর হার্কমার নিজে যাকে ইচ্ছা হিকমত প্রদান করেন।' আল্লাহ
তা'আলার এই উক্তির ব্যাখ্যায় বলেন, الحَكْمَةُ مَنْ يَشَاءُ
ঘৰার এখানে উদ্দেশ্য জ্ঞান ও উপলব্ধি। তিনি
বলেন, অর্থাৎ যখন ধর্মজ্ঞান ও উপলক্ষিসম্পন্ন ব্যক্তিরা শাসন-কর্তৃত্বের অধিকারী হবে। আর
আল্লাহ তা'আলার এই মহাবাণী 'এবং لَا تَتَبَعُوا السُّبُلَ فَتَفَرَّقُ بَعْمَ عَنْ سَبِيلِهِ'
ভিন্নপথ অনুসরণ করবে না, করলে তা তোমাদেরকে তার পথ থেকে বিচ্ছিন্ন করে দেবে' (৬ :
১৫৩)। এর ব্যাখ্যায় মুজাহিদ বলেন, এখানে ভিন্নপথ দ্বারা উদ্দেশ্য বিদআত ও সংশয়সমূহ।
তিনি আরও বলেন, সর্বশ্রেষ্ঠ ইবাদত হলো উত্তম রায় বা মত অর্থাৎ সুন্নাতের অনুসরণ। তিনি
বলেন, আমি জানি না আমার জন্য কোন নিয়ামত উত্তম। আল্লাহ তা'আলার আমাকে
ইসলামের পথ দেখানো, নাকি কুপ্রবৃত্তিসমূহ থেকে রক্ষা। একটি বর্ণনায় তিনি বলেন,
তোমাদের মাঝে কর্তৃত্বাধিকারিগণ হলেন মুহাম্মদ সাল্লাল্লাহু আলায়হি ওয়া সাল্লামের
সাহাবীগণ। আর কখনওবা তিনি বলেছেন, তাঁরা আল্লাহর দীনে জ্ঞানবুদ্ধি ও সদগুণসম্পন্ন
ব্যক্তিগণ।

‘তাদের কর্মফলের জন্য তাদের বিপর্যয় ঘটতেই থাকবে (১৩ : ৩১)। মুজাহিদ বলেন, এখানে উদ্দেশ্য ঘটিকা বাহিনীর আক্রমণ।

এবং এমন অনেক কিছু সৃষ্টি করেন যা তোমরা অবগত নও (১৬ : ৮)। মুজাহিদ বলেন, এখানে উদ্দেশ্য কাপড়ে সৃষ্টি কীট। আমার অস্তি দুর্বল হয়েছে (১৯ : ৪)। মুজাহিদ বলেন, এখানে অস্তি দ্বারা উদ্দেশ্য মাটীর দাঁতসমূহ। আর সূরার অন্য স্থানে বিদ্যমান খন্ডের অর্থ দয়ার্দ। আবদুল্লাহ ইব্ন আহমাদ ইব্ন হাশল বর্ণনা করে বলেন, আমি মুহাম্মদ ইব্ন আবু হাতিমের স্বচ্ছে লিখিত ‘কিতাবে’ পেয়েছি। তিনি বলেন, আমাদেরকে বর্ণনা করেছেন বিশ্র ইব্নুল হারিষ ইয়াহুইয়া ইব্ন ইয়ামান সূত্রে মুজাহিদ থেকে। তিনি বলেন, কোন ব্যক্তি যদি আল্লাহর আনুগত্যের পথে উত্তু পাহাড় পরিমাণ অর্থ-সম্পদও ব্যয় করে, তবু সে অপচয় বা অপব্যয়কারী বিবেচিত হবে না। আর আল্লাহ তা'আলার এই মহাবাণী যদিও তিনি মহাশক্তিশালী ১৩ : ১৩-এর মাল। শব্দের অর্থ শর্কর্তা।

কিন্তু, তাদের মাঝে রয়েছে এক অন্তরাল যা তারা অতিক্রম করতে পারে না (৫৫ : ২০)। এই আয়াতের ব্যাখ্যায় মুজাহিদ বলেন, উভয়ের মাঝে মহান আল্লাহ নির্ধারিত এক অন্তরাল রয়েছে, ফলে মিঠা পানি নোনা পানিতে মিশ্রিত হয় না এবং নোনা পানি মিঠা পানিতে মিশ্রিত হয় না। ইব্ন মানদা বলেন, মুহাম্মদ ইব্ন হামীদ, আবদুল্লাহ ইব্ন আবদুল কুদুস সূত্রে উল্লেখ করেছেন আ'মাশ থেকে। তিনি বলেন, মুজাহিদ যখনই কোন আশ্চর্যজনক কোন বস্তুর কথা শুনতেন। তখনই সেখানে গিয়ে তা প্রত্যক্ষ করতেন। আ'মাশ বলেন, তিনি হায়রামাউত গিয়ে বারহুত কৃপ প্রত্যক্ষ করেছেন। তিনি বলেন, এছাড়া তিনি বাবিল শহরে গমন করেন। সে সময়ে তার এক বন্ধু সেখানকার প্রশাসক। মুজাহিদ তাকে বলেন, আমাকে হারাত মারাত দেখানোর ব্যবস্থা কর। আ'মাশ বলেন, সে জনেক জাদুকরকে ডেকে বলে, একে নিয়ে যাও, হারাত-মারাত দেখিয়ে নিয়ে আস। তখনই ইয়াতুনী বলল, এই শর্তে যে, তুমি তাদের সামনে আল্লাহকে ডাকবে না। মুজাহিদ বলেন, সে আমাকে একটি প্রাচীন দুর্গে নিয়ে যায়। তারপর তা থেকে একটি পাথর সরিয়ে আমাকে বলে, তুমি আমার পা ধরে থাক। এরপর সে আমাকে নিয়ে নীচে নামতে থাকে এবং অবশেষে বিশাল এক গুহায় গিয়ে পৌঁছি, এমন সময় আমি দেখতে পেলাম বিশালাকায় পাহাড় আকৃতির হারাত মারাতকে মাথা নীচের দিকে করে ঝুলিয়ে রাখা হয়েছে। আমি যখন তাদেরকে দেখতে পেলাম তখন বলে ফেললাম, আল্লাহ মহান ও পবিত্র—যিনি তোমাদের দুইজনের স্মষ্ট। মুজাহিদ বলেন, আমার একথা শুনে, তারা দুইজন এমনভাবে প্রকশ্পিত হলো যেন পৃথিবীর সব পাহাড়- পর্বত একযোগে ধসে পড়ল। মুজাহিদ বলেন, তখন আমি এবং ইয়াতুনী উভয়ে বেহশ হয়ে গেলাম। এরপর ইয়াতুনী আমার পূর্বেই হৃশ ফিরে পেল। আমার হৃশ ফেরার পর সে আমাকে বলল, চল! তুমি তো নিজের ও আমার ধৰ্ম দেকে এনেছিলে।

ইব্ন ফুয়ায়ল বর্ণনা করেন লায়ছ সূত্রে মুজাহিদ থেকে। তিনি বলেন, কিয়ামতের দিন তিন ব্যক্তিকে হায়ির করা হবে। ধনী, অসুস্থ এবং ক্রীতদাস। মুজাহিদ বলেন, তখন আল্লাহ তা'আলা ধনীকে বলবেন, কিসে তোমাকে আমার ইবাদত বন্দেগী থেকে বিরত রাখল, অথচ সে উদ্দেশ্যেই আমি তোমাকে সৃষ্টি করেছি। সে বলবে, হে আমার প্রতিপালক! আপনি আমাকে

অধিক অর্থ-সম্পদ দিয়েছেন ফলে আমি আপনার অবাধ্যতায় লিখ হয়েছি। হ্যরত সুলায়মানকে (আ) তার সাম্রাজ্যসহ হায়ির করা হবে। এরপর আল্লাহ তা'আলা ঐ ব্যক্তিকে বলবেন, তুমি অধিক ধনাচ্য ও ব্যস্ত ছিলে নাকি এই ব্যক্তি? সে বলবে, হে আমার রব, অবশ্যই এই ব্যক্তি। তখন আল্লাহ তা'আলা তাকে বলবেন, একে যে সাম্রাজ্য, অর্থ-বিত্ত ও ব্যস্ততা দেওয়া হয়েছিল, তা তাকে আমার ইবাদত-বন্দেগী থেকে বিরত রাখেনি। মুজাহিদ বলেন, এরপর অসুস্থকে হায়ির করে জিজ্ঞাসা করা হবে, কিসে তোমাকে আমার ইবাদত বন্দেগী থেকে বিরত রাখল অর্থ তার জন্যই আমি তোমাকে সৃষ্টি করেছি! তখন সে বলবে, হে আমার রব! আমার শ্রীরের রোগব্যাধি আমাকে তা থেকে বিরত রেখেছে। ব্যাধিগ্রস্ত ও অসুস্থ অবস্থায় হ্যরত আয়ুব (আ)-কে হায়ির করা হবে। তারপর আল্লাহ পাক তাকে প্রশ্ন করবেন, তুমি কি অধিক ব্যাধি ও দুর্দশাগ্রস্ত ছিলে, না এই ব্যক্তি। সে বলবে, অবশ্যই এই ব্যক্তি। তিনি বলবেন, একে তো তার রোগ-ব্যাধি ও দুর্দশা আমার ইবাদত-বন্দেগী থেকে বিরত রাখেনি? এরপর তৃতীয় জনকে (ক্রীতদাসকে) হায়ির করে আল্লাহ তাকে জিজ্ঞাসা করবেন, কিসে তোমাকে আমার ইবাদত-বন্দেগী থেকে বিরত রাখল, অর্থ সে জন্যই আমি তোমাকে সৃষ্টি করেছি? তখন সে বলবে, হে আমার রব! আপনি আমাকে যে সকল মূনীবের অধীনস্থ করেছেন, তারা তাদের কর্তৃত্ব বলে আমাকে আপনার ইবাদত-বন্দেগী থেকে বিরতে রেখেছে। তখন ক্রীতদাস অবস্থায় হ্যরত ইউসুফ (আ)-কে হায়ির করা হবে। তারপর আল্লাহ পাক তাকে (ঐ ক্রীতদাসকে) প্রশ্ন করবেন, তোমার দাসত্ব ও অসহায়ত্ব কি তীব্রতর ছিল, না এর? সে বলবে, হে রব! অবশ্যই এর দাসত্ব তীব্রতর। আল্লাহ তা'আলা বলবেন, এর দাসত্ব ও অসহায়ত্ব কিন্তু একে আমার ইবাদত-বন্দেগী থেকে বিরত রাখেনি। হুমায়দ রিওয়ায়াত করেন আ'রাজ সূত্রে মুজাহিদ থেকে। তিনি বলেন, সফরে আমি ইব্ন উমরকে সঙ্গ দিতাম। আমি যখন বাহনে উঠতে চাইতাম তখন তিনি আমার রেকাবী ধরে রাখতেন। এরপর আমি উঠে বসলে তিনি আমার কাপড় টেনে ঠিক করে দিতেন। একবার আমাকে দেখে তাঁর মনে হলো, যেন আমি বিষয়টি অপসন্দ করেছি। তখন তিনি আমাকে বললেন, মুজাহিদ তুমি দেখছি সংকীর্ণমন। অন্য একটি বর্ণনায় আছে, ইব্ন উমরের সাহচর্যে থেকে আমি তার খিদমত করতে চাইতাম, কিন্তু তিনিই আমার খিদমত করতেন।

- ইমাম আহমাদ (রা) বর্ণনা করেন, আবদুর রায়খাক মুজাহিদ থেকে তিনি বলেন, মালাকুল মাওতের জন্য সমগ্র পৃথিবীকে একটি তশ্তরীর ন্যায় বানানো হয়েছে, সে তার যেখান থেকে ইচ্ছা গ্রহণ করে। আর তার কতক সহযোগী নির্ধারণ করা আছে, যারা ওফাত দান করে। তারপর সে তাদের থেকে রাহস্যমূহ কবয় করে নেয়। মুজাহিদ আরও বলেন, হ্যরত আদম (আ) যখন পৃথিবীতে অবতরণ করলেন তাকে বলা হলো, ধর্মসের জন্য নির্মাণ কর। মৃত্যুর জন্য জন্ম দাও। কুতায়বা রিওয়ায়াত করেছেন জারীর সূত্রে মুজাহিদ থেকে。 وَيَلْعَنُهُمْ لَا عِنْدُنَّ এবং অভিশাপকারীগণও তাদেরকে অভিশাপ দেয় (২ : ১৫৯)। তিনি বলেন, আয়াতের ব্যাখ্যা হলো, নাফরমান মানবসন্তানকে পৃথিবীতে বিচরণশীল প্রাণীকুল এবং মহান আল্লাহ যাদেরকে ইচ্ছা করেন তারা এমনকি সাপ-বিচ্ছুরা পর্যন্ত অভিশাপ করে। তারা বলে, মানব সন্তানের পাপাচারের কারণে আমরা আজ অনাবৃষ্টি করবলিত। মতান্তরে আয়াতের ব্যাখ্যা হলো, নাফরমান বান্দাদের কবরে কীটপতঙ্গ প্রেরণ করা হবে (তাদেরকে শাস্তি দানের উদ্দেশ্যে),

যেহেতু তাদের পাপাচারের কারণে তারা কষ্ট ভোগ করত। আর তাদের কবরের সাপ-বিচ্ছু ও অন্যান্য কীটপতঙ্গ হলো তাদের ঐ সকল মন্দ কর্ম ও পাপাচার যা তারা দুনিয়াতে করত এবং তার স্বাদ ও আনন্দ উপভোগ করত। শেষ পর্যন্ত তা তাদের জন্য আয়াবে পরিণত হয়েছে। আমরা মহান আল্লাহর কাছে পানাহ চাই 'إِنَّ الْأَنْسَانَ لِرَبِّهِ لَكَنُودٌ' [মানুষ অবশ্যই তার প্রতিপালকের প্রতি অকৃতজ্ঞ] (১০০ : ৬)। এ আয়াতের 'الكنود' শব্দকে তিনি ব্যাখ্যা করেছেন **الكافور**। বা অতি অকৃতজ্ঞ শব্দ দ্বারা। ইমাম আহমদ (র) বর্ণনা করেন উমর ইব্ন সুলায়মান সূত্রে মুজাহিদ থেকে। তিনি বলেন, যে ব্যক্তি হালাল ও বৈধ বিষয় থেকে সংকোচবোধ করে না, তার ভার লঘু হয়ে যায় এবং মন স্বষ্টি পায়। আমর ইব্ন যারওয়াক বর্ণনা করেন শু'বাহ সূত্রে মুজাহিদ থেকে। তিনি বলেন, **فَظَلَّنَ أَنْ لَنْ نَقْدِرَ عَلَيْهِ** এবং মনে করেছিল আমি তার জন্য শাস্তি নির্ধারণ করব না, (২১ : ৮৭)। আয়াতের মর্মার্থ হলো আমি [তাকে] তার অপরাধের কারণে শাস্তি নির্ধারণ করব না। এই অভিন্ন/ একই বর্ণনা সূত্রে তিনি বলেন, **لَزُخْرُفْ**। শব্দের অর্থ আমি ভালভাবে জানতাম না অবশেষে আমি তা আবদুল্লাহ ইব্ন মাসউদের কিরাআতে স্বাক্ষর করব না। এই অভিন্ন/ একই বর্ণনা সূত্রে তিনি বলেন, খালফ ইব্ন খলীফা সূত্রে মুজাহিদ থেকে [তিনি বলেন] আল্লাহ তা'আলা পিতার সংশোধন দ্বারা ছেলের সংশোধন করেন। তিনি বলেন, আমার কাছে সংবাদ পৌছেছে যে, ঈসা আলায়হিস সালাম বলতেন, **مُّمِنَّের জন্য শুভ পরিগাম!** কি উত্তমভাবে আল্লাহ পাক তার উত্তরসূরীদের মাঝে তার অভাব প্রৱণ করে দেন। ফুয়ায়ল ইব্ন আয়ায বলেন উবায়দ আল-মুকতিব সূত্রে মুজাহিদ থেকে যে, আল্লাহ তা'আলার এই মহাবাণীতে **لَا يَرْقَبُونَ فِي مُؤْمِنٍ إِلَّا وَلَا ذَمَّةً إِلَّا سَبَابٌ** এবং তাদের মধ্যকার সমস্ত সম্পর্ক ছিন্ন হয়ে যাবে, (২ : ১৬৬)। **স্বারা উদ্দেশ্য**, এ সকল সম্পর্ক যা তাদের পরস্পরের মাঝে দুনিয়াতে বিদ্যমান ছিল। সুফয়ান ইব্ন উয়ায়নাহ রিওয়ায়াত করেন সুফয়ান আচ্ছাওয়ী সূত্রে মুজাহিদ থেকে, আল্লাহ তা'আলার এই মহাবাণী : **لَا يَرْقَبُونَ فِي مُؤْمِنٍ إِلَّا وَلَا ذَمَّةً إِلَّা سَبَابٌ** এবং তাদের মধ্যকার সমস্ত সম্পর্ক ছিন্ন হয়ে যাবে, (৯ : ১০) সম্পর্কে বলেন, এখানে **لাখ**। দ্বারা মহান আল্লাহ উদ্দেশ্য। আর আল্লাহ তা'আলার এই উক্তি **بَقِيَّتُ اللَّهِ خَيْرٌ لِكُمْ** [যদি তোমরা মু'মিন হও] তবে আল্লাহ অনুমোদিত যা বাকী থাকবে, তা তোমাদের জন্য উত্তম, (১১ : ৮৬)। এখানে **لَا** দ্বারা উদ্দেশ্য মহান আল্লাহর আনুগত্য। আর আল্লাহ তা'আলার মহাবাণী : **وَلِمَنْ خَافَ مَقَامَ رَبِّهِ جَنَّاتٌ**। আর যে ব্যক্তি মহান আল্লাহর সম্মুখে উপস্থিত হওয়ার ভয় রাখে, তার জন্য রয়েছে দুটি উদ্দান (৫৫ : ৮৬)। প্রসঙ্গে তিনি বলেন, এ হলো ঐ ব্যক্তি যে ব্যক্তি যখন নাফরমানীতে উদ্যত হয়, তখন আল্লাহকে শ্রবণ করে। ফুয়ায়ল ইব্ন আয়ায বর্ণনা করেন, মানসূর সূত্রে মুজাহিদ থেকে তাদের **سِيمَاهُمْ فِي وُجُوهِهِمْ** তোমরা মুখমণ্ডলে সিজদার চিহ্ন দ্বারা উদ্দেশ্য খুশু' বা বিন্দুর্তা। আল্লাহ তা'আলার এই মহাবাণী : **قُومُوا لِلَّهِ قَانِتِينَ** এবং মহান আল্লাহর উদ্দেশ্যে তোমরা বিনীতভাবে দাঁড়াবে। (২ : ২৩৮) এর ব্যাখ্যায় মুজাহিদ বলেন, **الْقُنُوتُ قَانِتِينَ**। শব্দের অর্থ হলো, আল্লাহর ভয়ে স্ত্রিতা, বিন্দুর্তা, দৃষ্টি অবনমন ও কোমলতা। আর [কল্যাণ যুগের] কোন আলিম যখন নামাযে দাঁড়াতেন, তখন তিনি যতক্ষণ নামাযে থাকতেন

ততক্ষণ পূর্ণ খুশু' ও বিনয়তা বজায় রাখতেন। দৃষ্টি অসংযত করতে, এদিক-সেদিক ফিরে দেখতে, কক্ষের ইত্যাদি নাড়তে, কিংবা কোন অনর্থক নাড়াচাড়া করতে এমনকি মনে মনে দুনিয়ার কোন কথা ভাবতেও রহমানের ভয়ে তটস্থ থাকতেন।

আবদগ্লাহ ইব্ন আহমাদ ইব্ন হাস্বল বর্ণনা করেন আবু আমর সূত্রে মুজাহিদ থেকে। তিনি বলেন, 'আর যখন তারা নামাযে দাঁড়াত, তখন তারা যেন প্রাণহীন দেহ।' আ'মাশ বর্ণনা করেন মুজাহিদ থেকে তিনি বলেন, মানুষের হৃৎপিণ্ড/অঙ্গের হলো হাতের তালুর ন্যায়, সে যখন কোন পাপ করে তখন তা এভাবে সংকুচিত হয়- একথা বলে তিনি তার কনিষ্ঠাঙ্গুলি ভাঁজ করলেন। এমনকি একটি একটি করে সবগুলো আঙ্গুল ভাঁজ করলেন, (মুজাহিদ বলেন) তারপর তার মোহর করে দেওয়া হয়। আর এটাকে তারা আল্লাহ তা'আলার মহাবাণীতে বিদ্যমান **رَأَنَ عَلَىٰ قُلُوبِهِمْ مَا كَانُوا يَكْسِبُونَ** نা! **كَلَّا بَلْ رَأَنَ عَلَىٰ قُلُوبِهِمْ مَا كَانُوا يَكْسِبُونَ**!

এটা সত্য নয়, তাদের কৃতকর্মই তাদের হন্দয়ে জং ধরিয়েছে (৮৩ : ১৪)।

করীসাহ রিওয়ায়াত করেন সুফিয়ান আচ্ছাওরী সূত্রে ... মুজাহিদ থেকে। **بَلِّي مَنْ كَسَبَ سَيِّئَاتٍ فَحَاطَتْ بِهِ خَطِيئَتُهُ** তাদেরকে পরিবেষ্টন করে (২ : ৮১)। এ আয়াতের ব্যাখ্যায় তিনি বলেন, পাপসমূহ অঙ্গরকে পরিবেষ্টন করে। যেমন, নির্মিত প্রাচীর কোন বস্তুকে বেষ্টন করে রাখে। এরপর যখনই সে কোন পাপ করে, তখন তা একটু উচু হয় এমনকি তা অঙ্গরকে সম্পূর্ণরূপে আবৃত করে নেয়। তা এমন [মুষ্টিবদ্ধ হাতের ন্যায়] হয়ে যায়। একথা বলে তিনি তার হাত মুষ্টিবদ্ধ করলেন। তারপর বলেন এটাই হলো অঙ্গের মরিচা বা জং। আর আল্লাহ তা'আলার এই মহাবাণী :

يُنَبَّئُ الْإِنْسَانُ يَوْمَئِنَهُ - بِمَا قَدَّمَ وَأَخْرَى সেদিন মানুষকে অবহিত করা হবে সে কী অগ্রে পাঠিয়েছে ও কী পশ্চাতে রেখে গিয়েছে (৭৫ : ১৩)। এর ব্যাখ্যায় তিনি বলেন, এখানে **وَإِلَيْ رَبِّكَ فَارْغِبْ قَدْمَ وَأَخْرَى** এবং দ্বারা উদ্দেশ্য বান্দার সর্বপ্রথম ও সর্বশেষ আমল। আর **وَإِلَيْ رَبِّكَ فَارْغِبْ قَدْمَ وَأَخْرَى** তোমার প্রতিপালকের প্রতি মনোনিবেশ করো (৯৪ : ৮)। এই আয়াতের ব্যাখ্যায় মুজাহিদ বলেন, পার্থিব ব্যক্ততা থেকে অবসর হয়ে আপনি যখন সালাতের দিকে ধাবিত হবেন, তখন আপনার ইচ্ছা-আকাঙ্ক্ষাকে তার প্রতি নিবিষ্ট করুন।

মানসূর সূত্রে মুজাহিদ থেকে সূরা ফজরে **النَّفْسُ الْمُطْمَئِنَةُ** (স্থির প্রশান্ত চিন্ত) এর ব্যাখ্যায় বলা হয়েছে। তিনি বলেন, তা হলো ঐ নফস বা চিন্ত যা নিশ্চিত বিশ্বাস করে যে, মহান আল্লাহ তার প্রতিপালক। তারপর তাঁর নির্দেশ ও আনুগত্যে সমর্পিত হয়। আবদগ্লাহ ইব্ন মুবারক বর্ণনা করেন লায়ুচ সূত্রে মুজাহিদ থেকে। যখন কোন ব্যক্তির মৃত্যু হয়, তখনই তার সামনে তার সহচরদের (অবস্থা) পেশ করা হয়। সে যদি যিক্রিকারীদের অঙ্গরুক্ত হয়, তাহলে তাকে যাকিরদের দেখানো হয়। যদি সে আমোদ-প্রমোদকারী গাফিলদের অঙ্গরুক্ত হয়, তাহলে তাকে তাদেরকেই দেখানো হয়। ইমাম আহমাদ (র) বর্ণনা করেন হাশিম ইব্ন কাসিম সূত্রে ... মুজাহিদ থেকে। তিনি বলেন, ইবলীস বলে মানব সন্তান অন্যসব বিষয়ে আমাকে অক্ষম করতে পারলেও তিনটি বিষয়ে কিছুতেই আমার সাথে পেরে উঠবে না। তার একটি হলো অন্যায়ভাবে অর্থ-সম্পদ আঞ্চলিক করা এবং অক্ষেত্রে তা ব্যয় করা।

ইমাম আহমাদ বর্ণনা করেন ইব্ন মুমায়র সূত্রে। তিনি বলেন, আ'মাশ বলেন, আমি যখন মুজাহিদকে দেখতাম, তখন আমার মনে হতো তিনি এমন এক পথচারী যার একমাত্র বাহন গাধাটি হারিয়ে যাওয়ায় তিনি দুচিত্তাগ্রস্ত। লায়ছ সূত্রে মুজাহিদ থেকে বর্ণিত। তিনি বলেন, যে ব্যক্তি আত্মসম্মান ও আত্মর্যাদা রক্ষায় বাড়াবাড়ি করে, সে দীনকে হেয়/অপদষ্ট করে। আর যে নিজেকে অবনমিত বিনয়ী করে, সে দীনকে সম্মানিত করে। শু'বা বলেন, হাকাম সূত্রে মুজাহিদ থেকে। তিনি বলেন, তিনি (মুজাহিদ) আমাকে প্রশ্ন করেন, হে আবুল গাফী! বলতো নৃহ আলায়হিস সালাম কতদিন পৃথিবীতে অবস্থান করেছিলেন? তিনি বলেন, আমি বললাম, নয়শত পঞ্চাশ বছর। তখন তিনি বললেন, এরপর থেকে মানুষের আযুষ্কাল ও দেহাকৃতি হ্রাস পেয়েছে এবং তাদের স্বভাব-চরিত্রের অধোগতন ঘটেছে। আবু বাকর ইব্ন আবু শায়বা বর্ণনা করেন, আবু আলিয়াহ সূত্রে .. মুজাহিদ থেকে। তিনি বলেন, প্রকৃত জ্ঞানীগণ বিদায় নিয়েছেন আর শিক্ষার্থিগণ অবশিষ্ট রয়েছেন। তোমাদের মাঝে বিদ্যমান 'মুজাহিদ' হলো তোমাদের পূর্ববর্তীগণের মাঝে বিদ্যমান খেলোয়াড়ের ন্যায়। ইব্ন আবু শায়বাহ আরও বর্ণনা করেন ইব্ন ইদরীস সূত্রে ... মুজাহিদ থেকে। তিনি বলেন, মুসলমান যদি তার অপর মুসলমান ভাইয়ের কোন ক্ষতি না করত, অবশ্য তার থেকে লজ্জাবোধ তাকে নাফরমানী থেকে বিরত রাখতো। তাহলে তাতে তার কল্যাণ হতো। তিনি বলেন, প্রকৃত ফকীহ (ধর্মজ্ঞানসম্পন্ন) হলো ঐ ব্যক্তি যে আল্লাহ'কে ভয় করে। যদিও তার ইলম কম হয়। আর জাহিল ও মূর্খ সে যে আল্লাহ'র নাফরমানী করে যদিও তার ইল্ম বেশী হয়ে থাকে। তিনি আরও বলেন, বান্দা যখন সর্বান্তকরণে আল্লাহ'মুখী হয়, তখন আল্লাহ' সকল মু'মিনের অন্তরকে তার অভিমুখী করে দেন। তিনি আল্লাহ' তা'আলার এই মহাবাণী : ﴿فَطَهِّرْ وَتَبَّأّلْ أَمَّا رَأَيْتُمْ فَإِنَّ اللَّهَ مِنْ فَضْلِهِ مَا نَحْنُ مُنْظَرُونَ﴾ (৭৪ : ৮)। একে তিনি রূপক অর্থে ব্যাখ্যা করে বলেন, আয়াতের মর্মার্থ হল তোমার আমল সংশোধন কর। ﴿وَأَسْلُوا لِلَّهِ مِنْ فَضْلِهِ مَا تَرَى وَأَنْتُمْ بِالصِّدْقِ وَصَدَقْتُ بِهِ﴾ (৩২ : ৩২)। এর ব্যাখ্যায় মুজাহিদ বলেন, এখানে আল্লাহ'র অনুগ্রহ প্রার্থনা কর (৪ : ৩২)। এর অর্থে আর আল্লাহ'র অনুগ্রহ দ্বারা পার্থিব কোন কিছু উদ্দেশ্য নয়। ﴿وَالْذِي جَاءَ بِالصِّدْقِ وَصَدَقْتُ بِهِ﴾ (৩৩ : ৩৩)। এর ব্যাখ্যায় তিনি বলেন, এরা হলো ঐ সকল লোক যারা কুরআনকে অনুসরণ করে এবং তদনুযায়ী আমলও করে। তিনি বলেন, কুরআন তার অনুসারীকে বলে, আমি তোমার সাথে আছি যতক্ষণ তুমি আমার অনুসরণ করবে আর যদি তুমি আমার চাহিদা অনুযায়ী আমল না কর, তাহলে আমি তোমাকে [আমাকে অনুসরণ করা থেকে] পিছিয়ে দিব। ﴿وَلَمْ يَرْجِعْ دُنْيَا وَلَمْ يَرْجِعْ نَصِيبَكَ مِنَ الدُّنْيَا﴾ (২৮ : ৭৭)। এর ব্যাখ্যায় মুজাহিদ বলেন, এর অর্থ হলো দুনিয়া থেকে তোমার অংশ ভুলো না, (২৮ : ৭৭)। আর তা হলো দুনিয়াতে মহান আল্লাহ'র আনুগত্য করে আমল করা। দাউদ ইব্ন মুহাবির বলেন, উব্বাদ ইব্ন কাছীর সূত্রে মুজাহিদ থেকে তিনি বলেন (একবার) আমি ইব্ন উমর (রা)-কে জিজ্ঞাসা করলাম, বায়তুল্লাহ'র হজ্জকারী কোন হাজীগণ সর্বোন্ম এবং সবচেয়ে বড় বিনিময়ের অধিকারী? তিনি বলেন, যে ব্যক্তি তিনটি বিষয়ের সমন্বয় ঘটাতে পারবে, খাঁটি নিয়্যত, পূর্ণ জ্ঞানবুদ্ধি, হালাল বা বৈধ অর্থব্যয়। এরপর আমি ইব্ন আবুসাকে তা শোনালাম। তখন তিনি বলেন, তিনি সত্য বলেছেন। আমি বললাম, তার নিয়ত যদি খাঁটি হয় আর অর্থ ব্যয় যদি বৈধ উপার্জনপ্রসূত হয়, তাহলে জ্ঞানবুদ্ধির স্বল্পতা তার কী ক্ষতি করবে? তিনি

বলেন, হে আবু হাজ্জাজ, তুমি আমাকে ঐ বিষয় জিজ্ঞাসা করেছ, যা আমি আল্লাহর রাসূলকে জিজ্ঞাসা করেছিলাম। তিনি বলেছিলেন, শপথ ঐ সত্তার, যার হাতে আমার প্রাণ, বান্দা কর্তৃক আল্লাহর আনুগত্য করার জন্য সুষ্ঠু জ্ঞানবুদ্ধির চেয়ে উত্তম কিছু নেই। যদি জ্ঞান-বুদ্ধির সাথে করা না হয়, তাহলে আল্লাহ কোন বান্দার নামায রোয়া কিংবা অন্য কোন নেক আমল করুল করেন না। আর যদি কোন জাহিল ইবাদত-বন্দেগীতে মুজতাহিদদের ছাড়িয়েও যায়, তাহলে যতটুকু গড়বে তার চেয়ে বেশী বিগড়াবে। আল-বিদায়ার প্রস্তুকার বলেন, এই হাদীসে আকল-বুদ্ধির উল্লেখ এবং তাকে নবী সাল্লাল্লাহু আলায়হি ওয়া সাল্লাম থেকে ‘মারফু’ রূপে রিওয়ায়াত করা হাদীসকে মুনকার ও মাওয়ু’ অর্থাৎ অগ্রহণযোগ্য ও জাল সাব্যস্ত করে। উল্লিখিত শুণত্বয়ের রিওয়ায়াতটি ইব্ন উমর থেকে মাওকুফ রূপে বর্ণিত। তার এই বক্তব্য থেকে, যে ব্যক্তি তিনটি শুণের মাঝে সময়ে সাধন করতে পারবে ইব্ন আবাসের সম্ভব্য তিনি সত্য বলেছেন। আর এ রিওয়ায়াতের পরবর্তী অংশ হাদীসে মারফু’ কিংবা মাওকুফ কোন ভাবেই সাব্যস্ত হয়নি। আর এর রাবী দাউদ ইব্ন মুহাবির-এর উপনাম আবু সুলায়মান। হাকিম বলেন, এই ব্যক্তি বাগদাদে একদল নির্ভরযোগ্য রাবী থেকে একাধিক জাল হাদীস রিওয়ায়াত করেছে। তার থেকে হারিছ ইব্ন আবু উসামা সেগুলো রিওয়ায়াত করেছেন। ‘কিতাবুল আকল’ নামে তার গ্রন্থ সংকলন রয়েছে। তার এই কিতাবের অধিকাংশই রাসূলল্লাহ সাল্লাল্লাহু আলায়হি ওয়া সাল্লামের নামে জাল করা হয়েছে। আর আকল-বুদ্ধির উল্লেখ সম্বলিত এই মারফু’ রিওয়ায়াতটি ও সম্ভবত ঐ সকল জাল রিওয়ায়াতের অন্তর্ভুক্ত। আল্লাহই সর্বাধিক জানেন। এছাড়া ইমাম আহমাদ ইব্ন হাষল তাকে ‘মিথ্যাবাদী’ সাব্যস্ত করেছেন।

মুসআব ইব্ন সা'দ ইব্ন আবু ওয়াক্কাস

তিনি একজন বিশিষ্ট তাবেঈ। মুসা ইব্ন তালহা ইব্ন উবায়দুল্লাহ আত্তামীমী। তাঁর সততার কারণে তাকে আল মাহদী উপাধি প্রদান করা হয়। নেতৃত্বানীয় মুসলমানদের অন্যতম। মহান আল্লাহ তাকে রহম করুন।

১০৪ হিজরীর সূচনা

এ বছরেই খোরাসানের নায়েব সাঈদ ইব্ন আমর আল-হারাশী সাগদ্বাসীর বিরুদ্ধে যুদ্ধে অবর্তীণ হন এবং খজনাদাহবাসীকে অবরোধ করেন। এ সময় তিনি বহসংখ্যক শক্ত হত্যা করেন। এ ছাড়া তাদের থেকে বিপুল অর্থসম্পদ জন্ম করেন এবং বিরাট সংখ্যককে দাসরূপে যুদ্ধবন্দী করেন। তিনি খলীফা ইয়ায়ীদ ইব্ন আবুল মালিককে এ বিষয়ে লিখিতভাবে অবহিত করেন। কেননা, তিনিই তাকে এর দায়িত্ব প্রদান করেন। এ বছরের রবীউল আওয়াল মাসে খলীফা ইয়ায়ীদ ইব্ন আবদুল মালিক হারামায়নের গভর্নর পদ থেকে আবদুর রহমান ইব্ন যাহ্হাক ইব্ন কায়সকে পদচ্যুত করেন। আর এর কারণ ছিল, এ সময় আবদুর রহমান ফাতিমাহ বিনত হসায়নের কাছে বিবাহের পয়গাম পাঠায়। কিন্তু তিনি তার এ প্রস্তাবে

১. তারীখুল ইসলাম ৪/২০৪, তারীখুল বুখারী ৭/৩৫০, তাহীবুল আসমা ওয়াল লুগাত ১ম অংশ ২য় খণ্ড ৯৫, তাহীবুত তাহীব ১০/১৬০, তাহীবুল কামাল ১৩৩৩, আল জারহ ওয়াত তাদীল প্রথম অংশ ৪৮ ভলিউম ৩০৩, খুলাসাতু তাহীবুত তাহীবীর ৩৭৭, শাজারাতুয়্যাহাব ১/১২৫, তাবাকাত ইব্ন সা'দ ৫/ ১৬৯, ৬/২২২, তাবাকাতু খলীফা ২০৮২, আল-ইবার ১/১২৫, আলমা'আরিফ ২৪৪।

অবীকৃতি জানান। তখন সে এ বিষয়ে পীড়াগীড়ি করে এবং তাকে হমকি প্রদান করে। তখন তিনি (ফাতিমা) খলীফা ইয়ায়ীদের কাছে দৃত পাঠিয়ে তার বিরুদ্ধে অভিযোগ করেন। এরপর খলীফা তাইফের নায়েব আবদুল্লাহ ইব্ন আবদুল্লাহ আনন্দয়ীর কাছে দৃত পাঠিয়ে তাকে পবিত্র মদীনার নায়েব নিয়োগ করেন এবং তাকে নির্দেশ প্রদান করেন, আবদুর রহমান ইব্ন যাহ্হাককে এমন সশব্দ ও ভীষণ প্রহার করতে যে তিনি যেন দামেশকে তার আসনে হেলান দিয়ে বসে তার শব্দ শুনতে পান। এছাড়া তিনি তাকে ইব্ন যাহ্হাক থেকে চল্লিশ হাজার দীনার উসুল করার নির্দেশ দেন। এদিকে আবদুর রহমানের কাছে যখন এ সংবাদ পৌছে তখন সে মাসলামাহ ইব্ন আবদুল মালিকের আশ্রয় গ্রহণের জন্য দামেশকে রওয়ানা হয়ে যায়। এরপর খলীফার ভাইয়ের সাথে সাক্ষাৎ করে সে বলে, আপনার কাছে আমার একটি বিশেষ প্রয়োজন আছে। মাসলামাহ বলেন, তোমার সবপ্রয়োজন পূর্ণ করা হবে, যদি তুমি ইব্ন যাহ্হাক মা হয়ে থাক। সে বলে, আল্লাহর কসম, স্টেটই আমার প্রয়োজন। তিনি বলেন, আল্লাহর কসম! তাহলে আমি তা গ্রহণ করব না এবং তাকে ক্ষমাও করব না। এরপর তিনি তাকে পবিত্র মদীনায় ফেরত পাঠান, আবদুল ওয়াহিদ তাকে গ্রহণ করেন এবং প্রহার করেন। এরপর তিনি তার সমুদয় অর্থসম্পদ যদ্য করেন এবং তাকে শুধু পরিধেয় এক বস্ত্রে ছেড়ে দেন। সে পবিত্র মদীনাবাসীর কাছে হাত পাততে শুরু করে। অথচ ইতোপূর্বে সেই তিনি বছর কয়েক মাস পবিত্র মদীনার শাসন পরিচালনা করে। ইমাম যুহুরী তাকে একটি সুপরামর্শ প্রদান করেন। তিনি তাকে জটিল ব্যাপারে আলিমগণের সাহায্য গ্রহণের কথা বলেন। কিন্তু সে তা প্রত্যাখ্যান করে। ফলে সে সাধারণ মানুষের ঘৃণা এবং কবিদের নিদ্বার পাত্রে পরিণত হয়। এরপর তার শেষ পরিণতি হয় এই।

এছাড়া এ বছর উমর ইব্ন হুবায়রাই সাঈদ ইব্ন আমর আলহারাশীকে অপসারণ করেন। এর কারণ সে ইব্ন হুবায়রার নির্দেশকে কোন গুরুত্ব দিত না। ইব্ন হুবায়রাহ তাকে অপসারণ করে তার সামনে উপস্থিত করে শাস্তি প্রদান করে এবং তার থেকে বিপুল পরিমাণ অর্থ-সম্পদ জদ্দ করে। এমনকি সে তাকে হত্যার নির্দেশ প্রদান করে, পরে অবশ্য তাকে ক্ষমা করে। আর মুসলিম ইব্ন সাঈদ ইব্ন আসলাম ইব্ন যুরআ আলকিলাবীকে খোরাসানের প্রশাসক নিয়োগ করে। তখন মুসলিম সেখানে গিয়ে এমন বহু অর্থ সম্পদ উদ্ধার করে যা সাঈদ ইব্ন আমর আল হারাশীর সময়ে খোয়া গিয়েছিল। এ বছরেই আর্মেনিয়া ও আয়ারবায়জানের নায়েব জারাহ ইব্ন আবদুল্লাহ আল হাকামী তুর্কিস্তান আক্রমণ করেন। এ সময় তিনি বালানজার জয় করেন এবং তুর্কী যোদ্ধাদের প্রাজিত করেন। তিনি তাদেরকে এবং তাদের নারী-শিশুদের পানিতে নিমজ্জিত করেন এবং এদের বহুসংখ্যককে যুদ্ধবন্দী করেন। এ সময় তিনি বালানজার সংলগ্ন অধিকাংশ দুর্গ জয় করেন এবং তাদের অধিকাংশ অধিবাসীকে নির্বাসিত করেন। এরপর তিনি তাতারী সম্রাট খাকানের মুখোমুখি হন। তখন তাদের মাঝে প্রচণ্ড ও রক্তক্ষয়ী যুদ্ধের সূত্রপাত হয় এবং শেষ পর্যন্ত খাকান প্রাজিত হয়। এ সময় মুসলমানগণ তাদের পশ্চাদ্বাবন করে তাদের বিপুলসংখ্যক যোদ্ধাকে হত্যা করে। এ বছর হজ্জ পরিচালনা করেন তাইফ এবং হারামায়নের আমীর আবদুল ওয়াহিদ ইব্ন আবদুল্লাহ আনন্দয়ী। এ সময় ইরাক ও খোরাসানের নাইব উমর। আর ঘোরাসানে তার নাইব মুসলিম ইব্ন সাঈদ। এ বছরেই সাফ্ফাহ জন্মগ্রহণ করেন। তিনি আবুল আবাস আবদুল্লাহ ইব্ন মুহাম্মাদ ইব্ন আলী ইব্ন

আবদুল্লাহ ইবন আবাস। সাফ্ফাহ তার উপাধি। তিনি বানূ আবাসের প্রথম খলীফা ইরাকবাসীদের একটি দল গোপনে তার পিতার কাছে বায়আত করে। আর এ বছর যে সকল বিশিষ্ট ব্যক্তি ইন্তিকাল করেন, তাদের অন্যতম হলেন -

খালিদ ইবন সাদান আল কিলাই^১

ইনি একজন বিশিষ্ট তাবিঙ্গ। একদল সাহাবী থেকে তার একাধিক রিওয়ায়াত বিদ্যমান। তিনি তৎকালীন মুস্তিমেয় ও প্রসিদ্ধ উলামা ও ইমামগণের অন্যতম। তিনি প্রতিদিন রোয়া রাখতেন এবং রোয়া থাকা অবস্থায় প্রতিদিন চন্দ্ৰিশ হাজার বার তাসবীহ পাঠ করতেন। তিনি হিমস্বাসীর ইমাম ছিলেন। রমযান মাসে তারাবীহৰ নামাযে প্রতিৱাব্রতে তিনি দশ পারা তিলাওয়াত করতেন। জাওয়জানী তার থেকে বর্ণনা করেন। তিনি বলেন, যে ব্যক্তি কারো নিন্দার মাধ্যমে আল্লাহৰ প্রশংসা করবে, আল্লাহু তা'আলা তার সেই সকল প্রশংসাকে নিন্দায় পরিণত করবেন। ইবন আবু দুনাইয়া তার থেকে বর্ণনা করেন তিনি বলেন, প্রত্যেক বান্দার চারটি চক্ষু রয়েছে। দুটি হলো চর্মচক্ষু যা দ্বারা সে তার পার্থিব বিষয়সমূহ অবলোকন করে। আর দুটি হলো অন্তর্দৃষ্টি যা দ্বারা সে তার পারলৌকিক বিষয়াদি প্রত্যক্ষ করে। আর মহান আল্লাহু যখন কোন বান্দার কল্যাণ চান, তখন তার অন্তর্দৃষ্টি উন্মুক্ত করে দেন। তখন সে তা দ্বারা তার আধিকারীর বিষয় অবলোকন করে। ফলে সে অদৃশ্য ভাবেই অদৃশ্য [পারলৌকিক] বিপদ থেকে নিরাপদ থাকে। আর মহান আল্লাহু যখন বান্দার জন্য তার বিপরীত কিছু চান, তখন বান্দার অন্তর্দৃষ্টিকে তার অবস্থায় ছেড়ে দেন। ফলে, তুমি তাকে দেখবে সে তাকাচ্ছে। কিন্তু উপকৃত হচ্ছে না। কিন্তু সে যখন অন্তর্দৃষ্টি দিয়ে অবলোকন করে, তখন উপকার লাভ করে। তিনি বলেন, অন্তর্দৃষ্টি হলো আধিকারী অবলোকনের জন্য আর চর্মচক্ষু হলো দুনিয়া দর্শনের জন্য। এ ছাড়াও তার বহু গুণ ও কীর্তি বিদ্যমান। মহান আল্লাহু তাকে রহম করুন।

আমির ইবন সাদ ইবন আবু ওয়াকাস আল-লায়ছ^২

তিনি বিশিষ্ট নির্ভরযোগ্য তাবিঙ্গ। তার পিতা ও অন্যদের থেকে তিনি বহু হাদীস রিওয়ায়াত করেছেন।

১. তারীখুল ইসলাম ৪/১০৯, তারীখুল বুখারী ৩/১৭৬, তাহবীবুত তাহবীব ১১৮, তাহবীব ইবন আসাকির ৫/৮৯, তাহবীবুল কামাল, ৩৬৫, তায়কিরাতুল হৃফকায ১/৮৭, আলজারহ ওয়াত্তা'দীল ২য় অংশ ১ম ভলিউম ৩৫১, আল-হিলইয়া, ৫/২১০, খুলাসাতু তাহবীবুত তাহবীব ১০৩, যায়লুল মুয়ায়যাল ৬৩২, শাজারাতুয় যাহাব ১/১২৬, তাবাকাত ইবন সাদ ৭/৪৫৫, তাবাকাত খলীফা ২৯২৮। তাবাকুত্স সুয়তী ৩৬, আল-ইবার ১/১২৬ আলমা'আরিফ ৬২৫, আলমা'রিফা ওয়াততারীখ ২/৩৩২, আনন্দজূম আয্যাহিয়া ১/২৫২।
২. তারীখুল ইসলাম ৪/১৩০, তারীখুল বুখারী ৬/৪৪৯, তাহবীবুত তাহবীব ৫/৬৩, তাহবীবুল কামাল, ৬৪১,, আলজারহ ওয়াত্তা'দীল ১ম অংশ ৩য় ভলিউম ৩২১, খুলাসাতু তাহবীবুত তাহবীব ১৮৪, শাজারাতুয় যাহাব ১/১২৬, তাবাকাত ইবন সাদ ৫/১৬৭, তাবাকাত খলীফা ২০৭৯ আল- ইবার ১/১২৬, আলমা'আরিফ ২৪৪, আলমা'রিফাতু ওয়াততারীখ ১/৩৬৮।

আমির ইব্ন শারাহীল আশৃশা'বী^১

একটি মত অনুযায়ী তিনি এ বছর ইন্তিকাল করেন। শা'বী ছিলেন হামাদান অঞ্চলের অধিবাসী/ হামাদান গোত্রীয়। তার উপনাম আবু আমর। তিনি কূফার মহাজ্ঞানী আলিম এবং হাফিয়ে হাদীস, ইমাম, বহু শাস্ত্র জ্ঞানের অধিকারী। তিনি বেশ কয়েকজন সাহাবীর সাহচর্য পেয়েছেন এবং তাদের থেকে এবং তাবিঙগণের একটি জামাআত থেকে হাদীস রিওয়ায়াত করেছেন। এছাড়া তার থেকেও একদল তাবিঙ্গ রিওয়ায়াত করেছেন। আবু মুজলিয় বলেন, আমি ইমাম শা'বীর চেয়ে বিজ্ঞ ফকীহ দেখিনি। মাকহুল বলেন, সুসাব্যস্ত সুন্নাত সম্পর্কে তার চেয়ে জ্ঞানী কাউকে আমি দেখিনি। দাউদ আলআওদী বলেন, (একবার) শা'বী আমাকে বলেন, আমার সাথে এখানে আস আমি তোমাকে একটি জ্ঞান দান করি। বরং বলা যায় তা জ্ঞানের শীর্ষ। আমি বললাম, আপনি আমাকে কোন জ্ঞান শেখাবেন। তিনি বলেন, যদি তোমাকে এমন বিষয় জিজ্ঞাসা করা হয় যা তুমি জান না, তাহলে বল, আল্লাহ সর্বাধিক জ্ঞাত। কেননা, তা উত্তম জ্ঞানের পরিচায়ক। তিনি বলেন, কোন ব্যক্তি যদি ইয়ামানের দূরতম অঞ্চল থেকে এমন একটি শব্দ শেখাব জন্য সফর করে আসে যা ভবিষ্যত জীবনে তার উপকার করবে, তাহলেও আমি তার এই দীর্ঘ সফরকে সার্থক মনে করব। আর যদি সে দুনিয়ার কামনা-বাসনার প্রিয়বস্তুর সন্ধানে এই মসজিদের বাইরেও বের হয়, তাহলে আমি তার এই অতি সংক্ষিপ্ত সফরকেও অর্থহীন ও শাস্তিস্বরূপ গণ্য করব। তিনি বলেন, জ্ঞানের কথা/বাণী চুলের ন্যায় অসংখ্য। কাজেই, প্রত্যেক বিষয়ের সর্বোত্তম জ্ঞান আহরণ কর।

আবু বুরদা ইব্ন আবু মূসা আল-আশআরী^২

ইনি শা'বী (র)-এর পূর্বে কূফার কায়ির দায়িত্ব পালন করেন। আর শা'বী (র) উমর ইব্ন আবদুল আয়ীয়ের খিলাফতকালে কায়ির দায়িত্ব গ্রহণ করেন এবং আম্বুজ এ দায়িত্ব পালন করেন।

১. আল-ইকলীল ৮/১৪৫, আখবারুল কুসাত ২/৪১৩, তারীখুল ইসলাম, ৪/১৩০, তারীখুল বুখারী ৬/৪৫০, তারীখুল বুখারী আস্সাগীর ১/২৪৩-২৫৩-২৫৪, তারীখে বাগদাদ, ১২/২২৭, তায়কিরাতুল হফ্ফায ১/৭৪, তাহয়ীর ইব্ন আসাকির ৭/১৪১, তাহয়ীবুল কামাল ৬৪২, আলজারহ ওয়াত্তা'দীল ১ম অংশ ৩য় ভলিউম ৩২২, আল-জাম'ত বায়না রিজালুস সহীহায়ন ৩৭৭, আল-হিলইয়া ৪/৩১০, খুলাসাতু তাহয়ীবুত্ত-তাহয়ীব ১৮৪, সিমতুল লাআলী ৭৫১, শাজারাতুয় যাহাব ১/১২৬, তাবাকাত ইব্ন সাদ ৬/২৪৬, তাবাকাতুল হফ্ফায সুযুতী ৩৭, তাবাকাতু খালীফা ১১৪৮, তাবাকাতুশ শাফিদেয়া আববাদী ৫৮, তাবাকাতুল ফুকাহা শীরায়ী ৮১, তাবাকাতু ফুকাহাউল ইয়ামান ৭০, তাবাকাতুল মু'তায়িলা ১৩০, ১৩৯, আল-ইবার ১/১২৭, গায়াতুন নিহায়া ১৫০০, আললুবাব ২/২১, আল মাসারিফ ৪৪৯, আল মা'রিফা ওয়াত্তা'দীখ ২/৫৯২, মু'জায়ুদ বুলদান আনন্দুজ্ম আয়্যাহিরা ১/২৫৩, ওফায়াতুল আ'য়ান ৩/১।
২. আল-ইকলীল ১০/৪৬, আখবারুল কুয়াত ২/৪০৮, তারীখুল ইসলাম ৪/২১৬, তারীখুল বুখারী ৬/৪৪৭, তারীখুল বুখারী আসসগীর ১/২৪৮, তায়কিরাতুল হফ্ফায ১/৮৯, তাহয়ীবুল কামাল ১৫৭৮, শাজারাতুয়যাহাব ১/১২৬, তাবাকাত ইব্ন সাদ ১/২৬৮, তাবাকাতুল হফ্ফায-সুযুতী ৩৬, তাবাকাত খলীফা ১১৫৩, আল-ইবার ১/১২৮, আল-মা'রিফ ৫৮৯, আনন্দুজ্ম আয়্যাহিরা ১/২৫২।

আবু বুরদাহ কার্যী ছিলেন হাজ্জাজ ইব্ন ইউসুফের শাসনামলে। পরবর্তীতে হাজ্জাজ তাকে অপসারণ করে তার ভাইকে কার্যী নিয়োগ করে। আর আবু বুরদাহ হাফিয়ে হাদীস এবং বিশিষ্ট আলিম ও ফকীহ এবং তিনি বহুসংখ্যক হাদীস রিওয়ায়াত করেছেন।

আবু কিলাবা আলজারমী^১

আবদুল্লাহ ইব্ন ইয়ায়ীদ আল-বাসরী। একদল সাহাবা এবং অন্যদের থেকে তার বহুসংখ্যক রিওয়ায়াত বিদ্যমান। তিনি শীর্ষ স্থানীয় আলিম ও ফকীহদের অন্যতম। তাকে কার্যী/বিচারকের পদ গ্রহণ করতে বলা হলে তিনি তা থেকে আঞ্চলিক করার জন্য দেশান্তরিত হন। এ সময় তিনি শামে আগমন করেন এবং দারায়া নামক স্থানে অবস্থান গ্রহণ করেন এবং সেখানেই ইন্তিকাল করেন। মহান আল্লাহ তাকে রহম করেন। আবু কিলাবা বলেন, মহান আল্লাহ যখন তোমাকে ইল্ম দান করেন তুমি তখন তাঁর (শোকের স্বরূপ) ইবাদতে মশাল হও। আর লোকজন্ম কী আলোচনা করল তা যেন তোমাকে পেয়ে না বসে। হতে পারে অন্য কেউ উপকৃত হবে এবং অভাবমুক্ত হবে আর তুমি অঙ্ককারে হোচ্ট থেতে থাকবে। আর আমি তো মনে করি (প্রচলিত) এইসব মজলিস/ জলসা বেকার ও নিষ্কর্মাদের আড়াখানা। এছাড়া তিনি বলেন, তোমার কোন মুসলিম ভাই সম্পর্কে যদি তোমার কাছে কোন অপ্রিয় বিষয় পৌছে তাহলে যথাসম্ভব তার হয়ে অজুহাত খুঁজে নাও। আর যদি কোন অজুহাত খুঁজে না পাও, তাহলে একথা ভাববে যে, হয়ত আমার ভাইয়ের এমন কোন অজুহাত রয়েছে যা আমি জানি না।

১০৫ হিজরীর সূচনা

এ বছরেই জাররাহ ইব্ন আবদুল্লাহ আল-হাকামী আল্লান ভূখণে যুদ্ধাভিযান পরিচালনা করে। বহুসংখ্যক দুর্গ জয় করেন এবং বালানজারের পশ্চাদভাগে বিশাল ব্যাণ্ড দেশসমূহ জয় করেন। এ সময় তিনি বিপুল পরিমাণ গনীমত লাভ করেন এবং তুর্কী যোদ্ধাদের উল্লেখযোগ্য সংখ্যক সন্তান-সন্তান যুদ্ধবন্দী করেন। এছাড়া এ বছরেই মুসলিম ইব্ন সাঈদ তুর্কীস্তানে যুদ্ধাভিযান পরিচালনা করেন এবং সুগদ অঞ্চলের এক বিশাল নগর অবরোধ করেন। তখন সে অঞ্চলের শাসক বিপুল পরিমাণ অর্থের বিনিময়ে তার সাথে সঞ্চ করে। এ বছরেই সাঈদ ইব্ন আবদুল মালিক ইব্ন মারওয়ান রোম দেশ আক্রমণ করেন। এ সময় তিনি অগ্রবর্তী বাহিনী রূপে এক হাজার অশ্বারোহী যোদ্ধার এক বটিকা বাহিনী প্রেরণ করেন। আর তারা সকলেই শক্তির হাতে নিহত হন।

আর এ বছরের শাবান মাসের পঁচিশ তারিখ শুক্রবার আমীরুল মু'মিনীন ইয়ায়ীদ ইব্ন আবদুল মালিক ইব্ন মারওয়ান বালকা ভূখণের আুরবাদ অঞ্চলে ইন্তিকাল করেন। এ সময় তার বয়স হয়েছিল ত্রিশ ও চাহিশের মাঝামাঝি। নিম্নে তার সংক্ষিপ্ত জীবন চরিত উল্লিখিত হলঃ

১. তারীখুল ইসলাম ৪/২২১, তারীখুল বুধারী ৫/৯২, তারীখুল দারায়া ৬০, তায়কিরাতুল হফ্ফায ১/৮৮, তাহ্যীবু ইব্ন আসাকির ৭/৪২৯, তাহ্যীবুত্তাহ্যীব ৫/২২৪, তাহ্যীবুল কামাল ৬৪৫, আলজারাহ ওয়াত্তাদীল ২য় অংশ ২য় ভলিউম ৫৭, আল হিলইয়া ২/২৮২, খুলাসাতু তাহ্যীবুত্ত তাহ্যীবীর ১৯৮, শাজারাত্য যাহাব ১/১২৬, তাবাকাত ইব্ন সাঈদ ৭/১৮৩, তাবাকাতু খালীফা ১৬৩০, তাবাকাতুল ফুকাহা শীরায়ী রচিত ৮৯, আলইবার ১/১২৭, আলমা'রিফা ওয়াত্তারীখ ২/৬৫, আলমাসারিফ ৪৪৬, আনন্দজুম আয্যাহিরা ১/২৫৪।

তিনি আমীরগুল মু'মিনীন ইয়ায়ীদ ইব্ন আবদুল মালিক ইব্ন মারওয়ান আবু খালিদ আল-কুরাশী আল উমাৰী। তার আস্মা আতিকা বিন্ত ইয়ায়ীদ ইব্ন মুআবিয়া। বর্ণিত আছে যে, তাকে আতিকা নামক মহল্লার কবরস্থানে সমাহিত করা হয়। মহান আল্লাহই সর্বাধিক পরিজ্ঞাত।

তার ভাই খলীফা সুলায়মান ইব্ন আবদুল মালিকের এই ফরমান অনুযায়ী যে উমর ইব্ন আবদুল আয়ীয়ের পর তিনি খলীফা হবেন—একশ' এক হিজরীর রজব মাসের পঁচিশ তারিখে উমর ইব্ন আবদুল আয়ীয় (র)-এর পরে তার অনুকূলে খিলাফতের বায়আত গ্ৰহীত হয়। মুহাম্মাদ ইব্ন ইয়াহুইয়া আয়-যুহলী বৰ্ণনা কৱেন, কাছীর ইব্ন হিশাম সূত্রে ... যুহরী থেকে। তিনি বলেন, রাসূলুল্লাহ সাল্লাল্লাহু আলায়হি ওয়া সাল্লাম এবং হ্যুরত আবু বকর, উমর, উছমান ও আলীর আমলে মুসলমান কাফিরের এবং কাফির মুসলমানের উত্তরাধিকারী হতো না। এরপর হ্যুরত মুআবিয়া খলীফা হলে তিনি মুসলমানকে কাফিরের উত্তরাধিকারী কৱেন। কিন্তু কাফিরকে মুসলমানের উত্তরাধিকারী কৱলেন না। আর তার পৰবৰ্তী খলীফারাও তার নীতি অনুসরণ কৱল। কিন্তু উমর ইব্ন আবদুল আয়ীয় যখন খলীফা হলেন, তখন তিনি প্রথম সুন্নাত/ পস্তা ফিরিয়ে আনলেন। আর এ বিষয়ে ইয়ায়ীদ ইব্ন আবদুল মালিক তারই অনুসরণ কৱলেন। তারপর হিশাম যখন খলীফা হলেন, তখন তিনি খলীফাদের পস্তা অনুসরণ কৱলেন, অর্থাৎ মুসলমানকে কাফিরের উত্তরাধিকারী নির্ধারণ কৱলেন। ওয়ালীদ ইব্ন মুসলিম বৰ্ণনা কৱেন, জাবির সূত্রে তিনি বলেন, একবার আমরা মাকতুলের মজলিসে বসা ছিলাম। এমন সময় সেখানে ইয়ায়ীদ ইব্ন আবদুল মালিক আগমন কৱলেন। আমরা তার জন্য জায়গা ছেড়ে দিতে উদ্যত হলাম। কিন্তু মাকতুল বললেন, সে মজলিসের যেখানে জায়গা পায় তাকে সেখানেই বসতে দাও, এতে সে বিনয় শিখতে পারবে।

খিলাফতের দায়িত্ব গ্রহণের পূর্বে ইয়ায়ীদ প্রায়শই আলিম-উলামার সাথে উঠাবসা কৱতেন। তারপর তিনি যখন খিলাফতের দায়িত্ব গ্রহণ কৱলেন, তখন উমর ইব্ন আবদুল আয়ীয়ের পদাঙ্ক অনুসরণের সংকল্প কৱলেন। কিন্তু তার অসৎ সহচরণ তার সাহচর্য ত্যাগ কৱল না; বৰং তারা তার সামনে অনাচার-অবিচারকে সুদৃশ্য করে দেখাতে লাগল। হারমালা বৰ্ণনা কৱেন, ইব্ন ওয়াহ্ব সূত্রে আবদুর রহমান ইব্ন যায়দ ইব্ন আসলাম থেকে। তিনি বলেন, ইয়ায়ীদ ইব্ন আবদুল মালিক যখন খলীফা হলেন, তখন তার সহচর-অনুচরদের নির্দেশ প্রদান কৱলেন। তোমরা উমরের (ইব্ন আবদুল আয়ীয়ের) জীবন চারিত অনুসরণ কর। তখন তারা এভাবে চল্লিশ দিন অতিবাহিত কৱল। এরপর তার কাছে চল্লিশজন শায়খকে উপস্থিত করা হল, যারা সম্মিলিতভাবে তার সামনে সাক্ষ্য দিল খলীফাদের জন্য কোন হিসাব-কিতাব বা শাস্তির বিধান থাকবে না।

কোন কোন সমালোচক ইয়ায়ীদের ধার্মিকতায় অপবাদ আরোপ কৱেছেন। কিন্তু তা সঠিক নয়। প্রকৃতপক্ষে সে অপবাদের পাত্র হল তার ছেলে ওয়ালীদ ইব্ন ইয়ায়ীদ যেমন অচিরেই আসছে। আর ইয়ায়ীদ ইব্ন আবদুল মালিকের এ ধরনের কোন সমস্যা ছিল না। তার পূর্ববর্তী খলীফা উমর ইব্ন আবদুল আয়ীয় তাকে পত্রযোগে লিখেছিলেন পর কথা, আমার তো বিশ্বাস এটাই আমার মৃত্যুশয্যা এবং আমার মৃত্যুর পর তুমই খিলাফতের দায়িত্ব লাভ কৱতো। কাজেই, মুহাম্মাদ সাল্লাল্লাহু আলায়হি ওয়া সাল্লামের উপরে ব্যাপারে সদাসর্বদা মহান

আল্লাহকে ভয় করবে। অচিরেই তুমি মৃত্যুর সম্মুখীন হবে এবং দুনিয়া ত্যাগ করে এমন সন্তার সামনে দাঁড়াবে যিনি তোমার কোন কৈফিয়ত/ অজুহাত প্রহর করবেন না, ওয়াস্ সালাম। এছাড়া ইয়ায়ীদ ইব্ন আবদুল মালিক তার ভাই হিশামকে লিখেন—পর কথা, আমীরুল মু'মিনীনের কাছে এ সংবাদ পৌছেছে যে, তুমি তার জীবনকালকে দীর্ঘ মনে করছ, তার মৃত্যু কামনা করছ এবং খিলাফতের প্রত্যাশা করছ। এ পত্রের শেষে তিনি এই পঙ্কতিশুলি উদ্ধৃত করেন :

تَمَنَّى رِجَالٌ أَنْ أَمُوتَ وَإِنْ أَمْتُ * فَتَلْكَ سَبِيلٌ لِسْتُ فِيهَا بِأُوْحَدٍ

কতক লোক আমার মৃত্যু কামনা করেছে, আর আমি যদি মরে যাই, তাহলে তো আমি একাই সে পথের পথিক নই।

قَدْ عَلِمُوا لَوْ يَنْفَعُ الْعِلْمُ عِنْهُمْ * مَتِّي مِنْتُ مَا الْبَاغِي عَلَى بِمُخْلَدٍ

তারা তো ভালভাবেই জানে, আমার মৃত্যুকালের অবগতি তাদের কোন উপকারে যদি এসেও থাকে কিন্তু আমার মৃত্যুকাঙ্ক্ষীতো অমর নয়।

مَنْبَثَةً تَجْرِي لَوْقَتٌ وَحَتَّفَهُ * يُصَادِفُهُ يَوْمًا عَلَى غَيْرِ مَوْعِدٍ

তার মৃত্যু ধাবমান এক নির্ধারিত সময়ের জন্য আর কোন একদিন অনির্ধারিত সময়ে তার মৃত্যু তার সাথে সাক্ষাৎ করবে।

فَقُلْ لِلَّذِي يَبْقَى خِلَافُ الذِّي مَضَى * تَهِيأْ لِأَخْرَى مِثْلَهَا وَكَانَ قَدْ

কাজেই যে বিগত হয়েছে তার বিপরীতে/ পরিবর্তে তাকে বল, যে বেঁচে আছে, তুমি অনুরূপ কিছুর জন্য প্রস্তুত হও।

তখন হিশাম তাকে লিখেন, আপনার পূর্বে মহান আল্লাহ যেন আমাকে এবং আপনার সন্তানদের পূর্বে আমার সন্তানদের মৃত্যুদান করেন। আপনার মৃত্যুর পর আমার জীবন ধারণে কোন কল্যাণ নেই।

ইয়ায়ীদ ইব্ন আবদুল মালিকের দাসী ছিল যাকে হাবাবা বলা হতো, তার নাম ছিল আলিয়া। দাসীটি ছিল অনিন্দ্য সুন্দরী। তার ভাই খলীফা সুলায়মান ইব্ন আবদুল মালিকের খিলাফতকালে উচ্চমান ইব্ন সাহল ইব্ন হালীফ থেকে তিনি তাকে চার হাজার দীনারের বিনিময়ে খরিদ করেন। তখন ভাই সুলায়মান তাকে বলেন, আমি তোমাকে এ ক্রয় থেকে বিরত রাখতে উদ্যত হয়েছিলাম। তখন তিনি তাকে বিরক্তি করে দেন। এরপর তিনি যখন খিলাফতের দায়িত্ব প্রহর করেন, তখন তার স্ত্রী সাদা একদিন তাকে জিজ্ঞাসা করেন, হে আমীরুল মু'মিনীন! আপনার কি দুনিয়ার কোন আপ্য/ প্রাণি বৰ্ষণা রয়েছে? তিনি বলেন, হ্যা, সে হলো হাবাবা। তখন তার স্ত্রী লোক পাঠিয়ে তার জন্য বাঁদীটি খরিদ করেন। তারপর তাকে পোশাক-পরিচ্ছদে সুসজ্জিত করে পর্দার আড়ালে বসিয়ে পুনরায় তাকে জিজ্ঞাসা করেন, হে আমীরুল মু'মিনীন! আপনার কি দুনিয়ারী কোন খাতেশ অপূর্ণ আছে? তিনি বলেন, আমি কি তোমাকে সে বিষয়ে অবহিত করিনি? তখন তার স্ত্রী বাঁদীটি তার সামনে এনে তার একান্ত সাহচর্যে দিয়ে বলে গেলেন, এই যে, অপর্ণার কাঙ্ক্ষিত হাবাবা! তখন বাঁদীটি তার প্রিয়তাজন

হলো, এবং তার স্ত্রী তার সাথে বাঁদীটির বিবাহ দিয়ে দিলেন। একদিন তিনি বলেন, আমার মন চায় আমি এক প্রাসাদে হাবাবার সাথে একান্তে থাকব, আমাদের কাছে আর কেউ থাকবে না। এরপর তিনি তা করেন এবং তার প্রাসাদে হাবাবার একান্তে সাহচর্য গ্রহণ করেন। এ সময় তার জন্য প্রাসাদটিকে মূল্যবান ও চমকপ্রদ ফরাশ ইত্যাদি দ্বারা সুসজ্জিত করা হয় এবং তাতে বঙ্গবিধি ভোগ-উপকরণের সমাবেশ ঘটানো হয়। এভাবে আনন্দ-বিনোদনের বিভিন্ন উপকরণের মাঝে তারা দু'জন যখন প্রকৃত্যাত্মায় ও আনন্দে বিভোর হয়ে তাদের সামনে রাখা আঙুর থেকা থেকে খাচ্ছিলেন এমন সময় ইয়ায়ীদের দেয়া একটি আঙুর খেতে গিয়ে তা গলায় আটকে হাবাবা মৃত্যুমুখে পতিত হয়। তখন তার মৃত্যুতে হতবুদ্ধি ইয়ায়ীদ তাকে কয়েকদিন ধারত মৃত অবস্থায় আগলে চুম্ব খেতে থাকেন। অবশেষে তার মৃতদেহে যখন পচন ধরে এবং তা থেকে দুর্গংস নির্গত হতে শুরু করে, তখন তিনি তাকে দাফনের নির্দেশ প্রদান করেন। তাকে দাফন করার পর উদ্বৃত্ত হয়ে তিনি কয়েকদিন তার কবরের সামনে দাঁড়িয়ে থাকেন। এরপর তিনি গৃহে প্রত্যাবর্তন করেন। তারপর পুনরায় তার কবরে ফিরে গিয়ে তার সামনে দাঁড়িয়ে আবৃত্তি করেন :

فَإِنْ تَسْلُّمْ عَنْكَ النَّفْسُ أُوْتَدَعُ الصَّبَابَا * وَبِالْيَائِسِ تَسْلُمْ عَنْكَ لَا بِالْجَلْدِ

আমার মন যদি তোমার ব্যাপারে সাজ্জনা লাভ করে কিংবা তোমার আসক্তি ত্যাগ করে, তাহলে তা নিরাশার কারণে- মানসিক দৃঢ়তার কারণে নয়।

وَكُلْ خَلِيلٍ زَارَنِي فَهُوَ قَائِلٌ * مِنْ أَجْلِكَ هَذَا هَامَةُ الْيَوْمِ أَوْ غَدِيرِ

আর তোমার মৃত্যুর পর যে বন্ধুই আমার দর্শনে এসেছে তোমার মৃত্যু শোকের কারণে সেই আমার সম্বন্ধে বলেছে এতো মৃত্যুপথ্যাত্মী।

এরপর তিনি স্বগৃহে প্রত্যাবর্তন করেন এবং তার নিজের শবদেহ বের হওয়ার পূর্বে আর তিনি বের হননি।

তার মৃত্যুর কারণ ছিল ক্ষয়রোগ। এ বছর অর্থাৎ একশ' পাঁচ হিজরীর শাবান মাসের ২৬ তারিখে তিনি বর্তমান জর্দানের পল্লী অঞ্চলে মৃত্যুবরণ করেন। তার খিলাফতকাল ছিল চার বছর কয়েক মাস- এটা হলো প্রসিদ্ধ মত। তবে কারও কারও মতে এ সময়কাল আরও কম। আর মৃত্যুকালে তার বয়স ছিল তেত্রিশ বছর। মতান্তরে পঁয়ত্রিশ, কিংবা ছত্রিশ কিংবা আটত্রিশ কিংবা উনচল্লিশ বছর। আর কারও কারও মতে এ সময় তিনি চল্লিশ বছর বয়সে উপনীত হয়েছিলেন। মহান আল্লাহ অধিক জানেন।

ইয়ায়ীদ ছিলেন দীর্ঘকায় বিশালদেহী, ফর্সা, গোলাকার চেহারার অধিকারী। তার উপরের দিকের সামনের দাঁত উচু ছিল এবং মৃত্যুকালে তার চুল-দাড়িতে বার্ধক্য প্রকাশ পায়নি। বর্ণিত আছে, তিনি জাওলান নামক স্থানে মৃত্যুমুখে পতিত হন। মতান্তরে হাওরানে। আর তার জানায়ার নামায পড়ে তার পনের বছর বয়সী ছেলে ওয়ালীয়দ ইব্ন ইয়ায়ীদ। কারও কারও মতে তার জানায়ার নামায পড়েন তার পরবর্তী খলীফা তার ভাই হিশাম ইব্ন আবদুল মালিক। তাকে বহন করে নিয়ে দামেশকে বাবুল জাবিয়া এবং বাবুসগীর-এর মধ্যবর্তী স্থানে দাফন করা

হয়। তিনি তার পরবর্তী খলীফারূপে তার ভাই হিশামকে এবং তার পরবর্তী খলীফা রূপে নিজ ছেলে ওয়ালীদ ইব্ন ইয়ায়ীদকে মনোনীত করে ফরমান দিয়ে যান। ফলে তার মৃত্যুর পর সকলে হিশাম ইব্ন আবদুল মালিকের অনুকূলে বায়আত গ্রহণ করে।

হিশাম ইব্ন আবদুল মালিক ইব্ন মারওয়ানের খিলাফত

এ বছর অর্থাৎ একশ' পাঁচ হিজরীর শা'বান মাসের ২৬ তারিখে শুক্রবার তাইয়ের মৃত্যুর পর তার অনুকূলে খিলাফতের বায়আত গৃহীত হয়। এ সময় তার বয়স চৌত্রিশ বছর কয়েক মাস।

কেননা, তার পিতা আবদুল মালিক যখন ৭২ হিজরীতে মুসআব ইব্ন যুবায়রকে হত্যা করেন, তখন তার জন্ম হয়। তাই তিনি সুলক্ষণ গ্রহণ করে তার নাম রাখেন মানসূর (বিজয়প্রাপ্ত) তারপর আগমন করে দেখেন তার মা নিজ পিতার নামে তার নাম রেখেছেন হিশাম। তিনি তার এ নাম অনুমোদন করেন। ওয়াকিদী বলেন, তিনি যখন খিলাফতের জন্য মনোনীত হন, তখন তিনি দায়চুনাতে তার এক বাড়ীতে অবস্থানরত ছিলেন। তখন সরকারী ডাকনৃত তার কাছে খলীফার জন্য নির্ধারিত ছড়ি এবং সীলমোহরযুক্ত আংটি নিয়ে আসে এবং তাকে খলীফাতুল মুসলিমীন সঙ্গেধন করে সালাম করে। এরপর তিনি রাস্সাফা থেকে আরোহণ করে দামেশকে আগমন করেন এবং পরিপূর্ণভাবে খিলাফতের দায়িত্ব পালন শুরু করেন। এ সময় তিনি এ বছরের শাওয়াল মাসে ইরাক ও খোরাসানের গভর্নর পদ থেকে উমর ইব্ন হুবায়রাকে অপসারণ করেন এবং তার পরিবর্তে সেখানে খালিদ ইব্ন আবদুল্লাহ আলকাসরীকে নিয়োগ করেন। অবশ্য কারও কারও মতে তিনি একশ' হয় হিজরীতে তাকে ইরাকে গভর্নর নিয়োগ করেন। তবে প্রথম মতটি প্রসিদ্ধ। এছাড়া এ বছর আমীরুল মু'মিনীনের মাতৃল তার আমা আইশা বিন্ত হিশাম ইব্ন ইসমাঈলের ভাতা ইবরাহীম ইব্ন হিশাম ইব্ন ইসমাঈল হজ্জ পরিচালনা করেন। আইশা বিন্ত হিশাম আবদুল মালিকের ওরসে হিশামের জন্ম দেওয়ার পর পরই তিনি তাকে তালাক প্রদান করেন। কেননা, আইশা ছিলেন নির্বোধ। এছাড়া এ বছরই গোপনে বানূ আবাসের অনুকূলে খিলাফত সংক্রান্ত প্রচার ও আহ্বানের তৎপরতা ইরাক ভূখণ্ডে শক্তিশালী হয় এবং তাদের প্রচারক ও কর্মীরা বিপুল পরিমাণ অর্থ সম্পদ সংগ্রহ করে যা তাদেরকে তাদের কাঙ্ক্ষিত ও অভীষ্ট লক্ষ্য অর্জনে সহায়তা করে। আর এ বছর যে সকল বিশিষ্ট ব্যক্তি ইন্তিকাল করেন তাদের অন্যতম হলেন-

আবান ইব্ন উছমান ইব্ন আফ্ফান^১

পঁচাশি সালের আলোচনায় তার ওফাতের আলোচনা বিগত হয়েছে। তিনি ফকীহ ও আলিম তাবিঙ্গণের অন্যতম। তার সম্পর্কে আমর ইব্ন শুআয়ব বলেন, হাদীস এবং ফিকহ সম্পর্কে তার চেয়ে অধিক অবগত কোন ব্যক্তিকে আমি দেখিনি। ইয়াহ্বিয়া ইব্ন সাঈদ

১. আখবারুল কুয়াত ১/১২৯, তারীখুল ইসলাম ৩/২৪১, তারীখুল বুখারী ১/৪৫০, তাহফীয়া ইব্ন আসাকির ১৩৪/২, তাহফীয়ুল আসমা ওয়ালুলুগাত ১ম অংশ ১ম খণ্ড ৯৭, তাহফীয়ুত তাহফীয়া ১/৯৭, তাহফীয়ুল কামাল ৪৮, আলজারহ ওয়াততাদীল ১ম অংশ, ১ম ভলিউম ২৯৫, শাজারাতুয়্যাহাব ১/১৩১, তাবাকাত ইব্ন সাদ ৫/১৫১, তাবাকাত খলীফা ২০৫৮, আলইবার ১/১২৯, আলমা'আরিফ ২০১, আনন্দজুম আয়াহিরা ১/২৫৩।

আল-কাত্তান বলেন, পবিত্র মদীনার ফকীহ হলেন দশজন। এরপর তিনি আবান ইব্ন উছমানকে তাদের অন্যতম উল্লেখ করেন। অন্যরা হলেন খারিজা ইব্ন যায়দ, সালিম ইব্ন আবদুল্লাহ, সাঈদ ইবনুল মুসায়িব, সুলায়মান ইব্ন ইয়াসার, উবায়দুল্লাহ ইব্ন আবদুল্লাহ ইব্ন উত্বা, উরওয়া, কাসিম, কাবীসা ইব্ন যুওয়ায়ব, আবু সালামা ইব্ন আবদুর রহমান। মুহাম্মাদ ইব্ন সাদ বলেন, তিনি বধির ও ষ্টেটী রোগগ্রস্ত ছিলেন এবং মৃত্যুর এক বছর পূর্বে পক্ষাঘাতহস্ত হন। এছাড়া এক বর্ণনা মতে আরও যত্নো একশ' পাঁচ হিজরাতে ইন্তিকাল করেন তাদের অন্যতম হলেন, আবু রজা আল উতারদী, আমির শা'বি, আর ইতোপূর্বে এ আলোচনা বিগত হয়েছে। অন্য এক বর্ণনা মতে, কবি কুছায়য়ারও এদের অন্যতম। অবশ্য অন্য এক বর্ণনা মতে তিনি এর পরের বছর ইন্তিকাল করেন। যেমন অচিরেই আসছে।

১০৬ হিজরীর সূচনা

এ বছরেই হিশাম ইব্ন আবদুল মালিক পবিত্র মদীনা, মক্কা ও তাইফের প্রশাসক পদ থেকে আবদুল ওয়াহিদ ইব্ন আবদুল্লাহ আন-নয়রীকে অপসারণ করে তার স্থলে তার মামাতো ভাই ইবরাহীম ইব্ন হিশাম ইব্ন ইসমাইল আল মাখ্যামীকে নিয়োগ করেন। এছাড়া এ বছরেই সাঈদ ইব্ন আবদুল মালিক সাইফা আক্রমণ করেন। এছাড়া এ বছর মুসলিম ইব্ন সাঈদ ফারগানা আক্রমণ করেন। সেখানে তিনি তাতারীদের সম্মুখীন হন। তখন তাদের মাঝে বিরাট রক্তক্ষয়ী যুদ্ধ সংঘটিত হয়। সে যুদ্ধে খাকান স্বয়ং এবং বহুসংখ্যক তাতারী নিহত হয়। এ বছর জাররাহ আল হাকামী খায়ার তৃত্বের অভ্যন্তরে আক্রমণ পরিচালনা করেন। তারা তার সাথে সঞ্চি করে এবং তাকে জিয়্যাও ও খারাজ প্রদান করে। এ ছাড়া এ বছর হাজার্জ ইব্ন আবদুল মালিক 'লান' আক্রমণ করে বহু সংখ্যক শক্র নিধন করেন এবং গনীমত লাভ করে নিরাপদে প্রত্যাবর্তন করেন। এ বছরই খালিদ ইব্ন আবদুল্লাহ আল-কাসরী খোরাসানের গভর্নর পদ থেকে মুসলিম ইব্ন সাঈদকে অপসারণ করেন এবং তার ভাই আসাদ ইব্ন আবদুল্লাহ আল-কাসরীকে তার নতুন গভর্নর নিয়োগ করেন। আমীরুল মু'মিনীন হিশাম ইব্ন আবদুল মালিক এ বছর হজ্জ পরিচালনা করেন এবং আবুয়ায়নাদকে পত্রযোগে নির্দেশ প্রদান করেন পবিত্র মদীনায় প্রবেশের পূর্বে তাঁর সাথে সাক্ষাৎ করতে এবং তাঁকে হজ্জের বিধি-বিধান লিখে দিতে। তিনি তা করেন। লোকজন পবিত্র মদীনা থেকে তাকে সংবর্ধনা জানিয়ে অর্ধেক পথ সাথে যায়। এদের সাথে আবুয়ায়নাদও ছিলেন। যিনি খলীফার নির্দেশ পালন করছিলেন। এ সময় অন্যদের সাথে সাঈদ ইব্ন আবদুল্লাহ ইব্ন ওয়ালীদ ইব্ন উছমান ইব্ন আফ্ফান তার সাথে সাক্ষাৎ করে তাঁকে বলেন, হে আমীরুল মু'মিনীন! আপনার গোষ্ঠীয় লোকজন এ সকল পুণ্যস্থলে আবু তুরাবকে অভিশাপ করে থাকে। কাজেই, আপনি তাকে অভিশাপ করুন। আবুয়ায়নাদ বলেন, বিষয়টি হিশামের কাছে গুরুতররূপে দেখা দিল এবং তিনি এটাকে দুর্বহ মনে করে বলেন, কাউকে গালমন্দ করা কিংবা অভিশাপ দেওয়ার জন্য আমি আগমন করিনি। আমরা তো হজ্জ পালনের উদ্দেশ্যে আগমন করেছি। তারপর তিনি সাঈদকে উপেক্ষা করে তার কথা বন্ধ করেন এবং আবুয়ায়নাদের দিকে মনোযোগী হয়ে তার সাথে কথা বলতে শুরু করেন। তিনি যখন পবিত্র মক্কায় পৌছেন ইবরাহীম ইব্ন তালহা তার সাথে সাক্ষাৎ করে একখণ্ড ভূমির ব্যাপারে তার কাছে যুলমের (শিকার হওয়ার) অভিযোগ করেন। হিশাম তাকে জিজ্ঞাসা করেন, আবদুল মালিক তোমার সাথে কী আচরণ করেছেন? তিনি বলেন, তিনি

আমার প্রতি অবিচার করেছেন। হিশাম বলেন, তারপর ওয়ালীদ কী করেছেন? তিনি বলেন, তিনিও আমার প্রতি অবিচার করেছেন। তিনি বলেন, সুলায়মান কী করেছেন? ইবরাহীম বলেন, তিনিও অবিচার করেছেন। হিশাম বলেন, আর উমর ইব্ন আবদুল আয়ীয়? তিনি বলেন, তিনি আমাকে আমার ভূমি ফিরিয়ে দিয়েছেন। হিশাম বলেন, আর ইয়ায়ীদ? তিনি বলেন, তিনি আমার দখল থেকে তা ছিনিয়ে নিয়েছেন, আর এখন তা আপনার দখলে। একথা শোনার পর হিশাম তাকে বলেন, তোমার এই বার্ধক্যগ্রস্ত দেহে যদি প্রহারের স্থান থাকত তাহলে আমি তোমাকে প্রহার করতাম। তখন ইবরাহীম বলেন, অবশ্যই আমার দেহে তরবারি ও চাবুকের আঘাতের অবকাশ রয়েছে। একথা বলে হিশাম তাকে ছেড়ে যান এবং তার সহচরদের বলেন, এর চেয়ে স্পষ্টভাষী কাউকে আমি দেখিনি। আর এ বছর পবিত্র মঙ্গ-মদীনা ও তাইফের গভর্নর ছিলেন ইবরাহীম ইব্ন হিশাম ইসমাঈল এবং ইরাক ও খোরাসানের গভর্নর ছিলেন খালিদ আল-কাসরী। আল্লাহ তা'আলা সর্বাধিক অবগত। এ বছর আরও যাঁরা ইন্তিকাল করেন তাদের মধ্যে অন্যতম হলেন, ফকীহ আবু আমির সালিম ইব্ন আবদুল্লাহ ইব্ন উমর ইবনুল খাতাব। ইনি ছিলেন বিশিষ্ট ফকীহ ও আলিম।

তাঁর পিতা থেকে এবং অন্যদের থেকে তিনি একাধিক রিওয়ায়াত করেছেন। তিনি ছিলেন তার যুগের বিশিষ্ট আবিদ-যাহিদ। খলীফা হিশাম ইব্ন আবদুল মালিক যখন হজ্জ উপলক্ষে পবিত্র কা'বায় প্রবেশ করেন, তিনি হঠাতে সালিম ইব্ন আবদুল্লাহর দেখা পান। তিনি তাকে বলেন, সালিম তোমার কোন প্রয়োজন থাকলে বল। তিনি বলেন, আমি আল্লাহর ঘরে এসে অন্যের কাছে চাইতে লজ্জাবোধ করি। এরপর সালিম যখন বের হয়ে আসেন, তখন হিশাম তার পিছে বের হয়ে এসে বলেন, এখন তো তুমি আল্লাহর ঘর থেকে বের হয়ে এসেছ, কাজেই, এখন আমার কাছে তোমার কোন প্রয়োজন থাকলে বল। সালিম বলেন, দুনিয়ার প্রয়োজন নাকি আবিরাতের প্রয়োজন? হিশাম বলেন, দুনিয়ার প্রয়োজন। সালিম বলেন, যিনি দুনিয়ার মালিক তার কাছেও আমি দুনিয়ার কোন প্রয়োজন চাই না। কাজেই, যে তার মালিক নয়, তার কাছে কিভাবে চাব। সালিম জীবন্যাপনে কৃত্ত্বা অবলম্বন করতেন। তিনি মোটা ও খসখসে পশমী কাপড় পরিধান করতেন। নিজ হাতে তার জমি-জমার দেখাশোনা ও অন্যান্য কাজ করতেন, খলীফাদের থেকে কোন কিছু গ্রহণ করতেন না। তিনি ছিলেন বিনয়ী, অতি আঝীয় বৎসল এবং বিরাট যাহিদ ও মুস্তাকী।

আর এদের অন্যতম আরেকজন তাউস ইব্ন কায়সান আল-ইয়ামানী। তিনি ইব্ন আব্বাসের বিশিষ্ট শাগরিদ। এদের জীবনচরিত আমরা আমাদের রচিত আত্তাক্মীল গ্রন্থে উল্লেখ করেছি। সমস্ত প্রশংসা মহান আল্লাহর, আর এখানে আমরা সালিম ইব্ন আবদুল্লাহ ইব্ন উমর ইবনুল খাতাবের জীবনী তথ্যে সুবৃক্ষি ঘটিয়েছি। আর তাউস হলেন আবু আবদুর রহমান তাউস ইব্ন কায়সান আলইয়ামানী তিনি হলেন ইয়ামানবাসী তাবিদ্গণের প্রথম সারির অন্যতম। তিনি ঐ সকল পারসিকের অন্যতম যাদেরকে পারস্যরাজ কিসরা ইয়ামানে প্রেরণ করেছিলেন।

তাউস একদল সাহাবীর সাহচর্য লাভ করেন এবং তাদের থেকে হাদীস রিওয়ায়াত করেন। তিনি ছিলেন তার যুগের বিশিষ্ট ইমাম। যার মাঝে ইবাদত-বন্দেগী, দুনিয়াবিমুখতা, উপকারী

জ্ঞান ও নেক আমলের সমাবেশ ঘটেছিল। তিনি প্রায় পঞ্চাশজন সাহাবীর সাহচর্য লাভ করেন। তবে তার অধিকাংশ রিওয়ায়াত আবদুল্লাহ ইব্ন আব্রাস (রা) থেকে। তাঁর থেকে বহু বিশিষ্ট তাবিদ্বী হাদীস রিওয়ায়াত করেছেন, তনুধ্যে উল্লেখযোগ্য হলেন মুজাহিদ, আতা, আম্বর ইব্ন দীনার, ইবরাহিম ইব্ন মায়সারা, আবুয যুবায়র, মুহাম্মাদ ইবনুল মুনকাদির, যুহরী, হাবীব ইব্ন আবু ছাবিত, লায়ছ ইব্ন আবু সুলায়ম, যাহহাক ইব্ন মুযাহিম, আবদুল মালিক ইব্ন মায়সারাহ, আবদুল কারীম ইব্ন মুখারিক, ওয়াহব ইব্ন মুনাব্বিহ, মুগীরা ইব্ন হাকীম আস্সানানী, আবদুল্লাহ ইব্ন তাউস এবং অন্যান্য আরও অনেকে। ইজ্জরত অবস্থায় তাউস পরিত্র মক্কায় ইন্তিকাল করেন। এরপর খলীফা হিশাম ইব্ন আবদুল মালিক তার জানায়ার নামায পড়েন এবং তাঁকে পরিত্র মক্কায় দাফন করা হয়। মহান আল্লাহ তার প্রতি রহম করুন।

ইমাম আহমাদ বর্ণনা করেন আবদুর রায়খাক সূত্রে। তিনি বলেন, আমার পিতা বলেন, তাউস যখন পরিত্র মক্কায় ইন্তিকাল করেন, তখন তার জানায়ার পূর্বে খলীফা হিশাম প্রহরী দলসহ তার ছেলেকে পাঠান। তিনি আরও বলেন, আমি আবদুল্লাহ ইব্ন হাসানকে তার শবাধার বহন করতে দেখেছি। তিনি বলেন, (এসময়) তার মাথার টুপি পড়ে যায় এবং তার পরিধেয় চাদরের প্রান্ত ছিন্নভিন্ন হয়ে যায় (অর্থাৎ ভিড়ের কারণে) আর কেনই বা এমন হবে না। অথচ, নবী সাল্লাল্লাহু আলায়হি ওয়া সাল্লাম ইরশাদ করেছেন **يَمَانْ يَمَانْ** ঈমান হল ইয়ামানী। এই হাদীস ও অন্য হাদীসে এই ইঙ্গিতকৃতদের মধ্য থেকে অন্যতম হলেন, আবু মুসলিম, আবু ইদরীস, ওয়াহব, কাব ও তাউস। এছাড়াও আরও অনেকে রয়েছেন। যামরাহ বর্ণনা করেন, ইব্ন শাওয়াব থেকে। তিনি বলেন, একশ' পাঁচ হিজরীতে আমি পরিত্র মক্কায় তাউসের জানায়া প্রত্যক্ষ করেছি। এ সময় লোকেরা বলছিল, মহান আল্লাহ আবু আবদুর রহমানের রহম করুন, তিনি তো চলিশবার হজ্জ করেছেন।

আবদুর রায়খাক বলেন, আমার পিতা আমাকে বর্ণনা করেছেন। তিনি বলেন, হজ্জরত অবস্থায় মুয়দালিফায় কিংবা মিনায় তাউস ইন্তিকাল করেন। তাকে যখন খাটিয়ায় উঠানো হয়, তখন আবদুল্লাহ ইব্ন হাসান ইব্ন আলী তার খাটিয়ার পা ধরেন এবং কবরে পৌছার পূর্বে তিনি তা ছাড়েননি। ইমাম আহমাদ বলেন, আবদুর রায়খাক সূত্রে তিনি বলেন, একবার তাউস পরিত্র মক্কায় আগমন করেন এবং এ সময় খলীফাও সেখানে আগমন করেন। তখন তাউসকে বলা হয় তার অমুক অমুক শুণ রয়েছে, আপনি যদি তার সাথে দেখা করতেন, তাহলে খুব ভাল হতো। তিনি বলেন, তার কাছে তো আমার কোন প্রয়োজন নেই। তারা বলেন, আমরা তো আপনার ব্যাপারে শক্তি। তিনি বলেন, তাহলে তো সে তেমন ওলী নয় যেমন তোমরা বলছ। ইব্ন জারীর বলেন, আমাকে আতা বলেছেন, এরপর তাউস আমার কাছে এসে বলেন, হে আতা! এ ব্যক্তির কাছে তোমার প্রয়োজন উথাপন থেকে বিরত থাক, যে তোমার সম্মুখে তার দ্বার রুক্ষ করে রেখেছে এবং তার পশ্চাতে প্রহরী বসিয়েছে। এর পরিবর্তে ভূমি তার কাছে প্রার্থনা কর, যার দ্বার তোমার জন্য কিয়ামত পর্যন্ত উন্মুক্ত। যিনি তাকে আহ্বান করার জন্য তোমাকে নির্দেশ দিয়েছেন এবং তোমার আহ্বানে সাড়া দানের প্রতিশ্রুতি দিয়েছেন। ইব্ন জারীহ মুজাহিদ সূত্রে তাউস থেকে বলেন, **أَوْلَئِكَ يُنَادُونَ مِنْ مَكَانٍ بَعِيدٍ** তাদেরকে যেন আহ্বান করা হয় বহুদূর থেকে- অর্থাৎ তাদের অন্তর থেকে দূরবর্তী স্থান থেকে। আহজারী বর্ণনা করেন, সুফয়ান থেকে, তিনি লায়ছ থেকে। তিনি বলেন, আমাকে (একবার) তাউস

বলেন, তুমি যা কিছু শিক্ষা কর নিজের জন্য শিক্ষা কর। কেননা, মানুষের থেকে সততা ও বিশ্বস্ততা গত হয়েছে। আবদুর রহমান ইব্ন মাহ্মী হাম্মাদ ইব্ন যায়দ সূত্রে সালত ইব্ন রাশিদ থেকে বর্ণনা করেন। তিনি বলেন, একবার আমরা তাউসের কাছে ছিলাম, এমন সময় তার কাছে খোরাসানের গভর্নর মুসলিম ইব্ন কৃতায়বা ইব্ন মুসলিম আগমন করে। এ সময় সে তাউসকে কোন কিছু সম্পর্কে প্রশ্ন করে। তাউস তাকে ধর্মক দেন। আমি তাকে বলি, ইনি খোরাসানের গভর্নর মুসলিম ইব্ন কৃতায়বা। তিনি বলেন, তা আমার কাছে তার জন্য অধিক অপদস্থকর। এ ছাড়া একবার তিনি তাউসকে বলেন, আপনার গৃহের সংস্কারের প্রয়োজন। তিনি বলেন, আমার জীবন সন্ধ্যা ঘনিয়ে এসেছে! আবদুর রায়খাক বর্ণনা করেন, মা'মার সূত্রে তাউসের ছেলে থেকে বর্ণনা করেন, **وَخَلَقَ الْأَنْسَانُ ضَعِيفًا**, আর মানুষকে দুর্বলরূপে সৃষ্টি করা হয়েছে – এই আয়াতের ব্যাখ্যায় তাউস বলেন, অর্থাৎ নারীদের ব্যাপারে। কেননা, অন্য কোন ব্যাপারে ততটুকু দুর্বল নয় যতটুকু দুর্বল নারীদের ব্যাপারে। আবু বাকর ইব্ন আবু শায়বা বর্ণনা করেন, ইয়াহুইয়া ইব্ন বুকায়র সূত্রে তাউস থেকে। তিনি বলেন, (একবার) হ্যরত ঈসা ইব্ন মারইয়াম ইবলীসের দেখা পান। ইবলীস হ্যরত ঈসাকে বলে, আপনি কি বিশ্বাস করেন? না যে, আল্লাহ আপনার তাকদীরে যা লিপিবদ্ধ করেছে তা ছাড়া অন্য কিছু আপনাকে স্পর্শ করবে না? তিনি বলেন, হ্যাঁ। ইবলীস বলে, তাহলে আপনি এই পাহাড়ের চূড়ায় আরোহণ করে সেখান থেকে লাফ দিয়ে নীচে পতিত হোন, তারপর দেখুন আপনি জীবিত থাকেন কিনা? তখন হ্যরত ঈসা বলেন, তুমি কি জান না আল্লাহ তা'আলা বলেন, আমার বান্দা যেন আমাকে যাচাই করতে না যায়। কেননা, আমার যা ইচ্ছা হয় আমি তাই করি। যুহুরী সূত্রে তার একটি বর্ণনায় রয়েছে, তিনি বলেন, হ্যরত ঈসা তখন বলেন, বান্দা তার রবকে যাচাই করবে না। কিন্তু, রব তার বান্দাকে যাচাই করবেন। অন্য এক রিওয়ায়াতের ভাষ্য হলো, বান্দা তার রবকে পরীক্ষা করবে না কিন্তু রব তার বান্দাকে পরীক্ষা করবেন। তাউস বলেন, এভাবে ঈসা (আ) ইবলীসকে যুক্তিতে পরাত্ত করেন। ফুয়ায়ল ইব্ন আয়ায় বর্ণনা করেন, লায়হ সূত্রে তাউস থেকে তিনি বলেন, পুণ্যবানদের হজ্জ হলো বাহনে আরোহণ করা। তার থেকে আবদুল্লাহ ইব্ন আহমাদ তা রিওয়ায়াত করেছেন।

ইয়াম আহমাদ বর্ণনা করেন আবু ছামিলাহ সূত্রে ইব্ন আবু দাউদ থেকে। তিনি বলেন, আমি তাউস এবং তার কতক শাগরিদকে দেখেছি তারা যখন আসরের নামায শেষ করতেন তখন কারও সাথে কথা না বলে কিবলামুখী হয়ে বসে থাকতেন এবং আল্লাহর দরবারে অকাতর প্রার্থনায় মশগুল হতেন। তিনি বলেন, যে ব্যক্তি কৃপণতা করেনি এবং ইয়াতীমের অর্থ-সম্পদের দায়িত্ব গ্রহণ করেনি, সে কখনও অভাবঘন্ট হবে না। আবু দাউদ তায়ালিসী তার থেকে রিওয়ায়াত করেছেন। এ ছাড়া তাবারানী তা রিওয়ায়াত করেছেন মুহাম্মাদ ইব্ন ইয়াহুইয়া ইবনুল মুন্দির সূত্রে আবু দাউদ থেকে। তিনি তার ছেলেকে উপদেশ দিয়ে বলেন, হে বৎস! জ্ঞানীদের সাহচর্য অবলম্বন কর, তাহলে তুমি তাদের পরিচয়ে পরিচিত হবে যদিও তুমি তাদের অস্তর্ভুক্ত না হও। আর মূর্খদের সাহচর্য গ্রহণ করো না, তাহলে তাদের অস্তর্ভুক্ত না হয়েও তুমি তাদের মধ্যে গণ্য হবে। আর জেনে রাখ, সবকিছুর চূড়ান্ত সীমা রয়েছে আর মানুষের উৎকর্ষের চূড়ান্ত সীমা হলো জ্ঞান ও বুদ্ধির সৌন্দর্য। (একবার) এক ব্যক্তি তাকে একটি মাসআলা সম্পর্কে জিজ্ঞাসা করে। তিনি তাকে ধর্মক দেন। সে বলে, হে আবদুর রহমানের পিতা! আমি তো আপনার তাই। তিনি বলেন, অন্যদেরকে বাদ দিয়ে আমার তাই। অন্য এক রিওয়ায়াতে আছে, একবার এক খারজী তাকে কোন বিষয়ে প্রশ্ন করলে তিনি তাকে

ধমক দেন। সে বলে, আমি তো আপনার ভাই! তিনি বলেন, সকল মুসলমানদের মধ্য থেকে? আফ্ফান বর্ণনা করেছেন হাস্তাদ ইব্ন যায়দ সূত্রে আযুব থেকে। তিনি বলেন, (একবার এক ব্যক্তি তাউসকে কোন কিছু সংস্কে প্রশ্ন করে, তিনি তাকে ধমক দেন। তারপর তাকে বলেন, তুমি কি চাও আমার গলায় রশি ঝুলিয়ে আমাকে প্রদক্ষিণ করানো হোক। একবার তাউস এক দরিদ্র ব্যক্তিকে দেখেন যার চোখ ছিল দৃষ্টিহীন এবং কাপড় ছিল ময়লা। তিনি তাকে বলেন, দারিদ্র্য না হয় মহান আল্লাহ'র পক্ষ থেকে, কিন্তু পানি ব্যবহারে পরিষ্কন্ত হতে তোমার বাধা কোথায়?

তাবারানী তার থেকে বর্ণনা করেছেন, তিনি বলেন, কোন কোন মূল্য স্বীকার করা তাতে অবস্থান করার চেয়ে উচ্চ। আবদুর রায়্যাক সূত্রে দাউদ ইব্ন ইবরাহীম থেকে বর্ণিত আছে যে, একবার হজ্জের পথে সিংহ লোকদের পথ রূক্ষ করে রাখে। এরপর রাতের শেষ প্রহরে সিংহ চলে যায়। তখন লোকেরা স্ব স্ব বাহন থেকে নেমে ঘুমে অচেতন হয়ে যায় আর তাউস নামাযে দাঁড়িয়ে যান। তখন এক ব্যক্তি তাকে বলে, অন্য এক বর্ণনায় তার ছেলে বলে, আপনি কি ঘুমাবেন না। আজ রাতে জেগে থেকে আপনি তো ক্লান্ত হয়ে পড়েছেন? তখন তিনি বলেন, রাতের শেষ প্রহরে কি কেউ সুমায়? অন্য এক রিওয়ায়াতে আছে, কেউ যে রাতের শেষ প্রহরে ঘুমায় এ ধারণা আমার ছিল না। তাবারানী বর্ণনা করেছেন, আবদুর রায়্যাক সূত্রে ইব্ন তাউস থেকে। তিনি বলেন, একবার আমি আমার পিতাকে বললাম, মায়িতের জন্য সবচেয়ে উপকারী আমল কোনটি। তিনি বলেন, ইসতিগ্ফার। তাবারানী বর্ণনা করেন, আবদুর রায়্যাক থেকে তিনি বলেন, আমি নু'মান ইব্ন যুবায়র আস্সানআনীকে বর্ণনা করতে শুনেছি, একবার (আমীর) মুহাম্মাদ ইব্ন ইউসুফ কিংবা আযুব ইব্ন ইয়াহুয়া তাউসের কাছে সাতশ' দীনার পাঠান এবং দৃতকে বলেন, যদি তিনি তোমার থেকে তা গ্রহণ করেন, তাহলে আমীর তোমাকে মূল্যবান পোশাক ও বখশিশ দান করবেন। বর্ণনাকারী বলেন, তখন সে তা নিয়ে তাউসের কাছে আগমন করে। এরপর তাকে বলে, হে আবদুর রহমানের পিতা! আপনার জন্য আমীর কিছু হাত খরচ পাঠিয়েছেন। তিনি বলেন, তাতে আমার কোন প্রয়োজন নেই। সেই দৃত সর্ব উপায়ে তাকে তা প্রদানের চেষ্টা করে; কিন্তু তিনি তা গ্রহণে অঙ্গীকৃতি জানান। এমন সময় তাউসের অলঙ্কৃত লোকটি ঐ দীনারের থলে বাড়ীর জানালা দিয়ে ভিতরে নিক্ষেপ করে তারপর আমীরের কাছে ফিরে গিয়ে বলে, তিনি তা গ্রহণ করেছেন। এর কিছুদিন পর তাউসের সম্পর্কে তাদের কাছে অপ্রীতিকর কিছু সংবাদ পৌছে। তারা বলল, তার কাছে লোক পাঠানো হোক, তিনি যেন আমাদের হাদিয়া ফিরিয়ে দেন। এরপর দৃত তার কাছে এসে বলে ইতোপূর্বে আমীর আপনাকে যে অর্থ প্রদান করেছেন তা আমার কাছে ফিরিয়ে দিন। তিনি বলেন, আমি তো তা গ্রহণই করিনি। সে দৃত ফিরে গিয়ে তাদেরকে বিষয়টি অবহিত করে। তারা বুঝতে পারে তিনি সত্য বলেছেন। তারা বলে, যে ব্যক্তি তার কাছে ঐ মাল নিয়ে গিয়েছিল তাকে পাঠিয়ে দেখ। তারা তাকে তাউসের কাছে পাঠায়। সে এসে বলে, হে আবদুর রহমানের পিতা! আপনার কাছে আমি যে মাল নিয়ে এসেছিলাম তার কী হলো? তিনি বললেন, আমি কি তোমার থেকে কিছু গ্রহণ করেছিলাম? সে বলে না! বর্ণনাকারী বলেন, তখন ঐ ব্যক্তি যে স্থানে তা নিক্ষেপ করেছিল সেখানে গিয়ে দেখে তা যেমন ছিল তেমনই আছে, আর মাকড়সা তার উপর জাল বুনেছে। সে তা নিয়ে চলে যায়।

(একবার) খলীফা সুলায়মান ইব্ন আবদুল মালিক যখন হজ করেন, তিনি তার সহচরদের বলেন, আমার কাছে একজন বিজ্ঞ ফকীহকে নিয়ে আস, আমি তাকে হজ্জের কিছু

বিধি-বিধান জিজ্ঞাসা করব। বর্ণনাকারী বলেন, তার প্রহরী সেই ফকীহ-এর সঙ্গানে বেরিয়ে পড়ে। এমন সময় তাউস সে স্থান অতিক্রম করেন। তখন লোকেরা বলে, ইনি (বিশিষ্ট ফকীহ) তাউস আল ইয়ামানী। খলীফার প্রহরী তাকে ধরে বলে, আপনি আমীরুল মু'মিনীনের আহ্বানে সাড়া দিন। তিনি বলেন, আমাকে অব্যাহতি দিন। কিন্তু প্রহরী তাকে না ছেড়ে খলীফার সাক্ষাতে প্রবেশ করায়। তাউস বলেন, আমি তখন খলীফার সামনে দাঁড়িয়ে তাকে বলি, মহান আল্লাহ আমাকে আমার এই অবস্থান সম্পর্কে প্রশ্ন করবেন। একবার তিনি বলেন, হে আমীরুল মু'মিনীন! জাহান্নামের পাড়ে একটি প্রস্তরখণ্ড ছিল, যা সন্তুর বছর অনবরত নিম্নে পতিত হওয়ার পর তার তলদেশে গিয়ে ঠেকেছে। আপনি কি জানেন কার জন্য মহান আল্লাহ তা প্রস্তুত করেছেন? তিনি বললেন, না। তুমি তো সর্বনাশা কথা বলছ, কার জন্য মহান আল্লাহ তা প্রস্তুত করেছেন? তিনি (তাউস) বলেন, তাকে মহান আল্লাহ তার শাসন ও বিচার-কর্তৃত্বে শরীক করেছেন। তারপর সে তাতে অন্যায় ও অবিচার করেছে। ইমাম যুহরী উল্লিখিত অপর এক বর্ণনায় রয়েছে যে, (হজ্জের মওসুমে) খলীফা সুলায়মান ইব্ন আবদুল মালিক সুদর্শন ও গুণবান এক ব্যক্তিকে তওয়াফ করতে দেখে জিজ্ঞাসা করেন। হে যুহরী, এই ব্যক্তি কে? আমি বলি, ইনি তাউস, ইনি একাধিক সাহাবীর সাহচর্য লাভ করেছেন। সুলায়মান দৃত মারফত তাকে ডেকে পাঠান এবং তিনি তার কাছে আসেন। সুলায়মান বলেন, আপনি যদি আমাদেরকে হাদীস বর্ণনা করতেন! তিনি বলেন, আমাকে আবু মুসা (রা) হাদীস বর্ণনা করেছেন, তিনি বলেন, রাসূলুল্লাহ সাল্লাল্লাহু আলায়হি ওয়া সাল্লাম ইরশাদ করেন-

إِنَّ إِهْوَنَ الْخَلْقِ عَلَى اللَّهِ عَزَّ وَجَلَّ مَنْ وَلَى مِنْ أُمُورِ الْمُسْلِمِينَ شَيْئًا فَلَمْ يَعْدِلْ فِيهِمْ -

‘আল্লাহর কাছে সবচেয়ে হীন/নীচ সৃষ্টি হলো যে মুসলমানদের কোন শাসন/বিচার কর্তৃত্ব লাভ করে, তারপর তাদের মাঝে ইনসাফ করে না। সুলায়মানের মুখমণ্ডল বিবর্ণ হয়ে যায় এবং তিনি মাথা ঝুঁকিয়ে রাখেন। তারপর তিনি মাথা উঠিয়ে তাকে বলেন, আপনি যদি আমাদেরকে (আরও) হাদীস শোনাতেন! তিনি বলেন, নবী করীম (সা)-এর জনৈক সাহাবী আমাকে বর্ণনা করেছেন— ইব্ন শিহাব বলেন, আমার ধারণা তিনি হ্যবরত আলীকে উদ্দেশ্য করেন— তিনি বলেন, একবার রাসূলুল্লাহ সাল্লাল্লাহু আলায়হি ওয়া সাল্লাম আমাকে কুরায়শদের মজলিসে খাওয়ার জন্য ডেকে পাঠান। তারপর বলেন, কুরায়শের উপর তোমাদের অধিকার রয়েছে, আর তাদের উপর মানুষের অধিকার রয়েছে, তাদের কাছে দয়া প্রার্থনা করলে তারা দয়া করবে, তাদেরকে বিচারক বানানো হলে তারা ন্যায়বিচার করবে, তাদের কাছে আমানত রাখা হলে তারা তা আদায় করবে, আর যে তা করবে না তার উপর মহান আল্লাহর ফেরেশতাকুলের এবং সকল মানুষের অভিশাপ। মহান আল্লাহ তার থেকে কোন (আমল) কিছুই গ্রহণ করবেন না। বর্ণনাকারী বলেন, তখন সুলায়মানের চেহারা বিবর্ণ হয়ে যায় এবং তিনি দীর্ঘক্ষণ মাথা ঝুঁকিয়ে থাকেন, তারপর বলেন, যদি আপনি আমাদেরকে হাদীস বর্ণনা করতেন! তখন তিনি বলেন, আমাকে ইব্ন আববাস (রা) বর্ণনা করেছেন যে, কিতাবুল্লাহুর সর্বশেষ আয়াত হলো :

وَأَتَقْوِا يَوْمًا تُرْجَعُونَ فِيهِ إِلَى اللَّهِ ثُمَّ تُوَفَّى كُلُّ نَفْسٍ مَا كَسَبَتْ وَهُمْ لَا يُظْلَمُونَ -

‘তোমরা সেই দিনকে ভয় কর যেদিন তোমরা আল্লাহর দিকে প্রত্যানীত হবে, তারপর প্রত্যেককে তার কর্মের ফল পুরাপুরি প্রদান করা হবে। আর তাদের প্রতি কোনরূপ অন্যায় করা হবে না’ (২ : ২৮১)।

আবদুল্লাহ ইবন আহমাদ ইবন হাস্বল বর্ণনা করেছেন আবু আমার সূত্রে ইবরাহীম ইবন মায়সারা থেকে। তিনি বলেন, (একবার) উমর ইবন আবদুল আরীয় তাউসকে বলেন, আমীরুল মু’মিনীন অর্থাৎ সুলায়মান ইবন আবদুল মালিকের কাছে তোমার প্রয়োজন উপাখন কর। তিনি বলেন, তার কাছে আমার কোন প্রয়োজন নেই। তিনি যেন এ থেকে আশ্চর্য হলেন। সুফিয়ান বলেন, কিবলামুখী হয়ে শপথ করে ইবরাহীম আমাদেরকে বলেন, শপথ কা’বা গৃহের প্রতিপালকের, তাউস ব্যতীত আমি এমন কাউকে দেখিনি যার চোখে সজ্জান্ত ও নিম্ন শ্রেণীর সকল মানুষ একই শ্রেণীভূক্ত। তিনি বলেন, একবার সুলায়মান ইবন আবদুল মালিকের ছেলে তাউসের পাশে এসে বসেন; কিন্তু তার দিকে তিনি ফিরে তাকাননি। তাকে বলা হয়, আপনার কাছে আমীরুল মু’মিনীনের ছেলে বসেছে। কিন্তু আপনি তার দিকে ফিরেননি? তিনি বলেন, আমি চেয়েছি সে এবং তার পিতা জানুক যে, আল্লাহর এমন বাদ্দারা রয়েছে যারা তাদের ব্যাপারে এবং তাদের ধনসম্পদের ব্যাপারে নির্মোহ / নিরাসক। আবদুল্লাহ ইবন আহমাদ বর্ণনা করেন, তাউসের ছেলে থেকে তিনি বলেন, একবার আমরা হজ্জের উদ্দেশ্যে বের হয়ে কোন এক বসতিতে যাত্রা-বিরতি করি। আমি শাসকদের প্রতি আমার পিতার কঠোরতা ও কঢ়তার কারণে তার ব্যাপারে শক্তি থাকতাম। আর সেই বসতিতে হাজ্জাজ ইবন ইউসুফের ভাই আয়ুব ইবন ইয়াহয়া নামক মুহাম্মাদ ইবন ইউসুফের জনৈক প্রশাসক অবস্থান করছিল। কারও কারও মতে তার নাম ছিল ইবন নাজীহ। আর অহংকার ও গুরুত্বে সে ছিল তার নিকৃষ্টতম প্রশাসক। তাউসের ছেলে বলেন, এরপর আমরা মসজিদে ফজরের নামায পড়ি, এমন সময় ইবন নাজীহ তাউসের আগমনের কথা জানতে পেরে সেখানে উপস্থিত হয় এবং তার সামনে এসে বসে তাকে সালাম করে কিন্তু তিনি তার জবাব দেননি। তারপর সে তার সাথে কথা বলতে উদ্যত হয়। কিন্তু তিনি নীরব থাকেন/ তাকে এড়িয়ে যান। তারপর সে আরেক দিক থেকে তার সাথে কথা বলার চেষ্টা করে। কিন্তু তিনি তাকে এড়িয়ে যান। এভাবে আমি যখন তার মনের অবস্থা বুঝতে পারি, তখন উঠে গিয়ে তার হাত ধরে বলি, আবদুর রহমানের পিতা! আপনাকে চিনতে পারেননি। আমার একথা শুনে তিনি বলে উঠেন, অবশ্যই আমি তাকে চিনি। তখন সেই আমীর প্রশাসক নিজেও বলেন, হ্যাঁ, তিনি অবশ্যই আমাকে চিনেন। আর আমাকে চেনার পরও আমার সাথে তার আচরণ তুমি প্রত্যক্ষ করলে! এরপর সে চলে যায় কিন্তু তাউস কোন কিছু না বলে চুপ থাকেন। এরপর আমি যখন গৃহে প্রবেশ করি, তখন তিনি আমাকে ডর্সনা করে বলেন, হে নির্বোধ! তুমি যখন বলছিলে আমি তো তখন তাদের বিরুদ্ধে তরবারি নিয়ে বের হতে চাচ্ছিলাম, আর তুমি তোমার জিহ্বা সংযত রাখতে পারলে না। আবু আবদুল্লাহ আশশামী বলেন, একবার আমি তাউসের গৃহে এসে তাঁর সাক্ষাতের অনুমতি প্রার্থনা করি। তাঁর এক বয়োবৃন্দ ছেলে আমার সাক্ষাতে বের হয়ে আসে। আমি বলি, আপনিই কি তাউস? তিনি বলেন, না, আমি তো তার ছেলে। আমি বলি, আপনিই যদি তার ছেলে হয়ে থাকেন, তাহলে তিনি তো নিচয় বার্ধক্য বিভ্রমের শিকার হয়েছেন। তিনি বলেন,

বলেন, সংক্ষেপে প্রশ্ন কর। আমি বলি, আপনি যদি আমাকে সারগর্ড ও সংক্ষেপ কথা বলেন, তাহলে আমি আপনার সাথে সংক্ষেপণ অবলম্বন করব। তিনি বলেন, তুমি কি চাও আমি আমার এই মজলিসে তোমাকে তাওরাত ইনজীল ও কুরআনের জ্ঞান দান করি। আবু আবদুল্লাহ্ বলেন, আমি বললাম, হ্যাঁ! তিনি বলেন! আল্লাহকে সবচেয়ে বেশী ভয় করবে এবং তার চেয়ে বেশী করে তার অনুগ্রহের প্রত্যাশা করবে আর নিজের জন্য যা কামনা করবে সকল মানুষের জন্য তা কামনা করবে।

তাবারানী বলেন, ইসহাক ইব্ন ইবরাহীম সূত্রে তাউস থেকে। তিনি বলেন, কিয়ামতের দিন ধনসম্পদ ও তার মালিককে উপস্থিত করা হবে। তখন তারা বিবাদে লিঙ্গ হবে। এরপর মালিক তার ধনসম্পদকে সংযোগ করে বলবে, আমি তো তোমাকে অমুক বৎসরের অমুক মাসের অমুক দিনে সঞ্চয় করেছি। ধনসম্পদ বলবে, আমি কি তোমার প্রয়োজনাদি পূরণ করিনি। আমিই তো তোমার মাঝে এবং মহান আল্লাহ্ তোমাকে আমার প্রতি ভালবাসার যে নির্দেশ দিয়েছেন তার মাঝে অন্তরায় হয়েছি। তখন সম্পদের অধিকারী বলবে, এই যে অর্থ-সম্পদ আমার কাছে নিঃশেষ হয়েছে তা তো আমাকে বাঁধার দড়ি। উচ্ছমান ইব্ন আবু শায়াবাহ্ বলেন, তার পিতার সূত্রে হাবীব ইব্ন আবু ছাবিত থেকে। তিনি বলেন, আমার কাছে এমন পাঁচ ব্যক্তি (একবার) একত্র হয়েছেন, যাদের ন্যায় জামাআত কখনও একত্র হয়নি। তাঁরা আতা, তাউস, মুজাহিদ, সাঈদ ইব্ন জুবায়র ও ইকরিমাহ্। সুফ্যান বলেন, আমি উবায়দুল্লাহ্ ইব্ন আবু ইয়ায়ীদকে প্রশ্ন করলাম, আপনি কার সাথে ইব্ন আববাসের সাক্ষাতে প্রবেশ করতেন? তিনি বলেন, আতা এবং অন্যান্য সাধারণ লোকদের সাথে। আর তাউস প্রবেশ করতেন বিশেষ লোকদের সাথে। হাবীব বলেন, তাউস আমাকে বলেন, আমি যখন তোমাকে এমন কোন হাদীস বর্ণনা করি, যা আমি সুস্বার্যস্ত করেছি, তাহলে সে সম্পর্কে অন্য কাউকে প্রশ্ন করো না। অন্য রিওয়ায়াতে আছে, তাহলে সে সম্পর্কে আমাকে ছাড়া অন্য কাউকে প্রশ্ন করো না।

আবু উসামা বলেন, আ'মাশ সূত্রে তাউস থেকে। তিনি বলেন, আমি পঞ্চাশজন সাহাবীর সাক্ষাৎ পেয়েছি। ইমাম আহমাদ (র) বলেন, আবদুর রায়্যাক সূত্রে তাউসপুত্র থেকে, তিনি বলেন, (একবার) আমি আমার পিতাকে বললাম, আমি অমুক নারীকে বিবাহ করতে চাই। তিনি বললেন, যাও গিয়ে তাকে দেখে আস। তাউসের ছেলে বলেন, তখন আমি গিয়ে আমার মাথা ধুয়ে তেল মেখে আমার উৎকৃষ্ট কাপড় পরিধান করলাম। এরপর তিনি যখন আমাকে এ অবস্থায় দেখলেন, তখন বললেন, তুমি কোথাও যেও না, বাড়ীতেই অবস্থান কর। আবদুল্লাহ্ ইব্ন তাউস বলেন, আমার পিতা যখন (হজ্জ উপলক্ষে) পবিত্র মক্কা সফরে যেতেন, তখন একমাস পথ চলতেন। আবার যখন ফিরতেন তখনও এক মাসে ফিরতেন। আমি তাকে এ ব্যাপারে জিজ্ঞাসা করলে তিনি বলেন, আমার কাছে এই হাদীস পৌছেছে যে, কোন ব্যক্তি যখন মহান আল্লাহর কোন আনুগত্য সম্পাদনে বের হয়, তখন স্বগতে প্রত্যাবর্তনের পূর্ব পর্যন্ত তাকে মহান আল্লাহর পথের পথিক গণ্য করা হয়। হামযাহ্ বলেন, হিলাল ইব্ন কা'ব সূত্রে তিনি বলেন, তাউস যখন ইয়ামান থেকে বের হতেন, তখন জাহিলিয়াতের চিহ্নিত ঐ সকল প্রাচীন উৎস ব্যক্তিত পানি পান করতেন না। একবার এক ব্যক্তি তাকে বলল, আমার জন্য মহান আল্লাহর কাছে দুআ করুন। তিনি বলেন, তুমি নিজেই নিজের জন্য দুআ কর। কেননা, কোন নিরূপায় বান্দা যখন তাকে আহ্বান করে, তখন তিনি তার আহ্বানে সাড়া দেন।

তাবারানী বলেন, ইসহাক ইব্ন ইবরাহীম সূত্রে তাউস থেকে তিনি বলেন, প্রাচীনকালে এক জ্ঞানী ও বুদ্ধিমান ব্যক্তি ছিল। তিনি যখন বৃক্ষ হলেন, তখন চলৎশক্তি রহিত হয়ে স্বগ্রহে অবস্থান গ্রহণ করলেন। একদিন তিনি তার ছেলেকে বললেন, গৃহে অবস্থান আমার কাছে এক ঘেয়ে হয়ে উঠেছে, যদি তুমি আমার কাছে/ সাহচর্যে কয়েক ব্যক্তিকে ডেকে আনতে, তাহলে তারা আমার সাথে কথা বলতে পারত। তার ছেলে গিয়ে একদল লোক একত্র করে বলল, তোমরা সকলে আমার পিতার সাথে সাক্ষাৎ কর এবং তার সাথে কথাবার্তা বল। বর্ণনাকারী বলেন, তারা তার সাক্ষাতে প্রবেশ করল। তিনি সর্বপ্রথম তাদের সাথে যে কথা বললেন, তা হলো সর্বোৎকৃষ্ট বিচক্ষণতা/দ্রুদর্শিতা হলো আল্লাহভীতি, জগন্যতম অপারগতা হলো পাপাচার। কোন ব্যক্তি যখন বিবাহ করে সে যেন সম্ভবে বিবাহ করে। যদি তোমরা একটি পাপাচার অবগত হও, তাহলে তার ব্যাপারে সতর্ক হয়ে যাও। কেননা, এর আরও অনেক সদৃশ রয়েছে। সালামা ইব্ন শাবীর বর্ণনা করেন, আহমাদ ইব্ন নাসর ইব্ন মালিক সূত্রে উমর ইব্ন মুসলিম আলজিরী থেকে, তিনি বলেন, (মৃত্যুর পূর্বে) তাউস তার ছেলেকে বলেন, আমাকে দাফন করার পর তুমি আমার কবর দেখবে, যদি তুমি আমাকে সেখানে না পাও, তাহলে মহান আল্লাহর শোকর আদায় করবে। আর যদি পাও, তাহলে ইন্না লিল্লাহি ওয়া ইন্না ইলায়হি রাজিউন পড়বে। আবদুল্লাহ বলেন, তার জনৈক ছেলে আমাকে জানিয়েছেন যে, তিনি লক্ষ্য করে তাকে তার কবরে দেখেননি এবং তার কবরে কোন কিছু পাননি। আর (এ সময়) তার মুখ্যমন্ত্রে আনন্দের আভা প্রকাশ পেল। কাবীসাহু বর্ণনা করেন, সুফয়ান সূত্রে সাঈদ ইব্ন মুহাম্মাদ সূত্রে তিনি বলেন, তাউস মাঝে মাঝে এই দুআ করতেন, আয় আল্লাহ! আমাকে সন্তান-সন্ততি ও ধন-সম্পদের আধিক্য থেকে বঞ্চিত রাখুন এবং ঈমান-আমল দান করুন। সুফয়ান বর্ণনা করেন, মামার সূত্রে যুহুরী থেকে তিনি বলেন, যদি তুমি তাউস ইব্ন কায়সানকে দেখতে, তাহলে বুঝতে পারতে তিনি মিথ্যা বলতে পারেন না। আওন ইব্ন সালাম বর্ণনা করেন, জাবির ইব্ন মানসূর সূত্রে ইমরান ইব্ন খালিদ আল খুয়াঙ্গি থেকে, তিনি বলেন, (একবার) আমি আতা-এর নিকট বসা ছিলাম। এমন সময় এক ব্যক্তি এসে বলল, হে আবু মুহাম্মাদ! তাউস দাবী করেন, যে ব্যক্তি ইশার নামাযের পর দুই রাকআত নামায পড়বে যার প্রথম রাকআতে সে এবং **تَبَارَكَ الَّذِي بَيْدَهُ الْمَالِ** - تَنْزِيل দ্বিতীয় রাকআতে সে পড়বে, তার আমলনামায আরাফায় অবস্থানের এবং শবে কদরের ছাওয়ার লিখা হবে। আতা বলেন, তাউস সত্য বলেছেন, আমি কখনও এ দুটি সূরা নামাযে ছাড়িনি। ইব্ন আবুস সারী বলেন মামার সূত্রে তাউস থেকে তিনি বলেন, বানু ইসরাইলের এক ব্যক্তি পাগলদের চিকিৎসা করত। এ সময় এক সুন্দরী নারীর মন্তিষ্ঠ-বিকৃতি দেখা দিল। তখন তাকে লোকটির কাছে আনা হলো এবং সে তার সৌন্দর্যে মুঝ হলো। চিকিৎসার প্রয়োজনে তার কাছে অবস্থানকালে একদিন সে তার সতীত্ব হরণ করল। ফলে স্ত্রীলোকটি গর্ভবতী হয়ে পড়ল। এ সময় শয়তান তার কাছে এসে বলল, লোকেরা এ ব্যাপারটি জানতে পারলে তুমি কলঙ্কিত হবে। কাজেই, তুমি তাকে হত্যা করে তোমার ঘরে তাকে দাফন কর। (শয়তানের কথা মত) সে তাকে হত্যা করে দাফন করল। কিছুদিন পর স্ত্রীলোকটির স্বজনরা এসে তার কথা জিজ্ঞাসা করল। সে বলল, সে মারা গেছে। তখন লোকটির সততা ও মর্যাদার কথা বিবেচনা করে তারা তাকে অভিযুক্ত করল না। এ সময় শয়তান তাদের কাছে এসে বলল, সে তো মারা যায়নি। প্রকৃত

ঘটনা হলো সে তার সতীত্ব হরণ করায় সে গর্ভবতী হয়ে পড়েছিল। তখন সে তাকে হত্যা করে তার ঘরের অমুক স্থানে দাফন করে রেখেছে। তার স্বজনেরা এসে বলল, আমরা তার হত্যার ব্যাপারে আপনাকে অভিযুক্ত করছি না। তবে আমাদেরকে বলুন, আপনি তাকে কোথায় দাফন করেছেন? আর আপনার সাথে কে ছিল? তারা তার ঘরের মাটি খুঁড়ে তাকে সেখানেই পেল যেখানে সে তাকে দাফন করেছিল। তখন তারা তাকে ধরে নিয়ে বন্দী করে রাখল। শয়তান তার কাছে এসে বলল, আমি তোমার হিতাকাঙ্ক্ষী। তুমি যদি চাও আমি তোমাকে তোমার বিপদ থেকে উদ্ধার করি, তাহলে তুমি আল্লাহকে অস্তীকার কর। সে শয়তানের অনুসরণ করে আল্লাহ তা'আলাকে অস্তীকার করল, এরপর তাকে হত্যা করা হলো শয়তান তার থেকে নিঃসম্পর্কতা ঘোষণা করল। তাউস বলেন, আমার জানা মতে এই ব্যক্তি ও এর অনুরূপ লোকদের ব্যাপারেই এই আয়াত নাখিল হয়েছে:

كَمَّلَ الشَّيْطَانُ إِذْ قَالَ لِلنِّسَانِ أَكْفُرْ فَلَمَّا كَفَرَ قَالَ إِنِّي بِرَبِّيٍّ مِّنْكَ إِنِّي أَخَافُ اللَّهَ رَبَّ الْعَالَمِينَ -

এদের তুলনা শয়তান, যে মানুষকে বলে কুফরী কর। তারপর যখন সে কুফরী করে, শয়তান তখন বলে তোমার সাথে আমার কোন সম্পর্ক নেই। আমি জগতসমূহের প্রতিপালক আল্লাহকে ভয় করি।' (৫৯: ১৬)

তাবারানী বলেন, ইসহাক ইব্ন ইবরাহীম সূত্রে তাউস থেকে। তিনি বলেন, বানু ইসরাইলের এক ব্যক্তির চার ছেলে ছিল। লোকটি যখন মৃত্যু শয়্যা গ্রহণ করল, তখন তাদের একজন বলল, হয় তোমরা পিতার শুশ্রা করবে, তবে মীরাছের কোন অংশ পাবে না। অথবা আমি তার শুশ্রা করব এবং তার মীরাছের কোন অংশ পাব না। এরপর সে মৃত্যু পর্যন্ত তার পিতার শুশ্রা করল এবং তার মৃত্যুর পর তার থেকে কোন মীরাছ গ্রহণ করল না। সে ছিল দরিদ্র ও পোষ্য ভারাক্রান্ত। স্বপ্নযোগে তাকে আদেশ করা হলো অমুক স্থানে গিয়ে থনন কর, তাহলে সেখানে তুমি একশ' দীনার পাবে। তুমি তা গ্রহণ কর। তখন সে স্বপ্নের আগত্বককে বলল, বরকতের সাথে, নাকি বরকতবিহীন। সে বলল, বরকত ছাড়। সকাল বেলা সে যখন তার স্ত্রীকে স্বপ্নের কথা বলল, তখন সে তাকে বলল, যাও, তুমি গিয়ে তা গ্রহণ কর। এটাও তার বরকত হবে যে, তুমি আমাকে তা থেকে পরিধান করাবে এবং আমরা তা দ্বারা জীবন ধারণ করব। কিন্তু সে অস্তীকার করে বলল, আমি এমন কিছু গ্রহণ করব না, যা বরকতশূন্য। দ্বিতীয় দিন সক্ষ্যারাত্রে তাকে স্বপ্নযোগে আদেশ করা হলো। অমুক স্থানে গিয়ে সেখান থেকে দশ দীনার নাও। তখন সে বলল, বরকতের সাথে, না বরকতশূন্যভাবে। বলা হলো, বরকতহীনভাবে। পরদিন সকালে লোকটি তার স্ত্রীকে তা বলল, সে তাকে পূর্বের ন্যায় বলল, কিন্তু লোকটি তা নিতে অস্তীকার করল। তারপর তৃতীয় রাত্রে তাকে বলা হলো, অমুক স্থানে গিয়ে একটি দীনার গ্রহণ কর। তখন সে বলল, বরকতের সাথে, না বরকতশূন্যভাবে? বলা হলো, বরকতের সাথে। তখন সে বলল, হ্যাঁ, তাহলে ঠিক আছে (আমি তা গ্রহণ করব)। তারপর সকাল বেলায় লোকটি তার স্বপ্নে নির্দেশিত স্থানে গেল এবং দীনারটি পেয়ে তা নিল। পথিমধ্যে সে এক মৎস্য শিকারীকে দুটি মাছ বহন করতে দেখল। সে তাকে জিজ্ঞাসা করল, মাছ দুটি কত? সে বলল, এক দীনার, সে এই দীনারের বিনিময়ে মাছ দুটি খরিদ করল।

তারপর সে সে দুটি নিয়ে তার স্তৰীর কাছে গেল এবং তার স্তৰী মাছ দুটিকে কুটতে লাগল। এসময় একটি মাছের পেট চিরে সে এক অদৃষ্টপূর্ব ও মহামূল্যবান মোতি পেল। তারপর অন্য মাছটির পেট চিরেও অনুরূপ একটি মোতি পাওয়া গেল। বর্ণনাকারী বলেন, ঘটনাক্রমে তৎকালীন বাদশাহর একটি মোতির প্রয়োজন হলো। তিনি যেখানেই পাওয়া যাক তা কেনার জন্য সোক পাঠালেন। কিন্তু বাদশাহর প্রয়োজনীয় মোতিটি শুধু ঐ ব্যক্তির কাছেই পাওয়া গেল। বাদশাহ বলেন, আমার কাছে তা নিয়ে আস। ঐ ব্যক্তি বাদশাহর কাছে তা নিয়ে আসল। বাদশাহ তা দেখল। তার দৃষ্টিতে মহান আল্লাহ তাকে দৃষ্টিনন্দন করে দেখালেন। তিনি তাকে বলেন, তুমি তা আমার কাছে বিক্রি কর। সে বলল, ত্রিশটি খচর বোঝাই স্বর্ণ থেকে কম মূল্যে আমি তা বিক্রি করব না। বাদশাহ বলল, তাকে সঙ্কুষ্ট করে দাও। লোকেরা তাকে বের করে আনল এবং তাকে ত্রিশটি খচর বোঝাই করে স্বর্ণ দিল। তারপর বাদশাহ পুনরায় মোতিটি দেখলেন, অত্যন্ত মুক্ষ হলেন এবং বলেন, এতো এর জোড়া ছাড়া মানবে না। তোমরা আমার জন্য এর জোড়া সন্ধান কর। বর্ণনাকারী বলেন, রাজসুতগণ লোকটির কাছে এসে বলল, তোমার কাছে কি এর জোড়া আছে? এবার আমরা তোমাকে দ্বিশণ মূল্য প্রদান করব। সে বলল, সত্যিই তোমরা তা করবে? তারা বলল, হ্যাঁ! বাদশাহর কাছে তা আন হলো। তারপর বাদশাহ মোতিটি দেখলেন। তা তার মনে ধরল। তিনি বললেন, তোমরা তাকে খুশী করে দাও। তারা তাকে তার জোড়ার দ্বিশণ মূল্য প্রদান করল। মহান আল্লাহ অধিক জানেন।

আবদুল্লাহ ইব্নুল মুবারক বর্ণনা করেন, ওয়াহায়ের ইব্নুল ওয়ারদ সুত্রে দাউদ ইব্ন সাবুর থেকে। তিনি বলেন, একবার আমরা তাউসকে বললাম, আপনি কয়েকটি দুআ করুন। তিনি বললেন, ইবন জারীর বলেন, তাউসের ছেলের সুত্রে তাউস থেকে তিনি বলেন, কৃপণতা হলো মানুষের নিজের কাছে যা রয়েছে তাতে কৃপণতা করা। আর লোভ হলো অন্যায় পথে অন্যের কাছে যা রয়েছে তা অর্জন করতে চাওয়া, তৎ না হওয়া। কারও কারও মতে তা হলো অল্পে তুষ্টির অভাব। কারও কারও মতে অন্যের সম্পদের প্রতি আসক্তি। আর এটা একটি আঘাতিক ব্যাধি। বান্দার উচিত নিজের থেকে তা দূরে রাখা, যথাসম্ভব তা পরিহার করে চলা। আর তাই (লোভ) আমাদেরকে কৃপণতার নির্দেশ দেয়। যেমন সহীহ হাদীসে বর্ণিত হয়েছে-

اتقوا الشُّحَ فِي النِّسْعَ أهْلَكَ مِنْ كَانَ قَبْلَكُمْ - أَمْرِهِمْ - بِالْبَخْلِ فِي خَلْوَةِ
وَبِالْقَطْبِيَّةِ فَقَطَعُوا وَهَذَا هُوَ الْحِرْصُ عَلَى الدُّنْيَا وَجْهًا -

‘তোমরা অতিলোভ পরিহার কর। কেননা, অতিলোভ তোমাদের পূর্ববর্তীদের ধৰ্মস করেছে। তা তাদেরকে কৃপণতার নির্দেশ দিয়েছে। ফলে তারা কৃপণতা করেছে। তাদের আঘাতীয়তার বশন ছিন্ন করার নির্দেশ দিয়েছে। ফলে তারা তা ছিন্ন করেছে। আর এটাই হলো দুনিয়ার প্রতি লোভ ও আসক্তি।

ইব্ন আবু শায়বা বর্ণনা করেন মুহারিবী সুত্রে তাউস থেকে, তিনি বলেন, এমন কে আছে যে রাত্রে দশ আয়াত তিলাওয়াত করবে আর সকাল বেলায় তার আমলনামায় একশ’ কিংবা তার চেয়ে অধিক নেকী লেখা হয়ে থাকবে। আর যে এর চেয়ে বেশী পড়বে তার নেকীর পরিমাণও বৃদ্ধি পাবে। কুতায়বাহ ইব্ন সাঈদ বর্ণনা করেন, সুফয়ান ইব্ন উয়ায়নাহ সুত্রে তাউস থেকে, তিনি বলেন, বিবাহ করা ব্যক্তীত যুবকের ধার্মিকতা পূর্ণ হয় না। এ ছাড়া

সুফ্যান সূত্রে ইবরাহীম ইব্ন মায়সারাহ থেকে। তিনি বলেন, তাউস আমাকে বলেন, হয় তুমি বিবাহ করবে অন্যথায় আমি তোমাকে ঐ কথা বলব, যে কথা উমর ইবনুল খাত্বাব বলেছিলেন আবুয় যাওয়ায়দকে। অক্ষমতা কিংবা ব্যভিচারই তোমাকে বিবাহ থেকে বিরত রেখেছে। তাউস বলেন, মু'মিনের দীন সংরক্ষণ স্তুল ব্যতীত সংরক্ষিত হয় না। আবদুর রায়্যাক বর্ণনা করেন, মা'মার ইব্ন তাউস ও অন্যদের থেকে একবার এক ব্যক্তি তাউসের সাথে হাঁটছিল। তখন লোকটি একটি কাককে ডাকতে শুনল। সে বলল, 'ভাল'। তাউস বলেন, এই কাকের কাছে ভালমন্দের/ কল্যাণ-অকল্যাণের কী আছে? তুমি আমার সাথে থেকো না এবং আমার সাথে হেঁটো না।

বিশৱ ইব্ন মূসা বর্ণনা করেন, হৃষায়দী সূত্রে তাউস থেকে। তিনি বলেন, প্রতিদিন সকালে মানুষ যখন বের হয়, তখন শয়তান তার পিছু নেয়। এরপর সে যখন গৃহে আগমন করে সালাম করে, শয়তান পিছু হটে বলে, এখানে কোন বিশ্রামস্থল নেই। এরপর যখন তার খাবার আনা হয় এবং সে মহান আল্লাহর নাম স্বরণ করে, তখন সে বলে, কোন আহার নেই, কোন বিশ্রামস্থল নেই। আর যদি সে সালাম না করে গৃহে প্রবেশ করে, তখন শয়তান বলে, আমরা বিশ্রামস্থল পেয়ে গেলাম। আর যখন তার খাবার আনা হয়। কিন্তু সে আল্লাহর নাম না নেয় তখন শয়তান বলে বিশ্রামস্থল ও আহার দুটোই পাওয়া গেল। রাতের আহারে ব্যাপারেও একই কথা। আর তিনি বলেন, ফেরেশতাগণ মানব সন্তানের নামায লিপিবদ্ধ করেন- (যে) অমুক তাতে এই এই বৃদ্ধি ঘটিয়েছে। আর অমুক তাতে এই এই হ্রাস করেছে। আর এই হ্রাস-বৃদ্ধি ঘটে থাকে রক্ত-সিজদা ও খুশুতে। তিনি বলেন, যখন আগুন সৃষ্টি করা হলো, ফেরেশতাদের আস্তা ভয়ে অস্তির হলো। এরপর যখন আদম (আ)-কে সৃষ্টি করা হলো, তা স্থির ও শান্ত হলো। আর আদম (আ) যখন বজ্রধর্মি শুনতেন, তখন বলতেন- আমি ঐ সন্তার পবিত্রতা বর্ণনা করছি, বজ্রধর্মি যার পবিত্রতা বর্ণনা করছে।

ইমাম আহমাদ বলেন, সুফ্যান সূত্রে ইব্ন আবু নাজীহ থেকে, তিনি বলেন, মুজাহিদ তাউসকে বলেন, হে আবদুর রহমানের পিতা! আমি যেন দেখলাম আপনি কা'বার অভ্যন্তরে নামায পড়ছেন। আর আল্লাহর নবী তার দরযায় দাঁড়িয়ে আপনাকে বলছেন, তোমার মুখ্যাবরণ সর্বাও, তোমার কিরাত স্পষ্ট কর। তিনি বলেন, চুপ কর! তোমার এ কথা কেউ শুনবে না। তারপর আমার মনে হলো যে, তিনি স্বতন্ত্র আলোচনায় প্রবৃত্ত হলেন। এই একই সনদে ইমাম আহমাদ বলেন, তাউস আবু নাজীহকে বলেন, হে আবু নাজীহ! যে কথা বলে এবং তাকওয়া অবলম্বন করে সে ঐ ব্যক্তির চেয়ে উত্তম যে চুপ থাকে এবং তাকওয়া অবলম্বন করে। জনৈক ব্যক্তি সূত্রে মিসআর বলেন, একবার তাউস রাতের শেষ প্রহরে এক ব্যক্তির কাছে আসলেন। লোকেরা বলল, সে ঘুমিয়ে আছে তিনি বলেন, আমার ধারণা ছিল না যে, রাতের শেষ প্রহরে কেউ ঘুমাতে পারে। আবদুল্লাহ ইব্ন আহমাদ ইব্ন হাস্বল মুহাম্মাদ ইব্ন ইয়ামানের সূত্রে মাসউদ থেকে তা উল্লেখ করেছেন। ছাওয়া বলেন, তাউস তার গৃহে জরুরী করতেন (সহসা বের হতেন না)। সে ব্যাপারে তাকে প্রশ্ন করা হলো, তিনি বলেন, শাসকদের অবিচার এবং সর্বসাধারণের নষ্ট হওয়ার কারণে।

ইমাম আহমাদ বলেন, আবদুর রায়্যাক সূত্রে তার পিতা থেকে, তিনি বলেন, কোন এক শীতাত অক্ষকার/ সকালে তাউস নামায পড়ছিলেন। হাজ্জাজ ইব্ন ইউসুফের ভাই ইয়ামানের শাসক মুহাম্মাদ ইব্ন ইউসুফ তাকে অতিক্রম করছিলেন। এ সময় তাউস সিজদারত ছিলেন

আর আমীর তার বাহনে আরোহী ছিলেন। তার নির্দেশে একটি মূল্যবান চাদর কিংবা জুবরা সিজদারত অবস্থায় তার উপর নিক্ষেপ করা হলো। কিন্তু তিনি তার সিজদা সংক্ষিপ্ত করলেন। সালাম ফিরানোর পর তিনি যখন তাকিয়ে দেখলেন, তার গায়ে চাদর তিনি গা নাড়া দিয়ে তা ফেলে দিলেন এবং সেদিকে না তাকিয়ে মূল্যবান চাদরটি মাটিতে ফেলে রেখে তার বাড়ীতে চলে গেলেন। নাইম ইব্ন হাস্মাদ বলেন, হাস্মাদ ইব্ন উয়ায়না সূত্রে তাউস থেকে, তিনি ইব্ন আব্বাস থেকে। মানব সন্তান যে কোন কথা বলে তা তার আমলনামায় লিপিবদ্ধ করা হয়। এমন কি অসুস্থতাকালীন বেদনা প্রকাশক উহু আহ পর্যন্ত। পরবর্তীতে ইমাম আহমাদ যখন অসুস্থ অবস্থায় বেদনা প্রকাশক শব্দ করছিলেন, তখন তাঁকে বলা হলো, তাউস তো অসুস্থ ব্যক্তির কাতরানি অপসন্দ করতেন। এরপর তিনি তা ত্যাগ করলেন। আবু বাকর ইব্ন আবু শায়বাহ বলেন, ফয়ল ইব্ন দাকীন সূত্রে তাউস ইব্ন শাবুর থেকে। তিনি বলেন, (একবার) এক ব্যক্তি তাউসকে বলল, আমাদের জন্য মহান আল্লাহর কাছে দু'আ করুন। তিনি বললেন, আমি আমার অন্তরে কোন আল্লাহভীতি অনুভব করছি না যে, তোমার জন্য দু'আ করব। ইব্ন তালূত বলেন, আবদুস সালাম ইব্ন হাশিম সূত্রে হাসান ইব্ন আবিল হাসীন আল আওরী থেকে। তিনি বলেন, একবার তাউস জনৈক মাথা বিক্রেতার পাশ দিয়ে যাওয়ার সময় দেখলেন যে, কয়েকটি মাথা বের করে রেখেছে। তিনি জ্ঞান হারালেন। অন্য এক রিওয়ায়াতে আছে, তিনি যেদিন ভুনা মাথাসমূহ দেখতে পেতেন, সে রাত্রে আর খাবার খেতে পারতেন না।

ইমাম আহমাদ বলেন, হাশিম ইব্ন কাসিম সূত্রে সুফ্যান ছাওরী থেকে তিনি বলেন, তাউস বলেন, মৃতদেরকে তাদের কবরে ক্ষুধার কষ্ট দেওয়া হবে। আর তারা পসন্দ করত যে তাদের পক্ষ থেকে ঐ দিনগুলিতে খাওয়ানো। ইব্ন ইদরীস বলেন, আমি নারীদের প্রসঙ্গে লায়ছকে তাউস থেকে বর্ণনা করতে শুনেছি। তিনি বলেন, তাদের মাঝেই বিগতদের কুফরী এবং অবশিষ্টদের কুফরী বিদ্যমান। আবু বাকর ইব্ন আবু শায়বাহ বলেন, উসামা সূত্রে বিশ্র ইব্ন আসিম থেকে, তিনি বলেন, তাউস বলেন, আমি অমুক ব্যক্তির ন্যায় কাউকে দেখেনি যে তার প্রাণের ব্যাপারে নির্ভীক, আমি তো এমন এক ব্যক্তিকে দেখেছি যদি আমাকে প্রশ্ন করা হতো আপনার পরিচিত জনদের মধ্যে শ্রেষ্ঠ কে? তাহলে আমি বলতাম, অমুক ব্যক্তি। এমতাবস্থায় আমি তথায় কিছুক্ষণ অবস্থান করি। এরপর তার পেট ব্যথা শুরু হয়। ইমাম আহমাদ বর্ণনা করেন, হৃষায়ম সূত্রে তাউস থেকে। তিনি বলেন, (একবার) তিনি কতিপয় কুরায়শ যুবককে পরিধেয় কাপড় হেঁচড়ে গর্বিত ভঙ্গিতে হাঁটতে দেখলেন। তিনি বলেন, তোমরা তো এমন ভঙ্গিতে পোশাক পর যা তোমাদের পিতৃপুরুষগণ পরতেন না এবং এমন ভঙ্গিতে হাঁটতেন না।

ইমাম আহমাদ বর্ণনা করেন আবদুর রায়্যাক সূত্রে মামার থেকে। তিনি বলেন যে, একবার তাউস তার এক অসুস্থ বন্ধুর শুশ্রায় নিয়োজিত থাকার ফলে তার হজ্জ ছুটে যায়। সম্ভবত ইনিই পূর্বে সেই পেটের পীড়িগ্রস্ত ব্যক্তি। মিসআর ইব্ন কাদদাম বর্ণনা করেন, মুআল্লিম আবদুল কাবীর সূত্রে তাউস থেকে। তিনি বলেন, ইব্ন আব্বাস বলেন, নবী সাল্লাল্লাহু আলায়হি ওয়া সাল্লামকে প্রশ্ন করা হলো সর্বোত্তম কুরআন পাঠকারী কে? তিনি বললেন, যাকে দেখে, যার পড়া শুনে তোমার মনে হবে যে, তিনি আল্লাহকে ভয় করছে। ইব্ন লাহীআর সূত্রে আমর ইব্ন দীনারের মাধ্যমে তাউস থেকেও তা বর্ণিত হয়েছে। তাউস বলেন, ইব্ন আব্বাস

বলেন, নবী সাল্লাল্লাহু আলায়হি ওয়া সাল্লাম বলেন, ‘إِنَّ أَحْسَنَ النَّاسِ قِرَاءَةً مَنْ قَرَأَ، سَرْبُوتَمْ كুরআন পাঠকারী এই ব্যক্তি যে দুঃখভারাক্রান্ত করণ সুরে কুরআন পাঠ করে।’ এছাড়া তাউস থেকে আবদুল্লাহ ইব্ন আমরবনুল আস সূত্রে বর্ণিত আছে। তিনি বলেন, রাসূলুল্লাহ সাল্লাল্লাহু আলায়হি ওয়া সাল্লাম আমাকে একজোড়া রঙিন কাপড় পরিহিত অবস্থায় দেখে বলেন, তোমার মা কি তোমাকে এ দুটি পড়ার নির্দেশ দিয়েছে? আমি বললাম, আমি কি তার রঙ ধূয়ে ফেলব? তিনি বলেন, বরং তাদের একটি ধূয়ে ফেল। ইমাম মুসলিম তার সহীহ গ্রন্থে দাউদ ইব্ন রাশিদ সূত্রে তাউস থেকে তা বর্ণনা করেছেন।

ইমাম মুহাম্মাদ ইব্ন মাসলামাহ বর্ণনা করেন, ইবরাহীম ইব্ন মায়সারাহ সূত্রে ইবন আমর থেকে। তিনি বলেন, রাসূলুল্লাহ সাল্লাল্লাহু আলায়হি ওয়া সাল্লাম বলেন :

‘الْجَلَوْذَةُ وَالشَّرْطُ وَاعْوَانُ الظَّلْمَةِ كَلَابُ النَّارِ’
যালিমদের সহযোগীরা হলো জাহানামের কুকুর।’ এটি মুহাম্মাদ ইব্ন মুসলিম আত্তালিকীর একক বর্ণনা।

তাবারানী বলেন, মুহাম্মাদ ইব্ন হাসান আল আনমাতী আল বাগ্দাদী সূত্রে তাউস থেকে আনাস ইব্ন মালিকের বরাতে তিনি বলেন, আমি আলী ইব্ন আবু তালিবের উদ্দেশ্যে রাসূলুল্লাহ সাল্লাল্লাহু আলায়হি ওয়া সাল্লামকে বলতে শুনেছি :

يَا عَلَىٰ اسْتِكْثَرٍ مِّنَ الْمَعَارِفِ مِنَ الْمُؤْمِنِينَ ، فَكُمْ مِّنْ مَعْرِفَةٍ فِي الدُّنْيَا
بركة في الآخرة -

‘হে আলী! মু’মিনদের সাথে অধিক পরিচয় রাখ। কেননা, এমন অনেক পরিচয় থাকবে যা আখিরাতে বরকত গণ্য হবে।’ এরপর আলী গেলেন এবং কিছুক্ষণ অবস্থান করলেন। এরপর যার সাথে দেখা হল তাকেই আখিরাতের পণ্য/কল্যাণে বস্তু ও পরিচিতজনরূপে প্রহণ করলেন। এরপর তিনি যখন আসলেন, তখন রাসূলুল্লাহ সাল্লাল্লাহু আলায়হি ওয়া সাল্লাম তাকে প্রশ্ন করলেন, তোমাকে আমি যে ব্যাপারে নির্দেশ দিয়েছি সে ব্যাপারে তুমি কী করেছো? তিনি বলেন, ইয়া রাসূলুল্লাহ! আমি তা করেছি। তখন নবী করীম সাল্লাল্লাহু আলায়হি ওয়া সাল্লাম বলেন, যাও, গিয়ে তাদের অবস্থা যাচাই কর। তিনি গেলেন, তারপর অবনত মস্তকে নবীজীর খিদমতে ফিরে আসলেন। তখন নবী করীম (সা) তাকে প্রশ্ন করলেন, যাও! তুমি গিয়ে তাদের অবস্থা যাচাই করে আস। তিনি গেলেন, তারপর নবী পাকের খিদমতে ফিরে দেখলেন তিনি মৃদু হেসে বলছেন, হে আলী আমি তো ধারণা করি তোমার সাথে আখিরাতের আসক্তরাই টিকে আছে! আলী তাঁকে বলেন, না। শপথ এই সত্তার যিনি আপনাকে সত্যসহ প্রেরণ করেছেন। নবী করীম সাল্লাল্লাহু আলায়হি ওয়া সাল্লাম বলেন,

أَلَا خِلَاءٌ يَوْمَئِنْ بَعْضُهُمْ لِبَعْضٍ عَدُوٌ إِلَّا الْمُتَّقِينَ - يَا عِبَادٍ لَا حَوْفٌ عَلَيْكُمْ -

‘ব্রহ্মণ সেদিন একে অন্যের শক্তি হয়ে পড়বে, তবে মুন্তাকীগণ ব্যতীত। হে আমার বান্দাগণ! আজ তোমাদের কোন ভয় নাই’ (৪৩ : ৬৭-৬৮)।

হে আলী তোমার কাজে মনোযোগ দাও এবং জিহ্বাকে সংযত রাখ। তোমার সমকালীন লোকদের এড়িয়ে চল। তাহলে নিরাপদ থাকবে এবং লাভবান হবে। আমাদের জানা মতে এই রিওয়ায়াতটি শুধু এই সূত্রেই বর্ণিত হয়েছে। মহান আল্লাহ অধিক অবগত।

১০৭ হিজরীর সূচনা

এ বছরেই ইয়ামানে আক্বাদ আর রুহায়নী নামক এক ব্যক্তির আবির্ভাব ঘটে। এরপর সে খারিজী মতাদর্শের প্রচার শুরু করে এবং একদল লোক তাকে অনুসরণ করে। পরবর্তীকালে তারা যখন আক্রমণ করে বসে, তখন ইউসুফ ইবন উমর তাদের বিরুদ্ধে লড়াই করেন এবং উব্বাদ ও তার অনুসারীদের হত্যা করেন। আর তাদের সংখ্যা ছিল তিনশ'। এ বছরেই শাম দেশে তীব্র প্লেগ/মহামারী দেখা দেয়। এ বছরেই মুআবিয়া ইবন হিশাম 'সাইফা' আক্রমণ করেন। আর এ সময় শামের সেনাপতি ছিলেন মায়মূন ইবন মাহরান। এরপর তারা সমৃদ্ধপথে সাইপ্রাসে পৌছেন। আর মাসলামাহ স্থলপথে অন্য এক বাহিনী নিয়ে আক্রমণ পরিচালনা করেন। এছাড়া এ বছর আসাদ ইবন আবদুল্লাহ আল-কসরী বানু আকবাসের খিলাফতের প্রচারক একটি দলকে বন্দী করেন। তিনি তাদেরকে শুলবিদ্ধ করেন এবং তাদের পরিণতি ব্যাপকভাবে প্রচার করেন। এ বছরেই আসাদ আল-কসরী তালকান পার্বত্য অঞ্চল সংলগ্ন কারকীসিয়ানদের শাসক নামরূপের পার্বত্য রাজ্য আক্রমণ করেন। তখন নামরূপ তার সাথে সঙ্গী করেন এবং তার হাতে ইসলাম গ্রহণ করেন। এ বছরেই আসাদ হিরাতের পার্বত্য অঞ্চল আলগোর আক্রমণ করেন। তখন তার অধিবাসীরা তাদের সকল ধন-সম্পদ ও অস্ত্রশস্ত্র এক দুর্ভেদ্য গুহায় স্থানান্তরিত করে যা ছিল অত্যন্ত উচ্চতে অবস্থিত এবং যার নাগাল পাওয়ার কারণও সাধ্য ছিল না। আসাদ তার বাহিনীর কতক যোদ্ধাকে বাস্ত্রে বহন করে সেখানে পৌছে দিলেন। তারপর সেখানে বিদ্যমান অর্থসম্পদ বাস্ত্রে রাখার নির্দেশ দিলেন। এরপর তারা ঐ যোদ্ধাদের উঠিয়ে নিল। এভাবে তারা নিরাপদে শক্রসম্পদ করায়ত করে। আর এটা ছিল সঠিক সিদ্ধান্ত। এ বছরেই আসাদ বলখের পার্বত্য এলাকাসমূহ তার শাসনাধীন করার নির্দেশ দেন এবং খালিদ ইবন বারমাকের পিতা বারমাককে তার প্রশাসক নিয়োগ করেন এবং তিনি তার শাসনাধীন এই অঞ্চলকে উত্তম ও দৃঢ়ভাবে পুনর্নির্মাণ করেন এবং তাকে মুসলমানদের দুর্ভেদ্য ঘাঁটিরপে গড়ে তুলেন। এছাড়া এবছর হারামায়নের আমীর ইবরাহীম ইবন হিশাম লোকদের হজ্জ পরিচালনা করেন। আর এ বছর যে সকল বিশিষ্ট ব্যক্তি ইন্তিকাল করেন তাদের অন্যতম হলেন :

সুলায়মান ইবন ইয়াসার^১

তিনি 'আতা' ইবন ইয়াসারের ভাই, বহু সংখ্যক হাদীসের রাবী। ইবাদতগুরার এবং অতি সুপুরুষ। তিহাতের বছর বয়সে তিনি পবিত্র মদীনায় ইন্তিকাল করেন। একবার এক অনিদ্য সুন্দরী রমণী তার কাছে প্রবেশ করে নিজেকে তার কাছে নিবেদন করে। কিন্তু তিনি তার প্রস্তাব প্রত্যাখ্যান করে তাকে নিজ গৃহে রেখে তার থেকে পলায়ন করেন। এরপর তিনি স্বপ্ন যোগে

১. তারীখুল ইসলাম ৪/১২০, তারীখুল বুখারী ৪/৪১ তায়কিয়রতুল হফ্ফায ১/৮৫, তাহফীবুল আসমা ওয়ালুলুগাত প্রথম অংশ প্রথম খণ্ড ২৩৪, তাহফীবুত্ত তাহফীব ৪/২২৮, তাহফীবুল কামাল ৫৪৯, আলজারহ ওয়াত্ত তাদীল, প্রথম অংশ ২য় ভলিউম ১৪৯০, আলহিলইয়া ২/১৯০ খুলাসাতু তাহফীবুত্ত তাহফীব ১৫৫, শাজারাতুয় যাহাব ১/১৩৪, তাবাকাতু ইবন সাদ ৫/১৭৪, তাবাকাতুল হফ্ফায আসসুয়াতী ৩৫, তাবাকাতু বালীকা ২১৩১, গায়াতুন নিহায়াহ ১৩৯৬, আলয়ারিফাত ওয়াত্ত তারীখ ১/৫৪৯, আন মুজ্ম আয়-যাহিরাহ ১/২০২, ওয়িয়াতুল আইয়ান ২/৩৯৯।

ইউসুফ আলায়হিস্স সালামকে দেখেন। তিনি তাঁকে প্রশ্ন করেন, আপনিই কি হয়রত ইউসুফ? তিনি বলেন, হ্যাঁ, আমি ইউসুফ যার আসক্তির উন্নেষ্ট হয়েছিল। আর তুমি সুলায়মান যার আসক্তি হয়নি। বলা হয়, এ ঘটনা সংঘটিত হয় হজ্জযাত্রীদের এক মন্দিরে বিশ্রামস্থলে। এ সময় তার সাথে তার এক সঙ্গী ছিল। তিনি তাকে কোন কিছু কিনতে হাজীদের বাজারে পাঠান। এই অবসরে পার্শ্ববর্তী পাহাড়ী বসতি থেকে এক অনিন্দ্য সুন্দরী রমণী নেমে এসে সুলায়মানকে বলে। আস, আমাকে গ্রহণ কর। আমাতে উপগত হও! তখন তিনি ভীষণভাবে কাঁদতে শুরু করেন। তার এ অবস্থা দেখে সেই রমণী চলে যায়। এদিকে তার বন্ধু এসে তাকে কাঁদতে দেখে জিজ্ঞাসা করেন, তোমার কী হয়েছে কাঁদছ কেন? তিনি বলেন, ভাল! আমার কোন অসুবিধা নেই। তার বন্ধু বলেন, সম্ভবত তোমার কোন সন্তান কিংবা স্ত্রীর কথা স্মরণ হয়েছে? তিনি বলেন, না! তখন সে বলে, আল্লাহর কসম! তোমাকে বলতেই হবে তোমার কান্নার কারণ কী? তিনি বলেন, নিজের জন্য দুঃখবোধ করে কাঁদছি? আমি যদি তোমার স্থানে হতাম, তাহলে তার থেকে ধৈর্যধারণ করতে পারতাম না। তিনি উল্লেখ করেন যে, তিনি স্বপ্নে ইউসুফ (আ)-কে দেখেছেন। যেমন বিগত হয়েছে। মহান আল্লাহ সর্বাধিক অবহিত।

ইকরিমাহ^১

তিনি বিশিষ্ট তাবেস্ট, মুফাস্সির আলিমে রববানী এবং পর্যটক ও পরিব্রাজক। (তার উপনাম আবু আবদুল্লাহ, তিনি বহু সংখ্যক সাহাবী থেকে হাদীস রিওয়ায়াত করেছেন। তিনি ইল্মে দীনের এক সমৃদ্ধ পাত্র। তাঁর মাওলা ইব্ন আবাসের জীবদ্ধশায় তিনি ফাতওয়া প্রদান করেছেন। ইকরিমাহ বলেন, “আমি চতুর্থ বছর ইল্ম তলব করেছি।” তিনি দেশে দেশে পরিভ্রমণ করেছেন, ইফরিকিয়াহ, ইয়ামান, শাম, ইরাক ও খোরাসানে গমন করেছেন এবং সেসকল স্থানে তার ইল্ম প্রচার করেছেন এবং আমির-উমারার পুরস্কার ও বখশিশ লাভ করেছেন। ইব্ন আবু শায়বাহ তার থেকে বর্ণনা করেন তিনি বলেন। ইব্ন আবাস আমার পায়ে বেড়ি পরিয়ে আমাকে কুরআন-সুন্নাহ শিক্ষা দিতেন। হাবীব ইব্ন আবু ছাবিত বলেন, আমার কাছে এমন পাঁচজনের সমাবেশ ঘটেছে, যাদের ন্যায় দল কথনও আমার নিকট সম্ভবেত হবে না। তাঁরা আতা, তাউস, সাঈদ ইব্ন জুবায়র, ইকরিমা এবং মুজাহিদ। (একবার) সাঈদ ও মুজাহিদ ইকরিমাকে তাফসীর সম্পর্কে প্রশ্ন করতে থাকেন। তাঁরা যে আয়াত সম্পর্কেই তাকে জিজ্ঞাসা করেন, তিনি তাদের দুইজনকে তার তাফসীর বর্ণনা করেন। এরপর যখন তাদের দুইজনের প্রশ্ন শেষ হয়ে যায়, তখন ইকরিমাহ বলতে শুরু করেন অমুক আয়াত অমুক প্রসঙ্গে নায়িল হয়েছে। রাবী বলেন, এরপর (তাদের আলোচনা শেষ করে) তাঁরা রাতের বেলায় হাশমামে গোসলখানায় প্রবেশ করেন। জাবির ইব্ন যায়দ বলেন, ইকরিমাহ হলেন (তাঁর যুগের) শ্রেষ্ঠ আলিম। শা'বী বলেন, (এখন) কিতাবুল্লাহ সম্পর্কে ইকরিমার চেয়ে অধিক জ্ঞানী কারও অস্তিত্ব নেই। ইমাম আহমাদ বর্ণনা করেন আবদুস সামাদ সুত্রে সালাম ইব্ন মিসকীন থেকে তিনি বলেন, আমি কাতাদাকে বলতে শুনেছি, তাফসীর সম্পর্কে সর্বাধিক জ্ঞানী হলেন ইকরিমা। এছাড়া সাঈদ ইব্ন জুবায়রও অনুরূপ মন্তব্য করেছেন। ইকরিমা বলেন, আমি দুই ফলকের মধ্যবর্তী গ্রন্থ কুরআনের তাফসীর আয়ত করেছি। ইব্ন আলিয়াহ বলেন,

১. ইনি হলেন, ইব্ন আবাসের আয়াদকৃত দাস, ইকরিমা সিয়ারু আলামুন্ন নুবালা ৪/৩৭০।

আয়ুব সূত্রে- (একবার) এক ব্যক্তি ইকরিমাকে একটি আয়াত সম্পর্কে জিজ্ঞাসা করে। 'ইকরিমা সালা' পাহাড়ের দিকে ইশারা করে বলেন, তা ঐ পাহাড়ের পাদদেশে অবতীর্ণ হয়েছে। আবদুর রায়খাক তার পিতার উদ্ধৃতিতে বলেন, ইকরিমা যখন আলজুন্দে আগমন করেন, তখন তাউস তাকে এক উৎকৃষ্ট বাহনে আরোহণ করান এবং বলেন, আমি এই ব্যক্তির ইল্ম খরিদ করেছি। অন্য এক রিওয়ায়াতে আছে যে, তাউস তাকে ষাট দীনার মূল্যের এক অতি উৎকৃষ্ট বাহনে আরোহণ করান এবং বলেন, আমরা কি এই ক্রীতদাসের ইল্মের মূল্য ষাট দীনারও নির্ধারণ করব না।

ইকরিমাহ এবং আয়ুব প্রেমিক কবি কুছায়য়ার একই দিনে মৃত্যুবরণ করেন। এরপর যখন তাদের জানায়া বের করা হয়, তখন লোকেরা বলে, (আজ) সবচেয়ে বিজ্ঞ ফকীহ্র এবং সবচেয়ে বড় কবির মৃত্যু হলো। ইকরিমাহ বলেন, ইব্ন আববাস আমাকে বলেন, যাও! লোকদেরকে ফাত্ওয়া দাও! যে তোমাকে তার সংশ্লিষ্ট বিষয় জিজ্ঞাসা করে, তাকে ফাত্ওয়া দাও। আর যে তোমাকে অসংশ্লিষ্ট বিষয় জিজ্ঞাসা করে তাকে ফাত্ওয়া দিও না। তুমি আমার দুই-তৃতীয়াংশ বোৰা কমাতে পারবে। সুফয়ান বলেন, আমর থেকে তিনি বলেন, আমি যখন ইকরিমাকে মাগায়ী সম্পর্কে হাদীস বর্ণনা করতে শুনতাম, তখন আমার মনে হতো যেন তিনি নিজ চোখে তাদেরকে প্রত্যক্ষ করছেন। তারা কী করছে কীভাবে লড়ছে সব তার নখ দর্পণে। ইমাম আহমাদ ইব্ন হাবল বর্ণনা করেন আবদুর রায়খাক সূত্রে। তিনি বলেন, আমি মা'মারকে বলতে শুনেছি (তিনি বলেন) আমি আয়ুবকে বলতে শুনেছি, আমি ইকরিমার সাথে সাক্ষাতের জন্য কোন এক দূরতম স্থানে যেতে চাইতাম। তিনি বলেন, একদিন আমি বসরার বাজারে ছিলাম, এমন সময় গাধায় আরোহী এক ব্যক্তিকে দেখতে পেলাম। এসময় বলা হলো ইনি ইকরিমাহ। বর্ণনাকারী বলেন, এসময় লোকজন তাকে ঘিরে ধরে কিন্তু আমি তাকে কোন কিছু জিজ্ঞাসা করতে সমর্থ হলাম না। আমার মন থেকে সকল বিষয় অস্তর্হিত হলো। আমি গিয়ে তার গাধার পাশে দাঁড়ালাম। লোকেরা তাকে প্রশ্ন করতে লাগল আর আমি তার উত্তর মুখস্থ করতে লাগলাম। শো'বা বলেন জুতা বিক্রেতা খালিদ থেকে তিনি বলেন, একবার প্রশ্নকারী এক ব্যক্তিকে ইকরিমাহ বললেন, তোমার কী হয়েছে, তুমি বিভ্রান্তি সৃষ্টি করছো! যিয়াদ ইব্ন আবু আয়ুব বর্ণনা করেন। আবু ছামীলা সূত্রে আবদুল আবীয় ইব্ন আবু রাওয়াদ থেকে, তিনি বলেন (একবার) আমি নীশাপুরে ইকরিমাকে প্রশ্ন করলাম, আল্লাহর নাম খোদাই করা আংটি নিয়ে কেউ যদি শৌচাগারে যেতে চায়, তার কী করণীয়? তিনি বললেন, সে তার আংটির পাথরকে হাতের তালুর দিকে করে নিবে, তারপর তাকে মুষ্টিবন্ধ করে রাখবে। ইমাম আহমাদ বলেন উমায়া ইব্ন খালিদ সূত্রে। তিনি বলেন, আমি শো'বাকে বলতে শুনেছি, জুতাবিক্রেতা খালিদ বলেন, ইব্ন আববাসের থেকে মুহাম্মদ ইব্ন সীরীন যা কিছু বর্ণনা করেছেন তা তিনি ইকরিমাহ থেকে শ্রবণ করেছেন। মুখতারের সময়ে তিনি কৃফায় তার সাক্ষাত লাভ করেন। সুফয়ান ছাওয়াৰী বলেন, তোমরা তোমাদের ইবাদত-বন্দেগী বিশেষত হজের বিধি-বিধান সাঁঈদ ইব্ন জুবায়র, মুজাহিদ ও ইকরিমাহ থেকে গ্রহণ কর। তিনি আরও বলেন, আর চার ব্যক্তি থেকে তাফসীর গ্রহণ কর। সাঁঈদ ইব্ন জুবায়র, মুজাহিদ, ইকরিমাহ যাহ্হাক। ইকরিমাহ বলেন, এই মসজিদে আমি দুইশত সাহাবীর সাক্ষাত লাভ করেছি। মুহাম্মদ ইব্ন ইউসুফ আলফারইয়াবী বর্ণনা করেন ইসরাইল সূত্রে ইকরিমাহ থেকে। তিনি বলেন, সুলায়মান

ইব্ন দাঁট্টেড আলায়হিস সালামকে যে অশ্বদল (নামায থেকে) ব্যন্ত রেখেছিল তাদের সংখ্যা ছিল বিশ হাজার। এরপর তিনি সবগুলিকে হত্যা করেন। আবু বাকর ইব্ন আবু শায়বাহ্ বলেন, মামার ইব্ন সুলায়মান সুত্রে... ইকরিমাহ্ থেকে। তিনি এই আয়াত :

لِلَّذِينَ يَعْمَلُونَ سُوءً بِجَهَالَةٍ ثُمَّ يَتُوبُونَ مِنْ قَرِيبٍ

যারা ভুলবশত মন্দ কাজ করে এবং সত্ত্বে তাওবাহ্ করে সূরা নিসা-১৮-এর ব্যাখ্যায় বলেন, দুনিয়ার সবই নিকটবর্তী, সবই মূর্খতা। আর তিনি এই আয়াত :

لِلَّذِينَ لَا يُرِيدُونَ عُلُواً فِي الْأَرْضِ

যারা পৃথিবীতে উদ্ধত হতে চায় না-এর ব্যাখ্যায় বলেন, অর্থাৎ তাদের শাসন-কর্তৃত্ব ও প্রভাব-প্রতিপত্তি কালে। পরের অংশ :

وَلَا فَسَادًا

এবং বিপর্যয় সৃষ্টি করতে চায় না অর্থাৎ তা'আলার নাফরমানী করে না। এরপর অর্থাৎ আর শুভপরিণাম মুস্তাকীদের জন্য (২৮ : ৮৩) অর্থাৎ জান্নাত। আর ফলমানী আর কঠোর শাস্তি দ্বারা তাদেরকে পাকড়াও করি। আর ফলমানী উন্নত হয় (৭ : ১৬৫) এর ব্যাখ্যায় বলেন, অর্থাৎ উপদেশ বর্জন করে। বিস্মিত হয় (৭ : ১৬৫) এর ব্যাখ্যায় বলেন, অর্থাৎ উপদেশ বর্জন করে। অর্থাৎ নির্মম ও কঠোর শাস্তি দ্বারা তাদেরকে পাকড়াও করি। আর ফলমানী উন্নত হয় তারা যখন নিষিদ্ধ কার্য গুরুত্ব সহকারে করতে লাগল অর্থাৎ হঠকারিতা ও একগুঁয়েমি করল পরের একটি শব্দ অর্থাৎ অপদস্থ ও লাঞ্ছিত। অর্থাৎ এভাবে আমি এটা তাদের (সমসাময়িকদের) জন্য শিক্ষণীয় দৃষ্টান্ত বানিয়েছি। অর্থাৎ বিগত জাতির্বর্গের জন্য। অর্থাৎ পরবর্তী সম্প্রদায়ের জন্য যারা তাদের সমসাময়িক এবং উপদেশ যা দ্বারা উপদেশ গ্রহণকারী শিরুক ও নাফরমানী থেকে আত্মরক্ষা করতে পারে।

ইব্ন আববাস (রা) বলেন, যখন কিয়ামত দিবস হবে, তখন আল্লাহ্ সীমালজ্বনকারীদের পুনরুত্থিত করবেন এবং তার আদেশ-নিমেধ অমান্যকারীদের হিসাব গ্রহণ করবেন। যখন তারা দুনিয়ায় সৎকাজে নির্দেশ দান এবং অসৎকাজে বাধা প্রদান বর্জন করেছে, তখন দুনিয়াতে তাদের শাস্তি ছিল অবয়ব-বিকৃতি। ইকরিমাহ্ বলেন, ইব্ন আববাস (রা) বলেন, আল্লাহর কসম, সকলেই ধৰ্ম হয়েছে। ইব্ন আববাস (রা) আরও বলেন, আর যারা সৎকাজের আদেশ করেছে আর মন্দকাজে বাধা প্রদান করেছে তারা রক্ষা পেয়েছে। আর যারা তা করেনি, তার পূর্ববর্তী নাফরমানদের সাথে ধৰ্মস্পাণ্ড হয়েছে। আর এর দৃষ্টান্ত হলো সমুদ্র তীরবর্তী জনপদ ঝিলাহ্বাসী। মহান আল্লাহ্ বানু ইসরাইলকে নির্দেশ দিয়েছিলেন জুমুআর দিন অবসর হতে। কিন্তু তারা বলল, আমরা বরং শনিবার অবসর থাকব। কেননা, আল্লাহ্ তা'আলা সৃষ্টিকর্ম থেকে শনিবার অবসর হয়েছে। তাই সকল বস্তু শনিবারেই সুপ্রকাশিত হয়েছে।

এছাড়া তারা শনিবারওয়ালাদের কাহিনী উল্লেখ করল যে, সেদিন তাদের জন্য মৎস্য শিকার হারাম ছিল, আর মাছগুলোও শনিবারে তাদের কাছে আসত, অন্য দিন আসত না। এরপর তারা শনিবারে মাছ শিকারের জন্য তাদের কৌশলের উল্লেখ করেছেন। তাদের এ অবস্থা দেখে তাদের একদল লোক তাদেরকে উপদেশ দিয়ে বলল, আমরা তোমাদেরকে শনিবারে মাছ শিকার করতে দিব না। এরপর এক শিখিল সম্প্রদায় এসে বলল :

لَمْ تَعْطُلُنَّ قَوْمًا نَّالَ اللَّهُ مُهْلِكُهُمْ أَوْ مُعَذِّبُهُمْ

কিংবা কিংবা শনিবারে মাছ শিকার করতে দিব না।

কঠোর শাস্তি দিবেন তোমরা তাদেরকে সদুপদেশ দাও কেন ?' (৭ : ১৬৪)। তখন নিষেধকারীরা বলেন, তোমাদের প্রতিপালকের নিকট দায়িত্বক্ষিপ্তির জন্য এবং যাতে তারা সাবধান হয় এইজন্য অর্থাৎ তারা শনিবার মৎস্য শিকার থেকে বিরত হবে।

ইকরিমাহ উল্লেখ করেছেন যে, তিনি যখন ইব্রাহিম আবাসকে বললেন, শিথিলতাকারীগণ ধ্রংস হয়েছে উদাসীনদের সাথে। তখন তিনি তাকে এক জোড়া কাপড় উপহার দিলেন। হাওছারাহ বর্ণনা করেন মুগীরাহ থেকে তিনি ইকরিমাহ থেকে। তিনি বলেন, বানু ইসরাইলে তিনজন কায়ী ছিল। একজন মৃত্যুথে পতিত হবার পর অপর জনকে তার স্ত্রীর করা হয়। তারা বেশ দীর্ঘকাল বিচার কার্য সম্পাদন করেন। এরপর (তাদেরকে পরীক্ষা করার জন্য) আল্লাহ পাক একজন অশ্বারোহী ফেরেশতা পাঠালেন। সেই ফেরেশতা এক ব্যক্তিকে অতিক্রম করলেন, যে বাচ্চুর সমেত একটি গাভীকে পানি পান করাচ্ছিল। ফেরেশতাহ বাচ্চুরটিকে ডাকলেন। সে তার ঘোড়ার অনুসরণ করল। তার মালিক তাকে ফিরিয়ে নিতে এসে বলল। হে আল্লাহর বান্দা! এতো আমার বাচ্চুর আমার গাভীর গর্ভজাত। ফেরেশতাহ বললেন, না এটা আমার বাচ্চুর এটা আমার অশ্বশাবক। এভাবে ফেরেশতাহ বাক্যুদ্ধে লোকটিকে পরাভূত করলেন। লোকটি বলল, তাহলে কায়ী তোমার ও আমার মাঝে ফায়সালা করবেন। ফেরেশতা বললেন, আমি তাতে সম্মত আছি। তারা দুইজন জনেক কায়ীর দরবারে তাদের অভিযোগ উত্থাপন করল। বাচ্চুর মালিক বলল, এই ব্যক্তি আমাকে অতিক্রম করে যাওয়ার সময় আমার বাচ্চুরকে ডেকে নেয় এবং সে তাকে অনুসরণ করে। এখন সে তা ফিরিয়ে দিতে অঙ্গীকার করছে। বর্ণনাকারী বলেন, আর ফেরেশতার সাথে ছিল অতিমূল্যবান ও অভূতপূর্ব তিনটি মুক্তার দানা। সে তার একটি কায়ীকে দিয়ে বলল, আমার অনুকূলে ফায়সালা করুন। সে বলল, এটা কিভাবে বৈধ হবে? ফেরেশতাহ বলল, বাচ্চুরটিকে আমরা গাভী ও ঘোটকীর পিছনে ছেড়ে দিব সে যার অনুসরণ করবে তার শাবক রূপে তাকে গণ্য করা হবে। তখন কায়ী তাই করল আর বাচ্চুরটি ঘোটকীর অনুসরণ করল এবং সে তার অনুকূলে ফায়সালাহ করল। বাচ্চুর মালিক বলল, আমি এ ফায়সালা মানি না, আমার ও তোমার মাঝে ফয়সালা করবেন অন্য কোন কায়ী। এরপর তারা দুইজন পূর্বের ন্যায় করল এবং একই ফায়সালা পেল। এরপর তারা তৃতীয় কায়ীর কাছে এসে তাদের কাহিনী বিবৃত করল। এসময় ফেরেশতাহ তাকে তৃতীয় মুক্তাটি প্রদান করল। কিন্তু তিনি তা গ্রহণ করলেন না। তিনি বললেন, আজ আমি তোমাদের মাঝে বিচার করব না। কেননা, আমি রজঃস্মাৰঞ্জস্ত। ফেরেশতাহ বলল, সুবহানাল্লাহ! কি আশ্চর্য! পুরুষ মানুষ রজঃস্মাৰঞ্জস্ত। কায়ী বলল, সুবহানাল্লাহ! কি আশ্চর্য! ঘোটকী কি কখনও গোবৎস প্রসব করে? এরপর তিনি গাভীর মালিকের অনুকূলে ফায়সালা করলেন। ফেরেশতাহ বলেন, তোমাদেরকে পরীক্ষা করা হয়েছে। আল্লাহ তোমার প্রতি সন্তুষ্ট হয়েছেন। তোমার সঙ্গীদ্বয়ের প্রতি অসন্তুষ্ট হয়েছেন।

আবু বাকর ইবন আয়্যাশ বর্ণনা করেন আবু হাময়া আচ্ছুমালী সূত্রে ইকরিমাহ থেকে যে, কোন এক স্বৈরাচারী শাসক তার রাজ্যে ঘোষণা করল, আমি যদি কাউকে কোন দান-সদকা করতে দেখি, তাহলে তার হাত কেটে দিব। এসময় জনেক স্ত্রীলোকের কাছে এক প্রার্থী এসে বলল, আমাকে কিছু দান করুন। সে বলল, কিভাবে আমি তোমাকে দান করব, বাদশাহ তো দানকারীর হাত কেটে দিবে। লোকটি বলল, আল্লাহর ওয়াস্তে আপনি আমাকে কিছু দান করুন। সে তাকে দুটি রুটি দান করল। এ খবর যখন বাদশাহের কানে পৌছল, সে লোক

পাঠিয়ে তার হাত কাটাল। এরপর এই বাদশাহ তার মাকে বলল, আমাকে কোন সুন্দরী নারীর সঙ্গান দিন আমি তাকে বিবাহ করব। তার মা বললেন, আমার খৌজে এক পরমাঙ্গপসী নারী রয়েছে তবে তার একটি খূত আছে। সে বলল, তা কী? তিনি বললেন তার হাত দুটি কাটা। সে বলল, আপনি তার কাছে দৃত পাঠান। এরপর সে যখন তাকে দেখল তখন তার সৌন্দর্য তাকে ঝুঁক করল। আর মেয়েটি প্রকৃত সুন্দরী ছিল। এরপর প্রেরিত দৃত তাকে বলল, বাদশাহ আপনাকে বিবাহ করতে চান। সে বলল, হ্যাঁ, মহান আল্লাহ চান তো এরপর বাদশাহ তাকে বিবাহ করে সাদরে বরণ করে নিল। এদিকে বাদশাহুর বিরুদ্ধে আক্রমণের উদ্দেশ্যে শক্রদল অগ্রসর হলো। সে তাদের উদ্দেশ্যে বের হলো। তারপর তার মায়ের কাছে পত্র মারফত লিখে পাঠাল আপনি অমুককে দেখেননে রাখবেন এবং তার সাথে ভাল আচরণ করবেন। অবশ্যই আপনি তাকে নেকনজরে রাখবেন। এরপর দৃত এসে প্রথমে তার সতিনদের কাছে আপ্যায়ন গ্রহণ করল আর তারা তাকে হিংসা করত। তাই তারা তার চিঠি নিয়ে তা পরিবর্তন করে তার মায়ের কাছে লিখল অমুকের ব্যাপারে সতর্ক থাকবেন, আমি জানতে পেরেছি কতক পুরুষ তার কাছে আসা-যাওয়া করে। আপনি তাকে বের করে দিবেন এবং তার বিরুদ্ধে শাস্তিমূলক ব্যবস্থা নিবেন। তার মা তার কাছে লিখল, তুমি যিথ্যা সংবাদ পেয়েছ সে সতীনারী। দৃত এই পত্র নিয়ে আবার সেই সতিনদের কাছে গেল এবং তাদের আতিথেয়তা গ্রহণ করল। তারা এই পত্রটি নিয়ে তা পরিবর্তন করে লিখল, সে তো ব্যভিচারিণী। ইতোমধ্যেই সে এক জারজ সন্তানের জন্ম দিয়েছে। এ পত্র পেরে বাদশাহ তার মাকে লিখে পাঠাল, আমার অমুক স্ত্রীকে আমার অমুক সন্তান পালনের দায়িত্ব দিয়ে দিন এবং তাকে প্রহার করে বের করে দিন। বর্ণনাকারী বলেন, এরপর বাদশাহুর মায়ের কাছে পত্রটি আসল। সে তার স্ত্রীকে তা পাঠ করে শোনাল এবং তাকে বলল, এখন তুমি বেরিয়ে পড়। সে তার শিশু সন্তানকে কাঁধে নিয়ে বেরিয়ে পড়ল। পথিমধ্যে পিপাসার্ত অবস্থায় সে একটি নদীর দেখা পেল। সে শিশু ছেলেটিকে কাঁধে নিয়ে পানি পান করতে নামল। এমন সময় হঠাতে শিশুটি পানিতে পড়ে ডুবে মারা গেল। সে ছেলের শোকে নদীর তীরে বসে কাঁদতে লাগল। এসময় দুই ব্যক্তি তাকে অতিক্রম করল। তারা বলল, তুমি কাঁদছ কেন? সে বলল, আমার কাঁধ থেকে আমার শিশু ছেলে পানিতে পড়ে ডুবে মরেছে। আর আমার এ দুর্দশার কারণ আমার উভয় হাত না থাক। তখন তারা দুইজন তাকে বলল, তুমি কি চাও মহান আল্লাহ তোমার হাত দুটিকে পূর্বাবস্থায় ফিরিয়ে দিন। সে বলল, হ্যাঁ চাই! তারা দুইজন মিলে তার জন্য তাদের রবব মহান আল্লাহুর কাছে দুଆ করল। তার হাত দুইটি পূর্বাবস্থায় ফিরে আসল। তারপর তারা দুইজন তাকে বলল, তুমি কি জান আমরা কারা? সে বলল না। তারা দুইজন বলল, আমরা হলাম ঐ দুটি রুটি যা তুমি সাদকা করেছিলে।

আল্লাহ তা'আলার বাণী : (بِأَبْيَالٍ طَيْرٍ) (ঝাঁকে ঝাঁকে পাখী প্রেরণ করেন)-এর ব্যাখ্যায় ইকরিমা বলেন, এগুলো ছিল এমন সব পাখী যা সমুদ্র থেকে এসেছিল এবং যাদের ছিল হিংস্র প্রাণীর ন্যায় মাথা। তা তাদেরকে একের পর এক পাথর নিক্ষেপ করতে লাগল এমনকি তাদের চামড়ায় গুটি বসন্তের সৃষ্টি হলো। ইতোপূর্বে এই গুটি বসন্তের কোন অস্তিত্ব ছিল না। আর এ পাখীও এ ঘটনার পূর্বে বা পরে কখনও দৃষ্টিগোচর হয়নি।

আর আল্লাহ তা'আলার বাণী — يُؤْتُونَ الرَّكَاءَ وَيَلْلَمْشِرِكِينَ الَّذِينَ لَا يُؤْتُونَ الرَّكَاءَ— দুর্ভেগ অংশীবাদীদের জন্য যারা যাকাত প্রদান করে না, (৬:৭) এর ব্যাখ্যায় তিনি বলেন, তারা লা

ইলাহা ইল্লাল্লাহ্ বলে না। আর এই আয়াতের— قَدْ أَفْلَحَ مَنْ تَزَكَّىْ নিশ্চয় সাফল্য লাভ করবে যে পবিত্রতা অর্জন করে—এর ব্যাখ্যা অর্থাৎ যে লা ইলাহা ইল্লাল্লাহ্ বলে। আর হেল্ট কর্তৃক “এবং বল তোমার কি অগ্রহ আছে যে, তুমি পবিত্র হও” (৭৯ : ১৮) অর্থাৎ লা ইলাহা ইল্লাল্লাহ্ বলার। আর যারা বলে আল্লাহ্ আমাদের প্রতিপালক তারপর অবিচলিত থাকে। অর্থাৎ যারা লা ইলাহা ইল্লাল্লাহ্ এর সাক্ষ্য দানে অবিচলিত থাকে। আর **أَلَّا يُسَمِّنْ مِنْكُمْ رَجُلٌ رَشِيدٌ** তোমাদের মধ্যে কি কোন ভাল মানুষ নেই। (ইকরিমা বলেন) অর্থাৎ তোমাদের মাঝে কি লা ইলাহা ইল্লাল্লাহ্ বলার মত কেউ নেই। আর **وَقَالَ صَوَابًا** এবং সে যথার্থ বলে। অর্থাৎ লা ইলাহা ইল্লাল্লাহ্ বলে, **إِنَّكَ** নিশ্চয় আপনি অঙ্গীকার ভঙ্গ করেন না। অর্থাৎ যে লা ইলাহা ইল্লাল্লাহ্ বলে তার সাথে। আর আল্লাহ্ তা'আলার এই বাণীতে : فَإِنْ انتَهُوْ فَلَا عَدْوَانَ إِلَّا عَلَىَّ যদি তারা বিরত হয়, তবে যালিমদের ব্যতীত আর কাউকে আক্রমণ করা চলবে না, ২ : ১৯৩। অর্থাৎ যারা লা ইলাহা ইল্লাল্লাহ্ বলে না। আর **وَأَذْكُرْ رَبَّكَ إِذَا نَسِيْتَ** যদি ভুলে যাও তবে তোমার প্রতিপালকের শ্রণণ করো (২৪ : ১৮) অর্থাৎ যদি দ্রুদ্ধ হও। **سِيمَاهُمْ فِيْ وُجُوهِهِمْ** তাদের মুখমণ্ডলে সিজদার চিহ্ন থাকবে (৪৮ : ২৯)। তিনি বলেন এই চিহ্ন হলো, রাত্রি জাগরণজনিত চিহ্ন।

তিনি বলেন, শয়তান মানুষের জন্য পাপকে সুশোভিত করে আর মানুষ যখন তাতে লিপ্ত হয়, সে তখন তার থেকে সম্পর্কহীনতা ঘোষণা করে। এরপর সে তার প্রতিপালকের কাছে কারুতি-মিনতি করে ক্ষমা প্রার্থনা করতে থাকে, এমনকি মহান আল্লাহ্ তার ঐ পাপ এবং পূর্বের সকল পাপ ক্ষমা করে দেন। তিনি বলেন— জিবরাইল আলায়হিস সালাম বলেন, আমার রক্ষ যখন আমাকে কোন নির্দেশ বাস্তবায়নে পাঠান, তখন আমি দেখতে পাই ...

তাকে একবার সম্পর্কে প্রশ্ন করা হলো। তিনি বলেন, তা হলো, ধার নেওয়া বস্তু। আমি বললাম, তাহলে কোন ব্যক্তি যদি চালুনি, পাতিল, থালা-বাসন কিংবা অন্য কোন গৃহ সামগ্রী ধার না দেয়, তাহলে কি সে **الْوَيْلُ**—এর শিকার হবে? তিনি বলেন, কিন্তু, সে যদি সালাত থেকে নিমেধ করে এবং খুটিনাটি গৃহস্থালী সামগ্রী প্রদানে বাধা প্রদান করে, তাহলে তার জন্য **الْوَيْلُ** রয়েছে। সূরা ইউসুফে বিদ্যমান **البَضَاعَةُ الْمَزْجَاهُ** সম্পর্কে তিনি বলেন, যা সচল বস্তু। আর **السَّائِحُونَ** সম্পর্কে তিনি বলেন, এরা হলো জ্ঞানার্থী। **كَمَا يَئِسَ الْكُفَّارُ مِنْ أَصْحَابِ الْقُبُورِ** বিষয়ে (৬ : ১৩)। অর্থাৎ কাফিররা যখন কবরে প্রবেশ করবে এবং মহান আল্লাহ্ তাদের জন্য যে অপমান-অপদস্থতা প্রস্তুত করেছেন, তা প্রত্যক্ষ করবে, তখন তারা মহান আল্লাহর নি'আমত ও অনুগ্রহ লাভের ব্যাপারে নিরাশ হয়ে পড়বে। আর অন্যেরা বলেন, অর্থাৎ তারা তাদের মৃত্যু পরবর্তী জীবন এবং পুনরুত্থানের ব্যাপারে হতাশ হয়ে পড়েছে। তিনি বলেন, হ্যরত ইবরাহীম আলায়হিস-সালাম ‘অতিথি বৎসল’ রূপে পরিচিত ছিলেন। তার গৃহের চারাংটি দরয়া ছিল যাতে কোন অতিথি ফিরে না যায়। আর **أَنْكَالُ** শব্দের ব্যাখ্যায় তিনি বলেন, তাহলো বেঢ়ী বা শৃঙ্খলসমূহ। আর সাবা সম্প্রদায়ের গণক সম্পর্কে তিনি বলেন, সাবা

সম্প্রদায়ের আয়ার যখন ঘনিয়ে এলো তখন তিনি তাঁর সম্প্রদায়কে বলেন, তোমাদের মধ্যে যে ভারী বোঝা বহন করে দূরে যেতে চায়, সে ওমানে যাক; আর যে শরাব, রঞ্জি, ফলের রস ইত্যাদি চায়, সে বুসরা অর্থাৎ শামে যাক। আর যে বৃষ্টি-কাদায় স্থিত অবস্থা চায় এবং দুর্ভিক্ষে স্থায়ী নিবাস চায়, সে খেজুর গাছপূর্ণ ইয়াছরিবে যাক। তখন একদল ওমানের উদ্দেশ্যে বের হলো, আরেকদল শামের উদ্দেশ্যে বের হলো এরা হলো গাসসান। আর কা'ব ইব্ন আমরের বংশধর আওস, খায়রাজ এবং খুয়াআ বের হয়ে ইয়াছরিবে অবস্থান গ্রহণ করল, যা ছিল খেজুর উদ্যানে পূর্ণ। পথিমধ্যে এরা যখন বাতনে মুররা নামক স্থানে পৌঁছল, তখন খুয়াআ বলল, এটা বেশ উপযোগী স্থান। আমরা এর বিকল্প চাই না। এরপর তারা সে স্থানেই অবস্থান গ্রহণ করল। এ কারণেই তাদেরকে খুয়াআ বলা হয়। কেননা, তারা তাদের সহযাত্রীদের পশ্চাতে অবস্থান নিয়েছিল। আর আওস ও খায়রাজ অহসর হয়ে ইয়াছরিবে অবস্থান গ্রহণ করেছিল।

তিনি বলেন, আল্লাহ্ তা'আলা ইউসুফ আলায়হিস সালামকে বললেন, হে ইউসুফ! ভাইদেরকে ক্ষমা-সুন্দর দৃষ্টিতে দেখার কারণে আমি তোমার আলোচনাকে সমন্বন্ধিত করেছি তিনি বলেন, হ্যরত লুকমান তার ছেলেকে বলেন, আমি বহু তিক্তের স্বাদ আস্বাদন করেছি, কিন্তু দারিদ্রের চেয়ে তিক্ত কিছুর স্বাদ আস্বাদন করিনি এবং বহু ভারী বোঝা বহন করেছি। কিন্তু মন্দ প্রতিবেশীর চেয়ে ভারী কোন বোঝা বহন করিনি। কথা যদি রৌপ্য নির্মিত হয়, তাহলে নির্বাক থাকা স্বর্গমণ্ডিত। ওয়াকি' ইব্নুল জারাহ বর্ণনা করেছেন সুফয়ান সূত্রে ... ইকরিমাহ থেকে— ‘أَرَمِيْتَ اذْرَمِيْتَ وَلَكِنَّ اللَّهَ رَمَى’ ‘আর তুমি যখন নিক্ষেপ করেছিলে, তখন তুমি নিক্ষেপ কর নাই, আল্লাহ্ নিক্ষেপ করছিলেন’ (৮-১৭)। রাসূলের নিক্ষিণ্ড ধূলার প্রতিটি অংশই তাদের কোন না কোন ব্যক্তির চোখে পতিত হয়েছিল। আর তিনি পবিত্র কুরআনের ‘زَنْبِيْمُ’ শব্দের ব্যাখ্যায় বলেন, সে হলো ইতর ও নীচ ব্যক্তি যাকে তার নীচুতা দ্বারা চেনা যায়।

এছাড়া তিনি ‘الَّذِينَ يُؤْذِنُونَ اللَّهُ وَرَسُولُهُ’ ‘যারা আল্লাহ্ রাসূলকে পীড়া দেয়’ (৩৩ : ৫৭)। এই আয়াতের ব্যাখ্যায় বলেন, তারা হলো প্রতিমা/প্রতিকৃতি নির্মাতা। আর ‘وَلَغَتْ’ শাব্দিক অর্থ- এবং তোমাদের হৃৎপিণ্ডসমূহ কঢ়াগত হয়েছিল (৩৩ : ১০)। এর ব্যাখ্যায় তিনি বলেন, প্রকৃতপক্ষে যদি হৃৎপিণ্ড নড়াচড়া করত কিংবা স্থানচ্যুত হতো তাহলে প্রাণবায়ু বের হয়ে যেত। আসলে এখানে ভীতি ও আতঙ্ক উদ্দেশ্য। সূরা হাদীদে- فَتَنَّتُمْ أَنفُسَكُمْ তোমরা নিজেদেরকে বিপদগ্রস্ত করেছ- অর্থাৎ ভোগাস্তিসমূহ দ্বারা। ‘وَغَرَّكُمْ الْأَمَانِيُّ’ তোমরা প্রতীক্ষা করেছ অর্থাৎ তাওবা দ্বারা। ‘وَغَرَّكُمْ الْأَمَانِيُّ’ - অলীক আকাঙ্ক্ষা তোমাদেরকে মোহগ্রস্ত করে রেখেছে। অর্থাৎ নেকআমলে ‘করি— করব’ মনোভাব।

‘وَغَرَّكُمْ بِاللَّهِ’ আল্লাহর হৃকুম না আসা পর্যন্ত অর্থাৎ মৃত্যু। এবং মহাপ্রতারক তোমাদেরকে আল্লাহ্ সম্পর্কে প্রতারিত করেছে, অর্থাৎ শয়তান। তিনি আরও বলেন, যে ব্যক্তি পড়বে, সে ব্যক্তি সেদিন সঞ্চ্যাকাল পর্যন্ত আনন্দিত থাকবে।

সালামা ইব্ন শু'আয়ব বর্ণনা করেন, ইবরাহীম ইব্নুল হাকাম সূত্রে আবান থেকে, তিনি তার পিতা থেকে। তিনি বলেন, একবার আমি ইকরিমার সাথে সম্মুদ্রের তীরে বসা ছিলাম। এ

সময় তারা এই সকল লোকের পুনরুত্থানের ব্যাপারে আলোচনা করল, যারা সমুদ্রে/ পানিতে ডুবে মারা যাবে। তখন ইকরিমা বললেন, যারা পানিতে ডুবে মারা যাবে, তাদের গোশত মৎস্য কূল বন্টন করে খাবে। অঙ্গসমূহ ছাড়া আর তাদের কিছুই অবশিষ্ট থাকবে না। এরপর তা পরিবর্তিত হয়ে উটের খাদ্যে পরিণত হয়ে তার লাদি হয়ে বের হয়ে আসে। এরপর লোকজন এসে সেই স্থানে অবতরণ করে। তারপর সেই লাদ দিয়ে চুলা জালায়। ফলে তা ছাইয়ে পরিণত হয়। এরপর বাতাস এসে মহান আল্লাহর ইচ্ছা মাফিক পৃথিবীর জলে-স্তলে তা উড়িয়ে নিয়ে যায়। এরপর যখন পুনরুত্থানের জন্য শিশায় ফুক দেওয়া হবে, তখন এরা এবং অন্যান্য সমাধিষ্ঠ কবরবাসী একই সাথে পুনরুত্থিত হবে। একই সূত্রে তার থেকে বর্ণিত আছে, তিনি বলেন, আল্লাহ তা'আলা একজন জাল্লাতবাসীকে জাল্লাত থেকে এবং একজন জাহান্নামবাসীকে জাহান্নাম থেকে বের করবেন। এরপর জাল্লাতবাসীকে প্রশ্ন করবেন, হে আমার বান্দা! তুমি তোমার আরামস্তুলকে কেমন পেয়েছ? সে বলবে, অতি উত্তম। তারপর জাহান্নামবাসীকে বলবেন, হে আমার বান্দা! তুমি তোমার অবস্থানস্তুল কেমন পেয়েছ? সে বলবে, অতি জঘন্য এরপর সে সেখানকার সাপ-বিচু ও বোলতার কথা এবং সেখানে যে সকল শাস্তি রয়েছে তার কথা উল্লেখ করবে। এরপর আল্লাহ তা'আলা বললেন, হে আমার বান্দা! আমি যদি তোমাকে জাহান্নাম থেকে অব্যাহতি/মুক্তি দিই, তাহলে তুমি আমাকে কী দিবে? তখন বান্দা বলবে, আয় ইলাহী, আমার কাছে কী আছে? আমি আপনাকে কী দিব? তখন আল্লাহ তা'আলা তাকে বলবেন, যদি তোমার কাছে স্বর্ণের একটি পাহাড় থাকত, তাহলে কি আমি তোমাকে জাহান্নামের শাস্তি থেকে অব্যাহতি দিলে তুমি তা আমাকে দিয়ে দিতে? সে বলবে, হ্যাঁ! তখন মহান আল্লাহ তাকে বলবেন, তুমি যিথ্য বলেছ! আমি তো দুনিয়াতে তোমার কাছে এর চেয়ে সামান্য কিছু চেয়েছিলাম। তুমি আমাকে ডাকবে আর আমি তোমার ডাকে সাড়া দিব। তুমি আমার কাছে ক্ষমা প্রার্থনা করবে আর আমি তোমাকে ক্ষমা করব, তুমি আমার কাছে প্রার্থনা করবে আর আমি তোমাকে প্রদান করব। কিন্তু তুমি তো মুখ ফিরিয়ে চলে যেতে।

এই সনদে তিনি বলেন, কাল কিয়ামতের দিন মহান আল্লাহ তার যে বান্দাকেই হিসাব গ্রহণের জন্য নিকটবর্তী করবেন, সেই মহান আল্লাহর ক্ষমাপ্রাপ্ত হয়ে আসবে। একই সূত্রে তার থেকে বর্ণিত আছে, প্রত্যেক বস্তুর একটি ভিত্তি বা মূল রয়েছে। ইসলামের ভিত্তিমূল হলো সদাচার/উত্তম ব্যবহার। একই সূত্রে তার থেকে বর্ণিত আছে, একবার এক নবী তাঁর রবের কাছে ক্ষুধা ও বন্ধুহীনতার অভিযোগ করলেন, তখন মহান আল্লাহ তার কাছে এই মর্মে ওহী প্রেরণ করলেন, তুমি কি এতে সন্তুষ্ট নও যে, আমি তা দ্বারা তোমার থেকে পোশাক-পরিচ্ছদ ও ক্ষুধাহীনতা থেকে উত্তৃত অবিষ্টের দরযা বক্ষ রেখেছি। তিনি আরও বলেন, আসমানে ইসমাইল নামক এক ফেরেশতা রয়েছেন। আল্লাহ তা'আলা যদি তার কোন কানকে রহমানের তাসবীহ পাঠ করার অনুমতি দিতেন, তাহলে আসমান-যমীনের সকল মাখলুক মৃত্যুমুখে পতিত হতো। তার থেকে বর্ণিত আছে, তিনি বলেন, সূর্যের আয়তন পৃথিবীর আয়তনের চারগুণ, আর চন্দ্রের আয়তন হলো পৃথিবীর আয়তনের দ্বিগুণ। সূর্য যখন অন্ত যায়, তখন তা আরশের নিম্নদেশে অবস্থিত এক সাগরে প্রবেশ করে আল্লাহর তাসবীহ পাঠ করে। এরপর যখন

১. সূর্য ও চন্দ্রের আয়তন সম্পর্কিত এই তথ্য সম্ভবত সম্পূর্ণ ব্যক্তিগত অনুমান নির্ভর, সুতরাং জ্যোতির্বিজ্ঞানের মাপকাঠিতে এর সত্যাসত্য বিবেচনা নিষ্পত্তেজোরেজন- অনুবাদক।

সকাল হয়/ঘনিয়ে আসে, তখন সে তার প্রতিপালকের কাছে উদিত হওয়া থেকে অব্যাহতি চায়। তখন তিনি তাকে বলেন, কেন? অথচ এর কারণ সম্পর্কে তিনিই অধিক জানেন, তখন সে বলে, যাতে আপনার পরিবর্তে আমি উপাস্য/ পুজিত না হই। তখন তিনি তাকে বলেন, তুমি উদিত হও, এর জন্য তো তুমি দায়ী নও। তাদের জন্য জাহান্নামই যথেষ্ট। ... তের হাজার ফেরেশতা তাকে টেনে আনবে এবং তাদেরকে তাতে প্রবেশ করাবে। অবশ্য এটা বিশুদ্ধ হাদীসের বিপরীত।

إِنَّ جَهَنَّمَ يُؤْتَى بِهَا نَقَادٌ بِسَبْعِينَ أَلْفِ زَمَامٍ مَعَ كُلِّ زَمَامٍ سَبْعُونَ أَلْفَ مَلِكٍ

‘জাহান্নামকে সন্তুর হাজার লাগাম/রশি বেঁধে টেনে আনা হবে। যার প্রতিটি লাগামে থাকবে সন্তুর হাজার ফেরেশতা।’ মুনদিল বর্ণনা করেন, আসাদ ইব্ন আতা সূত্রে ইকরিমা থেকে তিনি ইব্ন আবুআস থেকে। তিনি বলেন, রাসূলুল্লাহ সাল্লাল্লাহু আলায়হি ওয়া সাল্লামা বলেন :

لَا يَقْنَأْ أَحَدُكُمْ عَلَى رَجْلٍ يُضْرِبُ ظُلْمًا ، فَإِنَّ اللَّعْنَةَ تَنْزَلُ مِنَ السَّمَاءِ عَلَى مَنْ يَحْضُرُهُ إِذَا لَمْ تَدْفُعُوا عَنْهُ - وَلَا يَقْنَأْ أَحَدُكُمْ عَلَى رَجْلٍ يُقْتَلُ ظُلْمًا فَإِنَّ اللَّعْنَةَ تَنْزَلُ مِنَ السَّمَاءِ عَلَى مَنْ يَحْضُرُهُ إِذَا لَمْ تَدْفُعُوا عَنْهُ -

‘তোমাদের কেউ যেন অন্যায়ভাবে কাউকে প্রহত হতে দেখে দাঁড়িয়ে না থাকে। কেননা, অন্যরা যদি তাকে রক্ষা না করে, তাহলে তার কাছে উপস্থিত সকলের উপর মহান আল্লাহর অভিশাপ নেমে আসে। তদুপ তোমাদের কেউ যেন অন্যায়ভাবে কাউকে নিহত হতে দেখে দাঁড়িয়ে না থাকে। উপস্থিতরা যদি তাকে রক্ষা না করে, তাহলে তাদের উপর মহান আল্লাহর অভিশাপ নেমে আসে।’ এই হাদীস একমাত্র এই মুনদিল মারফু’রূপে রিওয়ায়াত করেছেন।

শু’বাহ রিওয়ায়াত করেন, উমারা ইব্ন হাফসা সূত্রে ... ইকরিমাহ থেকে তিনি আবু হুরায়রাহ থেকে যে, রাসূলুল্লাহ সাল্লাল্লাহু আলায়হি ওয়া সাল্লামা যখন হাঁচি দিতেন, তখন কাপড় দ্বারা তাঁর মুখমণ্ডল আবৃত করতেন এবং তার জন্ময়ের উপর উভয় হাত রাখতেন। এই হাদীস শু’বাহ বর্ণিত এক উৎকৃষ্ট শ্রেণীর হাদীস। এছাড়া রাবী বাকিয়াহ বর্ণনা করেন ইসহাক ইব্ন মালিক সূত্রে ইকরামাহ থেকে, তিনি আবু হুরায়রা থেকে তিনি নবী করীম সাল্লাল্লাহু আলায়হি ওয়া সাল্লামা থেকে। তিনি বলেন :

مَنْ حَلَفَ عَلَى أَحَدٍ يَمْبَثُّ وَهُوَ يَرِى أَنَّهُ سَيْبِرَهُ فَلَمْ يَفْعَلْ - فَانْمَأْ إِثْمَةً عَلَى

الذى لم يبره -

“কেউ যদি কারো ব্যাপারে শপথ করে এই ধারণায় যে, ঐ ব্যক্তি তার শপথ পূর্ণ করবে, কিন্তু সে ব্যক্তি তা পূর্ণ করল না, তাহলে তার পাপ সেই বহন করবে যে তা পূর্ণ করেনি।”

-বাকিয়া ইব্ন ওয়ালীদ এককভাবে মারফু’রূপে এ হাদীস বর্ণনা করেছেন। মুসনাদে আহমাদে আবদুল্লাহ ইব্ন আহমাদ বর্ণনা করেন উবায়দ ইব্ন উমর আল কাওয়ারিনী সূত্রে ... ইকরিমা থেকে, তিনি হ্যরত আইশা থেকে যে, একবার নবী করীম সাল্লাল্লাহু আলায়হি ওয়া সাল্লামা মোটা ও খসখসে এক জোড়া লুঙ্গি ও চাদর পরে ছিলেন। আইশা বলেন, ইয়া রাসূলুল্লাহ! আপনার এই কাপড় দুটি মোটা ও খসখসে, এতে আপনি পানির ছিটা দিলে তো তা আরও

ভারী হয়ে যায়। আপনি অমুকের কাছে লোক পাঠান, তার কাছে শামী চাদর এসেছে, তার থেকে বাকীতে এক জোড়া চাদর করুন। দৃত লোকটির কাছে এসে বলল, রাসূলুল্লাহ্ সাল্লাল্লাহু আলায়হি ওয়া সাল্লামা আমাকে তোমার কাছে পাঠিয়েছেন, তুমি যেন বাকী মূল্যে তার কাছে একজোড়া চাদর বিক্রি কর। সে বলল, আমি বুবতে পেরেছি, আল্লাহর কসম! আসলে আল্লাহর নবীর উদ্দেশ্য হলো আমার চাদর দুটি হাত করা এবং তার মূল্য পরিশোধে গড়িমসি করা। সেই দৃত আল্লাহর রাসূলের কাছে ফিরে তাকে বিষয়টি অবহিত করলেন। তিনি বলেন, সে মিথ্যা বলেছে। সকলেই জানে সকলের চেয়ে আমি মহান আল্লাহকে বেশী ভয় করি এবং সর্বাঙ্গে আমানত আদায় করি। এই দিনই নবী করীম সাল্লাল্লাহু আলায়হি ওয়া সাল্লামা বলেন, **إِنَّ يَلْبِسُ أَحَدَكُمْ مِنْ رِقَاعٍ شَتَّى خَيْرٌ لَهُ مِنْ أَنْ يَسْتَرِينَ مَا لَيْسَ عِنْدَهُ** ‘নিজের কাছে যা নেই তা খণ করে নেওয়ার চেয়ে তালিযুক্ত কাপড় পরা তোমাদের জন্য উত্তম।’ মহান আল্লাহু সর্বাধিক অবগত।

আল কাসিম ইবন মুহাম্মদ ইবন আবু বাকর সিদ্দীক (রা)^১

একজন বিশিষ্ট ফকীহ। সাহাবাহ্ ও অন্যদের থেকে তাঁর বহু সংখ্যক রিওয়ায়াত বিদ্যমান। তিনি পবিত্র মদীনার শ্রেষ্ঠতম ব্যক্তি এবং সমকালীন লোকদের মাঝে সর্বাধিক জ্ঞানী। তার শৈশবে তার পিতা মিসরে শহীদ হন। তার খালা তাঁকে লালন-পালন করেন। তিনি বহু শুণ ও কীর্তির অধিকারী। এছাড়া আরেক জন হলেন, আবু রজা আল উতারিদী।

প্রসিদ্ধ কবি আয্যা প্রেমিক কুছায়য়ির^২

কুছায়য়ির ইবন আবদুর রহমান ইবন আসওয়াদ ইবন আমির আবু সাখ্র আল খুয়াঙ্গি আল- হিজায়ী, যিনি ইবন আবু জুমুআহ্ নামে পরিচিত। আর এই আয্যার নামে তার প্রসিদ্ধ এবং পরিচিতির কারণ হলো, তার ব্যাপারে তার প্রেম কাব্য। তার পরিচয় হলো সে, বানু হাজিব ইবন গিফারের সদস্য জামিল ইবন হাফসের কন্যা। তার উপনাম উম্মু আমর। তার নাম কুছায়য়ির রাখার কারণ। সে ছিল কদাকার ওবেঁটে। আর উচ্চতা ছিল তিনি বিঘত। ইবন খান্নিকান বলেন, সে যখন হাঁটত, তখন তার দেহাকৃতির শুদ্ধতার কারণে মনে হতো যেন কোন শিশু হাঁটছে। সে যখন খলীফা আবদুল মালিক ইবন মারওয়ানের দরবারে/ সাক্ষাতে প্রবেশ করত, তখন তিনি তাকে বলতেন, তোমার মাথা নীচু কর। দেখ, ছাদে যেন ধাক্কা না লাগে। তিনি তার সাথে হাসি-ঠাণ্টা করতেন। আর সে আবদুল মালিকের দরবারে আনুষ্ঠানিকভাবে আগমন করত। একাধিকবার সে তার দরবারে আগমন করেছে। এছাড়া সে উমর ইবন আবদুল আয়ীয়ের দরবারেও আগমন করেছে। তার কাব্য-প্রতিভা সম্পর্কে বলা হয় ইসলামী যুগের কবিদের মাঝে সেই শ্রেষ্ঠ। যদিও তার মাঝে শী'আ প্রবণতা ছিল। কেউ কেউ আবার তাকে পুনর্জন্মবাদে বিশ্বাসী বলে থাকে। আর তার সম্পর্কে এই মত যদি সঠিক হয়, তাহলে বলা হয় মূর্খতা ও নিরুদ্ধিতার কারণে সে **فِي أَيِّ صُورَةِ مَا شَاءَ رَكِبَ** আকৃতিতে চেয়েছেন তিনি তোমাকে গঠন করেছেন— এই আয়াত দ্বারা এ বিষয়ে প্রমাণ পেশ

১. সিয়ারু আলামুন নুবালা ৫/৫০।

২. সিয়ারু আলামুন নুবালা ৫/১৫২।

করত । একদিন সে আবদুল মালিকের দরবারে প্রবেশের অনুমতি প্রার্থনা করল । এরপর সে যখন আবদুল মালিকের সাক্ষাতে প্রবেশ করল, তখন তিনি তাকে দেখে বললেন, তোমাকে দেখার চেয়ে শোনাই ভাল ছিল^১ । তখন সে বলল—হ্যে আমীরুল মু'মিনীন! দুই স্কুদ্রতম অঙ্গ দ্বারাই মানুষের বিচার হওয়া উচিত । হৃদয় ও জিহ্বা^২ । যদি সে কথা বলে, তাহলে সুস্পষ্ট ও বিজ্ঞ ঝরপে কথা বলে । আর যদি লড়াই করে, তাহলে বীরত্বের সাথে লড়াই করে । আমিই নিজোত্ত পঙ্ক্তিসমূহের রচয়িতা :

وَجَرَبْتُ الْأَمْوَرَ وَجَرَبْتُنِي * وَقَدْ أَبْدَتْ عَرِيْكْتِي الْأَمْوَرَ

আমি সকল বিষয় যাচাই করেছি আর বিষয়সমূহ আমাকে যাচাই করেছে এবং আমার বর্তব প্রকাশ করেছে ।

وَمَا تَخْفِي الرِّجَالُ عَلَىٰ أَنِي * بِهِمْ لَا خُوْ مِثَاقِفَةٌ خَبِيرٌ

আর লোকদের কাছে এ কথা গোপন নেই যে, আমি হলাম কঠোর প্রতিদ্বন্দ্বী এবং তাদের সম্পর্কে বিজ্ঞ/অভিজ্ঞ ।

شَرِيَ الرَّجُلُ التَّحِيْفُ فَتَزْدَرِيْهُ * وَفِي اُتْوَابِهِ اَسَدُ زَئِيرُ

শীর্ণকায় কোন ব্যক্তিকে দেখে তুমি তুচ্ছ করবে কিন্তু তারই পোশাকের আড়ালে রয়েছে এক সাহসী সিংহ ।

وَيُعْجِبُكَ الطَّرِيرُ فَتَخْتَبِرُهُ * فِيْخَلْفِ ظَنِّكَ الرَّجُلُ الطَّرِيرُ

আর কোন গোঁফওয়ালা তোমাকে চমৎকৃত করবে । এরপর যদি তুমি তাকে পরখ কর তাহলে দেখবে এই গোঁফওয়ালা তোমার ধারণাকে ভুল প্রমাণিত করেছে ।

وَمَا هَامَ الرِّجَالُ لَهَا بِزِينٍ * وَلَكِنْ زِينَهَا دِينٌ وَخَيْرٌ

মাথার খুলিই পুরুষকে সৌন্দর্যমণ্ডিত করে না । আসলে তার সৌন্দর্য হলো দীন ও কল্যাণ ।

بُعَاثُ الطَّيْرِ أَطْوَلُهَا جُسُومًا * وَلَمْ تَطْلُ الْبُزَّاةُ وَلَا الصُّقُورُ

বুগাছ পাখী আকার-আকৃতিতে বিশাল । কিন্তু ঝগল ও বাজপাখী এত দীর্ঘকায় নায় ।

وَقَدْ عَظَمَ الْبَعِيرُ بِغِيرِ لَبِّهِ * فَلَمْ يَسْتَغْنِ بِالْعَظْمِ الْبَعِيرِ

মাথার ঘিলু ছাড়াই উট এত বিশাল, তাই এই বড় হওয়া তার কোন কাজে আসেনি ।

فَيُرْكَبُ ثُمَّ يُضْرَبُ بِالْهَرَاؤِيْنِ * وَلَا عُرْفُ لَدِيهِ وَلَانْكِيرِ

তাই তাতে আরোহণ করা হয় অতঃপর তাকে লাঠি দিয়ে প্রহার করা হয়, কিন্তু তার কাছে

وَعُودُ النَّبَعِ يُنْبِتُ مُسْتَمِرًا * وَلَيْسَ يَطْوُلُ وَالْعَضْبَاءُ حَوْرٌ

১. এখানে উল্লিখিত আরবী প্রবাদ বাক্যটি ব্যাখ্যা সাপেক্ষ, তাই ভাবনুবাদ করা হলো—অনুবাদক

২. অর্থাৎ চিন্তা ভাবনার শক্তি ও বাককুশলতা ।

ଆବୁଲ ଫାରାଜ ଇବ୍ନ ତିରାର ଏହି କାହିନୀର ଅନ୍ତରୁ ଅଂଶ ଓ ତାର କବିତା ପଞ୍ଜକ୍ଷିସମୂହରେ ବ୍ୟାପାରେ ଦୀର୍ଘ ଆଲୋଚନା କରେଛେ । ଐତିହାସିକଗଣ ବଲେନ, ଏକବାର ଆୟ୍ଯା ପ୍ରେମିକ କୁଛାୟିର ଖଲୀଫା ଆବଦୁଲ ମାଲିକ ଇବ୍ନ ମାରଓୟାନେର ସାକ୍ଷାତେ ପ୍ରବେଶ କରଲ ଏବଂ ତାର ପ୍ରଶଂସାୟ ଏକଟି କାବ୍ୟ ଗାଁଥା ଆବୃତ୍ତି କରଲ । ତାର ଏକଟି ପଞ୍ଜକ୍ଷି ହଲୋ—

عَلَى ابْن أَبِي الْعَاصِي دَرُوعَ حَصِينَةٍ * أَجَادَ الْمُسْنَدِي سَرْدَهَا وَأَدَالَهَا

ଇବ୍ନ ଆବୁଲ ଆସେର ଦେହେ ଦୁତେଦ୍ୟ ବର୍ମ ରଯେଛେ, ଯାକେ ବୁନନକର୍ମୀ ନିପୁଣ ଓ ମୟବୃତ୍ତଭାବେ ବୁନେଛେ ।

ତାର ଏ କବିତା ପଞ୍ଜକ୍ଷି ଶୁଣେ ଆବଦୁଲ ମାଲିକ ତାକେ ବଲଲ, ତୁମି ତେମନଟି କେଳ ବୁନଲେ ନା ଯେମନଟି କବି ଆ'ଶା ବଲେଛେ କାଯାସ ଇବ୍ନ ମା'ଦୀକାରିବକେ—

وَإِذَا تَجِئُ كِتِيبَةً مَلُومَةً * شَهْبًا يَخْشَى الْذَّائِدُونَ صِيَالَهَا

ଯଥନ ଅନ୍ତ୍ରସଜିତ ଅଥବର୍ତ୍ତୀ ବାହିନୀ ଯୁଦ୍ଧେର ମୟଦାନେ ଅନ୍ତସର ହୟ, ଫଳେ ତାଦେର ଆକ୍ରମଣେର ଭୟେ ଆମାଦେର ଯୋଦ୍ଧାରା ଶକ୍ତି ହୟ ।

كَنْتَ الْمُقْدَمَ غَيْرَ لَابْسَ جُبَّةً * بِالسَّيْفِ يَضْرِبُ مَعْلَمَ أَبْطَالِهَا

ତଥନ ତାଦେର ବୀର ଯୋଦ୍ଧାଦେର ତରବାରି ଦିଯେ ଆଘାତ କରାର ଜନ୍ୟ ଜୁବା ପରିଧାନ ଛାଡ଼ାଇ ଆମି ଅଥବର୍ତ୍ତୀ ହୟେ ଯାଇ ।

ତଥନ ସେ ବଲଲ, ହେ ଆମୀରାଲ ମୁ'ମିନୀନ ! ସେ ତୋ ତାକେ ନିର୍ବୋଧ ସାବ୍ୟନ୍ତ କରେଛେ ଆର ଆମି ଆପନାକେ ବିଚକ୍ଷଣ ସାବ୍ୟନ୍ତ କରେଛି । ଏକଦିନ ସେ ଖଲୀଫା ଆବଦୁଲ ମାଲିକେର ସାକ୍ଷାତେ ପ୍ରବେଶ କରେ ଦେଖିଲ, ତିନି ମୁସାବାବ ଇବ୍ନ ତୁଲାଯାରେର ବିରକ୍ତେ ଅଭିଯାନେର ପ୍ରସ୍ତୁତି ଗ୍ରହଣ କରେଛେ । ଖଲୀଫା ତାକେ ବଲଲେନ, ହେ କୁଛାୟିର ! ଏହି ମାତ୍ର ଆମି ତୋମାକେ ତୋମାର କବିତାର କାରଣେ ଶ୍ଵରଣ କରେଛି । ଯଦି ତୁମି ବଲତେ ପାର ସେଟା ତୋମାର କୋନ୍ କବିତା, ତାହଲେ ତୁମି ଯା ଚାହିଁବେ ଆମି ତୋମାକେ ତାଇ ଦିବ । ତଥନ ସେ ବଲଲ, ଇଯା ଆମୀରାଲ ମୁ'ମିନୀନ ! ଆମାର ମନେ ହଚ୍ଛେ, ଆପନି ଯଥନ ଆତିକା ବିନ୍ତ ଇଯାଯାଦିକେ ବିଦାୟ ଜାନିଯେଛେ, ତିନି ଆପନାର ବିଚ୍ଛେଦ ଶ୍ଵରଣ କରେ କେଂଦେହେନ । ତାରପର ତାର କାନ୍ନା ଦେଖେ ତାର ପରିଚାରିକାରାଓ କେଂଦେହେ । ତଥନ ଆପନି ଆମାର ଏହି କବିତା ଶ୍ଵରଣ କରେଛେ :

إِذَا مَا أَرَادَ الْغَزْوَ لَمْ تَنْزِنْ عَزْمَهُ * حَسَانٌ عَلَيْهَا نَظَمٌ دُرْبِ زِينُهَا

ତିନି ଯଥନ ଯୁଦ୍ଧାଭିଯାନେର ସଂକଳ୍ପ କରେନ, ତଥନ ମୋତିର ହାର ସଜିତା ସତୀ ନାରୀଓ ତାକେ ତାର ସଂକଳ୍ପାଚ୍ୟତ କରତେ ପାରେ ନା ।

نَهْتُهُ فَلَمَّا لَمْ تَرَ النَّهْيَ عَاقَهُ * بَكْتْ فَبَكَى مِمَّا عَرَاهَا قَطَّيْنَهَا

ସେ ତାକେ ନିଷେଧ କରଲ । କିନ୍ତୁ, ଯଥନ ଦେଖିଲ ତାର ନିଷେଧାଜ୍ଞ ତାକେ ବିରତ କରଲ ନା, ତଥନ ସେ କାନ୍ଦଲ, ଆର ତାର କାନ୍ନାଯ ତାର ପରିଚାରିକାରାଓ କାନ୍ଦଲ ।

ତିନି ବଲେନ, ତୁମି ଠିକ ବଲେଛୋ । ଏଥନ ବଲ, ତୁମି କୀ ଚାଓ ? ସେ ବଲଲ, ଆପନାର ବାଛାଇ କରା ଉଟ ଥେକେ ଏକ ହାଜାର ଉଟ । ତିନି ବଲଲେନ, ତୋମାକେ ତା ଦେଯା ହଲୋ । ଏରପର ଆବଦୁଲ ମାଲିକ ଯଥନ ଇରାକେର ଉଦ୍ଦେଶ୍ୟ ରୋଧାନା ହଲେନ, ତଥନ ଏକଦିନ ତିନି କୁଛାୟିରକେ ତାର ବିଷଯେ

ভাবতে দেখলেন। তখন তিনি নির্দেশ দিলেন, তাকে আমার কাছে নিয়ে আস। তারপর তাকে যখন আনা হলো, তিনি তাকে বললেন, ভেবে দেখ আমি যদি তুমি কী চিন্তা ভাবনা করছিলে তা বলে দিই, তাহলে কি তুমি আমার ব্যাপারে আমার সিদ্ধান্ত মেনে নিবে? সে বলল হ্যাঁ! তিনি বললেন, আল্লাহর কসম? সে বলল, হ্যাঁ, আল্লাহর কসম। আবদুল মালিক তাকে বললেন, তুমি মনে মনে ভাবছিলে এ ব্যক্তি আমার মতাদর্শী (শী'আপন্ত্রী) নয়। আর সে এমন এক ব্যক্তির বিরুদ্ধে লড়াই করতে যাচ্ছে, যে আমার মতাদর্শী নয়। এদের দুইজনের মধ্য থেকে যদি কোন অজ্ঞাত তীর আমাকে হত্যা করে, তাহলে আমি দুনিয়া-আখিরাত দুই-ই হারাব। সে বলল, হ্যাঁ! আমীরুল মু'মিনীন! আপনি ঠিকই বলেছেন— আপনি আপনার সিদ্ধান্ত প্রদান করুন। তিনি বললেন, আমার সিদ্ধান্ত হলো তোমাকে উভয় বখ্শিশ দিয়ে তোমার স্বজন-পরিজনের কাছে ফেরত পাঠানো। এরপর তিনি তাকে উল্লেখযোগ্য পরিমাণ অর্থ প্রদান করলেন এবং তাকে ফিরে যাওয়ার অনুমতি দিলেন।

বিশিষ্ট রাবী হাস্মাদ কুছায়ির থেকে বর্ণনা করেন, তিনি বলেন, উমর ইব্ন আবদুল আয়ীয যখন খিলাফতের দায়িত্ব গ্রহণ করলেন, তখন আমি, আহওয়াস এবং নুসায়ব (এই তিনজন) তার সাক্ষাতে গমন করলাম। আর ইতোপূর্বে তিনি যখন মদীনার গর্ভন্ত ছিলেন, তখন আমরা তার সাহচর্য ও সঙ্গ লাভ করতাম। আমাদের প্রত্যেকের ধারণা ছিল তিনি আমাদেরকে তার দরবারে সমাদর করবেন। একথা ভেবে গর্বিত চালে চলতে থাকলাম। এরপর আমরা যখন খুনাসিরার নিকট পৌঁছলাম এবং আমাদের দৃষ্টিতে তার চিহ্নসমূহ ভেসে উঠল, তখন মাসলামাহ ইব্ন আবদুল মালিক আমাদের সাথে দেখা করেন এবং বলেন, তোমরা কী উদ্দেশ্যে আগমন করেছো? তোমরা কি জানতে পারনি যে তোমাদের খলীফা কবিতা ও কবিদের পসন্দ করেন না? কুছায়ির বলেন, একথায় আমরা আশাহত ও বিষণ্গ হলাম। মাসলামাহ আমাদেরকে তার কাছে অবস্থান করান এবং আমাদের ব্যয়ভার বহন করেন এবং আমাদের বাহনসমূহকে গো-খাদ্য সরবরাহ করেন। এভাবে আমরা চার মাস তার কাছে অবস্থান করি। কিন্তু এ দীর্ঘ সময়ের মাঝে তার পক্ষে আমাদের জন্য উমর ইব্ন আবদুল আয়ীয়ের সাক্ষাতের অনুমতি লাভ করা সম্ভব হলো না। এরপর কোন এক জুমুআতে আমি তার নিকটে অবস্থান নিলাম যাতে তার খুতবাহ ভালভাবে শুনতে পারি এবং নামায শেষে তাকে সালাম করতে পারি। এসময় আমি তাকে খুতবায় বলতে শুনলাম, প্রত্যেক সফরের জন্য তাকওয়া বা খোদাভীতির পাথেয় অবলম্বন কর। আর ঐ ব্যক্তির ন্যায় হয়ে যাও, যে ঐ শান্তি ও পুরস্কার প্রত্যক্ষ করেছে, যা মহান আল্লাহ তার জন্য প্রস্তুত করেছেন। এ স্থলে তোমরা আগ্রহীও ভীত হবে। তোমাদের কামনা-বাসনা যেন দীর্ঘ না হয়। তাহলে হৃদয়সমূহ কঠোর হয়ে যাবে এবং তোমরা তোমাদের শক্রদের অনুগত হয়ে যাবে। কেননা, আল্লাহর কসম, ঐ ব্যক্তির আশা-আকাঙ্ক্ষা বিস্তারে কী লাভ যে জানে না যে, হয়ত সকালের পর তার জীবনে পরবর্তী সম্ভ্য আসবে না অথবা সম্ভ্যার পর তার জীবনে পরবর্তী সকাল আসবে না এবং এই দুইয়ের মাঝে তার জন্য মৃত্যু ওঁত পেতে বসে আছে। আস্তন্ত হতে পারে সে, যে মহান আল্লাহর আয়াব ও কিয়ামত দিবসের ভয়াবহতা থেকে মুক্তির ব্যাপারে আস্ত্রাবান হয়েছে। আর যে ব্যক্তি দুনিয়ার

(আঘাতের) একটি ক্ষতের চিকিৎসা করতে না করতে অন্য দিক থেকে আঘাতপ্রাণ্ত হয়, সে কীভাবে আশ্বস্ত হতে পারে। নিজেকে আমি যে বিষয় থেকে বিরত রাখি, সে বিষয়ে তোমাদেরকে নির্দেশ দেওয়া থেকে আমি মহান আল্লাহর আশ্রম গ্রহণ করছি। তাহলে আমার চুক্তি অল্লাভজনক প্রমাণিত হবে এবং ঐ দিন আমার নিঃস্বত্ত্ব প্রকাশ পেয়ে যাবে, যেদিন ন্যায় ও সত্য ছাড়া কোন কিছু দ্বারা উপকৃত হওয়া যাবে না। এরপর তিনি এমনভাবে কাঁদলেন যে, আমাদের মনে হলো এই কান্না তার জীবনাবসান ঘটাবে, আর উপস্থিত সকলের কান্না ও চিংকারে মসজিদ ও চারপাশ প্রকশ্পিত হলো। কুছায়ির বলেন, তখন আমি আমার সঙ্গীয়ের কাছে গিয়ে বললাম। উমর ও তার পিতৃপুরুষদের সম্পর্কে আমরা যে সকল কবিতা রচনা করেছি তা ছাড়া অন্য কিছু কবিতা রচনা কর। কেননা, তিনি পার্থিব লোক নন, অপার্থিব ব্যক্তি। তিনি বলেন, এরপর কোন এক জুমুআর দিন মাসলামাহ আমাদের সাক্ষাতের জন্য তার অনুমতি গ্রহণ করলেন। এরপর আমরা যখন তার সাক্ষাতে প্রবেশ করুলাম, তখন আমি তাকে সালাম করে বললাম, হে আমীরুল মু'মিনীন! অবস্থান দীর্ঘায়িত হয়েছে। কিন্তু তেমন কোন উপকার লাভ হয়নি। আর আরব প্রতিনিধি দল বলাবলি করছে যে, আপনি আমাদেরকে উপেক্ষা করেছেন। তিনি বলেন- **إِنَّمَا الصَّدَقَاتُ لِلْفُقَرَاءِ وَالْمَسَاكِينِ** ‘সাদকা তো কেবল নিঃস্ব ও অভাবপ্রদাতার জন্য’ (৯ : ৬০)। আর তোমরা যদি এদের অস্ত্রুক্ত হয়ে থাক, তাহলে আমি তোমাদেরকে প্রদান করব। আর যদি তা না হয়, তাহলে বায়তুল মালে তোমাদের কোন প্রাপ্যাংশ নেই। আমি বললাম, হে আমীরুল মু'মিনীন! আমি এক নিঃস্ব পথচারী। তিনি বলেন, তোমরা কি আবু সাইদের কাছে অবস্থানরত (অর্থাৎ মাসলামাহ ইব্ন আবদুল মালিক) নও? আমরা বললাম, অবশ্যই। তিনি বললেন, যে আবু সাইদের কাছে রয়েছে তার আর কোন বিনিময় নেই। আমি বললাম, হে আমীরুল মু'মিনীন! আমাকে আবৃত্তির অনুমতি দিন। তিনি বললেন, ঠিক আছে। তবে তুমি শুধু সত্যই বলবে। আমি তাঁকে যে কবিতা আবৃত্তি করে শোনালাম তার একাংশ :

وَلَيْتَ فِلْمَ تَشْتِمْ عَلَيْا وَلَمْ تَخْفْ * بَرِيئًا وَلَمْ تَقْبِلْ إِشَارَةً مُجْرِمٍ

খিলাফতের দায়িত্ব গ্রহণের পর আপনি হ্যবরত আলীর প্রতি বিরুদ্ধ কোন মন্তব্য করেননি, কোন নির্দেশকে ভীত সন্ত্রস্ত করেননি এবং কোন অপরাধীর ইঙ্গিত গ্রহণ করেননি।

وَصَدِقْتَ بِالْفِعْلِ الْمَفْعَلِ مَعَ الَّذِي * أَتَيْتَ فَأَمْسَنَى رَاضِيًّا كُلَّ مُسْلِمٍ

যে আপনার দ্বারস্থ হয়েছে তার সাথেই আপনি কথামত কাজ করেছেন। ফলে সকল মুসলমান আপনার প্রতি প্রসন্ন হয়েছে।

أَلَا إِنَّمَا يَكْفِي الْفَتْيَ بَعْدَ رَيْعِهِ * مِنَ الْأَوْدِ النَّادِي ثَقَافَ الْمَقْوومِ

ও ক্ষেত্রে তুমি স্বীকৃত নন। তুমি ক্ষেত্রে তুমি স্বীকৃত নন।

দুনিয়া তার পোশাক পরিধান করে তোমাকে হাত ও হাতের কাঁকন দেখিয়ে তোমার দিকে অগ্রসরমান।

وَتُوْمِضُ أَحْيَانًا بِعَيْفٍ مَرِيْضَةً * وَتَبَسَّمُ عَنْ مِثْلِ الْجَمَانِ الْمُنْظَمِ
মাঝে মাঝে সে নিষ্পত্তি চোরা দৃষ্টি হনে এবং শিলাশুভ্র দাঁতে হাসে।

فَأَعْرَضْتَ عَنْهَا مُشْمِئِزًا كَائِنًا * سَقْتَكَ مَذْوِقًا مِنْ سَمَّامٍ وَعَلْقَمٍ
কিন্তু আপনি এমন বিত্রণায় তাকে উপেক্ষা করলেন যেন সে আপনাকে বিষাক্ত পানীয়
পান করিয়েছে।

وَقَدْ كُنْتَ مِنْ أَحْبَالِهَا فِي فَمْنَعٍ * وَمِنْ بَحْرِهَا فِي مَزْبُدِ الْمَوْجِ مُفْعِمٌ
অথচ ইতোপূর্বে আপনি তার শক্ত জালে এবং ফেনিল সমুদ্রে ঢেউয়ে আটকে ছিলেন।

وَمَا زِلْتَ تَوَاقِي إِلَى كُلِّ غَایَةٍ * بَلَغْتَ بِهَا أَعْلَى الْبَنَاءِ الْمُقْدَمِ
আজও আপনি প্রত্যেক চূড়ান্ত লক্ষ্যে পৌঁছার

فَلَمَّا أَتَاكَ الْمَلْكَ عَفْوًا وَلَمْ تَكُنْ * لَطَالِبُ دُنْيَا بَعْدِهِ فِي تَكَلْمَ
কিন্তু এরপর যখন এমনিতেই আপনি বাদশাহীর অধিকারী হলেন, আর

تَرَكَ الدِّيْنَ يَفْنِي وَإِنْ كَانَ مَوْنَقًا * وَاثْرَتْ مَا يَبْقَى بِرَأْيِ مُصَمِّمٍ
যা নিঃশেষ হয়ে যাবে আপনি তা বর্জন করেছেন যদিও তা চিন্তাকর্ষক আর যা স্থায়ী তাকে
সুবিজ্ঞ রায় দ্বারা প্রাধান্য দিয়েছেন।

وَأَضْرَرْتَ بِالْفَانِي وَشَمَرْتَ لِلَّذِيْ * أَمَامَكَ فِي يَوْمٍ مِنَ الشَّرِّ مُظْلِمٍ
আপনি দুনিয়ার/পার্থিব জীবনের ক্ষতি করেছেন এবং আপনার সামনে অকল্যাণের অঙ্গকার
দিবস রয়েছে তার জন্য তৎপর হয়েছেন।

وَمَالِكَ إِذَا كَنْتَ الْخَلِيفَةَ مَانِعٌ * سِوْيَ اللَّهِ مِنْ مَالٍ رَعِيْتَ وَلَا دَمَ
আপনি যখন খলিফা হলেন, তখন আপনার অধীনস্থ জানমালে স্বেচ্ছাচারিতা থেকে
আপনাকে বাধা দান কারী মহান আল্লাহ ছাড়া কেউ নেই।

سِمَالِكَ هُمُ فِي الْفُؤَادِ مَوْرِقُ * بَلَغْتَ بِهِ أَعْلَى الْمَعَالِي بِسَلْمٍ
নিদ্রাদূরকারী এক চিন্তার উদয় হলো আপনার হৃদয়ে, যার কারণে আপনি মর্যাদার সোপান
বেয়ে সর্বোচ্চ স্তরে উন্নীত হলেন।

فَمَا بَيْنَ شَرْقِ الْأَرْضِ وَغَربِهَا * مُنَادِيْ يُنَادِيْ مِنْ فَصِّبْحٍ وَأَعْجَمٍ
উদয়চাল ও অন্তাচলের মধ্যবর্তী গোটা পৃথিবীতে আরব-অনারব এমন কোন ঘোষক/প্রজা
নেই।

يَقُولُ أَمِيرُ الْمُؤْمِنِينَ ظَلَمْتَنِي * بِأَخْذِكِ دِينَارِي وَأَخْدَكِ دِرْهَمِي

সে বলে, আমীরগুল মু'মিনীন, আপনি আমার প্রতি অবিচার করেছেন আমার একটি দীনার ও একটি দিরহাম আস্তান্ত করেছেন।

وَلَا يَبْسُطُ كَفَّ لَا مُرْئٍ غَيْرَ مُجْرِمٍ * وَلَا السَّفَكُ مِنْهُ ظَالِمًا مِلءُ مَحْجُمٍ

অপরাধী নয় এমন কারও প্রতি তার হাত প্রসারিত হয়নি এবং অন্যায়ভাবে তার দ্বারা সামান্য পরিমাণ রক্তপাত হয়নি।

وَلَوْ يَسْتَطِعُ الْمُسْلِمُونَ لِقَسْمِوا * لَكَ الشَّطَرُ مِنْ أَعْمَرِهِمْ غَيْرَ نَدْمٌ

মুসলমানগণ যদি পারত, তাহলে বিনা দ্বিধায় আপনার জন্য তাদের অর্দেক আশুক্ষাল বচ্টন করে দিত।

فَعِشْتَ بِهَا مَا حَجَّ لِلَّهِ رَأْكِبٌ * مُلْبَّ مَطِيفٌ بِالْمَقَامِ وَزَمْرَمْ

আর তার দ্বারা আপনি ততদিন জীবিত থাকবেন, যতদিন কোন আরোহী তাল্লিয়া পাঠকারী, মাকাম ও যামযাম তাওয়াফকারী আল্লাহর উদ্দেশ্যে হজ্জ করবে।

فَارْبَحْ بِهَا مِنْ صَفْقَةٍ لِمُبَابِعٍ * وَأَعْظِمْ بِهَا أَعْظَمْ بِهَا شَمْ أَعْظَمْ

আপনার এই চুক্তি অত্যন্ত লাভজনক প্রমাণিত হয়েছে এবং আপনি বিরাট সৌভাগ্যের অধিকারী হয়েছেন।

বর্ণনাকারী বলেন, তখন উমর ইব্ন আবদুল আয়ীয় আমার দিকে তাকিয়ে বলেন, তুমি তো কিয়ামত দিবসে এ সম্পর্কে জিজ্ঞাসিত হবে।

এরপর আহওয়াস তার অনুমতি নিয়ে তাকে আরেকটি কবিতা আবৃত্তি করে শোনায়। তিনি তাকে বলেন, তুমি তো কিয়ামত দিবসে এ সম্পর্কে জিজ্ঞাসিত হবে। এরপর নুসায়ব তার অনুমতি প্রার্থনা করে। কিন্তু তিনি তাকে অনুমতি প্রদান করলেন না। আর প্রত্যেককে (তিনি জনকে) 'দেড়শ' দিবহাম প্রদানের নির্দেশ দিলেন এবং নুসায়বকে মারাজ দাবাকের দিকে যুদ্ধাভিযানে পাঠালেন। আর পরবর্তীকালে কুছায়ির ইয়ায়ীদ ইব্ন আবদুল মালিকের দরবারে গমন করে তার প্রশংসায় কাব্য রচনা করলে তিনি তাকে 'সাতশ' দীনার প্রদান করেন। যুবায়ির ইব্ন বাক্কার বলেন, কুছায়ির ছিল ইতর শ্রেণীর শীআহপষ্টী। সে পুনর্জন্মবাদে বিশ্বাসী ছিল। এমনকি সে এই আয়াত দ্বারা প্রমাণ পেশ করত। মুসা ইব্ন উকবাহ বলেন, কোন এক রাত্রে যুবায়ির ভীতিপ্রদ স্বপ্ন দেখল। পরদিন সকালে সে যুবায়ির পরিবারের প্রশংসায় কাব্য রচনা করল এবং আবদুল্লাহ ইব্ন যুবায়িরের মৃত্যুম্ভরণে শোকগাথা রচনা করল। আর ইতোপূর্বে সে তার ব্যাপারে মন্দ ধারণা পোষণ করত।

بِمُفْتَضَعِ الْبَطْحَاءِ تَأَوَّلَ أَنَّهُ * أَقْنَامَ بِهَا مَا لَمْ تَرْمِهَا الْأَخَادِيبُ

سَرَحَنَا سَرُوبًا أَمْنِينَ وَمَنْ يَخْشِيْ تَنبِيَّهَ النَّوَائِبِ

আমরা নির্ভয়ে পথ হলাম আর যে বিপদাপদের আশঙ্কা করবে তাকে বিপদাপদ আক্রমণ করবে।

تَبَرَأْتَ مِنْ عَيْبٍ أَبْنِ أَسْمَاءِ إِنْزِى * إِلَى اللَّهِ مِنْ عَيْبٍ أَبْنِ أَسْمَاءِ تَائِبٍ

আসমার ছেলের সমালোচনা থেকে আমি নিঃসম্পর্ক। আসমার ছেলের সমালোচনা থেকে আমি তাওবা করছি মহান আল্লাহর কাছে।

هُوَ الْمَرْءُ لَا تُرْزِيْ بِهِ أَمْهَاتِهِ * وَابْأَوْهُ فِيْنَا الْكَرَامُ الْأَطَابِ

সে এমন ব্যক্তি যাকে হত্যা করে তার মায়েদের শোকাতে করা অনুচিত। আর আমাদের মাঝে তার পিতৃপুরুষগণ হলো উন্নত স্বভাব মহানুভব।

মুসআব ইবন আবদুল্লাহ আয়-যুবায়রী বলেন, (একবার) আইশা বিন্ত তালহা কুছায়িরকে বলেন, আয়ার প্রসঙ্গে তুমি যে সকল কবিতা আবৃত্তি করেছো, সে তো তার অর্ধেক দেহ-সৌন্দর্যেরও অধিকারিণী নয়। তুমি যদি তা আমার ও আমার ন্যায় নারীদের প্রসঙ্গে বলতে, তাহলে তা মানাতো। কেননা, তার চেয়ে গুণে-সৌন্দর্যে ও আভিজাত্যে আমরা শ্রেষ্ঠতর। আর এই আইশা ছিলেন গুণে-সৌন্দর্যে এবং আভিজাত্যে তার কালের অন্যতম শ্রেষ্ঠ নারী। আর তিনি কুছায়িরকে তা বলেছিলেন তাকে যাচাই করার জন্য। তখন সে আবৃত্তি করল :

ضَحِيَ قَلْبَهُ يَا عَزَّ أَوْ كَادَ يَذْهَلُ * وَأَضْحَى يَرِيدُ الصَّوْمَ أَوْ يَتَبَدَّلُ

হে আয্যা হন্দয়কে বিসর্জন দিয়েছে অথবা প্রায় বিস্মৃত হয়েছে এবং অবস্থার পরিবর্তন না হওয়া পর্যন্ত উপবাসের সিদ্ধান্ত নিয়েছে—

وَكَيْفَ يُرِيدُ الصَّوْمَ مَنْ هُوَ وَأَمْقُ * لِعِزَّةٍ لَا قَالَ وَلَا مَتَبَدَّلٌ

আয্যা প্রেমিক কিভাবে অনাহারে থাকতে চাইবে।

إِذَا وَاصْلَتْنَا خَلَةَ كَى تَزِيلَنَا * أَبِينَا وَقَلَنَا الْحَاجَبِيَّةَ أَوْلَ

অন্য কোন প্রণয় নিবেদনকারিণী যখন আমাদের আয্যার প্রণয় থেকে বিচ্ছুত করতে চায়, তখন আমি বলি হাজিরী আয্যাই সর্বাঞ্ছে।

سَنُولِيْكَ عُرْفًا إِنْ أَرْدَتْ وَصَالَنَا * وَنَحْنُ لَتِيكَ الْحَاجَبِيَّةَ أَوْصَلُ

আমি তাকে বলি, তুমি যদি আমার বক্ষন কামনা কর, তাহলে আমি কৃতজ্ঞচিত্তে তোমার প্রতি সদাচারী হব। তবে প্রণয়ের জন্য আমার ঐ হাজিবিয়্যা আয্যাই শ্রেয়তর।

وَحَدَثَهَا الْوَاشْوَنُ أَنِي هَجَرْتَهَا * فَحَمَلْهَا غَيْظًا عَلَى الْمُحَمَّلِ

কুটনারা তাকে বলেছে, আমি তাকে ত্যাগ করেছি। আর এভাবে তারা তাকে আমার প্রতি অভিমানী করেছে। তখন আইশা তাকে বলেন, তুমি দেখছি আমাকে প্রেমাস্পদ বানিয়ে ছাড়লে,

আমি তো তোমার প্রেমাস্পদ নই। কবি জামীল যেমনটি বলেছে, তুমি তেমন বলতে পারতে।
আল্লাহর কসম, সে তোমার চেয়ে বড় কবি। দেখ সে বলছে-

يَا رَبِّ عَارِضَةٍ عَلَيْنَا وَصَلَهَا * بِالْجَدِ تَخْلَطُه بِقَوْلِ الْهَازِلِ

হে পরিহাসকারীর কথাছলে আন্তরিকভাবে আমাদের প্রণয়াকাঙ্ক্ষী!

فَأَجَبْتُهَا بِالْقَوْلِ بَعْدَ تَسْتَرٍ * حُبِّيْ بِشِينَةٍ عَنْ وَصَالِكْ شَاغِلِيْ

সন্দেশে আমি তাকে উত্তর দিলাম বুঝায়নার প্রতি আমার ভালবাসা তোমার মিলন থেকে
আমাকে বিরত রেখেছে।

لَوْ كَانَ فِي قَلْبِي بِقَدْرٍ قُلَامَةٍ * فَخَضْلٌ وَصَلْتُ أَوْ أَتَنْكَ رَسَائِلِيْ

আমার হৃদয়ে যদি নখাগু পরিমাণ স্থান শূন্য থাকত, তাহলে আমি তোমার সাথে সম্পর্ক
গড়তাম। কিংবা তোমার কাছে আমার পত্র আসত।

إِنِّي مَمْلُوكٌ لِلْمَلِكِ الْمُغْنِيِّ لِلْمُغْنِيِّ
এই পঙ্কজি শুনে সে বলল, আল্লাহর কসম, আমি জামীলের শ্রেষ্ঠত্ব অঙ্গীকার করছি না।
আমি তো তারই শিষ্য। এছাড়া ইব্নুল আনবারী কুছায়িরের একটি কবিতা আবৃত্তি করেছেন-

بِأَيْسِيْ وَأَمَّىْ أَنْتَ مِنْ مَعْشُوقَةٍ * طَبِّنَ الْعَدُولَهَا فَغَيْرَ حَالَهَا

আমার পিতামাতা উৎসর্গিত হোক ঐ প্রেমাস্পদের তরে, শক্রুরা যার পিছু নিয়ে তার
মনোভাবের পরিবর্তন ঘটিয়েছে।

وَمَشَى إِلَىْ بَعِيْبِ عَزَّةِ نِسْوَةٍ * جَعَلَ اَلَّهُ خُدُودَهُنَّ نِعَالَهَا

আর আমার কাছে কতক নারী এসেছে আয়ার দোষ নিয়ে সৃষ্টিকর্তা তাদের গওদেশকে
তার পাদুকা বানিয়ে দিন।

الله يَعْلَمُ لِوْ جَمَعْنَ وَمِثْلَتِهِ * لَأَخَذْتُ قَبْلَ تَامِلِ تِمْثَالِهِ

আল্লাহ জানেন তাদের সকলের সাথে যদি তার ভাক্ষর্যকেও একত্রিত করা হতো তাহলে
আমি চিন্তা-ভাবনার পূর্বেই তার ভাক্ষর্যকেই গ্রহণ করতাম।

وَلَوْ أَنْ عَزَّةَ خَاصِّيَّتِ شَمْسِ الضُّحَىِ * فِي الْحُسْنِ عِنْدَ مُوْفَقٍ لِقَضَى لَهَا

আর আয়া যদি পূর্বাহ্নের সূর্যের সাথে সৌন্দর্য নিয়ে বিবাদ করে কাফী মুওয়াফ্ফাকের
কাছে যেত, তাহলে তিনি তার অনুকূলেই ফায়সালাহ করতেন।

তার রচিত আরও কয়েকটি পঙ্কজি হলো—

فَمَا أَحْدَثَ النَّئِيْذَى الَّذِيْ كَانَ بَيْنَنَا * سَلْوًا وَلَا طُولَ اجْتِمَاعٍ تَقَالِيْ

আমাদের মাঝে বিদ্যমান দূরত্ব কোন সান্ত্বনা সৃষ্টি করেনি এবং দীর্ঘ মিলন কোন বিদ্বেষের
জন্ম দেয়নি।

وَمَا زَادَنِي الْوَأْشُونَ إِلَّا صَبَابَةً * وَلَا كَثْرَةَ النَّاهِيْنَ إِلَّا تَمَادِيْ

কুটনারা আমার প্রেমাসঙ্গিকে বৃদ্ধি করেছে আর নিষেধকারীদের আধিক্য আমার প্রেম অবিচলতা বৃদ্ধি করেছে।

অন্য স্থানে তার এই পঙ্কজিদ্বয় উদ্ভৃত হয়েছে—

فَقُلْتُ لَهَا يَا عَزُّ كُلٌّ مُصِيبَةٌ * إِذَا وَطَئْتِ يَوْمًا لِهَا النَّفْسُ ذَلتِ

আমি তাকে বললাম, হে আয্যা! সকল বিপদই এমন যে একদিন যদি প্রাণ তাতে স্থিত হয়, তখন তা সহজ হয়ে যায়।

هَنِيئًا مَرِبِّيًّا غَيْرِ دَاءٍ مُخَارِيٍّ * لِعَزَّةٍ مِنْ أَعْرَاضِنَا مَا اسْتَحْلَأْتِ

আয্যা আমাদের যে মানহানি ঘটিয়েছে তা তার জন্য সহজ ও স্বাচ্ছন্দ্যময় হোক।

এছাড়াও প্রজ্ঞাপূর্ণ কয়েকটি পঙ্কজি রয়েছে

وَمَنْ لَا يُغْمِضُ غَيْنَهُ عَنْ صَدِيقَةٍ * وَعَنْ بَعْضٍ مَا فِيهِ يَمْتُ وَهُوَ عَاتِبٌ

যে ঘ্যক্তি তার বক্ষ থেকে এবং বন্ধুর কিছু মন্দ স্বভাব থেকে চক্ষু বক্ষ করবে না, সে বন্ধুহীনতার আফসুস নিয়েই মারবে।

وَمَنْ يَتَبَعَ جَاهِدًا كَلَّ عَثْرَةٍ * يَجْدِهَا وَلَا يَبْقَى لَهُ الدَّهْرُ صَاحِبٌ

আর যে অন্যের প্রতিটি পদস্থলনের অনুসরণ করবে, সে তা পাবে। কিন্তু কালের আবর্তে তার কোন সঙ্গী থাকবে না।

ঐতিহাসিকগণ উল্লেখ করেছেন যে, (একবার) বানু হাজিব ইব্ন আবদুল্লাহ ইব্ন গিফারের এক সদস্য জামীল ইব্ন হাফসের কন্যা উম্ম আমর আয্যাহ কোন এক যুলমের অভিযোগ নিয়ে আবদুল মালিক ইব্ন মারওয়ানের দরবারে উপস্থিত হলো। আবদুল মালিক তাকে বলেন, আমি তোমার এ ব্যাপারে ফায়সালা করব না। যতক্ষণ না তুমি কুছায়য়িরের কয়েকটি পঙ্কজি আমাকে আবৃত্তি করে শোনাবে। সে বলল, কুছায়য়িরের কোন কবিতা আমি মুখস্থ করি না। তবে, আমি লোকদেরকে তার সম্পর্কে বলতে শুনেছি যে, সে আমার ব্যাপারে এই পঙ্কজিগুলি আবৃত্তি করেছে :

فَضَى كُلُّ ذِي دَيْنٍ عِلْمَتْ غَرِيمَهُ * وَعَزَّةٌ مَمْطُولٌ مَعْنَى غَرِيمَهَا

আমার জানা সকল ঝগঁথাতা তার ঝণ আদায় করেছে আর আয্যার প্রাপক উপেক্ষিত।

এই পঙ্কজি শনে আবদুল মালিক বলেন, এ প্রসঙ্গে আমি তোমাকে জিজ্ঞাসা করছি না। তুমি আমাকে তার নিম্নোক্ত পঙ্কজিগুলি আবৃত্তি করে শোনাও

وَقَدْ رَعَمْتَ أَنِّي تَغْيِيرْتُ بَعْدَهَا * وَمَنْ ذَا الَّذِي يَا عَزُّ لَا يَتَغَيِّرُ

তার দাবী তাকে ছেড়ে আসার পর আমি বদলে গিয়েছি। হে আয্যা! কে আছে পৃথিবীতে যে বদলায় না।

تَغْيِيرٌ جِسْمِيٌّ وَالْمَحْبَةُ كَالَّذِيْ * عَهْدٌ وَلَمْ يَخْبُرْ بِذَاكْ مُخْبِرُ

আমার দেহ বদলে গেছে। কিন্তু তোমার ভালবাসা যেমন ছিল তেমনি রয়ে গেছে। কিন্তু সে সম্পর্কে কেউ তোমাকে অবহিত করেনি।

বর্ণনাকারী বলেন, সে লজ্জিত হয়ে বলল, এটা আমার মুখস্থ নেই, তবে আমি লোকদের তা আবৃত্তি করতে শুনেছি। আর আমি তার এই পঙ্গতিদ্বয় জানি—

كَانَىٰ أَنَدِىٰ صَخْرَةٌ حِينَ أَعْرَضْتُ * مِنَ الظُّلْمِ لَوْتَمْشِى بِهَا الْعَصْمُ زَلَّتِ

সে যখন আমাকে অন্যায়ভাবে উপেক্ষা করে, তখন মনে হয় আমি এমন কোন প্রত্রখণ্ডকে আহ্বান করছি যার উপর দিয়ে হাঁটতে গেলে পাহাড়ী ছাগলও পদস্থলনের শিকার হবে।

صَفْوحٌ فَمَا تَلْقَاكَ إِلَّا بَخِيلَةٌ * وَمَنْ مَلَّ مِنْهَا ذَلِكَ الْوَصْلُ مَلَّتِ

সে উপেক্ষাকারিণী, তোমার সাথে সাক্ষাত হলে তুমি তাকে অকৃপণ পাবে না। আর এই সম্পর্কে তার প্রতি যে বিরক্ত হবে, সেও তার প্রতি বিরক্ত হবে।

বর্ণনাকারী বলেন, তিনি তার প্রয়োজন পূরণ করে তাকে ফিরালেন এবং তার অন্যায়ভাবে গৃহীত সম্পদকে ফিরিয়ে দিলেন এবং বলেন, একে অস্তঃপুরে নিয়ে যাও। অন্যরা তার আদব থেকে শিখতে পারবে। জনেকা আরব নারী থেকে বর্ণিত আছে, সে বলে! একবার আয্যাহ আমাদেরকে অতিক্রম করলেন। তার সৌন্দর্য দেখার জন্য মেয়েরা এসে জড়ে হলো। এ সময় তারা তাকে লালাভ ফর্সা, কোমল ও মিষ্টি চেহারার অধিকারী পেল। কিন্তু মেয়েদের সে মন জয় করতে পারল না। তবে সে যখন কথা বলল, তখন দেখা গেল, সে যেমন মিষ্টভাবিণী, তেমনি বাকপটু। এরপর আর আমাদের দৃষ্টিতে এমন কোন নারী পড়েনি যে লাবণ্যে ও সৌন্দর্যে তাকে ছাড়িয়ে যায়। আসমাই বর্ণনা করেন, সুফয়ান ইবন উয়ায়নাহ সুত্রে, তিনি বলেন, একবার আয্যাহ সুকায়নাহ বিনত হৃসায়নের সাক্ষাতে হায়ির হলেন। তিনি তাকে বলেন, আমি তোমাকে একটি বিষয়ে প্রশ্ন করছি। তুমি আমাকে সত্য বল। তোমাকে উদ্দেশ্য করে এই পঙ্গতিতে কুছায়ির কী বোঝাতে চেয়েছে?

فَضَىٰ كُلُّ ذِي دِيْنٍ فَوْفِي غَرِيمِهِ * وَعَزَّةٌ مُمْطَوْلٌ مَعْنَىٰ غَرِيمِهَا

আমার জানা সকল ঋগ্ঘাতী তার ঋণ আদায় করেছে আর আয্যাহার প্রাপক উপেক্ষিত।

সে বলল, আমি তাকে একটি চুম্বনের প্রতিশ্রুতি দিয়েছিলাম। কিন্তু পরে টালবাহানা করায় সে এমন বলেছে। তিনি বললেন, তুমি তার প্রতিশ্রুতি পূর্ণ কর, এর পাপের দায় আমার। আর এই সুকায়না বিনত হৃসায়ন ছিলেন রূপ ও সৌন্দর্যে অনন্য। এমনকি তা ছিল প্রবাদ তুল্য। বর্ণিত আছে যে, আবদুল মালিক ইবন মারওয়ান কুছায়িরকে আয্যাহ সাথে বিবাহ দিতে চাইলেন। কিন্তু আয্যাহ তা প্রত্যাখ্যান করে বলল, হে আমীরুল মু'মিনীন! সে তো আমাকে লোক সমাজে কলক্ষিত করেছে। আরবদের মাঝে আমাকে প্রসিদ্ধ করে ছেড়েছে। এই বলে সে এই প্রস্তাব সম্পূর্ণরূপে প্রত্যাখ্যান করল। ইবন আসাকির তা উল্লেখ করেছেন। বর্ণিত আছে, একদিন সে পরিচয় না দিয়ে কুছায়িরকে অতিক্রম করল। এ সময় সে তার মনোভাব যাচাই করার উদ্দেশ্যে তাকে বলল, তোমার আয্যাহ প্রেম কোথায়? সে তাকে বলল, আমার প্রাণ তোমার জন্য উৎসর্গিত হোক! আয্যাহ যদি আমার দাসী হতো, তাহলে আমি তোমাকে দান করতাম। সে বলল, একি বলছ তুমি! তুমি কেন তা করবে, তুমিই কি বলনি—

إِذَا وَصَلَّيْنَا خَلَةً كَيْ تَزِيلَنَا * أَبِينَا وَقْلَنَا الْحَاجِبِيَّةُ أَوْلَىٰ

যখন কোন প্রেম নিবেদনকারিণী আমাকে আয্যার প্রেমাসক্তি থেকে বিচ্ছুত করার উদ্দেশ্যে মিলিত হয় তখন আমি অঙ্গীকার করে বলি, সেই হাজিবী রমণী হলো আমার প্রথম কামনা।

এরপর সে বলল, আমার পিতা-মাতা তোমার জন্য উৎসর্গিত হোক, তার কথা বাদ দিয়ে আমি যা বলি শোন :

هَلْ وَصَلَ عَزَّةٌ إِلَّا وَصَلَ غَانِيَةٌ * فِي وَصْلِ غَانِيَةٍ مِنْ وَصْلِهَا بَدَلٌ

আয্যার প্রেমবন্ধন তো এক সুন্দরী রমণীর প্রেম বন্ধন ছাড়া কিছু নয়, অন্য সুন্দরীর প্রেম বন্ধন তার বিকল্প।

তার এ কবিতা পঞ্জক্তি শুনে সে বলল, তুমি কি এক সাথে বসতে আগ্রহী ? সে বলল, কে আমাকে এমন সাহচর্য দিবে ? সে বলল, তাহলে তুমি আয্যার প্রণয়াসক্ত হয়ে যা কিছু বলেছ তার ব্যাপারে কি হবে। সে বলল, আমি তা পরিবর্তন করে তোমার জন্য করে নিব। বর্ণনাকারী বলেন, তখন সে তার চেহারার আবরণ সরিয়ে বলল, হে ফাসিক দুরাচার ! তুমি কি অঙ্গীকার ভঙ্গ করে এবং ধোঁকা দিয়ে তা করবে। হে আল্লাহর দুশ্মন ! তার প্রতি তোমার প্রেমাভিনয়ের এই হলো আসল রূপ। সে লজ্জিত নির্বাক, হতবুদ্ধি ও নিরাশ হয়ে গেল। তারপর আয্যা বলল, কবি জামীলকে আল্লাহ রহম করুন। সেই সত্য বলেছে—

مَحَى اللَّهُ مَنْ لَا يَنْفَعُ الْوَدُّ عِنْدَهُ * وَمَنْ حَبَّلَهُ إِنْ صَدَّ غَيْرُ مُتَّبِينَ

আল্লাহ তাকে ধৰ্ম করুন, যার কাছে ভালবাসা কোন উপকার করে না এবং যার ভালবাসার বন্ধন দুর্বল।

وَمَنْ هُوَ ذُو وَجْهَيْنِ لِيُسْ بِدَائِمٍ * عَلَى الْعَهْدِ حَلَافًا بِكُلِّ يَمِينٍ

আর যে দ্বিমুখী, সে তার অঙ্গীকারে স্থির থাকে না এবং কথায় কথায় শপথ করে।

এ ঘটনার পর কুছায়ির তার কৃত আচরণের কারণে অজুহাত পেশ করতে থাকে এবং এ প্রসঙ্গে কবিতা রচনা করতে থাকে। আবুদুল আযীয ইব্ন মারওয়ানের শাসনকালে মিসরে আয্যার মৃত্যু হয়। কুছায়ির তার কবর যিয়ারত করে এবং তার শোকে শোকগাথা রচনা করে। তবে, তার মৃত্যুর পর তার কবিতা অন্য রকম হয়ে যায়। এক ব্যক্তি তাকে প্রশ্ন করে, তোমার কবিতার কী হয়েছে ? তা পরিবর্তিত হয়েছে, তুমি তাতে পিছিয়ে পড়েছ। সে বলে আয্যার মৃত্যু হয়েছে, তাই এখন আমি আর উচ্ছাস বোধ করি না। যৌবন বিগত হয়েছে তাই আর মুঝে হই না, এবং আবুদুল আযীয ইব্ন মারওয়ানের মৃত্যু হয়েছে, তাই আমি কোন আগ্রহ বোধ করি না। আর কবিতা তো এ সকল উপকরণ থেকেই সৃষ্টি হয়।

একই দিনে কুছায়ির ও ইকরিমার মৃত্যু হয়। তবে প্রসিদ্ধ মতানুসারে একশ' পাঁচ হিজরীতে। আর আমাদের শায়খ যাহাবী তা এ বছরে অর্থাৎ একশ' সাত হিজরীতে উল্লেখ করেছেন। মহান আল্লাহ সর্বাধিক অবহিত।

১০৮ হিজরীর সূচনা

এ বছরই মাসলামাহ ইব্ন আবদুল মালিক রোম দেশের কায়সারিয়াহ জয় করেন এবং ইবরাহীম ইব্ন হিশাম ইব্ন আবদুল মালিক রোমের একটি দুর্গ জয় করেন। এছাড়া এ বছর খোরাসানের আমীর উসায়দ ইব্ন আবদুল্লাহ আলকাসরী যুদ্ধাভিযান পরিচালনা করে তাতারীদের চরমভাবে পর্যুদ্ধত করেন। অপরদিকে তাতারী সম্রাট খাকান আয়ারবায়জানের দিকে অগ্রসর হয় এবং ওয়ারছান শহর অবরোধ করে মিনজানীক দ্বারা তাতে পাথর ও অগ্নিগোলক নিষ্কেপ করে। তখন তার মুকাবিলার উদ্দেশ্যে সেই অঞ্চলের শাসক ও মাসলামাহ ইব্ন আবদুল মালিকের নায়েব হারিছ ইব্ন আমর অগ্রসর হন। এরপর তিনি তুর্কী সীমান্তে খাকানের মুখ্যমুখ্য হন। এ যুদ্ধে তিনি তাকে পরামুক্ত করেন এবং তার বহুসংখ্যক ঘোন্দা নিহত হয়। এ সময় খাকান পলায়ন করে আর বিশিষ্ট মুসলিম ঘোন্দা হারিছ ইব্ন আমর শহীদ হন। আর তা ঘটে মুসলমানদের হাতে বহুসংখ্যক তাতারী নিহত হওয়ার পর। এছাড়া এ বছর মুআবিয়াহ ইব্ন হিশাম ইব্ন আবদুল মালিক রোমান ভূখণ্ড আক্রমণ করেন এবং বিপুলসংখ্যক ফৌজের নেতৃত্ব দিয়ে বাততালকে প্রেরণ করেন। তিনি জানজারা জয় করেন এবং সেখান থেকে প্রচুর গনীমত লাভ করেন।

এছাড়া এ বছর আরও যে সকল ব্যক্তি ইন্তিকাল করেন, এদের অন্যতম হলেন—

বাকর ইব্ন আবদুল্লাহ আলমুয়ানী আল বসরী^১

তিনি আবিদ, যাহিদ, বিনয়ী ও স্বল্পবাক আলিম। একাধিক সাহাবী ও তাবিঙ্গ সূত্রে তার বহুসংখ্যক রিওয়ায়াত বিদ্যমান। বাকর ইব্ন আবদুল্লাহ বলেন, যখন তুমি তোমার চেয়ে বয়স্ক কোন মুসলমান দেখবে, তখন বলবে, নাফরমানীতে আমি তার চেয়ে অগ্রগামী। কাজেই সে আমার চেয়ে উত্তম। আর তুমি যখন দেখবে তোমার ভাইয়েরা তোমাকে সশান্ত ও শ্রদ্ধা করে, তখন ভাববে এটা আমার প্রতিপালকের অনুগ্রহ। আর তুমি যদি এ ব্যাপারে তাদের অবহেলা দেখ, তাহলে বলবে, এটা আমার কোন পাপের কারণে। তিনি বলেন, হে মানব সন্তান! তোমার মত কে আছে? তোমার সাথে পানি ও মেহরাবের অবাধ সম্পর্ক, যখন ইচ্ছা তুমি পবিত্রতা অর্জন করে তোমার প্রতিপালকের সাক্ষাতে দাঁড়িয়ে যেতে পার। তোমাদের মাঝে কোন প্রহরী কিংবা দোভাষী নেই। তিনি বলেন, বান্দা ততক্ষণ মুত্তাকী গণ্য হবে না যতক্ষণ না তার ক্রোধ ও কামনার মাঝে খোদাইরূপ পাওয়া যাবে। তিনি বলেন, যদি তোমরা কোন ব্যক্তিকে দেখ সে নিজের দোষক্রটি থেকে উদাসীন হয়ে মানুষের দোষক্রটি অবেষণে ব্যস্ত, তাহলে বুবাবে সে শয়তানের চক্রান্তের শিকার। তিনি বলেন, বানূ ইসরাইলের কোন ব্যক্তি যখন পর্যাপ্ত পরিমাণ নেক আমল করে সিদ্ধি লাভ করত, তখন লোকসমাবেশে হাঁটার সময় মেঘ তাকে ছায়া দিত। তিনি বলেন, একবার একপ মেঘের ছায়াপ্রাপ্ত এক ব্যক্তি অন্য এক ব্যক্তির পাশ দিয়ে [অতিক্রম করে] গেল। ঐ ব্যক্তি মহান আল্লাহর দান নিআমতপ্রাপ্ত ব্যক্তিকে শ্রদ্ধার দৃষ্টিতে দেখল। আর মেঘের ছায়াপ্রাপ্ত ব্যক্তি তাকে হেয় জ্ঞান করল। মহান আল্লাহ

১. তারীখুল ইসলাম ৪/৯৩, তারীখুল বুখারী ২/৯০, তাহফীবুত তাহফীব ১/৪৮৪, তাহফীবুল কামাল ১৫৮, আলজারহ ওয়াহ তা'দীল ১ম অংশ ১ম ভলিউম ৩৮৮, আল হিলইয়া ২/২২৪, খুলাসাতু তাহফীবুত তাহফীব ৫১, শায়ারাতু যাহাব ১/১৩৫, তাবাকাত ইব্ন সাদ ৭/২০৯, তাবাকাতু খালীফা ১৬৮০, আল ইবার ১/১৩৩, আলমা'আরিফ ৪৫৭। www.QuranerAlo.com

মেঘখণ্ডকে ঐ ব্যক্তির মাথার থেকে সে যাকে হেয় জ্ঞান করল তার মাথায় সরে যাওয়ার নির্দেশ দিলেন। আর সে হলো ঐ ব্যক্তি যে আল্লাহর কুদরতকে বড় জ্ঞান করেছিল। তিনি বলেন, হ্যরত আবু বকর অধিক সাওম-সালাত দ্বারা অন্যদের তুলনায় শ্রেষ্ঠত্ব লাভ করেননি। কিন্তু তা ছিল অন্তরের স্থিত ঈমান ও বিশ্বাসের কারণে। এছাড়াও তার আরও অনেক উন্নত বাণী রয়েছে, যা আলোচনার জন্য দীর্ঘ পরিসর প্রয়োজন।

এছাড়া অপর একজন হলেন, রাশিদ ইব্ন সা'দ আল মুকরাঞ্জ আল হিস্মাসী। তিনি দীর্ঘজীবী হয়েছিলেন।^১ এ ছাড়া তিনি একদল সাহাবী থেকে হাদীস রিওয়ায়াত করেছেন। তিনি নেক্ষার আবিদ যাহিদ। মহান আল্লাহ তাকে রহম করুন। তার জীবনী বেশ দীর্ঘ।

মুহাম্মাদ ইব্ন কা'ব আল কুরায়ী^২

এক বর্ণনা মতে তিনি এ বছর ওফাত লাভ করেন। [তিনি আবু হাময়া, একদল সাহাবী থেকে তিনি বহুসংখ্যক হাদীস রিওয়ায়াত করেছেন। তিনি বিশিষ্ট তাফসীর বিশারদ নেক্কার আবিদ। আসমাঞ্জি বর্ণনা করেন, আবুল মিকদাম হিশাম ইব্ন যিয়াদ সূত্রে মুহাম্মাদ ইব্ন কা'ব আল কুরায়ী থেকে। তাকে জিজ্ঞাসা করা হলো—^{أَلْخَذْنَانْ}-এর চিহ্ন বা নির্দশন কী? তিনি বলেন, তা হলো (কোন ব্যক্তির) সুন্দরকে অসুন্দর এবং অসুন্দরকে সুন্দর গণ্য করা। আবদুল্লাহ ইব্ন মুবারক বলেন, আবদুল্লাহ ইব্ন আবদুল্লাহ ইব্ন মাওহিব থেকে। তিনি বলেন, আমি ইব্ন কা'বকে বলতে শুনেছি আমার কাছে সম্পূর্ণ রাত্র সূরা যিলযাল ও সূরা আলকারিআ তিলাওয়াত করা এবং এ দুটি সূরার বিষয়বস্তু নিয়ে চিন্তা-ভাবনা করা আমার কাছে সম্পূর্ণ কুরআন চেষে বেড়ানোর চেয়ে উন্নত। তিনি বলেন, যদি কাউকে যিক্র তরকের অবকাশ দেওয়া হত তাহলে হ্যরত যাকারিয়া আলায়হিস সালামকে দেওয়া হতো। আল্লাহ তা'আলা ইরশাদ করেনঃ

أَيَّتُكَ أَلَا تُكَلِّمَ النَّاسَ ثَلَاثَةَ أَيَّامٍ إِلَّا رَمْزًا وَأَذْكُرْ رَبَّكَ كَثِيرًا وَسَبِّحْ بِالْعَشِينِ
وَالْأَبْكَارِ -

‘তোমার নির্দশন এই যে, তিনি দিন তুমি ইঙ্গিত ব্যতীত কথা বলতে পারবে না। আর তোমার প্রতিপালককে অধিক শ্রবণ করবে এবং সম্প্রদায় ও প্রভাতে তাঁর পবিত্রতা ও মহিমা ঘোষণা করবে’ (৩ : ৮১)।

যদি কাউকে যিক্র তরকের অবকাশ দেওয়া হতো তাহলে তাকে দেওয়া হতো এবং যারা আল্লাহর রাহে জিহাদ করে, তাদেরকে দেওয়া হতো। অর্থাৎ আল্লাহ তা'আলা বলেনঃ

يَا أَيُّهَا الَّذِينَ آمَنُوا إِذَا لَقِيْتُمْ فِئَةً فَاتَّبِعُوهُ وَأَذْكُرُوا اللَّهَ كَثِيرًا لَعَلَّكُمْ
تُفْلِحُونَ -

১. তারীখুল ইসলাম ৪/১১১, ২৪৮, তারীখুল বুখারী ৩/২৯২, তাহায়ীব ইব্ন আসাকির ৫/২৯২, তাহায়ীবুত তাহায়ীব ৩/২২৫, তাহায়ীবুল কামাল ৩৯৯, আলজারহ ওয়াত তা'দীল ২য় অংশ ১ম ভলিউম ৪৮৩, আল হিলাইয়া ৬/১১৭, খুলাসাতু তাহায়ীবুত তাহায়ীব ৩১১, তাবাকাতু ইব্ন সা'দ ৭/৬৪৫, তাবাকাতু খালীফা ৪৩৯২, আল মারিফতা ওয়াত তারীখ ২/২৩০।

২. সীরাতু আল-'মিন নুবালা ৫/৫৬।

‘হে মু’মিনগণ! তোমরা যখন কোন দলের সম্মুখীন হবে, তখন অবিচলিত থাকবে এবং আল্লাহকে অধিক স্মরণ করবে যাতে তোমরা সফলকাম হও’ (৮ : ৪৫)। আর তিনি আল্লাহত্তা ‘আলার এই বাণী : وَاصْبِرُوا وَرَأَبِطُوا তোমরা দৈর্ঘ্যধারণ কর, দৈর্ঘ্যের প্রতিযোগিতা কর এবং সদা প্রস্তুত থাক – ৩ : ২০০ প্রসঙ্গে বলেন, তোমরা তোমাদের দীনে দৈর্ঘ্যধারণ কর এবং তোমরা যে প্রতিশ্রুতি দিয়েছ, তার জন্য দৈর্ঘ্যের প্রতিযোগিতা কর এবং তোমাদের প্রকাশ্য ও গোপন শক্তিদের বিরুদ্ধে সার্বক্ষণিক প্রস্তুতি গ্রহণ কর। আর পূর্ববর্তী আয়াত প্রসঙ্গে বলেন, আমার ও তোমাদের মাঝের সম্পর্কের ক্ষেত্রে আল্লাহকে ভয় কর। তাহলে তোমরা যখন আমার সাক্ষাৎ পাবে, তখন সফলকাম হবে। তিনি এই আয়াত **لَوْلَى** بِرْهَانَ رَبِّهِ যদি না সে তার প্রতিপালকের নির্দশন প্রত্যক্ষ করত, (১২ : ২৪) প্রসঙ্গে বলেন, এখানে **بِرْهَانُ** দ্বারা উদ্দেশ্য হলো কুরআন যা হালাল এবং যা হারাম করেছে তার জ্ঞান। আর **مِنْهَا قَائِمٌ وَحَصِيدٌ** তাদের মধ্যে কতক এখনও বিদ্যমান এবং কতক নির্মূল হয়েছে (১১ : ১০০)। এ আয়াতের ব্যাখ্যায় তিনি বলেন, বিদ্যমান বলতে তাদের বিদ্যমান বাড়ীয়র আর নির্মূল বলতে ধৰ্মস্থাপ্ত ও নির্মূল বাড়ীয়র উদ্দেশ্য। আর **إِنْ عَذَابَهُ** তার শাস্তি তো নিশ্চিত বিনাশ (২৫ : ৬৫)। এই আয়াতের ব্যাখ্যায় তিনি বলেন, দুনিয়াতে তারা যে সকল নিআমত, সুখ-স্বাচ্ছন্দ্যের উপকরণ ভোগ করেছে, তার জরিমানা প্রদান করবে। অন্য এক রিওয়ায়াতে আছে, তিনি তাদের কাছে একটি নিআমতের মূল্য চাইবেন। কিন্তু তারা পরিশোধে সমর্থ হবে না। তিনি তাদেরকে তার মূল্য জরিমানা করবেন এবং জাহান্নামে প্রবেশ করাবেন। কৃতায়বা ইবন সাইদ বর্ণনা করেন। আবদুর রহমান ইবন আবুল মাওয়ালী সূত্রে। তিনি বলেন, আমি মুহাম্মাদ ইবন কা’বকে এই আয়াতের মূল্যে **وَمَا أَتَيْتُمْ** মিন্নে **رَبَّ لَيْزَبُوْا** فِي **أَمْوَالِ النَّاسِ** ফ্লায়ির্বো উন্দে **اللَّهُ** তোমরা সুন্দে যা দিয়ে থাক আল্লাহর দৃষ্টিতে তা ধন-সম্পদ বৃদ্ধি করে না (সূরা রূম : ৩৯)। ব্যাখ্যায় বলতে শুনেছি, এ হলো ঐ ব্যক্তি যে তার মাল অন্যকে প্রদান করে। তা দ্বারা অন্যের থেকে পুরস্কার বা বৃদ্ধি লাভ করার জন্য। এই হলো সে, যার সম্পদ আল্লাহর দৃষ্টিতে বৃদ্ধি পায় না আর এই আয়াতের শেষে যে **الْمُضْعِفُونَ** শব্দ রয়েছে তার ব্যাখ্যা হলো, যারা মহান আল্লাহর ওয়াক্তে দান করে কারও কোন পুরস্কারের প্রত্যাশা না করে। আর আল্লাহত্তা ‘আলার বাণী— **أَدْخِلْنِي مُدْخِلَ صِدْقٍ وَأَخْرَجْنِي مُخْرَجَ صِدْقٍ** আমাকে প্রবেশ করাও কল্যাণের সাথে এবং আমাকে নিষ্কান্ত করাও কল্যাণের সাথে (১৭ : ৮০) এর বিকল্প ব্যাখ্যায় তিনি বলেন, আমার বাহ্যিক ও অভ্যন্তরীণ অবস্থাকে উত্তম করুন। অবশ্য এও বলা হয়— আমাকে কল্যাণের সাথে নেক আমলে প্রবেশ করাও, অর্থাৎ ইখলাসে এবং আমাকে কল্যাণের সাথে অর্থাৎ নিরাপদে নিষ্কান্ত কর।

أَوْ أَلْفَى السَّمْعَ وَهُوَ شَهِيدٌ অথবা যে শ্রবণ করে নিবিষ্ট চিত্তে (৫০ : ৩৭)। অর্থাৎ সে কুরআন শ্রবণ করে এমন অবস্থায় যে তার কল্ব তার সাথে ভিন্ন স্থানে। **فَلَسْعَوْا إِلَى ذِكْرِ** **السَّعْيُ** তখন আল্লাহর স্মরণে ধাবিত হও ৬২ : ৯ – এর ব্যাখ্যায় তিনি বলেন, এখানে হলো কাজ, দৌড় নয়। তিনি বলেন, কবীরা গুনাহ তিনটি আল্লাহর শাস্তি/পাকড়াও থেকে নিষ্কিন্ত হওয়া, আল্লাহর রহমত থেকে হতাশ হওয়া এবং তার কল্যাণ থেকে নিরাশ হওয়া।

আবদুল্লাহ ইব্ন মুবারক বর্ণনা করেন, মূসা ইব্ন উবায়দাহ সূত্রে মুহাম্মাদ ইব্ন কা'ব থেকে। তিনি বলেন, আল্লাহ যখন কোন বান্দার কল্যাণ চান, তখন তাকে তিনটি স্বভাব/বৈশিষ্ট্য দান করেন : ধর্মজ্ঞান, দুনিয়ার প্রতি নিরাসকি, নিজের দোষক্রটির অবগতি। তিনি বলেন, দুনিয়া হলো উদ্বেগ-উৎকর্ষার নিবাস/স্থান। সৌভাগ্যবানরা তার প্রতি নিরাশ ও নির্মোহ হয়েছে এবং হতভাগাদের হাত থেকে তা ছিনিয়ে নেওয়া হয়েছে। ফলে দুনিয়ার প্রতি যে সবচেয়ে বেশী আসক্তি, সে দুনিয়াতে সবচে বড় হতভাগ। আর যে ব্যক্তি দুনিয়ার প্রতি সর্বাধিক নির্মোহ, সে দুনিয়াতে সবচেয়ে সৌভাগ্যবান। যে তাকে খুইয়েছে তার জন্য তা বিভাস্তকারী, আর যে তার অনুসরণ করেছে তার জন্য ধৰ্মসকারী। আর যে তার বশ্যতা স্বীকার করেছে তার জন্য বিশ্বাসযাতক। তার জ্ঞান হলো মূর্খতার নামাস্তর। তার সচ্ছলতা দরিদ্রতা। তার বৃদ্ধি হলো হ্রাস। তার দিনসমূহ হলো পরিবর্তনশীল। (কখনও অনুকূল কখনও প্রতিকূল।) ইবনুল মুবারক বর্ণনা করেন, দাউদ ইব্ন কায়স থেকে। তিনি বলেন, আমি মুহাম্মাদ ইব্ন কা'বকে বলতে শুনেছি : পৃথিবী কারও 'কারণে' কাঁদে, আবার কারও 'শোকে' কাঁদে। তার শোকে কাঁদে যে তার (পৃথিবীর) বুকে আল্লাহর আনুগত্য করে চলত। আর তার 'কারণে' কাঁদে, যে তার বুকে মহান আল্লাহর নাফরমানী করে বেড়াত।

فَمَا بَكَّتْ عَلَيْهِمُ السَّمَاءُ وَأَلْأَرْضُ^١
 آকাশ এবং পৃথিবী কেউই তাদের জন্য (শোকে) ঝঞ্চপাত করেনি ৪৪ : ২৯। আর আল্লাহ তা'আলার এই মহা বাণী :
 فَمَنْ يَعْمَلْ مِنْ قَالَ ذَرَّةً خَيْرًا يَرَهُ وَمَنْ يَعْمَلْ مِنْ قَالَ ذَرَّةً شَرًّا يَرَهُ
 কেউ অণু পরিমাণ সৎকর্ম করলে তা দেখবে এবং কেউ অণু পরিমাণ অসৎকর্ম করলে তা ও দেখবে ৯৯ : ৭-৮ এর ব্যাখ্যায় তিনি বলেন, যে কাফির অণু পরিমাণ ভাল কাজ করবে, সে তার নিজের জান-মাল এবং পোষ্য-পরিজনের মাঝে তার বিনিময় লাভ করবে এবং অবশেষে সে দুনিয়া থেকে এমন অবস্থায় নিষ্ক্রান্ত হবে যে, তার প্রাপ্য বিনিময় থাকবে না। আর যে মু'মিন অণু পরিমাণ মন্দ কাজ করবে, সে তার নিজের জান-মাল ও স্বজন-পরিজনের মাঝে তার শাস্তি ভোগ প্রত্যক্ষ করবে। এভাবে এমন অবস্থায় সে দুনিয়া থেকে নিষ্ক্রান্ত হবে যে, তার প্রাপ্য কোন মন্দ কাজের শাস্তি বাকী থাকবে না। তিনি বলেন, আমি তো নিজেকে নিরাপদ ভাবি না, হতে পারে আল্লাহ তা'আলা আমার মাঝে অপসন্দনীয় কোন কিছু অবগত হয়ে আমাকে ঘৃণা করে বলেছেন, যাও, তোমাকে আমি ক্ষমা করব না। উপরতু কুরআনের বিস্ময়কর রহস্য ও জ্ঞানভাণ্ডার আমাকে এমন সব বিষয়ে মশগুল করে যে, আমি আমার প্রয়োজনীয় ইবাদত-বন্দেগী করার পূর্বেই রাত্রি শেষ হয়ে যায়।

হ্যরত উমর ইব্ন আবদুল আয়ীয় একবার মুহাম্মাদ ইব্ন কা'বের কাছে পত্র লিখেন। তাতে তিনি তার গোলাম সালিমকে তার কাছে বিক্রি করতে বলেন। উল্লেখ্য যে, এই গোলাম সালিম, নেককার আবিদ, যাহিদ। তার জবাবে তিনি তাকে (উমরকে) লিখেন, আমি তো তাকে 'মুদাব্বার' বানিয়েছি। তিনি বলেন, সালিম তার কাছে আসেন, এ সময় উমর ইব্ন আবদুল আয়ীয় তাকে বলেন, দেখতেই পাচ্ছ আমি কী পরীক্ষার সম্মুখীন হয়েছি। আমার তো আশঙ্কা হয় আমি হয়ত এর কারণে নাজাত পাব না। সালিম তাকে বলেন, যদি আপনার প্রকৃত মনোভাব এমন হয়, তাহলে তাই আপনার নাজাতের জন্য যথেষ্ট। অন্যথায় তা ভীতিপ্রদ

বিষয়ই বটে। সালিম আমাকে কিছু উপদেশমূলক কথা বল। সালিম বলেন, একটি ভুল করে হ্যরত আদম (আ) জান্নাত থেকে বের হয়ে আসেন, অথচ শত পাপ করেও তোমরা জান্নাতে প্রবেশের প্রত্যাশী। এরপর তিনি চুপ হয়ে গেলেন। আল বিদায়ার প্রস্তুকার বলেন, বিষয়টি যেমন কোন আসমানী কিভাবে বলা হয়েছে, পাপের ফসল বুনে চলেছে আর নেকীর স্বপ্নে বিভোর হয়ে আছে। আর কাঁটা গাছ বুনে আঙুর ফল পাওয়া যায় না।

تَصْلِيْلُ الدُّنْوَبِ إِلَى الدُّنْوَبِ وَتَرْتَجِيْ * دَرَجَ الْجَنَانِ وَطِبِّ عَيْشِ الْعَابِدِ

পাপের পর পাপ করছ, আর জান্নাতের উচু মরতবা এবং আবিদ ব্যক্তির সুখময় জান্নাতী জীবন কামনা করছ।

وَتَسِيْلَتِ اَنَّ اللَّهَ اَخْرَجَ اَدَمَ اَنْهَا إِلَى الدَّنْبَ بِدَنْبٍ وَاحِدٍ

‘অথচ তুমি ভুলে যাছ যে, আল্লাহ্ তা’আলা একটি পাপের কারণে হ্যরত আদম (আ)-কে জান্নাত থেকে বের করেছেন।’

তিনি বলেন, যে ব্যক্তি পবিত্র কুরআন মজীদ অধ্যয়ন করবে, দুইশত বছর জীবিত থাকলেও তার আকল-বুদ্ধি সুস্থ থাকবে। একবার এক ব্যক্তি তাকে বলল, তাওবা সম্পর্কে আপনি কী বলেন? তিনি বলেন, আমি তা ভালভাবে পারি না। লোকটি বলল, বলুন তো দেখি, যদি আমি মহান আল্লাহর সাথে প্রতিশ্রুতিবদ্ধ হই যে, কখনও তার নাফরমানী করব না। তিনি বলেন, তাহলে তোমার চেয়ে বড় অপরাধী কে? তুমি আল্লাহর নামে মিথ্যা শপথ করছ, যাতে তিনি তোমার ব্যাপারে তার নির্দেশ কার্যকর না করেন।

হাফিয আবুল কাসিম সুলায়মান ইব্ন আহমাদ আত্-তাবারানী বলেন, ইব্ন আবদুল আয়ী সূত্রে মুহাম্মাদ ইব্ন কাব আল কুরায়ী থেকে। তিনি বলেন, আমাদেরকে ইব্ন আবাস (রা) বর্ণনা করেন যে, রাসূলাল্লাহ সাল্লাল্লাহু আল্লায়ি ওয়া সাল্লাম বলেছেন, যে ব্যক্তি সবচে' বিত্তবান/ ধনবান হতে চায়, সে যেন তার নিজের হাতে যে অর্থসম্পদ রয়েছে তার চেয়ে মহান আল্লাহর হাতে যা রয়েছে তার প্রতি অধিক নির্ভরশীল হয়। আমি কি তোমাদেরকে তোমাদের মাঝে সর্বনিকৃষ্ট যারা তাদের সম্পর্কে অবহিত করব না? তারা বলেন, হ্যাঁ ইয়া রাসূলাল্লাহ? যে ব্যক্তি একাকী আপ্যায়ন গ্রহণ করে, প্রার্থীকে তার দান বঞ্চিত করে এবং দাসকে প্রহার করে। এরপর আমি কি এর চেয়ে নিকৃষ্ট ব্যক্তির কথা বলব? তারা বলেন, হ্যাঁ, ইয়া রাসূলাল্লাহ! তিনি বলেন, যে অন্যের পদস্থলন ক্ষমা করে না এবং অজুহাত গ্রহণ করে না এবং অপরাধ ক্ষমা করে না। তারপর তিনি বলেন, আমি কি তোমাদেরকে এর চেয়ে নিকৃষ্টদের কথা অবহিত করব না? তারা বলল, হ্যাঁ, ইয়া রাসূলাল্লাহ! তিনি বলেন, যার কল্যাণ প্রত্যাশা করা যায় না এবং যার অকল্যাণ থেকে নিরাপদ থাকা যায় না। (তিনি আরও বলেন, একবার) ঈসা ইব্ন মারাইয়াম বন্নী ইসরাইলের সমাবেশে দাঁড়িয়ে বলেন, হে বানু ইসরাইল! তোমরা মূর্খদের সামনে প্রজ্ঞার আলোচনা করো না, তাহলে তার প্রতি অবিশ্বাস করবে- এবং আরেকবার বলেন, তাহলে তাদের প্রতি অবিচার করবে। আর কোন যালিমের প্রতি যুল্ম করো না, আর কোন যালিমের সাথে বড়াই করো না। তাহলে তোমাদের প্রতিপালকের কাছে তোমাদের শ্রেষ্ঠত্ব নষ্ট হয়ে যাবে। হে বানু ইসরাইল বিষয়-আশয় তিনি প্রকার। এক প্রকার

বিষয় হলো যা সঠিক, সুস্পষ্ট, তোমরা তার অনুসরণ কর। আরেক প্রকার বিষয়, যার আন্তি
স্পষ্ট, তোমরা তা বর্জন কর। আরেক প্রকার বিষয়, মতবিরোধপূর্ণ বিষয়, তোমরা তা মহান
আল্লাহর কাছে সোপর্দ কর। এই প্রসঙ্গে নবী করীম (সা) থেকে এই শব্দমালা শুধুমাত্র মুহাম্মদ
ইব্ন কাবৈর সূত্রে ইব্ন আবুস রাও (রা) থেকে বর্ণিত হয়েছে। তবে হাদীসের প্রথমাংশ থেকে
হ্যবরত ইসা (আ) উল্লেখ পর্যন্ত ভিন্ন সূত্রেও বর্ণিত হয়েছে। আর একথাও সামনে আসছে যে,
ইমাম তাবারানী এককভাবে এই হাদীস রিওয়ায়াত করেছেন। মহান আল্লাহ তা'আলা সর্বাধিক
জানেন। এ বছরেই আবু নায়রাহ আল-মুনফির ইব্ন মালিক কিতআ আল-আবদী ইন্তিকাল
করেন। আমরা আমাদের গ্রন্থ আত্-তাকমীলে তাদের জীবনী উল্লেখ করেছি।

১০৯ হিজরীর সূচনা

এ বছর হিশাম ইব্ন আবদুল মালিক আসাদ ইব্ন আবদুল্লাহ আল কাসরীকে খোরাসানের
গভর্নর পদ থেকে অপসারণ করেন এবং হজ্জ আগমনের নির্দেশ প্রদান করেন। তিনি রমযানে
সেখান থেকে আগমন করেন এবং হাকাম ইব্ন আওয়ানা আলকালবীকে খোরাসানে তার
স্থলবর্তী করে আসেন। এদিকে খলীফা হিশাম ইব্ন আবদুল মালিক আশরাস ইব্ন আবদুল্লাহ
আস-সুলামীকে খোরাসানের নতুন গভর্নর নিয়োগ করেন এবং তাকে খালিদ ইব্ন আবদুল্লাহ
আলকাসরীর সাথে পত্র-যোগাযোগের নির্দেশ প্রদান করেন। আর আশরাস ছিলেন গুণী ও
সজ্জন ব্যক্তি। এ জন্য তাকে 'কামিল' ডাকা হতো। তিনিই প্রথম খোরাসান সীমান্তে
চৌকিদারীর ব্যবস্থা করেন এবং আবদুল মালিক ইব্ন যিয়াদ আল বাহিলীকে এর দায়িত্ব প্রদান
করেন এবং সকল ছোট-বড় বিষয় তিনি নিজেই আঞ্চাম দেন। তার অধিবাসীরা এতে সন্তুষ্ট
হয়। এছাড়া, এ বছর হারামায়নের আমীর ইবরাহীম ইব্ন হিশাম হজ্জ পরিচালনা করেন।

১১০ হিজরীর বিবরণ

এ বছরেই মাসলামাহ ইব্ন আবদুল মালিক তাতারী সন্মাট খাকানের বিরুদ্ধে লড়াই
করেন। এ সময় সে বিশাল বাহিনী নিয়ে মাসলামার দিকে অগ্রসর হয়। তারপর উভয় বাহিনী
স্ব-স্ব অবস্থানে একমাস থেমে থাকে। এরপর আল্লাহ তা'আলা শীতকালে খাকানকে পর্যন্ত ও
পরাজিত করেন এবং বিজয়ী হয়ে ও গনীমাত লাভ করে মাসলামাহ ফিরে আসেন। এ সময়
তিনি শামে ফেরার পথে যুলকারনায়নের পথচিহ্ন অনুসরণ করেন। আর এই অভিযানকে
কাদামাটির অভিযান বলা হয়। এর কারণ, এ অভিযানে তারা এমন সব চোরাবালিপূর্ণ স্থান
অতিক্রম করেন, যেখানে তাদের বহুসংখ্যক পশু ডুবে যায় এবং বহুসংখ্যক সদস্য কাদার ফাঁদে
আটকা পড়ে। এরপর তারা ভয়ানক ও কঠিন অবস্থার সম্মুখীন হয় এবং পরিশেষে পরিত্রাণ লাভ
করে। এ অভিযানকালে আশরাস ইব্ন আবদুল্লাহ আস-সুলামী সমরকন্দ এবং তার পার্শ্ববর্তী
মَأْوَرَاءِ النَّهْرِ এলাকার যিশ্বীদের ইসলাম গ্রহণের আহ্বান জানান এবং তাদের থেকে
জিয়াহ রহিত করেন। তারা তার এ আহ্বানে সাড়া প্রদান করে এবং তাদের অধিকাংশ
ইসলাম গ্রহণ করে। এরপর তিনি যখন তাদের থেকে জিয়াহ তলব করেন, তখন তারা তার
বিরুদ্ধে অবস্থান গ্রহণ করে এবং লড়াইয়ে অবতীর্ণ হয়। এরপর তারও তাতারীদের মাঝে বহু
যুদ্ধ সংঘটিত হয়। ইব্ন জারীর তা প্রয়োজনাতিরিক্ত বিশদ ও বিস্তারিতভাবে উল্লেখ করেছেন।
এ ছাড়া এ বছরেই খলীফা হিশাম ইব্ন উবায়দাকে আফ্রিকার প্রশাসক নিযুক্ত করে পাঠান।

তিনি যখন সেখানে পৌছেন, তখন তার ছেলে ও ভাইকে এক ফৌজের সাথে রওনা করে দেন। তখন তারা মুশরিকদের মুখোযুদ্ধি হয়। এ সময় তারা তাদের বহুসংখ্যক যোদ্ধাকে হত্যা করে এবং বহুসংখ্যককে বন্দী করে। অবশিষ্টেরা পরাজিত হয়ে পলায়ন করে। এ যুদ্ধে মুসলমানগণ তাদের থেকে বহু গন্নীমত লাভ করেন। এ বছরেই মুআবিয়া ইব্ন হিশাম রোমক ভুখণ্ডে দুটি দুর্গ দখল করেন এবং বিপুল গন্নীমত লাভ করেন। এছাড়া এ বছরেই ইবরাহীম ইব্ন হিশাম লোকদের হজ্জ পরিচালনা করেন আর এ সময় ইরাকের গভর্নর ছিলেন খালিদ কাসরী আর খোরাসানের গভর্নর আশরাস আস-সুলামী। এ বছরে ওফাতপ্রাণ্ডের অন্যতম হলো—

কবি জারীর

জারীর ইব্নুল খাতাফী মতান্তরে ইব্ন আতিয়া ইবনুল খাতাফী। আর খাতাফীর পূর্ণ নাম হ্যায়ফা ইব্ন বাদার ইব্ন সালামা ইব্ন আওফ ইব্ন কুলায়ব ইব্ন ইয়ারবুং ইব্ন হানযালাহ ইব্ন মালিক ইব্ন যায়দ মানাত ইব্ন তামীম ইব্ন মুরৱ ইব্ন তাবিখাহ ইব্ন ইলয়াস ইব্ন মুয়ার ইব্ন নিয়ার। তার উপাধি আবু হিরযাহ। বসরাবাসী কবি। তিনি একাধিক বার দামেশকে আগমন করেন এবং ইয়ায়ীদ ইব্ন মুআবিয়া এবং তার পরবর্তী খলীফাদের প্রশংসায় কাব্য রচনা করেন। এ ছাড়া তিনি উমর ইব্ন আবদুল আয়ীমের দরবারেও আগমন করেন। তার যুগে তার সমর্পণ্যায়ের কবি ছিল ফারায়দাক ও আখতাল। তবে কাব্য বিচারে ও সদগুণে জারীর ছিলেন তাদের সর্বোত্তম। একাধিক কাব্য সমালোচক বলেন, তিনি এই তিনজনের মধ্যে শ্রেষ্ঠ কবি। ইব্ন দুরায়দ বর্ণনা করেন, আশনান্দানী সৃত্রে উচ্চমান আলিকী থেকে। তিনি বলেন, আমি জারীরকে দেখেছি তার ওষ্ঠদ্বয় তাসবীহ পাঠরত। আমি তাকে প্রশ়া করি, এটা আপনার কী উপকারে আসবে। তিনি বলেন, সুবহানল্লাহ, ওয়াল্ল হামদুল্লাহ, লা ইলাহা ইল্লাল্লাহ, আল্লাহ আকবার, ওয়া লিল্লাহিল হামদ। নিচ্য পুণ্যসমূহ পাপ-মোচন করে। আর তা মহান আল্লাহর পক্ষ থেকে সত্য প্রতিশ্রূতি। হিশাম ইব্ন মুহাম্মদ আলকাল্বী তার পিতা থেকে বর্ণনা করেন। তিনি বলেন, একবার বানু উয়রার এক ব্যক্তি খলীফা আবদুল মালিক ইব্ন মারওয়ানের দরবারে উপস্থিত হয়ে তাকে তার একটি প্রশংসামূলক কবিতা আবৃত্তি করে শোনায়। এ সময় তার দরবারে তৎকালীন শ্রেষ্ঠ কবিত্রয় জারীর, ফারায়দাক ও আখতাল উপস্থিত ছিলেন। কিন্তু বেদুইন আরাবী তাদেরকে চিনল না। তখন আবদুল মালিক আ'রাবীকে বলেন, তুমি কি জান নিদ্বা কাব্যে আরবদের শ্রেষ্ঠ কবিতা পঙ্ক্তি কোন্টি যা ইসলামী যুগে রচিত। সে বলল, হ্যাঁ, তা হলো কবি জারীরের এই পঙ্ক্তি :

فَفُضِّلَ الطَّرْفَ إِنَّكَ مِنْ نَمِيرٍ * فَلَا كَعْبًا بَلْغَتْ وَلَا كِلَابًا

‘তোমার দৃষ্টি অবনত রাখ তুমি তো নুমায়র গোত্রের সদস্য, বানু কা'ব কিংবা বানু কিলাবের মর্যাদার স্তরে পৌছা তোমার কাজ নয়।’

খলীফা বলেন, তুমি চমৎকার বলেছ! তুমি কি ইসলামী যুগে বলা আরবদের সবচেয়ে শ্রেষ্ঠ প্রশংসামূলক পঙ্ক্তি জান? সে বলল, হ্যাঁ, তা জারীরের এই পঙ্ক্তি :

السِّتْم خَيْرٌ مِنْ رَكْبَ الْمَطَابِيَا * وَأَنْدَى الْعَالَمِينَ بُطُونَ رَاحِ

‘আপনারা কি উষ্টারোহী আরবদের সর্বোত্তম জন নন এবং জগতের সবচেয়ে উদার হস্ত ও বদন্য নন?’

খলীফা বললেন, তুমি ঠিক বলেছ এবং সুন্দর বলেছ ? তুমি কি ইসলামী যুগে রচিত আরবের কোমলতম পঞ্জিক জান ? সে বলল, হ্যাঁ, তা হলো জারীরের এই পঞ্জিক—

إِنَّ الْعَيْوَنَ الَّتِي فِي طَرْفَهَا مَرَضٌ * قَتَلَتْنَا ثُمَّ لَمْ يُحْبِينَ قَتْلَانَا

‘এই সকল চক্ষু যার প্রাণে ইঙ্গিতবাধি বিদ্যমান তার অধিকারিগণ আমাদেরকে বধ করেছে। তারপর আমাদের নিহতদের আর জীবিত করেনি।’

يَصْرَعْنَ زَانَ الْلُّبَّ حَتَّىٰ لَا حَرَكَ بِهِ * وَهُنَّ أَضْعَفُ خَلْقَ اللَّهِ أَرْكَانًا

‘তারা জ্ঞানবান বৃদ্ধিমানদের ধরাশায়ী করে, অথচ তারা মহান আল্লাহর অন্যতম দুর্বল সৃষ্টি।’

এই পঞ্জিকদ্বয় শুনে আবদুল মালিক বলেন, বেশ বলেছ! তবে তুমি কি কবি জারীরকে চিন ? সে বলল, আল্লাহর কসম না। তাকে দেখার আমার খুব আগ্রহ। তিনি বলেন, এই দেখ এ হলো জারীর, এ ফারায়দাক আর এ আখতাল। তখন আরাবী আবৃত্তি করল :

فَلَمْ يَأْتِ إِلَهٌ أَبْأَبٌ حِرْزٌ * وَأَرْغَمَ أَنْفَكَ يَا أَخْطَلُ

সৃষ্টি আবু হিরযাকে দীর্ঘজীবী করুন। হে আখতাল তোমার নাককে ভুলুষ্টিত করুন/তোমাকে অপদস্থ করুন।

وَجَدَ الْفَرَزْدَقَ أَتْعِسْ بِهِ * وَرَقَ خَيَالِشِيمَةِ الْجَنْدَلِ

আর ফারায়দাক দুর্ভাগ্যের শিকার হোক। প্রস্তরাঘাতে তার নাকের অভ্যন্তরকে কোমল করুক।

তখন ফারায়দাক আবৃত্তি করল :

يَا أَرْغَمَ اللَّهِ أَنْفَأَ أَنْتَ حَامِلُهُ * يَا ذَا الْخَنَّا وَمَقَالِ الرُّؤْرِ وَالْخَطَلِ

হে অপদস্থ ও মিথ্যা প্রলাপকারী! আল্লাহ তোমার নাককে ভুলুষ্টিত করুন :

مَا أَنْتَ بِالْحَكْمِ التَّرْضِيِّ حَكَمْتُهُ * وَلَا الأَصْبِيلُ وَلَا نَذِي الرَّأْيِ وَالْجَدَلِ

তুমি তো এমন বিচারক নও যার বিচার মেনে নেওয়া যায়, আর না কোন সন্ধানে ব্যক্তি কিংবা বিচক্ষণ রায়ের অধিকারী।

এরপর আখতাল আবৃত্তি করল :

يَا شَرَّ مَنْ حَمَلتْ ساقَ عَلَىٰ قَدْمٍ * مَا مِثْلُ قَوْلِكَ فِي الْأَقْوَامِ يُحْتَمِلُ

হে সর্বনিকৃষ্ট ছিপদ! তোমার কথার ন্যায় কথা লোক সমাজে গ্রহণযোগ্য নয়।

انَّ الْحَكْمَةَ لَيْسَتْ فِي أَبِيكَ وَلَا * فِي مَعْشِرِ أَنْتَ مِنْهُمْ إِنَّهُمْ سُفَلٌ

তোমার বাপ-দাদা কেউ কোন কালে বিচারকের আসন পেয়েছে বলে শুনিনি, এমনাক তোমার গোত্রেরও কেউ নয়, তারা তো নীচ লোক।

তখন জারীর রাগান্বিত হয়ে দাঁড়িয়ে আবৃত্তি করল :

أَتَشْتَمَانَ سَفَاهًا خَيْرَكُمْ حَسَبًا * فَفِي كَمَا - وَإِلَهِي - الرُّؤْرُ وَالْخَطَلُ

নির্বুদ্ধিতার শিকার হয়ে তোমরা কি তোমাদের মাঝের সর্বোত্তম বংশকৌলীজ্ঞের অধিকারীকে গালমন্দ করছ। শপথ আমার ইলাহ-এর, তোমাদের মাঝেই মিথ্যা ও প্রলাপ প্রকাশ পাছে।

شَمِّتْمَاهُ عَلَى رَفْعٍ وَوَضْعٍكُمَا * لَازْلْتُمَا فِي سَفَالٍ أَيْهَا السَّفَلُ

আমাকে উন্নীত করায় এবং তোমাদের দু'জনকে অবনমিত করায় তোমরা তাকে গালমন্দ করছ, হে শীচৰ্বু তোমরা আসলে নীচেই থেকে গেলে।

এরপর জারীর শাফ দিয়ে উঠে বেদুইনের মাথায় চুমু খেল এবং খলীফাকে লক্ষ্য করে বলল, আমীরুল মু'মিনীন! আমার বখশিশ তার। আর তা ছিল পাঁচ হাজার দিরহাম। আবদুল মালিক বলেন, এর অনুরূপ পুরস্কার সে আমার পক্ষ থেকেও পাবে। এরপর সেই বেদুইন এসব নিয়ে বের হয়ে গেল।

ইয়া'কৃব ইবন সিক্কীত বর্ণনা করেন যে, (একবার) কবি জারীর হাজাজের পক্ষ থেকে প্রেরিত প্রতিনিধিদলের সাথে খলীফা আবদুল মালিকের সাক্ষাতে দরবারে প্রবেশ করলেন। এসময় তিনি তাকে তার এই প্রশংসা কাব্য আবৃত্তি করে শোনালেন যাতে এই পঙ্ক্তি বিদ্যমান-

أَسْتَمْ خَيْرَ مِنْ رَبِّ الْمَطَابِا * وَأَنْدِي الْعَالَمِينَ بُطْوَنْ رَاحِ

খলীফা তাকে বখশিশরূপে একশত উটনী, আটজন উটচালক, চারজন নূবী খাদিম এবং চারজন যুদ্ধবন্দী যাদেরকে তিনি সাগদ অঞ্চল থেকে এনেছিলেন তাকে দান করেন। এসময় খলীফা আবদুল মালিকের সামনে দুটি রূপার পেয়ালা ছিল, যা তাকে উপটোকনরূপে প্রদান করা হয়েছিল। জারীর এ দুটিকে কোন পরওয়া না করে তার হাতের একটি দণ্ড দিয়ে তাতে আঘাত করছিল। তখন আমি বললাম, হে আমীরুল মু'মিনীন! দোহন পাত্র! তখন তিনি সেই পাত্রগুলোর একটি দিয়ে দিলেন। এরপর জারীর যখন হাজাজের কাছে ফিরে আসলেন, তখন তার প্রতি খলীফার সমাদর তাকে চমৎকৃত করল। ফলে হাজাজ নিজে তাকে পঞ্চাশটি খাদ্য শস্য বোঝাই উটনী দান করল।

নিফতাওয়ায়হ বর্ণনা করেন, একবার জারীর বিশ্র ইবন মারওয়ানের দরবারে উপস্থিত হলেন। সেখানে আখতাল উপস্থিত ছিল। বিশ্র জারীরকে প্রশ্ন করলেন, আপনি কি একে চিনেন? তিনি বললেন, না! হে আমীর কে ইনি? তিনি বলেন, এ হলো আখতাল। আখতাল নিজে বলে বসল, আমিই তোমার সন্ত্রমে আঘাত করেছি, তোমার রাতকে বিনিদ্র করেছি এবং তোমার গোত্রকে কষ্ট দিয়েছি। তখন জারীর বললেন, আমার সন্ত্রমকে আঘাত করা প্রসঙ্গে আমি বলব, সম্মুদ্রে নিমজ্জিত ব্যক্তি সম্মুদ্রকে গালি দিলে তার কোন ক্ষতি নেই। আর আমার রাতকে বিনিদ্র করা সম্পর্কে বলব, তুমি যদি আমাকে বিনিদ্র না করতে, তাহলে তা তোমার জন্য অধিক কল্যাণকর হত। আর আমার সম্পদায়কে কষ্ট দেওয়া সম্পর্কে বলব, কিভাবে তুমি এমন সম্পদায়কে কষ্ট দিবে, যাদের কাছে তুমি জিয়্যায় আদায় করতে বাধ্য? উল্লেখ্য যে, আখতাল ছিল খৃষ্টধর্মগ্রহণকারী আরব। মহান আল্লাহ' তাকে লাঙ্কিত ও অপদস্থ করুন। সে-ই এ ব্যক্তি যে বিশ্র ইবন মারওয়ানকে নিম্নোক্ত পঙ্ক্তি সম্বলিত কবিতা আবৃত্তি করে শুনিয়েছে—

قَدْ اسْتَوْى بِشَرٍ عَلَى الْعَرَاقِ * مِنْ غَيْرِ سَيِّفٍ وَدَمٍ مُهْرَاقٍ

বিশ্র তো কোন তরবারি ও প্রবাহিত রক্ত ছাড়াই ইরাক অধিপতি হয়েছেন।

‘আখতালের এই কবিতা পঙ্কজি দিয়ে জাহমিয়াগণ প্রমাণ পেশ করে যে, أَسْتَوْاءٌ عَلَىٰ
الْعَرْشِ আরশে সমাসীন হওয়ার অর্থ হলো استيلاء。 বা জবর দখল। সন্দেহ নেই এটা
শব্দের অর্থ- বিকৃতি। আর এই নাসারার কবিতা পঙ্কজিতে এর সপক্ষে কোন দলীল-প্রমাণ
নেই। আর না আল্লাহ তা'আলা তাঁর আরশে সমাসীন হওয়া দ্বারা তা জবরদখল করা
বুঝিয়েছেন। জাহমিয়াদের এই ভ্রান্ত দাবীর বহু উর্ফে তিনি। কেননা, আরবীতে বাক্রীতিতে
تَخْنَىٰ بَلَا هُوَ يَعْلَمُ، যখন ঐ বস্তু আধিপত্য বিস্তারের পূর্বে তার অবাধ্য
থাকে। যেমন বিশ্বের ইরাকের উপর আধিপত্য বিস্তার কিংবা কোন শাসক কর্তৃক কোন শহর
জবর দখল করা। আর মহান আল্লাহর আরশ তো মুহূর্তকালের জন্যও তার অবাধ্য ছিল না যে,
সে ক্ষেত্রে বলা হবে। অথবা استواٰ عَلَيْهِ- এর অর্থ হলো জাহমিয়াদের
এই যুক্তির চেয়ে দুর্বল কোন যুক্তি নেই। এমনকি যুক্তি-নিঃস্বত্তা তাদেরকে এই কুৎসিত স্বভাব
খৃষ্টান কবির কবিতা পঙ্কজির শরণাপন্ন করেছে। আর আদৌ তাতে তাদের স্বপক্ষে কোন
যুক্তি-প্রমাণ নেই। মহান আল্লাহ সর্বাধিক পরিজ্ঞাত।

হায়ছাম ইবন আদী আওয়ানাহ ইবনুল হাকাম সূত্রে তিনি বলেন, উমর ইবন আবদুল
আয়ীয যখন খলীফা হলেন, তখন কবিরা তাঁর সাক্ষাতে আগমন করে। কয়েক দিন তারা তাঁর
অনুমতির অপেক্ষা করে। কিন্তু তিনি তাদেরকে অনুমতি দেননি এবং তাদের প্রতি কোনৱেশ
জক্ষেপও করেননি। বিষয়টি তাদেরকে মর্মাহত করে এবং তারা স্ব স্ব নিবাসে ফিরে যেতে
উদ্যত হয়। এমন সময়ে রাজা ইবন হায়ওয়াহ তাদেরকে অতিক্রম করলেন। জারীর তাকে
সম্মোধন করে বলল—

يَا أَيَّهَا الرَّجُلُ الْمُرْخِيُّ عِمَامَتِهِ * هَذَا زَمَانُكَ فَاسْتَأْذِنْ لَنَا عُمَراً

হে পাগড়ীধারী ‘সজ্জন’ ব্যক্তি! এখন তো আপনার সুদিন। আপনি খলীফা উমরের কাছে
আমাদের জন্য অনুমতি প্রার্থনা করুন।

কিন্তু তিনি ভিতরে প্রবেশ করে খলীফা উমরকে তাদের বিষয়ে কিছুই বলেননি। এরপর
আদী ইবন আরতাহ তাদেরকে অতিক্রম করলেন। জারীর তাকে উদ্দেশ্য করে আবৃত্তি করে :
يَا أَيُّهَا الرَّاكِبُ الْمَرْخِيُّ مَطِيَّتِهِ * هَذَا زَمَانُكَ إِنِّي قَدْ مَضِيَ زَمَنِي

নিজ বাহনের লাগাম শিথিলকারী হে আরোহী! এখন আপনার সুদিন। আমার সুদিন
অতীত হয়েছে।

أَبْلَغَ خَلِيفَتَنَا إِنْ كُنْتَ لَاقِيْهِ * أَنِّي لَدِي الْبَابِ كَالْمَصْفُودِ فِيْ قَرْنِ

আপনি যদি আমাদের খলীফার সাক্ষাৎ পান, তাহলে তাকে জানাবেন যে, আমি তার
দরযায় এমন অসহায় যেমন শিংয়ে বাঁধা বিপদগ্রস্ত ব্যক্তি।

لَا تَنْسَ حاجَتَنَا لِاقِيتَ مَغْفِرَةً * قَدْ طَالَ مُكْثَيْ عنْ أَهْلِي وَعَنْ وَطَنِي

আপনি মহান আল্লাহর মাগফিরাত লাভ করুন। আমাদের প্রয়োজন ভুলে যাবেন না। স্বজন
ও স্বদেশ ছেড়ে এসেছি বেশ কিছুকাল।

আদী উমর ইবন আবদুল আয়ীযের সাক্ষাতে প্রবেশ করে বলেন, হে আমীরুল মু'মিনীন,
আপনার দরবারে কবিরা এসে উপস্থিত হয়েছে। আর তাদের বাক্যবাণ বিশাঙ্ক আর বক্ষ্য দ্রুত

প্রসার লাভকারী। তিনি বলেন, কী বলছ তুমি আদী! আমার সাথে কবিদের কী সম্পর্ক? তিনি বলেন, হে আমীরুল মু'মিনীন! স্বয়ং আল্লাহর রাসূলও কবিতা শুনতেন এবং তার জন্য বখশিশ প্রদান করতেন। আবাস ইব্ন মিরদাস তার প্রশংসায় কবিতা আবৃত্তি করেন। তিনি তাকে জোড়া কাপড় প্রদান করেন। উমর ইব্ন আবদুল আয়ীয় তাকে বলেন, তুমি কি তার অংশ বিশেষ আবৃত্তি করতে পার। আদী বলেন, হ্যাঁ! এরপর তিনি তাকে আবৃত্তি করে শোনালেন—

رَأَيْتُكَ يَأْخِيرَ الْبَرِّيَّةِ كُلِّهَا * نَشَرْتَ كِتَابًا جَاءَ بِالْحَقِّ مَعْلَمًا

হে সকল সৃষ্টির সেরা! আপনাকে দেখেছি এমন এক মহাঘন্টের প্রচার করতে যা সুচিপ্রিত সত্য নিয়ে এসেছে।

شَرَعْتَ لَنَا دِينَ الْهُدَى بَعْدَ جَوْرِنَا * عَنِ الْحَقِّ لَمَّا أَصْبَحَ الْحَقُّ مُظْلِمًا

আমরা সত্য বিচ্ছুত হওয়ার পর আপনি আমাদের কল্যাণে সত্য ধর্মের প্রবর্তন ঘটিয়েছেন, যখন সত্য অঙ্গকারাচ্ছন্ন হয়ে পড়েছিল।

وَنَوَرْتَ بِالْبُرْهَانِ أَمْرًا مُদَلِّسًا * وَأَطْفَلْتَ بِالْقُرْآنِ نَارًا تَضَرِّمًا

প্রমাণ দ্বারা আপনি একটি অস্পষ্ট বিষয় আলোকিত করেছেন এবং কুরআন মাজীদ দ্বারা প্রজ্ঞালিত আঙ্গন নির্বাপিত করেছেন।

فَمَنْ مُبْلِغٌ عَنِ النَّبِيِّ مُحَمَّدًا * وَكُلُّ امْرٍ يُجزَى بِمَا كَانَ قَدَّمَا

কে আছে যে আমার পক্ষ থেকে নবী মুহাম্মদকে পৌঁছে দিবে আর প্রত্যেককেই তার কৃতকর্মের ফল প্রদান করা হবে।

أَقْمَتَ سَبِيلَ الْحَقِّ بَعْدَ أَعْوَجَاجِهِ * وَكَانَ قَدِيمًا رُكْنُهُ قَدْ تَهَدَّمَا

বক্তৃতার পর আপনি সত্যের পথকে সরল করেছেন, আর তার স্তুতি প্রাচীন ও বিশ্বস্ত হয়ে পড়েছিল।

تَعَالَى عَلَوْا فَوْقَ عَرْشِ إِلَهِنَا * وَكَانَ مَكَانُ اللَّهِ أَعْلَاهُ وَأَعْظَمَا

তিনি আমাদের ইলাহের আরশে আরোহণ করেছেন আর আল্লাহর উর্ধ্বতর ও বৃহত্তর/মহত্তর।

উমর বলেন, কোন্ কোন্ কবি অপেক্ষারত? তিনি বলেন, উমর ইব্ন আবু রাবীআ। উমর বলেন, সেই কি নিশ্চোক পঞ্জিসমূহের রচয়িতা নয়?

ثُمَّ نَبَهْتُهَا فَهَبْتُ كَعَابًا * طَفْلَةً مَا تَبَيَّنَ رَجْعُ الْكَلَامِ

তারপর আমি তাকে জাগ্রত করলাম। তখন সে উঙ্গিলি যৌবনা হয়ে এমন শিশুর ন্যায় জাগ্রত হলো যে, স্পষ্টভাবে কথার উত্তর দিতে শিখেনি।

سَاعَةً ثُمَّ إِنَّهَا بَعْدُ قَالَتْ * وَيُلْنَاقْدُ عَجَلْتَ يَا ابْنَ الْكَرَامِ

কিছুক্ষণ পর সম্ভিত ফিরে পেয়ে সে বলে উঠল, হে অভিজ্ঞাত পিতৃগুরুষদের সন্তান তুমি তো তড়িঘাড়ি করে ফেলেছ।

أَعْلَى غَيْرِ مَوْعِدٍ جِئْتَ تَسْرِيْ * تَتَخْطِي إِلَى رَؤُوسِ النِّيَامِ

অনিধারিত সময়ে ঘুমন্ত মানুষদের মাথা ডিঙিয়ে রাত্রির অঙ্ককারে তুমি এসে উপস্থিত হয়েছ।

مَا تَجْشَمْتَ مَا تَرِيدَ مِنْ أَلْأَمْرِ * وَلَا حَيْثَ طَارِقًا لِّخَصَامٍ

আল্লাহর দুশমন যদি অপকর্ম করে তা গোপন রাখত। আল্লাহর কসম! সে আমার দরবারে কখনও প্রবেশ করবে না। সে ছাড়া আর কে আছে? আদী বলেন, হ্যাম ইবন গালিব অর্থাৎ ফারায়দাক। তখন উমর বলেন, সেই কি তার কবিতায় বলেনি—

هُمَا دَلَيَانِيْ مِنْ ثَمَانِينَ قَامَةً * كَمَا انْفَضَ بازِ أَقْتَمَ الرِّيشَ كَاسِرَهُ

তারা দুইজন আশি মানুষের উচ্চতা থেকে আমাকে এমনভাবে শুলিয়ে দিল যেমনভাবে ধূসর পালকের বাজপাথী ঝাপিয়ে পড়ে।

فَلَمَّا اسْتَوَتْ رِجْلَى بِالْأَرْضِ قَالَتَا * أَحَى يُرْجِى أَمْ قَتِيلُ نُحَادِرُهُ

তারপর আমার পদময় যখন মাটির স্পর্শ লাভ করল, তখন তারা দুইজন বলল, এর কি বাঁচার আশা আছে নাকি এ মৃত।

আল্লাহর কসম, মিথ্যাবাদী হয়ে সে আমার ফরাশ মাড়াতে পারবে না। সে ছাড়া আর কে আছে অপেক্ষাগুণ? আদী বলেন, আখতাল। তিনি বললেন সেই কি বলে নাই—

وَلَسْتُ بِصَائِمٍ رَمَضَانَ طَوْعًا * وَلَسْتُ بِأَكْلٍ لَحْمَ الْأَضَاحِيْ

আমি তো বেছায় রময়নে রোধা রাখি না এবং কুরবানীর পশুর গোশত খাই না।

وَلَسْتُ بِرَاجِرِ عِيْسَى بِكُورْ * إِلَى بَطْحَاءِ وَمَكَّةَ لِلنَّجَاحِ

আর আমি সফলতা লাভের জন্য প্রস্তরময় ভূখণে এবং মক্কার প্রান্তরে সাদা উটের পাল হাঁকিয়ে বেড়াই না।

وَلَسْتُ بِزَائِرِ بَيْتَ أَبْيَادًا * بِمَكَّةَ ابْتَغَى فِيْهِ صَلَاحِيْ

আর না আমি আমার সংশোধনের/ কল্যাণের প্রত্যাশায় মক্কাস্থ দূরবর্তী কা'বাগ্রহের যিয়ারত করি।

وَلَسْتُ بِقَائِمٍ كَالْعِيْرِ أَدْعُوْ * قَبِيلَ الصُّبْحِ حَىْ عَلَى الْفَلَاحِ

আর না আমি প্রভাতকালে উঠে কাফেলার ন্যায় কল্যাণের জন্য আস বলে আহবান করি।

وَلَكِنِيْ سَائِرَبَهَا شَمْوُلاً * وَلَسْجُدْ عِنْدَ مُنْبَلِعِ الصَّبَاحِ

কিন্তু, আমি তা পান করি এবং প্রভাতের উদয়কালে সিজদায় পড়ে যাই।

আল্লাহর কসম! কাফির অবস্থায় কখনও সে আমার সাক্ষাতে প্রবেশ করবে না। যাদের কথা উল্লেখ করেছ তারা ছাড়া কেউ আছে কি? আদী বলেন, হ্যা, কবি আহওয়াস রয়েছে। তিনি বললেন, সেই কি এই পঙ্কজির রচিয়তা নয়—

اللَّهُ بَيْنِ وَبَيْنِ سَيِّدَهَا * يَفْرُّ مِنْهَا وَأَنْبَغِهَ

মহান আল্লাহ্ আমার ও তার মুনীবের মাঝে (ফায়সালা করবেন) সে তাকে নিয়ে আমার থেকে পালাচ্ছে আর আমি তাকে অনুসরণ করছি।

যাদের উল্লেখ তুমি করেছ সেও তার চেয়ে কম নয়। সে ছাড়া এখানে আর কে আছে? আদী বললেন, জামীল ইব্ন মামার। তিনি বললেন, যার বক্তব্য হলো—

أَلَا لِيَتَنَا نَحْنُ أَجْمِيعًا إِنَّ نَمَتْ * يَوَافِقُ فِي الْمَوْتِي خَرِيجٍ
হায়! আমরা যদি একসাথে জীবিত থাকতাম এবং একই সাথে মরতাম।

فَمَا أَنَا فِي طُولِ الْحَيَاةِ بِرَاغِبٍ * إِذَا قِيلَّ قَدْ سَوَى عَلَيْهَا صَفِيفْ
হায়! যখন বলা হবে তার সমাধি সমান করে দেওয়া হয়েছে, তখন আর আমি দীর্ঘায়ুর প্রত্যাশী

নই।

আল্লাহ্ দুশমন যদি দুনিয়াতে তার সাক্ষাৎ কামনা করত, তা দ্বারা নেক আমল ও তাওবা করার জন্য (তাহলে বেশ হতো)। আল্লাহ্ কসম, সে কখনও আমার সাক্ষাতে প্রবেশ করবে না। এরা ছাড়া কি আর কেউ আছে? আমি বললাম, জারীর। তিনি বললেন, সে তো ঐ ব্যক্তি যে বলে—

طَرَقْتُكَ صَانِدَةَ الْفُلُوبِ وَلَيْسَ ذَا * حِينَ الْزِيَارَةِ فَارْجِعِي بِسَلَامٍ

রাজ্ঞিকালে আমি যখন তোমার দরযায় টোকা দিলাম। তখন তুমি চিন্তহণকারিণী আর তখন তো সাক্ষাতের সময় নয়। কাজেই তুমি নিরাপদে ফিরে যাও।

একান্তই যদি কাউকে অনুমতি দিতে হয়, তাহলে জারীরকে অনুমতি দাও। তাকে (জারীরকে) অনুমতি দেওয়া হলো এবং তিনি উমর ইব্ন আবদুল আয়িয়ের দরবারে প্রবেশ করেন এই পঞ্জিসমূহ আবৃত্তি করতে করতে-

إِنَّ الَّذِي بَعَثَ النَّبِيًّا مُّحَمَّدًا * جَعَلَ الْخِلَافَةَ لِلْإِمَامِ الْعَادِلِ

যিনি নবী মুহাম্মদকে প্রেরণ করেছেন তিনি-ই খিলাফতকে ন্যায়পরায়ণ শাসকের জন্য নির্ধারণ করেছেন।

وَسِعَ الْخَلَائِقَ عَدْلَهُ وَوَفَائَهُ * حَتَّى ارْعَوَى وَأَقَامَ مَيْلَ الْمَائِلَ

যার ন্যায়পরতা ও ওফাদারী সকলকে ব্যাপ্ত করেছে। এমন কি তিনি বক্তের বক্তব্যকে সোজা করেছেন।

إِنَّى لَا رَجُونَ مِنْكَ خَيْرًا عَاجِلًا * وَالنَّفْسُ مُولَعَةٌ بِحُبِّ الْعَاجِلِ

আমি তো আপনার কাছে তুরিত কল্যাণ প্রত্যাশা করি আর মানব-মন তুরাপ্রবণ।

তিনি তাকে বললেন, কী (যা-তা) বলছ তুমি জারীর! তুমি যা বলছ সে ব্যাপারে আল্লাহকে ভয় কর। এরপর কবি জারীর কবিতা আবৃত্তির জন্য উমর ইব্ন আবদুল আয়িয়ের অনুমতি প্রার্থনা করল তিনি তাকে হ্যাঁ না কিছুই বললেন না। সে তার প্রশংসায় দীর্ঘ একটি কাসীদা আবৃত্তি করল। তিনি বললেন, হে জারীর (কী বলছ তুমি) এখানে যা (বায়তুল মালে) আছে তাতে তো আমি তোমার কোন হক দেখছি না। সে বলল, আমি তো নিঃঙ্গ এবং

পথশ্রয়ী মুসাফির। তিনি বলেন, আমি যখন খিলাফতের দায়িত্ব গ্রহণ করি, তখন আমার কাছে সর্বসাকল্যে তিনশ' দিরহাম ছিল। যার একশ' দিরহাম নিয়েছে আবদুল্লাহ্‌র মা, একশ' দিরহাম তার ছেলে আর একশ' দিরহাম অবশিষ্ট আছে। একথা বলে তিনি তাকে একশ' দিরহাম প্রদানের নির্দেশ দিলেন। এরপর জারীর যখন বের হয়ে অন্যান্য কবিদের সামনে আসল, তারা বলল, হে জারীর! তুমি কী খবর এনেছো? সে বলল, তোমাদের জন্য হতাশাব্য ক। আমীরুল মু'মিনীন দরিদ্রদের দান করছেন আর কবিদের বপ্তি করছেন। আর আমি অবশ্য তার প্রতি প্রসন্ন, একথা বলে সে আবৃত্তি করল—

رَأَيْتُ رُقْبَى الشَّيْطَانِ لَا تَسْتَفِرُهُ * وَقَدْ كَانَ شَيْطَانِي مِنَ الْجِنِّ رَأَيْتَ

আমি দেখেছি শয়তানের তত্ত্বমন্ত্র তাকে অস্ত্রি/ শক্তি করেন। অথচ ইতোপূর্বে আমার জিন শয়তান তা করতে পারত।

মুআফী ইব্ন যাকারিয়া আল-জারীরীর এক বর্ণনায় এসেছে, (একবার) হাজ্জাজ ইব্ন ইউসুফের এক বাঁদী তাকে বলল, আপনি তাকে (জারীরকে) আমাদের সামনে উপস্থিত করুন। হাজ্জাজ বলল, আমি যতদূর জানি সে নারী আসত্ত্বাহীন। সে বলল, আপনি যদি তাকে আমার সাথে নির্জনে রাখেন, তাহলে দেখবেন সে কী করে। হাজ্জাজ নির্দেশ দিল এ বাঁদীকে জারীরের সাথে এমন এক নির্জন স্থানে রাখতে, যেখান থেকে হাজ্জাজ তাদেরকে দেখতে পাবে। কিন্তু তারা হাজ্জাজকে দেখতে পাবে না, এবং জারীর এর কোন কিছুই টের পাবে না। এরপর নির্জনে গিয়ে বাঁদীটি জারীরকে বলল, হে জারীর! কিন্তু জারীর মাথা ঝুঁকিয়ে বলল, এই তো আমি! তখন সে বলল, আমাকে তোমার অমুক অমুক কবিতা আবৃত্তি করে শোনাও! তাতে আমি বেশ কোমলতা অনুভব করি। তখন সে বলল, তা আমার মনে নেই, তবে আমি অমুক অমুক কবিতা মনে করতে পারছি। এভাবে সে বাঁদীর কাঞ্চিত কবিতা এড়িয়ে তাকে হাজ্জাজের প্রশংসায় রচিত কাব্য শোনাল। তখন সে বলল, আমি তো এ বিষয়ের কবিতা শুনতে চাই না, আমি তো আসলে অমুক অমুক কবিতা শুনতে চাই। কিন্তু সে এবারও তার কথা পাশ কাটিয়ে/এড়িয়ে তাকে হাজ্জাজের প্রশংসায় কবিতা আবৃত্তি করে শোনাল এমনকি মজলিস শেষ হয়ে গেল। এরপর হাজ্জাজ জারীরকে বলল, তুমি বড় ভাগ্যবান ব্যক্তি! ভদ্রতা ও সচরিত্র ছাড়া সব কিছুই তুমি প্রত্যাখ্যান করেছ। ইকরিমাহ্ বলেন, একবার আমি এক বেদুঈন আরবকে কবি জারীর আল খাতাফীর একটি পঙ্ক্তি আবৃত্তি করে শোনালাম—

أَبْدِلُ اللَّيلَ لَا تَجْرِي كَوَاكِبَهُ * أَوْ طَالَ حَتَّى حَسِبْتَ النَّجْمَ حَيْرَنًا

রাত্রিকে কি পরিবর্তন করে দেওয়া হয়েছে যে তার তারকাসমূহ নিশ্চল হয়ে আছে। নাকি তা দীর্ঘ হয়েছে এমনকি আমার কাছে নষ্টত্বকে হয়রান মনে হয়েচে।

এ কবিতার পঙ্ক্তি শুনে আরাবী বলল, এর অর্থ ভাল, তবে আমি এর অনুরূপ থেকে আল্লাহ্‌র আশ্রয় গ্রহণ করছি। আর তার বিপরীত অর্থে আমি তোমাকে আমার কবিতা আবৃত্তি করে শোনাচ্ছি।

وَلَيْلٌ لَمْ يُقْصِرْهُ رُقَادُ * وَقَصْرَهُ لَنَا وَصْلُ الْحَبِيبِ

এমন রাত্রি যাকে অনিদ্রা প্রলম্বিত করেনি, যাকে সংক্ষিপ্ত করেছে প্রিয়জনের সাম্মিধ্য।

نَعِيمُ الْحَبِيبِ أَوْرَقْ فَيْهِ * حَتَّى تَنَاهَلْنَا جَنَاهَ مِنْ قَرِيبِ

প্রগয় সুখ তাতে পত্রপল্লবিত হলো এমনকি আমরা অতি নিকট থেকে তার ‘সুফল’ লাভ করলাম।

بِمَ جُلْسَ لَدَّةٍ لَمْ نَقْفِ فِيْهِ * عَلَى شَكْوَى وَلَا عَيْبَ الذُّوبِ

এটা হলো ভোগানদের আসর, যাতে আমরা কোন অনুযোগ কিংবা পাপ-ক্রটির সন্ধান পাইন।

فَخَشِينَا أَنْ نَقْطِعَهُ بِلَفْظٍ * فَتَرَجَّمَتِ الْعَيْنُونَ عَنِ الْقُلُوبِ

তখন আমরা আশঙ্কা করলাম, যে কোন উচ্চারণ তাকে ব্যাহত করবে। ফলে, চক্ষুসমূহ তখন হৃদয়ের ভাষ্যকার হয়ে গেল।

আমি তাকে বললাম, আমাকে আরও শোনাও। তখন সে বলল, এ বিষয়ে তোমার জন্য এতটুকুই যথেষ্ট, তবে আমি তোমাকে অন্য প্রসঙ্গে আবৃত্তি করে শোনাচ্ছি :

وَكَنْتُ إِذَا عَقِدْتُ حِبَالَ قَوْمٍ * صَحِبَتْهُمْ وَشَيْمَتِي الْوَقَاءُ

আর আমি যখন কোন সম্প্রদায়ের সাথে সম্পর্ক গড়ি, তখন তাদের সাহচর্যে ও ফাদারীর সাথে অবস্থান করি।

فَأَحْسِنْ حِينَ يُحْسِنْ مُحْسِنُوهُمْ * وَاجْتَنِبِ الْإِسَاءَةَ إِنْ أَسَاوَوا

তাদের সদাচারীরা যখন সদাচার করে তখন আমি অনুরূপ করি আর যদি তারা অসদাচরণ করে তখন আমি তা পরিহার করি।

أَشَاءُ سَوْىٰ مَشِيئَتِهِمْ فَاتَى * مَشِيئَتِهِمْ وَأَتَرَكَ مَا أَشَاءُ

তাদের ইচ্ছা ভিন্ন অন্য কিছু আমি ইচ্ছা করি। কিন্তু তাদের স্বার্থে তাদের ইচ্ছা পূর্ণ করি এবং নিজের ইচ্ছা বর্জন করি।

ইব্ন খালিকান বলেন, অধিকাংশ কাব্য সমালোচকের মতে কবি জারীর ফারায়দাকের চেয়ে উত্তম কবি। আর কবি জারীরের নিম্নোক্ত পঞ্চত্বই হলো সবচেয়ে অধিক গর্ব প্রকাশক পঞ্চত্ব—

إِذَا غَضِبَتْ عَلَيْكَ بَنُو تَمِيمٍ * حَسِبْتَ النَّاسَ كُلَّهُمْ غَضَابًا

বানু তামীম যদি তোমার প্রতি ত্রুদ্ধ হয়, তাহলে তোমার মনে হবে দুনিয়ার তাৎক্ষণ্য মানুষ তোমার প্রতি ত্রুদ্ধ।

ইব্ন খালিকান বলেন, এক ব্যক্তি তাকে (জারীরকে) প্রশ্ন করল, সবচেয়ে বড় কবি কে? সে তার হাত ধরে তাকে তার পিতার সাক্ষাতে নিয়ে গেল, আর সে তখন একটি ছাগীর ওলানে মুখ লাগিয়ে দুধ পান করছিল। এসময় জারীর তাকে ডাকল। সে উঠে দাঁড়াল। আর তার দড়ি বেয়ে দুধ পড়ছিল। জারীর তার প্রশ্নকারীকে বলল, তুমি একে দেখতে পাছ? সে বলল হ্যাঁ! জারীর বলল, তুমি কি তাকে চিন? সে বলল না। জারীর বলল, এ হলো আমার পিতা। সে মুখ লাগিয়ে ছাগীর ওলান থেকে দুধ পান করে, যাতে দুধ কোন পাত্রে দোহন করতে গেলে তার প্রতিবেশীরা দোহনের শব্দ শুনে দুধ চাইতে পারে এই আশঙ্কায়। কাজেই সবচেয়ে বড় কবি সে, যে এই অবস্থা নিয়ে বড়াই করে আশিজন কবিকে কাব্য মুদ্রে প্রারজিত

করেছে। আর কবি জারীর ও ফারায়দাকের মাঝেপরম্পর নিম্না ও বড়াই করে দীর্ঘ কাব্যযুদ্ধ সংঘটিত হয়েছে, যার ফিরিষ্টি অতি দীর্ঘ। কবি জারীর একশ' দশ হিজরীতে মৃত্যুমুখে পতিত হন। এটা হলো খলীফা ইবন খায়্যাত এবং আরও একাধিক জনের মত। খলীফা বলেন, ফারায়দাক মারা যাওয়ার কয়েক মাস পরই জারীর মারা যায়। ঐতিহাসিক সূলী বলেন, তারা উভয়ে একশ' এগার হিজরীতে মৃত্যুমুখে পতিত হয়। আর ফারায়দাক জারীরের চল্লিশ দিন পূর্বে ইন্তিকাল করে। আলকারিমী বলেন আসমাই সূত্রে তার পিতা থেকে, তিনি বলেন, জারীরের মৃত্যুর পর এক ব্যক্তি তাকে স্থপ্নে দেখে প্রশ্ন করল। মহান আল্লাহ্ তোমার সাথে কিরূপ আচরণ করলেন। তখন সে বলল, তিনি আমাকে ক্ষমা করেছেন। তাকে প্রশ্ন করা হলো কী দ্বারা? সে বলল, একটি তাকবীর দ্বারা যা আমি মরুপল্লীতে উচ্চারণ করেছিলাম। এরপর তাকে প্রশ্ন করা হলো, ফারায়দাকের কী অবস্থা? সে বলল, সতী-সার্ধী নারীদের চরিত্রে অপবাদ আরোপ তাকে ধ্রংস করেছে।

কবি ফারায়দাক'

তার নাম হ্যাম ইবন গালিব ইবন সাসা'আ ইবন নাজিয়া ইবন আকাল ইবন মুহাম্মদ ইবন সুফিয়ান ইবন মুজাশি ইবন দারিম ইবন হানয়ালা ইবন যায়দ ইবন মানাত ইবন মুরুর ইবন উদ্দ ইবন তাবিখা, আবু ফিরাস ইবন আবু খাতাল আত-তায়মী আল-বাসরী। এই ব্যক্তি প্রসিদ্ধ কবি এবং ফারায়দাক নামে পরিচিত। তার পিতামহ সাসা'আ ইবন নাজিয়া হলেন সাহাবী। যিনি রাসূলুল্লাহ্ সাল্লাল্লাহু আলায়হি ওয়া সাল্লামার কাছে প্রতিনিধি দলের সাথে আগমন করেন। তিনি জাহিলিয়াতে জীবন্ত প্রোথিত করার জন্য নির্ধারিত কন্যা সত্তানদের উদ্ধার করতেন। ফারায়দাক হ্যরত আলী সম্পর্কে বর্ণনা করেছে যে, সে তার পিতার সাথে হ্যরত আলীর কাছে আসে। তিনি প্রশ্ন করেন, এ কে? তার পিতা বলে, এ আমার ছেলে, সে কাব্য চর্চা করে। এ কথা শুনে হ্যরত আলী বলেন, তুমি তাকে কুরআন শিক্ষা দাও। কেননা, তা তার জন্য কাব্য চর্চার চেয়ে উত্তম। ফারায়দাক হ্যরত হসায়ন ইবন আলী থেকে হাদীস শ্রবণ করেছে এবং ইরাক যাওয়ার পথে তার সাক্ষাৎ লাভ করেছে। এছাড়া সে হ্যরত আবু হুরাইহাহ আবু সাওদ খুদরী, আরফায়া ইবন আসআদ, যুরারা ইবন কুরাব, কবি তিরিশ্বাহ ইবন আদী থেকে হাদীস শ্রবণ করেছে। আর তার থেকে হাদীছ রিওয়ায়াত করেছে খালিদ আল হায়্যা,' মারওয়ান আসগর হাজ্জাজ ইবন হাজ্জাজ আল আহওয়াল এবং একদল রাবী। তার চাচা হ্বাবের মীরাছের দাবী নিয়ে সে হ্যরত মুআবিয়ার দরবারে গমন করে। এছাড়া সে খলীফাহ্ ওয়ালিদ ইবন আবদুল মালিক এবং তার ভাইয়ের কাছে গমন করে, তবে তা বিশুদ্ধভাবে প্রমাণিত নয়। আশআছ ইবন আবদুল্লাহ্ বর্ণনা করেছে ফারায়দাক থেকে। সে বলে, হ্যরত আবু হুরাইহাহ আমার পায়ের দিকে তাকিয়ে বলেন, হে ফারায়দাক! আমি তোমার পা দুটি ক্ষুদ্র দেখছি। তুমি তাদের জন্য জান্নাতের একটু জায়গা খুঁজে নাও। আমি বলি, আমার পাপ তো অনেক। তিনি বলেন, কোন অসুবিধা নেই। আমি আল্লাহ্ রাসূলকে বলতে শুনেছি,

إِنَّ بِالْمَغْرِبِ بَابًا مَفْتُوحًا لِلتَّوْبَةِ لَا يَعْلَقُ حَتَّى تَطْلُعَ الشَّمْسُ مِنْ مَغْرِبِهَا

১. আল আগানী ৮/১৮৬, ৩/১৯, তারীখুল ইসলাম ৪/১৭৮, তাহ্যীবুল আসমা ওয়ালুগাত ১ম অংশ ২য় খণ্ড ২৮০, খায়ানাতুল আদাৰ ১/২১৭, সারহুল উয়ন ৩৮৯, ৪৬৪, কবিতা ও কবি ৩৮১, শায়ারাতুয়্যাহাব ১/১৪১, তাবাকাত ইবন সালাম ১/২৯৯, মুজামুল মায়রবানী ৪৬৫, আল মুহিজ ৫০, মিরআতুল জিনান ১/২৩, আনন্দজূম আয়াহিরা ১/ ২৬৮, ওফায়াতুল আয়ান ৬/৮৬-২২৭।

অস্তাচলে তাওবার জন্য সদা উন্মুক্ত একটি দরয়া রয়েছে। তা ততদিন বন্ধ হবে না, যতদিন না পশ্চিম দিক থেকে সূর্য উদিত হবে।

মুআবিয়া ইব্ন আবদুল করীম বলেন তার পিতা থেকে। তিনি বলেন, একবার আমি ফরায়দাকের সাক্ষাতে হায়ির হলাম, সে নড়ে উঠল। হঠাৎ দেখলাম তার পায়ে বেঢ়ী। আমি বললাম এ কি? তখন সে বলে, আমি শপথ করেছি, পবিত্র কুরআন মাজীদ হিফয করার পূর্বে আমি তা খুলব না। আবু আমর ইবনুল আলা বলেন, এমন কোন গ্রাম্য আরবকে আমি দেখিনি শহরে অবস্থানের পরেও যার ভাষার বিশুদ্ধতা অবিকৃত রয়েছে। তবে দুইজন এর ব্যতিক্রম একজন হলো রং'বা ইবনুল উজ্জাজ অপরজন হলো ফারায়দাক। শহরে দীর্ঘকাল অবস্থান এদের ভাষার নতুনত্ব ও তীক্ষ্ণতা বৃদ্ধি করেছে। তার কবিতার আবৃত্তিকারক আবু সিফআল বলে, ফারায়দাক তার স্ত্রী নুওয়ারকে তিনি তালাক প্রদান করল, এরপর হাসান বসরীকে তার সাক্ষী বানাল। তারপর আবার তার তালাকের কারণে এবং এ ব্যাপারে হাসান বসরীকে সাক্ষী বানানোর কারণে অনুত্তম হয়ে আবৃত্তি করতে লাগল—

فَلَوْ أَنِّيْ مَلْكٌ يَدِيْ وَقْلَبِيْ * لَكَانَ عَلَىْ لِلْقَدْرِ الْخَيْرِ

যদি আমি আমার হাত ও অন্তরের মালিক হতাম, তাহলে আমার উপর ভাগ্যের ইচ্ছাধিকার থাকত।

نَدِمْتُ نَدَمَةً الْكَسْعِ لِمَا * غَدَتْ مِنِّيْ مُطَلَّقَةً نَوَارِ

নুওয়ার যখন আমার থেকে তালাকপ্রাপ্তা হলো, আমি তখন যারপর নই অনুত্তম হলাম।

وَكَانَتْ جَنْتِيْ فَخَرَجَتْ مِنْهَا * كَادَمْ حِينَ أَخْرَجَهُ الضِّرَارُ

সে ছিল আমার বেহেশত এরপর আমি সেখান থেকে বেরিয়ে পড়লাম, যেমন আদম (আ) পরিস্থিতির শিকার হয়েছিল।

আসমাঈ এবং একাধিক ব্যক্তি বলেন, যখন ফারায়দাকের স্ত্রী নুওয়ার বিন্ত আয়ান ইবন যুবায়আহ আল মুজাশিদ মারা যায়। উল্লেখ্য যে, সে ওসিয়ত করে গিয়েছিল যেন হাসান বসরী তার জানায় পড়েন, তখন হ্যরত হাসান বসরীর (র) সাথে বসরার বিশিষ্ট ব্যক্তিগণ তার জানায় উপস্থিত হলেন। এসময় হাসান বসরী তার খচের আরোহণ করেছিলেন। আর ফারায়দাক তার উটে। চলার পথে হাসান বসরী ফারায়দাককে জিজ্ঞাসা করলেন, লোকজন কী বলে? সে বলল, তারা বলে আজ এই জানায় সর্বেন্ম ব্যক্তি অর্থাৎ আপনি উপস্থিত হয়েছেন এবং সর্ব নিকৃষ্ট ব্যক্তি অর্থাৎ আমি উপস্থিত হয়েছি। হাসান তাকে বলেন, হে আবু ফিরাস! আমি যেমন সর্বেন্ম লোক নই, তেমনি তুমি ও সর্বনিকৃষ্ট লোক নও। তারপর হাসান তাকে বলেন, তোমার এই দিনের জন্য তুমি কি প্রস্তুত করেছ? সে বলল, লা ইলাহা ইল্লাল্লাহ এর সাক্ষ্য আশি বছর যাবত এরপর হাসান বসরী তার জানায় নামায শেষ করলেন। সকলে কবরের দিকে রওয়ানা হলো এসমষ্টি ফন্দরায়দাক আবৃত্তি করতে লাগল—

أَخَافُ وَرَاءَ الْقَبْرِ إِنْ لَمْ يُعَافِنِي * أَشَدُّ مِنَ الْقَبْرِ التِّهَابًا وَأَضْيِقَا

যদি মহান আল্লাহ আমাকে অব্যাহতি না দেন, তাহলে কবরের পর আমি এমন স্থানকে ভয় করি যার প্রজ্ঞলন কবরের চেয়ে তীব্রতর এবং যা কবরের চেয়ে সংকীর্ণতর।

১. نَدَمَةً الْكَسْعِ প্রবাদ বাক্যের পরিবর্তিতরূপ। ভাবার্থ অতি অনুত্তাপ।

إِذَا جَاءَنِيْ يَوْمَ الْقِيَامَةِ قَائِدًا * عَنِيفٌ وَسَوَّاقٌ يَسُوقُ الْفَرْزَدَقًا

যখন কিয়ামতের দিন আমার কাছে এক কঠোর ও নির্মম ব্যক্তি আসবে যে ফারায়দাককে স্থানিয়ে নিয়ে যাবে।

لَقَدْ خَابَ مِنْ أَوْلَادِ دَارِمٍ مِنْ مَشِى * إِلَى النَّارِ مَغْلُولَ الْقِلَادَةِ أَزْرَقًا

বানু দারিমের ঐ সদস্য ব্যর্থ যে নীলচক্ষু নিয়ে গলায় লৌহ শৃঙ্খল পরে জাহানামের পথ ধরল।

يُسَاقُ إِلَى نَارِ الْجَحِيمِ مُسَرَّبًا * سَرَابِيلْ قَطْرَانِ لِبَاسًا مُخْرَقًا

আলকাতরার ছেঁড়া ফাটা পোশাক পরিয়ে তাকে জাহানামের দিকে হাঁকিয়ে নেওয়া হবে।

إِذَا شَرِبُوا فِيهَا الصَّدَدِيْدَ رَأَيْتُهُمْ * يَذُوبُونَ مِنْ حَرِ الصَّدِيدِ تَمَرَّقًا

সেখানে যখন তারা তঙ্গ ও গলিত পুঁজ পান করবে, তখন তুমি তাদেরকে দেখবে সেই গলিত তঙ্গ পুঁজের তাপে তাদের দেহ বিগলিত হয়ে ছিন্নভিন্ন হয়ে যাবে।

বর্ণনাকারী বলেন, কবি ফরায়দাকের এই কবিতা শুনে হ্যরত হাসান বসরী খুব কাঁদলেন এমনকি তার অশ্রুতে মাটি ভিজে গেল। এরপর ফারায়দাককে জড়িয়ে ধরে বললেন, ইতোপূর্বে তুমি আমার দৃষ্টিতে সবচেয়ে ঘৃণিত ব্যক্তি ছিলে, আজ তুমি আমার দৃষ্টিতে সবচেয়ে প্রিয় মানুষে পরিণত হলে। এক ব্যক্তি (একবার) তাকে বলল, সতী-সাধ্বী নারীদের প্রতি অপবাদ আরোপ করতে তুমি কি মহান আল্লাহকে ডয় কর না? সে বলে, আল্লাহর কসম, আল্লাহ তো আমার কাছে আমার চক্ষুদ্বয়ের চেয়ে প্রিয় যা দ্বারা আমি সবকিছু দেখি। কাজেই তিনি কিভাবে আমাকে শাস্তি দিবেন? আর ইতোপূর্বে আমরা উল্লেখ করেছি যে, সে একশ' দশ হিজরীতে কবি জারীরের চল্লিশ দিন পূর্বে মৃত্যুমুখে পতিত হয়। আর কারও কারও মতে কয়েক মাস পূর্বে। মহান আল্লাহ সর্বাধিক পরিজ্ঞাত।

আর হ্যরত হাসান বসরী এবং ইব্ন সীরীন-এর প্রত্যেকের জীবনী আমরা আমাদের আত্মাকূমীল গ্রন্থে বিশদভাবে উল্লেখ করেছি। আর মহান আল্লাহই আমাদের জন্য যথেষ্ট আর তিনি সর্বোন্ম কর্ম-বিধায়ক।

হাসান ইব্ন আবুল হাসান (র)

তাঁর পিতার নাম ইয়াসার ও আবরাদ। ইনি যায়দ ইব্ন ছাবিত, মতান্তরে জাবির ইব্ন আবদুল্লাহর আযাতকৃত গোলাম আবু সাইদ আল-বসরী। কেউ কেউ অন্য কারো গোলাম বলে মত প্রকাশ করেছেন। তাঁর মা উষ্মে সালামা (রা)-এর দাসী খায়রা, যিনি উষ্মে সালামার সেবা করতেন। অনেক সময় উষ্মে সালামা (রা) তাঁকে কাজে প্রেরণ করতেন, যার ফলে তিনি দুঃখপোষ্য ছেলে হাসান-এর যত্ন নিতে পারতেন না। তখন উষ্মে সালামা তাঁকে নিজ স্তন্যদান করে শাস্তি রাখতেন। এভাবে হাসান উভয়ের দুধ পান করতেন। তাই মানুষ মনে করত হাসান ইব্ন আবুল হাসান যে প্রজ্ঞা ও ইল্ম লাভ করেন, তা রাসূল-পরিবারের একজন নারীর দুধপান করার-ই বরকতের ফল। তাছাড়া তিনি যখন ছোট, তখন তাঁর মা তাকে সাহাবাগণের নিকট পাঠিয়ে দিতেন। সাহাবাগণ তাঁর জন্য দু'আ করতেন। হ্যরত উমর (রা) যে লোকগুলোর জন্য দু'আ করতেন, হাসান ইব্ন আবুল হাসান তাদের একজন। উমর (রা) বলতেন : হে আল্লাহ! তুমি তাকে দীনের বুৰু দান কর এবং তাকে মানুষের প্রিয়পাত্র বানাও।

একবার হ্যরত আনাস ইব্ন মালিক (রা)-কে একটি সমস্যার সমাধান জিজ্ঞাসা করা হয়েছিল। জবাবে তিনি বলেছিলেন, ‘বিষয়টা আমাদের মনিব হাসানকে জিজ্ঞাসা কর। কারণ, তিনি শ্রবণ করেছেন, আমরাও শ্রবণ করেছি। কিন্তু তিনি শ্রবণ রেখেছেন; আমরা ভুলে গছি।’ হ্যরত আনাস (রা) একবার বলেছেন : আমি হাসান ও ইব্ন সীরীন- এই দুই মাঝখ-এর কারণে বসরাবাসীদের ঈর্ষা করি। কাতাদাহ (র) বলেছেন : আমি যত ফকীহ যক্তির সঙ্গে বসেছি, সকলের উপর হাসানকেই সেরা পেয়েছি। তিনি আরো বলেন : আমার ই চোখ হাসান অপেক্ষা বড় ফকীহ আর কাউকে দেখেনি। আইউব (র) বলেছেন : একজন মানুষ তিনটি যুক্তি নিয়ে হাসানের সঙ্গে বসেও তাঁর প্রভাবের কারণে তাঁকে প্রশ্ন করতে পারত ব। শা’বী বসরাগামী এক ব্যক্তিকে বললেন : তুমি যখন বসরাবাসীদের সবচেয়ে সুশ্রী ও প্রভাবশালী লোকটিকে দেখবে, বুঝবে, তিনিই হাসান। তাঁকে আমার সালাম বলবে। ইউনুস ইব্ন উবায়দা (র) বলেছেন : মানুষ হাসানকে চোখে দেখলেই তাঁর দ্বারা উপকৃত হতো, যদিও স তাঁর আমল দেখেনি এবং তার কথা শুনেনি। আ’মাশ (রা) বলেছেন : হাসান সব সময় ধ্রজাপূর্ণ কথা বলতেন। আবু জা’ফর (র) যখন হাসান-এর উল্লেখ করতেন, বলতেন : এ লোকটির বক্তব্য নবীগণের বক্তব্যের ন্যায়।

মুহাম্মদ ইব্ন সা’দ (র) বলেছেন : ইতিহাসবিদগণ বলেছেন : হাসান ইল্ম ও আমালের সমর্থকারী ছিলেন। তিনি ছিলেন আলিম, উচ্চমর্যাদা সম্পন্ন, ফকীহ, নির্ভরযোগ্য, আস্থাভাজন, ইবাদতকারী, দুনিয়াবিমুখ, অধিক ইল্ম ও আমালের অধিকারী, স্পষ্টভাষী, সুশ্রী ও সুদর্শন। একবার তিনি পবিত্র মঞ্চায় আগমন করে মঞ্চে উপবেশন করেন। আলিমগণ তাঁর চারপাশে বসেন এবং জনতা এসে তাঁর নিকট ভিড় জমায়। তিনি তাদেরকে হাদীস বর্ণনা করেন। ইতিহাসবিদগণ বলেছেন : হাসান ইব্ন আবুল হাসান একশত বিশ হিজরী সনের রজব মাসে আটাশি বছর বয়সে ইন্তিকাল করেন। তাঁর ও মুহাম্মদ ইব্ন সীরীন-এর (মৃত্যুর) মাঝে ব্যবধান ছিল একশত দিন।

ইব্ন সীরীন (র)

নাম মুহাম্মদ ইব্ন সীরীন আবু বাকর ইব্ন আবু আমর আল-আনসারী। আনাস ইব্ন মালিক আন-নায়রীর আয়াদকৃত গোলাম। মুহাম্মদ-এর পিতা। আইনুত-তাম্র বন্দীদের একজন ছিলেন। খালিদ ইবনুল ওয়ালীদ (রা) অন্যান্য বন্দীদের সঙ্গে তাঁকেও বন্দী করেছিলেন। কিন্তু আনাস (রা) তাঁকে ত্রয় করে মুকাতাবের নিয়মে মুক্ত করে দেন। পরে তার ওরসে বেশ ক’টি সচরিত্র সন্তান জন্মলাভ করে। তারা হলো, আলোচ্য মুহাম্মদ, আনাস ইব্ন সীরীন, মা’বাদ, ইয়াহ-ইয়া, হাফসা ও কারীমা। তাঁরা সকলেই নির্ভরযোগ্য মহান তাবিঙ্গ। মহান আল্লাহ তাঁদের প্রতি রহম করুন। ইমাম বুখারী (র) বলেনঃ মুহাম্মদ খিলাফতে উচ্চমান-এর দুই বছর অবশিষ্ট থাকতে জন্মগ্রহণ করেছেন। হিশাম ইব্ন হাস্সান (র) বলেন : আমি যত মানুষের সাক্ষাৎ পেয়েছি, মুহাম্মদ তাদের সবচেয়ে সত্যবাদী। মুহাম্মদ ইব্ন সা’দ (র) বলেন : মুহাম্মদ ইব্ন সীরীন নির্ভরযোগ্য, আস্থাভাজন, বিদ্বান, উচ্চমর্যাদাসম্পন্ন, ফকীহ, নেতৃত্বানীয় এবং তাকওয়া বিষয়ে অত্যন্ত জ্ঞানসম্পন্ন। তাঁর কিছুটা বধিরতা ছিল।

মুআররিক আল-আজালী (র) বলেন : আমি মুহাম্মদ ইব্ন সীরীন অপেক্ষা তাকওয়ায় অভিজ্ঞ এবং জ্ঞান-গরিমায় মুস্তাকী আর কাউকে দেখিনি। ইব্ন আওন (র) বলেন : মুহাম্মদ ইব্ন সীরীন এ উম্মতের সবচেয়ে বড় আশাবাদী, চারিত্রিক পরিত্রায় নিজের প্রতি সবচেয়ে কঠোর এবং কঠিন আল্লাহভীরু। ইব্ন আওন (র) বলেন : পৃথিবীতে তিন ব্যক্তির ন্যায় আর কেউ ক্রন্দন করেননি। ইরাকে মুহাম্মদ ইব্ন সীরীন, হিজায়ে কাসিম ইব্ন মুহাম্মদ এবং সিরিয়ায় রজা ইব্ন হায়াত। তারা বর্ণে বর্ণে হাদীস বর্ণনা করতেন। শা'বী (রা) বলতেন : তোমরা এই বধির লোকটি তথা মুহাম্মদ ইব্ন সীরীনকে আঁকড়ে ধর। ইব্ন শাওয়াব (র) বলেন : আমি স্বপ্নের ব্যাখ্যায় মুহাম্মদ ইব্ন সীরীন অপেক্ষা দুঃসাহসী আর কাউকে দেখিনি। উছমান আল-বাস্তী (র) বলেন : বসরায় বিচারকার্যে তাঁর তুলনায় দক্ষ আর কাউকে দেখিনি। ইতিহাসবিদগণ বলেন : মুহাম্মদ ইব্ন সীরীন এ বছরের ৯ শাওয়াল- হাসান ইব্ন আবুল হাসান-এর ইন্তিকালের একশত দিন পর ওফাতপ্রাণ হন।

পরিচ্ছেদ

গ্রন্থকারের জন্য উচিত ছিল উপরিউল্লিখিত কবিদের জীবন-চরিত আলোচনার আগে এই শ্রেষ্ঠ আলিমগণের জীবন-চরিত আলোচনা করা। প্রয়োজন ছিল প্রথমে এ আলিমগণের আলোচনা করে পরে কবিদের জীবনী আলোচনা করা। শুধু তাই নয়, তিনি কবিদের জীবনীতে বঙ্গব্য দীর্ঘ করেছেন এবং আলিমগণের জীবনী সংক্ষিপ্ত করেছেন; যদিও তাতে সৌন্দর্য ও এমন প্রচুর জ্ঞান রয়েছে, যা দ্বারা মানুষ উপকৃত হতো। তা ছাড়া কবিদের স্তুতি প্রশংসা অপেক্ষা আলিমগণের আলোচনা বেশী উপকারীও বটে। বিশেষ করে হাসান, ইব্ন সীরীন (র) ও ওয়াহব ইব্ন মুনাবিহ (র)-এর আলোচনা। ওয়াহব ইব্ন মুনাবিহ-এর আলোচনা এই পরিশিষ্টে পরে আসছে। গ্রন্থকার তাঁকে নিয়েও সংক্ষিপ্ত আলোচনা করেছেন। বলা বাহ্যিক যে, একজন গ্রন্থকার গভীর ও ব্যাপক জ্ঞানের অধিকারী হয়ে থাকেন। কাজেই বিশিষ্ট আলিমগণের জীবনের কিছু অংশ ও প্রজ্ঞার কথা বাদ দেওয়া শোভনীয় নয়। কেননা, মানুষ সেসব বিষয়েও জানতে এবং সে নিয়ে গবেষণা করতে আগ্রহী হয়ে থাকে। বিশেষতঃ মানুষের হৃদয়ে পূর্বসূরী আলিমগণের বঙ্গব্যের বিশেষ স্থানই রয়েছে। গ্রন্থকার আসমাউর রিজাল বিষয়ক একটি গ্রন্থ রচনা করেছেন, যার নাম, ‘আত-তাকমীল’। জীবনী আলোচনার ক্ষেত্রে সাধারণত তিনি ‘আত-তাকমীল’-এর আলোচনাকেই যথেষ্ট মনে করেছেন। আর আমি নিজেও সেই কিতাবটির সন্ধান পাইনি এবং আমি যেসব আলিমকে জিজ্ঞাসা করেছি, তারাও এ ব্যাপারে অবগত নন। সংশ্লিষ্ট বিষয়ে বিশেষজ্ঞ এমন বহু লোককে আমি কিতাবটি সম্মতে জিজ্ঞাসা করেছি। কিন্তু তারা এ ব্যাপারে কোন তথ্য দিতে পারেননি। অন্যদের কথা আর কী বলব। তবে অধিকাংশ জীবনীতে আমি আমার জ্ঞানের পরিধি অনুপাতে গ্রন্থকারের আলোচনার চেয়েও বেশী আলোচনা করেছি। যদি আমার নিকট প্রয়োজনীয় কিতাবাদি থাকত, তাহলে এ বিষয়ে তত্ত্ব সহকারে আলোচনা করতাম। কেননা, জ্ঞান হলো মু’মিনের হারানো সম্পদ। তাছাড়া আখিরাত-অনুরাগী ও আল্লাহর নিকট যা কিছু আছে তার অনুসন্ধানকারী ব্যক্তি এ বিষয়ে জ্ঞান লাভ করে এত বেশী উপকৃত হবে, যতটুকু উপকার পরবর্তী ব্যক্তিবর্গ ও রাজা-বাদশাহদের জীবনী থেকে লাভ করা যায় না। পাশাপাশি তা অত্যাচারী ও স্বৈরশাসকদের জন্যও হিতকর।

কেননা, মৃত্যুর পর ন্যায়পরায়ণ কিংবা যালিম শাসকদের উল্লেখ-আলোচনা তাদের জন্য মর্যাদা ও জীবিতদের দুঃখ প্রকাশের নামান্তর। কেননা, তখন যালিম ভেবে বসে যুল্মু-অত্যাচার ও বিশ্রংখলায় জড়িত থাকা সত্ত্বেও মরেও সে অমর। বরং সে আলিমগণের নিকট কিতাবে গ্রন্থিত। ন্যায়পরায়ণ সৎকর্মশীল শাসকদের অবস্থাও অনুরূপ। কেননা, মহান আল্লাহু পবিত্র কুরআনে রাজা-বাদশাহ, ফিরআওন, কাফির ও বিশ্রংখলা সৃষ্টিকারীদের কাহিনী বর্ণনা করেছেন। এই উদ্দেশ্যে যে, যাতে মানুষ তাদের অবস্থাদি ও কর্মকাণ্ড সম্পর্কে অবহিত হয়ে সতর্কতা অবলম্বন করে। অনুরূপভাবে পদাংক অনুসরণ ও দুঃখ প্রকাশের লক্ষ্যে আল্লাহত্তীরু, সৎ কর্মপরায়ণ ও নেককার মু'মিনগণের কাহিনীও বিবৃত করেছেন। কাজেই আমি বলব, মহান আল্লাহু যেন আমাকে তাওফীক দান করেন। মহান আল্লাহু ভাল জানেন।

হাসান

ইনি বিশিষ্ট ইমাম ও ফকীহ আবু সঙ্গৈদ আল-বসরী। ইল্ম, আমল ও ইখলাসে মহান তাবেঙ্গণের একজন। ইব্ন আবুদ্দুনয়া (র) তাঁর থেকে বর্ণনা করেন যে, তিনি বলেন : এক ব্যক্তি বিশ বছর ইবাদতে নিয়গ্ন ছিলেন, 'অর্থচ, তার প্রতিবেশী বিষয়টা জানত না। আবার এক ব্যক্তি এক/রাত কিংবা এক রাতের কিছু সময় নামায পড়ে সকাল বেলা তার প্রতিবেশীর উপর বাহাদুরী দেখায়। লোকজন এসে জড়ো হয়ে তার আলোচনা করতে শুরু করে। ফলে, তার চোখ বেয়ে অশ্রু নেমে আসে। সে তা যথাসম্ভব দয়ন করার চেষ্টা করে। তাতে সফল হয়ে সে জনতাকে ত্যাগ করে চলে যায়।

হাসান (র) বলেন : এক ব্যক্তি উমর ইব্ন আবদুল আয়ীয়-এর নিকট দীর্ঘ সময় ধরে কথা বলল। ফলে তিনি তাকে ঘুষি মেরে বললেন : নিশ্চয় এর মধ্যে ফেতনা রয়েছে। ইব্ন আবুদ্দুনইয়া হাসান সৃত্রে উমর ইবনুল খাতাব (রা) থেকে এ বর্ণনাটি উল্লেখ করেন। তাবারানীও তাঁর থেকে বর্ণনা করেন যে, তিনি বলেন : ক্ষমার আশা ও রহমতের প্রত্যাশা একদল মানুষকে উদাসীন করে ফেলে। ফলে তারা কোন নেক আমল ছাড়াই দুনিয়া থেকে বিদায় গ্রহণ করে। তাদের কেউ বলত : আমি মহান আল্লাহর সম্পর্কে উত্তম ধারণা পোষণ করি এবং মহান আল্লাহর রহমতের আশা রাখি। অর্থচ, সে যথিয়া বলেছে। যদি সে মহান আল্লাহর সম্বন্ধে ভাল ধারণা-ই পোষণ করত, তাহলে অবশ্যই সে মহান আল্লাহর জন্য ভাল আমল করত। যদি সে মহান আল্লাহর রহমতের আশা করত, তাহলে অবশ্যই নেক আমলের মাধ্যমে সে তাঁর অব্বেষণ করত। কেউ যদি পাথেয় ও পানি ছাড়া বিজন মরু এলাকায় প্রবেশ করে, তাহলে তার ধৰ্মস অনিবার্য।

ইব্ন আবুদ্দুনইয়া (র) হাসান (র) থেকে আরো বর্ণনা করেন যে, তিনি বলেন : তোমরা এই অস্তরগুলোর সঙ্গে মত বিনিয়য় কর। কেননা, এগুলো দ্রুত নিঃশেষ হয়ে যাবে। আর এই নফসগুলোকে ঘৃণা কর। কেননা, এগুলো চরম শোচনীয়ভাবে কব্য করা হবে। মালিক ইব্ন দীনার বলেন, আমি হাসানকে জিজ্ঞাসা করলাম : আলিম যখন দুনিয়াকে ভালবাসবে, তখন তাঁর পরিণতি কী হবে ? তিনি বললেন : আজ্ঞার মৃত্যু। কেননা, তিনি যখন দুনিয়া অব্বেষণ করবেন, অব্বেষণ করবেন আধ্যাত্মিক আমলের বিনিময়ে। তখনই তাঁর থেকে ইল্মের বরকত বিদূরিত হয়ে যাবে এবং তার নিকট ইলমের বাহ্যিক রূপটাই শুধু অবশিষ্ট থাকবে।

ফাতাল্লী তাঁর পিতা থেকে বর্ণনা করেন যে, তিনি বলেন : হাসান এক ঝগ্গ ব্যক্তিকে দেখতে যান। কিন্তু শিয়ে দেখেন, তিনি সুস্থ হয়ে গেছেন। হাসান বললেন : শুনুন, মহাআল্লাহ্ আপনাকে শ্রমণ করেছেন। কাজেই আপনিও তাঁকে শ্রমণ করুন। তিনি আপনাকে সুঃ করে দিয়েছেন। কাজেই আপনি তার শোকর আদায় করুন। তারপর, হাসান বললেন : রোগ হলো দয়ালু রাজার পক্ষ থেকে এক বেত্তাঘাত। ঝগ্গ ব্যক্তি রোগাক্রান্ত হওয়ার পর হয়ে দ্রুতগামী ঘোড়ায় পরিণত হবে, নতুবা পদস্থালিত দংশিত গর্দভে পরিণত হবে। 'আতাবী তাঁর পিতা থেকে বর্ণনা করেন যে, তিনি বলেছেন : হাসান ফারকাদ-এর নিকট পত্র লিখেন :

হাম্দ ও সালাতের পর। আমি আপনাকে ওসিয়ত করছি মহান আল্লাহকে ভয় করে চলার মহান আল্লাহ্ আপনাকে যে ইল্ম দান করেছেন, সে অনুপাতে আমল করার, মহান আল্লাহর সেই ওয়াদার জন্য প্রস্তুত থাকার, যা প্রতিহত করার সাধ্য কারো নেই এবং যা আপত্তি হওয়ার পর অনুশোচনা কোন উপকার করবে না। অতএব, আপনি মাথা থেকে অলসদের ওড়ন সরিয়ে ফেলুন, অজ্ঞদের নিদ্রা থেকে সজাগ হোন এবং পায়ের গোছা আবরণমুক্ত করুন কেননা, দুনিয়া হলো প্রতিযোগিতার ময়দান এবং শেষ পরিণতি হলো জান্নাত কিংবা জাহানাম আরো কারণ হলো, আমার ও আপনার জন্য মহান আল্লাহর পক্ষ থেকে এমন একটি স্থান নির্ধারিত রয়েছে, যেখানে তিনি আমাকে-আপনাকে তুচ্ছ ও সূক্ষ্ম, প্রকাশ্য ও গোপন সকল বিষয়ে জিজ্ঞাসা করবেন। আমাকে ও আপনাকে তিনি যা কিছু জিজ্ঞাসা করবেন, তা থেকে মনের কুমন্ত্রণা, চোখের পলক, কানের শ্রবণ ও তদপেক্ষা ক্ষুদ্র বিষয়ও বাদ যাবে বলে আমি মনে করি না।

ইব্ন কুতায়বা হাসান থেকে বর্ণনা করেন যে, একবার তিনি ইব্ন হুবায়রার দরযা হয়ে কোথাও যান। সেখানে তিনি একদল কারীকে দেখতে পান, যারা ফকীহও। তারা ইব্ন হুবায়রার দরযায় উপবিষ্ট। হাসান তাদেরকে উদ্দেশ্য করে বললেন : তোমরা পরিচ্ছন্ন জুতা ও সাদা পোশাক পরিধান করে এদের দ্বারে ছুটে এসেছ ? তারপর তিনি নিজ সহচরদের উদ্দেশ করে বলেন : এই জুতাগুলো সম্পর্কে তোমাদের ধারণা কী ? এদের মজলিস মুওকাদের মজলিস নয়। এদের মজলিস হলো, পুলিশের মজলিস।

খারাইতী হাসান সম্পর্কে বর্ণনা করেন যে, তিনি যখন কোন বস্তু ক্রয় করতেন এবং তার মূল্যে ঘাটতি থাকত, পণ্যের মালিককে তিনি তা পূরণ করে দিতেন। একদিন হাসান একদল মানুষের নিকট দিয়ে অতিক্রম করেন। তারা বলাবলি করছিল যে, পুরো দিরহাম ও পুরো দীনার থেকে এক দানিক কর্মে গিয়েছে। এক দিরহামের মূল্যমান অর্ধেক কিংবা এক-চতুর্থাংশ কর্মে গিয়েছে এবং দশ দিরহাম সাড়ে নয় দিরহাম হয়ে গিয়েছে। হাসান এসব পণ্যের প্রতিবিধান করতে ভালবাসতেন। তিনি যদি কোন পণ্য এক দানিক কর্ম এক দিরহামে ক্রয় করতেন, মালিককে প্রদান করতেন পূর্ণ এক দিরহাম। কিংবা মূল্য যদি সাড়ে নয় দিরহাম হতো, তাহলে মানবতা ও মর্যাদার খাতিরে দিতেন দশ দিরহাম।

আবদুল আ'লা আস-সিমসার বলেন যে, হাসান বলেছেন : হে আবদুল আ'লা ! আচ্ছা, মানুষ কি এমন করে যে, সে তার ভাইয়ের নিকট কাপড় বিক্রি করে মূল্য দুই দিরহাম বা তিনি দিরহাম কমিয়ে দিল ? আমি বললাম, না, আল্লাহর শপথ ! এক দানিকও নয়। হাসান বললেন : মানবতা প্রদর্শনের এই চরিত্র তাহলে এখন আর অবশিষ্ট নেই ? আবদুল আ'লা বলেন : হাসান

বলতেন : মানবতা ছাড়া দ্বীন হয় না। একবার তিনি তাঁর একটি খচের বিক্রি করেন। ক্রেতা তাঁকে বলল : হে আবু সাঈদ! আমার জন্য কিছু কম নিবেন কি? তিনি বললেন : আপনার জন্য পঞ্চাশ দিরহাম। আরো কমাব? ক্রেতা বলল : না, আমি সমত। মহান আল্লাহ আপনাকে বরকত দিন।

ইব্ন আবুদ্দুনইয়া হাময়া আল-আ'মা থেকে বর্ণনা করেছেন যে, হাময়া আল-আ'মা বলেছেন : আমার মা আমাকে হাসান-এর নিকট নিয়ে গিয়ে বললেন : হে সাঈদের পিতা! আমার ইচ্ছা, আমার এই ছেলে আপনাকে আঁকড়ে থাকুক। হয়ত মহান আল্লাহ আপনার উসীলায় তাকে উপকৃত করবেন। হাময়া বলেন : তখন থেকে আমি তাঁর নিকট বারবার যাওয়া-আসা করতে থাকি। একদিন তিনি আমাকে বললেন : বৎস! তুমি সব সময় আখিরাতের কল্যাণ লাভের আশায় মনে দৃঢ় রাখ। তাতে হয়ত সে এসে তোমাকে ধরা দিবে। রাত-দিন সব সময় নির্জনে কান্নাকাটি কর। আশা করি, তোমার প্রভু তোমার প্রতি সদয় হবেন এবং তুমি সফলকাম লোকদের অন্তর্ভুক্ত হবে। তিনি বলেন : আমি হাসান-এর নিকট তাঁর গৃহে প্রবেশ করতাম, তিনি ক্রন্দন করছেন। অনেক সময় তাঁর নিকট গিয়ে দেখতাম, তিনি নামায পড়ছেন আর আমি তাঁর ক্রন্দন ও ফেঁপানি শুনতাম। একদিন আমি তাঁকে বললাম, আপনি বেশী কাঁদছেন! তিনি বললেন : বৎস! মু'মিন না-ই যদি কাঁদল, তো করবেটা কী? শোন বৎস! ক্রন্দন মানুষকে রহমতের দিকে ডেকে নিয়ে যায়। কাজেই যদি পার, জীবনটা তুমি কেঁদে অতিবাহিত কর। তাহলে আশা করা যায়, মহান আল্লাহ তোমাকে রহম করবেন। তখন তুমি জাহান্নাম থেকে মুক্তিলাভ করবে। তিনি আরো বলেন : সব মানুষকেই ঘরে প্রবেশ করতে হবে- হয় জান্নাতে নতুবা জাহান্নামে। সেখানে তৃতীয় কোন আবাস নেই। তিনি আরো বলেছেন : আমি জানতে পেরেছি, মহান আল্লাহর ভয়ে ক্রন্দনকারী ব্যক্তি অশ্রু ফোঁটাটি পতিত হওয়া মাত্র সে জাহান্নাম থেকে মুক্তি পেয়ে যায়। তিনি আরো বলেন : কেউ যদি জনসমাজে মহান আল্লাহর ভয়ে ক্রন্দন করে, মহান আল্লাহ তাদের সকলের প্রতি অনুগ্রহ করেন। আর সব আমলের-ই ওয়ন আছে। তবে মহান আল্লাহর ভয়ে ক্রন্দন এর ব্যতিক্রম। অশ্রু দ্বারা কোন কিছু পরিমাপ করা যায় না। তিনি আরো বলেছেন : বান্দা ক্রন্দন করলে তার অন্তর তার পক্ষে সত্যতার কিংবা বিপক্ষে মিথ্যাচারের সাক্ষ্য প্রদান করে।

ইব্ন আবুদ্দুনইয়া হাসান থেকে কিতাবু ইয়াকীনে বর্ণনা করেন যে, হাসান বলেন : মুসলমানের লক্ষণ হলো, দ্বিনে শক্তিশালী হওয়া, কোমলতা প্রদর্শনে আত্মপ্রত্যয়ী হওয়া, ইয়াকীনের সঙ্গে ঈমান থাকা, বিদ্যায় প্রজ্ঞাবান হওয়া, কোমল আচরণে কঠিন হওয়া, হকের পথে দান করা। সচ্ছলতায় মধ্যপদ্ধা অবলম্বন করা, অভাবে ধৈর্যধারণ করা, শক্তি থাকা সত্ত্বেও অনুগ্রহ করা, আনুগত্যের পাশাপাশি হিতকামনা করা, উৎসাহ-উদ্দীপনায় তাকওয়া অবলম্বন করা এবং বিপদে পবিত্রতা অবলম্বন ও ধৈর্যধারণ করা। তার উদ্দীপনা যেন তাকে ধূঃস না করে, তার জিহ্বা যেন তাকে ছাড়িয়ে না যায়, তার চক্ষু যেন তাকে অতিক্রম না করে, তার গোপনাঙ্গ যেন তাকে পরাজিত না করে, তার প্রবৃত্তি যেন তাকে আকৃষ্ট না করে, তার রসনা যেন তাকে অপদষ্ট না করে, তার লোভ যেন তাকে হীন না করে, তার নিয়ত যেন ছোট না হয়। বর্ণনাকারী হাসান থেকে এই ভাষ্যই উদ্ভৃত করেছেন।

ইব্ন আবুদি-দুনহাইয়া যথাক্রমে আবদুর রহমান ইব্ন সালিহ, হাকাম ইব্ন যুহায়ির ও ইয়াহাইয়া ইব্ন মুখতার সূত্রে হাসান থেকে এই বর্ণনাটি উক্ত করেছেন। তাতে এ কথাও উল্লেখ আছে যে, হাসান বলেন : হে আদম সন্তান! মহান আল্লাহর হাতে যা কিছু আছে, তদপেক্ষ তোমার হাতে যা আছে তার উপর বেশী নির্ভর করা তোমার ঈমানের দুর্বলতার লক্ষণ।

হাসান থেকে যথাক্রমে আওন ইব্ন আবু শাকুদাদ, হাফস ইব্ন সুলায়মান আবু মুকাতিল, মুসা ইব্ন ইসমাইল আল-জীলী ও আলী ইব্ন ইবরাহীম আল-ইয়াশকুরী সূত্রে ইব্ন আবদি-দুনয়া বর্ণনা করেন যে, হাসান বলেন : লুকমান (আ) তাঁর ছেলেকে বলেছেন : শোন বৎস! বিশ্বাস ছাড়া আমল করার শক্তি পাওয়া যায় না। যার বিশ্বাস দুর্বল, তার আমলও দুর্বল। তিনি আরো বলেন : বৎস! তোমার নিকট শয়তান যখন সংশয়-সন্দেহের দিক থেকে আসবে, তখন তাকে বিশ্বাস ও সুদপদেশ দ্বারা জয় করবে। যখন আলস্যের দিক থেকে আসবে, তখন তাকে কবর ও কিয়ামতের শ্বরগ দ্বারা পরাজিত করবে। যখন আশা ও ভয়ের দিক থেকে আসবে, তখন তাকে জানিয়ে দিবে, দুনিয়া বিচ্ছেদ্য ও পরিত্যাজ্য।

হাসান (র) বলেন : বান্দা যদি জান্নাত ও জাহানাম সম্পর্কে যথাযথ বিশ্বাস লালন করে, তাহলে অবশ্যই সে বিনীত, বিগলিত, দৃঢ়পথ, সরল-সোজা হয়ে যাবে এবং এই অবস্থায়ই তার মৃত্যু আসবে। তিনি আরো বলেন : আমি বিশ্বাস দ্বারা জান্নাত অব্রেষণ করেছি। বিশ্বাস দ্বারা জাহানাম থেকে পলায়ন করেছি। আমি বিশ্বাস দ্বারা পরিপূর্ণরূপে ফরমসযুহ আদায় করেছি। এবং আমি বিশ্বাস দ্বারা সত্যের উপর অবিচল থাকি। মহান আল্লাহর সুস্থ নিরাপদ রাখার মধ্যে বিপুল কল্যাণ রয়েছে। আল্লাহর শপথ! আমি মানুষকে দেখেছি, তারা সুখের দিনে একে অপরকে সাহায্য-সহযোগিতা করে থাকে। কিন্তু যখন বিপদ নেমে আসে, তখন পরম্পর বিচ্ছিন্ন হয়ে যায়।

তিনি আরো বলেন : সুদিনে মানুষ সব সমান। কিন্তু যখন বিপদ আপত্তি হয়, তখন সুপুরুষরা আলাদা হয়ে যায়। অন্য এক বর্ণনায় আছে : যখন বিপদ নেমে আসে, তখন কে আল্লাহর দাসত্ব করে আর কে গায়রম্ভাহুর দাসত্ব করে, তা স্পষ্ট হয়ে যায়। অন্য বর্ণনায় আছে : যখন বিপদ নেমে আসে, তখন মু'মিন তার ঈমানের নিকট গিয়ে আশ্রয় গ্রহণ করে, আর মুনাফিক গিয়ে আশ্রয় নেয় তার নিফাকের নিকট।

হাসান (র) হতে যথাক্রমে ইয়াহাইয়া ইব্নুল মুখতার, মামার আবদুল্লাহ ইব্নুল মুবারক সূত্রে ফিরয়াবী 'ফায়ায়লে কুরআনে' বর্ণনা করেছেন যে, হাসান বলেন : অনেক প্রাণব্যক্তি মানুষ ও শিশু এই কুরআন পাঠ করেছে। যাদের এর ব্যাখ্যা-বিশ্লেষণ সম্পর্কে কোন জ্ঞান নেই। তারা তাদের পূর্বসূরীদের নিকট থেকে এর শিক্ষালাভ করেন।

আল্লাহ তা'আলা ইরশাদ করেন :

كِتَابٌ أَنْزَلْنَاهُ إِلَيْكُمْ مُّبَارَكٌ لِّيَدْبَرُوا أَيَّاتِهِ وَلِيَتَذَكَّرَ أُولُوا الْأَلْبَابِ

'এক কল্যাণময় কিতাব। তা আমি তোমার প্রতি অবতীর্ণ করেছি, যাতে মানুষ এর আয়াতসমূহ অনুধাবন করে এবং বোধশক্তি সম্পন্ন ব্যক্তিগণ উপদেশ গ্রহণ করে।' (সূরা সাদ ২৯)।

তাদাবুরে আয়াত পবিত্র কুরআনের অনুসরণ ব্যতীত কিছু নয়। শুনে রাখুন, আমি আল্লাহর শপথ করে বলছি, পবিত্র কুরআনের বর্ণনালা মুখস্থ করা আর তার বিধি-বিধান লংঘন

করা তাদাবুর নয়। অনেকে বলে থাকে, আমি পূর্ণ কুরআন পাঠ করেছি, তার একটি বর্ণও বাদ দেইনি। আল্লাহর শপথ, সে পূর্ণ কুরআনকেই বাদ দিয়েছে। চরিত্রে ও আমলে কুরআন তাকে সমর্থন করে না। কেউ কেউ বলে থাকে, আল্লাহর শপথ, আমি মনে মনে সূরা পাঠ করে থাকি। না, আল্লাহর শপথ, সে কারী নয়, আলিম নয়, বিজ্ঞও নয়, মুস্তাকীও নয়। এভাবে পাঠ করলে হয় কী করে? আল্লাহ সমাজে এ জাতীয় লোকদের আধিক্য না কর্তব্য। তারপর হাসান (র) জুনদুব (র) হতে বর্ণনা করেছেন যে, জুনদুব বলেন : ইব্রাহিম (র) আমাদেরকে বলেন : তোমরা কি কোন কিছু ভয় কর? জুনদুব বলেন : আমি বললাম, আল্লাহর শপথ। নিচয় তুমি এবং তোমার সঙ্গীরা আমাদের নিকট সবচেয়ে তুচ্ছ মানুষ। জবাবে ইব্রাহিম বললেন : যে সন্তার হাতে আমার জীবন, তাঁর শপথ করে বলছি, তোমরা আমাদের-ই নিকট থেকে শিক্ষালাভ করেছ। তখাপি এই উপর্যুক্ত শেষ যুগে একটি প্রজন্ম কুরআন পাঠ করবে। তারা নিকৃষ্ট খেজুর ছুঁড়ে ফেলার মত কুরআনকেও বিক্ষিপ্তভাবে ছড়িয়ে দেবে। কুরআন তাদের কঠনালী অতিক্রম করবে না। তাদের কুরআন পাঠ তাদের ঈমানের আগে আগে অগ্রসর হবে।

ইব্রাহিম আবুদ-দুনইয়া গীবতের নিম্নায় হাসান থেকে বর্ণনা করেন যে, হাসান বলেছেন : আল্লাহর শপথ! পঁচন যেন্নপ মানুষের দেহে দ্রুত ছড়িয়ে যায়, তেমনি গীবতও মু'মিনের দ্বীনের মধ্যে দ্রুত ছড়িয়ে পড়ে।

তিনি বলতেন : হে আদম সন্তান! তোমার মধ্যে যে দোষ আছে, যতক্ষণ না মানুষ সে সম্পর্কে অবহিত হবে এবং যতক্ষণ না তুমি ব্র-উদ্দেয়গে তার সংশোধনের কাজ শুরু না করবে, ততক্ষণ পর্যন্ত তুমি ঈমানের হাকীকতের নাগাল পাবে না। যখন তুমি তা করবে, তোমার আনুগত্যে তা হয়ে উঠবে তোমার একমাত্র ব্যক্ততা। আর এই চরিত্রের মানুষ-ই মহান আল্লাহর নিকট অধিক প্রিয়।

হাসান বলেন : তোমার ও ফাসিকের মাঝে কোন ঘর্যাদা নেই। তিনি আরো বলেন : বিদআতীর কোন গীবত হয় না। আসন্নান্ত ইব্রাহিম বলেন : আমি হাসানকে বললাম : যে পাপিষ্ঠ তার পাপের কথা প্রকাশ্যে বলে বেড়ায়, আমি যদি তার দোষ আলোচনা করি, তা কি গীবত হবে? তিনি বললেন : না, তার কোন সম্মান নেই। তিনি আরো বললেন : যখন তার পাপাচার প্রকাশই হয়ে পড়ল, তখন আর তার কোন গীবত নেই। তিনি আরো বলেছেন : তিন শ্রেণীর মানুষের গীবত করা হারাম নয়। প্রকাশ্যে পাপকারী, অত্যাচারী শাসক ও বিদআতী।

এক ব্যক্তি হাসানকে বলল : আপনার মধ্যে দোষ খুঁজে বের করার পথ আবিষ্কারের লক্ষ্যে একদল লোক আপনার সঙ্গে উঠাবসা করে। জবাবে তিনি বললেন : তুমি নিজেকে ভারমুক্ত কর। আমি আমার নকসকে জাহানে যাওয়ার প্রলোভন দেখিয়েছি, সে অলুক হয়েছে। তাকে জাহান্নাম থেকে মুক্তি লাভের লোভ দেখিয়েছি, তাতেও সে অলুক হয়েছে। তাকে মানুষ থেকে নিরাপত্তার লোভ দেখিয়েছি। কিন্তু আমি তার জন্য কোন পথ খুঁজে পাইনি। কেননা, মানুষ তাদের সৃষ্টিকর্তা ও রিযিকদাতার প্রতিই সন্তুষ্ট নয়, এমতাবস্থায় তারা তাদের-ই ন্যায় সৃষ্টির প্রতি কিভাবে সন্তুষ্ট হবে?

তিনি আরো বলেন : আলিমগণ বলতেন : যে ব্যক্তি তার ভাইয়ের বিরুদ্ধে এমন পাপের অপবাদ আরোপ করে, যার থেকে সে তাওবা করেছে, সে নিজে ঐ পাপে লিঙ্গ না হয়ে মরবে না।

হাসান বলেন : লুকমান তাঁর ছেলেকে বলেছেন : বৎস ! তুমি নিজেকে মিথ্যাচার থেকে রক্ষা কর। কেননা, মিথ্যা হলো চড়ই পাখির গোশতের ন্যায় লোভনীয়, যার মালিক অল্প সময়েই তা ভুলা করে ফেলতে পারে।

হাসান বলেন : মানুষকে যাচাই কর তাদের আমল দ্বারা এবং মুখের কথার প্রতি জ্ঞাপন কর না। কেননা, মহান আল্লাহ পক্ষে কিংবা বিপক্ষে আমলের প্রমাণ উপস্থাপন না করে কোন কথা বলেননি। অতএব, তুমি যদি কোন ভাল কথা শ্রবণ কর, তাহলে যে ব্যক্তি কথাটা বলল, তাকে যাচাই করে দেখ। যদি তার মুখের কথা কাজের সঙ্গে মিলে যায়, তাহলে তো ভাল। আর যদি কথায়-কাজে মিল না থাকে, তাহলে সে তোমার নিকট স্পষ্ট হয়ে গেল। এবার সতর্ক থাক, যেন সে তোমাকে ধোকা দিতে না পারে, যেমনটি মানুষ ধোকা দিয়ে থাকে। নিশ্চয় তুমি কথাও বল, কাজও কর। কিন্তু তোমার কাজই কথা অপেক্ষা বেশী গুরুত্বপূর্ণ। তুমি কিছু আমল গোপনে কর, কিছু প্রকাশ্যে কর। এর মধ্যে গোপন আমলই তোমার নিকট বেশী মূল্যবান। তুমি কিছু কাজ দুনিয়ার জন্য কর, কিছু আখিরাতের জন্য। দুনিয়ার কাজ অপেক্ষা আখিরাতের কাজই বেশী গুরুত্বপূর্ণ। হাসান থেকে যথাক্রমে ইয়াহৈয়া ইব্ন মুখতার, মা'মার, 'আবদান ইব্ন উচ্ছমান ও হাময়া ইব্নুল আবাস সূত্রে ইব্ন আবুদ-দুনইয়া বর্ণনা করেন যে, হাসান বলেনঃ যখন তুমি বার্ধক্যে উপনীত হবে, তখন এমন লোকের সাক্ষাৎ পাবে, যার গায়ের রং সাদা, জিঙ্গা ধারাল, দৃষ্টি তীক্ষ্ণ এবং হস্য ও আমল মৃত। তুমি তাকে নিজ সন্তু অপেক্ষা ভাল চিনবে। তুমি কতগুলো দেহ দেখতে পাবে, অন্তর দেখবে না। শব্দ শুনবে, মানুষ দেখবে না। তারা হবে রসনায় সজীব-সতজে, কিন্তু অন্তরে নিজীব। তাদের কেউ অন্যের সম্পদ ভোগ করবে আর নিজের শ্রমিকদের জন্য কান্নাকাটি করবে। পরে যখন বদহ্যম তাকে যন্ত্রণা দিতে শুরু করবে, তখন বলবে, হে দাসী! কিংবা বলবে, হে গোলাম! আমাকে হ্যমকারী ঔষধ এনে দাও। আরে মিসকীন! তুমি তোমার দীন ছাড়া অন্য কিছু হ্যম করেছ কি ?

তিনি আরো বলেন : যার পরিধেয় পাতলা, তার দীনও পাতলা। যার দেহ মোটা তার দীন হলো জীর্ণ। যার খাদ্য যত সুস্বাদু, তার উপার্জন তত গন্ধময়। আজিরী হাসান থেকে বর্ণনা করেন যে, তিনি বলেনঃ মু'মিনের পুঁজি হলো দীন। যতক্ষণ পর্যন্ত দীন আছে, ততক্ষণ তার পুঁজি আছে। চলার পথে দীন কখনো মু'মিনের বিপক্ষে কাজ করে না। তার বিরুদ্ধাচরণ করে মানুষ রেহাই পায় না।

তিনি **الْأَوْمَدُ بِالنَّفْسِ** (শপথ তিরক্ষারকারী আত্মার) এই আয়াতের ব্যাখ্যায় বলেনঃ তুমি এমন মু'মিনের সাক্ষাৎ পাবে না, যে তার আত্মাকে তিরক্ষার করে না। সে বলে, আমি তো এ কথা বলতে চাইনি, আমি তো এই খাবার থেতে চাইনি, আমি তো এই মজলিসে বসতে চাইনি। পক্ষান্তরে, পাপিষ্ঠ মানুষ পা পা অঘসর হয়; কিন্তু সে তার আত্মাকে তিরক্ষার করে না। তিনি আরো বলেনঃ তোমরা ধৈর্যধারণ কর ও কষ্ট স্বীকার করে চল। কেননা, প্রতিটি রাতই হিসাবে গণ্য করা হয়। আর তোমরা হলে দাঁড়িয়ে থাকা কাফেলা। এমনও হতে পারে যে, তোমাদের কারো ডাক এসে গেল। ফলে সে সেই ডাকে সাড়া দেবে এবং পিছন দিকে ফিরেও তাকাবে না। কাজেই তোমরা প্রত্যাবর্তন কর সৎকর্ম নিয়ে। নিশ্চয় এই সত্য মানুষকে কষ্টে ফেলে দিয়েছে এবং তাদেরও খেয়াল-খুশীর মাঝে প্রতিবন্ধকতা সৃষ্টি করেছে। আর এই সত্যের উপর দৃঢ়পদ থাকে সেই ব্যক্তি, যে নিজের মর্যাদা ও পরিণতি

সম্পর্কে অবগত। তিনি আরো বলেন : মানুষ ততক্ষণ পর্যন্ত সুপথে থাকে, যতক্ষণ পর্যন্ত তার আপনা থেকে তাকে উপদেশকারী কেউ থাকে এবং যথাযথ গুরুত্বের সাথে আত্মপর্যালোচনা করে।

হাসান থেকে যথাক্রমে ইয়াহ্বিয়া ইবনুল মুখতার, মা'মার, আবদুল্লাহ ইবনুল মুবারক, ইসমাইল ইবন যাকারিয়া ও আবদুল্লাহ সুত্রে ইবন আবুদ্দুনয়া আত্ম-পর্যালোচনা সম্পর্কে বর্ণনা করেছেন যে, হাসান বলেন : মু'মিন তার আত্মার নিয়ন্ত্রক। মহান আল্লাহর সন্তুষ্টি লাভের উদ্দেশ্যে সে আত্ম-পর্যালোচনা করে থাকে। যারা দুনিয়াতে আত্ম-পর্যালোচনা করে কিয়ামতে তাদের হিসাব হাঙ্কা হবে। আর যারা পর্যালোচনা ব্যক্তিত দুনিয়ার জীবন অতিবাহিত করে, কিয়ামতে তাদের হিসাব কঠিন হবে। মু'মিনের অভ্যাস হল, তার কাছে কোন বস্তু অকস্মাত এসে পড়লে এবং তা তাকে চমৎকৃত করলে সে বলে, তোমাকে আমার প্রয়োজন ছিল এবং আমি তোমাকে কামনা করছিলাম। কিন্তু আল্লাহর শপথ! আমি তোমাকে খুঁজে পাচ্ছিলাম না। আমার ও তোমার মাঝে প্রতিবন্ধকতা সৃষ্টি করে রাখা হয়েছিল। আবার কোনবস্তু তার হাতছাড়া হয়ে গেলে সে প্রকৃতিস্থ হয়ে বলে, ইনশাআল্লাহ্ আর কখনো আমি এটি কামনা করব না। মু'মিনগণ এমন এক জাতি, পবিত্র কুরআন যাদেরকে শৃংখলাবদ্ধ করে রেখেছে এবং তাদের ও তাদের ধর্মসের মাঝে প্রতিবন্ধকতা দাঁড় করিয়েছে। দুনিয়াতে মু'মিন এমন এক কয়েদী, যে মুক্তি লাভের প্রচেষ্টায় রাত এবং সে মহান আল্লাহর সাথে সাক্ষাৎ না করা পর্যন্ত নিরাপত্তা বোধ করে না। সে মনে করে তার কান, চোখ, জিহ্বা ও প্রতিটি অঙ্গের ব্যাপারে তাকে জবাবদিহি করতে হবে। তিনি আরো বলেন : সন্তুষ্ট থাকা অত্যন্ত কঠিন কাজ। মু'মিনের ভরসা হল ধৈর্য। তিনি আরো বলেন : হে আদম সন্তান! তুমি নিজের ব্যাপারে বৃদ্ধিমত্তার পরিচয় দাও। কেননা, যদি তুমি জাহান্নামে প্রবেশ কর তাহলে তারপর আর কখনো তোমাকে বাধ্য করা হবে না।

ইবন আবুদ্দুনইয়া (র) বর্ণনা করেন যে, ইসহাক ইবন ইবরাহীম (র) বলেন, আমি হাস্মাদ ইবন যায়দকে হাসান থেকে বর্ণনা করতে শুনেছি, তিনি বলেন : মু'মিন দুনিয়াতে মুসাফিরের ন্যায়। দুনিয়া ব্যক্তিত সে অন্যত্র প্রতিযোগিতা করে না এবং দুনিয়ার লাঞ্ছনিয়া বিচলিতও হয় না। মানুষের অবস্থা এক, তার অবস্থা আরেক। মানুষ তার থেকে শান্তিতে বসবাস করে। সে ব্যক্তি থাকে নিজেকে নিয়ে। তিনি আরো বলেন : বিপদাপদ যদি না হত, অল্প ক'দিনেই মানুষ নিজেদেরকে ধৰ্মস করে ফেলত।

তিনি আরো বলেন : আমি এই উম্মতের নেতৃবর্গ ও শ্রেষ্ঠ ব্যক্তিবর্গকে পেয়েছি এবং তাদের মাঝে আমার দীর্ঘ জীবন অতিবাহিত হয়েছে। আল্লাহর শপথ! মহান আল্লাহ তোমাদের উপর যা হারাম করেছেন, সে ক্ষেত্রে তোমরা যতটুকু নির্মোহ, তারা মহান আল্লাহ তাদের জন্য যা হালাল করেছেন, সে ক্ষেত্রে ত্দপেক্ষা বেশী নির্মোহ ছিলেন। আমি তাদেরকে তাদের প্রভুর কিতাব অনুযায়ী আমলকারী ও তাদের নবীর সন্মতের অনুসারী পেয়েছি। তাদের একজনও কোন কাপড় ভাঁজ করেননি, নিজের ও মাটির মাঝে কোন বস্তু রাখেননি এবং তাঁর পরিজনকে খাবার প্রস্তুত করার আদেশ দেননি। যেরে প্রবেশ করার পর যদি কোন খাদ্য পেশ করা হত, তাহলে খেতেন। অন্যথায় চূপ থাকতেন, সে ব্যাপারে কোন কথা বলতেন না। তিনি আরো বলেন : মুনাফিক যখন নামায পড়ে, পড়ে লোক দেখানোর জন্য কিংবা লোক লজ্জায় অথবা

মানুষের ভয়ে। যদি তার কোন নামায ছুটে যায়, তার জন্য সে অনুত্পন্ন হয় না ও দুঃখবোধ করে না। আনন্দকাত প্রস্তুরের রচয়িতার বর্ণনা মতে হাসান বলেন : যে ব্যক্তি নিআমতরাজির জন্য মহান আল্লাহর প্রশংসাকে দুর্গ ও প্রতিরোধক, সম্পদের যাকাত আদায় করাকে বেড়া ও প্রহরী এবং ইলমকে নিজের জন্য দলীলরূপে বরণ করে নিল, সে ধৰ্মস থেকে নিরাপত্তা লাভ করল এবং উচ্চতর ঘর্ষাদায় অধিষ্ঠিত হল। আর যে ব্যক্তি সম্পদের শিকারীতে পরিগত হল, সম্পদ অর্জনের স্বার্থে মানুষের অধিকার ক্ষুণ্ণ করল এবং সম্পদ তাকে মহান আল্লাহর আনুগত্য থেকে উদাসীন রাখল, সেই ব্যক্তি নিজের উপর যুলুমকারী এবং তার দুঃহাত যা অর্জন করেছে, তার ফলে নিজ আস্থাকে জখমকারীরূপে বিবেচিত হবে। এবং মহান আল্লাহ তার সম্পদের উপর ছিলতাইকারী লেলিয়ে দিবেন এবং কোন অবস্থাতেই সে আপন থেকে নিরাপদ থাকবে না।

কেউ কেউ বলেন : এই উক্তি হাসান-এর নয় – অন্য কারো। মহান আল্লাহ ভাল জানেন।

হাসান বলেন : এমন চারটি শুণ আছে, যার মধ্যে সেগুলো বিদ্যমান থাকবে। মহান আল্লাহ তার উপর তাঁর ভালবাসা চেলে দিবেন এবং তাঁর রহমত ছড়িয়ে দিবেন। যে ব্যক্তি পিতা-মাতার সঙ্গে কোমল ব্যবহার করে, গোলামের সঙ্গে সদয় আচরণ করে ইয়াতীমের প্রতিপালন করে এবং দুর্বলকে সাহায্য করে। হাসানকে নিফাক সম্পর্কে জিজ্ঞাসা করা হয়েছিল। জগত্যাবে তিনি বলেন : নিফাক হল, গোপন ও প্রকাশ্য এবং ভিতর ও বাহির ভিন্ন হওয়া। তিনি আরো বলেন : নিফাককে মু'মিন ছাড়া কেউ ভয় করে না এবং মুনাফিক ছাড়া কেউ তাকে নিরাপদ তাবে না। হাসান (র) শপথ করে বলেন : অতীত ও বর্তমান সব মু'মিনই নিফাককে ভয় করে থাকে। পক্ষান্তরে এমন কোন মুনাফিক অতিবাহিত হয়নি ও বর্তমানে যত মুনাফিক বেঁচে আছে, সবাই নিফাককে নিরাপদ মনে করে।

উমর ইবন আবদুল আয়ীয হাসান-এর নিকট পত্র লিখেন : ‘দীনার-দিরহামের প্রতি আপনার ভালবাসা কিরূপ ?’ তিনি বলেন : ‘আমি ওসব ভালবাসি না।’ উমর ইবন আবদুল আয়ীয পুনরায় পত্র লিখলেন : আপনি শাসনভার প্রহণ করুন। কারণ, আপনি ন্যায় বিচার করতে পারবেন।

ইবরাহীম ইবন ঈসা বলেন : আমি হাসানকে দেখতাম, তাহলে অবশ্যই বলতাম : তার উপর সৃষ্টিকূলের দুঃখ এসে বিস্তার লাভ করেছে।

ইয়ায়ীদ ইবন হাওশাব (র) বলেন : আমি হাসান ও উমর ইবন আবদুল আয়ীয অপেক্ষা চিন্তিত কাউকে দেখিনি, যেন জাহান্নাম শুধু তাদের দুঃজনের জন্য সৃষ্টি করা হয়েছে।

ইবন আসবাত (র) বলেন : হাসান ত্রিশটি বছর না হেসে অতিক্রান্ত করেছেন এবং চল্লিশ বছর অতিবাহিত করেছেন কোন হাসি-ঠাট্টা না করে। তিনি বলেন : কিয়ামতের দিনের ন্যায় সৃষ্টি জগত এমন উন্মুক্ত গোপনাঙ্গ আর ক্রন্দনকারী চোখ আর কখনো দেখেনি।

তিনি আরো বলেছেন : হে আদম সন্তান! নিশ্চয় তুমি আগামীতে দেখতে পাবে যে, তোমার ভাল-মন্দ সব আমল ওয়ন করা হচ্ছে। কাজেই, পরহেয় করার ব্যাপারে কোন মন্দ

কাজকে তুচ্ছ মনে কর না । কেননা, আগামীতে যখন তাকে তোমার পাল্লায় দেখবে, তখন তার অবস্থান তোমাকে আনন্দ দান করবে ।

তিনি আরো বলেন : দুনিয়া নিঃশেষ হয়ে গেছে এবং তোমাদের আমলসমূহ তোমাদের গলায় হার হয়ে অবশিষ্ট রয়ে গেছে । তিনি আরো বলেন : ‘হে আদম সন্তান! তুমি তোমার দুনিয়াকে আখিরাতের বিনিময়ে বিক্রি করে দাও । তাহলে তুমি উভয় জগতে লাভবান হবে । কিন্তু আখিরাতকে দুনিয়ার বিনিময়ে বিক্রি কর না । অন্যথায় উভয় ক্ষেত্রে ক্ষতিগ্রস্ত হবে ।’ এই উক্তিটি লুকমান সম্পর্কেও বর্ণিত আছে যে, তিনি তাঁর ছেলেকে এ কথা বলেছিলেন ।

হাসান বলেন : তুমি এমন ব্যক্তিকে দেখবে, সে লাল ও সাদা পোশাক পরিধান করেছে । সে বলবে, এসে তোমরা আমাকে দেখ । হাসান বলেন : আমরা তোমাকে দেখেছি হে মহা-পাপিষ্ঠ! আমরা তোমাকে স্বাগত জানাচ্ছি না । দুনিয়াদারগণ তোমাকে দেখার মাধ্যমে দুনিয়ার প্রতি তাদের মোহ বৃদ্ধি করেছেন এবং অন্তরে ও বাহিরে ধনী হওয়ার বাসনা অর্জন করেছে । পক্ষান্তরে আখিরাতমূখী ব্যক্তিগণ তোমাকে অপসন্দ করেছে ও তোমার প্রতি বিদ্রে পোশণ করেছে । হাসান বলেন : ঘনিষ্ঠ ভারবাহী পশ্চ তাদের নিয়ে কোমলভাবে দ্রুত হাঁটে, খচর তাদেরকে দেখে ডাক দিতে শুরু করে এবং মানুষ তাদের ঘাড় পিষ্ট করে, তবু পাপের লাঞ্ছনা তাদের ঘাড় থেকে পৃথক হবে না । যে ব্যক্তি মহান আল্লাহর অবাধ্য তিনি তাকে লাঙ্গিত না করে ছাড়েন না ।

ফারকাদ বলেন : আমরা হাসান-এর নিকট গিয়ে বললাম, হে আবু সাইদ! মুহাম্মাদ ইবনুল আহতাম-এর বিষয়টা কি আপমাকে বিস্তৃত করে না ? তিনি বললেন : তার কী হয়েছে? আমরা বললাম : এই খানিক আগে আমরা তার নিকট গমন করি । তিনি নিজেকে শ্রেষ্ঠ জ্ঞান করে বললেন : তোমরা ঐ বাস্ত্রটির দিকে তাকাও । বলেই তিনি তার ঘরে এক পার্শ্বে রাখা একটি বাজ্রের দিকে ইঙ্গিত করে । তিনি বললেন : এই বাস্ত্রটির ভিতরে আশি হাজার দীনার কিংবা বলেন দিরহাম আছে । আমি এগুলোর যাকাত আদায় করি না । এগুলো দ্বারা আঞ্চীয় বাত্সল্য করি না এবং এর থেকে কোন বঞ্চিত-অসহায় মানুষ ভোগ করে না । শুনে আমরা বললাম : হে আবু আবদুল্লাহ! তাহলে আপনি এগুলো কার জন্য সংরক্ষণ করছেন । তিনি বললেন : কালের ভীতি, যুগের আধিক্য এবং বাদশাহ'র অত্যাচারের জন্য । এই ঘটনা শুনে হাসান (র) বললেন : তোমরা দেখ, তার শয়তানটা কোন দিক থেকে এসে তাকে কালের আতংক, যুগের আধিক্য ও বাদশাহের অত্যাচারের ভয় দেখিয়েছে ? তারপর তিনি বললেন : হে উত্তরাধিকারী! তোমার সঙ্গী গতকাল যে প্রতারণা করেছে, তুমি অনুরূপ প্রতারণা কর না । এই সম্পদ তোমার নিকট এমনভাবে এসেছে যে, তা অর্জনে তোমার হাত ক্লান্ত হয়নি এবং কপাল ঘাম ঝারায়নি । এই সম্পদ তোমার নিকট এমন এক ব্যক্তির নিকট থেকে এসেছে, যার জনবল ও প্রতিরক্ষা বাহিনী ছিল । সে অন্যায়ভাবে এই সম্পদ অর্জন করেছে এবং প্রাপ্যকে তার অধিকার থেকে বঞ্চিত করেছে । তারপর হাসান (র) বলেন : কিয়ামত দিবসটা নানা রকম আক্ষেপের দিবস । মানুষ সম্পদ সংরক্ষণ করে সেই সম্পদ অন্যের জন্য রেখে মৃত্যুমুখে পতিত হয় । মহান আল্লাহ তার উত্তরসূরীকে সংকর্মপ্রায়ণতা এবং সৎকাজে ব্যয় করার তাওফীক দান করেন । ফলে উক্ত ব্যক্তি তার সম্পদকে অন্যের পাল্লায় দেখতে পায় ।

হাসান (র) দিনের শুরুতে এই কবিতাটি দ্বারা উপস্থাপন করতেন-

وَمَا الدِّنِيَا بِبَاقِيَةٍ لِهِيَ وَلَا حِىْ على الدِّنِيَا بِبَاقِيَةٍ

দুনিয়াও জীবিত লোকদের জন্য চিরকাল টিকে থাকবে না, আবার জীবিত মানুষরাও দুনিয়াতে চিরকাল বেঁচে থাকবে না।

আর দিনের শেষে উপমা দিতেন এই কবিতা দ্বারা -

يُسِرِ الفتى ما كَانَ قَدْمٌ مِنْ تَقْىٰ * إِذَا عَرَفَ الدَّاءَ الَّذِي هُوَ قاتِلٌ

যুবকরা মুক্তাংকী লোকদের নিকট আসা-যাওয়া করে আনন্দিত হতো, যদি সে জীবন সংহারী ব্যাধি সম্পর্কে জানত।

মুহাম্মদ ইবন সীরীন (র)

নাম আবু বাকর ইবন আবু আমর আল-আনসারী। আনাস ইবন মালিক আন-নায়রী-এর গোলাম। তার পিতা আইনুত তাম্র যুদ্ধের বন্দীদের একজন ছিলেন। খালিদ ইবনুল ওয়ালীদ (রা) অন্যান্য বন্দীদের সঙ্গে তাকেও বন্দী করেছিলেন। পরে আনাস ইবন মালিক আন-নায়রী তাকে ক্রয় করে পণ নিয়ে তাকে মুক্ত করে দেন। তাঁর ওরসে বেশ ক'টি সুসন্তান জন্মলাভ করে। তারা হলো, আলোচ্য মুহাম্মদ, আনাস ইবন সীরীন, মা'বাদ, ইয়াহ-ইয়া, হাফসা ও কারীমা। তাঁরা সকলে নির্ভরযোগ্য মহান তাবিদি। মহান আল্লাহু তাদের প্রতি রহম করুন।

ইমাম বুখারী (র) বলেন, মুহাম্মদ ইবন সীরীন খিলাফতে উছমান-এর দুই বছর অবশিষ্ট থাকতে জন্মগ্রহণ করেন। হিশাম ইবন হাসান বলেন, যত মানুষের সঙ্গে আমার সাক্ষাৎ হয়েছে, মুহাম্মদ ইবন সীরীন তাদের সকলের চেয়ে সত্যবাদী মানুষ। সংকলকের আলোচনায় এ সকল বিষয় পূর্বে আলোচিত হয়েছে।

মুহাম্মদ ইবন সীরীন-এর নিয়ম ছিল, যখন কেউ তাঁর নিকট কোন দোষের কথা উল্লেখ করত, তিনি তার যে শুণের কথা জানতেন, তা উল্লেখ করতেন। খালফ ইবন হিশাম বলেন, মুহাম্মদ ইবন সীরীনকে হিদায়াত, আদর্শ ও বিনয় দান করা হয়েছে। তাঁকে দেখে মানুষ মহান আল্লাহকে আরণ করত।

আনাস ইবন মালিক মৃত্যুর সময় ওসিয়ত করে যান, যেন মুহাম্মদ ইবন সীরীন তাকে গোসল করান। মুহাম্মদ তখন কারারুদ্ধ। লোকেরা তাঁকে বিষয়টি অবহিত করে। তিনি বললেন, আমি তো বন্দী। তারা বলল, আপনাকে বের করে নেওয়ার ব্যাপারে আমরা আমীরের অনুমতি নিয়ে এসেছি। তিনি বললেন, আমাকে আমীর আটক করেনি- আমাকে আটক করেছে সেই ব্যক্তি, আমার কাছে ঘার হক আছে। অগত্যা মানুষ তাঁকে বের করার জন্য পাওনাদারের অনুমতি গ্রহণ করে। অতঃপর তিনি তাকে গোসল করান।

ইউনুস বলেন, মুহাম্মদ ইবন সীরীন-এর সমাপ্তি দুটি বিষয় পেশ করা হলে তিনি যেটি দ্বিনের ক্ষেত্রে অধিক নির্ভরযোগ্য তা গ্রহণ করেন। তিনি বলতেন, কোন পাপের কারণে আমি কষ্টে নিপত্তি হয়েছি, আমি তা জানি। আমি একদিন এক ব্যক্তিকে বলেছিলাম, হে মুফলিস (ফকীর)! লোকটি আবু সুলায়মান দারানীর নিকট নালিশ করে। তিনি বলেন, পূর্বেকার লোকদের পাপ কম ছিল। তারা জানত, তারা কোথা থেকে এসেছে। আর আমাদের মত মানুষদের পাপ বেশি। তাই আমরা জানি না, আমাদেরকে কোথা থেকে আনা হয়েছে এবং কোন পাপের জন্য আমাদেরকে পাকড়াও করা হবে।

হাসান (র) যখন কোন ওয়ালীমার দাওয়াত পেতেন, আগে নিজ ঘরে প্রবেশ করে বলতেন, আমাকে ছাতুর পানি দাও। তিনি ছাতুর পানি পান করতেন এবং বলতেন, আমি ক্ষুধা নিয়ে তাদের খাবণ্ড ও খাবারের নিকট যাওয়া অপসন্দ করি। তিনি মধ্য দিবসে বাজারে প্রবেশ করে তাকবীর বলতেন ও তাসবীহ পাঠ করতেন এবং মহান আল্লাহর যিকির করতেন ও বলতেন, এ সময়টা হলো মানুষের আলস্যের সময়। তিনি আরো বলেন, মহান আল্লাহ যখন বাদ্দার কল্যাণ কামনা করেন, তখন তার অস্তর থেকে একজন উপদেশদাতা ঠিক করে দেন, যে তাকে আদেশ-নিষেধ করে থাকে। তিনি আরো বলেছেন, নিজ ভাইয়ের জানা দোষগুলো বর্ণনা করা এবং ভাল চরিত্র গোপন রাখা তার প্রতি এক রকম যুক্তি।

তিনি আরো বলেন, নির্জনবাস এক ধরনের ইবাদত। তিনি যখন মৃত্যুকে আরণ করতেন, তাঁর প্রতিটি অঙ্গ তার থেকে আলাদা হয়ে মরে যেতো। অন্য এক বর্ণনায় আছে তাঁর রং পরিবর্তন এবং অবস্থা বেগতিক হয়ে যেত। যেন এই লোক সেই লোক নন।

যখন তাঁকে স্বপ্ন সম্পর্কে জিজ্ঞাসা করা হতো, তিনি বলতেন, জাগ্রত অবস্থায় আল্লাহকে ভয় কর আর স্বপ্নে যা দেখেছ, তা যেন তোমাকে বিভাস্ত না করে।

এক ব্যক্তি তাঁকে বলল, আমি দেখলাম, যেন আমি যায়তুনের গায়ে তেল ঢালছি। তিনি বললেন, খোঁজ নিয়ে দেখ, তোমার স্ত্রী তোমার মা। লোকটি অনুসন্ধান করে দেখল। সত্যিই তার স্ত্রী তার মা। ঘটনা হলো, এক ব্যক্তি স্বল্প বয়সী এক বন্দীকে এনে প্রতিপালন করে। ছেলেটি ইসলামী রাজ্যে প্রতিপালিত হয়ে বড় হয়। তারপর তার মা ও বন্দী হয়। প্রাণ্বয়ক বন্দী ছেলেটি তাকে ক্রয় করে। সে জানত না যে, মহিলা তার মা। স্বপ্ন দেখে সে বিষয়টি মুহাম্মদ ইবন সীরীনকে অবহিত করে। মুহাম্মদ ইবন সীরীন তাকে এ বিষয়টি তদন্ত করে দেখার নির্দেশ দেন। লোকটি অনুসন্ধান করে বিষয়টি তিনি যা বলেছেন, তাই পেল।

অপর এক ব্যক্তি তাকে বলল, আমি দেখলাম যে, আমি একটি খেজুরের সঙ্গে সঙ্গম করেছি। যার ফলে খেজুরটি থেকে একটি ইঁদুর বেরিয়ে এসেছে। মুহাম্মদ ইবন সীরীন বললেন, তুমি এমন একজন নেককার মহিলাকে বিবাহ করবে, কিংবা বলেছেন, তুমি এমন একজন নেককার মহিলার সঙ্গে সহবাস করবে, যে একটি ফাসিক কন্যা সন্তান প্রসব করবে। পরবর্তীতে তাই হয়েছে, যা তিনি বলেছেন।

এক ব্যক্তি বলল, আমি দেখলাম, যেন আমার ঘরের ছাদে কয়েকটি গমের দানা। এক পর্যায়ে একটি মোরগ এসে দানাগুলো তুলে নিয়ে গেল। ইবন সীরীন বলেন, এই কয়েক দিনের মধ্যে যদি তোমার কোন বস্তু হারানো যায়, তাহলে তুমি আমার কাছে এসো। তারা তাদের বাড়ীর ছাদে একটি বিছানা শুকাতে দিলে সেটি চুরি হয়ে যায়। এবার লোকটি মুহাম্মদ ইবন সীরীন-এর নিকট এসে তাকে ঘটনা অবহিত করে। শুনে তিনি বললেন, তুমি মহল্লার মুআয়্যিনের নিকট গিয়ে তার থেকে সেটি নিয়ে নাও। লোকটি মুআয়্যিনের নিকট থেকে বিছানাটি নিয়ে আসে।

এক ব্যক্তি বলল, আমি দেখলাম যে, একটি কবুতর ঝঁই ফুল কুড়াচ্ছে। তিনি বললেন, বসরার আলিমগণ ইন্তিকাল করেছেন।

এক ব্যক্তি তাঁর নিকট এসে বলল, আমি এক ব্যক্তিকে দেখলাম যে, সে আবর্জনার উপর উলঙ্গ দাঁড়িয়ে আছে। তার হাতে একটি তবলা। সে সেটি বাজাচ্ছে। মুহাম্মদ ইবন সীরীন

বললেন, আমাদের এ যুগে এই স্বপ্ন হাসান বসরী ছাড়া অন্য কারো ব্যাপারে মানায় না। তিনি বললেন, তুমি যাকে দেখেছ, তিনি হাসান ব্যক্তিত কেউ নন। লোকটি বলল, হ্যাঁ। তার ব্যাখ্যা হলো, আবর্জনা হলো দুমিয়া। তিনি সেটা তার দুই পায়ের নীচে রেখেছেন। আর তাঁর উলঙ্গ ইওয়ার অর্থ হলো, তিনি দুমিয়ার সংস্পর্শ থেকে মুক্ত। তুমি তাকে যে তবলাটা বাজাতে দেখেছ, সেটি হলো সেসব ওয়াষ, যার দ্বারা তিনি মানুষের কানে আঘাত করেন।

এক ব্যক্তি বলল : আমি দেখলাম যে, আমি মিসওয়াক করছি আর রক্ত প্রবাহিত হচ্ছে। মুহাম্মদ ইব্ন সীরীম বললেন : তুমি এমন এক ব্যক্তি, যে মানুষের মর্যাদায় আঘাত করে এবং তুমি তাদের গোশত ভক্ষণ কর ও তাদের দ্বারে যাওয়া-আসা কর।

এক ব্যক্তি মুহাম্মদ ইব্ন সীরীনকে বলল : আমি স্বপ্নে দেখলাম, যেন আমি দুর্গন্ধযুক্ত কালো কাদা মাটিতে মুক্তা দেখতে পাচ্ছি। মুহাম্মদ ইব্ন সীরীন বললেন : তুমি কুরআন ও ইলমকে তাঁর অযোগ্য পাত্র এবং এমন ব্যক্তির নিকট রেখে থাক, যে তা দ্বারা উপকৃত হয় না।

মুহাম্মদ ইব্ন সীরীন-এর নিকট এক মহিলা এসে বলল : আমি দেখলাম, যেন একটি বিড়াল তাঁর মাথাটা আমার স্বামীর পেটের মধ্যে চুকিয়ে দিয়ে সেখান থেকে কি একটি টুকরা নিয়ে আসে। মুহাম্মদ ইব্ন সীরীন মহিলাকে বললেন : তোমার স্বামীর তিনশত ঘোলটি দিরহাম ছুরি হয়ে গেছে। মহিলা বলল : আপনি সত্য বলেছেন। আপনি বিষয়টা কিভাবে জানলেন ? তিনি বললেন : সিনুর (বিড়ালের আরবী শব্দ)-এর বর্ণের মান থেকে তিনশত ঘোল হল ‘সিনুর’-এর বর্ণমানের সমষ্টি। যেমন : সীম ঘাট, নূন পঞ্চাশ, ওয়াও ছয় ও রা দুইশত। মোট তিনশত ঘোল। মহিলা বলল : বিড়ালটি কালো। ইব্ন সীরীন বললেন : তোমারই প্রতিবেশী এক গোলাম। তাঁরা গিয়ে প্রতিবেশী এক গোলামকে ধরে মার দিলে সে উল্লিখিত অর্থের কথা স্বীকার করে।

এক ব্যক্তি বলল : আমি দেখলাম যে, আমার দাঢ়ি লঘা হয়ে গেছে এবং তাঁর দিকে তাকিয়ে আছি। মুহাম্মদ ইব্ন সীরীন বললেন : তুমি কি মুওয়ায়ফিন ? লোকটি বলল : হ্যাঁ। ইব্ন সীরীন তাকে বললেন : তুমি আল্লাহকে ভয় কর আর প্রতিবেশীর বাড়ি-ঘরের দিকে দৃষ্টিপাত কর না।

অপর এক ব্যক্তি তাঁকে বলল : আমি দেখলাম, আমার দাঢ়িগুলো যেন লঘা হয়ে গেছে এবং আমি সেগুলো কেটে তা দ্বারা চাদর তৈরী করে বাজারে বিক্রি করে ফেলেছি। মুহাম্মদ ইব্ন সীরীন তাকে বললেন : তুমি আল্লাহকে ভয় কর। কেননা, তুমি মিথ্যা সাক্ষ্যদাতা।

এক ব্যক্তি বলল : আমি দেখলাম, যেন আমি আমার আঙ্গুলগুলো খেয়ে ফেলছি। ইব্ন সীরীন বললেন : তুমি নিজ হাতের উপার্জন ভক্ষণ করছ।

মুহাম্মদ ইব্ন সীরীন এক ব্যক্তিকে বললেন : দেখতো মসজিদে কেউ আছে কিনা ? লোকটি গিয়ে দেখে ফিরে এসে বলল : মসজিদে কেউ নেই। তিনি বললেন : আমি কি তোমাকে এ নির্দেশ দেইনি যে, তুমি গিয়ে দেখ মসজিদে কোন আমীর আছে কিমা ?

তিনি এক ব্যক্তি সম্পর্কে বলতে গিয়ে বললেন, ঐ কালো মানুষটি। পরক্ষণেই বললেন : আস্তাগুফির়ল্লাহ! আমি তো লোকটির গীবত করে ফেললাম! অথচ, লোকটি কালোই ছিল।

মুহাম্মদ ইবন সীরীম বলেছেন : সাত ব্যক্তি যিলে এক মহিলাকে হত্যা করে। হ্যরত উমর (রা) তাদের প্রত্যেককে হত্যা করেন। তারপর তিনি বললেন : ছানার সব অধিবাসী যদি তার হত্যাকাণ্ডে অংশ নিত, তা হলে আমি তাদের প্রত্যেককে হত্যা করতাম।

ওয়াহ্ৰ ইবন মুনাবিহ আল-ইয়ামানী (ৱ)

মহান তাৰিখ। প্ৰথম যুগেৰ কিতাবসমূহে তাঁৰ পৰিচয় পাওয়া যায়। গঠন-আকৃতিতে কা'ব ইবন আহবার-এৱং সঙ্গে তাৰ যিল রয়েছে। সৎকৰ্মপৰায়ণতা ও ইবাদত-বন্দেগীতে তাঁৰ খ্যাতি রয়েছে। তাঁৰ সুন্দৰ সুন্দৰ উক্তি, জ্ঞানেৰ কথা ও উপদেশবাণী বৰ্ণিত আছে। আমি আমাৰ আত-তাকমীল গ্ৰন্থে তাঁৰ বিস্তারিত জীবন-চৰিত আলোচনা কৰেছি। সকল প্ৰশংসা আল্লাহৰ।

ওয়াকিদী বলেন : ওয়াহ্ৰ ইবন মুনাবিহ আল-ইয়ামানী একশত বিশ হিজৱীতে ছানায় ইন্তিকাল কৰেন। অন্যৱা বলেন : তাৰও এক বছৱ পৰ। কেউ কেউ আৱো কয়েক বছৱ পৰেৱ কথা বলেছেন। মহান আল্লাহু ভাল জানেন। কাৱো কাৱো ধাৰণা, তাঁৰ কৰৱ পশ্চিম বসৱাৰ আসায় সামক এক প্ৰামে অবস্থিত। তবে আমি এৱ কোন ভিত্তি খুঁজে পাইনি। মহান আল্লাহু ভাল জানেন। সংকলকেৰ আলোচনা এ পৰ্যন্তই সমাপ্ত হলো।

পৰিচ্ছেদ

ওয়াহ্ৰ ইবন মুনাবিহ বেশ ক'জন সাহাবীকে পেয়েছেন এবং ইবন আবুস, জাবিৰ ও মু'মান ইবন বশীৰ-এৱ সনদে হাদীস বৰ্ণনা কৰেছেন। তিনি হ্যৱত মু'আয ইবন জাবাল, আবু হুৱায়ৱাহ এবং তাউস থেকেও হাদীস বৰ্ণনা কৰেছেন। তাৰ থেকে বৰ্ণনা কৰেছেন একদল তাৰিখ।

ওয়াহ্ৰ বলেন : যে লোক ইল্ম শিক্ষা কৰেও সে অনুযায়ী আশল কৰে না, তাৰ দৃষ্টান্ত হলো সেই ডাঙুৱেৰ ন্যায়। যাৱ কাছে প্ৰতিষেধক আছে, কিন্তু তিনি তা দ্বাৰা চিকিৎসা কৰেন না।

ফযল ইবন আবু আয়্যাশ-এৱ আয়াদকৃত গোলাম মুনীৰ থেকে বৰ্ণিত আছে যে, তিনি বলেন : আমি একদিন ওয়াহ্ৰ ইবন মুনাবিহ-এৱ নিকট বসা ছিলাম। এমন সময়ে এক ব্যক্তি এসে তাঁকে বলল : আমি অযুক ব্যক্তিৰ নিকট দিয়ে অতিক্ৰম কৰাৱ সময় শুনতে পেলাম যে, সে আপনাকে গালাগাল কৰছে। শুনে তিনি রাগাবিত হয়ে বললেন : শায়তান দৃত হিসেবে তোমাকে ছাড়া আৱ কাউকে পেল না ? আমি ওয়াহ্ৰ ইবন মুনাবিহ-এৱ নিকট একটানা উপস্থিত ছিলাম। গালাগালকাৰী লোকটি সে তাঁৰ নিকট আসল, তাঁকে সালাম কৰল। তিনি সালামেৱ উত্তৱ দিয়ে তাৰ প্ৰতি হাত বাঢ়িয়ে দেন, তাৰ সঙ্গে মুসাফাহা কৰেন এবং তাকে নিজেৰ এক পাৰ্শ্বে বসান।

ইবন তাউস বলেন : আমি ওয়াহ্ৰকে বলতে শুনেছি, তিনি বলেছেন : তুমি তোমাৰ দীন নিয়ে ব্যস্ত থাক; তোমাৰ জীবিকা তোমাৰ নিকট আসবেই।

ওয়াহ্ৰ বলেন : জাহানামেৱ অধিবাসীকে পোশাক পৰিধান কৰান হবে। অথচ, উলঙ্গ থাকাই ছিল তাৰ জন্য শ্ৰেয়। তাদেৱকে আহাৱ কৰানো হবে। অথচ, উপবাস থাকাই ছিল তাৰ জন্য উত্তম। তাদেৱকে জীবন দান কৰা হবে। অথচ, মৃত্যু ছিল তাদেৱ জন্য ভাল।

ওয়াহব ইব্ন মুনাবিহ বলেন : হযরত দাউদ (আ) বলেছেন : হে আল্লাহ ! কোন ফকীর কোন সম্পদশালী ব্যক্তির নিকট সাহায্য প্রার্থনা করল। কিন্তু সে এমন ভান ধরল যে, সে বধির। তোমার নিকট আমার প্রার্থনা, সে যখন তোমার নিকট দু'আ করবে, তুমি তাকে সাড়া দিবে না এবং যখন সে তোমার কাছে প্রার্থনা করবে, তুমি তাকে দিবে না।

তিনি আরো বলেছেন : আমি মহান আল্লাহর কোন এক কিতাবে পড়েছি : হে আদুম সন্তান ! তুমি যা শিখেছ, তদন্ত্যায়ী আমল না করে যা জান না, তা শিক্ষা করায় কোন লাভ নেই। তোমার দৃষ্টিতে সেই ব্যক্তির ন্যায়, যে লাকড়ী সংগ্রহ করে আঁটি বেঁধে তা বহন করে রঙনা হতে উচ্চত হলো। কিন্তু বোঝাটি সে বহন করতে ব্যর্থ হলো। ফলে সে তার সঙ্গে আরো একটি বোঝা ঘোগ করে নিল।

তিনি আরো বলেন : মহান আল্লাহর আঠার হাজার জগত আছে। তন্মধ্যে দুনিয়া হলো একটি জগত। ধৰ্মসন্তুপের মধ্যে অট্টালিকা মরজুমিতে পশ্চমের তাঁবুর ন্যায়। তাবারানী বর্ণনা করেন যে, ওয়াহব ইব্ন মুনাবিহ বলেছেন : তুমি যখন মহান আল্লাহর আনুগত্যমূলক আমল করার ইচ্ছা করবে, তখন তোমার নিজের হিতাকাঙ্ক্ষী হবে ও আল্লাহর জন্য আমলে সাধ্যানুরূপ চেষ্টা করবে। কেননা, হিতকামী ছাড়া অন্য কারো আমল কবুল করা হয় না। আর হিত কামনা তাঁর আনুগত্য ব্যতীত পূর্ণতা শাশ্বত করে না। যেমন ভাল ফল- তার দ্রাণও আছে, স্বাদও আছে। মহান আল্লাহর আনুগত্যও অনুরূপ। হিত কামনা হলো তার দ্রাণ আর আমল হলো স্বাদ। তারপর তুমি তোমার আনুগত্যকে সহনশীলতা, বুদ্ধিমত্তা, বুঝ ও আমল দ্বারা সুসংজ্ঞিত কর। তারপর তোমার নফসকে নির্বোধ ও দুনিয়ার গোলামদের চরিত্র থেকে উর্ধ্বে রাখ, তাকে নবীগণ ও আমলদার আলিমগণের চরিত্রে চরিত্রবান কর। বিজ্ঞ লোকদের চরিত্রে অভ্যন্তর কর, মন্দ লোকদের কার্যকলাপ থেকে বিরত রাখ। মুক্তাকীগণের আদর্শ আঁকড়ে ধর এবং ইতর-অসভ্য লোকদের পক্ষ থেকে তাকে দূরে রাখ। তোমার যেটুকু সম্পদ আছে, তা দ্বারা অন্যের সাহায্য কর এবং অন্যের মাধ্যমে যে সব ক্ষটি আছে, তা দূরীকরণে যথাসাধ্য সহযোগিতা কর। কেননা, জ্ঞানী সেই ব্যক্তি, যে সম্পদ সঞ্চয় করে তা দ্বারা অন্যের উপকার করে এবং অন্যের দোষ দেখে নিজের আজ্ঞা শক্ত-সংহত করে ও তাকে আশাবিত করে। যদি সে বিবেক বুদ্ধিসম্পন্ন লোক হয়, তাহলে অবুঝ লোকদের প্রতি সহযোগিতার হাত বাড়িয়ে দেয়- যদি সে তার সাহচর্য ও সহযোগিতা কামনা করে। আর যদি তার সম্পদ থাকে, তাহলে যার সম্পদ নেই, তাকে সম্পদ দান করে। যদি সে সংকর্মপরায়ণ হয়, তাহলে পাপাচারীর জন্য ক্ষমা প্রার্থনা করে এবং তার তাওবা কামনা করে। যদি সে সদাচারী হয়, তাহলে তার সঙ্গে অসদাচরণকারীর প্রতি সদাচার করে এবং তার বিনিময়ে পুরুষারের প্রাপ্য হয়ে যায়। সংকর্ম ছাড়া শুধু মুখের কথায় প্রতারিত হয় না। সংকর্ম করেই তবে সে মহান আল্লাহর অনুগ্রহ ও দয়ার প্রতি তাকিয়ে থাকে। কোন কাজ করার ইচ্ছা পোষণ করলে তা করেই তবে ক্ষান্ত হয়। উল্লেখযোগ্য পরিমাণ আনুগত্য করে মহান আল্লাহর প্রশংসা জ্ঞাপন করে এবং যে পর্যন্ত পৌছুতে পারেনি, সে পর্যন্ত পৌছার প্রচেষ্টা চালায়। যখন কোন দোষের কথা মনে পড়ে, মানুষ থেকে তা গোপন রেখে সেই মহান আল্লাহর নিকট ক্ষমা প্রার্থনা করে যিনি তা ক্ষমা করতে সক্ষম। যখন কোন জ্ঞানের কথা অবহিত হয়, তাতে পরিত্পন্ন না হয়ে আরো জ্ঞানার চেষ্টা করে। সর্বোপরি সে মিথ্যার আশ্রয় গ্রহণ করে না। কেননা, মিথ্যা হল দেহের খোস-পাঁচড়ার ন্যায়, যা

দেহকে খেয়ে ফেলার উপক্রম হয়। কিংবা কাঠের পঁচনের ন্যায় যে, উপর থেকে দেখায় সুন্দর; কিন্তু ভিতরটা ফোকলা। মানুষ তা দেখে প্রতারিত হয়। পরে সেটি ভেঙে চূর্ণ-বিচূর্ণ হয়ে যায় এবং যে প্রতারিত হল, সে ধৰ্মস হয়ে যায়। কথাবার্তায় মিথ্যাও অন্দুপ। মিথ্যুক প্রতারিত হতে থাকে। সে মনে করে যে, মিথ্যাচার প্রয়োজন পূরণে তাকে সাহায্য করছে এবং তার আকাঙ্ক্ষা পূরণে তাকে পথ প্রদর্শন করছে। এক সময় বিষয়টি ফাঁস হয়ে যায় এবং জনী লোকদের কাছে তার প্রতারণা ধরা পড়ে যায়। ফকীহগণ তার গোপনীয়তা উদ্ভাবন করে ফেলে। তো যখন তারা বিষয়টি সম্পর্কে অবহিত হয় এবং তাদের সামনে তার চরিত্র স্পষ্ট হয়ে যায়, তখন তারা তার বর্ণনাকে মিথ্যা সাব্যস্ত করে, তার সাক্ষ্যকে প্রত্যাখ্যান করে, তার সততাকে প্রশংসিত করে, তার ঘর্ষণাকে খাট করে ফেলে, তার সঙ্গে উঠাবসাকে ঘৃণার চোখে দেখে, তার থেকে তাদের ভেদ রহস্য গোপন রাখে, তাকে তাদের কথাবার্তা শুনতে দেয়না, তার নিকট থেকে আমানত ফিরিয়ে আনে, তার থেকে তাদের বিষয়-আসয় গোপন রাখে, দ্বীন ও সামাজিক কর্মকাণ্ডে তাকে পরিহার করে চলে, তাদের কর্মকাণ্ডে তাকে উপস্থিত হতে দেয় না, তাদের কোন গোপন বিষয়ে তার প্রতি আস্থা রাখে না এবং পারম্পরিক দন্ত-সংঘাত নিরসনে তাকে বিচারক ঘান্য করে না।

ওয়াহব ইব্ন মুনাবিহ (র) হতে ইদরীস সূত্রে আবদুল মুনইম ইব্ন ইদরীস (র) বর্ণনা করেন যে, ওয়াহব ইব্ন মুনাবিহ বলেন, লুকমান তাঁর ছেলেকে বলেন : যারা মহান আল্লাহকে স্মরণে রাখে আর যারা তুলে থাকে, তারা আলো ও অঙ্ককারের ন্যায়। তিনি আরো বলেছেন : আমি তাওরাতে ধারাবাহিক চারটি লাইন পড়েছি : যে ব্যক্তি মহান আল্লাহর কিতাব পাঠ করে ধারণা নিল যে, তাকে ক্ষমা করা হবে না, সেই ব্যক্তি মহান আল্লাহর আয়াতের সঙ্গে বিদ্যুপকারীদের অন্তর্ভুক্ত। যে ব্যক্তি আপত্তি বিপদের অভিযোগ করল, সে তার মহান প্রতিপালকেরই বিরুদ্ধে অভিযোগ করল। যে ব্যক্তি দুনিয়ার কোন সম্পদ হাতছাড়া হওয়ার কারণে আফসোস করল, সে তার মহান প্রতিপালকের সিদ্ধান্তের প্রতি অসন্তোষ প্রকাশ করল। আর যে ব্যক্তি বিস্তৃশালীর সামনে মাথানত করল, তার দ্বিনের এক-তৃতীয়াংশই চলে গেল।

ওয়াহব বলেন : আমি তাওরাতে পড়েছি : যে গৃহ দুর্বলদের শক্তি দ্বারা নির্মিত হয়েছে, তার পরিণাম ধৰ্মস। আর যে সম্পদ হালাল নয় এমন উপায়ে সঞ্চিত হয়েছে, তার মালিক দ্রুত দারিদ্র্যের দিকে ধাবিত হবে।

মুহাম্মদ ইব্ন আমর থেকে মা'মার সূত্রে আবদুল্লাহ ইব্নুল মুবারক (র) বর্ণনা করেন যে, মুহাম্মদ ইব্ন আম্র বলেছেন : আমি ওহব ইব্ন মুনাবিহকে বলতে শুনেছি : আমি কোন একটি কিতাবে পেয়েছি যে, আল্লাহ তা'আলা ইরশাদ করেন, আমার বান্দা যখন আমার আনুগত্য করে, তখন আমার কাছে দু'আ করার আগেই আমি তাকে সাড়া দেই এবং আমার নিকট প্রার্থনা করার আগেই আমি তাকে দান করি। আমার বান্দা যখন আমার আনুগত্য করে, তখন আকাশ ও পৃথিবীর অধিবাসীরা একত্রিত হয়েও যদি তাকে চারদিক থেকে ঘিরে ফেলে, আমি তাকে সেখান থেকে বেরিয়ে আসার পথ করে দিই। পক্ষান্তরে, আমার বান্দা যদি আমাকে অমান্য করে তাহলে আমি তার হাত দুটো কেটে আকাশের দরয়া দিয়ে শূন্যে ছেড়ে দেই। ফলে আমার সৃষ্টির কেউ তার কোন অনিষ্ট করতে চাইলে সে তাকে প্রতিহত করতে পারে না।

ইব্নুল মুবারক বাক্তার ইব্ন আবদুল্লাহ সূত্রে আরো বর্ণনা করেন যে, বাক্তার বলেছেন, আমি ওয়াহ্‌ব ইব্ন মুনাবিহকে বলতে শুনেছি : আল্লাহ্ তা'আলা বনী ইসরাইলের পশ্চিমদের দোষ বর্ণনা প্রসঙ্গে বলেছেন ঃ তোমরা পাণ্ডিত্য অর্জন করছ দ্বীন ব্যতীত অন্য কিছুর স্বার্থে, শিক্ষা অর্জন করছ আমল ছাড়া অন্য উদ্দেশ্যে, আখিরাতের আমলের বিনিময়ে দুনিয়া দ্রুং করছ, পোশাক পরিধান কর ভেড়ার চামড়ার আর আঁশা বহন কর মাছির, মদ পান কর, পাহাড় সমান হারাম গলাধঃকরণ কর, মানুষের কাছে দ্বীনকে পাহাড়ের সমান ভারী করে উপস্থাপন কর এবং পরে অঙ্গুলি তুলেও তাদের সাহায্য কর না, তোমরা দীর্ঘ নামায পড়, সাদা পোশাক পরিধান কর আর ইয়াতীয় ও বিধবাদের সম্পদ কুক্ষিগত কর। আমি আমার ইয়থতের শপথ করে বলছি। আমি এমন বিপদ দ্বারা তোমাদের উপর আঘাত হানব, তাতে জ্ঞানীদের জ্ঞান ও বিজ্ঞ লোকদের প্রজ্ঞা দিশা হারিয়ে ফেলবে।

আকীল ইব্ন মা'কাল থেকে যথাক্রমে গাউস ইব্ন জাবির হাস্মাম ইব্ন মাসলামা ও আবদুল্লাহ ইব্ন মুহাম্মদ আস সানআলী সূত্রে তাবারানী বর্ণনা করেন যে, আকীল ইব্ন মা'কাল বলেন, আমি ওয়াহ্‌ব ইব্ন মুনাবিহকে বলতে শুনেছি : মহান আল্লাহ্ আনুগত্যের জন্য কারো প্রশংসা করেন না, মহান আল্লাহ্‌র রহমত ছাড়া কেউ তাঁর থেকে কল্যাণ লাভ করে না। তিনি মানুষ হতে কল্যাণেরও আশা করেন না এবং অকল্যাণেরও ভয় করেন না। মহান আল্লাহ্ মানুষের প্রতি দয়াপরবশ হন একান্তই অনুগ্রহবশ্ত। মানুষ যদি তার সঙ্গে ষড়যন্ত্র করে, তিনি তাদের ষড়যন্ত্র নস্যাখ করে দেন। যদি তারা তার সঙ্গে প্রতারণা করে, তাহলে তাদের প্রতারণার যথাযথ জওয়াব দিয়ে দেন। মানুষ যদি মহান আল্লাহকে মিথ্যাবাদী প্রতিপন্থ করে, তাহলে তিনি তাদেরকে মিথ্যুক সাব্যস্ত করে ছাড়েন। মানুষ যদি পৃষ্ঠপ্রদর্শন করে, তাহলে মহান আল্লাহ্ তাদেরকে সমূলে ধৰংস করে দেন। যদি তারা তাঁর দিকে ধাবিত হয়, তাহলে তিনি তাদেরকে কবূল করে নেন। মহান আল্লাহ্ মানুষের কোন বাহানা, ষড়যন্ত্র, প্রতারণা, অসম্মোষ ও হস্তিত্বির পরোয়া করেন না। মহান আল্লাহ্‌র রহমতই তাঁর নিকট থেকে কল্যাণ নিয়ে আসে। যে ব্যক্তি মহান আল্লাহ্‌র রহমতের সূত্র ধরে কল্যাণ অর্বেষণ করে না, কল্যাণ গৃহে অনুপ্রবেশের জন্য সে অন্য কোন দরয়া খুঁজে পায় না। কেননা, মহান আল্লাহ্‌র আনুগত্য ছাড়া কল্যাণ পাওয়া যায় না। আর মহান আল্লাহ্‌র দাসত্ব ও তাঁর প্রতি অনুময়-বিনয় ব্যতীত অন্য কিছু মহান আল্লাহকে মানুষের প্রতি দয়াপরবশ করে না। এই দাসত্ব ও বিনয়ের সূত্রে মহান আল্লাহ্ মানুষের প্রতি অনুগ্রহ করেন। আর মহান আল্লাহ্ যখন মানুষের প্রতি অনুগ্রহ করেন, তখন তাঁর অনুগ্রহে মানুষের সমস্যার সমাধান হয়ে যায়। এ ব্যতীত অন্য কোন পত্রায় মহান আল্লাহ্‌র নিকট থেকে কল্যাণ লাভ করা যায় না এবং বান্দাহ্ মহান আল্লাহ্‌র দাসত্ব ও তাঁর প্রতি বিনয়াবন্ত হওয়া ব্যতীত মহান আল্লাহ্‌র নিকট হতে রহমত লাভের আর কোন পথ নেই। কেননা, মানুষ মহান আল্লাহ্‌র নিকট হতে যে কল্যাণ কামনা করে থাকে, মহান আল্লাহ্‌র রহমতই হলো তার প্রবেশ-দ্বার। আর সেই দ্বারের চাবি হলো মহান আল্লাহ্‌র প্রতি বিনয় ও তার দাসত্ব। কাজেই, যে ব্যক্তি চাবি ফেলে দিল, সে দরয়া খুলতে পারল না। পক্ষান্তরে, যে ব্যক্তি চাবি সংঘাত করল, সে তার দ্বারা দরয়া খুলতে পারল। আচ্ছা, চাবি ছাড়া দরয়া কিভাবে খোলা যায় ? মোটকথা, কল্যাণের সকল ভাষ্টার মহান আল্লাহ্‌র হাতে। মহান আল্লাহ্‌র ধনভাণ্টারের দরয়া হলো তাঁর রহমত। আর মহান আল্লাহ্‌র রহমতের চাবি হলো তাঁর সমীক্ষে বিনয়াবন্ত হওয়া ও দীনতা

প্রকাশ করা। কাজেই যে ব্যক্তি সেই চাবি সংরক্ষণ করল, তাঁর জন্য ধনভাণ্ডারের দরয়া খুলে গেল এবং সে তাতে প্রবেশ করল। এখন তার মন যা চাইবে, চোখে যা ভাল লাগবে, সে সবই পাবে। এই নিরাপদ স্থানে তাদের সব চাহিদা ও দাবী-দাওয়া পূরণ করা হবে। তাঁদের এই সব সুবিধা অব্যাহত থাকবে। তাঁরা তয় করবে না। সেখানে তাঁরা ঝান্ত হবে না, বৃক্ষ হবে না, অভাবে পড়বে না ও মৃত্যুবরণ করবে না। তাঁরা চিরস্থায়ী নিআমত মহাপুরস্কার ও বিপুল প্রতিদানের মধ্যে অবস্থান করবে। এ হলো ক্ষমাশীল ও দয়াময় আল্লাহর পক্ষ থেকে আপ্যায়ন।

সুফিয়ান ইব্ন উয়ায়নাহ্ বলেন, ওয়াহ্ব ইব্ন মুনাবিহ বলেছেন : দ্বিনের উপর প্রতিষ্ঠিত থাকার জন্য সবচেয়ে বেশী সহায়ক চরিত্র হলো দুনিয়াবিমুখতা। পক্ষান্তরে, দুনিয়ার পক্ষে দ্রুত সাহায্যকারী চরিত্র হলো প্রবৃত্তির অনুসরণ এবং সম্পদ ও সম্মানের মোহ।

সম্পদ ও সম্মানের মোহে নিষেধাজ্ঞা অমান্য হয় নিষেধাজ্ঞা অমান্যের ফলে মহান আল্লাহ নারায় হন। আর আল্লাহর নারায়ীর কোন প্রতিষেধক নেই।

তিনি আরো বলেন : আমি কোন এক কিতাবে পেয়েছি যে, আল্লাহ তা'আলা বনী ইসরাইলকে তিরক্ষার করে বলছেন : যখন আমার আনুগত্য করা হয়, তখন আমি সন্তুষ্ট হই। আমি যখন সন্তুষ্ট হই, বরকত দান করি। আর আমার বরকতের কোন শেষ নেই। পক্ষান্তরে, যখন আমাকে অমান্য করা হয়, তখন আমি নারায় হই। আমি যখন নারায় হই তখন অভিসম্পাত করি। আর অভিসম্পাত সাত পুরুষ পর্যন্ত গিয়ে ঠেকে।

তিনি আরো বলেন : বনী ইসরাইলের এক ব্যক্তি দুইশত বছর পর্যন্ত মহান আল্লাহর অবাধ্যতা করে। লোকটি মরে গেলে লোকেরা তাকে পায়ে ধরে টেনে নিয়ে আবর্জনার মধ্যে ফেলে দেয়। কিন্তু মহান আল্লাহ হ্যরত মুসা (আ)-কে প্রত্যাদেশ করেন যে, তুমি লোকটির জানায় দাও। মুসা (আ) বললেন : হে রব! বনী ইসরাইল সাক্ষ্য প্রদান করেছে যে, সে দুইশত বছর যাবত তোমার নাফরমানী করেছে। মহান আল্লাহ বললেন : হ্যা, ঘটনা তা-ই ঘটেছে। কিন্তু যখন-ই সে তাওরাত খুলত এবং মুহাম্মদের নাম দেখত, তাঁকে চুম্বন করত, চোখের সঙ্গে লাগাত এবং তাঁর উপর দরজ পাঠ করত। এ কারণে আমি তাকে ক্ষমা করে দিয়েছি এবং সন্তুরজন হূর-এর সঙ্গে তাকে বিবাহ দিয়েছি। এই বর্ণনায় তৃতী রয়েছে এবং এ জাতীয় বর্ণনা বিশুদ্ধ নয়। এর ইবারতে গারাবাত এবং মতনে প্রচণ্ড নাকারাত বিদ্যমান।

ইব্ন ইদরীস তাঁর পিতার সুত্রে ওহ্ব ইব্ন মুনাবিহ হতে বর্ণনা করেছেন যে, ওয়াহ্ব বলেন, মুসা (আ) বলেছেন : হে রব! আপনি আমার থেকে মানুষের বক্তব্যকে নিয়ন্ত্রণ করুন। মহান আল্লাহ বললেন : হে মুসা! এ কাজ আমি নিজের জন্য করিনি।

তিনি আরো বলেন : হ্যরত ইউসুফ (রা) যখন বাদশাহর নিকট আহুত হলেন, তখন তিনি দরয়ায় দাঁড়িয়ে বললেন : আমার দুনিয়া অপেক্ষা দ্বিনই যথেষ্ট। রবের সৃষ্টি অপেক্ষা আমার রব-ই যথেষ্ট। আপনার মর্যাদা বুলন্ত হোক। আপনি ছাড়া কোন ইলাহ নেই। তারপর তিনি বাদশাহের সম্মুখে উপস্থিত হলেন। তাকে দেখামাত্র বাদশাহ সিংহাসন থেকে নেমে তার সম্মুখে সিজদায় লুটিয়ে পড়লেন। তারপর নিজের সঙ্গে সিংহাসনে বসিয়ে বললেন :

إِنَّ الْيَوْمَ لَدِيْنَا مَكِيْنٌ أَمِيْنٌ

‘আজ তুমি আমাদের নিকট মর্যাদাশালী ও বিশ্বস্তাজন হলে’ (১২ : ৫৪)।

জবাবে ইউসুফ (আ) বললেন :

اجْعَلْنِي عَلَى خَزَائِنِ الْأَرْضِ إِنِّي حَفِظٌ عَلَيْهِ

‘আমাকে দেশের ধন-সম্পদের উপর কর্তৃত্ব প্রদান করুন। আমি বিশ্বস্ত রক্ষক ও সুবিজ্ঞ’
(১২ : ৫৫)।

حَفِظْ أَرْثَ এই দুর্ভিক্ষে এবং আমি যে দায়িত্বের আবেদন করেছি, তাতে আমি বিশ্বস্ত রক্ষকের প্রমাণ দেব। আর ^{عَلَيْهِ} অর্থ আমার নিকট যে-ই আসবে, আমি তার ভাষা বুঝব।

ইমাম আহমাদ মুন্যির ইবনু নু'মান আল-আকতাস সূত্রে বর্ণনা করেন যে, ইবনুন নু'মান ওয়াহ্ৰ ইবনু মুনাবিহকে বলতে শুনেছেন : মহান আল্লাহু যখন মৎস্যকে ইউনুস (আ)-এর প্রতি কোন ক্ষতি না করতে ও তাকে কষ্ট না দিতে আদেশ করেন। মহান আল্লাহু বলেন :

فَلَوْلَا أَتَّهُ كَانَ مِنَ الْمُسَبِّحِينَ لِلَّبِثَ فِي بَطْنِهِ إِلَى يَوْمٍ يُبَعْثَوْنَ

‘সে যদি আল্লাহুর পবিত্রতা ও মহিমা ঘোষণা না করত, তাহলে তাকে পুনরঞ্চান দিবস পর্যন্ত তার উদরে থাকতে হতো’ (৩৭ : ১৪৩, ১৪৪)।

ওহৰ ইবনু মুনাবিহ বলেন : **أَرْثَ منَ الْعَابِدِينَ قَبْلُ ذَالِكَ أَرْثَ منَ الْمُسَبِّحِينَ** অর্থাৎ সে যদি ইতোপূর্বে ইবাদতকারীদের অন্তর্ভুক্ত না হতো। তো মহান আল্লাহু তার পূর্বের ইবাদতের কথা উল্লেখ করেছেন। যখন তিনি সমুদ্র থেকে বেরিয়ে আসেন, তখন নিদ্রা যান। এই ফাঁকে মহান আল্লাহু একটি লাউ বৃক্ষ উৎপন্ন করে দেন। ঘূম থেকে জাগ্রত হয়ে যখন তিনি দেখলেন যে, লাউ গাছটি তাকে ছায়া প্রদান করেছে এবং তার শ্যামলতা দেখলেন, তিনি বিস্মিত হলেন। তারপর আবারো নিদ্রা যান। এবার জাগ্রত হয়ে দেখেন, বৃক্ষটি শুকিয়ে গেছে।

ফলে তিনি গাছটির জন্য দৃঢ় প্রকাশ করতে শুরু করলেন। তখন তাকে বলা হলো : তুমি তো সৃষ্টি ও করনি, পানি সিখন করনি, উৎপন্ন করনি; অথচ তুমি তার জন্য দৃঢ় প্রকাশ করছ। আর আমি সেই সত্তা যে, আমি এক লাখ বা তার চেয়েও অধিক জাহানাম সৃষ্টি করেছিলাম। পরে আমি মানুষের প্রতি দয়াপরবশ হই। আর এটুকু তোমার জন্য কষ্টকর হয়ে গেল! ওয়াহ্ৰ থেকে যথাক্রমে আবদুল মালিক ইবনু আবদুল মজীদ ইবনু খাশ্ক, রিবাহ ও ইবরাহীম ইবনু খালিদ আল-গাস্সানী সূত্রে ইমাম আহমাদ বর্ণনা করেন যে, ওয়াহ্ৰ বলছেন : হয়রত নূহ (আ)-কে প্রতিটি প্রাণীর দুইটি করে জোড়া তুলে নেওয়ার নির্দেশ দেওয়া হলো, তখন তিনি বললেন : হে রব! আমি কিভাবে সিংহ আর গরু এক সঙ্গে রাখব? কিভাবে ছাগলছানা আর ব্যাঘ একত্রে রাখব?

কিভাবে গাধা ও বিড়াল এক সঙ্গে রাখব? মহান আল্লাহু বললেন : আচ্ছা, এগুলোর মাঝে শক্রতা কে ঢেলে দিয়েছে? নূহ (আ) বললেন : আপনি হে রব! মহান আল্লাহু বললেন : তাহলে আমি তাদের মাঝে সম্প্রীতিও সৃষ্টি করে দিতে পারব। তখন তারা একে অপরের ক্ষতি করবে না।

বাংলায় ইসলামিক বই ডাউনলোড করতে ভিজিট করুন : ইসলামি বই ডট ওয়ার্ডেস ডট কম।

ওয়াহব ইব্ন মুনাবিহ আতা আল-খুরাসানীকে বললেন : আতা! আমি কি বলব না যে, আপনি আপনার ইল্মকে রাজা-বাদশাহ, দুনিয়াদার মানুষ ও আমীরদের দ্বারে দ্বারে বহন করে নিয়ে যান ? আতা! আপনি কি সেই ব্যক্তির নিকট গমন করছেন, যে আপনাকে দেখলে তার দরযা বক্ষ করে দেয়, আপনার সম্মুখে নিজের দারিদ্র্য প্রকাশ করে এবং সচ্ছলতা গোপন করে রাখে ? পক্ষান্তরে, আপনি যেই সভার দরযা ত্যাগ করছেন, তিনি বলছেন **أَدْعُونِي أَسْتَجِبْ لِكُمْ** (তোমরা আমাকে ডাক, আমি তোমাদের ডাকে সাড়া দেব) ওহে আতা! যথেষ্ট পরিমাণ সম্পদ যদি আপনাকে অমুখাপেক্ষী করতে পারে, তাহলে দুনিয়ার ছেঁড়া-ফাটা কিছু বস্তুই আপনার জন্য যথেষ্ট। আর যদি যথেষ্ট পরিমাণ সম্পদ আপনাকে অমুখাপেক্ষী করতে না পারে, তা হলে জগতে এমন কিছু নেই, যা আপনার অভাব দ্রু করতে পারে। শুনুন আতা! আপনার পেটটা হলো একটা সমৃদ্ধ ও একটা উপত্যকা। মাটি ছাড়া কোন বস্তু একে পূর্ণ করতে পারে না।

ওয়াহব ইব্ন মুনাবিহকে এমন দুই ব্যক্তি সম্পর্কে জিজ্ঞাসা করা হলো; যারা নামায আদায় করছে। তাদের একজন বিনয় ও নীরবতায় দীর্ঘ সময় অতিবাহিত করে, অপরজন দীর্ঘক্ষণ সিজদায় পড়ে থাকে। এই দুই ব্যক্তির মধ্যে শ্রেষ্ঠ কে ? জবাবে তিনি বললেন : যে মহান আল্লাহর অধিক হিতকারী।

তিনি আরো বলেছেন : মুনাফিকের একটি স্বত্ব হলো, সে প্রশংসা পসন্দ আর নিন্দা অপসন্দ করে। অর্থাৎ মুনাফিক না করা কাজের প্রশংসা ভালবাসে আর নিজের মধ্যে বিদ্যমান এমন দোষের নিন্দাও অপসন্দ করে।

তিনি আরো বলেন, লুকমান তাঁর ছেলেকে বলেছেন : বৎস! আল্লাহর নিকট হতে জ্ঞান অর্জন কর। কেননা, যে ব্যক্তি মহান আল্লাহর নিকট হতে জ্ঞান অর্জন করে, সে সবচেয়ে বুদ্ধিমান মানুষ। আর শয়তান জ্ঞানবান লোক হতে পালিয়ে বেড়ায় এবং তার সঙ্গে চক্রান্ত করে পেরে ওঠে না।

ওয়াহব ইব্ন মুনাবিহ তাঁর এক সহচরকে বললেন : আমি কি তোমাকে এমন এক চিকিৎসা শিখিয়ে দেব, যার জন্য চিকিৎসকগণ কোন পরিশ্রম করেননি ? আমি কি তোমাকে এমন এক ফিকাহ শিক্ষা দিব, যার জন্য ফকীহগণ মেহনত করেননি ? আমি কি তোমাকে এমন একটি সহনশীলতা শিক্ষা দিব, যার জন্য ধৈর্যশীলগণ পরিশ্রম করেননি ? লোকটি বলল, হ্যাঁ, হে আবু আবদুল্লাহ! ওয়াহব বললেন : চিকিৎসা হল, শুরুতে বিসমিল্লাহির রাহমানির রাহীম এবং শেষে আলহামদু লিল্লাহ না বলে আহার করবে না। ফিকাহ হল, যদি তোমাকে এমন কোন প্রশ্ন করা হয়, যার জবাব তোমার জানা আছে, তাহলে যা জান, বলে দেবে। অন্যথায় বলবে, আমি জানি না। সহনশীলতা হল, অধিক নীরব থাকা। তবে যদি কোন বিষয়ে প্রশ্ন করার প্রয়োজন দেখা দেয়, তা ভিন্ন কথা। তিনি আরো বলেন : বালকের মধ্যে যদি দু'টি গুণ থাকে— লজ্জাশীলতা ও ভয়, তাহলে তার সুবোধরূপে গড়ে ওঠার আশা করা যায়।

ওয়াহব ইব্ন মুনাবিহ আরো বলেন : যুলকারনায়ন যখন সূর্য উদয়স্থলে গিয়ে পৌছেন, তখন তথ্বাকার বাদশাহ তাকে বলেছিলেন : আপনি আমাকে মানুষের সংজ্ঞা দিন। যুলকারনায়ন বললেন : বিবেকহীন লোকের সঙ্গে আপনার কথা সেই ব্যক্তির ন্যায়, যে মৃত ব্যক্তিকে গান শোনায়। যার বিবেক নেই, তার সঙ্গে আপনার কথা বলা সেই ব্যক্তির ন্যায়, যে নিরেট

প্রকৃতকে পানিতে ডিজায় যেন ঘটা নরম হয় এবং সেই ব্যক্তির ন্যায়, যে ব্যঙ্গনের আশায় শেষ রান্না করে। যার বিবেক নেই তার সঙ্গে আপনার কথা বলা সেই ব্যক্তির ন্যায়, কবরের অবিবাসীদের জন্য যে খাষ্টা রাখে। পাহাড়ের ছড়া থেকে পাথর স্থানস্তর করা বিবেকহীন শেকের সঙ্গে কথোপকথন অপেক্ষা সহজতর।

তিনি আরো বলেন : আমি কোন কিতাবে পড়েছি, চতুর্থ আকাশ থেকে এক ঘোষক প্রতি সকালে ঘোষণা দেয় : হে চল্লিশ বছর বয়সী লোক সকল ! তোমাদের ফসল কাটার সময় স্বল্পিয়ে এসেছে। হে পঞ্চাশ বছর বয়সী লোক সকল ? তোমরা কী অঢ়ে প্রেরণ করেছ ? হে বাট বছর বয়সী লোক সকল ! তোমাদের আর কোন ওয়র নেই। হায় ! মানুষ যদি সৃষ্টি না হতো ! হায় ! মানুষ যখন সৃষ্টি হয়েছে—ই তখন তারা যদি জানত, তাদেরকে কী উদ্দেশ্যে সৃষ্টি করা হয়েছে ! তোমাদের নিকট কিয়ামত এসে গেছে। কাজেই তোমরা প্রস্তুতি গ্রহণ কর !

তিনি আরো বলেন যে, দানিয়াল (আ) বলেছেন : আফসোস কালের জন্য ! এ কালে সৎকর্মশীল মানুষ অনুসন্ধান করা হয়। কিন্তু কাউকেই পাওয়া যায় না। এ যুগে সৎকর্মপরায়ন মানুষ হলো ফসল কর্তৃকারীর পিছনে পড়ে থাকা ছড়ার ন্যায় কিংবা ফল পাড়ার পর পিছনে পড়ে থাকা থোকার মত। মাত্মকারী ও ক্রন্দনকারীরা আজ তাদের জন্য কাঁদছে।

আবদুর রায়্যাক আবদুস সামাদ ইব্ন আ'কিল থেকে বর্ণনা করেন যে, আবদুস সামাদ বলেন, আমি ওয়াহব ইব্ন মুনাবিহিকে মহান আল্লাহর বাণী—وَنَضَعَ الْمَوَازِينَ الْقُسْطَنْ^١ (এবং কিয়ামতের দিনে আমি স্থাপন করব ন্যায় বিচারের মানদণ্ড (২১ : ৪৭)—এর ব্যাখ্যায় বলতে শুনেছি : আমলের সর্বশেষ অবস্থা পরিমাপ করা হবে। আর মহান আল্লাহর যখন বান্দার তারে কল্যাণ কামনা করেন, উন্নত আশল দ্বারা তার জীবনের পরিসম্বন্ধি ঘটান। পক্ষান্তরে, যখন তিনি বান্দার অমগ্ল ইচ্ছা করেন, তখন ঘন্ট আমলের সঙ্গে তার জীবনের ইতি টানেন। ওয়াহব আরো বলেন : আল্লাহ তা'আলা সৃষ্টিকার্য থেকে অবসর হওয়ার পর যখন তারা ভূপঞ্চে চলাচল করতে শুরু করে, তখন তিনি তাদের প্রতি দৃষ্টিপাত করে বলেন : আমি আল্লাহ। আমি ছাড়া কোন ইলাহ নেই। আমি সেই সত্ত্ব যে, আমি তোমাদেরকে সৃষ্টি করেছি এবং আমি—ই নিজ আদেশে তোমাদেরকে ধ্বংস করে ফেলব। আমার সিদ্ধান্ত ছড়ান্ত হয়ে গেছে এবং আদেশ কার্যকর হয়ে গেছে। আমি তোমাদেরকে যেমন সৃষ্টি করেছি, তেমনি তোমাদেরকে পুনর্জীবিত করব। আমি তোমাদেরকে ধ্বংস করে ফেলব। তখন একমাত্র আমি—ই অবশিষ্ট থাকব। কেননা, রাজত্ব আর স্থায়িত্ব আমাকে ছাড়া আর কারো জন্য শোভা পায় না। আমি আমার সৃষ্টিকূলকে আহ্বান করে আমার সিদ্ধান্ত মুতাবিক তাদেরকে সমবেত করব। সেদিন আমি আমার শক্রদেরকেও সমবেত করব। সেদিন আমার ভয়ে অস্তরসমূহ কেঁপে উঠবে এবং যারা আমাকে বাদ দিয়ে অন্যান্য ইলাহদের পূজা করেছে, ইলাহগণ তাদের থেকে সঁটকে পড়বে।

বর্ণনাকারী বলেন : ওয়াহব আরো বলেন : মহান আল্লাহ শক্রবার দিন সৃষ্টিকর্ম সমাপ্ত করে পরদিন শনিবার তাদের উদ্দেশ্যে ভাষণ দান করেন। তাতে প্রথমে তিনি নিজের যথাযথ প্রশংসা জ্ঞাপন করেন এবং নিজের পবিত্রতা, পরাক্রম, শ্রেষ্ঠত্ব, ক্ষমতা, রাজত্ব ও প্রতিপালনের কথা উল্লেখ করেন। সৃষ্টিকূল তন্মুল হয়ে তাঁর বক্তব্য শ্রবণ করে। তিনি বলেন : আমি রাজা। আমি

ব্যতীত আর কোন ইলাহ নেই। আমি ব্যাপক রহমত ও উপর্ম নামসমূহের অধিকারী। আমি আল্লাহ। আমি ছাড়া আর কোন ইলাহ নেই। আমি মহান আরশ ও উর্ধ্বজগতের অধিপতি। আমি আল্লাহ। আমি ব্যতীত আর কোন ইলাহ নেই। আমি শক্তি-সামর্থ, অনুগ্রহ, নিআমতরাজি ও বড়াই-এর মালিক। আমি আল্লাহ। আমি ছাড়া আর কোন ইলাহ নেই। আমি আকাশসমূহ ও পৃথিবীর সৃষ্টিকর্তা। আমার মহস্ত-মর্যাদা পূর্ণরূপে বিদ্যমান, আমার রাজত্ব সর্ব বিষয়ে প্রভাব বিস্তার করে আছে, আমার শক্তি সবকিছু বেষ্টন করে রয়েছে। আমার বিদ্যা সবকিছু আয়ত্ত করে রেখেছে, আমার রহমত সবকিছুতে পরিব্যাঙ্গ হয়ে আছে এবং আমার দয়া-অনুগ্রহ সব কিছুতে পৌছে গেছে। আমি আল্লাহ। কাজেই হে সৃষ্টিকুল! তোমরা আমার অবস্থান জেনে রাখ। আকাশসমূহ ও পৃথিবীতে আমি ব্যতীত আর কিছুই নেই। আমাকে ব্যতীত আমার কোন সৃষ্টির অস্তিত্ব স্থায়িত্ব লাভ করতে পারে না। তারা আমার আয়ত্তের মধ্যেই নড়াচড়া করে এবং আমার জীবিকা দ্বারা-ই জীবন ধারণ করে। তার জীবন, মৃত্যু, অস্তিত্ব ও ধ্বংস আমার হাতে। আমি ব্যতীত তার আর কোন ঠিকানা ও আশ্রয় নেই। আমি যদি আমার সৃষ্টি হতে এক পলকের জন্য উদাসীন হয়ে যাই, তাহলে পুরা সৃষ্টিগত লগতও হয়ে যাবে। আমি যদি সৃষ্টি হতে বিমুখ হয়ে আমার যত করে অবস্থান করি, তবে তা আমার কোন ক্ষতি করতে পারবে না এবং আমার রাজত্বেরও কোন ক্ষতি করতে পারবে না। আমি আমার পরাক্রম, রাজত্ব, নূর, প্রচও ক্ষমতা, উচ্চ মর্যাদা ও মহস্তে ইমহিমায় সম্পূর্ণ বে-নিয়াস ও অমুখাপেক্ষী। কাজেই আমার অনুরূপ আর কিছু নেই। আমি ব্যতীত কোন ইলাহ নেই, আমার সমকক্ষ হওয়া এবং আমাকে অঙ্গীকার করা আমার কোন সৃষ্টির পক্ষে সমীচীনও নয়। আচ্ছা, আমি যাকে সৃষ্টি করেছি, সে কিভাবে আমার পরিচয় অঙ্গীকার করবে? আমার রাজত্ব যার ক্ষমতার উপর আধিপত্য বিস্তার করে আছে, সে কিভাবে আমার উপর বড়াই করবে? আমি যার ঝুটি ধরে রেখেছি, সে কিভাবে আমাকে পরাজিত করবে? আমি যাকে আয়ু দান করি, যার দেহকে ব্যাধিগ্রস্ত করি, যার জ্ঞান হ্রাস করি, যাকে মৃত্যু দান করি, সৃষ্টি করি ও বার্ধক্য উপনীত করি, আর সে আমাকে ঠেকাতে পারে না, সেই ব্যক্তি কিভাবে আমার সমকক্ষ হবে? আমার বান্দা, আমার বান্দা ও বাঁদীর সত্তান এবং আমার সৃষ্টি ও মালিকানার আওতাভুক্ত কেউ কিভাবে আমার দাসত্বকে অবজ্ঞা করতে পারে। কিংবা কাল যাকে সৃষ্টি করে এবং রাত-দিনের বিবর্তন যাকে ধ্বংস করে, সে কিভাবে আমাকে বাদ দিয়ে অন্যের উপাসনা করতে পারে? কাল ও রাত-দিনের বিবর্তন আমার-ই ক্ষমতার সামান্য দুটি শাখা। কাজেই হে মৃত্যু ও ধ্বংসীল! আমার পানে ধাবিত হও, আমার পানে ধাবিত হও—অন্য কোন দিকে নয়! আমি নিজের উপর রহমত বাধ্যতামূলক করে নিয়েছি এবং যে আমার নিকট ক্ষমাপ্রার্থনা করবে, তার জন্য ক্ষমার সিদ্ধান্ত নিয়ে রেখেছি। যে ব্যক্তি আমার নিকট ক্ষমা প্রার্থনা করে, নিজেকে আমার চেয়ে বড় মনে করে না এবং আমার সঙ্গে মর্যাদার প্রতিযোগিতায় অবতীর্ণ হয় না, আমি তার ছোট-বড় সব পাপ ক্ষমা করে দিই। কাজেই তোমরা নিজেদেরকে ধ্বংসের মুখে ঠেলে দিও না এবং আমার রহমত থেকে আশাহত হয়ো না। আমার রহমত আমার ক্ষেত্রের উপর প্রবল। সকল কল্যাণের ভাগ্যরসমূহ আমার-ই হাতে। আমি আমার নিজের প্রয়োজনে কোন বস্তু সৃষ্টি করিনি। সৃষ্টি দ্বারা আমার শক্তির বহিপ্রকাশ ঘটানোই আমার উদ্দেশ্য। কাজেই দর্শনকারীরা আমার রাজত্বের দিকে দৃষ্টিপাত করুক, আমার জ্ঞান নিয়ে চিন্তা-গবেষণা করুক,

আমার সপ্তশংস মহিমা জ্ঞাপন করুক, আমার সঙ্গে কাউকে অংশীদার বানানো হতে বিরত হয়ে আমার ইবাদত করুক এবং সবগুলো মুখ আমার সম্মুখে অবনত হোক। ওয়াহ্ব ইব্ন মুনাবিহ হতে আশুরাস বর্ণনা করেন যে, দাউদ (আ) বললেন : হে আল্লাহ! আমি আপনাকে কোথায় পাব? মহান আল্লাহ বলেন : যাদের হৃদয় আমার ভয়ে ভগ্ন, তাদের কাছে।

তিনি আরো বলেন : বনী ইসরাইলের এক ব্যক্তি সতর সপ্তাহ রোয়া রাখে। সে প্রতি সপ্তাহে একদিন ইফতার করত। সে মহান আল্লাহর নিকট প্রার্থনা করত, শয়তান কিভাবে মানুষকে বিভ্রান্ত করে, যেন তিনি তাকে তা দেখান। এভাবে দীর্ঘদিন চলল; কিন্তু মহান আল্লাহ কোন জবাব দিলেন না। সে মনে মনে বলল : আমি যদি আমার অপরাধ, আমার পাপ এবং আমার মহান আল্লাহর মাঝে যে সম্পর্ক রয়েছে তার প্রতি মনোযোগী হই, তা হয়ত আমি যার অনুসন্ধান করে ফিরছি তা অপেক্ষা ভাল হবে। তারপর সে নিজেকে উদ্দেশ্য করে বলল : হে মন! আমি তোমার আগে এসেছি। মহান আল্লাহ যদি তোমার মধ্যে কল্যাণ আছে বলে জানতেন, তাহলে অবশ্যই তোমার প্রয়োজন পূরণ করতেন। এমতাবস্থায় মহান আল্লাহ তাদের নবীর নিকট একজন ফেরেশতাহ প্রেরণ করেন যে, তুমি অমুক ইবাদতকারীকে বল : তোমার আত্মার প্রতি তোমার অবজ্ঞা প্রদর্শন এবং তাকে উদ্দেশ্য করে তুমি যা বলেছ, তা আমার নিকট তোমার ইবাদত অপেক্ষা প্রিয়। মহান আল্লাহ তোমার প্রার্থনা করুল করেছেন এবং তোমার চক্ষু খুলে দিয়েছেন। এখন তুমি তাকাও। লোকটি দৃষ্টিপাত করে দেখতে পায়, ইবলীসের ফাঁদ সমগ্র পৃথিবীকে বেষ্টন করে আছে। আরো দেখতে পায়, মানব সন্তানের এমন কোন সদস্য নেই, যার চারপাশে শয়তানরা মাছির ন্যায় অবস্থান করছে না। দেখে সে বলল : হে আমার রব! এদের থেকে কে রক্ষা পায়? মহান আল্লাহ বলেন : সুস্থির ও কোমল হৃদয়ের মানুষরা।

ওয়াহ্ব বলেন : এক পর্যটক এমন এক ভূমিতে গমন করে, যেখানে শসা আছে। তার মন তাকে সেখান থেকে কিছু নিয়ে নেওয়ার জন্য উদ্বৃদ্ধ করল। কিন্তু তিনি মনকে শাস্তি দিলেন যে, তিনি সেই স্থানে দাঁড়িয়ে তিন দিন পর্যন্ত নামায পড়লেন। এক ব্যক্তি তার নিকট দিয়ে অতিক্রম করে। সে দেখল, সূর্য ও বায়ু তাকে বিবর্ণ করে দিয়েছে। সে বলল : সুবহানাল্লাহ! এই লোকটিকে যেন আগুন দ্বারা ঝলসে দেওয়া হয়েছে! শুনে পর্যটক বলেন : আপনি আমার যে অবস্থা দেখতে পাচ্ছেন, তা হয়েছে আগুনের ভয়ে। যদি আমি আগুনে প্রবেশই করি, তাহলে আমার কী দশা হবে?

তিনি আরো বলেন : পূর্ববুগের এক ব্যক্তি পাপ করে বসল। সে বলল : আল্লাহর শপথ! আমি নিজের জন্য এই শাস্তি বরণ করে নিলাম, জাহানাম থেকে মুক্তি না পাওয়া পর্যন্ত কোন ঘরের ছাদ যেন আমাকে ছায়াপ্রদান না করে। সেই থেকে লোকটি গরম ও শীতের মধ্যে মর়ভূমিতে অবস্থান করতে শুরু করে। একদিন পথ অতিক্রম করার সময় এক ব্যক্তি তার কঠিন অবস্থা দেখে বলল : হে আল্লাহর বান্দা! তোমার এই দশা কেন? সে বলল : জাহানামের শরণ আমার এই দশা ঘটিয়েছে। কিন্তু তখন আমার কী অবস্থা হবে, যখন আমি তাতে প্রবেশ করব?

তিনি আরো বলেন, অকর্ম মানুষ কখনো বুদ্ধিমান হয় না এবং ব্যভিচারী আকাশের রাজত্বের উত্তরাধিকারী হয় না।

ওয়াহ্ব ইব্ল মুনব্বিহ তার ওয়ায়ে বলেন, আজ ভাগ্যবানকে দান করা হয় এবং তার সুযোগ-সুবিধাকে জ্ঞানবানরা অধিক মনে করে। হে মানব সন্তান! তুমি তোমার থেকে অজ্ঞতার অপকারিতা দূরীকরণার্থে আজ সম্পদ সঞ্চয় করছ। তুমি তোমার দলবলকে সজাগ করার নিমিত্তে হিদায়াতের প্রদীপ প্রজ্ঞলিত করেছ। আজকের ন্যায় কারো আলোসহ পথ হারিয়ে ফেলতে আর দেখিনি, যে হতবুদ্ধির ন্যায় সুস্থ লোকের চিকিৎসার জন্য আহ্বান জানাচ্ছে। হে মানব সন্তান! তুমি স্রষ্টা অপেক্ষা বেশী শক্তিশালী নও, সৃষ্টির চেয়েও দুর্বল নও এবং সৃষ্টিকর্তার হাতে যা আছে, যা তুমি অবেষণ করছ, তার উপর তোমার কোন শক্তি নেই। আবার অবেষণকারীর হাতে যা আছে, তা থেকেও তুমি দুর্বল নও। হে মানব সন্তান! তোমার থেকে এমন সম্পদ চলে গেছে, যা তোমার নিকট আর ফিরে আসবে না। পক্ষান্তরে তোমার নিকট যা আছে তা অচিরেই চলে যাবে। কাজেই যা তোমাকে চাই-ই, তার জন্য অস্ত্রিল হয়ে লাভ নেই। যার আশা করা যায় না, তার জন্য লোভ করা চলে না এবং যা অচিরেই চলে যাবে, তা ধরে রাখার কৌশল অবলম্বন করাও সমীচীন নয়। হে মানব সন্তান! তুমি যার নাগাল পাবে না, তার অবেষণ, যা অর্জন করতে পারবে না, তা পাওয়ার চেষ্টা এবং যা পাওয়ার আশা নেই, তার অনুসন্ধান করিয়ে দাও এবং বস্তুসামগ্রী যেমন তোমাকে বসিয়ে রেখেছে, তেমনি তুমি আশা-আকাঙ্ক্ষাকে বেড়ে ফেল। আর জেনে রাখ, অনেক কাংখিত বস্তু-বিষয় অবেষণকারীর জন্য অমঙ্গলজনক। হে মানব সন্তান! বিপদের সময়ই ধৈর্য ধারণ করতে হয়। আর বিপদ অপেক্ষা গুরুতর হলো অসৎ চারিত। হে মানব সন্তান! যুগের কোন দিনগুলোর তুমি অপেক্ষা করছ? সেই দিনের, যে দিনটি আসবে চরম ক্লান্তিসহ। নাকি সেই দিনের, যেই দিন, যার পরিণতি তার আগমনের সময়ের পরও বিলম্বিত হবে? তুমি কালের দিকে তাকিয়ে দেখ, তিন তিনটি। একটি অতীত, তুমি যার আশা করতে পার না। একটি দিন অপরিহার্য। একটি দিন যার আগমন ঘটবে এবং তুমি যার উপর আস্থা রাখতে পারবে না। কাজেই, বিগত দিন তোমার বিপক্ষে গ্রহণযোগ্য সাক্ষী আদায়কারী আমানতদার এবং শিষ্টাচার শিক্ষাদানকারী বিচারক। সে তোমাকে ভীত-সন্ত্রস্ত করে রেখেছে এবং তোমার মাঝে তার অজ্ঞ রেখে গেছে। বর্তমানকাল বিদায়ী বস্তু। তোমার থেকে সে দীর্ঘদিন অদৃশ্য ছিল, তোমাকে ত্যাগ করে দ্রুত চলে যাবে এবং আর ফিরে আসবে না। তার পূর্বে নীতিবান সাক্ষী অতীত হয়েছে।

হে মানব সন্তান! দুনিয়াবাসীরা হল এমন মুসাফির, যারা অন্য ঠিকানায় না পৌছে তাদের কাজওয়ার রশি খুলে না। তারা কৃৎসিত ও নির্লজ্জ কাজে সন্তুষ্ট থাকে। যারা নিআমত দানকারীর কৃতজ্ঞতা আদায় করে ও পুনরুত্থানের জন্য আত্মসমর্পণ করে, তারা কতই না উত্তম। হে মানব সন্তান! প্রতিটি বস্তু তার অনুরূপ বস্তু থেকে নির্গত হয়। আমাদের পূর্বে আমাদের মূল অতীত হয়েছে। আমরা হলাম তাদের শাখা। মূল নিঃশেষ হওয়ার পরে কি শাখার অস্তিত্ব টিকে থাকে? হে মানব সন্তান! সেই ব্যক্তির চেয়ে বড় নির্বোধ আর কেউ নেই, যে বিশ্বাসকে ধ্বংস করেছে এবং অন্যায় কাজ করেছে। হে লোক সকল! আসল স্থায়িত্ব হবে ধ্বংসের পর। আমরা ছিলাম না, সৃষ্টি হয়েছি। অচিরেই আমাদের পরীক্ষা নেওয়া হবে। তারপর আমরা উথিত হব। আজ অপকর্ম ও নির্লজ্ঞতা, কাল দুর্বিপাক। শুনে রাখ, আমাদের প্রতি সর্বস্ব ছিনিয়ে নেওয়ার কিংবা বিপুল প্রতিদানের সময় ঘনিয়ে এসেছে। কাজেই ইহজগত হতে তোমরা যা অগ্রে প্রেরণ করছ, তা পরিশুল্ক করে নাও। হে লোক সকল! এই জগতে তোমরা

এমন একটি লক্ষ্য, যাকে কেন্দ্র করে মৃত্যুরা প্রতিযোগিতা করে বেড়ায়। তোমরা দুনিয়ার যে সহায়-সম্পদের মালিক হয়েছ, একদিন তা লুণ্ঠিত হয়ে যাবে। দুনিয়াতে তোমরা এক নিআমত ত্যাগ না করে আরেক নিআমত লাভ করতে পারবে না। একজন মানুষ জীবনের একটি দিন ধ্বংস না করে আরেকটি দিনে প্রবেশ করতে পারে না, পূর্বের জীবিকা নিঃশেষ না করে নতুনভাবে সম্পদ বৃদ্ধি করতে পারে না এবং একটি অর্জন মৃত্যুবরণ না করা পর্যন্ত আরেকটি অর্জন হাতে আসে না। আমরা মহান আল্লাহর সমীক্ষা প্রার্থনা করছি, যেন তিনি আমাদেরকে বরকত দান করেন।

ওয়াহব ইবন মুনাবিহ বলেন, মহান আল্লাহর একটি হিকমত হলো, তিনি সৃষ্টিকুলকে ডিন্ন চরিত্র ও অবয়বে সৃষ্টি করেছেন। এক জাতের সৃষ্টি আছে, কাল তাদেরকে ক্ষয় করে না, বৃক্ষ বানায় না, জীর্ণ করে না এবং তারা মৃত্যুবরণ করে না। এক ধরনের সৃষ্টি আছে, তাদের খাদ্য ও জীবিকা দেওয়া হয় না। এক ধরনের সৃষ্টি আছে, তারা আহার করে ও জীবিকা লাভ করে। মহান আল্লাহ তাদেরকে সৃষ্টি করেছেন এবং তাদের সঙ্গে তাদের জীবিকাও সৃষ্টি করেছেন। তার থেকে আবার কিছু সৃষ্টি করেছেন স্ত্রে, কিছু জলে। তারপর জল ও স্ত্রের সৃষ্টির জন্য জীবিকা দান করেছেন। কিন্তু স্ত্রের সৃষ্টির জীবিকা জলের সৃষ্টির উপকার করে না, জলের সৃষ্টির খাদ্য স্ত্রের সৃষ্টির উপকার করে না। জলের সৃষ্টি যদি স্ত্রে বেরিয়ে আসে তা হলে মরে যাবে। আবার স্ত্রের সৃষ্টি যদি জলে প্রবেশ করে, মরে যাবে। কাজেই জীবন-জীবিকার বন্টন যাকে উদ্বিগ্ন করে রেখেছে, মহান আল্লাহর এই সৃষ্টি-বৈচিত্র্যের মধ্যে তার জন্য শিক্ষা রয়েছে। কাজেই হে মানব সন্তান! মহান আল্লাহর জীবিকার ভাগ-বন্টনে তোমরা শিক্ষা গ্রহণ কর। কেননা, এমন কোন জীবিকা নেই যা মহান আল্লাহ তার সৃষ্টির মাঝে বন্টন করে দেননি। তা পরিবর্তন করার এবং তাকে উলট-পালট করার সাধ্য কারো নেই। যেমন জলের প্রাণীদের আহার থেকে স্ত্রের প্রাণীরা এবং স্ত্রের প্রাণীদের আহার থেকে জলের প্রাণীরা জীবন রক্ষা করতে পারে না। এমনটা বাধ্য করা হলে সব প্রাণীই ধ্বংস হয়ে যাবে। মহান আল্লাহ যে প্রাণীর জন্য যে জীবিকা সৃষ্টি করেছে, প্রত্যেকে যদি আপন আপন জীবিকায় সুপ্রতিষ্ঠিত হয়, তাহলে তা তাদেরকে সুস্থি ও জীবিত রাখবে। তদুপ মানব সন্তান যখন স্থিরতা অবলম্বন করে এবং তার ভাগে যতটুকু জীবিকা দান করেছেন, তা নিয়ে তুষ্ট থাকে, সেই জীবিকা তাকে জীবন দান করে এবং সুস্থি রাখে। পক্ষান্তরে, যখন সে অন্যের জীবিকায় প্রবৃত্ত হবে, তা তার ক্ষতি করবে ও তাকে অপদস্থ করবে।

তিনি আতা আল-খোরাসানীকে বললেন, তোমাদের পূর্ববর্তী আলিমগণ তাদের ইলমের বদৌলতে অন্যদের দুনিয়া থেকে বিমুখ ছিলেন। তারা দুনিয়াদারদের প্রতি ফিরেও তাকাতেন না এবং তাদের হাতে যে সম্পদ ছিল, তার প্রতিও নয়। ফলে দুনিয়াদারগণ তাদের ইলমের প্রতি আকৃষ্ট হয়ে তাদের জন্য দুনিয়া ব্যয় করত। কিন্তু আমাদের এ যুগের আলিমগণ দুনিয়ার প্রতি আকৃষ্ট হয়ে দুনিয়াদারদের জন্য তাদের ইলম খরচ করে থাকে। সে কারণে আজকাল দুনিয়াদারগণ বীতশুন্দ হয়ে আলিমদের ইলম থেকে বিমুখ হয়ে পড়েছে। কাজেই হে আতা! রাজা-বাদশাহদের দরবার থেকে নিজেকে রক্ষা কর। কেননা, তাদের দরবার ফেতনায় পরিপূর্ণ। তুমি তাদের দুনিয়া থেকে যতটুকু গ্রহণ করবে, তারা তোমার দীন থেকে ততটুকু নিয়ে নেবে।

উমর ইবন আবদুর রহমান আস-সান'আনী থেকে যথাক্রমে জা'ফর ইবন সুলায়মান ও আবদুল্লাহ ইবন আবু বাকর আল-মিকদামী সূত্রে ইবরাহীম আল-জুনায়দ বর্ণনা করেন যে,

উমর ইব্ন আবদুর রহমান বলেন, আমি ওয়াহ্ব ইব্ন মুনাবিহকে বলতে শুনেছি, এক আলিমের তার চেয়েও বড় একজন আলিমের সঙ্গে সাক্ষাৎ হলো। প্রথমজন দ্বিতীয়জনকে জিজ্ঞাসা করেন, আপনার নামাযের ধরন কী? তিনি বললেন, যে জান্নাত-জাহানামের আলোচনা শুনেছে— এমন ব্যক্তি নামায ব্যতীত একটি মুহূর্তও অতিবাহিত করতে পারে বলে আমি মনে করি না। প্রথমজন জিজ্ঞাসা করলেন, তাহলে আপনার মৃত্যুর শ্রবণ কিরণ? বললেন, আমি প্রতি কদমে মনে করি যে, আমি মৃত। প্রথমজন জিজ্ঞাসা করেন, তাহলে আপনার নামায কিরণ? তিনি বললেন, আমি নামায পড়ি এবং ক্রন্দন করি যে, আমার অস্ত্রতে ঘাস জন্মায়। আলিম বললেন, নিজের ইলমের উপর ভরসা করে ক্রন্দন করা অপেক্ষা পাপের কথা স্বীকার করে হাসা ভাল। কেননা, ইলমের উপর ভরসাকারী ব্যক্তির আমল উদ্ধিত হয় না। এবার প্রথমজন বললেন, আপনি আমাকে উপদেশ দিন, আপনাকে বিজ্ঞ বলে মনে হচ্ছে। তিনি বললেন, তুমি দুনিয়াবিমুখ হও এবং দুনিয়া নিয়ে দুনিয়াদারদের সঙ্গে বিবাদ কর না। দুনিয়াতে খেজুরের মত হয়ে থাক। তুমি যদি খেজুর ভক্ষণ কর, তাহলে ভালোটাই তো ভক্ষণ করে থাক। তুমি যদি শক্রের সঙ্গে যুদ্ধে অবর্তীর্ণ হও, তাহলে তাকে সম্পূর্ণরূপে তছনছ করে দিও না এবং কুকুর যেরূপ তার মালিকের হিত কামনা করে, তুমি মহান আল্লাহর তদ্বপ হিত কামনা কর। প্রভু কুকুর ক্ষুধার্থ রাখে, তাড়িয়ে দেয় ও প্রহার করে; কিন্তু তবু কুকুর তার প্রভুকে ঘিরে রাখে, তার হিফায়ত করে ও তার হিত কামনা করে।

ওয়াহ্ব ইব্ন মুনাবিহ যখন এই হাদীসটি উল্লেখ করতেন, তখন বলতেন, আফসোস! হে মানব সন্তান! তুমি মহান আল্লাহর জন্য যতটুকু হিতকামী, কুকুর তার প্রভুর জন্য তার চেয়েও বেশী হিতকামী।

অপর এক বর্ণনায় আছে, প্রথম আলিম বললেন, আমি এমনভাবে নামায পড়ি যে, আমার দু'পা ফুলে যায়। জবাবে অপর আলিম বললেন, তুমি যদি তাওবাকারী হয়ে রাত কাটাতে এবং অনুত্ত হয়ে ভোরে জাগ্রত হতে, তা তোমার পক্ষে দাঁড়িয়ে দাঁড়িয়ে রাত জাগা এবং অবাক্কারী হয়ে রাত পোহানো অপেক্ষা উভয় হতো।

ওয়াহ্ব থেকে যথাক্রমে আসিম আল-মুরাদী, আস-সালত ইব্ন আসিম ও মুহাম্মদ ইব্ন ইমরান ইব্ন আবু লায়লা সূত্রে উচ্ছান্ন ইব্ন আবু শায়বা বর্ণনা করেন যে, ওয়াহ্ব ইব্ন মুনাবিহ বলেন, আদমকে (আ) যখন জান্নাত থেকে নামিয়ে দেওয়া হয়, তখন ফেরেশতাদের শব্দ হারিয়ে যাওয়ার কারণে, তিনি একাকীভু অনুভব করেন। ফলে জিবরাইল (আ) তাঁর নিকট নেমে এসে বললেন, হে আদম! আমি কি আপনাকে একটি বিষয় শিখিয়ে দেব, যা দ্বারা আপনি দুনিয়া ও আবিরাতে উপকৃত হবেন? আদম (আ) বললেন, হ্যাঁ। জিবরাইল (আ) বললেন, আপনি বলুন :

اللَّهُمَّ تَعِمْ لِي النِّعْمَةَ حَتَّى تَمْنَنَنِي الْمَعِيشَةَ - اللَّهُمَّ أَخْتُمْ لِي بِخَيْرٍ حَتَّى لا
تَضْرِبَنِي نُنْوَبِي - اللَّهُمَّ أَكْفِنِي مُؤْنَةَ الدُّنْيَا وَكُلُّ هُوَلٍ فِي الْقِيَامَةِ حَتَّى تَدْخُلَنِي
الْجَنَّةَ فِي عَافِبَةٍ -

‘হে আল্লাহ! আমার জন্য নিআমতকে পরিপূর্ণ করে দিন। যেন জীবনাচার আমাকে স্বাগত জনায়। হে আল্লাহ! আপনি কল্যাণের সঙ্গে আমার জীবনের পরিসমাপ্তি ঘটান, যাতে আমার

পাপসমূহ আমার কোন ক্ষতি করতে না পারে। হে আল্লাহ! আপনি আমাকে দুনিয়ায় পর্যাপ্ত পরিমাণ সম্পদ দান করুন এবং কিয়ামতের দিন সকল ভয়-ভীতি থেকে মুক্ত রেখে নিরাপদে জান্নাতে প্রবেশ করান।’

বাক্তার ইব্ন আবদুল্লাহ সূত্রে আবদুর রায়্যাক বর্ণনা করেন যে, ওয়াহব ইব্ন মুনাবিহ বলেছেন, আমি কোন একটি কিতাবে গেয়েছি, মহান আল্লাহ ইরশাদ করেন, হে মানব সন্তান! তুমি আমার প্রতি ইনসাফ করনি। তুমি আমাকে শ্রবণ কর, আবার ভুলে যাও। আমার নিকট দু'আ করো, আবার আমার থেকে পালিয়ে যাও। তোমার প্রতি আমার কল্যাণ অবতীর্ণ হয়, আর আমার পাঁনে আরোহণ করে তোমার অকল্যাণ। তোমার স্বার্থে একজন মহান ফেরেশতা অব্যাহতভাবে তোমার প্রতি অবতরণ করতে থাকে।

হে মানব সন্তান! আমার নিকট তোমার প্রিয় ও তোমার ঘনিষ্ঠতা সৃষ্টিকারী চরিত্র হলো, আমি তোমার জন্য যা বণ্টন করেছি তাতে তোমার সন্তুষ্ট থাকা। পক্ষান্তরে, আমার নিকট ঘৃণিত ও তোমার ও আমার মাঝে দূরত্ব সৃষ্টিকারী চরিত্র হলো, আমি তোমার জন্য যা বণ্টন করেছি তাতে তোমার অসন্তুষ্ট হওয়া।

হে মানব সন্তান! আমি তোমাকে যা আদেশ করেছি, তাতে তুমি আমার আনুগত্য কর এবং তোমাকে কিভাবে সংশোধন করব, তা তুমি আমাকে শিখাতে এস না। কেননা, আমি আমার সৃষ্টি সম্পর্কে ভালভাবে জানি। আমি তোমার সেই প্রয়োজন সম্পর্কে জ্ঞাত যা তোমাকে তোমার প্রবৃত্তি থেকে উপরে তুলে আনবে। যে ব্যক্তি আমাকে শ্রদ্ধা করে, আমি তাকে শ্রদ্ধা করি। আমার নির্দেশ যার কাছে তুচ্ছ, আমি তাকে অপদস্থ করি। আমি আমার বান্দার হকের প্রতি দৃষ্টিপাত করি না, যতক্ষণ না বান্দা আমার হকের প্রতি দৃষ্টিপাত করে।

ওয়াহব বলেন, আমি আল্লাহ তা'আলার নবরই-এরও অধিক কিতাব পাঠ করেছি। তার সব কঠিতে আমি পেয়েছি—যে ব্যক্তি কোন বিষয়কে নিজের ইচ্ছার কাছে অর্পণ করল, সে কুফরী করল। তিনি আরো বলেন, মানুষ শান্তি লাভ করতে পারে না। মহান আল্লাহই জীবিকাকে কম-বেশী ও ব্যক্তিগতভাবে বণ্টন করেছেন। কাজেই মানব সন্তান যদি তার জীবিকার কোন বস্তুকে কম মনে করে, তাহলে সে মহান আল্লাহর প্রতি আগ্রহ বৃদ্ধি করবে। সে যেন একথা না বলে যে, মহান আল্লাহ যদি আমার এই অবস্থা সম্পর্কে অবহিত হতেন। কিংবা তিনি ব্যক্তীত অন্য কেউ যদি বিষয়টি অনুধাবন করতেন! আচ্ছা, একটি বস্তুকে যিনি যথাযথভাবে সৃষ্টি করেছেন। তিনি সে বস্তু সম্পর্কে অবগত থাকবেন না কেন? যেসব সূত্রে মানুষ পরম্পর শ্রেষ্ঠত্বের দাবী করে। মানব সন্তান তাতে বিশ্বয় প্রকাশ করে, যেন আল্লাহ দেহ, সম্পদ, বর্ণ, জ্ঞান ও বিচক্ষণতায় তাদের মাঝে শ্রেষ্ঠত্বের তুলনা করেছেন। ফলে জীবন-জীবিকায় এখন আর তিনি মানব সন্তানের উপর শ্রেষ্ঠত্বের দাবী করতে পারেন না এবং সহনশীলতা, বিদ্যা, জ্ঞান, এবং দীনের ক্ষেত্রেও তার উপর বড়ত্বের দাবী করতে পারেন না। কেন, মানব সন্তান কি জানে না যে, যে সন্তা তাকে তার বয়সের এমন তিনটি কালে তাকে জীবিকা দান করেছেন, যখন তার কোন উপার্জন ও উপায় ছিল না। সেই সন্তা তাকে চতুর্থ কালেও জীবিকা দান করতে পারেন? তিনি কালের প্রথম কাল হলো, যখন সে তার মায়ের পেটে ছিল। তিনি সেখানে তাকে সৃষ্টি করেন এবং তার উপার্জিত সম্পদ ব্যক্তিতই তাকে জীবিকা দান করেন। তখন তার অবস্থান এক নিরাপদ আধারে। সেখানে তাকে না গরম কষ্ট

দেয়, না শীত, অন্য কিছু, না আছে তার কোন চিন্তা, না কোন দুঃখ। সেখানে তার এমন কোন হাত নেই, যা দ্বারা সে ধরতে পারে। না এমন পা আছে, যা দ্বারা সে চলতে পারে। না তার এমন কোন জবান আছে যা দ্বারা সে কথা বলতে পারে। কিন্তু মহান আল্লাহ্ পরিপূর্ণরূপে সেখানে তার জীবিকা পৌছিয়ে দিয়েছেন। তারপর মহান আল্লাহ্ তাকে সেই অবস্থান থেকে স্থানান্তরিত করে অন্যত্র সরিয়ে নেওয়ার মনস্ত করলেন। তার দ্বিতীয় কাল শুরু হলো। এখানে মহান আল্লাহ্ তাকে তার মায়ের পক্ষ থেকে এমন জীবিকার ব্যবস্থা করেন, যা তার জন্য যথেষ্ট। তার কোন প্রকার সামর্থ্য, শক্তি ধরা ও প্রচেষ্টা ব্যতিরেকেই। আল্লাহ্ পাক নিজ অনুগ্রহে তার নিকট তার জীবিকা পৌছিয়ে দিয়েছেন ও চালু করে দিয়েছেন। তারপর মহান আল্লাহ্ তাকে দ্বিতীয় কাল থেকে তৃতীয় কালে স্থানান্তরিত করার ইচ্ছা করলেন। এবার তিনি তার জন্য মায়ের দুধের পরিবর্তে পিতা-মাতার উপার্জিত সম্পদ দ্বারা জীবিকার ব্যবস্থা করলেন। তা এভাবে যে, তিনি তাদের হৃদয়ে তার প্রতি মমতা সৃষ্টি করে দিয়েছেন। যার ফলে তারা তাদের উপার্জিত সম্পদ দ্বারা তাকে নিজেদেরও উপর প্রাধান্য দিয়ে থাকেন, তার সব প্রয়োজন পূরণ করেন এবং যথাসম্ভব উন্নত খাবার দ্বারা তাকে প্রতিপালিত করেন। অথচ উপার্জনের কাজে সে তাদের কোনই সহায়তা করে না। কিন্তু তারপর যখন তার জ্ঞান-বুদ্ধি হলো, তখন তার মন তাকে বলল, তোমাকে তো তোমার উপার্জন ও প্রচেষ্টার বদৌলতে জীবিকা দান করা হয়। তারপর চতুর্থ কাল তার ভিতরে তার মহান প্রভু সম্পর্কে কু-ধারণা ঢুকিয়ে দেয়। ফলে সে জীবিকা অব্রেষণ এবং অধিক সম্পদ আহরণ করতে গিয়ে মহান আল্লাহর আদেশ-নিষেধ বিনষ্ট করে ফেলে। তারপর রীতিমত দুনিয়া অব্রেষণের প্রতিযোগিতায় অবর্তীণ হয়ে পড়ে। ফলে তা দ্বারা সে বিশ্বাস ও স্মানের দুর্বলতা অর্জন করে এবং তার অন্তর সম্পদ থাকা সত্ত্বেও দারিদ্র্য ও ভয়-ভীতিতে পরিপূর্ণ হয়ে যায়। তার হৃদয় মরে যায় এবং বুঝ-বুদ্ধি লোপ পায়। মানব সন্তান যদি মাআরিফত ও ইল্মের দৃষ্টিতে দৃষ্টিপাত করত, তাহলে অবশ্যই সে বুঝত যে, পূর্ববর্তী তিনিকালে যিনি তাকে অভাবমুক্ত রেখেছিলেন ও জীবিকা দান করেছিলেন এই চতুর্থ কালেও তিনি ব্যতীত আর কেউ তাকে অভাবমুক্ত করতে পারবে না। কাজেই চতুর্থ কালে মহান আল্লাহ্ তার উপর যে আপদ চাপিয়ে দিয়েছেন তাঁর রহমত ছাড়া তা থেকে নিষ্কৃতি লাভ করার তার আর কোন উপায় নেই। কেননা, মানব সন্তান অধিক সন্দেহপ্রায়ণ। এই সন্দেহের কারণে তার প্রজ্ঞা, ইল্ম ও চিন্তাশক্তি কমে যায়। সে যদি চিন্তা করত, তাহলে বুঝতে পারত। আর যদি বুঝত, তাহলে জ্ঞান লাভ করত এবং সেই লক্ষণ জানত, যার দ্বারা মহান আল্লাহর পরিচয় পাওয়া যায়। তাকে যিনি সৃষ্টি করবার সৃষ্টি করেছেন। তারপর তিনি তার সৃষ্টিকে জীবিকা দান করেছেন এবং তার পরিমাণ ঠিক করেছেন।

আতা' আল-খেরাসানী বলেন, একদিন ওয়াহ্-এর সঙ্গে রাস্তায় দেখা হলো। আমি তাকে বললাম, আপনি আমাকে একটি হাদীস বর্ণনা করুন, যা আমি এখানেই আপনার থেকে মুখস্থ করে নেব এবং সংক্ষেপ করুন। তিনি বললেন, মহান আল্লাহ্ হ্যরত দাউদ (আ)-এর নিকট ওহী করলেন, হে দাউদ! আমার ইয়েত ও মহত্ত্বের শপথ! আমার কোন বান্দা যদি আমার কোন সৃষ্টির কাছে না গিয়ে আমার নিকট সাহায্য প্রার্থনা করে তার নিয়ত থেকেই আমি তা জেনে ফেলি। তখন সাত আকাশ ও তার মধ্যে যা আছে, সাত যমীন ও তার মধ্যে যারা আছে, সকলে একত্রিত হয়েও যদি তার বিরুদ্ধে ঘড়্যন্ত করে, আমি তাকে তাদের কবল থেকে মুক্তিলাভ করার পথ করে দেই। আমার ইয়েত ও জালালের শপথ! আমার কোন বান্দা যদি

আমাকে বাদ দিয়ে কোন সৃষ্টির আশ্রয় কামনা করে, আমি তার নিয়ত থেকে তা জেনে ফেলি। তখন আমি তার হাত থেকে আকাশের সব উপায়-উপকরণ বিছিন করে দেই এবং তার নীচ থেকে মাটি নরম হয়ে যায়। তখন সে কোন উপত্যকায় গিয়ে ধৰ্মস হলো, আমি তার পরোয়া করি না।

আবদুস সামাদ ইব্ন মাকাল থেকে আবু হাশিম আস-সানআনী সূত্রে আবু বিলাল আল-আশআরী বর্ণনা করেন যে, আবদুস সামাদ ইব্ন মাকাল বলেছেন, আমি ওয়াহ্ব ইব্ন মুন্বাবিহকে বলতে শুনেছি, আমি মহান আল্লাহর কোন এক কিতাবে পেয়েছি, মহান আল্লাহ বলেছেন, বান্দার পরিণতির জন্য আমিই যথেষ্ট। সে যখন আমার নিকট আমার আনুগত্যে থাকে, সে প্রার্থনা করার আগেই আমি তাকে দান করি এবং আমাকে ডাকার আগেই আমি তাকে সাড়া দেই। আমি তো তার প্রয়োজন জানি।

তিনি আরো বলেন, আমি কোন একটি কিতাবে পড়েছি, বুদ্ধিমান মু'মিন ব্যতীত অন্য কারো ব্যাপারে শয়তান এত অধিক কষ্ট করেন। কেননা, একজন মানুষ যখন বিচক্ষণ ও বুদ্ধিমান ঈমানদার হয়, সে শয়তানের জন্য কঠিন পাহাড় অপেক্ষাও বেশী ভারী হয়। শয়তান বুদ্ধিমান মু'মিনকে বিচ্যুত করার চেষ্টা করে; কিন্তু পারে না। অগত্যা তাকে ত্যাগ করে সে জাহিল-এর নিকট গিয়ে তার সঙ্গে যুক্তি করে তাকে রশিতে বেঁধে ফেলে।

ওয়াহ্ব বলে, মূসা (আ) একদিন উঠে দাঁড়ালেন, দেখে বনী ইসরাইলও দাঁড়িয়ে যায়। তিনি বললেন, তোমরা যে যেখানে আছ থাক। তারপর তিনি তুর পর্বতের দিকে গেলেন। সেখানে তিনি একটি সাদা খাল দেখতে পেলেন, যার মধ্যে বালির ঢিবির চূড়ার ন্যায় সুগন্ধিবৃক্ষ কর্পুর বিদ্যমান। দেখে তিনি বিস্মিত হলেন। তিনি খালে নেমে গোসল করলেন ও কাপড় ধৌত করেন। তারপর উঠে এসে কাপড় শুকালেন। তারপর পুনরায় পানির নিকট গিয়ে গায়ে পানি ছিটালেন। তারপর শুষ্ক কাপড় পরিধান করে তুর পর্বতের শীর্ষে অবস্থিত অপর ঢিবিটির নিকট গেলেন। হঠাৎ দেখতে পেলেন দু'জন লোক একটি কবর খনন করছে। তিনি তাদের নিকট দাঁড়িয়ে গেলেন এবং বললেন, আমি আপনাদের সহযোগিতা করব কি? তারা বলল, হ্যাঁ। তিনি অবতরণ করে কবর খনন করলেন। পরে তিনি বললেন, বলুন তো লোকটি কার মত? তারা বলল, লোক ও আকার-আকৃতিতে আপনার মত। শুনে মূসা (আ) দেখাবার জন্য তাতে চীৎ হয়ে শুয়ে পড়লেন। সঙ্গে সঙ্গে তার উপর মাটি সমান হয়ে যায়। তারপর রাখার্ম পক্ষী ছাড়া আর কেউ মূসা (আ)-এর কবর দেখেন। কিন্তু মহান আল্লাহ পক্ষীটিকেও বধির ও বোৰা করে দিলেন। ওয়াহ্ব ইব্ন মুন্বাবিহ বলেন, আল্লাহ তা'আলা বলছেন, মহান আল্লাহ যদি মৃত মানুষের জন্য পচন লিপিবদ্ধ না করতেন, মানুষ তাদেরকে ঘরেই আটকে রাখত। আর যদি তিনি গোশতের জন্য নষ্ট হওয়া লিপিবদ্ধ না করতেন, তাহলে ধনীরা গরীবদের জন্য গোশত হারাম করে দিত।

ওয়াহ্ব ইব্ন মুন্বাবিহ আরো বলেন, এক আবিদ জনৈক পাদ্রীর নিকট গমন করেন। আবিদ পাদ্রীকে জিজ্ঞাসা করলেন, আপনি এই গির্জায় কত দিন থাবত অবস্থান করছেন? পাদ্রী বললেন, ষাট বছর থাবত। আবিদ বললেন, ষাটটি বছর এখানে আপনি কিভাবে ঢিকে থাকলেন? পাদ্রী বললেন, ষাট বছর অতিক্রান্ত হয়ে গেছে। সময় অতিক্রান্ত হয়েই যায়। দুমিয়াও অতিক্রান্ত হয়ে যায়। আবিদ পাদ্রীকে বললেন, হে পাদ্রী! আপনার মৃত্যুর স্মরণ কিরাপ? বললেন, মহান আল্লাহকে চিনে-জানে এমন বান্দার মৃত্যুর স্মরণ ব্যতীত একটি মুহূর্ত

অতিক্রান্ত হতে পারে বলে আমি ভাবতে পারি না। আমি তো এই বিশ্বাস ছাড়া পা তুলি না যে, এই পা মাটিতে রাখার আগেই হয়ত আমার মৃত্যু হবে। আবার এই বিশ্বাস ছাড়া পা রাখিনা যে, এই পা তোলার আগেই আমার মৃত্যু এসে যাবে। একথা শুনে আবিদ কাঁদতে শুরু করলেন। দেখে পাত্রী তাকে বললেন, তুমি যখন নির্জনে থাক তখন কি এভাবে ক্রন্দন কর? কিংবা বললেন, তুমি যখন নির্জনে থাক, তখন তোমার অবস্থা কেমন থাকে? আবিদ বলল, আমি ইফতার করার সময় ক্রন্দন করি। ফলে আমি অশ্রু মেশানো পানীয় পান করি। নিদ্রা আমাকে আছড়ে ফেলে দেয়। তখন আমি আমার অশ্রু দ্বারা বিছানা ভিজিয়ে ফেলি। পাত্রী বললেন, পাপ স্বীকার করে তোমার হার্সা ইল্ম আছে বলে মহান আল্লাহর উপর ভরসা করে ক্রন্দন করা অপেক্ষা উত্তম। আবিদ বললেন, আপনি আমাকে উপদেশ প্রদান করুন। পাত্রী বললেন, তুমি দুনিয়াতে খেজুর গাছের ন্যায় হয়ে থাক। যদি ভক্ষণ কর, ভালটাই ভক্ষণ কর। যদি রেখে দাও ভালটাই রেখে দাও। যদি কোন বস্তুর উপর পড়ে যাও, তার কোন ক্ষতি করো না। তুমি দুনিয়াতে গাধার মত হয়ে থেক না। গাধার কাজ হল, সে পেট পুরে থায়, তারপর নিজেকে মাটিতে ফেলে রাখে। নিজ প্রভুর জন্য কুকুরের হিতাকাঙ্ক্ষার ন্যায় তুমি মহান আল্লাহর হিত কামনা কর। মালিক তার কুকুরকে অভুক্ত রাখে ও তাড়িয়ে দেয়। কিন্তু তারপরও কুকুর তাদেরকে পাহারা দেয় ও তাদের হিফায়ত করে।

আবু আবদুর রহমান আশরাস বলেন, তাউস যখন এই হাদীস শ্রবণ করতেন, কেঁদে ফেলতেন এবং বলতেন, আমাদের মাওলার জন্য আমাদের হিতাকাংখা অপেক্ষা আপন প্রভুর জন্য কুকুরের অধিক হিতাকাঙ্ক্ষী হওয়া আমাদের জন্য অসহনীয়। এই মতনের অনুরূপ মতন আগেই উল্লিখিত হয়েছে।

ওয়াহব আরো বলেন, মাসীহ (আ)-এর যুগে এক পাত্রী তার গির্জায় নির্জনবাস করেন। এক পর্যায়ে ইবলীস তার সঙ্গে ষড়যন্ত্র করার চেষ্টা করে। কিন্তু তার সঙ্গে পেরে উঠল না। তারপরও শয়তান নানা দিক থেকে তার নিকট আগমন করে। কিন্তু এবারও তাকে ঘায়েল করতে পারলে না। এবার মাসীহ (আ)-এর আকৃতি ধারণ করে এসে পাত্রীকে ডেকে বলল, ওহে পাত্রী! আমার নিকট একটু এস তোমার সঙ্গে আমি কথা বলব। আমি মাসীহ। পাত্রী বললেন, আপনি যদি মাসীহ হয়ে থাকেন, তাহলে আমার কাছে আপনার কোন প্রয়োজন নেই। আপনি কি আমাকে ইবাদত করার আদেশ দেননি? আপনি কি আমাকে কিয়ামতের ওয়াদা দেননি? আপনি আপনার মর্যাদা নিয়ে ফিরে যান। আপনার নিকট আমার কোন প্রয়োজন নেই।

ওয়াহব বলেন, এই উত্তর পেয়ে শয়তান ব্যর্থ হয়ে দুঃখ ভারাক্রান্ত হদয়ে ফিরে যায়। তারপর আর পাত্রীর নিকট আসেনি।

অপর এক সূত্রে ওয়াহব থেকে বর্ণিত আছে যে, তিনি বলেছেন, ইবলীস এক পাত্রীর নিকট তার গির্জায় এসে দরযা খুলতে বলে। পাত্রী জিজ্ঞাসা করলেন, কে আপনি? ইবলীস বলল, আমি মাসীহ। পাত্রী বললেন, আপনি যদি ইবলীস হয়ে থাকেন, তবেই আমি আপনার সঙ্গে একান্তে বসব। আর যদি মাসীহ হয়ে থাকেন, তাহলে আজ আপনার সঙ্গে আমার কোন কাজ নেই। আমাদের নিকট আপনার রব-এর বার্তা এসে পৌছেছে, যা আমরা আপনার নিকট থেকে গ্রহণ করে নিয়েছি। আপনি আমাদের জন্য শরীআত্ম প্রদান করেছেন, আমরা তার উপর

প্রতিষ্ঠিত রয়েছি। কাজেই আপনি চলে যান। ইবলীস বলল, আপনি ঠিকই বলেছেন, আমি ইবলীস। আজকের পর আর কোন দিন আপনাকে বিভ্রান্ত করার মনস্ত করব না। আপনার যা ইচ্ছা হয় আমাকে জিজ্ঞাসা করুন, আমি জবাব দেব। পদ্মী বললেন, সত্য বলবেন তো? ইবলীস বলল, আপনি আমাকে যা যা জিজ্ঞাসা করবেন, আমি সত্য সত্য জবাব দেব। পদ্মী বললেন, মানব সন্তানের কোন চরিত্র দ্বারা আপনারা তাদের বেশী বিভ্রান্ত করতে পারেন? শয়তান বলল, তিনি বিষয়। হঠকারিতা, কৃপণতা ও কৃতজ্ঞতা।

ওয়াহ্ব আরো বলেন যে, মূসা (আ) বলেছেন, প্রভু হে! আপনার কোন বান্দা আপনার নিকট বেশী অগ্রিয়? মহান আল্লাহ্ বললেন, সেই ব্যক্তি, উপদেশ যার কোন উপকার করে না এবং যখন নির্জনে থাকে, আমাকে স্মরণ করে না। মূসা (আ) বললেন, হে আমার প্রভু! যে ব্যক্তি তার জিহ্বা ও অন্তর দ্বারা আপনাকে স্মরণ করে, তার প্রতিদান কি? মহান আল্লাহ্ বললেন, হে মূসা! কিয়ামতের দিন আমি তাকে আমার আরশের নীচে ছায়া দান করব এবং তাকে আমার আশ্রয়ে স্থান দেব।

ওয়াহ্ব বলেন, এক আলিম তাঁর চেয়েও বড় একজন আলিমের সঙ্গে সাক্ষাৎ করে জিজ্ঞাসা করেন, যে বাসগৃহে অপব্যয় নেই, সেটি কোন্টি? তিনি বললেন, যা তোমাকে সূর্য থেকে ঢেকে রাখে এবং বৃষ্টি থেকে নিরাপদ রাখে। জিজ্ঞাসা করলেন, যে খাদ্যে অপব্যয় নেই, সেই খাবার কোন্টি? বললেন, সেই অনাড়ুব্র খাবার, যা ক্ষুধার উপরে ও পরিত্তির নীচে থাকে। জিজ্ঞাসা করলেন, সেই পোশাক কোন্টি যাতে অপব্যয় নেই? বললেন, রং-বেরং ও বৈচিত্র্যহীন সেই পোশাক, যা সতর আবৃত করে এবং গরম ও শীত প্রতিরোধ করে। জিজ্ঞাসা করলেন, সেই হাসি কোন্টি? যাতে অপচয় নেই? বললেন, যে হাসি তোমার চেহারাকে উজ্জ্বল করে, কিন্তু শব্দ শোনা যায় না। জিজ্ঞাসা করলেন, সেই ক্রন্দন কোন্টি, যাতে অপচয় নেই? বললেন, মহান আল্লাহ্ তার ভয়ে ক্রন্দন করায় কখনো অতিষ্ঠ হয়ো না আর দুনিয়ার কোন বস্তুর জন্য ক্রন্দন কর না। জিজ্ঞাসা করলেন, আমি আমার কোন আমল গোপন রাখব? বললেন, আমি ধারণা করিনা যে, তুমি কোন নেক কর্ম করনি। জিজ্ঞাসা করলেন, আমি আমার কোন আমল প্রকাশ করব? বললেন, সৎ কাজের আদেশ, অসৎ কাজে বাধাদান এবং লোভী ব্যক্তি তোমার যে বিষয়টির প্রতি প্রলুক্ষ হয়। আর তুমি মানুষের প্রতি দৃষ্টিপাত করা থেকে বিরত থাক।

ওয়াহ্ব আরো বলেন, প্রতিটি বস্তুর দুটি কোন আর একটি মাঝ আছে। তুমি যদি দুই কোণের এক কোন ধারণ কর, তাহলে অপর কোন ঝুঁকে যাবে। আর যদি মাঝখানটায় ধর, তাহলে সমান সমান হবে। কাজেই, তোমরা বস্তুর মধ্যখান ধারণ কর।

তিনি আরো বলেন, তাওরাতে চারটি কথা লিখা আছে, যে লোক পরামর্শ করে না, সে অনুত্পন্ন হয়। যে ব্যক্তি স্বাবলম্বী হয়, সে প্রভাবশালী হয়। দারিদ্র্য হলো হত্যাজনিত মৃত্যু। যেমন দেবে, তেমন পাবে। যে ব্যবসা করল, সে সত্য-বিচুত হলো।

বাক্সার ইব্ন আবদুল্লাহ্ সুত্রে আবদুল্লাহ্ ইব্ন মুবারক বর্ণনা করেন বাক্সার ইব্ন আবদুল্লাহ্ ওয়াহ্ব ইব্ন মুনাবিহকে বলতে শুনেছেন, এক ব্যক্তি তৎকালীন শ্রেষ্ঠ ব্যক্তিত্ব ছিলেন। মানুষ এসে তাঁর সঙ্গে সাক্ষাৎ করত। তখন তিনি তাদেরকে ওয়ায়-নসীহত করতেন। একদিন লোকজন এসে তাঁর নিকট সমবেত হয়। তিনি বললেন, আমরা দুনিয়া ত্যাগ করে এবং

সীমালংঘনের ভয়ে পরিবার-পরিজন ও ধন-সম্পদ থেকে বিছিন্ন হয়ে এসেছি। কিন্তু বিন্দ-বৈভবের ক্ষেত্রে বিড়শালীদের নিকট এবং রাজত্বের ক্ষেত্রে বাজা-বাদশাহদের নিকট যে পরিমাণ অবাধ্যতা এসে উপস্থিত হয়, আমাদের এই অবস্থায় আমাদের নিকট ও তদপেক্ষা বেশী অবাধ্যতা এসে পড়ার আশংকা করছি। আমাদের কেউ কেউ কামনা করে যে, তার প্রয়োজন পূরণ করা হোক এবং কোন বস্তু ক্রয় করলে যেহেতু তার দীন আছে, সেজন্য সে কামনা করে মানুষ তাকে ভালবাসুক এবং যখন মানুষের সঙ্গে তার সাক্ষাৎ হয়, সে কামনা করে মানুষ তাকে শ্রদ্ধা করব্ক। তারপর তিনি সেই সব আলিম ও আবিদের বিপদাপদ গণনা করতে শুরু করেন, যাদের মনে দীনের কারণে মর্যাদার মোহ অনুপ্রবেশ করছে।

ওয়াহব ইব্ন মুনাবিহ বলেন, বুযুর্গের এই বাণী সর্বত্র ছড়িয়ে পড়ে। এমনকি তা সেই দেশের রাজার কানেও গিয়ে পৌছে। শুনে বাদশাহ বিস্মিত হনেন এবং তাঁর শীর্ষ পারিষদবর্গকে বললেন, লোকটার সঙ্গে সাক্ষাৎ করা দরকার। তারপর একদিন তারা তার সঙ্গে দেখা করার উদ্দেশ্যে বাহনে চড়ে রওয়ানা হয়। আবিদ ইল্ম ও আমলের বিপদাপদ এবং মানুষের মনের গোপন সংবাদ সম্পর্কে উত্তমরূপে জ্ঞাত ছিলেন। তিনি দাঁড়িয়ে উঠি দিয়ে তাঁর বাসস্থানের নীচের ভূমিতে দেখতে পেলেন যে, অশ্ব ও অশ্বারোহী দ্বারা জায়গাটা পরিপূর্ণ হয়ে আছে। তিনি জিজ্ঞাসা করলেন, এটা কী? বলা হলো, এ হলো, বাদশাহ আপনার উত্তম বাণী শুনে আপনাকে সালাম করার জন্য আপনার নিকট এসেছেন। তিনি বললেন, ইন্না লিল্লাহ! আমি তাঁকে কী করব? লোকটা তো আমাদেরকে ধ্রংস করে দিল, যদি না আমরা তাঁকে মহান আল্লাহ'র পক্ষ থেকে দলীল-প্রমাণ দ্বারা বুঝাতে সক্ষম হই। তখন তো তিনি আমাদের প্রতি বিহৃষ্য হয়ে প্রত্যাবর্তন করবেন।

তারপর তিনি তার খাদেমকে জিজ্ঞাসা করলেন, তোমার কাছে কি খাবার আছে? খাদেম বলল, হ্যাঁ আছে। তিনি বললেন, যা আছে, এনে আমাদের সম্মুখে রাখ। খাদেম বলল, আছে তো কিছু ফল, কিছু তরকারি আর যায়তুন। বুযুর্গ বললেন, যা আছে নিয়ে আস। খাদিম খাবারগুলো নিয়ে আসে। বুযুর্গ সকলকে সমবেত হওয়ার নির্দেশ দেন। তারা খাবারের চার পার্শ্বে এসে সমবেত হয়। বুযুর্গ বললেন, এই লোকটি যখন তোমাদের নিকট আসবে, তোমরা কেউ তাঁর প্রতি দৃষ্টিপাত করবে না এবং তার সম্মানার্থে কেউ দাঁড়াবে না। তোমরা খাবারের প্রতি মনোযোগী হয়ে থাকবে। কেউ মাথা তুলবে না। এভাবে হ্যাত মহান আল্লাহ্ তাকে আমাদের প্রতি রুষ্ট করে আমাদের থেকে ফিরিয়ে দিবেন। আমি ফেতনা ও খ্যাতি এবং এতদুভয়ের দ্বারা হৃদয় ভরে যাওয়ার আশংকা করছি। তখন জাহানামের আগুন ছাড়া আমাদের কোন উপায় থাকবে না।

ওয়াহব বলেন, বুযুর্গের এই বক্তব্য শুনে জনতা কেঁদে ফেলল এবং সেই আলিম ব্যক্তি কেঁদে ফেললেন।

যা হোক, তারা যে পাহাড়ে অবস্থান করছিল, তার নিকটে পৌছে বাদশাহ ও তার সঙ্গীরা পায়ে হেঁটে পাহাড়ে উঠে আসেন। যখন তিনি তাদের অবস্থানের নিকট পৌছলেন তারা আহারে নিমগ্ন হয়ে পড়ে। বাদশাহ তাদের সন্নিকটে গিয়ে পৌছেন। তারা তখন আহারে রত। একজনও মাথা তুলে তাঁর দিকে তাকাল না। বুযুর্গ লোকটি যায়তুন মিশ্রিত তরকারি দ্বারা বড় বড় রুটির টুকরা থেকে শুরু করেন। বাদশাহ তাদেরকে সালাম দিয়ে জিজ্ঞাসা করলেন, তোমাদের

মধ্যে আবিদ কে ? তারা ইঙ্গিতে তাঁকে দেখিয়ে দেয়। বাদশাহ তাঁকে উদ্দেশ্য করে বললেন, আপনি কেমন আছেন জনাব! বুয়ুর্গ বললেন, মানুষ যেমন থাকে। তিনি কথা বলছিলেন আর আহার করছিলেন। বাদশাহ বললেন, এই লোকটির নিকট কোন কল্যাণ নেই। তারপর বাদশাহ তাঁর নিকট থেকে সরে পিছন দিকে ফিরে গেলেন এবং বললেন, এই লোকটির নিকট কোন ইলম নেই। বাদশাহ পাহাড় থেকে নেমে গেলে বুয়ুর্গ পাহাড়ের উপর থেকে তার প্রতি তাকিয়ে থাকেন এবং বললেন, হে বাদশাহ! সকল প্রশংসা আল্লাহর যিনি তোমাকে আমার থেকে এমন অবস্থায় ফিরিয়ে নিয়েছেন যে, তুমি আমার প্রতি ক্রুদ্ধ। কিংবা বলেছেন, সকল প্রশংসা সেই মহান আল্লাহর, যিনি তোমাকে আমার থেকে কোন এক বাহনায় ফিরিয়ে নিয়েছেন।

অপর এক বর্ণনায় ইব্নুল মুবারক বর্ণনা করেছেন যে, বুয়ুর্গ বলেছেন, সকল প্রশংসা সেই আল্লাহর যিনি তাকে আমার থেকে এমন অবস্থায় ফিরিয়ে নিয়েছেন যে, সে আমাকে তিরক্ষার করছে।

এক বর্ণনায় আছে যে, এই আবিদ এক সময় রাজা ছিলেন। পরবর্তীতে দুনিয়াবিমুখ হয়ে গেছেন এবং দুনিয়া পরিত্যাগ করেছেন। ঘটনাটি নিম্নরূপ :

জান্নাতের সুসংবাদপ্রাপ্ত এবং নেক আমলকারী এক ব্যক্তি তার নিকট এসে তাকে নসীহত করেন। নসীহত শুনে তিনি তাঁর সাহচর্য অবলম্বন করার জন্য তখনই তার সঙ্গে চলে যেতে প্রস্তুত হয়ে যান। তিনি সিদ্ধান্ত গ্রহণ করেন যে, আবিরাতের অব্যবশ্যে তিনি রাজ্য ত্যাগ করে তাঁরই সঙ্গে চলে যাবেন। তাঁর সন্তান-সন্ততি, পরিবারবর্গ ও রাজ্যের শীর্ষ নেতৃত্বের একটি দলও তার সঙ্গে একমত পোষণ করে। তারা তাদের তালি-তালি নিয়ে বেরিয়ে পড়ে। কিন্তু তাদের একজনও জানে না তারা কোথায় যাবে। এই রাজা ন্যায়পরায়ণ, কল্যাণের অধিকারী ও আল্লাহতীরু লোক ছিলেন। রাজ্য ও রাজত্বের সম্প্রসারণকারী রাজা ছিলেন তিনি। ছিলেন বিপুল সম্পদ ও জনবলের অধিকারী।

যা হোক, তারা রওয়ানা হয়ে গেলেন। এক সময়ে তারা দেশের কোন এক সীমান্ত এলাকায় অবস্থিত এক পাহাড়ে গিয়ে উপনীত হলেন। সেখান প্রচুর গাছ-গাছালী ও পানি বিদ্যমান। তারা সেখানে কিছুকাল অবস্থান করেন। একদিন বাদশাহ বললেন, আমরা তো এই পাহাড়ে অনেক দিন যাবত অবস্থান করছি। দেশের অনেক মানুষ আমাদের কথা শুনেছে। তারা আমাদেরকে ছাড়বে না। এখন আমাদের অন্য কোন দেশে গিয়ে জনমানব থেকে দূরে কোন একস্থানে অবস্থান নেওয়া দরকার। তাতে আশা করি, আমরাও মানুষ থেকে নিরাপদ থাকব, মানুষও আমাদের থেকে নিরাপদ থাকবে। ফলে তারা সেই পাহাড় ছেড়ে অজানা কোন দেশের সন্ধানে বেরিয়ে পড়ে। খুঁজতে খুঁজতে তারা জনমানব থেকে দূরবর্তী একটি পাহাড় পেয়ে যায়। সেখানে অনেক গাছ-গাছালী ও পানি আছে এবং মানুষের চলাচল কম। তারা পাহাড়টির চূড়ায় একটি প্রবহমান পানির ঝরনা এবং বিশাল-বিস্তৃত জর্মি পেয়ে যায়। কে যেন কিছু ফসলাদির চাষও করেছে। তারা সেখানে অবতরণ করে। সেখানে তারা ইবাদত ও বসবাসের জন্য একাধিক ঘর নির্মাণ করে এবং ঝরনার পানি দ্বারা বিভিন্ন তরিতরকারি ও যায়তুন বৃক্ষের চাষ করে। তারা নিজ হাতে চাষাবাদ করে আহার করতে শুরু করে। তারপর পাহাড়ের আশপাশের নিকটবর্তী দেশসমূহে তাদের কথা ছড়িয়ে পড়ে। মানুষ তাদের নিকট আসতে এবং তাদের সঙ্গে দেখা-সাক্ষাৎ করতে শুরু করে। প্রচার হতে হতে বুয়ুর্গের পূর্ববর্ণিত বাণীটিও মানুষের

কাছে প্রচার হয়ে যায়। এক পর্যায়ে কথাটা সে দেশের বাদশাহুর কানে গিয়ে পৌছে। বাদশাহু তার সঙ্গে সাক্ষাতের উদ্দেশ্যে গমন করেন। এভাবে বর্ণনাকারী পুরো ঘটনা উল্লেখ করেন। মহান আল্লাহু ভাল জানেন।

ওয়াহব বলেন, সর্বাপেক্ষা দুনিয়াবিমুখ যদিও সে দুনিয়ার জন্য অলুক হয়- সেই ব্যক্তি যে আমানত রক্ষা করার সঙ্গে উত্তম হালাল উপার্জন ছাড়া সত্ত্বষ্ঠ হয় না। সর্বাপেক্ষা দুনিয়া-আসক্ত যদিও সে দুনিয়া থেকে বিমুখ হয়- সেই ব্যক্তি যে উপার্জনে হালাল-হারাম বিবেচনা করে না। জগতে সর্বাপেক্ষা বদান্য সেই ব্যক্তি যে মহান আল্লাহুর হক আদায়ে বদান্যতা দেখাল। যদিও অন্য ক্ষেত্রে মানুষ তাকে কৃপণ হিসেবে দেখুক। দুনিয়াতে সর্বাপেক্ষা কৃপণ সেই ব্যক্তি, যে মহান আল্লাহুর হকের ক্ষেত্রে কার্পণ্য করল। যদিও মানুষ তাকে অন্য ক্ষেত্রে বদান্য দেখুক।

ওয়াহব ইব্ন মুনাবিহ থেকে যথাক্রমে আতা ইব্ন মুসলিম, মুহাম্মদ ইব্ন আম্র ইব্ন মুকসিম, আলী ইব্নুল মাদীনী ও মু'আয ইব্নুল মুছান্না সূত্রে তাবারানী বর্ণনা করেন যে, ওয়াহব বলেছেন, আল্লাহু তা'আলা মুসা (আ)-এর সঙ্গে এক হাজার স্থানে কথা বলেছেন। তিনি যখনই মহান আল্লাহুর সঙ্গে কথা বলতেন, তিনদিন পর্যন্ত তাঁর চেহারায় নূর দেখা যেত। আর মহান আল্লাহু যেদিন তাঁর সঙ্গে কথা বলেছেন, সেদিন থেকে তিনি কোন নারীকে স্পর্শ করেননি।

রবীআ ইব্ন আবু আবদুর রহমান থেকে যথাক্রমে মুহাম্মদ ইব্ন ইসহাক, আবদুল্লাহ ইব্নুল আজলাহ ও আবদুল্লাহ ইব্ন আমির ইব্ন যারারাহ সূত্রে উচ্চমান ইব্ন আবু শায়বা বর্ণনা করেন যে, রবী'আ ইব্ন আবু আবদুর রহমান বলেছেন, আমি ওয়াহব ইব্ন মুনাবিহকে বলতে শুনেছি, নুরুওয়াত অত্যন্ত ভারী ও কঠিন, শক্তিশালী লোক ব্যতীত এটি বহন করতে পারে না। আর ইউনুস ইব্ন মাত্তা একজন সৎ কর্মপরায়ণ বান্দা ছিলেন। তাঁর চরিত্রে কঠোরতা ছিল। যখন তাঁর উপর নুরুওয়াতের দায়িত্ব অর্পণ করা হলো, তখন তিনি তার ভারে ঢলে পড়ে লাশের গলে যাওয়ার ন্যায় তার নীচে গলে গেলেন। ফলে তিনি তা প্রত্যাখ্যান করে পালিয়ে গেলেন। এ প্রসঙ্গেই আল্লাহু তা'আলা তাঁর নবী (সা)-কে বললেন :

فَاصْبِرْ كَمَا صَبَرَ أُولُو الْعَزْمِ مِنَ الرُّسُلِ

কাজেই তুমি ধৈর্যধারণ কর, যেমন ধৈর্যধারণ করেছিল দৃঢ়প্রতিও রাসূলগণ। (৪৬ : ৩৫)। তিনি আরো বলেন,

فَاصْبِرْ لِحُكْمِ رَبِّكَ وَلَا تَكُنْ كَمَاحِبِ الْحُوتِ إِذْ نَادَى وَهُوَ مَكْظُومٌ

কাজেই তুমি ধৈর্যধারণ কর তোমার প্রতিপালকের নির্দেশের অপেক্ষায় তুমি মৎস্য-সহচরের ন্যায় হয়ো না। সে বিষাদ আচ্ছন্ন অবস্থায় কাতর প্রার্থনা করেছিল (৬৮ : ৪৮)।

ওয়াহব ইব্ন মুনাবিহ হতে যথাক্রমে আবু ইসহাক ইব্ন ওয়াহব সূত্রে ইউনুস ইব্ন বুকায়র বর্ণনা করেন যে, ওয়াহব বলেছেন : মহান আল্লাহু বাতাসকে নির্দেশ প্রদান করেছেন, সৃষ্টির কেউ পৃথিবীতে কোন কথা বললে যেন তা সুলায়মান (আ)-এর কানে দেয়। সে কারণেই তিনি পিপীলিকার কথা শ্রবণ করেছেন।

'আমর ইব্ন দীনার সূত্রে ওয়াহব থেকে সুফিয়ান বর্ণনা করেছেন যে, ওয়াহব বলেছেন, বনী ইসরাইলের কোন লোক চল্লিশ বছর ভ্রমণ করলে তাকে কোন একটি বস্তু দেখানো হতো। তা তার ভ্রমণ কবল হওয়ার আলামত বলে বিবেচিত হতো।'

ওয়াহ্ব বলেন, রবীআ বংশের এক ব্যক্তি চলিশ বছর ভ্রমণ করে। কিছু সে কিছুই দেখেনি। ফলে সে বলল, হে আমার রব! আমি যদি সৎকর্ম করে থাকি আর আমার পিতা-মাতা অন্যায় করে থাকেন, তাতে আমার অপরাধ কী? ওয়াহ্ব বলেন, এবার তাকে এমন কিছু দেখানো হলো, যা অন্য কেউ দেখেনি। অপর এক বর্ণনায় আছে, সে বলেছে, হে আমার রব! আমার পিতা-মাতা যদি খেয়ে থাকে, আমাকে তার খেসারত দিতে হবে কেন? অন্য বর্ণনায় আছে, সে বলেছে, হে আমার রব! আমার পিতা-মাতা যদি অন্যায় করে থাকে, আমি আপনার ইহসান ও পুরক্ষার হতে বঞ্চিত হব কেন? তারপর একথণ মেষ তাকে ছায়াদান করে।

আবদুল্লাহ ইব্নুল মুবারক, রাবাহু ইব্ন যায়দ সূত্রে আবদুল আয়ীয় ইব্ন মারওয়ান থেকে বর্ণনা করেন যে, ইব্ন মারওয়ান বলেছেন, আমি ওয়াহ্ব ইব্ন মুনাবিহকে বলতে শুনেছি, দুনিয়া ও আখিরাতের উপমা হলো দুই সত্তিনের ন্যায়। তুমি যদি দুটির একটিকে সন্তুষ্ট কর, তাহলে অপরটি রঞ্চ হবে।

তিনি আরো বলেন, মহান আল্লাহর সঙ্গে শিরক - এর পর মহান আল্লাহর নিকট সবচেয়ে বড় পাপ হলো জাদু। আবদুর রায়াক ওয়াহ্ব ইব্ন মুনাবিহ হতে বর্ণনা করেন যে, ওয়াহ্ব বলেন, মানুষ যখন রোগ রাখে, তখন তার চোখ লক্ষ্যচ্যুত হয়। তারপর যখন সে মিষ্টান্ন দ্বারা ইফতার করে, তখন তার দৃষ্টিশক্তি ফিরে আসে।

ইব্নুল মুবারক বাকর ইব্ন আবদুল্লাহ থেকে বর্ণনা করেন যে, বাকর ইব্ন আবদুল্লাহ বলেন, আমি ওয়াহ্ব ইব্ন মুনাবিহকে বলতে শুনেছি, এক আবিদ ব্যক্তি আরেক আবিদ ব্যক্তির নিকট দিয়ে অতিক্রম করতে গিয়ে তাকে চিন্তাযুক্ত দেখতে পান। ফলে তাঁকে জিজ্ঞাসা করেন, আপনার কী হলো? তিনি বললেন, অমুক ব্যক্তির অবস্থা দেখে আমি বিস্মিত হই যে, এত বেশী ইবাদত করা সত্ত্বেও দুনিয়া তার প্রতি আসঙ্গ! তিনি বললেন, যে ব্যক্তি দুনিয়ার প্রতি আসঙ্গ হয়েছে, সে কিভাবে আসঙ্গ হলো, তা ভেবে বিস্মিত হয়ো না। বরং সেই ব্যক্তির জন্য বিস্মিত হও, যে দৃঢ়পদ থেকেছে যে, সে কিভাবে দৃঢ় রয়েছে।

বাক্সার ইব্ন আবদুল্লাহ থেকে যথাক্রমে আবদুর রায়াক ও ইমাম আহমাদ ইব্ন হাস্বল সূত্রে আবদুল্লাহ ইব্ন ইমাম আহমাদ বর্ণনা করেন যে, বাক্সার ইব্ন আবদুল্লাহ বলেন, আমি ওয়াহ্ব ইব্ন মুনাবিহকে বলতে শুনেছি, বনী ইসরাইলের উপর আঘাত ও অন্টন নেমে আসে। ফলে নবী (সা) বললেন, মহান আল্লাহ যাতে সন্তুষ্ট হন, আমরা তা জেনে নিয়ে তাঁর অনুসরণ করতে চাই। মহান আল্লাহ তাঁর নিকট ওহী প্রেরণ করলেন, তোমার সম্প্রদায় বলছে, তারা যখন তাদেরকে সন্তুষ্ট করে, আমি সন্তুষ্ট হই। পক্ষান্তরে, তারা যখন তাদেরকে রঞ্চ করে, আমি রঞ্চ হই।

উমর ইব্ন আবদুর রহমান হতে যথাক্রমে ইবরাহীম ইব্ন খালিদ ও ইমাম আহমাদ ইব্ন হাস্বল সূত্রে আবদুল্লাহ ইব্ন ইমাম আহমাদ বর্ণনা করেন যে, উমর ইব্ন আবদুর রহমান বলেন, আমি ওয়াহ্ব ইব্ন মুনাবিহকে বলতে শুনেছি, দুসা (আ) ও তাঁর হাওয়ারীগণ কিংবা বলেছেন, তার একদল সঙ্গী এক কবরের নিকট দণ্ডয়ামান ছিলেন। বর্ণনাকারী বলেন, কবরের অধিবাসীকে তখন কবরে নামানো হচ্ছিল। তারা কবরের অঙ্ককার ও সংকীর্ণতার কথা উল্লেখ করে। দুসা (আ) বললেন, তোমরা এর চেয়েও সংকীর্ণ জায়গায় অবস্থান করেছিলে-অর্থাৎ তোমাদের মা'দের গর্ভাশয়ে। পরে যখন মহান আল্লাহ সম্প্রসারণ করার ইচ্ছা করলেন সম্প্রসারণ করলেন।

আবদুল্লাহ্ ইবনুল মুবারক বাক্সার ইব্ন আবদুল্লাহ্ থেকে বর্ণনা করেন যে, বাক্সার বলেন, আমি ওয়াহ্ব ইবন মুনাবিহকে বলতে শুনেছি, এক পর্যটক আবিদ ছিলেন। শয়তান তাকে কামনা লোভ ও ক্রোধ-এর দিক হতে ঘায়েল করার চেষ্টা করে। কিন্তু এক পছায়ও সে তাকে ঘায়েল করতে সক্ষম হলো না। তারপর সাপের আকৃতি ধারণ করে তার সমুখে উপস্থিত হয়। তিনি তখন নামায পড়ছিলেন। কিন্তু তা সত্ত্বেও তিনি নামায অব্যাহত রাখেন এবং তার প্রতি ফিরেও তাকালেন না। এবার শয়তান তার দু'পায়ের উপর কুণ্ডলী পাকিয়ে বসে যায়। কিন্তু তাতেও তিনি তার প্রতি জ্ঞাপে করলেন না। এবার সে তার কাপড়ের মধ্যে ঢুকে গিয়ে তাঁর মাথার দিক থেকে নিজের মাথাটা বের করে রাখে। কিন্তু আবিদ তাতে জ্ঞাপে করলেন না এবং পিছনেও সরলেন না। তারপর যখন তিনি সিজদা করতে উদ্যত হন, তখন সে তার সিজদার জায়গায় কুণ্ডলী পাকিয়ে বসে যায়। যখন তিনি সিজদা করার জন্য মাথা রাখেন, তাঁর মাথাটা গিলে খাওয়ার জন্য সে তার মুখ হা করে। যখন তিনি মাথা রাখেন, তাকে সরিয়ে দিয়ে সিজদা করতে সক্ষম হন।

তারপর শয়তান একজন মানুষের আকৃতি ধারণ করে তাঁর নিকট এসে বলল, আমি আপনার সেই সঙ্গী, যে আপনাকে ভয় দেখায়। আমি কামনা, ক্রোধ ও লোভের দিক দিয়ে আপনার নিকট এসেছিলাম। আমিই ব্যাপ্তি ও সাপের আকৃতি ধারণ করে আপনার নিকট আসতাম, কিন্তু আপনাকে ঘায়েল করতে সক্ষম হইনি। এখন আমি আপনার সঙ্গে বন্ধুত্ব স্থাপন করার সিদ্ধান্ত গ্রহণ করেছি এবং আজকের পর আর কখনো আমি আপনার নামাযের মধ্যে আসব না। আবিদ বললেন, আমি তোমার ভয়ে ভীত হওয়ার পাত্র নই। আর আজ তোমার সঙ্গে বন্ধুত্ব স্থাপনেরও আমার কোন আবশ্যক নেই। শয়তান বলল, আমাকে যা খুশী জিজ্ঞাসা করুন, আমি আপনাকে উত্তর দেব। আবিদ বললেন, তোমাকে কিছু জিজ্ঞাসা করার প্রয়োগ আমার নেই। শয়তান বলল, আপনি কি আমাকে আপনার সম্পদ সম্পর্কে জিজ্ঞাসা করবেন না যে, আপনার অবর্তমানে তা কী করা হয়েছে? আবিদ বললেন, সম্পদ নিয়ে যদি আমার কোন ভাবনাই থাকত, তাহলে আমি কখনো তা থেকে বিছিন্ন হতাম না। শয়তান বলল, আপনি কি আমাকে আপনার পরিজন সম্পর্কে জিজ্ঞাসা করবেন না যে, তাদের কে মৃত্যুবরণ করেছে আর কে বেঁচে আছে? আবিদ বললেন, আমি তাদের আগে মৃত্যুবরণ করব। শয়তান বলল, আপনি কি আমাকে জিজ্ঞাসা করবেন না, আমি মানুষকে কী দ্বারা বিভ্রান্ত করি? আবিদ বললেন, তুমি তাদের চেয়েও বিভ্রান্ত। তবে তুমি মানব সন্তানকে যা দ্বারা বিভ্রান্ত কর, তার মধ্যে সবচেয়ে মযবুত বিষয় কোনটি? শয়তান বলল, তিনটি স্বভাব—কৃপণতা, কঠোরতা ও মেশা। কেননা, মানুষ যখন কৃপণ হয়, তখন আমরা তার চোখে তার সম্পদকে কম করে দেখাই এবং মানুষের সম্পদে তাকে আগ্রহী করে তুলি। আর যখন সে কঠিনপ্রাপ্ত হয়, তখন শিশুরা যেমন বল হাত বদল করে থাকে, তেমনি আমরাও তাকে হাত বদল করি। যদিও সে মৃতকে জীবিত করে, তবু আমরা তার ব্যাপারে নিরাশ হই না। আর সে যা কিছু নির্মাণ করে, আমরা তা ধ্বংস করে দেই। আমাদের কথা একটাই। পক্ষান্তরে, মানুষ যখন নেশাগ্রস্ত হয়, তখন আমরা তাকে যে কোন অপকর্ম ও অপমান-লাঞ্ছনার দিকে হাঁকিয়ে নেই, যেমনি বিড়ালের কান ধরে ইচ্ছামত হাঁকানো হয়।

ওয়াহ্ব আরো বলেন, আয়ুব (আ) বিপদগ্রস্ত অবস্থায় সাত বছর অতিবাহিত করেন। ইউসুফ (আ) কারাগারে নিষিদ্ধ হয়ে সাত বছর কাটান। বখতনাসর আকৃতি-বিকৃত হয়ে হিংস্র পক্ষদের মাঝে সাত বছর অতিবাহিত করেন।

ওয়াহ্বকে দীনার ও দিরহাম সম্পর্কে জিজ্ঞাসা করা হয়েছিল। তিনি উত্তরে বললেন, দীনার-দিরহাম হলো, বিশ্ব-প্রতিপালকের সীলমোহর। পৃথিবীটা হলো, মানব সন্তানের এমন জীবনোপকরণ, যা খাওয়াও যায় না, পানও করা যায় না। বিশ্ব-প্রতিপালকের সীলমোহরটা নিয়ে তুমি সেখানেই যাবে, তোমার প্রয়োজন পূরণ করতে পারবে। আর তা হলো মুনাফিকদের লাগাম, তা দ্বারা তাদেরকে প্রযুক্তির দিকে হাঁকিয়ে নেওয়া হয়।

ওয়াহ্ব থেকে যথাক্রমে সাম্মাক ইব্নুল মুফায্যল, মামার ও ইব্নুল মুবারক সূত্রে দাউদ ইব্ন উমর আয্যাবী বর্ণনা করেন যে, ওয়াহ্ব বলেছেন, যে ব্যক্তি আমল বিহীন দু'আ করে তার দৃষ্টান্ত সেই ব্যক্তির ন্যায় যে ছিল ছাড়া তীর নিক্ষেপ করে।

ইব্নুল মুবারক উমর ইব্ন আবদুর রহমান ইব্ন মাহরাব থেকে বর্ণনা করেন যে, উমর ইব্ন আবদুর রহমান বলেন, আমি ওয়াহ্বকে বলতে শুনেছি, জনেক অভিজ্ঞন বলেছেন, আমি শুধু জাহানাতের আশায় মহান আল্লাহর ইবাদত করতে লজ্জাবোধ করি। তখন তো আমি মন্দ মজুরের ন্যায় হয়ে যাব, যে যদি দান করা হয়, কাজ করবে, যদি না দেওয়া হয় কাজ করবে না। আর আমি শুধু জাহানামের ভয়েও মহান আল্লাহর ইবাদত করতে লজ্জাবোধ করি। তখন তো আমি মন্দ গোলামের ন্যায় হয়ে যাব, যে যদি ভয় দেখানো হয়, কাজ করবে, ভয় না দেখানো হলে কাজ করবে না। আমার নিকট হতে যতটুকু আল্লাহপ্রেম প্রকাশ পায়, অন্য কিছু ততটুকু প্রকাশ পায় না।

সুরুরী ইব্ন ইয়াহ্বইয়া বলেন : ওয়াহ্ব ইব্ন মুনাবিহ মাকহুল-এর নিকট পত্র লিখেন : আপনি তো ইসলামের বাহ্যিক ইলম দ্বারা মানুষের নিকট ভালবাসা ও মর্যাদা অর্জন করে নিয়েছেন। এবার মানুষের গুণ ইল্ম দ্বারা মহান আল্লাহর নিকট ভালবাসা ও নৈকট্য অর্বেষণ করুন। আর জেনে রাখুন, দুই ভালবাসার একটি অপরটিকে প্রতিহত করে। কিংবা বলেছেন : অচিরেই অপরটি তোমাকে বারণ করবে।

যাফির ইব্ন সুলায়মান আবু সিনান আশ-শায়বানী হতে বর্ণনা করেন যে, আবু সিনান বলেন : আমাদের নিকট সংবাদ পৌছেছে যে, ওয়াহ্ব ইব্ন মুনাবিহ বলেছেন : লুকমান তাঁর ছেলেকে বলেছেন : বৎস! দুনিয়া ও আধিরাতের লাভের উদ্দেশ্যে মহান আল্লাহর আনুগত্যকে ব্যবসা হিসেবে গ্রহণ কর। স্টামান হলো তোমার জাহাজ, যাতে তোমাকে বহন করা হবে। মহান আল্লাহর উপর তাওয়াক্তুল হলো সেই জাহাজের পাল। দুনিয়া হলো তোমার সমুদ্র। দিনসমূহ তোমার ঢেউ। নেক আমল তোমার ব্যবসা, তুমি যার লাভ আশা কর। গন্মীত হলো তোমার হাদিয়া, যা দ্বারা তুমি তোমার মর্যাদা কামনা কর এবং তার লোভ তাকে হাঁকিয়ে নিয়ে যায়। মনকে তার প্রবৃত্তি হতে ফিরিয়ে রাখা হলো জাহাজের নোঙর। মৃত্যু হলো তার কিনারা। মহান আল্লাহ তার স্বত্ত্বাধিকারী এবং তাকে তাঁর-ই নিকট প্রত্যাবর্তন করতে হবে। যার মূলধন যত বেশী এবং নিয়ত যত পরিচ্ছন্ন, পত্তা যত খাঁটি, সে মহান আল্লাহর তত প্রিয়, শ্রেষ্ঠ ও নৈকট্যশীল ব্যবসায়ী। পক্ষান্তরে মহান আল্লাহর নিকট সবচেয়ে অপ্রিয় সেই ব্যবসায়ী, যার পুঁজি কম, পথ-পত্তা নিকৃষ্ট। মন-মানসিকতা নোংরা যদিও তোমার ব্যবসা উত্তম হবে, লাভ বৃদ্ধি পাবে। যখন তোমার পথ-পত্তা নিষ্ঠাপূর্ণ হবে, তুমি সম্মান পাবে।

অপর এক বর্ণনায় আছে, ওয়াহ্ব ইব্ন মুনাবিহ বলেছেন : লুকমান (আ) তাঁর ছেলেকে বলেছেন : বৎস! মহান আল্লাহর আনুগত্যকে পুঁজি বানাও; সবদিক থেকে ব্যবসা আসবে।

আল্লাহ'ভীতিকে তোমার জাহাজ, মহান আল্লাহ'র উপর তাওয়াক্কুলকে তার বিছানা, মহান আল্লাহ'র প্রতি ঈমানকে তার পাল, উপকারী ইলম ও নেক আমলকে তোমার সমুদ্ররপে গ্রহণ কর। তবেই আশা করা যায়, তুমি মুক্তিলাভ করবে। তবে আমি তোমাকে মুক্তিলাভকারী হিসেবে দেখছি না।

আবদুল্লাহ ইবনুল মুবারক রাবাহ ইবন যায়দ সূত্রে জনৈক ব্যক্তি হতে বর্ণনা করেছেন যে, তিনি বলেছেন : সম্পদের যেমন সীমালংঘন আছে, তেমনি ইলমেরও সীমালংঘন আছে।

আকীল ইবন মুনাবিহ হতে যথাক্রমে গাওছ ইবন জাবির, আবু কুদামা হাস্থাম ইবন মাসলুমা ইবন উক্বা ও উবায়দ ইবন মুহাম্মদ আস-সান 'আনী সূত্রে তাবারানী বর্ণনা করেন যে, আকীল ইবন মুনাবিহ বলেন : আমি আমার চাচা ওয়াহব ইবন মুনাবিহকে বলতে শুনেছি : মহান আল্লাহ'র প্রতিদান হলো স্থগিত বিষয়। কিন্তু যে ব্যক্তি আমল করে না, সে তার হকদার হয় না। যে তা অবেষণ করে না, সে তা পায় না। যে তার প্রতি দৃষ্টিপাত করে না, সে তা দেখে না। আল্লাহ'র আনুগত্য সেই ব্যক্তির নিকটবর্তী, যে তার প্রতি আগ্রহী হয় এবং সেই ব্যক্তি থেকে দূরে, যে তার নিকট হতে বিমুখ হয়। যে তার প্রতি প্রলুক্ষ হয়, সে সে পর্যন্ত পৌছে যায়। যে ব্যক্তি তাকে ভালবাসে না, সে তা পায় না। যে ব্যক্তি তার নাগাল পায় না, যে ধীরগতিতে চলে। মহান আল্লাহ'র আনুগত্য সেই ব্যক্তিকে সম্মানিত করে, যে তাকে সম্মান করে। পক্ষান্তরে, যে তা বিনষ্ট করে, তাকে সে লাঞ্ছিত করে। মহান আল্লাহ'র কিতাব তার দিক-নির্দেশনা করে এবং মহান আল্লাহ'র প্রতি ঈমান তার প্রতি উদ্বৃদ্ধ করে।

উমর ইবন আবদুর রহমান হতে ইবরাহীম ইবন খালিদ সূত্রে ইমাম আহমাদ বর্ণনা করেন যে, উমর ইবন আবদুর রহমান বলেন : আমি ওয়াহব ইবন মুনাবিহকে বলতে শুনেছি, দাউদ (আ) বলেছেন : হে আমার রব! আপনার কোন্ বান্দা আপনার নিকট বেশী অধিয় ? মহান আল্লাহ' বললেন : সেই মু'মিন যার আকার-গঠনও সুন্দর, আমলও সুন্দর। দাউদ (আ) বললেন : হে আমার রব! আপনার কোন্ বান্দা আপনার নিকট বেশী অধিয় ? মহান আল্লাহ' বলেন : সুন্দর আকৃতির কাফির, সে অকৃতজ্ঞতা প্রকাশ করুক, কিংবা কৃতজ্ঞতা প্রকাশ করুক, তার ক্ষেত্রে দু-ই সমান।

ইমাম আহমাদ বর্ণিত অপর এক বর্ণনায় আছে : কোন্ বান্দা আপনার নিকট বেশী অধিয়? মহান আল্লাহ' বলেন : সেই বান্দা, যে আমার নিকট অনুগ্রহ প্রার্থনা করল। আমি তাকে অনুগ্রহ করলাম; কিন্তু সে তাতে সন্তুষ্ট হলো না।

ওয়াহব ইবন মুনাবিহ হতে যথাক্রমে আবদুস সামাদ ইবন মা'কাল, আবদুল মুনইম ইবন ইদরীস ও ইবরাহীম ইবন সাঈদ সূত্রে ইবরাহীম ইবনুল জুনায়দ বর্ণনা করেন যে, ওয়াহব ইবন মুনাবিহ বলেন : এক পর্যটক আল্লাহ' তা'আলার ইবাদত করতেন। একবার ইবলীস তাঁর নিকট এসে মানুষের ঝুঁপধারণ করে তাকে দেখতে শুরু করে যে, সে আল্লাহ'র ইবাদত করছে। সে তাঁর চেয়েও বেশী ইবাদত করতে থাকে। তার সাধনা ও ইবাদত দেখে পর্যটক তাকে ভালবাসে। একদিন পর্যটক জায়নামায়ে উপবিষ্ট ছিলেন। এমন সময় শয়তান তাকে বলল : আমরা যদি শহরে প্রবেশ করে মানুষের সঙ্গে মিশে গিয়ে তাদের জুলাতনে ধৈর্যধারণ করি,

তাদেরকে (সৎ কাজের) আদেশ করি এবং (অসৎ কাজে) বাধাদান করি, তাহলে আমরা বেশী সওয়াব পাব। পর্যটক তার আহ্বানে সাড়া দেন। পর্যটক যখন তার সঙ্গে রওয়ানা হওয়ার উদ্দেশ্যে তাঁর ঘরের দরবা দিয়ে এক পা বের করেন, অপ্রতি এক আওয়ায়দানকারী আওয়ায দেয়— এই। লোক শয়তান, তোমাকে বিভ্রান্ত করা তার উদ্দেশ্য। শুনে পর্যটক বললেন : যে পা আল্লাহর অবাধ্যতা এবং শয়তানের আনুগত্যের মিশন নিয়ে বের হলো, সে আমার সঙ্গে যেতে পারবে না। ফল এই দাঁড়াল যে, উক্ত স্থান হতে সে পা সরাবার আগেই দুনিয়া ত্যাগ করল।

ফলে আল্লাহ তা'আলা কোন এক কিতাবে তার উল্লেখ করেছেন এবং তাকে ‘পা-ওয়ালা’ আখ্য দিয়েছেন।

ওয়াহ্ব বলেন : সমকালের শ্রেষ্ঠতম এক ব্যক্তি এমন এক রাজার নিকট গমন করেন, যিনি শূকরের গোশ্ত ভক্ষণে বাধ্য করে দেশের জনগণকে ভ্রান্ত ও কুফরের দিকে ঠেলে দিতেন। তার ক্ষমতায় থাকা মানুষের জন্য মহাবিপদ হয়ে দাঁড়ায়। একদিন রাজার পুলিশ প্রধান বুর্যুর্গকে বললেন : হে আলিম ! আপনি একটি ছাগল— যার গোশ্ত খাওয়া আপনার জন্য হালাল— যবাহ করে আমাকে দিন। আমি স্বতন্ত্রভাবে সেটি আপনার জন্য প্রস্তুত করব। রাজা যখন শূকরের গোশ্ত আনতে বলবেন, তখন আমার নির্দেশে সে ছাগলের গোশ্ত এনে আপনার সম্মুখে রাখা হবে। আপনি তার থেকে হালাল গোশ্ত ভক্ষণ করবেন আর রাজা দেখবেন, আপনি ও জনগণ শূকরের গোশ্ত ভক্ষণ করছেন। কথা অনুযায়ী উক্ত আলিম একটি ছাগলছানা যবাহ করে পুলিশ প্রধানকে দিয়ে দেন। পুলিশ প্রধান তাঁর জন্য প্রস্তুত করেন এবং বাবুচিদেরকে নির্দেশ দেন, রাজা যখন এই আলিমকে শূকরের গোশ্ত খাওয়াবার আদেশ করবেন, তখন তোমরা এই ছাগলের গোশ্তগুলো তাঁর সম্মুখে নিয়ে উপস্থিত করবে। এই আলিম শূকরের গোশ্ত ভক্ষণ করেন কিনা দেখার জন্য জনতা সমবেত হলো। তারা বলল : তিনি যদি ভক্ষণ করেন, তাহলে আমরাও ভক্ষণ করব। আর যদি তিনি বিরত থাকেন, আমরাও বিরত থাকব। রাজা আসলেন। তাদের জন্য শূকরের গোশ্ত আনতে বললেন। জনতার সামনে শূকরের গোশ্ত রাখা হলো। উক্ত আলিমের সামনে রাখা হলো যবাহ করে রান্না করা সেই ছাগলের গোশ্ত। মহান আল্লাহ আলিমকে ইলহাম করলেন। তিনি বললেন : আমি না হয় সেই ছাগলের গোশ্ত খেলাম, যার হালাল হওয়া আমার জানা। কিন্তু যারা জানে না, তাদেরকে আমি কী করব ? মানুষ তো আমাকে অনুসরণ করার জন্য আমার খাওয়ার অপেক্ষা করবে। অথচ তারা এটাই জানবে যে, আমি শূকরের গোশ্তই খেয়েছি। ফলে আমার অনুসরণে তারাও (শূকরের গোশ্ত) ভক্ষণ করবে। ফলে কিয়ামতের দিন আমিও তাদেরই অন্তর্ভুক্ত হব, যারা তাদের পাপের বোঝা বহন করবে। আল্লাহর শপথ ! আমি তা করব না, যদিও আমাকে হত্যা করা হয়, যদিও আমাকে আগুনে ভস্ম করা হয়। তিনি খেতে অস্তীকৃতি জানান এরপর রাজা তাকে খাওয়ার আদেশ করেন। কিন্তু তিনি অস্তীকার করেন। তারা তাকে পীড়ি পীড়ি করল। তারপরও তিনি অস্তীকার করলেন। ফলে রাজা পুলিশ প্রধানকে তাকে হত্যা করার নির্দেশ দেন। হত্যার পূর্বে পুলিশ প্রধান তাঁকে জিজ্ঞাসা করলেন, আপনি নিজে যবাহ করে যে গোশ্ত আমাকে দিলেন, তা খেতে আপনাকে কে বারণ করল ? আপনি কি ভেবেছেন, আমি আপনাকে সেই গোশ্ত না দিয়ে অন্য গোশ্ত দিয়েছি ? আল্লাহর শপথ ! আমি তা করিনি। জবাবে আলিম তাকে বললেন : আমি জানি, এই গোশ্ত সেই গোশ্ত-ই। কিন্তু

আমার আশংকা মানুষ আমাকে অনুসরণ করবে। তারা আমার খাওয়ার অপেক্ষা করছে। তারা বুঝবে, আমি শূকরের গোশত-ই ভক্ষণ করেছি। ভবিষ্যতেও মানুষ বলবে অমুক শূকরের গোশত খেয়েছে। এভাবে আমি তাদের জন্য বিভাস্ত হওয়ার কারণ হব। তারপর তাঁকে হত্যা করা হলো। মহান আল্লাহ তাঁকে রহম করুন। একজন আলিমের যে কোন দোষ-ক্রটি এড়িয়ে চলা এবং নিষিদ্ধ কাজ থেকে পরহেয়ে করা উচিত। কেননা, আলিমের পদস্থলন ও দোষ-ক্রটি এক ধরনের বিপদ। অন্যরা যার অনুসরণ করে থাকে। মুআম ইব্ন জাবাল বলেন : বিজ্ঞ লোকের সাধারণ ক্রটি থেকে নিজেকে রক্ষা কর।

অন্যরা বলেন : আলিমের পদস্থলন থেকে নিজেকে রক্ষা কর। কেননা, আলিম যখন পদস্থলিত হয়, তার সামনে বড় আলিমও হন। তাই যত ছোট-ই হোক স্থলনকে আলিমের তুচ্ছ জ্ঞান করা উচিত নয়। যে সব ক্রুরসত বিষয়ে আলিমগণ মতবিরোধ করেছেন। তার উপর আমল না করা উচিত। কেননা, আলিমগণ হলেন সকল অঙ্গ আম-জনতার লাঠি। সেই লাঠি দ্বারা তারা ব্যর্থ করে দেওয়ার লক্ষ্যে সত্যের উপর আঘাত হানে এবং বলে, আমি অমুক আলিমকে, অমুককে অমুককে এ কাজ করতে দেখেছি। আলিমের ব্যক্তিগত আচরণ এড়িয়ে চলা উচিত। কেননা, অনেক সময় নিজ অভ্যাসমত কাজ করেন, কিন্তু অজ্ঞরা তাকে জাইয় সুন্নত কিংবা ওয়াজিব ভেবে বসে। যেমন : বলা হয়ে থাকে : আলিমকে জিজ্ঞাসা কর; তিনি তোমাকে সত্য বলবেন। কিন্তু তার অভিনব কাজের অনুসরণ কর না। তাই তাকে জিজ্ঞাসা কর; তিনি যদি দীনদার হয়ে থাকেন, তাহলে তিনি তোমাকে সত্য বলবেন। তাছাড়া এ যুগের অধিকাংশ আলিমের প্রতি দৃষ্টিপাত করে বহু মানুষ নষ্ট হয়ে গেছে। এই যখন অবস্থা, তখন তাদের সঙ্গে মেলামেশা ও উঠাবসার পরিণতি কী হবে, সহজেই অনুমেয়। তবে-

مَنْ يَهْدِ اللَّهُ فَهُوَ الْمُهْتَدِ وَمَنْ يُضْلِلْ فَلَنْ تَجِدَهُ وَلِيَا مُرْشِداً

আল্লাহ যাকে সৎপথে পরিচালিত করেন সে সৎপথপ্রাপ্ত এবং তিনি যাকে পথব্রহ্ম করেন, তুমি কখনই তার কোন পথপ্রদর্শনকারী অভিভাবক পাবে না (১৮ : ১৭)।

আবু আবদুর রায়্যাক হতে আবদুর রায়্যাক সূত্রে মুহাম্মদ ইব্ন আবদুল মালিক ইব্ন যানজাবিয়া বর্ণনা করেন যে, আবু আবদুর রায়্যাক বলেন : আমি ওয়াহ্ব ইব্ন মুনাবিহকে বললাম : আপনার তো নিয়ম ছিল, আপনি স্বপ্ন দেখে পরে তা আমাদেরকে অবহিত করতেন এবং আমরাও আপনার অনুরূপ স্বপ্ন দেখতাম। তিনি বললেন, যেদিন আমি বিচারকের পদে আসীন হয়েছি, সেদিন থেকে তা আমার থেকে চলে গেছে। আবদুর রায়্যাক বলেন : আমি মা'মারকে বিষয়টি অবহিত করলে তিনি বললেন : আর হাসানকে যেদিন বিচারকের পদে আসীন করা হয়, সেদিন থেকে আর তার বুঝ-বুদ্ধির প্রশংসা করা হ্যানি। কাজেই হে শাহুর! তোমার পর আর কোন কার্য নিরাপদ থাকবে? তোমার এই যুগের যেসব আলিম দুনিয়ার আবর্জনায় ডুবে আছে, তার অবস্থা কী হবে? বিশেষত তৈমুর লংগের ফেতনার পর থেকে। কেননা, আজকাল হৃদয়গুলো দুনিয়ার মোহে পরিপূর্ণ হয়ে আছে। কাজেই ইল্ম আর সেখানে স্থান পাচ্ছে না। কাজেই শুরু-শেষ দেখার উদ্দেশ্যে তুমি তাদের যার সঙ্গে খুশী উঠাবসা কর। তবে শুরুটাই যেন তোমাকে হালকা না করে ফেলে। কাজের ফলাফল বুঝা যায় শেষ পরিণতি দ্বারা। মহান আল্লাহ ইরশাদ করেন :

وَمَنْ يَتَّقِ اللَّهَ يَجْعَلُ لَهُ مَخْرَجًا وَيَرْزُقُهُ مِنْ حَيْثُ لَا يَحْتَسِبُ

যে ব্যক্তি আল্লাহ'কে ভয় করে, আল্লাহ' তার পথ করে দিবেন এবং তাকে তার ধারণাতীত উৎস হতে দান করবেন রিয়্ক। (৬৫ : ২-৩)

ওয়াহ্ব বলেন : মু'মিনের জন্য বিপদাপদ হলো পশ্চ দড়ির ন্যায়।

আবু বিলাল আল-আশআরী আবু শিহাব আস-সান'আনী ও আবদুস সামাদ সূত্রে ওয়াহ্ব হতে বর্ণনা করেন যে, ওয়াহ্ব বলেছেন : সে ব্যক্তি বিপদগ্রস্ত হলো, যে নবীদের পথে চলল।

আবদুল্লাহ' ইবন ইমাম আহমাদ ইবন হাস্বল আবদুর রায়খাক ও মুনয়ির সূত্রে বর্ণনা করেন যে, মুনয়ির বলেন : আমি ওয়াহ্ব ইবন মুনাবিহকে বলতে শুনেছি : আমি কোন এক হাওয়ারীর কিতাবে পড়েছি : যখন তোমাকে কোন বিপদগ্রস্তের পথে পরিচালিত করা হয়, তখন তুমি খুশী হও। কেননা, তোমাকে নবী ও সৎকর্মশীলগণের পথে চালিত করা হয়েছে।

উহমান ইবন বাযদুবিয়াহ' থেকে যথাক্রমে উমায়া ইবন শাব্ল, ইবরাহীম ইবন খালিদ ও আহমাদ ইবন জা'ফর সূত্রে ইমাম আহমাদ বর্ণনা করেন যে, উহমান ইবন বাযদুবিয়া বলেন : আমি ওয়াহ্ব ও সাঈদ ইবন জুবায়র-এর সঙ্গে আরাফার দিন ইবন আমির-এর খেজুর তলায় উপস্থিত ছিলাম। তখন ওয়াহ্ব সাঈদকে বলেন : যেদিন তুমি হাজারের ভয়ে পলায়ন করেছিলে, সেদিন তোমার কী দশা ঘটেছিল হে আবু আবদুল্লাহ' ? তিনি বলেন : আমার স্ত্রী গর্ভবতী ছিল। তার গর্ভস্থিত সন্তানের মুখমণ্ডল বেরিয়ে এসেছে। ঠিক এমন সময় আমি আমার স্ত্রীকে রেখে বেরিয়ে পড়েছি। শুনে ওয়াহ্ব বলেন : তোমাদের পূর্বেকার মানুষ যখন বিপদগ্রস্ত হতো তারা তাকে আশা গণ্য করত। আর যখন আশাব্যঞ্জক কিছু আপত্তি হতো তাকে বিপদ গণ্য করত।

আবদুল্লাহ' ইবন আহমাদ বর্ণনা করেন যে, ওয়াহ্ব বলেছেন : আমি কোন এক কিতাবে পড়েছি : আমার এমন কোন বান্দা নেই, যে জাদু করেনি কিংবা তাকে জাদু করা হয়নি, নিজে অদৃষ্টের কথা বলেনি কিংবা তার অদৃষ্টের কথা বলা হয়নি, নিজে কুলক্ষণ গ্রহণ করেনি কিংবা তার কুলক্ষণ গ্রহণ করা হয়নি। যে ব্যক্তি এমনটি হয়েছে তার উচিত আমাকে ছাড়া সবকিছু ত্যাগ করা। কেননা, সত্তা একমাত্র আমি-ই এবং সব সৃষ্টি আমার-ই জন্য।

ওয়াহ্ব থেকে যথাক্রমে তায়মী, জা'ফর ইবন মুহাম্মদ রিবাহ ও ইবরাহীম ইবন খালিদ সূত্রে ইমাম আহমাদ বর্ণনা করেন যে, ওয়াহ্ব বলেন : বিত্তবানদের জান্নাতে প্রবেশ করা যতনা সহজ, তার চেয়ে বেশী সহজ সুইয়ের ছিদ্রপথে উট প্রবেশ করা। আমার মতে, এর কারণ হলো, হিসাবের কঠিনতা এবং বিত্তবানদের কষ্টের মধ্যে দীর্ঘ সময় দাঁড়িয়ে থাকা। মহান আল্লাহ' ভাল জানেন।

বাক্কার থেকে আবদুর রায়খাক সূত্রে ইমাম আহমাদ বর্ণনা করেন যে, বাক্কার বলেন : আমি ওয়াহ্বকে বলতে শুনেছি : সমতা বর্জন করাও 'তাতফীফ' (ওয়নে কম দেওয়া)-এর অন্তর্ভুক্ত।

ওয়াহ্ব থেকে যথাক্রমে মুহাম্মদ ইবন জাহাদাহ, মুহাম্মদ ইবন তালহা এবং হাজাজ ও আবুল নাসর সূত্রে ইমাম আহমাদ বর্ণনা করেন যে, ওয়াহ্ব বলেন : যে ব্যক্তি ইবাদত করে তার শক্তি বৃদ্ধি পায়। আর যে অলসতা করে, তার দুর্বলতা বৃদ্ধি পায়।

অন্যরা বলেন : এক শীতের রাতে এক ব্যক্তি স্বপ্নে দেখল যে, শুভকায় এক ব্যক্তি তার নিকট এসে বলল : উঠে নামায পড়। নামায তোমার জন্য সেই নিদ্রা হতে উত্তম, যা তোমার দেহকে দুর্বল করে দেয়। বর্ণনাকারী বলেন : এই মর্মে আমি একটি হাদীস দেখেছিলাম, যা এ মুহূর্তে আমার শ্মরণ নেই।

এতো পরীক্ষিত বিষয় যে, ইবাদত দেহকে প্রফুল্ল ও কোমল রাখে। পক্ষান্তরে, নিদ্রা দেহকে অলস বানায়, ফলে দেহ কঠিন হয়ে যায়।

কোন এক পূর্বসূরী আলিম বলেন : যাল্লাহ ইব্ন আশীম একদিন জঙ্গলে প্রবেশ করে রাতভর নামায পড়ে। ভোরবেলা দেখা গেল, যেন সে তোশকের উপর শয়ে রাত্যাপন করেছে, আমাকে মনে হলো দুর্বল ও অলস, যা মহান আল্লাহ ব্যতীত কেউ জানতেন না। হাসানকে জিজ্ঞাসা করা হলো : যারা ইবাদত করে, তাদের চেহারা এত সুন্দর হয় কেন? জবাবে তিনি বললেন : তারা মহান প্রভুর সঙ্গে নির্জনবাস করেছে। ফলে তিনি তাদেরকে আপন নূরের পোশাক পরিধান করিয়েছেন।

ইয়াহ্যা ইব্ন আবু কাছীর বলেন : আল্লাহর শপথ! বাসর রাতে নিজ স্ত্রীর সঙ্গে নির্জন বাসের আনন্দ অপেক্ষা মহান প্রভুর সঙ্গে নির্জনে কথা বলার আনন্দ বেশী।

আতা' আল-খুরাসানী বলেন : রাতের ইবাদত দেহের জন্য জীবনীশক্তি, অন্তরের নূর, চেহারার উজ্জ্বলতা এবং চোখ ও অন্যসব অঙ্গ-প্রত্যঙ্গের শক্তি। একজন মানুষ যখন রাত জেগে ইবাদত করে, সকালে সে আনন্দিত অবস্থায় আত্মপ্রকাশ করে। পক্ষান্তরে, যখন মানুষ সারারাত ঘুমিয়ে থাকে, সকালে যখন জাগ্রত হয়, তখন সে থাকে দুঃখিত ও মনভাঙ্গা, যে সে কিছু একটা হারিয়ে ফেলেছে। বাস্তরিকই সে নিজের বিরাট এক উপকারী সম্পদ হারিয়ে ফেলেছে।

বিলাল থেকে যথাক্রমে আবু ইদরীস আল-খাওলানী, রবীআ ইব্ন ইয়ায়ীদ, মুহাম্মদ আল-কারাশী, বাকর ইব্ন হুবায়শ, হাশিম ইব্নুল কাসিম আবুন নাসর ও আবু জাফর আহমাদ ইব্ন মুনী' সূত্রে ইব্ন আবুদ দুন্ইয়া বর্ণনা করেন যে, বিলাল বলেন, রাসূলুল্লাহ (সা) বলেছেন : তোমরা রাত জেগে ইবাদত কর। কেননা, তা তোমাদের পূর্বেকার নেক্কার লোকদের চরিত্র। রাতের ইবাদত হলো মহান আল্লাহর নৈকট্য, পাপের প্রতিবন্ধক, গুনাহের কাফ্ফারা এবং দেহ থেকে শয়তানের বিতাড়ন।

অন্যরা ভিন্ন সূত্রে এ হাদীস বর্ণনা করেন : তোমরা রাত জেগে ইবাদত কর। কেননা, তা তোমাদের পূর্বেকার নেক্কার লোকদের চরিত্র।

হযরত আবু হুরায়রা (রা) হতে বর্ণিত আছে, রাসূলুল্লাহ (সা) বলেছেন : তোমাদের কেউ যখন নিদ্রা যায়, তখন শয়তান তার গ্রীবার নিকট তিনটি গিরা দেয়। প্রতিটি গিরার সময়ে বলে : তোমার জন্য দীর্ঘ রাত আছে; তুমি ঘুমিয়ে থাক। তারপর যখন সে জাগ্রত হয় এবং মহান আল্লাহকে শ্মরণ করে, তখন একটি গিরা খুলে যায়। যখন উয়ু করে, একটি গিরা খুলে যায়। যখন নামায আদায় করে, তখন একটি গিরা খুলে যায়। এভাবে প্রফুল্ল অবস্থায় তার রাত পোহায়। অন্যথায় তার রাত পোহায় বাজে মন নিয়ে অলস অবস্থায়।

হযরত হুদ (আ) বলেছেন- কুরআনের ভাষায় : لَكُمْ مَا لَكُمْ مِّنَ اللَّهِ غَيْرُهُ : তোমরা মহান আল্লাহর ইবাদত কর; তিনি ব্যতীত তোমাদের আর কোন ইলাহ নেই (২৩ : ৩২)।

আল-বিদায়া বকেন : وَيَزِدْ كُمْ قُوَّةً إِلَى قُوَّتْكُمْ : তিনি তোমাদেরকে আরো শক্তি দিয়ে মেরুদণ্ড শক্তি বৃদ্ধি করবেন। (১১ : ৫২)

এখনের শক্তি বলতে সকল শক্তি-ই বুঝানো হয়েছে। তার অর্থ হলো, মহান আল্লাহ্ তাঁর ইস্মাইলীয়ের ইমান, ইয়াকীন, ধীন ও তাওয়াক্কুল ইত্যাদি সর্বপ্রকার শক্তি বৃদ্ধি করে দেন। অন্তর্ভুক্ত আদের প্রথম, দৃষ্টি, দেহ, সম্পদ এবং সত্তানাদি ইত্যাদিতে তাদের শক্তি বৃদ্ধি করে দেন। যত্কৃত আল্লাহ্ ভাল জানেন।

ইস্মাইল আহমাদ ইস্মাইল ইব্ন আবদুল করীম সূত্রে আবদুস সামাদ হতে বর্ণনা করেন যে, অবশ্য সামাদ ওয়াহ্বকে বলতে শুনেছেন : তুমি দান কর। মানুষ জানে, সে অগ্রে তার সম্পদ দেবেন করেছে। যা কিছু সে পিছনে ফেলে গেছে, তা অন্যের সম্পদ। আমার অভিমত : এই উচ্চি হৃদীসের উচ্চির অনুরূপ। হাদীসে আছে : তোমাদের কার নিকট নিজের সম্পদ অপেক্ষা উচ্চরসূর্যাদের সম্পদ বেশী প্রিয় ? লোকেরা বলল : আমাদের প্রত্যেকের-ই নিকট উচ্চরাধিকারীদের সম্পদ অপেক্ষা নিজের সম্পদ বেশী প্রিয়। নবী (সা) বললেন : নিজের সম্পদ হলো সেই সম্পদ, যা সে অগ্রে প্রেরণ করেছে। আর উচ্চরাধিকারীদের সম্পদ হলো যা সে পিছনে রেখে গেছে। আবদুস সামাদ বলেন : আমি শুনেছি, ওয়াহ্ব মিশ্রের বসে বলছেন : তোমরা আমার নিকট হতে তিনটি কথা মুখস্থ করে রাখ। তোমরা পূজারী প্রবৃত্তি, মন্দ লোকের সহচর ও আত্মারিতা থেকে নিজেকে রক্ষা কর। আমি এই শব্দগুলো হাদীসে দেখেছি।

ইররাহীম ইবনুল হাজ্জাজ থেকে ইউনুস ইব্ন আবদুস সালাম ইব্ন মা'কাল সূত্রে ইমাম আহমাদ বর্ণনা করেন যে, ইবরাহীম ইবনুল হাজ্জাজ বলেন, আমি ওয়াহ্বকে বলতে শুনেছি : শয়তানের নিকট সবচেয়ে প্রিয় মানব সত্তান হলো যারা বেশী ঘূমায় ও বেশী খায়।

ইমরান ইব্ন আবদুর রহমান আবুল হৃষায়ল থেকে গাওস ইব্ন জাবির সূত্রে ইমাম আহমাদ বর্ণনা করেন যে, ওহব বলেছেন : আল্লাহ্ তা'আলা নেক্কার বান্দাকে মানুষের সমালোচনা থেকে নিরাপদ রাখেন।

ওয়াহ্ব ইব্ন মুনাবিহ হতে যথাক্রমে ইমরান আবুল হৃষায়ল ও ইবরাহীম ইব্ন আকীল সূত্রে ইমাম আহমাদ বর্ণনা করেন যে, ওয়াহ্ব ইব্ন মুনাবিহ বলেন : এমন কোন মানুষ নেই, যার সঙ্গে শয়তান নেই। শয়তান কাফিরের সঙ্গে আহার করে, পান করে ও তার সঙ্গে তার বিছানায় ঘুমায়। পক্ষান্তরে মু'মিনের পার্শ্বে দাঁড়িয়ে শয়তান অপেক্ষা করে, কখন সে উদাসীন হয়ে পড়ে। শয়তানের নিকট প্রিয় মানুষ হলো যারা বেশী খায় ও বেশী ঘূমায়।

ওয়াহ্ব থেকে যথাক্রমে দাউদ ইব্ন আবু হিন্দ ও বিশ্র ইব্ন মানসুর-এর ভাইয়ের ছেলে আবুল মু'তামির সূত্রে মুহাম্মদ ইব্ন গালিব বর্ণনা করেন যে, ওয়াহ্ব ইব্ন মুনাবিহ বলেছেন : আমি কোন এক নবীর উপর আকাশ হতে নায়িল হওয়া কোন এক কিতাবে পড়েছি : আল্লাহ্ তা'আলা ইবরাহীম (আ)-কে বললেন : জান, আমি কেন তোমাকে খলীলরূপে গ্রহণ করেছি ? ইবরাহীম (আ) বললেন : না, হে আমার রব ! মহান আল্লাহ্ বলেন : তুমি নামায়ে আমার সম্মুখে অবনত হয়ে দণ্ডায়মান হও, সে জন্য।

ইদরীস ইব্ন ওয়াহব ইব্ন মুনাবিহ হতে যথাক্রমে আবৃ বাকর ইব্ন আয়্যাশ ও মুহাম্মদ ইব্ন আয়্য সূত্রে আবদুল্লাহ ইব্ন আহমাদ ইব্ন হাফল বর্ণনা করেন যে, ইদরীস ইব্ন ওয়াহব বলেন, আমার পিতা বলেছেন : সুলায়মান ইব্ন দাউদ (আ)-এর একশত ঘর ছিল, যার উপরাংশ ছিল সীসার এবং নিম্নাংশ লোহার। একদিন তিনি বাতাসে চড়ে এক কৃষকের উপর দিয়ে অতিক্রম করেন। দেখে কৃষক সুলায়মান (আ)-এর রাজ্যের বিশালতা প্রকাশ করে। লোকটি বলল : অবশ্যই দাউদ বংশকে বিশাল রাজত্ব দান করা হয়েছে। বাতাস কৃষকের উক্তিটি বয়ে নিয়ে সুলায়মান (আ)-এর কানে দেয়। বর্ণনাকারী বলেন : ফলে সুলায়মান (আ) আদেশ করলে বাতাস থেমে যায়। তারপর তিনি নীচে অবতরণ করে পায়ে হেঁটে কৃষকের নিকট গমন করে বললেন : আমি তোমার উক্তি শুনেছি এবং পায়ে হেঁটে এজন্য তোমার নিকট এসেছি যেন মহান আল্লাহ অনুগ্রহপূর্বক আমাকে যে ক্ষমতা দান করেছেন, তুমি তার কামনা না কর। কারণ, তিনি-ই আমাকে এর জন্য নির্বাচন করেছেন এবং আমাকে সাহায্য করেছেন। তারপর তিনি বলেন : আল্লাহর শপথ! তুমি কিংবা কোন মু'মিন হতে মহান আল্লাহর কবৃলকৃত একটি তাসবীহ দাউদ বংশের রাজত্ব অপেক্ষা উত্তম। কেননা, দাউদ বংশকে যা দান করা হয়েছে, তা নিঃশেষ হয়ে যাবে আর তাসবীহ স্থায়ী থাকবে। আর স্থায়ী বস্তু ধ্বংসশীল বস্তু অপেক্ষা উত্তম। শুনে কৃষক বলল, মহান আল্লাহ আপনার চিন্তা দূর করে দিন, যেমনটি আপনি আমার চিন্তা দূর করে দিয়েছেন।

ওয়াহব ইব্ন মুনাবিহ থেকে আকীল ইব্ন মা'কাল ও ইবরাহীম ইব্ন আকীল ইব্ন মা'কাল সূত্রে ইমাম আহমাদ বর্ণনা করেন যে, ওয়াহব ইব্ন মুনাবিহ বলেন, আল্লাহ তা'আলা হ্যরত মুসা (আ)-কে একটি নূর দান করেছিলেন। হারুন (আ) মুসা (আ)-কে বলেন, ভাইজান! এটি আমাকে দিয়ে দিন। ফলে মুসা (আ) সেটি হারুন (আ)-কে দিয়ে দেন। পরবর্তীতে হারুন (আ) সেটি দান করেন তাঁর ছেলেকে। অপরদিকে বায়তুল মুকাদ্দাসে একটি পেয়ালা ছিল, যাকে নবী ও রাজা-বাদশাহগণ শ্রদ্ধা করতেন। এক পর্যায়ে হারুন (আ)-এর দুই ছেলে তাতে মদ পান করতে শুরু করে। ফলে আকাশ হতে আগুন নেমে এসে হারুন (আ)-এর উভয় ছেলেকে ছোঁ মেরে নিয়ে উপরে উঠে যায়। দেখে হারুন (আ) ভয় পেয়ে যান এবং আকাশ পানে মুখ করে অনুনয়-বিনয় করে মহান আল্লাহর সাহায্য প্রার্থনা করেন। মহান আল্লাহ তাঁর প্রতি ওহী প্রেরণ করেন, হে হারুন! আমি যেখানে আমার অনুগত গোষ্ঠীর নাফরমান লোকদের সঙ্গে এই আচরণ করি, সেখানে আমার অবাধ্য গোষ্ঠীর নাফরমান লোকদের সঙ্গে আমার আচরণ কীরূপ হবে?

হাকাম ইব্ন আবান বলেন, জনৈক সান্ত্বানী আমার মেহমান হন। তিনি বললেন, আমি ওয়াহব ইব্ন মুনাবিহকে বলতে শুনেছি, সপ্তম আকাশে আল্লাহ পাকের একটি ঘর আছে, যার নাম 'আল-বায়া'। মু'মিনগণের রহস্যমূহ সেখানে সমবেত হয়। দুনিয়ার কোন মানুষের মতও হলে রহস্যমূহ তার সঙ্গে সাক্ষাৎ করে তাকে দুনিয়ার খবরা-খবর জিজ্ঞাসা করে। প্রবাসী মানুষ যেকোন আপনজনের সঙ্গে সাক্ষাৎ হলে পরিজনের খৌজ-খবর জিজ্ঞাসা করে থাকে।

ওয়াহব আরো বলেন, যে ব্যক্তি নিজের প্রবৃত্তিকে পদতলে রাখে, শয়তান তার যুলুমে ভীত-সন্ত্রস্ত হয়ে উঠে। কাজেই যার ইল্ম প্রবৃত্তির উপর জ্যলাভ করে, সে বিজয়ী আলিম।

ফুয়ায়ল ইব্ন ইয়ায বলেন, মহান আল্লাহ্ কোন এক নবীর নিকট ওহী প্রেরণ করেন, আমার চোখের শপথ! যারা আমার জন্য কষ্ট স্বীকার করে ও আমার সত্ত্বষ্ঠি অব্রেশগে পরিশ্রম করে যখন তারা আমার ঘরে চলে আসবে ও আমার নিআমতের উদ্যানে প্রবেশ করবে, তখন আমি তাদের সঙ্গে কঠই না উত্তম আচরণ করব! যারা অধিক পরিমাণ আমল করে, তাদের জন্য সুসংবাদ নিকটতম বস্তুর অভিনব দর্শনের। তোমার কি মনে হয়, আমি তাদের আমলকে ভুলে যাব? তা কিভাবে সম্ভব! অথচ, আমি মহান অনুগ্রহশীল, যারা আমার থেকে বিমুখ হয়, তাদের প্রতিও স্নেহশীল। এমতাবস্থায় যারা আমার অভিমুখী আমি তাদের সঙ্গে কিরণ আচরণ করব? যে ব্যক্তি কোন অন্যায় করল এবং অপরাধকে আমার ক্ষমার তুলনায় শুরুতর মনে করল, তার প্রতি আমি যতটুকু রুষ্ট হই, অন্য কারণে আমি ততটুকু রুষ্ট হই না। আমি যদি কাউকে শাস্তিদানে তাড়াহড়া করতাম কিংবা তাড়াহড়া করা যদি আমার শান হত, তাহলে যারা আমার দয়া হতে নিরাশ, আমি তাদেরকে দ্রুত শাস্তি প্রদান করতাম। আমি অবাধ্য মানুষদেরকেও কতটুকু অনুগ্রহ করি, যদি আমার মু'মিন বান্দারা তা দেখত, তাহলে তারা আমার অনুগ্রহ ও মহানুভবতায় অপবাদ আরোপ করত। আমি এমন মহা দানশীল যে, আমার অবাধ্যতা আমার দানশীলতাকে হালাল করতে পারে না। যে ব্যক্তি আমার আনুগত্য করল, সে আমারই অনুগ্রহে আমার আনুগত্য করল। যে ব্যক্তি আমার সম্মুখে দণ্ডায়মান হওয়াকে ভয় করল, তাকে লাঞ্ছিত করায় আমার কোন প্রয়োজন নেই। কিয়ামতের দিন যদি আমার বান্দারা দেখত যে, আমি কিভাবে প্রাসাদসমূহকে উঁচু করি, তাহলে তারা চক্ষু বিক্ষারিত করে আমাকে জিজ্ঞাসা করত, এগুলো কার জন্য? আমি বলব, এগুলো সেই ব্যক্তির জন্য, যে আমাকে এমন পাপ উপহার দিয়েছে, যে তার উপর আমার অবাধ্যতাকেও অপরিহার্য করেনি এবং আমার রহমত থেকে নিরাশ হওয়াকেও নয়। আর যারা আমার প্রশংসা করে, আমি তাদেরকে তার বদলা দিয়ে থাকি। কাজেই তোমরা আমার প্রশংসা কর।

ওয়াহ্ব থেকে যথাক্রমে মুহাজির আল-আসাদী, আবদুর রহমান আবু তালুত, আবদুল্লাহ্ ইব্ন মুহাম্মদ ইব্ন উক্বা ও সালামা ইব্ন আসিম সূত্রে সালামা ইব্ন শাবীর বর্ণনা করেন যে, ওয়াহ্ব বলেন, ঈসা ইব্ন মারইয়াম (আ) তাঁর হাওয়ারীদেরসহ এমন একটি গ্রাম অতিক্রম করেন, যার সব অধিবাসী মারা গেছে— মানুষ, জিন, কীট-পতঙ্গ, চতুল্পদ জন্ম ও পাখ-পাখালী সব। তিনি দাঁড়িয়ে গিয়ে কিছুক্ষণ তার প্রতি তাকিয়ে থাকেন। তারপর সঙ্গীদের প্রতি মুখ করে বলেন, নিশ্চয় তারা মহান আল্লাহর আয়াবে মৃত্যুবরণ করেছে। অন্যথায় তারা ভিন্ন ভিন্নভাবে মারা যেত। তারপর ঈসা (আ) তাদেরকে হাঁক দেন, হে গ্রামবাসী! ফলে একজন জবাব দেয়— লাববায়ক হে আল্লাহর রহ! ঈসা (আ) বললেন, তোমাদের অপরাধ এবং তোমাদের ধ্বংস হওয়ার কারণ কী ছিল? সে বলল, তাগৃতের দাসত্ব ও দুনিয়ার ভালবাসা। ঈসা (আ) বলেন, তোমাদের তাগৃতের দাসত্বটা কি ছিল? সে বলল, পাপাচারীদের আনুগত্য হলো তাগৃতের দাসত্ব। ঈসা (আ) বললেন, আর তোমাদের দুনিয়ার ভালবাসা কিরণ ছিল? বলল, মায়ের প্রতি শিশুর ভালবাসার ন্যায়। দুনিয়া যখন আমাদের প্রতি এগিয়ে আসত, আমরা উৎফুল্ল হতাম। আর যখন পিছিয়ে যেত, আমরা ব্যথিত হতাম। আমাদের সুদূরপ্রসারী আকাশে, মহান আল্লাহর আনুগত্য হতে পিছুটান এবং তাঁর অস্তুষ্টির প্রতি অহসরতা ছিল। ঈসা বললেন, তোমরা ধ্বংস কিভাবে হলে? বলল, রাতে আমরা নিরাপদে শয়ে পড়লাম আর

হাবিয়ার রাত পোহালাম। ঈসা (আ) বললেন, হাবিয়া কী? বলল, সিজ্জীন। ঈসা (আ) বললেন, সিজ্জীন কী? লোকটি বলল, সমগ্র জগতের সমান একটি অঙ্গার, যার মধ্যে আমাদের আঞ্চাঙ্গলো দাফন করে ফেলা হলো। ঈসা (আ) বললেন, তোমার সঙ্গীদের কী হলো, তারা কথা বলছে না যে? বলল, তারা কথা বলতে পারছে না। ঈসা (আ) বললেন, তা কেন? লোকটি বলল, তাদেরকে আগুনের লাগাম পরিয়ে রাখা হয়েছে। ঈসা (আ) বললেন, তো তাদের মধ্য হতে তুমি কিভাবে কথা বলছ? বলল, তাদের উপর যখন আঘাব আপত্তি হয়, আমি তাদের মাঝে ছিলাম। কিন্তু আমি তাদের চরিত্রের লোকও ছিলাম না। আমার আমল তাদের আমলের ন্যায়ও ছিল না। কিন্তু বিপদ যখন আসল, তাদের সঙ্গে আমাকেও অস্তর্ভুক্ত করে নিল। এখন আমাকে হাবিয়ায় একটি চুল দ্বারা বেঁধে ঝুলিয়ে রাখা হয়েছে। আমি জানি না, আমাকে এভাবেই আটকে রাখা হবে নাকি আমি মৃত্তি পাব। তখন ঈসা (আ) তার সঙ্গীদেরকে বললেন, আমি তোমাদেরকে সত্য সত্য বলছি, যবের রূপটি, বিশুদ্ধ পানি পান আর খড়-কুটার উপর ঘুমানো দুনিয়া ও আখিরাতের শাস্তির জন্য অনেক।

ওয়াহব ইব্ন মুনাবিহ হতে তাবারানী বর্ণনা করেন যে, ওয়াহব বলেছেন, মানুষ জ্ঞানবান হয় না যতক্ষণ না সে মহান আল্লাহর আনুগত্য করে। কোন জ্ঞানবান মানুষ মহান আল্লাহর অবাধ্য হয়নি। নির্বোধ ব্যতীত কেউ আল্লাহর অবাধ্য হয় না। দিন যেমন সূর্য ব্যতীত পরিপূর্ণ হয় না, রাত যেমন অঙ্ককার ব্যতীত চেনা যায় না, তেমনি জ্ঞানও মহান আল্লাহর আনুগত্য ছাড়া পরিপূর্ণ হয় না। কোন জ্ঞানবান মানুষ মহান আল্লাহ নাফরমানী করে না। পাথি যেমন ডানা ছাড়া উড়তে পারে না, যার ডানা নেই, সে যেমন উড়তে পারে না, তেমনি যে ব্যক্তি মহান আল্লাহর জন্য আমল করে না, সে মহান আল্লাহর আনুগত্যও করে না। আর যে মহান আল্লাহর আনুগত্য করে না, তার মহান আল্লাহর আমলের সামর্থ হয় না। আগুন যেমন পানিতে টিকে না, সঙ্গে সঙ্গে নিতে যায়, তেমনি লোক-দেখানো আমলও টিকে না, ধূস হয়ে যায়। ব্যতিচারিণীর কর্ম যেমন তার গোপনীয়তা ও লাঞ্ছনা প্রকাশ করে দেয়, তেমনি যে ব্যক্তির সঙ্গী উত্তম কথা বলে, কিন্তু নিজে আমল করে না, সেও তার অপকর্মের কারণে অপদৃষ্ট হয়। চোরের চুরি করা যখন প্রকাশ হয়ে পড়ে, তখন তার ওয়ার যেমন মিথ্যা প্রতিপন্ন হয়, তেমনি মানুষ যখন মহান আল্লাহ ব্যতীত অন্যের জন্য পাঠ করে, এমন পাঠকারীর নাফরমানীকেও মিথ্যা প্রতিপন্ন করা হয়। আবদুস সামাদ ইব্ন মা'কালের সূত্রে যথাক্রমে ইসমাইল ইব্ন আবদুল করীম আলী ইব্ন বাহর ও মুহাম্মদ ইব্নুন ন্যায় হতে তাবারানী বর্ণনা করেন যে, আবদুস সামাদ ইব্ন মা'কাল বলেন। আমি ওয়াহব ইব্ন মুনাবিহকে দাউদ বংশের সুর-সংগীত সম্পর্কে বলতে শুনেছি : সুসংবাদ সেই ব্যক্তির জন্য, যে কাঠ সংঘরকারীর পথে চলে- বেকারদের সঙ্গে উঠাবসা করে না। সুসংবাদ সেই ব্যক্তির জন্য, যে ইমামদের পথে পথে চলে এবং স্বীয় রব-এর দাসত্বে আটল থাকে। তার দৃষ্টান্ত সেই বৃক্ষের ন্যায়, যা উৎপন্ন হয়েছে ছোট নদীর কূলে, যার জীবনীশক্তিও অক্ষুণ্ণ, শ্যামলতাও স্থায়ী।

তাবারানী আরো বর্ণনা করেন যে, ওয়াহব বলেন : যখন কিয়ামত সংঘটিত হবে, তখন পাথর নারীর চীৎকারের ন্যায় চীৎকার করবে এবং কাঁটাদার বৃক্ষ রক্ত ঝরাবে।

ওয়াহব আরো বলেন : সব কিছুর-ই আরঞ্জ হয় ছোট অবস্থায়। পরে বড় হয়। কিন্তু বিপদাপদ এ নিয়মের ব্যতিক্রম। বিপদ শুরু হয় বড় আকারে। পরে আস্তে আস্তে ছোট হয়।

তাবারানী আরো বর্ণনা করেন যে, ওয়াহব ইব্ন মুনাবিহ বলেন : এক ভিক্ষুক হযরত দাউদ (আ)-এর দরযায় দাঁড়িয়ে বলল : হে নবী-গৃহের লোকজন ! আমাকে কিছু দান কর ; মহান আল্লাহ তোমাদেরকে নিজ পরিজনের সঙ্গে অবস্থানরত ব্যবসায়ীর জীবিকার ন্যায় জীবিকা দান করবেন । শুনে দাউদ (আ) বললেন, ওকে কিছু দাও । সেই সত্ত্বার শপথ, যার হাতে আমার জীবন ! নিশ্চয় এ-কথাটা যাবুরেও লিখিত আছে ।

ওয়াহব আরো বলেন : যে ব্যক্তি মিথ্যকরূপে পরিচিত, তার সত্য কথন গ্রাহ্য হয় না । আর যে ব্যক্তি সত্যবাদী হিসেবে পরিচিত, তার কথায় আস্থা রাখা হয় । যে ব্যক্তি অধিক গীবত করে ও বিদ্বেষ পোষণ করে তার উপদেশের উপর নির্ভর করা যায় না । যে ব্যক্তি পাপাচার ও প্রতারণায় পরিচিত, তাকে বিশ্঵াস করা হয় না । যে ব্যক্তি নিজের মর্যাদার অতিরিক্ত পরিচয় ধারণ করে, তার মর্যাদা অঙ্গীকৃত হয় । অন্যের যা তোমার অপ্রিয়, তা নিজের জন্য প্রিয় কর না ।

তাবারানী ওয়াহব ইব্ন মুনাবিহ হতে বিভিন্ন সূত্রে এসব আছার বর্ণনা করেছেন ।

দাউদ ইব্ন আমর ইসমাইল ইব্ন আয়্যাশ সূত্রে আবদুল্লাহ ইব্ন উচ্যান ইব্ন খায়ছাম হতে বর্ণনা করেন যে, দাউদ ইব্ন আমর বলেন : ওয়াহব একদা পবিত্র মুক্ত আমাদের নিকট আগমন করেন । তখন তাঁর অবস্থা এমন হলো যে, তিনি যমযম ছাড়া পানও করেন না, উয়ুও করেন না । তাঁকে জিজ্ঞাসা করা হলো, মিষ্টি পানিতে আপনি কী ফেলেন ? উত্তরে তিনি বললেন : পবিত্র মুক্ত হতে বের হওয়া পর্যন্ত আমি যমযম ছাড়া পানও করব না, উয়ুও করব না । তোমরা জান না, যমযম কী । সেই সত্ত্বার শপথ, যার হাতে আমার জীবন, আল্লাহর কিতাবে এই যমযম পরিত্পকারী খাবার এবং ব্যাধির উপশম । কোন ব্যক্তি যদি বরকতের আশায় ত্ত্বিত্বি সহকারে এ পানি পান করে, তার সব ব্যাধি দূর হয়ে সে রোগমুক্ত হয়ে যাবে ।

তিনি আরো বলেন : যমযমে দৃষ্টিপাত করা ইবাদত । তিনি বলেন : যমযমে দৃষ্টিপাত ত্রুটিসমূহ সম্পূর্ণরূপে মুছে দেয় ।

ওয়াহব ইব্ন মুনাবিহ আরো বলেন : বখত্নসর সিংহের অবয়ব বিকৃত করেন । ফলে সিংহ হিংস্র পশুদের রাজা হয়ে যায় । তারপর তিনি শকুনের অবয়ব বিকৃত করেন । ফলে শকুন পাখিদের রাজা হয়ে যায় । তারপর তিনি শাঁড়ের অবয়ব বিকৃত করেন । ফলে শাঁড় বিচরণশীল প্রাণীকুলের রাজা হয়ে যায় । এইসব ক্ষেত্রে বখত্নসর মানুষের জ্ঞানের ন্যায় জ্ঞান রাখতেন । তার রাজত্ব সুপ্রতিষ্ঠিত ছিল । এক পর্যায়ে মহান আল্লাহ তার আস্থাকে মানুষের অবস্থায় ফিরিয়ে দেন । ফলে, তিনি মহান আল্লাহর একত্ববাদের দিকে আহ্বান জানান এবং বলেন : আকাশের ইলাহ ব্যতীত সব ইলাহ-ই মিথ্যা । ওয়াহব ইব্ন মুনাবিহকে জিজ্ঞাসা করা হলো, তিনি কি ঈমানদার অবস্থায় মরেছেন ? বললেন : এ বিষয়ে আমি আহলে কিতাবদের ভিন্ন ভিন্ন মতে পেয়েছি । কেউ কেউ বলেন, তিনি মৃত্যুর পূর্বে ঈমান এনেছিলেন । কেউ বলেন : তিনি নবীদেরকে হত্যা করেছেন, কিতাবসমূহ ভস্ত্বীভূত করেছেন এবং বায়তুল মুকাদ্দাস পুড়ে ফেলেছেন । ফলে তার তাওবা করুল করা হয়নি ।

ওয়াহব বলেন : মিসরে এক ব্যক্তি তিনদিন পর্যন্ত মানুষের নিকট খাদ্য ভিক্ষা চায় । কিন্তু কেউ তাকে খেতে দেইনি । ফলে লোকটি চতুর্থ দিন মারা যায় । মানুষ কাফ্ন-দাফন করে ।

কিন্তু পরদিন ভোরবেলা তারা মেহরাবের নিকট তার কাফন দেখতে পায়। তাতে লিখা ছিল : তোমরা তাকে জীবিত অবস্থায় খুন করেছ আর মৃত অবস্থায় সদাচার করেছ ?

ইয়াহুইয়া বলেন : উক্ত লোকটি যে গ্রামে মৃত্যুমুখে পতিত হয়েছিল, আমি সেই গ্রামটি দেখছি। কি ধর্মী, কি গরীব, প্রত্যেকের বাড়িতে একটি করে মেহমানখানা।

অপর এক সূত্রে বর্ণিত, বর্ণনায় একথাও উল্লেখ আছে যে, গ্রামবাসীরা ঘটনার সত্যতা স্বীকার করত। আর তখন হতেই তারা উক্ত ঘটনার পুনরাবৃত্তির ভয়ে মেহমান ও গরীবদের জন্য মেহমানখানা তৈরী করে।

আবদুর রায়ঝাক বাক্সার সূত্রে ওয়াহব থেকে বর্ণনা করেন যে, তিনি বলেন : যখন দরয়া দিয়ে হাদিয়া প্রবেশ করে, তখন দীপাধার হতে সত্য বেরিয়ে যায়।

ওয়াহব ইবন মুনাবিহ হতে যথাক্রমে আবদুস সামাদ আবদুল মুনইম ইবন ইদরীস ও ইবরাহীম ইবন সাদ সূত্রে ইবরাহীম ইবনুল জুনায়দ বর্ণনা করেন যে, ওয়াহব বলেন : কোন এক নবী (আ) এক পাহাড়ের শুভায় ইবাদতরত এক ব্যক্তির নিকট দিয়ে অতিক্রম করেন। নবী (আ) তার দিকে এগিয়ে গিয়ে তাকে সালাম দিয়ে জিজ্ঞাসা করেন : এখানে তুমি কতদিন যাবত অবস্থান করছ ? লোকটি বলে : তিনশত বছর যাবত। নবী (আ) বলেন : তোমার জীবিকা কোথেকে আসে ? সে বলল : গাছের পাতা থেকে। নবী (আ) বলেন : তোমার পানীয় কোথা থেকে আসে ? সে বলল : কৃপের পানি থেকে। নবী (আ) বলেন : শীতের সময় তুমি কোথায় থাক ? সে বলল : এই পাহাড়ের নীচে। নবী (আ) বলেন : ইবাদতের উপর তোমার ধৈর্য কিরূপ ? আমি কিভাবে অধৈর্য হবো ? অথচ, ধৈর্যই আমার দিন, আমার রাত। গতকাল তো তাতে যা ছিল, তা নিয়ে বিগত হয়ে গেছে। আর আগামীকাল সে তো এখনো আসেনি। ওয়াহব বলেন : লোকটির 'ধৈর্যই আমার দিন, আমার রাত' কথাটা শুনে নবী (আ) বিমুক্ষ হয়ে পড়েন।

এই সূত্রে আরো বর্ণিত আছে যে, এক আবিদ তার শিক্ষককে বলে : আমি প্রবৃত্তিকে ছিন্ন করে ফেলেছি। ফলে এখন আমি দুনিয়ার কোন বস্তুর প্রতি প্রবৃত্ত হই না। শুনে শিক্ষক তাকে বলেন : তুমি নারী ও জন্তু-জানোয়ারকে একসঙ্গে দেখলে তাদের মধ্যে পার্থক্য করতে পার কি? আবিদ বলল : হ্যাঁ, পারি। শিক্ষক বলেন : তুমি কি দীনার-দিরহাম ও নুড়ি পাথরের মাঝে পার্থক্য করতে পার ? লোকটি বলল : হ্যাঁ, পারি। শিক্ষক বলেন : ব্যস! তুমি তোমার থেকে প্রবৃত্তিকে ছিন্ন করনি; তুমি বরং তাকে শক্ত করে নিয়েছ। কাজেই তুমি তার ফস্কে যাওয়া ও বিবর্তন হতে নিজেকে রক্ষা কর।

ওয়াহব হতে আকীল ইবন মা'কাল সূত্রে গাওছ ইবন জাবির ইবন গায়লান ইবন মুনাবিহ বর্ণনা করেন যে, ওয়াহব বলেন : দীনের তিনটি দিকে আমল কর। কেননা, দীনের তিনটি দিক আছে। যে ব্যক্তি সৎ কর্মগুলোকে একত্রিত করতে চায়, তার জন্য সেগুলো হলো সৎ কর্মের মিশন কেন্দ্র। প্রথমত, সকালের-সন্ধ্যার, প্রকাশ্য, গোপন, নতুন ও পুরাতন মহান আল্লাহর এই বিপুল বিপুল নিয়ামতের কৃতজ্ঞ স্বরূপ আমল করবে। মু'মিন এসবের কৃতজ্ঞতা ও পরিপূর্ণতার আশায় আমল করে থাকে। দীনের দ্বিতীয় দিকটি হলো জান্নাতের প্রতি আগ্রহ, যার কোন মূল্যও নেই, উপমা ও নেই। পাপিষ্ঠ নির্বোধ কিংবা মুনাফিক ও কাফির ছাড়া কেউ তার কাছে এবং তার জন্য আমল করা হতে বিমুখ হয় না। দীনের তৃতীয় দিকটি হলো, মু'মিন সেই

জাহান্নাম থেকে পলায়নের উদ্দেশ্যে আমল করবে, যা সহ্য করার ক্ষমতা কারো নেই। তার বিপদ অন্য সব বিপদের মত নয়। ক্ষতিগ্রস্ত নির্বোধ ব্যতীত কেউ তার থেকে পলায়ন ও মহান আল্লাহর নিকট তার থেকে আশ্রয় প্রার্থনা করা হতে অলসতা প্রদর্শন করে না। মহান আল্লাহ ইরশাদ করেন : ‘خَسِرَ الدُّنْيَا وَالْآخِرَةُ ذَلِكَ هُوَ الْخُسْرَانُ الْمُبِينُ’ সে ক্ষতিগ্রস্ত হয় দুনিয়া ও আখিরাতে। এটাই তো সুষ্পষ্ট ক্ষতি। (২২: ১১)

সাঈদ ইব্ন রুমানা হতে যথাক্রমে মুহাম্মদ ইব্ন সাঈদ ইব্ন রুমানা ও আবদুল মালিক ইব্ন মুহাম্মদ আদ-দামাদী সূত্রে ইসহাক ইব্ন রাহওয়ায়হ বর্ণনা করেন যে, সাঈদ ইব্ন রুমানাহ বলেন : ওয়াহ্ ইব্ন মুনাবিহকে জিজাসা করা হলো, লা-ইলাহা ইল্লাল্লাহ জান্নাতের চাবি নয় কি ? উত্তরে তিনি বললেন : হ্যাঁ। তবে প্রতিটি চাবির-ই কয়েকটি করে দাঁত থাকে। কাজেই যে ব্যক্তি দাঁতওয়ালা চাবি নিয়ে উপস্থিত হবে, তার জন্য জান্নাত খোলা হবে। পক্ষান্তরে যে দাঁতওয়ালা চাবি নিয়ে উপস্থিত হবে না, তার জন্য জান্নাত খোলা হবে না।

আবদুস সামাদ ইব্ন মা'কাল হতে ইসমাইল ইব্ন আবদুল করীম সূত্রে মুহাম্মদ বর্ণনা করেন যে, আবদুস সামাদ ইব্ন মা'কাল ওয়াহ্ ইব্ন মুনাবিহকে বলতে শুনেছেন : এক যুবক রাজার ছেলে তার দেশের সেনাবাহিনীর সঙ্গে রওয়ানা হয়। পথে ঘোড়ার পিঠ হতে পড়ে গিয়ে তার ঘাড় ভেঙ্গে যায়। পরিণতিতে এক গ্রামের নিকটবর্তী স্থানে সে মারা যায়। এ সংবাদ শুনে রাজা ক্ষিণ হয়ে উঠেন এবং অঙ্গীকার ব্যক্ত করেন যে, উক্ত গ্রামের সবগুলো মানুষকে হত্যা করে ফেলবেন। তাদেরকে হাতি দ্বারা পিষে মারবেন। হাতি পিষে মারার পর যারা বেঁচে থাকবে, তাদেরকে ঘোড়া দ্বারা এবং ঘোড়া পিষে মারার পর যারা বেঁচে থাকবে তাদেরকে মানুষ দ্বারা হত্যা করবেন।

এই প্রত্যয় নিয়ে হাতি ও ঘোড়াগুলোকে মন্দপান করিয়ে রাজা তাদের উদ্দেশ্যে রওয়ানা হন এবং আদেশ করেন, ওদেরকে হাতি দ্বারা পিষে মার। হাতি যাদেরকে বাঁচিয়ে রাখবে তাদেরকে যেন ঘোড়া পিষে মারে এবং ঘোড়ার কবল থেকে যারা ছুটে যাবে তাদেরকে মানুষ পিষে মারে।

উক্ত গ্রামের অধিবাসীরা এ সংবাদ শুনতে পায় এবং জানতে পারে যে, রাজা তাদের উদ্দেশ্যে এগিয়ে আসছেন। তারা সকলে বেরিয়ে পড়ে এবং মহান আল্লাহর নিকট আশ্রয় প্রার্থনা করতে শুরু করে। তারা এই অত্যাচারী রাজার কবল হতে রক্ষা করার জন্য কান্নাকাটি করে মহান আল্লাহর নিকট দু'আ করতে শুরু করে। রাজা ও তার বাহিনী এগিয়ে আসছে এবং গ্রামবাসীরা মহান আল্লাহর সমীপে কান্নাকাটি ও অনুনয়-বিনয় করছে। ঠিক এমন সময় আকাশ থেকে এক অশ্঵ারোহী নেমে এসে তাদের মাঝে পতিত হয়। ফলে হাতিগুলো ছুটে গিয়ে ঘোড়ার উপর বাঁপিয়ে পড়ে এবং ঘোড়া বাঁপিয়ে পড়ে মানুষের উপর। উক্ত অশ্বারোহী রাজা ও তার সঙ্গীদেরকে হাতি ঘোড়া দ্বারা পিষে হত্যা করে ফেলে এবং মহান আল্লাহ গ্রামবাসীকে তাদের ধ্বংস ও অনিষ্ট হতে রক্ষা করেন। আবদুর রায়ঘাক মুনফির ইব্নুন নু'মান হতে বর্ণনা করেন যে, মুনফির ওয়াহ্-বকে বলতে শুনেছেন : আল্লাহ তা'আলা বায়তুল-মুকাদ্দাসের একটি পাথরকে বললেন : আমি অবশ্য অবশ্যই তোমার উপর আমার আরশকে রাখব এবং তোমার উপর সৃষ্টিকুলকে সমবেত করব। আর দাউদ বাহনে চড়ে তোমার নিকট আগমন করবে।

সাম্মান ইব্নুল মুফায়্যাল বর্ণনা করেন যে, ওয়াহ্-ব বলেন : আমি আমার চরিত্রে হাতড়ে বেড়াই। কিন্তু তাতে আমাকে বিশ্বিত করবে, এমন কিছু নেই।

আবদুর রায়খাক তাঁর পিতা হতে বর্ণনা করেন যে, তিনি বলেন, ওয়াহ্‌ব বলেছেন : অনেক সময় আমি শুরু রাতের উষ্য দ্বারা ফজর নামায আদায় করেছি।

বাকিয়া ইব্নুল ওয়ালীদ যায়দ ইব্ন খালিদ ও খালিদ ইব্ন মাদান সূত্রে ওয়াহ্‌ব হতে বর্ণনা করেন যে, ওয়াহ্‌ব বলেন : নৃহ (আ) সেকালের সবচেয়ে সুদর্শন লোক ছিলেন। তিনি 'বোরক' পরিধান করতেন। নৌকায় আরোহী অবস্থায় যখন লোকদের ক্ষুধা পেত, তখন নৃহ (আ) তাদেরকে তাজাহীলি দিলে তারা পরিতৃপ্ত হয়ে যেত।

ওয়াহ্‌ব ইব্ন মুনাবিহ আরো বলেন : ঈসা (আ) বলেন : আমি তোমাদেরকে সত্য কথাই বলে থাকি। তোমাদের যার দুনিয়ার মোহ যত বেশী, তাকে তত অধিক বিপদে নিপত্তি করা হবে।

জা'ফর ইব্ন বারকান বলেন : আমরা জানতে পেরেছি যে ওয়াহ্‌ব বলতেন : সুসংবাদ সেই ব্যক্তির জন্য, যে অন্যের দোষের পরিবর্তে নিজের দোষ দেখে থাকে।

সুসংবাদ সেই ব্যক্তির জন্য, যে মিসকীন না হওয়া সূত্রে মহান আল্লাহর সমীপে অবনত হয়, অসহায় দরিদ্রের প্রতি দয়া করে, ন্যায়সংগতভাবে সঞ্চিত সম্পদ হতে দান করে, ইল্ম, সহনশীলতা ও প্রজ্ঞাবানদের সঙ্গে উঠাবসা করে এবং সুন্নাতকে বিদ্যাতে পরিগত না করে সে অনুযায়ী আমল করে।

সায়্যার জা'ফর ও আবদুস সামাদ ইব্ন মা'কাল সূত্রে ওয়াহ্‌ব হতে বর্ণনা করেন যে, ওয়াহ্‌ব বলেন : আমি দাউদ (আ)-এর যাবুরে গেয়েছি : হে দাউদ! তুমি কি জান, কে সবচেয়ে বেশী দ্রুত পুলসিরাত পার হতে পারবে ? তারা, যারা আমার আদেশের প্রতি সন্তুষ্ট এবং যাদের জিহ্বা আমার যিকিরে ভিজা থাকে।

কথিত আছে, এক আবিদ পঞ্চাশ বছর যাবত মহান আল্লাহর ইবাদত করে। ফলে মহান আল্লাহ তাদের নবীর নিকট ওহী প্রেরণ করেন যে, আমি তাকে ক্ষমা করে দিয়েছি। নবী (আ) বিষয়টা তাকে অবহিত করেন। শুনে তিনি বললেন : হে আমার রব! আপনি আমার কোন পাপ ক্ষমা করলেন ? ফলে মহান আল্লাহ তার ঘাড়ে একটি রংকে আদেশ করলেন। রংটি ছটফট করতে শুরু করল। ফলে সে রাতে তিনি না ঘুমাতে পারলেন, না ছির থাকতে পারলেন, না নামায আদায় করলেন। তারপর রংটি থেমে গেল। আবিদ নবী (আ)-এর নিকট গিয়ে অভিযোগ করেন। তিনি বললেন : আমার ঘাড়ের একটি রং ছটফট করে পরে থেমে গেল! নবী (আ) বললেন : মহান আল্লাহ বলেন : তোমার পঞ্চাশ বছরের ইবাদত এই রংের শান্ত হওয়ার বিনিময় হবে না।

ওয়াহ্‌ব আরো বলেন : নিআমতের মূল তিনটি : ১. ইসলাম, যা ব্যতীত কোন নিআমতই পরিপূর্ণ হয় না। ২. প্রশান্তি, যা ব্যতীত জীবন সুখময় হয় না এবং ৩. সচ্ছলতা, যা ব্যতীত জীবন পরিপূর্ণ হয় না।

ওয়াহ্‌ব ইব্ন মুনাবিহ এমন এক ব্যক্তির পার্শ্ব দিয়ে পথ অতিক্রম করেন, যে লোক অঙ্গ, কুষ্ঠরোগী, অবশ-পা ও উলঙ্গ। তখন সে বলছিল : সকল প্রশংসা মহান আল্লাহর তাঁর নিয়ামতরাজির জন্য। শুনে ওয়াহ্‌বের সঙ্গী এক ব্যক্তি বলে : তোমার নিকট এমন কোন নিআমতটা অবশিষ্ট রইল, যার জন্য তুমি মহান আল্লাহর প্রশংসা করছ ? লোকটি বলে : পবিত্র মদীনায় বিপুলসংখ্যক লোক আছে। আমি এই জন্য মহান আল্লাহর প্রশংসা করছি যে, পবিত্র মদীনায় এমন লোক নেই, যাকে আমি ভিন্ন অন্য কেউ চিনে।

ওয়াহ্ব বলেন, মু'মিন মেলামেশা করে শিক্ষা লাভ করার জন্য, নীরবতা অবলম্বন করে নিরাপদ থাকার জন্য, কথা বলে মানুষকে বুঝাবার জন্য এবং নির্জনতা অবলম্বন করে অবস্থান গ্রহণের জন্য।

তিনি আরো বলেন : মু'মিন হলো চিন্তাশীল, উপদেশ গ্রহণকারী ও সংগ্রহকারী। সে উপদেশ গ্রহণ করে তো তার উপর প্রশংসিত ছেয়ে যায়। শাস্তি থাকল তো নম্রতা প্রকাশ করল। ফলে, সে অপবাদের উর্ধ্বে থাকে। প্রবৃত্তি ঝেড়ে ফেলল তো সে স্বাধীন হয়ে গেল। নিজ থেকে হিংসা ছুঁড়ে মারল তো তার জন্য ভালবাসা প্রকাশ পেল। বিনাশী সকল বিষয়ে বিমুখতা অবলম্বন করল তো সে জ্ঞান পরিপূর্ণ করে নিল। সকল অবিনাশী বিষয়ে আগ্রহী হলো তো সে মা'রিফত অর্জন করল। তার অন্তর তার ভাবনার সঙ্গে ঝুলে থাকে এবং তার ভাবনা সম্পৃক্ত থাকে তার পুনরুত্থানের সঙ্গে। দুনিয়াবাসী যখন আনন্দিত হয়, তখন সে আনন্দিত হয় না। সর্বদা সে চিন্তাযুক্ত থাকে। তার চক্ষু যখন নিদ্রা যায়, তখনই সে আনন্দিত থাকে। সে মহান আল্লাহর কিভাব তিলাওয়াত করে এবং তাকে তার অন্তরে বারবার উপস্থাপন করে। কখন তার হৃদয় সন্তুষ্ট থাকে, কখনো বা তার চক্ষু অশ্রু প্রবাহিত করে। তার রাত অতিবাহিত হয় তিলাওয়াতের মধ্য দিয়ে এবং দিন কাটে পাপের চিন্তা ও আমলকে স্বল্প জ্ঞান করার মধ্য দিয়ে নির্জনে। ওয়াহ্ব বলেন : এই চরিত্রের মু'মিনকে কিয়ামতের দিন সৃষ্টিকুলের উপস্থিতিতে সেই মহাসমাবেশে ডাক দিয়ে বলা হবে : উঠ হে মহানুভব! তুমি জান্নাতে প্রবেশ কর।

ছাওর ইব্ন ইয়ায়ীদ হতে আবদুর রহমান ইব্ন মাসউদ সুত্রে ইবরাহীম ইব্ন সাঈদ বর্ণনা করেন যে, ছাওর ইব্ন ইয়ায়ীদ বলেন, ওয়াহ্ব ইব্ন মুনাবিহ বলেন : তোমাদের জন্য ধৰ্ম অবধারিত যখন মানুষ তোমাদেরকে নেক্কার বলে ডাকতে শুরু করবে এবং তার জন্য তোমাদেরকে শুন্দা করবে।

আকীল ইব্ন মা'কাল ইব্ন মুনাবিহ হতে যথাক্রমে গাওছ ইব্ন জাবির, হাশাম ইব্ন সালামা ইব্ন উক্বা ও উবায়দ ইব্ন মুহাম্মদ আল কাশুরী সুত্রে তাবারানী বর্ণনা করেন যে, আ'কীল ইব্ন মা'কাল ইব্ন মুনাবিহ বলেন, আমি আমার চাচা ওয়াহ্ব ইব্ন মুনাবিহকে বলতে শুনেছি : হে বৎস! তুমি মহৎ গোপন আমল দ্বারা মহান আল্লাহর আনুগত্যকে একনিষ্ঠ করে তোল, যা দ্বারা মহান আল্লাহ তোমার প্রকাশ্য আমলকে সত্যায়িত করেন। কেননা, যে ব্যক্তি উত্তম কাজ করল, তারপর তাকে মহান আল্লাহ পর্যন্ত গোপন রাখল, তো সে সেই আমলকে যথাস্থানে পৌঁছিয়ে দিল এবং তাকে হিফায়তকারীর নিকট গচ্ছিত রাখল। পক্ষান্তরে, যে ব্যক্তি গোপনে কোন সংকর্ম করল, মহান আল্লাহ ব্যতীত কেউ তার খবর জানে না, তো এমন সন্তা-ই সে সম্পর্কে অবগত হলেন, যিনি তার জন্য যথেষ্ট এবং সে সেই আমলকে এমন সন্তার নিকট গচ্ছিত রাখল, যিনি তার প্রতিদান নষ্ট করবেন না। কাজেই, হে বৎস! যে ব্যক্তি নেক আমল করে তাকে মহান আল্লাহর নিকট গোপন রাখল, তুমি তা নষ্ট হওয়ার ভয় কর না এবং তুমি যুলুমের শিকার হওয়ারও ভয় কর না। তুমি কখনো এই ধারণা কর না যে, প্রকাশ্য আমল গোপন আমল অপেক্ষা বেশী সুফলদায়ক। কেননা, গোপনীয়তার সঙ্গে প্রকাশ্যের উপর হলো গাছের মূলের সঙ্গে পাতার উপর। প্রকাশ্য হলো, গাছের পাতা এবং গোপনীয়তা হলো তার মূল। মূল যদি জ্বলে যায়, গাছটা সম্পূর্ণ ধৰ্ম হয়ে যায়। মূল যদি ঠিক থাকে, বৃক্ষ ঠিক থাকে— ফল ও পাতা সব। পাতা যখন শুকিয়ে চৰ্ণ-বিচৰ্ণ হয়ে যায়, তখন বায়ু তাকে উড়িয়ে

নিয়ে যায়। কিন্তু মূল তার বিপরীত। কেননা, গাছের মূল যতক্ষণ দৃষ্টির আড়ালে গোপন থাকে, ততক্ষণ তার প্রকাশ্য অংশ নিরাপদ থাকে। দীন, ইল্ম এবং আমলও অনুরূপ। যতক্ষণ পর্যন্ত এসবের সঠিক গোপনীয়তা বজায় থাকে, যার মাধ্যমে মহান আল্লাহ বান্দার প্রকাশ্যকে সত্যায়ন করে, ততক্ষণ এগুলো অক্ষুণ্ণ থাকে। কেননা, প্রকাশ্য সঠিক গোপনীয়তার সঙ্গে উপকার সাধন করে। কিন্তু মন্দ গোপনীয়তার সঙ্গে প্রকাশ্য উপকার করে না। যেমন গাছের মূল শাখা-প্রশাখার সুরক্ষার উপকার করে। যদিও তার জীবনীশক্তি মূলের দিক থেকে আসে। কেননা, শাখা-প্রশাখা হল গাছের সৌন্দর্য। আর গোপনীয়তা হল দীনের ভিত্তি। তার সঙ্গে প্রকাশ্য যোগ হয়ে দীনের সৌন্দর্য বৃদ্ধি করে যদি মুঁমিন তার দ্বারা আল্লাহর সন্তুষ্টি ব্যতীত অন্য কিছু কামনা না করে।

হায়ছাম ইব্ন জামিল সালিহ আল-মুরারী ও আবান সূত্রে ওয়াহব হতে বর্ণনা করেন যে, তিনি বলেন : আমি হিকমতের কিতাবে পড়েছি : কুফরের স্তুতি চারটি। এক স্তুতি থেকে ক্রোধ জন্ম নেয়। এক স্তুতি থেকে প্রবৃত্তি জন্ম নেয়। এক স্তুতি থেকে জন্ম নেয় লালসা। এক স্তুতি থেকে জন্ম নেয় ভীতি।

ওয়াহব ইব্ন মুনাবিহ আরো বলেন : মহান আল্লাহ মুসা (আ)-এর নিকট ওই প্রেরণ করেন : তুমি যখন আমাকে ডাকবে, তখন ভীতি-সন্ত্রু হয়ে ডাকবে এবং তোমার গওদেশকে ধুলামলিন করে নেবে। আমাকে সিজদা করবে সুন্দর চেহারা ও সুন্দর হাত দ্বারা। যখন আমার নিকট প্রার্থনা করবে, প্রার্থনা করবে অন্তরের ভীতিসহ। তুমি আমাকে জীবদ্ধশায় ভয় কর। জাহিলদের ইল্ম হল আমার নিআমত। আমার বান্দাকে বলে দাও, তারা যেন ভাস্তির কাজে প্রতিযোগিতা না করে। কেননা, আমার পাকড়াও কঠিন শাস্তি।

ওয়াহব আরো বলেন : শাসক যখন অত্যাচার করার মনস্ত করে কিংবা অত্যাচার করে, তখন তার প্রজাদের মধ্যে বিচ্যুতি তুকে পড়ে। ব্যবসা, কৃষি, ওলান ও পশ্চতে বরকত করে যায়, সে সবে ধস নেমে আসে এবং মহান আল্লাহ তার ব্যক্তিসত্ত্ব এবং রাজত্বে লাঞ্ছনা চুকিয়ে দেন। আর শাসক যখন ন্যায়বিচার ও কল্যাণকর কাজ করেন, তখন ঘটে এর উল্টো। তখন কল্যাণের প্রাচূর্য দেখা দেয় এবং বরকত বৃদ্ধি পায়।

ওয়াহব আরো বলেন : ইবরাহীম (আ)-এর মুসহাফে ছিল : হে বিপদগ্রস্ত রাজা! আমি তোমাকে থরে থরে দুনিয়া সঞ্চয় করতে প্রেরণ করিনি। এ জন্যও নয় যে, তুমি প্রাসাদ নির্মাণ করবে। আমি তোমাকে প্রেরণ করেছি তুমি ময়লুমের আহ্বানকে আমার নিকট পৌছিয়ে দিবে। কেননা, আমি ময়লুমের ডাক প্রত্যাখ্যান করি না, চাই তা একজন কাফিরের পক্ষ থেকে আসুক।

ওয়াহব ইব্ন মুনাবিহ হতে মুহাম্মদ ইব্ন ইসহাক সূত্রে ইব্ন আবুদ-দুন্ইয়া বর্ণনা করেন যে, ওয়াহব বলেন : যুলকারনায়ান কোন এক বাদশাহকে বলেছিলেন : তোমাদের এক ধর্ম ও সহজ-সরল আদর্শের অবস্থা কী? বাদশাহ বলেন : পূর্বে আমরা পরম্পর প্রতারণা করতাম না এবং কেউ কারো গীবত করতাম না।

ওয়াহব হতে ইব্ন আবুদ-দুন্যা আরো বর্ণনা করেন যে, তিনি বলেন : তিনটি গুণ এমন আছে, যদি সেগুলো কারো মধ্যে থাকে, তাহলে সচরিত্রের সঞ্চান পেয়ে যায়। তা হলো, মনের বদান্যতা, বিপদে ধৈর্যধারণ ও উত্তম কথা।

ইদরীস হতে যথাক্রমে মু'আফী ইব্ন ইমরান, সালামা ইব্ন মাফমূন, সাহল ইব্ন আসিম ও সালামা ইব্ন শাবীর সূত্রে ইব্ন আবুদ্দুনহিয়া বর্ণনা করেন যে, ইদরীস বলেন, আমি ওয়াহ্ব ইব্ন মুনাবিহকে বলতে শুনেছি : বনী ইসরাইলের দুই ব্যক্তি ছিল। তারা ইবাদত করতে করতে এমন স্তরে গিয়ে উপরীত হয়েছিল যে, তারা পানির উপর হাঁটতে পারত। একদিন তারা সমুদ্রের উপর হাঁটছিল। হঠাৎ দেখতে পেল এক ব্যক্তি শুন্যে হাঁটছে। তারা তাকে জিজ্ঞাসা করল, হে আল্লাহর বান্দা! কোনু শুণে তুমি এই স্তর লাভ করেছ? সে বলল : সামান্য সৎকর্ম করে আর সামান্য মন্দ ত্যাগ করে। আমি আমার নফসকে প্রবৃত্তি থেকে দূরে সরিয়ে রেখেছি, আমার জিহ্বাকে অনর্থক কথা থেকে বাঁচিয়ে রেখেছি, আমার সৃষ্টিকর্তা আমাকে যে কাজের জন্য আহ্বান করেছেন, আমি তার প্রতি উৎসাহী হয়েছি এবং নীরবতাকে নিজের জন্য বাধ্যতামূলক করে নিয়েছি। আমি যদি মহান আল্লাহর নামে শপথ করি, তাহলে সেই শপথ পূরণ করি। যদি আমি তাঁর নিকট কিছু প্রার্থনা করি, তিনি আমাকে তা দান করেন।

ইব্ন আবুদ্দুনহিয়া আবুল আবাস আল-বসরী আল আয়দী ও আয়দ গোত্রের জনৈক শায়খের সূত্রে বর্ণনা করেন যে, আয়দী শায়খ বলেন, এক ব্যক্তি ওয়াহ্ব ইব্ন মুনাবিহ-এর নিকট এসে বলে : আপনি আমাকে এমন একটা কিছু শিখিয়ে দিন, যা দ্বারা মহান আল্লাহ আমার উপকার করবেন। তিনি বললেন : তুমি অধিক পরিমাণ মৃত্যুকে ভয় কর ও আশা-আকাংখা কমিয়ে দাও। তৃতীয় শুণ্টি এমন যে, যদি তুমি সেটি অর্জন করতে পার, তাহলে তুমি চূড়ান্ত স্তরে পৌছে যাবে এবং বড় ইবাদত দ্বারা তুমি সফল হয়ে যাবে। লোকটি জিজ্ঞাসা করল, সেটি কী? ওয়াহ্ব বললেন : তাওয়াকুল। এ বছর মৃত্যুবরণকারী বিশিষ্ট ব্যক্তিবর্গ :

সুলায়মান ইব্ন সাদ

তিনি সুশ্রী, স্পষ্টভাষী ও আরবী ভাষার পঙ্গিত ছিলেন। তিনি এবং সালিহ ইব্ন আবদুর রহমান আল-কাতিব মানুষকে আরবী ভাষা শিক্ষা দিতেন। সালিহ ইব্ন আবদুর রহমান তাঁর মৃত্যুর অঞ্চল ক'দিন পর মৃত্যুবরণ করেন। সালিহ স্পষ্টভাষী, সুশ্রী এবং অফিসিয়াল কাগজপত্র লেখায় অভিজ্ঞ ছিলেন। তার নিকট হতেই ইরাকীরা অফিসিয়াল কাগজ লেখার রীতি উদ্ভাবন করে। সুলায়মান ইব্ন আবদুল মালিক তাঁকে ইরাকের ট্যাক্স উসুলের দায়িত্বে নিয়োজিত করেন।

উস্মাল হ্যায়ল

তার অনেক বর্ণনা আছে। তিনি বার বছর বয়সেই কুরআন পাঠ করেন। ফকীহ ও আলিমা ছিলেন। শ্রেষ্ঠ রমণীদের একজন ছিলেন। সত্ত্বে বছর আয়ু লাভ করেন।

আইশা বিন্ত তালহা ইব্ন আবদুল্লাহ আত-তামীরী

তার মায়ের নাম উয়ে কুলচূম বিন্ত আবু বাকর। আপন মামা আবদুল্লাহ ইব্ন আবদুর রহমান ইব্ন আবু বাকর-এর ছেলের সঙ্গে তিনি বিবাহ বন্ধনে আবদ্ধ হন। তার মৃত্যুর পর বিবাহ করেন মুসআব ইব্নুয় যুবায়রকে। মুসআব তাকে এক লাখ দীনার মোহর প্রদান করেছিলেন। তিনি অতিশয় রূপসী ছিলেন। তার যুগে তার চেয়ে সুন্দরী মহিলা আর কেউ ছিল না। তিনি পবিত্র মদীনায় ইন্তিকাল করেন।

আবদুল্লাহ ইব্ন সাসিদ ইব্ন জুবায়র

তাঁর অনেক বর্ণনা আছে। তৎকালের শ্রেষ্ঠ মানুষ ছিলেন।

আবদুর রহমান ইব্ন আবান

উচ্চমান ইব্ন আফ্ফান-এর নাতি। একদল সাহাবা তার নিকট বহু হাদীস রিওয়ায়াত করেন।

১১১ হিজরী সন

এ বছর মুআবিয়া ইব্ন হিশাম সায়িফাতুল ইউসরায় যুদ্ধ করেন। সাঈদ ইব্ন হিশাম যুদ্ধ করেন সায়িফাতুল ইউমনায়। সেই যুদ্ধ রোমের কায়সারিয়া পর্যন্ত পৌছে যায়। এ বছর হিশাম ইব্ন আবদুল মালিক খুরাসানের ইমারত থেকে আশরাস ইব্ন আবদুল্লাহ আস-সুলামীকে পদচ্যুত করে তদন্তলে জুনায়দ ইব্ন আবদুর রহমানকে গভর্নর নিযুক্ত করেন। তিনি যখন খুরাসান আগমন করেন, তখন একদল পরাজিত তুর্কী অশ্বারোহী মুসলিমানের সঙ্গে তাঁর সাক্ষাৎ ঘটে। তাঁর সঙ্গে তখন সাতশত সৈন্য। তারা সংঘর্ষে লিপ্ত হয় এবং ঘোরতর লড়াই করে। তুর্কী বাহিনী তাকে ও তার সঙ্গীদেরকে হত্যা করতে মরিয়া হয়ে উঠে। তাদের সঙ্গে ছিল তাদের রাজা খাকান। জুনায়দ ইব্ন আবদুর রহমান নিহত হওয়ার উপক্রম হয়। তারপর মহান আল্লাহ তাকে কামিয়াব করেন। ফলে তিনি তুর্কী বাহিনীকে শোচনীয়ভাবে পরাজিত করেন এবং তাদের রাজার ভাতিজাকে বন্দী করে খলীফার নিকট পাঠিয়ে দেন। এ বছর ইবরাহীম ইব্ন হিশাম আল মাখ্যামী লোকদের হজ্জ করার ব্যবস্থা করেন। ইবরাহীম ইবন হিশাম হলেন হারামায়ন ও তাইফ-এর গভর্নর। তখন ইরাকের গভর্নর ছিলেন খালিদ আল-কাসুরী। আর খুরাসানের গভর্নর জুনায়দ ইব্ন আবদুর রহমান আল-মুররী।

১১২ হিজরী সন

এ বছর মু'আবিয়া ইব্ন হিশাম সায়িফায় যুদ্ধ করে মালাতিয়ার দিককার কয়েকটি দুর্গ জয় করেন। এ বছরই তুর্কী বাহিনী লান থেকে অভিযানে রওনা হয়। পথে সিরিয়া ও আয়ারবায়জানের সৈন্যদেরসহ জাররাহ ইব্ন আবদুল্লাহ আল-হাকামী তাদের মুখোমুখি হন। জাররাহ ইব্ন আবদুল্লাহর সম্পূর্ণ ফৌজ এসে পৌছার আগেই তারা পরম্পর সংঘাতে লিপ্ত হয়। তাতে আরদাবীল-এর চারণভূমিতে জাররাহ ও তাঁর একদল সঙ্গী শাহাদাত বরণ করেন এবং দুশ্মন আরদাবীল দখল করে ফেলে। হিশাম ইব্ন আবদুল মালিক সংবাদ পেয়ে একদল সৈন্যসহ সাঈদ ইব্ন আমর আল-জারশীকে প্রেরণ করেন এবং তাদের নিকট দ্রুত পৌছে যাওয়ার নির্দেশ দেন। তুর্কী সৈন্যরা যখন মুসলিম বন্দীদেরকে তাদের রাজা খাকান-এর নিকট নিয়ে যাচ্ছিল, সে সময় তিনি তাদের নিকট গিয়ে পৌছেন। তিনি তাদের নিকট থেকে বন্দীদেরকে এবং মুসলিম নারীদেরকে মুক্ত করে ফেলেন। যিন্দীদেরকেও মুক্ত করেন। সাঈদ ইব্ন আমর বিপুল সংখ্যক তুর্কী সৈন্যকে হত্যা করেন এবং বহুসংখ্যক লোককে বন্দী করে কষ্ট দিয়ে দিয়ে তাদেরকে হত্যা করেন। তিনি নিজ দলের যারা বীর বিক্রমে যুদ্ধ করে, তাদেরকে পুরস্কৃত করেন।

কিন্তু খলীফা এতটুকুতেই ক্ষান্ত হননি। তিনি আপন ভাই মাসলামা ইব্ন আবদুল মালিককে তুর্কীদের পিছনে পাঠিয়ে দেন। মাসলামা ইব্ন আবদুল মালিক প্রচণ্ড শীত উপেক্ষা করে তাদের দিকে এগিয়ে যান। তিনি তুর্কী সৈন্যদল এবং তাদের রাজা খাকান-এর অব্বেষণে পথ চলতে থাকেন। পরবর্তী ঘটনা কী ঘটেছিল, তা পরে উল্লেখ করা হবে।

অপরদিকে খুরাসানের গভর্নরও বিপুল সংখ্যক সৈন্য নিয়ে তুর্কীদের সম্বানে বেরিয়ে পড়েন। বলখ নদীর নিকট পৌছে তিনি ডানে ও বায়ে দুটি সেনাদল পাঠিয়ে দেন। ডানের বাহিনীর সৈন্যসংখ্যা আঠার হাজার এবং বাঁয়ের সৈন্যসংখ্যা দশ হাজার। তুর্কীরা সৈন্য প্রস্তুত করে রাখে। খুরাসানের গভর্নর সমরকন্দ এসে পৌছলে সমরকন্দের গভর্নর পত্র মারফত তাকে তুর্কী সেনাদের সম্পর্কে অবহিত করেন। তিনি তাকে অবহিত করেন যে, তুর্কী বাহিনী থেকে সমরকন্দ রক্ষায় আমি পেড়ে উঠছি না। তাদের সঙ্গে তাদের রাজা খাকানও রয়েছেন। কাজেই আপনি আমাকে সাহায্য করুন। ফলে জুনায়দ বিপুল সংখ্যক সৈন্য নিয়ে দ্রুত সমরকন্দের উদ্দেশ্যে রওনা হয়ে যান। তিনি সমরকন্দের ঘাঁটি পর্যন্ত পৌছে যান। এখন তাঁর ও সমরকন্দের মাঝে দ্রুত চর ক্রেশ।

অপরদিকে খাকান প্রত্যুষেই বিশাল সৈন্য নিয়ে তার উপর আক্রমণ করে বসেন। খাকান বা জুনায়দ-এর অগামী বাহিনীর উপর আক্রমণ চালায়। ফলে তারা সেনা ঘাঁটির দিকে সরে যায়। তুর্কীরা চারদিক থেকে তাদেরকে ধাওয়া করে। উভয় পক্ষ মুখোমুখি হয়ে যায়। মুসলমানরা তাদের অগামী বাহিনীর পরাজয় ও পিছু হটার ঘটনা সম্পর্কে অনবিহিত। তারা অস্ত্রসজ্জিত হওয়ার চেষ্টা করে। একটি বিস্তৃত ময়দানে উভয় পক্ষ মুখোমুখি হয়। তুর্কীরা মুসলমানদের ডান বাহিনীর উপর আক্রমণ চালায়। তাদের মধ্যে বনু তামীম এবং বনু আয়ডও ছিল। এই সংঘর্ষে তাদের প্রচুর লোক নিহত হয়। মহান আল্লাহর ইচ্ছায় তারা শাহাদাত প্রাপ্ত হন।

এদিকে মুসলমানদের এক বীর যোদ্ধা ময়দানে অবতীর্ণ হয়ে বেশ ক'জন বীর তুর্কী যোদ্ধাকে হত্যা করে ফেলে। অবস্থা বেগতিক দেখে খাকান-এর ঘোষক ঘোষণা দেয় যে, তুমি আমাদের দলে চলে আস; আমরা দেবতা বানিয়ে তোমাকে পূজা করব। তিনি বললেন : তোমরা ধৰ্ম হও, আমরা তো তোমাদের সঙ্গে এই জন্য যুদ্ধ করি যে, তোমরা মহান আল্লাহর ইবাদত করবে, যার কোন অংশীদার নেই। তারপর তিনি তাদের সঙ্গে লড়াই করতে করতে শাহাদত লাভ করেন। মহান আল্লাহ তাঁর উপর রহমত বর্ষণ করুন। তারপর চতুর্দিক থেকে বীর মুসলিম সৈন্যরা বেরিয়ে আসে। তারা ধৈর্য ও দৃঢ়তর সাথে লড়াই করে। তারা তুর্কীদের উপর একযোগে আক্রমণ চালায়। ফলে মহান আল্লাহ তাদেরকে পরাজিত করেন এবং তাদের বিপুলসংখ্যক লোক প্রাণ হারায়। তারপর তুর্কীরা পাঞ্চা আক্রমণ চালিয়ে বহসংখ্যক মুসলমানকে শহীদ করে। এমনকি তাদের দুই হাজার সৈন্য ব্যতীত সবাই শহীদ হয়। ইন্না লিল্লাহিও ওয়া ইন্না ইলাইহি রাজিউন। সেদিন সাওদা ইবন আবাজার শহীদ হন এবং বিপুলসংখ্য মুসলমান বন্দী হয়। শক্রসেনারা তাদেরকে রাজা খাকান-এর নিকট নিয়ে যায়। খাকান তাদের প্রত্যেককে হত্যা করার নির্দেশ দেন। ইন্না লিল্লাহিও ওয়া ইন্না ইলাইহি রাজিউন। এই ঘটনাটিকে ঘাঁটির ঘটনাও বলা হয়। ইবন জারীর ঘটনাটি বিস্তারিতভাবে উল্লেখ করেছেন। এ বছর মৃত্যুবরণকারী বিশিষ্ট ব্যক্তিবর্গ :

রাজা ইবন হায়ওয়াহ আল-কিনদী

আবুল মিকদাম। আবু নাস্রও বলা হয়। মহান। তাবিসী। মহা-সম্মানিত ব্যক্তিত্ব। নির্ভরযোগ্য, শ্রেষ্ঠ ও ন্যায়পরায়ণ। বনু উমায়ার খলীফাদের বিশ্বস্ত মন্ত্রক। মাকতুলকে যখন কোন প্রশ্ন করা হতো, তিনি বলতেন : আমাদের শায়খ ও নেতা রাজা ইবন হায়ওয়াহকে জিজ্ঞাসা করুন। অনেক ইমাম তার প্রশংসা করেছেন এবং হাদীস বর্ণনায় তাঁকে নির্ভরযোগ্য

সাব্যস্ত করেছেন। তাঁর অনেক বর্ণনা ও সুন্দর সুন্দর বাণী রয়েছে। মহান আল্লাহ্ তাঁর উপর রহমত বর্ণণ করুন।

শাহুর ইব্ন হাওশাব আল-আশ'আরী আল-হিম্সী

কারো কারো মতে তিনি দামেশ্ক-এর অধিবাসী। মহান তাবিঁই। সীয় দাসী আসমা বিন্ত ইয়ায়ীদ ইবনুস সাকান প্রমুখ হতে হাদীস বর্ণনা করেছেন। তার থেকে একদল তাবিঁই ও অন্যরা হাদীস বর্ণনা করেছেন। তিনি আলিম ইবাদতকারী ও হজ্জ পালনকারী ছিলেন। কিন্তু গভর্নরের অনুমতি ব্যতীত বায়তুল মাল থেকে একটি ব্যাগ নিয়ে নেওয়ার অপরাধে অনেকে তার ব্যাপারে আপত্তি জাপন করেছেন। ফলে তারা দোষী সাব্যস্ত করে তাকে বর্জন করেছেন এবং তার হাদীস ত্যাগ করেছেন ও তার নামে কবিতা রচনা করেছেন। তাদের মধ্যে শু'বা প্রমুখ অন্যতম। বলা হয়ে থাকে যে, তিনি এ ছাড়া আরো জিনিস চুরি করেছেন। মহান আল্লাহ্ ভাল জানেন। তবে অপর বহু লোক তাকে নির্ভরযোগ্য আখ্যায়িত করেছেন, তাঁর বর্ণনা গ্রহণ করেছেন এবং তাঁর ইবাদত, দীন ও ইজতিহাদের প্রশংসা করেছেন। তারা বলেন : বায়তুল মাল হতে কিছু নিয়ে নেওয়ার ঘটনা যদি সঠিক হয়েও থাকে, তবু সে কারণে হাদীস বর্ণনার ক্ষেত্রে তাঁকে অযোগ্য সাব্যস্ত করা যায় না। তিনি সেই বায়তুল মালের তত্ত্বাবধায়ক ছিলেন এবং তাতে হস্তক্ষেপ করার তার অধিকার ছিল। মহান আল্লাহ্ ভাল জানেন।

ওয়াকিদী বলেন : শাহুর এ বছর তথা একশত বার হিজরী সনে মৃত্যুবরণ করেন। কেউ কেউ বলেন, এ বছরের আগের বছর। কেউ বলেন, একশত হিজরীতে। মহান আল্লাহ্ ভাল জানেন।

১১৩ হিজরী সন

এ বছর মু'আবিয়া ইব্ন হিশাম রোমের মার'আশ নামক স্থানে যুদ্ধ করেন এবং এ বছরই বনু আববাস-এর একদল দাওয়াতকর্মী খুরাসান গমন করেন এবং সেখানে ছড়িয়ে পড়েন। কিন্তু তাদের আমীর তাদেরই এক বক্তিকে ধরে হত্যা করে ফেলেন এবং অন্যদেরকে হত্যার হুমকি প্রদান করেন। এ বছর মাসলায়া ইব্ন আবদুল মালিক তুরকে প্রবেশ করেন এবং তাদের বিপুলসংখ্যক লোককে হত্যা করেন এবং দেশটির জনগণ তার অনুগত হয়ে যায়। এ বছর ইবরাহীম ইব্ন হাশিম আল-মাখয়ুমী মানুষের হজ্জ করার ব্যবস্থা করেন। মহান আল্লাহ্ ভাল জানেন। ইতোপূর্বে যে সব গভর্নরের নাম উল্লেখ করা হয়েছে, তারাই দেশটির বিভিন্ন এলাকার গভর্নরের দায়িত্ব পালন করেন। ইব্ন জারীর বলেন : এ বছর অনেক ধর্মসাম্পর্ক ঘটেছে। এ বছর মৃত্যুবরণকারী বিশিষ্ট ব্যক্তিবর্গ :

আল-আমীর আবদুল ওয়াহহাব ইব্ন বখত

তিনি বীর সেনানী আবদুল্লাহর সঙ্গে রোমের মাটিতে শাহাদাতপ্রাপ্ত হন। তাঁর জীবন চরিত নিম্নরূপ : নাম আবদুল ওয়াহহাব ইব্ন বখত আবু উবায়দাহ্। কেউ কেউ বলেন, আবু বাকর। মারওয়ান মাক্কী গোত্রের আয়াদকৃত গোলাম। প্রথমে সিরিয়ায় বসবাস করেন এবং পরে পবিত্র মদীনায় গিয়ে বসতি স্থাপন করেন। তিনি ইব্ন উমর, আনাস, আবু হুরায়রা এবং একদল তাবিঁই থেকে হাদীস বর্ণনা করেন। তাঁর থেকেও একদল লোক হাদীস বর্ণনা করেছেন। তন্মধ্যে

আয্যুব, মালিক ইবন আনাস, ইয়াহয়া ইবন সাঈদ আল-আনসারী ও উবায়দুল্লাহ্ আল আমরী অন্যতম। হযরত আনাস (রা) থেকে বর্ণিত তাঁর একটি হাদীস আছে যে, রাসূলুল্লাহ্ (সা) বলেছেন : ‘তিনটি বিষয় এমন আছে, মু’মিনের বক্ষ তার জন্য সংকুচিত হয় না। ১. একনিষ্ঠভাবে মহান আল্লাহ’র জন্য আমল করা। ২. উলুল আমরদের হিতকামনা করা এবং ৩. মুসলমানের দলের সঙ্গে আঁকড়ে থাকা, যাদের দাওয়াত সকলকে ব্যাপ্ত করে রাখে।’

তিনি আবু যিনাদ ও আ’রাজ সূত্রে আবু হুরায়রাহ হতে বর্ণনা করেন যে, তিনি বলেন, রাসূলুল্লাহ্ (সা) বলেন : ‘তোমাদের কেউ যখন তার ভাইয়ের সঙ্গে সাক্ষাৎ করবে, তখন যেন সে তাকে সালাম করে। যদি দুইজনের মাঝে কোন বৃক্ষ অন্তরায় হওয়ার পর আবারো তার সঙ্গে সাক্ষাৎ ঘটে, তখনো যেন তাকে সালাম করে।’

বহু সংখ্যক ইমাম এই আবদুল ওয়াহাবকে নির্ভরযোগ্য আখ্যায়িত করেন। মালিক বলেন : তিনি অধিক হজ্জ, উমরা ও যুদ্ধকারী ছিলেন। এমনকি যুদ্ধ করতে করতে তিনি শাহাদাত বরণ করেছিলেন। সফরে তাঁর সঙ্গে যা কিছু থাকত, তাতে বন্দুদের তুলনায় নিজেকে অধিক হকদার ভাবতেন না। তিনি উদার ও দানশীল ছিলেন। আমীর আবু মুহাম্মদ আবদুল্লাহ্ আল বাত্তাল-এর সঙ্গে রোমে শাহাদাতপ্রাপ্ত হন এবং সেখানেই সমাধিষ্ঠ হন। মহান আল্লাহ্ তাঁর প্রতি রহম করুন। তিনি এ বছর মৃত্যুবরণ করেন। খলীফা প্রমুখ এ অভিমত ব্যক্ত করেন। তাঁর মৃত্যুর ঘটনা হলো, তিনি শক্রের মুকাবেলায় অবর্তীর্ণ হন। সে সময় কতিপয় মুসলমান যয়দান ছেড়ে পালিয়ে যায়। তিনি তাদেরকে ডাকতে ডাকতে ঘোড়া নিয়ে শক্রের দিকে এগিয়ে যান। তিনি বলতে থাকেন : তোমরা জান্নাতের দিকে এস। তোমাদের ধ্বংস হোক, তোমরা কি জান্নাত থেকে পলায়ন করছ? তোমরা কি জান্নাত থেকে পালিয়ে যাচ্ছ? তোমরা ধ্বংস হও, তোমরা কোথায় যাচ্ছ? তোমরা কি চিরকাল দুনিয়াতে বেঁচে থাকবে? তিনি যুদ্ধ করতে করতে শহীদ হন। মহান আল্লাহ্ তাঁর প্রতি রহমত নায়িল করুন।

মাকহুল আশ-শামী

জালীলুল কন্দর তাবিঁই। তৎকালে সিরিয়াবাসীর ইমাম ছিলেন। তিনি ছ্যায়ল গোত্রের জনৈক মহিলার আযাদকৃত গোলাম ছিলেন। কেউ কেউ বলেন : সাঈদ ইবনুল আস-এর বংশের এক মহিলার আযাদকৃত গোলাম ছিলেন। তিনি ছিলেন চৌকিদার। কেউ কেউ বলেন : কাবুলের বন্দীদের একজন ছিলেন। কারো কারো মতে, তিনি ছিলেন কেসরা বংশের সন্তান। আমি আমার আত-তাকমীল গ্রহে তার বংশধারা উল্লেখ করেছি।

মুহাম্মদ ইবন ইসহাক বলেন : আমি মাকহুলকে বলতে শুনেছি : আমি ইলমের সন্ধানে সমগ্র পুর্থিবী ঘুরে বেড়িয়েছি।

যুহুরী বলেন : আলিম হলেন চারজন। হিজায়ে সাঈদ ইবনুল মুসায়িব, বসরায় হাসান বসরী, কুফায় শা’বী এবং শামে মাকহুল।

কেউ কেউ বলেন : মাকহুল পুরুষ বলতে পারতেন না। তিনি পুরুষ-এর পুরুষ কেবলতেন। মানুষের কাছে তার বেশ মর্যাদা ছিল। তিনি যখনই কোন আদেশ করতেন, মানুষ তা প্রাপ্তান করত।

সাঈদ ইবন আবদুল আয়ীয় বলেন : মাকহুল সিরিয়ার সবচেয়ে বড় ফরারীহ ছিলেন। তিনি যুহুরীর চেয়েও বড় ফরারীহ ছিলেন। অনেকের মতে, তিনি এ বছর মৃত্যুবরণ করেন। কেউ কেউ বলেন, এর পরের বছর। মহান আল্লাহ্ ভাল জানেন।

(মাকহুল শারী আবৃ মুসলিমের ছেলে, আবৃ মুসলিমের নাম শাহ্যাব ইব্ন শাফিল। আবদুল হাদীর পাঞ্জলিপি থেকে আমি এরপই উদ্ধৃত করেছি।

ইব্ন আবুদ্দুনইয়া মাকহুল থেকে বর্ণনা করেন যে, তিনি বলেন : যে ব্যক্তি নিজ পোশাক-পরিচ্ছন্ন পরিচ্ছন্ন রাখে, তার চিন্তা করে যায়। যার দ্রাঘ উত্তম হয়, তার দ্রাঘ বৃদ্ধি পায়।

মাকহুল কুরআনের আয়াত 'تَمَّ لَتْسِئْلُنَ يَوْمَئِذٍ عَنِ النَّعِيمِ' তারপর সেদিন তোমাকে নিআমতরাজি সম্পর্কে জিজ্ঞাসা করা হবে' (১০২ : ৮১)-এর ব্যাখ্যা বলেছেন : নিআমতরাজি হলো, ঠাণ্ডা পানি, বাসগৃহের ছায়া, পেটের পরিত্তি, দেহের সুষম গঠন এবং নিদার স্বাদ।

মাকহুল আরো বলেন : মুজাহিদ যখন তাদের বেঁচকা-বুঁচকি পশ্চপালের পিঠ থেকে নামায়, তখন ফেরেশতা এসে পশ্চগুলোর পিঠ মুছে দেয় এবং তাদের জন্য বরকতের দু'আ করে। তবে যে পশ্চর গলায় ঘন্টি থাকে, সে পশ্চর জন্য তেমনটা করে না।

১১৪ হিজরী সন

এ বছর মুআবিয়া ইব্ন হিশাম সাইফার বাম অংশের উপর এবং সুলায়মান ইব্ন আবদুল মালিক ডান অংশের উপর আক্রমণ করেন। এরা দু'জন আমীরগুল মু'মিনীন হিশাম-এর ছেলে। এ বছর আবদুল্লাহ আল-বাতাল ও রোম রাজা কুসতুনতীন-এর মাঝে সংঘর্ষ হয়। কুসতুনতীন হলেন সেই প্রথম হেরাক্ল-এর ছেলে, রাসূলুল্লাহ (সা) যার নিকট পত্র লিখেছিলেন। বাতাল তাকে বন্দী করে সুলায়মান ইব্ন হিশাম-এর নিকট পাঠিয়ে দেন। সুলায়মান তাকে তার পিতার নিকট নিয়ে যান।

এ বছর হিশাম পরিত্র মক্কা-মদীনা ও তাইফের শাসন ক্ষমতা হতে ইবরাহীম ইব্ন হিশাম ইব্ন ইসমাঈলকে পদচ্যুত করে তদস্থলে আপন ভাই মুহাম্মদ ইব্ন হিশামকে নিযুক্ত করেন। এক মত অনুসারে তিনি এ বছর অনেক লোকের সাথে হজ্জ করেন। ওয়াকিদী ও আবৃ মাশার বলেন : খালিদ ইব্ন আবদুল মালিক ইব্ন মারওয়ান লোকদেরকে হজ্জ করান। মহান আল্লাহ ভাল জানেন। এ বছর মৃত্যুবরণকারী বিশিষ্ট ব্যক্তিবর্গ :

আতা' ইব্ন আবী রাবাহ

আতা' ইব্ন আবী রাবাহ আল-ফিহ্ৰী। আবৃ মুহাম্মদ আল-মাক্কী তার মনিব। উচ্চ মর্যাদাসম্পন্ন নির্ভরযোগ্য তাবিঙ্গণের একজন। কথিত আছে যে, তিনি দুই শত সাহাবীকে পেয়েছিলেন।

ইব্ন সাদ বলেন : আমি কোন এক আলিমকে বলতে শুনেছি 'আতা' কালো, টেরা, চেপ্টা নাক, লুলা ও লেংড়া ছিলেন। পরে অঙ্ক হয়ে যান। তিনি ছিলেন নির্ভরযোগ্য ফর্কীহ, আলিম ও বহু হাদীস বর্ণনাকারী।

আবৃ জাফর আল-বাকির প্রমুখ বলেন : তৎকালে হজ্জের বিধি-বিধান সম্পর্কে অভিজ্ঞ 'আতা' অপেক্ষা আর কেউ ছিল না। কেউ কেউ আরো একটু বাড়িয়ে বলেন : তিনি সন্তুরবার হজ্জ করেন। তিনি একশত বছর বয়স পেয়েছিলেন। বার্ধক্য ও দুর্বলতার কারণে শেষ বয়সে

তিনি রম্যানে রোয়া রাখতেন না। তার পরিবর্তে ফিদইয়াহ আদায় করতেন। তার স্বপক্ষে নিমোক্ত আয়াত দ্বারা দলীল পেশ করতেন।

وَعَلَى الْأَذْيَنِ يُطِيقُونَهُ فِدْيَةً طَعَامٌ مِسْكِينٌ

‘এটা যাদেরকে সাতিশয় কষ্ট দেয়, তাদের কর্তব্য এর পরিবর্তে ফিদ্যা—একজন অভাবহস্তকে খাদ্য দান করা’ (২: ১৮৪)।

মিনার দিনে বনু উমায়্যার ঘোষণা দিত : ‘হজ্জ বিষয়ে আতা’ ইব্ন আবী রাবাহ ব্যক্তিত আর কেউ ফাতওয়া দিতে পারবেন না। আবু জাফর আল-বাকির বলেন : যত লোকের সঙ্গে আমার সাক্ষাৎ হয়েছে, তাদের মধ্যে আতা’ ইব্ন আবী রাবাহ’র চেয়ে বড় ফকীহ আর কাউকে দেখিনি।

আওয়াঙ্গ ‘বলেন : আতা’ যেদিন ইন্তিকাল করেন, সেদিন পৃথিবীবাসীর নিকট তার চেয়ে প্রিয় মানুষ আর কেউ ছিল না।

ইব্ন জুরায়জ বলেন : ‘আতা’ ইব্ন আবু রাবাহ’র বিছানা বিশ বছর মসজিদে ছিল। তিনি সকলের চেয়ে সুন্দরভাবে নামায আদায় করতেন।

কাতাদাহ বলেন : সাইদ ইব্নুল মুসায়িব, হাসান, ইবরাহীম ও আতা’- এরা এক একজন এক একটি শহরের ইমাম ছিলেন।

‘আতা’ বলেন : মানুষ আমার নিকট হাদীস বর্ণনা করে। তখন আমি নিশ্চুপ হয়ে শ্রবণ করি। যেন আমি এই হাদীস আগে শুনিনি। অথচ, তার জন্মের পূর্বেই আমি এ হাদীস শুনেছি। এভাবে আমি তাকে দেখাতাম যে, এ হাদীস আমি এইমাত্র শুনেছি। অপর এক বর্ণনায় আছে, আমি তার থেকে শুনে হাদীসটি মুখস্থ করি। এভাবে তাকে দেখাই এ হাদীস আমি আগে শুনিনি। জমতুর আলিমগণ এ বিষয়ে একমত যে, ‘আতা’ ইব্ন আবী রাবাহ এ বছর ইন্তিকাল করেন। মহান আল্লাহ তাঁর উপর রহম করুন। মহান আল্লাহ ভাল জানেন।

অনুচ্ছেদ

আবু মুহাম্মদ আতা’ ইব্ন আবী রাবাহ। আবু রাবাহ-এর নাম আসলাম। বিপুল সংখ্যক সাহাবী হতে হাদীস বর্ণনা করেছেন। তাদের মধ্যে উল্লেখযোগ্য কয়েকজন হলো : ইব্ন উমর, ইব্ন আমর, আবদুল্লাহ ইব্ন যুবায়র, আবু হুরায়রাহ, যায়দ ইব্ন খালিদ আল জুহানী ও আবু সাইদ। তিনি ইব্ন আবাস হতে তাফসীর ইত্যাদি শ্রবণ করেন। একদল তাবিঙ্গ তাঁর থেকে হাদীস বর্ণনা করেন। তাঁদের মধ্যে উল্লেখযোগ্য কয়েকজন হলেন : যুহরী, আমর ইব্ন দীনার, আবু যুবায়র, কাতাদা, ইয়াহাইয়া ইব্ন কাছীর, মালিক ইব্ন দীনার, হাবীব ইব্ন আবু ছাবিত, আ’মাশ ও আয়্যব সুখতিয়ানী প্রমুখ। তা ছাড়া আরো বহু ইমাম তাঁর থেকে হাদীস বর্ণনা করেছেন।

আবু হায়্যান বলেন : ‘আমি আতা’ ইব্ন আবী রাবাহকে বলতে শুনেছি, যে ব্যক্তি যিক্রের মজলিসে বসল, সেই মজলিসের ওসীলায় আল্লাহ তার দশটি পাপের আসরের অপরাধ ক্ষমা কর দেন। আবু হায়্যান বলেন : ‘আমি আতাকে জিজ্ঞাসা করলাম, যিক্রের মজলিস কী ? তিনি বললেন, হালাল-হারাম, তুমি কিভাবে নামায পড়বে, কিভাবে রোয়া রাখবে, কিভাবে

বিবাহ করবে, কিভাবে তালাক দিবে, কিভাবে ক্রম-বিক্রয় করবে- এসব বিষয়ে আলোচনার মজলিস।

ইয়াহুয়া ইব্ন রবীআ আস-সানআনী হতে যথাক্রমে আবদুর রায়খাক ও ইসহাক ইব্ন ইবরাহীম সূত্রে তাবারানী বর্ণনা করেন যে, ইয়াহুয়া ইব্ন রবীআ বলেন, আতা' ইব্ন আবী রাবাহকে তিলাওয়াত করতে শুনেছি :

وَكَانَ فِي الْمَدِينَةِ تِسْعَةُ رَهْطٍ يُفْسِدُونَ فِي الْأَرْضِ وَلَا يُصْلِحُونَ

আর সেই শহরে ছিল এমন নয় ব্যক্তি, যারা দেশে বিপর্যয় সৃষ্টি করত এবং সৎকর্ম করত না (২৭ : ৪৮)।

এই আয়াতের ব্যাখ্যায় তিনি বলেন, তারা দিরহাম ঋণ প্রদান করত। কেউ কেউ বলেন, কর্তন করত।

ছাগ্রী আবদুল্লাহ ইবনুল ওয়ালীদ আল ওয়াসসাফী থেকে বর্ণনা করেন যে, তিনি বলেন, আমি জিজ্ঞাসা করলাম, এক কলমধারীর অবস্থা এই যে, যদি সে লিখে, তাহলে সে ও তার পরিজন স্বাচ্ছন্দে থাকে। কিন্তু যদি সে কলম ত্যাগ করে; তাহলে সে অসচ্ছল হয়ে যায়। তার ব্যাপারে আপনার অভিমত কী? তিনি বললেন, মাথাটা কে? আমি বললাম, খালিদ আল-কাসরী।

আতা বলেন, সৎকর্মপরায়ণ বান্দা বলেছিলেন : 'হে আমার প্রতিপালক! তুমি যেহেতু আমার প্রতি অনুগ্রহ করেছ, তাই আমি কখনো অপরাধীদের সাহায্যকারী হব না' (২৮ : ১৭)।

আতা' বলেন, বান্দাকে যা অনুগ্রহ করা হয়েছে, তন্মধ্যে সর্বশ্রেষ্ঠ হলো মহান আল্লাহ বিষয়ক জ্ঞান। আর তা হলো দীন।

আতা' বলেন, বান্দা যদি ইয়া রাব! ইয়া রাব! বলে, তাহলে মহান আল্লাহ তার প্রতি না তাকিয়ে পারেন না। বর্ণনাকারী বলেন, আমি এ কথাটা হাসানকে বললে তিনি বললেন, তোমরা কি কুরআন পাঠ কর না?

رَبَّنَا إِنَّا سَمِعْنَا مُنَادِيًّا لِلْإِيمَانِ أَنْ أَمِنُوا بِرِبِّكُمْ فَأَمَّنَّا - رَبَّنَا فَاغْفِرْلَنَا ذُنُوبَنَا وَكَفِيرْنَا سَيِّئَاتَنَا وَتَوَفَّنَا مَعَ الْأَبْرَارِ - رَبَّنَا وَأَتَنَا مَا وَعَدْنَا عَلَى رُسُلِكَ وَلَا تُخْزِنَا يَوْمَ الْقِيَامَةِ إِنَّكَ لَا تُخْلِفُ الْمِيعَادَ - فَاسْتَجَابَ لَهُمْ رَبُّهُمْ أَنَّى لَا أَضِيعُ عَمَلَ عَامِلٍ مِنْكُمْ مِنْ ذَكَرٍ أَوْ أُنْثَى بَعْضُكُمْ مِنْ بَعْضٍ فَالَّذِينَ هَاجَرُوا وَأَخْرَجُوا مِنْ دِيَارِهِمْ وَأَوْنَوْا فِي سَبِيلٍ وَقُتِلُوا وَقُتِلُوا لَا كُفَّرُنَّ عَنْهُمْ سَيِّئَاتِهِمْ وَلَا دُخْلَنَّهُمْ جَنَّتٍ تَجْرِي مِنْ تَحْتِهَا الْأَنْهَارُ ثَوَابًا مِنْ عِنْدِ اللَّهِ وَاللَّهُ عِنْدَهُ حُسْنُ التُّوَابِ -

'হে আমাদের প্রতিপালক! আমরা এক আহ্বায়ককে ঈমানের দিকে আহ্বান করতে শুনেছি, তোমরা তোমাদের প্রতিপালকের প্রতি ঈমান আন। কাজেই, আমরা ঈমান এনেছি।

হে আমাদের প্রতিপালক! তুমি আমাদের পাপ ক্ষমা কর, আমাদের মন্দ কার্যগুলি দূরীভূত কর এবং আমাদেরকে সৎকর্মপরায়ণদের সহগামী করে মৃত্যু দিও।

হে আমাদের প্রতিপালক! তোমার রাসূলগণের মাধ্যমে আমাদেরকে যা দিতে প্রতিশ্রূতি দিয়েছ, তা আমাদেরকে দাও এবং কিয়ামতের দিন আমাদেরকে হেয় কর না। নিশ্চয় তুমি প্রতিশ্রূতির ব্যতিক্রম কর না।

তাৰপৰ তাদের প্রতিপালক তাদের ভাকে সাড়া দিয়ে বলেন, আমি তোমাদের মধ্যে কর্মে নিষ্ঠ কেবল নব অথবা নারীর কর্ম বিফল করি না, তোমরা একে অপরের অংশ। কাজেই যারা হিজ্রত করেছে, নিজ গৃহ হতে উৎখাত হয়েছে, আমার পথে নির্যাতিত হয়েছে এবং যুদ্ধ করেছে ও নিহত হয়েছে, আমি তাদের পাপ কার্যগুলো অবশ্যই দূরীভূত করব এবং অবশ্যই তাদেরকে দাখিল করব জানাতে, যার পাদদেশে নদী প্রবাহিত। এটা আল্লাহর নিকট হতে পুরুষ, উভয় পুরুষের আল্লাহরই নিকট।' (৩ : ১৯৩-১৯৫)।

আমর ইব্নুল ওয়ারদ হতে যথাক্রমে যামরা ও আবু আবদুল্লাহ আস-সুলামী সূত্রে আবদুল্লাহ ইব্ন আহমাদ ইব্ন হাষল বর্ণনা করেন যে, আমর ইব্নুল ওয়ারদ বলেন, আতা' বলেছেন, তুমি যদি আরাফাতের দিনে সম্প্রাবেলো নির্জনে কাটাতে পার, তাহলে তা কর।

সাইদ ইব্ন সালাম আল-বসরী বলেন, আমি আবু হানীফা আন-নু'মানকে বলতে শুনেছি, পৰিত্র মক্কায় আতার সঙ্গে আমার সাক্ষাৎ হয়। তখন আমি তাকে একটি বিষয় জিজ্ঞাসা করি। তিনি জিজ্ঞাসা করেন, তুমি কোথাকার মানুষ? আমি বললাম, কূফার। তিনি বললেন, আপনি কি সেই অঞ্চলের মানুষ, যেখানকার লোকেরা তাদের দীনকে ছিন্নভিন্ন করেছে এবং নিজেরা দলে দলে বিভক্ত হয়ে পড়েছে? আমি বললাম, হ্যাঁ। তিনি বললেন, তুমি কোন দলের লোক? আমি বললাম, যারা পূর্বসূরীদেরকে গালি দেয় না, তাকদীরে বিশ্঵াস করে এবং ছেটখাটো পাপের সূত্রে কেবলাওয়ালা কাউকে কাফির বলে না, আমি সেই দলের মানুষ। শুনে আতা' বললেন, বুঝেছি, আপনি আটুট থাকুন।

আতা' আরো বলেন, সনদ অপেক্ষা অন্য কিছুতে উচ্চত এত শক্তভাবে ঐক্যবদ্ধ হয়নি।

আতাকে বলা হয়েছিল, এখানে এমন একটি সম্প্রদায় আছে, যারা বলে, ঈমান বাঢ়েও না, কমেও না। উত্তরে তিনি বললেন : **وَالَّذِينَ اهْتَدُوا زَادَهُمْ هُدًى** যারা সৎপথ অবলম্বন করে, আল্লাহ তাদের সৎপথে হলোবার শক্তি বৃদ্ধি করেন (৪৭ : ১৭)।

তাহলে এই হিদায়াতটা কী, মহান আল্লাহ যা বৃদ্ধি করেছেন? আমি বললাম, তারা মনে করে, সালাত ও যাকাত মহান আল্লাহর দীনের অংশ নয়। তিনি বললেন, আল্লাহ তা'আলা ইরশাদ করেন :

**وَمَا أَمْرُوا إِلَّا لِيَعْبُدُوا اللَّهَ مُخْلِصِينَ لَهُ الدِّينَ حُنَفَاءٌ وَيَقِيمُونَ الصَّلَاةَ
وَيُؤْتُونَ الزَّكُوْةَ وَذَالِكَ دِينُ الْقِيَمَةِ -**

তারা তো আদিষ্ট হয়েছিল আল্লাহর আনুগত্যে বিশুদ্ধচিত্ত হয়ে একনিষ্ঠভাবে তাঁর ইবাদত করতে এবং সালাত কায়েম করতে ও যাকাত দিতে। এটাই সঠিক দীন (১৮ : ৫)।

এই তো এই আয়াতে মহান আল্লাহ সালাত ও যাকাতকে দীন আখ্যায়িত করেছেন।

ইয়ালা ইব্ন উবায়দ বলেন, আমরা একদিন মুহাম্মদ ইব্ন সূকাহ-এর নিকট গেলাম। তিনি বললেন, আমি কি তোমাদেরকে এমন হাদীস বলব, হয়ত তা তোমাদের উপকার করতে পারে? কেননা, এ হাদীস আমারও উপকার করেছে। আতা' ইব্ন আবী রাবাহ আমাকে বলেছেন, ভাতিজা! তোমাদের পূর্বেকার লোকেরা অপ্রয়োজনীয় কথা বলা অপসন্দ করতেন। তারা অপ্রয়োজনীয় বাক্যালাপকে পাপ গণ্য করতেন। তারা মহান আল্লাহর কিতাব ব্যতীত পাঠ করতেন না, সৎ কাজের আদেশ করতেন। অসৎ কাজে বাধা প্রদান করতেন কিংবা মানুষের সঙ্গে জীবনধারার অত্যাবশ্যকীয় কথা বলতেন। আল্লাহ পাক ইরশাদ করেন:

وَإِنَّ عَلَيْكُمْ لَحَافِظِينَ كِرَاماً كَاتِبِينَ

অবশ্যই আছে তোমাদের জন্য তত্ত্বাবধায়কগণ, সম্মানিত লিপিকরবৃন্দ (৮২ : ১০, ১১)।

اذْ بَتَّالَقَى الْمُتَّلَقِيَانِ عَنِ الْيَمِينِ وَعَنِ الشِّمَاءِ قَعِيدُ - مَا يَلْفِظُ مِنْ قَوْلٍ إِلَّا
لَدِيهِ رَقِيبٌ عَتِيدُ -

স্মরণ রেখ, দুই গ্রহণকারী ফেরেশতা তার ডানে ও বামে বসে তার কর্ম লিপিবদ্ধ করে, মানুষ যে কথাই উচ্চারণ করে, তার জন্য তৎপর প্রহরী তার নিকটেই রয়েছে। (৫০ : ১৭, ১৮)।

তোমরা কি মহান আল্লাহর এ বাণীগুলোকে অস্বীকার করবে? তোমাদের কেউ যদি দিন ভর লিখে আর পরে দেখে যে, সে যা কিছু লিখেছে, তার অধিকাংশই এমন যে, তাতে না আছে দ্বিনের কোন কথা, না আছে দুনিয়ার কোন বিষয়, তাহলে সে লজ্জাবোধ করবে না?

তিনি আরো বলেন, তুমি যদি রাতে গরমের ভয় কর, তাহলে বিস্মিল্লাহির রাহমানির রাহীম আউয়ু বিল্লাহি মিনাশ শায়তানির রাজীম পাঠ কর।

তাবারানী প্রমুখ বলেন, মসজিদে হারামে ইব্ন আববাস (রা)-এর আসর বসত। ইব্ন আববাস (রা)-এর ইন্তিকালের পর সেই আসর চলে যায় আতা' ইব্ন আবী রাবাহ-এর হাতে।

সালামা ইব্ন কুহায়ল হতে সুফিয়ান, ফয়ল ইব্ন দাকীন ও আবু শায়বা সূত্রে উচ্মান ইব্ন আবু শায়বা বর্ণনা করেন যে, সালামা ইব্ন কুহায়ল বলেন, তিনজন ব্যতীত অন্য কাউকে নিজ ইল্ম দ্বারা মহান আল্লাহর নিকট যা আছে, তার অনুসন্ধান করতে দেখিনি। সেই তিনজন হলেন, আতা' তাউস ও মুজাহিদ।

আমর ইব্ন যার্র থেকে ইব্ন নুমায়ার সূত্রে ইমাম আহমদ বর্ণনা করেন যে, আমর ইব্ন যার্র বলেন, আমি আতার মত লোক কখনো দেখিনি। আমি আতার গায়ে কখনো জামা দেখিনি এবং তাঁর গায়ে আমি কখনো পাঁচ দিরহাম সময়লুয়ের পোশাক দেখিনি।

আতা' থেকে যথাক্রমে আবদুল মালিক ইব্ন জুরায়জ ও কায়স সূত্রে আবু বিলাল আল আশ'আরী বর্ণনা করেন যে, আতা' বলেন, ইয়া'লা ইব্ন উমায়া সাহাবী ছিলেন। তিনি ই'তিকাফের নিয়ত করে মসজিদে বসে থাকতেন।

আওয়াঙ্গে আতা' থেকে বর্ণনা করেন যে, তিনি বলেন, রাসূল-তনয়া ফাতিমা আটা খামীর করতেন এবং গৃহস্থালী কাজে তাঁকে উপর্যা ত্রিসেবে পেশ করা হতো।

আওয়াঙ্গি থেকে আরো বর্ণিত আছে যে, ‘আতা’^{رَأْفَةُ فِي دِيْنِ اللَّهِ} (আল্লাহর বিধান কার্যকরী করণে তাদের প্রতি দয়া যেন তোমাদেরকে প্রভাবিত না করে) এই আয়াতের ব্যাখ্যায় বলেন, এর অর্থ হলো তাদের উপর হন্দ বাস্তবায়নের ক্ষেত্রে।

আওয়াঙ্গি বলেন, আমি কিছুদিন ইয়ামামায় ছিলাম। সেখানকার গভর্নর আল্লাহর রাসূল (সা)-এর সাহাবীদেরকে নানাভাবে পরীক্ষা করতেন। লোকটি ছিল মুনাফিক—মু’মিন নয়। তালাক ও দাসমুক্তির ক্ষেত্রে তার অভিমত ছিল, এ দুই ক্ষেত্রে যারা অপরাধ করবে, অরা মু’মিন নয়—মুনাফিক। জনগণ এ ক্ষেত্রে তার আনুগত্য করে। আমি পরে আতার সঙ্গে সাক্ষাৎ করে এ ব্যাপারে জিজ্ঞাসা করলাম। তিনি বললেন, আমি তো তাতে কোন সমস্যা দেখেছি না। কেননা, আল্লাহ^ح পাক ইরশাদ করেন, ^{لَا إِنْ تَتَقْوَى مِنْهُمْ تُقَاتَلْ} ‘তাদের থেকে আত্মরক্ষার উদ্দেশ্যে হলে তা ভিন্ন কথা’ (সূরা আলে-ইমরান ৪: ২৮)।

ইসমাইল ইব্ন উমায়া হতে সুফিয়ান ইব্ন উয়ায়নাহ সূত্রে ইমাম আহমাদ বর্ণনা করেন যে, ইসমাইল ইব্ন উমায়া বলেন, ‘আতা’^{رَدِّي} দীর্ঘ সময় নীরব থাকতেন। তিনি যখন কথা বলতেন, তখন আমাদের মনে হতো, তিনি সমর্থন ব্যক্ত করছেন।

তিনি ^{لَا يَلْهِيْهِمْ تِجَارَةً وَلَا بَيْعٌ عَنْ ذِكْرِ اللَّهِ} (ব্যবসা-বাণিজ্য ও ক্রয়-বিক্রয় তাদেরকে আল্লাহর শ্রেণ থেকে বিরত রাখে না) এই আয়াতের ব্যাখ্যায় বলেন, ^{لَا يَلْهِيْهِمْ بَيْعٌ وَلَا شَرَاءً} عن مواضع حقوق اللہ تعالیٰ ন্তি অব্যর্থ করে আল্লাহ^ح তাদের উপর যেসব হক ফরয করে দিয়েছেন, যথাযথভাবে অর্থাৎ আল্লাহ^ح তাদের উপর যেসব হক ফরয করে দিয়েছেন, যথাযথভাবে এবং যথাসময়ে সেসব আদায়ে তাদের ক্রয়-বিক্রয় তাদেরকে বিরত রাখে না।

ইব্ন জারীর বলেন, আমি আতাকে বায়তুল্লাহ^ح তওয়াফ করতে দেখেছি। তখন তিনি তার পরিচালককে উদ্দেশ্য করে বলেন, তোমরা থাম, আমার থেকে পাঁচটি বিষয় মুখ্য করে নাও। তাকদীরের ভাল-মন্দ, মধুরতা-তিক্ততা সব মহান আল্লাহর পক্ষ থেকে হয়ে থাকে। তাতে বাদার কোন ইচ্ছা-আকাঙ্ক্ষা কার্যকর হয় না। আমাদের কিবলাওয়ালারা মু’মিন। তাদের রক্ত ও সম্পদ হারাম। তবে শরীআতের বিধানের প্রশ্ন দেখা দিলে তা ভিন্ন ব্যাপার। বিদ্রোহী গোষ্ঠীর বিরুদ্ধে হাত, জুতা ও অন্ত্র দ্বারা লড়াই করা এবং খারেজীরা ভাস্ত হওয়ার সাক্ষ্য দেওয়া।

ইব্ন উমর (রা) বলেন, সমস্যা নিয়ে তোমরা আমার নিকট জড়ো হচ্ছ, অর্থে তোমাদের মাঝে আতা’^{رَدِّي} ইব্ন আবী রাবাহ বিদ্যমান।

মু’আয ইব্ন সাদ বলেন, আমি আতা’র নিকট উপবিষ্ট ছিলাম। তিনি একটি হাদীস বলেন। কিন্তু তার কথার মধ্যে এক ব্যক্তি প্রশ্ন তুলে বসল। তাতে আতা’^{رَدِّي} রাগার্বিত হয়ে বললেন, এ কেমন চরিত্র? এ কেমন স্বভাব? আল্লাহর শপথ! আমি মানুষ থেকে এমন হাদীস শুনে থাকি, যা আমি তার তুলনায় ভাল জানি। কিন্তু তাকে দেখাই, আমি তার চেয়ে ভাল কিছু জানি না।

আতা’^{رَدِّي} বলতেন, আমি আমার ঘরে বিছানা দেখা অপেক্ষা শয়তান দেখা উত্তম মনে করি। কারণ, বিছানা নিদুর দিকে আহ্বান জানায়।

ইব্ন জারীর থেকে যথাক্রমে ইয়াহ-ইয়া ইব্ন সাঈদ ও আলী ইব্নুল মাদীনী সূত্রে উচ্মান ইব্ন আবু শায়বা বর্ণনা করেন যে, ইব্ন জারীর বলেন, বৃক্ষ ও দুর্বল হয়ে যাওয়ার পরও আতা’^{رَدِّي} নামাযে সূরা বাকারার দুইশত আয়াত তিলাওয়াত করতেন, অর্থে তার কোন অঙ্গ নড়াচড়া করত না।

ইব্ন উয়ায়নাহ্ বলেন, আমি ইব্ন জারীরকে বললাম, আপনার ন্যায় নামাযী আমি আর দেখিনি। তিনি বললেন, তুমি যদি আতাকে দেখতে ?

‘আতা’ বলেন, মহান আল্লাহ্ সেই যুবককে ভালবাসেন না, যে বিখ্যাত কাপড় পরিধান করে। ফলে সেই পোশাক না খোলা পর্যন্ত মহান আল্লাহ্ তার থেকে মুখ ফিরিয়ে রাখেন।

বলা হতো, বাদ্দার উচিত ব্যাধিগ্রস্ত লোকের ন্যায় হয়ে থাকা, যার শক্তির প্রয়োজন এবং সব খাবার তাকে মানায় না। আরো বলা হতো নিম্নোগ্রাম বিজ্ঞ লোকের চোখকেই অদ্ভুত করে ফেলে। সেখানে অজ্ঞ লোকদের অবস্থা কেমন হবে ? কখনো তুমি নিআমতের অধিকারী ব্যক্তিকে ঈর্ষা করবে না। কারণ, তুমি জান না, মৃত্যুর পর সে কোথায় যাবে !

১১৫ হিজরী সন

এ বছর সিরিয়ায় প্রেগ রোগ দেখা দেয় এবং মুহাম্মদ ইব্ন হিশাম ইব্ন ইসমাঈল লোকদেরকে হজ্জ করান। মুহাম্মদ ইব্ন হিশাম ছিলেন হারামায়ন ও তাইফ-এর নায়েব। অন্যসব অঞ্চলের নায়েব তারাই ছিলেন, যাদের উল্লেখ পূর্বে করা হয়েছে। মহান আল্লাহ্ ভাল জানেন। এ বছর মৃত্যুমুখে পতিত বিশিষ্ট ব্যক্তিবর্গ :

আবু জা'ফর আল-বাকির

তিনি মুহাম্মদ ইব্ন আলী ইব্নুল হসায়ন ইব্ন আলী ইব্ন আবী তালিব আল-কারাশী আল-হাশেমী আবু জা'ফর আল বাকির। তাঁর মা হাসান ইব্ন আলীর কন্যা উম্মে আবদুল্লাহ্। মহান তাবিস্ত। বিপুল মর্যাদার অধিকারী বিশাল ব্যক্তিত্ব। ইল্ম, আমল, নেতৃত্ব ও সম্মানে এই উন্নতের বিশিষ্ট ব্যক্তিবর্গের একজন। শীআদের দাবী অনুযায়ী তিনি তাদের বার ইমামের অন্যতম। অর্থ তিনি না ছিলেন তাদের পথের লোক, না তাদের মতের। তাদের চিন্তা-চেতনার সঙ্গে তাঁর কোন মিল ছিল না। বরং তিনি তাদের একজন ছিলেন, যারা হ্যরত আবু বাকির ও উমর (রা)-এর অনুসরণ করতেন। তার মতে এটাই ছিল সঠিক পথ। তিনি বলেনও যে, আমি আমার পরিবারের একজনকেও এমন পাইনি, যে আবু বাকির ও উমর-এর সঙ্গে সুসম্পর্ক বজায় রাখত না। তিনি একাধিক সাহাবী হতে হাদীস বর্ণনা করেছেন। তার থেকে হাদীস বর্ণনা করেছেন একদল বড় বড় তাবিস্ত। তাদের থেকে যারা হাদীস বর্ণনা করেছেন, তাদের কয়েকজন হলেন, জা'ফর আস-সাদিক, হাকাম ইব্ন উতায়বা, রবীআ, আ'মাশ, আবু ইসহাক আস-সুবায়ন্দি আওয়ান্দি, আ'রাজ, যিনি বয়সে তার বড় ছিলেন। ইব্ন জুরায়জ, আতা', আমর ইব্ন দীনার ও যুহুরী।

সুফিয়ান ইব্ন উয়ায়নাহ্ জা'ফর আস-সাদিক হতে বর্ণনা করেন যে, জা'ফর সাদিক (র) বলেন : আমাকে আমার পিতা বর্ণনা করেন- তিনি ছিলেন সে যুগে পৃথিবীর শ্রেষ্ঠ মুহাম্মদী।

আল-আজালী বলেন : তিনি মাদানী এবং নির্ভরযোগ্য তাবিস্ত।

মুহাম্মদ ইব্ন সা'দ বলেন : আবু জা'ফর আল-বাকির (রা) নির্ভরযোগ্য এবং অনেক হাদীস বর্ণনাকারী।

এক অভিমত অনুসারে তিনি এ বছর ইন্তিকাল করেন। কারো কারো মতে এর আগের বছর। কারো মতে এ বছরের পরের বছর। কারো মতে তার পরের কিংবা তারও পরের বছর।

মহান আল্লাহ্ ভাল জানেন। তার বয়স সত্ত্বে অতিক্রম করেছিল। কারো কারো মতে ষাট অতিক্রম করেনি। মহান আল্লাহ্ ভাল জানেন।

অনুচ্ছেদ

আবু জাফর মুহাম্মদ ইবন আলী ইবনুল হুসায়ন ইবন আলী ইবন আবী তালিব। তাঁর পিতা আলী যায়নুল আবিদীন (র)। দাদা হুসায়ন (রা) পিতা ও দাদা দুইজনই ইরাকে শাহাদাতপ্রাপ্ত হন। তিনি ইল্মকে বিদীর্ণ এবং গবেষণার মাধ্যমে জ্ঞান আবিষ্কার করতেন বলে তাকে বাকির বলা হয়। তিনি যিকিরকারী, বিনয়ী ও ধৈর্যশীল ছিলেন। তিনি ছিলেন নবুওয়াত বংশধারা এবং পিতা ও মাতা উভয় দিক থেকে উঁচু বংশের মানুষ। ছিলেন আপদ-বিপদ সম্পর্কে পরিজ্ঞাত, অধিক ক্রন্দনকারী এবং বিবাদ-বিসৎবাদ পরিহারকারী।

আবু বিলাল আল-আশ'আরী মুহাম্মদ ইবন মারওয়ান ও ছুবিত সূত্রে বর্ণনা করেন যে, পবিত্র কুরআনের আয়াত আব্দুর্রাখান আল-গুরফা বর্ণনা করেন যে, **أَوْلَئِكَ يُجْزَوْنَ الْفُرْقَةَ بِمَا صَبَرُوا** (তাদেরকে প্রতিদানস্বরূপ দেওয়া হবে জান্নাত, যেহেতু তারা ধৈর্যশীল।)-এর ব্যাখ্যায় মুহাম্মদ ইবন আলী ইবনুল হুসায়ন বলেন : **الْفُرْقَةُ** অর্থ জান্নাত। অর্থাৎ তারা দুনিয়াতে দারিদ্র্যের জন্য যে ধৈর্যধারণ করেছেন, তার বিনিময়ে তাদেরেক জান্নাত দেওয়া হবে।

আবদুস সালাম ইবন হারব যায়দ ইবন খায়ছামা সূত্রে বর্ণনা করেন যে, আবু জাফর বলেছেন : বজ্র মু'মিন অ-মু'মিন উভয়েরই উপর নিপত্তি হয়। কিন্তু যিকিরকারীর উপর নিপত্তি হয় না।

ইবন আবুরাস (রা) হতেও অনুরূপ বর্ণিত হয়েছে। তিনি বলেন : আকাশ হতে যদি তারকার সমান বজ্রও অবতরণ করে, তা যিকিরকারীকে আক্রমণ করবে না।

জাবির আল-জু'ফী বলেন : মুহাম্মদ ইবন আলী আমাকে বলেছেন : হে জাবির! আমি চিন্তিত এবং আমার অস্তকরণ ব্যস্ত। আমি বললাম : আপনার চিন্তাটা কী? হৃদয়ের ব্যস্ততাটাইবা কী? তিনি বললেন : শোন হে জাবির! যার অস্তরে আল্লাহর দীনের পরিচ্ছন্ন আদর্শ অনুপ্রবেশ করে, অন্যসব কিছু বাদ দিয়ে সে তাতেই ব্যস্ত হয়ে পড়ে। বল তো জাবির! দুনিয়াটা কী? তার শেষ পরিণতিটাইবা কী ঘটবে? তা তো একটি বাহন ছাড়া নয়, তুমি যাতে আরোহণ করেছ? কিংবা সেই পোশাক যা তুমি পরিধান করেছ? অথবা এমন নারী, যাকে তুমি উপভোগ করেছ? শোন জাবির! মু'মিনগণ দুনিয়াতে চিরকাল থাকবে মনে করে নিশ্চিন্ত হয় না এবং দুনিয়ার সাজ-সৌন্দর্য তাদেরকে মহান আল্লাহর আলো হতে অক্ষণ্ণ করে দেয় না। ফলে তারা ভাল মানুষদের প্রতিদান লাভে ধন্য হয়। মুত্তাকীরা দুনিয়াদারদের তুলনায় খরচ করে কম; কিন্তু লাভবান হয় বেশী। তুমি যদি ভুলে যাও, তারা তোমাকে স্মরণ করে। তুমি যদি স্মরণ কর, তারা তোমাকে সাহায্য করে। তারা মহান আল্লাহর হকের কথা বলে বেড়ায়, তাঁর বিধান প্রতিষ্ঠিত করে, তাদের প্রতিপালকের ভালবাসার স্বার্থে সম্পর্ক ছিন্ন করে। তারা তাদের অস্তর দ্বারা মহান আল্লাহ ও তাঁর ভালবাসার প্রতি তাকায় এবং প্রেমাস্পদের আনুগত্যের স্বার্থে দুনিয়া হতে মুখ ফিরিয়ে নেয়। তারা জানে, এ সব তাদের সৃষ্টিকর্তার বিধান। ফলে, তারা

দুনিয়াতে ঠিক সেইভাবে বসবাস করে, যেভাবে বসবাস করা তাদের অধিকর্তারও কাম্য। যেন তারা এক স্থানে অবতরণ করল। পরে সে স্থান ত্যাগ করে সেখান হতে চলে গেল। এবং সেই পানির ন্যায়, যা তুমি স্বপ্নে লাভ করেছ। কিন্তু জগত হয়ে দেখতে পেলে, তোমার হাতে তার কিছু-ই নেই। কাজেই, মহান আল্লাহ তোমার নিকট তাঁর দ্বীন ও জ্ঞানের যা কিছু গচ্ছিত রেখেছেন, তুমি তা সংরক্ষণ কর।

খালিদ ইব্ন ইয়ায়ীদ বলেন : আমি মুহাম্মদ ইব্ন আলীকে বলতে শুনেছি যে, উমর ইব্নুল খাতুব বলেন : তোমরা যখন কোরআন পাঠকারীকে বিত্তশালী লোকদেরকে ভালবাসতে দেখবে, বুঝবে, সে দুনিয়াদার। আর যখন তাকে বাদশাহ'র নিকট গিয়ে বসে থাকতে দেখবে, তাহলে সে চোর।

আবু জাফর প্রতিদিন ও প্রতিরাত নির্ধারিত পরিমাণ নামায পড়তেন।

ইব্ন আবুদ্দুনয়া তাঁর থেকে বর্ণনা করেন যে, তিনি বলেন : ইতর লোকদের অন্ত হলো অকথ্য ভাষা।

আবুল আহওয়াস মানসূর সূত্রে তাঁর থেকে বর্ণনা করেন যে, তিনি বলেন : সব কিছুর-ই একটা আপদ আছে। ইলমের আপদ হলো বিস্মিতি।

তিনি তাঁর ছেলেকে বলেন : তুমি আলস্য ও বিরক্তি হতে নিজেকে রক্ষা কর। কেননা, এই দুটি দোষ সব অপকর্মের চাবি। যখন তুমি অলসতা করবে, তখন কোন হক আদায় করতে পারবে না। আর যখন বিরক্ত হবে, তখন সত্ত্বের উপর দৃঢ় থাকতে পারবে না।

তিনি আরো বলেন : সবচেয়ে কঠিন আমল তিনটি। সর্বাবস্থায় মহান আল্লাহ'কে শ্রবণ করা, নিজের সঙ্গে ইনসাফ করা এবং সম্পদে ভাইয়ের সঙ্গে সহর্মিতা প্রদর্শন করা।

খালফ ইব্ন হাওশাব বলেন : আবু জাফর বলেন : ঈমান হল অন্তরে প্রোথিত বস্তু আর ইয়াকীন হলো বিপদ। ইয়াকীন অন্তরে অতিক্রম করে। যেন তা সোহার পাত। আবার সেখান থেকে বেরিয়ে আসে, তা যেন তা ছেঁড়া বন্ধু থেও। বান্দার অন্তরে যদি এতটুকু অহংকার প্রবেশ করে। তার বিনিময়ে সম্পরিমাণ কিংবা তদপেক্ষা বেশী জ্ঞান করে যায়।

আবু জাফর আল-বাকির জাবির আল-জু'ফীকে জিজ্ঞাসা করেন : ইবাকের ফকীহগণ পরিত্র কুরআনের আয়াত রীতে সম্পর্কে কী বলেন? জবাবে তিনি বলেন, তিনি তার বৃক্ষাঙ্গুলির উপর ইয়া কুবকে দাঁতে কামড় দেওয়া অবস্থায় দেখতে পান। আবু জাফর বলেন : না। আমার পিতা আমাকে আমার দাদা আলী ইব্ন আবী তালি'র হতে বর্ণনা করেন যে, হযরত ইউসুফ (আ) যে বুরহান দেখেছিলেন, তা হলো, তারা উভয়ে যখন পরম্পর পরম্পরারের প্রতি আকৃষ্ট হন, অর্থাৎ যখন ইউসুফ (আ) যুলায়খার প্রতি প্রলুক হয়ে উঠেন, তখন জুলায়খা উঠে ঘরের এক কোণে রক্ষিত মণি-মুক্তা খচিত তার একটি মূর্তির নিকট গিয়ে সেটি একটি সাদা কাপড় দ্বারা ঢেকে ফেলে এই ভয়ে যে, মূর্তি তাকে দেখে ফেলবে কিংবা লজ্জাবশত। দেখে ইউসুফ (আ): তাকে বলেন : এটা কী? জুলায়খা বলে : এটা আমার দেবতা। আমি লজ্জাবোধ করছি যে, তিনি আমাকে এই অবস্থায় দেখবেন। ইউসুফ (আ) বলেন : তুমি এমন একটি মূর্তিকে লজ্জা করছ, যে উপকারণ করতে পারে না, অপকারণও না। শুনেও না, দেখেও না। তাহলে কি আমি আমার সেই ইলাহকে লজ্জা করব না, যিনি সকল

প্রাণীর সব কর্মকাণ্ড প্রত্যক্ষ করেন ? তারপর বলেন : আপনি কক্ষগো আমার নাগাল পাবেন না।

এটাই হলো বুরহান ।

বিশ্র ইব্নুল হারিছ আল-হাফী যথাক্রমে সুফিয়ান আস-ছাওরী ও মানসূর সূত্রে বর্ণনা করেন যে, মানসূর বলেন : আমি মুহাম্মদ ইব্ন আলীকে বলতে শুনেছি : সচ্ছলতা ও সশ্মান মু'মিনের অন্তরে ঘুরে বেড়ায় । যখন তারা সেই স্থানটিতে গিয়ে পৌঁছে, যেখানে তাওয়াক্কুল থাকে, আমি তাকে আটকে ফেলি ।

তিনি আরো বলেন : মহান আল্লাহু আমাদের গোষ্ঠীর লোকদের অন্তরে প্রভাব চেলে দেন । যখন আমাদের নেতারা দণ্ডয়মান হন, তখন তাদের এক একজন মানুষ সিংহ অপেক্ষা সাহসী এবং তরবারি অপেক্ষা ধারাল হয়ে যান । তিনি বলেন : আমাদের গোষ্ঠী হলো, যারা মহান আল্লাহুর আনুগত্য করে ও তাকে ভয় করে ।

তিনি আরো বলেন : তোমরা বিবাদ থেকে বেঁচে থাক । কেননা, বিবাদ অন্তরকে বিনষ্ট করে এবং কপটতা জন্ম দেয় ।

তিনি **أَلَّذِينَ يَخُوضُونَ فِي أَيَّاتِنَا** এই আয়াতের ব্যাখ্যায় বলেন : তারাই হলো বিবাদকারী গোষ্ঠী । উরওয়াহু ইব্ন আবদুল্লাহ বলেন : আমি আবু জাফর মুহাম্মদ ইব্ন আলীকে তরবারি অলংকরণের ব্যাপারে জিজ্ঞাসা করেছিলাম । তিনি বলেন : তাতে কোন অসুবিধা নেই । আবু বকর সিদ্দীক (রা) তাঁর তরবারি অলংকৃত করেছিলেন । উরওয়াহু বলেন : আমি বললাম : আপনি ‘সিদ্দীক’ বলছেন ? তিনি লাফিয়ে উঠে কিবলায়ুরী হলেন । তারপর বললেন : হ্যাঁ, সিদ্দীক, হ্যাঁ, সিদ্দীক । যে ব্যক্তি সিদ্দীক বলল না, মহান আল্লাহু দুনিয়া ও আধিরাতে তার কোন কথা সত্য না করুন ।

জাবির আল- জু'ফী বলেন : মুহাম্মদ ইব্ন আলী আমাকে বললেন : হে জাবির ! আমি শুনতে পেয়েছি, ইরাকের একদল মানুষ মনে করে যে, তারা আমাদেরকে ভালবাসে এবং আবু বাকর (রা) ও উমর (রা)-এর সমালোচনা করে । তারা মনে করছে, আমি তাদেরকে সে ব্যাপারে আদেশ করেছি । তুমি আমার পক্ষ থেকে তাদেরকে জানিয়ে দাও, আমি মহান আল্লাহুর অনুগত এবং তাদের থেকে দায়মুক্ত । শপথ সেই সত্তার, যার হাতে মুহাম্মদের জীবন ! আমি যদি ক্ষমতা লাভ করি, তাহলে আমি তাদের রক্ত ঝরিয়ে মহান আল্লাহুর নৈকট্য লাভ করব । আমি যদি আবু বাকর (রা) ও উমর (রা)-এর জন্য ক্ষমা প্রার্থনা ও রহমতের দু'আ না করি, তাহলে মুহাম্মদ (সা)-এর শাফাআত যেন আমার নাগাল না পায় । নিশ্চয় মহান আল্লাহুর শক্রুরা তাদের মর্যাদা ও অগ্রসরতা সম্পর্কে অনবহিত । তুমি তাদেরকে জানিয়ে দাও, আমি তাদের থেকে এবং যারা আবু বাকর (রা) ও উমর (রা) থেকে দায়মুক্ত, তাদের থেকে দায়মুক্ত ।

তিনি আরো বলেন : যে ব্যক্তি আবু বকর (রা) ও উমর (রা) মর্যাদা সম্পর্কে অবহিত হল না, সে সুন্নাত বিষয়ে অজ্ঞ-ই রয়ে গেল ।

তিনি **إِنَّمَا وَلِيُّكُمُ اللَّهُ وَرَسُولُهُ وَالَّذِينَ أَمْنَوْا** তোমাদের বন্ধু তো আল্লাহ ও তাঁর রাসূল ও মু'মিনগণ' (৫ : ৫৫) । পবিত্র কুরআনের এই আয়াতের ব্যাখ্যায় বলেন : তাঁরা হলেন

মুহাম্মদ (সা)-এর সাহাবীগণ। উরওয়াহ্ বলেন : আমি বললাম, তারা তো বলছে, তিনি হলেন আলী। আবু জাফর বললেন : আলী মুহাম্মদ (সা)-এর সাহাবীগণের একজন।

আবদুল্লাহ্ ইব্ন আতাঃ' বলেন : আবু জাফর মুহাম্মদ ইব্ন আলীর সমূখে যত বড় আলিম-ই উপবেশন করতেন, তাকে ছোট বলে মনে হতো। আমি এমনটি অন্য কোন আলিমের ক্ষেত্রে দেখিনি। আমি হাকামকে তার নিকট দেখলাম, যেন তিনি একজন শিক্ষার্থী।

তিনি বলেন : আমার এক ভাই ছিল। আমার চোখে সে ছিল মহান। যে বিষয়টি তাকে আমার চোখে মহান করে তুলেছিল, তা হলো তার চোখে দুনিয়ার তুচ্ছতা।

জাফর ইব্ন মুহাম্মদ বলেন : আমার পিতার খচরটি হারিয়ে যায়। তিনি বলেন : মহান আল্লাহ্ যদি খচরটি আমাকে ফিরিয়ে দেন, তাহলে আমি তাঁর এমন প্রশংসা করব যে, তিনি সম্পূর্ণ হয়ে যাবেন। একথা বলার অন্ত পরই খচরটি যীনসহ ফিরে আসে, যার কিছুই হারায়নি। আবুজান উঠে তার পিঠে আরোহণ করলেন। তিনি খচরটির পিঠে ভালভাবে বসে কাপড় গুটিয়ে আকাশের দিকে মাথা তুলে বললেন, আলহামদু লিল্লাহ্। এরচেয়ে একটুও বেশী কিছু বললেন না। এ ব্যাপারে তাকে জিজ্ঞাসা করা হলে তিনি বলেন : আমি কি কিছু বাদ দিয়েছি, নাকি কিছু অবশিষ্ট রেখেছি? আমি তো সকল প্রশংসা মহান আল্লাহ্‌র জন্য সাব্যস্ত করেছি!

আবদুল্লাহ্ ইব্নুল মুবারক বলেন : মুহাম্মদ ইব্ন আলী বলেন : যাকে সচরিত্ব ও কোম্লতা দান করা হয়েছে, তাকে কল্যাণ, শান্তি এবং দুনিয়া ও আধিরাতে উত্তম অবস্থা দান করা হয়েছে। আর যাকে এ দুটি গুণ থেকে বঞ্চিত করা হয়েছে, তার জন্য সকল অনিষ্ট ও বিপদাপদের দ্বারা উন্মুক্ত। তবে মহান আল্লাহ্ কাউকে রক্ষা করলে তা ভিন্ন কথা।

তিনি আরো বলেন : তোমাদের কেউ যদি তার বন্ধুর পকেটে হাত ঢুকিয়ে নিজের ইচ্ছামত সবকিছু নিয়ে নেয়, তাহলে কি সে বলবে না, তুমি আমার ভাই নও, যেমনটা তুমি ধারণা করছ?

তিনি আরো বলেন : তোমার অঙ্গে তোমার ভাইয়ের কতটুকু হৃদয়তা আছে তার উপর পরিমাণ করে জেনে নাও তোমার প্রতি তোমার ভাইয়ের হৃদয়তা কতখানি। কেননা, অঙ্গসমূহ একটি অপরাটির অনুরূপ হয়ে থাকে।

তিনি একদিন কতগুলো চড়ুই পাখিকে কিটিরমিচির করতে শুলেন। তিনি বলেন : জান, ওরা কী বলছে? আমি বললাম : না। তিনি বলেন : ওরা মহান আল্লাহ্‌র পবিত্রতা ঘোষণা করছে এবং তাঁর নিকট জীবিকা প্রার্থনা করছে।

তিনি আরো বলেন : তুমি মহান আল্লাহ্‌র নিকট তোমার প্রিয় বস্তুর জন্য দু'আ কর। কিন্তু যদি তুমি যা অপসন্দ কর, তা ঘটে যায়, তাহলে মহান আল্লাহ্ যা পসন্দ করেছেন, তাতে তুমি তাঁর বিরুদ্ধাচরণ কর না।

তিনি আরো বলেন : পেট ও ঘোনাকের পবিত্রতা অপেক্ষা শ্রেষ্ঠ ইবাদত আর নেই। মহান আল্লাহ্‌র কাছে তাঁর সমীপে প্রার্থনা করা অপেক্ষা প্রিয় আর কিছু নেই। দু'আ ব্যতীত অন্য কিছু ভাকদীর প্রতিরোধ করতে পারে না। প্রতিদান হিসাবে দ্রুত কল্যাণ লাভ হয় সদাচরণ দ্বারা এবং শান্তি হিসাবে দ্রুত অমঙ্গল আসে ব্যতিচার দ্বারা। মানুষের দোষী সাব্যস্ত হওয়ার জন্য এটুকুই

যথেষ্ট যে, নিজের যে দোষ থেকে চোখ ফিরিয়ে রাখে, অন্যের সেই দোষের প্রতি দৃষ্টিপাত্ত করে। মানুষকে এমন কাজের আদেশ করে, যা করতে সে সংশ্লিষ্ট নয়, এমন কাজ থেকে বিরুদ্ধ থাকতে বলে, যা থেকে বিরত থাকার সাধ্য তার নেই এবং নিজ সহচরকে অহেতুক কষ্ট প্রদান করে। এগুলো এমন কতিপয় ব্যাপক অর্থবোধক কথা যে, এর ব্যতিক্রম করা কোন বুদ্ধিমানের পক্ষে উচিত নয়।

তিনি আরো বলেন : পবিত্র কুরআন মহান আল্লাহর কালাম- সৃষ্টি নয়।

আবু জাফর মুহাম্মদ ইবন আলী আরো বলেন : এক ব্যক্তি উমর ইবনুল খাতাব (রা)-এর সঙ্গে পবিত্র মুক্তির উদ্দেশ্যে রওনা হয়। কিন্তু লোকটি পথে মারা যায়। ফলে তার কারণে উমর (রা)-এর সফর বিস্তৃত হয়। তিনি তার জানায় ও দাফন করে বিদায় গ্রহণ করেন। উমর (রা) নিম্নোক্ত কবিতা দ্বারা দৃষ্টান্ত উপস্থাপন করতেন :

وَبَالْعَامِرْ كَانْ يَأْمُلْ دُونَهُ * وَمُخْتَلِجْ مِنْ دُونْ مَا كَانْ يَأْمُلْ

অর্থাৎ ‘অধিকাংশ বিষয়-ই এমন যে, মানুষ কামনা করে তার ব্যতিক্রম কিন্তু যা সে কামনা করে ঘটে তার বিপরীত।’

আবু জাফর বলেন : আল্লাহর শপথ! ইবলীসের নিকট এক হাজার ইবাদতকারীর মৃত্যু অপেক্ষা একজন আলিমের মৃত্যু প্রিয়।

তিনি আরো বলেন : কারো চোখ থেকে যদি অশ্রু প্রবাহিত হয়, তাহলে মহান আল্লাহ তার মুখমণ্ডলকে আগনের জন্য হারাম করে দেন। অশ্রু যদি গওদুয়ের উপর প্রবাহিত হয়, তাহলে তার মুখমণ্ডল কখনো ধুলামলিন ও লাঞ্ছিত হয় না। সরকিছুর-ই প্রতিদান আছে। অশ্রুর প্রতিদান হলো, মহান আল্লাহ তার বিনিময়ে পাপের সমুদ্র অবলোপন করে দেন। কোন জনগোষ্ঠীর কেউ যদি মহান আল্লাহর ভয়ে ক্রন্দন করে, তাহলে মহান আল্লাহ সেই জনগোষ্ঠীর উপর রহমত বর্ষণ করেন।

তিনি আরো বলেন : সেই ভাই নিকষ্ট ভাই, যে সচ্ছল অবস্থায় তোমার সঙ্গে সম্পর্ক বজায় রাখে আর অসচ্ছল অবস্থায় ছিঁড়ে করে।

দুনিয়াবিমুখতা সম্পর্কে আবু জাফর বলেন-

لَقَدْ غَرَّتِ الدُّنْيَا رِجَالًا فَامْسِحُوا * بِمِنْزِلَةِ مَا بَعْدَهَا مِتَّحِولُ

فَسَاطَ امْرٌ لَا يَبْدِلُ عَيْرَةً سَيْبَانَ

وبالغ امر. كان يأمل يأنل دونه *

অর্থাৎ, দুনিয়া রহ মানুষকে ধোকায় ফেলে দিয়েছে। ফলে তারা এমন এক পর্যায়ে গিয়ে উপনীত হয়েছে, যেখান থেকে উত্তরণের কোন সুযোগ নেই।

এমন অপরিবর্তনীয় বিষয় আছে, যা মানুষকে ঝুঁটি করে। অব্বার এমন বহু পরিবর্তনশীল বিষয়ও আছে, যা মানুষকে সন্তুষ্ট করে।

অধিকাংশ বিষয়-ই এমন যে, মানুষ তার ব্যতিক্রম কামনা করে; কিন্তু ঘটে মানুষের কামনার বিপরীত।

১১৬ হিজরী সন

এ বছর মুআবিয়া ইব্ন হিশাম সাইফায় যুদ্ধ করেন এবং এ বছর সিরিয়া ও ইরাকে ব্যাপক প্রেগ ছড়িয়ে পড়ে। সবচেয়ে বেশী হয় ওয়াসিত নামক স্থানে। এ বছরের মুহারুম মাসে খুরাসানের গভর্নর জুনায়দ ইব্ন আবদুর রহমান আল-মুররী পেটের পীড়ায় আক্রান্ত হয়ে মৃত্যুমুখে পতিত হন। জুনায়দ ইব্ন আবদুর রহমান ফায়লা বিন্ত ইয়ায়ীদ ইবনুল মুহাল্লাবকে বিবাহ করেন। তাতে ক্ষুঁক হয়ে আমীরুল মু'মিনীন হিশাম ইব্ন আবদুল মালিক তাকে পদচ্যুত করে তার স্থলে আসিম ইব্ন আবদুল্লাহকে খোরাসানের গভর্নর নিযুক্ত করেন এবং তাকে বলে দেন : যদি মৃত্যুর আগে তাকে পাও, তাহলে তার আজ্ঞাটা কেড়ে নিও। কিন্তু আসিম ইব্ন আবদুল্লাহ খুরাসান এসে পৌছানোর আগেই এ বছরের মুহারুম মাসে মার্ত নামক স্থানে জুনায়দ মৃত্যুবরণ করেন। আবুল জারীর ঈসা ইব্ন আসামা তাঁর প্রতি শোক প্রকাশ করে বলেছেন—

هَلَكَ الْجُودُ وَالْجُنِيدُ جَمِيعًا * فَعَلَى الْجُودِ وَالْجُنِيدِ السَّلَامُ
اَصْبَحَا شَوَّابِينَ فِي بَطْنِ مَرْوَ * مَا تَغْنِي عَلَى الْفَصُونِ الْحَمَامُ
كَنْتَمَا نَزَهَةَ الْكَرَامِ فَلَمَا * مَتْ مَاتَ النَّدَى وَمَاتَ الْكَرَامِ
'বদান্যতা ও জুনায়দ উভয়-ই মরে গেছে। বদান্যতা ও জুনায়দ-এর উপর শান্তি বর্ষিত হোক।'

তারা উভয়ে মার্তের পেটে সমাধিষ্ঠ হয়েছে। এখন আর ডালে ডালে পায়রারা গান গায়না।

তোমরা হলে মহানুভবতার অলংকার। তুমি যখন মৃত্যুমুখে পতিত হয়েছ। সেই সঙ্গে উদারতা এবং মহানুভবতাও মারা গেছে।'

আসিম ইব্ন আবদুল্লাহ খুরাসান এসে জুনায়দ-এর নায়েবদের উপর নানা প্রকার অত্যাচার-নির্যাতন শুরু করেন। ফলে হারিছ ইব্ন শুরায়হ তাঁর আনুগত্য হতে বেরিয়ে এসে তাঁর বিরণক্ষে যুক্তে অবতীর্ণ হন এবং তাদের দু'জনের মাঝে বিভিন্ন ঘটনা সংঘটিত হয়, যার আলোচনা দীর্ঘ। এক পর্যায়ে হারিছ ইব্ন শুরায়হ পরাজয় বরণ করেন এবং আসিম তাঁর উপর জয়লাভ করেন।

ওয়াকিদী বলেন : এ বছর ওয়ালীদ ইব্ন ইয়ায়ীদ লোকদেরকে হজ্জ করান। ওয়ালীদ তার গাচা আমীরুল মু'মিনীন হিশাম ইব্ন আবদুল মালিক-এর পর শাসনকর্তা। এ বিষয়ে পরে মালোচনা আসছে ইনশাআল্লাহ তা'আলা।

১১৭ হিজরী সন

এ বছর মু'আবিয়া ইব্ন হিশাম বাম সাইফা এবং সুলায়মান ইব্ন হিশাম ডান সাইফায় যুদ্ধ করেন। এরা দু'জনই আমীরুল মু'মিনীন হিশাম-এর পুত্র। এ বছর মারওয়ান ইব্ন মুহাম্মদ - যিনি মারওয়ান আল-হিমার নামে পরিচিত ছিলেন এবং আর্মেনিয়ার গভর্নর ছিলেন- দুটি অভিযান প্রেরণ করে লান শহরের কয়েকটি দুর্গ জয় করেন। সে সময়ে উক্ত অঞ্চলের

বহুসংখ্যক লোক ঈমানের ছায়াতলে আশ্রয় গ্রহণ করে। এ বছর-ই হিশাম আসিম ইব্ন আবদুল্লাহ্ আল-হিলালীকে- যাকে এর আগের বছর জুনায়দ-এর স্তুলে খুরাসানের গভর্নর নিযুক্ত করেছিলেন- বরখাস্ত করেন এবং তাকে ইরাকের সঙ্গে যুক্ত করে আবদুল্লাহ্ ইব্ন খালিদ-এর অধীনে দিয়ে দেন। হিশাম এ কাজটি করেছিলেন পদচূর্ণ গভর্নর আসিম ইব্ন আবদুল্লাহ্ একটি পত্রের ভিত্তিতে। আসিম ইব্ন আবদুল্লাহ্ আমীরুল মু'মিনীন হিশাম-এর নিকট পত্র লিখেন : খুরাসানকে ইরাকের সঙ্গে যুক্ত না করা পর্যন্ত এলাকাটির উন্নতি হবে না। তিনি আশা করেছিলেন ইরাক ও খুরাসানকে যুক্ত করে তার-ই অধীনে দেওয়া হবে। কিন্তু ফল হয়েছে উল্টো। হিশাম তার উপদেশ গ্রহণ করে উভয় প্রদেশকে একত্রিত করে খালিদ আল-কাসরীকে দিয়ে দেন। এ বছর মৃত্যুবরণকারীদের কয়েকজন :

কাতাদা ইব্ন দিআমা আস-সাদুসী

আবুল খাতাব আল-বসরী আল-আ'মা। তাবে'ঈ আলিম ও আমলদার ইমামগণের একজন। তিনি আনাস ইব্ন মালিক ও একদল তাবে'ঈ থেকে হাদীস বর্ণনা করেন। তাদের কয়েকজন হলেন : সাঈদ ইব্নুল মুসায়িব, আল-মিসরী, আবুল আলিয়া, যারারা ইব্ন আওফা, আতা', মুজাহিদ, মুহাম্মদ ইব্ন সীরীন, মাসরাক ও আবু মুজলিয় প্রমুখ। তাঁর থেকে হাদীস বর্ণনা করেন বড় বড় একদল আলিম। যেমন : আয়ুব, হাম্মাদ ইব্ন মাসলাহা, হামীদ আত-তাবীল, সাঈদ ইব্ন আবু 'আরবা, আ'মাশ, শু'বা, আওয়াইদ, মুসাইর, মুআম্বার ও ছমাম। ইব্নুল মুসায়িব বলেন : আমার নিকট কাতাদা ইব্ন দিআমা অপেক্ষা শ্রেষ্ঠ মানুষ আর কেউ আগমন করেনি।

বাকর আল-মুযানী বলেন : আমি কাতাদা ইব্ন দিআমা অপেক্ষা স্মৃতিশক্তিসম্পন্ন মানুষ দ্বিতীয়জন দেখিনি।

মুহাম্মদ ইব্ন সীরীন বলেন : কাতাদা ছিলেন স্মৃতিশক্তি সম্পন্ন লোকদের একজন।

মাতার বলেন : কাতাদা কোন হাদীস শুনলে আনুপুংখ আয়ত করে সেটি মুখস্থ করে ফেলতেন।

যুহরী বলেন : কাতাদা ইব্ন দিআমা মাকহুল অপেক্ষা বড় আলিম ছিলেন।

মুআম্বার বলেন : আমি যুহরী, হাম্মাদ ও কাতাদার চেয়ে বড় ফকীহ আর কাউকে দেখিনি।

কাতাদা নিজে বলেন : আমি যখন যা কিছু শুনেছি আমার হৃদয় তা মুখস্থ করে রেখেছে।

আহমাদ ইব্ন হাথল বলেন : কাতাদা বসরার সবচেয়ে বেশী স্মৃতিশক্তিসম্পন্ন মানুষ। তিনি যা শুনতেন, তা-ই মুখস্থ করে ফেলতেন। জাবির-এর পাখুলিপি শুধু একবার তাকে পাঠ করে শোনান হয়েছিল। তিনি তা মুখস্থ করে ফেলেছিলেন। একদিন তাঁর আলোচনা উঠে। তখন তাঁর ইল্ম, প্রজ্ঞা এবং ইখতিলাফ ও তাফসীর বিষয়ে তার অভিজ্ঞতার প্রশংসা করা হয়।

আবু হাতিম বলেন, কাতাদা এ বছর প্রেগ চলাকালীন ওয়াসিতে ইন্তিকাল করেন। মৃত্যুর সময় তার বয়স ছিল ছাপান্ন কি সাতান্ন বছর।

কাতাদা বলেন, যে ব্যক্তি মহান আল্লাহর উপর ভরসা করে, আল্লাহ পাক তার সঙ্গী হয়ে যান। আর মহান আল্লাহ যার সঙ্গী হয়ে যান, তার সঙ্গে এমন একটি বাহিনী থাকে, যারা পরাজিত হয় না, এমন প্রহরী থাকে, যে নিন্দা যায় না, এমন পথপ্রদর্শক থাকে, যে বিপর্যাসী হয় না এবং এমন আলিম থাকেন যিনি বিশ্বত হন না।

তিনি আরো বলেন, জান্নাতে জাহানামের দিকে একটি বাতিঘর আছে। জান্নাতীরা বলবে, হতভাগ্যদের কী হলো, ওরা জাহানামে প্রবেশ করল! আমরা তো ওদেরই দীক্ষার বদৌলতে জান্নাতে প্রবেশ করলাম! উত্তরে জাহানামীরা বলবে, আমরা তোমাদেরকে আদেশ করতাম, কিন্তু নিজেরা সে অনুপাতে আমল করতাম না। আমরা তোমাদেরকে নিষেধ করতাম, কিন্তু নিজেরা বিরত থাকতাম না।

তিনি আরো বলেন, ইল্মের একটি দরযা আছে, সেটি সংরক্ষণ করে মানুষ তা দ্বারা নিজের দ্বিনের ও মানুষের পরিশুল্ক অর্বেষণ করে থাকে। সেটি পূর্ণ এক বছর ইবাদত করা অপেক্ষা উত্তম।

কাতাদা আরো বলেন, কোন এক নির্দিষ্ট পরিমাণ ইল্ম যদি যথেষ্ট হতো, মুসা (আ) তাঁর নিকট যত্নুকু ইল্ম ছিল, তা নিয়ে সন্তুষ্ট থাকতেন। কিন্তু তিনি আরো অর্বেষণ করেছেন।

এ বছর আবুল হুবাব সাঈদ ইব্ন ইয়াসার, আল-আ'রাজ, ইব্ন আবু মুলায়কা, আবদুল্লাহ ইব্ন আবু যাকারিয়া খুয়াঙ্গি এবং মায়মূন ইব্ন মিহরান ইব্ন মুসা ইব্ন ওরদানও ইন্তিকাল করেন।

অনুচ্ছেদ

সাঈদ ইব্ন ইয়াসার ছিলেন দুনিয়াবিমুখ ইবাদতকারীদের একজন। তিনি একদল সাহাবা থেকে হাদীস বর্ণনা করেছেন। আরাজ এবং ইব্ন আবু মুলায়কাও সাঈদ ইব্ন ইয়াসার এরই ন্যায় ছিলেন। পক্ষান্তরে মায়মূন ইব্ন মিহরান ছিলেন মহান তাবিটি আলিম, দুনিয়াবিমুখ, আবিদ ও ইমামগণের অন্যতম। মায়মূন জায়ীরাবাসীদের ইমাম ছিলেন। তাবারানী বর্ণনা করেন যে, মায়মূন ইব্ন মিহরানকে জিজ্ঞাসা করা হয়েছিল, ব্যাপার কী, আপনার কোন ভাই-ই বিদ্বেষশৃঙ্খল আপনার থেকে আলাদা হয় না যে! তিনি বললেন, তার কারণ হলো, আমি না তার উপর কর্তৃত করি, না তাকে কোন পরামর্শ দেই।

উমর ইব্ন মায়মূন বলেন, আমার পিতা না বেশী নামায পড়তেন, না বেশী রোয়া রাখতেন। বরং তিনি মহান আল্লাহর নাফরমানী করাকে অপসন্দ করতেন।

ইব্ন আবু আদী ইউনুস সুত্রে মায়মূন ইব্ন মিহরান হতে বর্ণনা করেন যে, মায়মূন বলেন, তুমি আলিমের সঙ্গে বিবাদ কর না, জাহিলের সঙ্গে নয়। কেননা, তুমি যদি আলিমের সঙ্গে বিবাদ কর, তাহলে তাঁর ইল্ম তোমাকে অপদন্ত করবে। আর যদি জাহিলের সঙ্গে বিবাদ কর, তাহলে তোমার বক্ষ কঠিন হয়ে যাবে।

উমর ইব্ন মায়মূন বলেন, আমি আমার পিতাকে নিয়ে বসরার গলি দিয়ে হাঁটতে শুরু করি। হাঁটতে হাঁটতে আমরা! একটি নালার নিকট গিয়ে পৌছলাম, যেটি তিনি পার হতে পারলেন না। অগত্যা আমি নালার উপর উপুড় হয়ে শুয়ে পড়লাম। তিনি আমার পিতার উপর পা রেখে নালাটি অতিক্রম করলেন। তারপর আমি উঠে দাঁড়িয়ে তাঁর হাত ধরে হাঁটতে শুরু

করি। আমরা হাসানের বাড়িতে পৌছে দরযায় করাঘাত করি। শব্দ শুনে একটি সুদাসীয়া মেঝে বেরিয়ে এসে বলল, ইনি কে? আমি বললাম, ইনি মায়মূন ইব্ন মিহরান, হাসানের সঙ্গে সাক্ষাৎ করতে এসেছেন। মেয়েটি বলল, উমর ইব্ন আবদুল আয়ীয়-এর লেখক? আমি বললাম, হ্যাঁ। মেয়েটি বলল, হতভাগা! এই অকাল পর্যন্ত বেঁচে থাকার তোমার কি প্রয়োজন ছিল? উমর ইব্ন মায়মূন বলেন, শুনে শায়খ কেন্দে ফেললেন। তার কান্না শুনে হাসান বেরিয়ে আসেন। তারা দু'জন মু'আনাকা করলেন। তারপর তারা ঘরে প্রবেশ করলেন। মায়মূন বললেন, হে আবু সান্দি! আমি আমার হন্দয়ে কিছু কঠোরতা অনুভব করছি। আপনি কঠোরতা দূর করে আমাকে নরম করে দিন। উন্নরে হাসান এই আয়াতটি তিলাওয়াত করলেন:

أَفَرَآيْتَ أَنْ مَتَّعْنَا هُمْ سِنِينَ ثُمَّ جَاءَهُمْ مَا كَانُوا يُوعَدُونَ مَا أَغْنَى عَنْهُمْ مَا
كَانُوا يُمْتَعْنُونَ -

‘তুমি বল তো, যদি আমি তাদেরকে দীর্ঘকাল ভোগ-বিলাস করতে দিই এবং পরে তাদেরকে যে বিষয়ে সতর্ক করা হয়েছিল, তা তাদের নিকট এসে পড়ে, তখন তাদের ভোগ-বিলাসের উপকরণ অদের কোন কাজে আসবে কি?’ (সূরা শুআরা : ২০৫-২০৭)

শুনে শায়খ অজ্ঞান হয়ে পড়ে গেলেন। আমি দেখলাম, যবাহ করার পর বকরী যেমন পা আছড়ায়, তেমনি তিনিও তার দু'পা আছড়াতে শুরু করলেন। তিনি দীর্ঘক্ষণ এ অবস্থার অতিবাহিত করলেন। তারপর মেয়েটি এসে বলল, আপনারা শায়খকে কষ্ট দিলেন। উঁচু, আপনারা যার যার পথে চলে যান। ফলে আমি আমার পিতার হাত ধরে বেরিয়ে পড়লাম। আমি বললাম, আবকাজান! ইনিই কি সেই হাসান? বললেন, হ্যাঁ। আমি বললাম, আমি তো মনে করতাম, তিনি আরো বড় ব্যক্তিত্বীল মানুষ। আমর ইব্ন মায়মূন বলেন, একথা শুনে তিনি আমার বুকে একটা ঘৃষি মারলেন। তারপর বললেন, বৎস! তিনি আমাকে যে আয়াতটি তিলাওয়াত করে শোনালেন, তুমি যদি অস্তর দ্বারা তার মর্ম উপলক্ষ্য করতে, তাহলে তুমি তার মাধ্যমে তোমার অস্তরে যথম দেখতে পেতে।

মায়মূন ইব্ন মিহরান থেকে তাবারানী বর্ণনা করেন যে, মায়মূন বলেছেন, আমি এটা পসন্দ করি না যে, আমাকে অসার বাক্যে লিখ হওয়ার জন্য অর্থ প্রদান করা হোক এবং তদস্থলে আমাকে এক লাখ দিরহাম দেওয়া হোক। কেননা, আমি আশংকা করছি, তখন আমি (وَمِنَ النَّاسِ مَنْ يَشْتَرِي لَهُوَ الْحَدِيثُ لِيُضِلَّ مَنْ سَبَقَ اللَّهَ بِهِ مَا نُورَهُ مধ্যে কেউ কেউ মহান আল্লাহর পথ থেকে বিচ্ছুত করার জন্য অসার বাক্য ক্রয় করে, ৩১ : ৬)। এই আয়াতে বর্ণিত লোকদের অস্তর্ভুক্ত হয়ে পড়ি কিনা।

জা'ফর ইব্ন বারকান মায়মূন ইব্ন মিহরান হতে বর্ণনা করেন যে, মায়মূন বলেন, আমি একদিন উমর ইব্ন আবদুল আয়ীয়-এর নিকট কিছু সময় অবস্থান করি। যখন আমি কিন্তু আসার জন্য উঠে দাঁড়ালাম, উমর বললেন, যখন এই লোকটি এবং এর সমপর্যায়ের লোকগুলো চলে যাবেন, তখন ফালতু ছাড়া আর কোন মানুষ অবশিষ্ট থাকবে না।

মায়মূন ইব্ন মিহরান হতে যথাক্রমে ফুরাত ইব্ন সুলায়মান ও মা'মার ইব্ন সুলায়মান আর-রুক্মী সূত্রে ইমাম আহমাদ বর্ণনা করেন যে, মায়মূন ইব্ন মিহরান বলেন, তিনটি বিষয় আছে, তুমি সেগুলো দ্বারা নিজেকে পরীক্ষায় ফেল না। তুমি বাদশাহর নিকট গমন কর না।

যদিও তুমি বলবে আমি তাকে মহান আল্লাহর আনুগত্যের আদেশ করব। তুমি কোন নারীর নিকট গমন কর না। যদিও তুমি বলবে, আমি তাকে মহান আল্লাহর কিতাব শিক্ষা দেব। তুমি কান পেতে কোন প্রবৃত্তি পূজারীর বক্তব্য শ্রবণ কর না। কেননা, তার প্রবৃত্তি তোমাকেও পেয়ে বসে কিনা, তা তুমি জান না।

إِنَّ جَهَنَّمَ كَانَتْ
أَنَّ رَبَّكَ لِبَالْمُرْصَادَ
(নিচয় জাহানাম ওত পেতে রয়েছে, ৭৮ : ২১১) এবং
(তোমার প্রতিপালক অবশ্যই সতর্ক দৃষ্টি রাখেন, ৮৯ : ১৪১) এই দুটি আয়াতের ব্যাখ্যায় বলেন, তোমরা এই দুই ওত পেতে অবস্থানকারীকে খুজে বের কর।

তিনি আরো বলেন, **وَلَا تَحْسِبَنَّ اللَّهَ غَافِلًا عَمَّا يَعْمَلُ الظَّالِمُونُ** (তুমি কখনো মনে কর না যে, যালিমরা যা করে, সে বিষয়ে আল্লাহ গাফিল, ১৪ : ৪২) এই আয়াতের ব্যাখ্যায় বলেন, এই আয়াতে যালিমের জন্য কঠোর হৃষকি এবং মাযলুমের জন্য সান্ত্বনা রয়েছে।

তিনি আরো বলেন, পবিত্র কুরআনের অনুসারীরা যদি ঠিক হয়ে যায়, তাহলে সব মানুষ ঠিক হয়ে যাবে।

আবদুল্লাহ ইব্ন আহমাদ ইব্ন হাস্বল ঈসা ইব্ন সালিম সূত্রে আবুল মালীহ থেকে বর্ণনা করেন যে, আবুল মালীহ বলেন, আমি মায়মূন ইব্ন মিহরানকে বলতে শুনেছি, পৃথিবীতে দুই ব্যক্তি ছাড়া কারো কল্যাণ নেই। এক সেই ব্যক্তি যে অপরাধ থেকে তাওবা করে। দুই, সেই ব্যক্তি যে মর্যাদা লাভের জন্য আমল করে। এই দুই ব্যক্তি ব্যতীত অন্য মানুষদের দুনিয়াতে বেঁচে থাকায় কোন কল্যাণ নেই। একজন আমল করে পাপের প্রায়শিত্বের জন্য। অপরজন আমল করে মর্যাদা বুলন্দ করার জন্য। এই দুই ব্যক্তি ছাড়া অন্য লোকদের বেঁচে থাকা আপদ বই নয়।

জা'ফর ইব্ন বারকান বলেন, আমি মায়মূন ইব্ন মিহরানকে বলতে শুনেছি, এই পবিত্র কুরআন বহু মানুষের বক্ষে প্রোথিত হয়ে আছে। কাজেই, পবিত্র কুরআনের বাইরে কিছু জানবার থাকলে তোমরা তা হাদীস হতে খুজে নাও। এই ইলমের অনুসারীদের মধ্যে এমন সম্প্রদায় আছে যারা একে পণ্য বানিয়ে এর দ্বারা দুনিয়া অবেষণ করে। আবার অনেকে এর মাধ্যমে বিবাদ করতে চায়। উভয় হলো তারা, যারা পবিত্র কুরআন শিক্ষা করে এবং তার মাধ্যমে মহান আল্লাহর আনুগত্য করে।

তিনি আরো বলেন, যে ব্যক্তি পবিত্র কুরআনের অনুসরণ করবে, পবিত্র কুরআন তাকে টেনে নিয়ে জাহানে প্রবেশ করিয়ে ছাড়বে। পক্ষান্তরে যে ব্যক্তি পবিত্র কুরআন পরিত্যাগ করবে, পবিত্র কুরআন তাকে জাহানামে নিষ্কেপ না করে ক্ষান্ত হবে না।

মায়মূন ইব্ন মিহরান থেকে যথাক্রমে জা'ফর ইব্ন বারকান ও খালিদ ইব্ন হায়য়ান সূত্রে ইমাম আহমাদ বর্ণনা করেন যে, মায়মূন ইব্ন মিহরান বলেন, মানুষের জন্য কোন কিছুই ততক্ষণ পর্যন্ত নিরাপদ হয় না, যতক্ষণ না তার ও হারামের মাঝে অপর একটি হালাল অন্তরায় সৃষ্টি করে।

মায়মূন বলেন, যে ব্যক্তি মহান আল্লাহর নিকট তার অবস্থান জানতে চায়, সে যেন নিজের আমলের প্রতি তাকায়। আমলই তাকে বলে দেবে, তার অবস্থান কোথায়।

মায়মূন ইব্ন মিহরান হতে যথাক্রমে আবুল মালীহ ও ইয়াহৈয়া ইব্ন উছমান আল-হারবী সূত্রে আবদুল্লাহ ইব্ন ইমাম আহমাদ ইব্ন হাস্বল বর্ণনা করেন যে, মায়মূন ইব্ন মিহরান বলেন, জনেক মুহাজির ব্যক্তি নামায আদায়রত এক ব্যক্তির প্রতি দৃষ্টিপাত করেন। তিনি দেখতে পেলেন, লোকটি নামায সংক্ষেপে আদায় করেছে। ফলে তিনি লোকটিকে তিরঙ্গার করলেন। লোকটি বলল, আমার একটি বস্তু হারিয়ে গিয়েছে। মুহাজির বলেন, তুমি সবচেয়ে মূল্যবান সম্পদই হারিয়েছে।

তালহা ইব্ন যায়দ হতে যথাক্রমে উছমান ইব্ন আবদুর রহমান আবু জাফর আন-নুফাইলী ও জাফর ইব্ন মুহাম্মদ আদ-দাসআনী সূত্রে আবদুল্লাহ ইব্ন আহমাদ ইব্ন হাস্বল বর্ণনা করেন যে, তালহা ইব্ন যায়দ বলেন, মায়মূন বলেছেন, তুমি শাসকের সঙ্গে পরিচিত হয়ো না এবং শাসকের সঙ্গে যার পরিচয় আছে, তার সঙ্গেও পরিচিত হয়ো না।

আবদুল্লাহ ইব্ন ইমাম আহমাদ আরো বর্ণনা করেন যে, মায়মূন ইব্ন মিহরান বলেছেন, আমাকে একজন নারীর আমানতদার মনোনীত করা অপেক্ষা রাষ্ট্রীয় কোষাগারের আমানতদার মনোনীত করা আমার নিকট অধিক শ্রেষ্ঠ।

হাবীব ইব্ন আবু মারযুক হতে যথাক্রমে আবুল মালীহ আর ঝুকী ও হাশিম ইব্নুল হারিছ সূত্রে আবু ইয়া'লা আল মুসিলী বর্ণনা করেন যে, হাবীব ইব্ন আবু মারযুক বলেন, মায়মূন বলেন, আমি কামনা করি, আমার একটি চোখ নষ্ট হয়ে যাক এবং অপরটি অক্ষত থাকুক, যার দ্বারা আমি কাজ আদায় করব। আর আমি কখনো কোন কাজের জন্য কষ্ট না করি। আমি বললাম, উমর ইব্ন আবদুল আয়ীয়-এর জন্যও নয় ? তিনি বললেন, উমর ইব্ন আবদুল আয়ীয়-এর জন্য, না অন্য কারো জন্য।

মায়মূন ইব্ন মিহরান থেকে যথাক্রমে জাফর ইব্ন বারকান, সুফিয়ান ও সাঈদ ইব্নুল হুবাব সূত্রে ইমাম আহমাদ বর্ণনা করেন যে, মায়মূন বলেছেন, আমি যখনই আমার কথা ও কাজের মাঝে তুলনা করেছি, তখনই আমি নিজের থেকে আপত্তি পেয়েছি।

জাফর ইব্ন বারকান থেকে যথাক্রমে খালিদ ইব্ন হায়য়ান, আলী ইব্ন মা'বাদ ও মিকদাম ইব্ন দাউদ সূত্রে তাবারানী বর্ণনা করেন যে, জাফর বলেন, মায়মূন ইব্ন মিহরান আমাকে বলেন, আমি যা অপসন্দ করি, তুমি আমার সামনা-সামনিই তা বলে ফেল। কেননা, মানুষ তার ভাইকে উপদেশ দিতে পারে না, যতক্ষণ না তার সামনা-সামনি তার অপ্রিয় কথা বলে।

আবদুল্লাহ ইব্ন আহমাদ বর্ণনা করেন যে, মায়মূন ইব্ন মিহরান **حَافِظَةً رَأْفَعَةً** এই আয়াতের ব্যাখ্যায় বলেছেন, এটা একদল মানুষকে নিচ করবে এবং অপর দলকে করবে সমুন্নত।

আবদুল্লাহ ইব্ন আহমাদ ইব্ন হাস্বল যথাক্রমে ঈসা ইব্ন সালিম সূত্রে আবুল মালীহ হতে বর্ণনা করেন যে, আবুল মালীহ বলেন, আমাকে আমার এক সঙ্গী বলেছে, আমি মায়মূন-এর সঙ্গে হাঁটছিলাম। এক পর্যায়ে তিনি আমার গায়ে কাতান সূতার পোশাক দেখতে পান। তিনি বলেন, তুমি কি শুননি যে, বিস্তুশালী কিংবা বিভ্রান্ত মানুষ ছাড়া কাতান পরিধান করে না ?

বর্ণনাকারী বলেন, আমি একই সুত্রে মায়মূন ইব্ন মিহরানকে বলতে শুনেছি—সর্বপ্রথম বাহনে আরোহণ অবস্থায় যে লোকটির সঙ্গে মানুষ হেঁটেছে, তিনি হলেন আশআছ ইব্ন কায়স আল-কিন্দী। আমি পূর্বসূরীদেরকে দেখেছি, তারা যখন কোন ব্যক্তিকে বাহনে চড়ে চলা অবস্থায় তার সঙ্গে মানুষকে ভিড় জমাতে দেখতেন বলতেন, মহান পরাক্রমশালী তাকে ধ্রংস করুক।

আবুল মালীহ হতে আবদুল্লাহ ইব্ন কারীম ইব্ন হিরান সুত্রে আবদুল্লাহ ইব্ন আহমাদ বর্ণনা করেন যে, আবুল মালীহ বলেন, মায়মূন বলেন, পাঁচ দিরহামের বিনিময়েও যদি আমাকে কৃত্তি থেকে হাওরান পর্যন্ত এলাকা দিয়ে দেওয়া হয়, আমি তা পসন্দ করব নি।

মায়মূন বলেন, কে যেন বলেছেন, তুমি তোমার ঘরে বসে থাক, ঘরের দরয়াটা বক্ষ করে দাও এবং অপেক্ষা কর, তোমার নিকট তোমার জীবিকা আসছে কিনা। হ্যাঁ, আল্লাহর শপথ! তার যদি মারয়াম ও ইবরাহীম (আ)-এর বিশ্বাস থাকে এবং সে ঘরের দরয়া বক্ষ করে পর্দা ঝুলিয়ে ঘরে বসে থাকে, অবশ্যই তার নিকট তার জীবিকা এসে পৌছবে।

তিনি আরো বলেন, মানুষ যদি উপার্জনের জন্য যথাযথভাবে পরিশ্রম করে এবং হালাল ব্যতীত উপার্জন না করে, তাহলে তারা বিত্তশালীদের মুখাপেক্ষী হবে না এবং দরিদ্র হওয়া সত্ত্বেও তারা কারো মুখাপেক্ষী হবে না।

আবুল মালীহ বর্ণনা করেন যে, মায়মূন বলেন, আমি যদি আমার কোন ভাই-এর কোন অপ্রীতিকর সংবাদ পাই, তাহলে তার বিপদ হাঙ্কা করার চেয়ে বিপদটা সম্পূর্ণ নির্মূল করাই আমার নিকট বেশী প্রিয়। কেউ যদি বলে, ‘আমি বলিনি’ তাহলে তার এই ‘আমি বলিনি’ কথাটা আমার নিকট তার বিপক্ষে আট ব্যক্তির সাক্ষীর চেয়ে বেশী প্রিয়। পক্ষান্তরে যদি বলে আমি বলেছি আর ওয়ারখাহী না করে; তবে আমি তার প্রতি যতটুকু সন্তুষ্ট হয়েছিলাম, তদপেক্ষা বেশী ক্লিষ্ট হই।

মায়মূন বলেন, আমি ইব্ন আববাস (রা)-কে বলতে শুনেছি, আমি যদি আমার কোন ভাই-এর বিপদের সংবাদ পাই, তাহলে বিষয়টাকে আমি তিনটির যে কোন একটি স্তরে স্থান দেই। যদি শোকটি আমার উপরের হয়, তাহলে আমি তাকে যথাযথ মর্যাদা প্রদান করি। যদি আমার সমকক্ষ হয়, আমি তার প্রতি অনুগ্রহ প্রদর্শন করি। পক্ষান্তরে যদি সে আমার নীচের হয়, তাহলে আমি তাকে কোন মূল্য দেই না।

আবান ইব্ন আবু রাশিদ আল-কুশায়ারী বলেন, আমি যখন সাইফা যাওয়ার মনস্তু করতাম, তখন বিদায় নেওয়ার জন্য মায়মূন ইব্ন মিহরান-এর নিকট যেতাম। তিনি আমাকে দু'টি বাক্যের বেশী কিছু বলতেন না। তা হলো তুমি মহান আল্লাহকে ভয় কর এবং লিঙ্গা ও ক্রোধ যেন তোমাকে প্রতারিত না করে।

আবুল মালীহ আরো বলেন যে, মায়মূন ইব্ন মিহরান বলেছেন, আলিমগণ সকল জনপদে আমার হারানো সম্পদ। সব শহরেই তারা আমার প্রিয়পাত্র। আমি আলিমগণের সঙ্গে উঠাবসা করার মধ্যেই নিজের পরিশীক্ষা পেয়েছি।

তিনি **أَنَّمَا يُؤْفَى الصَّابِرُونَ أَجْرُهُمْ بِغَيْرِ حِسَابٍ** ধৈর্যশীলদেরকে অপরিমিত পুরকার দেওয়া হবে— (৩৯ : ১০) এই আয়াতের ব্যাখ্যায় বলেছেন, অপ্রতিহত রূপে।

তিনি আরো বলেন, আমার মৃত্যুর পর একশত দিরহাম সাদকা করা অপেক্ষা আমার নিকট জীবদ্ধশায় এক দিরহাম সাদকা করা বেশী প্রিয় ।

তিনি আরো বলেন, বলা হতো, যিক্র দুই প্রকার । এক, যবানে মহান আল্লাহকে স্মরণ করা । তদপেক্ষা শ্রেষ্ঠ যিক্র হলো হালাল-হারাম প্রশ্নে মহান আল্লাহর কথা স্মরণ করা এবং পাপ করার সময় পাপের প্রতি উদ্যত হওয়া সত্ত্বেও মহান আল্লাহকে স্মরণ করে তা থেকে ফিরে আসা ।

তিনি আরো বলেন, তিনটি বিষয় এমন আছে, যেসব ক্ষেত্রে মু'মিন ও কাফির সমান । ১. আমানত । তোমার নিকট আমানত যে গচ্ছিত রেখেছে, তুমি তাকে আমানতটা ফিরিয়ে দেবে । সে মুসলিম হোক, চাই কাফির । ২. পিতামাতার সঙ্গে সদাচার করা । যদিও তারা কাফির হোন । ৩. প্রতিশ্রূতি । মু'মিন ও কাফির নির্বিশেষে তুমি সকলের প্রতিশ্রূতি পূরণ করবে ।

খালফ ইব্ন হাওশাব সূত্রে সাফওয়ান বর্ণনা করেন যে, মায়মূন বলেন, আমি এমন মানুষ দেখেছি, যিনি মহান আল্লাহর ভয়ে দুই চোখের পাতা বুঁজতেন না ।

আহমাদ ইব্ন বারীগ ইয়া'লা ইব্ন উবায়দ সূত্রে বর্ণনা করেন যে, হারুন আবু মুহাম্মদ আল-বারবারী বলেন, উমর ইব্ন আবদুল আয়ীয় মায়মূন ইব্ন মিহরানকে আল জায়িরার গভর্নর, বিচারক ও ট্যাক্স উসূলকারী হিসেবে নিযুক্ত করেন । কিছুদিন পর তিনি এসব দায়িত্ব থেকে অব্যাহতি চেয়ে উমর-এর নিকট পত্র লিখেন । তিনি বলেন, আপনি আমাকে এমন এক দায়িত্ব অর্পণ করেছেন যার শক্তি আমার নেই । আমি মানুষের মাঝে বিচার করি । অথচ আমি একজন বৃক্ষ, দুর্বল ও কোমলহৃদয় মানুষ । উমর তাকে জবাব লিখেন, আপনি হালাল ট্যাক্স থেকে যা প্রয়োজন ব্যয় করুন এবং আপনার নিকট যা সঠিক মনে হয় বিচার করুন । কোন ব্যাপারে সিদ্ধান্তে উপনীত হতে না পারলে তা আমার নিকট পাঠিয়ে দিন । কেননা, কোন বিষয় জটিল মনে হলেই যদি মানুষ সেটি ত্যাগ করে, তাহলে না দীন প্রতিষ্ঠিত হবে, না দুনিয়া ।

কুতায়বা ইব্ন সাঈদ কাছীর ইব্ন হিশাম সূত্রে জা'ফর ইব্ন বারকান থেকে বর্ণনা করেছেন যে, জা'ফর বলেন, আমি মায়মূন ইব্ন হিমরানকে বলতে শুনেছি, বান্দা যখন কোন পাপ করে, তখন তার অন্তরে একটি কালো দাগ পড়ে যায় । পরে যখন সে তাওবা করে, সেটি তার অন্তর থেকে মুছে দেওয়া হয় । তখন তার অন্তর আয়নার ন্যায় স্বচ্ছ মু'মিনের অন্তরে পরিণত হয় । তখন তার নিকট যেদিক থেকেই শয়তান আসুক না কেন, সে তাকে দেখে ফেলে । পক্ষান্তরে যে ব্যক্তি অনবরত পাপ করতে থাকে, দাগ পড়তে পড়তে তার অন্তরটাই কালো হয়ে যায় । তখন শয়তান যেদিক থেকেই আসুক সে তাকে দেখতে পায় না ।

ইমাম আহমাদ আলী ইব্ন ছাবিত ও জা'ফর সূত্রে বর্ণনা করেন যে, মায়মূন বলেন, জ্ঞানবান লোক কত কম! মানুষ নিজের অবস্থাটা দেখে না । দেখে অন্যের প্রতি, তারা যা অর্জন করেছে, তার প্রতি এবং তারা দুনিয়ার যে সম্পদের উপর উপুড় হয়ে পড়েছে, তার প্রতি । ফলে সে বলে, এরা তো উটের ন্যায় । না, তারা যা তাদের পেটে রাখেছে, তারা তারই শুধু মালিক । অবশ্যে যখন তাদের আলস্য দেখতে পায়, তখন নিজের প্রতি তাকিয়ে বলে, আল্লাহর শপথ! তাদের অপকর্মে নিজেকে একটি উট বলেই মনে হচ্ছে ।

এই সনদে মায়মূন থেকে আরো বর্ণিত আছে, তিনি বলেছেন, অত্যাচারী শাসকের সম্মুখে সত্য বলা অপেক্ষা উন্নত সাদকা আর নেই ।

তিনি আরো বলেন, তুমি প্রজাকে শাস্তি দিও না, যে কোন অপরাধে তাকে প্রহারণ কর না। তার জন্য তা সংরক্ষণ করে রাখ। যখন সে মহান আল্লাহকে অমান্য করবে, তখন তাকে মহান আল্লাহর অবাধ্যতার জন্য শাস্তি দাও এবং তোমার ও তার মাঝে সে যে অপরাধ করেছে সে কথা স্মরণ করিয়ে দাও।

କୁତାଯବା ବର୍ଣନ କରେନ ଯେ, ଜା'ଫର ଇବ୍ନ ବାରକାମ ବଲେନ, ଆମି ମାଯମୂଳ ଇବ୍ନ ମିହରାନକେ ବଲତେ ଶୁଣେଛି, ଏକଜନ ମାନୁଷ ତତକ୍ଷଣ ପର୍ଯ୍ୟନ୍ତ ମୁତ୍ତାକୀ ହବେ ନା, ଯତକ୍ଷଣ ନା ସେ ଏକ ଅଂଶୀଦାର ଅପର ଅଂଶୀଦାର ଥେକେ ହିସାବ ଗ୍ରହଣ ଅପେକ୍ଷା ଆରୋ କଠୋରଭାବେ ନିଜେର ହିସାବ ନା ନିବେ । ଏମନକି ସେ ଜେନେ ନେବେ, ତାର ଖାବାର କୋଥା ଥେକେ ଆସଛେ ଏବଂ ତାର ପାନୀୟ କୋଥା ଥେକେ ଆସଛେ । ତା କି ହାଲାଲ ପଞ୍ଚତିତେ ଏସେଛେ, ନାକି ହାରାମ ପଞ୍ଚତିତେ ?

ଆବୁ ଯୁରାଆ ଆଦ ଦାରିମୀ ସାଇଦ ଇବ୍ନ ହାଫ୍ସ ଆନ୍-ନୁଫାୟଲୀ ଓ ଆବୁଲ ମାଲୀହ ସୂତ୍ରେ ମାଯମୂଳ ହତେ ବର୍ଣନା କରେନ ଯେ, ମାଯମୂଳ ବଲେନ, ଫାସିକ ହଲୋ ହିସ୍ତ ଜଞ୍ଚିତୁଳ୍ୟ । ତୁମି ଯଦି ତାର ପକ୍ଷେ କଥା ବଲେ ତାର ପଥ ଛେଦେ ଦାଓ, ତାହଲେ ତମି ମସଲମାନଦେର ଉପର ହିସ୍ତ ଜଞ୍ଚିତୁଳ୍ୟ ଦିଲେ ।

জা'ফর ইব্ন বারকান বলেন, আমি মাঝমূল ইব্ন ঘিহরানকে বললাম, অমুক ব্যক্তি আপনার সাক্ষাতে দেরীতে দেরীতে আসে! তিনি বললেন, হৃদ্যতা যখন অস্তরে প্রোথিত হয়ে যায়, তখন বিরহ দীর্ঘ হলেও ক্ষতি নেই।

ଇମାମ ଆହମାଦ ସଥାତ୍ରମେ ମାୟମୂଳ ଆର-କୁକୀ ଓ ହାସାନ ଆବୁଲ ମାଲୀହ ସୂତ୍ରେ ବର୍ଣନ କରେଛେ ଯେ, ମାୟମୂଳ ଇବ୍ନ ମିହରାନ ବଲେନ, ତୁମି ତୋମାର ପେଟ କିଂବା ପିଠ ଅପେକ୍ଷା ସହଜ ଝଗଦାତା ଆର କାଉକେ ପାବେ ନା ।

ইমাম আহমদ আবদুল্লাহ ইবন মায়মূন ও হাসান সূত্রে হাবীব ইবন আবু মারযুক হতে বর্ণনা করেন যে, হাবীব ইবন আবু মারযুক বলেন, আমি মায়মূন ইবন মিহরান-এর গায়ে পোশাকের নীচে একটি পশমের জুবা দেখে জিজ্ঞাসা করলাম, এটা কী? তিনি বললেন, হ্যায়! এ তথ্য তাঁর কাউকে বলবে না।

ଆବଦୁଲ୍‌ଗାହ ଇବନ ଆହମାଦ ଇଯାହ୍ୟା ଇବନ ଉଛମାନ ଓ ଆବୁଲ ମାଲୀହ ସୂତ୍ରେ ମାଯମୂଳ ଥେକେ ବର୍ଣ୍ଣନା କରେନ ଯେ, ମାଯମୂଳ ବଲେହେନ, ଯେ ବ୍ୟକ୍ତି ଗୋପନେ ଅନ୍ୟାୟ ଅପରାଧ କରଲ, ସେ ଯେନ ଗୋପନେ ତାଓବା କରେ । ଆର ଯେ ବ୍ୟକ୍ତି ପ୍ରକାଶ୍ୟ ଅପରାଧ କରଲ, ସେ ଯେନ ପ୍ରକାଶ୍ୟ ତାଓବା କରେ । କେନନା, ମହାନ ଆଲ୍ଲାହୁ କ୍ଷମା କରେନ— ଲଜ୍ଜା ଦେନ ନା । ପଞ୍ଚାନ୍ତରେ ମାନସ ଲଜ୍ଜା ଦେଯ- କ୍ଷମା କରେ ନା ।

জা'ফর বলেন, মায়মুন বলেন, সম্পদে তিনটি বিপদ আছে। তার মালিক যদি একটি থেকে মুক্তিলাভ করে, দ্বিতীয়টি হতে মুক্তি পায় না। যদি সে দুটি হতে মুক্তিলাভ করে, তাহলে তৃতীয়টি থেকে মুক্তি না পাওয়া-ই স্বভাবিক হয়ে দাঁড়ায়। প্রথমত, সম্পদ হালাল ও পবিত্র হওয়া চাই। এমন মানুষ আছে কि, যার সম্পদে হালাল ব্যক্তিত অন্য কিছু চুকবে না? যদি সে এর থেকে নিরাপদ হয়ে যায়, তাহলে সম্পদের সাথে সংশ্লিষ্ট হকসমূহ আদায় করা তার কর্তব্য হয়ে দাঁড়ায়। যদি সে এ ক্ষেত্রেও আগদয়ুক্ত হয়, তাহলে তার কর্তব্য হবে, সে যা ব্যয় করবে, তাতে সে অপচয়ও করবে না। কার্পণ্ণ ও প্রদর্শন করবে না।

জা'ফর আরো বলেন : আমি মায়মূনকে বলতে শুনেছি : সবচেয়ে সহজ রোগ হলো
পানাহার বর্জন করা।

আবদুল্লাহ ইব্ন আহমাদ ইয়াহ্ইয়া ইব্ন উছমান আল-হারবী ও আবুল মালীহ সূত্রে বর্ণনা করেন যে, মায়মূন ইব্ন মিহরান বলেন : নবী, রাসূল, কিংবা অন্য কেউ ধৈর্যধারণ ব্যতীত বৃহৎ কল্যাণ লাভ করতে পারেননি।

এই সনদে তিনি আরো বলেন : দুনিয়াটা এমন যিষ্ট ও সবুজ-শ্যামল, থাকে প্রবৃত্তি দ্বারা দেকে রাখা হয়েছে। আর শয়তান হলো একপা খাড়া শক্ত। ফলে মানুষ ভাবে; আখিরাত সুদূর-পরাহত আর দুনিয়া নগদ লভ্য।

ইউনুস ইব্ন উবায়দা বলেন : মায়মূন ইব্ন মিহরান-এর শহরে প্রেগ দেখা দিয়েছিল। আমি তার পরিজনের অবস্থা জানতে চেয়ে তার নিকট পত্র লিখি। তিনি জবাবে লিখলেন : আপনার পত্রখানা আমার হাতে এসে পৌছেছে, যাতে আপনি আমার পরিজনের অবস্থা জানতে চেয়েছেন। শুনুন, আমার পরিবার-আঞ্চীয়রা সতেরজন মারা গেছে। আর বিপদ যখন আসে, আমি তখন তাকে অপসন্দ করি। আর যখন চলে যায়, তখন ছিল না মনে করে আমি আনন্দিত হই না। আপনি মহান আল্লাহর কিতাবকে আঁকড়ে ধরে রাখুন। মানুষ কিন্তু মহান আল্লাহর কিতাবকে ত্যাগ করে মানুষের বাণীকে গ্রহণ করে নিয়েছে।

উমর ইব্ন মায়মূন বলেন : আমি আমার পিতার সঙ্গে পৰিত্ব কাবা তাওয়াফ করছিলাম। এমন সময় এক বৃন্দ লোক আববাজানের দেখা পেয়ে তাঁর সঙ্গে মু'আনাকা করলেন। শায়খের সঙ্গে আমার বয়সী এক যুবক। আববাজান জিজ্ঞাসা করলেন : সে কে? তিনি বলেনঃ আমার ছেলে। আববাজান বলেন : তার প্রতি আপনার সন্তুষ্টি কেমন? তিনি বললেন : হে আবু আয়ূব! একটি ব্যতীত সবগুলো ভাল চরিত্র আমি তার মধ্যে পেয়েছি। আববাজান বললেনঃ সেই একটি কী? তিনি বললেন : সে মৃত্যুমুখে পতিত হবে আর তার জন্য আমাকে প্রতিদান দেওয়া হবে। তারপর আববাজান তাকে ছেড়ে চলে এলেন। আমি জিজ্ঞাসা করলাম : এই শায়খ কে? তিনি বললেন : মাকহুল।

তিনি আরো বলেন : সবচেয়ে নিকৃষ্ট মানুষ হলো, যারা অন্যের দোষ ধরে এবং বিস্তুশালী কিংবা বিভ্রান্ত লোক ছাড়া কেউ কাতান পরিধান করে না।

ইমাম আহমাদ বর্ণনা করেন যে, মায়মূন ইব্ন মিহরান বলেন : হে মানব সন্তান! তোমার পিঠের বোঝা হালকা কর। কেননা, তুমি এই যা কিছু বহন করছ, তুমি তা পরিবহণের শক্তি রাখ না। এই যুলুম এই সম্পদ ভক্ষণ, এই অত্যাচার ইত্যাদি যা কিছু তুমি পিঠে বহন করছ, এগুলো পিঠ থেকে হালকা করে ফেল।

তিনি আরো বলেন : তোমাদের আমল হলো স্বল্প। কাজেই এই স্বল্প আমলকে খাঁটি বানিয়ে ফেল।

তিনি আরো বলেন : কোন সম্পদায় যদি অন্যায় কাজে লিপ্ত হয়ে পড়ে, তাহলে তাদের ধৰ্ম অনিবার্য হয়ে যায়।

আবদুল্লাহ ইব্ন আহমাদ বর্ণনা করেন যে, মায়মূন ইব্ন মিহরান **أَمْتَازُوا الْيَوْمَ أَبِيهَا** (আর হে অপরাধিগণ! তোমরা আজ পৃথক হয়ে যাও - ৩৬ : ৫৯) এই আয়াত তিলাওয়াত করে কেঁদে ফেলেন। তারপর বলেন : **سُষ্ঠিজগত** এর চেয়ে কঠোর ঘোষণা আর শোনেনি।

মায়মূন থেকে যথাক্রমে ইস্মায়ন ইব্ন আবদুর রহমান কৃতায়বাহ ইব্ন সাঈদ, মুহাম্মদ ইব্ন ইসহাক ও ইবরাহীম ইব্ন আবদুল্লাহ সূত্রে আবু আওওয়ানা বর্ণনা করেন যে, মায়মূন বলেন : চার ব্যক্তি ও বিষয় এমন রয়েছে যে, তাদের ব্যাপারে কথা বলা যায় না। আলী উচ্ছমান, তাকদীর ও নক্ষত্র।

তিনি আরো বলেন : তোমরা ইসলাম অসমর্থিত সকল প্রবৃত্তি থেকে নিজেদেরকে রক্ষা কর।

ফুরাত ইব্নুস-সাইব থেকে শাবাবা বর্ণনা করেন যে, ফুরাত বলেন : আমি মায়মূনকে জিজ্ঞাসা করেছিলাম : আপনার নিকট আমি শ্রেষ্ঠ, নাকি আবু বাকর ও উমর ? আমার এই প্রশ্ন শুনে তিনি কেঁপে উঠেন। এমনকি তাঁর হাত থেকে লাঠিটা পড়ে যায়। তারপর তিনি বলেন, আমার ধারণা ছিল না যে, আমি সেই যুগ পর্যন্ত বেঁচে থাকব, যে যুগে আলী ও আবু বাকরকে অন্যদের সঙ্গে তুলনা করা হবে! তারা দু'জন ছিলেন ইসলামের দুটি চাদর, ইসলামের মাথা ও জামাআতের মাথা। আমি জিজ্ঞাসা করলাম, আবু বকর প্রথমে ইসলাম প্রহণ করেছেন, নাকি আলী ? তিনি বললেন : আল্লাহর শপথ! রাসূলুল্লাহ (সা) যখন বুহায়রা পদ্দীর নিকট দিয়ে অতিক্রম করেছিলেন, আবু বকর সে সময় নবী (সা)-এর প্রতি ঈমান আনয়ন করেছিলেন। আবু বকর সেই ব্যক্তি, যিনি রাসূলুল্লাহ (সা) ও খাদীজা (রা)-এর বিয়েতে ঘটকালি করেছিলেন। আর এসব ঘটনা সংঘটিত হয়েছিল আলীর জন্মেরও আগে। তার আগেও তিনি নবী (সা)-এর সহচর ও বন্ধু ছিলেন।

মায়মূন ইব্ন মিহরান ইব্ন উমর (রা) থেকে বর্ণনা করেন যে, রাসূলুল্লাহ (সা) বলেন : শেষ যামানায় হালাল অর্থ আর নির্ভরযোগ্য ভাই কমই পাওয়া যাবে।

তিনি ইব্ন উমর থেকে আরো বর্ণনা করেন যে, রাসূলুল্লাহ (সা) বলেন : শেষ যামানার নিকৃষ্ট সম্পদ হবে রাজত্ব।

ইব্ন আবুদ-দুন-ইয়া বর্ণনা করেন যে, মায়মূন ইব্ন মিহরান বলেন : যে ব্যক্তি কোন বিনিময় ছাড়া ভাইদের সন্তুষ্টি অর্বেষণ করে, সে কবরের অধিবাসীদের সঙ্গে বন্ধুত্ব স্থাপন করবে।

তিনি আরো বলেন : অন্যের উপর যুলুম করার পর যদি সেই যুলুম হতে নিষ্কৃতি লাভের পথ হারিয়ে যায়, তাহলে যদি সে প্রতি নামায়ের পর ময়লুমের জন্য ক্ষমা প্রার্থনা করে, তাহলে সে যুলুম হতে নিষ্কৃতি লাভ করবে। আর মহান আল্লাহ চান তো সম্মান, সম্পদ এবং অন্য সকল যুলুম এর অন্তর্ভুক্ত হবে। মায়মূন বলেন : হত্যাকারী, হত্যার নির্দেশদাতা, নির্দেশ পালনকারী, অত্যাচারী ও অত্যাচার কর্মে সম্মত ব্যক্তি, অপরাধের ক্ষেত্রে সবাই সমান।

তিনি আরো বলেন : সর্বশ্রেষ্ঠ ধৈর্য হলো মহান আল্লাহর যে আনুগত্য তোমার মন অপসন্দ করে, মনের বিপক্ষে তার উপর অটল থাকা।

মায়মূন একদল সাহাবী হতে হাদীস বর্ণনা করেছেন। তিনি রিক্ত নামক স্থানে বাস করতেন। মহান আল্লাহ তার প্রতি রহম করছেন।

ইব্ন উমর (রা)-এর গোলাম নাফি' (র)

আবু আবদুল্লাহ আল-মাদানী। কোন এক পশ্চিমা দেশ বংশোদ্ধৃত। কেউ কেউ বলেন, তিনি নিশাপুরের অধিবাসী। কারো কারো মতে কাবুলের। কেউ কেউ ভিন্ন মতও পোষণ

করেন। তিনি নিজ মনিব আবদুল্লাহ ইব্ন উমর এবং অন্য একদল সাহাবী হতে হাদীস বর্ণনা করেন। যেমন : 'রাফি' ইব্ন খাদীজ, আবু সাঈদ, আবু হুরায়রা আয়শা ও উম্মু সালামা (রা) প্রমুখ। তাঁর নিকট হতে একদল তাবিঙ্গ হাদীস বর্ণনা করেন। তিনি নির্ভরযোগ্য পণ্ডিত ও যুগের ইমামগণের একজন ছিলেন। ইমাম বুখারী বলেন : 'মালিক নাফি' হতে, নাফি' ইব্ন উমর থেকে' এই সনদটি সবচেয়ে বিশুদ্ধ। উম্মর ইব্ন আবদুল আয়ীয় তাঁকে মানুষকে সুন্নাহ শিক্ষা দেওয়ার উদ্দেশ্যে মিসর প্রেরণ করেছিলেন। বহু ইমাম তাঁর প্রশংসা করেছেন এবং তাকে নির্ভরযোগ্য বলে অভিমত প্রকাশ করেছেন। প্রসিদ্ধ অভিমত অনুযায়ী তিনি এই বছর ইন্তিকাল করেন।

যুররিম্মা আশ-শাইর

নাম গায়লান ইব্ন উতবা ইব্ন বাহীস। আব্দ মানাত ইব্ন আব্দ ইব্ন তাবিখা ইব্ন ইল্যাস ইব্ন মুয়ার আবুল হারিস। শ্রেষ্ঠ কবিগণের একজন। তার বিখ্যাত কাব্যগ্রন্থ রয়েছে। তিনি মায়ু বিন্ত মুকাতিল ইব্ন তালবা ইব্ন কায়স ইব্ন আসিম আল-মিনকারীর নামে গান গাইতেন। মেয়েটি রূপসী ছিল। আর যুররিম্মা ছিলেন কৃৎসিত ও কৃষ্ণকায়। তাদের উভয়ের মাঝে কোন অশালীন সম্পর্ক ছিল না। তাদের কেউ কাউকে কথনে দেখেওনি। একজন অপরজনের কথা শুনতেন শুধু। কথিত আছে, মায়ু বিন্ত মুকাতিল মানুত করেছিল, যদি সে যুররিম্মাকে দেখতে পায়, তাহলে কতগুলো ছাগল যবাহ করে খাওয়াবে। কিন্তু যখন দেখল, বললঃ হায় আফসোস! হায় আফসোস! মায়ু বিন্ত মুকাতিল মাত্র একবার যুররিম্মাকে নিজের মুখমণ্ডল দেখতে দিয়েছিল। তখন তিনি কবিতা আবৃত্তি করেন :

على وجه مى لمحه من حلاوة * وتحت الثياب العار لوكان باديا

মায়ু-এর চেহারায় মাধুর্য বিদ্যমান আর পোশাকের নীচে তার লাজুকতা, যদি তা উন্মুক্ত হতো!

শুনে মায়ু পোশাক ফেলে উন্মুক্ত হয়ে যায়। তখন যুররিম্মা আবৃত্তি করে-

الم تر أَنَّ الماء يخبتُ طعمه * وإنْ كَانَ لَوْنُ الْمَاءِ إِبْيَضٌ صَافِيَا

তুমি কি দেখনি যে, পানির স্বাদ বিনষ্ট হয়ে যায়, যদিও পানির রং শুভ্র ও স্বচ্ছ থাকে ?

মায়ু বললঃ তুমি কি তার স্বাদ আস্বাদন করতে চাও ? যুররিম্মা বললেনঃ হ্যাঁ, আল্লাহর শপথ ! মায়ু বিন্ত মুকাতিল বললঃ তার স্বাদ আস্বাদন করার পূর্বেই তুমি মৃত্যুর স্বাদ উপভোগ করবে। তখন যুররিম্মা আবৃত্তি শুরু করে-

فواضيـعـةـ الشـعـرـ الذـى رـاحـ وـانـقـضـىـ * بـمـىـ وـلـمـ اـمـلـكـ ضـلـالـ فـؤـادـيـا

নেকাবাবৃতা মায়ু-এর নিকট আমার কবিতা পৌছে গেছে। কিন্তু আমার অন্তর গোমরাহীতে লিপ্ত হয়নি।

ইব্ন খালিকান বলেনঃ মানুষের মাঝে প্রচলিত যুররিম্মার কয়েকটি পংক্তি নিম্নরূপ-

إذا هبت الارياح من نحو جانب * به اهلُ مِي حاج شوقى هبوبها

هوى تذرف العينان منه وإنما * هوى كل نفسِ اينَ حلَّ حبيبا

যখন বায়ু প্রবাহিত হয়, তো যে বায়ু মায়ু-এর পরিবারের দিক থেকে প্রবাহিত হয়, তা আমার অন্তরকে যো যায়। সে সময় আমার দু'চোখ থেকে অশ্রুর ধারা বইতে শুরু করে। যার প্রেমাঙ্গদ যেখানে থাকে, তার হৃদয় সেখানে ছুটে যায়-ই।

যুরুরিম্বা মৃত্যুর সময় আবৃত্তি করেন-

يَا قَابِضَ الْأَرْوَاحِ فِي جَسْمٍ إِذَا احْتَضَرَ * وَغَافِرُ الذَّنْبِ زَحْزَحَنِي مِنَ النَّارِ

হে রহ ক্ষয়কারী! তুমি যখন এসেই পড়েছ, এবং হে গুনাহ ক্ষমাকারী! আমাকে জাহান্নাম থেকে দূরে রাখ ।

১১৮ হিজরী সন

এ বছর আমীরগুল মু'মিনীন হিশাম ইব্ন আবদুল মালিক-এর দুই পুত্র মুআবিয়া ও সুলায়মান রোমে যুদ্ধ করেন। এ বছর আম্বার ইব্ন ইয়ায়ীদ- পরে যিনি বাখদাশ নাম ধারণ করেন- নামক এক ব্যক্তি খোরাসান এসে লোকদেরকে মুহাম্মদ ইব্ন আলী ইব্ন আবদুল্লাহ ইব্ন আবাস-এর খিলাফতের প্রতি আহ্বান জানায়।

ফলে বিপুল সংখ্যক মানুষ তার আহ্বানে সাড়া দেয়। তারা যখন তার নিকট এসে জড়ে হয়, সে তাদেরকে ধর্মবিরোধী আল-খারমিয়া মতবাদের প্রতি আহ্বান জানায় এবং লোকদের জন্য একজনের স্ত্রীকে অপরজনের জন্য হালাল ঘোষণা করে। সে দাবী করে, মুহাম্মদ ইব্ন আলী এরপ বলে থাকেন। কিন্তু মহান আল্লাহ সরকারের নিকট তার ষড়যন্ত্র ফাঁস করে দেন। ফলে তাকে ধরে ইরাক ও খোরাসানের গভর্নর খালিদ ইব্ন আবদুল্লাহ আল-কাসরীর নিকট পাঠিয়ে দেওয়া হয়। খালিদ ইব্ন আবদুল্লাহর নির্দেশে তার হাত কেটে জিহ্বাটা বের করে ফাঁসিতে ঝুলানো হয়।

এ বছর পবিত্র মদীনার গভর্নর মুহাম্মদ ইব্ন হিশাম ইব্ন ইসমাঈল লোকদের জন্য হজ্জের আয়োজন করেন। কেউ কেউ বলেন : তখন পবিত্র মদীনার শাসন ক্ষমতা খালিদ ইব্ন আবদুল মালিক ইব্ন মারওয়ান-এর হাতে ছিল। তবে সঠিক তথ্য হল, সে সময় খলীফা তাকে পদচ্যুত করে তদন্তলে মুহাম্মদ ইব্ন হিশাম ইব্ন ইসমাঈলকে গভর্নর নিযুক্ত করেন। তখন ইরাকের গভর্নর ছিলেন আল কাসরী। এ বছর ইন্তিকাল করেন :

আলী ইব্ন আবদুল্লাহ ইব্ন আবাস (রা)

ইব্ন আবদুল মুভালিব আল-কারাশী আল-হাশেমী আবুল হাসান। তাকে আবু মুহাম্মদও বলা হয়ে থাকে। তাঁর মা যুর'আ বিন্ত মুসাররাহ ইব্ন মাদীকারব আল-কিন্দী। ইমাম আহমাদ বর্ণিত হাদীসে উল্লিখিত চার বাদশাহর একজন। তারা হলেন, মুসাররাহ, হামাল, মাখুলাস ও আবয়া'আ। তাদের বোন হলেন, আমাররাদাহ। আলী ইব্ন আবু তালিব যেদিন শহীদ হন, সেদিন এই আলী জন্মগ্রহণ করেন। ফলে তাঁর পিতা আলী ইব্ন আবু তালিব-এর নামে তাঁর নাম এবং তাঁর উপনামে তাঁর উপনাম রাখেন। কেউ কেউ বলেন : আলী ইব্ন আবু তালিব-এর জীবদ্ধশ্য-ই তাঁর জন্ম হয় এবং তিনিই তার নাম, উপনাম ও উপাধি ঠিক করে দেন। আলী যখন আবদুল মালিক ইব্ন মারওয়ান-এর নিকট গমন করেন, তিনি তাকে সিংহাসনে নিজের কাছে বসান এবং তাঁর নাম ও উপনাম জিজ্ঞাসা করেন। তিনি নাম ও

উপনাম জানালে আবদুল মালিক ইব্ন মারওয়ান বলেন : আপনার কি সন্তান আছে ? বললেন : হ্যাঁ, আমার একটি সন্তান আছে। আমি তার নাম রেখেছি মুহাম্মদ। আবদুল মালিক বলেন : তাহলে তো আপনি আবু মুহাম্মদ। আবদুল মালিক ইব্ন মারওয়ান তাঁকে উপহার প্রদান করেন এবং তার সঙ্গে সদয় আচরণ করেন।

আলী ইব্ন আবদুল্লাহ ইব্ন আবুস ইবাদত, দুনিয়াবিমুখতা, ইল্ম, আমল, দৈহিক সৌন্দর্য, ন্যায়পরায়ণতা ও নির্ভরযোগ্যতায় চূড়ান্ত ছিলেন। তিনি প্রত্যহ দিনে-রাতে এক হাজার রাকআত নামায পড়তেন। আমর ইব্ন আলী আল-ফাল্লাস বলেন : আলী ইব্ন আবদুল্লাহ ইব্ন আবুস শ্রেষ্ঠ লোকদের একজন ছিলেন। এ বছর বালকার জাহমা নামক স্থানে তিনি ইন্তিকাল করেন। তিনি প্রায় আশি বছর আয়ু লাভ করেছিলেন।

ইব্ন খালিকান উল্লেখ করেন : আলী ইব্ন আবদুল্লাহ ইব্ন আবুস আবদুল্লাহ ইব্ন জাফর-এর কন্যা লুবাবাকে বিবাহ করেন, যিনি প্রথমে আবদুল মালিক ইব্ন মারওয়ান-এর স্ত্রী ছিলেন। আবদুল মালিক ইব্ন মারওয়ান তাকে তালাক প্রদান করেন। তার কারণ এই ছিল যে, আবদুল মালিক ইব্ন মারওয়ান একদিন দাঁত দ্বারা আপেল ভেঙ্গে একটি খও স্ত্রী লুবাবার দিকে ছুঁড়ে মারেন। স্ত্রী আপেলের যে অংশটুকু আবদুল মালিক ইব্ন মারওয়ান-এর মুখ স্পর্শ করেছিল, একটি ছুরি দ্বারা সেটুকু কেটে ফেলেন। আবদুল মালিক জিজ্ঞাসা করলেন : তুমি এটা করলে কেন ? লুবাবা বললেন : তার থেকে জীবাণু ফেলে দিলাম। তার কারণ হলো, আবদুল মালিক মুখের দুর্গন্ধ রোগের রোগী ছিলেন। এই ঘটনাকে কেন্দ্র করেই আবদুল মালিক ইব্ন মারওয়ান তাকে তালাক প্রদান করেন।

আলী ইব্ন আবদুল মালিক যখন তাকে বিবাহ করেন, ওয়ালীদ ইব্ন আবদুল মালিক উক্ত ঘটনার প্রতিশোধ গ্রহণ করেন। তিনি আলী ইব্ন আবদুল্লাহকে কোড়া দ্বারা প্রহার করেন এবং বলেন : তুমি খিলাফত বংশের অপমান করতে চাচ্ছ। ওয়ালীদ ইব্ন আবদুল মালিক তাঁকে দ্বিতীয়বার প্রহার করেন এই জন্য যে, তার নামে রটন হয়েছিল যে, তিনি বলেন, খিলাফত তার ঘরের দিকে ফিরে আসছে। বস্তুত ঘটনা তা-ই ঘটেছিল।

মুবারাদ উল্লেখ করেছেন, আলী ইব্ন আবদুল্লাহ ইব্ন আবুস হিশাম ইব্ন আবদুল মালিক-এর নিকট গমন করেন। তখন তাঁর দুই বালক ছেলে সাফ্ফাহ ও মানসুর তাঁর সঙ্গে ছিল। হিশাম তাকে সম্মান প্রদর্শন করেন, নিজের কাছে নিয়ে বসান এবং তাকে একশত ত্রিশ হাজার দিরহাম উপহার প্রদান করেন। আলী ইব্ন আবদুল্লাহ হিশামকে তাঁর উভয় ছেলের কল্যাণের উপদেশ প্রদান করতে শুরু করেন এবং বলেন : এরা এক সময় রাষ্ট্রক্ষমতা লাভ করবে। তাতে হিশাম তাঁর অভ্যন্তরের সুস্থিতা সম্পর্কে বিশ্ব প্রকাশ করে এবং তাকে নির্বোধ বলে অভিহিত করেন। কিন্তু ঘটনা তা-ই ঘটেছে, যা তিনি বলেছিলেন।

ইতিহাসবিদগণ বলেন : আলী ইব্ন আবদুল্লাহ ইব্ন আবুস অত্যন্ত সুদর্শন এবং সুস্থামদেহী ছিলেন। তিনি যখন মানুষের মাঝে হাঁটতেন, মনে হতো, তিনি বাহনে আরোহণ করছেন। উচ্চতায় তিনি ছিলেন তাঁর পিতা আবদুল্লাহর কাঁধ সমান। পিতা আবদুল্লাহ ছিলেন তাঁর পিতা আবুস-এর কাঁধ সমান। আর আবুস ছিলেন তাঁর পিতা আবদুল মুতালিব-এর কাঁধ সমান।

আলী ইব্ন আবদুল্লাহ ইব্ন আবরাস-এর মৃত্যুর পূর্বে এ বছরের কয়েক বছর আগে বহু মানুষ তাঁর ছেলে মুহাম্মদ-এর হাতে খিলাফতের বায়আত গ্রহণ নিয়েছিল। কিন্তু বিষয়টা গোপন থাকে। কিন্তু তাঁর মৃত্যুর পর ছেলে আবদুল্লাহ আবুল আবরাস আস-সাফফাহ শাসন ক্ষমতা হাতে নেন। তখন তার বয়স ছিল বত্রিশ বছর। এ বিষয়ে পরে আলোচনা হবে ইনশাআল্লাহ।

এ বছর আরো যারা ইন্তিকাল করেন, তন্মধ্যে আমর ইব্ন শু'আয়ব, উবাদা ইব্ন নুসাই, আবু সাখরা জামি' ইব্ন শাদাদ ও আবু আয়্যাশ আল-মু'আফিরী।

১১৯ হিজরী সন

এ বছর ওয়ালীদ ইব্নুল কা'কা' রোমে যুদ্ধ শুরু করেন এবং আসাদ ইব্ন আবদুল্লাহ আল-কাসরী তুর্কী মহারাজা খাকানকে হত্যা করেন। তার কারণ এই ছিল যে, খুরাসানের গভর্নর আসাদ ইব্ন আবদুল্লাহ তার ভাই খালিদ ইব্ন আবদুল্লাহর নায়েব হয়ে ইরাকের দায়িত্বাত্ত্বার গ্রহণ করেন। তারপর তিনি বাহিনীসহ খুতাল নগরীতে প্রবেশ করে শহরটি দখল করে নেন এবং তার বাহিনী শহরময় ছড়িয়ে পড়ে হত্যা, বন্দীকরণ এবং গনীমত সংগ্রহ শুরু করে দেয়। এদিকে তুর্কী রাজা খাকান গোয়েন্দা মারফত সংবাদ পান যে, আসাদ বাহিনী খুতাল শহরে ছড়িয়ে পড়েছে। সুযোগকে গনীমত মনে করে তৎক্ষণাত প্রস্তুতি নিয়ে সৈন্যসহ আসাদ-এর উদ্দেশ্যে রওয়ানা হন। খাকান ও তার সঙ্গীরা বিপুল অন্তর, শুক্রন গোশত ও লবণ ইত্যাদি নিয়ে মহা-আক্রেশে রওয়ানা হন। খাকান আসাদ পর্যন্ত এসে পৌছে। বিষয়টি অবহিত হয়ে আসাদও প্রস্তুতি গ্রহণ করেন। এদিকে কিছু লোক গুজব ছড়িয়ে দেয়, খাকান আসাদ ইব্ন আবদুল্লাহর উপর হামলা করে তাঁকে ও তাঁর সঙ্গীদেরকে দুর্বল করা, যাতে তারা আসাদ-এর নেতৃত্বে সমবেত না হয়। কিন্তু মহান আল্লাহ তাদের ঘড়্যব্রক্ষকে বুমেরাং করে দেন এবং তাদের কৌশলকে তাদের-ই ধৰ্মসে পরিণত করেন। তা এই ভাবে যে, মুসলমানরা যখন উক্ত সংবাদটা শুনতে পেল, তাদের ইসলামের মর্যাদাবোধ জেগে উঠে এবং শক্রুর উপর তাদের আক্রেশ আরো বেড়ে যায়। তারা প্রতিশোধ গ্রহণে দৃঢ়প্রতিজ্ঞ হয়। ফলে তারা আসাদ ইব্ন আবদুল্লাহ যেখানে অবস্থান করছিলেন, সেখানকার উদ্দেশ্যে রওয়ানা হয়। গিয়ে দেখতে পায়, আসাদ জীবিত এবং তার সৈন্যরা তার চারিদিকে সমবেতে দণ্ডয়মান। আসাদ ইব্ন আবদুল্লাহ খাকান-এর দিকে রওয়ানা হন। তিনি জাবালুল মিল্হ নামক পর্বতের নিকট গিয়ে পৌছেন এবং পানি ভেঙ্গে বলখ নদী পার হওয়ার মনস্ত করলেন। তাদের নিকট বিপুল পরিমাণ গনীমতের সম্পদ ছিল। আসাদ সেগুলো পিছনে ফেলে যেতে চাইলেন না। ফলে তিনি প্রত্যেক অশ্বারোহীকে সামনে করে একটি এবং ধাঢ়ে করে একটি ছাগল বহন করে নিয়ে যেতে নির্দেশ দেন এবং ছমকি প্রদান করেন, কেউ তা না করলে তার হাত কেটে ফেলা হবে। তিনি নিজেও সঙ্গে একটি ছাগল তুলে নেন। তারা নদীতে নেমে পড়ে। তারা নদী থেকে পুরোপুরি তীরে এসে উঠতে না উঠতেই খাকান পিছন দিক থেকে তাদের উপর হামলা করে বসে। তারা নদী পার হয়ে এখনো যারা কুলে উঠতে পারেনি, তাদেরকে এবং দুর্বল লোকদেরকে হত্যা করে ফেলে। অবশিষ্টরা যখন কুলে এসে দাঢ়ায়, তাদের উপরও খাকান বাহিনী আক্রমণ করে বসে। মুসলমানরা ভেবেছিল, শক্র বাহিনী নদী অতিক্রম করে তাদের নাগাল পাবে না। এবার তুর্কীরা

পরম্পর পরামর্শ করে একযোগে পুনরায় আক্রমণ করার সিদ্ধান্ত গ্রহণ করে। তারা ছিল পঞ্চাশ হাজার। তারপর তারা নদী পার হবে। তারা বিকট শব্দে নাকাড়া বাজাল। মুসলমানরা মনে করল, তারা ছাউনিতেই অবস্থান করছে। তারপর তারা একযোগে নদীতে নেমে পড়ল। তাদের ঘোড়াগুলো বিকট শব্দে হ্রেষাধ্বনি তুলল এবং মুসলমানদের এক পার্শ্ব দিয়ে নদী পার হয়ে তীরে এসে পৌছে গেল। মুসলমানরা তাদের সেনা ছাউনিতেই বসে রইল। তারা পূর্ব থেকেই ছাউনির চতুর্দিকে পরিখা খনন করে রেখেছিল, যা অতিক্রম করে তাদের নিকট আসা কারো পক্ষে সম্ভব ছিল না। এখন উভয় বাহিনী উভয়ের আগুন দেখতে পাচ্ছে। প্রত্যুষে খাকান মুসলমানদের একদল সৈন্যের দিকে এগিয়ে গিয়ে তাদের কতিপয়কে হত্যা করে ফেলে এবং কতিপয়কে বন্দী করে এবং কতগুলো মালবোঝাই উট ধরে নিয়ে যায়। তারপর সৈদুল ফিতরের দিন উভয় বাহিনী মুখোমুখি অবস্থান গ্রহণ করে। ফলে আসাদ বাহিনী শংকিত হয়ে পড়ে যে, তারা বোধ হয় সৈদের নামায আদায় করতে পারবে না। বস্তুত তারা আসের মধ্যেই সৈদের নামায আদায় করে।

আসাদ তার সঙ্গীদের নিয়ে বলখের মারাজ নামক স্থানে পৌছে যায়। এতদিনে শীত চলে গেছে। সৈদুল আয়হার দিন আসাদ ইব্ন আবদুল্লাহ জনতার উদ্দেশ্যে ভাষণ দেন। তিনি মারতে চলে যাওয়া, খাকান-এর সঙ্গে সংঘর্ষে লিঙ্গ হওয়া ও বলখে অবস্থানে আশ্রয় নেওয়া এই তিনি তিনটি পস্তার কোন একটি পস্তা অবলম্বনের ব্যাপারে তাদের সঙ্গে পরামর্শ করেন। কেউ দুর্গবজ্জ্বল হয়ে খাকান পরামর্শ দিল। কেউ খাকান-এর মুকাবিলায় অবর্তীর্ণ হওয়ার এবং মহান আল্লাহ'র উপর ভরসা করার কথা বলল। দ্বিতীয় অভিমতটি আসাদের মনঃপূর্ত হয়। তিনি সৈন্যসহ খাকান-এর উদ্দেশ্যে রওয়ানা হন। রওয়ানার পূর্বে লোকদের নিয়ে দীর্ঘ করে দু'রাকআত নামায আদায় করেন। তারপর দীর্ঘ সময় ধরে দু'আ করেন। তারপর এই বলে রওয়ানা হন যে, ইনশাআল্লাহ্ তোমরা জয়ী হবে। তিনি মুসলমানদের নিয়ে রওয়ানা হন। তাঁর সম্মুখ বাহিনী খাকান-এর সম্মুখ বাহিনীর মুখোমুখি হয়। মুসলমানরা তাদের বেশ কিছু লোককে হত্যা করে এবং তাদের আমীর ও তার সঙ্গে আরো সাতজন আমীরকে বন্দী করে। তারপর আসাদ গনীমত নিয়ে ফিরে আসেন। গনীমতের পরিমাণ ছিল একলাখ পঞ্চাশ হাজার ছাগল। তারপর তিনি সঙ্গীদের সঙ্গে মিলিত হন। খাকান-এর সঙ্গে লোকসংখ্যা এখন চার হাজার কিংবা তার চেয়ে কিছু কম বা বেশী। তার সঙ্গে হারিছ ইব্ন শুরায়হ নামক এক আরব ছিল। এই লোকটি খাকান-এর হৃদয়ে ঢুকে গিয়েছিল। সে-ই তাকে মুসলিম নারীদের সন্ধান দিত। কিন্তু লোকজন এগিয়ে এলে তুর্কীরা যে যেদিকে সঁজ্ব পালিয়ে গেল। খাকান পরাজিত হলো। সহযোগী হারিছ ইব্ন শুরায়হ তার সঙ্গে। আসাদ ইব্ন আবদুল্লাহ তাদের ধাওয়া করলেন। দ্বি-প্রহরের সময় খাকান চারশত সঙ্গী নিয়ে কেটে পড়ল। তাদের গায়ে রেশমী পোশাক। তাদের সঙ্গে অনেকগুলো পানপাত্র। মুসলমানরা খাকানকে পেয়ে গেল। খাকান পানপাত্রগুলোতে সজোরে তিনবার আঘাত করার নির্দেশ প্রদান করেন- প্রত্যাবর্তনের আঘাত। কিন্তু তারা ফিরে যেতে পারল না। মুসলমানরা এগিয়ে এসে তাদের ছাউনি থেকে মৃল্যবান মালপত্র, সোনা-চাঁদির পেয়ালা, তুর্কী নারী-শিশু ও মুসলিম নারী প্রযুক্ত বন্দী ইত্যাদি অগণিত মহামূল্যবান সম্পদ দখল করে নেয়। এদিকে খাকান যখন মৃত্যু অবধারিত বুঝতে পারে, তখন খঞ্জর দ্বারা আঘাত করে স্বীয় স্ত্রীকে হত্যা করে ফেলেন। মুসলমানরা যখন খাকান-এর সেনা ছাউনিতে গিয়ে

পৌছে, তখন খাকান-এর স্ত্রী মৃতপ্রায়। তারা চুলায় তাদের পাতিলগুলোতে খাবার উপর পুরুষ করছে দেখতে পায়। খাকান সঙ্গীদের নিয়ে পালিয়ে কোন এক শহরে প্রবেশ করে নিরাপদ আশ্রয়ে অবস্থান প্রস্তুত করেন। পরবর্তীতে আমীর আসাদ ইবন আবদুল্লাহ্ যখন তার উপর জয়ী হন, তখন তিনি কতিপয় আমীরের সঙ্গে শতরঞ্জ খেলছিলেন। খাকান আমীর আসাদ ইবন আবদুল্লাহকে হাত কেটে ফেলার হৃদয়ক প্রদান করেন। ফলে আসাদ তার উপর আরো ত্রুট্টি হয়ে উঠেন। পরে তাকে হত্যা করে ফেলেন। তুর্কীরা ছিন্নভিন্ন হয়ে ছুটাছুটি করে পরম্পর পরম্পরের উপর হৃদড়ি খেয়ে পড়তে লাগল এবং পরম্পর পরম্পরকে লুর্ণন করতে লাগল।

এদিকে আসাদ ইবন আবদুল্লাহ্ তাঁর ভাই খালিদকে খাকান-এর উপর তার বিজয়ের সংবাদ দিয়ে দৃত প্রেরণ করেন এবং তার নিকট খাকান-এর তবলাটা পাঠিয়ে দেন। এত বড় তবলা যে, তার শব্দ বজ্রের শব্দের ন্যায়। তাছাড়া আরো কিছু সম্পদও প্রেরণ করেন। খালিদ তবলাটা আমীরগুল মু'মিনীন হিশাম-এর নিকট পাঠিয়ে দেন। হিশাম তাতে বেজায় আনন্দিত হন এবং দৃতদেরকে বিপুল পরিমাণ সম্পদ উপহার দেন।

এই ঘটনায় আসাদ ইবন আবদুল্লাহ্ প্রশংসা করে কোন এক কবি বলেছেন,

لو سرتَ فِي الْأَرْضِ تَقِيسُّ الْأَرْضَا * تَقِيسُّ مِنْهَا طُولَهَا وَالْعَرْضا
مِنَ الْأَمْيَرِ أَسْدٌ وَأَمْضَى * لَمْ تَلْقَ خَيْرًا إِمْرَةٌ وَنَقْضَا
أَفْضَى إِلَيْنَا الْخَيْرَ حَتَّى افْضَا * وَجْمَعَ الشَّمْلَ وَكَانَ ارْفَاضَا
مَا فَاتَهُ خَاقَانٌ إِلَّا رَكْضًا * قَدْ فَضَّ مِنْ جَمْوَعِهِ مَا فَضَا
يَا ابْنَ شَرِيعٍ قَدْ لَقِيتَ حَمْضَا * حَمْضًا بِهِ تَشْفَى صِدَاعُ الْمَرْضِى

‘তুমি যদি পৃথিবীময় ভ্রমণ করে পৃথিবীর দৈর্ঘ্য ও প্রস্থ পরিমাপ কর, তবু আমীর আসাদ-এর ন্যায় উন্নত শাসক খুঁজে পেতে না। তিনি আমাদের নিকট সংবাদ পৌছিয়েছেন যে, তিনি তাঁর বিক্ষিপ্ত সৈন্যদেরকে সমবেত করে নিয়েছেন। এখন খাকানও তার থেকে রক্ষা পাবে না। তিনি আপন সৈন্য বাহিনীর আগেই প্রাণ ত্যাগ করবেন। হে ইবন শুরায়হ! তুমিও সেই তিক্ত ফল পেয়ে গেছ যা দ্বারা রংগ ব্যক্তি সুস্থিত লাভ করে।’

এ বছর খালিদ ইবন আবদুল্লাহ্ আল-কাসরী মুগীরা ইবন সাইদ ও তার মিথ্যা মতবাদের অনুসারীদের অনেককে হত্যা করেছিলেন। এই লোকটি জাদুকর, পাপিষ্ঠ ও অসভ্য শীআহ ছিল।

ইবন জারীর যথাক্রমে ইবন হুমায়দ ও জারীর সূত্রে আ'মাশ হতে বর্ণনা করেন যে, আ'মাশ বলেন, আমি মুগীরা ইবন সাইদকে বলতে শুনেছি, সে যদি 'আদ, ছামূদ ও অন্যান্য জাতিকে জীবিত করতে চাইত, সে তাদেরকে জীবিত করতে পারত। আ'মাশ বলেন, এই মুগীরাহ্ করবরষ্টানে গিয়ে এমন কিছু বাক্য উচ্চারণ করত যে, তার ফলে করবরষ্টানের উপর টিক্কির ন্যায় পাখি দেখা যেত। ইবন জারীর তার ব্যাপারে এমন কথা উল্লেখ করেন, তাতে তার জাদু ও পাপাচারের প্রমাণ পাওয়া যায়। তার সম্পর্কে শুনে খালিদ ইবন আবদুল্লাহ্ তাকে উপস্থিত করার নির্দেশ প্রদান করেন। সাত কিংবা নয় জন লোকসহ তাকে তাঁর সম্মুখে উপস্থিত করা হলো। খালিদ-এর নির্দেশে তাঁর সিংহাসনটাকে মসজিদের নিকট নিয়ে যাওয়া হলো।

তিনি বাঁশ দ্বারা কয়েকটি তাঁবু প্রস্তুত করতে এবং পেট্রোল উপস্থিত করতে বললেন। তাঁবু খাটানো হলো। তার উপর পেট্রোল ঢেলে দেওয়া হলো। মুগীরাকে একটি তাঁবুতে চুকে যেতে বলেন। সে অঙ্গীকৃতি জানান। খালিদ ইব্ন আবদুল্লাহ তাকে প্রহার করলেন। এবার সে একটি তাঁবুতে চুকে পড়ল। তার মাথার উপর পেট্রোল ঢেলে দেওয়া হলো। তারপর তাতে আগুন ধরিয়ে দেওয়া হলো। তার সঙ্গীদের সঙ্গেও একই আচরণ করা হলো।

এ বছর বাহলুল ইব্ন বিশ্র নামক এক ব্যক্তি আত্মপ্রকাশ করে। তার উপাধি ছিল কাসারা। একশ'রও কমসংখ্যক একটি বিদ্রোহী দল তার অনুগত হয়ে যায়। তারা খালিদ আল-কাসরীকে হত্যা করার পরিকল্পনা আঁটে। খালিদ আল কাসরী তাদের বিরুদ্ধে অভিযান প্রেরণ করেন। কিন্তু বিদ্রোহীদের বীরত্ব, শক্তি-সামর্থ ও খালিদ বাহিনীর দিক-নির্দেশনার অভাবের কারণে তাদের অভিযান ব্যর্থ হয়। ফলে পুনরায় অস্ত্র ও চিহ্নিত ঘোড়া সজ্জিত কয়েক হাজার সৈন্যের বাহিনী প্রেরণ করা হয়। কিন্তু তারাও পরাজিত হয়। অথচ বিদ্রোহীরা ছিল একশ'রও কম। তারপর তারা খলীফা হিশামকে হত্যা করার উদ্দেশ্যে সিরিয়ার উদ্দেশ্যে যাত্রা করে। আল-জায়িরা নামক স্থানে একটি বাহিনী তাদের প্রতিরোধ করে। সেখানে উভয় পক্ষের মাঝে ঘোরতর লড়াই হয়। এবার তারা বিদ্রোহী বাহলুলের অধিকাংশ উল্লেখযোগ্য সংখ্যক লোককে হত্যা করে ফেলে। জাদীলার আবুল মাওত নামক এক ব্যক্তি বাহলুলকে আঘাত করে। বাহলুল মাটিতে পড়ে যায় এবং অবশিষ্ট সঙ্গীরা তাকে হত্যা করে ছিন্নভিন্ন করে ফেলে। তারা ছিল সর্বসাকুল্যে সন্তুরজন। তাদের কোন সঙ্গী তাদের জন্য শোকগাথা আবৃত্তি করে :

بُدَّلْتُ بَعْدَ أَبِي بِشْرٍ وَصَحْبِتِهِ *
قَوْمًا عَلَى مَعِ الْأَحْزَابِ أَعْوَانًا
بَانُوا كَانْ لَمْ يَكُونُوا لَنَا بِالْأَمْسِ خَلَانًا
وَلَمْ يَكُونُوا لَنَا مِنْ صَاحِبَتِنَا *
خَلَوْا لَنَا ظَاهِرَ الدِّنِيَا وَبَاطِنَهَا *
يَا عَيْنَ أَذْرِي دُمُوعًا مِنْكِ تَهْنَانَا *
وَأَبْكَى لَنَا صَحْبَةً بَانُوا وَجِيرَانًا
وَأَصْبَحُوا فِي جِنَانِ الْخَلْدِ جِيرَانًا

‘আমি আবু বিশ্র ও তাঁর সাহচর্যের পর অন্য এক গোষ্ঠীকে আমার সহায়ক স্থির করে নিয়েছি।

আমার সঙ্গীরা এমনভাবে বিচ্ছিন্ন হয়ে গিয়েছে, যেন তারা আমার সঙ্গী ছিলই না এবং ইতোপূর্বে তারা আমার সুহৃদ ছিল না।

‘হে আমার চক্ষ! তুমি বেশী করে অশ্রু প্রবাহিত কর এবং যারা পূর্ব বঙ্গ ও প্রতিবেশী ছিল, তাদের জন্য ক্রন্দন কর।

আমার বঙ্গুরা দুনিয়াকে সম্পূর্ণরূপে পরিভ্যাগ করেছে এবং চিরস্থায়ী জান্মাতে গিয়ে আশ্রয় গ্রহণ করেছে।’

তারপর তাদের অপর একটি দল সংগঠিত হয়ে হিশাম ইব্ন আবদুল মালিক-এর কয়েকজন গৰ্ভন্রের বিরুদ্ধে সংঘাতে লিঙ্গ হয়। তাতে উভয় পক্ষের বহু লোক নিহত হয়। এক পর্যায়ে খালিদ আল-কাসরী তাদের বিরুদ্ধে সামরিক সাহায্য প্রদান করেন। এভাবে বিদ্রোহীদেরকে সমূলে ধ্বংস করে দেওয়া হয়।

এ বছর আসাদ আল-কাসরী তুরকে যুদ্ধের সূচনা করেন। তুর্কী রাজা তুরখান খান তাকে এক লাখ দিরহাম ঘুষের প্রস্তাব করেন। কিন্তু তিনি একটি কড়িও গ্রহণ না করে শক্তি প্রয়োগ করে ধরে নিয়ে কষ্ট দিয়ে হত্যা করে এবং তার শহর, দুর্গ, স্ত্রী ও মালামাল দখল করে নন।

এ বছর আস-সাহারী ইবন শাবীর আল-খারিজীর আস্থপ্রকাশ ঘটে এবং ক্ষুদ্র একদল মানুষ- সৎখ্যায় যারা প্রায় ত্রিশজন—খালিদ আল-কাসরী তাদের বিরুদ্ধে একদল সৈন্য প্রেরণ করেন। তারা তাকে ও তার সকল অনুসারীকে হত্যা করে। তাদের একজনকেও তারা জীবিত ছাড়েনি।

এ বছর আবু শাকির মাসলামা ইবন হিশাম ইবন আবদুল মালিক মানুষকে হজ্জ করান। তাকে হজ্জের বিধি-বিধান শিক্ষা দেওয়ার উদ্দেশ্যে ইবন শিহাব আয-যুহরীও তাঁর সঙ্গে হজ্জ করেন। সে সময় পবিত্র মক্কা, মদীনা ও তাইফ-এর গভর্নর ছিলেন মুহাম্মদ ইবন হিশাম ইবন ইসমাইল এবং ইরাক, মাশরিক ও খুরাসানের গভর্নর খালিদ আল কাসরী। খুরাসানে পূর্ণ ক্ষমতাসম্পন্ন তাঁর নায়েব ছিলেন তাঁর ভাই আসাদ ইবন আবদুল্লাহ আল কাসরী। কেউ কেউ বলেন, আসাদ ইবন আবদুল্লাহ এ বছর মৃত্যুবরণ করেন। কেউ কেউ বলেন, একশত বিশ হিজরীতে। মহান আল্লাহ ভাল জানেন। সে সময় আরমিনিয়া ও আযারবাইজানের নাইব ছিলেন মারওয়ান আল হিমার। মহান আল্লাহ ভাল জানেন।

১২০ হিজরী সন

এ বছর সুলায়মান ইবন হিশাম রোম আক্রমণ করেন এবং কয়েকটি দুর্গ জয় করেন। এ বছর ইসহাক ইবন মুসলিম আল-উকায়লী যুদ্ধ করে তাওয়ান দখল করে নেন। সে ভূখণ্ডে ধ্রংস্যজ্ঞ চালান। এ বছর মারওয়ান ইবন মুহাম্মদ তুরক আক্রমণ করেন। এ বছর খুরাসানের গভর্নর আসাদ ইবন আবদুল্লাহ আল-কাসরী মৃত্যুযুথে পতিত হন। তার মৃত্যুর কারণ ছিল এক প্রকার পেটের পীড়া। এ বছরের মেহেরজান (পারসিকদের উৎসব দিবস বিশেষ) দিবসে বিভিন্ন বড় বড় নগরীর গভর্নরগণ নানা রকম উপহার-উপচৌকন নিয়ে আসাদ-এর নিকট গমন করেন। সেই আগস্তুকদের মধ্যে হেরাতে গভর্নর খুরাসান শাহ অন্যতম। তারা মহামূল্য উপহার নিয়ে আসেন। তার মধ্যে ছিল সোনা-রূপার খালা-জগ ও নানা বর্ণের রেশমী পোশাক। এসব উপচৌকন আসাদ-এর সম্মুখে রাখা হলে তাতে বৈঠকখানাটি পূর্ণ হয়ে যায়। তারপর গভর্নরগণ একজন একজন করে দাঁড়িয়ে ভাষণ প্রদান করেন। এক গভর্নর তার ভাষণে আসাদ-এর বিভিন্ন উপর্যুক্ত গুণাবলীর প্রশংসা করেন। যেমন তার জ্ঞান, শাসন ব্যবস্থা, ন্যায়পরায়ণতা ইত্যাদি। তারা বলেন, আসাদ তার পরিবার-পরিজন ও ঘনিষ্ঠজনদেরকে প্রজাদের কারো উপর যুলুম করতে বারণ করেন এবং খানে আয়মকে শক্তি প্রয়োগ করে অবদমিত করেন। খানে আয়মের সৈন্যসংখ্যা ছিল এক হাজার। আসাদ তাকে পরাজিত করেন ও হত্যা করেন। আর তাকে যা কিছু হাদিয়া প্রদান করা হয়, তিনি তাতে আনন্দিত হন। আসাদ তার ভাষণের জন্য তার প্রশংসা করেন এবং তাকে বসিয়ে দেন। তারপর আসাদ উক্ত উপচৌকন ও মালামালকে সকলের মাঝে বণ্টন করে দেন। এমনকি একবিন্দুও অবশিষ্ট থাকেনি। তারপর যখন তিনি বৈঠক হতে উঠে দাঁড়ান, তখন হতেই তাঁর পেটব্যথা দেখা দেয়। তারপর তিনি কিছুটা সুস্থ হন। তাকে কিছু নাশপাতি হাদিয়া দেওয়া হলো। তিনি সেগুলো উপস্থিত লোকদের মাঝে

একটি একটি করে বট্টন করে দেন। তিনি খুরাসানের গভর্নরের দিকে একটি নাশপাতি ছুঁতে মারেন। তারপর তার পেটের ব্যথা বেড়ে যায় আর সেই ব্যথায়ই তার মৃত্যু হয়। মৃত্যুর আগে তিনি জাফর ইব্ন হানযালা আল-বাহরানীকে তাঁর স্থলাভিষিক্ত করে যান। জাফর ইব্ন হানযালা চার মাস গভর্নরের দায়িত্ব পালন করেন। তারপর এ বছরের রজব মাসে নাসর ইব্ন সায়্যার-এর ক্ষমতার পালা আসে। এই হিসেবে আসাদ ইব্ন আবদুল্লাহর মৃত্যু এ বছরের সফর মাসে সংঘটিত হয়। ইব্ন আরস আল-আবদী আসাদ ইব্ন আবদুল্লাহর শোকে নিষ্ঠোক্ত পঞ্জিশুলো আবৃত্তি করেন :

نَعِيْ أَسَدَ بْنَ عَبْدِ اللَّهِ نَاعٍ * فَرِيعَ الْقَلْبُ لِلْمَلِكِ الْمَطَاعِ
بَلْخَ وَافْقَ الْمَقْدَارِ يَسِرِيْ * وَمَا لِقَضَاءِ رَبِّكَ مِنْ دَفَاعِ
فِجْوَدِيْ عَيْنُ بِالْعَبْرَاتِ سَحَّا * أَلَمْ يَحْزَنْكِ تَفْرِيقُ الْجَمَاعِ
أَتَاهُ حِمَامَةُ فِي جَوْفِ ضَيْعِ * وَكُمْ بِالضَّيْعِ مِنْ بَطْلِ شَجَاعِ
أَتَاهُ حِمَامَهُ فِي جَوْفِ صَيْغِ * وَكُمْ بِالضَّيْغِ مِنْ بَطْلِ شَجَاعِ
كَتَابٌ قَدْ يَجِيبُونَ الْمَنَادِيْ * عَلَى جَرِدِ مَسْوَمَةٍ سَرَاعِ
سُقْيَتِ الْغَيْثُ إِنَّكَ كُنْتَ غَيْثًا * مَرِيْعًا عَنْدَ مَرْتَادِ النَّجَاعِ

‘মৃত্যু সংবাদ পরিবেশনকারী আসাদ ইব্ন আবদুল্লাহর মৃত্যু সংবাদ ঘোষণা করেছে, যিনি দুঃসাহী ও রাজার অনুগত ছিলেন।’

তিনি বলখে এই মৃত্যুর ঘটনার শিকার হয়েছেন। মহান আল্লাহর সিদ্ধান্তকে কেউ প্রতিহত করতে পারে না।

হে আমার চক্ষু! তুমি বেশী করে কেঁদে নাও। সভার সমাপ্তি কি তোমাকে ব্যবিত করেনি?

পেটের পীড়া আসাদের মৃত্যু ঘটিয়েছে। কত বীর বাহাদুর মানুষ এ জাতীয় ব্যাধিতে জীবনদান করেছে।

কত সৈন্য ঘোষণাকারীর আহ্বানে সাড়া দিয়েছে দ্রুতগামী অশ্বের পিঠে আরোহী অবস্থায়।’

এ বছর হিশাম খালিদ ইব্ন আবদুল্লাহ আল-কাসরীকে ইরাকের গভর্নর হতে পদচ্যুত করেন। খালিদ ইব্ন আবদুল্লাহ তাঁর সম্পর্কে লাগামহীন কথাবার্তা বলতে শুরু করেছেন মর্মে সংবাদ শুনে তিনি এই সিদ্ধান্ত প্রহণ করেন। খালিদ ইব্ন আবদুল্লাহ হিশামকে ইব্নুল হুমাকা (মূর্খের বাস্তা) বলে মন্তব্য করেছেন এবং তাঁর নিকট একটি পত্র লিখেন, যাতে নোংরামি ছিল। ফলে হিশাম তার কঠোর জবাব প্রদান করেন। কেউ কেউ বলেন, খালিদ ইব্ন আবদুল্লাহর বিপুল অর্থ-সম্পদে ঈর্ষাণ্বিত হয়ে হিশাম এই আচরণ করেন। এমনকি বলা হয়ে থাকে যে, তাঁর বছরে তের লাখ দীনার বা ত্রিশ লাখ দিরহাম আয় হতো। আর তার ছেলে ইয়ায়ীদ ইব্ন খালিদ-এর আয় হতো দশ লাখ।

কেউ কেউ বলেন, ইব্ন আমর নামক আমীরুল মু’মিনীনের ঘনিষ্ঠ এক কুরায়শী তাঁর পক্ষ হতে খালিদ ইব্ন আবদুল্লাহর নিকট গমন করে। কিন্তু খালিদ তাকে স্বাগত জানায়নি, গুরুত্ব দেয়নি। ফলে হিশাম কঠিন ভাষ্য তিরঙ্কার করে তার নিকট পত্র লিখেন। তিনি পত্রে

লিখেন এই পত্রখানা পাওয়া মাত্র তুমি সঙ্গীদের নিয়ে পায়ে হেঁটে বিনয়াবনত অবস্থায় আমর-এর দ্বারে গিয়ে উপস্থিত হয়ে অনুমতি প্রার্থনা করে দাঁড়িয়ে থাকবে। যদি সে অনুমতি দেয়, তাহলে তো ভাল। অন্যথায় এক বছর পর্যন্ত তার দরযায় দাঁড়িয়ে থাকবে, সেখান থেকে এক চুলও নড়তে পারবে না। তারপর তোমার ব্যাপারে সিদ্ধান্ত ধ্রুণের ক্ষমতা তার। ইচ্ছে হলে সে তোমাকে পদচূর্ণ করতে পারে। ইচ্ছে করলে ক্ষমতায় বহালও রাখতে পারে। ইচ্ছে হলে সে তোমাকে সাহায্য করতে পারে। ইচ্ছে হলে ক্ষমা করতে পারে। পাশাপাশি তিনি খালিদ-এর নিকট লিখিত পত্র সম্পর্কে অবহিত করে ইব্ন আমরকেও পত্র লিখেন এবং তাকে নির্দেশ প্রদান করেন। খালিদ যদি তোমার সম্মুখে এসে দণ্ডায়মান হয়, তাহলে মাথায় বিশটি বেত্রাঘাত করবে, যদি তুমি ভাল মনে কর। তারপর হিশাম খালিদকে বরখাস্ত করেন এবং বিষয়টি গোপন রেখে ইয়ামেনে খালিদ ইব্ন আবদুল্লাহর নায়েব ইউসুফ ইব্ন উমর-এর নিকট দৃত প্রেরণ করে তাকে ইরাকের গভর্নর নিযুক্ত করেন এবং তাকে ত্রিশজন আরোহীসহ ইরাক চলে যাওয়ার নির্দেশ দেন। রওয়ানা হয়ে তারা শেষ রাতে কৃফায় এসে পৌঁছে। মুওয়ায়ফিন ফজর নামাযের আয়ান দিলে ইউসুফ ইব্ন উমর তাকে ইকামত দেওয়ার নির্দেশ দেন। মুওয়ায়ফিন বলল, ইমাম তথ্য খালিদ ইব্ন আবদুল্লাহ আসা পর্যন্ত অপেক্ষা করতে হবে। ইউসুফ ইব্ন উমর তাকে ধ্যক দিয়ে ইকামত দিতে বললেন। তারপর তিনি এগিয়ে গিয়ে নামাযের ইমামত করেন। তিনি সূরা ওয়াকিআহ ও সূরা মা'আরিজ তিলাওয়াত করেন। তারপর তিনি খালিদ, তারিক এবং তাদের সঙ্গীদের ডেকে পাঠান। তারা এসে উপস্থিত হলে তিনি তাদের থেকে বিপুল পরিমাণ সম্পদ নিয়ে নেন এবং খালিদকে এক কোটি দিরহাম দিয়ে বিদ্যায় করে দেন।

উল্লেখ্য খালিদ ইব্ন আবদুল্লাহ ক্ষমতা লাভ করেছিলেন এ বছর তথ্য একশত পাঁচ হিজরী সনের শাওয়াল মাসে। আর ক্ষমতাচূর্ণ হন এ বছর তথ্য একশত বিশ হিজরী সনের জুমাদাল উলায়। এ বছর ইউসুফ ইব্ন উমর ইরাকের গভর্নর হয়ে খালিদ ইব্ন আবদুল্লাহর স্থলে আগমন করেন, জাদী' ইব্ন আলী আল-কিরমানীকে খোরাসানের গভর্নর নিযুক্ত করা হয় এবং জা'ফর ইব্ন হানযালা যাকে আসাদ-এর স্থলাভিষিঞ্চ করা হয়েছিল পদচূর্ণ করা হয়। তারপর ইউসুফ ইব্ন উমর এ বছরই জাদী' ইব্ন আলীকে খোরাসান থেকে ক্ষমতাচূর্ণ করে তার স্থলে নাসর ইব্ন সায়্যারকে নিয়োগ দান করেন। এ বছরই খালিদ ইব্ন আবদুল্লাহর সম্মুদ্দয় অর্জন, জমিজমা ও বিস্ত-বৈভূত সব শেষ হয়ে যায়। হিশামের তিরক্ষার সম্প্রলিপ্ত পত্রটি এসে যখন তাঁর নিকট পৌঁছেছিল, তখনই তার কোন কোন সহচর তাকে পরামর্শ দিয়েছিল, আপনি কিছু সম্পদ নিয়ে হিশামের সামনে পেশ করুন। তিনি যা খুশী নিয়ে নেবেন যা খুশী আপনার জন্য রেখে দেবেন। তারা তাকে বলেছিল, পদচূর্ণতির সঙ্গে সব চলে যাওয়ার চেয়ে বরং ভাল কিছু চলে যাক। কিন্তু তিনি সেই প্রস্তাৱ প্রত্যাখ্যান করলেন এবং দুনিয়া নিয়ে প্রতারিত হয়ে থাকলেন এবং লাঙ্ঘনা তার জন্য অবধারিত হয়ে গেল। তারপর হঠাৎ একদিন বরখাস্তনামা এসে হায়ির হলো এবং জীবনের সব অর্জন ও সম্পত্তি নিঃশেষ হয়ে গেল। ইরাক ও খুরাসানে ইউসুফ ইব্ন উমর-এর ক্ষমতা সুপ্রতিষ্ঠিত হলো এবং নাস্র ইব্ন সায়্যার খুরাসানের নায়েব নিযুক্ত হলেন। দেশ বাস-উপযোগী হলো এবং মানুষ নিরাপত্তা লাভ করল। সকল প্রশংসা আল্লাহ' তা'আলার। সাওয়ার ইব্নুল আশ'আরী সেই প্রসঙ্গে বলেছেন :

أضحتْ خراسانُ بَعْدَ الْخُوفِ أَمْنَةً * مِنْ ظُلْمٍ كُلِّ غَشْوُمٍ الْحُكْمُ جَبَارٌ

لِمَا أتَى يُوسُفًا أخْبَارًا مَالْقِبَاتُ * اخْتَارَ نَصْرًا لَهَا نَصْرٌ بْنُ سِيَارٍ

‘ত্রাসের পর খোরাসান প্রত্যেক অত্যাচারী শাসকের যুলুম হতে নিরাপত্তা লাভ করেছে।

ইউসুফ ইব্ন আমর যখন রাষ্ট্রক্ষমতা লাভ করলেন, তখন তিনি নাস্র ইব্ন সায়্যারকে তাঁর নায়ের নিযুক্ত করে নিলেন।’

এ বছর আলে আবুস-এর গোত্র তাদের প্রতি প্রেরিত মুহাম্মদ ইব্ন আলীর পত্রখানা প্রকাশ করে। খাদাশ উপাধিতে খ্যাত উক্ত ধর্মদ্রোহীর আনুগত্যের কারণে মুহাম্মদ ইব্ন আলী তিরক্ষার করে তাদের প্রতি পত্রখানা লিখেছিলেন। লোকটি ছিল খুররামী। সে তাদের জন্য নিযিন্দ কর্মসমূহকে সিদ্ধ করে দিয়েছিল এবং যাদেরকে বিবাহ করা বৈধ নয় ও যাদেরকে বিবাহ করা আজীবনের জন্য অবৈধ, তাদের সঙ্গে তাদের ঘোন সম্পর্ক স্থাপন করে দেয়। ফলে খালিদ আল-কাসরী তাকে হত্যা করে ফেলেন। যেমনটি উপরে বর্ণিত হয়েছে। মুহাম্মদ ইব্ন আলী তাকে সমর্থন ও তার মিথ্যা মতবাদের অনুসরণের কারণে আলে আবুস-এর গোত্রকে নিন্দা জানিয়ে পত্র লিখেন। তারা যখন পত্রের জবাব দানে বিলম্ব করে, মুহাম্মদ ইব্ন আলী তাদের নিকট একজন দৃত প্রেরণ করেন। এদিকে তারাও তাঁর নিকট দৃত পাঠায়। তাদের দৃত এসে পৌঁছুলে মুহাম্মদ ইব্ন আলী তাকে খুররামীর কারণে তাদেরকে তিরক্ষার বিষয়টি অবহিত করে। তারপর দৃতের সঙ্গে সীলমোহরকৃত একখানা পত্র প্রদান করেন। পত্রখানা খুলে তারা বিসমিল্লাহির রাহমানির রাহীম ছাড়া আর কিছুই পেল না। তাতেই তারা বুঝে ফেলল, তিনি আমাদেরকে খুররামীর কারণেই তিরক্ষার করেছেন। তারপর তিনি তাদের নিকট আরো একজন দৃত প্রেরণ করেন। কিন্তু তাদের বহু লোক তাকে অবিশ্বাস করল এবং তাকে নাজেহাল করল। তারপর মুহাম্মদ ইব্ন আমীরের পক্ষ হতে তাদের নিকট লোহা ও সীসার পাতকরা একখানা লাঠি এসে পৌঁছে। তাতে তারা বুঝে ফেলে যে, এটা ইঙ্গিত হলো, তারা অপরাধী এবং তারা সীসা ও লোহার রং-এর ন্যায় পরম্পর বিছিন্ন।

ইব্ন জারীর বলেন, আবু মা'শার-এর অভিমত অনুসারে এ বছর মুহাম্মদ ইব্ন হিশাম আল-মাখ্যুমী লোকদেরকে হজ্জ করান। কেউ কেউ বলেন, যিনি এ বছর লোকদেরকে হজ্জ করিয়েছিলেন তিনি হলেন সুলায়মান ইব্ন হিশাম ইব্ন আবদুল মালিক। কারো কারো মতে সুলায়মান ইব্ন হিশাম-এর পুত্র ইয়ায়ীদ ইব্ন হিশাম। মহান আল্লাহ্ ভাল জানেন।

১২১ হিজরী সন

এ বছর মাসলামা ইব্ন হিশাম রোম আক্রমণ করে মাতামীর দুর্গ জয় করে নেন। মারওয়ান ইব্ন মুহাম্মদ স্বর্ণসমৃদ্ধ নগরী জয় করে তার দুর্গসমূহকে দখল করে নেন এবং জমিজমা ধ্বংস করেন। ফলে নগর অধিপতি তাকে প্রতি বছর এক হাজার পশু জিয়িয়া প্রদানের ঘোষণা দেন এবং তার জন্য তাঁর নিকট বন্ধক রাখেন।

এ বছর সফর মাসে যায়দ ইব্ন আলী ইব্নুল হসায়ন ইব্ন আলী ইব্ন আবু তালিব শহীদ হন। ইনি সেই যায়দ যার নামে একদল মানুষ নিজেদেরকে যায়দিয়া বলে অভিহিত করে থাকে। এ হলো ওয়াকিদীর অভিমত। হিশাম ইব্ন কালবীর অভিমত হলো, যায়দ ইব্ন আলী এক শত বাইশ হিজরীতে শহীদ হন। মহান আল্লাহ্ ভাল জানেন।

মুহাম্মদ ইব্ন জারীর ওয়াকিদীর অনুসরণে তাঁর এ বছরই শহীদ হওয়ার প্রেক্ষাপট বর্ণনা করেছেন। তা হলো যায়দ ইব্ন আলী ইউসুফ ইব্ন উমর-এর নিকট গমন করেন। ইউসুফ

ইব্ন উমর তাঁকে জিজ্ঞাসা করেন, খালিদ আল-কাসরী কি আপনার নিকট কোন সম্পদ গচ্ছিত রেখেছে? যায়দ ইব্ন আলী বললেন, না! তিনি কিভাবে আমার নিকট সম্পদ গচ্ছিত রাখবেন, অথচ তিনি প্রতি জুমুআতে মিস্থারে বসে আমার পিতৃ-পুরুষকে গালাগাল করেন। ইউসুফ ইব্ন উমর তাঁকে শপথ করান যে, খালিদ তার নিকট কোন সম্পদ গচ্ছিত রাখেননি। এবার ইউসুফ ইব্ন উমর খালিদ আল-কাসরীকে কারাগার থেকে বের করে তাঁর সম্মুখে উপস্থিত করার নির্দেশ দেন। খালিদকে একটি আবা পরিহিত অবস্থায় উপস্থিত করা হলো। ইউসুফ ইব্ন উমর জিজ্ঞাসা করলেন, তুমি কি এর নিকট কোন সম্পদ গচ্ছিত রেখেছ? রেখে থাকলে বল, আমরা তার থেকে সেগুলো উদ্ধার করে নেব। খালিদ বললেন, না। তা কি করে সম্ভব অথচ আমি প্রতি জুমুআয় তার পিতাকে গালাগাল করে থাকি। ফলে ইউসুফ ইব্ন উমর তাঁকে ছেড়ে দেন এবং আমীরুল্ল মু'মিনীনকে বিষয়টা অবহিত করেন। আমীরুল্ল মু'মিনীনও তাঁকে ক্ষমা করে দেন। অন্য অভিমত হলো, বরং ইউসুফ ইব্ন উমর লোকদেরকে উপস্থিত করে তাদের থেকে শপথ নেন।

তারপর একদল শীআহু যায়দ ইব্ন আলীর নিকট আগমন করে। তারা ছিল প্রায় চল্লিশ হাজার। কিন্তু তার এক হিতাকাঙ্ক্ষী যার নাম মুহাম্মদ ইব্ন উমর ইব্ন আলী ইব্ন আবু তালিব তাঁকে বের হতে বারণ করল এবং বলল, আপনার দাদা আপনার চেয়ে ভাল মানুষ ছিলেন। অথচ আশি হাজার ইরাকী এসে তাঁর হাতে বায়আত গ্রহণ করে পরে তাঁর সঙ্গে বিশ্বাসঘাতকতা করেছিল। তাই আমি আপনাকে ইরাকীদের ব্যাপারে সতর্ক করছি। কিন্তু যায়দ ইব্ন আলী তার নিষেধাজ্ঞা অমান্য করে কৃফায় গোপনে গোপনে লোকদের থেকে মহান আল্লাহর কিতাব ও তাঁর রাসূলের সুন্নাতের বায়'আত নিতে শুরু করেন। এমনকি তলে তলে তাঁর অভিযান সফল হতে লাগল। তিনি এ বাড়ি-ওবাড়ি ঘোরাফেরা করতে শুরু করলেন। একশত বাইশ হিজরীর আগমন পর্যন্ত এই ধারা চলতে থাকে। এ বছরে এসে যায়দ ইব্ন আলীর হত্যার ঘটনা ঘটে। এ বিষয়ে পরে বিস্তারিত আলোচনা করব।

এ বছর খুরাসানের গভর্নর নাস্র ইব্ন সায়্যার তুরকে একাধিক যুদ্ধ করেন এবং কোন এক যুদ্ধে নিজের অজান্তে তুর্কী রাজা কুরসুলকে বন্দী করে ফেলেন। পরে যখন তিনি যাচাই করে বিষয়টা নিশ্চিত হন, কুরসুল তাঁর নিকট আবেদন জানান যে, আপনি আমাকে ছেড়ে দিন, বিনিময়ে আমি আপনাকে এক হাজার তুর্কী বুখতী উট এবং মাল বোঝাই এক হাজার পশু প্রদান করব। তদুপরি আমি অত্যন্ত বৃদ্ধি। নাস্র ইব্ন সায়্যার উপস্থিত গভর্নরদের সঙ্গে বিষয়টা নিয়ে পরামর্শ করেন। কেউ তাঁকে মুক্ত করে দেওয়ার পরামর্শ প্রদান করে। আবার তাঁকে হত্যা করার পক্ষে অভিমত ব্যক্ত করে। তারপর নাস্র ইব্ন সায়্যার তাঁকে জিজ্ঞাসা করেন, আপনি ক'টি যুদ্ধে লড়াই করেছেন। তিনি বলেন : বাহাতুরাটি। নাস্র বললেন : আপনার মত লোককে ছাড়া যায় না। আপনি এতগুলো যুদ্ধে অংশগ্রহণ করেছেন! তারপর নাস্র ইব্ন সায়্যার-এর নির্দেশে তাঁর গর্দান উড়িয়ে তাঁকে শূলিতে ঢিয়ে রাখা হয়।

কুরসুল-এর বাহিনীর সৈন্যরা তাঁর হত্যাকাণ্ডের সংবাদ শুনে সে রাতটা তারা বিলাপ ও কান্নাকাটি করে অতিবাহিত করে। তারা নিজেদের দাড়ি, মাথার চুল ও কান কেটে ফেলে, বহু তাঁবু জ্বালিয়ে দেয় এবং বহুসংখ্যক পশুকে হত্যা করে ফেলে। ভোর হলে নাস্র ইব্ন সায়্যার কুরসুলকে পুড়ে ফেলার নির্দেশ দেন, যাতে তাঁর লোকেরা তাঁর লাশ নিতে না পারে। এবার

তাঁকে পুড়ে ফেলা তাদের নিকট তাঁর হত্যাকাণ্ড অপেক্ষা বেশী কষ্টদায়ক অনুভূত হয়। তারা ব্যর্থ ও অপদস্থ হয়ে ফিরে যায়।

নাস্র ইব্ন সায়্যার তাদের উপর পুনরায় আক্রমণ করে তাদের বহসংখ্যক লোককে হত্যা এবং অসংখ্য অগণিত লোককে বন্দী করেন।

সে সময় নাস্র ইব্ন সায়্যার-এর সম্মুখে যেসব অনারব কিংবা তুর্কী লোককে উপস্থিত করা হয়েছিল, তাদের মধ্যে একজন অতিশয় বৃদ্ধা মহিলা ছিল। মহিলা রাজ-পরিবারের কন্যা। সে নাস্র ইব্ন সায়্যারকে বলল : যে রাজার নিকট ছয়টি বস্তু থাকবে না, তিনি রাজা নন : ১. বিশ্বস্ত মন্ত্রক, যিনি মানুষের বিবাদ মিটিয়ে দেবেন, তাকে পরামর্শ দেবেন ও তাকে সদুপদেশ দেবেন, ২. পাচক, যে তাঁর জন্য রুচিসম্ভত খাদ্য প্রস্তুত করে দেবে, ৩. সুন্দরী স্ত্রী, চিঞ্চাক্লিষ্ট হয়ে ঘার নিকট গমন করে, তার প্রতি দৃষ্টিপাত করলে যে তাকে আনন্দ দেবে এবং তাঁর চিন্তা দূর হয়ে যাবে, ৪. দুর্ভেদ্য দুর্গ, তাঁর প্রজারা যখন ভীত-সন্ত্রস্ত হবে, তখন তারা সেখানে গিয়ে আশ্রয় গ্রহণ করবে, ৫. তরবারি, সমকালীন কোন শক্তি হ্রাস হয়ে দাঁড়ালে, যা তাকে নিরাপদ রাখবে এবং ৬. ধনভাণ্ডার, তিনি পৃথিবীর যেখানেই অবস্থান করুন, যা তাঁর জীবন ধারণে যথেষ্ট হবে।

এ বছর পবিত্র মঙ্গ-মদীনা ও তাইফের নায়েব মুহাম্মদ ইব্ন ইসমাঈল লোকদেরকে হজ্জ করান। তখন ইরাকের নায়েব ছিলেন ইউসুফ ইব্ন উমর। খুরাসানের নাস্র ইব্ন সায়্যার এবং আরমিনিয়ার মারওয়ান ইব্ন মুহাম্মদ। এ বছর যাঁরা ইন্তিকাল করেন :

যায়দ ইব্ন আলী ইব্নুল হ্সায়ন ইব্ন আলী ইব্ন আবু তালিব (রা)

প্রসিদ্ধ অভিমত হলো, তিনি এর পরের বছর ইন্তিকাল করেছেন। তাঁর আলোচনা পরে আসবে ইনশাআল্লাহ।

মাসলামাহ ইব্ন আবদুল মালিক

ইব্ন মারওয়ান আল-কারাশী আল-উমাৰী। আবু সাইদ ও আবুল আসবাগ দামেশ্কী। ইব্ন আসাকির বলেন : তাঁর বাড়ী ছিল আল-জামি'উল কিবালীর দরযার সন্নিকটে দামেশকের হাজলাতুল কুবাবে। আপন ভাই ওয়ালীদ-এর আমলে মাওসাম-এর গভর্নর ছিলেন। তিনি রোমে কয়েকটি যুদ্ধ করেন এবং কুস্তুন্নীনিয়া (কনষ্টান্টিনোপল) অবরোধ করেন। তাঁর ভাই তাঁকে ইরাকীদের শাসনকর্তা নিযুক্ত করেছিলেন। তারপর সেখান থেকে বরখাস্ত করে তাঁকে আরমিনিয়ার গভর্নর নিযুক্ত করেন। তিনি উমর ইব্ন আবদুল আয়ীয় হতে হাদীস বর্ণনা করেছেন। তাঁর থেকে হাদীস বর্ণনা করেছেন আবদুল মালিক ইব্ন আবু উছমান, উবায়দুল্লাহ ইব্ন কায়া'আ, সুফিয়ান ইব্ন উয়ায়নার পিতা উয়ায়না, ইব্ন আবু ইমরান, মুআবিয়া ইব্ন খাদীজ ও ইয়াহ্বীয়া ইব্ন ইয়াহ্বীয়া আল-গাস্সানী।

যুবায়র ইব্ন বাকার বলেন : মাসলামা বনু উমায়ার লোক ছিলেন। তাঁর উপাধি ছিল 'আল-জারাদাতুস সাফরা। তাঁর অনেক বর্ণনা, বহু যুদ্ধ কাহিনী এবং রোম প্রভৃতি দেশের শক্রবাহিনীকে কাবু করার গল্প রয়েছে। তিনি রোম রাজ্যের বহু দুর্গ জয় করেছেন। যখন তাঁকে

আরমিনিয়ার গভর্নর নিযুক্ত করা হয়, তখন তিনি তুরস্কে আক্রমণ চালান। তিনি তুরস্কের কোন এক প্রবেশদ্বার পর্যন্ত পৌছে তৎসংলগ্ন শহরটি ধ্বংস করে দেন। তারপর নয় বছর পর শহরটি পুনঃনির্মাণ করেন। তিনি আটানবই হিজরীতে কুস্তুনীনিয়া আক্রমণ করে দেশটি অবরোধ করে সাকালিবা শহরটি জয় করেন এবং তাদের রাজা বুরজানকে পরাজিত করেন। তারপর পুনরায় কুস্তুনীনিয়া অবরোধের প্রতি ফিরে আসেন।

আওয়াঙ্গ বলেন : কুস্তুনীনিয়ার সঙ্গে যুদ্ধ করা অবস্থায় তাঁর প্রচণ্ড মাথা ব্যথা দেখা দেয়। ফলে রোম রাজা তাঁর নিকট একটি টুপি প্রেরণ করে বলে দেন, এটি মাথায় রাখুন, ব্যথা চলে যাবে। কিন্তু তাঁর মনে ভয় জাগে যে, এটা কোন ষড়যন্ত্র হতে পারে। তাই তিনি টুপিটা একটি পশুর মাথায় রাখলেন। কিন্তু তাতে কল্যাণ ছাড়া কিছু দেখতে পেলেন না। তারপর রাখলেন তাঁর একজন সঙ্গীর মাথায়। এবারও কল্যাণ ব্যতীত দেখতে পেলেন না। এবার টুপিটা নিজের মাথায় রাখলেন। ফলে ব্যথা চলে গেল। পরে টুপিটা খুলে দেখতে পেলেন, তাতে সন্তুর লাইন লিখা রয়েছে। লিখাটা হলো পরিত্র কুরআনের আয়াত ও আর্প্র লালাহ يُمْسِكُ السَّمُوتَ وَأَلْرَضَ لَهُ تَزْوِيجٌ (আল্লাহ কুরআনের আয়াত ও পৃথিবীকে সংরক্ষণ করেন, যাতে তারা স্থানচ্যুত না হয়। ৩৫ : ৪১)। এই আয়াতটুকু সন্তুরবার লিখা রয়েছে।

কুস্তুনীনিয়া অবরোধ করতে গিয়ে মাসলামা বেশ সংকটে নিপতিত হয়েছিলেন। তাঁর নিকট মুসলমানগণ প্রচণ্ড ক্ষুধায় আক্রান্ত হয়েছিল। উমর ইব্ন আবদুল আয়ীয় ক্ষমতায় আসীন হয়ে দৃত মারফত তাদের প্রতি সিরিয়া ফিরে আসার নির্দেশ প্রেরণ করেন। কিন্তু মাসলামা অঙ্গীকার করেন যে, কুস্তুনীনিয়ার মানুষ কুস্তুনীনিয়ায় তাঁর জন্য বৃহদকার একটি মসজিদ নির্মাণ করে না দেওয়া পর্যন্ত তিনি তাদেরকে মুক্ত করে ফিরে আসবেন না। অগত্যা তারা তাঁকে একটি মসজিদ ও একটি মিনার নির্মাণ করে দেয়। আজ অবধি সেই মসজিদে মুসলমানগণ জুমুআহ ও পাঁচ ওয়াক্ত নামায আদায় করছে। শেষ যামানায় দাঙ্গাল আবির্ভাবের প্রাকালে মুসলমানগণ সর্বশেষ এই মসজিদটি জয় করবেন। এই কিতাবের যুদ্ধ-বিথুহ ও ফিতনা অধ্যায়ে আমরা এ বিষয়ে আলোকপাত করব ইনশাআল্লাহ তা'আলা এবং এতদ্সংক্রান্ত বর্ণিত হাদীসসমূহও উল্লেখ করব।

মেটকথা, মাসলামা ইব্ন আবদুল মালিক-এর অনেক খ্যাতিসম্পন্ন অবস্থান, কৃতজ্ঞতা স্বীকার করার মত শ্রম এবং অবিরাম যুদ্ধের কাহিনী রয়েছে। তিনি বহু দুর্গ জয় করেন এবং অনেক প্রাসাদ ও জলাধার পুনৰ্জীবিত করেন। যোদ্ধা হিসেবে তাঁকে খালিদ ইব্ন ওয়ালীদের সঙ্গে তুলনা করা যায়। সে যুগে অধিক যুদ্ধ একের পর ভূখণ্ড জয়, দৃঢ়প্রত্যয়, শক্তিমন্ত্র ও কর্মনেপুণ্যে খালিদ ইব্ন ওয়ালীদ যেমন ছিলেন, নিজ আমলে মাসলামা ইব্ন আবদুল মালিকও ছিলেন অনুরূপ। সর্বোপরি তিনি ছিলেন দানশীল ও বাগগী। একদিন তিনি নাসীর আশ-শাইরকে বলেন : আপনি আমার নিকট প্রার্থনা করুন। নাসীর বললেন : না। মাসলামা বলেন : কেন ? নাসীর বলেন : তার কারণ হলো, অধিক দানশীলতায় আপনার হাত আমার মুখের প্রার্থনা হতে অগ্রগামী। পরে মাসলামা তাকে এক হাজার দীনার প্রদান করেন।

তিনি আরো বলেন : মানুষ যেমন দুশ্চিন্তাগ্রস্ত হয় আশ্বিয়া আলায়হিমুস সালাম তেমন দুশ্চিন্তায় নিপতিত হতেন না। কোন নবীই কখনো দুশ্চিন্তায় নিপতিত হননি।

মাসলামা ইব্ন আবদুল মালিক তার এক-ত্তীয়াংশ সম্পদ সাহিত্যসেবীদের জন্য ওসিয়ত করে গেছেন এবং বলেন : সাহিত্য হলো জাতিকে ধর্মসের হাত থেকে রক্ষা করার মত একটি শিল্প।

ওয়ালীদ ইব্ন মুসলিম প্রমুখ বলেন : মাসলামা ইব্ন আবদুল মালিক একশত একুশ হিজরীর মুহাররম মাসের সাত তারিখ বৃহস্পতিবার ইন্তিকাল করেন। কেউ কেউ বলেন : একশত বিশ হিজরী সনে। যে স্থানটিতে তার মৃত্যু হয়, তার নাম হানুত। তাঁর-ই ভাতিজা ওয়ালীদ ইব্ন ইয়ায়ীদ ইব্ন আবদুল মালিক তার শোকে নিম্নলিখিত পংক্তিগুলো আবৃত্তি করেনঃ

أَقُولُ وَمَا الْبَعْدُ إِلَّا الرَّدِيُّ * أَمْسَلُ لَا تَبْعَدْ مُسْلِمٌ

فَقَدْ كُنْتَ نُورًا لِّنَافِي الْبَلَادِ * مُضِيًّا فَقَدْ أَصْبَحْتَ مَظْلَمَةً

وَنَكْتُمْ مَوْتَكَ نَخْشِيُ الْيَقِينَ * فَأَبْدِيُ الْيَقِينَ لَنَا الْجَمْ جَمَّ

অর্থাৎ ‘আমি মনে করতাম, মৃত্যু ছাড়া আর কিছুই দূরে নয়। কিন্তু এখন হে মুসলিম নারী-পুরুষ! তোমরা মৃত্যুকে দূরে ভেব না।’

তুমি আমাদের জন্য দেশে উজ্জ্বল আলো ছিলে। কিন্তু এখন দেশ অঙ্ককারাচ্ছন্ন হয়ে পড়েছে।

আমরা তোমার মৃত্যুকে গোপন রাখব, আমরা বিশ্বাসকে ভয় করি।’

নুমায়র ইব্ন কায়স

আল-আশ‘আরী। দামেশকের বিচারক। মহান তাবিদ্ব। তিনি হ্যায়ফা, আবু মুসা, আবুদ্দ-দারাদ’ এবং মুআবিয়া (রা) হতে এবং একাধিক তাবিদ্ব থেকে মুরসাল সূত্রে হাদীস বর্ণনা করেন। তাঁর থেকে হাদীস বর্ণনা করেন বহুসংখ্যক লোক। তন্মধ্যে আওয়াই, সাঈদ ইব্ন আবদুল আয়ীয ও ইয়াহ্যা ইবনুল হারিছ আয-যিমারী অন্যতম। হিশাম ইব্ন আবদুল মালিক আবদুর রহমান ইবনুল খাশখাশ-আল-আয়ীর পর তাকে দামেশকের বিচারপতির দায়িত্ব প্রদান করেন। পরে তিনি হিশামের নিকট দায়িত্ব হতে অব্যাহতি কামনা করেন। হিশাম তাকে অব্যাহতি দিয়ে তাঁর স্থলে ইয়ায়ীদ ইব্ন আবদুর রহমান আবু মালিককে বিচারক নিযুক্ত করেন। এই নুমায়র সাক্ষীর সঙ্গে কসম দ্বারা বিচার করতেন না। তিনি বলতেনঃ শিষ্টাচার শেখায় পিতা-মাতা। আর যোগ্যতা আসে মহান আল্লাহর পক্ষ থেকে।

অনেকের মতে নুমায়র ইব্ন কায়স একশত একুশ হিজরী সনে মৃত্যুবরণ করেন। কেউ কেউ বলেনঃ একশত বাইশ হিজরীতে। কারো মতে একশত পনের হিজরীতে। তবে সর্বশেষ অভিমতটি দুর্লভ। মহান আল্লাহ ভাল জানেন।

১২২ হিজরী সন

এ বছর যায়দ ইব্ন আলী ইবনুল হ্সায়ন ইব্ন আলী ইব্ন আবু তালিব-এর শাহাদাত সংঘটিত হয়। তার কারণ, তিনি একদল কৃফাবাসীর বায়আত গ্রহণ করে এই বছরের শুরুতে তাদেরকে রওয়ানা হওয়ার ও তার প্রস্তুতি গ্রহণ করার নির্দেশ দেন। ফলে তারা প্রস্তুতি গ্রহণ করতে শুরু করে। অপরদিকে সুলায়মান ইব্ন সুরাকা নামক এক ব্যক্তি ইরাকের গভর্নর

ইউসুফ ইব্ন উমর-এর নিকট গিয়ে তাকে এই যায়দ ইব্ন আলী ও তার কৃফাবাসী সঙ্গীদের বিষয়টা অবহিত করে। ফলে ইউসুফ ইব্ন উমর তার অনুসন্ধানে লোক প্রেরণ করেন। বিষয়টি টের পেয়ে শীআহ্রা যায়দ ইব্ন আলীর নিকট গিয়ে সমবেত হলো এবং বলল : মহান আল্লাহ্ আপনার উপর রহম করুন। আবু বকর (রা) উমর (রা)-এর ব্যাপারে আপনার অভিমত কী ? তিনি বলেন : মহান আল্লাহ্ তাঁদেরকে ক্ষমা করে দিয়েছেন। আমি আমার পরিবারের কাউকে তাদের থেকে নিঃসন্দেহ হতে শুনিনি। আর আমিও তাদের সম্পর্কে ভাল ছাড়া বলছি না। তারা বলে : তাহলে আপনি নবী পরিবারের রক্ত প্রত্যাশা করছেন কেন ? তিনি বলেন : তার কারণ, এ বিষয়টির (ক্ষমতার) আমরা অধিকতর হকদার। অথচ, মানুষ সে ক্ষেত্রে আমাদের উপর প্রভাব বিস্তার করে রেখেছে এবং আমাদেরকে তা হতে সরিয়ে রেখেছে। তবে আমাদের মতে তারা কুফরে উপনীত হয়নি। ক্ষমতাপ্রাপ্ত হয়ে তারা ন্যায়বিচার করেছে এবং কুরআন ও সুন্নাহ্ অনুযায়ী আমল করেছে। তারা বলে : তাহলে আপনি এদের সঙ্গে যুদ্ধ করছেন কেন ? তিনি বললেন : এরা তো ওদের মত নয়। এরা জনগণের উপর এবং নিজেদের উপর যুদ্ধ করেছে। আর আমি মহান আল্লাহ্ কিতাব, মহান আল্লাহ্ নবীর সুন্নাহ্ জীবিতকরণ ও বিদ্বাত নির্মূলকরণের প্রতি আহ্�বান জানাচ্ছি। কাজেই তোমরা যদি আমার কথা মান্য কর, তবে তা তোমাদের জন্যও মঙ্গল হবে, আমার জন্যও। আর যদি অস্তীকার কর, তাহলে আমি তোমাদের কোন যিস্মাদার নই। কিন্তু তারা তার বায়আত ভঙ্গ করে তাকে ত্যাগ করে চলে যায়। এ কারণেই সেদিন হতে তাদেরকে রাফেয়ী (ত্যাগকারী) নাম দেওয়া হয়। পক্ষান্তরে, যারা যায়দ ইব্ন আলীর অনুসরণ করেছে, তারা আখ্যায়িত হয় যায়দিয়াহ্ নামে। কৃফাবাসীদের অধিকাংশই রাফেয়ী আর আজ অবধি পবিত্র মুক্তাবাসীগণের বেশীর ভাগ মানুষ যায়দিয়াহ্ মতবাদের অনুসারী। তাদের মতাদর্শের একটি সত্য আছে। তা হলো, আবু বকর (রা) ও উমর (রা) উভয়কে সত্যপন্থী বলে বিশ্বাস করা। আবার একটি ভাস্তিও আছে। তা হলো, আবু বকর (রা) ও উমর (রা)-এর উপর আলী (রা)-কে প্রাধান্য দেওয়া। অথচ, আলী (রা) তাদের চেয়ে উপরে নন। এমনকি আহলুস্স-সুন্নাহ্'র সুপ্রতিষ্ঠিত অভিমত ও সাহাবীগণের থেকে বর্ণিত সঠিক বর্ণনা অনুপাতে উছমানও (রা) তাদের উপর অংগুহ্য নন। উপরে 'আবু বকর (রা) ও উমর (রা)-এর জীবন-চরিত অধ্যায়ে আমি বিষয়টি উল্লেখ করেছি।

তারপর যায়দ ইব্ন আলী তার অবশিষ্ট সঙ্গীদের নিয়ে অভিযানে বের হওয়ার প্রতিজ্ঞা গ্রহণ করেন। তারপর এ বছরের পহেলা সফর তিনি তাদের থেকেও অঙ্গীকার নেন। সংবাদটা ইউসুফ ইব্ন উমর-এর নিকট পৌছে যায়। তিনি পত্র লিখে তার কৃফার গর্ভন্ত হাকাম ইবনুস্সাল্তকে সব মানুষকে জামি' মসজিদে সমবেত করার নির্দেশ প্রদান করেন। নির্দেশ মুতাবিক মুহাররম মাসের শেষ দিন মঙ্গলবার সমবেত হয়- যায়দ-এর বের হওয়ার একদিন আগে। যায়দ ইব্ন আলী বের হন বুধবার রাতে প্রচণ্ড শীতের মধ্যে। তার সঙ্গীরা আগুন নিয়ে ইয়া মানসূর! ইয়া মানসূর! শ্লোগান তুলে। প্রত্যুষে দেখা গেল তার সঙ্গে সমবেত জনতার সংখ্যা দুইশত আঠারজন। যায়দ বলতে শুরু করলেন : সুবহানাল্লাহ্! মানুষ কোথায় ? বলা হলো : তারা তো মসজিদে অবরুদ্ধ।

এদিকে হাকাম ইউসুফ ইব্ন উমরকে পত্র লিখে যায়দ ইব্ন আলীর অভিযানের কথা অবহিত করেন। ইউসুফ ইব্ন উমর কৃফা অভিমুখে একটি বাহিনী প্রেরণ করেন। সৈন্যরা

কৃফার গভর্নরের সঙ্গে রওয়ানা হয়ে পড়ে। ইউসুফ ইব্ন উমরও বেশ কিছু লোক নিয়ে এসে পড়েন। ইউসুফ ইব্ন উমর-এর বাহিনী যায়দ ইব্ন আলীর বাহিনীর মুখোমুখি হয়ে পড়ে, যাদের মধ্যে পাঁচশত অশ্বারোহী ছিল। তারপর কিনাসায় এসে তিনি একদল সিরীয় সৈন্যের উপর আক্রমণ করে তাদেরকে পরাজিত করে দেন। তারপর ইউসুফ ইব্ন উমর-এর প্রতি মনোনিবেশ করেন। তিনি তখন একটি টিলার উপর দণ্ডযামান আর যায়দ দুইশত অশ্বারোহী নিয়ে প্রস্তুত। তিনি যদি ইচ্ছা করতেন, তাহলে ইউসুফ ইব্ন উমরকে হত্যা করতে পারতেন। কিন্তু তিনি ডান দিকে মোড় নিয়ে চলে যান এবং যখনই যে সেনাদলের সাক্ষাৎ পান, তাদেরকে পরাজিত করেন এবং তার সঙ্গীরা চীৎকার করে বলতে শুরু করে : হে কৃফাবাসী! তোমরা দীন, সম্মান ও দুনিয়া রক্ষা করার জন্য বেরিয়ে পড়। কেননা, তোমাদের না আছে দীন, না আছে সম্মান, না আছে দুনিয়া।

সন্ধ্যাবেলা কৃফার অপর এক দল লোক এসে তাঁর সঙ্গে যোগ দেয়। প্রথম দিন তাঁর কিছু লোক নিহত হয়েছিল। দ্বিতীয় দিন একটি সিরীয় বাহিনীর সঙ্গে তাঁর যুদ্ধ হয়। তারা তাঁর সত্ত্বরজন লোককে হত্যা করে। ফলে তাঁর সৈন্যরা বিপর্যস্ত অবস্থায় তাঁকে ফেলে সরে যায়। বিকাল বেলা ইউসুফ ইব্ন উমর তাঁর বাহিনীকে উত্তমরূপে বিন্যস্ত করেন। পরদিন সকালে তারা যায়দ ইব্ন আলীর সঙ্গে সংঘাতে লিঙ্গ হন এবং তাদেরকে সাবধার দিকে তাড়িয়ে দেন। তারপর আরো কঠোর হামলা চালিয়ে তাদেরকে বনু সালামী-এর দিকে তাড়িয়ে নিয়ে যান। তারপর অশ্ব ও পদাতিক বাহিনী নিয়ে ধাওয়া করে তাদেরকে সাহ নামক স্থানে আটক করে ফেলেন। সেখনে উভয় পক্ষের মাঝে প্রচণ্ড যুদ্ধ হয়। রাতের আঁধার নেমে এলে একটি তীর এসে যায়দ ইব্ন আলীর বাম কপালে বিদ্ধ হয়ে মগ্য পর্যস্ত ছেদিয়ে যায়। এই অবস্থায় যায়দ ও তার সঙ্গীরা ফিরে যায়। সিরীয়বাসী মনে করত, তারা সন্ধ্যা এবং রাতের কারণেই ফিরে যেতে সক্ষম হয়েছে। যায়দ ইব্ন আলীকে একটি ঘরে নিয়ে রাখা হয়। ডাক্তার ডেকে এনে তার কপাল থেকে তীরটি বের করা হয়। তবে তীরটি বের করার কয়েক মুহূর্ত পরই যায়দ মারা যান। মহান আল্লাহু তাঁর প্রতি রহম করুন।

এবার তাঁর সঙ্গীরা তাঁকে কোথায় দাফন করা হবে, সে বিষয়ে ভিন্ন ভিন্ন মত প্রকাশ করে। কেউ বলল : তাঁকে তাঁ-ই বর্ম পরিয়ে পানিতে ফেলে দেওয়া হোক। কেউ বলল : তাঁর মাথাটা আলাদা করে মরদেহটা নিহতদের মধ্যে ফেলে রাখা হোক। তাঁর ছেলে বলল : না, মহান আল্লাহর শপথ! আমার পিতাকে কুকুরে ভক্ষণ করবে, তা হবে না। কেউ বলল : তাকে আবাসিয়ায় দাফন করা হোক। কেউ বলল : গর্ত করে তাঁকে মাটিতে পুঁতে রাখা হোক। অবশ্যে তারা তা-ই করল এবং তাঁর কবরের উপর পানি ঢেলে দেওয়া হয়, যাতে তা চেনা না যায়। তারপর তাঁর সঙ্গীরা সবাই ফিরে যায়। এমনকি তাদের একজন লোকও অবশিষ্ট রইল না, যার সঙ্গে যুদ্ধ করা যেতে পারে।

পরদিন ভোরবেলা ইউসুফ ইব্ন উমর আহতদের মাঝে যায়দ ইব্ন আলীর মরদেহ অনুসন্ধান করেন। কিন্তু যায়দ সিন্দির গোলাম যে যায়দ ইব্ন আলীর দাফন অনুষ্ঠানে উপস্থিত ছিল- এসে ইউসুফ ইব্ন উমরকে তাঁর কবরের সন্ধান দেয়। ইউসুফ ইব্ন উমর কবর খুঁড়ে লাশ তুলে আনেন। তারপর কিনাসায় একটির লাঠির মাথায় লাশটি ঝুলিয়ে রাখার নির্দেশ

দেন। তাঁর সঙ্গে নাস্র ইব্ন খুয়ায়মা, মুআবিয়া ইব্ন ইসহাক ইব্ন যায়দ ইব্ন হারিছা আল আনসারী এবং যিয়াদ আল-হিন্দীকেও শুলে চড়ানো হয়। কথিত আছে, যায়দ চার বছর যাবত শূলিবিদ্ব অবস্থায় ছিলেন। তারপর লাশটি নামিয়ে পুড়ে ফেলা হয়। মহান আল্লাহু ভাল জানেন।

আবু জাফর ইব্ন জারীর আত-তাবারী উল্লেখ করেন যে, ইউসুফ ইব্ন উমর সে সবের কিছুই জানতেন না। হিশাম ইব্ন আবদুল মালিক পত্র লিখে তাকে অবহিত করেন : আপনি জানেন না যে, যায়দ ইব্ন আলী কৃফায় লেজ গেড়ে বসেছেন। তিনি নিজের জন্য বায়'আত নিচ্ছেন। আপনি তাকে তলব করুন এবং নিরাপত্তা প্রদান করুন। যদি তিনি আপনার নিরাপত্তা গ্রহণ না করে, তাহলে তাঁর সঙ্গে যুদ্ধ করুন। ফলে ইউসুফ ইব্ন উমর তাকে ডেকে পাঠান। পরে যা ঘটবার ঘটেছে।

যা হোক, ইউসুফ ইব্ন উমর কবর থেকে লাশ তুলে মাথাটা আলাদা করে হিশাম-এর নিকট পাঠিয়ে দেন। পরে ওয়ালীদ ইব্ন ইয়ায়ীদ ক্ষমতাসীন হয়ে তাঁর লাশ নামিয়ে পুড়ে ফেলেন। মহান আল্লাহু ওয়ালীদ ইব্ন ইয়ায়ীদ-এর অকল্যাণ করুন।

অপরদিকে যায়দ ইব্ন আলীর ছেলে ইয়াহুয়া ইব্ন যায়দ ইব্ন আলী আবদুল মালিক ইব্ন বিশ্র ইব্ন মারওয়ান-এর নিকট আশ্রয় প্রার্থনা করে। আবদুল মালিক ইউসুফ ইব্ন উমরকে প্রেরণ করে রাগ-ধর্মক দিয়ে তাকে উপস্থিত করান। আবদুল মালিক ইব্ন বিশ্র বলেনঃ তার মত লোককে আমি আশ্রয় দিতে পারি না— সে আমাদের দুশ্মন এবং দুশ্মনের ছেলে। ইউসুফ ইব্ন উমর তার মতে একমাত্র হন। আবদুল মালিক ইব্ন বিশ্র তাকে খোরাসান পাঠিয়ে দেন। ইয়াহুয়া ইব্ন যায়দ এক দল যায়দিয়্যার সঙ্গে খুরাসান চলে যায়। সেখানে তারা কিছুকাল বসবাস করে।

আবু মিখনাফ বলেন : যায়দ ইব্ন আলী নিহত হওয়ার পর ইউসুফ ইব্ন উমর কৃফাবাসীদের উদ্দেশ্যে ভাষণ দান করেন। তাতে তিনি তাদেরকে হৃষকি-ধর্মকি দেন ও তিরক্ষার করেন এবং বলেন : আল্লাহর শপথ! আমি আমীরুল মু'মিনীনের নিকট তোমাদের একদল লোককে হত্যা করার অনুমতি প্রার্থনা করেছি। যদি তিনি আমাকে অনুমতি দেন, আমি তোমাদের যোদ্ধাদেরকে হত্যা করব এবং মহিলাদেরকে বন্দী করব। আজ আমি তোমাদেরকে এই অপীতিকর কথাগুলো শোনানোর জন্যই মিস্বরে উঠেছি।

ইব্ন জারীর বলেন : এ বছর আবদুল্লাহ আল-বাতাল একদল মুসলমানের সঙ্গে রোমের মাটিতে নিহত হন। ইব্ন জারীর এর অতিরিক্ত আর কিছু বলেননি। হাফিয ইব্ন 'আসাকির তাঁর ইতিহাস গ্রন্থে এই লোকটির কথা উল্লেখ করেছেন।

আবদুল্লাহ আবু ইয়াহুয়া, যিনি বাতাল নামে পরিচিত

তিনি আন্তাকিয়ায় বাস করতেন। আবু মারওয়ান আল-আন্তাকী তাঁর থেকে বর্ণনা করেছেন। আবু মারওয়ান আন্তাকী তাঁর সনদে বর্ণনা করেছেন, আবদুল মালিক ইব্ন মারওয়ান যখন তাঁর পুত্র মাসলামার রোমে যুদ্ধ করার জন্য সিদ্ধান্ত গ্রহণ করেন, তখন তিনি বাতালকে জাফীরা ও সিরীয় নেতাদের কমাওয়ার নিযুক্ত করেন এবং ছেলেকে বলে দেন, বাতালকে তোমার অগ্রগামী বাহিনীর দায়িত্ব প্রদান করবে এবং তাকে নির্দেশ দেবে, যেন সে সৈন্যদের নিয়ে রাতে পথ চলে। লোকটা বিশ্বস্ত, নির্ভরযোগ্য সাহসী ও বীর যোদ্ধা। আবদুল মালিক তাদেরকে বিদায় জানানোর জন্য দামেশকের ফটক পর্যন্ত গমন করেন। বর্ণনাকারী

বলেন : সেমতে মাসলামা দশ হাজার সৈন্য নিয়ে বাতাল-এর নিকট গমন করেন। এই দশ হাজার সৈন্য রোমানদের বিপক্ষে ঢালুকপে অবস্থান প্রহণ করবে, যাতে রোমানরা মুসলিম বাহিনী পর্যন্ত পৌঁছাতে না পারে।

মুহাম্মদ ইব্ন আইয় দামেশ্কী ওয়ালীদ ইব্ন মাসলামা সূত্রে বর্ণনা করেন যে, আবু মারওয়ান যিনি আনতাকিয়ার একজন প্রবীণ ব্যক্তি—বলেছেন : আমি বাতাল-এর সঙ্গে যুদ্ধ করছিলাম। তিনি রোম রাজ্যটাকে পিষে ফেলেছিলেন।

বাতাল বলেন : বন্ড উমায়্যার কোন এক শাসক আমাকে আমার যুদ্ধ জীবনের সবচেয়ে বিস্ময়কর ঘটনা সম্পর্কে জিজ্ঞাসা করেন। আমি বললাম : এক রাতে আমি অভিযানে বের হই। এক সময়ে আমরা একটি গ্রামে গিয়ে পৌঁছি। আমি আমার সঙ্গীদেরকে বলি : তোমরা তোমাদের ঘোড়াগুলোর লাগাম ঢিলা করে দাও আর এলাকা ও এলাকাবাসীর উপর পুরোপুরি নিয়ন্ত্রণ প্রতিষ্ঠিত না করা পর্যন্ত কারো প্রতি হত্যা কিংবা অন্য কোন উদ্দেশ্যে হাত বাড়াবে না। তারা তাই করে এবং এলাকার অলি-গলিতে ছড়িয়ে পড়ে। আমি আমার কয়েকজন সঙ্গীকে নিয়ে একটি ঘরে গিয়ে উপনীত হই। ঘরটিতে বাতি জুলছিল এবং এক মহিলা এই বলে তার ছেলের কান্না থামাচ্ছিল যে, চুপ কর, নইলে আমি তোমাকে বাতালকে দিয়ে দিব। বাতাল তোমাকে নিয়ে নেবেন। এক পর্যায়ে মহিলা ছেলেটিকে খাট থেকে ফেলে নীচে নামিয়ে দিয়ে বলে : বাতাল! একে নিয়ে যাও। বাতাল বলেন, সঙ্গে সঙ্গে আমি ছেলেটিকে তুলে নিলাম।

বাতাল হতে যথাক্রমে আবু মারওয়ান আল আনতাকী ও ওয়ালীদ ইবন মুসলিম সূত্রে মুহাম্মদ ইব্ন আইয় বর্ণনা করেন যে, বাতাল বলেন : একদা আমি একাকী হাঁটছিলাম। আমার সঙ্গে আমার সৈন্য ছিল না। আমার পিঠে একটি থলে ঝুলছিল, যাতে কিছু যব ছিল। সঙ্গে একটি রূমালও ছিল, যাতে রুটি আর ভুনা গোশ্ত ছিল। আমি এই ভেবে হাঁটছিলাম, যদি কারো সঙ্গে সাক্ষাৎ হতো কিংবা কোন সংবাদ পেতাম! হাঁটতে হাঁটতে আমি একটি বাগানে গিয়ে পৌঁছলাম যাতে ভাল ভাল স্বজি বিদ্যমান। আমি নেমে রুটি-গোশ্ত দ্বারা স্বজি খেলাম। কিছু পেস্তা-আপেলও খেলাম। তাতে আমার বেজায় দাস্ত শুরু হয়ে গেল। আমার ভয় হতে লাগল, অধিক দাস্তের ফলে আমি দুর্বল হয়ে পড়ি কিনা। ফলে আমি ঘোড়ায় চড়ে বসলাম এবং আমার সমানে দাস্ত চলছে। ভয় হলো, দুর্বলতার কারণে ঘোড়ার পিঠ থেকে পড়ে যাই কিনা! আমি ঘোড়ার লাগাম ধরে উপুড় হয়ে ঘুমিয়ে পড়লাম। ঘোড়া আমাকে কোথায় নিয়ে যাচ্ছে, আমি জানি না। সমতল ভূমিতে ঘোড়ার পায়ের শব্দ ছাড়া আমি কিছুই শুনতে পাচ্ছিলাম না। এক সময়ে মাথা তুলে আমি একটি মঠ দেখতে পেলাম। মঠ থেকে কয়েকজন সুন্দরী মহিলা বেরিয়ে আসে। তাদের একজন অন্যদেরকে তার ভাষায় বলে : লোকটাকে নামিয়ে নিয়ে আস। তারা আমাকে ঘোড়ার পিঠ থেকে নামিয়ে আমার কাপড়-চোপড়, ঘোড়ার ঘীন ও ঘোড়া ধূয়ে দেয় এবং আমাকে একটি খাটের উপর শুইয়ে দেয়। তারা আমার জন্য পানাহারের ব্যবস্থা করে। আমি একটানা একদিন একরাত অবস্থান করলাম। তারপর আরো তিনিদিন অবস্থান করলাম। একদিনে আমার অবস্থা স্বাভাবিক হয়ে এল। এমন সময় এক রোমক সেনাপতি এসে হায়ির। লোকটি এই মহিলাকে বিয়ে করতে আগ্রহী। আমি যে ঘরে অবস্থান করছিলাম, আমার ঘোড়াটা তার দরযার সঙ্গে বাঁধা ছিল। আমি রওয়ানা হওয়ার জন্য প্রস্তুতি প্রহণ করছিলাম। এমন সময় তাদের আরেক বড় নেতা এসে উপস্থিত। তিনিও মহিলাকে বিবাহের প্রস্তাৱ দিতে এসেছেন। তাকে কে একজন বলে দিল, এই ঘরে একজন

লোক আছে এবং তার একটি ঘোড়া আছে। শোনামাত্র তারা আমার উপর ঝাঁপিয়ে পড়ল। মহিলা তাদেরকে ঠেকিয়ে রাখে এবং বলে যদি তার দরযা খুলে দেওয়া হয়, তাহলে আমি তার প্রয়োজন পূরণ করতে পারব না। মহিলা আমার উপর আক্রমণ প্রতিহত করে ফেলে। বড় নেতা শেষ রাত পর্যন্ত তাদের যিয়াফতে অবস্থান করেন। তারপর তিনি নিজ ঘোড়ায় আরোহণ করেন। তাঁর সঙ্গীরা তাঁর সঙ্গে আরোহণ করে এবং তিনি চলে যান।

বাতাল বলেন : আমি তাদের পিছনে পিছনে রওয়ানা হলাম। তারা আমার উপর পুনরায় আক্রমণ করে বসে কিনা এই ভয়ে মহিলা আমাকে ফিরিয়ে রাখার চেষ্টা করল। কিন্তু আমি বিরত হলাম না। চলতে চলতে আমি তাদের ধরে ফেললাম। এক পর্যায়ে আমি তার উপর আক্রমণ করে বসলাম। তাঁর সঙ্গীরা তাঁকে ফেলে কেটে পড়ল। তিনিও পালাবার চেষ্টা করলেন। আমি তাকে ধরে ফেললাম এবং হত্যা করে তাঁর সম্পদ ছিনিয়ে নিলাম এবং মাথাটা কেটে ঘোড়ার সঙ্গে ঝুলিয়ে নিয়ে মঠের দিকে ফিরে গেলাম। মহিলারা বেরিয়ে এসে আমার সম্মুখে দাঁড়িয়ে গেল। আমি তাদেরকে বললাম : আপনারা আরোহণ করুন। সেখানে যেসব বাহন ছিল, তারা সেগুলোতে আরোহণ করে। আমি তাদেরকে সেনাপতির নিকট নিয়ে গেলাম এবং মহিলাগুলোকে তাঁর হাতে তুলে দিলাম। তিনি আমাকে বললেন : এদের যাকে তোমার পসন্দ হয় নিয়ে নাও। আমি সেই সুন্দরী মহিলাকে নিয়ে নিলাম। সে-ই এখন আমার সন্তানদের মা। তার পিতা বড় মাপের একজন নেতা ছিলেন। পরে বাতাল তার পিতার সঙ্গে পত্র ও হাদিয়া বিনিয়ম করতেন।

বর্ণিত আছে, আবদুল মালিক ইব্ন মারওয়ান যখন বাতালকে মাসীসার গভর্নর নিযুক্ত করেন, তখন তিনি রোমের উদ্দেশ্যে একটি অভিযান প্রেরণ করেন। কিন্তু তাদের সঙ্গে তাঁর যোগাযোগ বিচ্ছিন্ন হয়ে যায়। তারা কী করল, কী হলো, তা তিনি জানতে পারলেন না। ফলে তিনি একাকী ঘোড়ায় চড়ে রওয়ানা হন এবং আমূরিয়া এসে পৌঁছান। তিনি রাতের বেলা আমূরিয়ার দরযায় করাঘাত করলেন। দ্বাররক্ষী বলে : কে ? বাতাল বলেন : আমি বলি : আমি বাদশাহর জল্লাদ এবং বিতরীক (রোমানদের নেতা) -এর নিকট বাদশাহর দৃত হয়ে এসেছি। দ্বাররক্ষী দরযা খুলে পথ দেখিয়ে আমাকে বিতরীক-এর নিকট নিয়ে গেল। আমি যখন তার নিকট প্রবেশ করি, তখন তিনি পালংকে উপবিষ্ট। আমি তার সঙ্গে তার পার্শ্বে পালংকে উপবেশন করলাম। তারপর বলি : আমি আপনার নিকট একখানা পত্র নিয়ে এসেছি। আপনি এদেরকে চলে যেতে বলুন। বিতরীক তার লোকদেরকে চলে যেতে আদেশ করলেন। তারা চলে গেল। বাতাল বলেন : তারপর তিনি উঠে গির্জার দরযাটি বন্ধ করে দিলেন। এখন ঘরে তিনি আর আমি। তারপর গিয়ে তিনি নিজের স্থানে বসলেন। এই সুযোগে আমি আমার তরবারিটা কোষ্মুক্ত করে তার ভোতা অংশ দ্বারা তার মাথায় আঘাত করলাম এবং বলি : আমি বাতাল। সত্য সত্য বল, আমি যে বাহিনীটি তোমার দেশে প্রেরণ করেছিলাম, তারা কোথায় ? মিথ্যা বললে এই মুহূর্তে আমি তোমার গর্দান উড়িয়ে দেব। ফলে তিনি আমাকে তাদের সন্ধান দিলেন এবং বললেন : তারা আমার দেশে আছে এবং লুটতরাজ করে ফিরছে। এই যে একটি পত্র, এটি-ই প্রমাণ করছে, তারা অমুক অমুক উপত্যকায় অবস্থান করছে। আল্লাহর শপথ ! আমি তোমাকে সত্য বলেছি। আমি বললাম : আপনি আমাকে নিরাপত্তা দিন। তিনি আমাকে নিরাপত্তা প্রদান করলেন। আমি বললাম : আমার জন্য খাবারের ব্যবস্থা করুন।

তিনি তার সঙ্গীদেরকে নির্দেশ দিলেন। তারা খাবার এনে আমার সম্মুখে রাখল। আমি খাবার খেয়ে ফিরে আসার জন্য উঠে দাঁড়ালাম। তিনি তার সঙ্গীদের বললেন : তোমরা বাদশাহর দুর্তের সম্মুখ থেকে সরে যাও। তারা দ্রুততার সাথে আমার সম্মুখ থেকে সরে গেল। তিনি যে উপত্যকার কথা বললেন : আমি সেখানে চলে গেলাম। দেখলাম, সত্যিই আমার সঙ্গীরা সেখানে রয়েছে। আমি তাদেরকে নিয়ে মাসীসায় ফিরে এলাম। এ আমার জীবনের এক অভিনব ঘটনা।

ওয়ালীদ বলেন : আমাদের জনেক শায়খ আমাকে বলেন যে, তিনি বাতালকে হজ্জ করে ফিরে আসতে দেখেছেন। বলা বাহুল্য যে, বাতাল জিহাদে ব্যস্ত থাকার কারণে হজ্জ করতে পারেননি। আর তিনি সব সময় মহান আল্লাহর নিকট হজ্জ সম্পাদনের পর শাহাদাতের দু'আ করতেন। তিনি যে বছর শাহাদাত লাভ করেন, সে বছর ব্যতীত হজ্জ করার সুযোগ পাননি। মহান আল্লাহ তাঁর প্রতি রহম করুন। আর তাঁর শাহাদাতের কারণ এই ছিল যে, রোমান রাজার এক চাটুকার এক লাখ অশ্বারোহী সৈন্য নিয়ে কুস্তুন্নীনিয়া থেকে রওয়ানা হয়। ফলে বিতরীক বাতাল যার কন্যাকে বিবাহ করেছিলেন, বাতালকে বিষয়টা অবহিত করে। বাতাল অবহিত করে মুসলিম বাহিনীর সেনাপতিকে। তখন মুসলিম বাহিনীর সেনাপতি ছিলেন মালিক ইব্ন শাবীব। সংবাদ দিয়ে বাতাল তাকে বলেন : আমি মনে করি, হাররান নগরীতে দুর্গবন্ধ হয়ে থাকা আমাদের পক্ষে কল্যাণকর হবে। আমরা সেখানে অবস্থান নিয়ে ইসলামী বাহিনী নিয়ে সুলায়মান ইব্ন হিশাম-এর আগমন পর্যন্ত অপেক্ষা করব। কিন্তু সেনাপতি মালিক ইব্ন শাবীব এই প্রস্তাব প্রত্যাখ্যান করেন। ফলে শক্রবাহিনী তাদের উপর ঝাপিয়ে পড়ে। উভয় পক্ষ ঘোরতর যুদ্ধে লিপ্ত হয়। বীর শক্র সেনারা বাতাল-এর সম্মুখে চক্র কাটতে শুরু করে। কিন্তু রোমান সৈন্যদের একজনও ভয়ে তাঁর নাম ধরে হাঁক দেওয়ার সাহস পেল না। এক পর্যায়ে তাদের একজন তাকে ভুল নামে ডাক দিল। রোমক সৈন্যরা ডাক শুনে একযোগে তার উপর ঝাপিয়ে পড়ল। তারা তাকে বর্ণার আঘাতে ঘোড়ার পিঠ থেকে নামিয়ে এনে মাটিতে ফেলে দেয়। তিনি দেখতে পান মানুষ খুন হচ্ছে আর বন্দী হচ্ছে। ইতোমধ্যে সেনাপতি মালিক ইব্ন শাবীব নিহত হয়েছেন। মুসলমানরা পরাজিত হয়ে সেই বিধ্বস্ত শহরে ফিরে গিয়ে দুর্গবন্ধ হয়ে পড়ে।

পরদিন ভোরবেলা শক্র পক্ষের সেনাপতি রণাঙ্গনে এসে দেখতে পায় বাতাল শেষ অবস্থায় পতিত হয়েছে। সে তাকে বলে : আবু ইয়াহ্যা! এ তোমার কী দশা? বাতাল বলে : বীর যৌদ্ধারা এভাবেই নিহত হয়ে থাকে। তাঁর চিকিৎসার জন্য সেনাপতি ডাক্তার তলব করেন। ডাক্তারগণ জানালেন, তার ক্ষত বিয়ন্ত্রণের বাইরে চলে গেছে। তাই সেনাপতি বলেন : তোমার কি কোন চাহিদা আছে হে আবু ইয়াহ্যাই! বাতাল বলেন : হ্যাঁ, আছে। তোমার সঙ্গে যে মুসলমানরা আছে তারা যেন আমার গোসল, জানায়া ও দাফনের ব্যবস্থা করে। বাদশাহ তাই করেন এবং সেই সৃতে বন্দীদের মুক্ত করে দেন। রোমক সেনাপতি দুর্গে আশ্রয় নেওয়া মুসলমানদের নিকট গিয়ে তাদেরকে অবরোধ করে। মুসলমানরা মহাসংকটে পড়ে। ঠিক এমন সময়ে শীত এসে পড়ে। এসে পড়লেন ইসলামী ফেজিসহ সুলায়মান ইব্ন হিশাম। রোমান সেনাপতি তার অপদার্থ সৈন্যদের নিয়ে পালিয়ে নিজ শহরে ফিরে গেল। মহান আল্লাহ তাঁর অকল্যান করুন। সে কুস্তুন্নীনিয়া প্রবেশ করে দুর্ঘে গিয়ে আশ্রয় নেয়।

খালীফা ইবন খাইয়াত বলেন : বাত্তাল-এর হত্যাকাণ্ড একশত একুশ হিজরীতে রোমের মাটিতে সংঘটিত হয়েছিল। ইবন জারীর বলেন : একশত বাইশ হিজরীতে। ইবন হাস্মান আয় যিয়ানী বলেন : বাত্তাল একশত তের হিজরীতে নিহত হন। অপর দু'-একজনও এই অভিযন্ত ব্যক্তি করেছেন। তাদের বক্তব্য হলো, বাত্তাল এবং আমীর আবদুল ওয়াহহাব ইবন বখত একশত তের হিজরীতে নিহত হয়েছেন। মহান আল্লাহু ভাল জানেন। তবে ইবন জারীর তার মত্ত্য তারিখ এই বছর-ই উল্লেখ করেছেন। মহান আল্লাহু ভাল জানেন।

এ হলো বাত্তাল-এর জীবন চরিতে ইবন আসাকির বর্ণিত আলোচনার সার সংক্ষেপ। এর বাইরে বাত্তাল-এর বরাতে দালহামা, বাত্তাল, আমীর আবদুল ওয়াহহাব ও কায়ি উক্বার জীবন-চরিতে যেসব বর্ণনা রয়েছে, সব মিথ্যা ও মনগড়া বক্তব্য, অজ্ঞতা ও নির্জলা প্রলাপ। নির্বোধ কিংবা নিরেট মূর্খ ব্যক্তিত অন্য লোকের কাছে এসব তথ্য বিকায় না। যেমনটি আনতারা আল-আবাসীর অসত্য জীবন-চরিত এবং বিক্রী ও দানাফ প্রযুক্তের অসত্য জীবনে লোকমুখে চালু রয়েছে। বিক্রীর জীবন-চরিতে মনগড়া মিথ্যাচার তো অপরাধের দিক থেকে অন্যদের তুলনায় গুরুতর। কেননা, যে লোক সেসব কাহিনী গড়েছে, সে 'যে ব্যক্তি আমার নামে ইষ্বাকৃতভাবে মিথ্যা আরোপ করবে, সে জাহান্নামে তার ঠিকানা ঠিক করে নিক' প্রিয় নবী (সা)-এর এই ঘোষণার অন্তর্ভুক্ত। এ বছর আরো যেসব বিশিষ্ট ব্যক্তিবর্গ মৃত্যুমুখে পতিত হন।

ইয়াস আয়-যাকী

নাম ইয়াস ইবন মু'আবিয়া ইবন মুররা ইবন ইয়াস ইবন হিলাল ইবন রুবাব ইবন উবায়দ ইবন দুরায়দ ইবন আওস ইবন সাওয়াহ ইবন আমর ইবন সারিয়া ইবন ছালাবা ইবন যুবয়ান ইবন ছালাবা ইবন আওস ইবন উছমান ইবন আমর ইবন আদ ইবন তাবিখা ইবন ইলয়াস ইবন মুখার ইবন নায়ার ইবন মাদ ইবন আদনান।

খালীফা ইবন খাইয়াত তাঁর এই বৎসরাব-ই উল্লেখ করেছেন। তবে তাঁর বৎসরাবায় তিনি অভিযন্ত রয়েছে। তিনি বসরার কায়ি আবু ওয়াছিলা আল-মুয়ানীর পিতা তাবেঈ। তাঁর দাদা সাহাবী ছিলেন। তিনি অতিশয় মেধাবী ছিলেন। তিনি যথাক্রমে পিতা ও দাদা সূত্রে লজ্জা বিষয়ে মারফু' সূত্রে আনাস, সাইদ ইবন জুবায়র, সাইদ ইবনুল মুসায়িব, নাফি' ও আবু মুজলিয় থেকে হাদীস বর্ণনা করেছেন। তাঁর থেকে হাদীস বর্ণনা করেছেন হামাদান, শু'বা ও আসমাঈ প্রমুখ। মুহাম্মদ ইবন সীরীন তাঁর সম্পর্কে বলেছেন : ইয়ায় আয়-যাকী অতিশয় জ্ঞানী ছিলেন।

মুহাম্মদ ইবন সাদ, আজালী, ইবন মুস্তিন ও নাসাঈ বলেন : ইয়াস আয়-যাকী নির্ভরযোগ্য। ইবন সাদ বলেন : ইয়াস আয়-যাকী নির্ভরযোগ্য জ্ঞানী ও কুশলী ছিলেন। আজালী আরো বাড়িয়ে বলেছেন : তিনি ফকীহ ও সচরিত্বান ছিলেন। তিনি আবদুল মালিক ইবন মারওয়ান-এর শাসনামলে দামেশ্ক আগমন করেছিলেন। তিনি উমর ইবন আবদুল আয়ীয়-এর নিকটে গমন করেছিলেন। আদী ইবন আরতাত যখন তাকে বসরার বিচারকের পদ হতে অব্যাহতি প্রদান করেন, তখনও দ্বিতীয়বারের মত তিনি উমর ইবন আবদুল আয়ীয়-এর নিকট গমন করেন।

আবু উবায়দা প্রমুখ বলেন : ইয়াস ও এক বৃক্ষ ব্যক্তি দামেশকে আবদুল মালিক ইবন মারওয়ান-এর বিচারকের নিকটে বিচার প্রার্থনা করে। ইয়াস তখন সবে মাত্র যুবক। বিচারক

তাকে বলেন : উনি বৃদ্ধ আর তুমি যুবক। অতএব, তুমি তার সমানতালে কথা বলবে না। ইয়াস বলেন, তিনি যদি বড় হয়ে থাকেন, তো সত্য তাঁর চেয়েও বড়। বিচারক বলেন : চুপ কর। ইয়াস বলেন : আমি যদি চুপ থাকি, তাহলে কে আমার পক্ষে কথা বলবে ? বিচারক বলেন : এখান থেকে উঠে না যাওয়া পর্যন্ত তুমি আমার এজলাসে সত্য কথা বলবে, আমি তা মনে করি না। ইয়াস বলেন : আশহাদু আল-লা-ইলাহা ইল্লাল্লাহ। অন্যরা আরো বৃদ্ধি করেন যে, তারপর বিচারক বলেন : আমার ধারণা, তুমি তার প্রতি যুলুম করেছ। উন্নরে ইয়াস বলেন : আমি বিচারকের ধারণার উপর ঘর থেকে বের হইনি। অগত্যা বিচারক উঠে আবদুল মালিক-এর নিকট গিয়ে তাঁকে ঘটনাটা অবহিত করেন। শুনে আবদুল মালিক বলেন : তার প্রয়োজন পূরণ করে এক্ষুণি তাকে দামেশ্ক থেকে তাড়িয়ে দাও, যেন সে জনমনে বিপর্যয় সৃষ্টি করতে না পারে।

কেউ কেউ বলেন : আদী ইব্ন আরতাত যখন তাঁকে বসরার বিচারকের পদ থেকে অব্যাহতি প্রদান করেন। সঙ্গে সঙ্গে তিনি উমর ইব্ন আবদুল আয়ী-এর নিকট ছুটে যান। কিন্তু গিয়ে দেখতে পান, তিনি মৃত্যুবরণ করেন। ফলে তিনি দামেশ্কের মসজিদে মাহফিলে বসতে শুরু করেন। একদিন বনূ উমায়্যার এক ব্যক্তি কথা বলল। ইয়াস তার প্রতিবাদ করলেন। উমায়ার তার উপর স্কুর্ক হলো। ইয়াস উঠে চলে গেলেন। কেউ উমায়ারকে বলল : ইনি ইয়াস ইব্ন মুআবিয়া আল-মুয়ানী। পরদিন ইয়াস আগমন করলে উমায়া-তাঁর কাছে ওয়রখাহী করল এবং বলল : আমি আপনাকে চিনতে পারিনি। আপনি আমাদের মজলিসে এসে বসেছেন সাধারণ পোশাকে, অথচ কথা বলেন সন্তুষ্ট লোকের ন্যায়। ফলে আমরা বিষয়টা মেনে নিতে পারিনি।

ইয়া-কূব ইব্ন সুফিয়ান যথাক্রমে নাইম ইব্ন হাস্মাদ ও জামরা সূত্রে আবু শাওয়াব হতে বর্ণনা করেন যে, আবু শাওয়াব বলেন : বলা হতো যে, প্রতি একশত বছরে পরিপূর্ণ জ্ঞানের অধিকারী একজন মানুষ জন্মালাভ করে থাকে। সে যুগের মানুষ মনে করত, ইয়াস ইব্ন মুআবিয়া তাদের একজন।

আজলী বলেন : একদিন তিনজন মহিলা ইয়াস-এর নিকট গমন করেন। তাদেরকে দেখেই তিনি বলেন : তাদের একজন দুঃখদায়িনী। একজন কুমারী। অপরজন বিবাহিতা। তাকে জিজ্ঞাসা করা হলো, আপনি কিভাবে তা জানেন ? তিনি বলেন : দুঃখদায়িনী যখন বসল, নিজ হাত দ্বারা স্তন যুগল চেপে ধরে বসল। কুমারী যখন প্রবেশ করে, তখন কারো প্রতি দৃষ্টিপাত করেনি। আর বিবাহিতা মহিলা যখন প্রবেশ করে, তখন এদিক-ওদিক দৃষ্টিপাত করে ও চোখ মারে।

হাস্মাদ ইব্ন সালামা থেকে আহনাফ ইব্ন হাকীম সূত্রে ইউনুস ইব্ন সালাব বর্ণনা করেন যে, হাস্মাদ বলেন : আমি ইয়াস ইব্ন মুআবিয়াকে বলতে শুনেছি : আমি যে রাতে জন্মালাভ করেছি সে রাতের কথা আমার মনে আছে। আমার মা আমার মাথায় একটি পাতিল রেখেছিলেন।

মাদাইনী বলেন : ইয়াস ইব্ন মুআবিয়া তাঁর মাকে জিজ্ঞাসা করলেন : আমি যখন আপনার গর্ভে, তখন আমি প্রচণ্ড একটা শব্দ শুনেছিলাম। ওটা কিসের শব্দ ছিল ? মা বললেন : একটি তামার তশতরী উপর থেকে নীচে পড়ে গিয়েছিল। আমি তায় পেয়েছিলাম। তাতেই সে সময়ে আমি তোমাকে প্রসব করি।

আবু বকর আল-খারাইতী বর্ণনা করেন যে, উমর ইব্ন শায়বা আন্নমায়রী বলেছেন : আমি শুনেছি যে, ইয়াস বলেছেন : সেই মিথ্যা কথন আমাকে আনন্দ দান করে না, যা আমার পিতা মুআবিয়া জেনে ফেলেন।

তিনি আরো বলেন : আমি কাদরিয়া ব্যতীত অপর কোন প্রত্ন টৃজারীর সঙ্গে পূর্ণ জ্ঞান ব্যয় করে বিবাদ করিনি। আমি কাদরিয়াদেরকে জিজ্ঞাসা করি, বল যুলুম কাকে বলে ? তারা বলেঃ বস্তুটা যার নয়, সে তা নিয়ে নেওয়া। আমি বলি : তাহলে সব জিনিসই তো আল্লাহর।

কেউ কেউ বলেন : ইয়াস বলেন : শিশুকালে আমি তখন মকতবের ছাত্র। একদিন খ্রিস্টান ছেলেরা মুসলমানদের নিয়ে হাসাহাসি করতে লাগল। তারা বলছিল, মুসলমানদের বিশ্বাস হলো। জান্নাতীদের খাবারের কোন বর্জ্য থাকবে না। আমি ফকীহকে তিনি খৃষ্টান ছিলেন-বলি : আপনি কি বিশ্বাস করেন না যে, খাদ্যের কিছু অংশ শরীরে পুষ্টি যোগায় ? তিনি বললেনঃ হ্যাঁ। আমি বলি : তাহলে মহান আল্লাহ জান্নাতীদের খাদ্যের সবচিকুকে তাদের দেহের পুষ্টি বানাবেন, সে কথা স্বীকার করতে অসুবিধা কোথায় ? শুনে তার শিক্ষক বলেন : তুমি শয়তান বৈ নও।

ইয়াস এ কথাটা শৈশবকালে নিজ বুদ্ধি থেকে বলেছেন। অথচ, এ প্রসঙ্গে সহীহ হাদীসও বর্ণিত আছে, যা পরে ইনশাআল্লাহ জান্নাতীদের আলোচনায় উল্লেখ করা হবে যে, জান্নাতীদের খাবার চেঁকুর ও মেশকের ন্যায় সুগন্ধযুক্ত ঘামে পরিণত হয়ে যাবে। ফলে পরক্ষণেই দেখা যাবে যে, পেট হালকা ও শূন্য হয়ে গেছে।

সুফিয়ান বলেন : ইয়াস যখন ওয়াসিতে আগমন করেন, তখন ইব্ন শিবরিমা পরিকল্পিত কর্তগুলো প্রশ্ন নিয়ে তাঁর নিকট আগমন করে। এসে ইব্ন শিবরিমা তাঁকে বলে : অনুমতি হলে আমি আপনাকে কয়েকটি প্রশ্ন করব। ইয়াস বললেন : জিজ্ঞাসা করুন। তবে আপনার অনুমতি প্রার্থনা-ই সন্দেহজনক। ইব্ন শিবরিমা তাঁকে সন্তুষ্টি প্রশ্ন করেন। তিনি সব ক'র্তি প্রশ্নের উত্তর দেন। চারটি ব্যতীত অন্য কোন মাসআলায় তারা দ্বিমত করেননি। এই চারটি প্রশ্ন ইয়াস তাঁর উপর-ই ছেড়ে দেন। পরে বলেন : আপনি কি কুরআন পাঠ করেন ? সে বলল : হ্যাঁ। ইয়াস বললেন : أَلْيُومْ أَكْمَلْتُ لَكُمْ دِينَكُمْ (আজ আমি তোমাদের জন্য তোমাদের দীনকে পরিপূর্ণ করে দিলাম। ৪ : ৩) এই আয়াত কি মুখস্থ আছে ? সে বলল : হ্যাঁ। ইয়াস বললেন : তার আগের ও পরের আয়াত ? সে বলে হ্যাঁ। ইয়াস বলেন : এই আয়াত কি শিবরিমার গোষ্ঠীর জন্য কোন অভিমত অবশিষ্ট রেখেছে ?

ইয়াহ্যা ইব্ন মুঈন সূত্রে আরবাস বর্ণনা করেন যে, সাইদ ইব্ন আমির ইব্ন উমর ইব্ন আলী বলেছেন : এক ব্যক্তি ইয়াস ইব্ন মু'আবিয়াকে বলে : হে আবু ওয়াছিলা ! মানুষ কতদিন পর্যন্ত টিকে থাকবে ? কতদিন পর্যন্ত মানুষ জন্মলাভ ও মৃত্যুগ্রহণ করতে থাকবে ? ইয়াস তার সঙ্গীদেরকে বলেন : তোমরা প্রশ্নটার উত্তর দাও। কিন্তু তাদের কারুর-ই নিকট এ প্রশ্নের জওয়াব ছিল না। অগত্যা ইয়াস বলেন : দুটি প্রস্তুতি সম্পর্কে না হওয়া পর্যন্ত। জান্নাতীদের প্রস্তুতি ও জাহানামীদের প্রস্তুতি।

কেউ কেউ বলেন : ইয়াস ইব্ন মুআবিয়া ভাড়া করা বাহনে চড়ে হজ্জের উদ্দেশ্যে সিরিয়া থেকে গমন করেন। ফেরার সময় গায়লান আল-কাদরীও তাঁর সফরসঙ্গী ইন। কিন্তু তাদের

কারো সঙ্গে কারো পরিচয় নেই। এভাবে তিনি দিন কেটে থায়, কেউ কারো সঙ্গে কথা বলছেন না। তিনি দিন অতিক্রান্ত হওয়ার পর তারা পরম্পর কথা বলেন এবং পরিচিত হলেন। তারা তাকদীর বিষয়ে উভয়ের মাঝে দূরত্ব থাকা সত্ত্বেও এই বিষয়ে বিশ্বিত হলেন। ইয়াস গায়লানকে বলেন : জান্নাতীরা যখন জান্নাতে প্রবেশ করবে, বলবে-

الْحَمْدُ لِلّٰهِ الَّذِي هَدَنَا لِهُدًى وَمَا كُنَّا لِنَهْتَدِي لَوْلَا أَنْ هَدَانَا اللّٰهُ

সমস্ত প্রশংসা আল্লাহরই, যিনি আমাদেরকে এর পথ দেখিয়েছেন। আল্লাহ আমাদেরকে পথ না দেখালে আমরা কখনো পথ পেতাম না (৭ : ৪৩)।

পক্ষান্তরে জাহান্নামীরা বলবে—

رَبَّنَا غَلَبْتَ عَلَيْنَا شَفْقَتَنَا

হে আমাদের প্রতিপালক! দুর্ভাগ্য আমাদের পেয়ে বসেছিল (২৩ : ১০৬)।

ফেরেশতারা বলবে—

سُبْحَانَكَ لَا عِلْمَ لَنَا إِلَّا مَا عَلِمْتَنَا

আপনি মহান পবিত্র। আপনি আমাদেরকে যা শিক্ষা দিয়েছেন, তা ছাড়া আমাদের কোনই জ্ঞান নাই। (২ : ৩২)

তারপর তিনি তাকে আরবের কতিপয় কবিতা এবং অনারবের কিছু উপমা বলে শোনান যাতে তাকদীরের প্রমাণ বিদ্যমান।

তারপর আরো একবার ইয়াস ও গায়লান একত্র হয়েছেন উমর ইবন আবদুল আয়ীয়-এর নিকট। সে সময় উভয়ের মাঝে বিতর্ক অনুষ্ঠিত হয়। ইয়াস গায়লানকে পরাজিত করেন এবং তাকে নিরসন করে দিতে থাকেন। অগত্যা গায়লান নিজের অক্ষমতা স্বীকার করেন ও তাওবার কথা প্রকাশ করেন। উমর ইবন আবদুল আয়ীয় (র) তাকে বদ দু'আ করেন যদি তিনি মিথ্যাবাদী হন। মহান আল্লাহ তার দু'আ করুন করেন। ফলে এক সময় উমর ইবন আবদুল আয়ীয় সুযোগ পেয়ে গায়লানকে হত্যা করে শুমিতে চড়ান। সকল প্রশংসা মহান আল্লাহর।

ইয়াস বলেছেন, কাজের চেয়ে কথা বেশী বলা অপেক্ষা কথার চেয়ে কাজ বেশী করা উচ্চম।

সুফিয়ান ইবন হুসায়ন বলেন, আমি একদিন ইয়াস ইবন মু'আবিয়ার নিকট এক ব্যক্তির সম্পর্কে খারাপ মন্তব্য করি। শুনে তিনি আমার প্রতি দৃষ্টিপাত করে বলেন, তুমি কি রোমে যুদ্ধ করেছ? আমি বলি, না। তিনি বলেন, সিন্ধু, হিন্দুস্তান, তুরক? আমি বলি, না। তিনি বলেন, রোম, সিন্ধু, হিন্দুস্তান, তুরক তোমা হতে নিরাপদ থাকল, কিন্তু তোমার একজন মুসলিম ভাই নিরাপদ থাকল না?

সুফিয়ান ইবন হুসায়ন বলেন, তারপর আর কখনো আমি কারো সম্পর্কে মন্দ কথা বলিনি। আসমাট তাঁর পিতা হতে বর্ণনা করেন, আমি একদিন ইয়াস ইবন মু'আবিয়াকে ছাবিত আল-বুলানীর ঘরে দেখতে পেলাম। তাঁর গায়ের রং লাল, হাত লম্বা, পোশাক মোটা এবং মাথায় রঙিন পাগড়ি। তিনি অনর্গল কথা বলছিলেন। তার সঙ্গে কথা বলে কেউ পেরে উঠছিল না। উপস্থিত লোকদের একজন তাঁকে বলে, আপনার মধ্যে একটি দোষ ব্যতীত আর কোন দোষ নেই। তা হলো, আপনি কথা বেশী বলেন। জওয়াবে তিনি বলেন, আমি কি কথা

সত্ত্যের বলি, নাকি মিথ্যার ? লোকটি বলে, তা সত্ত্যের বলেন। তিনি বলেন, সত্য কথা বেশী বলাই ভাল। এক ব্যক্তি মোটা পোশাকের জন্য তাঁকে তিরক্ষার করলে তিনি বলেন, আমি পোশাক পরিধান এই জন্য করি যে, পোশাক আমার সেবা করবে। এই জন্য নয় যে, আমি পোশাকের সেবা করব।

আসম 'ঙ্গী বলেন, ইয়াস ইব্ন মু'আবিয়া বলেছেন, মানুষের সর্বোত্তম চরিত্র হলো সত্য কথন। যে ব্যক্তি সত্যের ফয়লত হারিয়ে ফেলল, সে তার সর্বশ্রেষ্ঠ স্বভাব হতেই বাঞ্ছিত হলো।

জনৈক ব্যক্তি বলেন, এক ব্যক্তি ইয়াস ইব্ন মু'আবিয়াকে নাবীয (আঙ্গুর কিংবা খেজুর রসের তৈরী নেশাকর পানীয়) সম্পর্কে জিজ্ঞাসা করলে তিনি বলেন, নাবীয হারাম। লোকটি বলে, পানির ব্যাপারে আপনার মতামত কী ? তিনি বলেন, হালাল। লোকটি বলে, আর রুটির টুকরা ? তিনি বলেন, হালাল। লোকটি জিজ্ঞাসা করেন, খেজুর ? তিনি বলেন, হালাল। লোকটি বলে, কিন্তু দুটি যখন একত্রিত হয়, তখন হারাম হয় কেন ? ইয়াস বললেন, আমি যদি এই এক মুষ্টি মাটি তোমার গায়ে নিক্ষেপ কর, তুমি কি ব্যথা পাবে ? লোকটি বলল, না। ইয়াস বললেন, এই এক মুষ্টি খড় ? বলল, না, ব্যাথা পাব না। ইয়াস বললেন, এক কোষ, পানি ? বলল, না, একটুও ব্যথা পাব না। ইয়াস বললেন, কিন্তু আমি যদি এই উপাদানগুলো একত্রিত করে রেখে দেই। ফলে তা পাথরে পরিণত হয়ে যায় এবং তারপর তোমার গায়ে ছুঁড়ে মারি, তখন কি তুমি ব্যথা পাবে ? লোকটি বলল, হ্যা, আল্লাহর শপথ! আমাকে মেরে ফেলবে। ইয়াস বললেন, অদ্বৃত উক্ত হালাল উপাদানগুলোও যখন একত্রিত হয়, তখন হারাম হয়ে যায়।

মাদাইনী বলেন, উমর ইব্ন আবদুল আয়ীয আদী ইব্ন আরতাতকে বসরার গভর্নর নিযুক্ত করে প্রেরণ করেন এবং নির্দেশ প্রদান করেন যে, তুমি ইয়াস ও কাসিম ইব্ন রবীআকে একত্রিত করে যাচাই করে দেখবে, কে বড় ফকীহ। তাকে তুমি বিচারকের দায়িত্ব প্রদান করবে। আদী ইব্ন আরতাত তাই করলেন। ইয়াস বিচারকের পদ গ্রহণ করবেন না বিধায় বললেন, আপনি বসরার দুই ফকীহ হাসান ও ইব্ন সীরীনকে জিজ্ঞাসা করুন। ইয়াস এই দুই ফকীহের নিকট যাওয়া-আসা করতেন না। ফলে কাসিম বুঝে ফেললেন, আদী ইব্ন আরতাত যদি এ ব্যাপারে তাদেরকে জিজ্ঞাসা করেন, তারা তাঁর পক্ষে মত দিবেন। কারণ, তিনি তাদের নিকট যাওয়া-আসা করতেন। তাই কাসিম আদীকে বললেন, সেই আল্লাহর শপথ, যিনি ব্যতীত ইলাহ নেই! ইয়াস আমার চেয়ে মর্যাদাসম্পন্ন, আমার চেয়ে বড় ফকীহ এবং বিচার কার্যে আমা অপেক্ষা অভিজ্ঞ। কাজেই আমি যদি সত্য বলে থাকি, তা হলে আপনি তাঁকেই বিচারক নিযুক্ত করুন। আর যদি আমি মিথ্যাক হই, তাহলে একজন মিথ্যাবাদীকে বিচারকের আসনে আসীন করা উচিত হবে না। শুনে ইয়াস বললেন : এই লোকটি জাহান্নামের প্রান্তসীমায় পৌছে গিয়েছিল। কিন্তু একটি মিথ্যা কসম দ্বারা সেখান থেকে উদ্ধার পেয়েছে। এখন তিনি মহান আল্লাহর নিকট ক্ষমা প্রার্থনা করে নিলেই চলবে। এবার আদী বললেন : আপনি যখন এতটুকুই বুঝে ফেলেছেন তো আমি আপনাকেই বিচারক নিযুক্ত করলাম।

ইয়াস এক বছর বিচারকের দায়িত্ব পালন করেন। এই এক বছর তিনি মানুষের মাঝে আপোস-মীমাংসা করেছেন এবং যখন তার সম্মুখে সত্য উঙ্গাসিত হয়েছে, সে অনুযায়ী রায় প্রদান করেছেন। তারপর তিনি দায়েশকে উমর ইব্ন আবদুল আয়ীয-এর নিকট পালিয়ে গিয়ে

বিচারকের পদ থেকে ইস্তিফা প্রদান করেন। ফলে ‘আদী হাসান বসরীকে বিচারক নিযুক্ত করেন।

ইতিহাসবিদগণ বলেন : ইয়াস বসরার বিচারক নিযুক্ত হওয়ায় আলিমগণ আনন্দিত হয়েছিলেন। এমনকি আয়ুর বললেন : বসরাবাসী একজন যোগ্য বিচারক লাভ করল। হাসান ও ইব্ন সীরীন এসে ইয়াসকে সালাম করলেন। কিন্তু ইয়াস কেঁদে ফেললেন এবং নবী পাক (সা)-এর একটি হাদীস উল্লেখ করলেন। হাদীস হলো-

الْقُضَاءُ ثَلَاثَةُ قَاضِيَّانَ فِي النَّارِ وَاحِدٌ فِي الْجَنَّةِ

অর্থাৎ বিচারক তিনি প্রকার। দুই প্রকার জাহানামে যাবে। এক প্রকার যাবে জাহানাতে।

জবাবে হাসান বললেন-

وَدَأْدَ وَسُلْيْمَانَ إِذْ يَحْكُمَانِ فِي الْحَرْثِ إِذْ نَفَشَتْ فِيهِ غَنْمُ الْقَوْمِ وَكُنَّا
لِحَكْمِهِمْ شَهِدِينَ ... وَكُلُّ أَتَيْنَا حُكْمًا وَعِلْمًا -

অর্থাৎ এবং অর্দেক কর দাউদ ও সুলায়মানের কথা, যখন তারা বিচার করছিল শস্যক্ষেত্র সম্পর্কে; তাতে রাত্রিকালে প্রবেশ করেছিল কোন সম্প্রদায়ের মেষ। আমি প্রত্যক্ষ করছিলাম তাদের বিচার।

এবং আমি সুলায়মানকে এ বিষয়ের মীমাংসা বুঝিয়ে দিয়েছিলাম এবং তাদের প্রত্যেককে আমি দিয়েছিলাম প্রজ্ঞা ও জ্ঞান। (২১ : ৭৮, ৭৯)

ইতিহাসবিদগণ বলেন : তারপর ইয়াস মসজিদে উপবেশন করেন। মানুষ বিচারের জন্য তার নিকটে এসে সমবেত হয়। সে বৈঠকে তিনি সন্তুষ্টি বিচারকার্য সমাধান করে তবে বের হন। ফলে মানুষ তাকে কায় শুরায়হ-এর সঙ্গে তুলনা করতে শুরু করে।

বর্ণিত আছে, ইয়াস ইব্ন মু'আবিয়ার নিকট কোন বিষয় জটিল মনে হলে মুহাম্মদ ইব্ন সীরীনকে জিজ্ঞাসা করে তিনি তার সমাধান জেনে নিতেন।

ইয়াস বলেন : আমি মানুষের সঙ্গে অর্ধেক জ্ঞান দ্বারা কথা বলি। কিন্তু যখন দু'জন মানুষ আমার নিকট মামলা নিয়ে আসে, তখন তাদের জন্য আমি আমার পূর্ণ জ্ঞানকে একত্র করে ফেলি।

এক ব্যক্তি তাকে বলল : আপনি তো নিজ সিদ্ধান্তের প্রতি বেশ আস্থাশীল! তিনি বললেনঃ এমনটা না হলে তো বিচার করা যায় না।

অপর এক ব্যক্তি তাকে বলল : আপনার তিনটি স্বভাব আছে, সেগুলো আমার পেসন্দ নয়। তিনি জিজ্ঞাসা করলেন : সেগুলো কী? লোকটি বলল : আপনি বুঝবার আগেই রায় ঘোষণা করেন। যে কারো সঙ্গে উঠাবসা করেন না। এবং মোটা কাপড় পরিধান করেন। তিনি বললেনঃ এই তিনটির কোনটি তোমার নিকট বেশী অপসন্দনীয়? তিনটি-ই, নাকি দুটি? সে বলল : তিনটিই। ইয়াস বললেন : আমি একটি বিষয় যত দ্রুত বুঝি, তত দ্রুত সিদ্ধান্ত নিয়ে ফেলি। লোকটি বলল ? যদি কেউ তা বুঝতে ভুল করে? ইয়াস বললেন : আমি সেদিকে লক্ষ্য রেখেই রায় ঘোষণা করি। আর আমি যে কারো সঙ্গে উঠাবসা এই জন্য করি না যে, যারা আমার মর্যাদা বুঝে না, তাদের সঙ্গে উঠাবসা করা অপেক্ষা আমি সেই লোকদের সঙ্গে উঠাবসা করা

বেশী পসন্দ করি, যারা আমার মর্যাদা জানে। আর আমার মোটা কাপড় পরিধান করার তাৎপর্য হলো, আমি সেই পোশাক-ই পরিধান করি, যা আমাকে সুরক্ষা করে- সেই পোশাক নয়, যাকে আমার সুরক্ষা করতে হবে।

ইতিহাসবিদগণ বলেন : দুই ব্যক্তি ইয়াস ইবন মুআবিয়ার নিকট মোকাদ্দমা নিয়ে আসে। একজনের দাবী হলো, সে অপর ব্যক্তির নিকট কিছু সম্পদ আমানত রেখেছিল। কিন্তু এখন সে তা অঙ্গীকার করছে। ইয়াস যে ব্যক্তি আমানত রেখেছে, তাকে জিজ্ঞাসা করলেন : তুমি তার কাছে মালটা কোন্ জায়গায় আমানত রেখেছিলে ? বলল : এক বাগানের একটি গাছের নিকট দাঁড়িয়ে। ইয়াস বললেন : যাও, সেখানে গিয়ে দাঁড়িয়ে থাক; হয়ত তাতে তোমার স্বরণ এসে যেতে পারে। অপর এক বর্ণনায় আছে, ইয়াস তাকে বলেছিলেন : তুমি কি সেখানে গিয়ে গাছটির একটি পাতা আনতে পারবে ? লোকটি বলল : হ্যা, পারব। ইয়াস বললেন : তাহলে যাও। অপর ব্যক্তি বসে রইল। ইয়াস অন্য লোকদের বিচার-ফায়সালা করছেন আর তাকে পর্যবেক্ষণ করছেন। কিছুক্ষণ পর তাকে ডেকে জিজ্ঞাসা করলেন : তোমার বাদী কি এতক্ষণে জায়গা পর্যন্ত পৌছেছে ? সে বলল : না, এখনো পৌছেনি। আল্লাহু আপনার মঙ্গল করুন। এবার ইয়াস তাকে বললেন : উঠ, হে আল্লাহর দুশ্মন ! তার পাওনা তাকে দিয়ে দাও। অন্যথায় আমি তোমাকে কঠোর শাস্তি দেব। ইতোমধ্যে বাদী ফিরে এসে বিবাদীর সঙ্গে দাঁড়ায়। বিবাদী তার পাওনা সম্পূর্ণ আদায় করে দেয়।

অপর এক ব্যক্তি এসে ইয়াসকে বলল : আমি অমুক ব্যক্তির নিকট কিছু সম্পদ গচ্ছিত রেখেছিলাম। কিন্তু এখন সে অঙ্গীকার করছে। ইয়াস তাকে বললেন : আজ চলে যাও, আগামীকাল এসো। এদিকে তিনি তৎক্ষণাত অঙ্গীকারকারী ব্যক্তিকে ডেকে পাঠালেন এবং বললেন : আমাদের নিকট কিছু সম্পদ জমা হয়েছে। সেগুলো রাখার জন্য আমরা তুমি ছাড়া আর কোন বিশ্বস্ত লোক পাচ্ছি না। তুমি সম্পদগুলো দিয়ে একটি নিরাপদ স্থানে রেখে দাও। সে বলল : আচ্ছা, ঠিক আছে। ইয়াস তাকে বললেন : তুমি আজ চলে যাও, কাল এসো। পরদিন পাওনাদার এসে উপস্থিত হলে ইয়াস তাকে বললেন : তুমি এখনই গিয়ে তাকে বল, আমার পাওনাটা দিয়ে দাও; অন্যথায় আমি তোমাকে কায়ীর কাছে নিয়ে যাব। পাওনাদার লোকটি তা-ই করল। ফলে সে আশংকা করল, কায়ী যদি খবরটা শনে ফেলেন। তাহলে তো তিনি তার নিকট সম্পদ আমানত রাখবেন না! অগত্যা সে পাওনাদারকে তার সমুদয় সম্পদ দিয়ে দিল। পাওনাদার ইয়াস-এর নিকট এসে তাঁকে বিষয়টা অবহিত করল। তারপর লোকটি সম্পদ আমানত নেওয়ার আশায় ইয়াস-এর নিকট এসে উপস্থিত হয়। কায়ী ইয়াস তাকে ধমক দিয়ে এই বলে তাড়িয়ে দেন যে, তুমি খিয়ানতকারী।

দুইজন লোক-এক দাসীর ব্যাপার নিয়ে ইয়াস-এর নিকট বিচার প্রার্থনা করে। ক্রেতার দাবী, দাসীটির জ্ঞান দুর্বল। ইয়াস দাসীকে জিজ্ঞাসা করলেন, তোমার দু'পায়ের কোন্টি বেশী দুর্বল ? দাসী বলল : এটি। ইয়াস আরো জিজ্ঞাসা করলেন : তুমি যে রাতে জন্মলাভ করেছ, সে রাতের কথা কি তোমার স্বরণ আছে ? দাসী বলল : হ্যা। এবার ইয়াস বিক্রেতাকে বললেন : তুমি তোমার দাসীকে ফিরিয়ে নাও।

ইবন আসাকির বর্ণনা করেন যে, ইয়াস এক গৃহ থেকে এক মহিলার কর্তৃ শনতে পেয়ে বললেন : মহিলা এক পুত্র সন্তানের গর্ভবতী। পরে যখন মহিলা প্রসব করল, প্রসব করল ঠিক

তার কথা অনুযায়ী। ফলে তাঁকে জিজ্ঞাসা করা হলো, আপনি কিভাবে বিষয়টা অবগত হয়েছিলেন। আমি কষ্টের সঙ্গে তার নিঃস্থাসও শুনেছিলাম। তাতেই আমি বুঝে ফেলেছি, সে অস্তঃসন্ত্বা আর তার কষ্টে কোমলতা ছিল। তাতে বুঝেছি, তার পেটের সন্তানটি ছেলে। ইতিহাসবিদগণ বলেন : তারপর একদিন ইয়াস একটি মকতবের নিকট দিয়ে যাচ্ছিলেন। সেখানে তিনি একটি শিশুকে দেখে বললেন : আমার যদি কিছু অভিজ্ঞতা থেকে থাকে, তাহলে এই শিশুটি সেই মহিলার ছেলে। খোজ নিয়ে জানা গেল, আসলেই শিশুটি সেই মহিলার-ই ছেলে।

যুহুরী সূত্রে মালিক বর্ণনা করেন যে, আবু বাকর বলেছেন : এক ব্যক্তি ইয়াস-এর নিকট সাক্ষাৎ প্রদান করে। ইয়াস তাঁকে জিজ্ঞাসা করলেন : তোমার নাম কী ? সে বলল : আবুল উনফুর। ফলে তিনি তাঁর সাক্ষ্য গ্রহণ করলেন না।

ছাওয়ী আ'মাশ হতে বর্ণনা করেন যে, আ'মাশ বলেন : আমি একবার আহত হয়ে ইয়াস-এর নিকট গমন করি। গিয়ে দেখলাম, এক ব্যক্তি কথা বলছে। এক কথা শেষ হচ্ছে, তো আরেকে কথা শুরু করছে। ইয়াস বলেন : যে মানুষ নিজের দোষ জানে না, সে বোকা। তাঁকে জিজ্ঞাসা করা হলো : আপনার দোষ কী ? তিনি বললেন : বেশী কথা বলা।

ইতিহাসবিদগণ বলেন : ইয়াস ইবন মুআবিয়া তাঁর মায়ের মৃত্যুর পর ক্রন্দন করলেন। এ ব্যাপারে তাঁকে জিজ্ঞাসা করা হলে তিনি বললেন : আমার জন্য জান্নাতের দুটি খোলা দরয়া ছিল। আজ তাঁর একটি রূপ্ত্ব হয়ে গেল।

ইয়াস-এর পিতা তাঁকে বললেন : মানুষ জন্ম দেয় সন্তান আর আমি জন্ম দিয়েছি একজন পিতা।

তাঁর সহচররা তাঁর চতুর্পার্শ্বে বসে তাঁর মূল্যবান বস্ত্রব্য লিপিবদ্ধ করতেন। একদিনের ঘটনা। সহচররা তাঁর চার পার্শ্বে উপবিষ্ট। হঠাৎ এক ব্যক্তির প্রতি তাঁর চোখ পড়ল। লোকটি এই মাত্র এসে চুতুরায় বসে পড়ল এবং যে-ই গমনাগমন করছে তার প্রতি দৃষ্টিপাত করছে। এক পর্যায়ে লোকটি দাঁড়িয়ে এক ব্যক্তির মুখের দিকে তাকিয়ে আবার ফিরে আসল। ইয়াস তাঁর সহচরদের বললেন : ইনি একজন ফকীহ; একটি কানা গোলাম হারিয়ে ফেলেছে। সে তাঁকেই ঝুঁজে ফিরছে। শুনে লোকেরা তাঁর নিকট গিয়ে তাঁকে বিষয়টা জিজ্ঞাসা করল। তাঁরা তাঁকে হ্বহ্ব তা-ই শুনল, যা ইয়াস বললেন। পরে লোকেরা ইয়াসকে জিজ্ঞাসা করল : আপনি বিষয়টা কিভাবে বুঝতে পারলেন ? তিনি বললেন : লোকটি এসে যখন চুতুরায় বসল, আমি বুঝে ফেললাম, তিনি একজন ক্ষমতাধর লোক। তাঁরপর তাঁর প্রতি দৃষ্টিপাত করে উপলক্ষ করলাম, এই চেহারা একজন ফকীহ ছাড়া কারো নয়। তাঁরপর যখন লোকটি তাঁর সম্মুখ দিয়ে গমনাগমনকারী প্রত্যেক ব্যক্তির দিকে তাঁকাতে শুরু করল, আমি বুঝলাম, তিনি একটি গোলাম হারিয়ে ফেলেছেন। তাঁরপর যখন তিনি উঠে গিয়ে তাঁর অপর পার্শ্বের লোকটির মুখের দিকে তাঁকাল, আমি বুঝলাম তাঁর গোলাম কানা।

ইবন খালিকান ইয়াস ইবন মুআবিয়ার জীবন চরিতে বহু ঘটনা উল্লেখ করেছেন। তন্মধ্যে একটি হলো, জনৈক ব্যক্তি তাঁর নিকট একটি বাগানের ব্যাপারে সাক্ষ্য প্রদান করে। সাক্ষ্য শুনে ইয়াস তাঁকে জিজ্ঞাসা করলেন : বাগানটির গাছের সংখ্যা কত ? উত্তরে লোকটি বলল : যে

ইজলাসে আপনি বহু বছর যাবত অবস্থান করছেন, বলতে পারেন তার খুঁটি সংখ্যা কত ? ইয়াস বললেন : আমি বললাম : জানি না । তারপর আমি তার সাক্ষ্য গ্রহণ করলাম ।

১২৩ হিজরী সন

মাদাইনী তাঁর শায়খদের থেকে বর্ণনা করেন যে, তুর্কী রাজা খাকান আসাদ ইব্ন আবদুল্লাহ্ আল-কাসরীর শাসনামলে খুরাসানে নিহত হন, তখন তুরকের সংহতি বিক্ষিপ্ত হয়ে পড়ে । তারা পরম্পর হামলা খুনাখুনি করতে শুরু করল । এমনকি দেশটা ধ্বংস হয়ে যাওয়ার উপক্রম হলো এবং তারা মুসলমানদের ব্যাপারে উদাসীন হয়ে পড়ে ।

এ বছর সাগাদের অধিবাসীরা খুরাসানের গভর্নর নাস্র ইব্ন সায়্যার-এর নিকট তাদেরকে স্বদেশে ফিরিয়ে দেওয়ার আবেদন জালায় এবং কয়েকটি শর্ত আরোপ করে । কিন্তু আলিমগণ তাদের শর্ত প্রত্যাখ্যান করেন । শর্তগুলো হলো, তাদের কেউ যদি ইসলাম ভাগ করে মুরতাদ হয়ে যায়, তাকে শাস্তি দেওয়া যাবে না, তাদের থেকে মুসলিম বন্দীদেরকে ফিরিয়ে আনতে পারবে না ইত্যাদি । নাস্র ইব্ন সায়্যার তাদের এসব দাবী মেনে নিতে চেয়েছিলেন । কেননা, তারা মুসলমানদের মাঝে বেশ কাবু হয়ে গিয়েছিল । কিন্তু জনগণ এর জন্য গভর্নরকে তিরক্ষার করল । ফলে তিনি এ বিষয়ে হিশাম-এর নিকট পত্র লিখেন । হিশাম বিষয়টা আপাতত স্থগিত রাখেন । কিন্তু পরে যখন দেখতে পেলেন, তারা যদি মুসলমানদের বিরুদ্ধাচরণ অব্যাহত রাখে, তাহলে আরো বেশী ক্ষতিকর হবে । ফলে হিশাম তাদের দাবী মেনে নেন ।

ওদিকে ইরাকের গভর্নর ইউসুফ ইব্ন উমর আমীরল মু'মিনীনের নিকট প্রতিনিধি প্রেরণ করে খুরাসানের গভর্নরী তাকে প্রদান করার আবেদন জালান । তারা নাস্র ইব্ন সায়্যার সম্পর্কেও আলোচনা করে যে, যদিও তিনি দৃঢ়সাহসী বীর পুরুষ, কিন্তু এখন তিনি বৃদ্ধ হয়ে গেছেন এবং তার দৃষ্টিশক্তি দুর্বল হয়ে গেছে । তিনি কাছে থেকে আওয়ায় না শুনে কাউকে চিনেন না । কিন্তু হিশাম প্রস্তাবটির প্রতি কর্ণপাত করলেন না এবং খুরাসানের গভর্নরের পদে নাস্র ইব্ন সায়্যারকেই বহাল রাখেন ।

ইব্ন জারীর বলেন : এ বছর ইয়ায়ীদ ইব্ন হিশাম ইব্ন আবদুল মালিক লোকদেরকে হজ্জ করান । তখন উপরে উল্লিখিত ব্যক্তিবর্গ বিভিন্ন প্রদেশের গভর্নর ছিলেন ।

এ বছর দামেশ্কের রবীআ ইব্ন ইয়ায়ীদ আল-কাসীর, আবু ইউনুস সুলায়মান ইব্ন জুবায়র, সাম্মাক ইব্ন হারব ও মুহাম্মদ ইব্ন ওয়াসি 'ইব্ন হায়্যান মৃত্যুবৈ পতিত হন । আমি আমার গ্রন্থ আত-তাকমীল-এ তাদের জীবন-চরিত আলোচনা করেছি । সকল প্রশংসা মহান আল্লাহর । মুহাম্মদ ইব্ন ওয়াসি' বলেন : কিয়ামতের দিন সর্বপ্রথম যাদেরকে হিসাবের জন্য ডাকা হবে, তারা হলো বিচারকগণ ।

তিনি আরো বলেন : পাঁচটি বিষয় অন্তরকে মেরে ফেলে । ১. পাপের উপর পাপ করা, ২. মৃতদের সঙ্গে উঠাবসা করা । জিজ্ঞাসা করা হলো, 'মৃত' কারা ? তিনি বললেন : বিলাসী বিস্তবান ও অত্যাচারী রাজা । ৩. মহিলাদের অধিক বাগড়া-বিবাদ করা । ৪. মহিলাদের বেশী কথা বলা এবং ৫. পরিবার-পরিজন নিয়ে ব্যক্ত থাকা ।

মালিক ইব্ন দীনার বলেন : আমি সেই ব্যক্তিকে ঈর্ষা করি, যার প্রয়োজন পরিমাণ জীবিকা রয়েছে এবং তাতে সে তুষ্ট ।

মুহাম্মদ ইব্ন ওয়াসি' বলেন : আল্লাহর শপথ, আমি সেই ব্যক্তিকে ঈর্ষা করি, যে ব্যক্তি ক্ষুধার্ত অবস্থায় রাত পোহায়, অথচ, সে মহান আল্লাহর প্রতি সন্তুষ্ট ।

তিনি আরো বলেন : দুনিয়ার তিনটি বস্তু ছাড়া আর কোনটিতে আমার আফসোস নেই । ১. সেই ব্যক্তি, আমি বাঁকা হয়ে গেলে আমাকে সোজা করে দেবে । ২. জামাআতে নামায আদায় করা, যা আমার ভূলের বোঝা অন্যের ঘাড়ে চাপিয়ে দেয় এবং তার ফয়লত লাভে ধন্য হই । ৩. এতটুকু খাদ্য, যা ভোগ করলে কেউ খোঁটা দিবে না এবং তার জন্য মহান আল্লাহর নিকটও জবাবদিহি করতে হবে না ।

রাওয়াদ ইবনুর রবী' বলেন : আমি মুহাম্মদ ইব্ন ওয়াসি'কে একদিন বাজার 'পরিদর্শন করতে দেখলাম । তিনি বিক্রির জন্য একটি গাধা দেখাচ্ছিলেন । তখন এক ব্যক্তি তাঁকে জিজ্ঞাসা করল, আপনি কি গাধাটা আমার জন্য পসন্দ করেন ? তিনি বললেন : আমি যদি তার প্রতি সন্তুষ্ট থাকতাম, তাকে বিক্রি করতাম না ।

মুহাম্মদ ইব্ন ওয়াসি' যখন শয্যাশয়ী হয়ে পড়েন, তখন তাঁকে দেখার জন্য বহু লোক আসা-যাওয়া করতে শুরু করল । তাঁর এক সহচর বলল, আমি তাঁর নিকট গেলাম । দেখলাম, একদল মানুষ বসে আছে আর একদল দাঁড়িয়ে । তিনি এই অবস্থা দেখে বললেন : কাল যখন কপাল ও পায়ে ধরে আমাকে জাহানামে নিক্ষেপ করা হবে, তখন এরা আমার কী কাজে আসবে ?

কোন এক খলীফা গরীব জনগণের মাঝে বট্টন করার জন্য বিপুল পরিমাণ ধন-সম্পদ বসরা প্রেরণ করেন এবং তার থেকে কিছু মুহাম্মদ ইব্ন ওয়াসিকে দেওয়ার নির্দেশ দেন । কিন্তু তিনি তা গ্রহণ করলেন না এবং ছুইলেনও না । পক্ষান্তরে, মালিক ইব্ন দীনার খলীফা তাঁর জন্য যতটুকু আদেশ করেছেন, গ্রহণ করলেন এবং তা দ্বারা কয়েকটি গোলাম ক্রয় করে আযাদ করে দেন, নিজের জন্য কিছুই রাখলেন না । কিন্তু মুহাম্মদ ইব্ন ওয়াসি' এসে বাদশাহর উপটোকন গ্রহণ করার জন্য তাঁকে তিরক্ষার করে বললেন : মালিক ! কারণ কী ? আপনি বাদশাহর উপটোকন গ্রহণ করলেন যে ! মালিক ইব্ন দীনার বললেন : আবু আবদুল্লাহ ! গ্রহণ করে আমি সেগুলো কী করেছি আমার সঙ্গীদেরকে জিজ্ঞাসা করুন । সঙ্গীরা বলল : তিনি সেই সম্পদ দ্বারা গোলাম ক্রয় করে মুক্ত করে দিয়েছেন । শুনে মুহাম্মদ ইব্ন ওয়াসি' বললেন : আমি মহান আল্লাহর দোহাই দিয়ে আপনাকে জিজ্ঞাসা করছি, তারা আপনার নিকট এসে পৌছানোর আগে আপনার অন্তরটা যেমন ছিল, এখন কি তেমন আছে ? শুনে মালিক ইব্ন দীনার দাঁড়িয়ে গেলেন এবং মাথায় মাটি মাথিয়ে বললেন : আসলে মুহাম্মদ ইব্ন ওয়াসি'-ই মহান আল্লাহকে চিনেন । আর মালিক হলো একটা গাধা, মালিক হলো একটা গাধা । উল্লেখ্য, মুহাম্মদ ইব্ন ওয়াসি'-এর একপ আরো বহু কথাবার্তা রয়েছে । মহান আল্লাহ তাঁর প্রতি রহম করুন ।

১২৪ হিজরী সন

এ বছর সুলায়মান ইব্ন হিশাম ইব্ন আবদুল মালিক রোমে যুদ্ধ করেন । তিনি রোমান রাজা আলিউন-এর সঙ্গে মোকাবেলা করে নিরাপত্তা ও গনীমত অর্জন করেন ।

এ বছর বনু আকবাস-এর একদল দাওয়াতকর্মী খোরাসান থেকে পবিত্র মক্কার উদ্দেশ্যে রওয়ানা হয় । কৃফা অতিক্রম করার সময় তারা জানতে পারে, খালিদ আল-কাসরীর একদল

নায়েব ও আমীর কারাগারে আবদ্ধ রয়েছেন, যাদেরকে ইউসুফ ইবন উমর আটক করে রেখেছেন। তারা কারাগারে গিয়ে তাদের সঙ্গে সাক্ষাৎ করে বনূ আববাস-এর পক্ষে বায়আতের আহ্বান জানায়। তারা তাদের আহ্বান কবৃল করে নেন। তারা কারাগারে তাদের নিকট আবু মুসলিম আল-খোরাসানীকে দেখতে পান। বয়সে তিনি বয়ঞ্চ এবং ঈসা ইবন মুকবিল আল-আজালীর সেবায় নিয়োজিত। তিনিও বন্দী। বনূ আববাস-এর দাওয়াতকর্মীরা তার সাহসিকতা, শক্তি এবং মুনীবের সঙ্গে এ পর্যন্ত চলে আসায় বিশ্বিত হয়। ফলে বাকর ইবন হাসান তাকে তার মুনীব থেকে চারশত দিরহাম দ্বারা ক্রয় করে নেন। তারা তাকে নিয়ে ফিরে আসে এবং তাকে বনূ আববাস-এর দাওয়াতের কাজের নেতা নিযুক্ত করে দেয়। ফল এই দাঁড়াল যে, তারা আবু মুসলিম খোরাসানীকে যেখানেই প্রেরণ করত, তিনি সফলকাম হয়ে ফিরে আসতেন। তার পরবর্তী ঘটনাবলী আমরা পরে উল্লেখ করব ইনশা আল্লাহ্।

ওয়াকিদী বলেন : এ বছর মুহাম্মদ ইবন আবদুল্লাহ ইবন আববাস ইন্তিকাল করেন। তিনি সেই ব্যক্তি, বনূ আববাস-এর দাওয়াতকর্মীরা তাঁর নিকট দাওয়াত নিয়ে আসত। মৃত্যুর পর ছেলে আবুল আববাস আস-সাফ্ফাহ তাঁর স্তলাভিষিক্ত হন। সঠিক তথ্য হলো, তিনি এর পরের বছর ইন্তিকাল করেন।

ওয়াকিদী ও আবু মা'শার বলেন : এ বছর আবদুল আয়ীয় ইবনুল হাজ্জাজ ইবন আবদুল মালিক মানুষকে হজ্জ করান। তাঁর সঙ্গে তাঁর স্ত্রী উল্লে মুসলিম ইবন ইশাম ইবন আবদুল মালিকও হজ্জ করেন। কেউ কেউ বলেন : এ বছর মানুষকে হজ্জ করান মুহাম্মদ ইবন হিশাম ইবন ইসমাইল। ওয়াকিদী এই অভিমত ব্যক্ত করেছেন। প্রথম অভিমতটি উল্লেখ করেছেন ইবন জারীর। মহান আল্লাহ্ ভাল জানেন। হিজায়ের নায়েব মুহাম্মদ ইবন হিশাম ইবন ইসমাইল উল্লে মুসলিম-এর দরযায় দাঁড়িয়ে থাকতেন এবং তার নিকট উপটোকন-হাদিয়া প্রেরণ করতেন এবং ঝটি-বিচুতির জন্য তার নিকট ওয়রখাহী করতেন। কিন্তু উল্লে মুসলিম সেদিকে জঙ্গেপ করতেন না। সে সময় উপরিউক্ত লোকেরা-ই নগরীর গভর্নর ছিলেন। এ বছর যারা মৃত্যুমুখে পতিত হন :

আল-কাসিম ইবন আবু বায়বা

আবু আবদুল্লাহ আল-মক্কী আল-কারী। আবদুল্লাহ ইবনুস সায়িব-এর গোলাম। মহান তাবিদী। আবুত-তুফায়ল আমির ইবন ওয়াসিলা থেকে হাদীস বর্ণনা করেছেন। তার থেকে বর্ণনা করেছেন একদল লোক। ইমামগণ তাঁকে নির্তরযোগ্য বলে অভিমত ব্যক্ত করেছেন। সঠিক অভিমত অনুযায়ী তিনি এ বছর মৃত্যুমুখে পতিত হন। কেউ বলেন : এর পরের বছর। কেউ বলেন : একশত চৌদ্দ হিজরীতে। কেউ বলেন : একশত পনের হিজরীতে। মহান আল্লাহই ভাল জানেন।

যুহরী (র)

মুহাম্মদ ইবন মুসলিম ইবন উবায়দুল্লাহ ইবন আবদুল্লাহ ইবন শিহাব ইবন আবদুল্লাহ ইবনুল হারিস ইবন যুহরা ইবন কিলাব ইবন মুররা, আবু বাকর আস-কারাশী আয-যুহরী (র) ইসলামের বিখ্যাত ইমামগণের একজন। মহান তাবিদী। বহুসংখ্যক তাবিদী প্রমুখ তাঁর থেকে হাদীস বর্ণনা করেন।

হাফিয় ইব্ন আসাকির বর্ণনা করেন যে, যুহুরী বলেন : একদা পবিত্র মদীনাবাসী চরম দুর্ভিক্ষে নিপত্তি হয়। ফলে আমি দামেশকে চলে গেলাম। আমার সঙ্গে অনেক পরিজন ছিল। আমি দামেশকের জামে' মসজিদে গিয়ে বড় মজলিসটায় বসে পড়লাম। হঠাৎ আমীরুল মু'মিনীন আবদুল মালিক-এর নিকট থেকে এক ব্যক্তি বেরিয়ে এসে আমাকে বলল : আমীরুল মু'মিনীন একটি মাসআলা নিয়ে সমস্যায় পড়েছেন। সে ব্যাপারে তিনি সাইদ ইবনুল মুসায়িব থেকে যা শুনেছেন, তা নিজে যা জানেন, তার উল্টো। মাসআলাটা হলো, উম্মুহাতুল আওলাদ সংক্রান্ত। সাইদ ইবনুল মুসায়িব তার অভিমতটি বর্ণনা করেছেন উমর ইবনুল খাতাব থেকে। আমি বললাম : আমি উমর ইবনুল খাতাব থেকে বর্ণিত সাইদ ইবনুল মুসায়িব-এর হাদীস জানি। ফলে লোকটি আমাকে ধরে আবদুল মালিক-এর নিকট নিয়ে যায়। আবদুল মালিক আমাকে জিজ্ঞাসা করলেন : আপনি কোন বংশের লোক ? আমি তাঁকে আমার বংশ পরিচয় দিলাম এবং তাঁকে আমার ও পরিবার-পরিজনের কথা জানালাম। তিনি আমাকে জিজ্ঞাসা করলেন : আপনি কি কুরআনের হাফিয় ? আমি বললাম : হ্যাঁ। ফরয-সুন্নাতও জানা আছে। তিনি আমাকে সবকিছু জিজ্ঞাসা করলেন। আমি তাকে জবাব দিলাম। ফলে তিনি আমার খণ্ড পরিশোধ করে দেন এবং আমার জন্য উপটোকনের নির্দেশ দেন এবং বললেন : আপনি ইল্ম অবেষণ করুন। আমি আপনাতে শৃতিশক্তিসম্পন্ন চোখ ও মেধাবী অন্তর দেখতে পাচ্ছি।

যুহুরী (র) বলেন : ফলে আমি পবিত্র মদীনায় ফিরে এসে ইল্ম অনুসন্ধানে নেমে পড়লাম। এক পর্যায়ে আমি শুনতে পেলাম, কুবার এক মহিলা একটি বিশ্঵ায়কর স্বপ্ন দেখেছে। আমি তার নিকট গিয়ে তাকে সে বিষয়ে জিজ্ঞাসা করলাম। সে বলল : আমার স্বামী একজন খাদেম, একটি গৃহপালিত পশ্চ ও কিছু খেজুর গাছ রেখে নিরাঙ্গদেশ হয়ে গেছেন। আমরা পশ্চটার দুধ পান করে এবং খেজুর-গাছের ফল খেয়ে জীবিকা নির্বাহ করছি। সেদিন আমি তন্দ্রাঙ্গন ছিলাম। সে সময়ে আমি দেখতে পেলাম, আমার বড় ছেলে- যে কিনা একজন শক্তিশালী যুবক- এগিয়ে এসে একটি ছুরি নিয়ে পশ্চটির বাচ্চাটাকে ঘৰাহু করে ফেলে এবং বলে : এই বাচ্চাটা আমাদের দুধের সংকট সৃষ্টি করে থাকে। তারপর সে বাচ্চাটাকে কেটে টুকরো টুকরো করে একটি পাতিলে রাখে। তারপর পুনরায় ছুরিটা নিয়ে সে তার ছোট ভাইটিকে খুন করে ফেলে। তারপর ভীত-সন্ত্রন্ত অবস্থায় আমার ঘূম ভেঙ্গে যায়। আমার বড় ছেলে এসে বলল : দুধ কোথায় ? আমি বললাম, বাবা! দুধ তো পশ্চর বাচ্চা খেয়ে ফেলেছে। শুনে সে বলল : ও-ই আমাদের দুধের সংকট সৃষ্টি করল। তারপর সে ছুরি নিয়ে বাচ্চাটাকে ঘৰাহু করে কেটে টুকরো টুকরো করে পাতিলে রেখে দিল। ঘটনা দেখে আমি তয় পেয়ে গেলাম এবং ছোট ছেলেটাকে নিয়ে এক পড়শীর ঘরে লুকিয়ে রাখলাম। তারপর ভীত-সন্ত্রন্ত অবস্থায় আমি ঘরে ফিরে গেলাম। এবার আমার চোখে ঘূম এসে যায়। আমি ঘুমিয়ে পড়লাম। এবার স্বপ্নে দেখলাম, এক ব্যক্তি বলছে : কী ব্যাপার, তুমি চিন্তিত কেন ? আমি বললাম : আমি একটি স্বপ্ন দেখে তয় পেয়েছি। সে বলল : স্বপ্ন ! স্বপ্ন ! তারপর এক রূপসী মহিলা এগিয়ে আসে। লোকটি বলল : তুমি এই নেক্কার মহিলার নিকট কেন এসেছ ? মহিলা বলল : ভাল উদ্দেশ্যেই এসেছি। লোকটি বলল : স্বপ্ন ! স্বপ্ন ! এবার অপর এক মহিলা- যে প্রথম মহিলার তুলনায় কম রূপসী- এগিয়ে আসে। লোকটি বলল : আপনি এই নেক্কার মহিলার নিকট কী উদ্দেশ্যে এসেছেন ? মহিলা বলল : আমি সৎ উদ্দেশ্যেই এসেছি। তারপর লোকটি বলল :

দুঃস্থপ্ত! দুঃস্থপ্ত!! এবার একজন কালো কুৎসিত মহিলা এগিয়ে আসে। লোকটি বলল : আপনি এই নেককার মহিলার নিকট কেন এসেছেন ? মহিলা বলল : সে তো একজন নেককার মহিলা। তাই আমি তাকে কিছু সময় শিক্ষা প্রদান করতে চেয়েছি। তারপর আমি জেগে যাই। আমার ছেলে এসে খাবার রেখে বলল : আমার ভাই কোথায় ? আমি বললাম : তাকে এক প্রতিবেশীর বাড়ীতে লুকিয়ে রাখা হয়েছে। আমি তার পিছনে পিছনে গেলাম। যেন আমি তাকে পথ দেখিয়ে নিয়ে গেছি। সে এগিয়ে গিয়ে তাকে কোলে করে নিয়ে এসে রেখে দিল। আমরা সকলে বসে খাবার খেলাম।

যুহরী (র) মুআবিয়া (রা)-এর শাসনামলের শেষ দিকে আটান্ন হিজরাতে জন্মগ্রহণ করেন। তিনি বেঁটে ও স্বল্প শুশ্রামপ্রিয় ছিলেন। গায়ে লস্বা লস্বা পশম ছিল। গওড়য় ছিল হালকা।

ইতিহাসবিদগণ বলেছেন : তিনি মাত্র আটাশি দিনে কুরআন পাঠ সমাপ্ত করেছেন এবং সাইদ ইবনু মুসায়িব-এর হাঁটুর সঙ্গে হাঁটু মিশিয়ে আট বছর উঠাবসা করেছেন। তিনি উবায়দুল্লাহ ইবন আবদুল্লাহর খেদমত করতেন এবং তাকে লবণাক্ত পানি সরবরাহ করতেন। তিনি হাদীস বিশারদগণের দ্বারে দ্বারে ঘুরে বেড়াতেন। তাঁর সঙ্গে কাঠ, চামড়া ইত্যাদির পাত থাকত, যার উপর শুভ্র হাদীস ও অন্যসব বাণী লিপিবদ্ধ করতেন। ফলে তিনি তৎকালের শ্রেষ্ঠ আলিমে পরিগণ্ত হন। মানুষ তাঁর মুখাপেক্ষী হয়ে পড়ে।

যুহরী (র) থেকে মাঝের সূত্রে আবদুর রায়্যাক বর্ণনা করেন যে, যুহরী (র) বলেন : আমীরগণ বাধ্য না করা পর্যন্ত আমরা ইল্ম লিপিবদ্ধ করা অপসন্দ করতাম। পরে আমরা কাউকে ইল্ম লিখতে নিষেধ না করার সিদ্ধান্ত গ্রহণ করলাম।

আবু ইসহাক বলেন : যুহরী উরওয়ার নিকট হতে ফিরে এসে তার দাসীকে- যার মুখে তোতলামি ছিল- উদ্দেশ্য করে বলতেন : ‘আমার নিকট উরওয়াহ বর্ণনা করেছেন, তাকে অযুক বর্ণনা করেছেন।’ তারপর তিনি উরওয়ার নিকট যা কিছু শুনে এসেছেন, দাসীকে উদ্দেশ্য করে তার বিশদ বিবরণ প্রদান করতেন। দাসী বলত, আল্লাহ’র শপথ! আপনি যা বলছেন, আমি তার কিছুই বুঝছি না। জবাবে যুহরী (র) তাকে বলতেন : চুপ কর ইতর! আমি তোমাকে শোনাচ্ছি না- শোনাচ্ছি নিজেকে।

তারপর তিনি দামেশকে আবদুল মালিক-এর নিকট চলে যান। যেমনটি আমরা ইতোপূর্বে উল্লেখ করেছি। আবদুল মালিক তাঁর ঝগ পরিশোধ করে দেন এবং তাঁর জন্য রাস্তীয় কোষাগার থেকে ভাতা চালু করে দেন। পরে তিনি আবদুল মালিক-এর একজন সহচরে পরিগত হন। তাঁরপর আবদুল মালিক-এর দুই ছেলে ওয়ালীদ ও সুলায়মান-এর নিকটও একইভাবে জীবন অতিবাহিত করেন। তিনি উমর ইবন আবদুল আয়ীফ এবং ইয়ায়ীদ ইবন আবদুল মালিক-এর সান্নিধ্যেও অনুরূপ অবস্থান করেন। ইয়ায়ীদ ইবন আবদুল মালিক সুলায়মান ইবন হাবীব-এর সহকারী বিচারপতি নিযুক্ত করেন। অবশেষে তিনি হিশাম-এর প্রিয়ভাজন হয়ে জীবন অতিবাহিত করেন। হিশাম তাঁর সঙ্গে হজ্জ করেন এবং হিশাম-এর এক বছর পূর্বে এই বছর ইন্তিকাল করা পর্যন্ত যুহরী (র) হিশাম-এর ছেলেদের শিক্ষকের দায়িত্ব পালন করেন।

ইবন ওয়াহব বলেন : আমি লায়ছকে বলতে শুনেছি যে, ইবন শিহাব বলেছেন : আমি আমার অন্তরে যখন যা কিছু গচ্ছিত রেখেছি, তা-ই ভুলে গেছি। লায়ছ বলেন : ইবন শিহাব

ছেব এবং ইন্দুরের উচ্চিষ্ট খাওয়া অপসন্দ করতেন এবং বলতেন : এগুলো সৃতিশক্তি বিনষ্ট করে দেয় । পক্ষান্তরে, তিনি মধু পান করতেন আর বলতেন : মধু সৃতিশক্তি বৃদ্ধি করে । ফারিদ ইব্ন আকরাম যুহরী সম্পর্কে বলেছেন :

زَرْدًا وَأَشْنِ عَلَى الْكَرِيمِ مُحَمَّدٍ * وَإِذَا فَوَاضَلَهُ عَلَى الْأَصْحَابِ
وَإِذَا يُقَالُ مِنَ الْجَوَادِ بِمَاكَنَ * قَبْلَ الْجَوَادِ مُحَمَّدُ بْنُ شِهَابٍ
أَهْلُ الدَّائِنِ يَعْرَفُونَ مَكَانَهُ * وَرَبِيعُ نَادِيهِ عَلَى الْأَعْرَابِ
يَشْرِى وَفَاءَ جَفَانِهِ وَيَمْدَهَا * بَكْسُورٌ اِنْتَاجٌ وَفَتْقٌ لِبَنَابٍ

তুমি মহানুভব মুহাম্মদ-এর সঙ্গে সাক্ষাত কর, তাঁর প্রশংসা কর এবং সঙ্গীদের নিকট তাঁর মর্যাদা বর্ণনা কর ।

যখন জিঞ্জাসা করা হয়, দানশীল ব্যক্তি কে ? উত্তর আসে, দানশীল হল, মুহাম্মদ ইব্ন শিহাব ।

মাদায়িনবাসী তাঁর মর্যাদা জানে এবং আরবের উপর তার সহচরদের মর্যাদা স্বীকৃত ।

ইব্ন মাহদী বলেন : আমি মালিককে বলতে শুনেছি—একদিন যুহরী (রা) হাদীস বর্ণনা করেন । যখন তিনি উঠে দাঁড়ান, আমি তাঁর বাহনের লাগাম ধরে ফেলে বিষয়টি খোলাসা করে বুঝিয়ে দিতে বললাম : তিনি আমাকে বললেন : তুমি আমাকে খোলাসা করে বুঝাতে বলছ ? আমি তো কখনো কোন আলিমকে বুঝাতে বশিনি এবং কখনো কোন আলিমের বক্তব্য প্রত্যাখ্যান করিনি । তারপর ইব্ন মাহদী বলতে শুরু করলেন : সে এক দীর্ঘ আলোচনা । তা হলো, যুদ্ধ বিষয়ক আলোচনা ।

সাঈদ ইব্ন আবদুল আয়ীয় থেকে যথাক্রমে ওয়ালীদ ইব্ন মুসলিম ও হিশাম ইব্ন খালিদ আস-সালামী সুত্রে ইয়াকুব ইব্ন সুফিয়ান বর্ণনা করেন যে, সাঈদ ইব্ন আবদুল আয়ীয় বলেন : হিশাম ইব্ন আবদুল মালিক যুহরীকে তাঁর পুত্রদের জন্য কিছু হাদীস লিখে দেওয়ার আবেদন জ্ঞানালেন । যুহরী তাঁর কাতিব দ্বারা চারশত হাদীস লিখিয়ে দেন । তারপর হাদীস বিশারদদের নিকট গিয়ে হাদীসগুলো বর্ণনা করেন । কিছুক্ষণ পর হিশাম তাঁকে বললেন : সেই কিতাবটি তো হারিয়ে গেছে । যুহরী বললেন : অসুবিধা নেই । তাঁরপর উক্ত হাদীসগুলো তিনি পুনরায় লিখিয়ে দেন । এবার হিশাম প্রথম কিতাবটি বের করে মিলিয়ে দেখেন, তিনি একটি বর্ণও ছাড়েননি । বস্তুত হিশাম তার সৃতিশক্তি পরীক্ষা করতে চেয়েছিলেন ।

উমর ইব্ন আবদুল আয়ীয় বলেন : আমি যুহরী অপেক্ষা কাউকে অধিক হাদীস বর্ণনা করতে দেখিনি ।

সুফিয়ান ইব্ন উয়ায়নাহ বর্ণনা করেন যে, আমর ইব্ন দীনার বলেছেন : আমি যুহরী অপেক্ষা অধিক হাদীস বর্ণনাকারী আর কাউকে দেখিনি । তাঁর নিকট দীনার-দিরহামের তুলনায় মূল্যহীন বস্তু আর কিছু ছিল না । তাঁর নিকট দীনার-দিরহাম বিষ্ঠা অপেক্ষা বেশী মূল্যবান ছিল না ।

আমর ইব্ন দীনার বলেন : আমি জাবির, ইব্ন আবাস, ইব্ন উমর ও ইবনুয় যুবায়র-এর সঙ্গে উঠাবসা করেছি । কিন্তু যুহরী অপেক্ষা অধিক হাদীস বর্ণনাকারী আর কাউকে পাইনি ।

ইমাম আহমাদ বলেন : হাদীসে সুন্দরতম এবং সনদে উৎকৃষ্টতম মানুষ হলেন যুহরী। নাসাই বলেন : যুহরী আলী ইবনুল হসায়ন হতে আলী ইবনুল হসায়ন তার পিতা হতে, তাঁর পিতা তার দাদা হতে, তিনি রাসূলপ্রাহ (সা) হতে এই সনদটি হলো উত্তম সনদ।

সাঈদ বর্ণনা করেন যে, যুহরী বলেছেন : আমি পঁয়তালিশটি বছর হিজায হতে সিরিয়া, সিরিয়া হতে হিজায ছুটে বেড়িয়েছি। এই দীর্ঘ সময়ে আমি এমন একটি হাদীসও শুনিনি, যাকে আমি নতুন ভাবতে পারি।

লায়ছ বলেন : আমি ইবন শিহাব অপেক্ষা সর্ব বিষয়ে অভিজ্ঞ আলিম আর দেখিনি। আমি তাকে তারগীব ওয়া তারহীব (উৎসাহব্যঞ্জক ও ভীতিকর) হাদীস বর্ণনা করতে শুনলে বলতাম, এ ছাড়া সুন্দর হাদীস আর নেই। যদি আবিয়া আলায়হিস্ সালাম ও আহলে কিতাব সম্পর্কে হাদীস বর্ণনা করতেন, তাহলে বলতাম, তাঁর এ ছাড়া উত্তম হাদীস আর নেই। যদি তিনি আরব ও বংশ বিষয়ক হাদীস বর্ণনা করতেন, আমি বলতাম, এ ছাড়া তাঁর আর কেোন উত্তম হাদীস নেই। যদি তিনি কুরআন-সুন্নাহ সম্পর্কে হাদীস বর্ণনা করতেন, তখন তাঁর হাদীস হতো অভিনব ও ব্যাপক অর্থবোধক। তিনি বলতেন : হে আগ্রাহ! আমি তোমার নিকট তোমার ইল্ম পরিবেষ্টন করে, এমন সকল কল্যাণ প্রার্থনা করছি এবং তোমার ইল্ম পরিবেষ্টন করে এমন সব অকল্যাণ থেকে তোমার নিকট আশ্রয় প্রার্থনা করছি— দুনিয়াতে ও আবিরাতে।

লায়ছ বলেন : আমি যত মানুষ দেখেছি, যুহরী তাদের সকলের চেয়ে বেশী দানশীল। যে-ই তাঁর নিকট আসত এবং প্রার্থনা করত, তিনি তাকেই দান করতেন। এমনকি যখন তাঁর নিকট কিছুই অবশিষ্ট থাকত না, তখন ঝণ করতেন। তিনি মানুষকে ছারীদ খাওয়াতেন ও মধু পান করাতেন। মদ্যপরা যেমন নিয়মিত মদপান করে থাকে, তেমনি তিনি মধু পান করতেন এবং বলতেন : তোমরা আমাদেরকে মধু পান করাও আর হাদীস শোনাও। কেউ তন্দ্রাচ্ছন্দ হয়ে পড়লে তিনি বলতেন : তুমি তো কুরায়শের গল্পকার নও। তাঁর সবুজ রং ঢালনো একটি গুরুজ ছিল। গুরুজটি হলুদ বর্ণের কাপড় ধারা আবৃত ছিল এবং তার ফরাশও ছিল হলুদ রং মাথা।

লায়ছ বলেন : ইয়াহহীয়া ইবন সাঈদ বলেছেন : ইবন শিহাব-এর নিকট যতটুকু ইল্ম অবশিষ্ট রয়েছে অন্য কারো নিকট ততটুকু অবশিষ্ট নেই।

আবদুর রায়খাক মা'মার সূত্রে বর্ণনা করেন যে, উমর ইবন আবদুল আয়ীয বলেছেন : তোমরা ইবন শিহাবকে আঁকড়ে ধর। কেননা, বিগত বীতি-নীতি বিষয়ে তিনি অপেক্ষা বড় জ্ঞানী আর কেউ নেই। মাকহুলও অনুরূপ বলেছেন।

আয়ুব বলেন : আমি যুহরী অপেক্ষা বড় আলিম আর কাউকে দেখিনি। তাঁকে জিজ্ঞাসা করা হলো, হাসানও নন? তিনি বললেন : আমি যুহরীর চেয়ে বড় আলিম কাউকে দেখিনি। মাকহুলকে জিজ্ঞাসা করা হলো : যত লোকের সঙ্গে আপনার সাক্ষাৎ হয়েছে তাদের মধ্যে বড় আলিম কে? তিনি বললেন : যুহরী। জিজ্ঞাসা করা হলো, তারপর কে? বললেন : যুহরী। জিজ্ঞাসা করা হলো : তারপর কে? তিনি বললেন : যুহরী।

মালিক বলেন : যুহরী যখন পবিত্র মদীনাহ প্রবেশ করতেন, বের না হওয়া পর্যন্ত কারো সঙ্গে কথা বলতেন না।

আবদুর রায়খাক বর্ণনা করেন যে, উয়ায়লাহ বলেছেন : হিজাযবাসীদের মুহাদ্দিস হলেন তিনজন। যুহরী, ইয়াহহীয়া ইবন সাঈদ ও ইবন জুরায়জ।

আলী ইবনুল মাদীনী বলেন : যারা ফাতওয়া প্রদান করেছেন, তারা হলেন চারজন। যুহরী, হাকাম, হাস্মাদ ও কাতাদা। আমার মতে এই ক'জনের মধ্যে যুহরী বড় ফকীহ।

যুহরী বলেছেন : তিনটি বিষয় এমন আছে, যদি সেগুলো কোন বিচারকের মধ্যে বিদ্যমান থাকে, তাহলে তিনি বিচারক নন। নিন্দাবাদকে অপসন্দ করা, প্রশংসাকে ভালবাসা এবং পদচূড়তিকে অপসন্দ করা।

আহমাদ ইবন সালিহ বলেন : বলা হতো, সেকালের বাগীরা হলেন যুহরী, উমর ইবন আবদুল আয়ীয়, মুসা ইবন তালহা ও উবায়দুল্লাহ (র)।

মালিক যুহরী হতে বর্ণনা করেন যে, তিনি বলেছেন : এই ইল্ম, যার মাধ্যমে মহান আল্লাহ তাঁর রাসূলকে এবং আল্লাহর রাসূল তাঁর উম্মতকে আদব শিক্ষাদান করেছেন, তা হলো রাসূলের প্রতি মহান আল্লাহর আমানত। রাসূলুল্লাহ (সা)-এর কর্তব্য ছিল, যথাযথ লোকদের নিকট এই আমানত পৌছিয়ে দেওয়া। কাজেই যে ব্যক্তি কোন ইল্ম শুনতে পাবে, সে যেন নিজের সম্মুখে আল্লাহ ও আল্লাহর রাসূলের প্রমাণ স্বরূপ তাকে উপস্থাপন করে।

মুহাম্মদ ইবনুল হসায়ন ইউনুস সূত্রে যুহরী থেকে বর্ণনা করেন যে, যুহরী বলেন : সুন্নাত আঁকড়ে ধরা হলো যুক্তি। ওয়ালীদ আওয়াই সূত্রে বর্ণনা করেন যে, যুহরী বলেছেন : তোমরা রাসূলুল্লাহ (সা)-এর হাদীসকে শাসক বানাও যেভাবে তা এসেছে।

মুহাম্মদ ইবন ইসহাক বর্ণনা করেন যে, যুহরী বলেছেন : ইলমের আপদসমূহের একটি হলো, আলিম ইল্মকে বর্জন করবে, এমনকি তার ইল্ম চলে যাবে।

অপর এক বর্ণনায় আছে, ইলমের আপদসমূহের একটি হলো, আলিম ইল্ম অনুযায়ী আমল করা ত্যাগ করবে, ফলে তার ইল্ম চলে যাবে। কেননা, আলিমের ইল্ম দ্বারা কম উপকৃত হওয়া ইলমের একটি আপদ। ইলমের আরো একটি আপদ হলো ভুলে যাওয়া ও মিথ্যা বলা’ মিথ্যা বলা-ই জঘন্যতম আপদ।

যুহরী মাঝার সূত্রে বর্ণনা করেন যে, যুহরী বলেন : বৈঠক যখন দীর্ঘ হয়, তখন তাতে শয়তানের ভাগ স্থির হয়ে যায়।

একবার হিশাম যুহরীর আশি হাজার দিরহাম ঝণ পরিশোধ করে দিয়েছিলেন। এক বর্ণনায় আছে সতের হাজার। এক বর্ণনায় বিশ হাজার।

ইমাম শাফিউ বলেন : রঞ্জ ইবন হায়ওয়া একবার অপচয়ের জন্য যুহরীকে তিরক্ষার করলেন। তিনি ঝণ করতেন। রঞ্জ ইবন হায়ওয়া তাকে বললেন : এই জাতি তাদের হাতে যে সম্পদ আছে, আপনার থেকে তা আটকে রাখবে, আমি এই নিশ্চয়তা দিতে পারি না। ফলে আপনার ঝণের বোৰা ভারী-ই হতে থাকবে। বর্ণনাকারী বলেন : যেবাবে যুহরী তাঁর নিকট ব্যয় হ্রাস করবেন বলে প্রতিশ্রুতি দিলেন। পরে একদিন রঞ্জ ইবন হায়ওয়াহ তার নিকট দিয়ে অতিক্রম করেন। তিনি দেখেন, যুহরী খাবার সাজিয়ে রেখেছে এবং মধুর খাখণ্ড রেখে দিয়েছে। দেখে রঞ্জ দাঁড়িয়ে যান এবং বললেন : আবু বাকর! আমাদের জন্য আপনি এসব কী সাজিয়ে রেখেছেন? যুহরী বললেন : নেমে আসুন। অভিজ্ঞতা দানশীলকে শিক্ষা দিতে পারে না। এ প্রসঙ্গে কবি বলেন :

لَهُ سَمَائِبٌ جُودٌ فِي أَنَامِلِهِ * أَمْطَارٌ هَا الْفَضَّةُ الْبَيْضَاءُ وَالْذَّهَبُ
يَقُولُ فِي الْعَسْرِ إِنِّي سَرَتْ ثَانِيَةً * أَقْصَرْتَ عَنِ بَعْضِ مَا أَعْطَى وَمَا أَهْبَطْتُ
حَتَّى إِذَا عَادَ أَيَّامُ الْيَسَارِ لَهُ * رَأَيْتُ أَمْوَالَهُ فِي النَّاسِ تَنْتَهِبُ

তাঁর অঙ্গুলি মাঝে বদান্যতার মেঘমালা ভেসে বেড়ায়, যা বর্ষণ করে সাদা ঝুপা ও সোনা।

তিনি অভাবের সময় বলে থাকেন, যদি পুনর্বার সচ্ছলতা দাও, আমি পরিমিত ব্যয় করব।

কিন্তু যখন তিনি সচ্ছলতার দিনগুলোতে ফিরে আসেন আমি তখন তার সম্পদ লুক্ষিত হতে দেখেছি।

ওয়াকিদী বলেন : যুহুরী আটান্ন হিজরী সনে জন্মগ্রহণ করেন এবং একশত চবিশ হিজরীতে সহায়-সম্পদসহ শি'আবে যাবাদা-এ চলে আসেন। এসে তিনি এখানে বসতি স্থাপন করেন এবং এখানেই রোগাঙ্গাত হয়ে ইন্তিকাল করেন। মৃত্যুর সময় তিনি তাঁকে রাস্তার পার্শ্বে দাফন করার উসিয়ত করে যান। তিনি এই বছর রমযান মাসের সতের তারিখ ইন্তিকাল করেন। মৃত্যুকালে তাঁর বয়স ছিল পঁচাত্তর বছর।

ঐতিহাসবিদগণ বলেন : যুহুরী (র) নির্ভরযোগ্য অধিক হাদীস, ইল্ম ও বর্ণনার অধিকারী ছিলেন। ছিলেন ফকীহ ও সর্ববিদ্যায় বিদ্বান।

হসায়ন ইব্নুল মুতাওয়াকিল আল-আসকালানী বলেন : আমি ফিলিস্তীনের শি'আবে যাবাদায় যুহুরীর কবর দেখেছি। কবরটি উটের ন্যায় এবং চুনের আস্তর করা। আওয়া'ঈ একদিন তাঁর কবরের নিকট দাঁড়িয়ে বললেন ঃ হে কবর! জান কি তুমি, তোমার পেটে কত বিদ্যা ও সহনশীলতা গচ্ছিত রাখা হয়েছে? হে কবর! জান কি তুমি, তোমার অভ্যন্তরে কত বিদ্যা ও মহানুভবতা গচ্ছিত রাখা হয়েছে? জান কি, তুমি কত হাদীস ও বিধি-বিধানকে একত্র করেছ?

যুবায়র ইব্ন বাক্তার বলেন : যুহুরী বাহাতুর বছর বয়সে একশত চৌদ হিজরীর সতের রমযান সোমবার শি'আবে সানীনে সহায়-সম্পদসহ ইন্তিকাল করেন এবং রাস্তার পার্শ্বে সমাধিস্থ হন, যাতে পথিকরা তাঁর জন্য দুর্আ করেন।

কেউ কেউ বলেন : যুহুরী একশত তেইশ হিজরীতে মৃত্যুবরণ করেছেন। আবু মা'শার বলেন : একশত পঁচিশ হিজরীতে। তবে প্রথম অভিমতই সর্বাধিক সঠিক। মহান আল্লাহু ভাল জানেন।

সালিহ ইব্ন কায়সান থেকে যথাক্রমে মা'শার, আবদুর রায়যাক ও ইসহাক ইব্ন ইবরাহীম সুত্রে তাবারানী বর্ণনা করেন যে, সালিহ ইব্ন কায়সান বলেন : একদিন আমি ও যুহুরী ইল্ম অব্বেষণের লক্ষ্যে একত্রিত হলাম। তখন আমরা বলাবলি করলাম : আমরা তো হাদীস লিপিবদ্ধ করি। তো নবী পাক (সা) থেকে বর্ণিত হাদীসসমূহ আমরা লিপিবদ্ধ করেছি। তারপর যুহুরী বললেন : আসুন আমরা রাসূলে পাকের সাহাবীগণের বাণীও লিপিবদ্ধ করি। কেননা, তাও তো সন্নাহ। আমি বললাম : না, তো সন্নাহ নয়। কাজেই আমরা সেসব লিখ্ব না। সালিহ ইব্ন কায়সান বলেন : পরে যুহুরী সাহাবীগণের বাণী লিপিবদ্ধ করেছেন, আমি লিখিনি। ফলে তিনি সফলকাম হয়েছেন। আমি হারিয়েছি।

ইমাম আহমাদ বর্ণনা করেন, মা'শার বলেছেন : আমরা মনে করতাম, আমরা যুহুরী অপেক্ষা বেশী হাদীস সংগ্রহ করেছি। কিন্তু ওয়ালীদ-এর নিহত হওয়ার পর দেখতে পেলাম,

তার ভাষার থেকে বিপুল পরিমাণ খাতা-পত্র সরিয়ে নেওয়া হচ্ছে। জানতে পারলাম, এগুলো যুহুরী ইলমের অংশ বিশেষ।

লায়স ইব্ন সাদ বলেন : ইব্ন শিহাব-এর সম্মুখে খাবারের তশতরী রাখা হলো। এই অবস্থায় তিনি একটি হাদীসের আলোচনা উঠালেন। ফজর হয়ে গেল তার হাত খালাতেই রয়ে গেল। তাবারানী হাদীসটি বর্ণনা করেছেন এবং সহীহ বলে মন্তব্য করেছেন।

আসবাগ ইব্নুল ফারজ ইব্ন শুহুব ও ইউনুস সূত্রে বর্ণনা করেন যে, যুহুরী বলেছেন : আমলের একটি উপত্যকা আছে। যদি তুমি তাতে অবতরণ কর, তাহলে অবিলম্বে সেখান থেকে বেরিয়ে আসবে। কেননা, তুমি তাকে অতিক্রম করতে পারবে না, যতক্ষণ না সে তোমাকে অতিক্রম করে।

যুহুরী থেকে যথাক্রমে মালিক ইব্ন আনাস, মুহাম্মদ ইব্নুল হাসান ইব্ন যুবালা, যুবায়র ইব্ন বাক্তার ও আহমাদ ইব্ন ইয়াহ্যা সূত্রে তাবারানী বর্ণনা করেন যে, যুহুরী বলেন : আমি উবায়দুল্লাহ ইব্ন উত্বার খেদমত করেছি। তাঁর খাদিম বেরিয়ে আসলে জিজাসা করতেন, দরযায় কে ? দাসী উত্তর দিত : আপনার গোলাম উআয়মাশ অর্থাৎ তার ধারণা ছিল আমি তাঁর গোলাম। অথচ, আমি শুধু তাঁর খেদমত করতাম- তাঁর উয়ুর ব্যবস্থা করতাম।

যুহুরী থেকে যথাক্রমে মালিক ইব্ন আনাস, ছাউরী ও মুহাম্মদ ইব্ন আব্দুল সূত্রে আবদুল্লাহ ইব্ন আহমাদ বর্ণনা করেন, যুহুরী বলেছেন : আমরা আলিমের নিকট যাওয়া-আসা করতাম। তখন তাদের নিকট থেকে আমরা ইল্ম অপেক্ষা আদব শিক্ষা করা বেশী পসন্দ করতাম।

সুফিয়ান বলেন : যুহুরী বলতেন, অযুক্ত আমার নিকট বর্ণনা করেছেন। অথচ, তা তাঁর-ই ইলমের ভাষার থেকে বলেছেন। তিনি নিজেকে আলিম দাবী করতেন না।

মালিক বলেন : সর্বপ্রথম যিনি ইল্ম সংকলন করেন, তিনি হলেন ইব্ন শিহাব। আবুল মালীহ বলেন : হিশাম-ই সেই ব্যক্তি, যিনি যুহুরীকে হাদীস লিপিবদ্ধ করতে বাধ্য করেছিলেন। তারপর থেকেই মানুষ লিখতে শুরু করে।

রাশীদ ইব্ন সাদ বলেন, যুহুরী বলেছেন, ইল্ম হলো ভাষার। তার মুখ খুলে দেয় জিজাসা।

যুহুরী বলেন : বন্যপ্রাণী শিকার করার ন্যায় জিজাসার মাধ্যমে ইল্ম শিকার করা হতো।

ইব্ন শিহাব বেদুইনদের নিকট গমন করে তাদেরকে শিক্ষা দিতেন, যেন তিনি ইল্ম ভুলে না যান। তিনি বলেন : বিস্তৃতি ও পর্যালোচনা বর্জন ইল্ম ছিনিয়ে নেয়।

তিনি আরো বলেন : তুমি যদি এই ইল্ম আভ্যন্তরিতার মাধ্যমে অর্জন কর, তাহলে সে তোমাকে পরাজিত করে ফেলবে এবং তাতে তুমি সফলকাম হবে না। বরং দিন-রাত পরিশ্রম করে তুমি কোমলতার সাথে তাকে অর্জন কর।

তিনি আরো বলেন : আমার নিকট মানুষের বাগ্যিতার চেয়ে মানবতা বেশী মূল্যবান। তিনি আরো বলেন : ইল্ম হলো ধিক্র। পুরুষরাই কেবল তাকে ভালবাসে- নারীরা করে অপসন্দ।

যুহরী একদিন আবু হায়িম-এর নিকট দিয়ে পথ অতিক্রম করেন। তখন আবু হায়িম বলছিলেন : রাসূলগ্লাহ-সা) বলেছেন, আমার কী হলো, আমি এমন সব হাদীস দেখতে পাচ্ছি, যার নাকও নেই, বল্গাও নেই ? তিনি আরো বলেন : মানুষ ইল্ম চর্চা করা অপেক্ষা শ্রেষ্ঠ, মহান আল্লাহর আর কোন ইবাদত করেনি।

কাসিম ইবন হায়্যান থেকে যথাক্রমে ওয়ালীদ ইবন মুসলিম ও দুহায়ম সূত্রে ইবন মুসলিম আবু আসিম বর্ণনা করেন যে, কাসিম ইবন হায়্যান বলেন : আমি যুহরীকে বলতে শুনেছি : যে আলিম ইল্ম অনুযায়ী আমল করে না, মানুষ তার ইল্মের উপর আস্থা রাখে না। আর যে আলিমের উপর মহান আল্লাহ সন্তুষ্ট নন, মানুষ তাকে বিশ্বাস করে না।

ইউনুস সূত্রে যাম্রা বর্ণনা করেন যে, যুহরী বলেছেন : তুমি নিজেকে কিতাবের শৃংখল থেকে রক্ষা কর। আমি জিজাসা করলাম, কিতাবের শৃংখল কী ? তিনি বললেন : তার যোগ্য ব্যক্তিকে তার থেকে আটকে রাখা।

ইমাম শাফিউ যুহরী থেকে বর্ণনা করেছেন যে, যুহরী বলেছেন : খাতাপত্র ব্যতীত মজলিসে উপস্থিত হওয়া অপমান।

আসমাঈ মালিক ইবন আনাস সূত্রে ইবন শিহাব থেকে বর্ণনা করেন যে, ইবন শিহাব বলেন : আমি ছালাবা ইবন আবু মুঈন-এর নিকট গিয়ে বসলাম। তিনি বললেন : আমার মনে হচ্ছে, তুমি ইল্মকে ভালবাস। আমি বললাম : হ্যাঁ। তিনি বললেন : তাহলে তুমি এ শায়খ অর্থাৎ সাঙ্গদ ইবনুল মুসায়িবকে আঁকড়ে ধর। ইবন শিহাব বলেন : ফলে আমি সাত বছর সাঙ্গদকে আঁকড়ে ধরে থাকি। তারপর তাকে ত্যাগ করে উরওয়ার নিকট চলে যাই। আমি সমুদ্রের সিংহভাগই অর্জন করে ফেলি।

লায়স বলেন : ইবন শিহাব বলেছেন : ইল্মের জন্য আমার ন্যায় আর কেউ এত কষ্ট স্বীকার করেনি এবং আমার ন্যায় আর কেউ ইল্মকে অত প্রচারণ করেনি। উরওয়াহ ইবনুল যুবায়র ইলেন একটি কৃপ, বালতি তাকে ঘোলা করতে পারে না। পক্ষান্তরে, সাঙ্গদ ইবনুল মুসায়িব মানুষের কল্যাণে দাঁড়িয়ে গেছেন। ফলে তাঁর নাম প্রতিটি ঘাটে পৌছে গেছে।

মালিক ইবন আনাস থেকে মুহাম্মদ ইবন আবদুল আয়ীয ইবন আবদুল্লাহ আল-আওসী সূত্রে মাঝী ইবন আবদান বর্ণনা করেন যে, মালিক ইবন আনাস বলেন : বনূ উমায়্যার এক ব্যক্তি ইবন শিহাবকে সাঙ্গদ ইবনুল মুসায়িব সম্পর্কে জিজাসা করে। তিনি তাঁর ইল্ম সম্পর্কে ভাল মন্তব্য করলেন এবং তাঁর ইতিবৃত্ত ব্যজ করলেন। এই সংবাদ সাঙ্গদ-এর নিকট পৌছে যায়। পরবর্তীতে যখন ইবন শিহাব পরিত্র মদীনা আগমন করেন, তখন এসে সাঙ্গদ ইবনুল মুসায়িবকে সালাম করলেন। কিন্তু তিনি সালামেরও উত্তর দিলেন না, তাঁর সঙ্গে কথা ও বললেন না। সাঙ্গদ যখন উঠে রওয়ানা হন, যুহরী তাঁর পিছনে পিছনে হাঁটতে শুরু করেন। যুহরী বললেন : কী ব্যাপার, আমি আপনাকে সালাম দিলাম, আপনি কথা বললেন না যে ? আমার ব্যাপারে আপনার নিকট কী কথা পৌছেছে ? আমি তো ভাল ছাড়া বলিন ? সাঙ্গদ ইবনুল মুসায়িব রললেন : বনূ মারওয়ানের নিকট আমার আলোচনা তো করেন ?

ইবন শিহাব থেকে যথাক্রমে আবদুল আল্লাহ ইবন আবদুল্লাহ ইবন আবু ফারওয়া, আভাফ ইবন খালিদ আল মাখযুমী ও মুহাম্মদ ইবন ইয়াহ্যা সূত্রে মাঝী ইবন আবদান বর্ণনা করেন :

যে, ইব্ন শিহাব বলেন : আবদুল মালিক ইব্ন মারওয়ান-এর হাঙ্গামার সময় পবিত্র মদীনাবাসিগণ দুর্ভিক্ষে নিপত্তি হন। দুর্ভিক্ষ গোটা নগরীতে ছড়িয়ে পড়ে। আমার মনে হয়েছিল, সে সময়ে আমাদের পরিবার ছাড়া দেশের অন্য কোন পরিবার এত বেশী অভাবে পড়েনি। পরিবারের প্রতি আমার উদাসীনতাই ছিল তার কারণ। ফলে খোজ নিলাম, আমাদের এমন কোন আঙ্গীয় কিংবা সুস্থদ আছে কিনা, যার নিকট থেকে কিছু আনতে পারি। কিন্তু এমন কারো সঙ্গাম পেলাম না। অবশেষে আমি বললাম : জীবিকা তো মহান আল্লাহ'র হাতে। তারপর আমি বেরিয়ে পড়লাম। দায়েশক এসে মসজিদে প্রবেশ করলাম। দেখলাম, মজলিস চলছে। এত বড় মজলিস যে, তত বড় মজলিস আমি আর কখনো দেখিনি। আমি সেখানে বসে পড়লাম। মজলিস চলছিল। অর্থাৎ আমীরুল মু'মিনীন আবদুল মালিক-এর পক্ষ থেকে এক ব্যক্তি এসে উপস্থিত। লোকটি সুদেহী ও সুদর্শন। আমি যেখানে বসা ছিলাম, লোকটি সেদিকে এগিয়ে এলো। লোকেরা তার জন্য জায়গা খালি করে দিলেন। তিনি বসলেন এবং বললেন : আজ আমীরুল মু'মিনীনের নিকট এমন একখানা পত্র এসেছে মহান আল্লাহ'র তাঁকে খলীফা বানানোর দিন হতে এ পর্যন্ত তেমন পত্র আর একটিও আসেনি। লোকেরা জিজ্ঞাসা করল : কী পত্র ? তিনি বললেন ঃ পবিত্র মদীনার গভর্নর হিশাম ইব্ন ইসমাঈল এই মর্মে পত্র লিখেছেন যে, মুস'আব ইবনুয় যুবায়র-এর এক দাসীর ছেলে মারা গেছে। এখন ছেলেটির মা তার মীরাছ পেতে চাচ্ছে। কিন্তু উরওয়াহ ইবনুয় যুবায়র তাকে বারণ করেছেন। তার ধারণা মতে উম্মে ওয়ালাদ মীরাছ পায় না। বিষয়টি নিয়ে আমীরুল মু'মিনীন সমস্যায় পড়ে গেছেন। আমীরুল মু'মিনীন উমর ইবনুল খাতাব থেকে বর্ণিত, সাইদ ইবনুল মুসায়িব বর্ণিত একটি হাদীস শুনেছেন বলে তার ধারণা। কিন্তু তখন হাদীসটি মনে করতে পারছেন না। হাদীসটি তাঁর কাছে ব্যক্তিগত বলে মনে হয়েছিল। ইব্ন শিহাব বলেন : শুনে আমি বললাম : আমি তাকে সেই হাদীসটি শোনাব। এ কথা শুনে কুবায়সা আমার দিকে এগিয়ে এসে আমার হাত ধরে বেরিয়ে পড়লেন। তিনি আবদুল মালিক-এর গৃহে প্রবেশ করে বললেন, আস্সালামু আলায়কা। উন্নরে আবদুল মালিক বললেন, ওয়াআলায়কাস-সালাম। কুবায়সা বললেন : চুক্ব কি? আবদুল মালিক বললেন : প্রবেশ করুন। কুবায়সা আমার হাত ধরা অবশ্যায়ই আবদুল মালিক-এর নিকট প্রবেশ করলেন এবং বললেন : আমীরুল মু'মিনীন! আপনি উস্তুহাতুল আওলাদ বিষয়ে সাইদ ইবনুল মুসায়িব-এর যে হাদীসটি শুনেছিলেন, ইনি সেটি আপনাকে শোনাবেন। আবদুল মালিক বললেন : ঠিক আছে শোনাও। যুহুরী বলেন : আমি বললাম : আমি সাইদ ইবনুল মুসায়িবকে বলতে শুনেছি যে, উমর ইবনুল খাতাব (রা) উস্তুহাতুল আওলাদ সম্পর্কে এই নির্দেশ জারী করেছেন যে, তারা তাদের সন্তানদের সম্পদের উপযুক্ত মূল্য নির্ধারণ করে নিবে এবং স্বাধীন হয়ে যাবে। উমর তাঁর খিলাফতের শুরুর দিকে এই মর্মে পত্র লিখেছিলেন। পরে কুবায়শের এক ব্যক্তি মৃত্যুবরণ করে, যার উম্মে ওয়ালাদ গর্জাত এক পুত্র ছিল। উমর (রা) ছেলেটাকে বেশ সেহ করতেন। পিতার মৃত্যুর রাত কয়েক পর ছেলেটি মসজিদে উমর (রা)-এর সঙ্গে সাক্ষাৎ করে। উমর (রা) তাকে বললেন : কী খবর, ভাতিজার মায়ের ব্যাপারে কী সিদ্ধান্ত নিয়েছ ? ছেলেটি বলল : ভাল সিদ্ধান্তই নিয়েছি হে আমীরুল মু'মিনীন! মানুষ তাকে দাসী বানিয়ে রাখা না রাখার ব্যাপারে আমাকে স্বাধীনতা দিয়েছে। শুনে উমর (রা) বললেন : কেন, আমি সে ব্যাপারে উপযুক্ত মূল্য নির্ধারণের নির্দেশ দিয়েছিলাম।

আমি তো তোমাদের মতামত না নিয়ে কোন সিদ্ধান্তও দেইনি, আদেশও জারি করিনি। তারপর তিনি উঠে মিস্বরে গিয়ে বসলেন। মানুষ তাঁর নিকট এসে সমবেত হলো। সন্তোষজনক লোক সমাগম হয়ে গেলে তিনি বললেন : হে মানবমণ্ডলী! আপনারা জানেন, আমি উচ্চহাতুল আওলাদ বিষয়ে একটি নির্দেশ জারি করেছিলাম। কিন্তু এখন তাঁর বিপরীত এক সিদ্ধান্ত ঘোষিত হলো। এখন থেকে যদি কারো উষ্মে ওয়ালাদ থাকে, তাহলে তিনি যতদিন জীবত থাকবেন, ততদিন তিনি তাঁর মালিক থাকবেন। তাঁর মৃত্যুর পর সে স্বাধীন হয়ে যাবে এবং তাঁর উপর তাঁর কোন ক্ষমতা থাকবে না।

যা হোক, আমার হাদীস শুনে আবদুল মালিক আমাকে জিজ্ঞাসা করলেন : আপনি কে ? বললাম : আমি মুহাম্মদ ইব্ন মুসলিম ইব্ন উবায়দ ইব্ন শিহাব। তিনি বললেন : আল্লাহর শপথ! আপনার পিতা একজন ফিতনাবাজ মানুষ ছিলেন এবং ফিতনা করে আমাদেরকে কষ্ট দিয়েছেন। যুহরী বলেন : একথা শুনে আমি বললাম : হে আমীরুল্ল মু'মিনীন! সৎ কর্মপরায়ণ বান্দা যেমন বলেছিলেন : لَا تَنْرِيبَ عَلَيْكُمُ الْيَوْمَ يَغْفِرُ اللَّهُ لَكُمْ (আজ তোমাদের বিরুদ্ধে কোন অভিযোগ নেই। আল্লাহ তোমাদেরকে ক্ষমা করে দিবেন, ১২ : ৯২)। আপনি তা-ই বলুন। তিনি বললেন : لَا تَنْرِيبَ عَلَيْكُمُ الْيَوْمَ يَغْفِرُ اللَّهُ لَكُمْ যুহরী বলেন, তারপর আমি বললাম : হে আমীরুল্ল মু'মিনীন! আমার জন্য ভাতা চালু করে দিন; আমি তো প্রশাসন থেকে বিছিন্ন। তিনি বললেন : আপনার শহরে এ যাবত কারো জন্য ভাতা চালু করিনি। তারপর তিনি কুবায়সার প্রতি দৃষ্টিপাত করেন। তখন আমি ও তিনি তাঁর সশুখে দণ্ডায়মান। যেন তিনি ইঙ্গিতে বললেন : এর জন্য ভাতা চালু করে দাও। কুবায়সা বললেন : আমীরুল্ল মু'মিনীন আপনার জন্য ভাতা মন্তব্য করে দিয়েছেন। আমি বললাম : আমি আল্লাহর শপথ করে বলছি, যখন আমি আমার পরিজনের নিকট থেকে রওয়ানা হয়ে আসি, তখন তাঁর চরম অন্টনের মধ্যে ছিল, যা মহান আল্লাহ ছাড়া কেউ জানে না। আর অভাব গোটা নগরী ছড়িয়ে পড়েছে। তিনি বললেন : আমীরুল্ল মু'মিনীন আপনার অভাব পূরণ করে দিয়েছেন। যুহরী বলেন : তারপর আমি বললাম : হে আমীরুল্ল মু'মিনীন! আমার একজন খাদেমও প্রয়োজন। আমার একটি বোন ব্যক্তিত আমার পরিবারের সেবা করার আর কেউ নেই। বোনটি একাই আটা খামীর করে, ঝুঁটি বেলে ও সেকে। কুবায়সা বললেন : আমীরুল্ল মু'মিনীন আপনাকে একটি খাদিমও দান করেছেন।

আওয়াঙ্গ যুহরী থেকে বর্ণনা করেছেন যে, যুহরী বলেন, রাসূলুল্লাহ (সা) বলেছেন : 'ব্যভিচারী মু'মিন অবস্থায় ব্যভিচার করে না।' শুনে আমি যুহরীকে জিজ্ঞাসা করলাম : এর অর্থ কী ? তিনি বললেন : ইল্ম আসে মহান আল্লাহর পক্ষ থেকে। রাসূলের দায়িত্ব প্রচার করা। আর আমাদের কর্তব্য হলো, মেনে নেওয়া। কাজেই রাসূলে পাকের হাদীসসমূহ যেভাবে এসেছে, সেভাবেই মেনে নাও।

আওয়াঙ্গ যুহরীর ভাতুসুত্র সূত্রে বর্ণনা করেন যে, যুহরী বলেছেন, উমর ইব্ন খাতাব (রা) লাবীদ ইব্ন রবী'আর নিম্নবর্ণিত কাসীদাটি বর্ণনা করার নির্দেশ দিতেন।

إِنْ تَقُوْيِ رَبِّنَا خَيْرٌ نَّفَلْ * وَبِذَنْبِ اللَّهِ رِيْثِيْ وَالْعَجْلُ
اَحْمَدَ اللَّهُ فَلَانَدَلْ * بِيَدِيْهِ الْخَيْرُ مَا شَاءَ فَعَلْ
مَنْ هَدَاهُ سَبِيلُ الْخَيْرِ اَهْتَدَى * نَاعِمَ الْبَالِ وَمَنْ شَاءَ اَضَلْ

‘আমাদের অভুর তাকওয়া হলো শ্রেষ্ঠ দান। আমার বিলাপ আর তাড়াহড়া সব তাঁরই নির্দেশে।

আমি মহান আল্লাহর প্রশংসা করছি, যাঁর কোন সমকক্ষ নেই। সকল কল্যাণ তাঁরই হাতে। তিনি যা খুশী করতে পারেন।

তিনি যাকে কল্যাণের পথ দেখান, সেই সুপথপ্রাণ হয়। আর তিনি যাকে ইচ্ছা বিপথগামী করেন।’

যুহরী বলেন, আমি উবায়দুল্লাহ ইব্ন আবদুল্লাহ ইব্ন উত্বার নিকট তার বাড়িতে গমন করি। দেখি, তিনি অত্যন্ত ত্রুক্ত অবস্থায় বসে আছেন। আমি জিজ্ঞাসা করলাম, কী ব্যাপার, আপনাকে এমন দেখছি কেন? তিনি বললেন, আমি এই একটু আগে আপনাদের আমীর তথা উমর ইব্ন আবদুল আয়ীয়-এর নিকট গিয়ে আসলাম। সে সময় আবদুল্লাহ ইব্ন আমর ইব্ন উচুমানও তাঁর সঙ্গে ছিল। আমি তাদেরকে সালাম দিলাম। কিন্তু তারা সালামের জবাব দিলেন না। ফলে আমি বললাম :

لَا تَعْجِبَا أَنْ تُؤْتِيَا فِتْكَهَا * فَمَا حَشِّيَ الْأَقْوَامُ شَرًا مِنَ الْكَبْرِ
وَمَسَا تَرَابُ الْأَرْضِ مِنْهُ خُلِقْتُمَا * وَفِيهَا الْمَعَادُ وَالْمَصِيرُ إِلَى الْحَشْرِ

‘ক্ষমতায় অধিষ্ঠিত হয়েছেন বলে অহংকার করবেন না যে, কথা বলবেন না। অহংকারের চেয়ে মানুষের মন্দ স্বভাব দ্বিতীয়টি আর নেই।

পৃথিবীর মাটি স্পর্শ করুন, যা দ্বারা আপনাদেরকে সৃষ্টি করা হয়েছে এবং যার মধ্যে ফিরে যেতে হবে ও হাশর হবে।’

শুনে আমি বললাম, মহান আল্লাহ আপনাকে রহম করুন। আপনার ন্যায় ফিকাহ, মর্যাদা ও বয়সের মানুষও কবিতা বলে? তিনি বললেন, যার বুক ব্যথায় ধরেছে, ফুঁ দিলে সে ভাল হয়ে যায়।

এক প্রবীণ ব্যক্তি যুহরীর নিকট এসে বললেন, আমাকে একটি হাদীস শুনান। তিনি বললেন, আপনি তো ভাষা জানেন না। বৃদ্ধ বললেন, সম্ভবত আমি ভাষা জানি। যুহরী বললেন, তাহলে বলুন তো এই কবিতাটির অর্থ কি?

صَرِيعَ نَدَامِي يَرْفَعُ الشَّرَبَ رَأْسَهُ * وَقَدْ ماتَ مِنْهُ كُلُّ عَضُوٍّ وَمَفْصِلٌ

যুহরী জিজ্ঞাসা করলেন, বলুন তো অর্থ কি? বৃদ্ধ বললেন, জিহ্বা। যুহরী বললেন, পুনরায় আবেদন করুন। আমি আপনাকে হাদীস শোনাব।

যুহরী প্রায়ই নিমোক্ত পংক্তিগুলো দ্বারা উপমা পেশ করতেন।

ذَهَبَ الشَّبَابُ فَلَا يَعُودُ جَمَانًا * وَكَانَ مَا قَدْ كَانَ لَمْ يَكُنْ كَانًا

فَطَوَيْتُ كَفِيْ يَا جَمَانُ عَلَى الْعَصَا * وَكَفِيْ جَمَانُ بِطَيْهَا حَدَثَانًا

যৌবন চলে গেছে, আর ফিরে আসবে না হে জুমান! যেন তা ছিলই না।

ফলে আমি লাঠির উপর আমার হাত শুটিয়ে নিয়েছি হে জুমান! আর হে জুমান! এই পরিস্থিতিতে হাত শুটিয়ে রাখাই নিরাপদ।

যুহরীর আংটির অংকন ছিল : **مُحَمَّدٌ يَسْأَلُ اللَّهَ الْعَافِيَةَ**

যুহরীর ভাতিজাকে জিজ্ঞাসা করা হল, আপনার চাচা কি সুগন্ধি ব্যবহার করতেন ? তিনি বললেন, আমি যুহরীর বাহনের কোড়া থেকে মিশ্কের সুস্রাগ শুকতাম।

যুহরী বলেছেন, তোমরা সেই কাজ বেশী করে কর, যাকে আগুন স্পর্শ করবে না। জিজ্ঞাসা করা হলো, তা কী ? তিনি বললেন, সৎকর্ম।

একদা এক ব্যক্তি যুহরীর প্রশংসা করে। ফলে তিনি গায়ের জামাটা তাকে দিয়ে দেন। জিজ্ঞাসা করা হলো, আপনি শয়তানের কথায় দান করছেন ? তিনি বললেন, অমঙ্গল থেকে বেঁচে থাকাও এক ধরনের কল্যাণ সন্ধান।

সুফিয়ান বলেন, যুহরীকে যাহিদ (দুনিয়াবিমুখ) সম্পর্কে জিজ্ঞাসা করা হল। তিনি বললেন, হালাল যাকে কৃতজ্ঞতা থেকে বারণ করতে পারে না এবং হারাম যার দৈর্ঘ্যের উপর জয়ী হয় না।

সুফিয়ান বলেন, লোকেরা যুহরীকে বলল, এখন এই শেষ বয়সে যদি আপনি মদীনার বসবাস করতেন ! রাসূলুল্লাহ (সা)-এর মসজিদে বসতেন, দারস দিতেন। আমরা তার কোন একটি স্তুতির নিকট গিয়ে বসতাম, আপনি মানুষকে নসীহত করতেন ও তা'লীম দিতেন! তিনি বললেন, তাই যদি করতাম, তাহলে মানুষ আমার পদচিহ্ন অনুসরণ করত। আর দুনিয়ার প্রতি বিমুখ ও আবিরাতের প্রতি উৎসাহী না হয়ে তা করা আমার জন্য উচিত হবে না।

যুহরী বললেন, রায়তুল মুকাদ্দাসের পাহাড়-পর্বতে বিশজনেরও অধিক আবিয়া আলায়হিমুস-সালাম ইন্তিকাল করেছেন। তাঁরা ক্ষুধা ও শ্রমক্রিট হয়ে ইন্তিকাল করেন। তারা হালাল নিশ্চিত না হয়ে খেতেনও না। পরিধানও করতেন না।

যুহরী বলতেন, ইবাদত হলো তাকওয়া আর দুনিয়াবিমুখতা। ইল্ম হলো সৌন্দর্য। সবর হলো অপ্রীতিকর বিষয়াবলী সহ্য করা এবং সৎকর্মের নিমিত্তে মহান আহ্বাহের প্রতি আহ্বান জানানো।

ইবন আসাকির-এর বর্ণনা মুতাবিক হিশাম ইবন আবদুল মালিক-এর খিলাফত আমলে মৃত্যুমুখে পতিত ব্যক্তিদের একজন হলেন-

বিলাল ইবন সা'দ

ইবন তারীয় আস-সাকুনী আবু আমর। বিখ্যাত যাহিদ (দুনিয়াত্যাগী) ইবাদতকারী, রোয়াদার ও নামায আদায়কারীদের একজন ছিলেন। তিনি তাঁর পিতা—যিনি সাহাবী ছিলেন-জাবির, ইবন উমর, আবুদ-দারদা প্রমুখ থেকে হাদীস বর্ণনা করেছেন। তাঁর থেকে বর্ণনা করেছেন বহু লোক। তন্মধ্যে একজন হলেন আওয়াজ। আওয়াজ তাঁর মূল্যবান ও উপকারী সব কাহিনী ও ওয়ায়া-নসীহত লিপিবদ্ধ করতেন। তিনি বলেছেন, আমি তাঁর মত বক্তা কথনে কাউকে দেখিনি। তিনি আরো বলেন, বিলাল ইবন সা'দ যত বেশী ইবাদত করতেন, তত বেশী ইবাদত করতে আমি আর কারো ব্যাপারে শুনিনি। তিনি রাতে-দিনে এক হাজার রাকআত নামায পড়তেন।

আসমাই বলেন, বিলাল ইবন সা'দ শীতের রাতে যখন তন্ত্রাচ্ছন্ন হয়ে পড়তেন, তখন কাপড়-চোপড়সহ নিজেকে কৃপের মধ্যে ফেলে দিতেন। সঙ্গীরা এ ব্যাপারে ভৰ্তসনা করলে তিনি বললেন, কৃপের পানি জাহানামের শাস্তি অপেক্ষা সহনীয়।

ওয়ালীদ ইব্ন মুসলিম বলেন, বিলাল ইব্ন সা'দ যখন মিহরাবে দাঁড়িয়ে তাকবীর বলতেন, 'আওয়া'থেকে তার তাকবীর শোনা যেত। আর 'আওয়া'র অবস্থান হল বাবুল ফারাদীসেরও বাইরে।

আহমাদ ইব্ন আবদুল্লাহ আল-আজালী বলেন, বিলাল ইব্ন সা'দ সিরিয়ার অধিবাসী, তাবিঙ্গ ও নির্ভরযোগ্য।

আবু যুর'আ দামেশকী বলেন, বিলাল ইব্ন সা'দ উত্তম কাহিনী বর্ণনাকারী আলিমদের একজন ছিলেন। রাজ ইব্ন হায়ওয়াহ তাঁর বিরক্তকে কাদরিয়া হওয়ার অপবাদ আরোপ করেছেন। জবাবে একদিন ওয়ায়ে তিনি বলেন, অনেক আনন্দময় ব্যক্তি প্রবক্ষিত হয়ে থাকে। অনেক প্রবক্ষিত ব্যক্তি অনুভূতিহীন হয়ে থাকে। কাজেই ধৰ্ম তার জন্য, যার জন্য ধৰ্ম অনিবার্য। অথচ সে অনুভব করতে পারছে না। সে পানাহার করছে ও হাসছে। অথচ মহান আল্লাহর সিদ্ধান্ত চৃড়ান্ত হয়ে আছে যে, সে জাহানামী। কাজেই ধৰ্ম তোমার জন্য হে আস্তা! ধৰ্ম তোমার জন্য হে দেহ! তুমি ক্রন্দন কর। ক্রন্দনকারীরা তোমার জন্য আজীবন ক্রন্দন করব।

ইব্ন আসাকির তার বেশ কিছু মূল্যবান বাণী উল্লেখ করেছেন। তার কতিপয় নিম্নরূপ :

আমাদের পাপিষ্ঠ সাব্যস্ত হওয়ার জন্য এটুকুই যথেষ্ট যে, মহান আল্লাহ আমাদেরকে দুনিয়াবিমুখ হতে বলছেন আর আমরা দুনিয়ার প্রতি আকৃষ্ট হচ্ছি। তোমাদের যাহিদরা দুনিয়াবুর্থী, আলিমরা হলো অঙ্গ আর মুজতাহিদরা ক্রটিপূর্ণ।

তোমার যে ভাই তোমার সঙ্গে সাক্ষাৎ হলো তোমাকে মহান আল্লাহর নিআমতের কথা শ্রবণ করিয়ে দেয় এবং তোমাকে তোমার দোষ ধরিয়ে দেয়, সে তোমার নিকট ঐ ভাই অপেক্ষা বেশী প্রিয় ও উত্তম, যে তোমার সঙ্গে সাক্ষাৎ হলে তোমার হাতে কিছু দীনার ধরিয়ে দেয়।

প্রকাশ্যে মহান আল্লাহর বক্তু আর গোপনে শক্ত এমন হয়ো না। আবার প্রকাশ্যে শয়তান, নফস প্রবৃত্তির শক্তি আর গোপনে তাদের বক্তু হয়ো না। তুমি দুই মুখ এবং দুই যবানওয়ালা হয়ো না যে, প্রশংসা লাভের উদ্দেশ্যে মানুষের সম্মুখে প্রকাশ করবে, তুমি মহান আল্লাহকে ভয় কর, অথচ, তোমার অন্তর পাপাচারী।

হে মানবমণ্ডলী! তোমরা ধৰ্ম হওয়ার জন্য সৃষ্টি হওনি তোমাদের সৃষ্টি চিরদিন বেঁচে থাকার জন্য। কিন্তু তোমরা এক গৃহ থেকে অন্য গৃহে স্থানান্তরিত হচ্ছ শুধু। যেমন স্থানান্তরিত হয়েছ মেরুদণ্ড থেকে জরায়ুতে, তারপর জরায়ু থেকে দুনিয়াতে, দুনিয়া থেকে কবরে, কবর থেকে হাশরে। তারপর হাশর থেকে জাহানাত কিংবা জাহানামে।

রাহমানের বান্দাগণ! তোমরা আমল করছ স্বল্প সময়ে দীর্ঘদিনের জন্য, ধৰ্মশীল আবাসে চিরস্থায়ী আবাসের জন্য এবং চিঞ্চা, বিপদের আবাসে নিআমতপূর্ণ স্থায়ী আবাসের জন্য। সুতরাং যে ব্যক্তি বিশ্বাসের সাথে আমল না করবে, সে সুফল পাবে না।

রাহমানের বান্দাগণ! যদি তোমাদের বিগত অপরাধগুলো ক্ষমা করে দেওয়া হয়, তাহলে তোমরা ভবিষ্যতের জন্য ব্যস্ত হয়ে পড়বে। যদি তোমরা তোমাদের ইল্ম অনুযায়ী আমল কর, তাহলে তোমরা মানুষের শ্রদ্ধাভাজন ও আশ্রয়স্থলে পরিণত হবে।

রাহমানের বান্দাগণ! তোমাদের জন্য একটি সরল পথ ঠিক করে দেওয়া হয়েছে। কিন্তু তোমরা তা নষ্ট করে ফেলছ। পক্ষান্তরে মহান আল্লাহ্ তোমাদের জন্য যার দায়িত্বাত হাতে নিয়েছেন, তোমরা তা অনুসন্ধান করে কি করছ। মহান আল্লাহ্ বিশ্বাসীদের ইবাদত এরূপ ছির করেননি। তোমরা কি দুনিয়ার ক্ষেত্রে জানী আর আধিরাতের বেলায় বোকা? দুনিয়ার বেলায় চক্ষুশ্বান হওয়া সত্ত্বেও যে উদ্দেশ্যে তোমাদের সৃষ্টি, তার ক্ষেত্রে তোমরা অক্ষ!

সুতরাং মহান আল্লাহ্ আনুগত্যের মাধ্যমে যেভাবে তোমরা মহান আল্লাহ্ রহমত প্রত্যাশা করছ, তেমনি তার নাফরমানী করছ বলে তার শাস্তিকেও ভয় কর।

রাহমানের বান্দাগণ! কোন সংবাদদাতা কি এই সংবাদ নিয়ে তোমাদের নিকট এসেছে যে, তোমাদের অমুক আমল কবুল হয়েছে? কিংবা তোমাদের অমুক পাপ ক্ষমা করে দেওয়া হয়েছে? মহান আল্লাহ্ বলেন :

أَفَحَسِبْتُمْ أَنَّمَا خَلَقْنَاكُمْ عَبْدًا وَأَنْكُمُ إِلَيْنَا لَا تُرْجِعُونَ

‘তোমরা কি মনে করেছিলে যে, আমি তোমাদেরকে অনর্থক সৃষ্টি করেছি এবং তোমরা আমার নিকট প্রত্যাবর্তিত হবে না?’ (২৩ : ১১৫)।

আল্লাহ্ শপথ! তিনি যদি তোমাদের আমলের প্রতিদান আগেভাগে দুনিয়াতেই দিয়ে দিতেন, তাহলে মহান আল্লাহ্ তোমাদের জন্য যা ফরয করেছেন, তার অল্লাই তোমরা পালন করতে। তোমরা কি মহান আল্লাহ্ আনুগত্যের বিনিময়ে আপদপূর্ণ জগতের প্রত্যাশা করছ? সেই জান্নাতের প্রত্যাশা ও প্রতিযোগিতা করছ না, যার খাদ্য সামগ্রী ও ছায়া চিরস্থায়ী এবং যার ব্যাপ্তি পৃথিবী ও আকাশসমূহের ব্যাপ্তির সমান? মহান আল্লাহ্ বলেন :

تَلْكَ عَقْبَى الَّذِينَ اتَّقُوا وَعَقْبَى الْكَافِرِينَ النَّارَ

‘যারা মুত্তাকী, এটা তাদের কর্মফল এবং কাফিরদের কর্মফল আগুন’ (১৩ : ৩৫)।

যিকুর দুই প্রকার। যবানে আল্লাহ্ উচ্চারণ করা সুন্দর যিকুর। পক্ষান্তরে, হারাম-হালাল প্রশ্নে মহান আল্লাহকে অরণ করা সর্বশ্রেষ্ঠ যিকুর।

হে রাহমানের বান্দাগণ! তোমাদের কাউকে যদি জিজ্ঞাসা করা হয়, তুমি কি মৃত্যুকে ভালবাস? সে বলে না। তারপর যদি জিজ্ঞাসা করা হয়, কেন? বলে, আমল করার জন্য। তারপর যদি বলা হয়, ঠিক আছে, আমল কর। বলে, এই তো শুরু করছি। তার অর্থ এই দাঁড়াল যে, সে মৃত্যুকেও ভালবাসে না, আমল করাও পেসন্দ করে না। তার নিকট প্রিয় হলো, সে মহান আল্লাহ্ আমলকে বিলম্বিত করবে, কিন্তু মহান আল্লাহ্ তার থেকে দুনিয়ার স্বার্থ বিলম্বিত করুন, তা তার পেসন্দ নয়।

রাহমানের বান্দাগণ! মানুষ মহান আল্লাহ্ বহু ফরয থেকে একটি মাত্র ফরয আদায় করে এবং বাদ-বাকীগুলো বিনষ্ট করে ফেলে। শয়তান তাকে প্ররোচিত করতে থাকে এবং তার সম্মুখে সবকিছু সজ্জিতকাপে উপস্থাপন করে থাকে। ফেলে সে মহান আল্লাহ্ অবাধ্যতায় লিঙ্গ থাকা সত্ত্বেও জান্নাত ব্যক্তীত আর কিছুই দেখতে পায় না।

রাহমানের বান্দাগণ! আমল শুরু করার আগে দেখে নাও, আমল দ্বারা তোমাদের উদ্দেশ্য কী? যদি তা একনিষ্ঠভাবে মহান আল্লাহ্ জন্য হয়, তাহলে আমল করতে থাক। আর যদি গায়রূপ্লাহুর জন্য হয়, তাহলে অথু নিজেকে কষ্টে ফেল না। কারণ, মহান আল্লাহ্ থাঁটি আমল ছাড়া কবুল করেন না। আল্লাহ্ বলেছেন :

إِنَّهُ يَصْنَعُ الْكَلِمُ الطَّيِّبُ وَالْعَمَلُ الصَّالِحُ يَرْفَعُهُ

‘আল্লাহরই নিকট পরিত্ব বাণীসমূহ আরোহণ করে এবং সৎকর্ম তাকে উন্নীত করে’ (৩৫ : ১০)। মহান আল্লাহ তোমাদেরকে শান্তি দানে তৎপর নন। যে মহান আল্লাহর দিকে এগিয়ে আসে মহান আল্লাহ তাকে বরণ করে নেন। আর যে ব্যক্তি পিছন দিকে সরে যায় মহান আল্লাহ তাকে ডাকতে থাকেন।

যদি তুমি কাউকে আত্মারিতার সাথে হঠকারিতাবশত প্রার্থনা[#] পরিহার করতে দেখ, তাহলে বুঝবে, তার অবক্ষয় পরিপূর্ণ হয়ে গেছে।

আওয়াঙ্গী বলেন, দামেশকে মানুষ পানির জন্য প্রার্থনা করতে বেরিয়ে আসে। এমন সময় বিলাল ইবন সা'দ তাদের সম্মুখে দাঁড়িয়ে বললেন, উপস্থিত লোক সকল! তোমরা অপরাধ স্বীকার করছ? তারা বলল, হ্যাঁ। তিনি বললেন, হে আল্লাহ! তুমি বলেছ : مَا عَلِيَ الْمُحْسِنِينَ مِنْ سَبِيلٍ (সৎ কর্মপরায়ণদের বিরুদ্ধে কোন অভিযোগ নেই। ৯ : ৯১)। আমরা আমাদের অপরাধ স্বীকার করেছি। অতএব, তুমি আমাদের পাপ মোচন কর ও আমাদেরকে ক্ষমা কর। আওয়াঙ্গী বলেন, ফলে সেদিনই তারা পানি পেয়ে যায়।

আওয়াঙ্গী আরো বলেন, আমি বিলাল ইবন সা'দকে বলতে শুনেছি, আমি এমন বহু মানুষ দেখেছি, যারা স্বার্থের মাঝে ছুটাছুটি করে এবং পরম্পর হাসি-তামাশা করে। কিন্তু রাতে তারা বৈরাগী হয়ে যায়। আমি তাকে আরো বলতে শুনেছি, পাপের ক্ষুদ্রতার প্রতি দৃষ্টিপাত কর না। সেই সন্তার দিকে তাকাও, তুমি যার অবাধ্যতা করেছ।

তিনি বলেন, আমি তাঁকে আরো বলতে শুনেছি—যে ব্যক্তি অঞ্চলগামী হয়ে তোমার সঙ্গে হৃদয়তা স্থাপন করল, সে তোমাকে কৃতজ্ঞতা পাখে আটকে ফেলল। তিনি যেসব দু'আ করতেন, তার মধ্যে একটি হলো—হে আল্লাহ! আমি তোমার নিকট হৃদয়ের বক্তা থেকে, পাপের ধারাবাহিকতা, আমল বিনষ্টকারী ও চোখের জ্যোতি হরণকারী বিষয়াদি থেকে আশ্রয় প্রার্থনা করছি।

আওয়াঙ্গী আরো বর্ণনা করেন যে, তিনি বলেছেন, রাহমানের বান্দাগণ! নিজেরা নেক আমল না করে এবং পাপ বর্জন না করে যদি তোমরা মানুষকে মহান আল্লাহর আনুগত্যের প্রতি আহ্বান কর, অর্থাৎ যদি তোমরা দুনিয়াকে ভালবাস, তাহলে তোমাদের আল্লাহর শান্তিতে নিপত্তি হওয়ার জন্য তা-ই যথেষ্ট।

বিলাল ইবন সা'দ বলেন, যে ব্যক্তি তাওবা করে, আল্লাহ তার পাপ ক্ষমা করে দেন। কিন্তু সহীফা থেকে তা মুছে ফেলেন না। কিয়ামত দিবস পর্যন্ত তা সহীফায় বহাল থাকবে।

জা'দ ইবন দিরহাম

জা'দ ইবন ইবরাহীম প্রথম ব্যক্তি, যিনি খালকে কুরআনের পক্ষে অভিযত ব্যক্ত করেন। বনূ উমায়ায়ার সর্বশেষ খলীফা মারওয়ান আল-হিমারকে তাঁর প্রতি সম্পৃক্ত করেই মারওয়ান আল-জা'দী বলা হয়। জা'দ ইবন দিরহাম ছিলেন তার গুরু। তিনি খুরাসান বংশোদ্ধৃত ছিলেন। কারো কারো মতে তিনি ছিলেন বনূ মারওয়ানের গোলাম। তিনি দামেশকে বসবাস করেন। দামেশকের কালাসিয়্যীন-এর সন্নিকটে গির্জায় তাঁর একটি বাড়ি ছিল। ইবন আসাকির এই তথ্য উল্লেখ করেছেন।

আমার জানা মতে কালাসিয়্যীন বর্তমানকার খাওয়াসসীমের একটি জনবসতি, যার পশ্চিমাংশ হামামুল কান্তানীন—যাকে হামামে কুলায়নিস বলা হয়-এর সঙ্গে সংযুক্ত।

ইব্ন আসাকির প্রমুখ বলেন, জা'দ' (খালিকে কুরআনের) এই আবিক্ষারটি গ্রহণ করেছেন বায়ান ইব্ন সাম'আন থেকে। বায়ান গ্রহণ করেছেন লাবীদ ইব্ন আ'সাম-এর ভাগিনা তালুত থেকে যে কিনা তার বোন-জামাই। লাবীদ ইব্ন আ'সাম সেই জাদুকর, যে রাস্তুল্লাহ (সা)-কে জাদু করেছিল- এই মতবাদ গ্রহণ করেছেন ইয়ামানের এক ইয়াতুন্দী থেকে। জা'দ থেকে মতবাদটা গ্রহণ করেছেন জুহুম ইব্ন সাফওয়ান আল-খায়ারী, মতান্তরে তিরমিয়ী।

জুহুম বলখে বাস করত। মুকাতিল ইব্ন সুলায়মান-এর সঙ্গে তাঁরই মসজিদে নামায আদায় করত এবং দু'জনে বিতর্কে লিঙ্গ হতো। এক সময়ে বিতাড়িত হয়ে তিরমিয় চলে যায়। তারপর জুহুম ইস্পাহানে খুন হয়। কেউ কেউ বলেন মারুতে। তারই নাইব সাল্ম ইব্ন আহওয়ায় তাকে হত্যা করেন। আল্লাহ সাল্ম ইব্ন আহওয়ায়-এর প্রতি রহম করুন এবং মুসলিমানদের পক্ষ থেকে তাকে উত্তম বিনিময় দান করুন।

বিশ্র আল- মুরায়সী মতবাদটা জুহুম থেকে গ্রহণ করেছে। আহমাদ ইব্ন আবু দাউদ গ্রহণ করেছে বিশ্র থেকে।

যা হোক, জা'দ দামেশকে বসতি স্থাপন করে। খালিকে কুরআনের মতবাদ ব্যক্ত করার পূর্ব পর্যন্ত দামেশকেই বসবাস করে। তারপর বন্ধ উমায়া তার অনুসন্ধানে নেমে পড়ে। ফলে সে পালিয়ে কৃফা গিয়ে বসবাস করে। সেখানে জুহুম ইব্ন সাফওয়ান তার সঙ্গে সাক্ষাৎ করে তার মতবাদের প্রতি একাত্মতা প্রকাশ করে। তারপর খালিদ ইব্ন আবদুল্লাহ আল-কাস্রী সৈদুল আযহার দিন কৃফায় জা'দকে হত্যা করেন। খালিদ একদিন তার খুতবায় জনতার উদ্দেশ্যে বলেন, লোক সকল! আপনারা কুরবানী করুন, মহান আল্লাহ আপনাদের কুরবানী করুন করে নিবেন। আমি জা'দ ইব্ন দিরহামকে কুরবানী করছি। লোকটি মনে করে, মহান আল্লাহ ইবরাহীম (আ)-কে খালীলরূপে গ্রহণ করেননি এবং মুসা (আ)-এর সঙ্গেও কথা বলেননি। অথচ জা'দ যা বলছে মহান আল্লাহ তা থেকে অনেক উর্ধ্বে। তারপর তিনি মিস্ত্র থেকে নেমে মিস্ত্রের গোড়াতেই তাকে যবাহ করে ফেলেন।

একাধিক হাফিয় এই বর্ণনাটি উল্লেখ করেছেন। তন্মধ্যে বুখারী, ইব্ন আবু হাতিম, বায়হাকী ও আবদুল্লাহ ইব্ন আহমাদ অন্যতম। ইব্ন আসাকির ইতিহাস গ্রন্থে এই অভিমত ব্যক্ত করেন। ইব্ন আসাকির আরো উল্লেখ করেন যে, জা'দ ইব্ন দিরহাম ওয়াহব ইব্ন মুনাবিহ-এর নিকট যাওয়া-আসা করত। যখনই সে ওয়াহব-এর নিকট যেত, গোসল করে নিত এবং বলত, আমি জ্ঞান আহরণের জন্য প্রস্তুতি গ্রহণ করছি। সে ওয়াহবকে মহান আল্লাহর গুণাবলী সম্পর্কে জিজ্ঞাসা করত। উভরে ওয়াহব তাকে বলতেন, তোমার ধৰ্ম হোক হে জা'দ! এ ব্যাপারে প্রশ্ন কর কর। আমি তোমাকে ধৰ্মসোনুখ লোকদের অন্তর্ভুক্ত মনে করছি। মহান আল্লাহ যদি আমাদেরকে তাঁর কিতাবে অবহিত না করতেন যে, তাঁর হাত আছে, তাহলে আমরা একথা বলতাম না। যদি তিনি না জানাতেন যে, তার চোখ আছে, তাহলে আমরা একথা একথা বলতাম না। যদি তিনি না জানাতেন যে, তার নফস আছে, তাহলে আমরা একথা বলতাম না। যদি তিনি আমাদেরকে না জানাতেন যে, তার কান আছে, তাহলে আমরা একথা বলতাম না। তারপর তিনি মহান আল্লাহর ইল্ম, কালাম প্রভৃতির বিবরণ প্রদান করেন। তার অল্প ক'দিন পরই জা'দ শূলীবিদ্ধ হয়ে নিহত হয়। ইব্ন আসাকির এই অভিমত ব্যক্ত করেছেন। তিনি জা'দ-এর জীবন চরিতে উল্লেখ করেছেন যে, জা'দ হাজ্জাজ ইব্ন ইউসুফ, মতান্তরে ইমরান ইব্ন হাত্তানকে উদ্দেশ্য করে বলেছিলেন :

لِيَثْ عَلَىٰ وَفِي الْحَرُوبِ نَعَامَةُ * فَتَخَاءَ تَجْفَلُ مِنْ صَفِيرِ الصَّابَافِ
هَلَّا بَرَزَتِ إِلَى غَزَالَةِ فِي الْوَغْنِ * بَلْ كَانَ قَلْبَكَ فِي جَنَاحِ طَائِرٍ

‘আমার বেলায় সিংহ আর যুদ্ধক্ষেত্রে এমন দুর্বল উটপাখী যে, অশিকারী প্রাণীর শব্দ শুনেই পালিয়ে বাঁচে।

রণাঙ্গনে কখনো তো তুমি হরিণের মোকাবেলায়ও অবতরণ করনি! বরং হৃদয়টা তোমার পাখির দুই ডানার মাঝেই ঘূরপাক থাচ্ছে।’

১২৫ হিজরী সন

আবদুর রহমান থেকে যথাক্রমে আবু সালামা ইবন আবদুর রহমান, যুহরী, মুসআব ইবন মুসআব, আবদুল মালিক ইবন যায়দ, মুহাম্মদ ইবন ইসমাঈল ইবন আবু ফাদীক ও রিয়কুল্লাহ ইবন মূসা সূত্রে হাফিয় আবু বাকর আল-বায়ার বর্ণনা করেন যে, আবদুর রহমান বলেন, রাসূলুল্লাহ (সা) বলেছেন, একশত পঁচিশ হিজরীতে দুনিয়ার শোভা তুঙ্গে উঠে যাবে। আবু ইয়া'লা তাঁর মুসনাদে আবু কুরায়ব, ইবন আবু ফাদীক, আবদুল মালিক ইবন সাইদ ইবন যায়দ ইবন নুফায়ল, মুসআব ইবন মুসআব ও যুহরী এ সূত্রে হাদীস বর্ণনা করেছেন।

আমার মতে এটি মুনকার গারীব হাদীস। যুহরী মুসআব ইবন মুসআব ইবন আবদুর রহমান ইবন আওফ-এর ব্যাপারে আপত্তি তুলেছেন এবং আলী ইবনুল হুসায়ন ইবনুল জুনায়দ তাকে দুর্বল আখ্যায়িত করেছেন। তার থেকে যিনি বর্ণনা করেছেন, তার ব্যাপারেও আপত্তি রয়েছে। মহান আল্লাহ ভাল জানেন।

এ বছর নু'মান ইয়ায়ীদ ইবন আবদুল মালিক রোমের সাইকায় আক্রমণ করেন। এ বছরের রবীউল আখিরে আমীরুল মু'মিনীন হিশাম ইবন আবদুল মালিক ইবন মারওয়ান মৃত্যু-মুখে পতিত হন।

হিশাম ইবন আবদুল মালিক (র)-এর মৃত্যু ও তাঁর জীবন চরিত

হিশাম ইবন আবদুল মালিক ইবন মারওয়ান ইবনুল হাকাম ইবন আবুল আস ইবন উমায়্যা ইবন আবদে শামস। আল ওয়ালীদ আল কারাশী আল-উমাৰী আদ দায়েশ্কী-এর পিতা। আমীরুল মু'মিনীন। তাঁর মা হলেন হিশাম ইবন ইসমাঈল আল-মাখ্যুমীর কন্যা। দায়েশকের বাবুল খাওয়াস্সীনের সন্নিকটে তার বাড়ি ছিল। বর্তমানে তার একাংশ আন-নুরিয়াতুল কাবীরাহ নামে খ্যাত মাদ্রাসা নূরমদ্দীন শহীদ-এ অবস্থিত। যা কিনা দারুল কাবীরীন নামে সমধিক পরিচিত। কাবীব অর্থ তাঁর বিক্রেতা। সেই এলাকাতেই হিশাম ইবন আবদুল মালিক-এর বাড়ি ছিল। মহান আল্লাহ ভাল জানেন।

ভাই ইয়ায়ীদ ইবন আবদুল মালিক-এর মৃত্যুর পর একশত পঁচিশ হিজরীর শা'বান মাসের ছাবিশ তারিখ জ্যুমাহর দিনে মানুষ তাঁর হাতে খিলাফতের বায়আত গ্রহণ করে। তখন তার বয়স ছিল চৌত্রিশ বছর। তিনি ছিলেন সুদর্শন, ফর্সা ও টেরো। কালো খেয়াব ব্যবহার করতেন। তিনি আবদুল মালিক-এর চতুর্থ ছেলে যারা খিলাফতের মসনদে আসীন হয়েছিলেন।

আবদুল মালিক স্বপ্নে দেখেছিলেন যে, তিনি চারবার মিহরাবে প্রস্তাব করেছেন। ফলে তিনি সাইদ ইবনুল মুসায়িবকে এর ব্যাখ্যা জিজ্ঞাসা করেন। সাইদ ইবনুল মুসায়িব বললেন, আপনার চারটি সন্তান খিলাফতের মসনদে আসীন হবে। পরবর্তীতে তাই ঘটেছে। হিশাম ছিলেন তাদের শেষজন। তিনি খিলাফত পরিচালনায় দৃঢ়চেতা ছিলেন। সম্পদ সপ্তর্ষ করতেন এবং কৃপণতা করতেন। তিনি ছিলেন বুদ্ধিমান, কৌশলী ও বৃহৎ-স্কুল সব বিষয়ে বিচক্ষণ। তাঁর মধ্যে সহনশীলতা ও ধীরতা ছিল। একবার তিনি এক ভদ্র লোককে গালি দেন। লোকটি বলল, পৃথিবীতে মহান আল্লাহর খলীফাহ হয়ে আপনি আমাকে গালি দিচ্ছেন? ফলে, তিনি লজ্জিত হয়ে বললেন, তুমি আমার থেকে তার প্রতিশোধ নিয়ে নাও। লোকটি বলল, তা হলে তো আমিও আপনার-ই ন্যায় বোকা সাক্ষ্য হব! তিনি বললেন, আহলে বিনিময় নিয়ে নাও।

লোকটি বলল, তা~~র~~ করব না। হিশাম বললেন, তাহলে বিষয়টা মহান আল্লাহ'র জন্য ছেড়ে দাও। লোকটি বলল, আমি তা মহান আল্লাহ'র জন্য এবং পরে আপনার জন্য ছেড়ে দিলাম। তখন হিশাম বললেন, আল্লাহ'র শপথ! এরূপ আচরণ আমি দ্বিতীয়বার আর করব না।

আসমাই বলেন, এক ব্যক্তি হিশামকে কিছু কথা শোনায়। হিশাম তাকে বললেন, তুমি আমাকে এমন কথা বলছ, অথচ আমি তোমার খলীফা?

একবার তিনি এক ব্যক্তির উপর ত্রুটি হয়ে বললেন, চূপ কর, নইলে আমি তোমাকে বেত্রাঘাত করব।

আলী ইবনুল হুসায়ন মারওয়ান ইবনুল হাকাম থেকে চল্লিশ হাজার দীনার ঋণ গ্রহণ করেছিলেন। কিন্তু বনু মারওয়ান-এর কেউই তার জন্য তাঁকে তাগাদা দেননি। হিশাম খলীফা হয়ে বললেন, তোমার নিকট আমাদের পাওনা কত? তিনি বললেন, প্রচুর। আমি আপনাদের নিকট কৃতজ্ঞ। হিশাম বললেন, তা তোমারই থাকুক।

আমার মতে এই বক্তব্যে আপনি রয়েছে। তার কারণ, আলী ইবনুল হুসায়ন ইন্তিকাল করেন চুরানববই হিজরীতে হিশাম-এর খিলাফতের মসনদে আসীন হওয়ার এগার বছর আগে। কেননা, হিশাম খিলাফতের মসনদে আসীন হন একশত পাঁচ হিজরী সনে। কাজেই লেখকের বক্তব্য বনু মারওয়ান একজন খলীফা ও আলী ইবনুল হুসায়ন-এর খণ্ডের জন্য তাগাদা দেননি। এবং হিশাম খলীফা ও উক্ত সম্পদের জন্য তাগাদা দেন এই বক্তব্য সঠিক নয়। কেননা, আলী হিশাম-এর খিলাফত লাভের আগেই ইন্তিকাল করেন। মহান আল্লাহ'র তাল জানেন।

ব্যাপক রক্তপাতের কারণে হিশাম সবচেয়ে অশ্রুয় মানুষ ছিলেন। যায়দ ইবন আলী ও তার ছেলে ইয়াহ্যার হত্যাকাণ্ডে তাঁর মধ্যে তীব্র প্রতিক্রিয়া সৃষ্টি হয়। ফলে তিনি বললেন, আমি আমার সমুদয় সম্পদ দিয়ে হলেও এই হত্যাকাণ্ডের প্রতিকার করতে চাই।

মাদাইনী হয়াই গোত্রের জনৈক ব্যক্তির সুত্রে হিশাম-এর গোলাম বিশ্র থেকে বর্ণনা করেন যে, বিশ্র বলেন, হিশাম এক ব্যক্তির নিকট গমন করেন, যার কাছে একটি দাস, মদ ও একটি গীটার ছিল। দেখে হিশাম বললেন, তোমরা তাস্বরাটা ওর মাথার উপর ভেঙ্গে ফেল। শুনে লোকটি কেঁদে ফেলল। বিশ্র বলেন, হিশাম তাকে প্রহার করলেন। লোকটি বলল, আপনি কি ভাবছেন, আমি মারের কারণে ক্রন্দন করছি। আমি কাঁদছি আপনি গীটারকে তাস্বরা বলে তাছিল্য করার কারণে।

একদিন এক ব্যক্তি হিশামের সঙ্গে কঠোর ভাষা ব্যবহার করে। জবাবে হিশাম বললেন, তোমার ইমামকে এরূপ কথা বলা তোমার জন্য অনুচিত।

এক ব্যক্তি জুমুআর দিন তার ছেলের খৌজে বের হয়। হিশাম তাকে ডেকে নিয়ে জিজ্ঞাসা করেন, তুমি জুমুআতে উপস্থিত হলে না কেন? লোকটি বলল : আমার খচের আমাকে বহন করতে অক্ষম হয়ে পড়েছে। হিশাম তাকে জিজ্ঞাসা করেন : তুমি কি হাঁটতে পার না? তারপর তিনি তাকে এক বছরের জন্য সাওয়ার হতে নিষেধ করে দেন এবং পায়ে হেঁটে জুমুআতে হায়ির হওয়ার নির্দেশ দেন।

মাদাইনী বর্ণনা করেন যে, এক ব্যক্তি হিশাম-এর নিকট দুটি পাখি হাদিয়া প্রেরণ করে। দুটি যখন পাখি দুটো নিয়ে হিশাম-এর নিকট এসে পৌছান, হিশাম তখন তাঁর গৃহের মধ্যখানে পালংকের উপর উপবিষ্ট। তিনি দুটকে বললেন : পাখি দুটো ঘরের মধ্যে ছেড়ে দাও। দুটি পাখি দুটো ছেড়ে দিয়ে বলল : আমার বখশিশ, আমীরুল মু'মিনীন? হিশাম বললেন : ধ্যাঁ, দুটো পাখি হাদিয়া দিয়ে আবার বখশিশ! যাও, এ দুটোর একটা নিয়ে যাও। লোকটি পাখি দুটোর একটির পিছনে দৌড়াতে শুরু করে। হিশাম বললেন : কী ব্যাপার, হলো কী? লোকটি বলল : ভালটা নিয়ে নেব। হিশাম বললেন : ও ভালটা নিয়ে মন্দটা রেখে যাবে? তারপর তিনি তার জন্য চল্লিশ কিংবা পঞ্চাশ দিয়ে দেওয়ার আদেশ দেন।

মাদাইনী ইউসুফ ইব্ন উমর-এর লেখক মুহাররম থেকে বর্ণনা করেন, মুহাররম বলেন : ইউসুফ আমাকে একটি লাল ইয়াকৃত ও একটি মুক্তা দিয়ে হিশাম-এর নিকট প্রেরণ করেন। জিনিস দুটো ছিল খালিদ ইব্ন আবদুল্লাহ আল-কামুরীর দাসী রাবিআর। ইয়াকৃতটি তেহাতের হাজার দীনার মূল্যে কেনা। মুহাররম বলেন : আমি হিশাম-এর নিকট গেলাম। তখন তিনি ফরাশ বিছানো পালংকের উপর বসা ছিলেন। আমি ফরাশের উপর দিক থেকে হিশামের মাথাটা দেখতে পাইনি। আমি ইয়াকৃতটা তাঁর সম্মুখে পেশ করলাম। তিনি জিজ্ঞাসা করলেন : এর ওষ্ঠ কতটুকু ? আমি বললাম : এ জাতীয় সম্পদের কোন তুলনা থাকে না। শুনে তিনি নীরব হয়ে গেলেন।

ইতিহাসবিদগণ বলেন : হিশাম একদল মানুষকে যায়তুন পাড়তে দেখলেন। তিনি বললেনও একটি একটি করে পেড়ে নাও- একবারে ছাড়া দিও না। অন্যথায় তার চোখ ঝঁঢ়ে হয়ে যাবে ও ডাল-পালা ভেঙে যাবে।

তিনি বলতেন : এমন তিনটি বিষয় আছে, যেগুলো অন্ত লোকেরা বিনষ্ট করে না। তৈরী বস্তু সংরক্ষণ করা, জীবনটাকে পরিশুল্ক করা এবং অল্প হলেও সত্য অনুসন্ধান করা।

আবু বাকর আল-খারাইতী বলেন : কথিত আছে, হিশাম নিম্নোক্ত পংক্তিটি ছাড়া আর কোন কাবিতা বলেননি :

إذا أنت لم تعص الهوى قاتك الهوى * إلى كل فيه عليك مقال

অর্থাৎ 'তুমি যদি প্রবৃত্তির অবাধ্যতা না কর, তাহলে প্রবৃত্তি তোমাকে এমন পরিণতির দিকে টেনে নিয়ে যাবে, যাতে তোমার অর্থাদা রয়েছে।'

অবশ্য তাঁর নামে এটি ছাড়া অন্য কবিতাও বর্ণিত আছে।

ইকাল ইব্ন শাবাহ থেকে যথাক্রমে ইব্ন আবু বুজায়লা ও ইব্ন ইয়াসার আল-আ'রাজী সূত্রে মাদাইনী বর্ণনা করেন যে, ইকাল ইব্ন শাবাহ বলেন : আমি হিশাম-এর নিকট গেলাম। তখন তাঁর গায়ে গাঢ় সবুজ বর্ণের একটি কাবা ছিল। তিনি আমাকে খুরাসান রওয়ানা হয়ে যেতে বলে আমাকে উপদেশ দিতে শুরু করেন। আর আমি তাঁর কাবাটার প্রতি তাকাচ্ছি। তিনি বিশয়টা বুঝে ফেলে বললেন : কী ব্যাপার ? আমি বললাম : আপনার গায়ের সবুজ কাবাটা দেখছি। আমি তো খীঁফ হওয়ার আগেও এরূপ একটি আপনার গায়ে দেখেছিলাম। ফলে ভাবতে লাগলাম, এটা কি সেটাই, নাকি অন্য একটা। তিনি বললেন : সেই আল্লাহর শপথ, যিনি ছাড়া আর কোন ইলাহ নেই। এটা সেটাই। এটা ছাড়া আমার আর কোন কাবা নেই। আর আমার নিকট যেসব সম্পদ দেখছ, সেগুলো তোমাদের !

ইকাল বলেন : হিশাম হাড়ে হাড়ে ব্যাল ছিলেন।

সাফ্ফাহ-এর চাচা আবদুল্লাহ ইব্ন আলী বলেন : আমি বন উমায়্যার সকল নথিপত্র একত্র করে পর্যালোচনা করেছি। পর্যালোচনায় হিশাম-এর নথি অপেক্ষা জনগণ ও সরকারের জন্য বেশী সঠিক নথি আর কারোটা দেখিনি।

মাদাইনী বলেন : হিশাম ইব্ন আবদুল মজীদ বলেন : বন মারওয়ান-এর কেউ সঙ্গী-সাথী ও নথিপত্রের প্রতি হিশাম অপেক্ষা বেশী দৃষ্টি রাখতেন না এবং হিশাম-এর চেয়ে বেশী যাচাই-বাছাই করতেন না। আর হিশাম-ই গায়লান আল-কাদরীকে হত্যা করেছিলেন। গায়লানকে যখন তাঁর সম্মুখে উপস্থিত করা হলো, তিনি তাকে বললেন : তোমার ধৰ্ম হোক, তোমার মতবাদটা খুলে বল। যদি তা সত্য হয়, তাহলে আমরাও তাঁর অনুসরণ করব। আর যদি যথ্য হয়, তাহলে তুমি সেই মতবাদ পরিত্যাগ করবে। ফলে মায়মুন ইব্ন মিহরান তাঁর সঙ্গে বিতর্কে লিঙ্গ হন। গায়লাম মায়মুনকে কিছু কথা বললেন। উভরে মায়মুন বললেন : তুমি কি বাধ্য হয়ে মহান আল্লাহর অবাধ্যতা করছ ? শুনে গায়লান নিচুপ হয়ে যায়। তখনই হিশাম তাকে বন্দী করেন এবং হত্যা করে ফেলেন। আসমা'ঈ আবুয়িনাদ সূত্রে মুনযির ইব্ন উবাই থেকে বর্ণনা করেন যে, মুনযির বলেন : আমরা হিশাম-এর রাজকোষ থেকে বার হাজার জামা পেয়েছিলাম, যার সবগুলোই ছিল ত্রুটিপূর্ণ।

হিশাম তাঁর পিতার সমীপে তিনটি অভিযোগ পেশ করেন : ১. তিনি যিষ্ঠেরে আরোহণ করতে ভয় পান। ২. খাবার কম খান এবং ৩. প্রাসাদে তার নিকট একশত সুন্দরী দাসী আছে। কিন্তু তিনি তাদের কারো নিকট যেতে পারছেন না। উভয়ের তাঁর পিতা লিখেন : তুমি যখন মিষ্ঠেরে আরোহণ করবে, তখন সকলের পিছনের লোকটির প্রতি চোখ ফেলবে। তাহলে বিষয়টা তোমার জন্য সহজতর হয়ে যাবে। স্বল্প আহারের কথা বলেছ। তো তুমি তোমার বাসুচিকে নির্দেশ দিয়ে একাধিক পদের খাবার তৈরী করাও এবং প্রতি পদ থেকে কিছু কিছু করে খাও। আর তোমার তৃতীয় সমস্যার সমাধান হলো, তুমি ফর্সা, কোমলদেহী ও সুন্দরী দাসীর নিকট গমন কর।

আবু আবদুল্লাহ শাফিউ বলেন : হিশাম যখন শহরের চারদিকে দুর্ভেদ্য বেষ্টনী নির্মাণ করলেন, তখন বললেন : আমি কামনা করি, নগরীতে একটা দিন এমনভাবে অভিবাহিত করি যে, আমার নিকট এই দিনটিতে কোন দুঃসংবাদ না আসুক। কিন্তু বেলা দ্বি-প্রত্যহ হতে না হতেই কোন এক সীমান্ত থেকে রক্ষমাখা পালক এসে হায়ির। সংবাদ শুনে তিনি বললেন : না, একটি দিনও শাস্তিতে কাটাতে পারলাম না।

সুফিয়ান ইবন উয়ায়নাহ বলেন : হিশাম তাঁর নিকট এমন পত্র লিখতেন না, যাতে মৃত্যুর উল্লেখ থাকত।

উমর ইবন আলী থেকে যথাক্রমে শিহাব ইবন আব্দে রাবিহী, হসায়ন ইবন যায়দ ও ইবরাহীম ইবনুল মুন্যির আল-হায়ানী সূত্রে আবু বাকর ইবন আবু খায়সামা বর্ণনা করেন যে, উমর ইবন আলী বলেন : আমি একদিন মুহাম্মদ ইবন আলী ইবনুল হসায়ন ইবন আলী ইবন আবু তালিব-এর সঙ্গে হামামের নিকটে তার বাড়ীতে গেলাম। আমি তাকে বললাম : হিশামের রাজত্বকাল অনেক দীর্ঘ হয়ে গেছে— প্রায় বিশ বছর। অনেক লোক মনে করত, সুলায়মান (আ) তাঁর প্রভুর নিকট এমন রাজত্ব প্রার্থনা করেছিলেন, যা তাঁর পরে আর কারো ভাণ্ডে জুটিবে না, তা হলো বিশ বছর। তিনি বললেন : মানুষ কী সব বলছে, আমি বুঝি না। আমার পিতা তাঁর পিতার সূত্রে বর্ণনা করেছেন যে, রাসূলুল্লাহ (সা) বলেছেন : পূর্বেকার কোন নবীর উচ্চতের মাঝে আল্লাহ কোন রাজাকে এত আয়ু দান করেননি, যত আয়ু এই উচ্চতের নবীকে দান করেছেন। কেননা, আল্লাহ তার নবীকে পবিত্র মুক্তায় তের বছর এবং পবিত্র মদীনায় দশ বছর আয়ু দান করেছেন।

ইবন আবু খায়ছামা বলেন : আমি আলোচ্য বিষয়ের এই হাদীসটিকেই শুধু এড়িয়ে গেছি। ইয়াহুইয়া ইবন মুঈন আমার কিতাব থেকে এ হাদীস পাঠ করে জিজ্ঞাসা করলেন : এটি তোমাকে কে বর্ণনা করেছে ? আমি বললাম : ইবরাহীম। ফলে তিনি নিজে এ হাদীস শুনেননি বলে দুঃখ প্রকাশ করলেন। ইবন জারীর তাঁর ইতিহাসে আহমাদ ইবন যুহায়র ও ইবরাহীম ইবনুল মুন্যির আল-হায়ানী সূত্রে এ হাদীস বর্ণনা করেছেন।

আবদুল্লাহ ইবনুয় যুবায়র হতে যথাক্রমে ‘আসিম ইবনুল মুন্যির ইবনুয় যুবায়র আববাদ ইবনুল মু’আরা ও কাসিম ইবনুল ফযল সূত্রে মুসলিম ইবন ইবরাহীম বর্ণনা করেন যে, আবদুল্লাহ ইবনুয় যুবায়র আলী (রা)-কে বলতে শুনেছেন : একজন টেরা মানুষের হাতে বনু উমায়া ধ্বংস হবে। অর্থাৎ হিশাম-এর হাতে।

হিশাম ইবন আবদুল মালিক-এর লেখক সালিম হতে যথাক্রমে আমর ইবন কালী’, আবু মু’আয় আন-নুমায়রী ও উমর ইবন আবু মু’আয় আন-নুমায়রী সূত্রে আবু বাকর ইবন আববু-দুনিয়া বর্ণনা করেন যে, সালিম বলেন : হিশাম একদিন আমাদের নিকট আগমন করলেন। তখন তাকে ক্লান্ত ও চিঞ্চিত দেখাচ্ছিল। তিনি আবরাশ ইবনুল শওয়ালীদকে ডেকে পাঠালেন। আবরাশ এসে উপস্থিত হয়েই বললেন : আমীরুল্লাহ মু’মিনীন! আপনাকে একপ দেখছি কেন ? তিনি বললেন : কেন ইব না, জ্যোতিষীদের ধারণা, আমি আজকের দিন থেকে

তেক্ষিণি দিনের মাথায় মরে যাব। সালিম বলেন : আমরা দিন-তারিখটা লিখে রাখলাম। তিক সেই দিন শেষ রাতে হিশামের দৃত এসে বলল : আমীরুল মু'মিনীন আপনাকে কর্তৃনালীকৃত ব্যথার ওষুধ নিয়ে যেতে বলেছেন। উদ্দেশ্য, আগেও তার এই ব্যথা দেখা দিয়েছিল। ওষুধ খেয়ে ভাল হয়েছেন। আমি ওষুধ নিয়ে হিশামের নিকট গেলাম। তিনি ওষুধ সেবন করলেন। তখন তিনি প্রচণ্ড ব্যথায় কাতরাছিলেন। প্রায় পুরো রাতই এই অবস্থা বিরাজ করে। তারপর তিনি বললেন : সালিম! এবার তুমি বাড়ী চলে যাও। এখন ব্যথা কম লাগছে। আর ওষুধটা আমার নিকট রেখে যাও। আমি চলে গেলাম। কিন্তু বাড়ী পর্যন্ত পৌছার আগেই হিশাম-এর ঘরে টীক্ষ্ণকার শুনতে পেলাম। ফিরে গিয়ে দেখলাম, তিনি মৃত্যুমুখে পতিত হয়েছেন। অন্যরা বর্ণনা করেন : মৃত্যুর সময় হিশাম তার সন্তানদেরকে তাঁর চতুর্পার্শে ক্রন্দন করতে দেখে বললেনঃ হিশাম তোমাদের প্রতি অনুগ্রহ করেছে দুনিয়া দিয়ে আর তোমরা তাকে অনুগ্রহ করছ ক্রন্দন দ্বারা। সে তোমাদের জন্য রেখে গেছে, যা সে সংশয় করেছিল। আর তোমরা তার জন্য হেঢ়ে দিচ্ছ তা, যা সে অঙ্গন করেছে। হিশামের এই পরিণতি কর্তৃই না মন্দ হবে, যদি মহান আল্লাহ তাকে ক্ষমা না করেন। তাঁর মৃত্যুর পর খায়ালী এসে কোষাগার সীলনে হোহ করে দেয়। লোকেরা পানি গরম করার জন্য কয়লাও খুঁজে পেল না। ফলে খণ করে তার জন্য পানি গরম করার ব্যবস্থা করা হয়।

الحكم **الحكم** **الحكم** তিনি একশত পঁচিশ হিজরী সনের রবীউল আখিরের চবিশ তারিখ বুধবার রাসাফায় মৃত্যুমুখে পতিত হন। মৃত্যুকালে তার বয়স হয়েছিল তেপ্পান্ন বছর। কারো কারো মতে তাঁর বয়স ষাট অতিক্রম করেছিল। ওয়ালীদ ইব্ন ইয়ায়ীদ ইব্ন আবদুল মালিক তাঁর নামাযে জানাধার ইমামতি করেন, যিনি হিশাম-এর পুত্র খিলাফতের মসনদে আসীন হন। হিশাম উনিশ বছর সাত মাস এগার দিন, মতান্তরে উনিশ বছর আট মাস কয়েক দিন খিলাফত পরিচালনা করেন। মহান আল্লাহ ভাল জানেন।

আবদুর রহমান হতে যথাক্রমে আবু সালামা ইব্ন আবদুর রহমান, যুহরী, মুসআব ও আবদুল মালিক ইব্ন যায়দ সূত্রে ইব্ন আবু ফুদায়ক বর্ণনা করেন যে, আবদুর রহমান বলেন : রাসূলুল্লাহ (সা) বলেছেন : একশত পঁচিশ হিজরী সনে দুনিয়ার শোভা তুঙ্গে উঠে যাবে।

আবু ফুদায়ক বলেন : দুনিয়ার শোভা হলো ইসলামের আলো ও সৌন্দর্য। অন্যরা বলেন : দুনিয়ার শোভা দ্বারা উদ্দেশ্য মনীষীবৃন্দ। মহান আল্লাহ ভাল জানেন। আমার মতে, হিশাম ইব্ন, আব্দুল মালিক-এর মৃত্যুর সঙ্গে বনু উমায়ার রাজত্ব ও মৃত্যুবরণ করে, জিহাদ ফী সাবীলিল্লাহুর মিশন পিছিয়ে পড়ে এবং তাদের ক্ষমতা টালমাটাল হয়ে পড়ে। যদিও তারপর তাদের ক্ষমতা বছর নয়েকের মত টিকে ছিল। তবে এই সময়টা ব্যাপক বিরোধ ও দাঙ্গা-হাঙ্গামার মধ্য দিয়ে অতিবাহিত হয়। এমনি অবস্থাতেই তাদেরকে হটিয়ে বনু আবাস ক্ষমতার মসনদ দখল করে। তাদের নাজ-নিআমত ছিনিয়ে নেয়। তাদের বিপুল সংখ্যক লোককে হত্যা করে। এ বিষয়ে পরে যথাস্থানে বিস্তারিতভাবে আলোচনা করা হবে। মহান আল্লাহই ভাল জানেন।

বাংলায় ইসলামিক বই ডাউনলোড করতে ভিজিট করুনঃ ইসলামি বই ডট ওয়ার্ড্প্রেস ডট কম।

নবম অংশ সমাপ্ত



ইসলামিক ফাউন্ডেশন বাংলাদেশ